

E. III

18/m

Surge

1110

I: opuscula

{ 4 leaves,  
120 pp.,  
75 pp.,  
84 pp.

II: Epistolae duodeviginti

12 pp., 42 pp.


III: 8 and 96 pp.

Epistolae duae

376 15/D

- 1) Opuscula miscellanea. Venice 1762. With printed ornament or t.p.s.
- 2) Epistolae anatomicae duodeviginti. Bassano. 1764
- 3) Epistolae anatomicae duae. Venice 1762. With printed ornament on t.p.









507634

JO. BAPTISTÆ  
**MORGAGNI**  
EPISTOLÆ ANATOMICÆ  
**DUODEVIGINTI**  
AD SCRIPTA PERTINENTES  
*CELEBERRIMI VIRI*  
ANTONII MARIÆ  
**VALSALVÆ**

QUARUM SINGULÆ AD QUEM EORUM LOCUM, ET AD QUAM ANATOMES, AUT  
ETIAM MEDICINÆ, AC CHIRURGICÆ PARTEM ATTINEANT, PRIMÆ  
POST PRÆFATIONEM PAGINÆ OSTENDENT.

**ACCESSIT PRÆTEREA**  
Index rerum, & nominum accuratissimus.  
**PARS PRIOR.**



**BASSANI.**  
MDCCLXIV.

~~~~~  
**SUMPTIBUS REMONDINIANIS.**  
SUPERIORUM PERMISSU, AC PRIVILEGIO.







ILLUSTRISSIMIS  
ATQUE  
EXCELLENTISSIMIS VIRIS  
ÆDIS DIVI MARCI PROCURATORIBUS  
JOANNI EMO,  
LAURENTIO THEUPOLO Equiti,  
PETRO GRIMANO Equiti,  
MODERATORIBUS PATAVINI GYMNASII,  
OMNIQUE TRIUMVIRUM LITTERARIORUM ORDINI AMPLISSIMO

Joannes Baptista Morgagnus S. D.



UM Bononiensis Instituti Scientiarum Academia, & Hæredes Antonii Mariæ Valsalvæ, Anatomici memoria nostra cum paucis comparandi, hujus posthumis tum Dissertationibus, tum scriptis cæteris ad me missis, petiissent, ut illas recenserem, ex his autem si quid dignum luce videretur, seligerem, & cum Dissertationibus illis ederem; non libenti solum, sed lætanti etiam animo morem gessi. Nam & Cœtui illi Præstantissimo multis ac magnis jam usque a prima adolescentia nominibus obstrictus sum, & Valsalvam in dissectionibus habui præceptorem; ut gratum fane accideret, occasionem dari mihi, qua & huic mor-



tuo, & illis viventibus aliquam referre gratiam possem. Itaque eo magis gavitus sum, quo maiorem mihi laborem tum legendo, tum secando, tum scribendo sumendum esse, intellexi, si quidem vellem (ut certe volui; utinam vires fuerint voluntati pares) pro rerum dignitate, & pro veri studio susceptum negotium conficere. Atque hoc sane, bene multos annos me habuit occupatum: id quod Epistolæ ostendunt, quæ mihi, non posthuma tantum, sed & quæ Valsalva ipse ediderat, Scripta meis observationibus illustrare, & editione hac proponere volenti, in duo volumina excrevere. Ad quæ conscribenda, ut gratus me, sicut dixi, animus adduxit; sic in vulgandis quoque constitui, ut memorem me Vestrorum, VIRI AMPLISSIMI, tot, tantorumque Beneficiorum comprobarem. Cum enim quidquid ab undetriginta annis AUGUSTUS vester SENATUS aut benigne de me, aut munifice in me censuit; referentibus Vobis, censuerit; intelligere omnes volui, eam a me Vobis gratiam quam possem, haberi, si in Vestro Nomine hæc volumina apparerent, in quibus, si minus quod a me, at certe quod a Valsalva est, Vestra magna æque ac Generis, & Amplitudinis, mentis præstantia, sapientiaque non indignum videri potest. Quamquam cum hic meus omnis labor circa eam ipsam quæ mihi in Gymnasio hoc Vestro commissa est, Rem Anatomicam versetur, aut ab ea pendeat; hoc saltem nomine haud displiciturum Vobis esse confido, quod in eo suscipiendo, perferendoque ita aliis morem gesserim, ut simul Vobis pro eo ac debeo, & mea fert mediocritas, obtemperaverim. Quod reliquum est, DEUM O. M. veneror, ut Vos omnes, AMPLISSIMI VIRI, Immortali Vestræ REIPUBLICÆ quam diutissime servet incolumes.



# JOANNES BAPTISTA MORGAGNUS

H A S S U A S

XVIII. EPISTOLAS

BENIGNE LECTURIS S. P. D.



NON sum nescius, miratos sæpe fuisse plurimos, quid esset, cur tandiu ego Scripta proferre Antonii M. Valsalvæ Anatomici Nobilissimi, measque ad illa Adnotationes morarer. Quorum ego admirationi etsi occurrissè satis videor in ejusdem Vita, quam Scriptis illis præposui; tamen non æquum minus, quam utile est, ut hic fufius, quod ad meas attinet Adnotationes, satisficiam. Nam quantum mihi laboris, ac temporis insumptum sit tum in ejus chartis omnibus perlegendis, feligendis, conferendis, tum quæ inciderint, quam gravesque difficultates, non tam in ejus Scriptis ad editionem apparandis, quam in consilio capiendo, quo potissimum modo ederem sic ut magnam a me officii, atque amicitiae, maximam veri habitam esse rationem, constaret; de his, opinor, omnibus satis in ea Vita expositum est. De illo autem modo, non satis. Cum enim quæ in Scriptis præstiti, fufè indicaverim; quæ in Adnotationibus præstiti, ea vero attigi presse adeo, ut nisi hic aliquanto copiosius explicem, vix antequam omnes perlegantur, ac ne vix quidem possit intelligi, quantum illæ studii, operæ, temporis absumpserint, & quas habeant ( si modo aliquam mea habent ) utilitates.

2. Ac primum quidem sperabam brevibus adnotatiunculis rem conficere, quas in imis paginis adscriberem. Sed excrefcens supra opinionem materia cito ab illa cogitatione me abduxit. Tum cœpi in certas partes, certoque ordine dividere: multumque jam ea scribendi ratione provectus eram, cum sensi denique, si porro ita pergerem, fortasse prius mihi vitæ finem, quam ejus generis scriptionis futurum. Hæc enim erat ejusmodi, ut cum præcipuarum Partium humani corporis vix ulla esset ad quam aliquæ in Valsalvæ chartis observationes non attinerent, cumque has ego omnes exponere, measque insuper sic adjicere instituissem, ut neque Anatomes ipsius historiam, neque ultima Cl. Virorum inventa, neque in bestiis animadversa, neque omnium usus, quos quidem scirem, neque opportuna judicia prætermitterem; fieri non posset, quin tota Res Anatomica, ad eum modum pertractata, complura, eaque ingentia, volumina postularet. Cujus incepti perficiendi utinam spem voluntati parem habere potuissem; multo illud Valsalvæ honorificentius fuisset, mihi vero occasionem præbuisset plene cumulateque ostendendi, quid in quavis meæ Facultatis parte sentirem. Hoc mihi optandum potissimum fuit abhinc annis octo, cum boni quidam juvenes, sed nimium, opinor, amantes mei, excipere conati quidquid eo anno potui de Re Anatomica in viginti Exercitationes contrahere, etsi male subsecuti verba sententiamque ex tempore, ut soleo, dicentis, alia omiserant, alia addiderant, plura mutaverant; tamen illorum aliqui non dubitarunt eorum quæ ita scripserant, copiam facere nonnullis credulis adolescentibus; ut cum hi primum, mox alii, atque alii descripsissent, alioque intulissent; parum abfuerit quin temerario editionis honore, sub meo nomine, aliorum non oscitationes modo, atque ineptiæ, sed portenta, & monstra vulgarentur. Illorum tamen plerique in pagellis non ita multis se tenere omnia arbitrabantur quæcunque ego de Anatome universa cognita haberem: quæ quantulacunque sunt; tot quidem sunt, ut non nisi aut



multorum annorum Exercitationibus, aut pluribus, ut dictum est, voluminibus satis possint explicari.

3. Sed ego jam tum, longe aliud mihi consilium ceperam, magnaue ex parte secutus fueram: quod erat ejusmodi, ut quoniam de duobus illis prioribus alterum propter brevitatem par non erat materiae, alteri ob longitudinem par esse vita posse non videbatur; mediam quandam insisterem viam, dilatisque in aliud tempus cæteris Partibus, primum quidem circa illas dumtaxat versarer, de quibus in edendis Valsalvæ Scriptis verba fierent. Itaque cum forte egregius Vir, utriusque nostrum Amicus, ex me per litteras quæsisisset, quid a me tandem in illius schedis inventum esset quod ad ejusdem attineret de Aure Humana Tractatum; ego a primo hujus capite incipiens, experiri volui, an possem simul Amici desiderio, simul ei quod ceperam, consilio satisfacere. Conjectis igitur in duas Epistolas iis omnibus quæ ad caput illud primum a me credideram posse adnotari, visa res utrique nostrum non plane indigna quæ ad eundem modum usque ad Tractatus finem, inde vero per singulas tres posthumas Dissertationes ex ordine perduceretur. Ita mihi natæ sunt Epistolæ XVII: quæ cum satis dilucide, atque ordinate complecterentur pleraque omnia quæ nunc edere constitueram; nihil esse causæ visum est, cur hæc, quantum mutata scribendi forma, ex epistolis in libro transferrem, hosque in capita dividerem. Nam quod pleræque longiores sunt, quam videatur epistolis convenire; non est mihi verenda plurimum antiqua ista reprehensio, post tot exempla Doctissimorum Virorum: etenim Andreas Vesalius (ut ne alios hic, quam Anatomicos, imo Anatomicorum Principes, nominem) quam longam scripserit Epistolam (a) ad Joachimum Roelants, quam longam item Bartholomæus Eustachius (b) ad Fabium Amicium, nemo est qui ignoret, ut neque illud, *Anatomicas* Gabrielis Falloppii *Observationes*; si vera fateri volumus; nihil esse aliud nisi longissimas litteras ad Petrum Mannam. Nec vero me labor absterruit; quid enim facilius, quam ordine scripta, in libros, & capita tribuere? sed potius placuit ut perpetuum institutum tuerer meum; ut quoniam mihi nunquam accidit ut aliquid scriberem quod mihi undique probaretur, non meam ipse de meis scriptis sententiam splendidis inscriptionibus dissimularem, sed modestioribus titulis, velut *Adversariorum*, aut *Epistolarum ad Amicos*, ultro indicarem.

4. Ex his quæ hætenus memorata sunt, proclive est intelligere, quot me annos distingere debuerint primum Valsalvæ Scripta, tum de meis Adnotationibus deliberatio, tum multiplex ratio scriptionis, denique tot, nec brevium, Epistolarum confectio, præsertim cum his unis, ut optandum fuerat, sæpius vacare non liceret. Nam præter publicas neque leves, neque unius generis, & in his quasdam sane permolestas, occupationes, privatæ nunquam fere defuerunt homini; ut mittam familiæ non modicæ patri; nihil unquam negare cuiquam volenti quod honeste præstare posset aut docendo, aut consilia medica sive coram, sive per litteras communicando, aut quavis alia, id quod plures Amicorum probe sciunt, ratione inserviando. Accesserunt huc quædam Opuscula, quæ alio attinent, certis de causis interea conscribenda: quorum, cum aliqua, & in his præsertim *Epistolæ Anatomica I. & II.*, ab Amicis fuerint vulgata, satis est sic in transitu mentionem fecisse.

5. Ut autem facilius intelligatur, quantum postulaverit temporis susceptus labor; paucis ostendendum est, quam multiplex fuerit, quamque operosus. Principio, Auris una quidem vox est; sed Particulas significat prope innumeras, ex quibus constat, cartilagineas, osseas, musculosas, glandulosas, vasculosas, membraneas, nerveas plerasque alte abditas, ac penitus retrusas, easdemque minutissimas. Eas oportuit, & quidem sæpius, incredibili, & diuturno labore singulas persequi; nec eastantum, verum quas insuper in Tractatu de Aure Valsalva interjecerat, Pharyngem, & Uvulam: ad hæc *Observationes*, *Experimenta*, *Curationes*, etiamsi alio spectant ex parte; tamen, ut ille interposuit, sic a me omnia, aut certe præcipua attendi debuerunt. Quid dicam de Dissertationibus, numero paucis, sed re, tam multa, tamque diversa complectentibus? In illis enim de tribus agitur Vinculis in quæ exteriores Recti intestini carneæ fibræ se per universum Colon producant, tum de Sinibus quatuor arteriæ Magnæ, de nervis ad par Vagum accedentibus, de musculosis duobus Annulis, eoque præsertim qui Opticum nervum moderatur; deque hujus, & Oculi quibusdam Tunicis,

præ-

(a) De Rad. Chyn. (b) Exam. Off. & de Mot. Capit.



præterea de Suffusione, & Glaucomate, novissime de excretoriis renum Succenturiatorum Ductibus, deque eorum utilitate. Quibus de rebus, & plerarumque earum usibus ut sermo haberi in Epistolis posset vel dilucidior, vel plenior, aut etiam ne aliæ, haud ita disjunctæ, tum Valsalvæ observationes, tum meæ diutius delitescerent; non dubitavi addere passim alia, atque alia (id quod super Tractatu quoque de Aure non semel feci) ut de Crassis intestinis omnibus, & de Lumbricis; ut de arteriæ Magnæ, ac Pulmonaris, & venarum, cordis Coronariæ, sine pari, Jugularis Internæ, Subclaviæ, Cavæ Inferioris, aliarumque, & Foraminis Ovalis, Ostiolis, deque aliis rebus aut in nonnullis earum venarum, aut in ipso Corde observatis; ut de plerisque Nervis Cerebri; ut de Oculorum, non solum memoratis, aliisque vitiis, sed & Musculis, & Tunicis, & Humoribus universis; ut postremo de omnibus quæ ad renes attinent Succenturiatos. Apparet igitur, quam mihi labor multiplex fuerit.

6. Quam vero fuerit operosus, hæc poterunt facile docere. Primum, de iis quæ memorata sunt, omnibus quid, & quatenus, & qui Majorum tradiderint, accurate, quantum memoria tulit, demonstravimus, ipsis eorum verbis productis, &, ne alibi quærenda essent; orationi interjectis; ut sic unaquaque in re inventorum series, & historia pateret. Deinde quæcunque Valsalva addidit sive ex hominum, bestiarumve observatione, sive ex peculiari animadversione, protulimus, ex editis quidem Scriptis presse indicantes, ex Chartis autem omnibus depromentes ea cum fide, ut quandocunque opus esse visum est, ipsius verba descripta exhibuerimus: ejusdemque fidei fuit, quæ olim ex ore ejus acceperamus, non suppressere; sed ultro Auctori tribuere. Tum post illum, quid alii Clarissimi Viri de iisdem rebus prodiderint, in medium, pro eo ac nobis usus fuit, prolatis eorum verbis, ostendimus: quæ ubi aut italica, aut gallica, aut anglica erant, latine reddidimus: idque eam potissimum ob causam monemus, ut siquid forte aliquando a nobis in vertendo peccatum sit; quanquam ne id facile accideret, diligenter operam dedimus; noster, non illorum, error censeatur. Postea, quid & nobis tum in hominibus, tum in aliis animantibus olim, & novissime spectare contigerit, sincere proposuimus. Postremo, quid judicii nostri esset; quantum judicare tamen possumus; candide ingenueque patefacere non omisimus.

7. Hæc omnia (quæ si non eodem semper quo hic commemoravimus, ordine; semper tamen, quoad licuit, præstare conati sumus) quam longinqui temporis & singula fuerint, & universa, æquos speramus & intelligentes existimatores non difficile cognituros. Verum etsi diu, multumque in legendo, multoque etiam magis in observando fuerimus occupati, quippe qui nihil consueverimus Auctori cuiquam tribuere quod non haustum ex ipsis fontibus, nihilque ex anatome proponere quod non propriis oculis, nec semel, perspectum habeamus; nihil tamen nos diutius detinuit, quam difficillima deliberatio, quam potissimum in judiciis exponendis rationem sequeremur, & quibus uteremur verbis, ut noster omnibus pateret animus, quandocunque, ipsa veri vi cogente, aut cum Valsalva, aut cum Doctissimis aliis amicissimisque Viris idem sentire non possemus. Perquam enim grave & molestum est, quorum eadem voluntates sint, non licere eadem esse judicia, & quibus, benevolentia erga nos, & promeritis, omni tempore devincti erimus, ab iis interdum opinione, aut observatione, invitos, dissidere. Hæc sane ad cæteras quas studium veri inquirendi & proferendi nos capere molestias coegerat, velut magnus cumulus accessit. Quo magis data a nobis opera est, ut nostri animi sensus, si minus ibi apparere posset, ubi discrepavimus; at certe maxime se ostenderet, ubi eadem licuit sentire. Et Valsalvam quidem ubicunque fas esse credidimus, perlibenter laudavimus, ac diligenter defendimus. Cæterorum qui vivunt, nomen, siquando dissensimus, more nostro reticuius: quod vicissim, quotiescunque sumus assensi, debita cum laude protulimus, nihil æque veriti, quam ne parum grati eorum in nos, in Remque Anatomicam meritis videremur.

8. Atque hinc nova sæpe extitit moræ causa, dum scriptis jam aliquot, dein plerisque, novissime omnibus Epistolis, alii subinde, atque alii prodibant libri qui ad earum aliquas sæpius ex parte, nonnumquam toti pertinerent. Nolui credi, non tam non vidisse ipse, quam neglexisse, qui ab iis quæ scripseram, discreparent. Multoque etiam magis videri illis nolui qui nescirent, quanto ego antea certas quasdam res animadvertissem, invenissem, ostendissem, scripdissem, videri, inquam, nolui has ipse ab aliis accepisse, qui interea dum ego cunctarer, in easdem forte incidissent; si eorum nomina locosque si-



lento præteriens, quasi de industria, dissimularem. Sed illa præcipue cordi fuerunt, ut Præstantissimorum Virorum auctoritate res confirmarem meas; ut siquid aliter atque ego, vidissent, aut animadvertissent, quod, iterum ac sæpius quærendo, cogitandove, probandum esse, cognoscerem, per eos, quod nonnunquam accidit, proficerem; ut siue igitur sequerer, siue una pergerem, siue pro eo ac comperiebam, assensum sustinerem; omnibus certe, quantum scire mihi liceret, aut meminisse, Claris, & spectatæ fidei Viris, qui aut re, aut proposito essent de his Anatomix partibus bene meriti, eam quam ego quidem possem, laudando, & commemorando gratiam referrem. Verum hæc quæ dixi, non perperam facere volenti difficultas & retardatio operis in dies augebatur. Libri erant perlegendi: quæ docerent, ad rectæ rationis, & ad anatomes normam exigenda: secundum hanc aut Valsalva defendendus; aut manus dandæ. Subsistebat interea quasi in medio cursu prior illa alacritas scribendi: ad quam cum referre postea me vellem, non eandem experiebar, idemque mihi accidere intelligebam, quod vel sibi M. Cicero (c) *non tam facile interrupta contextenti, quam absolventi instituta*. Atque hoc quidem persæpe; sed illud multo sæpius, quod longe & gravius, & difficilius, usu veniebat, ut cum perfectæ jam Epistolæ quidpiam alicubi aut detrahere, aut adicere, aut immutare constituisssem, tunc enimvero re ipsa agnoscerem, jure illa scripta fuisse a minori Plinio (d), *multa retinere, --- alia interscribere, alia rescribere, laboriosum istud & tædio plenum, --- postremo nova velut membra peracto corpori intexere, nec tamen priora turbare*: quanquam eum plerique laborem, & tædium in communi retractandi cura; nos in peculiari quadam, atque identidem renovata experti sumus.

9. Sed hæc non tam cunctationis, ut speramus, non inutilis, quam hallucinationis alicujus nostræ excusandæ causa dicta volumus. Vix enim fieri videtur posse; tametsi ne fieret operam dedimus; quin nobis in opere non modo tam longo, tam vario, tam diuturno, sed etiam toties intermisso, atque interpolato, aliqua posita, aut aliqua item omissa fuerint, quæ minus vellemus. In illis tamen, æqui Lectores non eos locos numerabunt, in quibus actum agere videri possumus, si quis, non quo tempore eos scripsimus, sed quo tandem edimus, attendat. Nec vicissim mirandum erit, quorundam esse a nobis librorum commemorationem prætermisam, qui ad certas quasdam aliquarum Epistolarum attinebant partes; quippe qui aut Epistolis omnibus, aut illis ipsis ad quas spectabant, non tantum summa manu imposita jam dudum perfectis, sed etiam descriptis, & ad Amicum, ut sic tandem ederentur, remissis, prodierunt, aut certe in nostras venerunt manus. Si antequam remitteremus, venissent; fecissemus id quod in aliis quibusdam; sed præsertim in extrema Epistola XV. facere non omisimus; ut a nobis visos esse, intelligeretur. Sed & alios quod serius vidimus, in posterioribus Epistolis data aliqua occasione memoravimus; ut constare posset, tanto libentius in prioribus, ubi aptior ad id locus, fuisse laudaturos. Utinam id saltem facere potuissemus cum antea de quodam loco Præcl. Hunauldii in Commentariis Regiæ Scientiarum Academiæ Parisiensis ad A. 1735. tum postea de *Dissertatione Epistolica de differentiis quibusdam inter hominem natum & nascentum*, accuratis pluribus & Observationibus, & Iconibus exornata, quam nuper ad nos benigne misit Doctissimus Auctor Christophorus Jacobus Trewius, & de *Observationibus Eruditissimi Anatomici Halleri de Valvula Eustachii*, quo nos Progammate, eodem tempore donavit Celeberr. Professor Laurentius Heisterus, præsertim vero de elaboratissimis, nec immerito tandiu expectatis, hujus *Institutionibus Chirurgicis*, deque aliis fortasse quibusdam libris, quos omnes, dum hæc præfaremur, ab ejusdem amicissimi Viri liberalitate accepimus. Quosdam etiam frustra ad hoc tempus expectavimus; nonnullos frustra quæсивimus, sed oppido paucos: unum vero aut alterum justis de causis ne quærendum quidem nobis arbitrati sumus. Sed tamen, siquid nunc omittimus; spes est, in aliis Epistolis supplendi occasionem non defuturam. Multa enim restant tum Valsalvæ, tum nostra, quæ olim, si Deus annuerit, proferamus.

10. Tunc erit locus emendandi, siqua hic fatiscavere non potuimus: ut nunc ultro, nec uno in loco, quædam correximus quæ aliis in Scriptis nos fugerant. Quod ut nostra sponte, & voluntate fecimus, ita faciemus admoniti, siue eadem, ut ab Honestis Doctisque Viris sperare juvat, ratione admoneamur, quam,

(c) De Legib. l. 1. (d) l. 7. Epist. 9.



quam, ut supra indicatum est, adversus alios hic servavimus, sive etiam apercius aliquanto ac liberius; modo cum ea libertate conjuncta sit veritas. Hanc enim unam tantopere amamus, ut quocunque eam pretio libenter consequi parati simus: quo etiam fit, ut quasdam minime probemus nonnullorum Præfationes, quæ e contrario, notis, ignotisque minantur; nisi forte eo consilio scripserunt, ut cum sibi neminem esse responsurum, timerent; omnes viderentur absterruisse. Hi nempe sunt, qui; si eorum ænigmata probe intelligimus; ab Anatomicis nihil, nisi nova requirunt inventa, susque deque habentes sive aliquid jam inventis addatur, sive ab his novæ deducantur utilitates, sive aut recentes ( in quo sibi fortasse, sed frustra, metuunt ) aut veteres, necdum animadversi, errores tollantur; quasi in hoc uno Joannes Bapt. Carcanus (e) summi Anatomici laudem non esset assecutus. Quid, cum obsoleta inventa restituuntur? quid, cum dubia confirmantur? quid, cum falsa refutantur? Sed nimirum qui hæc, atque alia ejuscemodi, quamvis multo utilissima, in Professorum libris contemnunt, & novam in dies atque indeficientem existere posse inventorum uberrimam quasi messem, non dubitant, quando vix spicilegiis relictus est locus; iidem pro veris, falsa; pro constantibus & perpetuis, raro aut fortuito contingentia; pro novis, antiqua inventa videntur accipere. Quod & quam facile accadat, & qua ratione cavendum sit, cum alia, tum præsertim hæc scripta nostra poterunt demonstrare. Ex his enim patebit, quot res quæ vulgo, ob historiæ Anatomies ignorationem, repertæ a posterioribus credebantur, quanto antea propositæ fuerint; quot autem aut fortuitæ, aut inconstantes, aut falsæ, quæ certæ, perpetuæ, verissimæ existimabantur. Scilicet multa lectio, magna cautio, innumeræ propemodum observationes requiruntur, ne facile iterum contingat quod toties antea contigit.

11 Et si vero nulli unquam labori, ac studio pepercerim, ut illa mihi subsidia compararem; tamen quantum profecerim, aliorum judicium esto: mihi ipsi certe adeo diffido, ut morem institutumque adhuc retineam meum, ne ulla de re scribam, nisi quæcunque de eadem prodita fuerint, omnia, quoad ejus fieri potest, cognita habeam; nisi caute, & sæpe, quantum possum, iteratis observationibus explorem; demum nisi & quid legendo cognoverim, & quid, & quoties, & quo exitu, observando deprehenderim, cum iis quæ mea Scripta versare voluerint, summa cum fide, & diligentia communicem. Itaque Lectoribus jam permitto, ut post illa, judicent ipsi, num quid novi afferam: ego quidem aut nunquam, aut perraro esse, aut mihi videri novum, affirmo. Et quoniam in tota Re Anatomica multa esse, animadverti, in quibus Natura variet, ut recte aliter tradi nequeant, nisi istas ipsas varietates commemorando; propterea consuevi, in quot cadaveribus ad unum modum, & in quot item ad alium invenerim, significare: ut Lectores existimare per se queant, quid, secundum meas quidem observationes, rarius; quid frequentius, quid perpetuum haberi possit. Quod nisi faciamus; quam a vero aliena structuræ corporis idea, quam periculosæ usuum conjecturæ futuræ sint, etiam me silente, intelligitur.

12 Hac igitur via, siquid ego judico, ab iis insistendum est qui in Anatomicis studiis *utilitatem juvandi*, ut majoris Plinii (f) verbis utar, *preferre malint gratiæ placendi*. Non tam, nova invenienda sunt; quam nota, melius constituenda: hoc autem præstari non potest, nisi ab iis qui non contemnunt illa quæ ab nonnullis temere contemni, diximus, minime animadvertentibus, ea solertiæ dumtaxat, & diligentiae deberi, nova inventa sæpius casui & fortunæ. Quanquam, si tantus novitatis amor est; novum quoque est quæ vera credebantur, falsa; quæ falsa, vera; quæ certa, dubia; quæ dubia, certa; quæ perpetua, inconstantia; quæ inutilia, utilia demonstrare. At enim nova inventa Anatomen magis, quam ista, promovent; majoremque iis qui inveniunt, laudem pariunt. Mihi vero utraque multum promovere Anatomen videntur: & si optio detur; primum quidem fortasse hæream, addubitans, num quædam ignorare malim vera, quam vera quædam habere pro falsis; mox tamen hoc turpius esse, quam illud, non dubitabo (g). Nam quod ad laudem, & gloriam attinet; nunquam hæc mihi quam ipsa veri cognitio, & publica utilitas, jucundior fuit. Si fuisset; non ego certe ut plura discerem, & cum aliis communicarem, in his tot rebus, tantoque ad speciem minus illustribus, con-

nesce-

(e) Vid. Epist. nostram Anatomicam XVI. n. 35.

(f) Præfat. ad Natur. Hist.

(g) Vid. Epistolam nostr. Anat. XIII. n. 22.



nescere voluissē; splendidiōres tantum quæsiuissē, inventasque aliquas typis protinus divulgassē; non tandiu, dum ipsas magis magisque confirmare, & cum his Epistolis proferre cuperem, apud me, meosque pressissē, ut alii interea ex parte occuparent. Meque hujus animi atque consilii tantum abest ut pœniteat; juvat potius & conservare in posterum, & nunc præ me ferre, ut cum omnibus notum fuerit quid mihi potissimum propositum sit, certi quidam homines sentiant, a me quidem intelligi, sed rideri misera eorum artificia, ignorantium, quidquid sum; si tamen aliquid sum; aut certe quidquid Summis Viris pro horum humanitate visus sum, neque suis augeri laudibus, neque suo silentio aut dissimulatione, aut obliqua, ut solent, obtreptione posse imminui: & si possēt; longe alia me spectare, & unice quærere, notitiam veri, & eorum qui mea lectitant, utilitatem. Sed de meo animo, & instituto, & de necessaria cunctatione, & de iis quæ hisce Epistolis persecutus sum, deque eorum usu, satis superque sic generatim dictum censeo.

13 Quod reliquum est; quidquid speciatim in iisdem Epistolis aut proposui, aut constitui, aut in medio reliqui, & quidquid præterea aut ad peculiare Valsalvæ observationes, & animadversiones, aut ad meas Ipsius defensiones attinet, maxima ex parte monstrabit Index uberrimus quem postremæ Epistolæ subijciendum curavi. Nam brevior is qui protinus sequitur, nihil nisi argumenta singularum Epistolarum præmonstrat. Valete.

Ex Patavino Gymnasio Kal. Sextil. cio mccc xxxviii.





# H A R U M   D U O D E V I G I N T I E P I S T O L A R U M A R G U M E N T A .

- III. **S**pectat ad Valsalvæ Tractat. de Aure Hum. cap. 1. num. 3. & cap. 2. n. 7. sive ad Glandulas Sebaceas, & ad Vesicularem Glandularum Structuram.
- IV. ad reliqua fere omnia quæ eodem cap. 1. continentur, de Auricula, Meatuque Auditorio.
- V. ad cap. 2. n. 1. 2. 3. sive ad Tympani Membranam, & Cavitatem.
- VI. ad ejusdem capitis n. 4. & octo insequentibus, hoc est ad Tympani Officula, horumque Musculos.
- VII. ad cætera quæ deinceps eo capite scribuntur, de Fenestra Ovali, & Rotunda, Tuba Eustachiana, & Tympani Vasis, ac Nervis.
- VIII. ad n. 19. 20. 21. capitis ejusdem, sive ad plerosque Uvulæ, & Pharyngis Musculos.
- IX. ad idem argumentum, vel potius ad Pharyngis Terminos, & Glandulas, etiam vicinas, aut ad Oesophagum attinentes.
- X. ad omnes Musculos Uvulæ.
- XI. ad omnes Musculos Pharyngis reliquæ, & ad continuatum Oesophagum.
- XII. ad cap. 3. sive ad universum Labyrinthum.
- XIII. ad reliqua tria capita 4. 5. 6. sive ad Partium Auris usus, sed præsertim ad Curationes, Observationes, Experimenta, aliaque iis capitibus proposita, quæ ad Palpebrarum Cysticos Tumores attinent, ad Surditatem manu curandam, ad Tumores Sanguineos, ad Nervorum Ustionem, potissimum in Odontalgia, ad Vulnera Membranae Tympani, ad Hemiplexiam, & ad Nervorum in collo, & Carotidum arteriarum Constrictiones.
- XIV. ad primam Partem Valsalvæ Dissertationis Anatomicae Primæ. Agitur de Ligamenti, & Cellulis Coli intestini, de Recto, Cæco, & Appendicula Vermiformi, de Lumbricis, &c.
- XV. ad Partem alteram ejusdem Primæ Dissertationis. Verba sunt de Sinibus arteriæ Magnæ, de hujus, & Pulmonaris arteriæ Valvulis: tum de Cordis vasis Coronariis, Ovali Foramine, Vena sine pari, Iugulari Interna, Subclavia, Cava inferiore, Valvulisque præsertim, quæ iis omnibus sunt assignatæ: tum de Cordis Sede, & Positu, aliisque ad ejus externam, internamque faciem attinentibus. Denique nonnulla de Valvularum Inventoribus, & de Artuum quibusdam venis adjiciuntur.
- XVI. ad reliquas Partes duas Primæ Dissertationis, itemque ad Dissertationem Alteram. Sermo est de Nervis ad Par Vagum Accessoriis, de Cerebri Pari Decimo, de Secundo, Tertio, Quarto, Quinto, Sexto, & de Nervis Intercoastalibus: ac simul de Musculis omnibus qui circa Oculum sunt locati, de Anulo Optici nervi Moderatore, & de extimis ejusdem nervi, atque Oculi Tunicis.
- XVII. eodem spectat. Scribitur de Aquosis, cæterisque Oculi vasis, de tunica Choroidæ, de Iride, Ciliari Corpore, de Aqueo humore, ejusque Cameris, de tunica Crystallina, & Vitrea, & de Humoribus qui his continentur, denique de Retina, & de nervi Optici structura.
- XVIII. ad Alteram Valsalvæ Dissertationem attinet. Agitur de utilitatibus, & noxis Anuli Moderatoris Optici nervi: tum de Cataracta, & Glaucomate.
- XIX. ad eandem spectat Dissertationem. Absolvitur sermo de Cataracta.
- XX. ad Tertiam pertinet Valsalvæ Dissertationem, sive ad Renes Succenturiatos, horumque Usus.



# N O I R I F O R M A T O R I

Dello Studio di Padova.

**A** Vendo veduto per la Fede di Revisione ,  
ed Approvazione del P. F. Gio: Petrelli  
Inquisitor Generale del Santo Ufficio di *Vicenza*  
nel Libro intitolato *Stampato Manoscritto Joannis Baptistæ Morgagni Epistolæ Anatomicæ viginti, quarum priores duæ nunc primum Italicis Typis prodeunt*, non v'esser cosa alcuna contro  
la Santa Fede Cattolica, e parimente per Attestato del Segretario Nostro, niente contro Principi, e buoni costumi concediamo Licenza a  
Gio: Battista Remondini Stampator di *Venezia*  
che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 28. Giugno 1763.

( Sebastian Zustinian Rif.

( Polo Renier Rif.

( Alvise Vallarezzo Rif.

Registrato in Libro a Carte 171. al Num. 917.

*Davidde Marchesini Segretario.*





# JOANNIS BAPTISTÆ MORGAGNI AD AMICUM

## EPISTOLA ANATOMICA III.

*Spektat ad Valsalvæ Tractat. de Aure Hum. cap. 1. n. 3. & cap. 2. n. 7. sive ad Glandulas Sebaceas, & ad Vesicularem Glandularum Structuram.*



UÆRIS ex me, quid in Valsalvæ Schedis invenerim, quod ad suum *de Aure Humana Tractatum* ipse fuisset additurus. Omnibus excussis, perpauca fane inveni, eaque indicata potius, quam perscripta: quorum utrumque propter ejus occupationes, illud vero

ob eam quoque causam accidere necesse fuit, quod in iis fere omnibus quæ illo in volumine ediderat, perscrutandis, tantam olim antequam ederet, operam, diligentiamque posuerat, quantam maximam & longo annorum spatio usus, & incredibili cadaverum numero, & melioribus, minusque occupatis temporibus potuerat collocare. Sæpe enim ex ipso audiui cum diceret, se eo maturius, eoque pertinaciori studio, & contentione hanc suscepisse Anatomies partem, quod adolescens intellexerat, Præceptorem suum Malpighium, hujusque Amicum Silvestrum Bonfiliolum Anatomicos Præstantissimos post diuturnos innumeris in auribus perrumpendis consumptos labores, fessos ab difficillimo incepto destituisse. Ipse igitur subiit ea animi magnitudine, quam difficultas operis postulabat, perrexitque ea constantia, industria, felicitate, ut rari, memoria nostra, exierint libri, qui tanto doctorum hominum consensu, quanto ejus Tractatus, probati sint. Quorum testimonia cum sint typis vulgata; ineptas essem, si tibi Viro Eruditissimo sigillatim omnia recenserem. Nonnulla tantum proferam de plurimis, quæ in datis ad Valsalvam litteris delitescunt. Jo. Bohnius *Opus* vocabat *omni laude majus*: Archibaldus Pitcairnius *donum aureum de Aure*, quod *palma præripuit omnibus Anatomicis*: aureum librum, omnia omnium observata vincentem: Goth. Gulielm. Leibnitzius, & Jo. Munnickius *optimum omnium, qui in eo genere unquam prodierint*. Quæ cum memoro, nolim putes, oblitum me esse, quædam tamen ab nonnullis Egregiis Scriptoribus in eo Tractatu fuisse desiderata, aut etiam redarguta. Quin imo quæ in Valsalvæ schedis esse dixi huc attinentia, iis ferme omnibus aliorum censura originem præbuit; sed ea tamen iis cum laudibus conjuncta, ut acerrimus omnium reprehensor Vieussenius (a) fassus sit, *hujusmodi Opus adeo accuratum sibi visum fuisse, ut dicere auderet, Valsalvam iis omnibus palmam præripuisse, qui in explorando auditu organo suam antebac operam posuerant*. Quibus de repre-

Morgagni Epistolæ Anatomicæ.

hensionibus, & si qua sunt, aliis ad Rem ipsam Anatomicam, aut ad ejus historiam pertinentibus dum, ipso fere conservato Tractatus ordine, expono, quid Valsalvæ sentiendum esse videretur, & quid item mihi videatur; quæso a te, ut diligenter attendas; neque enim inter Eximiorum Virorum diffensiones judicium interponam meum, nisi prius exquiram tuum, qui ut non minori quam ipse, amore Valsalvæ memoriam prosequaris, majori tamen, sicubi res forte postulet, amore & studio ab utroque nostrum putas verum esse prosequendum. Patieris autem, a me tibi pro ut res quæque poscet, exscribi multa, non quin libros minus quam ipse in promptu habeas, sed quia nolim, siquid forte minus, ut fit, memoriæ occurrat, id incommodo tuo perquiras.

2. Quod primum Valsalva Inventum proposuit, Cutis Auriculæ Sebaceas Glandulas cum probarent cæteri, inprimisque Auctor Celeberrimus Stahlus (b), qui se *haud immerito admirari*, scripsit, *Magni hujus Viri felicitatem in detectis auriculæ glandulis sebaceis*: has Anatomici Doctissimi, qui & ipsi antea non obscure probaverant, tentare tandem, neque una ratione aggredi cœperunt; credo, quod animadvertissent, obstare has sibi, Malpighianam Glandularum Structuram diruere funditus atque convellere enitentibus. Quorum utinam Valsalva ut censuram notavit, sic etiam quid respondendum putaret, adjecisset; me fane haud levi, & ad hoc tempus declinato onere cum amicissimis Hominibus disputandi, liberasset. Omnes enim Sebaceæ Glandulæ tentantur, non modo quas Malpighius in facie, aut quas Valsalva in auriculis invenere, sed eæ simul, quas tantorum Auctorum vestigia sequens industria nostra in plerisque aliis addidit exterioribus corporis locis. Sed quando pro Valsalva id omnino faciendum est, quod pro me facere fortasse omissem; dabo operam, ut ita Amicum tuear mortuum, ut viventes non offendam. Quanquam haud multa, opinor, reponere necesse est postquam ex meis *Adversariis* intelligi jam clarius potest, nos earum glandularum nomine haud accipere *corpuscula* quædam *miliaria*, quibus cutis in nonnullis *exasperatur*, ac *deformatur*, neque ad hoc genus morbosorum corpusculorum attinere quæ in mammarum areolis, nec sine peculiari, ut sæpe ostendi, ratione, tam magna delineavi. Quod autem certa quædam

A

tuber-

(a) in Epist. ad Valsalvam, quam præfixit suo gallico Tractatui de Aure. (b) Dissert. de Excrerniculis Capitis, c. 2.



tubercula excretorio aut orificio, aut ductu prædita, per quem sebaceam materiam excernunt, ideo non sint veræ glandulæ, quod, illâ expressa, totum tuberculum dispareret, & pars concidit; hoc vero Amicos rogabimus ut ipsi videant, ne perinde sit ac si quis diceret, vasa chyli, cæterosque lymphæductus ideo veræ vasa non esse, quod chylo, aut lymphæ expressa, totus canalis evanescit, & pars concidit. Et ne a glandulis recedamus; memoria teneo, mihi Indicæ gallinæ ingluviem, nocte in aqua maceratam, mane perlustranti, cum prope ejus orificium, haud alibi, parvulas quidem, sed crebras glandulas satis superque conspexissem de genere lenticularium, manifesto osculo in centro instructas, ut deinde singulas inter digitos premendo, eum quo turgebant, humorem exprimebam, sic continuo singulas sese oculis subduxisse. Num igitur ingluviei etiam glandulas, ab iis quoque positas, ac sine ulla dubitatione agnitas, qui de Sebaceis nihil laborant, propterea negabimus, quod humore expresso, totæ disparuerint, & pars conciderit? Quæ si recte perpenderimus; hinc illud potius intelligemus, qui fiat, ut cum glandulæ Sebaceæ revera sint, aliquando tamen variis in locis non in conspectum prodeant, hoc est, non promineant, ut si materia turgent; nam totas disparere, non est facile; nisi forte, ut supra, disputationis gratia; concedendum.

3. Sed dubium superest, an non potius tubercula hæc sint ductuli excretorii, ex arteriis cutis provenientes, qui vel a densitate cuticulæ, vel a visciditate materiæ contentæ obstruuntur, & deinde in tubercula talia expanduntur. Ita enim sentiunt Ruyschius, & Boerhaavius, qui ea propterea folliculos, sive receptacula cutanea appellant. Ita quoque sentiunt alii &c. Hos, quæso, alios seponamus, præsertim cum de ipsorum altero satis in *Adversariis* visum fuerit, alterius vero is qui semel atque iterum laudatur, locus, utcumque ad alias quas sebaceas ipse vocat, certe non ad eas pertinet de quibus agitur, glandulas, quas Valsalva, & ego sebaceas appellavimus, quæ quales sint, præclare alii qui probarunt, & nominatim Solertissimus, Gravissimusque ex Regia Scientiarum Academia Parisiensi Anatomicus Winslovius (c), intellexerunt. Boerhaavii autem, & Ruyschii Præstantissimorum sane Auctorum sententiam in hujus, qui indicatur, loco attendamus, *Advers. Anat. Dec. I. pag. 9. & seq.* Ruyschius igitur non alienum se fatetur a sententia Boerhaavii, quæ quidem mirum est quam confirmet, illustretque ea quæ de sebaceis glandulis tum secundum, tum præter naturam, scripseramus. Verum, ut æquo grandiora tubercula in quæ expansæ interdum a retenta præter naturam materia excrescant, alium in locum rejiciamus; certe quod huc pertinet, secundum naturam, Boerhaavius etiam vidit, in ipsa cute, aut quandoque infra ipsam, hære, parva quædam receptacula, rotundula, ambitu tenuis membranulæ confecta, --- undique perforata per extremas fistulas adferentes humorem, blande pinguem, --- unctuosum in sanitate incolumi: --- superiori, qua epidermidem spectat, parte apertæ ita, ut angustato tamen orificio conniveat, ne videlicet, facile nimis contentum humorem eructet: --- ad palpebras autem, faciem, nasum, axillas, inguina, præputium, nates, pedum inferiora, imprimis apparere hæc organa. Quæ sententia, atque adeo quæ observationes Boerhaavii num forte ostendant, sebaceas glandulas, secundum naturam constitutas, nihil esse aliud, nisi ductulos, ex arteriis, obstructos, malo, te, cæterosque Amicos videre, quam ipse dicere; itemque illud: si forte sic esset; num verisimile foret, neque Malpighium, neque Valsalvam, neque me ipsum id per nos fuisse suspicatos, quando in iisdem illis *Adversariis* Primis, in quibus eas glandulas proposui, illiusmodi fallacias ego quidem aliis in vasculis animadverteram, & præmonstrave-

ram, in eo videlicet loco (d), quem cum iisdem Amicis recte vidit, benigneque laudavit Cl. Anatomicus Jo. Palsinius (e): foraminula retento intus liquore turgidula non raro specie subrotundorum albescentiumque corpusculorum imponere. Attamen quia esse alios scio, & Doctissimos quidem Viros, qui fieri posse crediderint, ut papillæ cutis pro sebaceis glandulis acceptæ sint, in quorum deinde sententiam quidam, nihil usquam hæsitantes, pedibus, quod ajunt, iverunt; illud primum miror, quonam modo in animum inducere potuerint, ipsum papillarum Inventorem Malpighium fuisse tam hebetem, ut papillas amplius non agnosceret suas; deinde cum Valsalva, & ego post Malpighium, nullas sebaceas glandulas addiderimus, quarum excretorium orificium, & per hoc extantem, aut prodeuntem materiam sebaceam evidentissime non perspexerimus, non vidisse ipsos, neutrum horum, præsertim tam manifeste, cutis papillis convenire. Quod quidem magis mirabar nuper, cum fœminæ octimestris fœtus nasum, & mentum, & naturalium labra, & circumjectam podici cutem attentius inspectarem. Per hæc enim loca omnia videre erat passim disjecta alba quædam & prominentia quasi puncta, quæ si papillæ cutis fuissent, certe in digitorum quoque apicibus, imo in his multo magis, apparuissent. Ea vero glandulæ erant sebaceæ, alba illa & unctuosæ materia turgidæ, quæ & exprimi ex osculis ipsarum poterat, omnino eadem atque ea qua obductum fœtus corpusculum nascitur; ut fortasse ad cæteras glandularum harum utilitates hæc quoque addi posse videretur, ut linimentum istud pingue, quod, ut Arantii (f) verbis dicam, veluti butyrum, toti cutis superficiei obducitur, seu mavis glutinosum, quemadmodum Spigelius (g) loquitur, crassumque jam tum secernant, cujus ipse quærit in fœtu usus, unumque, & alterum memorat; nos vero alibi cum alios, tum istam ipsam conjecturam paulo accuratius persequemur. Nunc enim ad Virum Amplissimum Boerhaavium est redeundum, qui in egregia illa quam postea de *Glandularum Fabrica* scripsit, & ad me perhumaniter misit, Epistola nostras omnes Sebaceas, Glandulas non modo vocat, aut agnoscit, sed ita comprobat, earumque utilitates illustrat, ut ne ipsi quidem studiosius de nostris loqui potuissemus: tantumque abest, ut eas habeat pro canaliculis excretoriis qui ex arteriis ipsis proveniant, & obstructis forte orificiis, a retenta materia in ejusmodi folliculos sint expansi; minus veri simile hoc esse, docet: imo generatim convellit eorum opinionem qui has, aut alias in secretoriis organis observatas vesiculas non partes ab natura conditas, sed canalium obstructorum dilatationes esse, existimant. Cujus quidem Celebrissimi Viri auctoritate libenter utor, tum quia eadem nobis antea objiciebatur, tum quia non uno est fundamento ac ratione suffulta.

4. Sed ne hic solum (quod nonnulli Summi Anatomici videntur credere) auctoritate, & argumentis, verum etiam observatione, & re nitamur; certiores ipsos, quando hoc non postulant modo, sed flagitant, facere possumus, vel ante hos triginta annos, cum glandulas hujus generis a Malpighio (h) in facie descriptas, pictasque inquireremus; nos oculis simplici microscopio instructis, in cute spinam, alasque nasi obducente, qua ampliora illa occurrunt oscula sebaceam materiam ultro exhibentia, id manifesto conspexisse quod iisdem verbis hic describemus, quibus in commentariolo exposuimus, Bononiensi Academiæ tradito multo ante quam hæc controversia oriretur, videlicet IV. Idus Martias A. 1705. Animadverti (sic eo commentariolo scripsi) ampliora illa, oscula esse extremitates ductuum quorundam, qui recta ut plurimum descendunt ad cutis partem internam, quo loci plurimæ subrotundæ occurrunt glandulæ, quarum complures, in distinctas aggeries collectas, manifeste aliquando vidi præfatis ductibus ad-

hæ-

(c) *Expos. Anat. traité de la Teste* n. 380. de la Poitrine n. 14. 15. 16. des Tugumens n. 22. 23. (d) n. 10.

(e) *Anat. du corp. hum.* fr. 2. ch. 4. (f) *De hum. Fœt.* c. 10. (g) *De form. Fœt.* c. 8. (h) *Op. Pôsth.*



„ hærentes sic , ut ipsæ referrent racemorum uvæ  
 „ partem inferiorem : ductus vero , longos racemo-  
 rum petiolos quodammodo repræsentarent . „ Quæ  
 autem oculis tunc aliquo cryſtalli adjumento in-  
 ſtructis , eadem poſtea etiam inermibus , præſertim  
 in proxima faciei cute ſolis lumine colluſtrata & i-  
 pſe conſpexi , & iis qui interdum aderant , nomi-  
 natim Nicolao Mediaviæ Philoſophiæ , & Medici-  
 næ Doctori , apud me in publicis privatiſque diſſe-  
 ctionibus ſedecim jam annos exercitatiſſimo , tam  
 clare oſtendi , quam quod maxime . Scilicet cute  
 ſecundum altitudinem quam proxime ſebaceos aliquos  
 ductus conſecta , ipſis ſectiõibus inſpectis , aggeries  
 occurrebant albertium , iſſque ductibus adhærentium  
 granulorum . Hæc intra craſſitudinem cutis late-  
 bant , non ſummam , ut papillæ , ſedem , non  
 imam , ut ad Membranam Adipoſam referre poſ-  
 ſes , obtinentes . Quin ſebaceam materiam longe  
 alio colore , & habitu ac ſubjecta pinguedo , ſi  
 exprimeres , ex ſuo quodque cavo emittebant ,  
 neque prorſus tamen ab expreſſione evaneſcebant .  
 His obſervationibus , quæ ut Malpighianas confir-  
 mant , ita viciffim a Malpighianis confirmantur ,  
 quanta vis inſit , vel ipſi intelligere ſe , oſtende-  
 runt , qui ita ſtagitarunt , quaſi ab nemine Ana-  
 tomicorum haberi poſſent . Nimirum inter excre-  
 torios illos ductus , & cutis arteriolas ſubrotundi fol-  
 liculi revera interjiciuntur : idque videmus ; non o-  
 pinamur : idque in cute ſana ; non in morboſis .  
 Ipſi igitur pro ſua rei anatomicæ eximia , & a me  
 libenter agnita ſemper , laudataque peritia judicent ,  
 num ſebaceæ glandulæ ita , ut vidimus , factæ , at-  
 que diſpoſitæ , tumores ſint præter naturam , athero-  
 mati congenereſ , num fines ſint arteriolarum , num  
 cutis papillæ , num denique materia , quæ ab illis  
 continetur , ſebacea , oleum ſit quod ex ſubjecta  
 Adipoſa Membrana per obvios forte cutis poros ex-  
 ſudet .

5. Quanquam ii quidem , Clariffimi atque ami-  
 ciſſimi Viri , qui Boerhaavii nobis auctoritatem ob-  
 jiciebant , ipſi quoque jam fatentur , *veſiculas revera*  
*adeſſe --- in cute : in cutis variis partibus , ut in*  
*naſo , auriculis , aliſque partibus folliculos aut veſicu-*  
*las deprehendi , in quibus liquidum unctuoſum , illud-*  
*que ſæpe tenax , & ſebaceum reperitur .* Hoc tamen  
 adhuc contendunt : illas immerito glandulas appellari ,  
 verum rectius folliculos , receptacula , cryptas , omnium  
 vero optime veſiculas cutaneas dicendas eſſe . Sperandum  
 fane videbatur , ut cujus Nobiliſſimi Scriptoris aucto-  
 ritate nos permoveri poſſe , cenſebant , ut illas non  
 glandulas , ſed receptacula vocaremus , ejus ipſi lucu-  
 lentiffimo in laudata Epiſtola teſtimonio permoveren-  
 tur , & cum Doctiſſimo Boerhaavio appellare glandulas  
 non recuſarent . Sed quando a ſua ſe abduci ſen-  
 tentia propterea non ſinunt ; eodem veri ſtudio , quo  
 ipſi nonnulla Boerhaavio repoſuerunt , nos hic duo ,  
 alterum pro nobis , alterum pro Valfalva reponemus .  
 Quod igitur ad me attinet : quando agnoſcitur , veros  
 me fontes , & promptuaria materiæ ſebaceæ certis in  
 cutis partibus obſervaviſſe ; de appellationibus non  
 valde laborandum , multoque minus cum Amicis eſ-  
 ſe pugnandum videtur . Quod autem ad Valfalvam ;  
 non tam ut nomen , quod ipſe eodem quo cæteri In-  
 ventores jure primus impoſuit , *Glandularum Sebacea-*  
*rum* conſervetur , quam ne factò in his præjudicio ,  
*Veſicularis* Glandularum Structura , diſerte alibi ab i-  
 pſo probata , ſine ulla prorſus deſenſione damnetur ;  
 coactum , adaectumque me video ad graviffimam hanc ,  
 & latiffime patentem , non de nominibus quidem , ut a  
 primo videri poteſt , ſed de rebus anatomicis diſpu-  
 tationem ſuſcipiendam , & pro rerum inter ſe nexu  
 hic continuo ſubjiciendam .

6. Igitur Glandulas ex veſiculis etiam conſtare ,  
 Malpighius ait ; Summus alter Anatomicus negat ,  
 qui pro veſiculis iterum ſanguifera vaſa ſubſtituit .  
 Utri aſſentiendum , an adhuc cohibendus aſſenſus  
 ſit , illi optime conſtituent qui cum ferme omnia  
 utriuſque , & Aſſeclarum Scripta , tum binas præſer-  
 tim , A. 1722. editas Lugd. Batav. Epiſtolas perle-  
 gent inſcriptas de *Fabrica Glandularum* , & quæ Præ-  
 ſtantiſſimus Vir Boerhaavius in earum prima ,  
*Morgagni Epiſtolæ Anatomica .*

quam ſupra laudavimus ; pro Malpighio propo-  
 nit , æque & diligenter ſingula cum iis confe-  
 rent quæ in altera viciffim adverſus Malpi-  
 ghium reponuntur . Sic enim intelligent , num ſin-  
 gula , & ſatis diſcutiantur ; an vero alia adhuc requi-  
 renda ſint priuſquam in alterutram partem tranſea-  
 tur . Dum adhuc deliberant , haud inutile , opinor ,  
 foret , ut quoniam de hepate in primis diſceptatum  
 eſt , has quatuor Obſervationes attente legerent , quas  
 ex Valfalvæ ipſius ſchedis ſelectas , dignas cenſui  
 quæ hoc loco proponerentur .

7. In Virgine , ut videtur , grandæva ; erat enim  
 ſine dentibus , ſine alveolis , atque adeo ſine illa ma-  
 xillarum parte in qua alveoli excavantur ; item ſine  
 viſu ; nam opacas habebat Corneas ; denique ſine capil-  
 lis , pilisve quibuſlibet , ne iis quidem ciliorum ,  
 & ſuperciliorum exceptis , niſi quod in ſuperci-  
 lio dextero indicium erat ; aliquos olim fuiſſe ;  
 in ea igitur Virgine , cujus faciei colorem fuiſſe pal-  
 lidum , Valfalva ſubjicit , manumque dexteram  
 digito indice , ſiniſtram autem , in qua minimus ,  
 atque annularis juncti erant , medio caruiſſe , cum  
 hepar inſpiceret , quo tota ventris ſuperior cavea  
 occupabatur , ſic inveniebat . Pars hepatis major  
 ex veſiculis conſtabat , nonnullis majoribus , aliis  
 minoribus , oblongis quibuſdam , aliis ovalibus ,  
 plerique ſphæricis , omnibus autem humore plenis  
 lymphæ ſimili , ac maxime limpido , ſed adtan-  
 tium oculos , in quos forte ex ruptis veſiculis pro-  
 filuerat , irritante . Quædam ex ſimplici factæ erant  
 membrana valde albicante : quædam capitulum o-  
 ſtendebant , fortasſe , inquit , excretorii ductus ini-  
 tium : nonnullæ autem ex majoribus veſiculis extrin-  
 ſecus fibris carneis inſtruebantur , intus vero multas  
 alias continebant veſiculas , quæ ex ſimplici mem-  
 brana conſtabant .

8. Mulier quadraginta amplius annos nata , diar-  
 rhæa cum lenta febre conjuncta diu laboravit . Tan-  
 dem cum , hac ſuperſtite , illa deſiſſet : brevi ven-  
 ter , crura , pedes aqua intumuerunt . Itaque ſuperio-  
 ribus emaciatis , haud multo poſt obiit . Venter  
 univerſus aqueo ſero redundabat . Lien æquo erat  
 aliquanto major . Sed jecur intus extraque , totum  
 corporibus compingebatur , quorum erant pleraque  
 parvi ciceris figura , & magnitudine , cuncta autem  
 folliculi erant membranei , quos fibræ carneæ in  
 retis modum implicitæ , & per totum jecur perti-  
 nentes , ſuis areis excipiebant . Hoc carneum rete  
 plerumque ſanguifera vaſa comitabantur , ut ipſa  
 quoque idem quaſi reticulum firmarent . Folliculi  
 autem a concreto intus humore turgebant , qui co-  
 lore cum eſſet dilute flavo , bilisque ſimili , quæ  
 craſſior quam ſoleat & ad exiguum redacta , in ſua  
 veſicula condebatur , facile credi poterat bilis quæ  
 intra eos folliculos ſtagnando concreviſſet . Pla-  
 cuit atratum humorem per hepaticam arteriam in-  
 jicere : qui per minimos , & viſum pene effugientes  
 ramuſculos in univerſam quidem ſubſtantiam hepatis ,  
 nec tamen in folliculorum cavum penetravit .  
 Mox ejusdem humoris portionem Valfalva in ve-  
 næ Portæ ramum injecit . Tum vero non modo  
 uberius per eas omnes partes ad quas ramus ille per-  
 tinebat , diſfuſum , verum etiam in folliculorum ca-  
 veas ingreſſum vidit ſic ut concretam in his mate-  
 riam variis ſine lege inductis ſtriis infecerit . Ex  
 quo utriuſque injectionis effectum haud præter ratio-  
 nem colligi poſſe , exiſtimavit , per arteriam qui-  
 dem in omnem hepatis ſubſtantiam ſanguinem in-  
 vehi ; ex eo tamen ſanguine tantum qui per venam  
 Portæ aſſertur , bilem ſeparari .

9. Vir gracilis , annos ad quadraginta natus , an-  
 te biennium queri cœperat de dolore circa ſtoma-  
 chum cum aliqua duritie conjuncto . Dolor modo a-  
 crius , alias mitius vexabat . Huic aliquoties ſimplex  
 diarrhæa , denique lenta & aſſidua febris acceſſit , qua  
 ſex totos , ſeptemve menſes maceratus , ad extre-  
 mum ſuperveniente pulmonis inflammatione , de-  
 ceſſit . Quæ in thorace inventa ſint , alibi fortas-  
 ſe ſcribemus ; hic quæ in ventre . Hæc autem om-  
 nino ad tumorem cysiticum redeunt , ſphæricum ,  
 gallinæque Indicæ ovum æquantem , qui in je-  
 cino-



cinore ad sinistram felleæ vesicæ latus occurrit. Ei tumori cum scalpellum admovisset Valsalva, apparuit intus materia, habitu, & colore quasi mel referens, nisi quod pars quædam virebat, cum reliqua multo major flaveret. Et hæc quidem primo oculorum iudicio sic eo tempore apparuere. Postea vero quam aliquot dies universum tumorem cum ea quam intus habebat, materia, in aqua macerasset, intra eam membranam quæ marsupii instar reliqua continebat, satis quidem illam crassam atque albam, nisi quæ a circumjectis hepaticis vasis irrigabatur, ea autem parte qua hepati annectebatur, in substantiam osseam mutatam; intra igitur hanc membranam id quod a principio visus erat humor melleus, innumeras esse vesiculas comperit, quas inter quædam quasi membrana magna, & crassa se se obtulit colore potius viridi, structura autem adeo flaccida, ut levi tactu disrumperetur, non secus, ac soleant concretiones illæ quasi membranæ quæ sæpius in vino deprehenduntur. At vesiculæ illæ innumera magnitudine varia, sed figura omnes sphaerica; paucæ albæ, flavæ plurimæ; aliquot ex se ostenderunt duplici membrana constructas, duas autem, easque ex flavis, in quarum altera subobscurè apparebant plura quasi foraminula per internam membranam in cavo vesiculæ hiantia; in altera autem minimi, ac fere pellucidi vasorum rami, corpuscula quædam nonnihil prominentia circumcingentes. In reliquis tamen vesiculis propter tenuitatem simplicitatemque illius ex qua conficiebantur, membranulæ nihil ejusmodi perspicere valuit. Quapropter censuit, fieri potuisse angustis loci quibus intra cystim illam premebantur, ne minimam structuram suam manifestius explicarent, etsi per se haud ab similes iis essent vesiculis quas in eo quem protinus describam, abscessu hepatis observavit. Cæterum huic in parte similem, in bubulo tamen jecore, habitam observationem innumerarum vesicularum intra paris magnitudinis tumorem natantium legisti, opinor, apud Collegam meum desideratissimum Antonium Vallisnerium (i). Sed ad quartam Valsalvæ historiam pergamus.

10. Sacerdos gracilis, annum agens supra trigessimum, sex ante annis pallere aliquantum cœpit, deinde interjecto temporis spatio totus flavere. Accessit epigastrii dolor a dextra præsertim parte, qui in dorso quoque e directo erat molestissimus, item frequens vomitus, a cibis præsertim non ita stomacho convenientibus. Eodem tempore, ex intervallo tamen, sanguinem, atque adeo multos sanguinis grumos deiciebat: quæ dejectio cum sex circiter menses perstitisset, totidem quievit, deinde eadem ratione & quasi periodo rediit. Denique manifesta febris accessit, quæ hominem magis debilitatum paucos intra dies lecto affixit. Majores semper urgebant dolores in dextero hypochondrio, sæpe etiam eas nervorum quasi distentiones excitantes, ut homo, quotiescunque his angebatur, se jam jam moriturum crederet. Interea etsi vomitus, fortasse ob cibos quibus tum utebatur, magis laudabiles, non amplius vexabat; vexabat tamen pertinax diarrhæa, qua modo flavo, alias viridi, nonnunquam tetro infecta colore, & quod maxime attendendum est, a vigesimo ante obitum die quamplures etiam vesiculæ deiciebantur sic ut intra eos viginti dies omnino supra ducentas exierint, magnitudine, & eo quem continebant, humore dissimiles; aliæ enim album, aliæ flavum, mixti aliæ coloris humorem inclusum habebant. Urina autem a primis ad extremos usque morbi dies crocea fuit.

Mortui aperto ventre, sana omnia viscera, uno excepto hepate, inveniuntur. Quod dum a dextris, qua valenter nexum erat septo transverso, separare Valsalva nititur, non paucum ex illo serum, unaque aliquot vesiculæ prodeunt. Eximitur denique hepar cum annexo Duodeno intestino, sanumque invenitur, nisi qua ingens a dextris abscessus tertiam ejus partem occupabat. Scatebat abscessus vesiculis, quarum bene multæ intra pluri-

um obscuri coloris serum natabant, minores aliæ corpori hepatis pars valide, nonnullæ laxius in ipsis vomicae parietibus inhærebant: quibus in parietibus excavata etiam occurrebant spatia ex quibus aliæ antea vesiculæ exciderant. Ingenti abscessus cavo ingens orificium respondebat, in quod, quasi in pelvim quandam expanderat se choledochos ductus, parte reliqua ita amplificatus, ut digitum intra se admittere, atque adeo vesiculas posset ad intestinum traducere. Ex iis plures cum ad se domum abstulisset Valsalva; hæc diligenter animadvertit. Decorticatum gallinaceum ovum maximæ æquabant, mediæ columbinum, minores parvi ciceris granum. Nonnullæ ovali, aliæ autem quasi sphaerica erant figura. Nullum, ne exprimendo quidem, videre foramen potuit quod excretorii ductus vestigium ostenderet. Tantummodo in una, aut altera vesicula certo in loco crassæfactam membranam invenit, unde exiguus quasi folliculus membraneus extrorsum eminebat, quem pro excretorio ductu habuisset, si in aliis quoque vesiculis perspicere potuisset. At vasorum sanguiferorum nullum prorsus in iis vestigium deprehendit, propterea, inquit, fortasse quod diuturna intra illud vomicae serum maceratio omnem e vasis sanguineam tincturam eluerat, sicque eorum ramusculos obscuraverat. Cæterum vesiculæ ex triplici constabant membrana. Exterior haud dissimilis illius qua ventris viscera amiciuntur, erat simplicissima reliquarum. Intima humore quodam, ut in fellea, & urinaria vesica conspiciamus, humectabatur. Media erat earum tunicarum similis quæ nervosæ appellantur, magnamque præterea partem miliaribus instructa corpusculis, multis quidem junctis, aliis autem coacervatis: quorum quidem corpusculorum moles, ubi extimam a media membranam divideret, aliquantum decrecebat; ubi autem intimam ab eadem media vel dexterrime separaret, omnino obliterabatur. In iis corpusculis foraminulum videre non potuit, quod in cavo vesiculæ hiaret: quanquam in paucis vesiculis intimam membranam quibusdam pertusam foraminibus comperit, quæ in una usque adeo crebra erant, ut inde haud inelegans rete efformari videretur, quo corpuscula, ut in certo quadrupedum genere Peyerii acervorum glandulæ, retis areolis excepta firmabantur. Perpaucæ vesiculæ, ut puta ex decem, aut duodecim duæ, paucioribus quidem ornatae erant corpusculis, at horum loco, membraneis multis appendiculis persimilibus eorum tubulorum qui in pluriim volucrum intestinis ponuntur. Perpaucarum ejusmodi vesicularum tunicae albæ erant; cæterarum croceo, ut fellis vesicula, colore infectæ, quippe quæ humorem continebant, eam bilem quæ per choledochon canalem deducitur, colore, & sapore referentem. Quem autem humorem perpaucæ illæ aliæ continebant, incertum fuit, quod eas ruptas omnes atque inanes offenderit: veri tamen simile est, ex earum genere fuisse quæ inter flavas albo humore plenæ, cum homo viveret, deiciebantur. Ex hac Observatione illud primum confirmari posse Valsalvæ videbatur, glandulas esse vesiculas, tum vero hoc etiam conjici, flavas quidem bili, albas autem lymphæ fortasse secernendæ fuisse addictas. Atque hæc illa historia est quam Valsalva cum amicis Anatomicis enixe petentibus, in primis autem cum Præceptore Malpighio communicavit. Vidi ego hujus ad Valsalvam epistolam Romæ datam exeunte anno 1692. in qua cum gratias agit cumulatifimas, tum hæc scribit quæ, latine reddita, subjiciam: „Pulcherrima historia est „quam mecum pro tua humanitate communicasti, „non ob plurimas modo vesiculas quas hepatis „abscessus complectebatur, sed & ob viam, dilatati videlicet choledochi ductus, qua ad intestina „transmittebantur. Probabile est, ex iis constituta „tam hepatis fuisse substantiam, antequam abscessus „vi ab ramis ductus choledochi separarentur, „indicante id membranarum numero, & ea quæ „in



„ in multis inerat, bile. Si alias similis vesicularum structura se offerret; magis fortasse quid ea essent miliaria corpuscula, apertum fieret. „ Haetenus Malpighius.

11. Igitur ex propositis Valsalvæ Observationibus constare vides, repertas haud semel ab eo fuisse vesiculas membraneas vel totum jecur, vel hujus partem conficientes, easque aut fibris carneis instructas, aut ab his, & vasis sanguiferis in retis modum dispositis intra suas areas exceptas, item ex multiplici constantes tunica non sine corpusculis miliaribus, quodam nonnunquam rete firmatis, non sine vestigiis foraminulorum in cavea vesicularum interdum hiantium, non sine evidenti aliquando inter venæ Portæ ramusculos, eandemque caveam commercio, denique non sine contento humore simillimo bilis.

12. Non ignoro, quæ soleant ii qui Malpighio adversantur, contra habitas in visceribus observationes ipsi faventes, reponere. A quibus Doctissimis iisdemque amicissimis Viris quoniam dissentire ego libenter non possum, neque tamen vicissim possum pro altero Doctissimo Amico, & hoc mortuo, suscepto officio deesse; ab ipsis etiam atque etiam petam, ut quæcunque de tota hac controversia invitatus attingam, sic accipiant, quasi non a me, sed a Malpighii Affectis dicantur, vel si a me, non ut a disputante, & multo minus altercante, sed rogante, & verum discere cupiente, scribantur. *Quoties*, inquit, *arteriæ & membranæ hinc inde in corpore cartilagineæ, imo ossæ deprehensæ fuerunt! An vero recte inde inferitur, arteriarum & membranarum naturalem constitutionem esse cartilagineam vel ossæam?* Fateor, hoc inde perperam inferri, primum quia ossæa natura vasa, membranæque esse non possunt, quæ sint contractilia ac distractilia necesse est; deinde quia facile intelligo, intrusis adactisque vi morbi terreis, lentisque particulis intra fibrarum membranearum spatia, atque interstitia, ossæam existere duritiem posse. Contra autem, I. nec repugnare hepatis, aut renum naturam intelligo, quo minus inter ipsorum vasa minimi latere possint folliculi, qui a remorante humore distenti, conspicui fiant: II. neque video, ni res ita sit, qui generatio, non dico folliculorum, sed talium quales descripsimus, folliculorum explicari satis queat. Veruntamen quia non sum nescius, de utraque re longe aliter ipsis videri; de singulis quid doceant, attendamus.

13. Incipiamus a secunda. Negavit Vir Ingeniosissimus Boerhaavius, non talium folliculorum, neque vero iis similibus quos Littrius (k) olim vidit in renibus, sed multo etiam minus elaboratorum, elegantiumque, credibiles sibi eas videri explicationes, quibus doceamur, vel eos folliculos tunc novos gigni; vel nihil esse aliud, nisi vascula quæ, extremo obstructo, ab impedita, congestaque materia in eam sint formam dilatata. Pro prima est illi explicatione responsum: *Ad ossa ægrotantium accrescunt novæ partes. Quidni & hic? --- Et credo, & dico, nova vasa nasci posse, nova ossa, nova ligamenta.* Sed quid, si aliquid membraneum ossæum fieri, fibrillas aliquas crassas, magisque densatas ligamenta æmulari, in excrescentibus partibus vasa quoque excrescere, & manifestari, concedamus; ullam tamen novam prorsus corporis partem, quæ præsertim eleganti intima structura sit, gigni posse, dubitemus? Hoc enim si de una intelligi parte posset, posset item vel de universo corpore satis intelligi contra atque tot Homines acutissimi negant, qui eo propterea malunt confugere, ut animantium corpus ajant non post ovi fecundationem formari, sed creatum olim ab ipso Deo, tantummodo evolvi ac manifestari. Pro altera autem explicatione, adversus quam firmissima sane argumenta, ab ipsa rei natura, atque observatione desumpta, produxerat Boerhaavius, optandum nobis erat, hæc ut soluta fuissent; non omissa; & cum his illud insuper quod iidem qui nunc aliter sen-

tiunt, nos olim docuerant, cum de uteri placenta in hydatides interdum degenerante hæc scriberent: „ Hæ Hydatides nil aliud esse mihi videntur quam minutissimæ glandulæ placentæ in Hydatides degeneres; qui affectus in hepate, renibus, & aliis glandulosis partibus satis est familiaris. Vasorum extensiones esse, quis sibi posset imaginari? tum enim maximæ reperirentur Hydatides circa placentæ medium; jam vero sine ullo ordine positæ sunt & majores, & minores. „

14. Sed Boerhaavii argumenta ideo fortasse sunt prætermissa, quod illa explicatio ab extensis ipsis vasis deducta, nunc minus suis Præstantissimis placeat Auctoribus, postquam nimirum hanc alteram folerter sane atque ingeniose excogitaverunt: non ex vasis ipsis, sed ex cellulosa horum tunicae cellulis, ab irruente in hydropica constitutione humore aquoso distentis, istos denique folliculos quibus tota interdum viscera implentur, existere. Verum si placebat, ut hanc potius explicationem sequeremur; hanc saltem tueri oportebat adversus alia illa Boerhaavii argumenta, pariter ab rerum observatione petita; tum contra alias porro munire dubitationes. Nam illud primum quæri potest: minimane etiam, ac ultima vasa cellulosa ista tunicâ demonstrari possint amicta? deinde an vasa, partes quasdam fubeuntia, cerebrum exempli gratia, & placenta, non extimas istas tunicas deponant? Arterias certe ab ipsis docemur in *Placentæ constitutione degenerare, & fieri alterius naturæ, nam a Venis Placentæ*, inquit, *vix ac ne vix quidem discrepare videntur tenuitate*; imo *structura adeo sunt tenui, ut videantur esse vasa lymphatica*: hoc idem docemur de *Arteriis per Cerebrum dispersis*. Est nunc cerebrum in vesiculas mutatum, vel, quod frequentius est, ac nos quoque vidimus, placenta in vesiculas humore aqueo plenas tota conversa, vel, quod minimum, parte aliqua sui, *rudimentum hydatidum representans* sic ut in *vasorum extremitatibus videamus annexos varios globulos minutissimos*; quærimus, nihilne dubii sit, utrum in extremis his etiam atque ultimis vasculis, iis ex ramis prodeuntibus qui tenuitate cum lymphæductibus certant, ad cellulosa tunicam confugere liceat, ut hydatidum generationem explicemus? Attamen in extremis quoque talium vasorum demonstrari satis posse eam tunicam, & hinc hydatides deduci posse, credamus; at quomodo in hepate, aut renibus indidem non jam dico hydatides, sed folliculos bilis, aut urinæ plenos deducemus? Vidit Malpighius (l) in muliere plurimis renes compactos folliculis membraneis, rotundis, plerisque urina turgidis. Urina quoque turgebant plures vesiculæ quas in Patricii Juvenis renibus observavit (m). Vidit idem hepatis partem ex creberrimis subrotundis folliculis bile turgentibus constructam (n). Valsalva autem, ut supra ostendimus, vesiculas in hepate comperit, humorem, bilis simillimum, continentes. Nec vero hi dumtaxat, sed alii quoque idem conspexerunt, præsertim is cuius mihi, dum viveret, spectata fides, & solertia est, Petrus Nannius (o). Ab eo namque descriptos legeris in muliebri jecinore *membranosos folliculos plurimos, aliquos rotundos, plerosque pyriformes*, in iisque *biliarium humorem*. Quæro igitur in cellulosa sive Emulgentium, sive hepaticorum vasorum tunicae cellulis qui potuerit urina, aut bilis separari, cum uterque humor ad extrema tantum Emulgentis arteriæ, aut venæ Portæ capillamenta, non passim per omnes harum, nedum cæterorum vasorum parietes, & quidem extimos, separetur? Quæ cum mihi penitus fuerit exempta dubitatio; porro aliæ reliquæ erunt, & multo quidem, nisi quid me fallit, gravissimæ ab observatarum tum a Valsalva, tum a Littrio vesicularum structura exortæ. Nam si Boerhaavius Vir sane Ingeniosissimus cellulosa istius tunicae labyrinthea, confusa, perpetua, inter se undique suis communicantibus partibus, structura spectata, se posse intelligere ne-

( k ) Memoir. de l' Acad. R. des Sc. A. 1705.

( l ) Op. Posth.

( m ) Epist. ad Spon.

( n ) Op. Posth.

( o ) Comment. de Bonon. Scient. Institut. in Opusculis.



gavit, qui ex ipsa rotundæ, & inter se prorsus distinctæ queant hydatides existere; quam ego ratione satis intelligam, posse ex eadem tunica cellulosa quales memorabam, folliculos fieri, non ea modo quæ in hydatidibus videmus, obtinentes, sed tot alias insuper multiplicis, elaboratæ, peculiaris, & Malpighii dogmati respondentis structuræ notas?

15. Verum huiusmodi dubitationes ex Littrii observatione petitas, & in *Adversariis* III. (p) paulo accuratius expositas Viri Doctissimi, amicissimi que nobis eximere connisi sunt cum aliis de quibus diximus, dicemusve, rationibus, tum his quoque: *Renes*, „ eos quasi monstrosos fuisse, & a statu secundum naturam quam alienissimos, ex hoc etiam „ patere, quod ureteres non solum prope renes, ad „ pollicis latitudinem prorsus solidi sive coaliti; sed „ etiam ipsius pelvis parietes concreti fuerint deprehen- „ prehensi: id quod statim prorsus præter naturam, „ non secundum naturam demonstrat, „ quasi vero ex ea observatione elici voluissim naturam constitutionemque, non folliculorum, quorum cavæ ductusque erant pervia, sed ureteris, & pelvis, quæ erant præclusa; vel quasi ob hanc ureteris, & pelvis præclusionem aliud contigisse in folliculis pateret, quam quod ab injecto ureteri vinculo tunc contigisset, videlicet ut ab resistente propterea intra ipsos lotio distenti, & amplificati, suam quæ aliter latuisset, structuram oculis exhiberent. Certe qui illam fabricam eorum perpenderit non abnormem, neque dissimilem, sed eximio artificio, elegantiaque admirabilem, in cunctis autem amplificatis folliculis, & in rene quidem utroque, consimilem, certam, uniformem, constantem; is nihil aliud fuisse monstri in iis folliculis, iudicabit, nisi id de quo hic minime disputatur, hoc est magnitudinem: ut si quis inflammato oculo inspecto, multo plura, atque ampliora per albam oculi membranam vasa videat, quam secundum naturam appareant; recte is ex constitutione præter naturam id quod secundum naturam est, inferat, si illa quidem omnia vascula in ea membrana haud ita ampla esse a natura, fateatur, omnia tamen secundum naturam revera inesse, contendat. At enim hæc albæ membranæ distenta & rubicunda vascula oculis inermibus clare conspiciamus; sed „ non omnia „ quæ Littrius de iis renibus scripsit, tam clare „ atque perspicue in eis apparuisse, sicuti ab autore repræsentata sunt, ex Cl. Fontenellii *Academ. Reg. Scient. a secretis*, monito five epistola, crisi constare potest; dum scribit (q): quamquam tumidi sive distenti etiam fuerint illi renes, in quibus D. Littrius observationes has suas fecit; tamen maximam partem rerum singularum, quas in eis notavit, non nisi microscopio detegere potuit. „ Hic vero mihi rogandi sunt Præclarissimi Viri, ut ipsam Littrii Observationem perlegant; agnoscent enim, istam Doctissimi Fontenellii non esse epicrisim, sed relationem. Etenim ipse per se Littrius præclare docet, quæ instructis vitro oculis, quæ inermibus viderit. Instructis quidem vitro oculis canaliculos vidit de ovalibus sacculis prodeuntes, vidit singulos prodire ex singulis, vidit esse quam exiguos, vidit quaternos, aut quinos inter se junctos in maiorem communem ductum confluere, hunc denique vidit definere in aliquod eorum foraminum quibus erat tunica interior folliculorum pertusa: hæc vitro, inquam, adjutus vidit: quæ si hic contenderem sine ulla hallucinatione vidisse; & æquum, & peritissimo, ac diligentissimo Viro non difficile concedendum, & id denique quod nisi detur, omnia quæcunque itidem per microscopia cognovimus, in dubium facile trahi possint, contenderem; quæ tamen microscopia alibi ab eisdem Præclarissimis Viris inter *Anatomica Instrumenta* ponuntur & pro partibus minutioribus accuratius pervestigandis, utiliter adhiberi dicuntur. At satis mihi, & Malpighio sunt quæ inermibus oculis conspexit Littrius: ambos videlicet eos renestotos ex folliculis fuisse constructos, singulis arteria, vena, nervo peculiariter

præditis: hos autem folliculos ex binis membraneis tunicis constitisse, quas inter fibræ erant carneæ in retis modum implicitæ, suasque intra areas ovales rubros, de quibus dictum est, sacculos excipientes, ad quos vasculorum multiplicis generis extrema pertinebant: fuisse autem intimam folliculorum tunicam pluribus, inermi etiam oculo conspicuis foraminulis perviam, ex quibus aquosus humor premendo in folliculorum cavum impellebatur: fuisse hoc cavum aqueo crassiusculo humore plenum urinam olente: denique singulos ex singulis folliculis ductus prodire, qui mox cum aliis aliquot proximorum folliculorum ductibus convenientes, communem aliquem ex iis qui in pelvis cavea habebant (neque enim hæc tota præclusa erat) maiorem canalem efficiebant. Quod si hæc omnia sunt ejusmodi, ut, sicuti ne ex cellulosa quidem tunica existere nequeunt, ita facillime, posito Malpighii dogmate, explicentur; nemo interea jure mirabitur, sed veniam nobis dabunt omnes, ut opinor, si donec clariora, & faciliora doceamur, candide negemus, videre nos, qui talium folliculorum generatio, rejecto Malpighii dogmate, satis possit explicari: quæ res erat altera de duabus ab initio propositis.

16. Nunc reliquam illam videamus: non repugnare videlicet renum, aut hepatis naturam quo minus inter ipsorum vasa minimi folliculi latere queant. Itaque principio id pono quod satis superque ipsa scis per se Malpighii scripta testari, membraneos glandularum folliculos non jam nudos & simplices ab ipso statui, sed arteriis, venis, nervis semper, excretoriis canaliculis sæpius, fibris autem carneis plerumque instructos. Quod cum ita sit; non est sane cur quisquam miretur, me illo non permoveri argumento: Si conglomeratæ glandulæ sola membrana cava conficerentur; coctione dissiparentur; & hepar inter coquendum totum contraberetur, atque redigeretur ad parvam molem unius nucis juglandis. Nam si vel mollissimo pulmonis limbo nihil ejusmodi accidit, quem tamen ex tenuissimis membraneis vesiculis constare, nemo ignorat; iis tot videlicet prohibentibus rebus quæ vesiculis interjiciuntur, atque adduntur; ne hepatis quidem accideret, aut aliis glandulis, in quibus alia quoque, & in his, si de hepate præsertim loquamur, plurimum sanguinis, intercepti angustis confertissimorum vasorum, adjicitur; quamquam haud satis video, cur hoc argumento utantur qui hepatis substantiam non parenchyma, sed tenuissima vascula, hoc est caveas membranulis ferme confectas, si non subrotundis, certe oblongis, esse contendunt. Alterius vero argumenti vim me satis assequi, non puto: „ Simul ac infarcirem „ arterias renales (& hoc mihi jam semper contingit) infarciebantur quoque ductus Bellini omnes, „ imo tubuli renales, nec non pelvis ipsa; unde „ conjicere haud absurdum est, ductus Bellini continuationes esse arteriarum renalium. „ Nimirum illud ipsum erat quod adeo optabat Malpighius (r) videre *infusos liquores per arterias, urinæ vasa penetrare*, unde suam de interjecto utrisque folliculo propositam doctrinam non infirmaret, sed confirmaret. Ut enim folliculos ponebat cavos, ideoque transitis humoribus, vi præsertim adactis, non resistentes; intelligebat profecto, ab se quoque requiri posse; non modo ab iis qui arterias ipsas in excretorios canales producerent; ut injecti per illas humoris in hos transitio demonstraretur. Et sane si interpositæ vesiculæ indicium esset nullus in hos transitus earum rerum quæ per arterias urgerentur; qui fieri potuisset, ut Nuckio (s) *copiosum in arteriam splenicam infundente aerem, & spiritum fortius adigente, non tantum plurimæ exiguae in superficie lienis elevarentur vesiculæ*, a Malpighio (t) antea per solam in aqua macerationem detectæ, sed præterea, quod Malpighius videre non potuerat, ex iisdem vesiculis vasa prodirent *Lymphatica, flatu etiam turgida, & lienem perreptantia*? Nempe hinc fateri Nuckius quod alii negant, coactus est, *Vasorum Lymphaticorum principia ab arteriarum surculis emanare saltem aliquando, intermedia Vesicula*.

17. At

(p) Animad. 33. (q) Hist. Acad. R. Sc. A. 1705. (r) Exercit. de Renib. c. 3. (s) Adenogr. ubi de Gland. Conglob. c. 4. (t) Epist. de Struct. Gland.



17. At vesiculæ, inquit, humorum secretioni inutiles sunt; abunde enim cognoscimus, secretiones sine folliculis talibus interjectis & fieri posse, & revera etiam plerisque in partibus ita fieri. Has tamen secretiones quæ in plerisque partibus revera sine glandulis, nedum sine folliculis, fieri dicuntur, hic quidem redigi video omnino ad duas, chyli a fæcibus in intestinis per sola oscula vasorum chyliferorum, & pinguedinis a sanguine in folliculis sive cellularis membranæ adiposæ tenuissimis, ubi nullæ glandulæ videri, aut demonstrari possunt. Ego vero non hic dicam, aliud esse non videri, aliud revera non esse; neque dicam, eos Malpighii quos hic defendimus, Affeclas de iis loqui secretionibus quæ a sanguine fiunt, non quæ a fæcibus, quanquam singula chyli-fera vascula nonnunquam tamen invenit Præstantissimus Vir Santorinus (u) ex singulis emergere subrotundis, mollibusque corpusculis instar cisternularum per intestina passim disjectarum chylo redundantium: neque memorabo, aut Peyerum (x) Anatomicum Doctissimum calculum suum iis perlibenter addidisse, qui vel poros intestinorum, per quos chylus in vasa lactea trajiciatur, pro glandulis reputant, aut non minus Doctum Anatomicum Fantonum (y) minime alienum esse, quominus folliculos, quibus adeps continenter servatur, glandulosos esse censeat; multoque etiam minus iterabo quod a me alias est indicatum (z), ex ipsa Membranæ Adiposæ fabrica satis consimili ejus quæ in conglomeratis glandulis a Malpighio descripta est, indicium posse elici, intimas adiposas cellulas esse sui generis folliculos glandulosos: idque ex ea de qua quæritur, Malpighii doctrina ita manifesto consequi, ut oppositum pro certo in hac quidem disputatione ponere, ex eoque petere argumenta non liceat. Et quoniam alia alibi secretionum sine folliculis adduntur exempla (in quibus & sanguinis menstrui, quasi hic quoque non sanguis esset effusus, sed humor e sanguine secretus) non dicam, ipsas Sinuum Pituitariorum membranas, quas nonnulli Anglorum nobilissimi Anatomici Cystes, & qui hæc exempla obijciunt, vesiculas vocant; non dicam, ipsos testium canaliculos, oblongissimos hos quidem, illas vero amplios folliculos a Malpighii Affeclis putari consuevisse: qua de consuetudine ego quoque aliis, a præjudiciis liberis judicandum relinquam. Nihil, inquam, horum dicam. Quin etiam causas omittam duas ab Nannio (a) de quo supra memini, excogitatas, quare membranosa vesiculam, vel quid analogum in glandulis esse oporteat sive ut arteriolæ satis ad secretionem producantur, sive ut secretæ varii generis particulæ apte misceantur. Hoc unum dicam quod in literulis etiam quibusdam scripsi, editis olim a Medico Celeberrimo, meique amantissimo Viro Petro Antonio Michelotto (b): aliud esse folliculos ad secretionem; aliud ad absolutam glandularum structuram non requiri: nam ut folliculos censeamus ipsos per se a sanguine humorem non fecernere; non ideo tamen censemus, eosdem secreti humoris aut asservationi, aut perfectioni non subservire. Quod si his quoque, omnique alii rei inutiles prorsus esse, demonstrarent; tunc vereri inciperem, ne ipsa nobis partium natura repugnaret, in quibus cum Malpighio folliculi ponerentur. Hic sentio, posse aliquem, teque etiam fortasse ex me quærere, cui tandem bono urina, & sudor in folliculis asservantur? Fortassis ne uberius, aut citius quam par sit, e sanguine exeant, si videlicet aliis deinceps exituris particulis non obstat humor tantisper intra folliculos restitans dum subinde vis paulo major sive copię, sive impetus, sive earum quibus folliculi, aut proximæ partes instruuntur, carnearum fibrarum accedat, quæ humoris ipsius e folliculis partem exprimat, partem itidem obstituram relinquat: quod si ea copia, impetus, aut expressio tanta sint, & tandiu urgeant, ut nihil possit in folliculis remorari; tum vero illa sæpissime noxia urinæ, aut sudoris profluvia sequan-

tur. Quidni enim ipse quoque effundam hoc in loco quæ tantummodo (id quod satis est) rei naturæ non repugnent, eademque intelligi satis possint; quando Viros Doctissimos video, ut nihil folliculos agere intra glandulas, omnia autem agere ultimas arterias, ostendant; confugere ad vim quandam inexplicabilem his a DEO in creatione inditam, nec mirum, cum alio in loco scribant, sibi demonstrabile videri, singulas quasque corporis humani, imo vero & universi, partes a Creatore præditas esse virtute quadam singulari, nec communi ita aliis, per quam potestatem infusam valeant commode & certo id præstare, cui efficiendo creatæ sunt. Ut vero quæ de illorum folliculorum in lotio, aut sudore asservandis utilitate conjecimus, satis intelligi posse videntur; sic intelligi vel planius potest id quod Præstantissimo etiam Viro Guiljelmo Ruty (c) placere jam video, qui propterea glandulas humorem secernentes, qui per intervalla excerni debet, has saltem membranaceis folliculis gaudere, statuit; intelligi, inquam, vel planius potest, quanta aliorum in aliis humoribus asservandis folliculorum utilitas sit, ut puta qui salivam, qui humorem aut gulam, aut intestina, aut asperam arteriam, aut naturalia humecta servantem, qui (ne cunctas enumerem glandulas) sebaceam illam materiam continent, quam ne pinguedinem credam a subjecta Adiposa Membrana per poros emittentes ejectam, cum alia faciunt, quorum aliquod supra (\*) indicatum est, tum ipsorum Hominum Experientissimorum auctoritas, quibus etsi nunc commodum est inde repetere æstivo tempore exercitatis valde corporibus unctuosum sudorem linteamenta flava pinguedine afficientem; alias tamen hoc ipsum secundum naturam, & salva cellularum integritate iidem videntur negavisse, cum videlicet hæc scripserunt: pinguedo nisi coerceretur in cellulis, diffunderet sæpe in corpore vivo, a motu nimio, æstate excitato. Igitur, ut dicere institueram, non exigua restitantis intra eos omnes folliculos humoris utilitas est, ut nimirum in promptu sit cum a cibis, aere, aliorumque corporum affricu, & pressione hæ, aut illæ partes, & consiti in iis folliculi urgentur magis, ac laborant, tunc, inquam, in promptu sit quod affatim expressum, ipsas magis, ut opus est, aut humectet, aut inungat; ut illa propterea omitti fortasse potuissent, ejusmodi humorem non habere opus receptaculis: & in vita has particulas nunquam premi digitis, sed humorem leniter effluere, atque post exitum glutinescere; quando post mortem violente premimus, destrui, dilatari, confundi: ac ipsas pulposas extremitates sæpe simul illa pressione auferri, humoribus misceri. Nam primum in vita si quæ glandulæ digitis non premuntur, at illæ aliis corporibus, omnes autem vel suarum, vel proximarum fibrarum, ac muscutorum viribus, & contentione premuntur. Post mortem vero cum premuntur, si quod exprimitur, tale prorsus est, quale ante pressionem; ut ex sebaceis folliculis; per se extabat, vel quale prima levissima pressione exprimebatur; non tunc metuendum sane est, ne pulposas extremitates humoribus mixtæ extrudantur: vel, si sub ea pressione quam digiti ipsi Anatomicorum moderantur, & cujus effectus sub ipsorum oculos manifesto cadunt, dicuntur tamen hæc tales particulæ destrui, dilatari, confundi; certe illis venia danda est, qui, innuentibus jam inde a principio Clarissimis Bibliothecæ Anatomicæ (d) Auctoribus, ab adactæ per siphonem liquatæ ceræ necessario impulsu, sed latente atque obscura pressione, in facile dissolubiles corporum molliorum particulas; aliquid eorum constitutivum corrumpi posse, hoc est vascula quidem dilatari, interjectos autem folliculos multo minutissimos illos, tenuissimosque destrui, & confundi, suspicantur.

18. Atque in illud jam incidisse me sentio, de quo maxime refugiebam dicere. Cum enim cætera in disputatione hac invitatus dico, tum ea invitissimus quæ minus favere videantur egregio, ad multaque utilissimo Anatomes adjumento, a Berengario

(u) Obs. Anat. c. 9. n. 10. (x) De Gland. Intest. Exere. 2. (y) Anat. corp. hum. Diff. 2. (z) Advers. II. Animad. 6.  
(\*) Comment. de Bonon. Scient. Instit. in Opusc. (b) De Separat. Fluidor. Prænot. 4. (c) Act. Lips. 1726. M. Novembr.  
(\*) n. 4. (d) Tom. 1. in Adnot. ad Op. Posth. Malpigh. ubi de Liene.



rio (e), ab Eustachio (f), ab Jacobo Sylvio (g) rudi quadam ratione præmonstrato, deinde aucto, & a Malpighio, ac Valsalva, nobisque ipsis interdum adhibito, a Summo autem, & Incomparabili nostræ ætatis Anatomico diuturna, assidua, felicissimaque industria, ac diligentia ad eximiam, & maxima omnium laude ac admiratione dignissimam subtilitatem adducto, *Injectionum* scilicet Anatomicarum Artium, ac rationi. Hæc igitur quæ ego istius ipsius Artis laudator, siquis alius, & admirator studiosissimus perlibenter omissem, sic a te, quæso, accipiantur, ut non ultro a me dicta, sed ab ipso hoc argumento, suscepto officio, & veri studio mihi expressa esse existimentur. Cum enim in quæstione hæc nihil inculcari magis videam, quam *Anatomici esse non dicere, sed demonstrare*; per *Injectiones* autem *demonstratum* esse, hepatis, exempli causa, & corticis cerebri, & renum *substantiam* sine ullis folliculis *totam* esse *vasculosam*; ipso veri studio cogor vim & naturam istiusmodi demonstrationum attendere, ut si claras, firmas, indubitabiles comperiam, hisce, ut semper veritati soleo, quam libentissime assentiar. Itaque aliquam istarum demonstrationum examinemus; exempli gratia, in cerebri cortice. Si quis, ajunt, *Cerebrum, quæ pars admodum mollis, ad incudem revocat, absque prægressa præparatione, & modica induratione, vasorumque artificiali repletione, difficillimum atque impossibile illi erit veram constitutionem expiscari*. Cum in parte adeo molli, & in qua, si folliculi sint, multo omnium minutissimos, tenuissimosque esse, credibile est, facillimum sit naturalem structuram pervertere; omnia ad ipsius examen pertinentia tanto accuratius examinare, & sigillatim perpendere necesse est. Videamus igitur, quænam sit ista antecedens præparatio, quanta, & qua ratione effecta induratio, quodnam repletionis artificium. At nihil horum edocemur. Peracta, inquiunt, *vasorum sanguineorum artificiali repletione ceracea materia rubra*. Quo modo, quæso, præparata? qua tandem cautione injecta, ne vasa distendendo, proximos, interjectosque folliculos premat, ac deleat? Ne hoc quidem hic traditur; nec satis tradi fortasse potest. Nam etsi postea dicitur *lento id fieri gradu absque ulla vehementia*; quis tamen pro certo spondeat, lento quantumvis gradu ejusmodi parti nihil prorsus afferri violentiæ? Præterea, hoc factum, inquiunt, *particula corticalis substantiæ auferenda est, & a capillo suspendenda in liquore conveniente*. At quonam? & quandiu? ne forte quidquid cera munitum non est, contrahat, dissolvat, destruat. Hæc quoque silentur. Non est opus, ut reliqua persequamur. Quo enim modo hæc in cortice cerebri, & in plurimis particulis corporis excogitata demonstratio satis unquam nobis firma videatur, quam cum examinare incipimus, in tot passim quæ sunt vel ignota, vel dubia, incurrimus?

19. Equidem non ignoro, *nolle* Experientissimos Viros suum artificium communicare: ideoque etiam ad illa omnia quæ objiciuntur, *nolle respondere tam accurate, quam nos hic quidem vellemus, & ipsi quidem possent*. Non est ingenii, neque institutionis meæ acrius instare, atque urgere, ut ab invitis per speciem disputationis arcana eliciam, atque exprimam. Itaque illud opponere omitam, Malpighium quidem certe, cum diligens Anatomicus Casp. Bartholinus (h) de ejus in Liene glandulis dubitasset, communicavisse inveniendi rationem: qua posteaquam hic usus esset, dubitatione omni deposita, ad Malpighium hæc scripsit (i): *maxime mihi satisfeci, cum non ita pridem in liene glandulas manifestissimas deprehenderim methode mihi a te tradita*. Hoc, inquam, Malpighii ipsius exemplum non urgeo. Sed vicissim decet Æquissimos Viros agnoscere, donec ipsi illa omnia, & cætera ejusmodi explanent, licere nobis (quod in Malpighianis glandulis ante rem sibi explanatam licuerat Bartholino) ab eorum demon-

strationibus assensum cohibere. Et sane quomodo concedere possimus, istas injectiones sine impetu, sine vi, sine ulla vehementia fieri? cum adacta rubra cera in renum, exempli gratia, arterias, ex his in Bellini, ut vocitant, canaliculos continuo transeat, in quos certe, sano homine, ex iisdem arteriis ne sanguis transire quidem potest. Vel quomodo liceat nobis confiteri: *istam repletionem facere quod natura, quod vita, quod sanitas faciebat: non augere vasa, sed naturalia exhibere?* quando repletis ceravasis, exempli causa, pulmonis ex sua sede non dimoti; vel ipsum pulmonem nimis distendi, atque augeri, intelligimus. Tum enim pulmo, & cor totam Thoracis cavitatem opplent, sive hæret ubique contiguus Pleuræ Pulmo; quod nos certe, habito olim experimento (k), ne in ipsa quidem inspiratione contingere, animadvertimus. Sed innumerabiles, inquiunt, *habet hepar extremitates vasorum; si illæ ita crescerent, ut hic putas, quam magnum deberet fieri hepar?* Ego vero etsi multo magis quam pulmonem, jecur distentioni resistere video; non suspicari tamen nequeo, vel non omnia jecoris vasa, quod Boerhaavius quoque Doctissimus sensit, & qui fieri possit, indicavit, injectam ceram admittere, vel membraneos folliculos inter vasa locatos horum distentione comprimi, ut cum quantum vel inania vasa, vel compressi folliculi spatii dant, tantum dilatata vasa occupent; non sit necesse, hepar crescere, quamvis hæc nimium repleantur. Sic vicissim cum Viri Exercitissimi, hydropici Hepar totum quantum erat ex meris vesiculis constare invenerunt ita ut ne minimus quidem ramulus Venæ Portæ, Cavae, Ductus bilioli, aut Arteriæ Hepaticæ videndum se se exhiberet; nusquam video, memoratam ab ipsis esse, auctam universi illius hepatis magnitudinem. Scilicet materia illa limosa pellucida quam vesiculæ continebant, multum has; sive Malpighiani folliculi, sive, quod ipsi malunt, cellulæ erant tunicarum vasorum; multum, inquam, has quidem extenderat; verum ista eadem extensione usque adeo omne interjectum vasorum genus compreserat, & quod hæc antea obtinuerant spatii occupaverat, nihil ut eorum amplius appareret. Ex quo non id modo quod dicimus, intelligere, sed & illud suspicari licet, si ea distentio vesicularum ne vestigium quidem vasorum reliquit, ex quibus tamen totam jecinoris fieri substantiam, contendunt; multo facilius ab injectæ materiæ vi, & vasorum distentione obliterari posse tenuissimas, mollissimasque vesiculas, quas præter vasa in jecinore Malpighius ponebat. Quod si revera nihil aliud injectio facit, quam quod sanitas, & vita faciebant, si *vascula illa, quæ in vita fuerant plena humoribus, per mortem autem collapsa, & evacuatæ, ars rursus replet, tam artificiose, tam blande, tam suaviter, ut non possit videri, quod dilatata sunt*; quid ergo causæ est, ut quæ in vivo non apparebant, ea post repletionem sic appareant, ut nihil aliud esse hepar, quam vasorum congeries, videatur? vel cur ut hoc demonstraretur, injectiones instituuntur, quod in vivis animantibus posset demonstrari? Vasa enim hepatis in his sanguine sunt plena, neque obstare potest membrana hepatis, quo minus sub oculos satis cadant. „ Nam certe, inquiunt, peractis injectionibus, hepar integrum, propria membrana amictum, sine decoctione, absque excarnatione, sine ulla adhibita vi in conspectum potest producere ultimas extremitates vasorum sanguineorum in proprio situ, & statu naturalium, --- ut quicumque viderit, facillime præterfaturum Glandularum existentiam renuat. „ Quæ si ita sunt (esse autem, & vel multo admirabiliora præstare posse Incomparabiles istos Viros, libentissime credo) alterutrum sane videtur consequi, vel ut istæ repletiones non sine ulla adhibita vi factæ sint, vel ut in vivis eadem possint demonstrari. Verum alia sunt quæ vim istarum injectionum patefaciant.

(e) Vid. Epist. nostram Anat. I. n. 86. (f) Vid. ibid. n. 69. (g) Vid. Observat. in fin. Anatom. Ilag. ubi transitum, inquit, fistula quadam stramentitia --- exploramus, nunc flatu solo, nunc aqua succo quadam idoneo, ut mororum, tincta --- id similiter sentiendum in omnibus cavis corporibus. (h) Diaphr. Struct. Sect. 4. (i) Vid. Malpigh. Op. Posth. ubi de Liene. (k) Advers. V. Animad. 33.



faciant. „ Interior Cordis cavitas tot ornata vascu-  
 „ lis ceracea repletis materia, ut tota ejusdem fa-  
 „ brica mere contexta appareat ex sanguiferis ubi-  
 „ que fistulis. „ Portio Cutis humanæ rubicundissi-  
 „ ma propter artificialem vasorum repletionem,  
 „ suntque vascula tam numerosa, ut Cutis ex me-  
 „ ris vasculis videatur constituta. „ Quibus ex duo-  
 „ bus exemplis si quanta sit injectionum vis, intelli-  
 „ mus, si, quamvis ope injectionum parietes cordis,  
 „ & cutem ex meris sanguiferis vasculis constare vi-  
 „ deamus, alia tamen inesse scimus; cur saltem non  
 „ liceat suspicari, substantiam quoque aliam hepatis  
 „ inesse, quamvis post injectiones nihil hepar, nisi va-  
 „ scula, esse videatur?

20. Sed nos fortasse Hominum Experientissimo-  
 rum Scripta non satis intelligimus, & mentem sen-  
 tentiasque non assequimur? Fieri id posse, non infi-  
 ciamur. cum præsertim ipsi, ut qui non omnia do-  
 cere volunt, non plene semper, distincte, ac diluci-  
 de docere queant. Illud quoque fatebimur, aliud  
 esse legere, aliud videre: ipsos autem ad viden-  
 dum etiam atque etiam ceteros invitare. Hoc  
 enim tantum, ajunt, se Ingeniosissimo Boerhaavio  
 opponere: *veni, & vide*. Hoc sæpius inculcant,  
 illoque præsertim in loco in quo scriptum est:  
 „ Uno verbo dico, id, quod ego pono, illud ego  
 „ demonstro, & ibi maneo, ultra nihil dico, an-  
 „ tequam ultra non video. Et puto, quod hoc  
 „ sit solum officium Anatomici, nullum aliud: nam  
 „ comparare, disputare, ratiocinari, non tam mul-  
 „ tum pertinet ad Anatomicum. „ Sed quanquam  
 „ ( si verum dicendum est ) ad Anatomicum tam  
 „ pertinet comparare, disputare, ratiocinari, quam  
 „ non decipi, quam quod invenerit, cui bono sit,  
 „ quærere, & quid porro indagandum, & qua ra-  
 „ tione, intelligere, quam denique recte atque or-  
 „ dine quæ invenit, docere: & quanquam supra fa-  
 „ tis, ut opinor, ostensum est, frustra nos præpa-  
 „ ratum aliquid videre, nisi qua omnino ratione, &  
 „ quam ab omni errandi periculo remota præpara-  
 „ tum sit, ante videamus; tamen ex aliquo qui  
 „ præparata ista vere elegantissima, ac præstantissi-  
 „ ma inspexerit, sciscitemur, an ipsa videre satis  
 „ sit, ut id de quo agitur, demonstratum esse, fatea-  
 „ mur. Sciscitemur autem non ex ignotis quibus-  
 „ dam hominibus, quamvis notis gravi Auctori Schel-  
 „ hammero (1), cum scripsit: „ audiavi etiam quieo-  
 „ rum præparata viderunt, vasorum autem meram  
 „ illam coagmentationem deprehendere non potuerunt;  
 „ sed ex Præclaro aliquo, Doctoque Viro, optime er-  
 „ ga ipsos animato, cui „ omnia sua in Anatome tran-  
 „ scendentali molimina, magnis sumtibus tentata, &  
 „ longa annorum serie pretiosissima supellectile ad-  
 „ servata, candide dixerint, demonstrarint „ ut puta  
 „ ex Clariss. Jo. Christoph. Bohlio Reg. Boruff. Med.  
 „ D. Is igitur hæc diserte ad ipsos scripsit (m):  
 „ Nunquam, V. C. meditabundus magis circa tua  
 „ & mea præparata hæreo, quam ubi corticem ce-  
 „ rebri examino, nesciens sæpe an glandulosa Mal-  
 „ pighiana hypothesis prævaleat, an tua vasculosa.  
 „ Utrumque multum negotii facessit. Malpighianæ  
 „ revera oculus & microscopium favent &c. „ Nec  
 „ vero reticuit, imo fuscè proposuit, cur sibi vi in-  
 „ jectionis, & conqassationis ibi vasa sanguifera  
 „ ostendi videantur, ubi secundum naturam non sunt.  
 „ Quin etiam illud aperte addidit: „ Regeres, unde  
 „ ergo cera mea ad vasa perveniet, ubi nulla erunt?  
 „ respondeo: scias, V. C. te forte conqassatione  
 „ injectæ jam piæ matris, nondum repletos ejus  
 „ telæ canales, qui in primo experimento fibrosi  
 „ apparebant, nunc de novo macerando dissol-  
 „ vuntur, & ceram admittunt, posse adsumere  
 „ pro cortice, quod tibi ex præparata pia ma-  
 „ tre ex fœtu oculariter demonstrare possem, hinc  
 „ macerationem in aqua te forte illudere ( ve-  
 „ nia sit voci. ) Quod vero dissolvantur, & ab-  
 „ cedant vasa, demonstrat tum aqua turbulenta,  
 „ flocculenta. „ Hic tamen in ea ipsa Urbe hæc  
 „ scribebat, in qua & præparata illa erant, & qui

Morgagni Epistolæ Anatomica.

præparaverant: cum his versabatur, illa ante oculos  
 habebat; ut non satis intelligam, quonam modo ipsi  
 quoque illud idem in scriptis opponeretur: *veni, &  
 vide*. Sed fac, hunc unum aut non omnia, aut  
 non satis vidisse. Sciscitemur iterum ex Illustri  
 aliquo Viro, qui pariter uni veritati obsequiosus, a  
 nullis stet partibus, quem isti ipsi Experientissimi  
 Homines sibi Amicum agnoscant, quem confitean-  
 tur oculos habere tam acutos, quam unquam viderint  
 in ullo homine, atque præterea assuetum esse ad usum  
 microscopiorum accuratissime, quem denique sua ipsi  
 sponte faciant judicem totius litis; quia opinantur (&  
 jure opinantur) eundem optime omnium intelligere illa  
 omnia, quæ ipsi in Anatomicis invenerunt. Quid ergo  
 iste ipse Celeberrimus, Integerrimus, Perspicacissi-  
 mus, Peritissimus Vir Boerhaavius, post eorum præ-  
 parata diligenter inspecta, ad ipsos publice scripse-  
 rit, attendamus. Scio, inquit, te has cutis quasdam  
 papillas habere nervosas, & pro hisce mihi met quam  
 luculentissime demonstrasse; tamen aperte audeo coram te  
 profiteri, quod contemplatus diu, & unde quaque, prælucente  
 microscopii acie omnia lustrans, putaverim fere, quod  
 ille papule sint ipsi folliculi glandularum cutanearum  
 simplicissimarum, qui tales apparent, quia artificium tuum  
 materiem ceratam adigit usque in vascula subtilissima ar-  
 teriosa, quæ desinunt ad superficiem membranæ illum ca-  
 vum utriculum cutaneum efficientis; unde igitur membra-  
 nula hæc glomer quasi convulutorum vasculorum, elevatior  
 in rotondiorum corpusculi speciem porrigitur. Et alio in lo-  
 co, in quo agitur de substantia hepatis, quæriturque an  
 mere sit vasculosa „ Dedisti mihi hepatis humani frustra  
 „ varia præparata; in quibus hoc ipsum negotium  
 „ examinandum propriis meis oculis perlustrandumque  
 „ voluisti. Dicam nunc ego, pace tua, libere, ut  
 „ inter Bonos decet, quid ipse sentiam. „ Ope-  
 „ ræ autem pretium esset hic omnia quæ sentit, de-  
 „ scribere; sed brevitati consulentes, hæc tantum ex-  
 „ scribemus: „ Arteriolæ in membrana cujusque folli-  
 „ culi acinosi hepatici digestæ, si perfecte repletæ  
 „ sunt, nec tamen materies possit per exilia extre-  
 „ ma in cavum ipsius utriculi effundi, ita compri-  
 „ ment undique hunc, ut omnino evanescat, ne  
 „ minima quidem residui specie relicta, quæ ocu-  
 „ lis cerni queat. Hanc autem rem manifeste evin-  
 „ cere videtur exemplum cutis in facie, ubi evi-  
 „ dentissime apparet, deleri folliculos certo ibi exi-  
 „ stentes, si optimo successu iverit cera in extremas  
 „ arterias. --- Si autem contingit materiem transire  
 „ per ultima illa arteriarum emissaria usque in ca-  
 „ vum acinulum, tum confusio fit omnium: quia  
 „ spectatur tantum quasi extravasatio quædam, quæ  
 „ est vera repletio folliculi: quod rursus demon-  
 „ stratur clarissime, quodcumque repletio fit pan-  
 „ niculi adiposi, membranæ cellulosa, corporis  
 „ spongiosi penis, & similium; tum enim effusa  
 „ cera omnia confundit. --- Cogita, quæso, hoc:  
 „ ut rite intelligatur, quousque tuto liceat arguere  
 „ ex hisce. Enimvero membranæ sunt adeo subti-  
 „ les, & compressæ undique a distendente mate-  
 „ rie, ut ne microscopiis quidem intra ceraceam  
 „ materiem cerni queant, vel distinguere ab illa. „  
 „ Ubi vero de ea præparatione jecoris verba fiunt,  
 „ in qua post ceræ in vasa injectionem, hæc diu-  
 „ turna in aqua maceratione, & conqassatione ita  
 „ diducuntur, ut nihil penitus folliculose adesse, unus-  
 „ quisque oculis suis videat, hæc sentit Vir Aequissimus  
 „ Boerhaavius: Quod non defenditur a cera ut balsamo,  
 „ in aqua putrescendo, deliquescit sensim, separatur, ab-  
 „ luitur. Tenuis igitur membranula acinuli secedit a va-  
 „ sculis repletis, hæc deinde relinquit sola. Itaque (mox  
 „ addit) erraret ille maxime, qui, visis hisce, crederet,  
 „ hepar naturale non habuisse nisi hæc vasa. Tuto autem  
 „ assereret, omne repletum sic a non impleto separari posse;  
 „ nihil verò ultra. Denique; ne multus sim; ubi de præ-  
 „ paratis loquitur renibus, dubitavi, inquit, sæpe, an  
 „ non injectio a te facta, quando perfectissime omnia vasa re-  
 „ plet, quæ attingit, eo magis alia omnino debeat. Ubi autem  
 „ minus penetravit ultima, tum relinquere alia corpuscula ad-  
 „ huc visibilia, & distinguenda. Hincque fieri, ut aliquando

B

in lie-



in liene glandulas admiseris, aliquando negaveris eadem.

21. Non ignoro, tot esse præparata Experientissimorum Virorum, ut omnia inspicere ac contemplari occupatissimo Boerhaavio non licuerit. Haud tamen existimo, non optima quæque quæ tunc habebant, ipsi ostendisse: nec certe puto, quæ ad eum ob id consulto miserunt, ut *hoc ipsum negotium examinare propriis oculis ac perlustrare* posset; non fuisse ex illis quæ maxime idonea judicarent ad demonstrandum. Quam ergo in partem acceperunt sincere amicissimi Viri dubitationes, in eandem & nostras accipiant, præsertim cum iidem Gravissimo Auctori Boerhaavio libentissime astipulemur iis quoque in locis in quibus jure meritoque incredibilem ipsorum Dexteritatem, Experientiam, Artem, & eximia atque admirabilia Inventa summis laudibus exornat. Quæ quidem tot, & tanta sunt, ut nihil Ipsorum laus ab iis minuatur, qui non omnia quæ Ipsi putant, ex eorum demonstrationibus certe elici, suspicantur. Inter ea Inventa illud non postremum certe admiramur, quod pro humorum fecernendorum varietate varios in hac, illaque parte ultimorum vasculorum reptatus compererunt; ut nullum esse dubium possit quin longe Malpighium, quod ad vasa istarum partium attinet, superaverint, ipsa quidem & agnoscentem, & inter necessaria ponentem, sed neque incredibilem vasorum numerum, neque admirandam reptatus varietatem demonstrantem. Quod ut perlibenter fateamur, sic vicissim de tota hac controversia videri nobis, non diffitemur, magis quidem fuisse demonstratum, in glandulis esse vasa quæ non negavit Malpighius, quam non esse vesiculas quas posuit. Quæ cum ita sint; non constat adhuc, repugnare hepatis, aut renum naturam, artificiis vel subtilissimis examinatum, quo minus inter illorum vasa membraneos folliculos esse, credamus: Hos autem nisi ponamus: vesicularum in iis visceribus, a Val-salva, & Littrio habitas observationes non satis explicari posse, ostendimus. Videntur igitur non inconsulto facere illi Anatomici qui nondum eosdem folliculos satis tuto negare se posse, existimant, præsertim cum in iis visceribus, cæterisque in partibus in quibus aliquid a sanguine secerni vidit, Malpighius esse, confirmaverit. Quem cum sequuntur, non illi hominis potissimum auctoritatem, neque tot aliorum Anatomicorum assensum, sed plurium variarumque quibus sciunt esse usum id inquirendi comperiendique viarum atque rationum admirabilem consensum sequuntur. Perquam enim difficile factum est, si in ejusmodi partibus folliculi nulli sint, ut non tantum morbosa constitutio, unde nos supra in hanc sumus disputationem ingressi, verum etiam ut omnino sana, ut inermes oculi, ut vitro instructi, ut expressiones, ut injectiones, ut macerationes, ut coctiones, ut atramenti affusiones, ut insectorum, ut piscium, ut aliorum animalium inspectiones, ut in his habita experimenta, & siqua præterea adjumenta alia Malpighius adhibuit, ut hæc, inquam, omnia in idem convenerint, ut folliculos tamen inesse, diligentissimo, cautissimo, peritissimo Anatomico, per tot lustra assidue hoc potissimum quærenti, & agitant, indicarent.

22. At enim Malpighius I. folliculos ope microscopii ostendit: II. vel si sine hac; certe in sanis neque ostendit, neque ostendere potuit: III. vel si in sanis; certe non in partibus ejusmodi omnibus: IV. vel si in omnibus; glandulas tamen non ostendit. Ad hæc quatuor cum sigillatim respondero, finem de hac controversia scribendi faciam. Et primum, quod ad usum microscopii attinet, satis ipse (n), ut probe nosti, dubitanti Kerckringio respondit. Hæc ego addam. Vel hoc volumus infirmæ atque hebeti nostrorum oculorum aciei datum summo Dei beneficio adjumentum ab re anatomica, & physica prorsus amandare; vel contra, volumus retinere. Si amandare volumus; quid tot fiet pulcherrimis Illustrium Virorum

Inventis? quid his superstructis plurimis, & ab doctissimo quoque nunc probatis, confirmatisque dogmatibus? Inventisne igitur frugibus, ad glandes iterum redire, nostraque nos sponte tot, tantisque quæ vitrorum ope non in terra modo, sed in cælo quoque aut detecta sunt, aut detegi possunt in posterum, privare malemus? Si tamen volumus; quid Viri Experientissimi qui a Malpighio dissentiant; ut maxime subtilia, atque elegantia ipsorum Inventis penitus cognoscamus ac perlustremus, non modo exemplo suo nos docent, ut *per microscopia in radiis solaribus contempleremur*, sed & *microscopium anatomicæ eorum tabula inspicendæ adhibeamus*? Certe ipsi testimonio utuntur Cel. Boerhaavii, qui ea quæ de ultimis vasculis docueret, *per microscopia omnis generis conspexit*, & nonnulla *microscopiis quinti generis tantum potuit assequi*. Verum hæc dicta sunt a me propterea quod aliquos Cl. Viros supra animadverterim Littrio microscopii usum objectavisse; non quod omnes qui a Malpighio discrepant, huic objectent. Si igitur volumus, ut par est, microscopii usum retinere, abusum tamen, & fallacias vitare; quis Malpighio magis vitare potuit, primum in microscopiis exercitatissimo, tum minus acutis, simplicissimisque ut plurimum utente, denique per hæc, non abnormia quædam, & incredibilia perspiciente, sed cum iis quæ per alia adjumenta sic satis retexerat, maxime consentanea?

23. Nam ut cætera omittam, & de modo illo uno dicam in quem erroris suspensiones minime cadunt; oculis ipsis inermibus, folliculos in glandulis sanissimis Malpighium Discipulis, atque Amicis ostendisse, & multo magis ostendere potuisse, non dubito. Quanam id ratione? est enim alterum de quatuor ad quæ nos responsuros esse, spondimus. Principio quæro, quid illæ tandem sint subrotundæ particulæ ad extremum canis, & plurium aliarum bestiarum intestinum locatæ, & brevi collo ad anum hiantes, de quibus in Quartis *Adversariis* (o) locutus sum? Peyero (p) certe, quem inter primos facile ponas qui in quadrupedibus memorarunt, nihil dubii fuit, quin *sub ani sphinctere utrinque latitantes glandulas* esse, traderet: quod si alicui forte scrupulus aliquis superesset; satis, ut opinor, ex manifesta glandulosa substantia qua ipsarum parietes in quibusdam saltem Avibus instructos undique esse, alias ostendam, omnis evelli scrupulus posset. At hæc glandulæ profecto ipsæ sunt magni quidam folliculi, sive, ut Blasius (\*) cum jam inde ab A. 1673. in eas incidisset, statim appellavit, *Vesicæ*; ut nos propterea consueverimus, quod alibi (q) etiam scripsimus, unam aliquam ipsarum *ut simpliciorum, eandemque obviā, atque conspicuā Malpighianæ Glandularum Structuræ ideam*, proponere. Quod ergo nos facimus; cur tanto magis facere non potuit Malpighius? Pariter non modo a nobis, sed ab Auditoribus etiam nostris; ut in Sextis *Adversariis* (r) tradidimus, & post horum editionem in aliis quoque, ac nominatim in juniore Milite, cum optime valeret, perempto observavimus; haud semel in linguis hominum longe sanissimis illæ, positæ ad radicem, glandulæ ita sunt compertæ, ut in mediis singulis glandulis singulæ cavæ intus laterent, in quas ut glandularum osculum præbebat aditum, sic alia, nonnunquam satis crebra, & manifesta foraminula secretam in tenui glanduloso cavæ pariete materiem poterant importare. Atqui nihil folliculis similis quam istæ cavæ: imo istæ ipsæ nihil aliud quam folliculi sunt, si intima dumtaxat membranula singulas succingens spectetur. Quin etiam cum Epistolam hanc meam relegerem, alia edita est a Cl. Solertissimoque Viro Christoph. Jacobo Trewio de *Vasis Lingue Salivalibus* inscripta, ubi has ipsas particulas pingens quales in mortuo ex cerebri vulnere conspexit (s), sine ulla dubitatione *folliculos membranaceos* appellat, describitque *ita comparatos, ut ad lentis magnitudinem, flatu per singulorum orificium manifeste hians immisso, facile distendi potuerint*. Supra etiam (t) appellaverat *glandularum lingue folliculos*. In his autem appellationibus,

(n) Op. Posth.

(o) Animad. 29.

(p) De Gland. Intest. Exerc. 2.

(\*) Anat. Animal. P. 1. c. 6.

(q) Animad. cit.

(r) Animad. 95.

(s) Tab. 3.

(t) Tab. 2. Explic.



bus, in eaque descriptione tantum abest, ut studio partium quidpiam dederit; ut legisse non videatur qui antea has caveas animadverterint, non secus ac paulo infra qui primi in homine Sublingualium glandularum ductus retexerint. Quas ergo nos caveas, aut vesiculas nullo vitro adjuti vidimus, Malpighius in linguæ anatome exercitatus videre non potuit, aliisque; inermibus oculis, demonstrare? His autem potissimum utor exemplis, quod in ipsis magis conspicua res est; non quod alia desint sive nostras, sive aliorum observationes spectantibus. Nam; ut de alienis quoque dicam; Jo. Nic. Pechlinus (u) in Duodeno canis intestino agmen earum glandularum quæ Peyerii postea dictæ sunt, esse invenit dumtaxat vesiculas quasdam, aut cellulosas membranae carnosæ colliculos; in porci autem intestino, varia, inquit, sparsim glandularum dicam an Vesicularum agmina visus conjecit, & tandem affectus est. Erant certe ad eosdem rivæ cunctas ultimæ terminantia arterias, secretumque a sanguine liquorem in cellulas & inde in tubulos conferentia. Joannes autem Jacobus Wepferus (x) ad Peyerum hæc scripsit: „Glandulæ intestinales mihi videntur esse vesiculæ faviformes, cavernulae, aut tubuli cæci, similes vesiculis seminariis, aut cavernulis in postica membrana pituitosa post uvulam vel in limbo palati ac tonsillarum, aut prostaticis foemininis; non corpuscula pulposa perinde ut glandula hepatis, pancreatis, & cæteræ id genus. „ Et Peyerus ipse (y) inflatis, inquit, & exsiccatis (leporis) intestinis glandularum loco remanserunt cellulis pulmonum raninarum persimiles foveolæ, quas aliquandiu asservatas, postmodum etiam aliis atque aliis rerum naturæ studiosis spectandas exhibuimus.

24. Sed has memorantem, atque alias in quibus Malpighius folliculos potuit ostendere, glandulas memoraturum interpellant me Experientissimi Viri, volentes, ne hæc ponantur inter glandulas, sed ut vocentur in posterum cryptæ. Vellem ego quoque posse in hac re indulgere Meritissimis Viris. Sed qui possim, cum Anatomici longe Doctissimi, ac Celeberrimi, qui ante hoc tempus de iis glandularum agminibus verba fecerunt, non cryptas, sed glandulas nuncuparint, cumque Eruditissimus Professor Thomas Whartonus (z), antequam Malpighius quidquam ederet, linguæ illas glandulas describens, neque in unius cujuslibet medio sinulum foraminulo perforatum omittens, eam totam linguæ partem glandulosam appellavit? Quid? Quod cæteri Anatomici has linguæ, & intestinorum particulas constantissime glandulas vocarunt: quod non modo faciunt Virorum etiam Experientissimorum Clarissimi Affectæ; sed cum multas alias partes a verarum numero glandularum excludant, has tamen sine ulla hæsitacione admittunt. Et vero cur non admittant? quia, inquit illi, nec similitudo cum nomine, nec cum vera glandula adest. Sed quam veram glandulam, & quo jure dicendam statuam, infra (\*) videbimus; hic illud attendere satis sit, linguæ glandularum substantiam solere consimilem inveniri substantiæ aliarum quas Veteres pro veris glandulis habuerunt, ut earum quæ in palato sunt, quas sane pro glandulosa carne agnovit Falloppius (a); has vero & glandulas intestinorum a cæteris quoque præstantioribus vel nullarum, vel adversarum Malpighio partium Anatomicis inter veras, ut dixi, glandulas, quantum ego scio, constanter reponi. Similitudinem autem cum nomine si velint solcite in veris omnibus glandulis requirere; cur non etiam in omnibus requirunt musculis cum muribus similitudinem? imo vero cur non eandem illam in cæteris quas approbant, requirunt glandulis? Nam certe pancreas, & glandulam pinealem merito vocari glandulas, agnoscunt. Non oportebat igitur ab ipsis scribi: „Vox glandula diminutivum est a glande, atque propterea foret opus, ut hæc particula (crypta aliqua videlicet) saltem haberet aliquam similitudinem, per quam aliquo modo accederet ad formam ita dictæ glandis; sed nulla talis spectatur inter membranaceum, tenue parvæ cavitatis involucrum, & inter fructum quercus: unde vel ex ipso linguæ usu non

„deberent tales parvæ, & vix visibiles particulae corporis glandulae appellari. „ Non oportebat, inquam, hæc scribi; quasi vero pinealis glandula glandem ferme æquaret, aut pancreas non longissime superaret, aut denique ad formam glandis idem pancreas magis accederet, quam vesicula aliqua subrotunda.

25. Igitur, ut ad illud quod promisimus, revertamur; cum illæ de quibus dicebamus, particulae jure nequeant e glandularum numero expungi; potuit certe Malpighius, inermibus oculis, sanis in glandulis folliculos demonstrare. Porro cum in his, aliisque ex iis partibus in quibus e sanguine aliquid fecernitur, folliculos manifestos conspiceret; haud præter rationem fecit, ut in cæteris quoque ejusmodi partibus esse, crederet, præsertim cum ipsos, alio aliquo adjumento nixus, non deesse, intelligeret. Neque enim necesse est, nec fieri profecto potest, ut pari evidentia in partibus omnibus ostendantur: quæ de re tertio loco verba a nobis facienda sunt. Quid enim? Num in minimis animalculis quædam idcirco partes non sunt ponendæ, quod sub oculos cadere non possunt? Musculos certe in iis non videmus; & tamen cum progredi videamus, musculis non carere, intelligimus propterea quia hæc duo in aliis animantibus conjuncta esse novimus, progressum, & musculos. Sic quia in cæteris secretoriis partibus secretionem, & folliculos conjuncta vidit Malpighius; non perperam fecit, si in illis quoque in quibus fecerni aliquid a sanguine, demonstrare poterat, folliculos autem non poterat, folliculos tamen inesse, credidit. At vero hoc, ajunt, non est Anatomici: Nos amamus oculis videre, ratiocinari relinquimus illis, qui in Disputationum subtilitate palmam querunt. Præclarum sane propositum, quod utinam posset omnibus in partibus habere locum. Verum cryptarum vascula non possunt ita adhuc clare videri. Quid censebimus? „ Ad nos, inquit, quod attinet, putamus, quod omnes (particulæ) quæ faciunt humores diversos, etiam habeant ad illud opus ibi faciendum vasa diversæ reptionis & contexturæ. Humores autem diversos posse fieri in solis vasis, absque glandulis, certi sumus ex cortice cerebri, mammae, testiculis; in quibus omnibus id clare apparet. Cur ergo & non hic loci? „ Alibi „ operæ pretium ipsi esse existimant, ulterius expiscari, quid statuendum sit de sudoris fonte, an ex præteritis & ita dictis Glandulis cutaneis, sicuti Malpighius statuit, aut ex extremis Arteriolis roris instar, uti ipsi sustinent. „ Si quaeris, cur ergo sustineant quod ipsi fatentur esse amplius indagandum; alio in loco ostendunt. „ Evidentissime, inquit, ad oculum demonstravimus, quod ipsæ extremitates arteriarum sanguiferarum, rectæ, exporrectæ, affundant secretum humorem ad irrorandas & lubricandas partes, idque sine ullo invento intervenientis machinulae membranosa cavæ. Exemplum dedimus in ductibus hygrophthalmicis Cl. Meybomii, quos repletionem invenimus sic factos, sic agere, sine ulla omnino glandula media, sed mera simplici vasculorum tantum actione. --- Ita & ipse sanguis exit de corpore per dilatatas, rectas, arterias, naturaliter in menstruorum excretionem. --- Unde nec credi debet, alios esse sudoris fontes, nisi tomenti instar subtilissimi tenues extremitates arteriarum subcutanearum. „ Denique, ut sciens prudensque alia ejusmodi exempla præteream, de Thymo hæc docent; Thymus itaque, quum Glandula sit, solis igitur constabit vasculis, non Glandulis minoribus. Nonne illam ipsam quam in aliis non laudant, ipsi methodum sequuntur? Quæ enim alia est methodus Malpighiana, nisi hæc; Thymus itaque quum Glandula sit, non solis igitur constabit vasculis, sed & Glandulis minoribus. Non ut ipsos arguerem, exempla hæc protuli; Deus enim mentem meliorem mihi, quam quos ex animo colo, eos ut ausim redarguere; sed ideo protuli, ut ipsos rogarem, ut quod in rebus adhuc subobscuris sibi liberum esse, volunt, id ne vicissim negarent

(u) De Puræ. Medic. Fac. c. 36. (x) in cit. Peyerii Exerc. 2. (y) Ibid. (z) Adenogr. c. 23. (\*) n. 32. & seqq.

(a) Obs. Anat.



Malpighio. Quod si ajant, se demonstrasse ab aliis glandulis abesse quod a thymo abesse, existimant; Malpighii Affectu respondebunt, Præceptorem suum demonstrasse in aliis glandulis inesse quod in thymo inesse, existimat. Hoc etiam fortasse addent, conditionem non esse parem; nam demonstrationes Malpighii quæ sint, neminem ignorare, ut siquid aliquis in iis desideret, possit ille statim proponere; at viam rationemque qua suas Experientissimi Viri contrarias apparant demonstrationes, ad hoc tempus omnes latere, ut si quod forte erroris periculum sublit, id pro certo afferri, atque indicari in publicum bonum non possit: id autem periculum videri Clarissimis, & amicissimis eorum Viris vel in iis subesse demonstrationibus quæ tanquam cæterarum evidentissimæ propositæ sunt. Sic in cerebri cortice Bohlius, in jecinoris autem substantia Boerhaavius quas suspiciones, qualesque habeant, supra esse ostensum. His addi jam posse Amicum alium, in Arte injectionum sane versatum, Anatomicum Doctissimum atque Experientissimum Abrahamum Vaterum (b), qui in glandulis, seu majoribus in ductibus hygrophthalmicis Cl. Meibomii non obscure in dubium vocavit quondam propositam demonstrationem, illam eandem videlicet quam paulo ante vidimus exempli; atque adeo fundamenti & normæ loco memorari, ut inde, quasi ex re manifesta & evidentissime ad oculum demonstrata colligeremus, in cæteris quoque partibus, sine ulla omnino glandula media, humores ex arteriis in ductus transire. Cum enim Vaterus ea qua pollet industria nuper replevisset palpebrarum arterias; non propterea nihil nisi ductus simplices, serpentino cursu ad Meibomii ostiola decurrentes conspexit, sed & illa quæ ego ante (c) indicaveram, omnia, scilicet unumquemque eorum ductuum exhibere racemum ductuum minutissimorum, quibus corpuscula spheroidæa botridis instar coherent, a latere utroque in ductum medium communem concurrentium. Quamobrem ipsa veri vi ingenuus Scriptor permotus ita rem concludit, ut diserte ajat: Non itaque video, quid obstet, quo minus has lineas subpalpebrales aggeries minutissimarum glandularum cum Morgagnio appellemus. Nam quod continuo subjicit tamen: nisi quis forte objicere velit, corpuscula globosa, racemis ductuum adherentia, non tam glandulas in sensu strictiori, quam acinos glandulosos ex contritis arteriolarum extremitatibus oriundos esse; hoc vero (quod facit ipse) in medio est in præsentem quidem disputationem ab utraque parte relinquendum. Satis enim est, quod pro evidentissimo positum fuerat, sic in dubium esse vocatum, ut proclive jam sit omnibus suspicari, si cera, in arterias injecta, in arteriis subsistat, hæcque intra modum distendat; quod in Vateri injectione factum videtur; tunc corpuscula spheroidæa, & laterales quibus hæc coherent, canaliculos, res secundum naturam nullo adhibito artificio nobis conspicuas, adhuc apparere: sin autem cera adeo impellatur ut dilatet præter modum arterias, sibi que ipsi inveniat aditum in Meibomii ductus, eosque repleat; tunc vero nil amplius conspici posse, nisi medios eosdem ductus, sive communes canaliculos serpentino reptatu reptantes, ceu continuantes cum arteriolarum extremis, sicuti extremitates arteriolarum Renum (nam hæc quoque continuatio eadem transitus injectorum ratione satis creditur esse demonstrata) cum ductibus urinosi a Cl. Bellino depictis; spheroidæa autem corpuscula non ipsa modo injectæ cære colore, & nimia arteriolarum turgentia obrui, sed laterales etiam obtegi ductus, inter communium quemque & illa corpuscula interjectos: quos quidem is qui, aliter se gerendo, præclare vidit Vaterus, antea in ejusmodi demonstratione penitus obscuratos, eoque prætermittos, sine ulla tandem dubitatione ad hunc modum confirmavit: singula hæc lineæ subpalpebrales non sunt ductus simplices serpentino modo complicati, sed totidem ductus communes ex concursu ramorum lateralium generati, adeoque tot ductus communes excretorii totidem glandularum conglomeratarum æstimandi.

26. Cæterum ex iis quæ supra de thymo, de glandulis cutaneis, de cryptis producta sunt, exemplis, atque aliis quæ produci potuerant, in primisque de vasculis ovilli uteri vermicularibus, deque ductibus mammarum lactiferis, intelligi satis licet, ne eos quidem qui cum Malpighio non faciunt, potuisse ipsos in locis omnibus in quibus secretiones contingunt, dogma suo modo demonstrare suum aut de vario vasorum reptatu, aut de extremarum arteriolarum cum excretoriis ductibus continuatione. Quid? si addamus: imo quædam esse ejusmodi loca in quibus, vel suis adhibitis præparationibus, folliculorum tamen vestigia non prorsus oblitterasse videantur. Nam in renibus; ut illud omittam quod ingenue consentitur, Arteriolas degenerantes in ductus urinarios, ante dictam degenerationem, quandam mutationem subire, aut ceu in aliud esse mutari: & quæ in re illud consistat, accuratius in posterum perscrutandum; ut hoc, inquam, omittam; pari certe ingenuitate semel, iterum, tertioque fatentur, se in renibus invenire talia rotunda corpuscula, magna instar seminis papaveris, ubi per microscopia spectantur, sed nescire hucusque, quid de illis dicant: quo vel uno fieri posse speraveram, ut nemo inculcasset, renum substantiam ab iisdem totam vasculosam demonstratam esse, etiam si illa corpuscula aut ita raro (contra atque illarum confessiones indicant) deprehenderentur, ut morbosa credi fortasse possent, aut tam pauca & exigua essent (sine illis tamen quæ Cel. Boerhaavius, ut supra vidimus, non sine causa conjicit per ipsas injectiones deleri) ut largissimæ urinae secretioni minime sufficere viderentur. Neque illud omittendum est quod de genu glandula, a se præparata, Mucilaginosæ iidem illi Experientissimi Viri conscribunt: in vasculoso illo apparatu locantur ubique exigua membranacea receptacula, similia iis quæ in intestino recto imprimis, ut & intestinis tenuibus observantur, quæque versatissimus in Anatomicis Listerus (an Peyerus) donat nomine agminis glandularum. Qua ex candida confessione hoc interim colligendum est, non vanam futuram fuisse illam de qua supra dicebamus, Malpighii methodum, si quia aliis in glandulis folliculos esse demonstraverat, in Mucilaginosæ quoque nominatim, esse censuisset. Nec vero vana fuit: nisi quid me fallit; in toto illo glandularum prope innumerarum genere, Conglobatarum videlicet, de quarum structura tandiu distulit sententiam dicere. Nam quod subobscurè antea percipiebat, denique (d) simplici, at diuturna, in communi aqua adhibita earundem per longum sectarum maceratione, præclare deprehendit, scilicet inesse ipsis, etiam fanis, rotundos, vel ovales folliculos, ex membrana candida, mollique constantes, quæ si secetur, suum cavum ostendit, & effuso humore, in se ipsam collabitur: hosque in singulis fibrarum carnearum, in retis modum implexarum, areis singulos, interdum etiam binos, vel ternos locari, in eosque sanguiferorum vasorum extremas propagines videri desinere. Non me fugit, quod ne Malpighium (e) quidem, antequam hæc scriberet, fugiebat, Sagacissimorum Virorum firmiter illud assertum, Conglobatas scilicet glandulas non aliud esse, quam vasorum implicationum nexum: neque me præterit, Exercitatum Anatomicum Nuckium (f) fibrarum quidem intra has glandulas implicationem, seu rete postea vidisse; folliculos autem non vidisse. Attamen haud miror, non eadem quæ Malpighius, invenisse qui non eadem qua Malpighius, via ac ratione quæsierunt. Itaque cum ipse dissensum Nuckii vidisset, ut hominem decebat qui illa quæ docuerat, se posse ostendere non dubitaret, propositam a se inquirendi viam constantissime inculcavit (g). Utinam Experientissimorum etiam Virorum qui ab ipso cum in cæterarum, tum in harum quoque glandularum structura discrepant, dissensum perlegere potuissent. Fortasse illud, & quidem æquum, optasset, ut primum ostensa ab ipso via non semel se frustra usos esse, docuissent, tum vero alteram qua sunt usi, & per hanc quænam comperta haberent, proposuissent. Quid enim, si hæc

(b) Miscell. Berolin. Tom. 4. P. 3. Diff. 5. (c) Advers. I. n. 12. (d) Epist. de Struct. Gland. Conglob.  
(e) Ibid. (f) Adenogr. ubi de Gland. Conglob. c. 2. (g) Op. Posth. prope fin.



si hæc altera, ut ad arterias vel tenuissimas patefaciendas est certe mirum in modum utilis, sic earum distentione potest reliqua oblitterare, aut certe obducere, ad quæ patefacienda unice illa prima valuisse? Veri enim simile est, molles illos & in se facile collabentes folliculos ea ratione multo facilius esse obductos, qua vel rete illud fibrarum non a Malpighio modo visum, sed a Nuckio etiam inculcatum, & satis crassum delineatum, usque adeo videtur fuisse obductum, ut ne hoc quidem amplius memoretur: quod minime nobis mirum est, quando supra vidimus, istis injectionibus peractis, & cutem, & ipsos cordis lacertos ex meris sanguiferis vasculis contextos apparuisse; illud potius mirum, non omnes tamen folliculos esse oblitteratos, si forte ad illos pertinent multa illa, parva, pulposa corpuscula quæ hinc inde sanguiferis vasculis adhaerebant, & quæ adhuc accuratius sunt indaganda.

27. Illud hoc loco me abs te interrogari posse video, qui fieri suspicer, ut his, aliisque in glandulis injectione possint folliculi oblitterari, quos in Mucilaginosi, ut paulo ante videbamus, nihilominus servari, constat? Ego vero ut varii hujus effectus causam aut variæ folliculorum magnitudini, firmitati, resistentiæ, aut variæ nonnunquam, injectæ materiæ conditioni, copiæ, impetui, & quæ sunt alia ejusmodi, adscribi posse, existimo; sic illud scio, aliam ad alias in una eademque parte res demonstrandas anatomicam administrationem magis esse accommodatam, ut quæ una patefacit administratio, alia obducatur, & si uni huic credas, id facile neges quod altera esse demonstrabit: quemadmodum pancreatis vasa si repleas; nullum, quod Experientissimi Viri ajunt, *superfit dubium, quin Pancreatis constitutio nil sit, nisi vasorum manipulus*: at si Io. Conradi Peyerii experiendi viam notam habeas; longe aliter fortasse censeas, & ex membranis folliculis constare, affirmes. Non fuit profecto, ut notum est, Malpighii auditor Peyerus; neque ex illius dogmate, sed ex propria experientia scripsit (b). *Experiundo sane cognovi, ipsum pancreas constare e membranis diversimode replicatis vesicularum specie, in quas illud resolvere possum.* Fuit quidem Malpighii auditor Valsalva; nobis tamen constat, non ex Præceptoris tantum, sed ex propria etiam observatione, & facultate; ut quem paratum fuisse scimus ad demonstrandum; illa quæ nunc defendimus, monuisse (i); „ Res minimas non omnes omnium, alioquin etiam „ peritiorum; oculos incurere: & illarum aliquas „ uni Anatomico neutiquam apparere, quæ inter „ rim satis facile ab aliis ostendi possint, qui nempe „ ob diuturnam præcipue exercitationem, quænam „ subjecta illis rebus ostendendis sint aptiora, „ didicerint. Sic Vesicularem, inquit, Glandularum substantiam a Celeberrimo Præceptore meo „ Malpighio longo labore detectam, ---- non desunt „ qui videre se posse, negent; & tamen illis qui „ in talium Partium anatome diu, & multifariam „ sunt versati, eam satis ostendere promptum est. „ Quare in his, & similibus Anatomicorum dissensionibus attendendum est, non utrum aliquis in „ re Anatomica utcumque se exercuerit, sed in qua „ Parte, quanto tempore, quave indagandi ratione „ potissimum laboraverit: quod cum præstitum fuerit, tunc porro judicandum. „ Equidem illos quos inter, & Malpighium non convenit, Anatomicos non utcumque omnes, & brevi tempore in glandularum structura indaganda versatos esse, contendendo: imò Experientissimos, Clarissimosque, quibuscum agimus, Viros diu, multumque, & incredibili quadam subtilitate ac diligentia in eo se exercuisse, confiteor. Non propterea tamen constat, iis quoque indagandi rationibus quibus Malpighius, Peyerus, Valsalva utebantur, pari spatio temporis, ac pari diligentia, constantiaque esse usos. Quod donec constet, non ægre ferent, ut opinor, si quis horum quos laudavi, Anatomicorum se posse credat observationibus adstipulari. At enim *re non*

*verbis, demonstratione, non auctoritate decidendum.* Æquum fane petunt. Sed ut nostrum neminem esse puto qui quod se observasse profiteatur, ita ut observavit, non ostendat; ita æquum putò, ut quod tres tales Viri se observasse, & posse ostendere, professi sunt, ostendi ab iis potuisse, ne dubitemus.

Quando igitur eorum quibuscum agimus, æquitatem spectatam habemus, non est profecto cur vereamur, ne quod Malpighius, Peyerus, Valsalva se observasse, & demonstrare posse, ostenderunt, non observasse, aut demonstrare non potuisse, suspicentur. Siquid igitur dubii restat; nimirum sic est intelligendum, ut in administrationem cadat qua illi in observando, demonstrandoque utebantur, ne forte cum periculo aliquo erroris esset conjuncta. At si Malpighii in fabrica glandularum Conglobatarum inquirenda administrationem quærunt; supra est indicata: si vero Peyerii, & Valsalvæ; queri non videntur posse, si cum ipsi propriam celatam velint, hi suam non revelarint. Igitur ex verbis, inquit, cujusquam, & auctoritate decidetis? Nos vero hic nihil decidimus: imo ut nihil, nisi de quo satis constet omnibus, decidatur; quid aliorum qui secus sentiunt, objectionibus, & auctoritati opponi queat, pro veri studio non reticemus.

28. Restat de quatuor illud ultimum, an folliculi quos Malpighius ostendit, non modo nihil ad glandulosarum partium naturam pertineant, sed ita ab hac discrepent, ut si constet, partem aliquam esse *vesiculosam*, ob id ipsum consequatur, non esse glandulosam. Qua de re si forte existimas satis supra (\*) esse disputatum, ubi ostensum est, cui bono in fecernentibus partibus vesiculæ esse queant; velim animadvertas, non deesse Doctissimos Viros, qui non modo, ut ibidem vidimus, non *ubique secrecio est, ibi esse glandulam*, sed neque *ubique glandula est, ibi esse secretionem*, concedant. Quorum primum quidem ob eas causas quas recenset, probatque Gulielmus Cole (k), *Malpighio omnium primo placuisse*, ex hujus Exercitatione de Hepate ostendunt, in qua (l) *satius esse, scripsit, credere, omnem depurationem, secretionemque succi, sive excrementicii, sive proficui, e sanguinis massa, solis glandulis haberi.* Alterum vero minime dubium est, quin vel ante Malpighium Gravis alius Anatomicus, Glissonius (m) maxima asseveratione affirmaverit, *esse, ajens, verissimum, omnibus glandulis id commune officium esse, ut secretionem aliquam instituant.* Atque utraque hæc sententia quantum ab ignobilibus, aut a veri similitudine abhorrentibus ad munus utilissimum, verique simillimum glandulas traducebat, tantum a plerisque probata est, donec Peyerus, aut alii præterea, Brunnero visi sunt nimum primæ tribuisse. Certe Peyerus, ab hoc se fugillatim existimans, cum acius pro eadem in *Merycologia* (n) propugnasset, eo Brunnerum adegit, ut in priore Exercitationis de Glandulis in intestino Duodeno detectis editione (o) non modo secretionem quasdam sine ulla glandula, *per proportionatos dumtaxat poros haberi*, contenderet; sed, aliter si esset; *neceffe esse diceret, ob nutritii humoris secretionem, totum corpus glandulam esse.* Verum, ut Brunnerus in hoc nimis fortasse fuit, tum quia Gulielmus Cole (p), primæ illius sententiæ patronus, secretionem humoris nutritii (quam *privatam* appellabat) & nominatim exceperat, & a Malpighio fuisse exceptam, ostendebat, tum quia necessario excipiendam fuisse, Peyerus postea demonstravit edito commentariolo (q) de Secretione, & ejus Organo in Animalibus; sic vicissim ipse Peyerus inter respondendum eo decurrit (r) ut sententiam illam alteram quam tuebatur Brunnerus, confirmans videlicet (s) *manere hætenus immota veritatis, nec ullum Anatomicorum dubitare, quin ubi glandula, ibidem secretionem natura instituat*, jam in dubium trahere inciperet, præter glandulam pinealem, & pituitosam cerebri, etiam alias commemorans, *quarum vel esse nullam prorsus, vel incertam & ambiguam secretionem*, existimabat, ut *thymum, conglobatas plures, & renes quos vocant*

(b) Merycolog. l. 2. c. 1. (i) De Aure Hum. c. 2. n. 7. (\*) n. 17. (k) De Secretion. Animal. c. 5.  
(l) c. 4. (m) Anat. Hep. c. 45. (n) l. 2. c. 3. (o) in Corollar. (p) c. cit. (q) in Ephem. N. C. Dec. 2. A. 6. Obs. 133.  
(r) Ibid. (s) in Corollar. cit.



vocant *succenturiatos*, nihil veritus huc ipsas *antiades* adnumerare, & *mammæ* cum *fœminarum* ---- quæ *latere* nequeunt *secretionis defectu*, tum præcipue *masculorum*. Itaque dum acerrime inter se concertarent, alter alteram sententiam, quo placere magis Adversario, perspiciebat, eo magis impugnavit. Sed qui utramque pariter improbaret, haud scio an aliquis extiterit ante Viros Eruditissimos qui nunc Malpighio refragantur. Nam simul id quod Brunnerus, contendunt, ut vidimus, non ubi secretio est, ibi quoque glandulam esse, simul quod is suo, & reliquorum omnium Anatomicorum nomine fatebatur, ubi glandula, ibidem esse secretionem, ipsi cum Peyero in dubium revocant. Quis, inquit, probare certo potest, glandulam pinealem, pituitariam, capsulas atrabilarias, thymum, glandulam thyroideam, bronchiales &c. aliquid discernere? & tamen pro veris glandulis ab unoquoque habentur.

Et posset quidem, missis iis quæ Brunnerus reposuit (t), aliquis respondere, satis videri cæteris Anatomicis, esse istas glandulas intus extraque non dissimiles certarum partium aliquid e sanguine secernentium, ut quod in hisce fieri vident, secretionem videlicet, idem in illis fieri, argumententur, præsertim cum haud vanam esse hanc ipsam argumentandi rationem, ductus ostenderint excretorii, in aliis quæ his carere credebantur, glandulis tandem inventi, ut in Parotidibus, in Sublingualibus, in Pancreate, cujus sane exemplum proposuit Doctissimus Michelottus (u). Posset, inquam, aliquis hoc respondere, atque insuper quærere, videamusne parvorum omnium musculorum, ut puta qui in Auris ossicula inferuntur, atque adeo carnearum omnium fibrarum motum, ut hunc ostendere ac demonstrare possimus? num quemquam propterea hoc tempore dubitare statim atque fibras quaspiam, intus extraque cæterarum carnearum non dissimiles videt, quin movendo, ut cæteræ, tendendove inserviant? Nos tamen, his omisis, quam aliam glandularum notam iidem Eruditissimi ac Præstantissimi Viri, quorum labores & industriam ad illustrandam Anatomiam hac quoque in parte etiam atque etiam laudamus, ipsi in communem utilitatem protulerint, eodem quo ipsi protulerunt, animo considerare mus.

29. „ Quæcunque pars, inquit, a Veteribus glandula appellata est, aut habitum illum obtinet, „ quem illæ partes habent, quas Veteres glandulas „ appellarunt, talem pro vera glandula agnoscimus, „ & pro tali habendam esse, censemus. Quæcunque „ vero eo habitu destituitur, illam e numero glandularum exterminandam judicamus. „ Equidem si istum habitum intus potissimum spectari, & inquiri vellent; facilius possem assentiri. Verum ajunt: „ Veteres quasdam partes nostri corporis ob „ peculiarem habitum, sive ob singularem faciem „ externam, nullo habito respectu sive ad structuram „ internam, sive ad figuram sphericam, sive ad usum, „ glandulas dixisse: ideoque, cum nobis neque liceat, neque ob confusionis metum, oportunum sit, nomina vetera mutare, aut glandularum nomen talibus partibus imponere, quæ nimis diversæ sunt ab illis, quas ita vocarunt, „ hinc nomen glandulæ nulli parti (licet similem „ fabricam internam, similemve usum habeat, „ quam quædam glandulæ obtinent) recte competere posse, nisi talibus, quæ similem simul faciem externam, sive peculiarem illum habitum obtineant, ob quem olim & primum ita dictæ „ fuerunt, & adhuc hodie a vulgo ita dicuntur. „ Profecto ex iis me esse, & Amici norunt, & ipse confiteor, qui Veterum nomina haud censent præter necessitatem esse immutanda. Sed hic tamen non de immutandis agimus, sed de jam diu, & magna consensione immutatis. Namque Anatomici a tot lustris id sibi ejusmodi in rebus licere existimantes, tot jam libros novis hisce impositis nominibus fere unanimes implevere, ut, si verum fieri velimus, verendum esset, ne non confusionem

jam tollerent, sed longe majorem, ut nunc se res habent, inveherent, si nomina ad illorum qui primi olim imposuerunt, arbitrium nunc revocare conarentur. Istis ipsis Viris Eruditissimis, meique amicissimis nunc minime placere opinor (ut cætera in quibus ab Antiquorum sententia, & consuetudine haud secus ac Recentiores alii, passim dissident, prætermittam) alias cum Veteribus spermatikas partes dicere, alias carnosas; spermaticarum autem substantiam iterum duplicem, solidam scilicet, & huic adhærentem carnosam; carnes denique & agnoscere, & vocare has quatuor, proprie dictam musculorum fibris, parenchyma viscerum vasis, peculiarem cujusque partis villis superadditam, glandularum vero in se convolutam. At si habitus ipse partium a Veteribus conspectus in causa magnam partem fuit, hæc ut vocabula imponerent, & si earundem partium intima ac diligentior inspectio ac perscrutatio ab recentioribus Anatomicis instituta, illa ferme omnia coegit deferere, cur in glandularum appellatione ad corticem iterum respiciemus, nucleum ipsum negligentes? Ne ipsi quidem Veteres in partibus definiendis necessarium sibi arbitrabantur ab Antiquorum, & Gravissimorum sane Auctorum sententia non recedere. Cum enim Hippocrates (x), aut alius vetustissimus certe Scriptor cor esse musculum, docuisset, Cornelius autem Celsus (y) idem confirmasset; Galenus (z), cæterique deinceps Medici tandiu repugnarunt, ut cum denique Nicolaus Stenonius, (a), cordis fabrica penitus inspecta, jure ac merito ipsum esse musculum, confirmaret, ne tum quidem Anatomici deessent, & in his Diemerbroeckius (b), qui, incassum quamvis, tamen conarentur resistere, ac penè Deorum, atque hominum fidem implorarent, ne contra atque omnes Medicorum Scholæ statuissent, primum viscus totius corporis e viscerum numero deturbatum pessimo exemplo, nec sine doctrinæ confusione ad alia mox viscera, partesque alias traducendo, inter serviles musculos detruderetur. Vicit tamen facile veritas; atque intima structura cordis, cæteris musculis non dissimilis inventa, ut pro musculo nunc cuncti habeamus, perfecit.

30. Jam vero si, ut in cordis natura definienda Veteres inter se discrepabant, sic in partibus quibusdam glandularum nomine appellandis forte dissenserint; quid tum nobis faciendum sit, quæro. Nam si eas appellemus, si non appellemus glandulas; a Veterum norma recedamus, necesse est. Et vero non parum dissensere in cerebro, in renibus, in testiculis, in lingua, in glande penis inter glandulas annumerandis. Et de cerebro quidem Viri Doctissimi quid sentiant ipsi, proposuere. „ Si quis velit, inquit, totum cerebrum pro „ glandula magna habere, quia Hippocrates illud, „ ob qualemcumque similitudinem, corpus glandulis „ simile vocavit, non valde repugnabo: licet sequentes Veteres idem non egerint. „ Non omnino leve est quod hic Recentioribus concedere incipiunt. At suscepta norma non ad hoc solum, sed ad majora etiam perducet. Neque enim Hippocrates (c), vel quicumque is antiquissimus Auctor fuit, cerebrum tantum simile glandulæ esse dixit sed ea subjecit quibus ostenderet, se pro glandula omnino habere, cum majus, inquit, est cerebrum, quam ALIÆ glandulæ (των ἄλλων ἀδένων), & facit morbos & minores, & majores, quam ALIÆ glandulæ (ἢ ἄλλαι ἀδένες.) Deinde secundum propositam normam, similem esse glandulæ, & esse glandulam idem est, si quidem in extrema facie similitudo spectetur, quam se (non minutam particularum structuram) tunc spectasse, ostendit Hippocrates: cerebrum, inquit, simile glandulæ: est enim cerebrum album, ac friabile, quemadmodum etiam glandulæ. Quod si cerebri habitus Hippocrati quidem visus est similis cæterarum glandularum, aliis autem Veteribus non est visus; hinc sane quam norma proposita sit incerta, ac dubia, intelligi potest. Quam tamen qui pro-

(t) Dissert. de Gland. Pituitaria in Corollar.

(u) De Separ. Fluidor. Prænot. 4.

(x) l. de Corde.

(y) De Medic. l. 4. c. 1.

(z) De Anat. Administr. l. 7. c. 8.

(a) De Muscul. Observ. Specim.

(b) Anatom. l. 2. c. 6.

(c) De Glandulis.



proponunt, cum Pinealem glandulam, constanter ab Antiquis pro glandula habitam, glandulam esse, non dubitent, hæc autem corticali cerebri substantiæ colore, ac substantiæ modo satis similis sit; suam ipsi normam sequi non videntur, cum expungendam esse e numero glandularum corticalem cerebri substantiam, scribunt, quia nihil in ea conspicitur neque nudis, neque armatis oculis, quod glandularum minorum figuræ, multo minus habitui simile sit. Nam quod addunt, præsertim dum injectiones docuerunt, eam ex meris vasculis constare (ut illud armatis oculis, & glandularum minorum figuræ) neque ad normam propositam spectat, & si ex meris vasculis constare apud ipsos quoque glandularum repugnat naturæ; alias præterea multas glandulas, a Veteribus sic vocatas, ex albo glandularum expungant oportet, & in iis nominatim, præter mesenterii glandulas, & mammarum, ipsum etiam pancreas, ut quod, si injectiones easdem attendamus, nil esse, nisi vasorum manipulum, supra (\*) est a nobis commemoratum, Sed & illud omittant oportet argumentum quod insuper addidere, ex eo petium quod veræ glandulæ, in quibus glandulas mesenterii, & pancreas diserte ponunt, raro, si unquam, in vesiculas mutata reperiantur; ---- partes vero vasculosæ, quales renes esse, non dubitant, sæpissime. Nam neque sæpissime occurrunt ejusmodi elaboratæ, quales Malpighii Affecclæ potissimum urgent, ut puta Littrianæ, vesiculæ, & sicuti illud utrumque partium genus ab his censetur constare ex vesiculis, quantumvis non ad eundem modum compactis, ita ab iis vicissim qui illud argumentum obijciunt, utrumque ex vasculis constare secundum eam quam probant, injectionum methodum, negari non potest. Qua quidem methodo velint, an nolint stare, ipsis certe est etiam atque etiam considerandum, Nam si nolint; non est curalibi eandem urgeant adeo contra Malpighii Sectatores, aut scribant: vera glandula, hoc est, peculiare quoddam corpusculum, ex vasculorum congerie peculiari membrana inclusum, Sin velint; at ista saltem quæ in utroque pariter glandularum genere ex ea methodo sequuntur, attendant.

31. Quod autem de corticali cerebri substantia, hoc est, e numero glandularum esse expungendam, idem sentiendum ajunt de hepate, liene, renibus, & testibus; in quibus nos, inquit, & multi alii præstantissimi anatomici nihil quod glandularum habitum obtineat, reperire potuimus; at vasculosa copiosissima ubique in eis deprehenduntur. Hinc igitur rectius vasculosa appellantur hæc viscera, quam glandulosa, quia revera vasculosa sunt, atque sic competens nomen ipsis tribuitur. Omnium vero maxime mirari se, addunt, quod ---- multi lienem quoque glandulosum esse perhibeant, cum tamen ---- hodie ---- convenient, nullam secretionem hic fieri, quia ductu excretorio destituitur. De liene quidem von erat cur mirarentur; nam qui Malpighii sententiam sequuntur, hi & secretionem intra illum fieri, & pro ductu excretorio venam ipsam Splenicam inservire, arbitrantur. De reliquis illis partibus, & de ipso liene, non glandulosis, sed vasculosis appellandis, illud ipsum univèrse dico quod paulo ante, obijciens pancreatis, atque aliarum verarum sane glandularum exemplum, dicebam. Sigillatim autem de renibus, & de testiculis hæc addo: Eundem illum antiquissimum Auctorem libri de Glandulis diserte scripsisse: habent præterea etiam renes glandulas; nam & hi multa humiditate exsatiantur. Majores vero etiam hac parte, quam alia, glandulæ existunt. Quod & aliis Antiquorum placuisse, cum Auctor indicat libri, Galeno attributi, de Utilitate Respirationis, tum Galenus ipse (d) his verbis confirmat: sunt qui renes quoque inter glandulas annumerent; hi namque glandulosum quiddam habere ipsis videntur. Porro Aretæus quoque (e) re-

num glandulosam naturam esse, & (f) renes substantia glandulas referre; Meletius (g) autem eorum substantiam tonsillarum naturæ esse scripsit. Quapropter Eustachius (h) eruditissimus peritissimusque Anatomicus docuit, renum substantiam, inter glandulas a non paucis Authoribus numerari ----: nec deesse quidem, qui officium & usum renum magis, quam eorum substantiam spectare videantur (quæ res, & quod infra subjicit, quasdam partes ---- substantia, figura, & officio glandularum naturam elegantissime æmulari, satis, si adhuc esset opus, ostenderent, num Veteres ---- nullo habito respectu ---- sive ad figuram sphericam, sive ad usum, glandulas dixerint) nec deesse, inquam, qui propterea glandularum nomen renibus attribuant; ---- plerosque tamen ipsorum hoc facere, quod renes non secus atque alios adenas & mammas, substantia glandulas esse, credunt: ---- se autem ipsum, laryngis glandulas, potius quam testes, ac mammas, ad renum substantiam proxime accedere, asseverare: & præterea habere renes glandulas, alias quidem exterius, ---- alias vero in eorum substantia elegantissime exculptas. Jam vero testiculos ex genere esse glandularum, Galenus (i) docuit, idemque ille Scriptor quem cum ipso confundi diximus, & Aretæus (k), Paulus (l), Theophilus (m), Avicenna (n), Meletius (o), Mundinus (p), Berengarius (q), Sylvius (r), Fallopius (s), Stephanus (t), Laurentius (u), Bauhinus (x), Spigelius (v), Plazzonus (z), Veslingius (a), aliique confirmarunt. Quæ cum ita sint, Virique Doctissimi animadvertere per se possint, non esse igitur ponendum, Antiquos, renes, ac testes nunquam pro glandulis habuisse; ab eorum plane cognita ingenuitate expecto, ut secundum propositam ab ipsis regulam, tanto magis concedant, renes, & testes glandulas esse, quanto disertius de his, quam de cerebro, id a Veteribus, traditum est. Idemque facturos spero in choroidis Plexus glandulis in posterum agnoscendis, ubi animadverterint, plures ex Veteribus nobiles sane Anatomicos ipsas sine ulla dubitatione posuisse. Nam Bauhinus, ut alias (b) indicavimus, Pinealem glandularum ejus Plexus maximam dixit. Adrianus autem Spigelius (c) non modo Glandulis eisdem hos Plexus esse plenos, ipse agnovit, sed id diligenter notandum esse monuit etiam ex observatione Varolii. Hic vero præstantissimus certe, & cum paucis comparandus Anatomicus, eas glandulas, quas ipsum primum invenisse, jam alii ante hos viginti annos admonuerunt, non modo in priore Epistola, ad Mercurialem Civem meum de nervis Opticis scripta, proposuit, sed & in sua Anatomia (d) his verbis confirmavit: In cerebri ventriculis majoribus, quædam sordidæ & laxæ glandulæ, quarum plurima copia, membranis contextæ locantur; quæ veluti spongiæ per vasa a cerebro, & cerebello eo transmissa excrementum exsugunt; & isti glandularum cumuli sunt illi, quos omnes ante me parum accurate plexus retiformes appellarunt; sed qui diligenter rem ipsam oculis intuentur, luce clarius glandulas esse, & non arterias, observant.

32. Verum hæc ut ipsis incommoda, Malpighii tamen Affecclis commoda sunt. Quid illa quæ a neutris certe probari possent, & tamen ex norma proposita sequerentur? Nam Galenus (e) ipsius linguæ naturam aliquo pacto glandulosam esse, docuit. Non modo autem Jacobus Sylvius (f) censuit, penis glandem revera glandem, hoc est glandulam, esse, aut carnem glandosam, seu glandem carnosam: ob idque glandibus, aut carnibus, attribui posse, ut gargareonem; sed & Joannes Riolanus (g) docuit, Penem terminari magna glandula turbinata, imo Andreæ Laurentium reprehendit (h), quod in descriptione, & enumeratione glandularum omisit balanum penis, & mammarum glandulas, & testes. Num igitur placeat, ut ipsam linguæ substantiam aliquo modo glandulosam

(\*) n. 27. (d) De Alim. Facult. l. 3. c. 6. (e) De Caus. acut. morb. l. 2. c. 9. (f) De Sign. diut. morb. l. 2. c. 3.  
 (g) De natura homin. (h) De renibus c. 2. (i) loc. cit. (k) loco cit. (l) De Re Med. l. 6. c. 61.  
 (m) De corp. hum. fabr. l. 5. c. 27. (n) Canon. l. 3. Fen. 20. sr. 1. c. 1. (o) l. cit. (p) Anat. ubi de Anat. Testic.  
 (q) Comment. in cit. loc. Mundini. (r) Ifig. Anat. l. 1. c. 7. (s) Inst. Anat. (t) De differt. part. corp. human. l. 1. c. 85.  
 (u) Hist. Anat. hum. corp. l. 9. qu. 1. (v) Theatr. Anat. l. 1. c. 27. (y) De hum. corp. fabr. l. 8. c. 17.  
 (z) De Partib. generat. inferv. l. 1. c. 9. (a) Synt. Anat. c. 6. (b) Advers. Anat. VI. Animad. 9. (c) Oper. cit. l. 10. c. 8. & 7.  
 (d) l. 1. c. 3. (e) De Succor. bonit. c. 4. (f) Ifig. Anat. l. 1. c. 7. (g) Anthropogr. l. 2. c. 31.  
 (h) Animadv. in Op. Anat. Laurent. ad l. 5. c. 4.



lofam dicamus, vel cum Whartono (i) glandem penis *intus constitui ex glandula fungosa*, affirmemus? Quod si hæc duo agnosceremus; tum vero secundum eam qua de loquimur, normam plures alias partes, quippe his duabus habitu similes, ex musculosarum, aut istiusmodi cellulosis numero in glandularum classem transcribere, cuncto reclamante Anatomicorum ordine, cogeremur. Sed si qua in re omnes reclamare Anatomicos posse, vereor; in ea certe vereor, quæ ex proposita norma tum consequitur, tum diserte iis quæ hic iterum describam, verbis colligitur: „hinc nomen glandulæ nulli par-  
„ti (licet similem fabricam internam, similemve  
„usum habeat, quam quædam glandulæ obtinent)  
„recte competere potest, nisi talibus, quæ similem  
„simul faciem externam, sive peculiarem illum ha-  
„bitum exhibeant, ob quem olim & primum ita  
„dictæ fuerunt, & adhuc hodie a vulgo ita di-  
„cuntur. „Inutilis enim dissectio, hoc est ipsa  
Anatome, foret; inutilis usuum observatio ad  
partium genus naturamque definiendam, si contra  
atque duo illa commonstrant, nihilominus externa  
rerum facie stare, & ab hac una pendere Anatomici,  
ut cæterorum hominum vulgus, deberent. At  
ea saltem facies, is habitus certa, uniformisque res  
essent; non tam incerta, ac multiformis, quam omnes  
intelligunt statim ac glandulas inter se confere-  
runt. Quid enim simile, quid commune inter  
externam faciem habitumque Mucilaginosarum, &  
Inguinalium? nonne illæ pinguedinis; hæc carnis  
faciem atque habitum æmulantur? Quid inter  
Thyroidæ Appendicem, quæ, tametsi glandulosa  
est, haud raro fasciculus musculosus videtur, &  
glandulam aut Pinealem, corticalis cerebri substan-  
tiæ, ut supra dicebamus, consimilem, aut La-  
crymale Internam leporis, & gliris nostratis;  
medullari eorum cerebri substantiæ sic, ut alias de-  
scribam, conformem? &; ne ab homine recedam;  
inter Littrii glandulam, & Appendicem Pituitariæ?  
In hac tanta igitur externæ faciei & habitus harum,  
& aliarum præterea quas consulto omitto, glandularum  
dissimilitudine, quonam modo eam ipsam rem qua non  
minus inter se glandulæ discrepant, quam cum aliis  
conveniunt partibus quas partes non esse glandulas,  
aut omnes sciunt, aut Viri isti Clarissimi certe  
contendunt, eam, inquam, ipsam rem feligemus,  
ut differentiam quam vocant specificam inter  
glandulas cæterasque partes constituamus?

33. Hic ex me quærent pro suo jure, & pro  
communi veri studio, atque adeo pro nostra indif-  
solubili amicitia, mutuis officiis aucta, summisque  
eorum ac immortalibus in me meritis confirmata,  
ex me, inquam, hic quærent Doctissimi, & Præ-  
stantissimi Viri, quamnam igitur aliam definien-  
darum glandularum normam approbem, qui, quam  
ipsi excogitarunt, non sequar? Nullam certe ex  
quinque illis primis quas & ipsi jure meritoque re-  
jecerunt: qua in re, aliisque in quibus possum om-  
nibus, iisdem perlibenter astipulor. Sed antequam  
dico, quam ipse probem; necesse est novas  
Glandulæ, Cryptæ, Acini definitiones perpendere;  
quæ postquam ipsi semel hac de re iterumque scrip-  
serunt, ab Experientissimis, & utrique nostrum  
spectatissimis Viris propositæ sunt. „Glandula est  
„corpus solidum, in coctione constans, conflatum  
„ex aggregato vasorum, undique cinctum membra-  
„na, cujus vasa differunt pro differentia humo-  
„rum, quos efficere debent. Crypta est flacci-  
„dum, in coctione inconstans corpusculum vasis  
„constans, non cinctum membrana ab omni par-  
„te, sed supra patulum instar foveæ. Acini sunt  
„rotundula corpuscula, non cincta membrana, quan-  
„tum possum hucusque videre, quæ vascula (an;  
„quæ in vascula) inter excarnandum solvuntur in  
„formam subtilissimorum penicillorum. „Ut a  
postrema hac definitione incipiam; vereor ne præ-  
mature proposita sit, quando ne ipsi quidem ne-  
gant, fieri posse, ut circum Acinos membranulam

(fortasse & intra Acinos) tandem videant. De  
Cryptis satis supra (\*) dixisse videor quare ipsas  
non deceat a veris glandulis distinguere; si illud  
modo quod hic me promisi additurum, præstitero,  
ut hanc Glandulæ definitionem ostendam veræ glandulæ  
non convenire. Nam si hoc ostendero; utique  
haud amplius consequetur, ideo cryptas non esse  
glandulas, quod non cum ista definitione conve-  
niant. Illud autem primum animadvertam, et-  
si apparet idcirco hanc definitionem cum duabus  
reliquis esse excogitatam, ut Malpighium, ad nor-  
mam non aliquam communem, & omnibus jam  
notam atque probatam, sed novam, inauditam,  
atque ex ipsorum qui ab eo dissentiant, *opinionem*  
propositam, comparatum atque exactum, causa  
cadere necesse foret; tamen id fortuito contigisse,  
quod non satis mirari possis, ut multa alia quæ  
ipse vel primus docuit, vel cum prorsus obsoleta  
essent, restituit, per eandem istam definitionem  
confirmantur. Hæc enim, sicut alii parti, cer-  
te hepatis, renibus; lien, cerebro, placenta con-  
venit, ut omnibus continuo patebit qui ipsam ex-  
penderint, & quæ in his partibus, definitionis Au-  
ctores invenisse se, dicunt, non ignoraverint.  
Erunt igitur hæc omnes partes, si ista definitio ido-  
nea est, veræ glandulæ, neque amplius ita esse di-  
centur vasculosæ, ut non sint glandulosæ. Placentam  
fortasse, & lienem conabuntur excipere, ut quorum  
vasa non constet *efficere humores debere*. Sed vel hoc  
remittant necesse est; vel thymo, pineali, pituita-  
riæ, thyroïdæ, aliisque ejusmodi glandulis, qua-  
rum vasa efficere humores, inter omnes, ut supra  
(\*\*) vidimus, adhuc non constat; suam non con-  
venire definitionem, fateantur. Quanquam istud  
quod ut certum atque exploratum in sua ponere de-  
finitione non dubitant, glandularum vasa *efficere hu-  
mores debere*, a vero fortasse magis discrepat, quam  
ipsi putant. Viros enim Experientissimos etiam at-  
que etiam rogatos volo, ut cogitent, an ipsos de-  
ceat qui Malpighium redarguant, quod intra folli-  
culorum cavum effici humores, existimaret (quan-  
quam non hoc magis concedunt ipsius Affleck, quam  
cutis papillas eundem pro glandulis accepisse) an i-  
psos igitur deceat intra ultimorum vasculorum ca-  
va eisdem effici humores, docere. Nimirum (quod  
& ipsi Exercitatissimi Viri alibi agnoverunt) humo-  
res in glandulis non efficiuntur; sed ex sanguine, quocum  
permitti ad omnes feruntur glandulas, tantummodo  
separantur. Hæc ipsa autem fuit Malpighii senten-  
tia, qui etsi Nuckio respondens (k) confirmavit,  
*simplices glandulas folliculo veluti parte principe inte-  
grari*; principem tamen partem vel mole, vel fun-  
damento, ut sic dicam, & fulcro in sustinendis  
circumjectis sanguiferis vasculis, nervulis, cæteris-  
que particulis ad absolutam glandulæ structuram  
necessariis intellexit; ut manifesto commonstrant il-  
la (l) quæ supra ad Mini objecta responderat.  
„Certum est, inquit; in succorum separatione,  
„quæ mediis glandularum folliculis succedit, dedu-  
„ctas ab arteriis particulas a poris determinatis lo-  
„culorum excipi ita ut subsequens propellat ante-  
„cedentem: sed repleto folliculo, nec exinanito,  
„nequeuntibus congestis succis per proprium ex-  
„cretorium vas ulterius progredi, appulsæ cum san-  
„guine novæ particulæ, quæ alias admitterentur  
„in folliculi concavitatem, una cum pertranseun-  
„te sanguine ulterius propelluntur. „Pergit porro  
alia addere, quibus ostendat, in sanguine, non mo-  
do *diversos sales & particulas a chylo communicatas*  
*præexistere*, verum etiam *ex continuo motu in eodem*  
*sanguine, fieri veluti minimas adaptationes & racemos*  
*particularum*, mox in glandulis ab reliquo sanguine  
separandos sub nomine bilis, salivæ, urinæ, & cæt.  
Sic paulo antea dixerat *bilem a sanguine per poros*  
*congruos loculorum hepatis separatam, & exceptam*,  
*ipsorum concavitate*. Igitur noluit, in folliculis hu-  
mores effici, sed folliculorum cavo excipi, postquam  
sunt a sanguine per poros congruos separati. Hos au-  
tem poros inter arteriolarum, folliculis circumjectarum,  
latera,

(i) Adenogr. c. 32.

(\*) a. 24.

(\*\*) n. 28.

(k) Op. Posth.

(l) Op. cit. ubi de Hepate.



latera, & horum cavum posuisse, liquido ostendere possunt illa (m) quæ iterum adversus Minum disputavit, hæc tamen, quæ multum sunt attendenda, præfatus: *Qua ratione contingat urinæ separatio varie explicatur. Doctissimi Viri Borellus, & Bellinus mechanice exposuerunt per modum cribri & fistularum varie configuratarum, quibus mediis determinata substantia separatur: quam quidem positionem, ut pote probabilior (iis videlicet temporibus) sequutus sum. Hoc insuper addidit: ex meis scriptis cursim etiam lectis patet, me mechanicam urinæ separationem non impugnare, sed dubium herere, qua specifica machina, nostris instrumentis analogæ succedat.* Designabat autem Exercitationis de Renibus caput ultimum in quo diserte hæc scripserat: *cum naturæ operandi industria fecundissima sit; ejusdem ignotæ nobis reperientur machinæ, quas nec mente quidem assequi licet.* Quæ omnia describere hic volui, ut cautam Malpighii prudentiam admireris, qui tantum abest ut intra folliculorum caveas secretiones fieri, doceret; machinas ipsas secernentes, quas certe non in iis caveis, sed circum eas esse ponendas, existimabat, usque adeo ignotas nobis esse posse, censebat, ut ne mente quidem assequeremur. Quid? quod de eorum quæ in glandulis vel sensu attingi dicuntur, utilitate atque officio dubitare adhuc fortasse licet.

34. Namque; ut ad propositam redeam glandulæ definitionem; ista vasorum variis in glandulis varietas non modo, ut indicatum est, non videtur varios efficere humores *debere*, sed dubium est, num ad hoc saltem præstandum sit instituta, ut varii humores sic magis (quod alio in libro, Viri Experientissimi credunt) *elaborentur, & in singularem suam naturam acquirendam ulterius perficiantur.* Ipse enim vel in eorum Scriptis mihi videor animadvertisse quæ huic dogmati repugnent. Etenim per involucrum Spongiosi Ovarii offis Inferioris *prorsus alio reptatu* vasa decurrere, invenerunt, quam per Superioris. Quæ tamen causa esse potest existimandi, alium ab his, atque ab illis, humorem in ovarium caveam corrivari? Pariter *nusquam se offendisse*, ajunt, *vasorum sanguineorum extrema, quæ tantam analogiam habeant cum iis, quæ constituunt corticalem cerebri substantiam, quantam placent uterini vasa.* Quæ tamen inter utriusque partis vasa muneris esse potest peculiarissimilitudo? Verum ut illud concedatur; non tamen video, quam commodum sit in glandularum definitione istam ponere extremorum vasculorum diversitatem, primum vix cadentem sub oculos exquisitissimis etiam vitris instructos, deinde sic demonstratu difficilem, ut vel ipsi, incomparabiles certe in hac Arte Magistri, nondum in thymo, aliisque certissimis glandulis monstrare potuerint. Num forte quotiescunque de nova aliqua, aut etiam de jam nota particula quæritur, an glandula sit, ad normam hanc longe difficillimam atque impeditissimam erit confugiendum? Huc illud accedit, non videri varietatem istam vasculorum peculiariter ad glandulas tantum pertinere. Ipsi enim demonstrarunt, *Arteriarum propagines, per Costarum, exempli causa, periostium disseminatas, peculiarem habere cursum, & plane diversum ab iis, quæ per musculos intercostales parte exteriori repunt.*

35. Quod autem veras glandulas undique cinctas membrana dicunt; certe ibi non esse cinctas membrana concedant, necesse est, qua ductus emittunt excretorios, ut illæ quoque cryptæ quas alii lentilulares glandulas vocant, ibi membrana non cinguntur, qua exiguo ad centrum foraminulo sunt pertusæ. Imo in quibusdam piscium generibus vidisse me pancreas, memini, longe majore sui parte, quam cryptas, circumvestiente membrana carens, ut quod non ductu, sed magni sinus magno orificio ipsum per se intra intestinum patebat. Denique cum veram glandulam statuunt esse *corpus solidum, in coctione constans*, animadvertisse non videntur, esse parva, & mollia animalcula (ne dicam, esse etiam majorum animalium embryones) quorum corpora tactu, nedum coctione, dissolvuntur, aut certe quasi obliterantur. Num ergo hæc suis carere glandulis contra ac ratio, & microscopia ipsa ostendunt,

affirmare cogemur? Quod si in his glandularum parvitas ne sint glandulæ, non facit; cur in nobis si glandulæ quædam tam parvæ sint ut coctione contractæ, vix ac ne vix quidem amplius appareant, continuo has esse negabimus glandulas? Atque ut multa quæ addi possent, in pauca contraham; quoniam hi Clarissimi Viri agnoscunt, proprium esse glandularum, ut humores efficiant, seu potius fecernant; illud sane ipsis concedam, non posse illam esse glandulam quæ instrumentis ad fecerendum idoneis careat; at vero his illam carere quæ aut non sit undique cincta membrana, aut ob parvitatem, & molliem in coctione non constet, haud equidem video, cur concedere necesse sit, præsertim cum ipsi ea tenuitate esse posse instrumenta illa sua, hoc est vascula, ostenderint, ut vel magnum eorum numerum mollissimæ membranæ additum, ex qua pertusus folliculus, seu crypta efformatur, neque sub oculos cadere, neque tantam membranulæ firmitatem asferre oporteat, ut contractus inter coquendum folliculus, expressoque humore in se concidens, visum non effugiat. Quid? quod exiguis folliculis satis est exiguus numerus vasculorum. Quid? quod ultimum illud ac verum secretionis organum in re adeo minuta consistit, ut ipsum neque adhuc elaboratissima vitra retexerint, neque facile in posterum restructura esse videantur, cujus rei illud argumentum est, ne eo quidem adhuc pervenisse tot Perspicacissimos, & Experientissimos Homines, ut inter eos conveniat, an extremæ arteriolæ, quod hi affirmant, ipsæ in secretorios ductus producantur, an potius, quod alii docent, hosce ex suis lateribus emitant.

36. Quæ omnia cum ita sint, cumque ne huic quidem in definiendis glandulis normæ satis fidere nos posse, appareat; si quis iterum ex me quærat, cui tandem alii interea dum aliquis & præsertim qui optime omnium possunt, aut illi, aut isti ipsi Doctissimi Viri meliorem proponant, cuinam, inquam, alii magis fidere nos posse, existimem; fortasse respondeam, non unam aliquam normam, ut nunc se res habent, satis esse ad glandulas omnes sine haud injusta alicujus diffensione definiendas, sed has tres videri adhibendas, Auctoritatem, Structuram, Usus, ea quidem ratione ut universis plurimum, de singulis autem aliquid Auctoritati, plus Structuræ, non minus Usui, imo aliquando plus fortasse huic uni quam ambabus reliquis tribuatur. Quid enim tunc possis Auctoritati tribuere, cum substantiam ipsam linguæ, aut glandis penis, docebit esse glandulosam? Vel quid Structuræ tum tribuas, cum de ea agetur, non quæ per se intus, extraque appareat, sed quæ an sine omni erroris periculo præparata sit, ambigatur? Usus autem, in eo videlicet positus, ut aliquid e sanguine separetur, non modo ipse per se apparet, non modo naturæ glandulæ non repugnat, verum etiam nota ac signum videtur esse ipsius glandulæ, minime sane in his tantis præsertim tenebris ac diffensionibus contemnendum, propterea quod ex iis omnibus quas nemo veras glandulas esse, negat, plurimas, si per genera spectemus, id agere certum est; reliquas non id agere, hæc tempestate qui pro certo doceat, nemo est; aliud posse fortasse agere, vix uni, quod sciam, verisimile est. Atque hæc quæ respondi si forte aliquis probare voluerit (neque enim proposui, ut pertinaciter tuerer; sed tantum ut interrogantibus in præsentia satisfacerem) satis mihi concessum putabo ad id, cujus gratia in hanc sum postremam de glandularum norma disputationem ingressus, ostendendum conficiendumque, non repugnare videlicet, partem aliquam esse vesiculosam, eandemque glandulosam. Etenim si musculos in certis animalibus, quamvis longe alio atque in nobis colore, forma, habitu præditos, tamen musculos propterea dicimus, & jure quidem dicimus, quod aliquas ab ipsis, ut a nostris musculis, partes moveri,

C

sci-



fcimus, & si ob hanc ipsam causam in humano quoque oculo disposita radiorum modo per tergum Uvae, filamenta musculosas fibras merito appellamus, tamen non colore tantum, sed ipso etiam habitu videmus a plerisque omnibus musculosis fibris discrepare; cur tandem ubi partem aliquam invenimus idem quod glandulæ, præstantem, hoc est aliquid e sanguine fecernentem, cur, inquam, hanc, etsi nihil forte nisi membrana, aut membranea vesicula esse videatur, glandulam tamen appellare non licebit? quasi vero non latere in ea membrana, aut non intexta esse possent minima illa instrumenta quæ glandulam præcipue faciunt, hoc est, per quæ aliquid e sanguine fecernitur.

37. Quod si ea quæ sunt a me responsa, non probent, si longe plus Auctoritati, aut Structuræ esse, judicent, quam ipsi Usui, tribuendum; faciam ego quod facere ipsi fortasse recusabunt; hoc eorum iudicium sequar: & nihilominus, ut opinor, idem ostendam, scilicet sive Structuræ, sive Auctoritati plus quam Usui tribuamus, posse eam partem quæ vesiculosa sit, eandem esse, & vocari glandulosam. Nullis autem aliis quam quæ superius (\*) posita sunt, exemplis utar, tum perspicuitatis causa, tum brevitatis. Atque ut a Structura incipiam; vel externam illam & per se patentem, vel intimam atque arte inquirendam glandularum fabricam attendi volunt. Si externam; quid aliud videntur quam membranae vesiculæ, illæ ad canum podicem particulæ duæ, quæ tamen, ut ex aliis constat animantibus, sunt glandulosæ? quid aliud visæ Pechlino, & Wepfero tot illæ quæ nunc Peyerii dicuntur, glandulæ intestinorum, nisi *vesiculæ*? Si autem intimam spectari volunt structuram; num Malpighius Conglobatas glandulas, num Peyerus pancreas, num ipsi Mucilaginosas glandulas ex vesiculis etiam constare membraneis non viderunt? Sive igitur externam, sive internam glandularum fabricam attendamus; quæ glandulosæ sunt partes, easdem vesiculosas esse posse, intelligimus. Quod vero ad Auctoritatem attinet; non levis profecto inter Veteres Anatomicos habita est, aut nunc habetur auctoritas Varolii, Spigelii, Bauhini. Hi tamen Plexus choroidis glandulas, quæ vix nisi minimarum, sæpe & majorum in humido præsertim cerebro, vesicularum membranearum forma solent apparere, ipsi esse glandulas censere, & glandulas dicere non dubitarunt: quod etsi supra eorum prolatis verbis ostensum est; hic tamen illa etiam addere juvat ejusdem Bauhini (n): *glandulæ, inquit, copiosæ, præsertim in cerebro humido: quare plexus hic glandulosus videtur creatus, ut superfluam Cerebri humiditatem, aliarum glandularum more, depascatur*; ut vesiculas illas, humore distentas, haud obscure videatur significare: quo pertinent ex verbis quæ supra (\*\*) sunt producta, Varolii hæc potissimum: *quædam --- laxæ glandulæ, & isti glandularum cumuli*; nam revera in eo præsertim flexu Plexus choroidis qui posticam utrinque spectat Lateralium ventriculorum partem, vesiculæ istæ haud raro solent quasi in acervum coactæ inveniri. Videntur igitur etiam Veteres interdum *vesiculas appellavisse glandulas*: quod si ipsi fecerunt; cur alii, non eorum modo auctoritate, sed simili etiam in certissimis glandulis fabrica, eodemque secretionis usu permoti, idem facere omnino non poterunt?

38. Quare amplius a Viris Clarissimis videndum puto, an *Vesiculæ circa uteri orificium internum sæpe occurrentes*, non sine ratione pro glandulis haberi possint: idemque puto de cutis glandulis Sebaceis, præsertim cum illas quæ ex eodem prorsus genere in Nymphis sunt, jam eorum etiam aliqui in legitimarum glandularum numerum adscribant: quanquam his, quæcunque ad me attinent, glandulis quæ malunt ipsi nomina per me imponant licet, quando res ipsæ atque observationes constant, certumque est, il-

las Sabaceas quæ in cute sunt, glandulas non ea quidem corpora esse de quibus ipsi intellexerant, raro *apparentia in his qui bona utuntur diata*, scilicet *tumores contra naturam*, sed res longe alias in hominibus quoque sanissimis, atque optimo victu utentibus compertas, & demonstratas. Aliis tamen interea liceat & has, & vesiculas alias membraneas, modo aliquid e sanguine fecernant, glandulas, secundum Malpighii dogma, appellare. At enim hoc *pareret confusionem in Doctrina partium*: sive hinc *confusio nominum*, & *logomachie oriventur*, si nunc *vesiculas vellemus appellare glandulas*. Quid? si & Veteres sic appellarunt, & ex quo Malpighius scripsit, tot præterea, tantique Anatomici, ut nullus jam nobis deliberandi locus relictus esse videatur. Quid? si Doctrina partium non sic confunditur, sed in ordinem adducitur, illis quas fecernere aliquid e sanguine videmus, omnibus in unam classem redactis. Num Cor, ut supra diximus, inter musculos translatus, ut doctrinam Scholarum mutavit, sic etiam corrumpit, nec potius perfecit, atque illustravit? At nemo hætenus, & ne quidem ipse Malpighius, *pulmonem, ex vesiculis in ipso statu naturali constantem, propterea glandulosum appellare voluit*? --- Neque ovarium hætenus glandulis annumeratum fuit, licet in eo vesiculæ manifesto deprehendantur. Quod ad ovaria attinet, seu testes muliebres; Viri Eruditissimi facile jam poterunt meminisse, Galenum (o) olim, atque Soranum (p), postea vero Vesalio (q) indicante, & Columbo (r) annuente, Stephanum (s), Spigelium, (t) Veslingium (u), Rolfincium (x), Harveum (y), Whartonum (z), aliosque jam illos aperte glandulosum ad genus revocasse, ipsasque illorum vesiculas *creditas esse glandulose nature* non ab iis tantum Recentioribus qui Malpighianum dogma non sunt averfati, sed vel ab ipso Jo. Hieronymo Sbaraglio! (a) De Pulmone autem, & quod alii, atque adeo ipsi quoque diserte nunc addunt, de *Vesicula etiam fellis*, & de *Vesiculis Seminalibus*, & denique de *Vesica urinæ*, & *Vesiculis in sinibus ossium cranii*, inculcantes, *neminem veterum, neminem recentiorum has partes glandulas vocavisse, aut glandulas esse voluisse*, de his, inquam, partibus sic habeant, jam harum nonnullas a præclaris Anatomicis, vel ante propositum Malpighianum dogma, inter glandulas esse receptas, exempli causa a Whartono (b) *Vesiculas Seminales*: nonnullas porro ablaudato sapius Jo. Conr. Peyero, atque adeo a Malpighio ipso, ut Pulmones. Et sæpe Whartonus de *Vesiculis Seminalibus*, tanquam de legitimis glandulis, trigessimum *Adenographiæ* caput universum conscripsit: cujus factum Harderus (c) propriis observationibus, Sauvryus (d) autem his verbis confirmavit: *Vesiculæ seminales sunt parvæ cavitates glandulose*. De Pulmonibus autem hæc scripsit Peyerus (e): „Et „Pulmones etiam inprimis quoniam rem fecernunt „vitæ tam necessariam, --- sive fabricam eorum „consideres plane mollem, raram, & spongiæ similem, sive principem usum, ad glandulas merito „pertinent. Quo utrum jam fuerint ab Autoribus „plene relati, & an alii de hujusmodi secretionibus idem quod ego judicaverint, iterum ajo me ignorare. „Sed ante ipsum ita Malpighius (f) „Hoc vitæ sal pul- „monum ope --- eruitur, ut satius credo, ab exter- „no aere, cum pulmones ipsi propria structura glandulam æmulentur; etenim probabile est, pulmones corpuscula quædam, quæ antiquitus brutalium „animarum portiones credebantur, cribratione facta „pertranseunti sanguini commiscere „: idemque postea novissimis etiam Scriptis (g) confirmavit. Verum hi secretionem, per pulmones factam in sanguinem, spectant; secretionem autem de qua hic agitur, ex sanguine attendisse nobilem Anatomicum Eduardum Tysonem, cum videlicet sanguis universus, per pulmones transiens, magnam sub halituum specie feri copiam deponat,

(\*) Vid. n. 23. 26. 27. 31.

(n) Instit. Anatom.

(\*\*) n. 31.

(o) De Diffect. Vulvæ c. 9

(p) De Utero.

(q) De corp. hum. fabr. l. 5. c. 15.

(r) De Re Anat. l. 9.

(s) De diffect. part. corp. hum. l. 3. c. 6.

(t) De hum. corp. fabr. l. 8. c. 21.

(u) Synt. Anat. c. 7.

(x) Ordo, & meth. generat. dicat. part. P. 2. c. 2.

(y) De Generat. Animal. Exerc. 65.

(z) Adenogr. c. 33.

(a) De Vivipar. generat. Scept. l. (b) l. cit. c. 6. & 30.

(c) Prodrom. Physiol. c. 7.

(d) Nov. Anat. P. 1. c. 11.

(e) Ephem. N. C. Dec. 2. A. 6. Obser. 123.

(f) De Polypo Cord.

(g) Op. Posth. ubi de Pulmon.



ponat, ideoque pulmones inter glandulas numerasse, olim apud Cowperum (b) legisse videor. Et mirum sane fuisset, neminem id de Pulmonibus cogitavisse, in quibus substantia omnis ex lobulis, hi autem ex vesiculis constant, hisque tum carneo, & sanguifero rete, tum vasis aliis omnis generis instructis, tum vero cum ramis, & trunco arteriarum asperarum, tanquam cum excretorio quodam amplissimo ductu, communicantibus; ut Malpighiana glandula absolutissimae structura neque elegantius, neque exactius referri posse videatur.

39. Mihi tamen de hisce, aliisque ejusdemmodi seu Vesicis, seu Vesiculosiis membris, seposito omni partium studio interea sic videretur posse constitui: scilicet esse attendendum, quem illarum potissimum habeant usum, & si intelligatur, aliquam id unum, aut id maxime agere, ut aliquid e sanguine secerant, posse illam vocari glandulam: sin autem manifestum sit, aliud omnino agere; vocari glandulam non posse: sin vero & aliud agere, & tamen etiam aliquid e sanguine secernere, conspiciamus; non videri illos esse arguendos quibus non absolute quidem, sed ea saltem ratione qua aliquid secernit, spectatam, vocare glandulam, aut glandulosam partem placeret, ut certe eos non arguimus qui urinariam vesicam, aut ventriculum, carneam ipsorum tunicam spectantes, musculosa etiam naturae esse, dicunt. Quod si nulla omnino in re conivere, sed in omnibus, summo, ut ajunt, jure agere velimus, atque acriter illud tueri, nulla prorsus ratione id quod vesiculosum est, glandulosum posse appellari, cavendumque esse, ne sic agendo, totum corpus glandulosum faciamus; magnopere ego quidem vereor, ne Malpighii Affectus vicissim contendat, id quod vasculosum est, glandulosum dici non posse, videndumque esse, ne sic agendo, multo magis universum corpus glandulosum faciamus: quanquam, ut verum fatear, si secretionem quamcunque attendit, neutra pars videtur totum corpus glandulosum facere, sed utraque invenire.

40. Quod si praeterita, ut decet, memoria repetere, alternasque super ejusmodi rebus sententiarum vicissitudines animadvertere velimus; facile intelligemus, non esse nobis in universum praesertim, atque in perpetuum sine ulla distinctione, ac dubitatione quidquam praepropere statuendum. Conglomeratis glandulis Malpighius (i), in iisque Jecinori quoque, & Renibus inesse folliculos, indicaverat. Postea vero, anno videlicet 1680. Peyerus (k) eos ipsos renum folliculos aliud nihil praese ferre, existimavit, quam vasa varie gyrata & intorta, quae post varios flexus & ambages tandem in papillas coeunt. Anno autem insequenti Jeremias Loffius (l) univarse docuit, si substantiam Glandularum accurate examinemus, visuros esse, quod Glandulae nihil aliud sint, quam extremitates Vasorum varia complicatura instar Vasorum Pampiniformium, contortas; & connexas, quae in globum quasi coeunt, interpositis quibusdam particulis glutinis, quas a Gelatina Sanguinis repetebat, & quomodo aut putrefactioni committendo, aut incongruo liquore dissolvendo, id gluten auferri, & sic tota substantia glandularum in fibras atque vasa dividi posset, ostendebat. Loffio anno 1687. Jo. Zellerus (m) non modo in eo adstipulabatur quod glandulae sint capillarium vasorum variae contorsiones, verum insuper adiciebat, id sibi laudatissimum D. Bussiere in glandularum hepaticarum preparatione egregie demonstrasse. Tandem; ne longior sum; A. 1692. confirmavit Nuckius, (n) Conglomeratas glandulas nihil aliud esse, quam texturam minutissimorum vasorum, ex tenuissimis arteriolis conflatorum, --- in duo desinentium vascula, quorum alia venosa sunt, --- alia excretoria. Post haec, & tot alia quae a Viris Experientissimis deinceps in eandem sententiam sunt addita, illa tamen Lit-

trii observatio extitit, quae, si attente perpendatur, glandulosas in renibus vesiculas, ut Malpighii Affectis videtur, satis demonstrat, aut ea saltem in dubium revocat quae contra illas demonstrata esse dicebantur. Sed quoniam pro Malpighiano dogmate eorum testimonium qui eidem antea maximopere adversati sunt, ob hanc ipsam causam videtur ceteris antefendum; idcirco, & Littrii, & aliorum observationibus consulto omisissis, hic ad illam unam te rejiciam quam in Epistola Anatomica Altera (o) commemoravi. Praclare videbis nimirum, post ingredientium vasorum, atque egerentium concursum cum intermedio folliculo, toties, & tandiu in jecinore pernegatum, agnoscidenique, atque adeo omnibus ostendendos proponi folliculos, seu sacculos, subtilissima tunica conditos, ex quibus ortum ducant canales fellei hepatici, & quibus cum sacculis apices, seu fines Portae, Cavaeque venae radices communicent. In Conglobatis autem glandulis etsi Loffius (p) sciret quasdam esse, in quibus, detracta externa tunica, conspicerentur plures quasi acini, minimas glandulas representantes, veluti in Glandulis sub Alis, & Inguinibus; eos tamen acinos nihil aliud esse, quam filamenta Vasorum varie contorta & complicata, affirmabat. Itaque Malpighius (q), ut antea expositum est, cum quinque post annis Regiae Anglorum Societati in Conglobatis quoque glandulis inesse folliculos, significaret, se eandem illam non ignorare sententiam, praefatus est. Se quoque diu in eadem fuisse opinione, fassus est Nuckius (r): sed denique rem longe aliter, inquirenti sibi esse visam. Docuit autem, non folliculos quidem, sed praeter vasa, subesse illam quam suo loco memoravimus, fibrosam texturam, hoc est, ut Iconibus representavit, fibras, fibrillasque sic inter se implicitas, ut varias, innumeratasque areas complectantur. Folliculos tamen quos illis in areis videre non potuit, vidit, ut supra dictum est, in splenis superficie, arteriis, lymphaeque ductibus interjectos (s). Quis credat, erudito, solertissimoque Anatomico, qui biennio post Nuckium scribebat, Cowpero aut controversiam hanc ignotam, aut rem non quaesitam? Cowperus vero in ea Appendice quam priori Myotoniae suae editioni subjecit, cum de lymphae loqueretur inepta reddita ut transeat per glandulas Inguinales, eam lympham ineptam dixit ut per illas vesiculas glandulosas trajiciatur. Has tot sententiarum vicissitudines quicumque attendere voluerint, caute illi quidem in vesiculari, sed non minus caute in vasculosa dumtaxat glandularum in universum structura, tanquam certa explorataque, constituenda procedent hoc praesertim tempore quo vel toties inculcatae deinceps adversus hepatis, splenis, cerebri, aliarumque partium glandulosa granula anatomicae administrationes minime permoverunt summa hominem diligentia, & auctoritate Winslowium (t) quominus hoc saltem doceret, atque adeo ostenderet, constare hepar ex glandulosis granis praecipue, innumeris, pulposis, & friabilibus, quae folliculi esse videntur; certe expansione membranae peculiari ex Capsula Glissonii singula cinguntur, & singula pariter minimam caveam in medio habent: in liene (u) grana glandulosa non deesse: in Corticali ipsius cerebri substantia (x) redeundum esse ad grana glandulosa, hoc est folliculos Malpighii: penicillos autem (y) qui pro his substituti sunt, extrema esse vasculorum truncatorum, arteriolarum videlicet, quas instituta post injectionem maceratio ab aliis partibus, essentialibus secretorio Organo, disjunct. Fatetur quidem, eos folliculos ex textura esse vasculari, non sine multa utilitate ab Experientissimis Viris in parte detecta; sed negat, glandulae nomen ipsis, atque adeo cerebro propterea non convenire: „ inutile enim esse, ait, disputare de „ nominibus, quando convenit de re ipsa, praesertim cum a semisaeulo non minus per

C 2

„ gene-

(b) Anat. of. hum. Bodies. (i) Exercit. de Viscer. Struct. (k) Pæon. & Pyth. Exerc. Anat. 36.  
 (l) Dissert. de Gland. in gen. n. 9. 12. 13. (m) Dissert. de Vasc. Lymph. administr. (n) Adenogr. c. 2. (o) n. 83.  
 (p) Dissert. cit. n. 30. (q) Epist. de Struct. Gland. Conglob. (r) Adenogr. ubi de Gland. Conglob. c. 2. (s) Ibid. c. 4.  
 (t) Exposit. Anat. Traité du Bas Ventre n. 285. 276. 286. (u) n. 338. 349. (x) Traité de la Teste n. 138.  
 (y) Vid. ibid. numeros superiores.



„ generale nomen Glandulæ quodvis intelligatur or-  
 „ ganorum genus, peculiarem humorem a massa  
 „ sanguinis separare valentium, quam intelligatur  
 „ per nomen generale Musculi quodvis Fibrarum  
 „ carnearum genus se se contrahere valentium, ta-  
 „ met si Musculi nomen pari jure argui, & rejici  
 „ posset, sic acceptum, ut Glandulæ nomen ab iis  
 „ accipitur qui rejiciunt. „ Usum igitur Vir Gravissi-  
 mus etiam attendit: neque propterea folliculos negat,  
 quod vascularem in his texturam agnoscat, quam  
 neque Malpighius adjici membranulæ, cavum fol-  
 liculi comprehendenti, negavit unquam. Sed tu in  
 elaborato Winslowii Opere, quod mihi ab ipso  
 perbenigne donatum, ad te cum his litteris, le-  
 gendum mitto, cætera poteris per te videre, ea-  
 que magis quæ ad res attinent, quam quæ ad no-  
 mina, de quibus invitatus ipse tantum attigi, quan-  
 tum instituta ab aliis disputatio quibusdam in lo-  
 cis flagitabat. Sic invenies, in Plexu quoque Cho-  
 roide, secundum naturam constituto, corpuscula  
 similia granis glandulosis (z) microscopii auxilio  
*instar simplicium folliculorum*; grana autem Asperæ  
 Arteriæ glandulosa (\*), *vesicularia, aut folliculosa*,

fere ut illa *Ventriculi*, apparere. Malo enim, hæc  
 atque alia ejusmodi apud Virum legi ab omni par-  
 tium suspitione remotissimum, quam ipse de meo  
 promere.

41. Et de tota hac controversia hæc in præsentia  
 habui quæ scriberem eo quidem animo ne cum ullo  
 contenderem, multoque minus altercarer, imo eo ani-  
 mo, ut interea dum labore ac solertia Experientif-  
 simorum, & Doctissimorum Hominum res amplius  
 universæque illustretur, nemo cum altero sic con-  
 tendat, quasi omnia certa, manifesta, & constitu-  
 ta satis jam essent: sed altera pars alteram ferat,  
 atque utraque ad verum, si licet, aut certe quoad  
 licet, inveniendum, agnoscendumve unanimiter in-  
 cumbat. Quod si præter spem, si secus atque  
 spectata utrinque discrepantium Æquitas spondet,  
 nihilominus res evenerint; quid mihi potius fa-  
 ciendum censeas utriusque Partis amico, quam file-  
 re, & hanc omnem controversiam in posterum ab-  
 jicere? De qua, si me, & verum amas, ut certe  
 amas, candide; quod soles; quid videatur, rescri-  
 bes, & valebis.

## EPISTOLA ANATOMICA IV.

*Speculat ad reliqua fere omnia qua Tractatus de Aure Hum. capite 1.  
 continentur, de Auricula, Meatuque Auditorio.*

Quando in prima ista, quam prolixis litteris  
 complexus sum, multo difficillima, mihi-  
 que gravissima, de Structura Glandularum  
 controversia docto prudentique judicio tuo non pla-  
 ne displicuisse me, video; alacrius ad ea jam  
 transeo quæ post Sebaceas Auriculæ glandulas in  
 Valsalvæ libro sequuntur, ab nonnullis Anatomicis  
 aut diserte, aut tacito dumtaxat dissenso impro-  
 bata. Inter eos agmen facile ducit Vieussenius,  
 qui decimo post Valsalvam anno suum *de Auris  
 Structura Tractatum* edidit, gallice scriptum, ea-  
 rum in Valsalvam, tum vicissim de sua industria  
 ac felicitate præfatus, quæ ad utriusque libros con-  
 ferendos vehementer homines impellant. Sed quam  
 immerito in Valsalvam ipsum invecus sit, in lo-  
 co apparebit (\*). Quod autem ait „ se ad vi-  
 „ vum repræsentasse omnes Auris partes (quod  
 „ nemo, quod sciat, Anatomicorum antea fece-  
 „ rit) per Icones plures ---- usque adeo exactas,  
 „ ut dicere audeat, nondum visas esse ullas quæ  
 „ earum similes sint, & quæ ad earum perfe-  
 „ ctionem accedant „ malo, omnes Anatomicos,  
 ipsius, & Valsalvæ Iconismis inter se compara-  
 tis, judicium ferre, quam ego, qui Vieussenii,  
 Præstantissimi alioquin Viri, iusto honore memo-  
 riam prosequor, quid sentiam, liberius dicere.  
 Hoc tamen dicam, futurum a me credi nemi-  
 nem qui perspicuitatis saltem, non in singulis  
 modo, sed, quod Vieussenius ne conatus est qui-  
 dem, in universis Auris partibus exhibendis, præ-  
 cipuam laudem Valsalvæ non adjudicet. Nam  
 quod affirmat Vieussenius, *se Aures non de-  
 scripsisse, nisi postquam millies examinaverit*; hoc  
 tamen non prohibuit, quin Valsalva, quem tot  
 aures scimus perlustravisse, *ut si enumerare vel-  
 let, id jactationis potius simile, quam veritati vi-  
 deri posset (a)*, multa in Vieussenii Tractatu de-  
 prehenderet quæ minus probaret, velut in II. statim

Capite (b) vasa illa in Auricula, quæ Valsalva  
*imaginaria* censebat, *pinguedinosa*; infimam, aut  
 imam, ut Latini (c) loquebantur, auriculam, sive,  
 ut loquuntur nostri, Græcos vetustissimos (d) imi-  
 tati, auriculæ lobum *nihil aliud esse, nisi corpus  
 glandulosum*, idque *proprie dictum*: præsertim vero  
*auriculam habere quatuor Musculos* ita factos, & posi-  
 tos, ut describit, pingitque (e) sine ulla dubitatio-  
 ne Vieussenius. Equidem in animo haud habeo  
 meis ad te litteris de Auris structura persequi omnia  
 quæ in cujusquam Scriptis desiderari, aut argui pos-  
 se videantur. Id neque facultatis, neque modestiæ  
 esset meæ. Siqua tamen inter ea quæ aut a Val-  
 salva ipso notata sint, aut scribenti mihi succur-  
 rerint, digniora videbuntur quibus paulo diligen-  
 tius immorer; de his saltem quid meæ sententiæ  
 sit, scribam sic tamen, ut quod tu, tuique similes  
 censuerint, sequar.

2. Initium hic ducam ab istis Auriculæ Musculis,  
 de quibus multa, & varia tum olim, tum nuper  
 ab Exercitatissimis Anatomicis conscripta video.  
 Vieussenius igitur Musculum *Medium Priorem*, qui  
 unus, inter quatuor ab ipso propositos, magis acce-  
 dere ad hunc videtur quem Valsalva *Superioris* no-  
 mine exhibuit; mitto hoc multo longiorem, & an-  
 gustiorem; non ad lineam descendentem, sed oblique  
 ab anteriore initio retrorsum perductum ad suum  
 finem repræsentat. Non me fugit, post Falloppium,  
 qui (f) hunc musculum *in anteriori parte  
 collocatum oriri a fine extremo, & superiori muscoli  
 frontis, & ad superiora ac anteriora auriculam trabe-  
 re*, docuit, Falloppio omnino, aut in parte satis con-  
 sentanea tradidisse Platerum (g), Bauhinum (h),  
 Laurentium (i), Vidium (k), Casserium (l), Spi-  
 gelium (m), Veslingium (n), Bartholinum (o),  
 Marchettum (p), Diemerbroeckium (q), Verheyen-  
 nium (r), & Amicum nostrum Doctissimum San-  
 torinum (s). Sed vicissim scio, plerorumque ho-  
 rum

(z) Ibid. n. 89. (\*) *Traité de la Poitrine* n. 146. (†) *Epist. XII.* n. 50. 51. (a) In *Præfat.* (b) *Part. I.*  
 (c) *Vid. Cicero.* l. 3. ad Q. Fratr. *Epist. 14* & *Cæli Rhodigi. Lect. Antig.* l. 3. c. 29.  
 (d) *Vid. Græcum ipsum exemplar Aristotel. Hist. Animal.* l. 1. c. xi. (e) *Tab. I. Fig. 2.* (f) *Obs. Anat.*  
 (g) *De corp. hum. struct.* l. 1. ubi de Muscul. (h) *Theatr. Anat.* l. 3. c. 46. (i) *Hist. Anat. hum. corp.* l. xi. c. 13.  
 (k) *De Anat. corp. hum.* l. 4. c. 2. (l) *Pentærh.* l. 4. Sect. 1. c. 4. (m) *De hum. corp. fabr.* l. 4. c. 5.  
 (n) *Synt. Anat.* c. 16. (o) *Anat. quart. renov.* l. 3. c. 9. (p) *Anat.* c. 16. (q) *Anat.* l. 3. c. 18.  
 (r) *Anat. corp. hum.* l. 1. tr. 4. c. 17. & *Tab. 27. Fig. 1.* (s) *Obs. Anat.* c. 2. n. 2.



rum Iconismos ab descriptione proposita discrepare. a qua item & descriptio, & Icones discrepant Summorum Anatomicorum Verneyi (t), & Cowperi (u), in primis autem constantissima Incomparabilis Professoris Eustachii consuetudo, qui cum istum ipsum musculum, non semel aut bis, sed novies (x) delineaverit, ad eundem semper modum, non obliquatum, sed ad lineam demissum exhibuit. Quid ergo est? Neminem ego horum, aut illorum aliter quam viderit, proposuisse rem credo: Valsalvam autem scio, non Eustachii, cuius Tabulæ, decem post annis prodire, non aliorum esse picturas, aut verba imitatum, sed suas dumtaxat, ut ipse tum vidi, observationes secutum. Nempe aliter in aliis cadaveribus se se res habet: quod meæ mihi tum veteres, tum recentes observationes confirmant. Cum enim scriptas diligenter habeam viginti duas; ex his comperio, me quidem offendisse quinquies hunc musculum Superiorem paulo anterieus quam Valsalva pinxerit, collocatum, si tamen ut levis esset inclinatio, & maxima illius pars, auriculæ immineret; figura quoque, ac dimensiones, nisi quod unus paulo latior, bini aliquando longiores erant, ad eandem illam picturam proxime accederent: bis etiam invenisse in anteriora & superiora paulo magis expansum, & quod consequitur, magis oblique descendentem in auriculam, quam priores quinque, ita ut in anticam modo partem alter quidem Conchæ, & Scaphæ, alter vero Conchæ dumtaxat infingeretur, quam insertionem Figura indicat, qualis ea cunque est, Bartholini (y). Verum tantum abest, hic ut positus perpetuus sit; octies eum prorsus vidi quem Valsalva delineavit, musculo videlicet ad lineam, auriculæ superimposito, atque ita facto ut ejusdem Auctoris imago ostendit, si præter latitudinem nonnumquam minorem, illud excipias quod semel animadverti, etsi recta descendebat, in anteriora tamen auriculæ infixum, & quod item semel comperi, multo latiore quam plerique pingere soliti sint, eumque ex latiusculis carnis lacertulis intervalla relinquentibus inter se, ut laudati Verneyi delineationem (z) referrent. Nec vero tantum inveni octo antrorsum nihil, quinque autem, ut dixi, tam leviter inclinatos, ut ad Valsalvæ Iconem proxime accederent; verum præter duos, maxima quidem illos ex parte auriculæ imminentes, sed tamen ex aliqua retrorsum alterum, alterum antrorsum, quanquam in eodem subjecto uterque erant, superne se se inclinantes; quinque etiam vidi omnino in contrariam partem obliquatos, ut a posterioribus in anteriora descendentes, in superiorem posticamque regionem Conchæ se immitterent, quorum unus etsi adeo amplius erat, ut ea latitudine apud neminem, si Vidium (a) demas, pictum meminerim, nulla tamen sui parte ante auriculam se expandebat, sed totus supra, ac pone superiorem hujus partem consistebat.

3. Hisce aliquid simile vidisse crediderim Vieussenium, indeque eum quem *Medium Alterum* appellat, musculum fecisse; nisi forte mavis, sic ipsum nominasse aliquem ex Posterioribus, præsertim cum unum, haud amplius, *Posteriorem*, eumque infimum proponat; musculum autem qui Superiori possit respondere, *Medii Prioris* nomine, ut diximus, non omittat. Et certe quidem talem nos musculum, cum singulos eos quinque de quibus novissime est dictum, invenimus; aut alium Superiorem aliquem non deprehendimus; Posteriores autem plures sæpenumero præclare vidimus. Utcunque id est; in eo sane Valsalvam Vieussenio præponere non verebimur, quod hic quæ de auriculæ musculis docet, ea tanquam constantissima atque perpetua, sine ulla dubitatione exponit; Valsalva autem in musculis saltem Posterioribus quanta numeri, situs, insertionum varietas sit, disertè, copioseque lectores admonet. Quem secutus eximius Anatomicus Cowperus, in ea quam *Mioro-*

*mia* addidit, Imagine Superioris, & Posteriorum musculorum auriculæ, magna ex parte ad eamquam Valsalva ediderat, accedente, ipsos se quoque ita exhibere professus est (b) ut frequentissime invenerit; figura alioquin diversis in corporibus variantes. Sed optime omnium de auriculæ musculis sentit Vir Celeberrimus, meique amicissimus Heisterus (c), qui ipsam in his proponendis Anatomicorum discrepantiam sapienter, non „ Auctorum erroribus, sed „ potius varietati subjectorum adscribit; nam in „ quovis fere cadavere aliquam varietatem, sæpissi- „ me tamen etiam tantum Superiorem, & Poste- „ riorem, varie in variis constitutum deprehende- „ re solet. „

4. Eademque in sententia eadem meæ mearum observationum varietas a longo jam tempore esse cogit: quas tibi ut de Superiore musculo indicavi, sic de Posterioribus non reticebo. Itaque cum hos in viginti quatuor auriculis accuratius inquisiverim; nullum in una, singulos in sex, binos in octo, ternos in novem deprehendi. Quin imo cum septies quæ in dextra videram, in sinistra quoque eorundem capitum auricula indagarem; vix semel aut iterum contigit ut numerus in utraque pariter ad eundem modum se haberet. Nec sæpius reliqua omnia consensere; originem dico, & finem, crassitudinem, longitudinem, positum. Nam sæpe supra Mastoi- dem processum, interdum ab summa ejus parte, nonnumquam infra hanc oriri musculos comperi, initio alias duplici, mox in unum musculum se conjungente; alias vero simplici, eoque aut sic ad finem perducto, aut in duos tresve lacertos interiore facie se dirimente, non semper tamen sine laceratione separabiles; alias denique nec simplici, & sine ulla, ut sæpe, scalpelli opera ad extremum usque diviso: Finem autem in Concha varium, variamque crassitudinem; de qua hoc tantum dicam, sæpius quidem ipsos crassiusculos, teretes, compactos, validos, rubicundosque invenisse; ut magis mirarer, ab iis qui veros musculos humanis auriculis negarunt, hos saltem exceptos non esse; nisi aliquando aut nullum, ut dixi, aut ligamentorum fere similes, aut magna ex parte tendineos offendissem: quanquam nihilominus mirandum est quod cum de cæteris, tum de his, auriculæ musculis tradit Schellhammerus (d) in decem hominum cadaveribus ne unum quidem iis præditum fuisse, testatus, eoque liberius ex partium numero ejiciens. Postremo dici vix potest, quam varia longitudine, & positu ego quidem hos videre consueverim. Nam raro ferme, parallelos, sæpe alios sub aliis sic ingredientibus conspexi, ut altius orti, aut infra, aut certe non superius desinerent. Sed hic ipse positus ut alias aliter sit a nobis adnotatus, & quam dispariliter dispar ipsa musculorum longitudo, hinc licebit intelligi, quod de duabus auriculis, quibus singuli erant musculi Posteriores, suum altera brevem, altera duos digitos longum, utraque in transversum ductum ostendit; & de quinque auriculis quibus contigerant bini, prima inferiorem transversum, superiorem obliquum; secunda utrumque obliquum, sed magis, superiorem exhibuit, duosque hunc fere digitos longum, cum tres inferior æquaret; tertia autem contra tum eadem fere ambos, nec ea modica, longitudine, tum in transversum pariter sine ulla obliquitate pergentes; quarta vero, & quinta descendentes oblique sic ut in illa alter alterum ferme occuleret, in utraque autem is longior paulo esset qui inferior. Quoniam autem manifestior varietas est ubi plures sunt musculi; de auriculis novem quarum singulis obtigerant terni, si unam demas, itemque alteram, de quibus hoc tantum scriptum habeo, rem fere se habuisse ut pingit Valsalva, aut exiguo certe discrimine inter summi, infimique musculi longitudinem, & si aliam præterea excipias in qua describenda, longitudinis oblitus, hoc unum adnotavi, summos duos parallelos, tertium in descensu magis obliquum appa-

(t) De Audit. Org. Part. 1., & Fig. 1. (u) Myot. Ref. ch. xi. & Tab. 5. Fig. 1. Tab. 21. & Tab. 25. F. 7.

(x) Tab. Anat. 21. 23. 28. 30. 31. 32. 34. 35. 41. (y) Anat. cit. l. 3. Tab. 12. (z) Fig. cit. (a) Anat. cit. Tab. 32. Fig. xi. & c.

(b) Explic. Tab. 25. Fig. 7. (c) Compend. Anat. n. 317. (d) Analest. Anat. Sect. 13. th. 3.



apparuisse; de sex reliquis sic invenio: in una duos supremos transversos, eisdemque breviores, longiorem infimum, & oblique descendentem fuisse: in altera unum dumtaxat breviorum, eundemque magis obliquum: in tertia summus duos inter se æquales, & obliquos; longissimum omnium infimum, & hunc transversum: ad eundemque modum in quarta: in quinta longissimum summum, & maxime obliquum; in sexta denique superiores duos fere transversos, obliquum infimum; huncque brevissimum, medium autem longissimum. Noli mirari quod minute adeo hæc persequar; eo enim facio, ut luculenter appareat, me non temere impulsam, sed observationibus permotum, inculcatam a Valsalva horum musculorum varietatem, ad aliquam normam haud facile, ut quidam putant, reducendam, probasse.

5. Neque tamen credo, me omnia in quibus variant hi muscoli Posteriores, vidisse. Nam Quartum offendisse non memini, quem a Valsalva visum esse, non dubito, haudquaquam alioquin tradituro, hos aliquando esse *quatuor*. Neque magis quam Verheyenius (e), ipse reprehenderim Bartholinum (f), Bauhinum (g), aut Diemerbroeckium (h), triplicem præterea musculum commemorantes. Etsi enim mihi præter descriptos musculos nihil adhuc, nisi ligamenti substantia inter Processum Mastoideum, & Concham se obtulit: non video tamen quid prohibeat quin alii, & nominatim Cafferius (i), ad quem Bartholinus (k) videtur respexisse, triplicem istum musculum nonnunquam invenerint, quem Cafferius nomine tertii, quarti, & quinti ex Propriis auriculæ musculis descripsit sub isto ejus ligamento latitantem. Num vero illa ejusdem Cafferii de his verba: *ut hæc etiam causa sit, quod a nemine, me sciente, qui de re Anatomica scripsit, cogniti sint*, Valsalvæ nostro facum fecerint, ut ad ceteros etiam referens auriculæ musculos, *horum omnium inventionem deberi Cafferio*, doceret, ego quidem non facile constituerim. Nam Columbum (l) certe legerat, & Falloppium (m), & hos Auctores laudantem Bauhinum (n), & qui longo omnes intervallo præcesserat, Galenum (o). Hic namque; si verum fateri volumus, cum *homini, & simie esse aurium substantiam*, non immobilem eam quidem; sed dumtaxat fere immobilem, scripsit, & *delineamenta quadam musculorum ipsis esse circum aurem*; non omnino ignotos sibi auriculæ musculos fuisse, ostendit, quin imo Superiorem præsertim designavit haud ita raro subobscurum, ut non modo an musculus, sed an carneus sit, jure dubitari interdum possit vel in lacertosis cadaveribus, non ad insertionem tantum, quam nuper in horum aliquo revera tendineam deprehendimus, sed tota etiam parte reliqua. Nec tamen Columbus (p) auris musculos, nisi raro, imo *quam rarissime*, inveniri, & Falloppius ipse (q) tradidit, *sæpe etiam accidere, ut non reperiantur*. Etsi vero per eadem tempora Eustachius non Superiorem solum, sicut antea dictum est, verum etiam Posteriolem, primus omnium pluribus in Tabulis (r) delineaverat; his tamen latentibus, res illuc redierat, ut duo qui ante ceteros omnes prodire, de tota Aure Tractatus Volcheri Coiteri, & Hieronymi Fabricii, nullam jam prorsus horum musculorum mentionem haberent; imo Coiterus alio in Opusculo (s) post quædam alia sibi perrara, tanquam rem singularem subjiceret, *contigisse sibi videre in quodam capite membranam carnosam, quæ circa aures nanciscebatur fibras carnosas crassissimas, musculis non admodum dissimiles*. Et tamen fuerant ambo Falloppii ipsius discipuli: quod de Fabricio nemo ignorat; de Coitero autem etsi quos adhuc vidi ejus de vita aliquid attingentes, aut silent, aut diserte non docent, satis ipse per se proficitur (t). Primus igitur Cafferius fuit qui non tantum eorum musculorum Icones (u), sed affirmatissimas, cum fere iterum prætermitterentur, de-

scriptiones in publicum protulit (x); testaturque est quod ante ipsum nemo, *nunquam sibi obtigisse caput hominis, cui omnes defuerint*. Hæc etsi dici pro Valsalva possent, quasi eo tempore novum Inventorem rerum obsoletarum, neque unquam ea asseveratione propositarum, Cafferium vocandum censuisset; si tamen, ut in quibusdam aliis de quibus sermo erit postea, ipsum hic memoria lapsus malueris, neque gravis tandem erit ejusmodi reprehensio, & aliis, atque adeo illis etiam qui id in Valsalva notarunt, interdum invenietur communis.

6. Nunc ad tres illos musculos venio quos auriculæ Valsalva addidit. Hi omnes Jacobo Drakio (y) visi sunt magis in Valsalvæ imaginatione, quam in rerum natura ullo modo extitisse. Quo in judicio cogor Solertis alioquin Viri prudentiam desiderare. Neque enim Valsalva ex eo erat numero Anatomicorum qui pro viso tradere audeant quod viderint nunquam. Et sane in hac ipsa re quidquid proposuit, & conspexisse ipsum, & aliis ostendisse, pro certo scio. Namque ut a musculo Anteriore incipiamus; absoluta jam erat cæterorum descriptio, & in ære expressa delineatio, cum forte aliud in idonei cadaveris facie inquirens, in illum incidit musculum; quem continuo ex ea ipsa facie, perfectæ jam Tabulæ addendum, & ad vivum a Scalptore repræsentandum curavit. Hæc ideo præclare scio, quod iis mensibus quibus & Figuræ omnes insculptæ & Tractatus confectus est, assidue, ut nosti, apud Valsalvam commorabar. Quamobrem & in Pictoris autographo, quod hæc scribens ante oculos habeo, eum musculum deesse meminera, & miranti mihi quare præter consuetudinem suam hunc confestim Tabulæ adderet, Valsalvam affirmavisse, non tum primum ab se visum; imo id sæpe visum quod cum aliqua ex parte ejusmodi musculo responderet, satis indicaret sibi, se potius in quærendo, quam naturam in fraudando musculosa vi unam ex omnibus auriculæ partibus anteriorem, defecisse. In eo tamen se cautius gerere potuisse, confiteor; ut quæ de Posteriorum varietatibus nuper inculcaverat, ea de Anteriore musculo non omitteret. Quod adeo ipse quoque per se intellexit paulo post quam Tractatum emiserat: & procul dubio erat in iis quæ ad hunc adderet, moniturus. Nam cum eum musculum frustra in nonnullis a me quæsitum, in uno demum cadavere haud ita multum ab illius descriptione, & delineatione discrepantem invenissem, eaque ipsi per litteras significassem; jam tum ingenue rescripsit, fatendo, *revera in omnibus ad eundem modum non esse manifestum; omnino tamen Anteriorem musculum non deesse*. Et certe per eos annos, ut in chartis a me tunc Bononiæ scriptis invenio, vidi cum ipso in quodam cadavere, in quo Tragi glandula (quæ nimirum interdum deest) reperiri non potuit, suum utramque auriculam Anteriorem musculum habuisse, quorum unustamen breviori spatio erat bifidus quam Valsalvæ Figura ostendat, neuter autem sic in transversum ferebatur, sed a superiore adeo loco in auriculam descendebat, ut ipsi tum dixerim, *videndum, ne aliquando sit quasi pars musculi Superioris, sed crassior, & rubicundior*. Ab eo autem tempore cum diligenter quæsserim in auriculis sedecim; sexies comperi, non omni ex parte desiderari, & sejunctum quidem a Superiore ita ut nihil ad hunc attineret. Imo semel, aut iterum pro uno geminos vidi atque ostendi, quorum inferior crassiusculus, & validus ne semidigiti quidem intervallo supra Jugalem processum exortus, in Helicis jam supra Tragum ascendens, alter vero brevior, & minus crassus in Scaphæ tergum inferebatur. Alias unus, isque longiusculus, in eadem Helicis parte, & proxima Concha desinebat: vel duos fere transversos digitos longos, summam potius anteriorem Concham, quam huic continentem Helicem

(e) (f) (g) (h) supra. (i) (k) locis antea cit. (l) De Re Anat. l. 5. c. 10. (m) (n) locis cit. (o) De Usu Part. l. 16. c. 6. (p) (q) loc. citatis. (r) Tab. Anat. 31. 32. 34. 35. (s) Observ. Anat. & cæter. (t) Introd. in Anat. c. 6. (u) De Audit. Org. Tab. 2. Fig. 1. Tab. 3. Fig. 1. & 2. Tab. 4. Fig. 1. (x) Ibid. l. 1. c. 5. (y) Anthropol. book. 3. ch. 12.



licem petebat: vel transversum vix pollicem longitudine, sed minimi fere digiti apicem latitudine adæquans, in illud de duobus Anthelicis principiis quod inferius est, oblique descendens, se immittebat: vel denique ad hanc viciniam tam brevis fibrarum carnearum fascis se se ostendebat, ut descenderent, an in transversum ferrentur, satis oculis judicari non posset.

At vicissim novies nihil horum videre datum est; nisi quod semel transversam quandam illius adumbrationem, ter autem animadverti, ipsum musculi Superioris, ut hic fere a Valsalva pingitur, antierius latus carnosius fieri, ad modicam tamen longitudinem, ut id ferme totum sub anteriore summa auricula delitesceret, eæque carnosiores fibræ eandem quam proximæ, directionem servantes, idemque sine ulla divisione cum iis planum efficientes, non in transversum ductæ, sed exigua inclinatione, pene ad lineam descenderent, semel ad Conchæ superiorem cavitatem, bis vero in eam dumtaxat Scaphæ partem quæ inferiori, supra memorato, principio Anthelicis proxima est. De his igitur sedecim una modo fuit auricula quæ Anteriore musculo, instrueretur ad eum modum facta, indeque nato, in eaque loca desinente quæ in Valsalvæ libro descripta, ac delineata conspicimus: quanquam musculi corpus ante divisionem paulo erat longius, partes autem geminæ, ut ipsum quoque, paulo minus latæ, sed omnia tamen valida & musculosa, ac magis quam ipse pingat, teretia, ex parte etiam aliqua tendinea, quæ ut vidi, sic publice in hoc Theatro A. 1727. cum de Aure verba facerem, demonstravi; ut omnes intelligerent, perraro quidem Anteriorem musculum ad hunc modum inveniri; inveniri tamen, & quod consequitur, Valsalvam neque illum commentum esse, neque laterales Superioris musculi fibras ipsum quidem pro Anteriore musculo, cum hunc pinxit, descripsitque, accepisse: quod & a Platero olim factum Bauhinus (z) credidit, & interdum accidere posse ut ab aliquo fiat, cum ipse olim suspicatus sum, tum vero ibi Vieussenius (a) indicavit, ubi fibrarum fasciculum docuit, lineas circiter tres latum, ad Medium, ut ipse vocat, Priorem musculum attinentem, ab hoc aliquando sejungi adeo ut alius musculus videri possit. Cæterum num auriculæ Anteriorem musculum qualem post Valsalvam aut idem Vieussenius supra descripserat, aut Viri alii Clarissimi proposuere, nos viderimus, & quanta ab hac quoque auriculæ parte naturæ inconstantia sit, ex iis quæ scripsimus, intelligi potest. Quod si huc addas quæ Præcl. Waltherus (b) conspexit; cum hujus musculi varietates, tum Valsalvæ fidem in eodem, & sejuncto quidem ab aliis ponendo, tum meas illas ipsius geminati interdum observationes pariter confirmabis.

7. Jam vero de Tragi, & Antitrangi musculis videndum est, quos non modo Drakius (c) itidem imaginarios censuit, sed & Vieussenius improbat, in editis ad Valsalvam litteris scribens: „adjacentes fane trago, & antitrango fibras carneas semet sæpe observavisse in obelis tantum hominibus; verum eas semper veluti ductus carneos habuisse, easque musculos nominare nunquam sibi visum esse; quoniam binæ jam jam memoratæ partes, nullo donantur motu proprio & cæt.” Et Vieussenii quidem sententiam Professores Doctissimi secuti sunt, qui nimirum censuerunt, & duos illos, & alios musculos quos non unus Professor, helici, conchæ, atque meatui auditorio adscribit, sua sententia quoque pro lineamentis magis musculorum, aut membranis tantum muscularibus, quam pro veris musculis habendos: quia raro fibræ carnearum eis in locis deprehenduntur, neque motus ibi observatur. Quibus Gravissimi Anatomici accessit auctoritas, confirmantis, *has fibras esse in pluribus subjectis maxime pallidas, neque ullam habere speciem Fibrarum Muscularium*. Verum aliis longe

aliter visum est, inprimisque Cl. Paulo Godfr. Sievert (d), qui anno post Valsalvam, quem nondum perlegerat, decimo, ultro docuit: *Tragum parvo musculo tegi, a nemine Anatomicorum hactenus descripto*. Et quamvis huic repugnaverit Cl. Frid. Wilhelmus Stokausen, vicissim scribendo (e): *eum musculum pro musculo haberi nequire, & jam ante Sievertum a Valsalva in Tractat. d. Aud. descriptum esse*; tamen Cel. Santorinus diserte testatus est (f), se illud mirari judicium Drakii, neque Tragi, & Antitrangi musculos *industriæ plurimum, aut laboris, quo detegantur, præmonstrante præsertim Valsalva, requirere*. Nihil certe dici potuit verius, quando vel Alumnis nostris facillimum est duos illos musculos demonstrare, neque in *obelis* tantum, sed & in aliis, si quædam tamen excipias cadavera, in quibus ea tenuitate, & pallore sunt, ut aliquando excusaverim Drakium in eo quidem quod in talia incidens corpora, hosce musculos deesse, crediderit; non in eo quod in multo pluribus, & melioribus non quæsierit antequam commentitios pronunciaret. Si fecisset; non *carneas* tantum *fibras*, aut *musculares membranas*, quas æquiores alii, atque cautiores non prorsus negant, sed quales pingit, ac describit Valsalva, carnearum fibrarum collectiones videre potuisset. Mihi certe de auriculis quindecim continenter dissectis, quatuor dumtaxat ad horum musculorum demonstrationem aut minus aptæ, aut prorsus ineptæ repertæ sunt, reliquæ undecim utrumque satis; nonnullæ pulchrum, crassiusculum, valde rubicundum Tragi præsertim musculum exhibuere. In nulla autem ex his undecim (ut de Antitrangi musculo simileam, cujus formam a Valsalva propositam agnoscunt omnes qui illum agnoscunt) Tragi musculum mihi invenire datum est alia figura quam quæ media esset inter circulum, & ellypsim, si modò unam excipias in qua ad trianguli, sed arcti, & prælongi, similitudinem demonstravi. Raro enim, & ad hoc tempus singulari exemplo, digitum pollicem transversum longus, & supra Tragum ad proximam Helicem ascendens, atque inter ascendendum, magis magisque se contrahens, parvam pulcherriimi Pyramidalis musculi imaginem referebat. At enim, inquirunt, hæ fibrarum ad Tragum, atque Antitrangum plerumque exiguarum collectiones vocari musculi non debent, tum quia raro ibi fibræ carnearum inveniuntur, tum quia nullus ibidem est, aut conspicitur motus. De carneis fibris num ita raro ibi comperiantur, ex modo dictis intelligitur. De motu autem minime conspicuo non difficile est respondere. Quid enim certius, quam auriculas non moveri manifesto, nisi a perpauca hominibus posse, in quibus duo Viri Docti fuere, Muretus olim (g), nostra ætate (h) Meryus? Num propterea in cæteris omnibus, auricularum omnes musculi negandi sunt? Nam motus qui sub sensum non cadat, haud video qui pernegari, sine erroris periculo, auriculæ, ejusque partibus queat, sive ille placeat motus qui, ut Valsalva (i) conjiciebat, jugiter, sive is qui pro re nata, ut puta cum exiles, aut longe distiti accipienda sunt soni, auriculam firmet atque intendat, sive demum is qui pro varia aut audiendi voluntate, aut sonorum copia, & conditione, varie auriculam, ejusque partes (lobum semper excipio) aut diducat nonnihil, aut contrahat, qua ab sententia ut alienum non fuisse Car. Sponium (k), sic in ea fuisse Jo. Veslingium (l), Jos. Verneyum (m), aliosque scio, sed præsertim Viros Ingeniosissimos video Boerhaavium (n), & Santorinum (o), quorum ultimus hanc rem est sedulo persecutus. Quicunque autem Tragi, & Antitrangi sedem, ac positum animadvertit tum externis arcendis injuriis, & in his violentiorum sonorum, tum reflectendis in Auditorium Meatum plerisque elapsuris sonoris radiis opportunissimum, is facile intelligit, quanto usui esse, inter cæteros, possint motus, quantum-

(z) Theatr. Anat. l. 3. c. 46. (a) Part. 1. ch. 2. (b) Tenerior. Muscul. Anat. (c) loc. cit. (d) Dissert. de morbis a mot. & cæt. Corollar. 7. (e) Dissert. de Nervis Corollar. (f) Obs. Anat. c. 2. n. 9. (g) Vide C. Hofman. Comment. in Galen. de usu part. l. 16. c. 6. (h) Vid. Palén. Anat. Part. 2. Tr. 4. ch. 16. (i) c. 4. n. 3. (k) Myolog. her. carm. (l) Synt. Anat. c. 16. (m) De Audit. Org. P. 2. (n) Institut. Medic. n. 350. (o) cap. cit.



tumvis minimi, istarum Prominentiarum. Multo autem major Tragi utilitas sit in vespertilionibus, necesse est, in quibus nimirum praelongum animadverti; neque enim cunctis, ut plerique credere videntur, avibus defunt auriculæ: quod si vespertiliones inter verissimas aves non recipias: aliæ porro sunt quæ auriculis non careant, velut Aluci, quorum capitis diductis plumis, auriculas ingentes, easque implumes, in ipso capite excavatas, & meatui auditorio præfixas deprehendi.

8. Verum ne in præsentia ab humanis auriculis recedamus: siquis sit cui repertas a Valsalva ad Tragum, & Antitragum fibrarum carnearum collectiones nihilominus displiceat muscutorum nomine dignari: hunc Valsalvæ, in istiusmodi rebus minime pertinacis, verbis rogabimus, ut videat saltem, ne in descriptis omnino neget, duo illa corpora reperiri: sive lineamenta muscutorum, sive fibras carneas, sive quid aliud appellare maluerit. Fuit enim Valsalva, ut nosti, non minus ab ejusmodi contentionibus alienus, quam in novis auriculæ adscribendis musculis, si vera fateri volumus, plane moderatus. Nam qui in propositis duabus collectionibus inter musculos referendis, aliis, ut supra indicatum est, modum excedere est visus, idem aliis videtur caute nimis se gessisse, cum repertas in Conchæ facie convexa nihil nisi *Fibras Carneas* appellavit. Ego tamen ut has ibi alias transversas, alias vero potius obliquas, interdum quoque satis rubras, crebrasque invenisse me, fateor, atque adeo dubitasse, num forte ipse Antitragni musculus nihil esset aliud, quam illæ, magis eum ad locum constipatæ, sic nondum potui vel in lacertosis corporibus supra eum locum tam confertas deprehendere, ut musculi appellatione dignas censerem: quin fuit aliquando, neque id semel, cum vix apparere animadverterem. Et quoniam supra, aliorum sententia producta est non tantum de isto Conchæ Musculo, sed & de aliis, ab uno Auctore Helici, & Meatui Auditorio adscriptis; quid de his quoque, mihi ad hoc tempus observatum sit, non alia de causa indicabo, nisi ut intelligas, si forte idem quod sæpius mihi, Valsalvæ accidit, non esse adeo mirandum quod eos in sua accurata aliqui descriptione prætermiserit. Nam anteriori Helici adjunctum fasciculum in exilis pyramidis formam primum quidem sic satis carneum vidi in ambabus cadaveris, alioqui non optimi, auriculis, sed his maximis, ut mirum esset, ipsum infra eam quæ proponitur, longitudinem subsistere. Deinde vero in quinque magnis torosorum hominum auriculis frustra perquisivi, nisi quod in una tamen prætenuem fasciculum vidi, eumque, si cum Antitragni musculo conferres, multo pallidiorem; in altera, ejus loco, quasi tendineum internaque etiam parte album, crassiusculum filamentum conspexi. Novissime tamen fasciculum, ut in primis illis duabus, sic iterum in auricula quadam vidi, etiam aliquanto longiorem, & plane carneum. Neque vero dum hæc quærerem, felicior fui in perspicieudis in proxima inferiore Helicis facie muscularibus fibris, cum vix in una earum omnium auricularum levissimum in paucissimis fibris ruborem invenerim.

9. Quod siquis ex me quærat, cui bono sit igitur vicinus Processus cartilagineus, quando neque musculus ex eo, in plerisque saltem, nascatur, neque in ipsum desinat antèrius quoddam, ut Valsalva docuit, Ligamentum; videndum esse respondebo, num forte is Processus nequeat inter causas cæteras recenferi, quibus prohibetur ne facile, subiecta cartilago sursum nimis e sua sede compelli possit: quanquam Ligamentum illud antèrius, a Valsalva, & post hunc a Vieussenio (p) memoratum, in eandem cartilaginem ob eandem causam infixum, ad eum quoque Processum ex parte aliqua pertinere, meæ me negare observationes non sinunt. Quin imo in quo nuper homine diligentius quæsi, in eo præclarius & digito, & oculis Ligamentum per-

cepi a postremo Jugali processu ortum oblique ascendere ad illum ipsum Processum, qui valenti ejusmodi vinculo eo in loco firmabatur, ut quem dixi usum præstare posset, subiectamque cartilaginem, quæ ad complendum Meatus Auditorii initium se inflectit, neque tamen extrema illa ora reliquæ cartilagini continuatur, in eo situ opportune coercere, & servare videretur. Cæterum a Meryo Processum hunc primum fuisse delineatum, Incisuras autem subiectæ huic cartilaginis non pictas solum, sed & verbis indicatas, me didicisse Bononiæ memini A. 1706. cum Solertissimi illius Anatomici descriptionem Auris cum Iconibus inspicerem, additam Opusculis quibusdam Lamyi, quæ nusquam inde nancisci potui: quibus de rebus & Valsalvam tunc monui, & quando ipse per se non potuit in nova Tractatus sui editione vero satisfacere, nunc cæteros monendos censeo quicunque postea sive quod eam descriptionem non viderint, sive quod vidisse obliti sint, de utrarumque Inventoribus idem quod Valsalva, credidere. In glandulis tamen proximis, cerumen secernentibus, hic multo cautius se gessit, primum earum Delineatorem merito laudans, quem alii complures perperam ceu primum Inventorem tum ante Valsalvam memorarunt, quo in numero ipse Malpighius (q) fuit; tum post Valsalvam hodieque memorant; cum tamen constet, earum glandularum Danielelem Bartolum (r) A. 1680. diserte mentionem fecisse, annisque ante hunc duodeviginti Nicolaum Stenonium (s): quod olim ab nonnullis Recentioribus adversus quendam ejusmodi rerum contemptorem, easque tamen glandulas non obscure sibi arrogantem, ita demonstratum est, ut nullam nisi precariam, ineptamque, ut solebant, responsionem homines, ut sibi videbantur, acutissimi invenire potuerint: sed ineptior sim ego, si quæ scripta a cæteris omnibus, iisque præsertim quorum intererat, blattis & tineis relicta sunt, unus ipse digna existimare videar quæ excutiantur.

10. Itaque ad susceptum de Auditorii Meatus, sive Incisurarum paulo ante commemoratarum musculis sermonem pergam. Eas Valsalva Incisuras, ipsarumque numerum, ac varietates accurate adeo proposuit, ut actum agere viderer, si meas observationes subjicerem. Primæ tamen figura (nam alteram deesse nonnunquam, sæpe nihil nisi ellypticum foramen esse, nunquam nisi prima multo minorem inveni) primæ, inquam, figura, de octo quæ scribenti hæc mihi ante oculos erant, auribus in una ejusmodi est, ut illam satis referat Incisuram, cui numerum 2. Eximius Anatomicus adscripsit Verneyus (t); in tribus autem haud aliter ferme se habet, ac si non uno tantum, ut illa, sed utroque extremo ex angustiore medio in ellypticum spatium excreset; in quinta eadem ratio servatur, singulis utrinque ellypticis partibus oblique introrsum se inclinantibus donec in mediam illam angustiore conveniant, quæ hic transversa: tota autem Incisura omnium quas viderim, longissima est; in sexta, & septima ubique fere æqualem, transversamque scissuram; in octava aream trianguli, neque adeo parvi, repræsentat; ut mirer, hæc Casserium oculatissimum Virum fugisse, nisi existimemus tamen, satis ipsum dedisse indicii, hæc ab se non esse prorsus ignorata, cum Meatus Auditorii, & Auriculæ cartilaginem sic descripsit (u): *elongato paululum, Cartilaginis ope, auditorio meatu, ipsa Cartilago inciditur, diducitur, & vanni modo, a lateribus capitis expanditur, & cat.* Quæ Casserii verba aut non satis adhuc animadverta puto, aut eo fortasse quod in libri ora fere e regione adnotatum est, perperam relata, quasi de brutis animalibus scriberentur, præsertim cum proxima quæ antecedit, Tabula (x) in ovili Meatus cartilagine diserte indicatam scissuram ostendat, in fele autem eandem Meatus cartilaginem factam ex fistulis duabus, quarum inferior, superiore angustior est, suoque fine superiorem subintrat, atque ei membrana interventu large

(p) Part. 2. ch. 2.  
(s) De Audit. Org.

(q) Op. Posth. ubi de Hepate.  
(u) Bentham. l. 4. Sect. 1. c. 3.

(r) Del Suono Tratt. 4. c. 8.  
(x) Ibid. Tab. 1. Org. Aud. Fig. 5. ad D. & Fig. 7. & hujus Expt.

(f) Obs. de Gland. Oculor.



*large connectitur: ut illius educatione, immissioneque canalibus elongari, ac abbreviari possit; quem ad motum, musculi in ejusmodi animalibus minime defunt. Jam vero huic fabricæ, & officio videri potest aliquid esse in homine quod nonnulla ex parte respondeat, si vera sunt quæ docuit Jacobus Drakius (y): meatus auditorii cartilagineum, esse irregulariter divisum, per carneo-membraneas Interpositiones in diversis, ipsius partibus, non secus ac Bronchia in Pulmonibus, nisi quod carneæ Fibræ sunt hic crassiores. Post quem Viri alii Doctissimi extiterunt, qui primam Incisuram exterius obduci non jam fibris carneis dumtaxat, sed vero musculo, sic traderunt, ut non modo in eo Valsalvam non probaverint, quod Incisuras *membraneis expansionibus tam versus interiora, quam exteriora Meatus clausas* proposuit; sed certe crediderint, ne ejus quidem de harum usu conjecturam videri a cæteris Anatomicis jam probandam ex quo is musculus, Incisuræ additus, indicio sit, hujus utilitatem in eo positam esse, ut adductis pro re nata ipsius lateribus, Meatus Auditorius & brevior, & magis obliquus fiat. Horum ego observationibus non minorem fidem habeo, quam meis. Itaque ultro credere me fateor, id ipsos in plurimis, una tantummodo excepta, auribus conspexisse: invitumque sive hic, sive alibi ab Amicis, quibus libentius adstipularer, quadantenus dissentire. Sed tamen in decem quas & ego continenter dissecui, hominum, si unum aut alterum demas, lacertosorum auribus, quinque fuerunt in quibus præter membranas & sanguifera vascula nihil inveni quo Incisura ulla obduceretur: una ibi aliquid dilute rubri, incertum an carnei: binæ carneas disjectas fibras ostenderunt: binæ demum inter summa primæ tantum Incisuræ latera *membranam*, ut verbis potius Præcl. Heisteri (z), quam meis utar, *muscularem* habuerunt, in una trianguli, in altera oblongi quasi parallelogrammi (nam hæ Incisuris ipsis formæ erant) figuras referentem. Quæ ut aliqua ratione experirer quid posset in lateribus Incisurarum adducendis; cum hæc ipse digitis modo conjungere, modo diducere conarer, animadverti, non nisi ea vi adhibita qua crassi valentesque musculi pollent, earum quidem Incisurarum latera moveri potuisse; ut si ita se res semper haberet (non habere autem in aliis quibusdam Incisuris, & nominatim in illa omnium longissima deprehendi) profecto neque ad flexiliorum faciendam; quod nonnulli putant; eam cartilagineam hæ scissuræ valde conducerent. Cæterum ut hic quoque magis magisque intelligatur, nulli me rei tam studere, quam vero; ne illud quidem dissimulabo, me neque has, neque alias, quantum memini, Incisuras vacuas intus reperisse, imo earum latera inter se nexa per interjectam albidam firmamque substantiam mediæ inter membranam, & ligamentum naturæ conspexisse.*

II. Habes pleraque omnia in quibus præcipue, Clarissimi Anatomici a Valsalva dissensere, quantum quidem ad ea pertinet quæ primo Tractatus capite complexus est. Nam quæ deinceps in eodem capite sequuntur (si nonnulla excipias quæ attingendi aliis in litteris opportunitatem habeo) ejusmodi sunt, ut Auctori ipsi, ut aliis, ut mihi ad hoc tempus occasionem præbuerint aut pauca adnotandi, aut quæ paucis possint fere omnia expediri. Hæc ad auriculæ venas, nervos, glandulas spectant. Venas Occipitales antea descriptas fuisse a Falloppio (a), cum Valsalvæ ipsi non diu post ejus Tractatus editionem, tum vero cæteris, ut Amplissimi Lancisii jussa cogeant, in Epistola indicavi quæ in Eustachii Tabulas edita est, cum hic in XLVI. minime omisisset Foramen ostendere per quod illæ intra cranium feruntur. Nunc autem in Valsalvæ Schedis invenio: id Foramen *neque adeo distincte, neque in suo situ, neque in Calvariis omnibus* laudatæ Tabulæ, *neque in ea quæ in I. Fig. est Tab. XLIV.*

Morgagni Epistolæ Anatomicæ.

ab Eustachio demonstrari. Mihi tamen, si vera fieri debeo, secus videtur; nam ex XLVI. Tabulæ Figuris omnibus certe calvaria nulla est ita posita, ut Foramen illud possit ostendere, in qua satis *distincte*, si proportionem spectes, non conspiciatur; neque deest in Primis duarum præcedentium Tabularum Figuris, si attentius eundem inspicias locum, quo in loco tum majores illæ ostendunt calvariæ Tab. XLVI. tum pleræque earum quas, hæc scribens, non pictas, sed veras inspectabam, reapse commostrarant: quanquam & in eo, & quod alias (b) indicavi, in Foraminum ipsorum numero usque adeo natura variat, ut vel singulorum parvitas, vel obscurior proximam per Suturam transitus interdum faciat, ut nullum esse videatur; aut nullum revera, in seniorum præsertim craniis, nonnunquam superest; ut sanguis qui in Laterales Sinus inferri deberet, jam in proximas communicantes exteriores venas divertat. Certe Cl. Palfinius (c) & hanc communicationem, & interdum haud secus ac Cel. Winslowius (d), alterius, aut utriusque Foraminis defectum agnoscit; ut minime necesse fuerit omnibus in craniis ab Eustachio ostendi, sed in aliquo, si libitum esset, omitti etiam potuisset. Quin ego memini venarum ipsarum Occipitalium non modo exigua interdum oscula, interdum uno in latere bina, & a Torculari multo quam soleant, minus remota, sed & aliquando altero in latere nullum prorsus earum orificium in Lateralibus Sinibus ostendisse: ut minus mirari oporteat, si in Foraminibus quoque, seu majoris ossis canalibus ad has venas admittendas, vel, ut aliis placet, emittendas, certe ad communicationem inter eos Sinus, & exteriores venas servandam, natura variet. Confirmant hoc quæ nuper legimus, scripta olim a gravissimo Anatomico, & Medico Jo. Philippo Ingrassia, eo minus a nobis hic omittenda, quod ad illa etiam pertinent quæ in *Adversariis* VI. (e) monuimus de Occipitalis venæ in medicina faciendæ utilitatibus: quo quidem & illud vel magis pertinet quod in ea vidimus in *Artem Medicam Isagoge* quam sub nomine Sorani Ephesii inter cætera *Medicorum Antiquorum Scripta* Aldi Filii typis iterum describendam curarunt: ejus enim capituli (f) quo traditur *qui, quæque, & quando venæ incidendæ*, hoc initium est: *In occipitio propter querelas capitis incidimus usque ad os, mensura quatuor digitorum ab aure: quæ videlicet sunt illæ nostræ eo in loco altæ incisiones.* Sed Ingrassiæ (g) verba accipe. „Ad quintum, inquit, „accedamus temporis ossium foramen: quod est in „exterioribus (quum adest) evidentissimum. Quum „adest, inquam. Etenim sæpenumero in altera parte tantum: nonnunquam vero & in utraque deest. „Juxta lambdoidis ergo futuræ additamenta ad posteriorem processus mamillaris regionem positum „est, in sinum penetrans temporis ossi post auditorium tympanum insculptum: illac a primo, secundoque crassioris membranae sinibus furculi quidam pertranseunt, ad cutis, circumstantiumque „exteriorum partium nutritionem. Patet autem „hic quantum in cerebri affectibus calidis sanguinem post aures mittere conferat. Ubi enim ab „sunt hæc foramina, ramulos per futuræ lambdoidis additamenta foras transmittere solent, exterioribus nonnunquam venis ascendentibus conjunctos: quamvis non egredi, sed ingredi nonnulli „existimaverint: quibus quidem verbis Jacobus etiam Sylvius (h) qui foramen venamque hanc indicarat, nedum Vesalius (i) designatur, qui, ut verum loquar, primus omnium quos nunc sciam, non semel utrumque verbis, & Iconibus proposuerat, fassus quod ad institutum sermonem attinet, *animadvertisse se quoque interdum id foramen modo in altero latere, modo in utroque defuisse.* Veruntamen Occipitalem venam nemo ante Falloppium (k) accuratius hoc, pleniusque descripsit, qui de Laterali, ut nunc vocamus, Sinu, inverso ob ignoratam sanguinis circu-

D

circu-

(y) Anthropol. book 3. ch. 12. (z) Comp. Anat. n. 317. (a) Obs. Anat. (b) Advers. Anat. VI. Animad. 83.  
(c) Anat. Part. II. tr. 5. ch. 4. (d) Expos. Anat. Traité des Os secs n. 261. (e) Animad. cit. (f) c. 21.  
(g) In Galen. de Ossib. c. 1. Comment. 8. (h) Isagog. Anat. l. 1. c. 1. & l. 2. c. 3.  
(i) De corp. hum. fabrica l. 1. c. 12. & l. 3. c. 7. & 14. (k) Obs. Anat.



circumcisionem ordine, verba faciens, „ per insculptam, inquit, sedem in offe temporis versus posteriora ascendit usque ad summum offis petrosi dorsum, indeque unica, & aliquando geminæ, tresve oriuntur venæ, quæ per futuram lambdoidem post mammillarem processum erumpentes ad posteriora aurium per cutim disseminantur, partesque ibi collocatas, atque aliquando cum exterioribus ascendentibus venis conjunguntur. „ Et in hac quidem descriptione Falloppium, ut fere solet, secutus est Vidius ( *l* ), qui supra & Foramen delineaverat, & vere juxta Suturam Lambdoidem, interdum in Sutura ipsa esse, indicaverat. Sed cum eam venam pingere conatus est ( *m* ), ita a Falloppio, ac vero discessit, ut non cum Laterali Sinu, sed cum eo quem Superiorem vocamus ad Sellam Equinam, communicantem delineaverit. Vieussenius vero ( *n* ), qui orificia dumtaxat pinxit istarum venarum, etsi non alieno loco pinxit; tamen an extrinsecus, & unde ortæ illuc desinerent, se scire non indicavit, cum haud aliud de iis dixit, quam *ex interioribus apophysium quæ mastoïdes dicuntur, emergere, & in sinus laterales desinere*. Quæ cum ita essent ( neque enim huc, ut Viri Clarissimi censent, attinere crediderim Lyseri locum ( *o* ), in quo non jugularem externam, sed quod ne Bartholinus quidem ( *p* ) animadvertit, internam videtur legendum ) egregie sane de vena Occipitali meritis Valsalva est, qui longo intervallo veram ipsius descriptionem retulit, & cum pleniore, magisque emendata delineatione conjunxit: cui quidem merito illud, nec difficile, est condonandum quod a Veteribus illis diu ante se visam oblitus sit; eo tamen pacto ne hæc ejus oblivio ullum posthac in Anatomiae Historiam errorem inducat.

12. De Nervis autem ab Dura nervi Auditorii Portione ad auriculam, & faciem pertinentibus duo Valsalva diserte negaverat, certe nondum sibi videre licuisse, tradiderat ( *q* ), alterum, per auriculæ posteriora ullum ferri eorum nervorum; alterum, crassiorem illum qui per faciem diducitur, ramum ita se tum explanare, tum dividere, ut vulgatam illam anserini pedis similitudinem referret. Qua de re utraque adeo certus sibi jam esse in homine videbatur, ut meminerim, mecum in vitulo quæsisisse, num forte ex ejusmodi animantibus ea similitudo petita esset: quam tamen inde non esse assumptam, apparuit, etsi nervos in ea vicinia multo aliter in vitulo, atque in homine dispositos, & explanatos invenimus. Ab eo tempore Eustachii primum, deinde Cantii quoque Tabulæ prodire, quæ utraque illa in re cum sententia Valsalvæ conferri possent. Et a pri-

mis quidem, hoc est a Tab. XXI. & XXIII. etsi Valsalva in schedis scriptum reliquit *verum non referri in Portione Dura externe divisa per faciem*; in neutro tamen eorum quæ diximus, Valsalvæ ipsi repugnatur. Cantius vero ( *r* ) cum pedis anserini similitudinem probaret, neque explanationem illam proposuit, & fassus est, se *Ramum* illum *post* aurem invenire non potuisse, & delineatione ad neminem propius, quam ad Valsalvam, accessit. Sed quoniam istum Portionis Durae pone auriculam ramum qui in hujus posteriores præcipue partes distribuatur, nuper Solertissimus Anatomicus posuit; volui iterum in eo hominis capite diligenter inquirere quod mihi primum oblatum est. Verum ne in eo quidem ullus fuit, ut neque imago illa anserini pedis. Itaque ut hanc in nonnullis dumtaxat, quod nunc prudenter affirmatur, spectari posse corporibus, non negavero; sic Valsalvam recte fecisse, confirmo, cum ita propositam quasi in omnibus inveniri solet, ab se quidem nunquam esse visam, admonuit. Pariter si ramus ille posterior in quibusdam esse dicatur; non invitus credam: si in omnibus; ut credere ipse velim, at meæ, & Valsalvæ observationes non sinent. Atque ut scias, me rem hanc omnem haud negligenter examinasse; hoc addam, postquam ne unum quidem sensilem ramulum esse vidi qui ab Dura Portionis trunco qua auriculæ subest, ad hujus posteriora versus ascenderet, tunc me eundem truncum antrorsum qua per ipsum fere os maxillæ inferioris, unius circiter digiti pollicis intervallo infra hujus articulum, pergebat, tum deinceps ramos omnes esse persecutum, si quis forte horum se retrorsum pone auriculam inflecteret. Sed frustra. Omnes enim rami a trunco ante præcipuam divisionem, profecti ( erant autem hic duo tresve, nec ita exiles ) ad inferiora tendebant; eratque ibi truncus ita complanatus, ut quasi institam referret ex multis crassiusculis filamentis constantem: Sed hæc hæc tunc.

13. Postremo quod ad Glandulas attinet de genere Conglobatarum sive ad Tragum, sive in Parotide a Valsalva descriptas, ac delineatas; ut ego utraque læviori superficie pictas mallet, sic vellem fuisset diserte adnotatum non id modo quod supra indicatum est, vel illas non posse interdum inveniri, sed & hoc vicissim, unius loco plures sæpe ad Tragum, eamve viciniam, aliquando in Parotide etiam, hæcque alias inferius, alias altius, & anterieus quam Valsalva pinxit, deprehendi. Hæc quoniam non Patavii solum, sed vel cum ipso olim Bononiæ postquam suum emiserat librum, observavi, minime dubito, quin ipse in nova hujus editione per se fuisset additurus. Quamobrem nunc tibi nolui reticere. Vale.

## EPISTOLA ANATOMICA V.

*Pertinet ad Tractat. de Aure Hum. cap. 2. n. 1. 2. 3. sive ad Tympani Membranam, & Cavitatem.*

**A**ccipe nunc quid in II. Valsalvæ Capite nonnullis Claris Anatomicis minus placere videatur. Membranā Tympani ab eo traditur ex duabus constare laminis, quarum interior a membrana, tympani parietes convestiente; exterior vero a cute sit in ulteriore Meatu Auditorio extenuata. Quæ ab descriptione haud ita difficile est intelligere, Vieussenii ( *a* ) descriptionem non tantum denique, quantum a primo videtur, discrepare, si, non ea modo quæ Parte I. cap. 3. de Membrana Tympani, sed & illa quæ Parte II. cap. 2. de origine membranæ, tympani cavum succingentis, Vieussenius docuit, inspiciantur. Verum alii non de-

sunt Scriptores Anatomiae qui Membranam Tympani compingi aiant lamellis tribus, quarum media quidem sanguiferis multis ornetur vasculis, reliquæ duæ nihil aliud sint, nisi epidermidis a sua quæque parte productiones; quasi vero cutis ipsum quoque tympani cavum convestiret. Qui ut Cel. Ruyschium in eo nobis Auctorem laudant, quod media ea lamina sanguiferis vasculis sit instructa; ita si forte reliqua ex Præstantissimi Viri observationibus constare crederent, multum vereor, ne possent probare. Is enim in *Responsione* quidem ad *Epistolam Anatom. Problematicam VIII.* docuerat, se, „ quando demonstrationes publicas in pue-

ro-

( *l* ) De Anat. l. 3. c. 10. & l. 2. c. 2. & Tab. 5. Fig. 1. ad N.

( *n* ) Neurogr. Tab. 17. ad SS.

( *q* ) Explic. Tab. 2. ad o o o.

( *o* ) Cult. Anat. l. 3. c. 5.

( *r* ) Impet. Anat. Tab. 1. Fig. 4.

( *m* ) Ibid. Tab. 24. Fig. 3. & 4. ad r.

( *p* ) Anat. quart. renov. l. 3. c. 2.

( *a* ) Traité de la Struct. de l'Oreille.



„ rorum cadaveribus ---- celebraret, demonstrasse, „ membranam Tympani ex duabus lamellis constare, superiore vero mense tertiam etiam detexisse, „ quam in musæo suo cuilibet ostendere posset; vascula autem sanguinea non per extimam diffeminari, sed prout hactenus offendere sibi licuit, per „ mediam. „ Verum in *Thesauris Anatomicis* quos postea edidit, aliis atque aliis edoctus observationibus, rem ad alium modum proposuit. Thesauro enim II. (b) ostendit „ Membranam Tympani geminam esse apparere, præter involucrum extimum, „ quod in fœtu humano invenitur, & tympani membranæ cohæret. ---- Pelliculam anteriorem innumeris arteriis repletis superbire, quibus interior hic destituitur, forsitan quia non sunt repletæ: „ Thesauro III. (c) *Membranam Tympani duplici constare Lamella*, seu duplicem esse, semel, atque iterum demonstrat. Thesauro IIII. (d) confirmat „ dictam „ Membranam (Tympani) esse geminam, id quod in summitate liquet, ubi portionem unius lamellæ, „ vasculis sanguineis refertæ, separavit, & abstulit; altera autem lamella, quæ illibata remansit, nullis, in hoc objecto, gaudet vasculis sanguiferis. „ Ex quibus proclive est intelligere, non modo in lamina etiam intima Ruyschium credere, posse fortasse aliquando vascula demonstrari, quod in epidermide facile ipse non credidisset; verum etiam quod tres olim viderit laminas, inde fortasse esse factum quod involucrum illud extimum, fœtus peculiare, pro lamina tunc acceperit, Tympani Membranam componente, quod in Thesauris deinde, ac potissimum in III. (e) fassus est post natiuitatem Membranam Tympani denuo relinquere: & ipsum quidem nullis vasculis sanguineis gaudere, & nil esse, quam Epidermen.

2. Scilicet hoc illud est quod membrana alius crassiusculæ nomine, Kerckringius (f) olim in fœtibus descripsit, ac delineavit, primusque omnium, quod sciam, vidit, aut certe esse ex naturæ instituto, animadvertit. Fabricius enim ab Aquapendente, quem illud vidisse, ac designasse in suo *de Aure Opusculo*, Viri duo Eruditissimi autumant, hæc quidem scripsit (g): „ solet præterea interdum (raro tamen accidit) exterius ante membranam (Tympani) „ tunica quædam crassior præter naturam adnasci, „ opponique, quam ego in pueris bis deprehendi: „ de qua a Paulo mentio fit, qui modum quoque „ eam curandi, atque eximendi proponit, quando „ dum abest, furdum meatum auditorium, auditumque efficit, etenim furdos nonnunquam & confrequenter mutos a natiuitate sepe fieri autumo, quia „ a primordiis crassior hæc membrana exterius tympanum obvelat: „ & multis interjectis paginis (h): „ tanta est hujus membranæ (Tympani) „ dignitas, ususque, ut si quidpiam interius, anterieusve illi opponatur, auditus omnino pereat. „ Solet autem exterius crassior quædam membrana „ adnasci; interius autem mucus opponi. „ Verum nisi alia forte Fabricii loca ipsi intelligant quæ ego necdum invenire potuerim (nam quæ de auditu organo l. 2. c. 14. & 23. Operarum, ut puto, errore (\*) indicantur, non ea modo, sed ne hæc quidem capita, aut hunc librum potui in toto Opusculo reperire) certe quæ a me sunt producta, non ad hanc qua de agitur, membranam, aut si ad hanc, non ad ipsam, ut secundum naturam se habet, attinere non dubito. Neque ideo dico quod Fabricius adnatam Meatui quidem Auditorio viderit, nec tamen fortasse Membranæ Tympani; cum in furdo Cl. Verneyus (i) in auris meatu, duabus præter propter lineis prope eam, quandam pelliculam deprehenderit: scio enim tympano superpositam, ac in circuitu adhærentem Fabricium vidisse (k). Sed eo dico quod in Chirurgicis Operationibus (l) cum illas iterum observationes memoraret „ membranam, inquit, in „ alto obstruentem bis ego toto vitæ curriculo, ex

Morgagni Epistolæ Anatomicae.

„ Anatome observavi in puerulis, qui membranam „ supra tympanum habebant crassissimam, & robustissimam, ac quodammodo cutaneam, quos ob „ id existimavi furdos, & mutos. „ Membrana autem, a Kerckringio proposita, & cunctis fœtibus communis est, & ejusmodi est, ut per se facile excidere posse atque evanescere existimetur. Quod etsi Kerckringius potius indicavit, quam scripsit; Verneyus (m) tamen, & post hunc Ruyschius (n), ac Valsalva (o) diserte docuere, quorum hi duo in aliquibus *incrassari* quidem, aut *firmiorem evadere*, sed in *statu morbo*, aut sic ut curatione opus habeat, addiderunt. At rebus secundum naturam se habentibus, adeo aut tenuem, aut facile dissolvendam observarunt, ut Ruyschius, quemadmodum supra dictum est, *nil esse quam Epidermen*, Verneyus autem (p) ex *materia quadam mucilaginosa* factam censuerint. Valsalva tandem, nonnulla addens, (q) ad hunc modum rem proposuerit: „ in „ fœtu, atque etiam in infante recenter nato Meatus (Auditorii) (parietes, maxime circa Concham, inter se ita accedere, ut Meatus principium „ fere ex toto claudatur: & tunc hujus parietes a „ substantia crassa, & subalbida testos conspici, quæ „ ulterius ad Tympani Membranam extensa, aliam „ ibidem Membranam videtur componere, sensim „ progrediente tempore exsiccandam, & in minimas „ distinctas particulas cum ceruminis materia ab „ eodem Meatu egressuram. „

3. De his omnibus fortasse quæres, quid observaverim. Ego vero ita exponam, ut simul tibi satisfaciam, simul id agere pergam unde videor divertisse; ut per hæc denique intelligas, & quæsitum esse, & quæri a nobis, quot revera laminis, & unde ortis Membrana Tympani compingatur. Principio sic habeto, longe magis in felium, & canum, quam in hominum fœtibus initium Meatus Auditorii mihi clausum occurrisset. In duobus enim felibus ante horas XVI. natis aut prorsus occlusum, aut certe sic contractum inveni, ut occlusum videretur. In totidem pari, fere ab ortu intervallo dissectis, ita contractas quæ eidem proxime circumjectæ sunt, auriculæ partes animadverti, ut connatæ viderentur, & ne foraminulum quidem, vel extensa manibus auricula, appareret. In catulo tamen paris ætatulæ, manibus vi deducendo, reclusum est. Sed nulla vi opus fuit, ut in fœtibus humanis vel immaturis conspicerem. Nam in duobus necdum septimestribus angustus quidem erat, sed tamen per se patens in Meatum Auditorium ingressus. In alio autem qui mensem jam septimum superaverat, specillum non tenuissimum sine ulla vi immisum est. In novimestri aditus valde, & quasi in modum rimæ coarctatus, rimæ tamen patentis. Minus erat angustus in alio jam partui maturo. Apertissimus tandem in alio qui dum legitimo tempore nasceretur, inter nascendum est mortuus. Quorum etsi alicui inter angustias eluctanti, distractione quadam aliquanto magis esse reclusum, crediderim; omnibus tamen non puto.

4. In his quatuor ultimis (in his enim diligenter animadverti) interiores Meatus parietes multo longiores visi sunt, quam facile, ex quorundam præsertim lectione, existimarem: quod etsi, ut in longe minus tunc flexuosis non est mirandum; indicio tamen esse debet, fortasse non ea potissimum de causa pelliculam, Membranæ Tympani adnatam, etiam si ab epidermide esset, infantibus excidere, quod succrescente meatu auditorio osseo, ut & cartilagineo recedat, quia Epidermis extensilis non est. Quod vero illa injurias defendat non tam ab humore quo fœtus innatus, quam ab ejus humoris vitio inferendas; qui videlicet aliquando acrior fit, & sæpe fœtore imbuitur; hoc mihi propterea credibilis est, quod fœtus, ut in loco scribam (\*), caveam tympani humore

(b) Aff. 6. n. IV. (c) n. 36. & 37. (d) n. 1. (e) n. 76. (f) Osteogen. Fœt. c. 5. & Tab. 33. Fig. 2. ad E. (g) Part. I. c. 4. (h) Part. III. c. 4. (\*) Me verum putasse, ostendunt Alterius secundæ Curæ, non illa, sed part. I. cap. 4. indicantes: id quod nuper animadverti. (i) De Audit. Org. Part. 2. (k) loco proxime seq. (l) Ubi de Aurium Chirurg. (m) Oper. cit. Part. I. (n) Thesaur. 3. n. 76. (o) c. 1. n. 13. (p) (q) locis modo citatis. (\*) Epist. VII. n. 15.



more habet redundantem, adversus quem ab ea quoque parte munire natura Membranam Tympani non omisisset, si humor per se multum nocere potuisset.

5. Ab exteriori autem parte quid tandem ea pellicula esset qua obtegeretur, vel prius quam inquirerem; ex aliorum observationibus sic conjiciebam, ut sebaceam materiam (quemadmodum a cæteris cutis partibus, sic ab ea quæ ex auricula intra Meatum Auditorium inflectitur, separatam) non magis per reliquam fœtus superficiem quàm præsertim hæc in cava subsidit, aut in angustiores flexus contrahitur, quam per Meatus illius parietes, & continentem Membranæ Tympani faciem in pelliculæ similitudinem extendi, suspicarer, præsertim cum ab angustis ad orificium Meatus, in hoc subsistere, per omnem autem ipsius cavæ faciem diduci ab humore Amnii subeunte, atque apprimente cogeretur. Sic enim non illud modo intelligebam, quod ea pellicula nullis vasculis sanguineis gaudeat; sed quod in aliis sit crassa, in aliis tenuis; quod ex materia quadam fiat mucilaginosæ, & subalbida; quod non solum per Membranam Tympani, sed & per Meatus parietes, ut Valsalva addidit, extendatur; quod denique post partum non aqua amplius Meatum, sed aere subeunte, sensim illa progrediente tempore exsiccata, & in minimas distincta particulas cum ceruminis materia ab eodem Meatu egrediatur, non secus videlicet ac reliqua per cutem sebacea materia exsiccari, & in furfuraceas distincta particulas (r) solet excidere. Quod conjeceram, in iis quos paulo post consecui, fœtibus evidentissime deprehendi. Nam sicuti reliquo passim corpusculo, & præsertim sub axillis, ad inguina, aliisque ejusmodi in locis, ita omnium Meatum Auditoriorum parietibus, Tympanique Membranis crusta illa albida erat inducta ex eodem ubique materiæ genere, ut cum hanc unde unde sumptam cum ea conferrem quæ Membranas illas instar cujusdam integumenti obducebat, non aqua aquæ ex uno puteo sumptæ similior esset, quam utraque inter se colore, substantiæ modo, & contractantium digitorum inunctione conveniebat. Nec vero in primoribus Meatum parietibus alba illa, & prominentia quasi puncta, quæ per cutem passim reliquam disjecta erant, in quibusdam præsertim fœtibus desiderabantur, Sebaceæ videlicet glandulæ ex quibus id materiæ genus (eadem enim ex iis punctis exprimebatur) prodire potuisse, intelligeres.

6. Cum hæc omnia semel, atque iterum, ac sæpius ita se habere, observassem; non dubitabam, quin Verneyus, Valsalva, Cheseldenus quoque haud aliam, quam ipse vidi, membranam vidissent, siquidem ne hic quidem vera membrana, sed muco operatam Membranam Tympani in teneris infantibus semper invenisse se, scribit (f), quo muco ne soni hanc nimium afficiant, caveatur, quando non, ut oculis palpebras, ita auribus aliud præterea natura dedit quo pro re nata occludi possint. Et sane organis sentiendi nobilioribus, mollioribusve multifariam prospectum est, ne præmature in recens natis percellantur. Tunc enim præcipua fortasse olfactus organi sedes, Pituitarii Sinus sunt nondum explicati. Tunc etiam, multo magis crassam, minus autem, ut a perpauco humore Aqueo, distentam Corneam tunicam invenisse Medicum Cl. Petitum (t), cum hæc relegerem, intellexi.

Sic igitur Auri quoque consultum fuerit non ea tantum quam supra commemoravi, majori, minori initii Meatus Auditorii coarctatione, aut majori in cavea tympani humoris copia, aut minori quæ hinc consequitur, tensione Membranæ Tympani, verum etiam huic inducta extrinsecus crassa ista in membranæ similitudinem coacta substantia. Sed etsi ad trium quos paulo ante laudavi, Anatomicorum observationes nunc insuper adscribi posse videbam Experientissimi Winslowii (u) sententiam, in hunc modum loquentis: Membrana Tym-

pani „operta exterius est Tela mucilaginosæ crassissima, in prima infantia; attamen an satis ipse rem quævissem, subinde addubitabam, cum vicissim eorum veniebat in mentem, qui non crassam quandam materiam, sed ipsam cuticulam, Membranæ Tympani impositam se vidisse, confirmabant. Nec me tantum Drakius, quantum, ut verum fatear, Ruyschius movebat. Nam etsi ille (x) cuticulam in fœtu scripsit ab auricula in Meatum Auditorium, per Membranam Tympani se extendere, & nisi postea inde excidat, tum ceruminis excretionem impedire, tum sordiditatem facere, ut in puella jam ad annum circiter octavum surda, quæ, illa demum excidente, audivit; tamen in hac, cuticula, an cuticulæ similis crusta decidisset, dubitari posse, videbam. Ruyschio vero perspicaci adeo, exercitatoque Anatomico, qui hanc pelliculam in fœtibus, atque infantibus diligenter examinasset, id visum esse cuticulam quod cuticula reapse non esset, haud ita facile poteram animum ad credendum inducere.

7. Cum in his suspicionibus hærerem, facultas opportune oblata est fœtum diffecandi, in cujus Auditorio Meatu etsi nihil a primo inveniebam quod a superioribus discreparet; mox tamen animadverti, cum albidam illam crustam ex aliqua intimi Meatus parte abstulissem, hanc partem non ea dumtaxat crusta, sed tegumento aliquo nudatam, & quasi decorticatam apparere. Itaque crustæ quam detrahente pergebam, interiore facie attentius inspecta, tenuem, sed veram, & manifestam, membranulam vidi, quæ crustæ ubique subiciebatur, & hanc attollentem ultro sequebatur sic ut pergens & crustam, quæ nusquam crassior, quam per Tympani Membranam erat, & una membranulam de qua dictum est, ab universa exteriori ejusdem Membranæ Tympani facie, nullo in hac relicto lacerationis vestigio, dempserim. Erat is fœtus, ut parens existimabat, jam partui maturus, & qui duobus antequam utero ejiceretur, diebus mortuus esse videbatur: certe e multis corporis locis cuticula abscesserat; reliqua facillime avelli poterat. Quo minus miratus sum, & in Meatu quoque Auditorio idem successisse, & in altero quem alias secui, fœtu plusquam septimestri, qui multo diutius in utero mortuus jacuisse censebatur, cum pariter cuticula passim avulsa conspiceretur, & quæ in manibus supererat, facile cum annexis unguibus sequeretur, ejusdem generis pelliculam non modo in Auditorio Meatu se se obtulisse, verum etiam a proxima Membranæ Tympani facie jam per se quasi sejunctam apparuisse.

8. Igitur cuticulam quoque per eam extendi Membranæ faciem, constabat. Id tamen an fœtibus sic esset peculiare, ut postea infantibus ex instituto naturæ eam cuticulæ partem excidere oporteret, non constabat. Nam crustam quidem ita fœtum peculiarem esse, ut postea excideret, comparatæ fœtum, & adultorum dissectiones ostenderant. In adultis autem eam cuticulæ productionem per Tympani Membranam, deesse, id vero neque tunc poteram, & multo minus in præsentia possum pro certo habere. Tunc enim probe meminera, nihil mihi sæpius accidisse, quam ut intimi Auditorii Meatus tegumentum in adultis detrahens, una avellerem a proxima quoque facie Membranæ Tympani tenuiorem, & albidam quandam, quæ facile, & æqualiter sequebatur, lamellam. Nunc autem ex Viri Cl. Christoph. Jac. Trewii observationibus (y) intelligo, in puella annos quatuordecim nata, aliisque adultis integrum ex ossea Auditorii Meatus parte protrahitum esse sacculum membranaceum tenuem, in fundo suo clausum, tympanique contigui vestigia manifestantem: cujus ille sacculi delineationem proposuit. Et sane hunc sacculum in fœtu quoque invenit (z), immissoque flatu non solum distendit, verum ita distentum exsiccavit. Sed quamquam

(r) Valsalv. c. 1. n. 3.

(f) The Anat. of the hum. body. book 4. ch. 5.

(t) Mem. de l'Acad. R. de Sc. A. 1727.

(u) Expos. Anat. Traité de la Teste n. 394.

(x) Anthropol. book 4. ch. 12.

(y) Art. Acad. N. C. Vol. 2. Obs. 56.

(z) Commenc. Litter. Specim. 2. A. 1731.



quam in foetu, & recens natis vidisset antea tegumentum illud aliud tenerum, ---- *ast non pellucidum*; compactumque adeo ut soluto Meatu Auditorio a Circulo Tympani osseo, Meatui undequaque adhereret, & integrum a Tympani vera Membrana sponte secederet, nullam tamen offerens structuram organicam, sed ad tactum levissimum destructum, quod servi ad instar (cum quo colore quoque conveniebat) aquae mixturam denegans, digitis adhererebat; ut propterea dubitaret, num tegumentum hocce, productum potius collecti & condensati excreti glandularum ceruminosarum (sic enim ipse putabat) quam Epidermidis dicendum esset; tamen observatio membranae de quo dictum est, sacculi, dubium ipsi hoc solvit, veramque omnino membranam cum Epidermide Meatus Auditorii continuam hoc tegumentum esse, imo post partum a tympano non recedere, sed semper manere probavit. Quod ego quidem sic credo, ut primum non negem, fortasse & ipsum, ut alias cuticulæ partes, interdum excidere, reparari tamen; itaque non foetus peculiare esse, sed adultorum etiam commune: deinde censeam, quod peculiare foetus est, id vero longe aliam rem esse, & omnino a cuticula distinguendam, materiam videlicet sebaceam, ad similitudinem alterius integumenti, cuticulæ inductam. Quod simulatum integumentum si a vero hoc non distinguas; Verneyi, & Valsalvæ observationem cum Ruyschii observatione confundes.

At si distinguas; nec frustra quæres, utri *verosimiliora* autumaverint, cum singuli verum conspexerint; nec quæ duabus rebus conveniunt, in unam conferens, simul esse credes tenuis cuticulæ productionem, simul *crassam* esse, dices, *molliorem*, & *velut diffluentem*: sed sua cuique tribuens, discrepantes observationes, ut supra exposui, conciliabis.

9. Verum ut ad Cl. Trewium redeam; cum hic suum illum sacculum ex adultorum Meatu Auditorio non nisi post *macerationem diuturnam* extractum esse, significet (a); juvabit Cel. Winslowium (b) addere, qui cum exteriorem Membranæ Tympani laminam non epidermidis tantum, sed & cutis, ut Valsalva (c) censuit, productionem esse, statuat, *possunt*, inquit, *simul inde extrahi, velut digitus chirothecæ*, ut sacculum ipse quoque significet, nulla ibi macerationis mentione facta; quanquam paulo post memoret, eaque verisimile sit usum esse, saltem ut eam extractionem redderet faciliorem. Ego Valsalvam secutus, iis quæ sine maceratione spectare potui, contentus fui: neque enim dubito, quin macerando possit Membrana Tympani cum Winslowio vel in sex laminas dividi, aut productio illa, ut Valsalva credidit, cutis extenuatæ, qua intima pars Meatus Auditorii vestitur, in tres dissolvi, quarum primam, & secundam repetit Cl. Cassebohmius (d) a cuticula, & cute, tertiam vero a periosteo ejusdem Meatus, quo cum periosteo Membranam Cellulosam, quæ nimirum alibi Adiposa vocatur, se ipsam confundere censet Winslowius (e); Veslingius (f) utrumque cum superjecta cute *ad oras usque tympani* producebat.

Sane quidquid, aut quotuplex est quod intimam Meatus partem convestit, præclare ostendit, cum sensum, lenteque avellitur, alba filamenta, & quasi vincula, per quæ passim Meatus offi convexa illius facies arte alligatur, arctissime vero annectitur certo in loco ad tractum fere transversum digiti, quem locum invenire solitus sum in parte inferiore, quasi latiusculus, & superficie inæquali sulcus secundum Meatus longitudinem duceretur, prius tamen cessans, quam Meatus jam ex ea angustia, quam Casserius (g), Schelhammerus (h), aliique adnotarunt, se iterum expandere incipiens, manifestissime dilatetur, sive ad imam Membranæ Tympani accedat oram. Quidquid igitur inter convexam hanc tegumenti faciem, & cavam continetur; si illud excipias, quod ubi de Mallei musculis fermo erit, examinabimus; membranæ instar

apparet albidæ, sæpe tenuis, interdum mediocri crassitudine: semel, idque fortasse a morbo aliquo olim prægresso, crassiorem vidi. Sed hanc ipsam crassiorem cum avellere sensim pergerem, non propterea crassior lamina ex continuata externa facie Membranæ Tympani secuta est, sed tenuis, qualem in aliis quoque, cum id experirer, secutam memini. Itaque crassiuscula adhuc restabat Membrana Tympani, ut ab interiore ejus facie alteram detrahere laminam possem, in quam membrana, cavum tympani convestiens, evidentissime producebatur.

10. Porro autem cum Valsalva monuerit, Membranæ Tympani compositionem in humano foetu patere; placuit ut hanc in eo diligentius inquirerem, qui nono exacto jam mense, inter nascendum erat mortuus. Aggressus igitur a cavo tympani cum ab aliquo hujus pariete investientem membranam sensim attollendo, ad proximam usque Tympani Membranam deduxissem, eadem porro ratione pergens, præclare vidi, continuari illam ac produci in laminam per hujus posteriora se se extendentem. Qua detracta, continuo ad alteram, sive exteriorem faciem oculos, manumque transtuli, cumque in ultimo Auditorii Meatus recessu quidquid erat integumentorum diligenter attollere cœpissim, sensimque ad Tympani Membranam reducerem, & avellere per hanc pergerem; alteram ab hac quoque facie, & facilius quidem, ac æqualius, laminam dempsi, ex duabus lamellis constantem, quarum exterior nihil erat aliud nisi materia sebacea de qua supra dictum est, interior autem reapse erat membranæ, in quam se integumenta Auditorii Meatus evidentissime producebant. Hac quoque altera ablata lamina, etiam tum in sua sede restabat tertia, quæ inter utramque media fuerat; ut, nulla adhibita maceratione, mihi esset manifestum, tribus laminis compactam Tympani Membranam apparere. Attamen cum a media non pari, ut dixi, facilitate, & æqualitate interioriorem laminam separarem; præstare credidero utramque harum pro una habere eo magis quia in foetu quatuor, an quinque mensium, postea quam ab annulo osseo Meatus Auditorii membranaceum separaverat laudatus Cassebohmius (i), vidit, secedente eodem annulo qui in fulco suo Membranam Tympani continuerat, hanc cum membrana cavitatis Tympani unum continuatum sacculum quasi formare, qui officula auditus in se recondebatur.

11. Itaque facilem, luculentam, & æquabilem laminarum Membranæ Tympani separationem attendens, non illam quæ omnibus aliis membranis communis est (qualem hanc quoque esse, a Valsalva propositam, perperam credidisse videtur Drakius (k)) in duas, haud amplius, laminas malo cum Valsalva dividere, præsertim cum Cel. Winslowius (l) etfi, ut supra diximus, in multas, siquis alius, laminas, præcipue macerationis ope, dividat; omnes tamen ad duas referat, externam, & internam, quarum illam productionem integumentorum Auditorii Meatus, hanc vero periostei tympani continuationem esse, confirmat. Nec plures duabus statuit Præcl. Waltherus (m) in Dissertatione, benigne ad me missa, de Membrana Tympani: easque indidem arcessit; ut in his omnibus Valsalvam simul, & Præstantes hos Anatomicos libenter sequar. His, quod ad singulas attinet origines memoratas, Coiterus (n) olim, atque Laurentius (o) præverant. Nam ab iis discedentes qui a Pia Meninge, aut ab nervo originem Membranæ Tympani repetebant, ille a periostio, quod sub cute Meatus Auditorii investit, hic a portiuncula Dura Meningis deduxere. Sed Laurentius naturæ similitudinem videtur secutus; Valsalva Meningis ipsius ex foetus cranio in caveam tympani descensum, cujus parietibus investientis membranulam, hoc est periosteum tribuat, Veslin-

(a) Specim. cit. (b) loc. & num. cit. (c) e. 1. n. 21.

(f) Syn. Anat. c. 26. (g) Pentæthel. 1. 4. Sect. 1. c. 6.

(i) Disp. cit. n. 26. Confer cum ejus de Aure hum. Tract. 3. n. 72.

(l) Expos. Anat. Traité de la Tête n. 394. (m) n. 2. (n) De Audit. Instrum. c. 6.

(d) Disput. de Aure Int. n. 18.

(e) Ibid. n. 379.

(b) De Audit. P. 1. c. 2. n. 4.

(k) Anthropol. book 3. ch. 12.

(o) Hist. Anat. hum. corp. 1. 21. c. 13.



lingio ( *p* ) quoque Membrana Tympani *Perioftii* expansio quadam visa est; hoc enim separato, & ipsam protinus secedere, animadverterat: quod antea a Parisano ( *q* ) adnotatum fuerat, docente, illam Membranam pericranio simillimam esse, & undique eadem continuari, eandemque cum eo separatam visi potissimum in infantibus. Cum autem id in Veslingio reprehendens Riolanus ( *r* ), deesse ibi periosteum, scripserit, non satis intelligo, nisi forte anxie ( quod ne ipsum quidem Parisanum fecisse ex iis quæ producta verba antecedunt, perspicue apparet ) atque, ut verum dicam, prope inutiliter periosteum, & pericranium distinguebat. Nam & olim Casserius ( *s* ) tradiderat, iu auribus infantum pericranium manifesto in caveam tympani produci, hanc in parte consistere, ac Tympani Membranam facere, & nunc Cassebohmus ( *t* ) tamen memoratam Valsalvæ observationem probat, nisi quod per eandem viam, externam tantum Duræ Meningis lamellam ad tympanum investiendum deducit, tamen hoc tympani integumentum continuari per fissuram satis patentem cum perioftio externo ossis temporum, agnoscit: ut si ve hanc ejus continuationem, si ve communem ipsi, & perioftio, cranii præsertim, originem ab Dura Meninge ( *u* ) attendamus; omnia convenient, ut ipsi perioftei nomen tribuatur. Quod & ejus sedes, officiumque requirit; quo enim potius vocabulo membranam designemus ossis omnes tympani parietes succingentem? omnes, inquam; tamen Casserius ( *x* ), Vesalius ( *y* ) fecutus, crediderit, ut modo indicabam, caveam hanc membrana, non quidem universam, sed secundum quasdam partes obliniri. Quam ego membranam, nulla prævia anatomica præparatione, qua nec Schelhammerus ( *z* ) usus videtur, in auribus hominum repente mortuorum, sanguiferis ornatam vasculis tum creberrimis, tum in reticuli fere modum inter se eleganter implicitis, si aliquo præsertim vitro oculos vel leviter adjuvem, videre consuevi. In foetu autem quem nuper memoravi, tot erant, tamque evidentia, ut neque plura, neque melius me unquam alias conspexisse meminerim, quam vel tribus ab ejus morte exactis mensibus, cum iterum illius aures in manus fumerem, non sine aliqua admiratione spectavi.

12. Ex hoc igitur tympani, & ex eo quod supra descripsimus, Auditorii Meatus integumento Membrana Tympani componitur: cujus duplicitem cum superioribus quoque Anatomicis cognitam ostendero; protinus ad alia pergemus. Et Vidio ( *a* ) quidem, aditipulante Parisano ( *b* ), satis fuit docere, duplicem hanc esse Membranam, tenuem tamen, & pellucidam. Molinettus autem noster ( *c* ) rem in hunc modum proposuit: „ Una quidem per se est, „ cui tamen altera supertenditur, tractu temporis tendo futura musculi externi, quam & in „ nuper natis semper reperimus; quare feminalem „ utramque esse non dubito. Atque interiorem „ quidem tenuiorem altera, & magis transparentem „ videmus; crassiores secundam, quæ marginibus „ externi circuli ossis circumtensa, dum succrescunt ossa, vel extenduntur ad construendum „ meatum auditorium, cum iisdem obtenditur, ut „ ea intrinsecus vestiatur; mox acceptis filamentis „ aliquid, non sine motu, & actione aliqua muscolum „ propria; siquidem dum corripitur, contrahitur „ etis more reliquarum, filamentis illis carneis, pars „ ultima superstrata Tympano nonnihil contrahitur, „ simulque cum illa, subiecta tympani membrana tenditur. „ Sed de hoc musculo, & num „ ejus tendo externam Membrana Tympani lamellam „ faciat, alias ( *\** ) videbimus: hic satis est, Molinettum hanc quoque laminam, præter internam,

& quod nonnulli ex Recentioribus agnoscunt, interna crassiores, intimoque Auditorii Meatus integumento continuatam novisse. Hactenus de Membrana Tympani compositione.

13. De Foramine autem quod in eadem Membrana primus indicavit Professor, cum viveret, Celeberrimus Aug. Quir. Rivinus, nondum ausim aliter sentire, quam Valsalva sentiebat. Qui enim possum pro certo credere, in omnibus esse, aut se habere ad eundem modum, in tanta observationum, & experimentorum varietate? Si Icones aspicio; cum Præcl. Heistero ( *d* ) fatear, necesse est, nec mihi quidem videri inter se satis consentientes. Si descriptiones attendo; non desunt Advenæ qui mihi confirmant, semper sibi foraminulum ostensum esse haud ita procul a centro; non, ut plerique docent, propius ambitum Membranae. Si experimenta quæro; alii facillime, alii non tam facile stylum, aut setam trajici, asseverant, quam opus esset videlicet, ne de via vi aperta ulla restaret suspicio. Quid? quod Vir Cl. Rivini Filius ( *e* ), foramen, inquit, ut detegatur; optimum est argentum vivum per meatum auditorium infundere; ita vel sponte transit, vel immisso digito prohibitu exprimi potest: deficiente mercurio, vel remittente pressione, iterum clauditur, si modo foramen non desiccatum fuerit. Contra vero non modo Cel. Ruyschius ( *f* ) scripserat, se nuper Capsam, hoc est tympanum, replevisse mercurio vivo, per ductum Eustachianum adactum; nil autem mercurii exitum sibi quæsisse, aut viam invenisse ad auriculam; sed & Præstantissimus Vir Jo. Guilelmus Pauli ( *g* ) testatus erat, Mercurium in meatum auditorium nuper infusum, in hoc substituisse, adeoque cavitatem tympani haud illabendo nullum membranae tympani detexisse hiatus, etiam si aqua pro eadem sicciore humectanda multis ante horis fuisset indita, caputque multum una concuteretur.

14. Nam quod alii aerem, aut Nicotianæ herbæ fumum memorant per aures extrusum; certe si res ita facilis, ac frequens esset, ut videtur Schelhammerus ( *h* ) existimasse; non modo ad transitum ejusdemmodi comprobandum, sed ad Alcmæonem quoque, & Archelaum, aliosque excusandos satis esset, quos Aristoteles ( *i* ), Varro ( *k* ), Plinius ( *l* ), Ælianus ( *m* ) credidisse scribunt, capras auribus respirare. Ego, inquit Schelhammerus, non semel, sed sæpius, si me non ingredi modo aerem, sed etiam per „ meatum auditorium confertim egredi, flatus in „ star, manifestissime percepi. Quod si quis putat „ me fingere, adeat Veslingium, Lindanum, atque „ alios, qui viderunt, haud raro, illos qui tabaci „ fumum exfugere ex illius herbæ accensis foliis „ delectantur, ingentes fumantis illius nebulas, prius „ in os detractas, ex auribus rursus emississe: imo „ adeat illos potius ipsos; nam satis vulgatum hoc „ egregium est, si diis placet, artificium. „ Ego vero quid sibi Schelhammerus in se ipso percipere visus sit, aut, si mavis, etiam perceperit, neque volo, neque debeo, neque adeo necesse habeo in dubium vocare; quando primum illorum ad quos nos rejicit, Veslingium, quasi testificantem, se haud raro id vidisse, ne semel quidem id a se visum dicere, animadverto ( *n* ), sed rem tantum, ipsi fortasse narratam, commemorare. Lindanus ( *o* ) autem ubi de Tuba, ut nunc vocamus, Eustachiana sermonem habuit, hæc quidem scripsit: *Hic est ille meatus, per quem Patifugæ quidam Tabacum fumant: quod vidimus non semel.* Non scripsit tamen, haud raro, multoque minus, recte, an perperam quidam illi audirent, in quibus vidit. Idemque ajo de Riolo ( *p* ), quem Schelhammerus cum ad alios haud nominatos provocaret testes, fortasse indicavit. Vidisse enim se, scripsit; at quoties, & in quibus, non scripsit. Id certe quam & rarum, & fere præter naturam sit, ex his

( *p* ) Synt. Anat. c. 16. ( *q* ) De Subtilit. l. xi. Exerc. 1. c. 2. ( *r* ) Animadv. in Vesling. pag. 212.

( *s* ) Pentæsthes. l. 4. Sect. 1. c. 7. & 10. & Tab. 9. Fig. 4. 5. 6. 8. ( *t* ) Disput. cit. n. 49.

( *u* ) Vid. etiam Havers Osteolog. Nov. Disc. 1. ( *x* ) c. 10. cit. ( *y* ) De corp. hum. fabr. l. 1. c. 8.

( *z* ) De Audit. P. 1. c. 3. n. 3. ( *a* ) De Anat. corp. hum. l. 7. c. 5. ( *b* ) Exercit. cit. c. 3. ( *c* ) Dissert. Anat. l. 4. c. 9.

( *d* ) Epist. VI. n. 26. ( *e* ) Comp. Anat. Not. 60. ( *f* ) Dissert. de Audit. Vitiis, Corollar. ( *g* ) Thesaur. Anat. viii. n. vi.

( *h* ) Præfat. ad Horn. Opusc. n. 47. ( *i* ) De Audit. P. 3. c. 6. h. 5. ( *j* ) Hist. Animal. l. 1. c. xi. ( *k* ) De Re Rust. l. 2. c. 3.

( *l* ) Natur. Hist. l. 8. c. 50. ( *m* ) De Hist. Animal. l. 1. c. 55. ( *n* ) Synt. Anat. c. 16.

( *o* ) Medic. Physiol. c. xi. art. 2. n. 16. ( *p* ) Animadv. in Bartholin. Anat. l. 3. c. 9.



his licet intelligere, quod eum fumum per aures e-  
jectum ( ne quidpiam de me dicam ) nec Valsalva  
unquam videre potuit Bononiæ in frequentissima  
illa Civitate, neque is qui ibidem diligenter quæ-  
siverat in homine etiam quem id ferebant facere  
posse, Amicus meus, Professor Ingeniosissimus Pe-  
trus Nannius; Amicus vero alter meus, Professor  
Doctissimus Heisterus ( *q* ), inter multos qui id sæ-  
pius, omnique conatu tentarunt, *nullum adhuc au-*  
*ditu valentem* ( vix, unum *surdum* ) qui hoc præstare  
*posset*, invenit: quanquam si invenisset; non satis fo-  
ret manifestum, num ea via ita secundum naturam  
se habuisset, an paulo amplior ab ejusmodi conatu  
facta esset. Posse enim sive natura, sive conatu ad-  
hibito, nonnunquam Membranam Tympani sine au-  
ditus detrimento transitum fumo permittere, testan-  
tes lego Viros Clariss. W. Cheselden ( *r* ), &  
Frid. W. Stokausen ( *f* ), quorum ille virum vi-  
disse se, scribit, quantum fumi ex una fistula ta-  
bacco instructa in os proliciebant, tantundem per  
aures emittentem, eundemque tamen optime audien-  
tem; hic vero *sancte affirmare se posse, vidisse suis*  
*ipsis oculis fumum ex auribus belluonis, nullo auditus*  
*vitio laborantis, prodeuntem*. Hos ego duos, nec plu-  
res, invenisse memini ex iis quos legi istius transitus  
mentionem facientes, oculos testes fumi de auribus  
recte valentibus exeuntis. Certe & Matrona, & Au-  
licus, qui apud Rivinum ( *t* ) memorantur, aerem  
per aures manifestissime efflantes, si illius apud Fa-  
brium Hildanum ( *u* ), hujus apud Cnoeffelium  
( *x* ) historiam legamus, nec bene audivisse, & puru-  
lenti fuisse auribus inveniuntur: atque eadem fere de  
Cive Laufannensi, qui non minus memorari pote-  
rat, proxime ( *v* ) narrat idem Fabricius. Quas qui-  
dem Hildani observationes, aliasque perpendens  
Conr. Viêt. Schneiderus ( *z* ), „omnino intelligen-  
„dum est, inquit, eis, qui hoc tabaci fumo tamdiu  
„delectati fuerunt, & eum tandem auribus reddere  
„possunt, membranam, quæ Tympanum dicitur,  
„ruptam & perviam esse. Et hoc est, quod non  
„omnes, sed pauci tantum, qui hoc fumi genus  
„die noctuque hausierunt, illam nebulosam auram  
„auribus emittere queant. Nec sensus auditus rupta  
„aut scissa hac membrana amittitur. „ Quod  
tamen quatenus verum esse possit, alio in loco disqui-  
remus. ( \* )

15. Quæres fortasse, quid ipse viderim, aut expe-  
riendo animadvertierim. Ego vero, quamvis diu, ut  
scis, in celeberrima non una urbe versatus, incide-  
re nunquam potui in homines qui Nicotianæ fu-  
mum auribus redderent, multoque minus ejusmodi  
hominum aures, quod optandum esset, post mor-  
tem examinare. Quod potui, in quam recentissimis  
ac sanissimis adultorum hominum auribus tum seta,  
tum mercurio ( sic enim sæpius nostri hydrargyrum  
vocant ) non semel, at semper frustra, foramen quæ-  
sivi. Nam mercurio sive tympani cavum, sive ab-  
scissa auricula, deterfoque Meatu Auditorio, hunc  
fere totum implem; ne guttula quidem transi-  
bat. Sed ne tum quidem transibat, cum aures ve-  
hementer concuterem, aut mercurium sæpe digi-  
to comprimerem, Membranamque Tympani in-  
trorsum magis ( quod tympano referato videbam )  
ad singulas compressiones urgerem. In utraque  
tandem unius hominis aure, cum violentius com-  
pressiones auxissem, in tympani cavum transmis-  
sus est illico, & continenti illapsu, nec tamen  
totus. Tunc, nisi concuterem, aut novum mer-  
curii pondus adderem, non transibat: præterea non  
pari in utraque aure copia, & facilitate trajicie-  
batur. Etsi ex hisce, & ex vi compressionis qua  
consulto usus fueram, intelligebam, non viam  
sibi invenisse mercurium, sed fecisse; eam tamen  
viam, quæcunque esset, videre volui. Itaque alte-

ram Membranam Tympani tribus quatuorve paten-  
tibus foraminibus pertusam conspexi, aliis alibi, aliquo  
etiam prope centrum Membranæ. In altera autem,  
quam minori copia & facilitate mercurius transive-  
rat, cum foramen appareret nullum; mercurio ite-  
rum in Meatum Auditorium immisso, cognovi,  
non per Tympani Membranam, sed ad hujus am-  
bitum, ubi osseus Annulus in foetu interruptitur,  
mercurium inter Mallei caput, & proximum osseum  
parietem subire.

16. Quod cum aspicerem, veniebat in mentem  
loci cujusdam Emanuelis Konigii ( *a* ), „: Huc ( ad  
„ tympani cavum ) referenda, inquit, etiam Fissura  
„ Glaferi, quam circulo osseo prope mallei caput in-  
„ sculptam observavit ceu exiguum canalem, qui  
„ hinc etiam viam demonstravit Cl. Ammanno in  
„ Parænes. ad Discant. p. m. 48. quo pacto pus  
„ pone tympanum collectum in Cephalalgia, & O-  
„ talgia per tympanum transeat, illud non rodendo,  
„ vel auditum lædendo, morbum tamen solvendo,  
„ quod is se expertum esse in Nobili scemina scri-  
„ bit. „ & sane id qui fieri posset, avere se scire,  
Ammannus ( *b* ) ostenderat. Glafero tamen prævit  
Veslingius ( *c* ), „ Adhæret, inquit ( Membrana Tym-  
„ pani ) firmiter ossiculo, cui mallei nomen imposi-  
„ tum est, tum proximæ cavitatis orbitæ, si partem  
„ excipias, quæ superiorem auditorii meatus regio-  
„ nem attingit. In ea enim laxior omnino connexio  
„ est, ut evolvi membrana atque explicari nonnihil  
„ queat. „ Hac ipsa via non æque in omnibus, in  
nonnullis tamen valde patente, Nicotianæ fumum  
transmitti, quidam hoc tempore Viri Cl. arbitran-  
tur. Contra alii, ac præsertim Ruyschius: qui ( *d* )  
dari, inquit, in statu naturali aperturam inter dictam  
membranam ( Tympani ) & os Orbitale ( ejus vide-  
licet Annulum ) in homine nonnulli affirmant; ego au-  
tem nunquam reperi: & multo ante Schneiderus ( *e* )  
cum majori studio quæsisset, nihil tale notare potuit.  
Certe neque in iis erat in quibus nihil mercurii, suo  
pondere, meisque concussionibus, & compressionibus  
adacti, trajectum est: in qua vero aure mercurius  
tandem transivit, non nisi ea adhibita vi transivit,  
quæ ut alteram Tympani ejusdem hominis Membran-  
nam perforare, sic descripto in loco aut minus ar-  
ctam cohesionem dissolvere, aut tenuiorem disrum-  
pere Membranam potuit. Si tamen hac via in non-  
nullis aut per se aperta est; aut facile potest aperi-  
ri; tanto minus licet ex fumi transitu, Rivini fora-  
men demonstrare.

17. Cujus ego indicium foraminis sicuti nec fumo,  
nec mercurio, ita neque seta, quam quidem sine vi  
trajicerem, in tota Membrana Tympani ad hoc us-  
que tempus habere potui. Idemque accidisse video  
Solertissimis Anatomicis Heistero ( *f* ), aliisque,  
in primis, ab eo quoque laudato, Walthero: qui-  
bus non minus, Cel. Winslowii ( *g* ) de re adeo agi-  
tata silentium addo, quam Experientissimi Caffé-  
bohmii ( *h* ) verba diserte negantis, se *unquam, li-*  
*cet in maxima copia cadaverum in illud foramen in-*  
*quisiverit, illud reperire potuisse*. Multifariam autem,  
si quis alius, in eo quærendo se exercuit is quem modo  
nominabam, Waltherus ( *i* ) in humanis fœtibus,  
in adultis, in bestiis, microscopio, setis, croco in-  
fectis humoribus, immisso ab utraque parte aere, fu-  
mo Nicotianæ, mercurio, exsiccatione frustra usus;  
tamen alii, in variis animalibus, sed præcipue in  
„ Vitulis, semper se vidisse, affirmassent, injectio-  
„ nes per Tubam Eustachianam in Tympani cavi-  
„ tatem factas, inde in Meatum Auditorium per-  
„ meantes, foras fuisse effusas: „ quæ res quomodo  
accidere potuerit, perlecto eodem Cl. Viro, conjici-  
cies. Quid? quod incassum unum alterumque diem  
in adultis expectavit, ut tinctus humor, in Audi-  
torium Meatum immixtus, *sensim* per Membranam  
filtra-

( *q* ) loc. cit. ( *r* ) The Anat. of the hum. body. book 4. ch. 5. ( *f* ) Dissert. de Nervis n. 27. ( *s* ) Corollar. cit.  
( *u* ) Cent. 3. Obs. 2. ( *x* ) Miscell. N. C. Dec. 1. A. 6. & 7. Obs. 85. ( *y* ) Cent. cit. Obs. 3.  
( *z* ) De Catarrhis l. 3. S. 1. c. 16. ( *a* ) Epist. XIII. n. XI. & seqq. ( *b* ) Regn. Animal. Sect. 1. art. 24.  
( *b* ) Parænes. ad Disc. l. 1. c. 4. n. 42. ( *c* ) Synt. Anat. c. 16. ( *d* ) Thesaur. Anat. VIII. n. VI. ( *e* ) loc. cit.  
( *f* ) Comp. Anat. Not. 60. ( *g* ) Expos. Anat. ( *h* ) Disput. de Aure Int. n. 17. Confer ejusd. Tract. 3. de Aure hum. n. 83.  
( *i* ) Dissert. de Membrana Tympani. n. 17. 18. 19.



*filtraretur*: incassum quoque, per Eustachianam Tubam eundem in foetibus injectum, totamque noctem relictum, tenuissimam saltem guttulam transmissurum speravit: *potius*, inquit, *ab ambitu membranae, ubi valde concutiebantur ossa, aut tubulo, flatuque impellebatur liquor, idem vias sibi fecit, & illo praepriis loco*, quod animadvertendum est, *quem Cheseldenus observavit*, nempe illo ipso per quem nos quoque nimis impulsus mercurium traduci, vidimus. Invenit tamen, nullo tentato experimento, olim (k) *foramen sincerum, & rotundum, nec prorsus exiguum in cadavere pueri*. Sed huic in aure ulcus diu ante mortem sanatum, sensusque integer erat. Itaque in ea sententia est (l), perforatam vi, aut morbo hanc Membranam haud semper, etsi auris postea sanetur, occludi, idque praesertim in *siccioribus, & iis qui ventis aut calori caput pra aliis exponunt*: aeris enim utrinque ipsam peculiariter objectam esse, per eamque, ubi semel perforata est, aerem, ob communicationem cum ore jugiter transeuntem, id sibi iter servare posse. Unde colligendum vides: qui fumum per aures interdum trajici, aut nonnunquam in ea Membrana foraminulum conspexere, eos, non modo adnotare oportuisse, sanisne auribus, & auditu is homo tunc esset, verum etiam an semper fuisset: quod de teneris praesertim infantibus quiescit qui pro certo affirmare possit, quibus multa ex auribus haud raro fluunt, quae ut plerumque per ceruminis glandulas ab natura ejici, concedamus; aliquid tamen acrimoniae interdum habere, aut mora in recessibus Auditorii Meatus nancisci possunt, unde nonnunquam perforetur Membrana.

18. Neque tamen haec dico, quasi nullum unquam in ea repertum sit foraminulum quod aut seta, aut morbus non fecerit. Nam; ut unum memorem; certe seta factum non fuisse quod Illustrissimus Doctissimusque Pontificius Archiater Antonius Leprotus olim cum Viro Clarissimo, & utriusque nostrum Amico Jano Planco Ariminensi in decenni puero conspexit, ex illius accurata descriptione (m) intellexeris. Et quanquam *puer ille aurium destillationibus obnoxius fuerat* sic, ut nunquam tamen gravius audivisset; nihilominus quae in ea descriptione attenderis, in primisque idem quem Rivinus praemonstraverat, foraminis locus, hoc facile neque morbi ipsius fuisse effectum, significant. Eademque faciunt, ut neque mortis effectum credas; tamen si is puer submersus interiit, Aristoteles autem (n), alique *urinantis aures ajunt rumpi solere*, nec omnino abnuat Cassebohmius (o), cum rarissime id arbitratum accidere. Cur igitur superiora illa a me dicta sunt omnia? Scilicet ut difficultatibus propositis planum facerem, quae essent causae cur pro certo credere nondum possem, id foramen in omnibus esse, aut ad eundem modum se habere. Quae cum Valsalvae quoque sententia fuerit diserte scribentis, in hoc observationis usum adhuc nihil certi se docuisse; non est profecto cur pluribus ostendam, sibi ipsi inventionis in membrana tympani foraminis gloriam attribuisse conatum non esse, praesertim cum Cel. Rivini Observationem, qui tamen in vitulis, & ovibus videtur invenisse (p), non modo memoraverit, sed & illi Cl. Munnickii verba, hujusque, ut opinor, primam in homine demonstrationem tribuerit. Quod si cum sua quoque in sanis, agrisque hominibus observata, ac tentamina injecto per Tubam Eustachianam humore, candide proponeret, quid vidisset olim cum nihil adhuc de Rivini Observatione sciret, exposuit; & verum in eo dixisse, novimus, qui quam fero Munnickium legerit scimus, neque tamen gloriolae quidquam ex re incerta aucupatum esse qui tot aliis certissimis abundaret, perspectum habemus.

19. Quanquam autem incertae rei usum quaerere propemodum inutile videri potest; tamen si qui Fora-

men semper esse non dubitantes, ejus quaerunt usum, ii quae supra dicta sunt, sibi ante oculos proponant. Ego sane cum ex illis constet, si forte est, certe esse tenuissimum, cumque insuper Jacobus Drakius (q) hunc transitum non modo minimum esse, verum etiam oblique per Membranam Tympani ferri, ajat; Rivinus autem pater (r) mirum fuisse, scribat, *quam arcte circa stilum rursus e foramine educendum se se applicarint fibrae, sphincterem quasi representantes, atque indeo aperturam illam exempto stilo penitus claudentes*; Filius vero confirmet (s), hanc semper clausam esse instar ani; cum haec, inquam, ita se habeant; censeo, Valsalvam prudenter fecisse, qui mihi olim, cum adhuc Bononiae essem, istius foraminis usum eo pertinere suspicanti, quo postea vidi & Cowperum in Appendice, si probe memini, ad Anatom. Hum. Corp. & alios existimare, sibi vero id minime placere, ostendit tum propter foraminis angustias, tum propter humorem has facile obsidentem, & se prompto expeditoque aeris transitui objicientem. Itaque si in omnibus revera esset, magisque in viventibus, subinde saltem, quam in mortuis, pateret; ideo potius factum esse arbitrarer, ut, quemadmodum (\*) Valsalva quoque tunc fuerat crediturus, sensim sensimque aliquid transmitteret ejus laticis unde omne tympani cavum secundum naturam madere conspiciamus, quo Membranae Tympani exterior facies, & proximum illud Auditorii Meatus tenue, neque hebetis sensus integumentum minus facile possent ab externo aere exsiccari. Illi enim cavo oblique subest (id quod infra (\*\*)) confirmabimus) Membrana Tympani: quod cum celeberrimi inter veteres Anatomici melius quidem scirent, quam nonnulli de quibus alibi (t) indicatum est, recentiores; mirari subit, qui, neutra facie excepta, illam ex Hippocratis (u) auctoritate *siccissimam* esse, contenderent; nisi forte aequo longiori post mortem spatio haec inspiciebant. Eo igitur situ, ac vario praeterea capitis sive motu interdiu, sive posito noctu, facilius ejus humoris & transitus reddi, & diffusio per vicinos Meatus Auditorii parietes posset. Quod si placeret; haberes unde aliquando & serofos quosdam ex auribus fluxus intelligeres, & vicissim tum levamen affectuum auris interiorum, si apte in Auditorium Meatum quae convenient, immittantur, tum detrimenta, ni cauti simus in iis infundendis quae postquam intra cavum tympani destillaverint, spissari ibi, & subsistere aliquando possunt. Veri enim similia videntur quae censet Rivinus filius (x): quendam (de quo Timaeus) idcirco *surdum fuisse factum ex oleo communi, quod barbiton for aliquoties, & quidem copiose auribus infundi jussit contra Tinnitum aurium*, nimirum quia *per foramen membranae tympani penetravit oleum, ibique detentum aliquandiu, calore loci fuerit inspissatum, atque ita tenacius inherens, & tympani membranae, & cavitati, organon auditus ineptum reddiderit ad excipiendum sonum*. Porro iis quae in tympani cavea lentescunt, ac viscida fiunt, aut in amurcae fere modum spissantur, impediendis, retinendisque multiplices causae non desunt, sive ossicula, tendines, nervulum interjecta attendamus, sive parietum non inaequalitatem modo, sed inferiore praesertim eademque interiore parte asperitates illas spectemus, quae in aliis cavernulas, & cellulas, in aliis aliud, in quibusdam osseos non breves denticulos introrsum assurgentes referre solent, sive demum membranae qua parietes convestiuntur, expansiones illas quas infra (y) Valsalva ipse per tympani cavitatem, sed neque semper, neque certa lege protendi animadvertit.

20. Ad quarum ego expansionum genus referendam fuisse non dubito Membranam illam Transversalem, quam Vieussenius (z), quasi certo quodam naturae consilio condita esset, intervire, docuit, ut in iis in quibus est, Membranam Tympani una cum

(k) Ibid. n. 13. (l) Ibid. n. 20. (m) in Opusculis addit. Comment. de Bonon. Scient. Academ. (n) Probl. Sect. 32. n. 2.  
(o) Tract. cit. n. 74. (p) Vid. in Corollar. post Dissert. Filii de Audit. Vitiis. (q) Anthropol. book. 3. ch. 12.  
(r) Corollar. cit. (s) Ibid. (\*) c. 5. n. 7. (\*\*) n. 22. (t) Advers. Anat. II. Animad. 28.  
(u) De Carnibus n. 16. (v) Dissert. cit. n. 29. (y) n. 10. (z) Part. 1. ch. 3.



cum Mallei extremo introrsum trahendo, hanc introrsum convexam reddat, extrorsum cavam, quo videlicet aer externus a sono agitatus facile colligi ad concavitatis illius centrum possit, & hoc validius concutere ad sonum intromittendum. Quam hujus Membranæ figuram, & efficientem, figuræ causam sine illa Transversali Expansione, ut ante recentiores Anatomicos adnotatam olim video a Constantio Varolio (a) scribente, Mallei *processum exilem*, & *firmissimum deorsum oblique ferri*, & *suo apice ad centrum* (sive potius, ut Parisanus (b) loquitur, *ad medium circiter*) *tympani desinere*, *huicque secundum se totum alligatum*, *reddere ipsum interius convexum*, & *exterius concavum*; sic animadverto, hanc observationem describentem Bauhinum (c) eandem quam Vieussenius, addidisse causam *finalem*, ex Fabricio (d) tamen nostro exscriptam; „quo aer externus, inquit, meatum auditorium ingressus, ad membranulæ centrum ubi malleus appendet, a membranæ lateribus ad centrum perveniat, & ad soni interiorum communicationem uliatur, & intendatur. „ Idem Bauhinus (e) non modo Annulum osseum commemorat Membranæ Tympani (a Falloppio, ut infra videbimus, & Vesalio non ignoratum, a Casserio denique ex infantibus non uno Iconismo descriptum iis cum inæqualitatibus quæ nodulis fere similes sunt) verum insuper docet, eundem Annulum „intrinsecus fulcum orbiculatim impressum habere, seu in medio circumcirca leviter excavatum esse, marginibus ossibus utrinque eminentibus: quo membranula huic fulco secundum circumferentiam firmissime attendatur & innascatur: „quoniam hunc fulcum iisdem in parte usus verbis antea proposuerat Coiterus (f), qui etiam duo illa tradidit, supra a nobis commemorata, Membranam Tympani *originem trahere a perioestio*, *quod sub cute meatum auditorium investit*: & paulo ante ipsam, eundem Meatum habere *quandam declivitatem*, & *esse hoc in loco aliquanto latiore*. Quorum hæc a nobis interposita, atque adeo in parte inculcata sunt? Nempe ut magis, magisque agnoscas, quanto jam tempore ante recentiores Anatomicos, & nominatim Vieussenium, qui hæc omnia uno Tractatus sui capite (g) conscripsit, ab Antiquis proposita essent. Nunc ad Transversalem illam Vieussenii Membranam redeamus, adversus quam, & adscriptum eidem usum nihil jam possumus gravius asserere, quam quod ipse protulit Vieussenius. Hic enim cum de illis ea docuisset de quibus supra dictum est; non plurimis interjectis paginis (h), (id quod etiam in Valsalvæ schedis notatum invenio) ultro confitetur, se in magno illo aurium numero quas intra quinque & triginta annos dissecuit, non nisi semel eam Membranam invenisse, ideoque credere, nihil nisi merum naturæ lusum in eo in quo invenerat, homine ipsam fuisse. „In quo illi facile adstipulamur, cum in eo uno homine in quo ejusmodi membranam a Membrana Tympani ad crus totum longius Incudis productam conspeximus, in altera aure nihil prorsus esset quod eidem responderet. Multo autem constantius se gessit in alia affirmanda Membrana, qua videlicet docuit (i) hiatum occludi per quem *Sinuositatis Mastoidea* cum tympani cavitate communicat.

21. Quibus de rebus antequam dico, oportet institutum de Membrana Tympani sermonem absolvam. Hujus Membranæ sedem Vesalius (k) *osseo circulo lineæ in modum extuberante septam* esse, videri poterat docuisse, nisi mox Membranam Tympani, velut alteram, descripsisset. Verum sive primo loco membranam illam in qua constantiorem Vieusse-

nium fuisse, dicebam, in animo habuit indicare, eique id quod alteri conveniebat, assignavit, sive alia quævis causa Virum summum, sed in hac Anatomies parte minus eo tempore exercitatum, in errorem, aut certe in obscuritatem adduxit; sane postea cum Falloppii *Observationes* examinaret (l), Membranam Tympani scripsit „ab extanti osseo „margine, quo auditorii meatus sedes pelvis in „modum ampliata circumambitur, exortam, sursum versus exteriora tantisper ferri, donec totum „orbem auditus meatus obtegat, inibique crassissima sit: & vinculis illic quodammodo teneatur, „ubi utrinque ad orbitæ auditorii meatus latera, „processus extuberat. „Quibus verbis non Annulum modo Membranæ osseum novisse se, ostendit; sed & ejus ambo (quæ interruptitur) extrema, quæ mox *tubera*, supra autem *tubercula* dixerat, *obtusosve processus*, quadantenus significasse videri potest: certe alterius saltem extremi protuberantiam Fabricius (m), & Casserius (n) delineaverunt; hic præterea (o) *unum crassum tuberculi instar* esse, docuit. Etsi vero eam interruptionem, eaque extrema indicare omiserat Falloppius (p); primus tamen *osseum annulum* inter initia *distinctum a reliquis partibus ossis temporum* animadvertit. Qui vero deinde non fulcum modo; sed & quosdam quasi nodos addiderint, paulo ante (q) indicatum est. Scilicet Casserius in Declaratione Tabulæ XI. Organ. Audit. (r) *Annulum foris tuberosum, seu asperum* dixit, ut in ea, ac tribus superioribus Tabulis delineaverat, nec æque tamen in omnibus; neque enim in omnibus id æque patet, ut neque *lingula*, ut appellat Cl. Cassebohmus (s), ab eodem, quod & ipse animadvertit, Casserio semel ac iterum pictæ, ne omisso quidem (t) foraminulo quod in illis nonnumquam, aut inter illas relinquitur. Sæpe enim lingulæ plures sunt: quod septem Annuli ostendunt quos, hæc scribens, intuebar. Nam unus binas, duo ternas quaternasve habent, quartus senas; hasque denticulorum instar ferrulæ cujusdam minutissimorum; tres reliqui nullam. Sed in adultis ut nunquam lingularum, sic nonnumquam nodulorum vestigia in Annulo agnovi, in nonnullis videlicet earum aurium in quibus is aliquanto magis etiam tum introrsum eminebat. Nam verum est quidem, *Annulum*, qui in pueris conspicuus est, facileque (id est per cocturam interdum ferme usque ad septimum mensem ex Falloppii quidem observationibus (u)) *separatur, in adultis cætero subiecto ossi uniri, & occalescere*, quod Fabricius (x) confirmat, & nemo ignorat; tamen quod Casserius (y) scribit, cum vicinis ossibus *ita arte coire, ut plane deperdatur* (quoniam *fulcus adhuc appareat*) ac sui separationem effugiat, haud aliter accipiendum est quam quod ad separationem attinet, aut res fere ad natu grandiores quos de industria Casserius, pro adultis, infantibus opponit, est contrahenda. In illis enim id posse accidere, non negaverim, quod in adultis interdum vidi, ut ne fulcus quidem obvius sit, non modo Annulus, sive illa circumcirca affurgens in Meatus Auditorii fine, Annuli prominentia. Hunc autem in adultis, ut universe quidam loquuntur, *obliterari*, ego equidem ita fateri non possum, ut negem quod in plerisque video, ambos adhuc Annuli margines nonnihil prominere, quamvis magis inter se adductos, ut fulcus arctior, minusque profundus inter eos relinquatur.

22. Cum autem huic Annuli fulco Membranam Tympani committi, hancque propterea Annuli positum sequi, constet; quem Annulo situm natura tribuerit, videndum est. Igitur jam tertio exacto gestationis mense cum primum osseus est Annulus, aut secundum horizontem locatur, aut ad

E

eum

(a) Anat. l. 1. c. 5. (b) De Subtilit. l. xi. Exerc. 1. c. 3. (c) Theatr. Anat. l. 3. c. 51.  
 (d) De Aure Part. 3. c. 5. (e) lib. cit. c. 50. (f) De Audit. Instrum. c. 6. & 5. (g) citato.  
 (h) Part. II. ch. 2. (i) Ibid. ch. 1. & 2. (k) De corp. hum. fabr. l. 1. c. 8.  
 (l) Exam. Obs. Fallopp. (m) De Aure Fig. 12. (n) Pentæsthes. l. 4. Tab. 9. Fig. 9. (o) l. cit. Sect. 1. c. 7.  
 (p) Obs. Anat. (q) Vid. num. proxime superiorem. (r) l. cit. ad Tabellæ Arcolam primam sub ecc.  
 (s) Disp. de Aure Int. n. 16. (t) l. cit. Tab. 9. Fig. 10. (u) Obs. cit.  
 (x) De Aure Part. 2. c. 4. (y) cap. 7. cit.



eum positum quam proxime accedit. Sexto autem mense; ne citius dicam; jam manifeste obliquatur, ut ab ea parte qua anteriorem offis occipitis apophysim spectat, humilior sit quam ab opposita, idque eo magis, quo deinceps magis caput augefcit, ut in maturo jam fœtu, aut recens edito multum profecto ab eo absit, ut in plano constitutus esse videatur. Attamen etsi cum ætate crescat obliquitas, nunquam tamen eo res accedit, ut caveæ tympani sua oblique non subsit Membrana: quod & aperta desuper calvariæ basi, conspicitur, & ab egregiis olim Anatomicis propositum est. Nam ut Veslingium (z) fileam, qui imminentis cavitatis ratione Membranam Tympani appellatam dixit, situ ex obliquo, ut mox loquitur, in primum despicientem; Coiterus (a) Situs Membranæ est, inquit, non transversus, sed obliquus, non aliter, atque si scriptorium calamus ea parte, qua densus & attemperatus est, tensa membrana obducamus. Situs autem causæ sunt due, prima, ut Membrana magis recta respiciat cavitatem primam, quæ meatu auditorio elatior existit. Manifestum est autem, cavitatis primæ appellatione ibi tympanum designasse, oblitum divisionis suæ, dum remistudebat enunciare Falloppii (b) verbis, qui idem videlicet, sed explanatius, edocuit. Præter hos Vesalius (c) a Fenestra utraque dixit auditorii meatus orbem veluti ex superiori regione spectari. Idemque officulorum auditus organi situm censuit pendere ex Membranæ Tympani ratione. Itaque longius Incudis crus, quod suo apice nonnihil intorquetur, sursum ex Membrana eminere, docuit, & inferiori tenuiorique parti Stapedis affirmari & necti; basim autem Stapedis, hujus esse superiorem partem, aut superiorem sedem. Quapropter Valsalva & Tympani, & Fenestrarum, & Officulorum positum cum juxta Veterum Anatomicorum sententiam, tum secundum naturam, ossibus in sua fede, ac situ spectatis, proposuit. Optandumque fuerat, ne Viri cæteroquin Diligentissimi hæc scripserint, sent, Cavitas tympani sita est, si os in situ naturali consideratur, pone membranam tympani; non vero huic membranæ superincumbit, ut vult Valsalva, qui non solum hanc cavitatem, sed plures partes auris in situ contranaturali consideravit, neque ulla figura hanc cavitatem expressit. Nam primum, auris positu naturali servato, si Membranæ Tympani is situs est quem omnes agnoscunt, opportunus sua illa obliquitate sive injuriis levius, sive sonis aptius excipiendis (nam melius qui ab inferiore, quam qui ab superiore loco veniunt, audiri dicuntur; plerisque autem a terra percussos accipimus) si, inquam, is hujus Membranæ situs est; ut certe est; Fenestras autem & ipsi ponunt in tympani fundo, ut Ovalis parallela sit Membranæ Tympani, Rotunda autem non parallela, sed verticalis; fane difficile est intellectu, fundum tympani non ipsum quoque imminere eidem Membranæ: & Stapedis situm non esse medium inter verticalem, & horizontalem, ut Valsalva docuerat; sed horizontalem; si Stapedis caput, quod ipsi fatentur, extrorsum membranam tympani, basis introrsum fenestram ovalem, respicit: denique tuberi illi magno quod prope Fenestram utramque extat, non imminere Cochleam; sed sub ipso latere. Nam quod Valsalva tympanum delineatum non dedit, & ipse ultro fassus est (d), neque unam, sed plures cur non dedit, causas attulit: ut neque illud inconsulto præterisse appareat, & satis inde possit intelligi cur quædam alia noluerit addere ex iis quæ sæpe alibi dicitur omisisse. Quanquam hæc non ita esse dicta omnia existimo, quasi ipse reprehenderetur: quemadmodum neque ego aut hic, aut usquam arguendi animo quidquam scribo, sed illius tantummodo & veri, quod Viros Clarissimos amare video, modeste, atque ingenue defendendi. Ego quidem nec Valsalvam tuerer, si ad eum quem exposui, tympani situm ostendendum, necesse esset ita os temporum colloca-

re, ut annulus vel canalis auditorius externus plano horizontali incumberet. At neque idem os in situ naturali esse, agnoscam, si ejus pars squamosa supra processum mastoideum in linea perpendiculari sita sit. Nam ut primus ille offis positus caput in id latius omnino reclinatum, ita hic alter in oppositum latius manifesto vergens requirit. Situs autem secundum naturam is fane est quem superiore calvariæ parte ad summa usque ossa temporum ablata, reliquum cranium nobis ostendit, si rite locemus, neutrumque in latius inclinemus. Hunc ego situm unum mihi attendendum esse, non dubitavi. Cæterum inter illas de quibus paulo ante indicatum est, causas quædam sunt unde illud præsertim intelligi liceat, cur Valsalva tam de sinuositate, quam de cavernulis Mastoidis processus nullam dederit figuram: de quibus jam mihi post absolutum de Membrana Tympani sermonem, scribendum est.

23. Me quidem non præterit, minus placuisse Falloppio (e), eam Sinuositatem organis auditoriis inservire. Sed vicissim scio, Vesalium (f), Falloppio respondentem, ex eo inservire, probavisse, quod quibus animantibus deest, id natura magnæ caveæ additamento compensarit: quo postea argumenti genere ita Valsalva usus est, ut quod objecit Schelhammerus (g), satis declinasse videatur. Quibus de rebus cum alibi scribentem (h) Schelhammerum perlegerem, animadverti quod in Bauhino, & Riolo redarguit, ad Coiterum (i) magis, quippe qui eosdem, ante ipsos, errores admisit, pertinere: quanquam illas similitudines quas in Bauhino Schelhammerus non probat, in eo ipso quem contra laudat, videre poterat Vesalii loco, unde quod meliori fortasse jure in Bauhino reprehenderet, facile colligere potuisset. Cæterum illi Falloppii sententiæ cum ante Schelhammerum ad stipulatus sit Molinettus (k) nullum omnino commercium ajens servare aurem cum poris illis adventitiis Mastoideis; sitne hoc verum, & quatenus, videndum est. Quippe, inquit, processus Mastoideus, ut sæpius adverti, cum homine non nascitur, sed accedit illi aliquo spatio vite exacto. Scilicet hæc erat Falloppii ratio, nec tamen evincens, nullum, postquam accessit, cum ipso aurem commercium habere, sed ne illud quidem quod contendebat Falloppius. Nam neque infantes perfecte audiunt, & si quod postea accedit, dicendum esset ob auditorium organum non esse factum; nec facta ob id esset pars ossæ Auditorii Meatus, ut quam addi postea, Falloppius (l) animadvertit, & Molinettus (m) tum confirmavit, tum ad audiendum ejus additamenti utilitatem agnovit.

24. Sed mihi in controversia proposita illud imprimis attendendum videtur, quid Mastoideæ Sinuositatis nomine intelligamus. Nam si, quod Valsalvam fecisse apparet, eo vocabulo illud potissimum Antrum accipiamus per quod ex posteriore tympani cavea pandi aditus videtur ad cavernas alias, ac denique ad eas quæ revera in ipso Mastoide processu excavatæ sunt; fane vel in fœtu id Antrum magnum est, atque adeo visum aliquando est Solertissimo Cassëbohmio (n) majus esse in infante, quam in adulto. At si ultiores illas cavernas quæ jure Mastoideæ nuncupantur, in processu ipso cum Falloppio, ejusque Affeculis spectamus; nihil dubii est, quin prima ætate cum processu desiderentur: certe in recens nato nihil ad eum locum, nisi rubentia quædam cellularum rudimenta, potui invenire. In adultis autem, quantum duodecim processibus cujusque promiscue ætatis, & sexus hominum intus diligenter perlustratis cognoscere datum est, in aliis quidem, ac speciatim in juniore Milite, magnæ atque amplæ cellæ imum obtinebant; in aliis medium; in aliis fere summum. Sed hæc amplæ cellæ; necdum, quod meminerim, delineatæ; admodum erant paucæ, si cum innumeris conferrentur cellulis quæ longe minores, processum reliquum, & proximum superius

(z) Synt. Anat. c. 16. (a) De Audit. Instrum. c. 6. (b) Obs. cit. (c) Exam. Obs. Fallopp.  
(d) Explic. Tab. 10. Fig. 2. (e) Obs. Anat. (f) Exam. Obs. Fallopp. (g) De Audit. Part. 1. c. 4. n. 13.  
(h) Ibid. n. 3. & c. 3. n. 2. (i) De Audit. Instrum. c. 8. (k) Dissert. Anat. l. 4. c. 10.  
(l) Obs. cit. (m) l. cit. c. 8. (n) Disput. de Aure lat. n. 23.



rius os occupabant, indeque antrorsum, & introrsum Tympanum versus, & Labyrinthum extendebantur, se se inter majores illas, Antrumque cum Tympano communicans, interjicientes. In plerisque minores hæ cellulæ nihil continebant, ne in homine quidem illo juniore: in reliquis ad ipsam infimam processus partem perminutæ cellulæ plenæ erant medullæ sanguinolentæ, si unum excipias, in quo minime sanguinolenta videbatur: ea ipsa pars infima in nonnullis constabat ex solida, non ex cellulosa substantia. Majores autem cellæ etiam, quæ proxime erant impositæ minimis illis medullosis nihil quidquam intus habebant præter tenuem, qua ipsarum parietes convestiebantur, membranulam, quæ, oculis præsertim crystallo leviter adjutis, percipiebatur, tuncque insuper sanguifera vascula cernebantur per hanc repentia. Itaque oculo inermi albissimæ, lævissimæque apparebant, ut quæ inter ipsas erant majores, nihil magis quam Sinum Pituitarium aliquem referrent, quocum conferens, magnam reapse similitudinem sum miratus.

25. Nec tamen propterea ausus sum continuo in Falloppii sententiam ire, ut (o) *eundem usum* has cellas habere crederem quem illæ Pituitariæ Cavitates, etsi utrasque post ortum sensim sculpi, eademque ratione, atque eodem tempore ferre fieri, non diffitear; nisi forte ita Falloppium, ut Vesalius (p), interpretaremur, ac si hæ cavitates ad officium levitatem essent dumtaxat paratæ. Sed Pituitarias Falloppius ipse (q) interdum pituita quadam viscida imbutas deprehendit; ego has, ut dixi, inanes semper ad hoc usque tempus inveni. Non me fugit, Drakium (r) perhibuisse, quæ tenui, pellucida, & vasis sanguiferis instructa membrana tympanum vestitur, eadem convestiri Sinuositates omnes cum ipso communicantes. Cel. autem Winslowium (f) addere; Mastoidearum membrana, nam, in parte referre structuram glandulosam, ut speciem quandam Membranæ Pituitariæ. Quorum pleraque ut me vides ultro fateri; sic in illo uno hære, scito, num inter omnes has cellas, cellulasque ea sit, & tam expedita communicatio, ut si in illis aliquid, præsertim quod mora viscidum fiat, secernatur, exire inde facile possit, & per Eustachianam Tubam ea versus loca conferri, in quæ ex Pituitariis Sinibus, expeditis utique & patentibus ex instituto naturæ orificiis, secretus humor ejicitur: quanquam priusquam per eam Tubam illuc perveniret, ob ea quæ esse in Tympano impedimenta ostendimus (t), in hoc haud raro posset, nec sine noxa restitare. Et mihi quidem earum quæ inter majores has cellas, & tympanum interjectæ sunt, cellularum parvitatem, numerum, acclivitatem, perplexum confusumque ordinem inter disseccandum attendenti, aut nullam, aut satis impeditam communicationem posse intercedere, visum est, præsertim cum hæ quoque minores cellulæ non modo membranula vestiantur sua, sed & membranis aut telis obducantur, aut quasi institis per ipsarum cava traductis hic illic sæpe impediuntur. Huc illud accessit quod cum mercurium aliquando in has cellulas immisissim, ne unum quidem ipsius globulum, vel agitando, concutiendoque, videre potui, qui ex illis in proximas cellas majores transiret; ut dubitarem, num aeri ipsi qui in tympano est, satis patula, & recta sit via per quam expedite cum his cellis communicet, veniretque in mentem, si quidquam hæ ad audiendum conferunt, ad sonos fortasse augendos valere, non secus ac minores illas Labyrintho proximas censuit Daniel Bartolus (u) cum iis esse vasis inanibus comparandas, quæ in parietibus aut solo obruta, faciunt, ut magis ædificia resonent, quemadmodum ab Aristotele (x), ac Vitruvio (y) traditum est. Cui, qualis ea cunque est, suspitioni non obesset illa, sed faveret, laudati Casselbohmi (z) observatio, secundum quam olim tradiderat, has cavernulas, quæ in junioribus majores sunt, in senibus in os compa-

Morgagni Epistolæ Anatomicae.

rum & solidum concrefcere, paucis ac parvis cavernulis in medio sive centro (Mastoidei) processus remanentibus; nam plerumque in senioribus non perinde ac in junioribus auditus viget, sed, ut ait, opinor, Juvenalis (a), *clamore opus est, ut sentiat auris*. Ut ut est; ex iis quæ proposita sunt, intelligis, inutile fortasse; ne aliud dicam; in quibusdam vero etiam difficile fore ad supplendum imperviam Tubæ Eustachianæ officium, illud tentare quod indicavit Riolanus (b) *Quidni*, inquit, *conferret stylo tenuissimo pertusa apophysis mastoidea cavernosa, quæ communionem habet cum concha*, id est tympani cavea? Neque enim hujus cum illa adeo expedita communicatio, ut cum Tuba est. Quod si; ut Valsalva (c) observavit; quæ in quoddam ad eam apophysim ulcus injiciebantur, illico ad fauces perveniebant; id vero in eo viro accidebat in quo illam caries occupaverat, interjectaque impedimenta, exedendo, poterat sustulisse.

26. Quæ omnia cum ita sint; si forte ex me quæras, an Sinuositas Mastoidea sic accepta ut præter Antrum tympano proximum, cæteras quoque cellulas, cellasque comprehendat, pro tympani parte habenda sit; equidem incertus hærebo: an vero ipsum dumtaxat Antrum; si meas attendam observationes, non hærebo. Namque in duodecim illis auribus quibus adjectos processus Mastoideos examinaui, cum diligenter, ac caute quemadmodum se haberet Antri illius orificium, quæriverim; vix semel iterumve an clausum esset, dubitavi: semel cum leves, innumeræque membranulæ quoquoversum ductæ, & se mutuo interfecantes, non omnes modo cellulas Mastoideas, sed & totam caveam tympani occuparent, ut haud mirum esset, si interpositum utrisque Antrum pariter impedirent, universæ autem singularis & insuperabilis causa surditatis, aut certe gravioris auditus fuisse viderentur, cum eam aurem, ceu inutilem, ita homo neglexisset, ut Auditorii Meatus pars maxima cerumine oppleta esset non multum illo quidem durato, sed tamen concreto, ut quemadmodum e vagina gladius educitur, sic totum uno tractu e Meatu, cujus imaginem referebat, eductum sit: in alterius autem hominis aure secundum naturam constituta, tenuis, sed ampla membrana ante orificium Antri, eamque viciniam sese adeo extendebat, ut illud aut occluderet, aut videri posset occludere. In reliquis auribus decem aut nulla prorsus erat orificio prætentata membranula; aut siqua erat, certe non totum præcludebat: certe, inquam; in præclarissima enim luce, ac lenta suspensaque manu hæc quærebam, tympanum ab extrema opposita anteriore parte referans, sensimque pergens, ut neque facile quidpiam divellere in reliquo tympano, nedum ab Antri orificio possem, & si divellerem forte, viderem. Hac ratione non ipsum dumtaxat Antrum in pluribus, sed in quibusdam vel proximas ipsi cellulas nulla esse membrana clausas, evidentissime deprehendi. Crediderim autem, alios qui aliter scribunt, in aures incidisse, in quibus Antrum aut magna ex parte, quod & ipse interdum vidi, aut omnino clausum membrana fuerit. Idque accidisse Vesalio, & fortasse Plempio, mihi quidem veri simile est, si ille tamen in eo loco quem supra (d) indicavimus, cum de osseo Membranæ Tympani Annulo scribere inciperemus, ad hanc Antri membranam respexit, & si ad eandem respexit Plempius; quem Riolanus (e) ait in altera extremitate tympani collocasse membranam alteram, sed quomodo, & ubi sit circumtensa, non explicasse. Vieussenius autem, ut supra memoratum est, constanter, diserteque docuit, Antri orificium membrana claudi, sed tenui adeo, ut Antri, & tympani communicationem haud prorsus tollat. Ea, inquit (f), est delicatissima & rara fere ut tenuissima araneæ tela: itaque aer tympano inclusus, per ejus membranæ po-

E 2

ros

(o) Obs. cit. (p) Exam. Obs. Fallop. (q) Obs. cit. (r) Anthropol. book 3. ch. 12. (s) Del Suono tr. 4. c. 8. (t) Probl. Sect. xi. n. 8. & 9. (u) De Architect. l. 5. c. 5. (z) Disp. de Aüre Int. n. 23. (a) Satyr. 10. v. 215. (b) Animadvers. in Theatr. Bauhin. pag. 423. (c) C. 5. n. 9. (d) n. 21. (e) Encheirid. Anat. l. 4. c. 4. (f) Part. 2. ch. 2.



„ros transire, ut opinor, potest, & aliquam communicationem habere cum eo aere, qui Antro isto continetur excavato ad imam partem apophysidis mastoidis, & foveolis ejusdem apophysidis. „

27. Quæ postrema verba, eam Antro sedem quam minime natura tribuit, assignantia ne forte casu excidisse Viro Præstantissimo, suspiceris; superius caput adi proximum (g) ubi idem Antrum ex instituto describit, inveniesque ipsum proponere, „ excavatum intra partem inferiorem & internam apophysidis mastoidis. „ Verum & proxima ibi quæ sequuntur, verba haud inutile erit attendere: „ cuius apophysidis superficies interior est inæqualis, & pluribus disculpta foveolis, libere communicantibus cum illis quæ insculptæ sunt intra reliquum corpus ejusdem apophysidis, & quarum pleræque, „ aliæ in alias aperiuntur. Quod modo diximus, „ occasionem præbebit nobis in transitu animadvertendi, cum aliquod gignitur apostema in foveolis apophysidis mastoidis, pus inde fluens, decidere per ejus naturalem declivitatem super tenuem membranam, quæ orificium hujus Antri occlu-

„ dit, de quo paulo ante dictum est. „ Neque de occludente hac membrana amplius, neque de libera foveolarum communicatione, neque de promiscue indicata harum parvitate quidquam dico, etsi quas cellas vocavi supra, tanta sint præ cæteris foveis magnitudine, ut sæpe viderim, orificium Antri earum amplitudine superari. Hoc unum dico, eo loco Antrum, ejusque orificium esse collocata, ut foveæ quæcunque intra apophysidis Mastoidis corpus insculptæ sunt, procul omni dubitatione inferiorem illis sedem obtineant, neque a foveis declivitas ad Antri orificium, sed acclivitas sit; ut inclinare, atque adeo demittere caput oporteat ad pus ex illis in Antri, & tympani caveam dejiciendum: tantum abest, ut id Antrum quod supra, ut Cassebohmius quoque confirmat (b), atque extra apophysim est, in ima, quod semel ac iterum Vieussenius ait, apophysidis parte excavatum sit. Sed jam satis multa de ipso Tympano. Quapropter quæ ad Officula eodem inclusa, ad eorumque Musculos attinent, in proximas litteras rejiciemus. Vale.

## EPISTOLA ANATOMICA VI.

*Speculat ad Tractat. de Aure Hum. cap. 2. n. 4. & octo insequentibus, hoc est ad Tympani Officula, horumque Musculos.*

**D**E inclusis Tympano Officulis, horumque Musculis ad te scribere aggredienti illud mihi initio mirari subit, Guernerum Rolfincium, cordatum alioquin & eruditum Virum, scripsisse (a): *Officula auditus, ab omni antiquitate, magno in pretio habita. Nominantur Malleus, Incus, Stapes; præsertim cum mox fateatur, Galeno nullum horum notum fuisse, atque hæc subijciat:* „ Primi eorum Inventores quinam fuerint, variis controversiis agitata est. Bartholomæus Eustachius, in tract. de organis auditus, Alexandrum Achillinum Bononiensem Philosophum, & Jacobum Carpum Chirurgum primos inventores mallei & incudis constituit: quorum tamen neuter inventionis laudem sibi tribuit. Nicolaus Massa epist. 5. utriusque officuli auctorem ponit Carpum, quem ante Achillini tempora duo hæc ossa descripsisse, ait. Volcherus Coiter, Fabricius, & Casserius, Massæ exemplo, solius Carpi mentionem faciunt. Quod autem tertium officulum attinet, de inventionis laude plurimi inter se certant. Columbus se primum inventorem gloriatur. Bartholomæus Eustachius libr. de audit. organ. ad Episcopum Civitatensem idem sibi tribuit, laudemque inventionis derogat Joh. Philippo Ingrassiæ Medico Siculo, olim in Gymnasio Neapolitano, theoricam, practicam, & anatomicam publice profitenti. Hic Neapoli illud invenit, ut ipse testatur comm. in Galenum de ossibus: ubi casu se illud os a nemine antea inventum, & adnotatum, non tam invenisse, quam reperisse: idque coram Siculis studiosis stapham appellasse ait. Falloppius in observat. eidem inventionis laudem assignat. Postquam enim resciverat a Siculo quodam Ingrassiæ discipulo, & adfines, os tale dari, idem os, & ipse invenit Pisis, in publico Theatro, & per totam Italiam divulgavit, antequam illud vel Columbus describeret, aut Vesalius vidisset. Hic tamen in examine observationum se idem casu reperisse gloriatur. „ Quorsum hæc tot descriptimus Rolfincii verba? Scilicet non ob id tantum, ut jure miratum me paulo antea fuisse, intelligas; verum etiam ut hoc mecum recognoscas, sintne ista fere ipsa verba, una cum Rolfincii nonnullis hallucinationibus exscripta, quæ non ita pridem CL

quendam Doctissimumque Virum permoverint, ut Valsalvam, quem alioqui laudat, sic notaret, ut *Achillinum potius, quam Carpum, pro inventore Mallei, & Incudis venditasse, diceret; nisi quod illud de suo addit, Massam in Introductione etiam sua Anatomica idem quod in Epistolis n. 5. conscripsisse; videlicet utriusque officuli inventorem Carpum censuisse, quoniam ante Achillini tempora, hæc descripsit.* Optandum certe fuisset, ut in re non facile credibili Massæ loca diligentius fuissent designata. Equidem in libro *Introductorio Anatomie* cap. 41. ubi ista proponit officula, ne unum quidem de Carpeni, aut de Achillino verbum invenio, sive primam, Anni videlicet 1536. sive alteram Anni 1559. editionem inspicio; quanquam hæc minime est, ut quidam Bibliographi existimant, editio nova, sed illa ipsa prior, paginis dumtaxat primis, haud insolito Bibliopolarum fucio, renovatis. Sed neque in *Epist. n. 5. Tom. II.* quod ad rem faciat, quidquam invenio. Reliquum est igitur, ut intelligamus Epistolam 5. Tom. I. Cujus antequam verba profero, quaeso a te, ut qua Achillinus ætate, & Carpeniis floruerint, paucis inquiramus. Sic enim & alios fortasse excitabimus ad utriusque de Re nostra Anatomica egregie meriti Viri memoriam, & vitam paulo diligentius quam ad hoc tempus factum sit, illustrandam, & nos certe percipiemus, num crebibile sit, Carpensem ante *Achillini tempora* Incudem, & Malleum descripsisse.

2. Jac. Phil. Tomasinus (b) memoriæ prodidit, A. 1506. 7. Novembris, *Alexandrum Achillinum, qui diu Bononiæ docuerat primo loco Philosophiam, ad hanc Patavinam Philosophicam Primariam Sedem successisse Fracantiano.* Papadopolus quoque noster (c), Vir Celeberrimus, non id modo confirmat, *Alexandrum Achillinum Bononiensem, virum doctissimum, & insignem utroque sæculo XV. & XVI. Philosophum, floruisse; verum insuper addit, fuisse in hoc Gymnasio collegam, & antagonistem Pomponatii, ejusdemque in scholasticis concertationibus re quidem victorem.* Cum vero idem hæc subijcit: *per fœderis Cameracensis tumultus se recepisse in patriam, in qua iterum aliquandiu docuit, nempe ad an. MDXXV. circa quem nondum quinquagenarius obiisse dicitur* (sive, ut Jovius (d) loquitur, *quum nondum quinquagesimum explevisset annum*) quippe ante

(g) ch. 1. (b) loc. cit. (a) Dissert. Anat. 1. 2. c. 15. (b) Gymnas. Patav. 1. 3. c. 15.  
(c) Hist. Gymnas. Patav. Tom. 1. l. 3. c. 8. (d) Elog. Viror. litter. illustr.



ante Pomponatium, qui illi Bononiæ suffectus est, mortuus; in his Viri Prudentiam laudo, qui non sine dubitatione hæc a se poni, significaverit. Primum namque animadverto, Alidosium (e) tradidisse, Pomponatium ab A. 1512. Bononiæ publice, professum esse, Philosophiam ordinariam ---- usque ad A. 1525. quo ex urinæ vitio diem obiit tres & sexaginta annos natus. Tum vero animadverto, Jo. Philotheum Achillinum, Alexandri fratrem, in ea Epistola qua hujus *Annotationes Anatomie* dicavit Eximio Artium & Medicinæ Doctore M. Pamphilo de Monte Bon. Theoricæ Ordinariam publice docenti, hunc ipsum tanti tum nominis Professore, ut Bononiensis Gymnasii splendorem immortalem, appellet, ostendere, Alexandri fratris olim discipulum fuisse, Alexandrum autem jam mortuum, cum de se Jo. Philotheus scribat, qui tanti viri frater fui. Est vero ea Epistola & scripta, & cum iis Fratris *Annotationibus* primum edita Bononiæ A. M. D. XX. Denique Pompejus Vizanum Patricium Bononiensem, ut in X. libro *Historiarum* inveni quibus suæ res Patriæ italico sermone complexus est, eo, inquit, tempore, (designat autem A. 1512.) mortuus est Alexander Achillinus Bononiensis, magni nominis, & acutissimi ingenii Philosophus. Laudatus autem Alidosius (f) diserte consentit, obiisse Achillinum, scribens, postridie Kal. Augusti 1512. cum annos vixisset duodequingenta, & mens, ses octo. Quod si nunc vicissim Carpenensis, hoc est Jacobi Berengarii, ætatem quæramus; tum apud Freherum (g) videbimus inter eos poni qui florebant A. 1550., tum apud Alidosium (h) inter Professores Bononienses ab A. 1502. ad A. 1527. post quem videlicet Ferrariam secessit; tum vero certo inveniendus, non ante A. 1521. & 1522. quibus *Commentaria super Anatomia Mundini* (in quorum XXIV. bonam memoriam Alexandri Achillini, ut de mortuo loquens, commemorat) & *Isagog. in Anatomiam humani Corporis* edidit, ullæ de Re Anatomica Scripta emisisse. Veruntamen ante A. 1550. quo, nimum fortasse, ejus ætatem produxit Freherus, Carpenensis obitum, ortum vero quam maturissime ponamus, paulo ante A. 1460. quod quidam videtur hujus locus in *Tractatu de Fractura Cranei* significare. Ubi enim agit de cura fracturæ cranei per potionem, hæc scribere animadverto: „Et ego, dum essem satis puer, hoc vidi, scil. quendam Jacob hebræum cui pater meus erat amicissimus, qui Jacob curavit divum Herculem Ferrariæ Ducem, de pessimo ictu spingardæ, ut dicitur, in pede, & tali pigmento sanavit eum cum magno præmio & honore. Id autem vulnus Hercules retulit in eo prælio quod A. 1467. VIII. Kal. Augusti ad vicum Molinellam adversus Etruscos factum est, pile ictu pede, ut quidem res post docuit, graviter saucio, ut Historicus (i) loquitur, sive, ut Poeta (k) semiambusto. Ne huic quidem conjecturæ indulgendo; ne ad hunc quidem modum remponendo, verisimile unquam fiet, qui, nascente Achillino, e pueris nondum egressus esset, eum ante Achillini tempora Incudem, & Malleum descripsisse.

3. Nunc quid tandem in laudata Epistola scribat Nicolaus Massa his de officulis, videamus. Hæc, inquit, officula Anatomici tempore Alexandri Achillini viri in omni scientiarum genere eminentissimi (ut ex ejus scriptis clarissime videre est) invenerunt. Quare non ab istis (Vesalium tota hæc manifesto designat Epistola) sunt primo inventa, nec ostensa: cum etiam Jacobus Carpenensis loca istorum officulorum invenire doceat. Mitto quæ a me inventa sibi arrogant &c. Scilicet tantum abest, ut ante Achillini tempora, descripta officula a Carpeni esse, dicat; tempore Achillini inventa docet, neque a Carpeni tamen, quem satis Massæ est, ipsum quoque antequam Vesalius scriberet, illa officula cognovisse, & quo in loco quærenda sint,

tradidisse: quod nunquam a Valsalva negatum est. Sed hic ideo Achillinum Carpeni prætulit, quod illum jam mortuum animadverterat, ut opinor, priusquam hic de officulis ita scriberet (\*), ut cum istam rem in rei veritate notatu dignam a paucis, visam affirmaret, atque alias aliorum de ejus utilitate sententias recenseret, haud obscure confiteretur, se tum minime nova, aut sibi uni perspecta scribere. Secutus præterea Eustachium Valsalva est, Auctorem cum eruditione plerisque omnibus; tum certe ætate Coitero, Fabricio, Casserio anteferendum; si revera hi omnes, Columbi (l), & Falloppii (m) magis, quam Massæ exemplum imitati, solius, ut dicuntur, Carpi mentionem fecissent. Atqui (tantum abest, ut præter Massam hi omnes, quod Blasius ait (n), jam ante Achillini tempora duo hæc ossa descripsisse Carpum, voluerint) Coiterus unus (o), ne Achillino quidem nominato, unius Carpeni mentionem fecit; Fabricius nihil, quod sciam, memoravit de horum officulorum Inventoribus; Casserius vero (p), Eustachii testimonio diserte innixus, idem quod Eustachius ipse fecit, qui (q) videlicet Achillinum ante Carpenem nominavit, cum eos laudaret (quod utinam Valsalva satis, sed Casserius, & Rolincius magis, & qui Rolincium describunt, attendissent) cum eos, inquam, laudaret qui hæc duo officula, non primi invenerunt; sed quantum ipse sciebat, primi indicarunt. Minime enim fugiebat Eustachium id quod diserte ipse graviterque subjecit, neque Achillinum, neque Carpenem sibi tantum sumpsisse, ut inventionis sibi palmam vendicarent; usque adeo ab illo abfuit, ut eos, primos inventores mallei, & incudis constitueret! Sane etiam Columbus (r) etsi Carpum de his ante Vesalium suis scriptis meminisse, videbat; quis tamen inventor fuisset, se plane latere, fateretur, prudentius multo quam ubi in eodem Opere (s), sibi parum constans, eadem eundem Carpum primum invenisse, conscripsit. Potuit enim ignobili cuidam ac minus docto Professori, aut Chirurgo, qui probe dijudicando, aut publice indicando quod casu reperisset, ut sæpe fit, par ipse non esset, id Achillini, & Carpeni temporibus accidisse in Malleo, & Incude quod postea in Stapede sibi obtigisse, Ingrassias testatur, non in Proæmio, sed in Commento quarto in Proæmium Galenici libri de Offibus ad Tirones, ut inter percutiendum scalpro malleoque ossa temporum, duo illa officula exciderent, & non quærenti obvia fierent, vel etiam inter mundandum, ad Sceleti apparatus, calvariam, quod sibi Vesalius in Malleo, & Incude, non in Stapede, contigisse, scripsit in *Anatomicarum Falloppii Observationum Examine*. De Stapede enim candide, ac diserte posteaquam, inquit, audivissem, tertium quoque officulum quoddam repertum, ego illud etiam mox inveni, hocque tam exiguum esse conspiciens, observatoris Ingrassii Siculi præstantissimi medici operam laudavi, comparationemque cum stapede apud Neapolitanos equites factam, jucunde recepi; ut quomodo se idem officulum casu reperisse, memoret; multoque minus, quod Rolincius, & Blasius (t) ajunt, gloriatur; non videam. Video quidem A. 1555. hoc est aliquot ante annis quam Columbi ipsius libri anatomici ederentur, Ludovicum Colladum Valentiniæ Academiæ Professore in suis laudati libri Galenici *Enarrationibus* (u) hæc de se vulgavisse: Ego una cum Cosmo Medina in inclita academia Salmanticensi nunc publico Anatomes professore longe doctissimo, discipulo meo mihi charissimo, aliud os reperi, cui, quod simile esset equitandi instrumento, quo pedes firmantur, stapedæ nomen imposui. Eustachius tamen (x) cum sine ulla dubitatione affirmavit, se id officulum novisse, Romæque non paucis ostendisse, atque in æs incidendum curasse, idque multo antequam Falloppius (y) scribat, hoc est multo ante A. 1548., non cæteris modo, sed & ipsi Ingrassiæ, qui se primum A. 1546. illud vidisse, ac demonstrasse, per-

(e) Li Dottori Forest. che in Bologna &c. pag. 63. (f) Li Dottori Bologn. di Teol. Filos. &c. pag. 7.

(g) Theatr. Virorum erudit. clarior. Part. 3.

(h) l. primum cit. pag. 39.

(i) Pigna de Princip. Attest. Hist. ad eum annum.

(j) Ariost. Furios Cant. 3. Ott. 46.

(k) Comment. 37. super Anat. Mundini.

(l) De Re Anat. l. 1. c. 7. (m) Obs. Anat.

(n) Comment. in Vesling. Synt. Anat. c. 16.

(o) De Audit. Instrum. c. 9.

(p) Pentæsthes. l. 4. Sect. 1. c. 21.

(q) Epist. de Audit. Org.

(r) loc. cit.

(s) Oper. cit. l. 7. c. 3.

(t) loc. cit.

(u) cap. 1.

(x) Epist. cit.

(y) Obs. cit.



perhibuit, inventionis palmam dubiam fecit, præsertim cum tot alia ex auditus Organo addictiora, & difficiliora in lucem protraxerit, cæteris, ipsique Ingrassiæ ea tempestate prorsus incognita, in hisque majorem Mallei musculus. Nihil enim obstat quod idem musculus *tamen quoque apud Ingrassiam l. c. p. 57. depictus reperitur*: siquidem minime constat, quod demum tempore libro illi suo, post ejus mortem edito, Ingrassias extremam imposuerit manum, cum anno certe adhuc viveret 1576. Idibus Junii, quod die ad Julium Jafolinum, discipulum olim suum, eas litteras dedit quæ hujus *Questioni de Aqua in Pericardio* (z) præfixæ sunt. Quin imo constat, cum librum illum scriberet, Eustachii Anatomica Opuscula, A. 1563. Venetiis omnia simul edita, jam vidisse, quippe quorum nonnulla loca, & in his etymologiam quandam in *libello de Dentibus* (a) propositam, non obscure, si verba conferas, librique oram inspicias, & satis libere exagitat (b); ut minus dubitem, quin illas musculi, annexorumque officulorum imagines ex iisdem Opusculis (c) sumpsit, præsertim cum utrasque comparo, & apud Ingrassiam video longe minus veras, & elegantes, ut in describendo solent inepti Scalptores depravare, neque ut apud Eustachium, Explicatione sic distinctas, ut alteram ad hominem, ad canem alteram pertinere, lectores sciant.

4. Atque utinam apud Ingrassiam dumtaxat, qui suum ipse, ut diximus, librum non edidit, Officulorum imagines ex bestiis sumptas, inter eas quæ ex homine petita sunt, nullo addito indicio promiscue positas haberemus; minus tironibus non modo, sed iis etiam omnibus qui satis non sunt in hac parte Anatomies exercitati, periculi esset, ut in hanc quoque eos in posterum errores inveherent quos, ob non dissimiles causas in Lacrymalibus glandulis, in arteria Magna, in aliisque istiusmodi partibus deprehensos, vix satis convellere adhuc potuimus. Quotus enim quisque est qui Incudis, exempli causa, crus illud quod hypomochlio innititur, pictura expressum longius videns, quam quod Stapedem suffulcit, continuo id potius per se intelligat, eam Incudem non esse humanam, quam hoc existimet, ad istum ipsum modum Incudem quoque humanam se habere? Quanto præstaret Valsalvæ æmulari diligentiam, qui siquid de industria justo majus depinxit, folicite id monuit; nedum inter cætera quæ ex homine delineavit, siquid forte ex bove tum pinxisset, tum auxisset, id non fuerat taciturus. Quod ideo dico, ut cum memineris, hominis ipsum, non bovis Aurem nobis describendam suscepisse; nihil mireris quod præter officulum quartum, vulgo Orbiculare dictum (de cujus quoque Inventoribus mox aliquid attingemus) nullum nobis de quibusdam aliis minimis ejusdemmodi officulis proposuerit. Equidem in ejus schedis invenio quod de duobus ejus generis officulis commemorari apud Præstantissimum Heisterum (d) animadverterat, id notatum; nihil tamen præterea adjectum: credo quod vel Anatomici hujus Exercitissimi iudicium, & observationes probaret, vel suas ipse quoque instituere atque adjungere in animo haberet. Mihi certe meas qua majore potui diligentia in auribus hominum instituenti nondum accidit, ut aliquod ejusmodi officulum viderem. Sive enim Mallei, & Incudis juncturam undique inspectarem, sive caute dissolverem; nullum hic magis quam laudatus Heisterus (e), alique oculatissimi Viri, officulum sesamoideum *lenticulare* deprehendi. Sive Incudis crus brevius ab hypomochlio disjungerem suo; neque *cartilagini affixum* inveni, per quam, ut Willisius (f) tradidit, *offi. petroso affigatur*, neque insitens ulli officulo *triangulari*. Sive demum tendinem scrutarer musculi Stapedis, aut hujus capituli, cervicisque inspicerem latera; nullum unquam annexum

sive *ovale*, sive alterius formæ officulum vidi, nisi forte squamulam ex orificio ossei sinus in quo musculus delitescit, inter hunc retegendum educendumque aliquando abruptam avulsamque una cum musculo, eidemque ad eundem modum adhaerentem, uti apud Drakium (g) delineatione expressum vides: quam squamulam pro peculiari officulo accipere, nec res ipsa finit, & Drakius diserte vetat, in Explicatione admonens, partem illam esse ossis petrosi, abruptam in liberando musculo ab osseo canali suo, tantum abest, ut *cap. de Aure* (quod est 12. libri 3.) inter officula *descripserit*. Scilicet haud aliter de ea existimandum est, quam ab Anglis quoque aliis existimari audio de quodam officulo (h) quod nonnulli in tendine longioris musculi Mallei proposuerunt. Eam vero in avulsi a musculo tendinis, quem diu Anatomici nihil aliud quam Stapedis ligamentum crediderunt, disrupto extremo inhaerentem, ex eoque pendentem suspicor a Molinetto (i) habitam esse pro singulari illo officulo quarto cujus hanc, difficile alia ratione intelligendam, descriptionem reliquit: *Est omnium tenuissimum, squamulam recte dixeris ossis oblongam, quæ ligamenti propriis, æque exilibus, angulo crassiori Stapedis laxè vincitur regione labyrinthi, rectaque per mediam trianguli regionem in basin descendit*. Igitur aut ea qua docui ratione officulum apparet tendini annexum, aut in hominibus quidem perraro, ut cætera de quibus paulo ante dictum est, ab natura, an a morbo? additum invenitur. Quin imo cætera omnia, atque alia insuper; ut quod Schelhammerus (k) ait duobus cruribus, *incudis crura excipere, & ab illis excipi*; neminem legisse memini qui diserte traderet a se unquam in homine fuisse reperta, si Cl. Cassebohmium (l) excipias, qui *officulum, inter Incudem & Malleum positum, scribit, inter plures quam trecentas aures humanas, in unica tantum infantis aure se observasse*. Contra, & ipsum (m) fatentem video, cætera illa nunquam in homine se deprehendisse, Schelhammerum (n) autem docentem, quibus in bestiis illud quod duobus cruribus prædictum est, atque alia ejusmodi invenerit. Illudque ipsum, de quo modo dicebamus, Stapedis capitulo a latere annexum, frustra, in humanis quidem auribus, Heisteri (o) quoque, præter Cassebohmium, (p) aliorumque diligentia quæsitum est. Quæ cum ita sint; minus mirarer, Th. Bartholinum (q) primo docuisse in vitulis, in quibus *quam in homine majus est, reperiri facilius*; nisi postea (r) cum alia ex Fontano, alia ex Paavio, quibus alia demum ex Lindano interjecit, adjungeret, hæc quoque ad illa verba addidisset, *quanquam nec in homine appareat exile*. Et quamvis hæc alia ex aliis, atque alio tempore facta additamenta, fortasse illud efficere potuerint, ut quæ homini, quæ bestiis, quæ huic, aut alii officulo convenirent, non satis discreverit; tamen quando nihil facilius est quam ut tendinis, aut ligamenti aliqua particula, in grandævis præsertim, ossea fiat; haud pertinaciter negare velim, in uno aut altero interdum homine aliquod ejusmodi officulorum, & hoc potissimum, fuisse deprehensum. Quid; præter illa quæ scripserat Bartholinus; de Folio Rolfincius (s), & ex hoc Blasius (t) addiderint, non vacat recensere: satis est, ab neutro, ut ne a Folio quidem ipso (u), alias quam Bartholini observationes in homine commemorari. Nam quod Blasius (x) ait, Marchettum *id officulum negantem, experientia vim facere*; maxime vereor, ne quæ de duobus, inter se maxime discrepantibus, officulis distinguenda fuerant, hi quoque confuderint. Quid enim aliud scripsit Marchettus (y), nisi: *additur a Sylvio, & a Veslingio quartum officulum, quibus ego non assentior, quoniam in medio istorum officulorum* (Incudis scilicet, ac Stapedis) *nihil aliud reperitur, nisi ligamentum*

(z) Quæst. Anat. quæst. 3. (a) cap. 8. (b) Vid. Comment. 3. cap. 4. & Comment. 2. cap. 7. (c) Tab. 7.  
(d) Comp. Anat. secund. edition. Not. 25. (e) Compend. tert. edit. Not. 61. (f) De Anima Brutor. c. 14.  
(g) Anthropol. Tab. 19. Fig. 3. (h) Vid. apud Heister. loc. cit. (i) Dissert. Anat. l. 4. c. 9. (k) De Audit. Part. I. c. 3. §.  
(l) De Aure hum. Tr. 4. n. 132. (m) (n) (o) (p) locis cit. (q) Instit. Anat. libell. 4. c. 7.  
(r) in editionib. sequentib. (s) Dissert. Anat. l. 2. c. 15. (t) Comment. in Vesling. Synt. c. 16.  
(u) Auris int. Delineat. in Cent. 2. Epist. Med. Bartholin. Ep. 63. (x) loc. cit. (y) Anat. c. 16.



tum quod ipsa officula, alligat. Non ergo officulum ad latus Stapedis annexum hic attendebat; sed Incudi ac Stapedi interjectum negabat; recte, an fecus, infra videbimus. Vicissim Kerckringius (z) non officulum interjectum hoc quartum, quod ipsi videtur fuisse ignotum, sed illud alterum quod ad latus est, in dubium vocabat, quando se in vitulis manifestum satis invenisse; in hominibus si sit, in foetibus certe non reperisse, scribebat; quod enim Incudi & Stapedi interpositum est, id facile in foetum maturo ipsum quærentibus occurrit.

5. Hic illud minime est omittendum: ne quem forte moveant Bilsii (a) Figuræ, Cowpero incognitæ, aut certe minus animadvertæ; nam si animadvertisset, neque (b) Adairo suo officulum, A. 1655. Bilsio, imo A. 1640. Bartholino (c) jam cognitum, tribuisset, neque (d) ejus officuli imaginem Bilsianis minus luculentam edidisset. Sed Cowperus tamen & Amici observationem, & imaginem illam suam ex vitulo esse, fideliter monuit; Bilsius vero, aut certe qui a Bilsio traditas Figuras ediderunt, & qui ipsas, inter Tabulas, Figurasve ex homine descriptas retulerunt, Bartholinus (e), alique, unde Bilsius desumpisset, reticuerunt. Quorum ejusmodi silentio non minus quam plerorumque eorum qui hujus officuli mentionem fecerunt, procul dubio accidit, ut plures deinceps in hominis esse auribus existimaverint, nec ipsum dumtaxat, sed fortasse ea quoque unde potissimum intelligi licet ab iis quidem quorum major est in Anatome exercitatio, Figuras illas ex brutis animantibus fuisse confectas, ut Membranæ Tympani Annulum usque adeo introrsum extantem, ejusdemque Membranæ ambitum magis quam in nobis, ellipticum; ne de officulorum ipsorum, aut circumjecti offis forma, & proportionem quidquam dicamus. Quæ si quis attenderit, & sectiones has Bilsii cum iis quæ Riolanus (f) antea, imo olim Vesalius (g) monuerant, comparaverit, de bestiis videlicet in quibus os petrosus ab reliqua offis temporum exteriori parte nullo negotio post coctionem divelli potest; minus ille admirabitur quod os auris a Bilsio secundum naturales ejus futuras a se invicem dissectum exhibitum sit; quamvis id ejus Figurarum Editores adeo jactaverint, imo propterea cæteris Anatomicis longe Bilsium anteposuerint, quasi earum futurarum ignavis idem os non aliter ac frustulatim, aut serra dissectandum venisset. Quam geminæ offis temporum partis faciem, in junioribus præsertim bestiis, & post cocturam, separationem mirabitur nemo, cui idem quod mihi aliquando acciderit, ut in maturo humano foetu, nulla prævia coctione, duas illas partes, se invito, ex rudiori tantum contrectatione secessisse, conspexerit, hinc Stapede cum Petroso osse, inde reliquis officulis, & Membrana Tympani cum Squamoso, quasi ad demonstrandum parasset, sua quoque in sede remanentibus.

6. Ex his quæ de Officulis hætenus a me sunt commemorata, proclive est intelligere, in auris humanæ historia neque descriptiones, neque usus esse ponendos aliorum quam quæ Valsalva agnovit, officulorum, hoc est Mallei, Incudis, Stapedis, & officuli quod ipse maluisset Ovale dicere, Incudi & Stapedi interjecti, si tamen quartum hoc officulum pro osse est peculiari accipiendum. Nam ut aliqui conati sunt Officulorum augere numerum; sic alii vicissim minuendum esse, crediderunt, officulum id vel pro cartilagine, quod videtur placuisse Willisio (h), vel potius pro epiphysi sive Incudis, sive Stapedis habentes, quorum illud Ravium (i) in primis ætate hac nostra, alterutrum Viros alios Doctissimos video existimasse. Mihi vero hæc sæpius quærenti, & officulum esse, non cartilaginem, compertum est, & peculiare potius officulum, quam epiphysis, visum. Nam etsi Incudi magis

( id quod Valsalva non diffitetur ) quam Stapedi adhæret; imo quod in vitulo animadvertit Cowperus (k), id mihi semper in homine accidit, ut Stapedem ab Incude disjungendo, huic, non illi, annexum restaret; sic tamen annexum est, ut in humidis adhuc & recentibus auribus non modo ( quod in juvene interempto adnotavi ) ejus facies officuli, & huic antea contigua capituli Stapedis sanguinolentæ, non læves sint, nec modo ( quod semper animadverti ) ipsum Officulum super extremum illum Incudis apicem satis sit mobile; verum etiam solutis a latere membranulis, seu ligamentis, multo ab eo facilius anoveri videatur in auribus quoque virorum, & senum, quam si vera epiphysis foret. Hoc Solertissimus Casselbohmius (l) confirmat, qui in eadem in qua ego, sententia est, propterea quia „ si epiphysis esset, tempore in apophysin abiret, id quod omnibus aliis epiphysibus nostri corporis accidit: sed ea distinctionis linea, quæ in infante inter crus longius Incudis, & hoc officulum est, etiam in senes remanet, in quo loco quoque facillime in senes ab Incude separari potest. „ Huc illud accedit, quod ex novimestri foetu sumptum cum in aqua sex septemve horas macerasset, minime emollitum est; ut cartilagineum non esse, intelligerem. Num ergo epiphysis? si ne tum quidem cartilagineum est; epiphyses autem, ut cum aliis etiam testatur Præcl. Heisterus (m), in infantibus omnes sunt cartilagineæ.

7. Mirum esset, hanc, quantumvis minutam, particulam, sive officulum, sive epiphysin creditam, oculos tot veterum Anatomicorum prorsus fugisse; quandoquidem & in aliis Officulis alia, & in ipsa Incude quædam exigua animadverterunt, ut præter duos conspicuos processus, sive crura, illum insuper de quo Coiterus (n) loquitur, minorem processum, pedem vocatum, cujus munus est chordam in sua sede conservare, ne videlicet ea sursum tendat. Hic vero processus, qui fortasse est a Coitero in bestiis quibusdam major inventus, adeo contemnendus & cæteris antiquis Professoribus, & nostris est visus, ut non meminerim qui, præter Coiterum, ejus sigillatim mentionem habuerit, sive ( ut de proposita ejus utilitate fileam ) ob parvitatem omiserint, sive ne ipsum memorantes, oppositum quoque alterum adjicere deberent, sive demum quod utrumque satis indicari crediderint, cavum indicando quod ad juncturam cum Malleo præstandam, sua ipsi prominentia efficiunt; quanquam alibi, & nominatim in summi offis cubiti descriptione, non id satis esse, existimaverunt. Verum, hoc omisso processu, quem cum opposito Valsalva noster & exiguarum eminentiarum nomine generatim, & quamvis litteras non apposuit, delineatione quoque (o) subindicavit; Vesalius (p) certe; nedum alii plures qui Vesalium sunt consecuti; longioris Incudis cruris extremum quasi in unculum cessare, sive (q) suo apice nonnihil intorqueri, non ignoravit. In hunc ergo apicem cum oculorum aciem intenderent, ut illam ejus contorsionem quæ non parva fortasse ex parte officulo quarto debebatur, conspicerent; credemusne, hoc ab ipsis visum non esse, præsertim cum, ut paulo ante dictum est (r), Incudi annexum restare soleat? Sane ut cæteri non vidissent; Laurentium (s) saltem vidisse, existimabis, qui rem in hunc modum est elocutus: *Stapes basi sua latiuscula fenestræ ovali immersus, summo & acuto apice, incudis minimum tuberculum excipit.* At enim ab Incude ipsa minimum hoc tuberculum non distinxit, nec pro peculiari officulo habuit. Vidit tamen, & iis qui primi Incudis epiphysin crediderunt, fortasse prævit. Hi autem qui fuerint, ut in præsentia haud facile dixerim, sic ante Ravium fuisse, putaverim, quando apud Jo. Theodorum Schenckium (t) quartum officulum invenio aliquos pro epiphysi potius habendum esse,

( z ) Osteogen. Fact. c. 5. ( a ) Specimin. Anatom. ( b ) Myot. Ref. ch. 12. ( s ) loc. cit.  
( d ) Fig. 9. Myot. primæ edition. ( e ) Anat. quart. renov. libell. 4. Tab. 4. ( f ) Comment. in Galen. de Offib.  
( g ) Obs. Fallopp. Exam. ( h ) de Anima Brutor. c. 14. ( i ) Colleg. Anat. Splanchnol. ( k ) Myot. Ref. loc. cit.  
( l ) Disp. de Aure int. n. 31. ( m ) Comp. Anat. n. 52. ( n ) De Audit. Instrum. c. 9. ( o ) Tab. 3. Fig. 3. & XI.  
( p ) De corp. hum. fabr. l. 1. c. 8. ( q ) Obs. Fallopp. Exam. ( r ) n. 6. ( s ) Hist. Anat. l. XI. c. 13.  
( t ) Schola Part. hum. corp. Sect. ult. Part. 2. c. 2.



esse, judicare. Hoc enim iudicium minus illi de quo supra ( u ) dictum est, officulo convenit, a latere *stapedi* adjecto, de quo Schenckius dicere instituerat, & in animalibus brutis magis obvio; nam hæc omnia, quasi in unum idemque officulum cadentia, ipse quoque conjungit, ut illud pariter quod *squamam piscium* repræsentet.

8. Hactenus scripseram, cum Arantii venit in mentem, in cuius *Anatomicis Observationibus* ( x ), de Orbiculari officulo quædam, magis etiam perspicua, videbar legisse. Et sane hæc habet: *Stapes in summo superioris anguli apice, in capitulum, modice sinuatum, desinit, ut incudis minimum tuberculum, tibiolæ adnascentem* ( sic ), *per symphysim, ac synchondrosim agglutinatum, amice excipiat*. Vides ut tuberculum dicat cruri Incudis *adnascentem*, hoc est vel officulum peculiare, si quod subicit *per symphysim, ac synchondrosim agglutinatum* sic interpreteris, ut cruri Incudis agglutinatum intelligas; vel certe Incudis epiphysim, si capitulo Stapedis intelligas agglutinatum. Quid enim, quæso, attinebat tuberculum *adnascentem* dicere Incudis cruri, cum Incudis cruris tuberculum dicere satis fuisset, nisi Incudis epiphysim saltem significari, voluisset? De aliis autem Orbicularis officuli Inventoribus, vel potius Instauratoribus, quos Valsalva, atque adeo alii Scriptores ante, & post Valsalvam laudarunt, nihil addere nunc ausim, quando nonnullorum Scripta non sunt in promptu; unus vero illorum an quidquam de hac re mandaverit litteris, etiamnum dubito; ipsis autem singulorum descriptionibus non inspectis, aliquid pronunciare quam periculosum sit, vides. Age ergo quorum Officulorum numerum constituimus, de his sigillatim, eorumque musculis nonnulla adjiciamus.

9. Et primum Malleo tres nominatim Processus fuisse etiam ante nostra tempora adscriptos; Coiteri ( y ) Scripta docent, atque Rolfincii ( z ). Quin imo illius Processus figuram, quem Valsalva Majorem appellabat, diligentius olim fuisse descriptam, postquam Arantius ( a ) ipsum esse *velut caudam quandam reflexam*, admonuit, Cafferii ( b ), Bauhini ( c ), Veslingii ( d ) monumenta ostendunt, quæ in incurvum apicem quasi unicum tradunt finiri, sive extremo suo introrsum aliquantulum contorqueri. Itaque curvam hujus processus figuram non primus descripsit Vieussenius ( e ); primi autem iidem pinxerunt a quibus primum Malleus, nec sine aliquo insuper processu, depictus est, Vesalius ( f ), & Eustachius ( g ); rei autem utilitatem diserte monstravit Cafferius ( h ), hæc scribens: *quia mallei cauda suo unco ad interiora inclinatur, Tympanum una intus intorquet ac vellit: idque intus gibbum, exterius concavum efficit*. Sed hanc Mallei curvaturam cum hac tempestate alii fileant, aliqui etiam ordinarie deesse, & cum est, apicem Mallei modo ad latus, modo introrsum versus cavitatem tympani reflecti, scribant; secundis autem curis ipsum processum tradant, aliquantulum introrsum, versus tympani cavitatem curvatum esse; apicem vero ejus aliquoties in adultis versus Eustachii tubam reflexum se observasse; ego non ut Virorum Clarissimorum observationibus adverter, sed ut tibi meas, quæ cum his in parte conveniunt, ingenue exponam; me nunquam, quod meminerim, aliter invenisse, ajo, quam in Malleis triginta qui sunt ante oculos, video, apicem omnibus extrorsum, & antrorsum, hoc est simul versus Auditorium Mearum, simul versus anterior tympani latus reflectentibus. Quam mediocrem apicis ab exterioribus versus id latus inclinationem significasse credo Cafferium, ac Veslingium, cum hic *extremum introrsum aliquantulum contorqueri*, ille *ad anteriora inclinare*, ut modo dicebamus, scripserunt. Certe hæc inclinatio tanta non est, ut curvaturæ cavum, quemadmodum in longiori Incudis crure, interiora spectet; sed contra, ita convertitur ad exteriora, fere ut annexæ Membranae Tympani cavum ipsum quoque extrorsum con-

versum est. Itaque fit, ut emineant, ac distinguantur in ejus Membranae anteriore, hoc est exteriori, facie duo puncta, quæ processum, Minorem Valsalvæ dictum, & manubrii finem notant, quemadmodum alii tradidere Præstantissimi Viri: et si minus intelligo quod ab iisdem pariter scriptum est, ob manubrii cum ea Membrana coalitum, hanc totam versus meatum auditorium aliquantulum levare. Nec magis assequor illud quod addunt: *linea, juxta quam ipsum manubrium dirigitur, in duo segmenta inequalia integram Membranam dividit, quorum anterior amplioribus, posterior arctioribus circumscribitur limitibus*; siquidem nunquam non angustius id segmentum inveni quod inter manubrium, & anteriorem Membranae oram interjectum est.

10. De duobus autem aliis quos Valsalva Minorem, & Minimum processum Mallei appellabat, quid iisdem videatur, attende. *Tuberculum*, inquiunt, quod --- Valsalva Tr. de Aure humana, pluresque pro peculiari, tertioque mallei processu venditarunt, ita nuncupari haud meretur. Hoc de Minimo. De Minori autem, & de Longissimo quem ipsi vocant, Minimoque substituunt, Prior, inquiunt, rectius superior, hic inferior processus audit. Ego vero ut de nominibus parum, sic de rebus multum esse ab Anatomicis laborandum, non dubito. Quamobrem de processu Minimo satis esse Valsalvæ, credo, ut quod venditasse dicitur, id tamen pro conficto, aut undique alieno a veritate non repudietur. *Tuberculum* enim agnoscitur: sed ne illud quidem, quare processus nuncupari haud mereatur, ostenditur: Sane Vesalius ( i ), qui hos minores processus in Malleo princeps distinxit, & quo annecterentur, ut potuit, significavit, processulos promiscue dixit, quorum beneficio Malleus membranae Tympani firmius innascitur, & per quos ligamenti illis excipitur necliturque, quæ ab uno meatus auditorii tubere transversim in alterius lateris tuber pertinent; ut vidisse muscolum Processus Minimi, sed fortasse postea cum Tympani Corda confudisse videatur. Hanc ergo interea processus appellationem servantes, dum rem huic vel latius acceptæ repugnare, ostendatur; vicissim porro videamus, refue sinat, ut quem Valsalva recte Minorem dicebat, is processus rectius ( quod & alii credunt ) superior, ille autem alter inferior audiat, vel etiam longissimus sit vocandus. Atqui ex his duobus secundus, sive Mallei figuram spectemus, ex hoc altius, non tanto quidem quanto Follius ( k ) delineavit, sed altius tamen, id est paulo propius capitulum existit, quam primus; sive Mallei naturalem positum attendamus, ab hujus laterali anteriore facie prodit, non ab inferiore, ut primus. Igitur nisi rei ipsi vim faciamus, nisi pro ima parte caveæ tympani, ut quidam fecerunt, & adhuc facere videntur, parietem accipiamus oppositum Membranae Tympani; certe si imposita a Valsalva nomina sint mutanda, Veteres postea ( \* ) laudandos secuti, eos ambos processus inter se comparantes, quem Valsalva Minorem dixerat, hunc inferiorem, alterum autem superiorem rectius vocabimus, non inferiorem; sed ne longissimum quidem, nisi prius æque inter omnes tum de ejus natura de qua postea videbimus, tum de eo conveniat quod sit octava dumtaxat parte, mallei longitudine minor, aut manubrio certe sit major. Nam sive offeus totus non sit, sive plerumque non major quam Bartholinus ( l ), Veslingius ( m ), Heisterus ( n ), Cantius ( o ), Cowperus ( p ), alique pinxere; longior sane haud erit manubrio, quod etiam inter Mallei processum Valsalva, alique præterea, in quibus Eustachius ( q ) est, retulerunt, & adhuc referunt. Utcunque id est ( neque enim cujusquam, & multo minus Solertissimorum Virorum observationes contemno; imo infra libenter nonnullis mearum confirmabo; sed in nominibus quæ usurpari ab omnibus debent, probandis quid plerisque, id est plerumque observatum esse videatur, attendo ) nondum satis causæ esse video cur Valsalvæ appellationes rejiciamus. Nam ad Minimum hujus processum quan-

( u ) n. 4. & 5. ( x ) cap. 17. ( y ) loc. cit. ( z ) Dissert. Anat. l. 2. c. 15. ( a ) Obs. cit. c. xi.  
 ( b ) Pentæsthes. l. 4. Sect. 1. c. xi. ( c ) Theatr. Anat. l. 3. c. 51. ( d ) Synt. Anat. c. 16. ( e ) Traité de l' Oreille P. 2. ch. 3.  
 ( f ) loc. cit. ( g ) Tab. Anat. 7. Fig. parva superiore. ( h ) loc. cit. ( i ) De corp. hum. fabr. l. 1. c. 8. & Obs. Fallopp. Exam.  
 ( k ) Auris int. Delin. Fig. 3. apud Bartholin. Cent. 1. Epist. Med. 63. ( l ) n. 11.  
 ( m ) Anat. quart. renov. libell. 4. Tab. 3. Fig. 4. ( n ) Synt. Anat. Tab. c. 16. Fig. 7. ( o ) Comp. Anat. Tab. 1. Fig. 1.  
 ( p ) Imper. Anat. Tab. 5. Fig. 5. ( q ) Myot. Ref. Tab. 26. Fig. 3. ( r ) De Audit. Org.



quantumvis longa, ut sic dicam, appendice adjecta, cum hanc omnes multo gracillimam fateantur; nihil prohibet, quo minus processuum nomina a craf-  
titudinis potius quam ab longitudinis comparatione re-  
petentes, hunc Minimum; Membranæ Tympani in-  
fixum Minorem; manubrium denique ipsum, Majo-  
rem processum, cum Valsalva, & Cassebohmio (r)  
Valsalvam laudante, tanto libentius appellitemus,  
quod tum imposita ab Eustachio (f) vocabula Ma-  
joris, Minorisque processus servabimus; tum lon-  
gam illam Appendicem a veri sive Inventoris, sive  
Instauratoris nomine, ut plures fecerunt, vocare non  
tam fortasse expeditum est, quam ipsis est visum.

11. Quod priusquam ostendo, iterum moneo, le-  
vem mihi de vocabulis, non levem de rebus quæ  
vocabulis subindicantur, curam esse, ne quis forte,  
nomine deceptus, id credat quod cum anatomicis  
observationibus, aut cum ipsius Anatomix Historia  
non consentiat. Igitur Cantius (e) primum qui hanc  
Appendicem, sive hunc longum exilemque proces-  
sum invenit, affirmat, fuisse Cæcilium Folium, cu-  
jus Dissertatio & Auris Internæ Delineatio Nova,  
Veneriis 1645. edita est. Tum hæc subjecit: Thomas  
Bartholinus post eum solus meminit inter Anatomicos  
hujus Processus, quem depingit. Postea rursus oblivio-  
ni quasi traditus: nemo de hoc locutus est, donec tan-  
dem Celeberrimus Rau dexterrimus Anat. --- resuscitavit  
illum. Nec desunt qui, Bartholino ipso præterito,  
ab aliis, ante, & post Cæcilium Folium, usque ad  
Ravium, prætermisum esse, confirmant. Sunt vicif-  
sim qui præter Bartholinum, etiam Veslingium, a-  
liosve aliquot excipiant. Haud injucundum tibi fore  
existimo Historiam Anatomix adamanti, si hæc o-  
mnia, aliaque cum his conjuncta de Veslingii, &  
Folii Vita paulo prolixius examinavero. Atque il-  
lud primum mittamus quod Cantio (u) ipsi mox videat-  
ur similis Processus Eustachio innotuisse ex Tabula hujus  
VII. Mittamus, inquam; nam siquid ejusmodi ea Ta-  
bula indicat, in cane indicat; non in homine, ad quem  
superior duntaxat Figura pertinet, ut Tabulæ quo-  
que XLI. Figuræ IX. & X. in quarum nulla quid-  
quam est tale. Mittamus, si lubet, delineationes et-  
iam Plateri (x) Tabula 7. Figura V. aut ex bestia  
aliqua, aut si ex homine, nimia certe incuria descri-  
pta. Multo autem magis ejusdem Plateri verba (v)  
mittamus, qui præter Mallei pediculum, sive manu-  
brium; erumpentem ex cervice (nam & hanc Majores  
in Malleo agnoscebant) processum etiam elatiorem, sive  
superiorem; non modo humiliorem, sive inferiorem;  
proponens, eundem quo de loquimur, videtur indi-  
cavisse, præsertim cum Spigelius quoque (z) istum ip-  
sum videatur superiorem, minorem, & curvum voca-  
se. Neque enim hic quærimus, quibus is processus,  
sed quibus illa notabilis ejus longitudo cognita fuerit.  
Quod de Cafferio (a) pariter dicendum est, alteram  
Mallei apophysim elatiorem, interiorem, & exiliorem  
ponente. Nec magis niti licet Coiteri (b) verbis  
processum quidem longum, & tenuem, sive oblongum,  
tenuemque processum memorantis; si enim cum Ve-  
sallio (c) cujus ibi descriptionem, imo orationem  
ipsam transcribit, conferamus; nobis continuo pla-  
num fiet, iis verbis non, ut Viri Eruditi existi-  
mant, hunc de quo agimus, sed Majorem processum  
Mallei significari. Illustria igitur, & plena quæren-  
tes, confusa, & manca omittamus. At Fabricii no-  
stri ab Aquapendente (d) quomodo prætermittere  
Iconem poterimus, inter Auris Figuras numero sub-  
jectam 16. quando Veslingius item noster (e) hunc ip-  
sum de quo sermo institutus est, Mallei processum lon-  
gum Fabricio ab Aquapendente aliisque descriptum dicens,  
nulla re magis videtur, quam ea Figura hoc decla-  
rare potuisse. Qua Veslingii admonitione Bartholi-  
nus ipse excitatus, mox scripsit (f), hunc proces-  
sum post Platerum & Aquapendentem nuper a Folio  
figuratum fuisse. Cæterum ejusdem processus post  
Folium non solus meminit Bartholinus (g), sed is  
etiam quem modo aiebam, Veslingius, qui tum de-  
lineatione (h), tum his verbis (i) descripsit: Mal-  
leolus, circa medium, processibus ornatur duobus:  
,, brevi uno, cui semusculus internus jungit: altero  
,, longiore, sed magis tenui, qui tympani orbitæ incur-  
,, bit. Reliquum officuli, sive id pediolo, sive cau-  
,, da compares & cet., Meminit quoque Veslingii Suc-  
cessor Molinettus (k), qui Folio diserte inventum hunc  
processum adscribit, arctius annulo adhaerentem, vel circulo  
Tympani, quam Malleo: meminit Diemerbroeckius (l)  
iisdem fere verbis quibus Veslingius: & ne plures quæ-  
ram, meminit is quem nonnulli meminisse negant,  
nonnulli dissimulant, Schelhammerus (m), cujus inte-  
rea historicam quandam hallucinationem describunt.

12. Hunc enim, Schelhammerus inquit, proces-  
sum a se primum inventum esse gloriatur Cæcilius Fo-  
lius Celeberrimi Veslingii in Patavino Theatro successor.  
At Veslingio anno 1649. 30. Augusti mortuo, haud  
aliud quam eum quem modo dicebam, Antonium  
Molinettum --- ad Primariam hanc Anatomicam Ca-  
thedram in locum Veslingii defuncti electum esse, &  
quidem anno eodem, 27. Decembris, cum hic Pata-  
vii inter omnes convenit, tum is qui eo tempore  
hæc videbat, testatur Iac. Philippus Tomasinus (n).  
Molinetto autem, quem in Parmensem Aulam ine-  
dendi causa forte accersitum, ibi decessisse sexagena-  
rium, humatumque esse Kal. Octobris A. 1675. par-  
tim exposita in Gymnasio Inscriptione (\*), partim  
ex certo, quod apud Nepotes vidi, testimonio scio;  
illo ipso anno 18. Decembris successisse Iacobum Pi-  
ghium, huic autem decem post annis Dominicum de  
Marchentis, & huic denique, triennio exacto, Molinet-  
ti filium, decessorem meum, neque hic seniores  
obliti sunt, & Professor Celeberrimus præclare o-  
stendit Nicolaus Comnenus Papadopolus (o). Qui etsi  
viciis ingenue fatetur, se ignorare, an Cæci-  
lius Folius post A. vixerit 1640. ubi (p) de  
ipso, non ut Professore quidem, sed ut Alu-  
mno scribit hujus Gymnasii; tamen quoniam  
mihi ex Oratione quadam (q), Jacobi Gran-  
di, habita postridie Kal. Febr. A. 1671. tunc Fo-  
lius inter vivos fuisse, constat; imo nondum plu-  
res vixisse quam sex supra quinquaginta annos  
potuisse tunc scio, quippe qui natus erat A. 1615.  
quem annum ex iis colligo, quæ tum in fine ad-  
scripsit Opusculi sui primi (r), tum initio præfixit  
secundi (s); idcirco usque ad A. 1689. quem ad an-  
num commode vivere potuit Folius, singulos me-  
morare Anatomicos volui, qui Veslingio in hoc  
Theatro successores electi sunt. Unde igitur deceptus  
est Schelhammerus? Ex eo fortasse quod Veslingius  
antequam Patavii doceret, anatomen Veneriis ha-  
buerat anno, ut Tomasinus (t) scribit 1628. men-  
se Januarii, qua in Urbe postea Folius eandem ha-  
buit annos decem; tot enim annos laudata Grandi  
Oratio videtur indicare. Verum num propterea  
Veslingii successor vel in Veneto Theatro dici pos-  
sit, non deerunt fortasse qui dubitent. Neque id eo  
duntaxat dico, quod Anatomicum illud Theatrum  
non extitit ante A. 1671. quo, accurante Folio,  
perfectum est, cum ad illud usque tempus, in-  
,, determinatus Venetiis esset, & sæpe nullus, aut  
,, si aliquis, angustus, (quod ex eadem liquet  
Oratione) tradendæ Anatomæ locus; tradere au-  
tem solebant, quod & modo ex parte faciunt,,  
,, sermone italico, ut Tonfores, alique latinæ  
,, linguæ imperiti possent intelligere, quemadmo-  
dum Folius loquitur (u), & fecisse se, ostendit;  
Neque item eo dico, quod Folius potuerit quidem  
annos duos & viginti natus, quod Præfatio ejus in-  
dicat

F

dicat

(r) Disput. de Aure int. n. 28. (f) loc. cit. & Explic. Tab. 7. (s) loc. cit. (u) Ibid.  
(x) De Corp. hum. structura. (g) Ibid. l. 1. (z) De hum. corp. fabr. l. 2. c. 9. (a) Pentærh. l. 4. Sect. 1. c. xi.  
(b) De Audit. Instrum. c. 9. (c) De corp. hum. fab. l. 1. c. 3. (d) De Aure. (e) Synt. Anat. c. 16. in Explic. Fig. 7.  
(f) Anatomic. Vindic. adv. Hofmann. in Animadv. ad c. 86. §. 9. n. 4. (g) Anat. quart. renov. libell. 4. c. 7. (h) Fig. cit. &  
Fig. 6. Tab. 1. c. 8. etiam ex Fœtu. (i) cap. cit. 16. (k) Dissert. Anat. l. 4. c. 9. (l) Anat. l. 3. c. 18.  
(m) De Audit. P. 1. c. 3. n. 4. (n) De Gymn. Patav. l. 3. c. 13. (\*) Vid. Salomonii Inscript. Patavin. ubi de Lyceon. 323.  
annique numerum corrig. (o) Hist. Gymn. Patav. Tom. 1. l. 2. Sect. 2. c. 32. (p) Ejusd. Tom. 2. l. 2. c. 46. (q) Datta nell'a-  
pirsi il nuovo Teatro di Anat. in Ven. (r) Sanguinis a dextro in sin. cord. ventric. --- reperta via. (s) Discurso Anat. --- circa  
la Pinguetudine. Vid. Præfat. (t) Oper. cit. l. 4. ad eum annum. (u) Præfat. cit.



dicat in Opusculum primum, si cum hujus fine conferatur, aut, si mavis, etiam paulo antea ad id munus eligi ab Inclyto Venetorum Medicorum Collegio; at tredecim aut quatuordecim annos dumtaxat natus, non potuerit, quot erat videlicet cum Veslingio succedendum fuisset, si anno quidem, ut secundum Tomasinum posuimus, 1628. illa Venetiis anatome a Veslingio habita est. Verum antea habitam esse, proclive nobis est demonstrare. *Ultra quinquennium Memphi Ægyptiorum se vixisse*, scribit Veslingius (x), dum ibi sub Illustrissimis viris Aloysio Cornelio, & Joanne Donato Venetorum Consulibus liberali stipendio medicinam faciebat. Atqui ad hoc Patavinum Theatrum A. MDCXXXII. ex Cairo, seu Memphi Ægypti Equitem (non Venetum, sed S. Sepulchri, ut recte cum Tomasino (y) appellat Th. Bartholinus (z)) Joannem Veslingium Mindanum accitum esse, anno autem 1633. 17. Januarii publice eundem Anatomici munus aggressum hic esse, idem tradit Tomasinus (a). Non potuit igitur Veslingius esse Venetiis A. 1628. si ultra quinquennium, quod spatium semel atque iterum ipse indicavit (b), proxime ante A. 1633. est Memphi versatus. Huc adde itinerum tempus, præsertim cum haud recta Memphim, sed Palæstinam, ut indicat Tomasinus (c) petierit, imo exoticarum stirpium studio Ægyptum, ac Siriam peragraverit, quod Octavius Ferrarius (d) in ea posuit Inscriptione, quam Veslingio Socero Jo. Pueppa Lotharingus A. 1655. parabat; quamquam illud de Siria omissum est, cum reapse, eodem Ferrario, & Jo. Rhodio curantibus, sub Veslingii marmoreo simulacro magnifice collocata est in hoc celeberrimo D. Antonii Templo haud procul ab ea quam Petro Bembo Cardinali positam eruditi advenæ solent visere; ne quis forte aliter quam decet; interpretetur quod verum alioquin scriptis a Tomasino (e) addidit laudatus Papadopolus (f): *Veslingii cadaver jacere in primo peristyllo Antoniani cænobii ad partem meridionalem sine titulo*; aut silentio permoveatur Salomonii, qui A. 1701. editis, & A. 1708. auctis hujus Urbis Inscriptionibus nescio quomodo utroque in libro hanc Veslingianam omiserit, cum innumeras, etiam humillimas, & plebeiorum hominum, sedulo coacervavit. Non me fugit, Tomasinum ut pleraque alia ad hoc Gymnasium atinentia, sic annum tum quo hic primum, tum quo antea Venetiis anatome habita est a Veslingio, ex nostræ Inclytæ Nationis German. *Artistarum Actis* (g) sumpsisse. Verum ne dubites, utro in anno peccatum sit, quando constat in alterutro peccatum esse; Veslingium ipsum (h) attende, qui suis, hic peractis, dissectionibus inter cæteros *Patavinae urbis Rectores*, in primis *Franciscum Pisanum* interfuisse, testatur, quem A. 1632. 4. Januarii accessisse ad Præturam hanc; 11. autem Julii A. 1633. discessisse, Tomasinus (i) fatetur. Quapropter primis hujus anni mensibus fuisse anatomen a Veslingio Patavii institutam, & quod ex supra ostensis consequitur, ante annum 1628. Venetiis illam alteram fuisse habitam, manifestissime apparet. Num verò primis mensibus, nisi forte Veneto more acceptis, anni MDCCXXVI. quo anno Venetiis publice administratam Anatomen ab antecessore suo Doctissimo Veslingio, commemorat Molinettus (k), an vero anni MDCXXVII., ex his poteris quæ continuo addam, conjicere. Postquam Veslingius Lugduni Batavorum, sub Clarissimo Everhardo Vorstio, præceptore suo Botanicis (l), Mantuæ autem sub viro Clarissimo Fabricio Bartoletto Anatomicis (\*), aliisque studiis sub iisdem, aliisque præceptoribus operam dederat, Patavium venit A. 1625. & sua se manu Albo Germanicæ laudatæ Nationis 24. Junii inscripsit, in hoc au-

tem Gymnasio Doctor A. 1626. 10. Junii, quod Catalogus Doctorum ostendit ejusdem Nationis, a me cum Albo illo inspectus, creatus est: quo temporis intervallo cum alios hic Experientissimos Viros, tum Petrum de Marchettis Equitem qui (m) illum suum olim in praxi discipulum semel iterumque propterea vocat, est sectatus. Venetiis autem ut paucis mensibus, & qua demum tempestate moratus sit, docuit ipse cum scripsit (n), *sibi opobalsamum paucis mensibus in urbe Veneta degenti, antequam orientales provincias cogitaret (sive ut ante dixerat, in Orientales proficisceretur provincias) optimæ notæ conspectum fuisse*: tuncque illam anatomen habuisse, ejus Amicus indicavit Jo. Rhodius (o). *Veslingius*, inquit, *ante suum iter in Ægyptum, ubi quinquennium Cayri Consulatum Venetorum valetudini adfuit, corporis humani dissectionem Venetiis publice instituit*. Igitur ut illuc redeam unde nobis hujus indagandi temporis nata occasio est; duodecennem fuisse Folium, intelligis, cum Veslingio succedere Venetiis debuisset. Quanquam neque ob id tantummodo dubitare aliquem de ea successione posse, credimus: potuit enim, si non illo, at aliquot interjectis annis, & si non proxime Veslingio, at uno aut altero interposito Doctore, succedere. Verum ob hoc insuper ea de re dubitari posse existimamus, quia Folio quidem constat (p) Anatomici munus ab Excellentissimis Rectoribus, Moderatoribusque Perillust. Medicorum Venetorum Collegii, ut fieri solet, injunctum esse; Veslingius autem, etsi publice, ut modo dictum est, privatis tamen auspiciis a Cl. Papadopolo (q) dicitur Venetiis Anatomen administrasse, & certe S. C. de Anatomico ab eodem Collegio eligendo, a Triumviris autem Litterariis probando factum video mensse Decembri A. 1628. videlicet postea, ut supra ostensum est, quam Veslingius anatomiam Venetiis habuerat.

13. His non tam Schelhammeri hallucinationem convincere (multo enim pauciora satis erant) quam studio inservire tuo volui: qui si de Folio nosse præterea alia cupis; minus ad id utilia erunt quæ adversus ipsum edita sunt, ut libellus inscriptus *Galenii, & Bottalli Placita de via sanguinis a dextro ad sinistrum cordis ventriculum*, Venetiis vulgatus anno post quam primus Folii prodierat, & Scipionis Obez, sive potius Florii Bernardi (is Medicus inter Venetos magni nominis, & Antonii Molinetti Socer fuit) *Diatriba Apologetica*, minus, inquam, hæc tuo proposito utilia erunt, quam *Diatribæ ejusdem Confutatio*, ab Jo. Cæsare Manfroccino edita, Folii discipulo, & consanguineo (r). Ex hac enim Confutatione intelliges, Folium non *Mutinæ*, sed *Fanani* esse natum (s) iis Majoribus qui vel militaribus, vel medicis stipendiis egregie de Veneta R. P. meriti fuerant: Venetiis affecclam fuisse (t) nobilis Medici Josephi de Aromatariis, ipsum vero in affecclis suis (u) eundem quem supra laudavimus, habuisse Jacobum Grandi clarum Medicum atque eruditum: fuisse ipsi jam fenescienti etiam tum in animo (x) raras suas medicas, & chirurgicas Curationes cum multis æque raris observationibus vulgare, quæ fere atque alia in Præfatione ad Dissertationem de Pinguedine olim promiserat, quo etiam tempore de Hippocratica sua Historiarum correctione cum Th. Bartholino (y) coram fecerat mentionem, ausus sperare, inde apparitum, quomodo illos curare Hippocrates potuisset, quos mortuos scribit. Cætera indicare omitto; alia enim notiora sunt, ut de Folii Honoribus atque Muneribus, alia non item attendenda, ut (z) opibus non caruisse, uxorem habuisse, & quod ne Adversarii quidem negabant (a), pulchro, & venerabili aspectu fuisse, Mihi vero ad in-

(x) Obs. Anat. & Epist. 63. Et Opobals. Vindic. (y) Oper. cit. l. 3. c. 13. (z) in Epist. dedic. Obs. Vesling. (a) loc. cit. & l. 1. c. 31. (b) locis cit. (c) cap. 31. cit. (d) Inscript. Part. 2. (e) Oper. cit. l. 4. ad A. 1649. (f) Hist. cit. Tom. 1. l. 3. Sect. 2. c. 30. (g) Tom. 3. M. S. ad A. 1633. & 1628. (h) Epist. dedic. Synt. Anat. (i) l. 4. cit. ad eos annos. (k) Dissert. Anat. l. 6. c. 8. (l) Vesling. Observ. de Plant. Ægypt. ad Alpia. post c. 43. 2. (\*) Id. Præfat. prim. ad Synt. Anat. (m) Obs. Medico-Chir. l. & 44. (n) Vindic. cit. (o) Cent. 1. Obs. Med. 32. (p) citat. Fol. Opusc. prim. (q) Hist. cit. loc. cit. (r) in Præfat. (s) c. 10. 4. 11. (t) c. 11. (u) c. 4. (x) c. 5. (y) Vid. Bartholin. Epist. Med. Cent. 1. Epist. 61. (z) Confut. cit. c. 4. (a) Scip. Obez Diatrib. pag. 125. 148.



institutum sermonem satis est, Patavii Folium non docuisse, sed quod Papadopolus noster (b) probat, didicisse; & fortasse ex ipso Veslingio; quippe quem hic anatomen tradere coepisse cum Folius duodeviginti, haud amplius, annos esset natus, ex iis quæ supra ostendimus, liquet. Folium tamen ante Veslingium, longum illum gracilemque de quo dicebamus, Mallei processum scripto edito memorasse, fatendum est, cum Veslingius in prima *Synagmatis* editione (c), quadriennio ante quam Folii de aure exiret Opusculum, eum processum omiserit, in altera autem Patavina (d), quæ biennio post, id Folii Opusculum est secuta, non omiserit.

14. Hic ex me quæres, cur nullam tantæ hujus processus longitudinis Valsalva in suo Tractatu mentionem fecerit. Utinam ipse, ut quod apud Cl. Heisterum (e) de hac re legit, suis in schedulis adnotavit, ita quid sentiret, aut quid observatum haberet, subiecisset. Tum causam afferrem certam. Nunc præter conjecturas, quod respondeam, nihil habeo. Hæ autem huc redeunt: Valsalvam id Folii Opusculum de quo supra indicatum est, quantumvis diligenter, etiam Venetiis, quæsitum, nunquam videre potuisse; quod & ipse ab eo sæpius audivisse memini, & minus in dies miror, cum ad hoc tenipus ne ego quidem invenire potuerim vel extra Italiam per Amicos, non modo hic per me Patavii quæsitum, ubi perperam, ut puto, Schelhamerus (f) editum ait, aut Venetiis, ubi cæteri ajunt, & in his Mevffonerius apud ipsum de quo ante dictum est, Manfroccinum (\*), quibuscum Lindenius (g) consentit: paucis tantummodo abhinc annis *Epistolas* nactus *Medicinales* Th. Bartholini, inter has (h) vidi quiddam ad hunc de *Auris internæ delineatione* Folius miserat. Itaque Valsalva cum videre Folium non posset; legeret autem in *Anatome quartum renovata* (i) ejusdem Bartholini, huic longiori & subtiliori Mallei processui *alligari musculum alterum, auris externum*, illum videlicet (si proximæ, a Bartholino propositæ, Explicationi (k) credendum erat) quem secundum proprias observationes alii processui, hoc est Minori, alligari, non dubitabat; tum illum ipsum processum longiorem *osseo circulo transversim incubare, cum quo forsan in adultis coalescit; fere enim in pueris tantum conspicuum, in aliis facile rumpi ob subtilitatem, quando eximuntur ossa*, & cum fortasse apud Molinettum quoque (l) animadverteret, eundem dici *circulo Tympani affixum, & si multa diligentia utamur, ex ossibus fœtus conjunctum Malleo haberi licere; arctius quippe annulo adhaerere, vel circulo Tympani, quam Malleo*: cum hæc, inquam, omnia animadverteret, Valsalvam puto aut quærentem in processu Minori id quod in ipso non est, nimirum videre non potuisse, aut suspicantem, ad Annulum magis quam ad Malleum pertinere, in hujus processibus neglexisse, præsertim cum a Solertissimo Viro qui aurem novissime ante se magno studio descriperat, pariter neglectum videret: fortasse etiam (qua ratione utrumque tuetur Exercitativissimus Cassebohmio (m), sæpe idem sibi tam in infante, quam in adulto accidisse, testatus) in iis quibus diligentius quæsitum, reapse brevem invenisse. Quod si hæc tibi satis non fecerint; nempe me coges id de me primum ingenue confiteri quod de Valsalva, si quis propterea ipsum arguat, respondebo: Scilicet a me diu, quantumvis diligentem, inutilem tamen operam in eo positam fuisse, ut Malleum sic ex sua sede deponerem, ut osseum istum prælongum ac gracilem processum sine ulla dubitatione perspicerem. Nam illud quidem haud raro in minus recentibus auribus accidebat, ut hunc viderer deposuisse affixum Malleo, oblongum, & si tentarem summo digito, rigore quasi osseo renitentem. Sed nullus unquam erat qui, in aqua horas aliquot maceratus, non ita mollesceret ut naturam prode-

Morgagni *Epistolæ Anatomice*.

ret tendineam potius quam osseam, quamvis postea siccatus, rigesceret iterum, osseumque renixum imitaretur. Quæ res animum ad sententiam inclinabat Clarissimorum quorundam Virorum, tendineam naturam ei processui tribuentium, efficiebatque, ut Valsalvam crederem idem fortasse animadvertisse, ideoque non pro peculiari processus parte, sed pro tendine potius musculi quem Processus Minimi vocabat, accepisse. Quo in tendine etiamsi aliquid ossei, sicut ego interdum videbam, deprehendisset; non illum tamen idcirco pro osseo potius Mallei processu, quam pro ossifacæ (quod non raro in tendinibus, præsertim haud procul infertionis loco, accidit) tendinis ipsius parte habendum existimavisse.

15. Nec me quidem illud fugiebat, quod nunc argumentum ab laudato Cassebohmio (n) objici video, id senum tendinibus accidere, non puerorum, atque adeo fœtum, in quibus tamen præcipue, osseum hunc processum esse conspicuum, jam olim, ut supra dictum est (o), Bartholinus, ac Molinettus docuerant. Verum cum iis temporibus quiddam ossei eo in loco deprehenderam, non in fœtu, sed in ætate provectis conspexissem; minus me illud argumentum movebat: aut si movebat; hætenus movebat, ut sicui revera non tendo esset, osseus factus, sed processus per se osseus; etiam atque etiam videndum esse, arbitrarer, num ad ea quæ ex perpetuo naturæ instituto, an ad ea potius esset referendum quæ in aliis aliter cum in cæteris partibus, tum in ipsa aure comperiuntur. Nosti enim quæ Daniel Bartolus (p) admonuerit: Annulos Membranae Tympani majori alios, alios minori intercapedine se vidisse interruptos, aliosque magis, minusve læves: Meatus quoque Auditorios alios reclusos, perquam obliquos alios, hunc valde, illum parum, aut nihil propemodum acclivem, hos terebetes, illos compressos deprehendi: Multo tamen esse majorem in Officulis tum figurarum, tum directionis, & longitudinis eorum processuum varietatem: Hincque non leve illud discrimen esse repetendum quod in Officulorum Figuris apud Anatomicos invenitur, usos fortasse tanquam canone, & quasi typo omnium, illo uno, aut illis paucissimis in quæ inciderunt. Quanquam Bartolum & res per se ipsas spectatas, in parte exaggerasse, fateor, & recentium Anatomicorum diligentissimos, qui non pauca inspicere consuevere, minus hac censura perstrinxisse, quam & recentiorum, & veterum quosdam; in quibus vel aliquis est cujus Figuræ non modo a vero, sed ab omni veri similitudine usque adeo recedunt, ut ne satis quidem defendi possint, si ex bestiis potius dicantur, quam ex hominibus esse descriptæ, quales (ut quosdam ætate hac nostra emissas, & ab eo ipso qui emisisse videbatur, damnatas, silentio præteream) Paawium (q) olim edidisse, miraberis, sive Officula disjuncta, sive potissimum *sibi invicem*, ut ipse quidem ait, *articulata* contempleris. Nam ut proximas Figuras, eamque præsertim qua superiorem Meatus Auditorii parietem tali, ac tanto spatio deficientem ostendit, e bestia sumpserit; unde tandem accepisse dicemus Mallei extremum manubrium cum Stapedis basi, ut ipse monstrat, commissum, sive, ut nostri loquuntur, articulatam? Sed tamen in iis quæ Bartolus commemoravit, quis variare naturam, neget? Mihi & alia pleraque non semel visa, & cum hæc scriberem, Meatus Auditorius multo quam soleat, longus magis & flexuosus, idemque nihil in fine dilatatus. Igitur etsi a Cowpero (r), Virisque aliis Præstantissimis verum osseum prælongum gracilemque processum in Malleo conspectum esse, non dubitabam; dubitabam tamen, an plerisque ille, certaque naturæ consuetudine datus esset, præsertim cum tantam in descriptionibus ac delineationibus inter se

F 2

col-

(b) Hist. cit. Tom. 2. l. 2. c. 46. (c) c. 16. (d) c. 16. (e) Comp. Anat. Explicat. Tab. 1. Fig. 1. (f) De Auditu Parte 1. c. 3. n. 4. (\*) Confut. cit. c. xi. (g) De Scriptis Med. l. 1. (h) Cent. cit. 1. Epist. 63. (i) Ibell. 4. c. 7. (k) Ibid. Tab. 3. Fig. 1. litt. l. m. (l) Dissert. Anat. l. 4. c. 9. (m) De Aure hum. Tract. 4. n. 126. (n) Disp. de Aure int. n. 28. (o) num. proxim. superiore. (p) Del Suono Tratt. 4. c. 8. (q) De hum. corp. Ossib. Part. 1. c. 8. (r) Myotom. Reform. Tab. 26. Fig. 5.



collatis varietatem offenderem. Quod si ego vel postea quam tot recentissimi Anatomici confirmaverant, diu suspensus & incertus hærebam; quanto magis excusandus Valsalva est, si eo quo aurem lustrabat, tempore in ea opinione fuit, ut ejusmodi processum, ab se quoque (f) in duobus Malleis conspectum, si non *pro re præternaturali* omnino habuit, at certe *consueto longiorem* esse, crediderit.

16. Verum si diutius vixisset; minime dubito, quin idem ipsi quod mihi, accidisset. Quamvis enim antea in demendis ex sua sede Malleis nihil offei viderer rupisse; tamen tot aliorum contrariis observationibus permotus, cum quosdam Malleos quos in sua sede reliqueram, in ipsis siccatis auribus attentius totos a tergo inspectarem, animadvertere tandem cœpi, processum Minimum in tenuem osseam productionem, & quasi filum proximam versus Annuli Membranæ Tympani oram anteriorem protendi. Quod cum in fœtum maturiorum præsertim perpurgatis siccatisque capitibus sua se albedine luculentius proderet, integrum cum Malleo detrahere aggressus, rem statim nulloque negotio perfecti, vidique instar candidæ piscium spinulæ deorsum extrorsumque in modum falcis, curvatur, ex latiore basi in tenuissimum apicem eo usque extrorsum antrosumque producta, ut manubrii longitudinem aliquanto superaret. Sed cum, vitro oculis leviter instructis, aspicerem, parvæ potius cuidam costæ assimilavi; neque enim teres undique, sed crassiore scilicet parte, si a fronte, aut a tergo inspicerem, depressa & latior; si vero superne, aliquanto videbatur contradior: ea crassior pars, utraque latiori facie levissimo sulco impressa, ubi ad medium fere longitudinis processus pervenerat, coarctatione quadam definiebatur. Cæterum processus totus ex producta Mallei substantia factus apparebat: & quamvis ob tenuitatem, extremo compresso, cederet; se mox prompte restituebat: quam se restituendi vim vel diem noctemque in aqua maceratus servavit. An hæc omnia, si Malleum ex aliis quoque fœtibus demerem, essem pariter conspecturus; non auisim affirmare; plura enim eorum capita vitare nolui, ne longa sceletorum ex ordine apparata series mihi ad alia perutilis ac necessaria aliquid caperet detrimenti. Hoc tamen scio, cum fœtus ante annos quatuordecim dissecti ossa minime purgata forte sub manum redissent, facile Malleum cum integro hoc processu a me nuper esse depositum: quem ut ab ea quæ circum adhærebat, substantia, musculi, ut opinor, sui liberarem, ac diligentius inspicerem, cum Malleum seposuissem, aliis, ut fit, occupationibus avocatus, neque eo biduo potui, & frustra postea perquisivi.

17. Verum ut ex fœtibus integer nullo negotio processus habetur propterea quia sulco in paulo ante memorati Annuli offei convexa ora ab anteriore internaque facie insculpto, tenuior fragiliorque illius portio immittitur quidem, sed non coalescit; sic contra in adultis siquis idem aggreditur, difficillimam rem molitur; neque enim e sulco quem contingat tantum, eximendus, sed ab duro quocum coaluit, osse separandus est, ac distrahendus: quæ res in tanta tenuitate, ac fragilitate, etiam me tante, cujus difficultatis sit, vides. Quid? quod *nec facile ab illo osse distinguere* potest, ut Cl. quoque Casselbohmius (t) testatur. Quid? quod Præstantissimus Waltherus in ea quidem quam, sexennio post Dissertationem de Membrana Tympani, edidit, *Teneriorum musculorum Anatome* non idem modo confirmat, sed hoc insuper addit: *sive tenuior illa processus major, elegantiorque pars, ad Tympanum, per ætatis modum adcrescat, sive aliter ea molliatur, aut utcumque oblitteretur, planeque desit, perinde rem fore*, conjicitque, pro illa in adultis tendineum filum substitui, quod communiter cum pluribus coa-

lescat ligamentosis, & tendinosiis fibris in compaginem duriorum coactis, spinamque mentiatur: quod si est; nimirum intelligis, cur in meis illis de quibus supra dictum est, habitis in adultis observationibus, processus maceratus mollesceret; siccatus adduritiem pristinam rediret. Verum, utcumque id est, vides certe, quam caute accipiendus sit usus musculi ad hunc processum pertinentis ab Ravio propositus, a Cantio (u) autem probatus, ut cum in hunc longum adeo processum *se inserat fibrarum latissima applicatione, hinc fere infinitis determinationibus ducat Mallei partem & Membranam Tympani versus Meatum Auditorium*. Nam; ut alia omittam; sive longior processus pars in adultis deest, sive potius cum includente se osse, ut post Molinettum (x), ac Bartholinum (y) Recentiores fateri solent, coaluit, arctiusve adhæret; intelligis profecto, quantum de ea longitudine demendum sit, & quod de ea in cavo Tympani restat quam parum possit ob illum cum osse nexum, & majorem, ut in crassiore portione, duritiem, non validi præsertim musculi viribus obsecundare. Intelligis denique, siquando ex adultis licuit integrum hunc osseum processum cum Malleo eximere, rarissime certe licuisse, atque ideo quid de pluribus Figuris existimandum sit, etiam si plerarumque Auctores ipsas ex fœtu, aut infante se descripsisse, reticuerint.

18. Quid vero inter illas, eumque processum inter sit quem nos observavimus, etsi ex proposita descriptione posses colligere; tamen sic habeto, neminem æque ac nos vidimus, longum delineasse, ne Cowperum (z) quidem qui omnium longissimum pinxit: Fabricium ab Aquapendente (a) crassiorum in progressu, tum in contrariam partem & tendentem, & curvatum (si nihil huc ejus Figura attinet quæ prima numero 13. subjicitur (b)) proposuisse: Folium propius originem, tenuiorem, deinde crassiorum, in Epistolis (c) quidem Bartholini; nam in hujus Anatome (d) monstra, non officula representantur; quo fit ut plura ne adnotem: Veslingium in utroque Iconismo (e) crassiorum, & in oppositam curvatum partem; in primo, etiam in contrarium tendentem: atque ut de Iconibus quoque dicam Clarissimorum Recentiorum; neque enim hic quidquam arguo, sed tantum quid alii, & quid ipse viderim, confero; Heisterum (f) in prima flexum ad angulum, in alteris curvum, sed minus: Cowperum (g) ne curvum quidem, & in neutram ferme inclinatum partem ostendisse. Cantium (h), qui ante nominandus fuerat, eorum quæ ego conspexi, similiora in eo præsertim demonstravisse, quod aliis faciebus latiorum, aliis contradiorem, utiliter multiplicatis Figuris delineavit. Cæterum quid ex his omnibus plerumque ab natura servetur, non nisi longa accuratarum observationum series patefaciet: quas inter eo magis inspicias velim quæ ab sæpius laudati Casselbohmi Iconismis (i) representantur, quo minus mihi licuit, quippe eosdem serius nactus, cum meis, aliorumque de quibus modo dictum est, observationibus, ac delineationibus comparare.

19. Musculi sequuntur se se Malleo affigentes: in quibus ea laus tribuenda Valsalvæ est quam idem tribuit Casselbohmius. (k), Valsalva, inquit, prius mus fuit, qui istos tres musculos conjunctim recensuit: nam licet ante eum jam detecti fuerint, Autores tamen, qui eum antecesserunt, duos modo musculos recensent, musculum vel Casselbohmi, vel Folii omittentes. Horum musculorum singuli singulis Mallei processibus inferuntur, ideoque singuli ab singulis iisdem processibus eo laudabilius sunt apud Valsalvam nuncupati, quod ab aliis imposita nomina aut minus obviis, aut minus inter se convenientibus ideis respondent. Quotus enim quisque est qui cum Externum musculum audit, non hunc continuo intelligat quem, per Meatum Auditorium progredientem, plerique alii Externum

VO-

(f) c. 3. n. 7. (s) loc. cit. & de Aure Hum. Tract. 4. n. 126. (u) Impet. Anatom. Tab. 5. Fig. 5.  
(x) (y) locis cit. supra, n. 14. (z) loc. cit. supra, n. 15. (a) (b) Oper. cit. supra, n. 11. (c) (d) locis cit. supra, n. 14.  
(e) cit. supra, n. 11. (f) cit. supra, n. 14. (g) cit. supra, n. 15. (h) cit. supra, n. 17.  
(i) Tract. de Aure hum. Tab. 2. Fig. 6. & Tab. 3. Fig. 4. 5. 7. 8. 9. (k) Ibid. Tract. 4. n. 151.



vocitant? At vero *Externus* ille Meatu Auditorio interior est. Itaque Cowperus (l) maluit *Obliquum*, sive *Semicircularem* appellare: quanquam cum reliquos duos *Externum*, *Internumque* vocaret; expectasses potius, ut congruente his nomine *Medium* diceret. Fuere & qui ab Inventoribus nominare inciperent, ut cum intimum omnium dixerunt *Eustachianum*. Sed neque hi in duobus reliquis nuncupandis eandem rationem servaverunt; fortasse ne potuerunt quidem. Nam Eustachium sane illius musculi Inventorem fuisse, constat; cum quidquid Vesalius (m) paulo ante scribens, sed postea edens, indicaverat ad Officulorum musculos sine dubitatione referendum, neque pro musculo agnovisset, nec nisi in bestiis, quod descriptio ostendit, conspexisset. Duos autem reliquos musculos qui primi tandem invenerint, non æque patet.

Namque ut Casserio (n), productisque ab eo testibus credamus, extimum omnium musculus ab eo prius quam a Præceptore Fabricio, observatum esse; non tamen dissimulat ipse Casserius (o), jam Andream Laurentium *musculos* (non musculus) conculcatis Officulis dicatos, Volcherum autem Coiterum, de quorundam sententia, duos memoravisse: quorum musculorum neutrum hunc suum esse potuisse, melius sane quod ad Coiterum, quam quod ad Laurentium attinet, Casserius probat: me certe quod Cowperus (p) addit de memoratis a Coitero musculis, nihil movet, nimirum hujus observationes in brutis animantibus habitas esse; neque enim duos eos musculos, ut ab se ipso, sed ut ab aliis observatos, semel iterumque (q) commemoravit Volcherus. Porro si propter Laurentii (r) verba, *musculos ita exiles, ut fere sensum fugiant*, indicantis, extimum, quem ipse alias (s) Casserii musculus appellavi, nunc cui sine ulla dubitatione adjudicemus, amplius quærendum existimo; quanto magis idem existimem necesse est de medio inter extimum, & intimum, minori, ut a plerisque pingitur, musculo? quanquam, hac etiam dubitatione sublata, alia mihi injicitur Schelhammerum (t) legenti, & tempus magis quo scripsit, quam quo librum vulgavit suum, attendenti, sitne hujus inventio musculi (sive mavis agnitio, aut prima dilucida, ut mox patebit, descriptio) Summo cui Cowperus (u) adscribit, Anatomico, an alii Gallo tribuenda. Schelhammerus certe, qui hunc ipsum, ut apparet, musculus pro *forti, sed laxo ligamento* habebat, Folium, ut credebatur, processum petroso ossi connectente, non reticuit, hoc ligamentum pro musculo nuperum scriptorem Gallicum Lamy habere cœpisse.

20. Quæ cum ita sint; minus sane mirandum est, si musculi aut ambiguus, aut non satis vel ipsis, vel inter se convenientibus vocabulis designati, non paucis Anatomiae Scriptoribus errandi occasionem præbuerint, ut vel iisdem in libris una eademque *Externi* musculi appellatione uno in loco extimum, in alio autem medium significant, vel in singulorum descriptione bis unum eundemque musculus medium, primum sub *Externi*, deinde sub *Obliqui* nomine quasi duos inter se distinctos proponant, vel (quod fecit Diemerbroeckius (x)) *Externi* inveniendi modum, Eustachii nominatim verbis, edoceant, quasi aut hic *Externum* reperisset, aut illa eadem verba non eum potius quem mox *Internum* vocant, atque describunt, quam *Externum* designarent. Sed *Externi* musculi appellatio nusquam fortasse plures vel Eruditissimos Anatomicos in errorem pertraxit, quam apud Cæcilium Folium (y). Cum enim hic primus delineatum edidisset musculus, Minimo Mallei processui affixum, eumque *Externum* appellasset; is ipse ad quem miserat, Bartholinus, cum eam in Anatome sua (z) delineationem proponeret, illum musculus esse eundem credidit in vulgus notum, quem olim eodem nomine Cas-

serius (a) pinxerat: itaque in Figuræ Explicatione lectores cum Interni, tum Externi illius musculi descriptionem quærentes, diserte rejecit ad lib. 3. cap. 9. ubi non alium *Externum* musculus, quam a Casserio pictum, descripserat. Idemque credidit Schelhammerus (b), miratus, Folium *Externum* hunc, ut putabat, Casserii musculus in illum ad quem non pertinet, processum insertum proposuisse. Idem porro alii existimavere, Galli in primis de quibus paulo ante indicatum est, & qui ipsis musculi Minimi processum inventum adscribunt, Cowperus (c), & doctiorum plerique omnes, non facturi, nisi de Externo Folii musculo idem censuissent quod Bartholinus. Quos ego omnes excusatione potius, quam reprehensione dignos arbitror.

Nam etsi suum musculus Folium (d) tum Minimo processui affixum, tum a tergo Membranæ Tympani, ejusque Annuli repræsentavit, quorum neutrum in *Externum*, magis vulgatum, musculus cadit; tamen cum illum pinxerit longiorem, latiorumque Interno, sive Eustachiano, forma autem ampli, oblongique trianguli, quæ universa non musculo processum Minimi, sed vulgatori illi Externo musculo, ut a Casserio (e) quidem pictus fuerat, apprime conveniunt; magnam sane occasionem præbuit, ut pro eo qui notus omnibus erat, musculo acciperetur, præsertim cum semel, iterum, tertio indicans, *Externum* quidem, ceu satis omnibus hac notum appellatione, semper vocitaret, nunquam novum musculus, aut minus cognitum esse, diceret qui ibidem quoties graciliorem processum Mallei indicavit, toties a nemine antea observatum esse, monuit. Illud non est dissimulandum, bis dixisse hunc *Musculus alterum auris externum*. Utrum vero *alterum* diceret, ad Internum quem simul ostendebat, respiciens, an diceret, ut a magis vulgato Externo distingueret, nec satis liquebat, & cum alia quæ modo exposita sunt, tum illa insuper duo obstabant, quod eum vulgatiorem nusquam memoraverat, ne ibi quidem (f) ubi Malleum, ejusque processum ostendens, qui musculus in quem processum infingeretur, docuerat, & quod hunc suum quem modo *Musculus alterum auris externum* vocaverat, continuo, illa voce *alterum*, quali minime necessaria, omitta *Musculus auris externum* cum primum ostenderet, appellavit. Et aliis igitur causis, sed hac potissimum *Externi* musculi appellatione factum est, ut tandiu Folium laude caruerit musculi ab ipso olim si non inventi, si non recta, ac dilucida ratione propositi, at certe primum delineati, primumque ad Minimum Mallei processum perducti. His incommodis ac hallucinationibus in posterum declinandis, nomina musculis a Valsalva imposita conducent, singula ab singulorum insertionibus petita: aut si quis forte non easdem agnoscat, nec undique ea probet quæ nos supra de servando processum Minimi vocabulo attigimus; non alia deerunt quæ vel breviora sint nomina, ab singulorum sedibus ducta, qualia paulo ante indicavimus, ut si *Intimum*, *Extimum*, *Mediumque* appellemus. *Medium* enim malimus quam *Anteriorem* cum Viris alioquin longe Peritissimis nominare, quod & *Intimus* anterior sit; *Extimum* autem præstabit dicere, ut *Externi* vocabulum, quod ambiguum factum est, omittatur. Sed quanquam hos musculos ab singulorum sede appellare nobis vel maxime placeret; hic tamen ab singulorum quod ad magnitudinem attinet, proportionem, ut hæc a Valsalva, & Cowpero (g) Figuris expressa, & a plerisque hoc tempore minime improbata est, ob id dumtaxat appellabimus, ut minus ab ipsis Valsalvæ appellationibus recedamus, *Majorem*, *Minorem*, *Minimum* vocitantes.

21. Ad Eustachianam Majoris musculi descriptionem nonnulla insequentes Anatomici addidere. Nam quod scripserat Eustachius (h), *oriri hunc mus-*

(l) Myot. Ref. ch. 12. (m) Exam. Obs. Fallopp. (n) Pentasth. l. 4. Sect. 1. c. 12. (o) Ibid. (p) loc. cit.  
(q) De Audit. Instrum. c. 8. & 10. (r) Hist. Anat. l. x1. c. 13. (s) Epist. Anat. l. n. 93.  
(t) De Audit. Præfat. & Part. 1. c. 3. n. 4. (u) loc. cit. (x) Anatom. l. 3. c. 18.  
(y) in cit. Cent. 3. Epist. Bartholin. Epist. 63. Fig. 2. (z) libell. 4. Tab. 3. Fig. 1.  
(a) Pentasth. l. 4. Tab. 9. Fig. 1. 2. & 3. (b) num. cit. (c) loc. cit. (d) loc. cit. Fig. 2. & 5. (e) Fig. cit.  
(f) loc. cit. Fig. 3. (g) Myot. Ref. Tab. 26. Fig. 4. (h) De Audit. Org.



sculum a substantia ligamenti simili, qua parte os, quod cuneum imitatur, cum temporis osse committitur, ad ita a Valsalva nostro, quem Chefeldenus (i) aliique sequuntur, auctum est, ut cum alii, quibuscum Cowperus (k) fecit, eum originis locum ibi omnino definirent ubi ossea Tubæ Eustachianæ portio definit; ipse in cartilagineo hujus lateris, nec sine certæ cujusdam utilitatis ratione, protulerit. Et mihi quidem hæc aliquando accuratius inquirenti, ex ossea quoque Tubæ portione quadantenus oriri musculus visus est; nam & illi ex parte aliqua affixum comperi; extremæ tamen fibræ per quandam quasi tendineam expansionem, quæ fortasse illa ipsa est quam Eustachius substantiam ligamenti similem dixit, cartilagineo demum Tubæ lateri inhærebant. Substantia quoque ligamenti, seu mavis tendinibus similis, valida illa vagina est, quam post Casserium (l), a quo mihi videtur delineata, & nomine membranarum musculo adnatarum designata, Præstantissimus Verneyus (m) primum, deinde Cowperus (n) adjungere, musculo complectendo, & ad tubum in quo latet, osseum alligando destinatam: quem etiam tubum ex parte supplet, cum videlicet crassa dumtaxat Meninge haud procul ab eo foramine per quod se maximus ejicit ramus nervi quinti Paris, a craniæ basi avulsa, continuo se in conspectum pars dat superioris faciei ejusdem vaginæ: pars, inquam, tantummodo; ut ipsum tubum, in universum spectatum, (interdum quoque ubi jam tympanum subiit) malim Canalem osseum cum Valsalva, quam Semicanalem cum aliis dicere. Tenet is canalis superiora potius, externumque latus, quam parietem internum, multoque minus superficiem internam. Tubæ Eustachianæ: neque video, quomodo canalis paries superior a pariete superiore Tubæ constituatur, si canalis paries inferior parieti superiori ejusdem Tubæ sæpe accrescit. Additum quoque est ab laudatis Verneyo (o) & Cowpero (p) genus quasi quoddam trochleæ qua musculi tendo, jam in cavum tympani egressurus, traducitur, ut inde inflexus descendat ad Malleum. Hanc trochleam ita Vieussenius (q) describit, & pingit, ut compleri doceat a membraneo ligamento: quod ut verum alias inveni, sic quod semel Cl. Cassebohmius (r), non semel ego, imo etiam nuper, quanquam in altera dumtaxat aure, deprehendi, omnem trochleam cum desinente in hanc tubo ex osse undique perfectam. Trochlea autem nihil est aliud quam extrema jam portio tubi in quo musculus diximus recondi: quæ portio eam obcausam, trochleæ officium gerit, quod tubi incessus, non Malleum versus, sed contra, Fenestram Ovalem versus, seu potius huic proximam a superiore eademque anteriore parte regionem, novissime dirigebatur; itaque ab ejus Fenestræ vicinia tendo musculi in Malleum demittendus, debuit ad illam extremam incurvamque tubi portionem, tanquam super trochleam (super, inquam, non infra, ut quidam scripserunt) ad angulum inflecti, ut recta inde ferretur ad Malleum. Quod si brevior, eademque humiliore via statim atque tubus ad tympani regionem pervenit, ibi cessaret, tendinemque dimitteret; tum hic antrorsum magis, quam sursum atque introrsum, Malleum traheret, ideoque annexam Malleo Tympani Membranam non ita ut nunc, contenderet, neque ita cavam magis, ab exterioriore parte efficeret.

22. Quo de Majoris musculi usu, a posteris quoque addito, priusquam plura verba faciamus, si forte ex me quæris, quid Valsalva de nervosa musculi vagina, aut de trochlea sentiret; sic habeto, de illa nihil, de hac id unum in ejus schedis inveniri, ut sibi de ea amplius considerandum putaret. Num quod illam pro simplici communique musculi tunica haberet, hanc autem ad id usque tempus, tanquam ossei tubi particulam, nil præ cæteris peculiare habentem, neglexisset, haud facile dixerim,

præsertim cum Vir adeo in hac parte Anatomies exercitatus, quæ ipse attigi, ignorare non potuerit, imo eam quoque tubi portionem qua tendo musculi ad trochleam fertur, in Tabula III. (f) delineaverit; ut nisi omni circumjecto osse adempto, Labyrinthum sibi luculentissime ostendendum sumplisset, procul dubio fuerit in postrema Tabula, Majoris musculi tendinem inde, & sic inflexum picturus, ut paulo ante dictum est; non ita modice curvum, neque ita a Labyrintho distantem, ut post sublatam necessario apparuit trochleam. Certe in descriptione hunc tendinem deorsum saltem aliquantum proponit inflexum: & quod ad usum musculi attinet, hoc Membranam Tympani versus interiora tendi, non tantum docet, sed ejus Membranæ, hoc abscisso musculo, in recenti quidem aure, relaxatione a se observata confirmat. Quæ observatio illi adversatur usui quem huic musculo, utcunque aliter (qua de re. postea videbimus) descripto, studet Vieussenius (t) tribuere, vel potius restituere. Nam Casserio (u) quoque visum est, hoc musculo malleum, quo ad caput, introrsum; ratione caudæ vero, qua membranæ copulatus, ipsum cum tympano extrorsum moveri. Eademque fere, ante Casserium Arantius (x) non docuerat modo, sed experimento ipso conatus erat ostendere, affirmans videlicet, si quis acuminato specillo hunc musculum (in recenti capite, ac probe administratis particulis) ad suam originem traxerit, deprehensurum esse, Tympanum ad externam regionem impelli: quanquam cum addit (y), agente sic musculo, caput mallei oblique antrorsum, non modo ad interiora vellet, subit dubitare, ne proba illa administratio particularum trochleam tunc minus, ut videtur, animadversam excidisset; præsertim cum administrationibus etiam Casserii, Professoris alioqui diligentissimi, ita excissam videamus, ut in nulla de tot Figuris (z) quibus hunc musculum demonstravit, appareat; ne in ea quidem in qua ipsum, intra proprium ductum etiamnum jacentem, ad suam usque insertionem porrectum exhibet. Huc illud accedit quod instituentibus ita ut decet, hoc est tendine per trochleam adhuc transeunte, istiusmodi experimentum plures se difficultates objiciant, quas ut rei potius ipsi, quam imperitiæ adscribam meæ, Vieussenius (a) facit quæ easdem pariter expertus est. Nam primum nervosa illa musculi tunica ad trochleam est immobili nexu alligata; ut nisi diducta prius tunica, ipsum musculi corpus suam versus originem trahas, frustra eadem indutum urgeas. Deinde ne id quidem satis est: expositæ enim inter diffecandum aeri, calidiori præsertim, aut sicciori, facile, citiusque opinione adeo siccantur hæ partes, ac rigent, ut si tardior in persequendo sis, aut in experiendo; vel difficile, vel nullo modo se deinde moveri patiantur. Nimirum tendo cum vagina jam cohæret ac firmiter conglutinatur sua, per quam in trochlea ultro (citroque, secundum naturam, facile & libere meabat: quod vitii genus ab interioribus etiam causis aliquando huic musculo accidere, ex sectione didici cujusdam viri, intra horas non multas ex ventris vulnere demortui. Nam quantumvis, aperta vagina, ipsum musculum adacto specillo ad originem suam versus retrahere conarer, quantumvis specillum haud ita procul a trochlea, quo loco facilius musculus retrahenti cedit, musculo apprimerem; nihil omni industria proficiebam. Ad extremum inveni quod suspicari coeperam, tendinem cum trochlea prorsus coaluisse; a primordiis, an postea ex morbo, incertum: illud certum, jam ante mortem diu. Musculi enim venter albidus erat, exilior, strigosus, ut diu otium fuisse, intelligeres, præsertim si cum respondente in altera aure musculo comparares, cujus tendo trahenti, nullo negotio est obsecutus. Optandum fuisset cognoscere, quatenus illa aure homo, dum viveret, audivisset: verum post mortem ex

fociis

(i) the Anat. of the hum. body. book 4. ch. 5. (k) Oper. cit. ch. 10. (l) Tab. cit. Fig. 4. (m) De Audit. Org. Part. 1. (n) loc. cit. (o) loc. cit. (p) loc. cit. (q) Traité de l' Oeille Part. 2. ch. 1. & Planch. 2. Fig. 3. (r) Disp. de Aure int. n. 22. (f) Fig. 14. supra A. (t) Part. cit. ch. 4. (u) Pentæsth. l. 4. Sect. 3.6.10. (x) Anat. Obs. c. 15. (y) c. 16. (z) l. cit. Tab. 9. Fig. præsertim 3. (a) loc. cit.



fociis quærenti, nihil innotuit, nisi, quantum ipsi animadvertere potuerant, visum optimo auditu esse: an utrinque pariter, an ad omnes pariter sonos, leviores præsertim; quod ad rem maxime attineret; ac eminus accidentes; id vero prorsus ignoratum.

Cæterum sanus alter musculus quotiescunque ad originem trahebatur, non caput quidem Mallei tantum, sed universum æqualiter Malleum, & quod consequitur, annexam Malleo Membranam Tympani introrsum ducebat. Nec sane memini (quantum longi temporis intervallum prohibet, ne alia olim a me habita experimenta nunc pari queam asseveratione, quod ad Mallei motus attinet, recensere) non, inquam, memini, in iis unquam extrorsum actam Tympani Membranam vidisse; introrsum autem sic ut magis cava fieret a facie exteriori, & a me visam, & aliis ostensam videor meminisse. Tu vero dum tempus mihi, & occasio redeat aliis in auribus id iterum, sæpiusque experiendi, noli interim expectare, ut hic tibi experimenta memorem eruditi alioquin Scriptoris Danielis Bartoli (b), qui etsi ad musculi hujusmotum illam Membranam introrsum curvari, scribit; Officulorum tamen ut sedes, ita etiam motus aliter proponit (si modo ipse recte intelligo) quam ea Membrana curvatura ferre videatur. Nec vero magis expecta, ut Vieussenii auctoritati, & paucorum qui ante ipsum in eadem sententia fuerunt, auctoritatem opponam Fabricii ab Aquapendente (c), Joannis Veslingii (d), Thomæ Bartholini (e), Dominici Marchetti (f), in primis vero Josephi Verneyi (g), Gulielmi Cowperi (h), aliorumque experientissimorum hominum, longe alia docentium.

23. Utilius fuerit causam examinare, quamobrem Casserius (i), & Vieussenius (k) in illam sunt opinionem adducti. Ille igitur quod *hunc musculum cervici mallei adnatum* esse, Vieussenius autem quod partim Minimo, partim Minori processui, imo capiti ipsi Mallei, & Incudis corpori esse annexum, non dubitarent, in eam sibi sententiam eundem omnino esse, crediderunt, ut contracto musculo, caput quidem Mallei introrsum duci, manubrium autem extrorsum, censerent. Sed nobis eo minus necesse est quid ex istiusmodi altioribus insertionum locis consequatur, dispicere, quod nostræ nobis observationes infixum musculi tendinem non Mallei capiti, non cervici, sed manubrio infra cervicem ostendunt. Certe cum hanc sæpius insertionem diligenter quæsierimus; nunquam in capite Mallei, multoque minus in corpore Incudis, semel in basi processus Minimi, semper vero alias in ea manubrii parte invenimus, quæ aut continuo infra Minimum, aut e regione est Minoris processus, aut etiam paulo infra eam regionem. Et quanquam nonnullos paulo aliter observasse video, Folium autem (l) multo aliter, ut pote cui visa est hæc insertio esse in processu Minori; tamen nec legisse memini, præter Vieussenium, quibus in Mallei capite visa sit, & certe Eustachius ibidem ubi nos plerumque, invenire solitus fuit; quando non docuit modo (m), *tendinem hunc gracillimum in majorem apophysim officuli malleo comparati, fere e regione minoris apophysos ejusdem inseri*, verum etiam in tribus Figuris (n) quibus hanc ex homine insertionem exhibuit, in memorato Majori processu nunc e regione Minoris, nunc infra; nunquam supra representavit. Cæterum ne in eo quidem Vieussenio (o) possum assentiri, in quo pariter a Valsalva discedit, ut tendines huic Majori musculo duos afflignet. Non sum nescius, duos olim tendines eidem musculo adscripsisse Casserium (p), Bauhinum (q), Spigelium (r), Bartholinum (s), Rolincium (t), Marchettum (u), Veslingium quoque (x), Diemerbroekium (y), atque Bidloun (z); quanquam

hi tres (ut de plerisque Casserii Figuris fileam) nonnunquam unum adscribere. Me tamen non solum movet Eustachii ipsius (a), Coiteri (b), Fabricii (c), aut Verneyi (d), Cowperi (e), aliorumque inter recentiores Anatomicos diligentiorum auctoritas unum dumtaxat proponentium; verum etiam meæ me cogunt observationes, ne a communi (si Cheseldenum (f), & alium fortasse aliquem excipias) his temporibus sententia discedam. Nimirum mihi, quantumvis sedulo, ac sæpius hoc organum perlustranti, nunquam ad hoc tempus accidit, ut duos istos tendines invenirem; ut propterea plurimum verear, ne sæpe nerveum, aut potius membraneum quoddam filamentum fere ut Casselbohmius (g) quoque existimat; neve Minimus ipse musculus nonnunquam pro altero tendine habitus sit tunc præsertim cum is musculus non satis, aut nullo modo erat cognitus; siquidem vel nostra hac ætate qua in tantam lucem prolatus fuerat, a Vieussenio acceptus est pro isto altero tendine, aut certe pro altero fine ejusdem Majoris musculi; jure, an injuria, mox quæremus.

24. Nunc enim Valsalvæ ordinem servantibus de Minori musculo videndum est: quem idem Vieussenius (b) non modo non agnoscit, qua in re socios, & in his Anatomicum Nobilissimum haberet Verneyum; sed eos qui agnoscunt, eo deceptos esse, non dubitat, quod glandulæ, cerumen secernentes, ipsis pro musculo imposuerint: quasi vero istarum glandularum ea sedes, ac dispositio esset, quæ huic assignari musculo solet. Et Vieussenius quidem non tantum perhibet, glandulas istas jam ab initio Auditorii Meatus sub hujus cartilagineo superiore dumtaxat pariete esse locatas; sed earum congeriem ab ea quam primum habeat, tertiæ partis digiti pollicis latitudine magis magisque, prout Membrana Tympani propior fit, coarctari, ut ad extremum in capillarem desinat tenuitatem: fere autem proxime ad eandem Membranam accedere, & superiora semper, ut initio ipso, tenere. At si ex his omnibus unum modo cum vero consentire inveniat; tum quoque veri simile esse fatebor, Valsalvam, torque alios ante Valsalvam Anatomicos glandulas pro musculo accipere potuisse. Sæpe ego eas glandulas attente inspexi, subrotundas, aliasque aliis & paulo majores, & ad ovalem figuram magis accedentes, suo illo rete exceptas albo, nec eo prætenui, sed satis crasso. Earum alicubi non unum esse stratum, ut nostri appellant, visum est. Et quanquam colore ex fusco rubro potius, quam flavo invenire solitus sum; tamen alia facies ob ea quæ dixi, ipsarum est, alia ejus qui a plerisque proponitur, musculi. Has igitur glandulas ego quidem in suprema tantum Meatus parte nunquam, sed circumcirca semper vidi collocatas usque ad mediam fere Meatus ipsius longitudinem: quem ferme ad terminum pili etiam tenuissimi occurrebant, quo, ut de ciliis ait M. Cicero (i), *tanquam vallo quodam pilorum*, si non violentior sonorum impetus infringitur, si non liberior aeris, ulteriorem Meatum, ac Tympani Membranam exsiccaturi, aut interdum frigore etiam læsuri, accessus tardatur; certe addito cerumine, per eos pilos diducto, iisque adhærente cum hæc quæ modo dicta sunt, nonnulla ex parte præstari possunt, tum illa pulvis, & *siqua minima bestiola conatur irrumperere* sive sensim obrepando, sive de improvviso involando, in iis sordibus aurium, *tamquam in visco, in hærescit* (k), aut harum etiam, quod alii censuerunt, undique objecta amaritudine, illarum aliqua absterretur. Fellis enim sunt quoddam genus: quod præter saporem, coloremque, illud quoque fortassis indicat quod a Viris Experientissimis adnotatum est Ernesto Henrico Wedelio (l), & Herman-

no

(b) Del Suono Tratt. 4. c. 8. (c) De Aure Part. 3. c. 6. (d) Synt. Anat. c. 16. (e) Anat. quart. renov. l. 3. c. 9.  
(f) Anat. c. 16. (g) De Audit. Org. Part. 2. (h) Myot. Reform. ch. 12. n. 42. (i) (k) locis cit.  
(l) in Cent. 1. Epist. Med. Bartholin. Epist. 63. Fig. 2. & 3. (m) Epist. de Audit. Org.  
(n) Tab. Anat. 7. Fig. parva super. & Tab. 41. Fig. 9. & 10. (o) loc. cit. (p) Tab. cit. 9. (q) Theatr. Anat. l. 3. c. 46.  
(r) De hum. corp. fabr. l. 4. c. 5. (s) Anat. loc. cit. (t) Dissert. Anat. l. 3. c. 17. (u) (x) loc. citatis.  
(y) Anat. l. 3. c. 18. (z) Anat. hum. corp. Tab. 90. Fig. 10. (a) Epist. & Tab. cit. (b) De Audit. Instrum. c. 10.  
(c) De Aure Part. 1. c. 6. (d) De Audit. Org. Part. 1. (e) loc. cit. (f) the Anat. of the hum. body book 4. ch. 5.  
(g) Disp. de Aur. int. n. 42. & De Aure hum. Tract. 4. n. 150. (h) Oper. cit. Part. l. c. 8.  
(i) De nat. Deor. l. 2. (k) Ibid. (l) Dissert. de Cerum. n. 46.



no Boerhaavio (m), a fortiori igne ipsas cum strepitu amburi, sive crepitare in flamma primum, dein ardere: siquidem horum haud absimilia in felleis calculis experimur. Itaque ut glandulae cerumen suppeditant, sic pili retinent, atque extendunt, ut suas & diutius, & melius praestare possit utilitates: ex quo apparet, decuisse, eundem fere utrorumque (ad mediam, ut dixi, Meatus longitudinem) terminum esse. Inde vero ad Tympani Membranam, quos intra limites plerique eorum qui hunc Minorem agnoscunt musculus, ipsum proponunt, glandulas aut nullas conspexi, aut si forte ullas, certe non ita, ut Vieussenius scribit, dispositas, multoque minus ad Membranæ Tympani viciniam se se extendentes.

25. Quin imo id quod alii musculus vocant, accedens fane ad eam formam, eamque in parte sedem obtinens, quas indicat Vieussenius, cum proximae ejus basi glandulis diligenter, vitro etiam instructis oculis, comparando, longe aliud esse deprehendi. Scilicet per superiorem convexam faciem ejus membranae tegumenti quo Meatus Auditorii pars ossea intus convegitur, ab latere, ut certe nonnunquam adnotasse memini, posteriore, sanguineum quendam quasi translucentem ruborem vidi, qui oblique Malleum versus contenderet. Is rubor quo magis a glandularum finibus ad Tympani accedebat Membranam, eo dilutior, angustiorque fiebat sic, ut ad extremum in tendineas fibras definere videretur, quæ Tympani superata Membrana, se in Malleum infingerent, quod, ubi rubram illam partem sua versus initia traheres, illis quasi fibris tunc affurgentibus, potissimum conspiciebatur. Sed quamvis recentibus, optimisque ad eam rem auribus sum usus, & in his, quinque, ex hominibus sumptis qui statura, ætate, lacertis, genere ipso mortis quæ violenta & fere subita acciderat, maxime idonei & videbantur, & erant in quibus minimos quosque musculos indagarem; quamvis non inermibus tantum oculis, sed, ut paulo ante dictum est, crystallo etiam subinde instructis, has particulas sum contemplatus; non tamen quidquam aut glandulosum, aut instar musculi vere carneum atque fibrosum in eo mihi rubore videre contigit ad hoc tempus, sed potius quam musculus, quandam semper vidi musculi adumbrationem: ut aliquid certe plus quam ego, Rolfincius (n) conspexerit, qui etsi hunc censebat musculis non esse annumerandum; per se tamen licere, aiebat, si ob fibras hasce carneas musculi nomine ipsum dignum contentiose quis judicare voluisset. Mihi enim fibræ ejus carneæ in conspectum nunquam venere, ne membranaceis quidem, nervosisve, ut Schellhammerus (o) loquitur, intertextæ: vascula tantum sanguifera, præsertim cum inter lucem & oculos levi crystallo ope adjutos, collocarem, perspexi, quæ nunc vascula Casselbohmius (p) commemorat, & ab Ruyfchio antea, ait, descripta esse.

26. Hic tu fortasse; quid ergo? inquires. Non Vieussenio tantum, de glandulis; sed Valsalvæ quoque ipsi de musculo repugnas? Ego vero neutri repugno: sed quid ipse invenire solitus sum, tibi fideliter expono. Valsalva suis in schedis, Vieussenii errorem verbo notavit, quod ceruminis glandulas nimis introrsum extendat, ex iisque hunc musculus constare, doceat. Si de glandulis id quod Vieussenius, invenissem; Valsalvæ causa non reticerem. Quid ergo Valsalvæ causa reticeam, si de musculo id quod Valsalva, non inveni? Enimvero tunc Valsalvam communi veritatis studio anteponerem, cui jure ambo posthabenda omnia censemus. Ejus tamen spectatæ nobis in observando fidei, ac diligentiae tantum libenter tribuamus, ut quod nobis videre non contigit, sæpe ipsum fateamur vidisse. Nam quod Veslingius (q) hunc musculus affirmat non in adultis tantum, sed etiam infantulis evidenter esse, ac perpetuo conspicuum,

meæ non sinunt credere observationes: quanquam tenuis illa quam pro musculo proponit, carnosarum fibrarum perigraphia, & figura item illa quam huic musculo diserte Marchettus (r) tribuit, Perigraphiæ, ad eam propius quam ipse vidi, adumbrationem accedit. Mitto quæ anonymus Scriptor (s) Methodi secandi cadavera humana, ingenue de hoc musculo confitetur, quem potius, inquit, membranam crederes; & cultri opera egere, ut formam acquirat. Hoc tantum dico: qui membranam esse credunt, iis proclive esse intelligere, cur Molinettus (t), quod superiore Epistola (u) memoravi, externam Membranæ Tympani laminam pro tendine habuerit hujus musculi; illa enim lamina membranae Meatus Auditorii integumenti productio est. Cæterum ut plane intelligas, quantum Valsalvæ tribuamus; nonnulla, quæso, perpende quæ de eodem musculo illi ipsi scripserunt qui de ejus inventionem certarunt, Fabricius (x), atque Casserius (y). Ille dubitanti similis musculus, inquit, invenire visus sum: --- quem sane in omnibus postea non reperi. Casserius autem eundem vocat corpus quidem carneum, sed pene membranaceum: item ex substantia cutanea, fibris tenuissimis, pene visus aciem fugientibus, constans: huic autem, mox inquit, alter opponitur musculus, vere musculi naturam referens. Qui ergo Majorem veri musculi naturam referre, ad istum modum affirmat, nonne satis indicat, Minorem veri musculi naturam non referre? Quo magis Æmilium Parisanum, hypercriticum alioquin Scriptorem, & sæpe iis dignum reprehensionibus quibus temere adversus summos quosque Anatomicos usus est, in eo saltem aliquam mereri excusationem crediderim, quod (z) Minorem hunc musculus, ex ipsis Inventorum verbis sumpto argumento, pernegaverit. Et fane ex Recentioribus qui rem diligentius scrutati sunt, alii, ut supra diximus, non agnoverunt; alii vero agnoverunt quidem, sed aut, esse fasciculum tenuissimum fibrarum carnearum, & sæpe adeo pallidum, ut ægre dignoscatur, scripserunt, ut Winslowius (a), aut a Casserio nimis magnum delineatum, cum ex paucis tantum constet fibris, ut Casselbohmius (b), qui & hoc addidit (c), eas breves esse, & in nonnullis modo subjectis apparere, in plerisque autem hunc musculus a canalibus auditorii membranis vix distinguere posse; aut denique etiam in lacertosis subjectis rarissime tantum reperiri, quantum Valsalva (qui moderatius tamen, quam Cowperus (d), alique plures, de hoc musculo sensit) delineavit, ut Waltherus (e): qui minorem duplo quidem, in ejus generis cadaveribus, etiam quo scribebat tempore se invenisse; triplo autem minorem ipsius esse frequentem, in reliquis corporibus magnitudinem, sæpe adnotavisse, confirmat. Et Valsalva tamen (quod non est a me dissimulandum) admonuit (f), se Malleum, ejusque Musculos omnes naturali magnitudine majores pinxisse, hunc autem musculus (g) paucis constare fibris, hasque passim in frequentioribus cadaveribus --- non ita obvias fieri. Cæterum, ne vis desit quæ Tympani Membranam, a Majori musculo introrsum ductam, ad pristinum reducat statum; exiguum robur, aut qualemcunque Minoris musculi defectum, Waltherus (h) putat, abunde aeris suppleri impetu, quicumque crebrius per tubam irruit, & membranam tympani extrorsum movet: quocum impetu vim hujus Membranæ elasticam ex sua illa, superius memorata (i), in abscindendo Majori musculo observatione Valsalva junxisset, si Minorem hunc musculus ut illius Majoris antagonistam sibi potissimum spectandum censuisset.

27. Minimus vero etsi in quibusdam vel optimarum illarum de quibus supra dictum est, aurium non tam manifesto visus est musculus, quin dubius hærerem, ligamentum, an musculus existimarem, Valsalvæ interea prudentiam laudans, qui illud saltem flagitabat, quod quidem assignato ab se usui musculorum Minoris, & Minimi satis erat, ut si quis hos minus vo-

ca-

(m) Epist. de Fabr. Glandular. (n) Dissert. Anat. l. 3. c. 17. (o) De Audit. P. 1. c. 3. n. 4.

(p) Disp. de Aure int. n. 19. & de Aure hum. Tract. 3. n. 79. (q) Synt. Anat. c. 16.

(r) Anat. c. 16. (s) Præparat. 15. in Append. ad Amphith. Zoot. Valentini. (t) Dissert. Anat. l. 4. c. 9. (u) n. 12.

(x) De Aure Part. 1. c. 6. (y) Penthest. l. 4. Sect. 1. c. 12. & Tab. 9. Explic. Fig. 1. ad A. & 3. ad B.

(z) De Subtilit. l. XI. Exerc. 1. c. 2. (a) Expos. Anat. Traité de la Tête n. 399. (b) Disp. cit. n. 42.

(c) Tract. cit. 4. n. 148. (d) Myotom. Reform. Tab. 26. (e) Tener. Musculor. Anatom. (f) Explic. Fig. 5. Tab. 3.

(g) c. 2. n. 6. (h) Anat. cit. (i) n. 28.



caret musculos, at ( *k* ) ligamenta appellaret; tamen cum vicissim in aliis quibusdam auribus in sua tereti gracilitate satis mihi evidenter carneus ab tenui initio ad ipsum usque Malleum apparuerit; hunc musculum aliquanto facilius agnosco. Cæterum cum adeo gracilem esse videam; non satis intelligo, cur Viri quidam Clarissimi *latum esse*, ajant, imo adeo latum, ut credere ipsi videantur, aliquam forte ejus partem pro Minore de quo dictum est, musculo a Valsalva etiam exhibitam esse: cui quidem opinioni, a Casselbohio ( *l* ) quoque notatæ, ipsa repugnat sedes a Valsalva, aliisque Minori musculo attributa. Neque vero magis assequor, cur Vieussenius ( *m* ) ex Minimo, & Majori musculis non modo unum efficere musculum contendat, quem Monogastricum vocat, sed eo insuper deceptos Anatomicos credat, quod cum duo initia, duosque fines viderent, duos esse musculos, existimaverint, minime videlicet attendentes, unum dumtaxat esse ventrem in quem ambo illa initia, sive *capita*, ut appellat ipse, conveniant, & ex quo ambo fines, quos vocat *crura*, discedant. Et ventrem quidem nobis delineat ( *n* ), transversum fere digitum longitudine æquantem, neque ipsa capita sane breviora; ut ad pictam a Valsalva musculi Minimi longitudinem tantum addat, quantum satis sit ut ipse a primo capite usque ad finem ultimum tres ferme transversos digitos adæquet. Enimvero quanto hæc major est longitudo, tanto facilius sit oportet indagantibus ejus agnitio. Mihi tamen in auribus quatuor, iisque ad hujus generis perquisitiones maxime idoneis, frustra labor omnis susceptus est sive in alio quam noto Majoris musculi capite ex quo ipsius venter inciperet, vestigando, sive ( id quod multo esse facilius videatur ) in musculo Minimo ab extremo ejus fine ad illum usque locum persequendo ubi, tanquam alterum crus, in eundem illum convenire Majoris musculi ventrem deberet, in quem certe eum tendinem qui per trochleam ferrur, manifesto perducimus. Quin imo semper musculum Minimum deprehendi qua parte in illum abire ventrem deberet, non modo versus eum non tendentem, sed parallelum ferme incedentem non ita exiguo inter utrumque spatium interjecto, & ad extremum postquam se in acutum apicem extenuavit, eodem fere intervallo finire; nihil ut esse evidentiùs posset, quameas quidem aures ab hac Vieussenii descriptione, & delineatione longissime abesse, neque parum ab eo quod ab recentiorum aliquo scriptum est, musculo Minimo eandem fere esse originem quæ Majori, cumque hoc ferme esse confusum initio suo. Quod tamen aliis in auribus accidere, non negaverim; Winslowio, eximio Anatomico ( *o* ), id contingere, sed *nonnunquam* dumtaxat, docente; quanquam ne sic quidem ea musculi utriusque connexio existet quæ ad Vieussenii descriptionem, ac delineationem accedat: ad quas illa ipsa ex parte nec Figura accedit XI. ( si tamen hæc revera, ut nonnulli credunt, ad aliquam musculi Minimi partem attinet ) quæ in Casserii IX. Tabula ( *p* ) spectatur. Nam Vieussenius ventres conjungit; initia, & fines disjungit: Casserii Icon fines quidem disjunctos; sed ut unum ventrem, sic unum quoque initium ostendit.

28. Illud sane inter Majorem, Minimumque musculum vidi, ut quo loco Eustachianæ Tubæ orificium cum tympani cavo communicat, huic orificio super incumbat quædam aut carnea, aut carneæ per similis, rubicundior substantia, ex parte aliqua osseo Tubæ initio oblecta. Sed etsi spatium obtinet quod inter utrumque musculum ibi interjicitur; tamen neque est; quantum videre potui; cum alterutro vere intimeque conjuncta, neque præterea forma, situ, magnitudine ipsa, quippe quæ omnino brevis est, ullo modo potest ad ventrem illum oblongum quem Vieussenius pingit, referri. Quod si aut cer-

Morgagni Epistolæ Anatomicae.

tum cum utroque musculo nexum, aut manifestum saltem fibrarum ductum in ea perspicere potuissem; non communem quidem utrique ventrem, sed instrumentum quoddam existimasset quod fortasse utriusque musculi in agendo consensionem conspirationemque fervaret. Nunc talis, eoque in loco sita substantia dum aut detumescit, aut turgescit, an Tubæ interno orificio paulo magis expediendo, impediendove pro re nata subserviat secundum ea quæ de alterius orificii mutationibus Valsalva ( *q* ) indicavit, an aliud veri similius officium habeat, tuum, & illorum qui sæpius observaverint, judicium esto.

29. Quod reliquum est, de Mallei musculis hæc in Valsalvæ scriptis reperio: in cane Minimum ( si recte intelligo ) deesse; Minorem non desiderari, oblique scandentem ad superiorem parietem Meatus Auditorii, indeque per Membranam Tympani, quæ eo loco magis tensa est, processum Mallei Minorem petentem: in Pici autem interna auriscavitate duos esse musculos, quorum primus ortum trahit ab osseo Annulo quo Tympani Membrana firmatur, alter vero a quodam corpore osseo, infra tympanum protuberante; uterque prope juncturam Mallei cum Incude finiuntur. Ad quas Valsalvæ observationes intelligendas, & justo pretio censendas, non tam legendus est Schellhammerus ( *r* ) qui Avibus *unum ossiculum solum* videtur tribuere, quam Casserius ( *s* ) inspicendus in extrema Ossiculorum tum descriptione, tum delineatione, in eoque etiam capite quo Auris Internæ Musculos docet.

30. In iisdem Valsalvæ schedis hoc unum de Incude comperio, quod ligamentum quo processus alter ejus ossiculi ad hypomochlium alligatur, evidentiùs demonstrari possit in bove. Id ego ligamentum olim quoque cognitum Anatomicis fuisse, video, & nominatim Platero ( *t* ) qui diserte ipsum commemoravit. Quod cum in recenti hominis aure quærerem; inveni membranulam qua tympani parietes convestiuntur, ex iisdem in brevius, ipsos contingens, Incudis crusculum se extendere, atque ita & Ossiculis periosteum, & illi crusculo ligamenti vicem præstare. Intellexi id, dum Incudem leniter ac paulatim ab suo divellere hypomochlio tentabam; siquidem in præclarissima ( in qua minima hæc omnia spectanda sunt ) luce eam attolli communem parietum membranulam, ac dirumpi, & sic Incudem ab hypomochlio disjungi tam levi momento, vidi, quam ante periculum factum, non facile eram crediturus, præsertim si in mentem veniret eorum quæ cum alii postea egregii Anatomici de Incude speciatim docuerunt, tum generatim Paulus Manfredius ( *u* ) scripserat: *staminum validissima tensione firmari, & stabiliri ossicula*: hæcque tam firme, *staminum beneficio, vicinis partibus coherere, ut non nisi manus violentia moveantur*. Equidem cum Vieussenio ( *x* ) existimaverim, deceptum esse hominem siccatarum aurium observatione. Postea enim quam tempus lente, aut admissus aer citius has membranas resiccavit; longe firmiter atque validius alligatam ad hypomochlium Incudem reperio. Est autem hypomochlium in sulco quodam, quem in ipso aditu insculptum cernimus Sinuositatis Mastoideæ; brevior de quo dictum est, Incude crure sic ei sulco inhaerente, ut non tam membranula per quam, ligamenti instar, ad alteram potissimum fulci faciem annectitur, quam sulcus ipse, ut indicat Vieussenius ( *y* ), Incudis, & quod consequitur, Ossiculorum omnium motum extrorsum, introrsumque definire videatur. Si rem ad hunc modum intellexit Io. Bapt. Cortesius ( *z* ), cum illud de quo loquimur, Incudis crusculum, semel, iterum, tertio scripsit, *per gonphosim articulari*; non erravit: sin aliter; non minus erravit quam cum ibidem ait, *osli sphenoidi* ( sic enim passim os petrosum cum sphenoidide confundit ) *articulari*.

G

31. Sed

( *k* ) c. 2. n. 11. ( *l* ) Disp. cit. n. 43. ( *m* ) Traité de l' Oreille Part. 2. ch. 4. ( *n* ) Planch. 3. Fig. 3. & Planch. 6. Fig. 1. ( *o* ) loc. cit. n. 402. ( *p* ) l. cit. ( *q* ) c. 5. n. XI. & seq. ( *r* ) De Auditu Part. 1. c. 3. n. 8. ( *s* ) l. cit. c. XI. & Explic. ult. Fig. Tab. XI. & c. 12. ( *t* ) De corp. hum. struct. 1. 1. ubi de Tempor. ossib. ( *u* ) Novæ circa Aur. Observ. ( *x* ) ch. cit. ( *y* ) P. cit. ch. 3. ( *z* ) Miscellan. Medicin. Dec. 1. c. 10.



31. Sed de Incude, & de Orbiculari ossē cum quadam alia supra scripserimus, ubi de Officulorum Inventoribus sermo erat; satis hic fuerit pauca de utriusque figura attingere. Incudis, „crus longum „modo magis, modo minus incurvum: in corpore „eiusdem ossis non nunquam unam, vel duas eminentias instar papillarum in mammis prominentes, aliquando vero in eodem corpore impressio- „nem levem „ab Anatomico Diligentissimo conspectam esse, libenter credam: quanquam in undecim quas cum hac scriberem, ante oculos Incudes habebam, crus illud æque incurvum, eas eminentias nullas, sed in medio omnium corpore qua facie superiora & interiora spectat, levem concavitatem videbam. Sulcum ipsum, quadantenus ab Ruyschii Icone (a), „indicatum, in quem accrescat „ligamentum articulationem firmans, Incudis cum Malleo, leviculum quidem in officulo utroque video; ast eundem non æque circumcirca apparentem, sed alicubi quasi deficientem conspicio.

32. Officulum autem, ut plerique appellant, Orbiculare mihi; in homine quidem, ut cætera; vel inermibus, vel fere inermibus oculis inspectanti, ovali forma semper apparuit; sed utrinque quantum Stapedem, tum Incudem respicit, satis depressa, vel magis scilicet quam est a Valsalvæ Scalptore demonstrata (b). Qua vero sit in bestiis figura, & quanta ab lateribus prominentia, aut qua minutiore, si exquisitissimi operis vitro oculos instruamus, in homine ipso conformatione, magis tironibus, ne temere quibuscunque Iconismis credant, quam mihi necessarium scire existimavi nihil hic aliud quam id spectanti, an quod Valsalva in hominibus docuit, iudicio oculorum respondeat, hoc officulum, *Orbiculare inepte dici, cum potius Ovale configurationem depressam obtineat*. Quanquam cum perfecte neque ovale sit, neque, ut alii appellant, lenticulare, Quarti autem officuli appellatio, si quis seriem spectari putet, non hoc, sed Stapedem significet, quem & reapse quidam ex Recentioribus *quartum officulum* vocarunt; ego qui magis usitata nomina invitus muto, interea Orbiculare pergā dicere; tametsi hoc vocabulum Celeberrimus Auctor Ruyschius (c) ambiguum fecerit, cum osseum Membranae Tympani Annulum solitus fuerit, non sine aliqua tironum perturbatione, *offis orbicularis*, & *officuli Orbicularis* nomine designare. Tu vero si aliud forte nomen desideras; officulum Minimum appellato. Cæterum me haud satis intelligere posse, fateor, cuiusnam, nisi forte decipientis, vitri adjumento factum sit, ut nonnulli Cl. Viri in officulo de quo dicere instituimus, descriptam a Verheyenio (d) formam probaverint, docente, id officulum, mitto esse ab altero latere leniter concavum, ab altero convexum; sed illo verticem Stapedis excipere, hoc a processu Incudis excipi. Neminem certe ad hoc tempus vidi qui illud officulum quantumlibet amplificando, ita factum pingeret, ut concava Stapedem versus facie esset, ejusque caput admitteret. Contra, omnes excipi officulum intra ejus capitis cavum, ostendunt, & Drakins ipse (e); quamvis Verheyenium in descriptione secutus; cum cæteris facit in proximæ Figuræ 3. (f) Explicatione „Caput Stapedis monstrans, in quo „est, inquit, levis cavitas quæ recipit Os Orbiculare. „Vieussenius quoque (g) cui hoc officulum *exacte rotundum esse*, tradenti, neque in suis schedis Valsalva, neque ego satis videmus, quantum conveniat duas in eodem facies agnoscere, quarum altera, parva apophysi acuta instructa, altera ali-

quantum convexa sit; hanc tamen confirmat in id cavum recipi quod in Stapedis capite insculptum est. Unde ergo Verheyenium deceptum esse, putabimus? Num forte ex eo quod ab Lindano officulum quartum esse *Cochlear* appellatum, legisset? Verum *sinus*, ut Lindanus loquitur (h), *amplus ille ac scutellaris* a quonam dicitur Stapedem, non Incudem spectare? Certe quidem non ab Lindano: quem imo qui legerit, non officulum, ut quidam credunt, scire, aut describere inveniet quo de agimus, Stapedi, Incudique interjectum, sed omnino aliud: quod cum descriptio ostendit, tum illud maxime quod paulo ante docuit (i), Incudem *Stapedi, mediante cartilagine, adarticulari*. Quid ergo est? Equidem sæpe mihi accidisse memini in ressecatis auribus Stapedem avellenti ab officulo Orbiculari, ut hujus facies ista qua spectaverat Stapedem, cava esse videretur; cum tamen, re attentius perspecta, membranulæ essent, sive mavis ligamenta, quæ circum ressecata, ideoque rigida extabant, & id labrum circumcirca prostrans mentiebantur, quod ad officuli substantiam osseam minime attinebat. In cavum igitur; sed non officuli, Stapedis caput recipiebatur: quod cavum an Verheyenio imposuerit, nescio; mihi, ni diligentius inspexissem, facile imponere potuisse, scio.

33. In Stapedis autem ipsius historia nihil magis mirari subit, quam in figura ejus describenda non plures modo, verum etiam præstantissimos Anatomicos usque adeo esse hallucinatos, ut trianguli instar proposuerint. Sic Ingrassias (k), sic Fallopius (l), sic in hujus *Observationum Examine* Vesalius, sic ipse (quod magis miror) Eustachius tum in *Epistola de Auditus Organis*, tum in Tabulis VII. & XLI; unde illæ cum *triangularibus* Stapedibus comparationes, & *offis deltoidis* appellationes. Et quamvis postea, præeunte in parte; quod infra ostendam; Platero, ut Salomon Albertus (m) pinxit, sic Arantius (n) docuit, hujus officuli *verticem tantisper sinuatum esse arcus in modum*, diserteque Casserius (o) admonuit, Stapedem *nec ullo pacto triangularem, neque græcorum Δ assimilem esse; nisi brutorum, non hominis stapedem intelligamus; in illis namque græcorum Δ exprimere, ac triangularem existere*, Figuras autem (p) quæ humanos Stapedes vel multo exactius quas Alberti Icon, referrent, primus vulgavit (nam quam Fabricius dedit ab Aquapendente (q), non undique naturam exprimunt, multoque minus quæ sunt apud eum qui rem quidem scivit, sed edere non potuit, Vidium (r)) quamvis denique Veslingius (s) scripsit, *in arcum sinuata esse* Stapedis crusculla; tamen ut ante Arantium Coiterus (t), Platerus (u), & ipse in descriptione Albertus (x) erraverant, sic post Arantium Laurentius (y), Fabricius (z), Varolius (a), sic post Casserium Cortesius (b), & Riolanus (c), sic post Veslingium Molinettus (d), & si bene interpretor, Schelhammerus (e), alique extitere qui ad triangularem illam formam describendam, aut delineandam redierint, ne ipso quidem excepto Enarratore Veslingii Blasio (f), dum Rolfincii (g) errorem, Eustachium pro Ingrassia scribentis, non proximam descriptionis emendationem exscribit. Quos partim summorum hominum auctoritate, partim brutorum animalium, frustra admonente Casserio, dissectionibus lapsos crediderim: quanquam Stapedem in agnis quidem exteriori crurum ductu magis ad trianguli accedere figuram video; in vitulis autem, Casserii (h) diligentiam desidero, qui in his quoque triangulum, non parallelogrammum potius, delineat, hocque elliptico foramine per-  
tufum; quas formas memoro, ut indicio sint  
ad be-

(a) Epist. Probl. Tab. 9. Fig. 1. (b) Tab. 3. Fig. 6. (c) Thesaur. Anat. II. Aff. 6. n. 14. Thes. IV. n. 1. Thes. VIII. n. VI.  
(d) Anat. corp. hum. l. 1. tr. 4. c. 17. (e) Anthropol. book 3. ch. 12. (f) Tab. 19. (g) loc. cit.  
(h) Medic. Physiol. c. XI. art. 2. n. 26. (i) Ibid. n. 24. (k) In Galen. de Offib. Proœm. Comm. 4. & 23.  
(l) Obs. Anat. (m) Hist. plerarumq. part. hum. corp. (n) Anat. Obs. c. 13. (o) Pentæsth. l. 4. Sect. 1. c. XI.  
(p) Tab. XI. in Tabella. (q) de Aure. (r) De Anat. hum. corp. Tab. 5. & l. 7. c. 5. (s) Synt. Anat. c. 16.  
(t) De Audit. Instrum. c. 9. (u) De corp. hum. struct. l. 1. ubi de temporum offib. (x) Hist. cit.  
(y) Hist. Anat. hum. corp. l. 2. c. 12. & l. XI. c. 13. (z) l. cit. P. 1. c. 5. (a) Anatom. l. 1. c. 6.  
(b) Miscell. Medic. Dec. 1. c. 10. Fig. 12. litt. H. (c) Comment. in Gal. de Offib. c. 2. (d) Dissert. Anat. l. 4. c. 9.  
(e) De Audit. P. 1. c. 3. (f) Comment. in Syntagm. c. 16. (g) Dissert. Anat. l. 2. c. 15. (h) Tabella cit.



ad beluinos cum humanis Iconismis & olim, & hac tempestate permistos, facilius internoscendos: ut beluinos certe, non humanos Stapedes ante oculos Vesalius (i) habuit, cum *quadrato & acus foramini quamsimillimo foramine esse pervios*, indicavit; tametsi non satis assequor, quid ipsum adeo fefellerit, ut ibidem illud docuerit quod & infra confirmavit, *foramen id, Ovalis Fenestræ foramen spectare*.

34. Cæterum ut ad humani Stapedis figuram revertamur; etsi is, ut hactenus dictum est, ibi arcum magis quam triangulum, ubi crura coeunt, repræsentat; siquis tamen oculos paulo attentius defigat; utrumque crus non æque curvatum, imo alterum quasi recta pergens conspiciet, ut nisi alterum valde se se inflecteret, non arcus, sed trianguli similitudo efficeretur. Quod crurum discrimen Casserius (k) si, ut primus delineavit, sic diligentius attendisset; crus illud curvum non a Mallei, sed a cruris brevioris Incudis parte pingendum curasset. Verum dum se juncta Officula, ut conjuncta delinearentur, reposuit; tum in Mallei, tum in Stapedis situ a vero aberravit. Crus enim hujus curvum ex naturæ instituto posteriora tenet: qua ex observatione, cum alia tamen aliqua de qua post dicemus, discriminum basis, foraminisve conjuncta, jam diu nobis, nostrisque Affectis indicium patuit quo & Solertissimos uti Anatomicos videmus, ad dexterum, sinistrumque Stapedem (difficilius alioquin, quam Incudem, aut Malleum) internoscendum, suamque in sedem reponendum. Porro cum id primum animadvertimus, illa quoque adnotavimus, crus idem curvum, non modo quod ex curvitate consequitur, aliquanto longius, sed & paulo crassius altero esse. Hæc tamen omnia non æque in omnibus, nisi accuratius attendas, in oculos incurrunt. Cum enim Stapedes hic habeam quindecim; in quinque minus, atque adeo vix apparent: in cæteris non solum apparent manifestissime; sed duo sunt Stapedes altero crure propemodum usque ad deformitatem curvato: quanquam nimia curvitas non ad omnium naturam, sed ad quorundam varietates referenda est: ad quas illa quoque attrinent, alios Stapedes longiores & angustiores, alios contra humiliores latioresque inveniri; nonnullos etiam quorum foramen ab interiori, seu inavis, ob Stapedis obliquum positum, inferiori facie multo quam soleat, minori longitudine conspiciatur. Illud enim animadverti esse his omnibus quos forte hic habeo, commune, ut brevius ab ea facie, quam a superiori, foramen sit, magisque ad semicircularis areæ similitudinem accedat, ut propterea a superiori facie & cervix brevior, & crurum propositum discrimen minus, sulci autem de quo post dicetur, magna continuo pars apparet: quæ observationes cum alia de qua supra dictum est, junctæ ad Stapedes internoscendos, reponendosque sunt utiles. Illud quoque his omnibus, aut certe plerisque commune esse, adnotavi, ut cervicem ipsumque capitulum in antèrius latus inclinent, quidam paululum, aliqui autem usque adeo ut cruris posterioris curvitas produci in cervicem & capitulum videatur. Eam inclinationem; quamvis leviter, & in uno dumtaxat Stapede; a Cowpero (l) pictam esse, video: eandem autem, an cruris quoque, an aliud indicare Platerus (m) voluerit, haud satis scio, cum Stapedem ea parte quæ capitulum & crura comprehendit, nonnihil incurvum esse, scripsit. Ibi certe cum se *diligenter primum descripsisse* Stapedem, ajat; nonnulla ad superiorum descriptionem addiderit, necesse est: quæ qualia sint, particulas spectando singulas, commemorabimus.

35. Et supra quidem cum de Orbicularis Officuli Inventoribus sermonem haberemus (n), Arantii verba produximus quibus se agnoscere, ostendit, Stapedis capitulum modice esse cavum, ad illud officulum excipiendum. Præverat tamen Platerus, qui *capitulum minutum, rotundum, planum, cavum*

esse, tradiderat. Quæ verba Casserius (o) quidem sua fecit; sed quomodo idem rotundum, planum, cavum esset, non explicavit. *Cavitatem* sane in eo *superficiariam* agnovit; cavitatem tamen: & quanquam Viri Diligentissimi, summum caput ple-  
rorumque esse planum, aut leviter cavum, doceant; mihi in his omnibus cavitas, nec admodum, ut alii scribunt, *superficialis*, pro ejusmodi capituli parvitate; quin etiam in aliquo satis profunda visa est. Si igitur cavum; quomodo idem planum? & si planum; quomodo rotundum est? Nimirum quia cavitas ad summum, planities vero, & rotunditas ad reliquum pertinent, hoc est etiam ad cervicem, quam Veteres, certeque Platerus, leviter circumcirca protuberans in ejus summo capitulum non distinguentes, una cum hoc, capituli appellatione designabant. Facies igitur ad planum magis quam ad rotundum, latera ad rotundum magis quam ad planum accedunt, quantum hisce omnibus video; nam aliter Cel. Viros tradidisse, non ignoro. Circa capitulum autem crura *latiuscula, & sinuata nonnihil esse*, Platerus docuit, vere utrumque; nam primum, licet ab nemine præterea, quod sciam, adnotatum sit, per se patet; alterum postea, ut diximus (p), ab Alberto est pictum, ab Arantio autem, addita arcus similitudine, clarius descriptum; ut mirum sit, Platerum qui princeps id vidit, non modo in delineatione, verum etiam in descriptione erravisse; *triangularem* Stapedem proponendo, & cum *Δ Græcorum* comparando.

36. Porro totum Stapedem *intus striatum*, sive *intus in ambitu esse striatum*, Casserius (q), & Riolanus (r) docuere; ut minus intelligam, cur Paulus Manfredius in *NOVIS* suis *circa Auris Observationibus* ponat *Sulcum evidentem, quo facies interna stapedis circulariter excavatur*, multoque minus, cur alii, Manfredio recentiores, & in sulco, & in sulci proposito a Manfredio usu idem facere videantur. Cæterum ex eo ipso quod is sulcus per basim quoque Stapedis producat, consequitur, veram fuisse Plateri observationem de basi *in marginis ambitu crassescente*. Hanc autem quæ in basi est, sulci partem Vesalio visam crediderim, scribenti (\*), Stapedis officulum ea parte *latius esse & amplius, longoque sinu veluti ad inarticulationem concinnato donari*: quanquam cum hæc continuo subjecit, *quo superiorem foraminis (Fenestræ Ovalis) sedem spectat*, Tympanum dicere debuisse videtur, propterea quia Stapedis basis illinc nonnihil convexa, hinc vero (cochlearis instar, ubi crura detraxeris) satis concava, sinum extrorsum deorsumque, faciem autem leniter convexam, introrsum sursumque obversam habet.

37. Cæterum cum Vesalius hoc officulum, ad basim *latius esse & amplius*, dixit; prominere basim cum ab utraque Stapedis facie, tum certe a lateribus, significavit: quod deinde alii magis aperte docuere. Nam basim ab lateribus utrinque extare, sive basim ipsa crura utrinque excedere, aut circa laterum extrema nonnihil produci, diserte tradiderunt Bauhinus, (f) ac Molinettus (t), pictura autem ostenderunt Veslingius (u), & qui ante hos omnes floruerant, Salomon Albertus (x), Fabricius ab Aquapendente (y), & Casserius (z): prima autem omnium, Eustachii Tabula XLI. (a) indicavisset, si ut ab ipso parari, ita & vulgari potuisset. Cæterum in bestiis quidem, ac nominatione in agnis, basim proportionem magis quam in homine, ab lateribus prominentem: a facie autem Stapedis altera vix extantem, ab altera, hoc est ab superiore, ad crus præsertim antèrius valde extantem in ipsis hominibus invenio. In his convexa basis facies humano vestigio, sive potius universæ pedis plantæ sic satis similis videtur: est enim basis altero extremo quod cruri (in his quidem quos hic habeo, Stapedibus) anteriori respondet, contractior; altero autem transversò margine convexa; altero levissime cava, certe non convexa. Hæc

(i) Exam. Obs. Fallop. (k) Tabella cit. lit. K. (l) Myot. Ref. Tab. 26. Fig. 8. (m) loc. cit. (n) supra n. 8.  
(o) c. cit. (p) supra n. 33. (q) c. cit. (r) In Galen. de Offib. Comm. c. 8. (\*) Exam. Obs. Fallop.  
(f) Theatr. Anat. l. 3. c. 45. (t) Dissert. Anat. l. 4. c. 9. (u) Synt. Anat. Tab. 1. c. 8. Fig. 6. & Tab. c. 16. Fig. 7.  
(x) Hist. cit. (y) De Aure Fig. 14. (z) Tabella cit. (a) Fig. 9. & 10.



fere omnia de ambitus basis figura Valsalva viderat, ac delineanda curaverat (b); nos marginem quo convexa est, superiorem esse, addimus, sic ut figuræ Fenestræ Ovalis respondeat: quod & Præcl. Caffebohmii (c) videmus animadvertisse.

38. De basis autem foraminulis & porulis illud primum fatendum est, ne hoc quidem nos intelligere, cur ea Manfredius inter nova sua inventa recenteat. Nam & Coiterus (d) ab Incude, ait, *communicari sonum Stapedi, unde per foramina parva defertur ad nervum auditorium*; quæ foramina si quæ, aut ubi sint, dubites; nempe id etiam addidit: Stapedem multis esse foraminibus instar spongiæ oppletum, & Veslingius (e) diserte scripsit: Stapedis *basim esse tenuissimam ac porosam, ne sonum huc commeantem quicquam remoretur*. Illud tamen alterum reticere non possum, mihi vero & crura, & basim recentis Stapedis, instructis etiam aliquo crysalli adjumento oculis, contemplanti adversus præclarissimam lucem, in cruribus quidem nulla, in basi autem quædam interdum foraminulorum indicia, interdum ne hæc quidem, nunquam pervia ac prorsus aperta foraminula apparuisse; ut cogar aut Valsalvæ nostro assentiri, loca tantum in quibus os plurimum extenuetur, non foraminula, agnoscanti, aut saltem Vieussenio (f) hæc ita ponenti, ut membranulis tamen obducta esse, fateatur; non *patula*, sicut affirmabat Manfredius.

39. Qui cum membranam pertenuem, quæ totam Stapedis cavitatem interne velat, unicum subodorasse videri, inquit, Molinettum, non huic tribuit quod satis sit, sed sibi aditum relinquit ad illam quoque inter novas suas observationes adnumerandam. Certe Molinettus de Stapede diserte scripserat (g): *quod membrana obtegatur spatium illud mobilis trianguli, videtur factum ad frequentandos ictus priores, aeremque commovendum, qui est in labyrintho*: & mox addiderat alia atque alia de hac membranula obteſa Stapedi, in quibus ea quoque verba quibus causam exposuit, propter quam qui minus perfecte audiunt, dicta excipere ore aperto student. Scilicet aer, inquit, ex palato, per foramen dictum, Tubam videlicet Eustachianam, Tympanum subit, & insinuat in aerem Tympani, motum ex percussione membranæ adaugens, eundem cogit in membranulam Stapedis majori cum impetu ferri, & illum pariter movere vehementius, qui est in labyrintho. Ex quibus satis superque intelligis, num Molinettus eam Stapedis membranam subodorasse tantum videatur, an potius præclare noverit, atque adeo faciem prætulit recentissimis Clarissimisque Scriptoribus, per eandem Tubam in graviore auditu aerem inducentibus quo Stapedis membranæ, & ab his Stapes concutiantur haud aliter ac si motus a Membrana ipsa Tympani proveniret: quanquam nonnulla sunt quæ diligentius attendere potuissent. Namque; ut Valsalvæ (b) observationem prætermittam, qui *corrosam dumtaxat maxima ex parte Tympani Membranam, non destructam*; Malleum *intectum, non corrosum*; Auditus *Gravitatem* fuisse, dixit, non *auditum restitutum*: ut illud quoque reticeam, prominente intra cavum tympani eo tubere quod Vesalius (i) superiori sedi illius parvæ conchæ conferebat quam in frenorum ornamenta videbat adhiberi, eodemque inter Eustachianæ Tubæ orificium internum, & Stapedem interjecto, ita advenientem ex illo aerem ab hoc arceri, ut mihi hæc sedulo contemplanti factum id summo naturæ consilio videatur, ne in vectus per Tubam aer contendere liberiore cursu ad Stapedem possit, huiusque aut levissimos illos quos multi agnoscunt, tremores, aut certe, si auditus sine iis sit, hunc ipsa Stapedis agitatione turbare: ut hæc, inquam, fileam; & unum modo perpendam; non ita demum membrana, aut membranæ Stapedis factæ, contentæque sunt; nisi forte non recentes, sed jam siccatae inspiciantur; ut cum Tympani Membrana, sicut Daniel Bartolus (k) indicavit, merito possint comparari. Molles enim, laxas, & ad tremores suscipiendos minus idoneas inve-

nire soleo, quotiescunque in recentibus, ut decet, auribus easdem inspicio.

40. Verum hic facile quæres, qui fiat, ut cum Valsalva nolter, & Solertissimus Caffebohmii (l) (qui lacerationem tamen intercessisse suspicatur) foramen Stapedis sæpius apertum, aliquando tantum, idque fortuito, ut Valsalva credidit, membrana clausum, aut semiclausum sibi occurrisset, tradiderint, quidam autem Summi Anatomici nullam hic membranam commemorent; contra ego, si unam non satis est, geminas quoque videar secundum naturæ institutum Membranas Stapedis agnoscere. Nimirum vis eadem veri quæ in rebus cæteris, in hac quoque me cogit, minime, quæ viderim, dissimulare. Equidem fateor, cum Stapedes humanos ad quindecim, suis ex sedibus continenter extraxerim, siccos alios, alios recentes, non parem me in singulorum extractione ponere operam diligentiamque potuisse: attamen ne unus quidem fuit cujus foramen omnino apertum conspexerim: quin imo in omnibus quos paulo negligentius extraxi, tamen, inter extrahendum, magna ex parte impeditum vidi non parvis frustis membranarum, quas etiam ipsa extractione rumpi, & ni rumperentur, multo ampliores, & facile foramini æquales futuras fuisse, animadvertēbam. In sex autem Stapedibus quos in recentissimis, quatuor hominum, auribus spatium habui iusta cura, & diligentia suis in sedibus examinandi, sic observavi. Cum Stapes altera, hoc est inferiori facie quam proximus sit ei de qua paulo ante (m) Vesalii verbis dictum est, Cochleæ prominentiæ; unam modo faciem, id est superiorem, ostendit iis qui ipsum velint illi quem natura assignavit, loco inhærentem contemplari. Ab hac ergo facie nunquam non occlusum membrana inveni: ab altera autem sive inferiore, hætenus quoque clausum vidi quoad per illam prominentiam licebat. Quam si excindere scalpro aggrederer, ut prospectum mihi ab illa etiam parte liberum facerem; id nempe sine membranæ proximi Stapedis dilaceratione fieri non posse, intelligebam: hanc enim, media fere emensa Stapedis a cervice ad basim longitudine, cohærere cum membrana videbam qua, ut cæteri parietes tympani, sic prominentia illa conveſtitur. Relinquebatur igitur, ut membranam hanc suam a prominentia separarem, ac tum denique Stapedem, suis integris illæsisque membranis, evellerem: aut si illud propter loci angustias & profunditatem ante peragere non possem; viderem saltem ut inter evellendum, sensim, lenteque perficerem. Hoc vero fuit quod satis ex sententia nunquam successit. Cum enim Stapedem fere totum protraxissem, utrinque, sicut apparebat, clausum membrana, vasculis sanguiferis non in fœtu modo, sed in adultis etiam, ut aliquando vidi, nulla prævia præparatione, exornata, improvise, antequam prorsus ab adhærente illius prominentiæ membrana liberarem, ita & ab inferiore illa, & ab superiore simul facie dilacerata est ac divulsa Stapedis Membrana, ut aliquando omnino patulum ejusdem officuli foramen remaneret perinde ac si nulla unquam occlusum fuisset. Quæ cum ita sint; non illud dumtaxat intelligo, hac etiam ratione fieri potuisse, ut vel statim ab extractione inspicientibus aliquando apertum prorsus occurreret; verum hoc quoque conjicio, faciei Stapedis inferioris membranam, tum Stapedi ipsi, tum proximo tympani parieti esse quadantenus, laxæque communem: esse insuper ex parte saltem, cum membrana superioris faciei connatam, aut certe connexam; ut dubitare plurimum cogar, an Stapes (quem sic satis mobilem esse, nunquam negaverim) ita liber demum sit ut a plerisque existimatur, itemque an inter utramque membranam Stapedis sic ubique continens spatium sit, ut recte omnino possit univ-  
versus Stapes; quod Drakius (n) fecit; cum par-  
vo

(b) Tab. 3. Fig. 8. (c) Disp. de Aure interna n. 41. & de Aure hum. Tract. 4. n. 130. (d) De Audit. Instrum. c. 9.  
(e) cap. cit. 16. (f) Traité de l'Oreille Part. 2. c. 3. (g) loc. cit. (h) c. 5. n. 5. (i) Obs. Fallopp. Exam.  
(k) Del Suono Tratt. 4. c. 8. (l) Disp. cit. n. 30. (m) num. proxim. super. (n) Anthropol. book 3. ch. 13.



vo depresso tympano comparari. In vitulo certe idem Drakius confitetur, unam modo inveniri membranam: in homine autem ne a primo quidem geminarum Inventore, Anatomico diligentissimo, Cowpero potuisse ambas in extrahendo Stapede integras fervari. Quid? quod ipse postea Cowperus in altera Myotomiae editione (o) unam dumtaxat Stapedis membranam pinxit, ac memoravit. A me tamen duas potius esse visas quam unam, propositae indicant observationes, praesertim cum in iis habendis, neutrius margines intra fulcum, ut Vieussenius (p), alique ajunt, exceptos conspexerim, verum, extensos potius per externam crurculorum faciem, quod Cl. Palfinius (q) monet, non alteram tamen, sed utramque, mihi videar deprehendisse. Quin imo, si recte memini, sic ex proximis tympani parietibus se super Stapedem injicere membranam vidi, ut ejus & crura, & foramen, quoad perspicere potui, quasi circumjecta vestis undique comprehenderet.

41. De membranula autem per quam basis Stapedis cum Fenestra Ovali est colligata; si Vidium de quo alias dicemus (r), seponas; primus, quantum in praesentia memini, habuit mentionem Casserius (s), cum videlicet docuit, eam basim, *membranæ ----- ovalem fenestram exacte claudenti appositam esse*, id est alligatam, ut alibi indicavit, ubi nimirum scripsit (t), Stapedem, *excepta acie sua, qua Incudi annexus est, & parte, stapedis basim exprimente, qua ostio Cochleæ est praepositus, solutum, ac liberum visi*; neque tamen alligationem ejusmodi agnovit quæ Stapedi afferat *immobilitatem*, sed quæ finat ut *deorsum nonnihil agi, ac flecti possit*. Recte autem dixisse nonnihil, intelligent omnes qui, ut Valsalva solebat, & nos facere consuevimus, aperto contra Ovalem Fenestram Vestibulo, basim Stapedis in sua sede, eamque cum Fenestra ora colligantem membranulam inspicientes, quanta sit hujus circumcirca angustia, & quod consequitur, quantulus sit quem hæc permittat fursum deorsumve, motus, perspicient, praesertim si tenuiori specillo eam basim deprimere, aut contra per referatum tympanum Stapedis capitulum urgendo, fursum agere tentabunt, in recentibus quidem auribus, & brevi postquam apertæ sint, inspectis: nam paulo post resiccata membranula rigida fit; ut id illis imposuerit qui omnem Stapedi cæterisque Officulis motum negarunt. Longum autem post tempus exesa consumptave membranula adeo liberum ad cæterorum Officulorum agitationem Stapedi motum relinquit, ut hinc vicissim qui motum tribuerunt æquo majorem, decepti esse videantur.

42. Cæterum non collatae omnes in Malleum, sed in ipsum quoque Stapedem divisæ sunt vires quibus hic leviter moveatur. Suum enim Stapes musculus habet; quantumvis alii in dubium traxerint, alii negaverint. In dubium traxit Schelhammerus (u). Stapedi, inquit, musculus destinatum esse, Dn. Lamy supra nobis citatus asserit, in quo fortassis fallitur: cæterum in equo se talem vidisse testatur Casserius, eumque describit tab. 9. fig. 24. quem fictitium esse Joannes Riolanus Commentario in Theatrum Bauhini, contendit, propria tamen experientia destitutus, non alia de causa id negasse videtur, quam quod Casserio fidem non haberet. Itaque negavit Riolanus, si tamen hunc designavit, cum in eo loco *Animadversionum* in Bauhinum, *Alter*, inquit, *musculus ab eodem Casserio semel deprehensus, fictitius est*. Certe Casserius tantum abest ut semel, aut in equo dumtaxat, Stapedis musculus deprehenderit; tum capite de *Musculis Auris Internæ* (x) qualem in equo, porco, & cane animadvertit, ipsum describit, tum non Tabula modo a Schelhammero laudata, Fig. etiam 25. sed & Tabula X. Fig. 22. & Tabella item quæ Tabulæ XI. inserta est, ex equo; denique ex cane quoque eadem Tabella delineat. Illud

minime dubium est, decuisse Schelhammerum, Riolanum, Casserium ipsum, cum de musculo ageretur in memoratis bestiis (y) *rotundo instar glandulae cujusdam, qui in Concha, hoc est in tympano sinui proprio insistit, & quasi ligamentali filo ortus, in tendinem subbrevem, & tenuissimum, quo Stapedis capitulo alligatur, terminat*, decuisse, inquam, ipsos in memoriam revocare quæ a Vesalio (z) tradita fuerant: Stapedem, miram cum cæteris officulis, accedente huc rotundo illo jam fæbere, cui nervosum quid, & fibrosum, instar rotundæ oblongæque cujusdam glandulae, quum integrum est organum, insistit. Nam etsi Vesalius hæc postrema, quæ sola Schelhammerus (a) videtur animadvertisse, de Majori Mallei musculo docere potuit, neque ejusmodi corpora pro musculis agnovit; tamen & ipsa vidit, & Duræ Auditoriæ Portioni (quod ut musculi Stapedis peculiare delineavit Casserius (b)) *adnata* animadvertit, &eductas ex ipsis versus Stapedem fibras primus, quod sciamus, in brutis animantibus perspexit. Quid? quod antequam Casserius scriberet, nobilis Anatomicus, qui omnes intra aurem musculos olim (c) pernegaverat, Constantius Varolius non minus ingenuitatis quam solertiæ suæ specimen dedit, hæc litteris tradens (d): „intra organum auditus quidam „ minimus musculus, alias a me perperam reje- „ ctus, locatur, qui ab anteriori sede natus in arti- „ culationem trianguli cum incude inferitur; quo „ musculo sane contracto triangulus, seu (ut di- „ cunt) Stapeda, cedente interim articulo incudis „ cum malleo, ad anteriora aliquantisper trahitur, „ & ad centrum tympani magis e directo appropin- „ quatur; tuncque optimus cum animadversione, & „ judicio fit auditus. „ Quibus ex verbis, non de bestiis, ut vides, sed de homine profecto scriptis, existimare mecum potes, num certe primus is de quo Schelhammerus indicat, Lamyus humanum Stapedis musculum proposuerit, aut sine ulla dubitatione Stapedis musculus possit, quod nonnulli faciunt, *musculus Casserii* appellari.

43. Neque tamen omnia quæ de hoc tradidit Varolius, probaverim: quanquam id quod de anteriori sede post Vesalium dixit, commodius fortasse liceat interpretari, ut exteriorem, quam sit ipsa Fenestra Ovalis, intelligamus. Sane paulo ante; idem Varolius in *posteriori parte* Annuli Membranæ Tympani positum esse Malleum, scripserat, qui interior quidem Annulo est, non posterior. Verum ut cætera illa de Stapedis motu explicari non possent, fatendumque esset in musculi aut sede, aut insertionem erravisse; in sede quidem, si eundem quem nos Stapedis musculum intellexit; in insertionem autem, si mallei musculum, ut videri potest, Majorem: in re tamen dubia non est præpropere omni prorsus laude fraudandus. Nam certe cum Vesalius (e), & Ingrassias (f), & Vidius (g) musculi Stapedis tendinem vidissent, nec agnovissent, *fibræ* enim, seu *filum nervæum*, aut si non *nervulum*, *parvulam arteriam*, ut Vidius, credebant, vel ne vidissent quidem, si hujus, & Ingrassiæ verba ad Chordam tympani potius attingent; certe, inquam, Varolius princeps, esse quendam musculum qui ad Stapedem pertineret, diserte proposuit. Mirum est autem, cum editi jam essent Varolii libri, Fabricium ab Aquapendente (h) habuisse verum musculi Stapedis tendinem pro *ligamento quodam tenuissimo ad acutiorē ejus officuli partem pertingente transverse a lateribus, ossique alligante*. Sed magis mirum est, non aliud existimasse Casserium ipsum (i), qui certe quidem in

b8-

(o) Tab. 26. Fig. 7. (p) loc. cit. (q) Anatom. du corps hum. Trait. 4. ch. 16. (r) Epist. 7. n. 1.  
 (s) Pentæsth. l. 4. Sect. 1. c. xi. & 10. (t) Ibid. Sect. 3. c. 9. (u) De Audit. Part. 1. c. 3. n. 6.  
 (x) l. cit. c. 12. (y) Ibid. (z) Exam. Obs. Fallopp. (a) c. cit. n. 4. (b) Tab. & Tabella cit.  
 (c) De Nerv. Opt. Epist. 1. (d) Anatom. l. 1. c. 5. (e) loc. cit. (f) in Procem. Galen. de Offib. comm. 4.  
 (g) De Anat. corp. hum. l. 2. c. 2. (h) De Aure Part. 1. c. 5. (i) loc. cit. c. xi.



bestiis non ligamentum, sed musculi *tendinem* esse, sciebat, neque aliud Cortesium (*k*), qui tamen Varolii libros ediderat, cum eum ex homine tendinem pro *ligamento quodam tenui* delinearet, ut de Schellhammero (*l*) erudito alioqui Anatomico, & de alio quoque in hac tanta Anatomies luce Viro summi nominis fileamus, præsertim cum hic ipsum antea musculum agnoverit; quamvis *Incudis* esse, dixerit, lapsus, ut videtur, vocabulo (nam id sane alteri quoque post eum accidit Doctissimo Viro) nisi forte cum illis fecit qui ejus musculi finem non ad Stapedis capitulum modo, sed & ad Incudem, aut ad utriusque juncturam extenderunt, quo in numero ipsum vidimus fuisse Varolium (*m*), ut ante ipsum fortasse fuerant Ingrassias, (*n*) & Vidijs (*o*), qui cum ejus tendinis, quantumvis non agniti, ope *Stapedem cum altero crure incudis conjungi*, docuit, aut certe docuisse videri potuit, prævit nimirum Vieussenio (*p*) eundem tendinem affirmanti in tenuissimam explicari membranam quæ undique capitulum Stapedis, proximum Incudis extremum, & interjectum utrique ossiculum ita complectatur, ut trium horum ossiculorum juncturam confirmet. Verum etsi non facile negaverim, partem aliquam ejus tendinis se se expandere, & sic demum addi membranulis hanc juncturam continentibus; ipsum tamen video se infigere posteriori lateri cervicis Stapedis sic ut aliquando eo in loco protuberare cervicem in exiguum osseum processum (non in peculiare ac sejunctum ossiculum, quod aliqui, ab ejusmodi etiam processu fortasse decepti, ad eundem locum ponunt) conspexerim, nimirum ut pleraque ossa qua infixos tendines excipiunt, ab ossæctis horum extremis fibris, non sine motuum utilitate solent prominere. Nec vero unquam accidit mihi plurimis in auribus tum recentibus, tum siccatis illam de qua modo dictum est, distrahenti dissolventique juncturam, ut tendinem propterea ab illo in quem inferitur, loco simul divellerem.

44. Cæterum musculus ipse, licet in cadavere maxime idoneo, hoc est musculis passim valde rubentibus prædito, non ita sane rubicundus occurrerit; tamen nec usque adeo exilis, ut Vieussenius (*q*) delineat, nec ibi locatus ubi idem significat (*r*), a me quidem inveniri solet. Imo nec fieri posse video ut eo in loco inveniat. „Claudi enim, ait, „pene totum, intra sinum osseum, qui est inter „fenestram ovalem, & portam labyrinthi, hoc est Fenestram Rotundam: hic autem interjectus Fenestris locus nobiliora continet, quam ut ei muneri possit addici. Est ergo is sinus non in eo tympani pariete insculptus qui inter Fenestram utramque Tympano est, ac Labyrintho communis, sed in eo qui magis ad posteriora Tympani pertinet, Falloppiano Aquæductui proximus. Extraque hunc parietem persæpe extrema parte intra cavum Tympani prominet, nonnunquam adeo producit, ut tendinem ossea theca proxime Stapedem prosequatur. Semper vero, quantum mihi adhuc videre datum est, eo usque, quantumvis oblique, ascendit, ut emissio denique osseo ex osculo, tanquam ex trochlea, tendini antrorsum deflectendum, & simul nonnihil oblique descendendum, aut certe non ascendendum sit, ut in cervicem prope capitulum, quod ima Stapedis in sua sede positi particula est, inferatur. Cæterum cum Valsalvæ quoque Iconismi (*s*) non ascendentem, sed descendentem ostendant; haud satis scio, cur descriptio, & respondens descriptioni usus ab Iconismis discrepent. Mihi quidem (quod bona cum venia eorum qui secus existimant, dixerò; stant enim pro utraque parte Præstantissimi Viri) hoc musculo ut ad posteriora certe, sic potius oblique sursum, quam deorsum cieri Stapes videtur. Idem autem esse ac si simul dicerem, potius oblique introrsum quam extrorsum, ex iis intelligis quæ alias (*t*) cum de tympani situ verba

facerem, de Stapedis positu inter verticalem & horizontalem medio cum Valsalva constitui: itaque eandem Stapedis faciem quæ exterior, superiorem; illam vero quæ interior, passim inferiorem vocavi. Utramque enim appellationem, tympano secundum naturalem situm locato, veram invenire solitus sum. Quo fit, ut quemadmodum Casserio (*u*) assentiri non possum singularum Stapedis partium situm ea ratione describenti, ut universum jacere secundum horizontem intelligamus, ita Viris Celeberrimis, Solertissimisque idem hac tempestate docentibus nequeam adstipulari. Quin etiam hoc addo: Stapedem vel secundum latitudinem spectatum, oblique positum esse; quippe qui cum Ovalis Fenestræ situm sequatur, a posteriore latere humilior mihi apparet, quam ab anteriore.

45. Sed de Ossiculorum positu, deque ea moventibus musculis satis dictum est. Quod si omnia colligas; illud non spernenda conjectura perspicias, nisi cunctorum, at plurium, at certiorum, at saltem maximi & robustissimi omnium, quem Majorem Mallei musculum dicimus, huc vires spectare, ut Ossicula, annexasque Ossiculis Membranam Tympani, & Membranulam Fenestræ Ovalis retroagendo, utramque simul magis contendat, ideoque exilium sonorum agitationibus excipiendis, traducendisque aptiorem efficiant; nam si iisdem Membranis a madore nimio laxatis, illico, ut in Membrana Tympani animadvertit Præcl. Winslowius (*x*), audiendi facultas hebescit; vicissim quo magis illæ tenduntur, hanc acui necesse est. Sicuti autem hinc patet, quod naturæ consilium & scopus fuerit in hac musculorum dispositione; ita si de Stapedis musculo speciatim quæras, cur manifestissime suum ossiculum posteriora versus trahat; cum iis fortasse consentiam qui id fieri credunt, ut spatium inter oppositum anterius hujus basis extremum, eique proximam oram Fenestræ Ovalis interjectum, nonnihil augeatur: causamque hanc addam, ut quæ pars Fenestræ e directo magis venientibus sonis respondet, ea pro re nata minus impedita sit osseo memoratæ basis obstaculo, ibidemque Membranula qua spatium occluditur, dum basim sequitur ad posterius extremum retractam, eodem tempore, eademque opera, & ob eandem quæ dicta est, utilitatem magis magisque contendatur. Præclare autem Molinettus (*y*) varios pro vario sonorum apulsu, interiorum aurium musculorum motus cum variis *ciliarium ligamentorum in oculo* motibus pro varia luminis vi nobis affulgentis, comparavit: quam comparisonem video suam fecisse Doctissimos Viros; ipse vero hætenus probo, ut quemadmodum varios utrobique, se intendentibus aut laxantibus musculis, motus contingere, & insciis quidem nobis, agnosco, ita eos nulli unquam voluntatis imperio obnoxios esse, diffitear. Neque enim secus ac pro varia rerum oculis objectarum distantia, has optime perspicere cupientes, multo aliter oculi interiora, inscii quidem, sed tamen volentes, disponimus, quam si perspicere nollemus; auris quoque interiora pro ut libitum est, longe alia ratione ab iis disponi crediderim qui immanes molestosque sonos averfantur, quam qui dedita opera se comparant ad eos sonos excipiendos qui suase possent exilitate, aut quadam etiam hebetudine auris, subducere. Quod si musculorum, & ejus quoque agunt, modi ignoratio non eos parere voluntatis nutibus significaret; qui tandem musculi apud vulgus indoctorum sub voluntatis imperio relinquerentur? Satis est igitur, si, usu magistro, non ignoremus, quid eorum motus consequatur, idque illico, ut visum fuerit, efficere, aut non efficere possimus.

46. Restat ut de Ossiculorum periosteo, variaque post ortum magnitudine, & soliditate pauca subjiciam. Jam primum in eo assentiri his cogor qui a Valsalva dissentiant, quod periosteo quatuor Ossicu-

la

(*k*) Miscell. Med. Dec. 3. c. 10. Fig. 12. litt. N. (*l*) loc. cit.

(*p*) Traité de l'Oreille Part. 2. ch. 4. (*q*) Planch. 2. Fig. 2.

(*e*) Epist. 5. n. 22. (*u*) loc. cit. c. 21. (*x*) Expos. Anatom. Traité de la Teste n. 415.

(*m*) (*n*) (*o*) locis cit.

(*r*) loc. cit. (*s*) Tab. 10. Fig. 1. & 2.

(*y*) Diss. Anat. l. 4. c. 9.



la vestiuntur. Nihil enim mihi facilius est quam recenti aure aperta, oculis præsertim quocunque vitri adjumento instructis, ab humidis adhuc Officulis manifestissimam membranam qua convestiuntur, acu attollere atque detrahare: neque enim arctius hæret, sed acum facile sequendo, ab Officulis nullo negotio separatur. Per eam autem repunt sanguifera vascula, nulla præcedente anatomica præparatione, idoneis in subjectis conspicua. Estque ea membrana procul dubio membranæ illi continuata, qua sæpius commemoravimus tympani parietes amiciri. Ab his enim, ut diximus, evidentissime profecta, & per Incudis brevior processum, perque inferiorem Stapedis faciem extensa, inde porro in omnem Officulorum superficiem ita pergit, ut ligamenta etiam conficiat quibus Officula, ut Valsalio atque aliis jam diu Anatomicis cognitum fuit, inter se copulantur. Ille enim (z) Malleum, & Incudem scripsit tenuissimarum membranarum interventu committi, sive ligamenti mutuo hære; Columbus autem (a) cum peculiare officulum inter Incudem & Stapedem interjectum esse, ignoraret, crus alterum illius in hunc immitti, & in membranula ibi assistente detineri ac stabiliri, proposuit. Sed non eam tantum membranulam, verum etiam prætenuem adeo ut meos, non prorsus hebetes, effugerit oculos, cartilaginem vidit Incudi & Malleo interpositam, siquidem ista officula, ubi articulata sunt, cartilagine incrustari, docuit. Quæ Fallopius (b) omnia confirmavit his verbis, quibus ad Stapedis quoque juncturam cartilaginem ponere ipse quidem non dubitavit. *Extrema*, inquit, *horum trium ossium, quibus in articulum coagmentantur, cartilagine, uti dixi, illita sunt, ac mollibus quibusdam membranulis ligamenti vice colligantur.* Supra autem diserte scripserat, tria ea officula esse --- inter se duobus articulis compacta, in quibus incrustatio cartilaginosa eadem adest, quæ in reliquis articulis generibus reperitur.

47. Cæterum ut ea quæ dixi, ligamenta conficere, vascula sanguifera invehere, sentiendi facultatem præbere, aliasque ejusmodi vulgatas periostei utilitates ipsi quoque Officulorum periosteo adscribendas esse, non dubito; sic quomodo illa convenire possit, non video, ut muscoli facilius super ossa excurrant, nec horum duritie & asperitate lædantur: qui usus ut alibi locum habeat, hic certe non habet, proptereaque a quodam ingenioso alioquin Auctore in universum periosteo unus assignari non debuerat. Sed & hic fortasse cum iis faciebat, qui officula hæc quatuor & nuda esse, & esse oportere, contenderunt. Quo in loco animadverti potest, quam parum sit in anatomicis rebus Scriptorum cogitatis & rationibus tribuendum. Cum enim Fabricius ab Aquapendente (c), Cafferius (d), Spiegelius (e), Veslingius (f), Bauhinus (g), Riolanus (h), Bartolus (i), Schelhammerus (k), atque alii passim doctissimi Viri periosteum hisce officulis deesse, traderent; plerique eorum in medium rationes proferebant, cur deesse oporteret, quippe incommodum, ut censebant, illorum usui, aut certe superfluum futurum. Ipsum vero minime deest: cogitatis autem illis atque rationibus (quod Cl. quoque Io. Henr. Grætzium (l), & Io. Andreæ Schmidium (m) ostendisse video) veritas deest. Neque enim Officula agunt resonando: & aeri per Eustachianam Tubam advenienti exposita sunt: & nihil prohibet quo minus erodi queant; certe Præcl. Bibliothecæ Anatomicæ Collectores (n) Malleum viderunt erosum, Cassebohmius (o), & Valsalva (p) Incudem. Qui in periosteo tamen hic negando, non tam omnibus qui ante se scripserant; si Cel. Ruyschium (q) demas, cujus ipsi pleraque Scripta eo tempore non lecta scio; quam observationibus credidit

fuis quas in resiccatis fortasse Officulis habuerat: siquidem ne in adultis insuper cum Vieussenio (r) dicam, meæ prohibent observationes, in adultis ipsis non difficile, sed facillime peractæ. Eademque prohibent ne in Figura illa qua primum Anatomicis representata sunt officula hæc periostio munita, ipsa censeam in situ naturali proposita; ad hunc enim, & ad veram quoque singulorum Officulorum formam Valsalvæ delineationes accedere propius, video.

48. At in eo vicissim quod Officula dicuntur in recens natis magnitudinem quam habent in adultis hominibus, non æquare quidem, sed fere æquare, assentiar adversus Valsalvam necesse est, si meis velim ipse oculis fidem habere. Etsi enim scio, idem quod Valsalva, scripsisse Fallopius (f), Coiterum (t), Arantium (u), Varolium (x), Laurentium (y), Fabricium (z), Cafferium (a), Bauhinum (b), Riolanum (c); tamen; ut solertissimorum Virorum Veslingii (d), Verneyi (e), Ruyschii (f), Vieussenii (g) discrepantes observationes omittam; ego certe infantum recens in lucem editorum, & præsertim nuper unius qui nono exacto jam mense, iustaque, aut majori potius magnitudine præditus, inter nascendum mortuus erat, Officula cum adultorum Officulis conferens, illa his procul dubio paulo minora, & graciliora deprehendi. Itaque malim Valsalvam, nonnullosque alios (omnes enim haud licet) sic interpretari, ut de Infante quidem, sed non recens nato, locutos esse, credamus. Id ni placeat; aut memoria fretos sua, æstimatione magis quam comparatione usos censebis, aut si comparatione, in magna illos recens natorum, in parva adultorum Officula, quæ inter se conferrent, incidisse: quod ut ego effugerem; illa cum adultorum plurium Officulis comparavi. Etsi vero id quod dixi, in Malleo magis atque Incude animadverti, quam in Stapede, & Officulo Orbiculari; tamen in his ossibus duobus contigit ut majores ac crebriores in fœtu quam in adulto varietates conspicerem. Nam Orbiculare, in duobus maturis fœtibus inspectum, in altero vix minus quam in adultis, in altero, manifesto minus deprehendi. Ex quatuor autem fœtibus, quorum duo maturi, totidem maturitati proximi erant, singulos ex singulis desumptos Stapedes cum inter se, & cum pluribus adultorum conferrem; vehementer sum miratus, cum duo iusta fere essent magnitudine, reliquorum alterum multo omnium adultorum brevissimum, alterum arctissimum fuisse; hicque ex illo erat fœtu quem in partu objisse, commemoravi. Brevissimus autem, inter basim & crassissima crura foramen comprehendebat quale nullo in Stapede adhuc vidi, circuli forma. Cæterum aliqui; non omnes; cervicem breviorē; omnes, uno dempto in quo insigne erat curvatis crurum discrimen, crura utraque eodem fere ductu ostendebant; ut ego ob id quoque dubius hæream de causis, Officulorum curvatem efficientibus, ingeniose alioqui a Viro Cl. excogitatis. Namque insuper posterioris cruris Stapedis curvitas non illuc cavum obvertit suum quo sine controversia musculus trahit, sed antrorsum: Majoris autem Processus Mallei, & Longioris Cruris Incudis curvitates non introrsum, ut ponitur, ambæ spectant, sed hæc introrsum, illa extrorsum; ut ambæ pariter repeti non posse a causis introrsum trahentibus videantur. Verum ad memoratos a nobis Stapedes redeamus. Eorum duo foramen ab inferiore facie brevius, sed minus breve, quam in adulto: reliqui nullo modo brevius, aut certe vix brevius conspiciendum præbebant. Sed ne unus quidem fuit in quo ejus foraminis oræ quæ cervici erant proximæ, non in arcus modum apparerent; ut probare Cafferium nequeam, pueri Sta-

(z) De corp. hum. fab. l. 1. c. 8. & Exam. Obs. Fallopp. (a) De Re Anat. l. 1. c. 7. (b) Obs. Anat.  
(c) De Aure P. 1. c. 5. (d) Pentæsthes. l. 4. S. 1. c. 31. (e) De hum. corp. fabr. l. 2. c. 9.  
(f) Syntagm. Anat. c. 16. (g) Theatr. Anat. l. 3. c. 45. (h) Comment. in Galen. de Offib. c. 9.  
(i) Del Suono tr. 4. c. 8. (k) De Audit. P. 3. c. 4. nu. 13. (l) Epist. ad Ruysch. Probl. 8.  
(m) Dissert. de Perioft. Officul. Audit. (n) Part. 3. in Adnot. ad Verney. de Audit. Org. (o) De Aure hum. tr. 4. n. 145.  
(p) c. 5. n. 5. (q) Resp. ad cit. Epist. 8. & Thef. Anat. 2. Aff. 6. n. 4. & Thef. 3. n. 36. (r) Traité de l'Oreille P. 2. ch. 2.  
(s) Obs. Anat. (t) De Audit. Instrum. c. 9. (u) Anat. Obs. c. 17. (x) Anatom. l. 1. c. 6.  
(y) Hist. Anat. hum. corp. l. 11. c. 13. (z) loc. cit. & P. 3. c. 5. (a) (b) (c) locis cit. (d) Synt. cit. c. 8.  
(e) De Audit. Org. P. 1. (f) Explic. Fig. 3. Epist. 8. (g) P. cit. ch. 3.



Stapedes, infantisque trianguli forma delineantem ( *b* ).

49. Nec vero probare magis possum Riolanum ( *i* ), Bauhino, atque adeo Casserio ( *k* ) negantem, cava in recens natis Officula esse. Mihi certe ejus de quo semel iterumque paulo ante dictum est, novimestris, & in partu mortui fœtus caput quidem Mallei, corpus autem Incudis frangenti parvæ intra illud paucæque subrubentes cavernulæ, in hoc vero sub crasso osseo cortice magnum intus cavum se obtulit rubris cellulis in parte impeditum, aspectuque tum etiam ( nam reliccata jam erant omnia ) sanguinolentum. Quarum rerum nihil omnino supererat iisdem in partibus ex adulto homine sumptis, ad eundemque modum diffractis; sed plena omnia penitus ossea substantia, neque ullo modo rubente. Quod nisi Coiterus ( *l* ), nec sane de infantibus verba faciens, esset Columbo assensus, Casseriusque ( *m* ) diserte scripsisset, Officula sibi in adultis cava sæpissime reperta; fuscipatus fortasse effem, tenelli infantis Officula fregisse Columbum, in iis cavernulas, quamvis exiguas, agnoscentem ( *n* ), docentemque, intus spongiosa esse, imo & medullam pro magnitudinis proportionem continere. Ut ut est; id si unquam accidit, sane haud ita crebro accidit, ut Vesalium ab ipso reprehendi oportuisset, quasi nunquam vidisset quod affirmaverat, sed quod officula hæc minima sint, ideo illa more suo solida esse, affirmasset; nam quod sæpissime se contra

invenisse, scribit Casserius, id nunquam ego ad hoc tempus, neque adeo; ut cæteros omittam; is qui in recens natis optime viderat; Diligentissimus Cassebohmus ( *o* ) invenit. Quod autem subjecit Columbus, se Stapedem tamen propter nimiam sui tenuitatem solidum omnino existimare; id vero nonnihil mihi dubium aliquando fuit propterea quia cum ejus cervicem in adulto secundum longitudinem frangerem, nescio quid est visa spongiosi, nec tamen rubri, continere; etsi ex fœtu Stapedem affervo in cujus cervicis altera facie non ita exile foraminulum patet, ad vas, ut videtur, sanguiferum admittendum. At Stapedum cruscula, quamvis ob summam tenuitatem fere perlucida, sive & ipsa jam siccata, sive, ut in recenti sunt aure, humida ac sublivida, simplici vitro instructis oculis perlustrarem, ne porosa quidem videre potui.

50. Quæ cum ita sint; meas, & Valsalvæ observationes intelligis satis in plerisque horum inter se convenire. Quod reliquum est; in ejus schedis illud huc pertinens invenio: cum secaret catulum quarto ex quo natus fuerat, die; intra pellucidam gelatinam, omne tympani cavum implentem, Officula deprehendisse exacte quidem conformata, sed membranaceam adhuc molliem servantia. De Fenestris autem etsi nihil in iisdem schedis occurrat; tamen, ne præcipui quidquam quod ad Tympanum quidem attineat, omittamus, ab iis Epistolæ proximæ initium ducemus. Vale.

## EPISTOLA ANATOMICA VII.

*Ad cætera attinet quæ cap. 2. Tract. de Aure Hum. deinceps scribuntur, de Fenestra Ovali, & Rotunda, Tuba Eustachiana, & Tympani Vasis, ac Nervis.*

Nunc illud sequitur, ut Valsalvæ ordinem conservans, de Ovali, Rotundaque Fenestra, deque cæteris quæ ad tympanum attinent, scribam. Utramque Fenestram primum a Falloppio nostro ( *a* ) memoratam, descriptamque video: nec mirum quod cum Anatomici Labyrinthum, aditus quoque in Labyrinthum ignorarent. Illud mirum quod cum Rotundam ipse Fenestram nullo, ut Ovalem, osse claudi, recte docuisset; qui secuti sunt Anatomici, nulla ossis mentione facta, passim ita apertam esse, tradiderint, ut saltem membrana occludi ignorare viderentur. Quod si Vidii Scripta non tam longo post ejus obitum intervallo vulgata essent; multo ante Casserium verum intelligi potuisset. Nam quod hic docuit ( *b* ), membrana, labyrinthum vestiente, utramque obscurari Fenestram, idem, quamvis aliquanto aliter, in libris Vidii ( *c* ) invenitur, hoc est Ovalem Fenestram tenuissima Membrana claudi ambiente universum tympanum; claudi autem ( fortasse etiam scripsit ) abasi Stapedis: Rotundam Fenestram esse eadem membrana obductam. In eo autem in quo dissentiant, utrumque autumo verum scripsisse. Certe idem quod Vidius, tradiderunt denique hac tempestate de Ovalis Fenestræ membrana Drakius ( *d* ), de Rotundæ Vieussenius ( *e* ). Hic tamen ubi de Stapedis, itemque de hujus musculi usibus verba fecit ( *f* ), in Ovalis quidem Fenestræ membrana non Vidio rantum, sed Casserio quoque videtur esse astipulatus. In utriusque autem Fenestræ membrana, ut cum Vidio Præcl. Cassebohmium ( *g* ), sic cum Vidio simul & Casserio Cel. Winslowium ( *h* ) facientem invenies. Ego ut membranam, tympani parietes convestientem, cum his in utramque Fenestram se inflectere, eoque se immittere, acu autem ex vicinia sublatam, quod recenti in aure expertus sum, una

sequi ipsam Rotundæ Fenestræ membranam, video; sic ubi Vestibulum intropicio contra Ovalem Fenestram apertum, inhærentemque in hac basim Stapedis, in siccatis quidem, sed recentibus adhuc auribus, in eandem ac ferme continentem cum Vestibulo superficiem exæquari, ac quodammodo produci, conspicio, aut eodem saltem quo proxima Vestibuli facies, peculiari albo sæpe ac fere argenteo colore, eodemque habitu præditam cerno; difficile inducere in animum queo, non eadem esse cum proximo Vestibulo membrana obductam.

2. Fenestras ut primus descripsit Falloppius, sic princeps, quod sciam ( Eustachii tamen Figuris, quarum hic æquo longior, & fortasse ambigua esset interpretatio, sepolitis ) princeps, inquam, depinxit Vidius ( *i* ); quamvis antequam hujus Figura prodiret, Felicis Plateri ( *k* ), Salomonis Alberti ( *l* ), Hieronymi Fabricii ( *m* ), Julii Casserii ( *n* ), & aliorum fortasse, delineationes vulgatæ sunt. In quarum plerasque omnes, ne Casserianis quidem exceptis, etsi non leves errores inciderint modo in situ, interdum in proportionem, alias in forma Fenestrarum; in nonnullis tamen, quod ad formam attinet, quædam invenio quæ frustra in multis aliis, etiam recentioribus, perquiras. Nam quod ego in pluribus, ne dicam in plerisque, auribus continenter inspectis animadverteram, Rotundam Fenestram ad trianguli magis cujus vertex sit ad superiora conversus, quam ad circuli figuram accedere, id olim a Fabricio nostro ( *o* ) expressum video. Alteram autem Fenestram, cujus Falloppius ( *p* ) figuram ovalem penitus esse, dixerat, Vesalius ( *q* ) deinde ante omnes docuit esse latere potissimum posteriori, quod videlicet ob parietis obliquitatem inferius etiam vocitamus, compressam: quo fit ut ab eodem latere compressiorem in basi quoque huc inserta Stapedis conspiciamus,

( *b* ) l. cit. Tab. 10. Fig. 1. & 2. ( *i* ) Animadversion. in pag. 435. Theatri Anat. Bauhin. ( *k* ) l. cit. Sect. 1. c. xi.  
 ( *l* ) De Audit. Instrum. c. 9. ( *m* ) c. cit. ( *n* ) De Re Anat. l. 1. c. 7. ( *o* ) Disp. de Aure Int. n. 23. & De Aure hum.  
 Tract. 4. n. 140. ( *a* ) Obs. Anat. ( *b* ) Pentæsthes. l. 4. Sect. 1. c. 10. ( *c* ) De Anat. corp. hum. l. 7. c. 5.  
 ( *d* ) Anthropol. book 3. ch. 12. ( *e* ) Traité de l'Oreille Part. 2. ch. 2. ( *f* ) Ibid. ch. 3. ch. 4.  
 ( *g* ) Disp. de Aure Int. n. 49. ( *h* ) Expos. Anat. Traité de la Tesle n. 396. & 404. ( *i* ) Oper. cit. l. 2. Tab. 5. Fig. 5.  
 ( *k* ) De corp. hum. struct. l. 3. Tab. 7. Fig. 4. ( *l* ) Hist. plerarumq. Part. hum. corp. ( *m* ) De Aure Fig. 19.  
 ( *n* ) l. cit. Tab. 10. Fig. 3. & 4. ( *o* ) Fig. cit. ( *p* ) loc. cit. ( *q* ) Exam. Obs. Fallopp.



mus, minorem tamen quam in Fenestra, ut quæ id latus manifestius habet, quam Stapedis basis, incurvum. Id vero in ejusdem Fenestræ delineatione Platerus (r) primum, denique etiam Valsalva (f) præclare uterque, nisi quod paulo magis æquo, repræsentarunt.

3. Cæterum sunt hoc tempore Doctissimi Viri qui Fenestram Ovalem ajant, rectius cum infundibulo, vel hujus formæ calice comparari. Namque admodum alto sinui, inquit, superius ampliori, at inferius arctiori stapes inhæret, & super infimum, propriæque sic dictum ovale foramen erigitur, ut ita integer fere recipiatur intra sinum, condaturque. Verum illud primum naturalis tympani indicat situs non *super infimum* Ovale foramen Stapedem erigi, neque sinui *superius ampliori, inferius arctiori inhære*, sed contra a summo potius Ovali foramine sua cruscula demittere in sinum superius arctiorem, inferius ampliorem. Deinde quod *proprie sic dici ovale foramen*, consentitur, id unum Fenestræ Ovalis nomine ab Inventore Falloppio esse designatum, hinc intelligitur quod in descriptione ipsam dixerat, non Stapedem continere, sed *Stapedis basi claudi*: quod eam formam tribuerat: quod denique id nominis dedit. Nam quod ajunt, *dixisse in tympano elatam esse, ossique insinuari; at rotundam humiliores esse, & extuberare*; neutrum adhuc invenio, hoc est ubi *ossi insinuari illam*, ubi *extuberare hanc*, dixerit: quamquam recte utrumque dicere poterat, & intelligere; certe hoc alterum Vesalius (t) dixit, alterum indicavit; utrumque Cæsserius (u) iisdem fere quæ modo producta sunt, verbis proposuit. Attamen ut nemini obsto, multoque minus Præstantissimis Viris, ne hac in re quos malint, sequantur; ita, quod ad me attinet, cum Inventor summum ipsum foramen designaverit, & cum ovali, hoc est elliptica, fenestra sic satis recte comparaverit; profecto non video cur eum quoque sinum qui aditus potius ad Fenestram, quam Fenestra ipsa est, insuper addere, & in unum ita conjungere mihi liceat, ut comparisonem, appellationemque illam primam redarguam, ac novam quæram potissimum ab *infundibulo, vel hujus formæ calice*, quocum sinus haud satis convenit cujus oræ non circumcirca inter se æquales sunt, sed præsertim ad inferiorem eandemque posteriorem partem non parum deficient. Huc illud accedit, sinum istum prætermisum consulto, ut opinor, fuisse a Falloppio, ut pote jam notum cum peculiarem suam Fenestræ addidit observationem. Jam enim Columbus (x) Stapedem *jacere*, scripserat, *vel latitare potius in cavernula quadam formæ rotunda intra tympanum exculpta*. Et sane propemodum latitat (quam causam etiam fuisse existimo, cur inventis Malleo, & Incude, non continuo Stapes inveniretur) præsertim ubi in recenti aure & ipse, & sinus parietes, atque oræ suis singula mollibus, humidis, ac sanguiferis vasculis refertis membranulis obducuntur, unde sinus angustia, & orarum extuberantia tunc quoque apparent majores. Sed quod Columbus omisit, illud Falloppius adjecit, sinus elatiorem partem esse pertusam foramine, quod foramen qua esset forma, qua re clausum, quo, si hæc auferretur, pateret, edocuit. Hæc, credo, aut harum similes causæ plerosque Anatomicos impulerunt, ut nihil in Falloppiana comparatione, & appellatione mutarent ne tum quidem cum Schelhammerus (y) non modo Stapedem *basi sua*, scripsit, *ovali foramini, fenestræ dicto, perpetuo inhære*, imo totum potius ipsi *immergi*, sed & *sepe in ipso totum abscondi*: & *Utrumque foramen*, inquit, *fenestram appellant Anatomici, hoc ovalem, illud rotundam*: quo jure videant ipsi. Certe nihilominus Vieussenius (z) cum sinum in quo Stapes conditur, descripsisset; non hunc, sed, parum circa ipsius medium occurrens figuræ ovalis foramen, pro Fenestra Ovali diserte accepit.

4. Sed vicissim alia in Vieussenio desidero, partim.

Morgagni Epistolæ Anatomicæ.

aliis quoque communia, partim ipsius peculiaria. In illis, ut obliquum, de quo in superiore Epistola (a) indicatum est, Ovalis Fenestræ positum non omisit, quam ego quidem posteriore extremo paulo humiliorem; anteriore altiore esse, adnotavi: aut saltem ut ejusdem situs varietatem non neglexisset, quippe quem Solertissimus Cassebohmius (b) *modo obliquum magis, modo magis transversalem* proponit: aut denique ut delineatum, opinor, a Folio (c), a Verneyo (d) autem certe descriptum, *tenuem extantem limbum* commemorasset, quem ab exteriori Fenestræ ejusdem facie conspicies, ipsam circumcirca cingentem. Hunc neque Cel. Winslowius (e) prætermisit, & laudatus Cassebohmius (f) fortasse *fulci levis* nomine in parte designavit, cui *intruditur basis Stapedis, eique tenuis membranae interventu hoc foramen claudens circumaqueque adhaeret*: tu vero unum fulcum ad omnem limbi ambitum exteriorem perspicies, alterum in ipsa limbi ora, etiam ad posteriorem, non modo ad anteriorem Fenestræ extremitatem, ad quam dumtaxat contrahere videtur curis secundis (g); ubi & eandem extremitatem *sepe aliquantum superiorem*. & *majorem esse*, docet, *quam posteriorem*: ego, ut paulo ante dictum, superiorem inveni, quotiescunque rem diligentius exquisivi; majorem vero non hanc plerumque, sed posteriorem extremitatem conspexi. Illud autem peculiariter in Vieussenio desidero, ut quod de Rotunda Fenestra addidit (h), cura vel majori expendisset. Res enim est longe gravioris momenti, & in qua una siquis a Valsalva, atque adeo a vero diffideat, in aliis quoque dissentiat, necesse est: quod ibi accidit Vieussenio. Ait enim, Rotundam Fenestram, respicere secundum rectam lineam a superiore loco inferiorem; ideoque hoc addit: esse eandem, tanquam portam per quam transeant sonorum corporum impressiones, ut ad percellendum eant immediatum auditus organum, proptereaque se illi nomen esse daturum *Portæ Labyrinthi*. Quæ recte omnia fortasse faceret, si illud primum verum esset unde cætera consequuntur. Atqui nihil certius, nihil evidentius est, quam Rotundam Fenestram non recta deorsum, neque contra Tympani Membranam, venientesque sonos, ut Ovale, esse conversam, sed posteriorem tympani spectare parietem. Quo etiam, opinor, factum est, ut olim Ingrassias (i), & postea Bartolus (k) cum sonos per Ovale Fenestram admitterent; *perculsi in labyrintho aeris per Rotundam fenestram exitum* dumtaxat agnoscerent, & *ad tympani cavitatem reversionem*, ac certe denique ut Valsalva (l) ad horum sententiam sua de Rotundæ Fenestræ usu, cogitata, alia quidem, sed proportionem tamen respondentia, accommodaret. Schelhammerus (m) autem etsi in opposita sententia erat, ut sonos omnes per Rotundam Fenestram induceret; tamen illo hujus, quem dixi, positu coactus est ad reflexiones confugere, & *ad novam in tympani parte postica cavitatem, ita efformatam, ut proxime adjacens cochleæ foramini, hoc est Fenestræ Rotundæ, exinde immediate sonum immittere in eam possit*. Quæ cavitas num in omnibus sit, num revera id possit, numve eadem sit quæ nunc a Viris Doctissimis *antrum* vocatur, Rotundæ Fenestræ *in tympano antepositum*, quod antrum in arcum abit, situmque est inter aquæductum, & minorem canalem semicircularem, alii viderint; sed ita intelligant *antepositum*, ut posterius tamen altiusque esse sciant, quam orificium Fenestræ est, & inter aquæductum, ipsamque, aut inter illum potius & majorem, quam inter illum & minorem canallem semicircularem inquirant. Sic enim saltem mihi notum in non paucis sinum conspicient, segmentum sæpius sphaericæ superficiæ referentem, seque ipsum (parum ut plurimum obstante una alterave fibra ossea quæ, ut ab Solertissimis Viris adnotatum est, persæpe se eo loco interjicit) in eum sinum in quo Ovalis Fenestra est, ita producentem, ut hunc ob eandem in parte causam negaverim Infundibuli formam habere. Cæterum

H

terum

(r) Fig. cit. (f) Tab. 8. Fig. 4. & 5. (s) Exam. cit. (u) c. cit. (x) De-Re-Anat. l. 1. c. 7.  
 (y) De Audit. P. 1. c. 3. n. 6. & c. 4. n. 3. (z) Traité de l'Oreille P. 2. ch. 1. (a) n. 43. (b) Disp. de Aure int. n. 24.  
 (c) In Bartholin. Epist. Med. Cent. 1. Epist. 63. Fig. 1. (d) De Audit. Organ. P. 1. (e) Expos. Anat. Traité des Os secs n. 505.  
 (f) loc. cit. (g) De Aure hum. Tract. 3. n. 94. (h) loc. cit. (i) In Proem. Gal. de Ossib. Comm. 4.  
 (k) Del Suono Tratt. 4. c. 8. (l) c. 6. n. 6. 7. 8. (m) De Audit. P. 3. c. 5. n. 9.



terum in illiusmodi concavitatibus, in posteriore eademque interiore tympani facie insculptis, multum variare naturam, animadverti. Sæpe enim illam vidi altiore majoremque cujus modo descriptionem proposui; alias minorem propter Ovalem; nonnunquam alteram, nec parvam, propter Rotundam Fenestram. Postremo quod Viri alii Clarissimi scribunt, *Fenestram Rotundam dimidia sui parte cochleam, altera vestibulum respicere*: itaque per hanc Fenestram haud secus ac per Ovalem, motus sonoros pariter communicari Zonis nervosis Vestibuli; ego nec quæ sint Zonæ Vestibuli, nec quæ positus similitudo utriusque Fenestræ, quæram, ad venientes excipiendos sonos: illud unum dicam, fuisse olim cum credi posset, Rotundam Fenestram in Vestibulum æque ac in Cochleam patere; ex quo vero bene exploratum Septum est quo Cochlea duas in Scalas dirimitur, facile constare, quid inter Fenestram illam, & Vestibulum interjiciatur tum ex libris Anatomicorum, tum ex propria cujusque, non resiccata, sed recentis auris inspectione.

5. Præter duo antiqua Foramina, Fenestras appellata, cum alia Valsalva animadverterit, non ea quidem in Labyrinthum, sed in cranii caveam a tympano pertinentia; hæc, ut nosti, usus est via ad multa, & varia tum secundum, tum præter naturam declaranda. Verum Drakius ( *n* ) postquam alias, scripsit, esse cavernulas quæ haud secus ac Mastoideæ, cum tympano communicent, quæque cerni possint ibi os temporum diffringendo ubi sua Valsalva Foramina collocavit; tum verba hæc addit: „ easdem „ ibi facere veluti Diploen ejus ossis, & irregulares „ esse Sinuositates. Valsalvam tradere, per injectionem ex Tuba Eustachiana ---- se vidisse humorem ire in caveam cranii, & hanc viam ipsum „ imaginari qua ichor, sanguis, aut alii ejusmodi „ humores ex ea cavea in tympanum transeant. „ Hæc Drakius, alique præterea qui Drakium sequuntur. Equidem cum assignatam tympano ab natura sedem attendo, ipsiusque asperam inæqualemque magna ex parte superficiem, nec tamen ad eundem; quod & alibi memoravi; in omnibus modum, ut in aliis cavernulas, & cellulas, in aliis cancellos, in aliis denticulos, eaque ipsa in aliis magis, in aliis minus repræsentet; neque illum ipsum sinum quem paulo ante cum segmento sphaericae superficiei comparavi, in omnibus similem, sed vel osseo quasi reticulo nonnunquam, quantumvis perraro, exasperatum ostendat; cum hæc, inquam, omnia, ac membranea præterea filamenta, & telas sæpe quidem, sed sine certa norma, per tympanum traducta conspicio; animum facile induco, ut cogitem, ipsam tympani caveam per se esse unam ex majoribus cellis ossis temporum, qua cella, ut pote ad Ossiculorum collocacionem non minus necessaria, quam hæc sint ad musculorum insertionem, & annexarum Membranarum tensionem, etsi peculiariter auditus causa natura utatur; in universum tamen ipsa quoque augeat & constet illa ossis temporum singularis quasi diploe, quæ tot alias, etiam non parvas, complectitur cellas, a me tibi alias ( *o* ) in Mastoide processu descriptas, præter cæteras longe minores quarum pars videtur per Antrum, sive Sinuositatem Mastoideam cum proximo tympano communicare, ipsiusque cavum augere. Harum producciones sunt quas memorat Drakius, parvulæ, & per intimam faciem ejus tympani parietis qui inter hoc & cranii cavum interjicitur, sic propagatæ, ut quantum in sex septemve continenter inspectis auribus deprehendi, nulla ejusmodi a parte tympani, quali a parte caveæ cranii perpetua lamina operiantur, quæ res id quod de natura *Cavitatis Tympani* cogito, non mediocriter confirmat. Quod & olim Anatomici videntur quadantenus indicavisse, ut Salomon Albertus ( *p* ), cum tympani *cavitatem scrupulosam, & multum habentem in se asperitatis*, ac plerasque ejus partes *cancelatis cavernulis atque recessibus plenas esse*, proposuit, ut Casserius ( *q* ) præsertim, qui tympani partem

*spongiosam & fungosam esse*, docuit, *sicuti etiam est mamillaris processus, in quem finitur*. Verum ut hæc omnia ultro agnoscam, atque adeo augeam; non tamen propterea satis intelligo, qui Valsalva credendus sit sua esse illa Foramina, aut illam viam imaginatus. Primum namque Valsalva ipse esse illa non negavit *versus superiora Sinuositatis Mastoideæ, nempe in illo ejusdem pariete, quo ipsa a cranii cavitate distinguitur*; imo quadantenus dubitavit, an peculiariter a Natura intendatur; cum varium eousque conspiceret eorundem Foraminum *situm, numerum, figuram, diametrum*; non quidem in diversis tantummodo; sed in uno etiam eodemque Subiecto. Deinde non semper, sed aliquando injectione illa opus habuit, ut ipsa conspiceret: sane & nobis sine ulla injectione pluribus in craniis ostendit, & nos pariter in totidem eo tempore per nos vidimus, quo tempore Tractatus de Aure Humana conscribebatur: ea omnia adultorum fuerunt: quod ideo diserte memoro quoniam ab nonnullis Clarissimis Viris scriptum video, hæc foramina *in adulto non amplius apparere*: qui tamen hoc ipsum curis secundis, ut quædam alia, nonnihil temperarunt, *rarissime in adulto observari*, tradentes. Novissime in eodem Tractatu duas protulit Observationes, quas qui attente legerit, difficile est illum contendere, viam istam qua pus & sanguis e cranii cavea in tympanum eorum hominum transierat, Valsalvam esse imaginatum. Accedit Pacchioni ( *r* ) confirmatio, scribentis: *per hæc eadem Foramina vidisse se, non aerem modo, sed & Tyberis aquam in homine demerso ( cui cranium nuperrime dissecuerat ) os inter, & duram meningem penetravisse*.

6. Ex iis autem craniis in quibus illa sua mihi Foramina, nec sane exigua, inter dissecandum monstravit Valsalva, fuisse memini quod una consecuimus, & inspeximus Civis Bononiensis, quem fortissima apoplexia illico interemptum, ejus Consanguineus, Anatomici non obscuri Caroli Fracassati fratris filius, a Valsalva petierat, ut ad morbi causam rimandam secaret. Is cum ante gravitate auditus laborasset; Valsalvæ hujus gravitatis causam conferre placebat in aquam intra cranium animadversam, cujus per ea Foramina in utrumque tympanum æquo major defluxus tendines musculorum, Membranamque Tympani laxando, gravem videlicet fecisset auditum, non secus atque surditates, in acutis morbis supervenientes, sæpe conjunctas invenisse se, aiebat, cum aqua utroque in tympano redundante: quo & illud pertinet quod postea, in medicina facienda, a se observatum narrabat: laboranti capitis gravitate, cum hæc solveretur, auditus hebetudinem accidere; hanc autem solvi, cum aqueæ guttæ, ægro caput inclinante, per os naresque destillarent. Quæ Valsalvæ cogitata, & observationes in mentem mihi redierunt, perraram illam, & sicut Cl. Fontenellius ( *s* ) censet, *fortasse inauditam* Carnutis juvenis historiam legenti, qui furdus mutusque natus, tum demum audire perfecte cœpit, paucisque interjectis mensibus, ut poterat, loqui, tum, inquam, cum sinistra ex aure quandam aquam emisit. Quid enim, si aquæ pars quidem per sinistram Tympani Membranam, pars vero, ut credere par est, per dexteram Eustachianam Tubam elapsa, in utrumque tympanum per Valsalvæ viam e cranii cavo erupisset, in quo dum subsisteret, non surditatem modo, sed & illam humido infantium cerebro communem ingenii, judiciiue imbecillitatem servasset, qua posita, minime id mirum accideret ( quod alioqui satis mirari non possumus ) ut nihil unquam de Deo, nihil de Animo, nihil de morte cogitasset homo tres fere & viginti annos natus, cæterisque externis sensibus præditus: nam quod natura non caruisse ingenio dicitur; id potius ex quo audire, & loqui cœpit, agnitum videtur fuisse quam antea, cum videlicet „ mere animalem vitam ducere „ ret, neque ex comparatione eorum quæ oculis „ percipiebat, ea omnia colligeret quæ potuisset videretur. „ Sed hoc oppido perrarum.

Illud

( *n* ) Anthropol. book 3. ch. 12.

( *o* ) Epist. V. n. 24.

( *p* ) Hist. plerarumq. Part. hum. corp.

( *q* ) Pentæsth. l. 4. Sect. 1. c. 10.

( *r* ) Dissert. Epist. ad Bonon. Academ.

( *s* ) Hist. de l'Acad. R. des Sc. A. 1703.



Illud minus, quod sanguis, aut ichor, ex ægrorum, aut ex mortuorum auribus prodiens, mihi revocat in memoriam. Scilicet ut potest per Valsalvæ Foramina e cranii cavea in tympanum profluxisse, ita posse nobis significare, ejusmodi humores intra cranium esse effusos, & eo quidem in latere cujus ex lateris aure prodeunt. Quæ conjectura, qualis ea cunque est, prudenter adhibita, cumque illa altera quæ VI. *Adversariis* ( *t* ) proposita est, quodcunque licebit, conjuncta, ei diagnosi pondus addet quam ad incognitam aliquando, hemiplexiam, sedemque ejus inquirendam, eodem loco indicavimus. Et quoniam ex tympani cavo longe certior, atque patentior per Tubam Eustachianam modo in sui lateris narem via est, modo, ut varius est capitis situs, in fauces atque os; propterea sanguinis, aut puris effluxus si in ejusmodi hominibus ex alterutra nare accidat; ad priorem illam conjecturam addi potest: sin autem per os; non continuo ex pulmone est, aut ex ventriculo repetendus, ut aliquando repeti audiavi in certis quibusdam hominibus repente mortuis; quando inventa a Valsalva Foramina posse docent e cranii etiam penetralibus provenisse. Quæ Foramina si Willisius novisset; haud aliam, opinor, quævisset viam ( *u* ) qua vel flavus latex ( quo demum retento profundiores cerebri anfractus redundantes conspexit ) vel limpida aqua, per nares distillans, vertigine, aut cephalæa vexatos levaret. Longe enim magis impedita est illa quam proposuit, via foraminum ethmoidæorum, quam hæc, penitus a Valsalva reiecta; nam in parte jam notam fuisse, indicant Cl. Viri, verba illa Stenonii ( *x* ) repetentes: „no-  
„va opinio non est, quod in quibusdam febribus ce-  
„rebrum per illum evacuetur canalem, qui ab auri-  
„bus ad nares usque protenditur. „

7. Hic fortasse dices cum iisdem, aliisque Doctissimis Viris: quid ergo? nonne & istis Valsalvæ Foraminibus, non secus ac ethmoidæis, Dura meninx *densissima* superinducitur, & *firmiter annectitur*? Sane & ipsa superinducitur, & circum cohæret, & aliæ præterea subtendi membranulæ videntur, soboles videlicet membranæ, tympani parietes convestientis, seque in eas quas diximus, cellulas conjicientis. Attamen quæ ethmoidæis foraminibus tum super, tum subtus adjiciuntur, membranæ & multo firmitus cohærent, & in parte crassiores sunt, & quod caput est, ea ipsa foramina sunt ex instituto naturæ ita meningibus, nerveis fibris, vasculisque sanguiferis obstructa ut experimentis constet, ne in viventibus quidem transmittere quidquam. Contra ubi humor viam sibi fecerit ad Valsalvæ Foramina; nihil tale occurrit, aut certe in omnibus non occurrit quo ipsa penitus obstruantur; membranulæque illæ quas veri studium a nobis dissimulari non est passum, quamvis per cellulas subtendantur, ea tamen sunt tenuitate, ut difficile possint humoris ponderi, ipsumque impellentibus causis diutius resistere. Impellentes autem causas alias communes pono, alias peculiares. Peculiares quidem, ut puta cum, percussio cranio, aliquis ex iis arteriosis ramis qui per convexam Duræ meningis faciem prominent, eodem ictu, ejusdemve fracturæ vi, ut pote fracto adhærens cranio, disruptus fuerit. Tunc enim in proximum divulsæ eadem vi a cranio meningis interstitium sanguis ab arteria compulsum, meningem divellere porro perget eo facilius, quod membranas ossibus adhærentes multo proclivius est in viventibus, cum humida & calida sunt adhuc omnia, ab ossibus avellere, quam refrigeratis siccatisque jam partibus. Hæc igitur vis urgentis a tergo arteriosi sanguinis cum demum per Valsalvæ Foramina ad subtensas illas membranulas pervenerit; quam facile eas possit disrumpere, apparet. Communem autem causam voco, qua & sanguis, & quilibet inter meningem Duram, & cranium latex, haud procul a sæpius commemoratis Foraminibus effusus, tum ad hæc usque, tum per hæc in tympanum compellatur, voco, inquam, alternum

Morgagni Epistolæ Anatomicae.

illum meningum evidentem motum, quo, universis earum arteriis nunc dilatatis, expanduntur, nunc subsidentibus, contrahuntur. His enim crebris ictibus adactus humor & sejungere a cranio Duram meningem, & pertundere membranulas tandem poterit, Foraminibus subtensas. Per quas autem vias humor e cerebri ventriculis ad Duram usque matrem, tum deinde inter hanc, craniumque descendat, etsi partim scio, partim ignoro; tamen nec quenquam aliæ latent quas vis facere, ac morbi queant, & mihi, quas scio in opportuniorem locum differentem, in præsentia satis est illas magis illustrasse per quas humor, inter Duram matrem, craniumque effusus, possit in tympanum transire.

8. Atque has ipsas haud in omnibus habere locum, fateor, sed in iis dumtaxat in quibus illa extant Foramina. Sæpe enim crania video in quibus perspicere nequeunt, atque adeo in quibus multum dubitem, num vi ipsa injecti per Eustachianam Tubam humoris satis possint demonstrari. Quo fit ut cum in omnibus non facile agnoscam; per hæc nequeam rationem reddere certarum quarundam rerum quæ in omnibus contingunt, ut quod in *vulneribus capitis penetrantibus, dum clausis naribus & ore, aer vi intro comprimitur, sanies a cranii cavitate per vulnus prorumpat*: quam communem observationem ut Valsalvæ ( *y* ) per ea Foramina placebat, sic nobis aliter explicare & necesse, & facile est. Neque id solum, aut alia ejusdemmodi, sed & illas de quibus supra dictum est, sanguinis, ichoris, aquæ per aures, nares, os eruptiones nonnunquam ita exponemus, ut ad ea Foramina non respiciamus. Nam a capitis graviore ictu aliquando ibi fissa ossa deprehendi qua sanguis, & pus ex cranii cavea defluere in tympanum potuissent; eandemque ob causam scio commissuram ossis temporum cum suo processu petroso, inventam fuisse laxatam: in iis autem qui; nullo accepto ictu; capitis dolore; aliave affectione laborantes, modo aqua, modo foedis putridisque humoribus per nares ejectis levamen percipere, haud raro licet sicut affectionum earum causas in altioribus Sinibus Pituitariis, ita ex his, non ex cranii cavo, exitum eorum humorum intelligere, ne illis quidem exceptis quorum suppressam excretionem mors ab ejusdemmodi humoribus in cerebro redundantibus est consecuta; etenim qui antea humores per Pituitariam membranam a sanguine fecernebantur, iidem in hoc subsistentes, jam intra cranium effundi, aut majori copia effundi potuerunt. Nec aliæ præterea defunt ejusmodi rerum exponendarum rationes ab Doctissimo Verneyo ( *z* ) propositæ. Quas ego omnes ut pro varia signorum, & causarum conditione aliquando probari posse, fateor; sic vicissim illud Valsalvæ, & mihi dari æquum censeo, ut per ejus Nova Foramina, istiusmodi excretiones aliquando liceat ex ipsa cranii cavea in tympanum, hinc vero aut per Tympani Membranam in Meatum Auditorium, aut in os, naresve per Eustachii, vel potius Aristotelis, Tubam derivare.

9. Qua de Tuba, uti Valsalvæ ordo postulat, hinc sermonem exordientibus mirari subit, cur Eustachius ( *a* ) qui propter Alcææonis opinionem, ab Aristotele damnatam, de capris per aures spirantibus; dubitari posse, credidit, non ignoratum fortasse fuisse ab antiquioribus Philosophis meatum suum; cur, inquam, non affirmaverit, certe notum fuisse Aristoteli, alioqui in eodem loco quem apud ipsum Eustachium in *Annotationibus* productum video, non scripturo, a parte auris interiore ---- in oris palatum usque semitam pertendere. Quin etiam Vesalius ( *b* ), etsi hanc semitam ad palatum usque non extendit, minime tamen ignoravit, hinc cum oris, inde cum tympani cavo communicationem habere. Nam docuit, *Foramen in externa tantum infernaque calvarie basis sede ( idque non admodum prompte ) esse obvium: hinc enim oblique versus exteriora protensum, in auditorii organi cavitate temporis ossi insculptam desinere*: illudque

H 2

ad-



addidit, aerem etiam in temporis offis antrum auditus organo proprium, per id foramen ferri: idque facile percipi, si attracto in os aere, illum quasi per aures propellere conemur, in auribus sonum percepturi, ventorum, aut aquae turbinum sonis parum absimilem. Hanc ipsam Ingrassias (c) semitam tertium ossium temporis foramen vocat, a Galeno, cæterisque ante Vesalium Anatomicis minime consideratum, indeque occasionem arripit narrandi quod ipse experimento sapissime tum publice, tum privatim ostenderat; Meatu utroque Auditorio morbi vi, aut immixtis de industria obturamentis sic obstructo, nihil ut prorsus audiat; si dentibus apprehendatur aut pulsata citharæ manubrium, aut virgæ eandem citharam contingentis extremum, tum quidem citharæ sonum audiri non secus ac si reserata aures forent. Quod experimentum a Coitero quoque (d), Fabricio ab Aquapendente (e), Blasio (f), vel potius Rolincio (g), quem, tacito nomine, Blasius describit, aliisque recensitum, auctoremne habeat Ingrassiam, an quem duo illi postremi laudant, Io. Bapt. Portam; tum vero an nulla habita, secus ac Veteres, & Recentiores quidam existimant, Eustachianarum Tubarum ratione, illo sit veri similiore modo explanandum quo Viri Doctissimi censuerunt Daniel Bartolus (h), Josephus Verneyus (i), Gunth. Christophorus Schelhammerus (k), alii viderint. Illud unum ipse non reticebo: quod Schelhammerus monuit, egregium in hoc experimento latere arcanum cognoscendæ surditatis causæ. Si quis enim surdus baculum dentibus admoveans sonum percipiat; inde colligere licere, vitium in nervis non esse, sed fortassis unice in meninge meatus auditorii; id, inquam, non reticebo, signum hoc illi quidem respondere quod ad inquirendam cæcitatis causam est in Adversariis (l) a me propositum; sed tamen jam olim ante Schelhammerum diserte traditum fuisse a Capiaccio nostro (m). „Maxima, inquit, diligentia est opus, ut cognoscatur an auditus sit ablati ob morbum myringæ, vel potius nervi expansi; quod sic cognoscitur. „Sumatur ferrum longitudine cubiti; & una extremitas imponatur supra dentes, altera autem extremitas imponatur, verbi gratia, supra chordas citharæ: tunc si æger sentit sonum citharæ, surditas dependet a morbo myringæ: si non sentit, surditas dependet a morbo nervi expansi, ut prorsus extincta sit vis facultatis. „Quod signum utile fore vides cum aliis surditatis curationem susceperis, tum iis præsertim qui surdos a Meatus Auditorii obstructione, sua ipsi manu sint curaturi: potest enim nervorum vitium insuperabile cum diuturna, aut quæ ab ipso ortu sit, ejus Meatus obstructione conjungi, inanisque propterea labor suscipi. Cæterum an quia Celsus (n) in aurium morbis gargarisationem commendavit lib. 6. cap. 7; inde appareat, Eustachii Tubam Celso etiam notam fuisse, ut Viri Doctissimi suspicantur, ipse poteris existimare. Ego quidem etsi olim admonueram (o), Celsum illo eodem capite scripsisse: *purgare aurem oportere, & spiritum continere, donec inde humor aliquis expumet*: etsi ibidem tradidisse video: siquid in aurem incidit, *sternutamenta quoque admota id commode elidere*; tamen plura utiliter a Medicis præcipi scio casu primum, deinde multiplici observatione edoctis, quorum veras agendi vias, rationesque penitus ignorant.

10. Verum ut ad Vesalium, & Ingrassiam redeamus; ita osseam aeris ex ore in tympanum semitam cognovere, ut eandem tamen nervis, vasisque sanguiferis transmittendis potissimum factam esse, autumarent. Quod ut de Ingrassia, qui, Eustachio lecto, sua illa necdum edita emendare Scripta poterat, permirum est, sic Eustachii gloriæ subservit, qui suis ipse laboribus & aliorum errata princeps sustulit, & cætera quæ ad ejusdem viæ anatomicam histo-

riam pertinent, invenit; ut illum Valsalva non immerito plus quam Instauratorem existimandum esse, censuerit, cum hanc viam Tubam Eustachianam appellavit. Quam nos ea quoque de causa appellationem retinebimus, ut minus facile cum Falloppiano Aquæductu confundi possit. Quem errorem non modo ex quo Schelhammerus (p) in Riolo, & Bartholinis, sed ex quo Valsalva (\*), & Stahlus (q) in aliis pariter reprehenderant, a Viris Doctissimis, in quibus Cowperus (r), & Vieussenius (s), admissum video: quanquam hi nomine dumtaxat, illi rebus quoque errare, ut cum Bartholini (t) per ductum cartilagineum ad palatum abeuntem, Falloppio aquæductum, ---- portionem nervi auditorii traduci, scripserunt, aut cum Riolanus (u) docuit, canalem nervo quinti (hoc est, ut modo numeramus, septimi) paris deducendo paratum, habere principium intra concham (videlicet tympanum) extremitatem ad radices apophyseon pterygoidearum, aut cum idem negavit (x), canalem ab aure ad eas apophyses excurrentem, esse cartilagineum, sed intra ossa esse, ait, deductum & exsculptum, aut cum eundem affirmavit (y) inter processum mammillarem, & appendicem styloideam esse adaptum, aut denique cum (z) hunc canalem a Falloppio descriptum esse, dixit, qui e concha ---- ad fauces iret. Illud vero prope incredibile est quod reapse accidisse Schneidero (a), cognovimus, qui cum Aquæductum Falloppii, hujus nomine, verbisque ipsis prolatis, descripsisset, hæc continuo addidit: *Hunc meatus etiam describit Bartholomæus Eustachius, cujus totam protinus descriptionem subjiciens, non sensit tamen, alium ab Eustachio, alium a Falloppio ductum proponi. Quo magis Medici, & in his Tulpus (b) est excusandus, qui Tubas scripsit ex ore ascendere utrimque, ad latera maxillæ, versus aures, inter processum mastoideum, ac stiliformem. Ad ejusmodi autem errores primum invehendos, ac diutius postea retinendos eam quoque causam fuisse, credo, quod delineationes universæ Tubæ Eustachianæ serius omnino quam par fuerat, in libris Anatomicorum prodierint. Nam ex quo Vesalius (c) exterius osseæ ipsius partis extremum, totamque adeo osseam partem, sed hanc rudem, ut ipse fatetur, figura indicavit; Platerus (d) ejusdem osseæ partis portionem una cum osseo, ut ego opinor (ipse enim, auctoritate Vesalii inductus, longe alia existimabat) cum osseo, inquam, canali Majoris musculi Mallei, qua cum tympano communicant, utcumque delineavit. Et cum Fabricius ab Aquapendente qui primus post Coiterum, peculiarem de Aure librum edidit, multasque aures partes, quod Coiterus non fecerat, appinxit, nullam Tubæ delineationem proposuisset, nisi forte quis arbitretur, in eo Iconismo quem cum Opusculo de Locutione postea emisit, anteriora utriusque Tubæ orificia, quæ certe Explicatione non indicavit, utcumque pinxisse; ne ipse quidem Casserius, licet Auditor Organum tot Figuras, quot nemo antea, aut postea, ediderit, licet delineasse eleganter meatus hunc ab Schelhammero (e) dicatur; ullam tamen, quod sciam, præter unam Figuram exhibuit (f), qua nihil nisi osseam Tubarum partem sua in sede apertam ostendit sic quidem ut neque ubi Meatus Auditorius, ubi tympanum, pariter aperta, definant, intelligatur; imo si Figuræ Declaratione, & apposis litteris standum sit, utrumque cum Tuba confundatur. Quo minus mirandum est, Veslingium, qui eandem osseam Tubæ partem delineatione indicavit potius, ut pote clausam, quam demonstravit; reliquam non modo non ostendisse, sed (g) eum per quem hæc extenditur, ex osse sulcum pro ipsius effracta parte exhibuisse; præsertim cum Deceptor ejus Spiegelius, in multo longiore Opere, nullam prorsus Tubæ mentionem fecerit. Itaque nostris primum tem-*

(c) In Galen. de Ossib. c. 1. comment. 8. (d) De Audit. Instrum. c. 13. (e) De Aure P. 3. c. xi.  
(f) Comment. in Vesling. Synt. c. 16. (g) Dissert. Anat. 1. 2. c. 16. (h) Del Suono Tratt. 4. c. 8. (i) Oper. cit. P. 2.  
(k) De Audit. p. 3. c. 6. nu. 7. (l) Advers. 6. Animad. 74. (m) Pract. 1. 1. c. 50. (n) De Medicina.  
(o) Epist. 1. in Cels. (p) Oper. cit. P. 1. c. 3. n. xi. (\*) c. 3. n. 9. (q) Dissert. de Externiculis capitis c. 4.  
(r) Myot. Reform. ch. 12. n. 41. & 42. (s) Traité de l'Oreille P. 2. ch. 1. 2. 4. (t) Anat. quart. renov. 1. 3. c. 9.  
(u) Comm. in Galen. de Ossib. c. 8. (x) Animadv. in Laurent. c. 13. l. xi. (y) Animadv. in Theatr. Bauhin. pag. 423.  
(z) Animadv. in Bartholin. Anatom. 1. 3. c. 9. (a) De Catarrhis l. 3. S. 1. c. 10. (b) Obs. Med. 1. 1. c. 35.  
(c) De corp. hum. fabr. l. 1. c. 12. Fig. 2. litt. V. & Fig. parva, quarto loco, citato capiti inserta, litt. V.  
(d) De corp. hum. struct. l. 3. Tab. 7. Fig. 4. litt. i. i. Vid. & l. 1. ubi de Ductib. Audit. Org. (e) loc. cit.  
(f) Pentasth. l. 4. Fig. 2. litt. Q. Q. (g) Synt. Anat. c. 16. Fig. 8. litt. B. B.



poribus omnes Tubæ partes a Viris Præstantissimis Verneyo, & Valsalva sunt delineatæ: certe ne in tot quidem Eustachii Tabulis (quod pene incredibile videri possit) pictas olim fuisse invenimus, sive quod non cunctæ Eustachii Tabulæ repertæ sint, sive etiam quod multo antea quam Tubæ descriptio- nem ederet, ipsiusve notitiam haberet, inventas hac ætate Tabulas delineandas curasset, quorum hoc alibi (b) ostendi quam credibile sit, illud vero alias non uno argumento sum ostensurus.

11. Cæterum in ea descriptione (i) Eustachius non tantum sedem, obliquum positum, utrumque extre- mum; latitudinem, figuramque Tubæ proposuit, sed præter ossæam, cartilagineam quoque, & membrana- ceam partem addidit, nec fere quidquam prætermisit quod ad ipsius anatomen absolvendam pertineret. Cu- jus utinam diligentiam Recentiores omnes æmulari voluissent. Nunc si eorum aliquem, puta Vieussæ- nium (k) legamus; nihil de sede, nihil de positu invenimus. Extremum quidem utrumque commemo- ratum cernimus, sed alterum sic indicatum, ut cum faucibus utrique communicare intelligamus; an vero nasi caveas, palatumque attingat, an ab his distet, ignoremus; præsertim cum minor justo longitudo u- niversæ Tubæ tribuatur, unius pollicis, aut circi- ter. Sed in figura quoque, aut certe latitudine Tubæ a vero aberratur. Nam scribitur, esse fere teretem, atque ita factam, ut quo propior tym- pano sit, eo se magis magisque contrahat, sen- timque angustior fiat. Quanto melius olim Eu- stachius: *figura teres non est, sed aliquantum de- pressa duos efficit angulos: latitudo cavitatis calami, quo scribimus, fere adequat, sed in fine duplo latior est, quam in principio*. Quæ cum scripserit de parte non ossæa (ossæam enim supra docuerat esse *rotundo ca- naliculo similem, & instar tenuioris calami amplam*) ut hinc intelligere illud debemus, longiorem Tubæ partem figura non esse teretem; sic non illud vicis- sim debemus, reliquam pariter quæ ossæa est, partem eo fieri angustior, quo initio suo propior sit. Nam neque Eustachius hoc dicit, & revera Tuba di- latari rursus incipit antequam tympanum subeat, ut vel ipsius Vieussæni Figura (l) satis monstrat. Nec tamen propterea existimes, illam mihi quam Vir alioquin Solertissimus proposuit, descriptionem probari: „Amplissimus suo initio hic est! Eustachii ductus; --- tum suo per os progressu paulatim angustior fit, maximeque cum osse jam relicto, cartilagineam acquirit compagem, donec membra- naceus denique factus intra fauces finitur. Nam nusquam totus fit membranaceus, neque maxime an- gustus fit, cum, osse jam relicto, cartilagineam ex parte acquirit compagem: multoque ampliori fine est, quam initio.

12. Verum ut de singulis Tubæ partibus nonnulla adnotem; cum ossæam portionem in pluribus resicca- tis, purgatisque auribus introspecerem; nulla unquam fuit quæ non superficiem hic illic inæqualem, & fora- minulentam fere ut Vieussænius (m) delineatione an- tea, descriptione autem monstravit nuper Casse- bohmius (n), ostenderet: quamvis multo maximam partem sit ex osse Petroso, nullam non ex osse tem- porum; fallaturque siquis extrinsecus, nec commis- suris ossium solutis, inspiciens, pertinere ex parte ad os Sphenoides, arbitretur, multoque ii magis qui hos ductus fuisse docuerunt, a Naturâ aper- tos in eo osse quod appellant Sphenoides. In sulcum quidem inter os Sphenoides, & Petrosum ab ossæa Tubæ parte antrosum pergentem, summa hujus pars cartilaginea excipitur, sic tamen ut quan- tum meæ me ad hoc tempus observationes docuere, neutrum ibi os superiores Tubæ parietes efficiat. Quas ut observationes, nec semel, iterarem, non tam ii quos modo indicabam, neque supra notata Riolani, aut Veslingii loca, quam spectata mihi Summi Anatomici diligentia, & auctoritas fecit, qui cum reliquam hanc quam Verneyus, Valsalva, Cas-

sebohmius (o); ut cæteros fileam; cartilagineam & membranaceam esse, docuerunt, Tubæ portionem in partes quatuor secundum longitudinem divisisset; „duos superiores quadrantes tradidit esse ossæos, in- „ternumque fieri ex latere Apophylis Petrose Ossis „Temporum, externumque ex latere Apophylis Spi- „nose Ossis Sphenoidis, (id est singulos ex singulis lateribus ossæi sulci de quo paulo ante dictum est), „ita ut dimidium superius hujus portionis Tubæ os- „seum sit. Ex duobus autem quadrantibus inferiori- „bus internum esse cartilagineum, externum simplici- „ter membraneum; ita ut dimidium inferius hujus- „modi portionis Tubæ sit in parte cartilagineum, „id est ab latere ossis Sphenoidis; in parte membra- „neum, id est ab latere ossis Petrosi. Quod nisi ita diserte, ut vides, traderetur, dimidium superius esse ossæum; mallem suspicari, Amanuensium, aut Typographorum culpa huc aliquid erroris irrepsis- se; ut in eo certe irrepsit, quod cartilagineum qua- drantem, paulo ante *internum* dictum, ab latere ossis Sphenoidis situm esse, legamus; membraneum autem, eum videlicet qui *externus* dictus fuerat, ab latere ossis Petrosi. Utcunque id est; equidem ego nihil un- quam hic vidi quamobrem a Valsalvæ descriptione discederem: imo vidi, & video, quæ ossium memo- ratorum latera in sulcum illum, sive mavis in illam, ut Eustachius vocabat, fissuram coeunt, illuc cartila- ginem qua Tubæ pars magna conficitur, annecti, sic ut superiores hujus portionis Tubæ parietes, cartilagi- nei sint, non ossæi. Qua in re tanto minus credo meos me oculos, manusque fallere, quanto certius est, primum qui utramque Tubæ portionem descri- psit, Eustachium, summa Anatomicum diligentia, haud aliter invenisse. *Substantia*, inquit (p), *ejus Tubæ portionis, quæ extrema fissuræ ossi temporum & cuneo simili communis tangit, cartilaginea est ac admo- dum crassa; huic vero oppositæ partis substantia exactæ cartilago non est, sed membranosa nescio quid habet, & tenuior evadit*. Igitur ipse quoque non inferiorem, sed superiorem partem, cartilagineam reperiebat.

13. Porro iis verbis hæc continuo subjecit Eusta- chius: *at hujus meatus interna extremitas navium cavi- tatis medium respiciens, robusta est cartilago, quæ plu- rimum extuberat*. Hujus autem omisæ prominentiæ nomine Quartam Valsalvæ Tabulam video a Viro a- lio Præstantissimo reprehendi, cui *Tubam is quidem de- scripsisse aliquanto melius videtur, quam illam sculptor exhibuerit, quum illius præcipue extremum tuberosius multo esset delineandum*. Verum non in eamodo Ta- bula, sed etiam in aliis, ubicunque Tuba est a Valsal- va ostensa, cur prominentia ista non incuria, sed de industria neglecta sit, cum indicare illa poterant (q) quibus ab se prætermisæ vel ipsius tympani delineatio- nis rationem reddidit, tum vero hæc præsertim debe- bant quæ universis Figurarum Explicationibus sic præ- posuit, ut Tabulas inspecturum haud inutilis institu- ti moneret sui in Cavitate quacunque delineanda, *a circumpositis omnibus partibus sive ossæis, sive aliis generis ita liberata, ut nihil aliud reliquum esset, quam ultima ejusdem superficies*: cujus instituti Lecto- res in Tuba potissimum diligenter admonuit, cum primam ejus delineationem interpretans (r), *Tuba*, inquit, *Eustachiana, sive potius ejus Cavitas*. Hoc igitur consilium suum ubicunque potuit, & quatenus potuit, ita servavit, ut in pingendis Cavitatibus, ad auditus organum peculiariter attinentibus, quidquid cavitatem ipsam non faceret, prætermitteret, aut cer- te multum sibi attendendum non putaret. Quod nisi fuisset; tum profecto extremo Tubæ orificio carti- lagineam, ferme semiannularem, prominentiam qua a tergo cingitur, addidisset. Neque enim extrema Tubæ cartilago circumcirca extuberat: sed ab altero tantum latere, interno videlicet, (ut Eustachii ver- bis paulo ante indicavi) sive posteriore maxime cras- fescit, extatque adeo, ut inter se, & posticum pha- ryngis parietem nil nisi quandam quasi sulcum relin- quat, per conspicua foraminula quibus ibi pharyngis inti-

(b) Epist. de Eustach. Tab. (i) De Audit. Org. (k) Part. cit. ch. 4. (l) Planch. 3. Fig. 3. (m) Planch. 6. Fig. 1.  
(n) Disp. de Aure int. n. 21. (o) Ibid. & De Aure hum. Tract. 3. n. 87. (p) Opusc. cit.  
(q) Vid. Explic. Fig. 2. Tab. x. (r) Explic. Fig. 3. Tab. 3.



intima membrana pertunditur, mucosam materiam emittentem. Qua glandulosa tunica, sive ut alii loqui malunt, Pituitariae membranae expansione sicut eam Tubae prominentiam augeri, sic eadem, sed aliquantum extenuata, intus amiciri Tubam usque ad osseam ipsam partem, quamvis videatur ignorasse non uno in loco Vieussenius (f); non ignoravit tamen Eustachius (t). Illuc enim usque *similiter mucosa, sed tenui*, inquit, *induitur tunica*. Nam officii prominentiam dixerat *mucosa narium tunica obduci, ac fini ejusdem meatus quasi janitorem praefectam esse videri*.

14. Quorum vi verborum longe magis quam Eustachius voluit, amplificata, non modo Coiterus (u), Laurentius (x), Bauhinus (y), alique (in quibus nescio cur Diemerbroeckius (z) Falloppium numeret qui Tubam nusquam, quod sciam, commemoravit) non modo, inquam, ex membrana ista mucosa quoddam nobis *valvulae instar*, Tubam revera, si Superis placet, identidem claudens, effecerunt; sed Willisius (a) diserte *valvulam superiori Tubae parti apposuit*. Monuerat quidem Riolanus (b), Tubam *non claudi membrana instar valvulae*: in Tuba *valvulam inutilem esse*; sed eo minori auctoritate, quo ipsam Tubam minus ei notam esse, apparebat. Denique Cl. Vir Casp. Bartholinus, Thomae filius, cum hac diligenter inquisivisset, Scriptorem eruditissimum Danielelem Bartolum (c) certiore fecit, neque, *que valvulam, neque valvularum similitudinem*, in Tuba inveniri, sed per hanc, liberam ultro citroque viam patere. Neque aliud censuisse videtur Eustachius (d), quando hac, *spiritum, ubi ipsum quis cohibet, ad aurium cavitatem vi quadam impulsus recurrere, & instar fluctus auditus organa percutere*, non dubitavit, illudque addidit: *fore etiam Medicis hujus meatus cognitio-* nem ad rectum medicamentorum usum maxime utilem, quod scituri essent posthac, ab auribus, non angustis foraminibus, sed amplissima via posse materias etiam crassas vel a natura expelli, vel medicamentorum ope, quae masticatoria appellantur, commode expurgari. Et sane quam facilis ea via Medicis visa sit, & quam felix horum medicamentorum usus, Coiteri (e), Fabricii (f), Diemerbroeckii (g), Verneyi (h), StahlII (i) Scripta commonstrant. Quinetiam a Tulpio (k), Diemerbroeckio (l), & Stahlio (m) memorata video Sternutatoria quorum vis longe major est atque celerior, ut pote quae istac eadem Tubae via non modo per propagatam membranarum irritationem, sed & per aeris in tympanum violenter compulsi, indeque continuo resilientis impetum crassa concutiant, incidunt, averrunt. Qui quidem impetus quantus sit, vel ea docent quae in Meatum Auditorium, sive, ut loquitur Schneiderus (n), *in intima aurium detrusa; ore clauso interdum sternutando eliduntur*: unde ut alia elucet Medicis Tubae utilitas; sic quoque intelligatur, quanta vi aer per hanc viam tunc in Membranam Tympani irruat, & quod consequitur, quanta item vi resiliens, suisque vinculis retracta Membrana aerem mox retrorsum impellat. Sunt autem ea vincula tum musculorum plerique tendines in Officula defixi, tum ipsorum Officulorum ligamenta, quae omnia, Membrana extrorsum, cum Malleo cohaerente, propulsa, distendantur primum, mox se restituant, necesse est. Num vero ea distentio tanta nonnunquam esse queat, ut Officula luxentur eo praesertim loco quo facilius potest eorum junctura dissolvi, videlicet quo Orbitulare officulum cum Stapede conjunctum est, alii viderint, numque sternutatio nimia addi queat ad caeteras luxationum eorum causas quas Vesalius (o), & Molinettus (p) attigerunt, nec ignorasse videtur Rolfincius (q), cum scripsit: *Luxatio horum ossium*

*si accadat, auditui ea officit, nec restitui potest, nisi spiritus retentione*. Nempe retento anhelitu, per Meatum ori & auri communem, aer concham ingreditur, *adspersus* cum impetu confertim, & dilocata reponit. Si nulla inde salutis affulgeat spes; *δυσωξι*, haec incurabilis. Utcunque id est; Sternutatoria, ut pote violentiora medicamenta, non nisi caute, & frustra adhibitis mitioribus, in usum trahenda esse, cenfeo ad intimam aurem expurgandam. Mitiora autem sunt tum ea quae diximus, Masticatoria, tum idonei liquores *in ore detenti*; eorum quippe partes spirituosiores elewantur, ut Cel. Verneyus (r) autumat, *& ad aurem per Tubam ascendunt*; praesertim si labris naribusque compressis, illuc adigamus; multo autem magis convenientium rerum fumus, si per eam fistulam qua Nicotianae herbae fumus solet, in os proliciatur, ex ore autem in aurem ad eundem modum compellatur. Nam si suffumigium, quod & Cl. Rivinus (s) commemorat, Philippi Salmuth, *naribus dumtaxat, & ore exceptum*, undecim vermes ex aure abegit; quanto illuc magis perventurum credemus fumum medicamentorum, si ea qua diximus, ratione urgeatur?

15. Sunt autem praeter materiam educendam, quaedam saepe in tympano, aut propius tympanum vitia quorum vel solutionem, vel levamen tentare liceat vi remediorum, per Tubam in tympanum ipsum indulta. Atque ut de morbis Labyrinthi sileamus, qui tamen per tenuissimas dumtaxat utriusque Fenestrae membranulas a tympano separatur; ut plura quoque praetermittamus vitia periossei seu tympani ipsius, sive Officulorum; profecto & Membrana Tympani, & duae illae quas modo commemorabamus. Fenestrarum membranulae, & tympani nervea Chorda, & Musculorum Mallei Minimi, ac Majoris, & Musculi Stapedis fines, tendinesve expositi sunt medicamentis in tympani cavum admissis. Earum vero membranarum, & Chordae nimia vel laxitas, vel contentio, musculorum autem vel resolutio, vel distentio quantum & auditui officere, & ad eas ipsas quae laborant, particulas admotis remediis levare aliquando possint, est manifestum. Nec vero in hos musculos non cadere censendi sunt qui caeteris musculis communes sunt, morbi. Certe ut Molinettus (t) Minoris Mallei musculi, qui extimus est, paralysem memoravit; sic praesente in parte Ettmullero, (u), aliisque ab hoc nominatis, is quem paulo ante laudabam, Rivinus (x) Membranam Tympani, musculosque hos universos complexus, *ad paralysem*, inquit, *refertur potest membranae laxitas musculorum resolutio* ---; *ad spasmodum pertinet musculorum cum officulis, atque membranae, partiumque vicinarum nimia tensio* ---; *ad motus convulsivos denique earundem partium inquietudo sive agitatio praeternaturalis, unde tinnitus aurium*, & is speciatim, ut infra (y) addit, qui *imminente passione hysterica, vel epilepsia praecedere solet*: quemadmodum ad quandam quasi tonicam convulsionem, aut certe insolitam musculorum, membranarumve tensionem pertinere censuerim in acutis febribus, atque adeo saepe lethalibus acriorem aequo cum molestia quadam, aegrotantium auditum. Communes fere omnibus tympani partibus dolores, atque ulcera sileo, ut pote in vulgus notissima; quanquam haud saepe adeo aut ulcera inesse, aut verum pus destillare ex auribus, credo, ut multi videntur existimare. Fabricius quidem ab Aquapendente (z) litteris tradidit, se *non semel, sed iterum, ac saepius, in pueris maxime, internas auri cavitates crasso humore multo veluti muco refertas comperisse*: qui per patentem Tubae meatum expurgetur: quod Medici atque Anatomici non perpauci & veteres, & recentiores describere. Sed horum aliqui ita rem proposuerunt, atque amplificaverunt, nullo ut modo assentiri possimus. Nam fuit qui scriberet, tympani

(f) loc. cit. & Neurograph. l. 1. c. 16. (t) Opusc. cit. (u) De Audit. Instrum. c. 13. (x) Hist. Anat. l. xi. c. 13.  
(y) Theatr. Anat. l. 3. c. 49. (z) Anat. l. 3. c. 18. (a) De Anima Brutor. c. 14.  
(b) Animadv. in Theatr. Anat. Bauhini, pag. 423. & in Bartholin. Anat. l. 3. c. 9. (c) Del Suono Tratt. 4. c. 8.  
(d) (e) locis cit. (f) De Aure P. 3. c. xi. (g) loc. cit. (h) De Audit. Org. P. 3.  
(i) Dissert. de Externiculis. Capit. c. 4. (k) Obs. Med. l. 1. c. 35. (l) (m) locis cit. (n) De Osse Cribriformi.  
(o) Exam. Apolog. Putei. (p) Dissert. Anat. l. 4. c. 10. (q) Dissert. Anat. l. 2. c. 15. (r) Part. cit.  
(s) Dissert. de Audit. vitiiis n. 36. (t) cap. cit. (u) Prax. l. 2. Sect. 2. c. 2.  
(x) Dissert. cit. n. 18. (y) n. 25. (z) cap. cit.



ni caveam, semper esse plenam in recens natis matris purulenta. Equidem non semel, sed, ut Fabricius loquitur, iterum, ac sæpius fieri posse existimo, ut in iis crassus humor & quasi mucosus inveniat; cum Valsalva quoque, ut in superiore extrema Epistola (a) scripsi, in catulo recens edito pellucidam *gelatinam*, omne tympanum implentem, conspexerit. Sed non propterea purulentam conspici materiam, & hanc semper, agnoscam. Certe ipse in fœtibus, inter sextum & septimum, atque adeo nono etiam mense ejectis, redundans humore, tympani cavum inveni; ut aliquando suspicarer, Amnii laticem illuc per Tubam, mortuo præsertim fœtu, irruere non secus ac supra (b) ex Pacchioni observatione commemoravi, Tyberis aquam in submersi hominis cranium per Valsalvæ Foramina, ideoque per Tubam (nisi me expeditissima via fallit) in tympanum se se antea coniecisse. Verum etsi conjectura hæc satis commoda videbatur ad intelligendum, qui fieret, ut humor in fœtum tympano repertus, nonnunquam *gelatinam*, alias puriformem referret materiam, interdum pellucidus, aliquando subflavo infectus, aut alio aliquo colore esset, videlicet ut ipse Amnii humor in vivorum dissectionibus pro varia animantium natura, pro frigidissimæ, aut præcalidæ tempestatis conditione, pro salubri, aut insalubri parentis statu alias aliter invenitur; tamen postquam vel in quodam humano fœtu qui cum egregie valens, iustoque tempore in lucem ederetur, inter nascendum perierat, humore plenam tympani caveam deprehendi, satius visum est rem ad naturæ institutum referre, quæ in aliis quoque fœtum caveis non modicum, ut in adultis, humorem solet colligere, nec purulentum tamen, sed aqueum, qualem sane in iis omnibus de quibus dictum est, fœtibus inveni.

16. Porro sunt alii qui non ad fœtus, aut recens natos rem contrahant, sed in universum hæc doceant: intra tympanum, & sinuositates apophysidis mastoideis semper inesse materiam purulentam, in fervientem humectandis membranis, quæ evacuantur per canalem Eustachianum. --- Hic si obstruatur, surdum hominem fieri, propterea quod ea materia omni exitu prohibita, coacervatur intra cavum Tympani, sonumque extinguit. Ego vero ut in adultorum corporibus omnia semper intus humida; sic nunquam vidi, aut alios vidisse censeo tympanum, aut Sinuositates Mastoideas, nisi forte morbosæ essent, purulenta materia fœdatis. Nam quod Tubæ obstructionem tum demum surditas sequatur, cum materia in tympano coacervata sonum extinxit; crederem fortasse, nisi Valsalvæ (c) observatio ostenderet, eo ipso temporis puncto quo Tuba clauditur, auditum tolli; quo reseratur, restitui. Non potest autem puncto temporis tanta materiarum copia intus acervari, ut intercipiat auditum. Oportet igitur ad eum, aut ad similem aliquem modum rem exponere, ad quem a Valsalva exposita est. Quem Valsalvæ modum ut Viro Doctissimo, qui ab nemine putat ante se animadversum, viginti post Valsalvam annis placuisse, audio; ita num ante Valsalvam cuiquam in mentem venerit, in præsentia haud satis scio. Equidem memini, Coiterum (d), & qui ex eodem, prætermisso nomine, ita sumpserit, ut fucum fecerint Schelhammero (e), eruditissimo alioquin Viro, Fabricium eorum Tubæ usum auctorem credenti qui ad Coiterum pertinebant, eos, inquam, memini tradidisse, si per Tubam nullus exitus pateret aeri intra tympanum concluso; membranam myringam sono impulsam, cedere nequire.

Verum id memini ita traditum, non ut intelligeremus, sine eo contremiscere Membranam, audiri sonum non posse; sed ut illud dumtaxat, sine eo, in bombardarum, & alio simili impetuoso sono Membranam haud dubie ruptum iri. Quod si quis ad propositum a Valsalva præcipuum Tubæ usum, ante ipsum, propius accessit; eum Cowperum fuisse, suspicor. Sed cum diu sit ex quo hujus ad Anatomiam humani corporis adjectam *Appendicem* legi;

num idem quod Valsalva, censuerit, idemque observavit, ipse per te inquires. Ego cui nunc liber non est in manibus, ut id pro certo affirmare non possum, sic illud possum, Valsalvam usque ad tempus aliquod ex quo Tractatum ediderat suum, nihil de Cowpero audivisse.

17. Cæterum aliæ præterea Tubæ utilitates non sunt omnino negligendæ, partim a Valsalva quoque agnitæ, partim silentio prætermittæ. Atque ut nihil dicam de humoris quo tympanum intus madet, facili, ne forte unquam redundet, ipsumque oppleat, in os nareve derivatione, in causa sunt ea quæ supra (f) de Eustachii ipsius sententia jam satis attigi. Neque vero in contrarium ducor Gravissimi alterius Anatomici verbis, affirmantis, quascunque materias capsæ, hoc est tympano, egredi difficile posse, quia nimirum cavitas ipsius, canali qui ab aure ad palatum fertur, inferius descendit; hinc enim fieri, ut humores isti in os delabi, nisi capite certo quodam modo inflexo nequeant. Nam ut elabi nequeat pars illa humorum quæ in tympani inferiore parte est; reliqua potest. Nec quia post inflammationes, tympanum crassiori sanie oppletum reperit sæpius; ex eo conficitur, quascunque, id est tenuiores etiam materias inde evacuari non posse. Imo poterunt facillime, partim mediocri, partim nulla capitis inclinatione, nedum non capite certo quodam modo inflexo, e tympano egredi, & in os nareve delabi. Neque enim tympani cavea, præsertim in naturali situ spectata, tanto denique orificio Tubæ inferior est, ut hoc non medio fere illius altitudinis respondeat. Neque inde profecta Tuba aut retrorsum, aut secundum horizontem procedit, quorum alterum descriptione, alterum delineatione videtur significari, sed antrosum porro, os, & nares versus, ire pergit, & quod consequitur, inter eundem, descendit. Sed descriptionem fortasse non satis diligenter latine reddiderunt in hunc modum: Pars meatus membranea, auris foramen, pars vero cartilaginea occiput spectat. Tubulus autem hic oblique ab antica ad posticam partem usque ad nasi fundum ad extrema palati paulo supra gurgulionem fertur. Nam; ut cætera omittam; non ab antica ad posticam ferri; sed a postica ad anticam partem, est longe manifestissimum. Itaque etsi paulo ante dictum fuerat, Tubam antrosum sitam esse, Antrum autem, sive aditum ad Sinuositates Mastoideas posterius; hic tamen anticam, & posticam partem esse aliter accipiendam, hoc est pro exteriori, atque interiori, tanto minus est dubitandum, quod Iconismus ad quem proposita descriptionis verba exigunt debent, ut qui Tubam dicitur in directione naturali repræsentare, is ipsam ostendit a posterioribus ad anteriora porrectam. Est quidem hæc illa de qua indicabam, delineatio, quæ nimirum Tubam exhibet non descendente, sed ferine secundum horizontem productam. Verum, quod ad hanc rem attinet, cum eodem hoc Iconismo stapes quoque in situ demonstrari dicatur; alterutrum fateamur, necesse est, aut Stapedem, aut Tubam in positu ac directione naturali non esse. Solet enim Stapes, quod ipse quoque superiore Epistola adnotavi, sic quidem ab natura constitui, ut posterius basis extremum aliquanto humilior sit, quam antrosum; verum tanto humilior, quanto hac Figura ostenditur, nunquam memini vidisse. Si igitur tympanum hic delineatum, ad anteriora tantum inclinet, ut ad magis naturalem situm & Stapedem, & subjectam Rotundam Fenestram, quæ hic nimis anteriorem sedem obtinet, sic satis reducas; videbis una immutari Tubæ positum, ipsamque ad anteriora descendere. Malim tamen credere, quidquid in Iconibus vitii est, id omne in describentes Pictores, Scalptoresque esse rejiciendum; quamobrem notare prætermissem, nisi Viri Solertissimi hisce Figuris censuissent melius Tubam esse, quam Valsalvæ Iconismis delineatam: in quos insuper hæc scripsere: Hunc canalem delineavit Valsalva ut verum canalem (Tab. 3. fig. 3. & 14.) & in alia tabula, cum integro organo præparato, illum



„lum ut canalem peculiarem a se præparatum delineavit ( Tab. 10. , ) non potest autem cochlea præparari nisi partes eæ , quæ ad illum canalem constituendum concurrunt , & cochleæ incumbunt , simul auferantur , & in alia tab. hanc tubæ partem offeam delineavit idem , ac si ex offe temporum produceretur deorsum versus fauces ( Tab. 4. lit. K. ) „ Quæ ego omnia non satis fortasse intelligo . Sed tamen si vitio vertitur quod Tubam ut verum & peculiarem canalem delineaverit , ablatis videlicet iis omnibus , aut ferme omnibus quibus obtegatur ; nempe id laudi sibi , non reprehensioni futurum credidit Valsalva , creduntque cæteri qui nunquam certe tam dilucide Tubæ ideam animo comprehenderunt , quamdiu circumjecto offe , aliisque partibus semiobruta pingebatur . In his partibus id quoque est offis quod inter ejus initium , & Cochleam interjicitur , cui quidem offi , in naturali sede spectato , ipsa potius Cochlea incumbit , quam idem Cochleæ : quod si ille , salvo intimo & Cochleæ , & Tubæ pariete , abstulit ; nihil sane abstulit quod Tubam constitueret . Quod autem offeam Tubæ partem non ita delineaverit Tab. 4. litt. K , ac si ex offe temporum produceretur deorsum fauces versus ; eadem Tabula ostendit cum ejus litteræ Explicatione conjuncta : ea enim littera cum quadruplex sit ; diserte admonemur , duas tantum posteriores. K. K. indicare Tubæ utriusque Partem Offeam , duas vero alias K. K. reliquam earundem Tubarum partem , hoc est non Offeam , designare . Atque ego non contendo , Valsalvæ Pictorem , Sculptoremve nihil in tam difficilibus rebus peccare potuisse . Illud tamen dico : si descriptionem hujus viæ præ cæteris perfectam tradidit Valsalva , ut Vir Cl. Aug. Frid. Waltherus ( g ) pronunciavit ; illius delineationes , descriptioni respondentes , non esse facile cæterorum delineationibus postponendas .

18. Sed illuc redeo unde me ista paulisper abduxit consideratio Figurarum : ajoque , aut nullam , aut mediocrem certe capitis inclinationem satis esse , ut per Tubam humores e tympano deducantur . Neque invenio , certam quandam capitis inflexionem a Bauhino ( h ) commemorari , cum cætera scribit quæ in illa humorum deductione ( nisi forte hallucinatio aliqua suberat ) in semetipso animadvertibat . Quando , inquit , aures in os per canalem explicatum expurgantur , titillationem in oris parte interna ad uvulæ radicem in me ipso sentire soleo , & tunc sæpius salivam deglutiendo , motum illum ( Majoris Mallei musculi ) in auribus frequentem fieri ex strepitu colligo , & titillationem , ex materia , citius in os expurgata , sedari sentio . Ille vero , quantumvis eximius , aut nunquam , aut certe perraro locum habet Tubarum usus , quem Nicolaus Tulpus ( i ) ut bis sibi observatum scripsit , sic Alcmæonem quoque suspicabatur in morbidis capris nonnunquam animadvertisse , hasque propterea , velut supra ( \* ) memoratum est , spirare auribus , docuisse . Scilicet Tubas concedere interdum exitum per aures spiritui , ob gutturis angustiam alias ægrum certo suffocaturum , adeo non dubitabat Tulpus , ut affirmaret , ab ejusmodi periculo se vidisse duos ægros liberatos effuso spiritu per vias jam commemoratas . In quo si minime deceptus est ; non tam gutturis angustia eos laborasse oportet , quam interclusione omnis viæ quæ per os aeri , perque narium foramina aperta est , & quod consequitur , per Tubas , patentisque Tympani Membranas non tantum spiritum emisisse , verum etiam duxisse . Contra is & satis frequens esse , & minime negligendus videri potest Tubarum usus , ut per ipsas tympani aer cum hoc communicet qui nobis est undique offusus , sive ille ob auctum calorem rarefscens , expeditam requirat viam qua aliquam sui partem amandet ; sive contra ob imminutum densatus , non minus prompta indigeat via qua aliquam exterioris partem excipiat , quemadmodum ab Daniele Bartolo ( k ) animadversum est ; sive etiam , quæ nunc alii adjiciunt , ne cum externus gravior fit , internus , nisi ipse quoque continuo gravior fiat , nimis ab illo urgeatur , & vicissim , non sine noxa

interpositæ utrique Membranæ Tympani ; sive deum ut vis elastica , cujus in aere mutatione , sonorum quoque mutatur motus , non ita unquam in externo , internoque aere dispar sit . Hi tamen alique ejusdemmodi Tubarum usus ut veri plurimum similes videantur , non omni carent dubitatione . Nam sicut aeris , post Membranam Tympani cavum tympani occupantis , ita ratio habenda est aeris , post Fenestrarum Membranulas Labyrinthum obtinentis : quem si propter Vieussenii ( l ) experimenta satis commercii habere credamus per eas Membranulas cum aere tympanum occupante ; haud prorsus video , cur hic quoque non satis habere commercii credendus sit per Membranam Tympani cum eo quo nostra sunt corpora circumfusa . Nam quidquid in iis experimentis per illas transit , id certe antea per hanc transmittitur . Cur ergo Tuba , Tympani aeri necessaria esset ; Labyrinthi non esset ?

19. Verum ut ut hæc componantur ; hi tamen usus , licet magni momenti sint , nequaquam debent cum illo præcipuo comparari , cujus causa fit ut quo temporis vestigio Tuba occluditur , eodem , ut supra diximus , auditus intercipiatur : quanquam is ipse usus non sine alia dubitatione est ; nisi forte inter omnes constet , vera esse quæ Schelhammerus ( m ) pronunciavit : omnibus animalibus hunc ductum semper adesse , ipsis etiam avibus , ut necessariam esse hanc auri partem inde elucescat . Atqui in Valsalvæ schedis invenio , hanc ipsum in aure porcellæ indicæ reperire non potuisse . Neque idcirco tamen defuisse , contenderim : potuit enim vel parvitate , vel loco solertem quantumvis & exercitatum Anatomicum fugisse ; loco quidem , si quemadmodum in marina certe testudine vidisse Tubam memini ; non ante , sed post tympanum desinentem , ita alieno aliquo in loco in porcella quoque suum externum habeat orificium ; parvitate autem , si hoc ita proportionem parvum habuit , ut in vervece quondam videri animadvertisse : quæ parvitas si in aliis quoque est ejusdemmodi animantium , in quibus plerique olim Anatomici se potissimum exercebant ; id causæ fortasse fuit cur tot ante Eustachium sæculis non amplius Tubam viderint , eamque in lucem non revocarint . Sed ego cum porcellas indicas , atque alia quadrupedum genera dissecarem , tunc aliis plurimis intentus rebus , Tubæ orificium non quæsi . In cane tamen , satis quidem oblongum vidisse memini , sed instar rimæ angustum , labroque , a latere interno , ornatum , proportionem multo minus quam in nobis extante . Valde enim id labrum , ut supra ( n ) dictum est , in homine extuberat : in eodemque orificium extimum , propterea quia anterius , sive majoris exterius universæ Tubæ latus aliquanto altero longius est ; se se obliquo posito antrorsum extendens , non rimam , sed quandam potius , nec parvam , quasi ellypsim refert . Intra eam ellypsim cavum patet quod tribus , ut sæpe ego observare solitus sum , lateribus definitur , ut non ita modicam trianguli aream repræsentet : ex quibus intelligis , quantum ab angusta canis rima discrepet humanæ auri extrema Tuba tot sonis , atque tam variis excipiendis , dignoscendisque destinata .

20. Cæterum ista dubitatio , num in cunctis quæ auditu prædita sunt , animalibus Eustachianus ductus apertus sit , non minus cæteris plerisque omnibus hujus utilitatibus adversatur , quam præcipuo Valsalvæ usui de quo supra ( o ) indicatum est . Huic vero id peculiariter adversaretur quod ab nonnullis Egregiis Viris affirmatur : ordinariæ , sive multo maxima temporis parte , utriusque Tubæ ostia stringi , & claudi a musculis , hoc loco confectis , qui sustinendo partium hic sitarum , viarumque ponderi , & quæ a faucibus producuntur , destinantur ; si hoc ab ipsis ut proponitur , ita probaretur , vel , ut melius dicam , probari posset . Verum & ipsi occlusionem intelligere videntur dumtaxat ejusmodi ob quam liberior aeri non pateat ad tympanum via , non eam ob quam

auris

( g ) Diff. Anat. de Membrana Tymp. n. 7.

( h ) Theatr. Anat. l. 3. c. 46.

( i ) Obs. Med. l. 1. c. 35.

( \* ) n. 9.

( k ) Del Suono Tratt. 4. c. 8.

( l ) Traité de l'Oreille P. 2. ch. 2.

( m ) De Audit. P. 1. c. 3. n. xi.

( n ) n. 13.

( o ) n. 16.



auris cum ore communio tollatur, qua, alibi confitentur, continuo illabi aërem, & pertransire. Et sane Fabricius quoque ab Aquapendente (p) hunc ductum perpetuo patentem esse, censuit; Rolincius vero (q), & ante hunc Coiterus (r), & Bauhinus (s) ideo cartilagine perfectum esse, docuerunt, ut semper pateret; quanquam horum uterque ipsum ductus orificium credidit propter illam valvulæ similitudinem (t) non semper patere, sed extra necessitatis tempus quasi concidere, ne facile mali vapores ex ore in aures transeant. Quæ etsi tanti non sunt, ut pluribus verbis sint discutienda; tamen si quis forte est qui multum dubitet, sitne jugiter hæc ita aeris aperta via, ut ipsa occlusa, auditus illico tollatur; est quod possimus admonere, unde fortassis verum, nec ita difficile, queat investigari. Omittemus autem quæ peti possent ex Viro Experientissimo Cheseldeno (u), scribente, Tubam ita esse aliquando apertam, ut per nasum injecta aqua, per illam in tympani cavum transeat, & surditatem ad aliquod tempus efficiat. Res enim neque perpetua, neque omnino innoxia, & præterea explicationis ambigua est, ut illud quod pariter ipse memorat, nosque tum apud Valsalvam (x) vidimus, tum ab aliis quoque Chirurgis confirmatum audivimus, Tuba a magno polypo prope Uvulam se effundente obturata, audiendi magnam difficultatem afferri. Sic etiam Tulpus (y), eos indicaverat, gravius audire, quibus Tuba quocunque modo in ore obturatur, live a palati tumore, live a glandularum prope quas excurrit, incremento, a quo meminerat se in virgine Roterodamensi vidisse præter surditatem, etiam obortum fuisse molestissimum auris tinnitum. Sed cum minime certum sit, quando polypo, earumve glandularum incremento Tuba prorsus, aut quando ex parte obturetur, præcipue autem an auditus gravitas, & surditas Tubæ duntaxat occlusionem, an humoris potius qui per Tubam egerendus erat, sensim intra tympanum factam coacervationem sequatur; idcirco hisce omnibus prætermisissis, ad aliud, idque recentius veniemus. Scilicet animadvertimus, Regiæ Scientiarum Academiae Parisiensi (z) Instrumentum oblatum esse annis superioribus per quod intra Eustachianam Tubam injici humor posset quicunque auris vitia medentibus opportunior esse videretur. Et quamvis Sapientissimi illius Cœtus, judicium fuerit, idoneum saltem Instrumentum esse ad Tubæ orificium abluendum; tamen id satis fortasse erit, ut aliquo facto additamento, possit doctus artifex, reique anatomicae haud imperitus, ejusdem, aut simplicioris ex parte Instrumenti ope (neque enim sit fistulæ instar necesse est) sic Tubæ orificium pro arbitrio modo comprimere, modo, retracto Instrumento, a compressione liberare, ut manifesto ab omnibus deprehendatur, verum sit, an non quod a Valsalva propositum est, quotiescunque Tuba occluditur, continuo tolli; quotiescunque referatur, continuo audiendi facultatem restitui. Quod si vero respondere inveniatur; tum profecto a Medicis Obstructionis Tubæ Eustachianæ, ejusque curationis multo major ratio habenda est. Et de leviori quidem, ac faciliiori Obstructione hæc scripsit Diemerbroeckius (a): „Si in Tympani cavitate humores excrementitii crudiore, obstructo ab eorum tenacitate dicto (Tubæ) canali, subsistant, & nimia quantitate colligantur, ut in gravedine nonnunquam contingit, tunc læditur auditus, & a magna membranæ tympani tensione acer sæpe dolor inducitur, qui fortiter per nares aeris attractione & screatu sæpe multum lenitur, dum scilicet per violentiam illam, canalis versus nares & palatum nonnihil aperitur, & humores intus latentes, quasi fuctione quadam eo protrahuntur; &c. Sed Riolanus (b) tamen causam eandem protulit, signum autem, ut ex iis apparet quæ supra (c) a nobis indicata sunt, multis non placitum; Obstructionem videtur defini-

Morgagni Epistolæ Anatomicæ.

gnasse pertinacior, cum hæc proposuit: „Si Tuba obturetur crasso humore, vel muco, humores vel flatus irruentes in cavitates auris, nec exitum habentes, vel surditatem, aut tinnitus, vel susurros producant, quod deprehendes, si utraque aure exquisitè obturata, non percipias scilicet instrumenti musici, ore aperto, & baculo dentibus apprehenso, & chordis instrumenti musici imposito. Ideoque defectu hujus canaliculi pervii ad evacuationem flatuum, quidni conferret stylo tenuissimo pertusa apophysis mastoidea caverna, quæ communionem habet cum concha? Verum etsi in hac proponenda operatione aliquanto hic minus, quam duobus aliis in locis (d) hæsitare videatur, quorum alterum tantummodo spectans Rolincius (e) ipse quoque scribit: an apophysis ipsa perforanda, quærit, sed non definit Riolanus Enchirid. l. 4. c. 4. neque nobis sententiam explanare placet; tamen haud ita facile ad hanc esse perforationem decurrendum; a nobis est in alia Epistola (f) demonstratum.

21. Nunc ut eo revertamur unde hæc de occlusionem ostii Tubæ Eustachianæ cœpta disquisitio est, ad musculos videlicet hoc loco confitos, quibus id ostium stringi, claudique dicebatur; illud primum animadvertimus, Eustachium ipsum (g) eam quæ osseæ non est, Tubæ portionem inter duos faucium seu gulæ musculos posuisse, a paucis ad id usque tempus bene cognitos. Idem iterarunt Coiterus (h), atque Bauhinus (i), hoc insuper addentes: ubi Tuba desinit utrinque, unum musculum faucium consistere; voluisse enim Deum pro necessitate hunc meatum aperiri, quod egregie fit, dum fauces dilatantur sive aperiuntur ad transglutinationem excitatam a duobus jam dictis musculis. Quod & Rolincius (k) confirmavit: In fine, inquit, palati prope Tubam adstat faucium musculus, ut inde dilatato comœatu, commode queat evacuari. Hic autem musculus quis esset, aut unde oriretur, nemo eorum diserte docuit, sicuti ne ex Recentioribus quidem ante Valsalvam Anatomicis Vir Doctissimus, cui satis fuit indicare, membranæ ac cartilagineæ Tubæ partem uno e musculis pharyngis dilatationi inserviente extrinsecas vestiri; ut vere mihi judicare posse videar, cum duos illos memoratos ab Eustachio musculos, tum ex illis hunc unum, quod quidem ad Tubam attinet, non bene cognitos fuisse, donec Valsalva Salpingostaphylinum, & Novum Tubæ musculum descripsit, ac delineavit. Nam ut fatear, utrumque fuisse antea descriptum; nemo certe, quod sciam, quomodo se ad Tubam revera habeant, proposuerat. Quin fuere qui cum in ipsorum perquisitione in cartilagineam Tubæ partem incidissent, non modo hanc non agnoverint, sed quæ ad unius musculi originem attinebat, eam ad alterius transtulerint, ad cujus originem hoc tempore vix aliquis est qui ex parte attinere, sed aliis minime assentientibus, indicaverit. Scilicet Riolanus (l), & de hujus sententia Bauhinus (m), atque Rolincius (n) Pterygstaphylinum, ut vocabant, Internum describentes, cartilagineam habere peculiarem mobilem, dicatam ejus origini, tradiderunt, Externi vero tendinem per rimam Pterygoidis processus veluti per trochleam reflecti, docuerunt; quæ res cum præcipuum indicium sit musculis Tubæ Novi, cæterum ab ipsis perperam descripti; sane apparet, huic; non alteri haud multo melius proposito, quem Cantius (o) Sphænopalatium Cowperi, hoc est Salpingostaphylinum Valsalvæ fuisse, non dubitat; illam oportuisse cartilaginem adjudicari: adjudicatam autem non esse, non quod Tuba, ut Cantius censet, incognita esset Riolo, aut illi qui inter Recentiores hunc secutus est, Dionisio (p), sed quod neque ipsa, neque horum musculorum historia eisdem esset probe cognita. Quæ cum ita sint; equidem miror, Eruditos non deesse Anatomicos, qui in veteribus, atque adeo in recentibus quoque ante Valsalvam Faucium, aut Uvulæ musculorum descriptionibus musculum nequa-

I

qua-

(p) De Aure P. 3. c. 11. (q) Diff. Anat. l. 2. c. 15. (r) De Audit. Instrum. c. 13. (s) Theatr. Anat. l. 3. c. 46.  
(t) Vid. supra n. 14. (u) the Anat. of the hum. body book 4. ch. 5. (x) c. 5. n. 10. (y) Obs. Med. l. 1. c. 35.  
(z) Hist. r. A. 1724. Observ. Anat. 6. (a) Anat. l. 3. c. 18. (b) Animadv. in Theatr. Bauhin. pag. 413. (c) n. 9.  
(d) Anthropol. l. 4. c. 5. & Encheirid. Anat. l. 4. c. 4. (e) Diff. Anat. l. 2. c. 15. (f) Epit. 5. n. 25. (g) De Audit. Org.  
(h) De Audit. Instrum. c. 13. (i) Theatr. Anat. l. 3. c. 49. (k) l. c. c. 16. (l) Anthropol. l. 5. c. 20.  
(m) l. cit. c. 83. (n) Diff. cit. l. 3. c. 25. (o) Impet. Anat. Tab. 3. Fig. 2. (p) Anat. corp. hum. Demonstr. 8.



quaquam agnoscant quem is Novum Tubæ musculum nuncupavit: quem in numerum Cantium referam necesse est, alioqui non scripturum (q): musculum, cuius tendo, ut Falloppius (r) primum docuerat, *transit per mirabilem quandam rimam, quæ in extrema Pterygoidis ala insculpta est, hunc, inquam, musculum a Valsalva non esse descriptum*. Non minus tamen miror, ab Drakio (f) & qui hunc sequuntur, Præstantissimis Viris ita cum Valsalva agi, in hoc certe musculo de Re Anatomica bene merito, ut scribant: „Internus Musculus Uvulæ, vocatur *Pterygostaphylinus*, & a Valsalva *Novus Tubæ Musculus*; perin- „de ac si incognitus fuisset præcedentibus Anatomicis; quoniam, inquit, attinet ad Meatum a Palato ad Aurē, quem ipse vocat *Tubam Eustachianam*. „Ultero quidem fateor id quod mihi jam olim *Adversaria* I. apparanti perspectum est, ex quo Falloppius istum musculum princeps descripsit, eundem non modo tres de quibus paulo ante dixi, Anatomicos, sed & alios plures, tum ante, tum post ipsos, scribentes proposuisse, ex quibus satis fuerit nominasse inde quidem Platerum (t), Vidium (u) qui & voluit, sed infelicitate, delineare, Spiegelium (x), & eum qui rursus, sed non multo felicius, pinxit, Veslingium (y); hinc vero Molinetum (z), Marchettum (a), Brownium (b), apud quem nova, parum tamen apta, delineatio conspicitur, novissimum denique ante Valsalvam Cowperum in priore Myotomijæ editione (c). Verum ut alios aliorum, & nominatim Riolani, Rolincii, Molinetti, Marchetti errores in utroque musculi extremo omittam; ut fileam, Bauhinum (d) nihil indicasse quo se ostenderet intelligere, eundem hunc esse musculum quem modo de Riolani sententia cum Uvulæ, modo Falloppium secutus, cum Faucium musculis proponeret; ut ne id quidem memorem, quosdam Anatomicos non defuisse, in quibus Diemerbroeckius (e), qui eum musculum *solummodo conjecturalem* esse, docuerint; postremo ut illud quoque præteream, nullam ante Valsalvam ejus musculi imaginem paulum modo tolerabilem, aut unde justam concipere animo ideam liceret, extitisse; hoc unum quæram: quis tandem ante Valsalvam hunc ipsum musculum ad Tubam attinere tradiderit? Valsalva certe non *Musculum Novum* dixit, sed dumtaxat *Musculum Tubæ Novum*. Atqui ne ipse quidem Eustachius, qui & primus omnium hunc musculum, ut ejus Tabulæ postea inventæ ostenderunt, & optime omnium, si unum Valsalvam excipias, delineaverat, tum Tab. XXXII. (quod recte Valsalva suis in schedis animadvertit) Fig. IV. & VI. ubi ad latera exossis, sive glandulosæ palati partis, ut nos censemus, membrana detracta, & cum appensa inferius Uvula a tergo ostensa, dicitur *musculos styloglossos utrinque abscissos* exhibuisse, tum & sane quod ad sedem attinet, clarius proxima etiam quæ præcedit, Tabula Fig. XIII. loco a Cantio (f) designato; ne ipse quidem, inquam, Eustachius Tubam usquam Musculo adjunxit, cum præsertim commodissime posset hac eadem Fig. XIII. Neque enim (id quod ante Cantium non Valsalva modo in schedis adnotaverat, sed Lancisius ipse, eo jam loco in altera editione sublatum minime a Cantio redarguendus, agnoverat) neque, inquam, aliud sunt Foramina quæ in ea Figura dicebantur esse Tubarum, quam Foramina, arterias Carotides admittentia. Foramen quidem quod ossæ partis Tubæ sinistræ finis est, inter Foramen, sinistram Carotidem excipiens, & Foramen, crassiorē Quinti paris nervi ramum dimittens, quod ab elliptica figura vocant Ovale, adumbratum video, sicut ab dextero latere ambos, ni fallor, ossis Temporum, & Sphenoidis processus quos quidem postea tum inter se, tum, postremo angulo ejus de quo loquor, musculi, tum extremæ ossæ Tubæ foramini proximos esse, demonstrabo. At reliqua Tubæ pars cartilaginea atque membranæa

neutro in latere addita est: ad quam tamen partem Valsalva princeps docuit eum musculum attinere.

22. Sed hoc ipsum est quod aut tacite, aut discrete a plerisque negatur. Et primum is quem supra memoravimus, Drakius (g) oriri hunc musculum docet prope originem Sphenostaphylini (hoc est Salpingostaphylini Valsalvæ), „ex osse petroso, „ubi Tuba a palato id os ingreditur, prope acutum quendam Processum Ossis Sphenoidis, & ingressum Carotidis Arteriæ. Ibi eum esse cartilagineum, & ejus inferius latus adhærere cartilagineæ parti Tubæ, non vero oriri ex toto hujus latere anteriore, ut volebat Valsalva. Inde ascendere ad Processum Pterygoidem, ubi mutatur in latum, tenuemque tendinem se expandentem in anteriorem Uvulæ partem; quarum tendinearum fibrarum aliquæ ad inferiorem ascendunt marginem Ossis palati; aliæ descendunt in latera Faucium, ubi sub Amygdalis evanescent; Sed media Series hujus tendinæ Expansionis aut cum fibris alterius lateris unitur, aut evanescit in duobus carneis Corporibus, Uvulæ corpus componentibus. Cum ambo agunt hi musculi; semper autem simul agere; non modo Uvulam sursum, & antrorsum trahere, sed pariter attollere Amygdalas; quam actionem posse a nobis, Fauces insipientibus, observari. „Hanc ego descriptionem totam huc trans tuli propterea quod mixta cum veris nonnulla habet dubia, nonnulla a vero abhorrentia. Dubium est quod sine ulla hæsitatione pronunciatur, semper hos musculos simul agere. Dubium item est quod videtur significari, istos quos, Fauces insipientes, conspicimus Uvulæ, & Tonsillarum motus ipsis potius, quam aliis musculis deberi. Alienum autem magna ex parte a vero est illud præsertim quod ab iis Uvulam dicit sursum, & antrorsum trahi. Nec me fugit, Falloppium (h), Vidium (i), Bauhinum (k), Marchettum (l) pariter docuisse, his musculis uvulam, aut certe extremum palatum sursum atque antrorsum moveri, iisque adstipulatos esse in hoc quidem motu Veslingium (m), Cowperum (n), Cantium (o), aliosque; in illo autem Molinetum (p). Attamen ut concedam, ab hac parte eos musculos movere posse, qua de re postea videro; apparet sane eorum positum insipientibus, retrorsum potius quam antrorsum esse moturos: itemque potius quam tot aliis Scriptoribus, assentiendum esse Brownio (\*), Cowpero (q), & Heistero (r) deorsum movere docentibus; quo Valsalvæ quoque sententia pertinet, iisdem musculis ab hac quidem parte arbitrantis, nasi interna Foramina dilatari, hoc est subjectam his exossam palati portionem deorsum duci. Eo autem proclivius Drakio fuit hac in re hallucinari primum quod inversam capitis basim spectans, hujusque naturalis positus oblitus, dixit, ab origine ascendere ad processus Pterygoides eos musculos qui ad hos descendunt, tum quod non satis attendit, id quod ejus descriptio indicat, *mirabilem illam*, ut Falloppius (f) loquitur, *quandam rimam*, quæ in infima interna (non externa, ut fortuito procul dubio, non consulto, Eximius nuper Anatomicus indicavit) Pterygoidis processus ala ita insculpta est, ut per ipsam, seu per trochleam, trajectus musculi tendo inde quidem magna ex parte antrorsum potius quam retrorsum, ire pergat, quo fit ut retrorsum potius quam antrorsum ducat; sursum vero magna ex parte inflectatur, unde consequitur, eum musculum qui, nulla interjecta trochlea, sursum traxisset; hac interjecta, magna ex parte deorsum trahere.

23. Dixi autem *magna ex parte*, non quod aliud jam mihi, quam cum olim II. *Adversaria* scriberem, videatur, sed ut in quo possum, in eo plerisque, Amicis præsertim, pertinaciter ne repugnem. Scilicet ibi (t) confessus sum, me *quomodo ad Uvulam pertinere queat* is musculus, *non videre, cum illius tendinem observare solitus sim in ipsam extremam ossæ palati oram infigi*. Ne nunc quidem satis id video. Nam quamvis Drakius ejus tendinis fibras in duo, ut inquit,

(q) loc. cit. (r) Obs. Anatom. (f) Anthropol. book 3. ch. 14. (s) De corp. hum. struct. l. 1. (u) De Anat. corp. hum. l. 4. c. 4. & Tab. 38. Fig. 20. litt. T. (x) De hum. corp. fabr. l. 4. c. 6. (y) Synt. Anat. c. xi. (z) Dissert. Anat. l. 3. c. xi. (a) Anat. c. xi. (b) Myograph. Præf. 3. Tab. xi. (c) ch. 17. (d) Theatr. c. cit. 83. & c. 86. (e) Anatom. l. 3. c. 22. (f) loc. cit. (g) loc. cit. (h) (i) (k) (l) (m) (n) (o) (p) (\*) (q) locis supra cit. (r) Comp. Anat. ult. edit. n. 326. (f) Obs. Anat. (s) Animad. 14.



quit, Corpora ( qua de re alias ( u ) ad te scribam ) Uvulam componentia, quamvis in faucium latera deorsum ducat, quamvis Cowperus ( x ) cujus ille, opinor, observationibus jam tum ex parte nitebatur, hoc Imaginibus, & Explicationibus confirmavit, quamvis iisdem Imaginibus perinde ac si perpetuum esset, ostenderit id quod Valsalva, & Drakius saltem aliquando contingere, tradiderunt, tendinis utriusque fibras non aliquot, ut illi, sed ferme omnes uniri inter se, ne una quidem indicata ( cum Drakius aliquas fassus esset, Valsalva ( y ) fere omnes pinxisset ) quæ in os palati se se infingere videatur; mihi tamen res multo aliter adhuc solet apparere, tantumque abest ut mediam anticam, sive superiorem utriusque tendinis oram antrorsum in anguli formam, ut depingit Cowperus, excrecentem inveniam; inde retrocedere potius video, ut illum curvilineum angulum excipiat in quem media ossea excrecit palati ora, sicut in Valsalvæ Tabula monstratum est: qui angulus tametsi est sæpe retusus; tamen in omnibus satis prominet, ut fundamenti instar sit postremæ parti ejus parietis qui nasi caveis est interpositus, ut pote qui ad posteriora magis extenditur quam ipsa cavearum ossea basis; credo, ut opportuna utrinque, & mobilis sedes his de quibus loquimur, tendinibus, fibrisque aliis relinquatur. Is ergo interjectus osseus angulus certe facit ne pleræque, anteriores præsertim, tendinis utriusque fibræ inter se uniantur, sed inferant se in ejus anguli latera, & proximam utrinque osseam palati oram, curvo flexu antrorsum recedentem, eoque magnæ tendinum parti sedem, ut dictum est, opportunam relinquentem.

Neque vero cum hos tendines ajo apparere mihi infixos in eam oram, id est in utrumque extremum os Palatinum, quidpiam dico quod nemini, præter me, Anatomicorum apparuerit. Vidit enim pariter Experientissimus Waltherus ( z ), qui eos tendines demum explicari, scribens, & post palati os pandi; in quod, inquit, juxta Palato-staphylinum musculum ipsi desinunt. Et quanquam alibi ( a ) plura de his musculis præter communem observationem proposuit, quæ quoniam serius edidit, necdum cum hæc ad te scriberem, cum idoneis cadaveribus conferre potueram; tamen ibi quoque certam eorum partem in tendinosam expansionem, qualis ossi palati extremo margini præfigitur, manifesto desinere, confirmavit. Sed etiam videbat Diligentissimus Santorinus ( b ), in eo a Valsalva se dissentire, professus, quod eos musculos, non supra postremum os palati, sed subter finitos; --- tendineas vero eorundem fibras omnes proxime in ejusdem latus, ulterius autem in inferiorem relinquantem faciem minime continuatas insertas observavit. Ego tamen aliquid malo cum Valsalvæ concedere, quem ita scio docuisse, diffundi hos tendines circa inferiorem marginem Foraminum Nasi internorum, in horumque membrana desinere, ut hoc nomine non quæ supra palati os, nec quæ in ejus inferiori facie, sed proximam exossem palati partem intelligeret; tum aliquid etiam Amico meo Solertissimo Heistero ( c ), qui ut mihi dat, partem quidem eorum tendinum Palatino ossi, sic vicissim ait, sibi videri, partem etiam membranae palatinae inseri. Quod utriusque observationibus potius, quam meis, ea quoque de causa libentius tribuo, quod sive concesserim, sive negaverim, quasdam illorum tendinum fibras in eam inferi membranam; hanc tamen, ut pote iis se expandentibus tendinibus annexam, atque adeo ipsos intra suas ibi mobiles, ut dictum est, laminas continentem, negare profecto non possum, iis digito versus originem tractis tendinibus, retrorsum atque deorsum ( quos tunc motus simul in eorum vidi expansionibus ) sic satis commoveri vel ad auditum juvandum, vel ad resonitum vocis obtundendum; non tamen ut uvula, nisi forte propter suam cum hac membrana connexionem, mediateque, ut loquuntur, ipsa moveatur: neque enim ad uvulam ii tendines pertinent qui satis ab ipsa, ut ego intelligo, distiti sunt. Sed quid Uvula nomine sit accipiendum, an

Morgagni Epistolæ Anatomicae.

teres dumtaxat, ut a nobis, appendicula, num exos omne, ut a Cantio, palatum, alio in loco ( \* ) videbimus. Hoc Cantii ( d ) certe Figura ostendit ( quæ utinam cætera pari ostenderet perspicuitate ) aliud ipsum atque ego, quocum, ut erat humanissimus, satis liberaliter egit, intellexisse. Verum alibi Egregii Viri, & longiori vita dignissimi humanitati respondebo.

24. Nunc age, ad reliquam illam quæ Valsalvæ potissimum adversatur, Drakii descriptionem veniamus, cum qua etsi video satis consentire plerorumque, & Præstantissimorum quidem, Anatomicorum descriptiones; tamen pro mea fide, & veri studio quid secundum Valsalvam, quid contra observaverim, non silebo.

Quæ ut intelligere planius possis; primum quid Falloppius, tum quid Valsalva, deinde quid cæterorum plerique, novissime quid ego de hujus musculi origine animadverterim, proponam. Igitur Falloppius ( e ), qui & primus, & optime omnium, quicumque usque ad Valsalvam scripserunt, hunc musculum descripsit, oriri, docuit, nervoso, atque tenui principio, ab apice quodam cuneiformis ossis, qui ultra foramen illud parvum est, per quod arteriola per membranam dispergenda in calvariam ingreditur, quique apex articulum maxillæ cum osse temporum quasi tangit. Contra Valsalva carneum, idemque pro musculi parvitate amplissimum initium tribuit, a toto videlicet latere anteriore non osseæ, ideoque mobilis, Tubæ portionis. Quantum discrimen inter utriusque intercedat sententiam, tum re, tum quod ex re consequitur, officio, vides. Cantius ( f ) tamen Falloppii retinet descriptionem; nec mirum, ut qui Valsalvæ descriptionem videtur, ut supra ostendimus, ad novum aliquem omnino musculum pertinere credidisse. Cowperus vero qui eundem a Falloppio, ac Valsalva musculum descriptum esse, non ignorabat, quam ante Valsalvam in priore Myotomiæ editione ( g ) descriptionem proposuerat, eandem in altera ( h ) servavit, ut Falloppium sequeretur, nisi quod initium musculi nervosum esset atque tenue, an non esset, nunquam dixit. Sed qui inter utramque Cowperi editionem scripsit, Iacobus Drakius, etsi cætera quæ Valsalva eode initio docuerat, diserte, ut vidimus, negavit; illud tamen esse carneum, & ex osse Petroso, sive ex fine ipsi osseæ Tubæ partis, non ex acuto Cuneiformis ossis Processu, sed prope hunc existere, confessus est. Huic partim, sed partim etiam Falloppio, & quadantenus Molineto ( i ) quoque, & Marchetto ( k ), qui duo ab ala ( externa tamen ) ossis Sphenoidis deduxerunt, aut propriis potius, ut verum loquar, observationibus accessit Amicus meus, Anatomicus Præclarissimus atque Experientissimus, qui non carnis, sed tendineis oriri fibris, docuit, partim ultra tubam a petroso temporalis Ossis processu, partim supra eam ab interiore Pterygoidis ala. Hic tamen etsi contra Valsalvam animadvertit, hujusce musculi principium neque a membrana, neque a cartilaginosa Tubæ parte proficisci; nihilominus latam esse ejus originem, testatus est. Porro Vir Cl. Heisterus ingenuitatis, & solertiæ suæ specimen præbuit, qui cum in prioribus utilissimi Compendii sui Anatomici editionibus aliter docuisset, in tertia demum, & quarta ( l ), oriri, tradidit, a parte suprema processus pterygoidei, & anteriori tubæ huic vicina, hoc est non ossea. Post hunc Doctissimus Waltherus ( m ) carnosæ hujus musculi partis longiorem insertionem in membranosa, & cartilaginosa tuba, esse, scripsit. Qui etsi alia postea alibi proposuit ( n ); tamen non ita musculum a Tubæ sejunxit, ut non aliquam illius tendineam portionem huic ex parte adherescere, affirmaverit. Quibus de rebus cur non plura hic dicam, supra ( \*\* ) indicatum est. Neque alia causa est, quare ea quæ novissime de eodem musculo edidit Cel. Winslowius ( o ), præteream, si illud unum excipias quod docuit, annecti altero ( hoc est posteriore ) extremo partim lateri Sphenideo portionis osseæ Tubæ, Eustachianæ, partim portioni molli proximæ, ejusdem Tubæ: hanc autem alteram musculi partem

I 2

, non

( u ) Epist. x. n. 29. ( x ) Oper. cit. Tab. 28. Fig. 3. & Tab. 29. Fig. 1. ( y ) Tab. 19. ( z ) Tener. Musc. Anat. ( a ) Act. Lips. A. 1733. M. Jun. ( b ) Obf. Anat. c. 2. n. xi. ( c ) Comp. Anat. Explic. Tab. 8. Fig. 38. ( \* ) Epist. ix. n. 5. & seq. ( d ) 2. Tab. 3. ( e ) Obf. Anat. ( f ) loc. cit. ( g ) ch. 17. ( h ) ch. 15. n. 55. ( i ) Dissert. Anatom. l. 3. c. xi. ( k ) Anat. c. xi. ( l ) n. 326. 5. ( m ) Tener. Musc. Anat. ( n ) Act. Lips. A. 1733. M. Jun. ( \*\* ) n. 23. ( o ) Expos. Anat. Traité de la Tête n. 498.



„ non videri alii rei inservire, quam Tubæ dilatandæ . „ Vides, ut opinor, quomodo a Valsalva notro Anatome excipit pro tenui illo, & nervoso Falloppiano hujus musculi initio ex apice ossis sphenoidis, nonnulli latius, alii carneum quæverunt, aliqui ex ossea saltem, quidam etiam ex non ossea Tubæ parte.

25. Jam vero & reliqua attende; cognosces namque, plerisque omnes eo processisse, ut si quod Heisterus, & Winslowius, non faciunt, ut alterum musculi extremum in Tubæ parte non ossea esse; fateantur; id tamen quod eodem fortasse recidat, non inficiuntur. Et primum in secunda Myotomiae editione (p) Cowperus Icones protulit magis cum Valsalvæ, quam cum sua musculi hujus descriptione consentientes. Illis enim præclare ostendit a Valsalva propositam, a se omissam musculi cum Tubæ cartilagine connexionem: quin imo in Explicatione diserte monet, ideo se una cum musculo eam cartilagineam abscissam delineasse, ut monstraret ejus Connexionem cum Musculo modo memorato. „ Drakius vero, ut vidimus, confessus est: „ inferius „ (scribere voluit, certe debuit *superius*) „ Musculi latus adhærere cartilagineæ parti Tubæ. „ Itaque alio in loco (q) scripsit: „ in actione deglutitionis, ut hi Musculi trahunt Uvulam sursum, & antrorsum, eosdem pariter comprimere latera Tubarum, ideoque prohibere, ne quid ex manso alimento, liquido præsertim, transeat in earum orificia, quæ in faucibus sunt. „ Esse autem agitationem laterum ipsarum Tubarum, quam audiamus cum actionem edimus deglutitionis, etiam si nihil habeamus quod deglutiamus. „ Neque demum ab Drakio dissentit, quamvis aliam indicet compressionis Tubæ utilitatem, amicissimus, quem supra laudavi, Anatomicus. Fatetur enim, Tubæ adhærere eam Musculi partem, quæ ultra, hoc est posterius, exoritur: & se vehementer suspicari ob ulteriorem ejus musculi exortum, quod comprimi quodammodo Tuba possit, atque adeo quod muci intra eam est, exprimi potius & excerni, quam ejusdem latera diduci. Et si mihi hæc muci excretio, proclivior alioqui habentis viam ut ex Tuba, quam ut ex Maxillaribus Sinibus elabatur, Salpingostaphylini musculi, qui Tubæ subtensus est, coagitatione satis videtur promoveri: arceri autem satis a Tuba (qua de re sollicitum etiam video Cel. Boërhaavium (r)) quæ deglutiuntur, cum aliis naturæ artificiiis, tum ipsa cavitatis Tubæ contra nasum potius, quam contra imas fauces unde illuc repelli alimenta possent, conversione: denique ipsarum, Tubæ proximarum, faucium motus esse quos inter deglutendum audiamus: malo tamen, suæ quemque opinioni indulgere, quando hæc ipsæ opiniones, & siquæ aliæ apud Waltherum (s) leguntur, omnes facile fructus sunt Valsalvæ industriæ, qui Anatomicos de hoc musculo scribentes, ab una Uvula eo traduxit ut etiam de Tuba cogitarent. Quanquam cum ipsum musculum cartilagineo Tubæ lateri adhærere fatentur, si idem quod Cowperus, intelligunt, id est eidem lateri connexum esse; haud satis video, cur Valsalvæ (t) opinioni non assentiantur; perinde enim est ad levem præsertim mobilis cartilaginis ductitationem sive in ipsam infigi musculum, sive cum eadem esse connexum. Sin appositum esse dumtaxat, intelligunt; mihi dent veniam oportet; si non dissidendi, a qua re longissime absum, sed veri inquirendi causa, meas vicissim observationes in medium produxero. Fecit enim iusta cum ipsorum diligentia opinio, tum meæ conscientia humanitatis a qua nullam usquam hallucinationem alienam puto, ut quæ olim aliter mihi videre visus eram, iterum ac sæpius inspicerem.

26. Itaque idem semper mihi quod alias, accidit, ut multo maximam superioris lateris partem habere hunc musculum invenirem anteriori cartilagineo Tubæ lateri sic affixam, ut omnibus etiam tum in sua naturali sede manentibus, quoties ego tendinem propriam versus insertionem traherem, toties antea Tubæ latus extrorsum duci, sive Tubam dilatari, conspicerem: idque eo manifestius fiebat, ubi membranea Tubæ parte

secundum longitudinem discissa, cartilagineam mobiliorem fecissem. Quibus ita observatis, & iis qui aderant, præclare ostensis, tum musculo una cum Tubæ cartilaginea eadem parte, sua e sede exsecto, & inter exsecandum ulterioribus, & citerioribus, siquæ essent alia, initiis musculi diligenter perquisitis, id & vidi ipse, & demonstravi quod sic dilatata ad motum musculi Tuba indicaverat, musculi fibras multo plurimas ab anteriori cartilagineo Tubæ latere exoriri. Erat autem plerarumque earum initium carneum; nam et si ibi utraque musculi facies tendineum quidpiam, neque illud perpetuum, sed dissectum ostendebat; certe pleræque, præsertim interiores, fibræ carneæ erant. Quid ergo, inquis, de musculi initiis illis ulterioribus, & citerioribus? Huc ibam. Anterior quidem latus musculi adhærere alias firmiter, nonnunquam laxius inveni processum Pterygoidis alæ internæ, non sic tamen ut inde ullæ illius enasci fibræ, sed vel quæ hujus proximæ crepidini erant, recta pergere viderentur. Superioris autem lateris, cuius partem diximus multo maximam cartilagineo Tubæ lateri affixam esse, postrema pars quæ proximam osseam Tubam attingebat, huic ipsi infigebatur. Quam Valsalva partem an propter parvitatem, si cum toto reliquo eo latere conferatur, neglexerit, an aliquando dumtaxat, & quasi fortuito, ut in vicinum atque adeo contiguum locum, eo se se extendere, putaverit, mihi quidem incertum est. Illud fere certum: quibus hoc immobile initium musculi paulo validius, majusque est (videor enim meminisse, non in omnibus ad eundem modum se habere) eos, quod ad hunc musculum attinet, valentius posse exossem illam palati partem deprimere.

27. Num vero semper, ut mihi quidem & olim, & nuper videre contigit, initium hoc in extrema ossea Tubæ parte invenitur, pro certo dicere non ausim.

Falloppium enim (u), & Cowperum (x) ab eo quem describunt, Cuneiformis ossis processu non deducturos fuisse, nisi vidissent, æquum est existimare. Hoc tamen dicam, istum processum, quantumvis ad os aliud attineat, extremam illam osseam Tubæ partem contingere: imo ipsam quoque Tubæ extremam partem fere in processum extuberare, qui aliquando processu illo contiguo extantior est. De craniis enim duodecim quæ, cum hæc scriberem, intuebar, quatuor sunt in quibus altero in latere processus ossis Sphenoidis magis quam Tubæ processus, & vicissim in latere altero magis hic quam ille prominet, & quidem a natura. Quinimo in craniis reliquis octo unum est quod utrinque ostendit hunc magis, quam illum, prominentem; siquidem ab exteriori Styloidis processus sede, ossea lamina non minus fere quam ipsa, extans, proficiscitur; parique altitudine ad extremam usque Tubam osseam se extendit. Ea lamina in cæteris craniis plerumque posterius, nonnunquam interius exorta, quo longius a memorata sede oblique antrorsum procurrit, eo minor fieri solet, donec fere in processum Tubæ desinat, sæpe magis, alias minus quam ipsa, prominentem: unum tamen cranium est in quo anterior laminæ pars a primordiis omnino deest; processus non deest. Sive igitur hic qui ad Tubam attinebat, processus, quippe qui attiguus, nec facile, nisi in perpurgato cranio, a processu Sphenoidis ossis per eos qui hæc antea haud animadvertierint, distinguendus, imposuit, sive non imposuit quidem, sed revera ab eo quem ajunt, processu hic musculus oriebatur; sane illa ratione patet, non aliter quam nos, vidisse, tantummodo aliter credidisse; hac vero, nihil facilius est intelligere, quam ortum a parvo contiguo processu musculum contiguo quoque Tubæ ossi non affigi vix potuisse, aut certe ibi vicina adeo ossa hæc duo esse inter se, ut in idem recidat, si in his quidem hominibus ex illo, in illis autem ex hoc musculus; vel potius musculi extremus angulus proficiscatur. Quæ idcirco volui accurate hic persequi tum quia nihil in admirabili structura humani corporis est contemnendum, tum quia ut hujus musculi, ita Salpingostaphylini principium sunt

(p) Tab. 28. Fig. 2. & Tab. 29. Fig. 1.  
(f) locis cit. (r) c. 5. n. 12. in fin.

(q) Anthropol. book 3. ch. 12.  
(u) (x) Vid. supra n. 24.

(v) Instit. Med. n. 560.



sunt qui ex eodem illo offis Sphenoidis processu repetant, in quibus est Cowperus ( *y* ), sunt item alii in quibus est Drakius ( *z* ), qui si non ex illo processu, at certe ita ex vicinia repetant, ut minime dubitent, ex offe Sphenoidis provenire, quod vel ipsum vocabulum docet quo appellant, Sphenostaphylinum; cum tamen hic secundum nostras observationes vel minus ab illo processu, aut ab illo offe nasci posse videatur, ut qui paulo interius quam Novus Tubæ musculus, a parte videlicet eadem Tubæ offea, sed ab latere interiore, proficiscitur, quod latus tanto minus ad illum processum, aut omnino ad os Sphenoides pertinere, ex eo intelligitur, quod vel ipsum exterius offeæ Tubæ latus ad os Temporum attinere manifestum est.

28. Verum ut ad Tubæ musculum redeam, & quæ de ipsius initiis tradidi, in pauca contraham; postremas quidem ejus fibras ex offea extrema Tuba, aut ex hujus vicinia oriri, concedo; sed reliquas multo plurimas ad idem musculi superius latus attinentes, non aliunde ajo, quam ex reliqua non offea Tuba, proficisci. Quod ut ita esse intelligas; id latus musculi non in Valsalvæ tantum, sed in Cowperi ( *a* ) etiam, atque adeo in Eustachii ( *b* ). Tabulis intueri, fibrasque ad id latus pertinentes, ac ductum earum attente spectare, & tum demum existima, ab acuto illo postremo angulo plurimæ, an perpaucae fibræ proveniant. Atqui illæ plurimæ sunt ea pars lateris quam Tubæ cartilagini alii adhærentem, alii connexam fatentur. Qui si plurimas illas fibras ex eâ deducerent parte offis Sphenoidis quæ omni anteriori cartilagineo Tubæ lateri imposita est; tametsi id ponerent quod cum Valsalvæ observationibus, meisque non congrueret (exiguam enim; si ullam; inde nasci inveni fibrarum partem, multo maximam ex cartilagine) tamen id dicerent quod earum fibrarum ductui non repugnaret. Nunc quando illi quorum observationes, Valsalvæ adversas, supra exposuimus, id non ponunt; quod autem ponunt, cum fibrarum ductu non consentit: reliquum esse vides, ex eo cartilagineo latere fibras nasci cui dicunt annecti dumtaxat, aut adhærere.

29. Proximum esset, ut Valsalvam sequeremur, Salpingostaphylinum de quo paulo ante dicebamus, cæterosque Uvulæ, & Pharyngis musculos describentem. Sed cum ea omnia non nisi plurimis verbis complecti liceat; hæc autem jam satis longa Epistola sit; in aliam, omnem eum sermonem differemus. Præstat hic tympani historiam absolvere, quibusdam ad ea adnotatis quæ a Valsalva de illius Vasis, & Nervis in calce II. capitis proposita sunt. Sanguifera vasa per Aquæductum Falloppii in tympanum admitti, a Vesalio proditum indicat Schelhammerus ( *c* ). Ego vero primum a Falloppio ( *d* ) traditum video, arteriam quidem tympani ex arteria nasci quam tum oriri ait ab illa, quæ per membranam duram disseminatur; tum per Aquæductum, Duræ Auditorii nervi Portionem comitem ire. Vesalius ( *e* ) autem venam, internæ Jugularis ( id est minoris hujus portionis ) calvariæ ingredientis sobolem, non per Aquæductum immitti, sed per offeam Eustachianæ, ut nunc vocamus, Tubæ partem, prodiderat, per quam quinti, hoc est Auditorii, nervi portionem quoque excedere aliquando; sic enim postea locutus est ( *f* ); judicaverat. De his vasis, & utriusque in tympanum viis Casserius ( *g* ) Vesalio magis, quam Falloppio, assensus est. Recentiores Anatomici innumera quidem vascula per membranam, tympanum convestientem, agnovere: imo Cel. Ruyschius ( *h* ) ipsorum mirabilem per hanc reptatum diligentius oculis subicere conatus est. Sed de origine, & viis qui aliquid attigerunt; si Diligentissimum Casselbohmius ( *i* ) excipias; ut in his a Veteribus non discreparint; in illa certe sive augenda, sive emendanda, quantum Valsalva, non præstitere. Quanquam in his rebus, ut in aliis ejusmodi, variare naturam, cum aliunde mihi, tum ex ipsis Valsalvæ schedis indicia sunt; in quibus videlicet scriptum inveni, illam suam tympani arteriolam non ex eadem semper Carotidis arteriæ parte nasci, nec venam, aut venulas ad

eandem semper Diverticuli partem referri, quin imo visas ipsi harum aliquas ad eum qui Sellæ Equinæ adjacet, Superiorem Sinum pertinentes: quas ego in illam potissimum vidisse ejus Sinus partem influentes quæ ab Laterali Sinu propius abest, ob id etiam suspicor, quod cum totus ille Sinus a tympani cavo factis distet, ea tamen parte offeis cellulis per quas sanguiferis vasculis facilius ex tympano trajectus est, satis utique propinquus sit.

30. De tympani autem Nervis, ac de eo nominatim cui Tympani Chordæ nomen est, mirari fuit, Falloppium ( *k* ) aperte fassum esse, se quid ea esset, ignorare, præsertim cum quosdam sciret nervulum eam esse opinatos. Magis tamen mirum est, cum mox Eustachius ( *l* ), utroque Chordæ extremo præclare ostenso, nervum esse demonstrasset; tamen inventos etiam esse qui Falloppii dubitationem sequerentur, aut certe non improbarent, in quibus Vidius ( *m* ), Coiterus ( *n* ), & Fabricius ab Aquapendente ( *o* ); ne quid de ipso Arantio dicam, qui ( *p* ) pro Mallei ligamentali funiculo habuit, addens, non deesse qui dubitent, arteriane, aut nervos censendus sit, sed nihil mirum in re adeo exigua, quæ Lynceos postulat oculos. Equidem non propterea Eustachio ( *q* ) lynceos oculos fuisse, crediderim, aut etiam Casserio ( *r* ), qui corpus id nervosum esse, ut rem sibi planam, & certam, scripsit; quando nunquam mihi accidit, ut adeo exiguum, aut eo colore, forma, habitu invenirem, ut non continuo, in recentibus quidem auribus, pro nervo agnoscere sine ulla hæsitazione deberem, origine etiam non spectata, quæ una omnem penitus dubitationis ansam tollit. Verum Molinettus ( *s* ) ut nervum esse, concederet, tamen ignotæ hætenus originis esse, contendebat, neque illos qui a Conjugatione Quarta ( quæ nunc Quinta numeratur ) nervorum cerebri propagari, opinati essent, ipsum ab hac manantem ostendere potuisse. Quod si satis ipse habuisset docere, natum ab Dura Portione Auditorii nervi in cavitatem Tympani motu inverso ferri, tanquam recurrente nervo actore musculorum, æque ad audiendum, ac ad voces edendas sit opus; ne Eustachii quidem memoratam ostensionem illi obijcere potuissemus. Ecce enim Vieussenius quoque non in Tractatu quidem de Aure, in quo invenire nondum potui ubi Chordam Tympani, aut ubi Duram Auditorii nervi Portionem, hujusque canalem describat, sed olim in Neurographia ( *t* ) docuit, Chordam ab Dura illa Portione nasci, & in Propaginem Quinti nervorum Paris se inferere. Ecce etiam Valsalva, Molinettum in parte, sed cautius aliquanto quam Vieussenius, secutus, admonuit, Cl. Casselbohmius probante ( *u* ), incertum esse, a Quinta in Septimam, an ab hac potius in Quintam Conjugationem Chordæ tympani feratur. Sed cum Molinettus non modo contendit, ab Dura Portione nasci, verum & in musculum Majorem Mallei ire, per quem ita diffundatur, ut in ipsum ( quod postea diferte ait ) desinat; & quod consequitur, ad Quinti Paris ramum altero extremo non se adnectat; tum vero id docet quod luculentis Eustachii, & recentium Anatomicorum observationibus confutetur, eorum etiam qui cum Cl. Walthero ( *x* ) ramis paris quinti, & septimi, in unum truncum congressis, Chordam deberi, pronunciarunt. Nam hæc tertia quoque de Chordæ origine sententia duabus prioribus accessit. Et vero necesse est, aut ex illo, aut ex hoc nervorum Pari exorta in alterum feratur, aut ex duobus confiat furculis quorum singuli ex singulis Paribus profecti, sibi que occurrentes, in unum conveniant. Sed horum trium quod potissimum verum sit, mihi quidem haud satis liquet. Non ignoro, Præstantissimum Anatomicum nuper censuisse, Chordam esse potius Septimo, quam Quinto Pari adjudicandam propterea quia, videtur facere in nonnullis subjectis, cum nervo ( e Pari Quinto ) simpliciter angulum, acutum, cujus vertex antrorsum convertitur, & quia, idem nervus videtur paulo crassior infra hunc angulum. Non hæc, inquam, ignoro: imo video, illa etiam Figura qua hunc angulum Verneyus ( *y* ) ostendit,

( *y* ) Myotem. ch. 15. n. 54. ( *z* ) Tab. 3. cit., ch. 14. ( *a* ) ( *b* ) Tabulis supra cit. ( *c* ) De Audit. P. 1. c. 3. n. 10.  
( *d* ) Obs. Anat. ( *e* ) De hum. corp. fabr. l. 1. c. 12. & l. 3. c. 14. ( *f* ) Exam. Obs. Fallopp. ( *g* ) Pentæth. l. 4. Sect. 1. c. 13.  
( *h* ) Epist. Anat. 8. ( *i* ) De Aure hum. Tract. 3. n. 105. & 106. ( *k* ) Obs. cit. ( *l* ) De Audit. Organ. ( *m* ) De Anat. corp.  
hum. l. 2. c. 2. ( *n* ) De Audit. Instrum. c. 11. ( *o* ) De Aure P. 1. c. 4. ( *p* ) Anatom. Observ. c. 11. ( *q* ) Opusc. cit.  
( *r* ) c. cit. ( *s* ) Diss. Anat. l. 4. c. 9. ( *t* ) l. 3. c. 3. ( *u* ) Disp. de Aure int. n. 48. ad lit. b.  
( *v* ) Diss. de Membr. Timp. n. 5. ( *y* ) De Audit. Org.



stendit, eadem posse confirmari. At invicem video, eundem Verneyum in ea Figura superiore qua alterum Chordæ angulum cum Paris Septimi Dura Portione commonstravit, ibi quoque angulum pinxisse acutum, cujus vertex anguli deorsum, hoc est ad exteriora pariter conversus est, infraque hunc angulum Duram Portionem paulo crassiore, in meo quidem exemplo, delineasse: quæ nimirum satis indicant, esse vicissim alia subiecta in quibus, si eandem sequamur conjecturæ viam, Quinto potius quam Septimo Pari Chorda esse adjudicanda videatur. Igitur nisi Chordam in aliis subiectis ab alio velis repetere nervorum Pari; satis intelligis, ut opinor, ei conjecturæ non magnopere esse fidendum.

31. Verum ad Molinettum ut redeam; tantum abest, ut Chordam in Majorem Mallei muscolum se totam immittere, in eoque desinere, conspiciamus; ne tenuem quidem illi furculum ad hoc tempus præbere vidi; etsi interdum ea mihi suspicio incidit, aliquem olim ab iis fortasse conspectum esse qui duos eidem musculo tendines adscripserunt. Certe in bove minimum ramum quem ille a Chorda accipiebat musculus, Valsalva invenit, quantum ex hujus adversariis intelligo, in quibus propositam ab Egregio alioqui Anatomico descriptionem Chordæ notari video tanquam ex bove, non ex homine petitam; in hoc enim aliter ac in bove, incedere, inter Mallei caput, & modo memorati musculi tendinem, & quod consequitur, supra hunc (quod Eustachium quoque (z), & recte quidem, tradentem legimus) non infra hunc ductam. Illud etiam in iisdem adversariis extat (sed in bestia, an in homine, & si in hoc, quoties sit repertum, non adnotatur; ego certe si quid unquam ejusmodi in homine vidi, ad multo minus spatium vidi) in iis igitur hoc extat, Chordam ubi ad posteriores Membranæ Tympani fines pervenit, non ibi continuo os subire, sed curvum ambitum ejusdem Membranæ secutam, tum demum in os se immittere cum illuc venit ubi extremo Mallei manubrio e directo respondeat. Neque plura in omnibus Valsalvæ schedis invenire darum est; ne forte alia expectes unde ille Chordæ illustretur usus de quo in extremo II. capite mentionem fecerat. Quem utinam, aut alium aliquem absolutum dedisset. Neque enim omnibus placet is quem Willisius præ cæteris videtur fuisse propositurus, nisi Chordam pro Mallei ligamento (a), sed pro nervo inter Auditorium Par, & Quinti ramum, Linguae intervenientem, ut revera est, traducto habuisset: nimirum ut eadem præstaret quæ præstari ab aliis furculis docuit (b) ex eodem illo Auditorio Pari ad linguam pertinentibus. Multo autem minus alia cogitata placere debent quæ etsi a primo simplicitatis quadam specie arrideant, tamen ubi cætera paulisper attenderis, non cohæreant: ut si in mentem veniat, non aliam ob causam per tympanum Chordam trajici, quam ut sine ossei canalis additamento illac qua cavum alioquin patet, brevior via ad finem perveniat suum; mox certe non huic naturam studuisse compendio intelliges, ubi Chordam, per tympanum jam traductam, animadverteris non illico quæ proximum fuisset, ad nervum Auditorium contendere, sed per canaliculum, ob eam unam rem in osse excavatum, viam neque ita brevem, & ei nervo fere parallelam antea emetiri quam cum ipso conjungatur. Nec vero magis probare poteris; si paulum modo perpenderis; quæ Schelhammerus (c) indicavit. „Nervo, inquit, hic omnino „erat opus, cum ad sensum membranæ largiendum, „quæ totam hanc cavitatem investit, tum ad motum musculis conciliandum. „Et mox. „In nobis „canalis Falloppianus, per quem dura nervi portio dilabitur, totus contactus est osse, in animalibus vero aliis apertus, ut minima filamenta facile „inde ad musculos derivari queant. „Supra autem „posuerat. „In plerisque animalium hanc chordam non reperiri. „Verum ut minime in aliis reperiretur, ut in fele, in quo Casserius (d) certo ostendit; satis est in vitulo reperiri, sicut idem Casserius (e)

monstrat, & paulo ante ex schedis Valsalvæ dictum est. Hoc, inquam, est satis, quando Schelhammerus, præter Vesalii quem in eam rem laudat, auctoritatem, ipse testatur (f) canalem Falloppii in quibusdam animalibus esse in concha, hoc est tympano, apertum, ut nudus ibi nervus feratur, ut in bove præprimis videre est. Igitur in bove non ideo Chorda per cavum tympani trajecta est, quod Aquæductus totus osse contactus sit. Nec si totus osse contactus esset; hinc tamen fieret quin minima ex eo nervea filamenta in musculos prodirent: siquidem in homine ipso prodeunt, ut Vieussenius (g), & Valsalva docuerunt; quamvis totus osse Aquæductus adulti hominis opertus sit.

32. Quæ Schelhammerum numquam vidisse, minus tunc miraberis, cum hæc quæ supra de Corda scripserat (h), legeris: „Et vero videntur & alii subinde „aliud conspexisse, plurimi ne oculis quidem chordam usurpasse. Nos quoque ingenue fatemur, vix unquam licuisse nobis esse tam felicibus, ut qualis describitur, talem cerneremus, atque de eo saltem sumus „securi, in plerisque animalium hanc chordam non „reperiri. In homine an ideo id nobis obtigerit, „quod non statim post mortem diffecuerimus aurem, „nescio: vix enim prius quam post octiduum, aut „ultra licuit, quoties fecimus, hæc ossa effringere. „Et tamen, quod ad Chordam attinet, tametsi duobus a morte exactis mensibus aliquando hæc ossa diffecerimus, nos certe invenimus ita positam ut ii quibus melius natura illius cognita est, nobis descripserunt, nosque ipsi in recentibus auribus videramus. Nam quod alii, nobiles quamvis Anatomici, haud satis tamen felices illius vestigatores, tradiderunt, per medium tympanum percurrentem incumbere, vel attendi illi articulo tantum, quo stapes cum altero crure incudis copulatur: sic enim post Falloppium (i), Coiterus (k), Vidius (l), Bauhinus (m) scripsere: quod Arantius (n), per Tympani Membranæ diametrum duci: quod Fabricius ab Aquapendente (o), transverse eidem myringæ exteriori obtendi, & annecti: quod Molinettus (p), inter Membranam, & Malleum esse, & quæ alia ejusmodi alii docuerunt, certe non vidi. Quod autem Julius Casserius (q), in concha vixit, vixit tertiæ Tympani (id est Membranæ Tympani) parti, eo non attacto, subtenfam, id vero & præclare vidi, & ad eorum quæ perperam antea scripta fuerant, emendationem attinere, non dubitavi. Quo minus intellexi quod non ita pridem legebam apud Cl. Virum: eidem membranæ Chordam ex aliqua parte intra tympanum adherere, sicut recte monuit Jul. Casserius L. de quinque sensibus. Nec me quidem fugit, Solertissimum Casserium (r) admonuisse: Chordam applicari nonnunquam ad membranam tympani, nonnunquam ab illa distare, prout orificium canalis sui a sulco annuli ossei magis vel minus distat: neque adeo ignoro Eustachium (s) olim scripsisse, oblique tympani Membranæ, ac deinde Malleo ipsam adhærescere: nec demum oblitus sum, me quoque inter Annuli ossei anteriorem ambitum & Malleum, Membranæ adhærentem, sed resiccata, ut in jam diu resiccata aure, conspexisse. Mihi tamen accidit ut quotiescunque in recentibus auribus diligentius inquirerem, Membranæ minime adhærentem viderem; ut propterea alienum a vero esse sciam, semper adhære, atque annexam esse: quod cum ex Eustachio, atque Fabricio nonnullos colligere posse, appareret; Casserius notare voluit minus fortasse & ipse cauta, at certe præclara atque aperta sui dissensus enunciatione. Quod cum fecisset; non videbatur expectandum; ut a Viro alio Eruditissimo his verbis ipse notaretur: Casserius de Chordâ nihil commemorat præter verba ipsa Eustachii. Quin & alia addidit priusquam Eustachii verba produceret, ut illam observatione & judicio suo nervum esse, adversus etiam tum dubitantes, confirmaret. Sed vicissim & illa exciderunt: sub Malleo deferri, & supra crus Incudis oblongius: quanquam hæc (nunquam nobis aut sine addita declaratione, aut sine justo reprehensionis timore imitanda) in Eximio Auctore ita sunt accipienda, ut dicta intelligamus aure non in naturali,

(z) Opusc. cit. (a) De Anima Brut. c. 14. (b) Cerebri Anat. c. 23. (c) De Audit. P. I. c. 2. n. 8.

(d) Pentæsth. l. 4. Tab. 9. Fig. 22. (e) Ibid. Fig. 21. (f) P. cit. c. 3. n. 12.

(g) Neurogr. l. 3. c. 13. & Traité de l'Oreille P. 2. ch. 4. (h) P. cit. c. 2. n. 8. (i) Obs. Anat. (k) De Audit. Instrum. c. xi.

(l) De Anat. corp. hum. l. 2. c. 2. (m) Theatr. Anat. l. 3. c. 43. (n) Anat. Obs. c. xi. (o) De Aure P. I. c. 4.

(p) Diff. Anat. l. 4. c. 9. (q) l. cit. Sect. 1. c. 13. (r) Disp. de Aure int. n. 48. (s) De Audit. Org.



li, sed in eo positu spectata in quo nobis Membranam Tympani obvertentes, ab exterioribus ad interiora scalpro, limave procedimus. Atque utinam Falloppium quoque, cujus supra (†) sunt verba proposita, sic interpretari liceret, ut Summos decet Scriptores, quasi non Chordam qua de hic loquimur, sed vasculum, aut filamentum aliud aliquod, aut quod alius Vidii (u) locus ex parte indicat, musculi Stapedis tendinem eo loco descripsisset. Verum num liceat, ipse vidēris.

33. Caterum hanc Chordam; ut alias (x) ostendimus, ad Amplissimum Lancisium scribentes; primus olim delineavit Eustachius (y) singulis extremis cum singulis ex Quinta, & Septima Conjugatione ramis commissam, iusto tamen pro rata portione crassiorē. Sed is extra suam sedem. In hac vero postea utcunque pinxit Cafferius (z), neque cum alterutra junctam Conjugatione delineavit. Septimæ an-nexam fortasse credas pinxisse Veslingium (a), ubi non tam Figuram, quam Figuræ Explicationem, pictorūque in ea nervorum descriptionem attendas. Verum si consideratius Figuram inspicias, & nervulum non sub nervi Auditorii curvatura, sed ab opposito prorsus latere tum ad illum pergere, tum etiam cum illo jungi, animadvertas; num Chordam pinxerit, dubitabis, præsertim cum Riolanum (b) memineris illud in Veslingio notasse quod Chordam, tympani membranae attensam, notabilem tamen, omisisset: quanquam certe non omisit, cum eidem Membranae subtensum exile ac nerveum ligamentum satis firmum commemoravit. Utcunque id est; aliæ demum, Recensiorum studio, Chordæ imagines prodire, in quibus præclare ejus sedem, ejusque progres-

sum, & finem ab utraque, aut ab alterutra parte conspiciamus. Ex his quam Valsalva dedit, eam alteri quæ antea vulgata fuerat, postponi video a Cl. Viro: cui adversari non est opus, quando ex iis quæ supra docuerat, non obscure consequitur, eam quam præfert, delineationem in duobus peccare, quæ non tam facile excuses, quam illud unum quod in Valsalvæ Figura reprehendit. Valsalva, inquit, chordam in osseo canali ad Duram Auditorii nervi Portionem decurrentem, incurvam delineat: --- Sed directionem rectilineam habet. Verum facilis, atque adeo necessaria excusationis causa est. Nam Chorda, ab sua sede, ut in ea Figura (c), deposita, nisi eo in loco ab recto itinere nonnihil antrorsum fuisset tracta, eo-que curvata; profecto exiguum Surculum i. ad Musculum Stapedis attinentem operuisset, aut magna ex parte obscurasset, qui tamen Surculus ex instituto illa ipsa Figura erat omnino demonstrandus.

34. Habes de Tympano. De Labyrintho autem priusquam scribam, interea quam de plerisque Uvula & Pharyngis Musculis ad Valsalvam quondam Epistolam miseram, in Primis (d) a me in aliisque Adversariis (e) commemoratam, qualem inter illius Schedas, antequam hæ ad me perferrentur, Vir summa præditus fide ac diligentia invenit Faustus Stagnius J. C. & Canonicus Forocorneliensis, Valsalvæ sororis filius, adscriptoque, ut ipse petieram, suo, & Jo. Antonii Stancarii Professoris Celeberrimi nomine per hunc ad me præmittendam curavit, eam igitur Epistolam (f) idcirco ad te mitto, ut facilius intelligere ea possis quæ proximis litteris de iisdem Musculis ad Te conscribam. Vale.

AD ANTONIUM M. VALSALVAM

## EPISTOLA ANATOMICA VIII.

*Spectat ad Tractat. de Aure Human. cap. 2. n. 19. 20. 21. sive ad plerosque Uvula, & Pharyngis Musculos.*

JO. BAPTISTA MORGAGNUS ANTONIO M. VALSALVÆ S. P. D.

CUM tres ante annos ea mecum (quæ tua est humanitas) communicares, quibus postmodum in Tractatu de Aure Humana expositis, tantam tibi laudem inter Anatomicos comparasti; meministi, opinor, Clarissime Antoni, quantum inter cætera admiratus sim quæ de Uvula, & Pharyngis continuitate, deque aliis rebus ad earum partium anatomem pertinentibus, semel, atque iterum ostendisti. Porro ex ea admiratione factum est, ut quas deinde humanas pharynges secare potui; potui autem plures; summa omnes cum voluptate dissecuerim, & nonnulla etiam quæ repetitis dissectionibus ulterius attingi videbantur, & cum Philosophica ista Academia, & tecum, te probante, ac propriis confirman- te observationibus, communicaverim. Factum quo- que est, ut consuetudine mea ab pharyngibus hominum ad bestiarum pharynges diverterim, atque ab his vicissim reverterim ad humanas. Quæ res, & multiplex præterea ratio qua in deponenda, inspicien- daque pharynge usus sum, cum eorum quæ obser- vasse prius videbar, nonnulla in dubium revocavit, tum alia aliquot objecit haud fortasse undecunque in- digna quæ ad te, Vir Clarissime, perscribantur. Hæc paucis igitur sic habeto.

2. Ut primum ab uvula initium capiam, atque ab hac postea ad pharyngem descendam; sublata ea glandulosa tunica qua postrema, sive non ossea palati pars a tergo amicitur, in medio secundum hujus longitudinem teres mihi musculus in conspectum

datur. Huic modica quidem crassitudo, longitudo autem pro varietate corporum varia est: raro tamen digito pollice transverso minor est. Humiliorem sui partem ad appendicem glandulosam, cui columellæ, uvulæ, & gurgulioni est nomen, demittit: quam ubi attigit, fere statim finitur. Superiore autem parte ab eo quidem loco videtur oriri quo in loco primus, seu mavis summus utriusque musculi Salpingostaphylini concursus est: quanquam id facile fieri potest, ut per contiguam membranam quæ ad septum nasi succingendum affurgit, huic demum septo ceu per quandam proprium tendinem committatur. Certe in bove (in quo primo hunc musculum quæras, velim; habet enim longitudine digitorum transversorum octo, & prope auricularis digiti crassitudine) superiore sui parte super cavæ nasi inum postremumque os, tanquam super trochleam, inflexus, valente & conspicuo tendine in os idem infixus est. In ove autem, itemque in cane, quibus etiam multo quam nobis, obtigit longior, ad ossis palati extremam o- ram non sine tendine implantatur. Et canibus qui- dem, ac fere ovibus quoque duplex est; contra bo- bus, & hominibus etiam, unicus: fane duplex ne in viro quidem fuit quem nuper dissecui, non unam, sed geminam uvulam ab natura sortito. Quapropter is mihi *Axygos*, vel *sine pari Columellæ Musculus* vocari so- let. Caterum hanc; nisi multum fallor; præstat utili- tatem, ut columellam, quoties ufuse est, una cum duobus musculis Salpingostaphylinis retrorsum versus attollat.

3. Namque

(†) in hoc ipso n. 32. (u) Oper. cit. l. 7. c. 5. (x) Epist. in Eustach. Tabulas. (y) Tab. 18. Fig. 1. n. 31. 12. (z) l. c. Tab. 10. Fig. 2. (a) Synt. Anat. c. 16. Fig. 12. (b) Animadv. in Vesling. Synt. p. 213. (c) Tab. 7. Fig. 3. lit. e. (d) n. 8. (e) Advers. II. Animad. 18. (f) Eadem quoque Epistola a me remissa Bononiam fuit ad Cel. Doctissimumque Virum Franciscum M. Zanottum, ab eoque interea edita A. 1731. cum exiguis Commentariis de Bononiensi Scientiarum, & Artium Instituto, atque Academia.



3. Namque & illud mihi post boum dissectiones in humano corpore observatum est, *Musculos Salpingo-staphylinos* prius, quam sub præcedente concurrunt, musculo, in magnam *Triangularem Expansionem* late deorsum se se explicare ita uti non modo exossem palati partem ferme omnem teneant, verum etiam ipsius uvulæ initium propositæ expansionis ope assequantur. Cum ergo hi musculi a posteriore altioreque loco delapsi, per eam omnem quam ostendi, palati regionem hinc, atque hinc diffundantur; eos facile ad partem hanc palati expandendam, atque una cum appensa uvula retrorsum tollendam esse utiles, manifestum est. Cujus sane utilitatis minime contemnendæ rationes sunt. Sive enim deglutendum est, seu spiritus intra oris cavum cohibendus, ut in fummis conatibus, & tubæ cantu; utique ne aut assumpta, potionesque præsertim, aut spiritus incommode per nares erumpant, columella, vel certe contigua palati pars extendenda est, & retrorsum versus elevanda. Ut igitur columellam, omnemve illum palati tractum opportune adeo expandere, & retrorsum tollere id par musculorum posset, ob eam rem non tereti & contracto corpore summa tantum obtinuit, sed late deorsum in eas partes diffusum & explicatum est.

4. Accipe nunc, Vir Clarissime, quid in *Musculis Staphylopharyngæis* observaverim. Primum hæc, interdum saltem, animadverti. Superiorem eorum partem extremæ ossæ palati oræ valenter annexam esse. Nonnullas item eorum fibras conjungi fibris Musculi uvulæ sine pari, de quo supra (a) dictum est, sic ut aliquando musculo huic Staphylopharyngæos præbere originem, conjectarim. Præterea eorundem fibræ quæ superius anteriores sunt, posteriores inferius fieri visæ sunt, & vicissim. Denique inferiorem musculorum eorum partem nonnunquam animadverti inferiores fibras hinc atque hinc ad pharyngis medium e regione laryngis sic curvare, ut ferme concurrerent. Quod in bove præsertim observatum mihi est, exstante haud raro ad eam curvaturam insigni glandularum acervo: qui porro acervus in cane ita a lateribus producit, ut totum pharyngis orificium quod est ad œsophagum, ad modum lati crassique annuli interius circumplectatur. Et ea quidem omnia in musculorum illorum fibris interdum saltem animadvertere datum est. Illud vero; quantum ego observare potui; perpetuum & constans est, uti eorundem musculorum inferior pars non tota in pharynge cesset, sed fibras utrinque plurimas in laterales oras Scutiformis cartilaginis ab interiore parte defigat. Quam tu *Insertionem*, novam quidem; nisi plurimum fallor; & quod mireris, longe conspicuam, luculenter sane vel in ipso homine perspicies ubi musculos Thyropharyngæos, ab scutiformis cartilaginis lateribus separatos, ad pharyngis medium reduceris, subjectarumque ipsis fibrarum & implantationem, & originem, ab pharyngis utraque facie inspectaveris. Hujus ego insertionis usum esse in eo positum ex parte, suspicor, illis ut musculis contractis, scutiformis cartilaginis latera alterum ad alterum aliquanto magis accedant, & quod hinc sequitur, quicquid intra ambitum ejus cartilaginis locatum est, Glottis nempe, & gemini de quibus alias (b) fortasse dicam, *Laryngis Ventriculi* opportuna adeo in acutis tonis coarctatione comprimantur. Cui quidem rei ut musculos quoque Thyropharyngæos posse conducere, non negarem; sic musculis laryngis quos vocant Communes, alios posse adjungi, concederem, videlicet non solum hoc tertium par, seu quintum hunc musculum (si Thyropharyngæos pro uno musculo cum Casserio (c), pluribusque aliis velimus accipere) idque de Galeni (d), magnorumque aliorum Anatomicorum sententia, verum etiam quartum, & quintum par, Staphylopharyngæos puta, quos in thyroideam cartilagine se se inferere, demonstravi, necnon Stylopharyngæos, ut qui pariter, quemadmodum protinus exponam, in eadem infiguntur.

5. Dum enim eorum musculorum productionibus, quos tu, Vir Clarissime, Hyopharyngæos appellare maluisti, ab ossæ Hyoide disjunctis, ac utrinque ad

pharyngis medium revolutis, *Stylopharyngæi Paris* universum fibrarum ductum retererem, & paulo attentius contemplerer; hoc par musculorum animadverti, pharyngi quidem interioribus fibris prospicere, exteriores vero deorsum recta producere usque quo eandem tendineas factas & cornibus ossis hyoidis, & supernæ oræ scutiformis cartilaginis prope hujus processus infingeret. Qua in re naturam sibi admodum constare, ex his omnibus quas deinde secui, pharyngibus manifestum fuit. Atque in una quidem quam nuper dissecai ternis ex utraque parte Stylopharyngæis instructam, cum bini utrinque in pharyngem ipsam impenderentur, duo reliqui toti in os hyoide, & in eas quas demonstravi, cartilaginis scutiformis partes inferebantur. Nec vero in bovino, atque, ut observasse mihi videor, etiam in ovino genere ejus instituti natura obliviscitur. Nam qui nostris Stylopharyngæis, hisce in animantibus, duo musculi respondent, a maximo ossis hyoidis superiore processu exorti, magnam fibrarum suarum partem in thyroideam cartilaginis supernam oram, atque item in ejusdem utrumque latus infigunt. Quæ postquam sæpius animadverteram; cum forte aureolum Observationum Falloppii Anatomicarum libellum in manus sumerem, ecce inter linguæ insertos musculos, Stylopharyngæos (quanquam ego insertionem hanc eorum probe videre nunquam potui) quarti paris nomine descriptos invenio ea ratione, ut præscripta eorum implantatio in ossæ hyoide, atque etiam in cartilagine scutiformi commemoretur. Cum tamen a Bauhini (e), & Spigelii (f) temporibus, qui duo omnino, quod sciam, eam Falloppii observationem in libros anatomicos retulerunt, de eadem amplius ineminerit nemo; factum propterea est, ut illius insertionis & notitia, & usus obsoleverint, atque adeo ferme perierint. Est autem *Insertionis* illius usus in ossæ hyoide, cartilagine thyroide, & quod consequitur, larynge attollendis. Laryngem namque attolli, constat, tum in deglutitione, credo, ut pharyngis orificium quod ad os est, ab imia parte coarctando, cibariis reditum intercludat, tum etiam in acutis vociferationibus, ut canalem vocis quem Fabricius (g) superiorem appellat, secundum ejus, & Cl. Dodartii (h) observationem, brevior faciat. Porro Stylopharyngæos musculos in suo hoc munere præstando non modo ab Hyothyroidæis, ab Stylohyoidæis, ab Staphylopharyngæis, verum etiam a Thyropharyngæo Pari, atque item ab Hyopharyngæo adjuvari posse, crediderim. Nam hi quatuor quos novissime dicebam, musculi cum a thyroide cartilagine, atque ab ossæ hyoide, quibus inferuntur, progressi, suas ita oblique fursum fibras per pharyngis tergum producant, ut per se ipsos, aut per tendineam, ut nonnunquam contingit, lineam basi capitis, vel summæ vertebræ affigantur; necesse profecto est, uti cum annexis, quas movent, partibus universam quoque laryngem supremum hunc atque immobilem versus terminum attollant.

6. Habes jam, Valsalva Clarissime, meas illas circa uvulæ, & pharyngis musculos observationes de quibus necdum communicaveram. Nunc super aliquot earum quibus de alias sermonem contulimus, presse hæc & summatim habeto. Musculos quos alii *Sphenopharyngæos*, alii *Pterygopharyngæos* vocant, eos quidem a processuum Pterygoidum internis alis, & præterea, ut saltem aliquando vidisse memini a superiore maxilla propter ultimum utriusque dentem exortos, in subjectam, atque item mediam versus superioris pharyngis partem suos inde villos diffundere, hisce ultimis etiam sectionibus exploratum, confectumque mihi est. Quod autem pertinet ad peculiarem illum sphincterem, quo orificium pharyngis quod est ad nares, circumcirca ambiri, olim visum est; is vero aut perpetuus non est, aut ego prioribus, vel, si mavis, novissimis hisce dissectionibus deceptus sum. Porro cætera quæ ad nonnullas alias & uvulæ & pharyngis attinent partes, si quid otii suppetet, deinceps perquiram, & si quid te dignum forte occurrerit; quoniam paulo maturius quam soleo, anno hoc ad vos proficiscar, coram indicabo.

7. Tu

(a) n. 2. (b) Adversar. Anat. l. n. 16. (c) De Laryng. l. i. c. 4. (d) De vocal. instrum. dissect. c. 7. & cxi.  
(e) Theatr. Anat. l. 3. c. 86. (f) De hum. corp. fabr. l. 4. c. 6. (g) De Larynge Part. 3. c. xi.  
(h) Memoir. de l'Acad. R. des Sc. A. 1700.



7. Tu interim videas, Clarissime Antoni, numquid in propositis observationibus decipiar. Etsi enim in hisce habendis aliquam mihi videor operam, & diligentiam collocasse; majorem tamen antequam scriberem, collocare potuissim, & more institutoque meo collocassem, si non ad te scriberem, Exercitatissime, amicissimeque Valsalva, cujus ut in anatomicis peritia, & dexteritas singularis, sicubi ego forte decipior, id facile emendare, sic benevolentia, atque adeo amor

erga me summus & condonare, & æquo animo ferre potest. Quod si non omnino, si non semper a proposito mihi veritate aberraverim; id vero totum tui muneris esse, ducito, qui nempe in hac difficili Anatomies parte tam nove, & tam luculenter prævisisti. Facile est enim inventis addere; novis autem, & luculentis facillimum. Vale.

D. ipsis Kalendis Augustis MDCCVI. ex Foro Livii.

## EPISTOLA ANATOMICA IX.

*Spectat ad idem argumentum; vel potius ad Pharyngis terminos, & Glandulas, etiam vicinas, aut ad Oesophagum attinentes.*

Postquam ea quæ superiore Epistola continentur, cum Valsalva nostro, cumque aliis item amicissimis Viris qui *Adversaria* I. antequam ederentur Bononiæ, in prælegente, audierunt, anno 1706. communicaveram; Valsalva a me vehementer petiit, ut in iis Adversariis summa dumtaxat earum rerum capita attingerem; Epistolam sibi vulgandam relinquerem: de Pharynge iterum, aiebat, sibi esse necessario scribendum, quando Angli quoque eisdem de quibus in extrema Epistola (a) verba feceram, omisos Pterygopharyngæos musculos objicerent: id quod prolatis eo tempore docebat litteris; nunc ex libris etiam intelligo quos eæ litteræ designabant (b). Non sum passus, hoc a me diutius contendere hominem tum de me ipso, tum de pharynge præclare meritum, simul æquum ratus, ab eo potissimum hanc partem Anatomies perfici, a quo tantopere provecta esset. Ac primum quidem, ut datis ad me Venetias litteris sub initium Martii A. 1707. significavit, ipsius cum meis circa superiorem pharyngis partem observationes conveniebant, spesque erat, fore ut non ita multo post ederet quæ uterque nostrum invenisset, ultro fassus seu quod ad Anglos, seu quod ad alios qui olim ante Anglos scripserant, attineret, quæ veri studium postularet. Verum dum alia insuper adjungere in animo subinde haberet, dum alias atque alias pharynges inspicere, dum ex una, ut sit, observatione alias de quibus nihil antea in mentem venerat, instituendi ansam caperet, sive numero ipso rerum distentus, sive ob quædam aliter in aliis corporibus occurrentia ambiguus, certe occupationibus in dies magis magisque augescens ad alia avocatus, tandiu rem distulit, ut vivendi prius finem, quam de ea scribendi initium faceret. Tamen aliquanto plura de pharynge in paucis quantumvis schedis, itemque in Tabulis duabus quas de ipsa primum emiserat, sua nonnihil manu emendatis, suarum observationum adumbrata vestigia, quam de cæteris omnibus quæ in *Tractatu* proposuerat de *Aure Humana*, reliquit. Quas inter observationes cum plures sint quas alii quasi Valsalvæ prorsus incognitas, post ejus obitum adversus ipsum vulgarunt; operæ pretium me facturum existimo, si illas omnes ita proponam, ut simul quid ab aliis ante, quid post Valsalvam circa pharyngem inventum sit, non reticeam. De infimis autem, summisque universæ pharyngis terminis, deque ejus glandulis, aliisque ejusmodi quæ latius patent, primum dicetur: deinde vero de singulis ejusdem musculis verba fient.

2. Ac mihi quidem eorum quæ apud Veteres legi, memoriam quam longissime repetenti animadversum est, summos olim gulæ, seu mavis stomachi, aut oesophagi terminos in palato ipso fuisse cognitos sic ut M. Tullius (c), cujus alibi (d) totum locum, ante Cantium (e), produxi, *stomachum*, scripserit, *oris utraque ex parte tonsillas attingentem, palato extremo, atque intimo terminari*. Galenus deinde ambiguum, siquod aliud, ut fuisse, eruditeque ab Schneidero (f) ostensum est, Pharyngis vocabulum præclarissime declarando, sive ad eam ferme qua nunc passim Anatomici utuntur, significationem contrahendo, cum aliis in locis, tum in libro

*Morgagni Epistolæ Anatomicæ.*

de *Musculorum dissectione* (g) gulæ terminos ultra summam eorum musculorum partem quos Thyropharyngæos nunc vocamus, non produxit; superiora Pharyngi reliquit. Illos enim musculos *gulæ inferi*, scripsit, *ipsam perinde ac sphincteres, idest adstrictores, comprehendentes*; gulæ vero, & laryngis osculum ascendere in locum quendam præjacentem, utrinque communem; porro *Corpus hunc locum ambiens, pharyngem. i. fauces nuncupari, in quibus faucibus musculus utrinque unus habetur*. Sed ut Galenus hunc locum *angustum oblongumque* esse, tradidit; sic interim an Corpus, ipsum ambiens, ad palatum usque produceretur, reticuit: quo quidem gulam produxit Auctor vetusti libri qui inscribitur *de anatomia vivorum* (h), diserte continuari gulam affirmans *superius cum palato*. Postea vero quam Avicenna (i) iterum docuit, *per guttur*, id est fauces, *intelligere se spatium, in quo sunt meatus anhelitus & cibi*; eo ventum est, ut aliis neglectis, aut perperam intellectis tum Avicennæ ipsius, tum Galeni (quantum hujus libri in paucorum manibus tunc erant) locis, Berengarius ipse (k), Anatomicus sua tempestate exercitatissimus, pharyngem spatium esse, seu *concarvitatem* existimare videretur, negare autem, *reperiri usquam in corpore nostro aliquod particulare membrum, quod vocetur faux a latinis, & a grecis faringa*. Itaque tantum aberat ut quo pharynx usque, hoc est ejus corpus, extenderetur, inquireret; musculos quosdam in hoc a Galeno propositos, & ab Arabibus confirmatos cum in illo spatio non esse, cerneret, in larynge quærendos censebat: quæ causa deinceps fuit, ut nisi Falloppius (l). *Faucium musculos deprehendisset, diu fortassis homines in ipsorum ignoratione verarentur*. Et tamen Avicenna non modo alibi, ut postea ostendemus, pharyngis musculos memoraverat; sed in eo quoque ipso quem paulo ante produximus, de gutture, hoc est de faucibus, loco plura attigerat quæ ad pharyngis anatomen perficiendam Medicos possent fortasse excitare. Hæc enim continuo subjicit: *Et de eo (guttur) sunt additio, quæ sunt uva, & amygdalæ, & galsamac*. --- *Uva vero est substantia carnosâ pendens super supremam partem epiglottidis (hoc est laryngis) sicut velamen*. --- *Due vero amygdalæ sunt due carnes natæ in radice lingue tendentes ad superiora*. --- *Algasamac vero est caro panniculosa annexa palato, sub uva pendens, cooperiens caput canne*. Certe Gabriel Zerbus, qui ante Berengarium scripserat Anatomiam, (m) gutture contineri, docuerat, *uvulam*, --- & *duas amygdalas*, --- & *algasamat*: quin & illum quem paulo ante commemoravi, Ciceronis locum, quamvis omisso quod de palato in eo scribitur, in medium produxerat. Veruntamen cum Zerbus ipse (n), dum hæc doceret, quædam alia, cum his nequaquam consentientia, interposuisset; ferme æque dubius ab ejus, atque ab Avicennæ lectione animus remanebat. Namque ut illa Avicennæ additio quid revera significaret, incertum erat, num appendicem naturalem, & partes pharyngis, an arbitrarium Auctoris & commodum ad eos quos ibi tractabat, pharyngis morbos, proximorum quoque partium additamentum; ita Zerbus spatium, an corpus, gutturis vocabulo intelligeret, non

K

non

(a) n. 6. (b) Philos. Transact. May. 1705. V. (c) De nat. Deor. l. 2. (d) Advers. 3. Anim. 3. (e) Impet. Anat. Tab. 3. Fig. 1. (f) De Catarrhis l. 1. c. 6. (g) c. 15. & 11. (h) ubi de anat. gulæ. (i) Canon. l. 3. Fen. 9. c. 1. (k) In Mundin. Comm. 27. (l) Obl. Anat. (m) ubi Anatom. guttur. (n) ubi Anat. quarund. part. in gutture inventar.



non liquebat, præsertim cum se per guttur in præsentem intelligere profiteretur spaciositatem aut vacuitatem, sive particulam corporis: in cuius parte superiori est inchoatio, & caput meatus anbelitus. s. tracheæ arteriæ, & meatus cibi. i. ysofphagi: quæ duo in parte inferiore esse Galenicæ Pharyngis, manifestum est. Quid? quod Vesalius (o) etsi eundem Ciceronis locum omnino secutus, stomachum tradidit utraque parte tonsillas attingentem, a palati extremo principium sortiri; ita sibi parum constitit, ut non modo uvulam cum stomacho non conjunxerit, sed alio in loco (p), stomachi initium post ipsam laryngem in humiliori faucium sede collocaverit.

3. Sed minus hæc mira sunt, quando vel postquam Falloppius (q) uvulæ, extremique palati musculos inter faucium musculos descripsit, nihilominus Anatomici perrexere uvulam a pharynge ad nostrum usque tempus sejungere: quos inter præcipue & alias miratus sum, & nunc quoque miror, Bauhinum (r) cum uvulæ anatomen proponeret, hujusque musculos commemoraret, non sensit hæc prorsus ab iis differre quos in uno (s) ex proximis capitibus erat inter primos faucium musculos relaturus. Neque magis intelligo, qui Molinettus (t) potuerit ipse quoque uvulam a pharynge separare, qui hanc esse diceret partem œsophagi summam, & in palatum expansam. Illud tamen secundum Falloppii observationes facere instituerunt, ut se scire ostenderent, pharyngem alte per musculos ad crani usque basim produci; per musculos, inquam; non spatium tantum, & regione: sic enim antea Columbus (u) regionem hanc quam Græci φάρυγγα, Latini fauces appellant, his finibus contineri, tradiderat, basi capitis, palatique, nec non corporibus anterioribus vertebrarum colli. Utcunque id est; facile fuit Riolo (x) post utrumque scribenti, proponere considerandum Faucium Fornicem, nempe basim ossis, ut censebat, Sphenoidis, obductam membrana, quæ foraminulis quibusdam pertusa est ad effluvium humoris pituitosi a cerebro (sic enim tunc passim credebant) labentis: deinde videndas inanes cavitates (hoc est postica nasi foramina) osse vomeris disclusas: totumque istud spatium internarum faucium obvelatum rubicunda membrana: margines demum, seu oras apophyseos pterygoidis munitas cartilagine, & in basi lateris interni cuiusque apophyseos, foramen, quod ad aurem tendit, hoc est cartilagineum orificium Tubæ Eustachianæ. Idemque Riolo (y) pharyngis fines inferius quam cæteri, promovit, cum Musculum dictum Oesophageum; nunc Thyropharyngæum, scripsit esse referendum ad fauces, sive Pharyngem, nec pervenire ad Oesophagum. Sed multo ante ipsum videtur, si sua edere potuisset, utrumque pharyngis terminum promoturus fuisse Eustachius, ubi ejus Tabula XLII. (z) inspicitur; nam & ascendentem ad superiora pharyngem pinxit, neque in œsophagum contractam, nisi ubi infra laryngem descendit.

4. Cæterum ne ipse quidem Eustachius, etsi, ut postea ostendemus, musculos utrinque duos, ad uvulam pertinentes, vel melius cognitos habuit, quam Falloppius, etsi hos ipsos inter faucium, seu gulæ musculos discrete retulit (a), etsi una eosdem cum cæteris pharyngis musculis delineavit (b); ne ipse quidem, inquam, Eustachius esse præterea alios musculos cognovit sic inde cum uvula, hinc cum pharynge connexos, & sic utrique communes, ut nisi contra omnia dissectionis præcepta medii in transversum scindantur, atque adeo lacerentur, non possit uvula a pharynge disjungi. Quos cum primus denique Valsalva animadverterit; hinc primus quoque summa ac luculenta ratione docuit, non esse uvulam a pharynge abscindendam, sed pro hujus revera continuata parte habendam. Quod si nihil aliud circa pharyngem invenisset; hoc tamen erat ejusmodi, ut optime, si quis alius, hac de Anatomies parte meritis, esset omni tempore existimandus. Hinc enim tria pharyngis esse Orificia; hinc plurium pharyngis musculorum meliores usus in his Orificiis pro re nata coarctandis, aut dilatandis indicavit. Quo magis mirandum est, post emissum Valsalvæ Tractatum adhuc Anatomicos inventos esse qui amputare uvulam a pharynge perrexerint. Nec vero eos dico qui illum nunquam videntur legisse, sed eos nimirum qui ubi id fa-

ciunt, ibi Valsalvam ab se inspectum testantur, quod in numero Drakius (c) est, atque adeo Cowperus (d): quanquam hic in præcipuis saltem Iconibus (e), Valsalvæ inventum secutus, deficientem descriptionem pictura supplet, uvulamque cum pharynge conjungit.

5. Locus hic est admonendi, cum uvulam dicimus a Valsalva cum pharynge conjunctam esse, non tere modo palati appendiculam, sed & omnem reliquam exossem palati partem secundum Valsalvæ consuetudinem esse intelligendam. Equidem vel antea quam Adversaria I. scriberem, Falloppii (f) locum adnotaram, monentis: „ in faucibus prætermisum esse, se, quod palatum quod conspicitur, non totum esse, seum est, sed hujus dimidia ferme pars posterior in fauces desinens a latere ad latus tensa glandulosa constat carne, quæ satis crassa est, quamvis in inferiori superficie a palati membrana, supra vero a narium tunica vestiatur: ab hac glandulosa palati parte media fere dependet aliud glandosum, non autem carneum, corpus, quod γάρρυρεώνα vocant græci, non, stri gurgulionem. Itaque vel supra cum muscoli, a Valsalvæ Tubæ Novi appellati, insertionem describeret, hanc esse docuerat in cutaneam illam palati partem, a qua gurgulio dependet, munusque ejus musculi esse, ut sursum atque antrorsum quodammodo gurgulionem, & extremum palatum trahat; gurgulionem sive uvulam aperte ab extremo distinguens palato: quæ deinceps a Vidio (g), a Platero (h), a Spigelio (i), a Bauhino (k) eundem musculum describentibus servata sunt, neque ab ipso qui prætermisum argutus fuerat, Vesalio (l) improbata, magnum postea illud interval- lum, quo palatum osseum non est, discrete agnoscente, & laxam, mobilemque palati regionem vocante. Quin & Brownium (m) videram jam propioribus temporibus quem modo nominabam musculum, & quem Valsalva dixit Salpingostaphylinum, quasi a Cronio nuper com- pertos, exhibentem; non tantum glandulam palati ab uvula distinxisse; verum etiam quod in illam, non in hanc infingerentur, illum quidem Pterygopalatinum, hunc vero Sphenopalatinum vocasse. Præterea illam ipse omnem palati partem sæpe, ac diligenter secueram, dimensiones adnotaveram, & quot, qualesque, præter membranas, & glandulas, contineret musculos, musculorumve portiones, & quatenus horum alii ad uvulam; omnes, & parte quidem longe majori, pertinerent ad palatum, perpexeram. Quæ dum inquirerem; nova etiam quædam & in eadem palati regione, & prope ipsam animadverteram, neque Azygon tantum, qui perpetuus est, musculum, sed & alia quæ haud in omnibus compe- riuntur; in iisque ab antica, seu majori inferiore facie tum illam quæ media, secundum palati longitudinem ferri solet ad uvulam usque, albam lineam ita productam, ut nonnunquam manifeste ex fibrillis constare, imo tendineus quasi fasciculus, aut, si mavis, uvulæ ligamentum, semel quoque, cum rubescens fibræ sub- essent, quasi alter musculus anterior Azygos esse videretur: tum ab lineæ illius lateribus ad palati ossei postremos fines singula utrinque, & inter se proxima, Foramina, nonnunquam parvula, eoque ab aliis quæ haud procul sunt, non facile internoscenda, interdum vero tam conspicua, ut peculiare canaliculorum extrema, si crassiorem setam ut admittebant, ita ulterius transmississent, censerent possent.

6. Cum hæc, atque illa, quæ dixi, omnia cognita haberem; tum vero id quoque accedebat quod nisi ex os palatum ab uvula distingueremus; perperam & olim, & nostra memoria Anatomici Plinianum illud (n) confirmassent: quod inter tonsillas uvæ nomine ultimo dependet palato, homini tantum est; aut certe avium præterea quibusdam tantum generibus, quantum apud Vesalium (o) addi video. Qui cum hæc, mihi adhuc ignota, excipiat; equidem miror, cur simiam quoque, ipsi, aliisque notissimum animal, non exceperit, in quo cum Blasius (p), & Drelincurtius (q) uvulam agnoscunt, tum præsertim Academici Parisienses (r) testantur, uvulam, quæ non apparet in ullo alio bruto, ab se repertam esse in dissectis Simiis omnino humanæ similem. Sed profecto quod ad Aves attinet a Valsal-  
va,

(o) De corp. hum. fabr. l. 3. c. 3. (p) Ibid. l. 6. c. 4. (q) Obs. Anat. (r) Theatr. Anat. l. 3. c. 83. (s) c. 86.  
(t) Dissert. Anat. l. 3. c. xi. (u) De Re Anat. l. xi. c. 1. (x) Anthropogr. l. 4. c. 13. (y) Animadv. in Laurent. l. 9. c. 17.  
(z) Fig. 4. & 6. (a) De Audit. Org. (b) Tab. cit. (c) Anthropol. book 1. ch. 9. & book 3. ch. 14.  
(d) Myot. Reform. 2. edition. ch. 15. & 16. (e) Tab. 28. Fig. 2. & Tab. 29. Fig. 1. & 2. (f) Obs. Anat.  
(g) De Anat. corp. hum. l. 4. c. 4. (h) De corp. hum. struct. l. 1. ubi de Fauc. muscul. (i) De hum. corp. fabr. l. 4. c. 6.  
(k) Theatr. Anat. l. 3. c. 86. (l) Exam. Obs. Fallopp. (m) Myogr. Præl. 3. (n) Nat. Hist. l. xi. c. 37.  
(o) De corp. hum. fabr. l. 6. c. 6. (p) Anat. Animal. P. 1. c. 6. (q) Ibid. c. 33. (r) Apud Valentia Amphiph. Zootom. Sect. 34.



\*a, aut a nobis sectas; ille quidem in scheda qua observata a se in Falcone adnotavit, fatetur, loco uvulæ esse huic extremam palati membranam paulum supra fauces propendentem, exiguis dumtaxat dentatis extremitatibus instructam adeo ut aliquo modo impediatur ingressum alimentorum in nasum. Ipse vero aliis in avibus illam quidem majorem, minoremve fissuram conspexi, palati medium secundum longitudinem obtinentem, per quam nasi cavum cum oris cavo communicat, & in singulis ejus fissuræ oris nunc raras, atque exiguas, alias crebriores, majoresque instar denticulorum prominentias, ita dispositas, ut assumptorum transitum ex ore in nasum, præsertim si ora possit ad oram accedere, intercludere videantur: qui quidem variis orarum motus non levem in cantu quoque utilitatem præberet. Sed nihil præterea mihi ad hoc tempus deprehensum est. Ex quadrupedibus autem cum duos olim sues inciderem; pro uvula vix protuberantiam in utroque exiguam, albicantem, ex albisque glandulosis effectam granulis deprehendi: in bobus vero interdum geminas parvulas prominentias, alias ne has quidem inveni, ut neque in ovibus, canibus, aliisque ejusdemmodi animantibus: quibus tamen omnibus cum mollis illa palati pars non modo non desit, sed pro corporis magnitudine (quod utique in canibus animadverti) vel longior quam hominibus data sit, certe magnam datam esse uvulam oporteret dicere, si uvulæ nomine pars ea palati comprehendere posset.

7. Hæ igitur omnes causæ me permoverunt, ut in superiore ad Valsalvam Epistola diserte semper ab uvula istam palati partem distinguerem, quam *non osseam*, aut *exossem* appellavi. Sed dum expectabam, ut hac quoque in re quod ipse mallet, constitueret, atque ego interea ejus fere semper loquendi rationem servabam; cum alios, tum Gallos præsertim Anatomicos vidi, iisdem, opinor, quibus me causis impulsos, aliter eam palati regionem, aliter uvulam designantes. Sic illam Cl. Petitus (f) *Faucium Valsalvam*, aut *Septum*; sic Cl. Littrius (t) *Oris*, aut *Narium*, & *Faucium Septum* vocitarunt. Hic præterea non ejus delineationes tantum, sed & dimensiones, structuram, nexus, motus simplices, compositosque proposuit. Gallos alii aliarum quoque gentium Anatomici excepere, in his postremo Diligentissimus Santorinus (u), qui inter cætera illud verissime admonuit, alias in aliis pro faucium magnitudine, & pro sexu etiam, palati mobilis esse amplitudines, & curvitates; ut hinc quoque vocum variari non tonos quidem, sed resonitus necesse sit: quod Doctissimum Dodartium (x) secutus, idcirco hic addo, quoniam Valsalva, qui in *Tractatu* pro vario musculorum, ad uvulam, ut ipse intelligebat, spectantium motu has vocum cœperat varietates attingere, aliter ac Dodartius, locutus est, sive quod hunc nondum inspicere potuisset, sive etiam quod ex quadam ejusdem Dodartii Adnotatione (y) sic tamen se posse loqui, existimasset. Cæterum cur uvulæ appellatione proximum quoque palatum designarit, num licentia quadam, in hoc, aliisque nonnullis haud omnino fortasse neganda homini pharyngis anatomæ tantopere augenti, & de ea tamen non fuisse, & ex instituto, sed preesse, atque obiter, cum de Aure ageret, verba facienti, an certe potius consilio, & ratione; cum de hoc nihil in ejus schedis reperiam, haud temere ausim pronunciare.

8. Quid tamen, si id facere se posse, arbitratus esset de Avicennæ sententia? qui cum *uvam* dixit, ut supra \*a nobis adnotatum est, esse substantiam carnosam pendentem super supremam partem epiglottis sicut velamen, non tam glandulosam & teretem appendiculam, quam musculolum palati velum, videri potest indicasse: quid si de sententia Riolani (z), Bauhini (a), Veslingii (b), Marchetti (c), Rolfinii (d), Blasii (e), Molinetti (f), Bartholini (g), Dionisii (h), Verheyenii (i)? Nam certe ex quo Riolanus (k) musculos duos quo nunc *Tubæ novum*, & *Salpingostaphylinum* vocamus, *gargareoni* attribuere, ideoque *Pterygstaphylinos* appellare cœpit, sic autem describere, ut illum ad latera gar-

gareonis inferi, hunc in *gargareonem* deferere, traderet; hi omnes quos nominavi, Anatomici, alique præterea, & in his Cowperus (l), alii appellationem, alii descriptionem Riolani, plerique utramque retinuerunt, aut sunt apertissime secuti. Atqui eorum musculorum alter vix infimæ oræ particula gargareonem attingit, primus ne attingit quidem, uterque autem per exos palatum suas illas fibras expandit quas ad latera gargareonis, aut in hunc deferere, affirmabant.

Quid igitur mirandum esset, si Valsalva potius quam hæc a tot Viris Exercitatissimis ignorari; credendum censuisset, gargareonis appellationem ad proximum quoque exos palatum ab ipsis fuisse traditam? Quæ si ad Valsalvam in eo excusandum non satis essent, quod uvulæ nomine etiam exos palatum comprehendisset; at in eo certe ad excusandum, si non ad laudandum, satis erunt quod in musculis huc pertinentibus appellandis eandem sit quam tot Viri Præstantissimi, rationem secutus. Quam si ipse qui eorum musculorum alios longe melius descripsit, alios invenit, nihilominus servavit; æquum erit profecto, ut quod ille aliorum auctoritati tribuit, nos tanto magis auctoritati ipsius, & merito tribuamus, ut exempli causa Glossostaphylinos, & Pharyngostaphylinos vocitemus, quos alioqui sciamus jure posse; si nihil præter Rem Anatomicam spectetur; Glossopalatinos, & Pharyngopalatinos vocari. Cum enim: ut aliorum, & qui in propinquo quidem siti sunt, musculorum exemplo utar; Coracohyoidæos adhuc musculos plerique; ne omnes propemodum dicam; nominamus; non propterea facimus, ut opinor, quod nescimus, a processu Coracoide non oriri; sed ideo facimus quod, salva rei notitia, honorem nominis relinquendum iis qui primi imposuerunt, existimamus. Hinc factum in parte censeo, ut Cowperus (m) (qui in describendis insertionibus, nomen *Gargareonis*, aut *Uvulæ* semper retinuit) quos forte in prima Myotomiæ editione neque græcis prorsus, neque latinis vocabulis *Sphenopalatinum*, & *Pterygopalatinum* musculos, Croonio indulgens, nominaverat, eosdem in secunda *Sphenostaphylinum*, & *Pterygostaphylinum* vocaverit, aliquanto minus Croonio tribuens, atque adeo sibi, quam primo nominum Repertori, & pervulgatæ Anatomicorum consuetudini. Haud aliter visum esse, invenies, Celeberrimo, Peritissimoque Winslowio (n) qui hac re nuper mature perpensa, maluit in his musculis nominandis usitatum loquendi modum servare.

9. Nec cuiquam tamen qua appeller ratione, præscribo; sed qua mihi licere velim, ostendo. Neque de nominibus litigo; sed nominum occasione, alia atque alia, ut animadvertere potuisti, quæ ad susceptam historiam pertinent, attingo, velut id quod de uvula memorabam uni hominum generi, aut ferme uni concessa: ex quo illud non levis sane momenti sequitur, ut qui proprias velint uvulæ utilitates inquirere, tales sibi proponere debeant, ut hominibus solis, aut ferme solis convenient: qualem sibi proposuisse videbantur qui num forte humanæ articulandæ voci interveniat uvula, & olim, & nostris temporibus quæsiwerunt, cum simiæ quoque hanc datam esse, non attenderent, aut si attenderent, non secus tamen de re hac, quam Jo. Bapt. Hamelius (o), cum ipsam proposuit, existimarent. Veruntamen in ejusmodi utilitatibus definiendis illud saltem diligenter cavendum est, ne qua forte statuatur quæ æque, ac pari facilitate in iis quoque hominibus præstari soleat quibus uvula aut ab natura negata, aut a morbo, Chirurgice manu sublata sit. Et olim quidem tradiderat Ruffus Ephesius (p), ea recisa nullam corporis actionem vitari. Sed qui post luem Veneream per Europam grassantem scripserunt, sibi longe aliter, quod ad vocem attinet, compertum esse, existimarunt, Galeni (q) observationem confirmantes. Hos tamen Falloppius (r) redarguit, negans, vocem lædi, nisi cum gurgulione pereat substantia palati. At vicissim iisdem illis adstipulatus est Riolanus (s), atque alii deinceps, quorum singulorum observationes haud vacat recensere. Verum cum Bau-

Morgagni Epistolæ Anatomicae.

K 2

hinus

(f) Memoir de l'Acad. R. de Sc. A. 1715. & 1716. (g) Mem. A. 1718. (u) Obs. Anat. c. 7. n. 11. & 17.  
(x) Mem. de l'Acad. R. des Sc. A. 1700. (y) ad litt. r. (v) n. 2. (z) Antropogr. I. 5. c. 20. (a) Theatr. Anat. I. 3. c. 83.  
(b) Synt. Anat. c. xi. (c) Anat. c. xi. (d) Dissert. Anat. I. 3. c. 20. (e) Comment. in Synt. Vesl. c. xi.  
(f) Dissert. Anat. I. 3. c. 11. (g) Anatom. quart. renov. I. 3. c. 12. (h) L'Anat. de l'homme Demonst. Anat. 8.  
(i) Anat. corp. hum. I. 1. tr. 4. c. 20. (k) loc. cit. (l) Myotom. ch. 17. & 11. Edit. ch. 15. (m) loc. cit.  
(n) Expos. Anat. Traité de la Tête n. 493 & 494. (o) R. Sc. Acad. Hist. I. 1. Sect. xi. c. 3. (p) De part. corp. hum. appell. I. 2. c. 4.  
(q) De usu part. I. xi. c. xi. (r) Obs. Anat. (s) Anthropogr. I. 4. c. 13.



hinus (t) exemplum protulerit *cujusdam mercatoris*, cui ab aliquot annis gargareon ab acrium humorum defluxu absumptus erat, qui tamen nullum (ejusmodi) detrimentum persensit, sed corpus tabidum redditum; suspicari aliquis posset, in quibus id detrimenti adnotatum est, aliud quoque, præter uvulam, quod visum effugeret, erosum, & cicatricosum fuisse, ut ex ossis palati superior facies, aut altæ aliæ, latentesque partes pharyngis. Nos certe meminimus; ut ea quæ de occultis fornicis pharyngis læsionibus infra attingemus, hic omittamus; virum olim secuisse Bononiæ, cujus in faucibus ulcus quod non uvulam modo, sed & proximum molle palatum absumperat, ad cicatricem perductum fuisse videbatur, & reapse ibi perductum erat; sed pharyngis altiores partes, & posteriora ipsa nasi foramina ulcere adhuc obtineri, deprehendimus. Num tamen ejusdemmodi suspensiones locum quoque habeant in tot illis, & tam sibi proportionem respondentibus Ravii observationibus, de quibus auditor hujus retulit Andr. Jul. Botricherius (u), haud facile omnes existimabunt. Scilicet ipsi dixerat Ravius, se eo tempore quo in Norwegia, degeret, intra unius anni spatium ultra viginti quinque, que uvulas extirpasse: hac observatione facta; quod illis quibus totam absciderat uvulam, quando scilicet putrefactio abscissionem totius requirebat (est enim hic morbus ejusdem regionis incolis familiarissimus.) vox clangosa & incondita oriretur; a parte vero ab illa discissa, vocis infractionem ab illis adverti posse qui loquuntur, sensibiliter tamen in illis, qui ante dissectionem musicaliter cantavere. Et sane ipsa quoque ratio videtur indicare, aliter reflecti vocem ubi uvula integra sit; aliter, ubi dimidiata; aliter, ubi universa absumpta. Nam sive vox a via narium arcenda est, sive ad exos palatum, in magis, minusve cavum fornicem dispositum, est allidenda; uvulæ tum corpus, sursum retrorsumque tracto palato additum, narium iter magis impedire, tum ipsum pondus quantulumcunque ad faciliorem vicissim palati descensum, & ad ejus motuum æquilibratam conducere, credibile est.

10. Quod si illos quoque sequi placeat qui ad cæteras uvulæ utilitates hanc pridem, nuperque addere, ut retrorsum acta, vel etiam ante epiglottidem pendula, allabentes a palato, nasove humores ab larynge ad gulam, aut ad linguæ radicem avertat; proclive erit nobis adjicere, tum crassiores potissimum nasi mucus, tum acrius, si forte naso secernatur, serum, ea ratione, ubi desit uvula, non aversum, in laryngem incidendo, & raucam asperamve posse vocem efficere, & hominem tabidum etiam reddere: cujusmodi noxam & in eo mercatore Bauhinus, & ipse vidi in Bononiensi illo viro de quo paulo ante commemoravi; hic enim cum suffocati instar mortuus esset, superiorem sinistri pulmonis lobum pessime corruptum ostendit. Quanquam quæ succorum acrimonia erodere uvulam potest, eadem per vias sanguinis illata, alia quoque potest: & sane viri hujus laryngem, arteriæque asperæ truncum saluum, illæsumque deprehendi. Quo de homine illud quoque frustra memini quæsisse, num auditu hebetiore esset; neque enim quidquam ejusmodi, familiæ animadverterant, contra atque in aliis quibus tales uvulæ, & palati erosiones acciderant, a Valsalva (x) observatum erat. Quo magis optandum fuerat, ut experimentum quod mihi aliquando dixerat sibi esse in animo capere, & capere, & iterare potuisset, videlicet ut domesticis brutis animantibus molle omne palatum exsecaret, & an minus postea quam ante, audirent, aliaque ejusmodi animadverteret: quod quidem experimentum deterrente difficultate, an etiam dehortante structuræ & nexuum dissimilitudine, tentare prætermisit. In hominibus certe quantum pars ea palati sursum retrahi aliquando possit, ex eo apparere credidit Littrius (y) quod cum sibi ipsi intra alteram narem aquam immisisset, neque hæc in pharyngem descendisset, per utramque postea narem reversa est: eodemque pertinet quod in Regia Scientiarum Academia Parisiensi (z) Cl. Hierius junior de sibi noto retulerat hominem qui uvulam sursum adeo reducere poterat, ut omni respirandi

per nares via interclusa, gravium odorum sensum vitaret.

11. Sed ut Valsalva anteriores pharyngis fines ad uvulam, mollemque omnem palati regionem comprehendendam promovit, sic illius supremum terminum, jam olim, ut supra (a) vidimus, sub Fornicis Faucium nomine ab Riolano descriptum, non modo non ignoravit; sed & nonnulla in eodem animadvertit, a nobis indicanda, si prius quid alii ibidem ante ipsum addiderint, ut susceptæ historiæ ordo postulat, memoraverimus. Igitur Conradus Victor Schneiderus, ut omnibus vel ex Blasii Appendice ad Anatomen Veslingianam (b) est notum, ubi --- processus pterygoidei utrinque, ac in medio os, Vomer dictum, desinunt, ibi incipere docuit quandam membranam, & prope usque ad foramen magnum ossis Occipitis ferri, quæ additamentum ossis Occipitis operit, --- primum digiti pollicis articulum longa est & lata, --- colore est exalbida, cum vicinæ membranæ sint sanguineæ, hoc est subfusca; præterea est plenior, & quasi præpinguis: semper uda est, & muco quodam glutinoso sudat. Hanc ut ab nasi membrana distingueret, Membranam vocavit pituitariam posteriorem: & ut potuit, delineatam dedit ea Figura quæ tum ibidem apud Blasium (c), tum in Bartholiniana quartum renovata Anatome (d) habetur: quæ in Figura ut aliquid sit quod minus intelligam, eam tamen membranam quibusdam quasi foraminulis, aut potius mucis guttulis distinctam intelligo. Neque omisit docere, pituitam hinc destillantem, naturalem quidem, esse modicam, si præternaturaliter feratur, morbum esse. Quæ autem eo loco tradidit, alibi auxit, & illustravit, ut puta libro V. de Catarrhis fororum Dieta (e) cum scripsit: posteriorem pituitariam membranam voco latine plenior, hoc est crassior; nam intus multa continet corpuscula glandulosa, aut etiam; ut loca alia omittamus; libro de Catarrhis specialissimo (f), cum sepe evenire, docuit, ut lenta pituita e membrana pituitaria posteriori pendeat eo tempore, quo saliva scatet os, dentibus dolentibus. Vulgus, inquit, jurat, eum humorem de Cerebro venire. Quod autem dixerat cum hanc descripsit membranam (\*), eam non valde abditam esse; sed latere in aperto, & ita latuisse usque ad eum diem; id vero non de ipsa membrana accipiendum est; quando ne Schneiderus quidem (g) fugiebat Riolani locus, a me antea (b) productus, hanc ipsam proponentis membranam foraminulis quibusdam pertusam ad effluviū humoris pituitosi; sed de eo quod omnes ante se latuisse, contendit, non a cerebro in hanc labi humorem, ut cum Riolano passim credebant, sed ad ipsam per sanguifera vasa importari. Schneiderus excepit Raymundus Vieussenius in Digressione, quam Neurographiæ interjecit suæ (i), de capitis aquosis ductibus, & emissariis. Hic autem istam ipsam quoque pituitariam posteriorem membranam, hoc est quæ spatium posticæ ossis vomeris parti, & maximo ossis occipitis foramini interjectum occupat, tradidit, non solum numerosissimis vasibus sanguiferis intertextam apparere, quæ in plexulos hepatis uterini plexibus non absimiles abeunt, verum etiam brevibus quamplurimis ductibus instructam esse (quorum aliquos setam facile admittere, subjecit) quos ductus vasa mucifera nominabat; propterea quia per eos crassiores quedam humoris pituitosi partes excernuntur, quæ mucus referunt.

12. Post hosce Auctores Valsalva qui jam in Tractatus Tabula IV. (k) hanc de qua loquimur, membranam suam in sede, hoc est in ipso pharyngis Fornice delineaverat, geminis in schedis hæc pauca nobis reliquit; in altera quidem, loco intermedio inter Tubas Eustachianas corpus glandulosum occurrere, quod separat materiam mucosam; in altera, multa ibidem videri esse foramina, quæ diligentius alias cupiebat perlustrare; certe autem ibidem esse corpora glandulosa, quæ naturam habent Tonsillarum, ut materia separata, & substantia, eadem componens, ejusdem videlicet utraque nature, ostendit. Quas observationes quoniam, in aliis atque aliis, ut par fuisset, cadaveribus inquirendo, non potuit ex animi sententia absolvere; egregie feceris, si cum his quæ Riolanus, Schneiderus, Vieussenius, Valsalva de pharyngis Fornice animadverterant, ea conjunxeris quæ ab Amicis nostris Experientissimis addita sunt Santorino (l), & Heistero (m). Hic enim mucosum oblongum Ductum in eo Fornice descripsit, ac delineavit: quem tamen Ductum haud esse perpetuum, non ex meis modo, sed & ex ipsius observationibus (\*) didici.

Ille

(t) Theatr. Anat. l. 3. c. 83. (u) Disput. de Loquel. Orig. n. 33. (x) c. 5. n. 12. (y) Mem. de l'Acad. R. des Sc. A. 1718.  
(z) H. flor. A. 1712. (a) n. 3. (b) Part. XV. ex Schneideri de Catarrh. l. 3. cuius vid. Sect. 2. c. 3.  
(c) loc. cit. Tab. 15. Fig. 1. quæ Schneideri Fig. II. (d) l. 3. Tab. 13. Fig. 2. (e) Sect. 2. c. 1. (f) Catarrh. Stom.  
(\*) cit. c. 3. Sect. 2. l. 3. de Catarrh. (g) Vid. l. 2. de Catarrh. Sect. 2. c. 7. (h) n. 3. (i) l. 1. c. 16. (k) ad litt. i. d. (l) Obs. Anat. c. 7. n. 1. & 17.  
(m) Comp. Anat. Not. 58. & Tab. 8. Fig. 38. (n) Vid. in Heckenbergii Dissert. de Deglutitione sub. præsid. Io. Car. Spies. c. 5. n. 7.



Ille autem ut universæ pharyngis formam, ac terminos majori quam quisquam antea, diligentia descripsit, sic in ejus Fornicis glandulosa membrana quidquid observavit, accurate, ut solet, proposuit, hæc autem præcipue: eam „ in leves cavitates, quodam „ velut ordine compositas, aliquando discretam offendiffe, aliquando in inordinatos loculos diductam, „ aliquando sic cavernosam reperisse, quæ conspicuis „ osculis, ac profundioribus sinibus, propemodum „ Tonsillas æmuleretur, e quibus pronum fuit mucosum humorem elicere. „

13. Et mihi quidem conscriptæ ab laudatis omnibus Anatomicis hujus membranæ observationes, quo variæ magis, ac inter se in parte discrepantes, eo cum vero contentire magis videntur. Nam quantum ipse quoque observasse memini, sæpe aliter in aliis se res habet; ut vel de tribus quæ continenter aliquando inspexi, capitibus ne unum quidem fuerit in quo conspicua aut cava, aut foramina, aut quidquam tandem quod magnopere tonsillarum structuram, & substantiæ modum referret in glandulosa, & sic satis alioquin crassa ista membrana inquirenti mihi se objecerit. Vix tandem anno 1731. cum junioris militis, a ventris vulnere intra duas, tresve horas mortui, caput, & collum diffecarem, Fornicis autem pharyngis membranam tumidiorem quidem, sed non adeo ut morbosam esset, conspicerem, ipsam contrectando, totam esse animadverti in rugas altiores complicatam quæ fere secundum basis cranii longitudinem erant dispositæ, diductæ autem orificia ostendebant inter eas antea latentia, incerto ordine disjecta, sed crebra, quorum maximum digiti minimi apicem ad semidigiti altitudinem admittebat. Erat ex iis orificiis aditus in suos sinus, in quibus minima hiabant foramina, ut tonsillarum aliqua similitudo appareret: quanquam hinc multo viscidiorum succum quam ex tonsillis, expressi, ejusque etiam dissimilem, quem in alio tamen capite quam simillimum deprehenderam, qui videlicet ex palatinis prope Uvulam glandulis exprimebatur. Sed & magis quam tonsillarum, glandulosa hujus membranæ substantia scalpello renitebatur.

Ejusdemque generis, quantum judicare potui, substantia parietes hinc dexteri, hinc sinistri cujusdam sulci efficiebat: qui sulci angusti, sed alti, secundum posterius Tubarum Eustachii latus pharyngis Fornicem utrinque definiebant, multoque longius quam parsejus Fornicis media, retrorsum versus producebantur. Et hos quidem sulcos alias conspexi: sed neque eos sinus, neque illa orificia, neque illas demum quas dixi, rugas in quatuor quæ deinde, hæc perquirens, secui, humanis capitibus mihi licuit invenire, contra, atque contigisse videtur Præcl. Winslowio (n), quem postea legi istiusmodi rugas constanter Fornicis membranæ tribuentem.

14. Cæterum diu est cum hanc inspicere membranam cœpi, ad vitia quoque ipsius, & proximarum partium indaganda, quæ alioquin, ut recte animadvertit idem quem supra laudabam, Santorinus (o), quum minus oculis pateant, neque in denatis inquirentur, minus pariter inter ornata Clinicorum consilia agitari consueverunt. Mulieris enim viduæ, annos ad quadraginta natæ, cujus de calculis, utroque in *Adversariis* III. (\*), & IV. (p) commemoravi cum sedulo cadaver Bononiæ inciderem anno 1706. cumque scirem, ex quo sanguis ipsi per uterum non responderat, octo ferme annorum spatio subinde sanguinem ita exspuiffe, ut mihi de pharynge prodissse videretur; non frustra hujus cavum perlustravi. Neque enim posteriorem modo ipsius parietem valde erosum contra epiglottidem inveni, sed & ipsam Fornicis membranam certo loco nigricantem, exesam, atque adeo omnino perforatam deprehendi. Quod si sæpius in ejusmodi casibus inspiceretur; non dubito quin de hac quoque pituitaria posteriore membrana scribi idem posset quod de proxima anteriore prodidit olim Schneiderus (q), qui cum animadvertisset, a dissectionis Professoribus nasum raro aperiri, habita cura Sceleti; ego vero, inquit, nescio quo facto cum interiorem meatum finita Anatomia perspicere studui, quo spiritus dicitur. Quid ergo deprehendit? Quam varie, inquit, quam mire exulceratam Narium tunicam inveni, & quam sæpe.

15. Porro ut aglanduloso pharyngis Fornice ad inferiores glandulas, Anatomicis etiam vetustissimis cognitæ, & ab Avicenna, ut supra (r) vidimus, pharyngi additas, Tonsillas videlicet, descendamus, quas Valsalva (s) quoque censuit posse accipi pro partibus, aut saltem pro appendicibus ipsius Pharyngis; illud principio animadvertendum est, duo inter se maxime opposita hisce glandulis contigisse, alterum, ut singulas præclari Anatomici in duas dividerent, alterum, ut contra alii haud minus illustres Viri ne singulas quidem in singulis lateribus agnoscerent, sed ex dextera sinistraque tonsilla unam dumtaxat efficerent. Verum adversus hos nihil attinet disputare, quando post eas quas in I. olim *Adversariis* (t) observationes pro Nuckio adjecimus, qui unus fere aliis omnibus suis cœtaneis repugnaverat, neminem legisse meminimus qui Nuckianam, ad idusque tempus minus corroboratam, sententiam non plane sequeretur. Qui autem contra, singulas tonsillas diviserant, Joannes Riolanus (u), & qui hujus, tacito nomine, verba sua fecit, Casp. Bauhinus (x), sive aliorum auctoritatem, seu rem quoque ipsam (nam utramque memorat Riolanus) spectasse credantur; neque facile, neque certe sine expositione quadam audiendi sunt. Nam quod istam olim divisionem animadvertit, atque indicaverit Aristoteles (y), cum bifida, inquit, oris compago tonsillæ: multifida gingivæ appellantur: vereor sane ut plerique istam malint quam vulgatam divisionem in dexteram, sinistramque tonsillam intelligere. Ruffi (z) autem locus, tonsillas esse scribentis numero sex, obscurior est quam ut pro certo referri huc possit, præsertim si ad istum explendum numerum Thyroidæ quoque glandulæ, ut quidam putant, lobos oportet adnumerare. Nam cur non potius Maxillares Internas? cur non Sublinguales? linguæ aliquanto cum propiores, tum conjunctiores, a cujus utraque parte suas sex Ruffus affixas esse tonsillas dicit, quanquam alia quæ addit, & in iis vel ista ipsa verba quæ pro Thyroidæ producuntur, de sex due cerni vix queunt, & Thyroidæ, & Maxillaribus adversantur, quarum unamquamque sine dissectione ne vix quidem cerni posse, manifestum est. Insuper neque tres, neque Sublinguales, ut sex illæ Ruffi, in angusto meatu sitæ sunt.

16. Sed ut revera singulas quas nunc tonsillas vocamus, in duas dividendas esse, crediderit Ruffus, itemque Auctor *Introductionis* (a) Galeno adscriptæ, cum tonsillas, docuit, numero quatuor creatas esse: duas ad linguae radicem, utrimque conspicuas: duas his proximas penitiores; eo res tandem redit, ut jurene id ipsi crediderit, examinemus, hoc est utrum, quod porro confirmat Riolanus (b), si quis accurate tonsillas aspexerit, unamquamque in duas divimi posse, deprehendat. Sunt qui suspicentur, huic fortasse imposuisse, rimam seu fissuram quandam, nonnunquam in latere tonsillæ occurrentem, duasque partes non efficientem quidem, sed tantum fingentem, sive, ut Cl. Heisterus (c) loquitur, tonsillam aliquo modo in duas partes dividendam. Quod etsi mihi sæpius, ut ipsi, videre non contigit; tamen istam suspicionem non improbo; nihil enim prohibet quin ut ipsi, ita & sæpe acciderit Riolo: quem fortasse etiam brutorum quorundam animalium inspectio in ea sententia magis magisque confirmavit. Neque enim tantummodo canum tonsillas ita factas invenio ut bini oblongi secundum earum longitudinem sulci ducantur, in quorum utique profundiorum ceu in communem sinum per plura orificia, secretus humor corrivetur: sed & in vervecis capite quod olim diffecui, visas esse, memini, ex lobis constare. Certe autem in bobus non in duas tantum, verum etiam, ut alias (d) scripsi, in tres lobos manifeste divisas comperi; ut præter superiorem atque inferiorem qui majores erant, anterior quoque parvus ostendi posset. Et in porcis pro cætera vicinarum partium, & laryngis præsertim, magnitudine hæc me facile perquisiturum sperabam; sed neglexi, cum tonsillas usque adeo exiguas vidi, ut multo quam in humanis corporibus, essent minores; itaque & alias, præter has, fuilli capitis, collive glandulas sibi Veterum gulam, fuillarum glandularum avidissimam, quævisse, non dubito; tametsi Plinius (e) istas quas inter homini Uvula.

(n) Expos. Anat. Traité de la Tête n. 472. 487. & cæt. (o) loc. cit. (\*) Animad. 28. (p) Anim. 25.  
(q) l. 5. de Catarrh. Diet. Sect. 2. c. 1. (r) n. 2. (s) Expl. Tab. 5. Fig. 1. (t) n. 26. (u) Anthropol. l. 4. c. 20.  
(x) Theor. Anat. l. 3. c. 75. (y) Hist. Animal. l. 1. c. xi. (z) De corp. hum. appellat. l. 2. c. 4. (a) c. 12.  
(b) loc. cit. (c) Ephesi. Nat. Cur. Cent. 211. & 14. Obs. 190. (d) Advers. l. n. cit. (e) Natur. Hist. l. xi. c. 37.



Uvula pendet, *Tonsillas in homine, in sue Glandulas* vocari, prodidit.

17. Cæterum ut illam de qua dictum est, suspicionem non improbo; sic aliam, Riolano digniorem, probō: videlicet cum idscripsit, in homines forte incidisse quibus revera binæ utrolibet in latere essent tonsillæ. Neque enim hoc nobis inauditum aut incognitum est, qui in mulieris cadavere quo ad Publicam A. 1719, Anatomen usi sumus, præter duas notas omnibus tonsillas, totidem fuisse sciamus, multo quidem minores, illisque proximas, sed eadem substantia, ac structura factas, eundemque ad modum parvis sinibus osculifve pertusas, interjectis autem nonnullis adjacentium muscutorum fibris satis a majoribus tonsillis distinctas. Sed & Cl. Jo. Bapt. Vulpus, cujus tum egregia ac diligenti opera in publicis dissectionibus utebar, non semel id ipsum ab se antea in disseccando animadversum confirmabat. Verum hoc rarum, neque ita uti ab Riolano, & Bauhino, perpetuo ponendum.

18. De sinibus autem, seu *foraminibus* quæ in tonsillis Falloppius (f) *variis in locis satis ampla* esse, proposuit, non equidem miror, ut Riolanus (g), quod Fabricius ab Aquapendente (h) unum modo, aut in dextera solum tonsilla delineaverit. Qui enim poterat in sinistra, cujus non eandem faciem ostendit? aut plurima in dextera monstrare, quæ in eo fortasse homine unum dumtaxat ovalem communem sinum habebat? quam rem, opinor, a se primum in cadaverum incisione perspectam, ut primum certe delineatam, indicare voluit Fabricius, cum illud *foramen* dixit ab se *per incisionem inventum*. Et certe major unus sinus in quem cæteri minores confluunt, interdum spectatur, interdum se aliter res habet; ut qui illum ceu perpetuum proposuere, aut adhuc proponunt, manifesto fallantur, non secus ac ii qui majorum sinuum definiunt numerum; quæ res, ut ab aliis animadversum est, ac nominatim a Cl. Ioh. Guilielmo Pauli (i), *tonsillis magis vitulinis, quam humanis, videtur quadrare*. Idemque monuit, tonsillarum sinus magnitudine ac numero pro subjectorum diversitate differre, & *apposite a Cowpero representari* (k). His sane Auctoribus merito accensendi sunt Doctissimi Viri Heisterus (l), & Widmannus (m), qui has aliasque varietates inculcant: quanquam vix illi, ac ne vix quidem relinquant locum quæ a Valsalva est, cum aliud ageret, delineata (n). Negat enim Heisterus, has, „Val-  
„ salvæ delineationes tonsillarum, omnia earum orificia unius ejusdemque fere magnitudinis, ac figuræ, æqualique ordine disposita representantes in Tract. de Aure Hum. Tab. V. Fig. I. cum natura venire. „ Eadem ferme habet Widmannus. Attamen uterque pro singulari eorum prudentia atque humanitate calcographi potius incuriam accusandam esse, suspicantur. Hæc eos minime fefellit suspicio. Nam hinc pictoris delineationem quam, cum hæc scriberem, in manibus habebam, hinc editam Figuram inter se comparando, manifestissime deprehendo, non modo ab ea mediocri tum magnitudinum inæqualitate, tum formarum dissimilitudine, sed & ab numero orificiorum, quem aliquanto minorem adumbraverat pictor, calcographum recessisse: quod cum fecerit; non est mirandum: si de ordine simul quædam mutarit. Hæc ut ingenue fateor; sic vicissim reticere non debeo, etsi plures illi delineationes prodixerint, mihi tamen tonsillas plurimas inspicienti sæpius accidisse, ut quasdam magis ad Valsalvæ delineationem quam ad illas accedentes conspicerem. Neque id eo dico quod illas non accurate descriptas credam; credo enim, ut in iis erant cadaveribus, sic fuisse diligentissime representatas; aut quod ipse in multo pluribus longe aliter non invenerim, quam in quibusdam illis, quatuor puta, quinque cadaveribus de quibus modo indicabam. Sed eo tantum dico, ut magis intelligatur, quanta, & quam prope incredibilis sit vel in hisce tonsillarum osculis naturæ varietas. Et sane ut mittam quas semel atque iterum vidi nulla sinuum, imo ne osculorum quidem quæ conspicua essent, vestigia ostendentes, ut quasmalim ita se morbo credere, quam ab natura habuisse; sæpe vidi in amplum, sed minime profundum sinum leviter sub-

sidentes in quo passim omnia habant foramina, sæpe in unum, aut plures sinus altius excavatas, sed minus amplos, & ad quos non omnia pertinerent orificia: hæc autem ipsa alio alias situ, confluxu, figura, magnitudine, profunditate, aliaque cum interiori cavo communicatione. Omnia enim cum uno cavo; quod Cel. Anatomicus scribit; communicant: sed non in omnibus. Ipse enim interdum saltem singulis tonsillis intus inclusum non unum cavum animadverti; ut alia orificia ad aliud penitus disjunctum cavum pertinerent. Et Valsalva in quadam scheda, tonsillæ, inquit, multas habent conspicuas cavitates in quibus materia mucosa collecta, per peculiariora foramina foras amandatur: cæ autem cavitates quasi sunt similes cavitatum Vesicularum Seminalium. Hæc ille.

19. Quod si his varietatibus, aliisque sepositis quarum partim supra indicatæ, partim sunt brevitatibus studio prætermittæ; forte scisciteris, quid tamen, si non perpetuum, at saltem minus inconstans animadvertem; utique si meas attendam in duodecim præsertim novissimis continenter sectis cadaveribus habitas observationes, illud mihi, affirmare possum, in horum omnibus, aliisque præterea tonsillis occurrere, ut communis oris membrana, seu mavis intima pharyngis tunica, quæ ubi ad ipsas pervenit, ibi videtur subsistere, & circumcirca ad earum oram firme adherere, eadem tamen ab superiore parte solutam fui, atque, ut opinor, duplicatam portionem aliquanto spatio per tonsillarum faciem oblique deorsum produceret, ut semilunarem crassam valvulam repræsentaret minimæ in nonnullis, in aliis paulo majoris, in quibusdam magnæ amplitudinis, interdum tamen, si dexteram, sinistramque conferres, imparis, in nemine autem, quod adhuc viderim, tantæ ut maximam tonsillæ partem obtegeret; quæ sub valvula sinus aliquis aut certe quædam orificia prorsus latebant, quæ non nisi retracta sursum valvula in conspectum venissent, cum alia deinceps posita, ultro omnibus paterent. Quo ex structuræ modo apparet, sic cautum esse, ne alimentorum frustula, aut siqua aspera, & minuta forte deglutiantur, ne, inquam, facile possint in superiora illa oscula incurrere, hisque inhærere, quoniam ab retroacta lingua deorsum compulsæ, in valvulæ dorsum illabuntur, nec potest quidquam, nisi ascendendo, inter ipsam & proximam tonsillæ partem subire. Quamobrem quo magis valvulam deorsum urgent, eo magis ab orificiis tonsillæ arcentur; quo autem magis simul cum valvula tonsillam urgent, eo magis, præsertim contranitentibus musculosis fibris quibus tonsilla intercepta est; mucosum opportune exprimunt ipsius succum, quo videlicet quæ valvula soluta est, delabente, lubrica redditur quæ infra valvulam patet, tonsillæ facies, ut facilius pergant alimentum descendere sine eorum quæ in aperto sunt, orificiorum offensione. Hæc autem omnia addenda censui, ut intelligeres, quatenus me meæ sinerent observationes accipere quæ Cl. Widmannus (o) adiunxit: „ ne sæpius accadat, ut peregrina corpora, aut „ ex assumtis comminutis quædam in hos sinus se se „ insinuent, & illabuntur, ita Tonsillas esse collocatas, ut quoad maximam partem a membrana palati obtegantur; & sic quasi defendantur: „ & quæ item scripsit Vir Cel. Abrahamus Vaterus (p): „ Hæc „ tus Tonsillarum non orificia ductuum excretorium, quales in glandulis observantur, repræsentant, „ sed potius cellulas atque valvulas, ex tunice oris „ replicatione formatas, exhibent: „ quorum neutrum hæc attigisse animadvertem, cum illa quæ modo proposui, inquirerem postquam ejusdemmodi structuræ modum longe manifestius in bestiis quibusdam, & nominatim in voracissima, cane videlicet, ab natura servatum cognoveram. Scilicet ne iis quæ vel acuminata interdum, & durissima ingurgitat, tonsillarum oscula oblædantur, est harum oblongum corpus membrana oris communi, superinjecta, sic opertum, ut nisi hac prælonga quasi valvula ad latus reducta, vix aliquid de profundiore illo sulco videas, in quo mihi tonsillæ oscula conspecta esse, proposui (q).

20. Cæterum quod Vaterus idem (r) negavit, „ vi-  
„ dere se rationem cur glandulæ adeo exiguæ, quales „ sunt

(f) Obi. Anat. (g) loc. cit. (h) Fig. Organ. Locution. in libro de Locutione. (i) Annot. in Horn. Microc. n. 18.  
(k) Anat. of the hum. body App. Tab. 4. Fig. 9. (l) Ephem. Obs. cit. (m) Dissert. de Tonsillis c. 1. (n) Tab. 5. Fig. 1.  
(o) Dissert. cit. c. 1. n. 12. (p) Dissert. qua duct. saliv. in lingu. & cæt. (q) Supra n. 16. (r) Dissert. cit. c. 1.



„sunt tonsillæ, pluribus, ac adeo insignibus, instructæ  
„sint ductibus excretoriis, cum aliæ longe majores  
„tantum unico, eoque sat exiguo gaudeant; hæc ea  
„fortasse ratio est quod crassior humor atque mucosior,  
„& quem, durioribus alimentis urgentibus, non lente  
„destillare, sed protinus effundi oportebat; & plura per  
„quæ egrederetur orificia, & amplios hiatus, ampliosque  
„sinus, & caveas in quibus semper præsto esset, habere  
„debuit; esse autem crassior atque mucosior, ne, aliter  
„si esset, nimis cito dilaberetur non solum ex ipsis hiatibus,  
„sed ex iis quoque ad quas non tam humectandas, quam lu-  
„bricandas & inungendas exprimitur, faucium angustiiis.

21. Has vero, aliasque præterea ex iis quæ ad os pro-  
prie pertinent, majores glandulas, an multo etiam mi-  
niores in ipsa pharynge collocatas, Galenus (f) olim  
designaverit, scribens: „quod quæ salivam gignunt  
„glandulæ, ipsam in os evidentibus venulis stillatim  
„effundant, quodque totæ etiam fauces a glandulis  
„ejusdem utilitatis causa humectentur, neminem esse  
„amplius qui nesciat; jam enim inter omnes disse-  
„ctionis professores maxime constat: „in ea, inquam,  
„dubitatione etsi pro certo nihil ausim constituere; etsi  
„præterea qui glandulosam Pituitariæ membranæ natu-  
„ram proximis temporibus describere, & nominatim  
„Vieussenius (t), eam docuerunt membranam imprimis  
„totum fere spatium illud insternere, quod faucium nomine  
„donari solet, atque esse internæ œsophagi tunice conti-  
„nuam; illud tamen certum est, neminem, quod me-  
„minerim, antè Valsalvam (u) aut Iconismo ma-  
„juscultas disiectas glandulas, hic illic in Pharyngis  
„cavitate conspicuas monstravisse, aut Pharyngem scri-  
„pisse, velut ipsum œsophagum, obtinere membranæ in-  
„ternæ subjectas glandulas, nisi quod aliquot harum ma-  
„gis conspicuas hic illic ostendat. Quæ cum sæpe in pha-  
„ryngis dissectionibus cum iis quæ sub manu erant, ca-  
„daveribus compararem; nunquam mihi accidit ut eas  
„glandulas delineatis a Valsalva majores invenirem, mul-  
„toque minus, ut in singularum medio foraminulum, tan-  
„quam osculum sive ductum excretorium, conspicerem: quo-  
„rum utrumque etsi Cel. Heistero (x) accidisse, video,  
„tamen aliquanto rarius credo, cum meas tot inspectiones  
„attendo. Cæterum ut sæpius ovals & depresso, quam rō-  
„tundiores extantesque perspexi; sic aliquando minus quam  
„in Icone, conspicuas; quin semel iterumque nullas quæ  
„sub inermes quidem oculos caderent, deprehendi.

22. Contra in canibus; ut in superiore Epistola (y)  
ad Valsalvam scripsi, eique mox, aliisque Amicis Bo-  
noniensibus, & hic quoque omnibus qui, me disse-  
cante, affuerunt, semper deinceps commonstravi; ad  
pharyngis imum tot in unum glandulæ circumcirca  
conglomerantur, ut rugosam incipientis œsophagi in-  
teriorem tunicam attollant, & in modum lati crassi-  
que annuli introrsum promineant: quam tu prominen-  
tiam ab inferiore parte evidentissime spectabis, ubi et-  
iam nuper angulare interstitium animadverti inter gu-  
læ intimam faciem, & oram ejus annuli inferiorem;  
ut hinc valvulæ instar attolli, eoque magis reversuris  
in pharyngem cibis reluctari posse videretur. De qua-  
tuordecim autem canibus vix unus fuit in quo is an-  
nulus, non dico deesset; nam in nullo defuit; sed mi-  
nus in oculos incurreret. Is porro an canibus pecu-  
liaris sit, an aliis quoque bestiis communis ex iis ni-  
mirum quæ solent ossa devorare, ut præsto sit humor  
quem crassa illa, dura, aspera deglutita corpora expri-  
mendo, angustias sibi œsophagi lubricent, an alia ali-  
qua ratione cæteris natura consuluerit; necdum mihi  
datum est ex propriis dissectionibus constituere.

23. Sed in homine certe, ove, bove ejusmodi an-  
nulus non reperitur: est aliquis dumtaxat, isque ali-  
quanto altius, glandularum acervus, sive posteriora in  
facie interna pharyngis tenens, qualem olim in bove  
haud raro, in vervece nonnunquam vidi, sive ante-  
rius potissimum, ut in homine, collocatus. Scilicet  
qua per faciem laryngis posteriorem interior pharyn-  
gis tunica ascendit, inter hanc & musculum Arytæ-  
noidæum glandulosi acini coacervantur: quos Bononiæ  
illo eodem tempore in omnibus quæcunque ejusmodi  
rerum gratia secui, cadaveribus animadverteram in  
aliis quidem non totum eum musculum operientes, in  
aliis vero etiam ultra hunc ad latera, aut infra ad sum-

mos quoque Cricoarytænoidæos Posteriores se se ex-  
pandentes, in aliquo quasi ad aræ circuli formam dis-  
positos, in his tenuem, in illis paulo crassiorē acer-  
vum efformantes, in nullis vero arcte inter se com-  
pactos, aut unum, satis ulla ex parte terminatum;  
corpus efficientes. Quibus de causis minime ausus  
sum hos ei membranæ subnexos acinos, universos pro  
una peculiari Glandula habere, neque ab iis minutis  
glandulis quamplurimis distinguere, quas Vieussenius  
(z) communiter Pituitariæ Membranæ, externa quo-  
que laryngis latera ---- attingenti, tribuerat. Et fa-  
ne Valsalva cum hæc postea perlustraret, nihil aliud  
suis in schedis scriptum reliquit, nisi in Pharynge ver-  
sus Arytænoides, ubi sunt musculi Arytænoidæi, mul-  
tas esse glandulas ex ordine salivarium. Attamen cum  
Verheyenius (a), qui post utrumque nostrum hæc ita  
observavit, ut non omnia quæ dicta sunt, videatur  
attendisse, eos omnes acinos, tanquam peculiarem Glan-  
dulam Innominatam proposuerit in parte laryngis po-  
steriori, superiori margini cartilaginis annularis incum-  
bentem intra duas cartilagineas Arytænoides, ---- globo-  
sam, & altera ex Arytænoidæis majorem; hic mihi pla-  
cuit quid Valsalvæ visum sit, & quæ ipse olim in un-  
decim continenter sectis cadaveribus animadverterim,  
indicare. Tu quem malueris, sequeris.

24. Nunc ad caninum illum anulum revertens sic  
habeto, me quotiescunque ejus viciniam inspexi; inspe-  
xi autem pluries; vidisse ejusdem generis acinos atque eos  
quibus ipse coagmentatur, non modo ab superiore ac an-  
teriore ejus parte, sed ab inferiore quoque circumcir-  
ca, propagari sub eadem tunica intima sic ut per pro-  
ximum illinc laryngis tergum, hinc œsophagum, sed  
per hunc disiecti magis rarique, spargerentur: quan-  
quam aliquando satis adhuc confertos inveni vel ad  
sextum, infra anulum, transversum digitum, quem  
ad locum, eoque inferius, quasi per series quasdam,  
secundum gulæ longitudinem descendebant. Verum  
in œsophago & vituli, & testudinis quales glandulas  
observaverim, indicavi in Adversariis III. (b); qua-  
les vero in gallinæ, aliarumque avium, partim ibi  
ostensum est, partim alibi fusius, commodiusque o-  
stendetur. Hic tibi in humano, in quo, nisi per dies  
aliquot in aqua macerato, Verheyenius (c) scripsit,  
glandulas ob exilitatem visum pene effugere, quales ipse,  
sine ulla maceratione, conspexerim, non reticebo.  
œsophagum viri quem cito apoplexia interemerat,  
cum dissecarem, cumque de duobus iis tubis in quos  
distinctum apparere, si transversum incidas, nosti, ex-  
teriorem omnem ademissim; albidam cœpi interioris  
tubi convexam faciem inspicere, vidique crebras se-  
cundum ejus longitudinem extantes series glandularum,  
inæqualium, sed quarum tamen plerasque cum magni-  
tudine, tum ovali depresso forma cum plerisque ea-  
rum conferre posses quas a tergo Asperæ arteriæ in  
Adversariis I. (d) delineavi. Et suspicatus quidem  
sum, istam glandularum dilatationem œsophago con-  
tigisse propterea quod homo paucis ante mensibus tho-  
racis inflammatione laboraverat, cujus fortasse, ma-  
gna ex parte, effectus erat dexteri pulmonis cum pleu-  
ra coactis omni fere postica & laterali superficie.  
Quam suspicionem illud comprobare visum est quod  
cum is totus œsophagi prælongus tractus qui thorace  
continetur, eas mihi quas descripsi, glandulas osten-  
deret; reliquas, ad collum pertinentes, eo rariores, mi-  
noresque exhibebat, quo fiebat pharyngi propior, ut  
ad extremum, fere obliterari viderentur: neque aliter  
credere me sinebant œsophagi duo quos proxime per-  
lustravi; nam quidquid eorum intra thoracem latebat,  
ne vestigium quidem earum habuit glandularum. At-  
tamen in quarto œsophago, pariter fano, idem ille  
tractus glandulas passim ostendit disiectas, albidas,  
depressas, nec sane minimas, ut quas, interna inver-  
si œsophagi etiam tum integri inspecta facie, quasi  
translucens agnoscerem; & de œsophagis octo quos  
deinceps, cum pharynge, ut mox est, summa videli-  
cet illa ex parte, depositos secui, cum exteriorem tu-  
bum ab interiore divisissim, modo in hujus convexa  
facie extantes passim glandulas, quamvis neque tan-  
tas, neque tam crebras, conspexi; alias, eodem tubo  
luci objecta, nonnunquam vel his pauciores, inter-  
dum

(f) De Semine I. 2. c. 6. (t) Neurogr. I. 1. c. 16. (u) Tab. V. Fig. 2. (x) Comp. Anat. n. 386. & 362. (y) n. 4.  
(z) Neurogr. c. cit. (a) Anat. corp. hum. I. 1. tr. 3. c. x1. (b) Animad. 3. (c) tr. cit. c. 14. (d) Tab. II. Fig. 5.



dum, totidem, nunquam minimas deprehendi, si duos œsophagos excipias in quibus aut nihil, aut fere nihil ejusmodi videre potui.

25. Jam vero quæ glandulæ non interius quidem insitæ, sed exterius sint pharyngi, proximoque œsophago appositæ, videndum est. Et primum duas in Valsalvæ scriptis commemoratas invenio, superiori pharyngis tergo, & vertebris interjectas. Quas tamen & de Lymphaticarum genere esse, confitetur, & si in pluribus cadaveribus quærere potuisset, minime perpetuas esse, adnotasset. Mihi certe in septem admodum perquirenti vix in uno parvæ ibi nonnullæ glandulæ lymphaticæ se obtulerunt: nonnunquam tamen haud procul a cranii basi; a pharyngis quidem tergo, sed magis ad latus; quatuor ejusdem generis glandulas animadverti, in singulis lateribus binas. Glandulas item Lymphaticas circa processum Styloides locari, scripsit: quarum ego singulas aliquando ad singulos vidisse, memini. Verum & hæ, & illæ, cum sunt, ad Jugulares videntur referri posse. Certe Whartonus (e) qui *Jugularium* glandularum nomen princeps excogitavit, harum unam *utrinque ad processum styloidis radicem* in quodam cadavere invenit, & in universam docuit, earum superiores fere pertingere ad eundem processum. Ex iis autem quos ante ipsum reperio has glandulas commemorasse (ut Hippocratis, seu vetustissimi Auctoris libri *de Glandulis* duos omittam locos, ab Stenonio (f) quidem animadversos, mihi vero sententiæ, ut levissime dicam, satis ambiguae: *Glandulæ porro sunt ab utraque aurium parte juxta jugulares colli venas, & pili etiam ibidem: & Collum ab utraque sui parte hinc & hinc glandulas habet, & vocantur hæ glandulæ tonsillæ* (απὸ τῶν τῶν) Jacobus Sylvius (g) nihil aliud memoriæ prodidit, nisi esse *per multas ab auribus ad claves, venarum jugularium tum internarum, tum externarum, & arteriarum carotidum firmandis divisionibus destinatas*. Riolanus (h) vero ad interiora contraxit, ad aliumque usum traduxit. In colli lateribus, inquit, secundum ductum Jugularis internæ, glandulæ exiguæ huc & illuc dispositæ sunt, in quas Cerebrum se se exonerat: in pueris tumefactæ capitis plenitudinem indicant, & in his potissimum scrophulæ generantur, & apparent. Hæc ferme verba, ne nominato quidem Riolano, sua, ut sæpe alia, fecit Bauhinus (i). Whartonus (k) autem ut strumas ab earum obstructione glandularum repetendas esse, conjicit, & eandem juxta vasa jugularia, ipsarum sedem agnoscit sic, ut aliæ tamen anteriores sint, aliæ posteriores; ita in historia alia addit; in usu vero, nisi benigne Riolanum interpreteris, plurimum discrepat. Addit: „ alias aliis majores esse ---- ab „ exiguitate feminis coriandri ad fabæ molem: ---- „ inferiores inter spinam & vasa thoracica, thymum. „ que in thoracem descendere: --- in agno (& magis conspicue in vitulo) ---- valde numerosæ egutture ad diaphragma usque secundum vertebrarum „ cervicis & thoracis seriem descendere: ---- in collo „ quo inferiores, eo rubicundiores: quo superiores, „ eo pallidiores: ---- substantia denique, & figura iis „ quæ circa œsophagum, in inguinibus, & sub maxillis, nonnihil respondere. „ Cæterum, quod ad usum attinet, videri ad glandulas reductivas spectare, inque eum finem factas, ut exceptam superfluum nervorum humiditatem in venas & lymphæ ductus sibi proximos reducant. „ Exinde Jugulares glandulæ a plerisque sunt inter Lymphaticas relatæ, & nominatim a Cowpero (l), qui ad Subclavias glandulas (universæ, ut ex productis a me verbis patet, a Whartono inter Jugulares inferiores, jam indicatas) lymphæductus superiorum deducit, e Subclaviis autem alios in ductum Thoracicum derivat, utrosque demum luculenta imagine oculis subjicit.

26. Cum his ut facerem, ipsorum auctoritas, & observationes, mearumque etiam nonnullæ suaserunt, illæque in primis ut facillimæ, sic constantissimæ quæ ex interiore habitu glandularum harum petuntur. Si vè enim plures, & magnitudine inæquales offendi, ut in viro prope summum arteriæ Carotidis truncum quasdam magnæ fabæ æquales, alias in vicinia his

maiores, minoresque: sive pauciores, & æqualiores ut in alio duas tresve easque ad illum dumtaxat eundem locum, sed parvas nullas: sive pallido Conglomeratarum Maxillarium colore, ut in hoc, itemque in muliere: sive nigricantes, ut in vetula, pariterque in fene in quo magnas quasdam ad œsophagi latus statim supra sternum (ad Subclavias fortasse referendas) conspexi: sive aliter denique, si extrinsecus spectares, se habentes; nullam certe unquam memini dissecuisse, quæ ejusmodi substantiæ speciem non exhiberet, qualem in cæteris glandulis quas passim Lymphaticas putant, deprehendimus. Huc illud accedit quod Riolanus (m) generatim, Clinici autem specialim animadverterunt, imminente, aut incrementum capitis in pueris exulceratione, solitas esse Jugulares glandulas intumescere. Quod cum sæpius observassem, eodem pertinere credidi quo parem Inguinalium, aut Axillarium glandularum tumorem, quem haud raro conjunctum vidi cum ingravescente pedum, aut manuum fœda scabie, aliave ejusmodi affectione. Porro ut hunc non aliunde repetere facilius possis, quam ab lymphæ vasculis elocis sive exulceratis, sive mox exulcerandis viscidis, aut vellicantes particulas abducentibus, & in earum per quas trajiciuntur, glandularum angustias importantibus, hæcque propterea aut ex parte obstruendo, aut ob irritamenta contrahendo, lymphæ transitum difficiliorem reddentibus; sic haud dissimiles in pueris Jugularium glandularum tumores haud dissimili ratione oriri, existimabis: & quod consequitur, mecum conjicies, ut Inguinales, Axillaresque, ita Jugulares quoque glandulas lymphæductibus inservire. Eodemque aliæ videntur Medicorum observationes spectare, velut glandularum Jugularium, & Mesaraicarum, simul, crebro adeo, indurescentium, ut ex illarum obstructione, pertinaci præsertim, & cum macie conjuncta, harum quoque obstructionem suspicari, quærere, invenire haud raro consueverint: velut etiam cadaveris Strumosi, a Francisco Sylvio dissecti, in quo Stenonius (n) memorat *conglobatas omnes glandulas non in reliquo modo corpore, sed & circa aurium regionem* (Jugulares autem intelligit) fuisse scrophulis affectas, *Salivarium utraque cum Pancreate integra existente*; unde diversum Salivarium, & Jugularium genus colligit, & vulgo dictam Parotidem, *Parotidem Conglomeratam appellat, nomine Conglobatarum Parotidum reliquis relicto*. Nec vero quoniam non æque facile est intelligere, quem ad finem Jugulares vasis lymphaticis inserviant, ac est perspicere, quid Mesaraicæ præstent lymphatico-lacteis; idcirco illas non servire lymphaticis, putandum est. Neque enim id de Jugularibus solum, sed & de Conglobatis omnibus perinde esset existimandum: & quamvis per Mesaraicas non modo lymphæ transeat, sed etiam chylus, cujus motum novo addito subinde quo diluatur, humore plurimum ab iis glandulis juvari, intelligimus, est aliquid tamen, unde lentum quoque lymphæ motum ut a creberrimis valvulis adjutum videmus, sic ab interjectis etiam Conglobatis glandulis adjuvari posse, conjiciamus. Nam sive tenuiore aliquo adjecto lactice, sive carneis Malpighianis fibris, corculorum instar, lympham promovent; cum his sane, aliisve ejusdemmodi conjecturis satis convenit quod alibi (o) in rem hanc tum olim indicavi, cum rationem quærerem, cur inferioribus quidem lymphæductibus plures in homine glandulæ, quam in bestiis, addantur, tum alias fortasse confirmabo, eandem proferens causam ab dispari corporis situ deductam, quare his quidem paucæ, & in unum fere contractæ, homini autem longe plurimæ, & passim disjectæ Mesaraicæ sint attributæ.

27. Etsi vero hæc meæ atque adeo plerorumque de usu glandularum Jugularium opinionis rationes sunt; tamen cum præter Verheyenium (p), & quosdam alios, Virum quoque videam Experientissimum, meique amicissimum Heisterum (q) de illo adhuc dubitare; nonnullas audeo quas olim antequam *Adversaria* I. ederem, observationes inchoavi, fideliter in medium proferre, gavisurus plurimum, si tibi forte, aut per te aliis usui sint ad aliquid veri, etiam contra meam

(e) Adenogr. c. 19. (f) Obs. Anat. de Gland. Oris n. 10. (g) Hagog. Anat. l. 1. c. 7. (h) Anthropogr. l. 4. c. 10.  
(i) Theatr. Anat. l. 3. c. 85. (k) loc. cit. (l) Vid. Act. Lips. A. 1691. M. Febr. (m) loc. cit. in n. suæ.  
(n) loc. cit. (o) Adver. II. Animad. 47. (p) Anat. corp. hum. l. 1. tr. 4. c. 13. (q) Comp. Anat. v. 386.



meam opinionem, statuendum. Vernis mensibus atque æstivis A. 1706. cum sæpius meas complurium partium, & nominatim pharyngis, dissectiones modo in hominibus, modo in brutis animantibus iterarem; in vacca primum animadverri duas magnas glandulas, quæ laxè summo pharyngis tergo singulæ in singulis lateribus adhærebant. Exterior species & color, qualis in Conglomeratis spectari solet, fecere, ut earum ductus, aut ductuum in pharynge orificia diligenter perquirerem, sed incassum tum in hac, tum in aliis de quibus mox scribam. Minus autem miratus sum postquam eas glandulas diffecando, livido intus colore, nisi qua disjectas hic illic albas inæquales portiones habebant, compactissima autem substantia comperi, ut cum aliis ejusdem vaccæ glandulis comparata quas esse Lymphaticas, vulgo existimant, nihil ab his pariter confectis discreparet. Itaque ad Jugulares spectare, credidi, & nil nisi lympham secernere. Verum cum mox in bove, itemque in vitulo duas illas ipsas incidissem; miratus sum, non lympham, sed albido succo scatere, imo in vitulo compressas, tantum albidum humoris emittere, ut non Lymphaticas glandulas, sed galli testiculos, semine turgidos, comprimere viderer. Paucae aliæ, & parvæ (nam duæ illæ in tenero etiam vitulo satis magnæ) proximæ erant: hæ quoque sectæ, pressæque lacteum eundem humorem dabant. Hæc eo tempore adnotavi: quæ aliis deinceps atque aliis perquisitionibus, studiisque distentus, usque adeo distuli, ut pene obliviscerer: & quamvis opportuna sæpe ad ejusmodi inquisitionem cadavera sive hominum, sive bestiarum rimarer, quas inter porcellos Indicos præsertim memini, quorum unus plures, easque grandes (nam paucae in altero) Jugulares ad Asperæ arteriæ latera glandulas habebat; alias tamen sum; non eam rem; persecutus: quam domesticarum tandem avium paulo diligentior anatome ad memoriam revocavit. Nam cum thymum frustra in harum aliarumque complurium avium summo thorace quævisissem; in tribus primum quos forte secabam, caponibus statim extra anteriora thoracis ad imum dexterum colli latus animadverri glandulosum depresso corpus, mollibus lobulis coagmentatum, eoque thymum referens, præsertim cum etiam colore accederet, in ipsoque thoracis supremo limine infimam sui partem haberet. Magnitudo tamen aliquanto major, quam caponibus convenire videretur, & sedes ab latere, extraque thoracein, minus cum thymo congruebant. Huc illud accedebat, quod etsi a primo unum esse corpus videbatur; re tamen vera duæ erant oblongæ glandulæ, superior una, inferior altera, per membranas quidem inter se junctæ; sed œsophago etiam prope Ingluviei orificium annexæ: quæ res illuc quoque animum impellebat, ut has esse fontes humoris cujusdam, suspicaret, ad proximam Ingluviem, & œsophagum pertinentis. Verum cum horum utrumque in uno in quo nondum glandulas dimoveram, aperuisssem; comprimere has frustra cœpi, si forte expressus humor collapsos ductus extendendo, aut in alterutram caveam influendo, illos per membranas; aut eorum saltem oscula proderet. Tum hæc omnes glandulas in aqua nocternam maceravi. A maceratione lobulorum divisio magis patebat, & ex quatuor saltem glandulis, cum facile, digitis huc illuc trahendo, lacerarentur, mucosus, subflavusque, quo multo scatebant, succus per dilacerata loca exibat; ex duabus reliquis nullus, aut ferme nullus. Paulopost anatem diffecui anniculam: & eodem quo in caponibus loco tres, aut plures glandulas comperi, non parvas, ex rubro albicantes, ovali, sed depresso forma, medio inter mollem ac durum habitum: quæ cum Jugulares magis referrent glandulas; subiit animum id quod in caponibus non quæviseram, videre an ab lævo etiam latere appositæ essent. Nec sane defuerunt, ut neque in anserem, in quo ad eundem modum factas inveni, & subalbum, si premeres, succum inter digitos relinquentes. Postridie gallinam Indicam secare placuit, neque ima solum, ut antea feceram, sed media quoque, & superiora colli diligenter inspicere. Vidi igitur non duas, tresve glandulas, sed a summo quod subibant, thoracis cavo perpetuam utrinque glandularum seriem per collum ascendentem, atque ita perpetuam, ut ab sinistro quidem latere a thorace ultra colli medium

nuquam vera inveniretur divisio. Series utraque sequebatur vasorum Jugularium ductum: utraque ascendendo extenuabatur: utraque ad imum depresso glandulas, ad summum teretes magis habebat. Has vero ubicunque, & in quacunque serierum parte incidere; multus lentus subalbus succus, feri lactescentis instar, exprimebatur. At hic tamen erant duriores, & minus perspicue ex lobulis constabant; ut si præterea quam diximus, sedem, & extensionem attenderes; cum Jugularibus magis glandulis, quam cum thymo convenire viderentur. Sed vicissim, ne propterea non Conglomeratas crederes, discissum illius ejusdem gallinæ pancreas faciebat, ex quo talem omnino succum expressi, qualem ex iis glandulis exprimebam; ut album Tubulosi ad carneum ventriculum Corporis humorem fileam: quo de Corpore, cæterisque avium proximis, conjunctisve partibus quid tunc observaverim, alias proponam. Denique in gallinaceis duobus pullis fere trimestribus duas illas quidem, in caponibus descriptas, infimas ab dextro latere glandulas multo & longiores, & depressoiores inveni, ut thymum magis imitarentur; cæteras autem tum quæ supra erant, tum quæ ab sinistris dexteris omnibus respondebant, breviores, & subrotundas; ut Jugularium aliquanto similiore videri possent; sed tamen non secus atque illæ duæ, conglomeratæ, ejusdemque naturæ, & certe coloris, eodemque mucoso succo scatentes.

28. Hæc quæ in memoratis avibus observant, cum suspensum me haberent; tum incertum magis reddiderunt quæ mox in aliis animadverri. Cum enim corvum, itemque alucum secarem; ne unam quidem earum glandularum deprehendi. Et quanquam primum hinc illud intelligi posse, credebam, earum usum eo pertinere ut suum Ingluviei humorem suppedirent, propterea quia uterque ut Ingluvie, sic iis quoque carebat glandulis; columbæ tamen duæ, totidemque nobiles aves quas hic appellant *cotorni*, eam mihi suspicionem ademerunt, cum Ingluviem quidem in his viderem; nullas autem ex iis glandulis videre possem. Hæc vero quatuor avium genera in ea me opinionem confirmabant, ut ne eas thymum esse crederem: cur enim his natura negasset, si aliis volucribus concessisset? Nonne satius est existimare, ut Thoracicum ductum avibus, sic etiam thymum deesse? Qui si deest (deesse autem, non ex meis modo inspectionibus, sed ex Valsalvæ pariter, id alicubi diserte scribentis, posthumis schedis intelligitur) hinc novum ego argumentum duco, quo ut illos thymis usu probemus secundum quos ei ductui creditur, chyloque inservire, ita alios e pluribus in dubium vocemus, olim, aut recentioribus temporibus excogitados, minime sane cum avium anatome, & observatione consentientes, quemadmodum alias sigillatim demonstrabimus. Cæterum eadem ratio unde apparet, eas glandulas neque thymum esse, neque Ingluviei subservire, suadet quoque, nec œsophago, nec lymphæ ductibus famulari: cur enim aves aliquæ nullas haberent? aliæ autem haberent tantas ut pro mole corporis vel nimium magnæ esse viderentur, aut in collo tantum, si lymphæ inservirent? Igitur aut ostendendum est, si quem ejusmodi usum habent, quid hunc penset, aut minime necessarium faciat, in iis avibus quæ his carent glandulis, quod ostendere haud ita facile esse, crediderim; aut novus aliquis earum usus est quærendus, certis quibusdam solum avibus peculiaris, non omnibus communis. Qui si inveniatur, facile, ut opinor, indicet, quid de Jugularium glandularum officio in aliis etiam perfectioribus, quæ vocant, animalibus, ipsoque adeo homine jam melius possimus existimare. Nam, ut cætera omittam; sedes certe eadem in his est Jugularium quæ earum in avibus glandularum; neque albidus ille qui ex his succus nunquam ex ipsis quoque Jugularibus a nobis expressus est. In vitulo enim, & bove ejusmodi succum nos olim animadvertisse, supra (r) demonstratum est. Et quanquam ex quo illa omnia in avibus videramus, aliæ iterum aliarum partium, atque animantium dissectiones ab ea nos inquisitione persequenda longe abduxerint; tamen vel aliud agentes in canepimum, deinde etiam in homine quorum utrumque secum vergente jam anno 1723. haud absimilem in Jugularibus glandulis humorem vidimus, & iis qui



aderant, in primisque CL. Vulpio ostendimus. Cum enim alia in canino collo quærentur, & Jugularis quædam glandula se forte obtulisset; hæc discissa, quamvis recte erat constituta, mucosum ejusmodi humorem dedit, qualem in avibus jam videram, paulo dumtaxat minus albidum, albidum tamen. Æque etiam sanæ erant Jugulares glandulæ in viro qui diu in Nosocomio amens fuerat, & post longam febrem obierat. Earum nullas toto Carotidis arteriæ, & comitis venæ tractu qui a summo thorace ad ejus ferme divisionem arteriæ est, animadverti: infra eam divisionem statim duæ tresve erant; nec parvulæ, forma quasi ovali: hæ non colore modo, & aspectu Conglomeratas, atque adeo glandulas illas in avium collo descriptas, sed & albedo ipso quem ex dissectione expressimus, succo eas prorsus retulerunt. Quod si in cæteris quoque glandulis quæ Conglobatæ, id est Lymphaticæ existimantur, aut ejusmodi humor albidus, aut manifesta ex lobulis structura esset a præcipuis earum Scrutatoribus memorata; nihil certe fuisset causæ cur aut hanc in nonnullis a me dissectarum avium, aut illum in fere omnibus, & præterea in iis de quibus dictum est, vitulo; bove, cane, homine a me visum intra Jugulares eorum glandulas mirarer. Nunc igitur cum structuram illis compactam, limpidum autem humorem tribuerint; alterutrum necesse est, aut in observando ipsos defecisse, aut nos de Jugularibus glandulis posse num eidem cui cæteræ, muneri addictæ sint, dubitare.

29. Cum hæc scripserim, placuit mihi, priusquam ad glandulam Thyroidæam ex ordine descenderem, Vercelloni Dissertationem (f) inspicere, in qua, cum Tertia, & quæ deinceps secuta sunt, *Adversaria* eiderem, de ea glandula verba fieri, sciebam; quæ autem, aut quatenus fierent, non plus utique nosse poteram quam quantum ex aliis Scriptoribus quæ eam legerant, didicissem. Quam Dissertationem dum verso, de Jugularibus etiam glandulis sermonem video sic esse institutum, ut pro Conglomeratis, sed lympham secernentibus, habeantur, & lympham quidem, sed quæ in œsophagi cavum influat. Et quamquam quæ de ipsarum structura in quibusdam avibus, de albedo autem succo in iis, aliisque supra retuli, non inveniam; video tamen, ejusdemmodi succum quem olim in vitulo animadverteram, ipsi postea in ejusdem animantis non superioribus illis quidem & disiectis, quas non memorat, Jugularibus, sed inferioribus, ut Whartonus (t) loquitur, concatenatis occurrisse (u). Quem tamen laticem albescentem instar lactis cum se vidisse ait in ductu quodam intra earum glandularum catenam invento; cumque alia tum de ejusdem laticis inter descendendum mutatione adjiciat, tum de lineis innumeris parallelis quæ ab Jugularibus vituli glandulis oblique in œsophagum tendentes, injecto vinculo superne quidem humore lim-pido turgebant, inferne exinaniebantur; ego vero de rebus a me non perspectis pronunciare nihil soleam; his tibi dumtaxat indicatis, ad Thyroidæam transibo.

30. Quam illum pro una merito glandula, sed post alios ab ipso non nominatos (x), quamvis lectos (\*), habuisse, animadvertit Professor Doctissimus Jo. Guil. Pauli in Programmate quod Rivinianæ de *Auditus Vitiis* Dissertationi subjunxit: eosdem autem Viri alii Cel. satis indicaverunt, & in his Cl. Jo. Hagerus in ea quam de hac ipsa glandula Thyroidæa inscripsit, Dissertatione (y). Quamvis autem Anatomicus Eruditissimus Jo. Heur. Schulzius in calce ejus de *Ossibus Conferrentibus* Exercitationis in qua an nimis liberaliter mihi tribuat (z) novissimam Celsi editionem Patavinam, amice alibi, quemadmodum alia nonnulla, fortasse disquiremus: quamvis, inquam, admoneat, *Glandulam thyroideam in homine non semper esse unam: sed aliquando manifestissime divisam, in duos plane separatos lobos inveniri: talemque se ipsi spectandam obtulisse, quum ---- cadaver ---- notissimi Altorfii hominis dissecaret*; id tamen quam rarum sit; non mea solum *Adversaria* (a) ostendunt, in quibus cum hoc quoque jam mihi antea observatum proponerem, vix semel esse a

me visum, diserte monui; sed meæ mihi observationes tum quas ad id tempus in plurimis, tum quas inde ad hoc usque in multo pluribus habui Thyroidæis glandulis, plane confirmant. Nimirum semel, idque A. 1706. mense Novembri cum Bononiæ, vetulæ cadaver secarem, glandulæ Thyroidææ lobos vidi sejunctos, toto eo intervallo penitus a glandulæ substantia vacuo quod in cæteris ab isthmo teneri solet. Sana tamen erant omnia, ut apparet, sic esse ab natura, atque ita ut in aliis videmus facta, nisi quod sinister lobus in duos iterum erat divisus. Præter Anum illam, in aliis omnibus quæ ante, aut post secui, humanis cadaveribus isthmus fuit. In quibusdam autem bestiarum generibus reperire non potui, sive quod in multis, sive quod in omnibus quas ea videlicet comprehendunt genera, desideretur. Sic in domestico mure majori duas magnas, sed omnino separatas, Thyroidæas glandulas vidisse memini. Sic in lepore ex atro rubentes duas, crassitudine, non ambitu, exiguas, quarum supremas partes etsi isthmus aliquis committere videbatur, tamen hic depositus, extensusque dubium me reliquit, an non mera potius membrana esset. Strigosi quoque erant in felibus recens natis glandulæ ejusdem lobi sic ut aliquando nulli esse visi sint; alias viderim quidem infra laryngem se demittentes, sed an inter se conjungerentur, non æque viderim. In canibus autem pro certo comperi, in singulis imæ laryngis, summæque Asperæ arteriæ lateribus singulas Thyroidæas collocari oblongas, teretes, aut fere ovales, easque nullo prorsus isthmo copulatas: quamobrem tum Vesalium (b), cæterosque olim in canum sæpius dissectionibus exercitatos, minus miror hominis Thyroidæam pro duabus glandulis proposuisse, tum Vercellonum (c), qui isthmum in cane non videret, abesse ipsi imprimis glandulam Thyroidæam, tradidisse. Tamen in quodam cane isthmum vidisse me, scio, utrumque lobum neque a suprema, neque ab ima, sed a media potius parte jungentem; quod & de bobus quatuor in tribus vidi, cum in quarto a superiore parte jungeret. Contra in hominibus aliquando olim ad quindecim continenter inspectis, quatuor in medio, undecim reliquos ab inferiore parte isthmum habentes inveni: ab eademque parte & vervecem, & de duobus erinaceis ambos sic ut tota horum glandula Thyroidæa tenuiore quidem, sed inferiore isthmo conjuncta, semiannulum cava parte sursum conversum referret. Ex quibus ut illud apparet, hanc glandulam ne in hominibus quidem omnibus sed in plerisque dumtaxat, crescentis lunæ imaginem, nisi quodammodo, ut in Primis ipse *Adversarius* (d) scripseram, repræsentare; sic intelligitur in hominibus, si non omnibus, at certe propemodum omnibus unam revera esse, non duas, contra atque ab antiquissimis temporibus ad meam usque memoriam fere cuncti Anatomici existimaverant.

31. Nam; ut illum Ruffi obscuriorem locum de quo supra (e) vidimus, cum ageremus de Tonsillis, mittamus; sive Galenus, ut Casserius (f), alique censent, ibi descripsit, ubi (g) glandulas ipsas quæ laryngi adjacent, docuit, semper quam alias glandulas reperiri laxiores ac fungosiores, sive ea majoris, & multo magis quæ subjecit, de tonsillis accipere; veteremque Auctorem credere libelli de Voce. & Anbelitu (h) ad thyroideas respexisse scribentem, collum habere duas glandulas, in quibus generatur humiditas, ---- quæ sunt in natura spongiæ, ut Julium quoque Pollucem (i), cui (quod Jo. Scapula (k) indicat) carnes quedam rubræ, & teretes sub tonsillis a quadam fortasse pomorum similitudine *μῦλα* appellatæ, hæ ipsæ glandulæ fuerunt, judice etiam Riolano (l); nemo certe horum magis unam proposuit, quam Vesalius (m), Columbus (n), Fallopius (o), & qui hos diu secuti sunt cum ipsorum auctoritate, tum vero Jacobi etiam Sylvii (p) monito ne pro una haberent, occupati. Hic enim Sylvius qui Veterum scriptis magis, quam suis ipse oculis credebat, etsi verum fortasse vidit, sibi tamen, aliisque in hunc modum glaucomam ob oculos objecit. *Due, inquit, sunt glandulæ ad laryngis radicem, asperæque arteriæ*

(f) De Gland. Oesoph. (t) Adenogr. c. 6. (u) Sect. 1. art. 26. & Sect. 2. art. xi. (x) Vid. Sect. 1. art. 23.  
(\*) Vid. Sect. 2. art. 12. (y) n. 6. (z) n. 1. (a) V. Animad. 35. (b) De hum. corp. fabr. l. 6. c. 4. & Fig. 2. 4. 5. c. 21. l. 2.  
(c) Dissert. cit. Sect. 3. art. 22. (d) n. 26. (e) n. 15. (f) De Larynge l. 3. c. 1. (g) De Usu part. l. 7. c. 17.  
(h) Tract. 2. (i) Onomast. l. 2. (k) Lexic. græcolat. sub voce *μῦλα*. (l) Anthropol. l. 4. c. 10. (m) locis cit.  
(n) De Re Anat. l. 9. (o) Institut. Anat. ubi de Thorace. (p) Flag. Anat. l. 1. c. 7.



nitium, utrinque una: quæ interdum ob magnitudinem in unam abire videntur; quasi vero interdum modo, & cum magnæ sunt, in unam abire viderentur, non reapse, & tantum non semper seu parvæ, seu magnæ, una essent. Eos demum exceperere tempora ætati huic nostræ propiora quibus *Thyroidææ* primum sunt nominatæ; neque enim Veteres aut *glandulam*, aut *Thyroidem* appellaverunt, sed *glandulas* dicere, & ea quæ vidimus, ferme ratione, si Pollucem excipias, designare consueverunt. Quin etiam Riolanus, qui vel paucis antequam obiret annis (obiit autem Febr. mense A. 1657. (q)) in postremis suorum Operum (r) editionibus, & Nathanael Higmore qui in *Disquisitione Anatomica* (s) A. 1651. & Thomas Bartholinus qui anno eodem in *Anatome tertium Reformata* (t) ipsas nominandi occasionem habuerunt, haud ita absimili modo indicarunt. Verum cum Thomas Whartonus A. 1656. edita *Adenographia* (u) sub *Thyroidæarum* nomine proposuisset; idem Bartholinus cum *Anatomen quartum Renovatam* (x) typis describendam committeret, eas non amplius ut innominatas sed ut *Thyroidæas Whartono dictas* commemoravit. Neque tamen ut Whartonus fuisse in primis videtur quæ e nomine usi sunt, ita non alium aliquem est secutus. Nam & ubi *Glandularum* divisiones proponit (y), duæ sunt, inquit, *laryngis*, *thyroidææ dictæ*, & nusquam, si recte memini; quod de Jugularibus fecit; illas quoque nomine ante se caruisse, indicavit.

32. Sed quicumque id primum nomen imposuit, etsi aliquanto melius imponere, ut mox ostendam, potuisset; obviam tamen ivit pudendo errori in quem imperitos atque tirones traxisset aliquando non Casserius quidem noster, sed is qui posthumus ejus Tabulas ad anatomicos Spigeli libros adjunxit, Daniel Bucretius. Qui cum in aliis earum interpretandis minime Casserii mentem est affectus; quod & alias (z) a nobis ostensum est, & facilius fortasse iterum ex nonnullis illarum ostendetur, quarum in tergo adscriptas olim ipsius, ut videtur, Casserii manu Explicationes haud ita pridem nacti sumus; tum vero in ea gravissime est hallucinatus in qua (a) *Thymum* vocari id scripsit quod Casserius (b) cum eandem ferme Figuram ederet, nil nisi *Corpus glandulosum ad laryngem ipsam situm*; hoc est *Thyroidæam* esse glandulam, recte docuerat; ad laryngem, inquam, situm, id est prope laryngem, sive ut clarius post Fabricium ab Aquapendente (c), Diligentissimus Vir Ruyschius (d) loquitur, & nostra Tabula (e) commonstrat, sub *larynge*. Neque enim (maxima saltem ex parte) solent, quod adversus impositum *Thyroidææ* nomen egregie confirmat Cl. Santorinus (f), *Thyroidi cartilagini incubare*, ut Riolanus (g), alique scripserant, ad quos respexisse videntur qui id nominis indiderunt; melius aliquanto eos secuturi quos noster designavit Dominicus de Marchetti (h): *Sub integumentis*, inquit, *loco paulo decliviori aliæ duæ sunt magnæ glandulæ ad latera asperæ arteriæ adherentes supra œsophagum, quæ bronchiales nominantur*. Re enim vera broncho imponuntur, & adhærent: neque ambigua fuisset ea appellatio propter illas alias quas vulgo nunc glandulas Bronchiales cum Verheyenio (i) vocitamus. Nam idem Marchettus, qui has quoque noverat; atque adeo primus in homine, aut certe inter primos, anno videlicet 1652. animadverterat, qua ratione distinguere, mox indicavit. Postquam enim Bronchiales illas primas sedem esse bronchoceles docuerat, hæc continuo subiecit: *Infra istas in cavitate thoracis prope pulmones supra asperam arteriam multæ aliæ reperiuntur ad colorem nigrum vergentes, quæ omnes tam SUPERIORES, quam INFERIORES ad humiditates excrementitias sumendas partium vicinarum destinatæ sunt*. Sed quoniam hæc illi non viderunt, aut non attenderunt quibus pro *Bronchialibus Superioribus* brevius *Thyroidææ* vocabulum magis placuit, idque jam ab omnibus receptum est, eique insuper, quadantenus, id est quod ad loborum superiorem attinet partem, tum res ipsa favet, tum Summi Anatomici Eustachii delineatio (k); idem nos quoque retinere

Morgagni Epistola Anatomica.

pergemus; sic tamen, ut moneamus, ne ea quidem inspecta delineatione; quam aliquando conferentes, rei satis respondere deprehendimus; aut univérse dici posse, hanc glandulam, operire antèrius convexitatem Laryngis; aut speciatim ejus lobos, qui superiore quidem parte anteriorem contingunt portionem musculorum Thyropharyngæorum, applicari super Musculos Thyro-Hyoidæos, sive Hyo-Thyroidæos, partem autem Glandulæ mediam, sive inferiorem complecti Musculos Crico-Thyroidæos; præsertim cum iidem Præstantissimi Anatomici qui hæc scripserunt, egregie docuerint, lobos, uniri inter se per sua extrema, inferiora infra Cartilaginem Cricoidem.

33. Quo magis intelligis, illa superiora omnia non ideo a nobis fuisse commemorata, ut de nomine hujus glandulæ otiose disputaremus; sed cum ad Historiam Anatomies illustrandam, tum ne aut *Thyroidææ* nomen, aut nomini consonæ descriptiones quenkumque eo adducerent, ut oblitus illorum quæ in I. olim *Adversariis* (l) monuimus, hujus glandulæ isthmum infra cricoidem cartilaginem in transversum positum esse, aliquam hic aliquando chirurgiam administrans, quidpiam peccaret, aut saltem hæreret, velut in ea quæ promptum, si qua alia, expeditumque Chirurgum flagitat, Operatione, Bronchotomia, si forte is quas præsecandas diducendasve præcipiunt, partibus jam diductis, non arteria ibi Aspera, sed *Thyroidææ*, grandioris præsertim, aut tumidioris, isthmus se offerret. Inter eas enim partes, si Casserium (m) excipias, qui de hac glandula quidpiam attigit, *Thyroidæam* memoratam non inveni, cum plures qui *Bronchotomiæ* administrationem docent, Chirurgos legerim; sive *Thyroidææ* vel descriptiones, vel nomen, sive isthmi ignoratio ab ejus ibi commemoratione averterunt, sive potius is quem definiunt, arteriæ locus ipsis visus est inferior quam ut glandulam habere antepositam unquam posset. Quod tamen num satis omnes caverint, numve interjectus isthmus eam saltem quam ipsi præscribunt, annulorum arteriæ numerationem reddat aliquanto difficiliorem, aliorum, tuique in primis judicium esto. Pariter in propria ejusdem glandulæ chirurgia cavendum est, nequis aliquando ab ea quam paulo ante (n), protulimus, Marchetti descriptione fallatur. Namque ita est sub integumentis, ut musculis tamen etiam pluribus subjiciatur, quam quos in *Adversariis* (o) proposui; neque enim id mihi sumpseram ut omnes indicarem, sed eos dumtaxat qui ad hujus conjiciendam glandulæ usum in proximis partibus humectandis, inservirent. Sic Mastoidæum; ut ipsam premat ac urgeat; non magis tamen pertinere existimavi ad significandum, quo suum hæc glandula humorem immittat, quam quo Parotis, quam hoc quoque musculo comprimi, sed non eo tempore quo maxime os saliva indiget, satis constat.

34. Cæterum quem ego usum conjecturis quæsi veram, eundem observationibus quoque in aperto ponere conatus sum. Verum labori fortuna defuit. Principio glandulam suspensa lentaque manu a proximis partibus separare institui, quod dum facerem; ipsius non ductum quidem, sed Appendicem tamen inveni, arctioremque illam tum in nobis, tum in bobus utroque in latere connexionem ad eum ipsum locum quo infima laryngis basis cum supremo trunco arteriæ Asperæ colligatur. Quæ me deinde res ambæ diu multumque exercuere. Et primum is quem dixi, locus tanto est a me diligentius perlustratus, quod sanguiferis vasis illac inter glandulam, & contiguas cartilagine, membranasque traductis interjici suspicabar latentem aliquem canaliculum. Qua frustratus spe, ad Appendicem me converti, quam & glandulæ continuatam, & glandulosam esse, jam noveram. Sed cum primum videram; ceu fortuitam musculi Hyothyroidæi dexteri expansionem contempseram, idque eo facilius quod in altero de duobus quos nuper inspexeram, bobus, ex carneis fibris inferioribus alterius musculi Thyropharyngæi fasciculus quidam fuerat cum parte superiore lobi dexteri *Thyroidææ* glandulæ colligatus. Deinde vero cum illam ite-

L 2

rum,

(q) Vid. Bartholin. Spicil. 2. ex Lymphat. c. 3. (r) Anthropogr. c. cit. & Encheirid. Anat. l. 4. c. 7. (s) l. 2. p. 3. c. 1.  
(t) l. 2. c. xi. (u) c. 18. (x) l. 2. c. xi. (y) c. 6. (z) Advers. II. Animad. 15. 18. & 20.  
(a) Ad Spigel. l. 4. Tab. 2. Fig. 1. K. (b) De Laryng. Tab. 1. Fig. 1. L. (c) De Chirurg. Operat. ubi de Coll.  
(d) Thesaur. Anat. 2. Aff. 5. n. 10. (e) Advers. I. Tab. 1. (f) Obs. Anat. c. 6. n. 17. (g) locis cit. (h) Anatom. c. xi.  
(i) Anat. corp. hum. l. 1. tr. 3. c. 43. (k) Tab. 41. Fig. 8. n. 49. 43. & 47. (l) n. 26. (m) De Laryng. l. 1. c. 20.  
(n) n. superiore. (o) loc. cit.



rum, tertiumque vidissem; suspicari cœpi, num peculiaris esset musculus quo glandula nonnihil versus os hyoides cieretur, aut ad ejus motus ageretur, ut eo potissimum tempore suum in aeris, cibive fistulam humorem immitteret. Quid Eustachio id visum esset, qui tanto ante animadverterat; cum ejus Tabulæ adhuc laterent, tunc ne cogitare quidem poteram. Ex quo autem illæ e tenebris tandem erutæ sunt; ut ipsi notum fuisset, vidi, ita si certus quidam lineolarum ductus quali in delineandis musculis uti solemus, non chalcographi arbitrio, sed potius ut in geminis ejusdem rei Iconismis (p) pariter servatus, constanti Auctoris judicio esset tribuendus; haud multum a veri similitudine abfuturum credidi qui aliquid ejusmodi Eustachium, censeret, quale tum nobis in mentem venerat, existimasse & colore, & forma inductum tenuis & plani quasi musculi, magis magisque quomagis ascendit, in caudam, ut vocabant, gracilescens.

Sed me ipsa glandulæ substantia in illud corpusculum producta eo manifestius, quo interius, secando, utriusque continuatio, & structura patebat, ut glandulæ Appendicem & crederem, & appellarem, permovit. Tamen cui bono ista Appendix facta, & alte adeo producta esset, cogitanti cum quæ de musculi usu conjeceram, huc translata, minus satisfacerent; magis placebat suspicari, intra ipsam forte quem frustra alibi quæssiveram, hujus glandulæ ductum latere. Quam suspicionem duo commendabant, alterum quod in superiore Appendicis parte qua se glandulosa substantia extenuat, structuram nescio quam aliam, minus glandulosæ similem, interdum mihi videbar agnoscere; alterum vero quod salivares ductus inferiores semper, superiores autem (quod in VI. postea *Adversariis* (q) proposui) haud raro aut alia apposita, aut sua ipsorum in lacinia, & quasi appendicis modum producta glandula stipari, & obtegi in suo decursu, non ignorabam. Verum neque hæc felicius processit investigatio. Et primum non multum sane addebant animos crebræ Appendicis varietates non modo quod aliquando angustam & tenuem; latiorē interdum crassioremque inveniebam, aut nunc ab isthmo, alias ab alterutro lobo proficiscentem, aut denique sæpius quidem, ut geminæ Eustachii Figuræ (r), & Solertissimi Santorini (s) Observationes confirmant, per sinistram Thyroidis cartilaginis faciem, velut ipse quoque delineavi (t), scandentem, haud raro tamen & per dexteram, nonnunquam per medium ipsum perductam; sed multo etiam magis quod ut in pluribus altiora petentem, sic in nonnullis tamen cernebam aut infra summum memoratæ cartilaginis desinentem, aut adeo brevem atque exiguam, ut rudimentum potius Appendicis, quam Appendix ipsa esse videretur: quo & illæ sunt duæ Thyroidæ referendæ quas in hoc postea Theatro demonstravi, alteram latissima quidem ex isthmo Appendice, sed quam brevissima instructam; alteram duplici præditam, sed latitudine pariter & longitudine valde pusilla, quarum tamen paulo erat longior quæ ex lobi dexteri parte infima deorsum versus rarissimo sane, nec a me alias spectato exemplo, ferebatur, nam altera ex summo isthmo dextero vix nonnihil assurgebat. Illud vero omnem propemodum spem ademit, quod in cadavera etiam incidi in quibus ne vestigium quidem Appendicis ulla potui exquisitioe deprehendere.

35. Attamen cum aliis Anatomicis, diligentioribus præsertim & sagacioribus, plurimum semper tribuere consueverim; ad hanc ipsam ductus indagandi viam redire iterum non sum gravatus, postquam ex Valsalvæ schedis cognovi, eum quoque aliquid ex eadem inquirendi ratione speravisse. Nam inter cæteras observationes quas, superiorem Epistolam nostram cum anatomæ sæpius conferens, adumbratas nobis reliquit, una est qua ad cartilaginis Thyroidis summam anteriorem partem ubi hæc in medio interrupta est, cavitatem quandam membranaceam memorat, in qua os hyoides super eam cartilaginem movetur: in ea cavitatem ad inferiora basis ejusdem ossis, glandulam esse, ait, quæ duas alias glandulas laterales habere videatur: porro Thyroidæ Appendicem, ejusdem ac Thyroidæ, substantiæ, ab sinistro hujus lobo ad ca-

vitatem illam produci: quærendumque esse, an hujusmodi glandulosa productio, an illæ aliæ glandulæ vas excretorium ad Epiglottidem habeant. Quibus ego verbis excitatus perinde ac si id nunquam antea quæssivissem, vestigare iterum cœpi, atque ut partem eorum vidi quæ infra commemorabo, sic præsertim, cum plura alia quæ hujus loci non sunt, in duabus suillis laryngibus animadverterem die tertio Anni 1724; in foramen incidi fere ovalis figuræ, anteriori glottidis angulo proximum, quippe quod anteriori item angulo proximum erat orificii ventriculi dexteri a parte superiore. Id foramen etsi meminisse videbar, aliquando in homine pariter se mihi in ea vicinia obtulisse; in sue autem specillum admittere conspiciebam, tamen & quia specilli ope, quo tandem ferret, satis explorare non potui, & in altera de duabus iis laryngibus nullum erat; facile a me neglectum esset, memoriaque penitus excidisset; nisi haud multo post editæ Cel. Santorini Observationes, ab eoque ad me amicitia, & liberalitatis causa officiose missæ, ad illius iterum perquisitionem revocassent. Nam ut in *Hyoidis ossis cavum* ipse quoque protendi, scribit (u), Appendicem glandulæ Thyroidæ; ita si bi hujus ductum glandulæ circa ea loca sæpe inquirenti, narrat, in *priore Glottidis angulo, ubi prægrandes erant cadaverum partes, canaliculi cujusdam osculum seta sæpe tentatum, atque productum* (quo autem ne ipse quidem invenire potuit) occurrisse. Quæ postquam legeram, quæcunque iis temporibus hominum cadavera nactus sum; quinque autem fuerunt, & in his quædam satis amplæ laryngis; in his singulis quæ majore potui diligentia non ignotum mihi osculum quæsi; sed ne in uno quidem aut ad illum angulum, aut alibi in ea vicinia videre potui; idque eo minus miratus sum, quod in tribus quoque porcinis laryngibus osculum frustra perquisivi quod in una certe, neque exiguum, ante sciebam me & vidisse, & specillo immisso pertentasse. In iis autem quæ postea secui, idoneis hominum cadaveribus (quanquam in omnibus non quæsi) haud plus quam semel inveni, idque sub ipso anteriore angulo labrorum Glottidis inferiorum, triangulari pene figura, sed nulla, quod videre potuerim, progressionē.

36. Quod vero ad cavum illud attinet sub hyoide osse a Valsalva propositum; cum primum quærerem, sic observavi. Membranas ab illius ossis ima ad superiorem Thyroidis cartilaginis oram descendentes, atque instar laxiorum ligamentorum inter se utramque conjungentes, quas olim Casserium (x) delineasse, animadverto, cum a media anteriore parte dissecuissem; cavea se in conspectum dedit, utrique interjecta; cujus posteriorem faciem caveæ, illa ex subflavo albicans substantia occupabat, quæ additamenti instar est infimæ ac posteriori glandulæ cartilaginis Epiglottidis; anteriorem autem caveæ faciem non ab similibus descriptæ substantia tenebat, supremis Hyothyroidæis musculis valenter a tergo adhærens: quæ gemina substantia (nam præter eam, & membranas in ea cavea nihil vidi) an, & qualis glandula sit, aptior erit alibi quærendi locus. Iis sublatis musculis, membranæ item apparere, quas inter cavea visa est sub cornibus quoque ossis hyoidis quodammodo continuari; nam aliæ interjectæ membranæ ut mediam caveam in anteriorem quadantenus, & posteriorem, sic laterales illas caveas a media pariter dividebant. Ad hanc igitur mediam caveam, quam alias quoque membranæ interruptam animadverti, summa quidem Appendix Thyroidæ glandulæ ascendebat, neque caveam tamen subibat; sed ad illas desinebat membranas quibus hæc ab anteriore parte comprehendebatur. Alias vero iis exterius emensis membranæ ad basim hyoidis ossis perveniebat, eique, ut Eustachius (y) monstrat, affixa, continuo finiebatur. Ad hunc quoque modum se habuit in Senæ, in quo uno vidisse memini Appendixem hanc, paulo supra glandulam, bifariam divisam sic ut pars brevior in anteriore Thyroidis cartilaginis facie haud procul a media hujus imaque parte subsisteret, sed altera multo altius protracta, cum basi memorati ossis valenter committeretur.

Quæ

(p) Tab. cit. Fig. 5. n. 52. 15. & Fig. 8. n. 52. 41. (q) Animad. 99. (r) cit. Fig. 5 & 8. (s) Obs. Anat. c. 6. n. 17.  
(t) Advers. 1. Tab. 1. (u) loc. cit. (x) De Larynge Tab. 1. Fig. 4. (y) cit. Fig. 8. n. 47. 39.



Quæ observationes cum propositæ conjecturæ parum faverent: tum magis adversabantur aliæ de quibus supra (z) dictum est, ut cum Appendicem quam brevissimam, vel cum prorsus nullam inveniebam: quod post emissâ *Adversaria* VI. in cadaveribus, diligentissime a me dissectis, semel, atque iterum contigit; ut si in illis (a) indicata, exempla addam, sexies viderim defuisse, raro sane in tanto cadaverum numero, atque adeo longe rarius quam iis accidit qui nonnunquam solum invenisse Appendicem videntur; tamen satis, ut memorata conjecturam magis in dubium vocetur, præsertim cum in iis sex, homines fuerint a lapsu, aut ictibus repente mortui; optime, siqui alii, dum viverent, in omnibus se habentes. Attamen cum Appendicem interdum quoque illud cavum subeuntem, tametsi ibi, ut videbatur, finitam deprehenderim; placuit glandulam ut olim, sic quoque in his novis, nec paucis sane, perquisitionibus comprimere, & siquid succi contineret (continebat autem, ut post videbimus) id omne conari nonnunquam deorsum, alias sursum, nunc dextrorsum, modo sinistrorsum, multo autem sæpius Appendicem versus, & deinde Appendicem ipsam ab imo ad summum urgere; larynge prius, atque Aspera arteria, pharynge interdum, & œsophago modo ab uno; modo ab altero latere, plerumque autem a tergo secundum longitudinem apertis, atque diductis, ut siquid humoris influeret, videre possem, & influxus locum animadvertere. Nec sane magis id mihi processit, quam cum, Aspera arteria, ejusque ramis apertis, Bronchiales glandulas comprimerem. Ne gutta quidem humoris unquam influxit, neque Appendicis vertex quidquam effudit, neque ipsa vel leviter intumuit, aut in transversum tunc facta quidpiam, cum glandula comprimeretur, emisit; aut si quidpiam, minimum certe, atque adeo nihilo plus, quam si glandulam non comprimerem. Quæ res ab aliis quoque ejusmodi conjecturis aliena est, velut ab illa quam aliquis caperet, exempli causa, ex iis quæ nuper a Cel. Winslowio (b) proposita sunt. Appendicem videlicet, quam *Chordam* ipse *Glandulosam* appellat, se etiam immittere pone basim ossis hyoidis, uti & inter hanc, & Epiglottidis basim, hoc est, in cavum illud, opinor, quod supra ipse (c), ut nos quoque (d) cum Valsalva descripsimus: se autem alias parvos hiatus (a me nuper in optimo quidem cadavere, sed incassum quæsitos) ostendisse ad latera anterioris Ligamenti quod Epiglottidem ad linguæ basim annectit: se tamen *Chordam* in eos usque persequi non posse.

37. Cæterum hic duo fortasse ex me quæres, alterum cur exposita inquirendi ratione sim usus, alterum cur non potius illa quæ aerem, aliumve liquorem immittit, cum hujusmodi injectionibus Anatomici Præclarissimi jam vias aliquas ex hac glandula aut in fauces, aut in laryngem invenisse videri possint, contra ab ipsius glandulæ compressione nihil sperandum esse, appareat ex quo aliqui non defunt qui eam ex albo glandularum expungant hac etiam de causa, quod exsucca sit, ut, sicut ipsi loquuntur, *tantum absit, quin succus qualiscunque stagnet in illius cavitate, ut hæc potius siliat, ac perpetuo quasi arescat*. Ego vero, quod ad injectiones illas attinet, etsi post tot incassum a me susceptas perquisitiones, illuc redeo, ut quod de pluribus, sed certam ob causam omnino exilibus hujus glandulæ canaliculis in laryngem influentibus, ante multos annos suspicatus sum (e), id gaudeam ex parte aliqua ostensum videri; probo tamen Cl. Observatorum prudentiam, ultiores, ac sæpius iteratas pervestigaciones necessarias existimantium. Non raro alibi lymphatica vascula ad avehendum ex Partibus facta, pro ductibus advehentibus prima inspectione accepta sunt. Multo autem sæpius (quod me certis in locis ab ejusmodi administrationibus abstinere, aut siquando minus abstinere, de ipsarum significatione dubitare plurimum cogit) aeris injecti vis atque impetus sibi inter membranas non invenit vias, sed fecit. Habet tamen injiciendi ars usus suos: quos ut alibi commendavi, ita hic quoque, siquando satis ab ipsis Auctoribus probatos videro, ego quoque per-

libenter sum probaturus. Contra vero, Thyroidæam glandulam esse exsuccam, ac perpetuo quasi aridam, qui unquam inducere animum possim ut credam? cum post eximium Anatomicum Falloppium (f) qui magis diserte quam cæteri, docuit, *viscido ipsam oleosamque humore refertam esse*; quali ego succo, & plerumque multo proportionem imbutam invenerim, & ipse sciam, & mea Prima *Adversaria* (g) testentur. Ac ne forte suspiceris, id mihi in morbosa glandula observatum; primum scias velim, me vel in optimi habitus viris, iisque non morbo, sed ferro intersectis, ex glandula egregie constituta tantum, cum disseca-rem, humoris exprimere interdum potuisse, ut, si non plures exilesque ab ea canaliculi, alii alio contententes, sed ductus unus proportionem respondens, per Appendicem ferretur; hanc, compressa glandula, turgere procul dubio necesse fuerit. Huc adde, nec paucum in sanissimis boum corporibus invenisse, in quibus & gustu explorasse memini, & insipidæ dulcedinis comperisse. In utrisque cum aquosum quoddam oleum referret; duobus in canibus humore albedo, aut certe subalbido, in uno autem omnino albicante; eoque tenui, & multo Thyroidæus uterque lobus scatebat; ut tot illas domesticarum avium glandulas de quibus supra (b) demonstratum est, ad memoriam revocaret; siue ea res fortuita fuit (nam in duobus aliis canibus multum quidem, sed in altero subturbidum, in neutro albidum succum expressi) siue aliquod iis glandulis, & Thyroidææ commune officium est, minusque propterea mirandum, si quibus nulla Thyroidæa est, illis tot in collo glandulæ Volucris tributæ sint, quemadmodum pro Asellii pancreate, tot in nobis permesaræum glandulæ dividuntur. Verum aut fortuita, aut non satis undique consentiente suspitione firmata prætereamus: & quod satis in præsentia est, statuamus, non ita exsuccam, aridamque esse Thyroidæam, ut propterea e glandularum numero sit eximenda. Nam quod iidem qui id affirmant, subjiciunt, tantam glandulam e Bronchialibus ramusculis tam parum sanguinis imbibere, ut hic nedum ad succi cujusdam procreationem, vix sufficiat ad ipsius glandulæ nutritionem; hoc vero, etiam silentibus nobis, satis convincitur ab Eustachii Tabula XXVI. quæ a Subclaviis arterias luculenter monstrat in istam glandulam pergentes, Drakio (i) disertissime confirmante: quin Coschwitzius (k), Vir, dum viveret, Experientissimus a Carotide quoque arteriam ostendit, quam ab sede, officioque *Thyroidæam* vocabat.

38. Itaque ob hæc, aut ob *antrorum*, & *specuum* similitudinem, aut ob *fragorem* seu crepitum instar *materiæ sabulosæ* inter discindendum a glandula hæditum, quæ duo, nisi in manifeste morbosa, animadvertere nunquam potui; ob hæc, inquam, minime video, cur non glandula amplius, sed vermium omnium *Ovarium*, si Superis placet, sit appellanda. Id vero cum Viri Doctissimi Jo. Guil. Pauli (l), & Jo. Hagerus (m), & ante hunc Præstantissimus Heisterus (n), ante hos autem Cl. Daniel Clericus (o) neutiquam sibi probari, ostenderint; nihil a me esse prætere addendum censo aut de opinione ista, aut de fistulosis quibusdam fibris ab ipsa glandula intra œsophagum pertinentibus, præsertim ea tenuitate, aut certe angustia, ut *impares existere* dicantur *humori cui-libet exantlando*, sed *inspirandæ* solum pares *velut aure cuidam verminosæ*. Hoc tantum dicam: cum sæpius fanas, haud raro morbosas Thyroidæas glandulas dissecauerim; nunquam mihi in tanto numero datum esse, ut ovula, aut vermes intra ullam ipsarum invenirem; nisi forte illæ *subrotundæ quasi vesiculæ, variæ magnitudine, subflavoque & lento liquore imbutæ*, quibus olim scripsi (p) me sæpe glandulam hanc cum morbosa esset, coagmentatam deprehendisse, aliquibus ova potius vermium, quam glandulæ acini fuisse videantur. Quibus si omnia quæ tunc observaram, ante oculos proponam; nullus dubito, quin continuo sint longe aliter existimaturi. Duram hic illic Thyroidæam apoplectica Anus glandulam A. 1704. animadverteram, Quid igitur inesset quærenti plurimæ huc illuc disjectæ intra sanam glandulæ substantiam quasi vesiculæ se obtulerunt, quarum

(z) n. 34. (a) Animad. 92. (b) Expos. Anat. Traité de la Teste n. 590. (c) n. 438. (d) n. 35. & 36. (e) Advers. V. Animad. 45.  
(f) Institut. Anat. ubi de Thorace. (g) n. 26. (h) n. 27. (i) Anthropol. Tab. 20. ad 19. 19.  
(k) Ductus Salival. Novus Fig. 1. & 2. ad E. & pag. 8. (l) (m) Progr. & Dissert. citatis supra n. 30.  
(n) Ephem. N. Cur. Cent. 8. Qbf. 63. (o) Hist. Lator. Lumbric. c. 14. (p) Advers. I. n. 26.



quarum majores mediocrem uvæ acinum æquabant. Minimæ in acervum, quasi in majorem quandam globum, complures colligebantur. Erant aliæ inter utramque magnitudinem multæ. Hæ, & majores illæ sunt a me diligentius spectatæ. Simples erant omnes, & humore distentæ subflavo videbantur: qui cum ex ipsis sive compunctis, sive discissis non totus efflueret; dubitare cœpi, ne forte vi frigoris, quod tum erat summum, concrevisset. Verum cum earum aliquas ad ignem admovissem; non modo non est solutus, sed contra spissus, ac tenacissimus est factus. Reliquis autem in aqua coctis, ad flavum magis accessit colorem, & parte ex aliqua dissolvi potuit, ut siccatus oculi Crystallinus humor, in squamulas, alias aliis impositas. Paulopost altera in Vetula quæ fœdissimo circa labra carcinomate laboraverat, Thyroidææ glandulæ detracta tunica, universam ipsius substantiam in tot majores globos, seu potius sphæroides, quasi in tot lobulos, nullo negotio dividebam, qui singuli ex minoribus subrotundis frustulis, quasi ex acinis, constabant. Hæc frustula etsi omnia primum vesiculæ, eæque lento humore turgidæ esse videbantur, aliæ fere limpido, aliæ ad flavum accedente; re tamen vera aliarum quasi cavum magis humore distentum, aliarum substantia ipsa potius eodem imbuta deprehendebatur. Itaque in Virguncula ex acuta ferme capitis affectione mortua cum eodem anno eandem glandulam ad eundem prope modum ac in prima Vetula dispositam invenissem; multo facilius cognovi, subrotunda passim disjecta corpora, nonnulla etiam in unum collecta, majora quædam, alia aliarum infra hæc magnitudinum, quamvis a primo nihil magis quam vesiculæ viderentur subflavi lentique humoris plenæ, esse tamen ipsas glandulæ particulas, non intra unum quoddam cavum, sed intra suam universam substantiam eum quem dixi, humorem continentes: siquidem neque discissæ, & expressæ, penitus exhauriebantur, sed earum substantia minus dumtaxat humida remanebat, & illæ præterea quasi vesiculæ quæ minores erant, ut magnitudinem inter majora illa corpora, & minimas quasque glandulæ particulas sanas mediam habebant, ita habitum quoque plane medium obtinebant, ut cum utrisque comparatæ, non solum quid ipsæ essent, verum etiam quid majores illæ fuissent, non obscure demonstrarent.

39. Ex eo tempore quid ejusmodi quasi vesiculæ essent, non amplius dubitavi, cum in easdem pro varia morbi vi, & gradu modo contractiores, & solidiores, modo laxiores & humidiores inciderem, nunc solas, interdum cum aliis glandulæ morbofis affectionibus copulatas; Sic in uno ex cadaveribus quæ hic publice habita Anatomia A. 1729. dissecta sunt, hujus glandulæ alter lobus distentos mucoso humore lobulos nobis ostendit, quales Appendix quoque turgida minores quidem, sed ad eundem prorsus habebat modum; ut vel hinc non musculum, sed glandulæ ipsius partem esse, appareret: lobus autem alter qui multo magis tumebat, membranaceis intus cellulis complebatur, mediocres uvarum acinos æquantibus: hæc omnes cruento humore turgebant. Id vitii genus quinque annis ante in grandævo quodam Scriba conspexeram, qui cum uno in lobo intra modicam cystim, ex crassa albaque tunica factam, lentum quem sæpius descripsi, humorem haberet, in altero lobo, ob id præturgido, consimilem, sed magnam, ovalem cystim, sanguinem continentem, mihi præbuit observandam. Hi an ullam propterea, & qualem molestiam ibi doloremve perceperint, ignoro. Sed Bononiensem quandam Anum in qua ejusdemmodi olim morbum inveni, de nullo unquam dolore questam esse, pro certo scio. Et tamen caveam habebat parietibus crassis, intusque, ut ventriculi cordis, inæqualibus comprehensam, alterius lobi totam fere longitudinem, ac latitudinem obtinentem, atri sanguinis adeo plenam, ut eum propterea lobum prædurum invenirem, & cum, tantæ duritiei causam quærens, scalpello adacto ad caveam pervenissem, continuo sanguis non sine impetu profiluerit: ex ea cavea per scrobiculos via erat in vasa sanguifera, aut in alias cer-

te minores cavitates, sanguine & ipsas redundantes. In ejus glandulæ isthmo globosam particulam, sed utrinque compressam, & facie inæquali; ungue auricularis digiti brevioris angustioris, deprehendi, osseam, aut certe jam propemodum osseam. Lobus alter globulos habuit flava, crassa, dura, vitiosa quadam carne compactos; in reliqua autem confecta substantia multa non parvorum orificia vasorum quæ sanguifera existimavi. Nullus in hac tota Thyroidæa gravis odor fuit: neque in duabus superioribus fuisse, memini. Nec porro fuit in Adolescentulo quem Bononiæ pariter dissecuri, thoracis hydrope interemptum, etsi lobum glandulæ sinistram materiæ plenum offendi cætera quam simillimæ semiconcreti humani stercoreis, quam magnus sinus erosus intus corruptisque parietibus continebat sub externa glandulæ membrana ab lamina altera comprehensus, crassa, & sectioni plurimum renitente. Durus is lobus, multoque major fuit, quam solet: Sanus alter, aut potius strigosior: quo vitii genere totam nonnunquam glandulam contractam inveni. Verum ut de tumida pergam dicere, & quam varia sit hujus, ut multi vocitant, bronchoceles natura, ex propriis observationibus indicare; in virili cadavere quod ibidem publice A. 1700. dissectum est, cum ea glandula ingenti esset magnitudine, in tumidiore quidem lobo cartilagineum, imo osseum corpus fuisse, invenio, in reliqua autem omni parte quid ejusmodi tumorem faceret, laxioresne acini, lentoque imbuti succo, in speciem vesicularum distenti, an duriores potius, & tamen aucti (nam sic quoque interdum vidisse, memini) id vero cum scriptis pariter non commiserim, ex tanto intervallo affirmare nequeo. Vix semel inter acinos, vesiculas referentes, veram vesiculam unam vidi, quæ puncta, tenui emissa aqua, continuo subsederit, & quodammodo evanuerit, eamque in muliere, cujus hic laryngem, & Thyroidæam glandulam A. 1730. in publico dissecurimus.

40. Atque omnino in fœminis sæpius, quam in maribus, ut Albucasis. (q) *herniam gutturis*, sic ego hanc certe glandulam tumentem inveni, seu laxior earum corporis structura opportuniorem remorantibus succis reddit, sive ipsa fœminis revera quam viris crassior est, quod post Columbum (r) Fabricius ab Aquapendente (s), Riolanus (t), Bauhinus (u), alique Anatomici scripserunt; ut siquid a morbo addatur, id glandulæ, jam per se amplioris, facilius animadvertendam magnitudinem faciat. At si mulieribus est major, & cum minore earum larynge, pinguedine autem uberiore æqualius ipsis atque teretius colum efficit; credemusne, venustatis solum gratia ampliore tributam esse, an potius, ut aliqua muliebrem augment formam, certam id quoque utilitatem afferre? ut puta si plus humoris separando, laryngem, præsertim minorem, magis humectet, sive quod per angustioris viam trajectus aer, plus secum humoris adripiendo, majoris afferat necessitatem humectationis, sive hanc muliebris vocis lenis suavitas requirat, ne facile in virilis asperitatem deflectat, quod non jucunditatis solum, sed ejus quoque utilitatis causa factum accipe qua pili in fœminarum facie non excrescunt, nimirum ne viris facile sit muliebrem sexum in communis societatis fraudem mentiri. Ut ut est; non æque certe proclive est hujus in fœminis glandulæ magnitudinis rationem comminisci, si lymphæ secernendæ, aut si lubricandæ pharyngis, & œsophagi, quam si laryngi, arteriæque Asperæ humectandæ gratia factam esse, existimemus. Quam ad conjecturam aut magis confirmandam, aut in dubium vocandam inde poteris argumenta capere unde nos cum tot illas vitiatæ glandulæ observationes habemus, profecto capere poteramus, si eo animum advertissemus, ut quid in proximarum partium actionibus tunc vitii fuisset, quod non ponderi tamen, non pressioni, non superjectorum muscutorum distractioni tribui posset, sciscitaremur.

41. De inferioribus autem glandulis quas Dorfales, & quas Bronchiales appellant, minus hic agere opus est, quando vel sedes utrarumque minus veri simile esse indicat, profectos ab iis canaliculos, si vel maxime

(q) Chirurg. Parte 2. c. 44.  
(u) Theatr. Anat. l. 3. c. 98.

(r) De Re Anat. l. 9.

(s) De Larynge Part. 1. c. 8.

(t) Anthropogr. l. 4. c. 10.



xime in alimentorum viam influerent, ad pharyngem de qua scribimus, pertinere. Nobis vero eo animum inclinare, ut Bronchiales Lymphaticis glandulis accenseamus, cum alibi (x) indicatum est; tum meliori fortasse conjectura id posset confirmari. Nam Rudbeckium (y) animadvertimus glandulas in cane memorare duas, circa connexionem pulmonum & cordis, mediante mediastino, sitas, unum lymphaticum canalem directam ductui chyliifero Thoracico sub corde immitentes: qua cum descriptione si Figuram (z) quoque in qua istas ipsas, una addita, proposuit glandulas, earumque sedem spectemus; nullas in iis facilius quam Bronchiales designatas esse, arbitrabitur, quas & canibus eo loco inesse, quamvis negent aliqui, non dubitamus, ut qui eas ad primam Asperæ arteriæ divisionem iis qui aderant, Auditoribus, Amicisve antehac sæpe ostenderimus, nec paucissimas interdum, extraque nigras, ut intus quoque, sed alicubi ex cinereo nigricantes: ibidemque nuper pro pluribus unam invenerimus non parvam, ac Thyroidæ instar duobus quasi lobis, brevissimo isthmo junctis, compactam, cinerei exterius coloris, interius ex subrubro fusci: olim autem cum minoribus duabus unam viderimus amygdalæ magnitudine suo adhuc ligneo cortice involutæ, quarum omnium color exterior fulvus, sed fuscus unaque sanguineus; interior lacteus, quemadmodum & succus quo scatebant, lacteus erat: qualem tamen in iis succum ex eo tempore nunquam meminimus amplius animadvertisse: quanquam semel albidum exprimere visi sumus. Quæ nisi fortuito contingere, ut exempli causa, sero sanguinis ex quo lymphæ provenit, tribuenda sint, tunc maxime chylosis partibus referto cum eos videlicet canes occidimus (quod in aliis quoque de quibus supra dictum est, glandulis sumus aliquando suspicati) albus certe color ejusmodi est, ut si infectus eo succus jugiter in pericardii, aut œsophagi, aut arteriæ Asperæ cavum influeret, a longo jam tempore tot Anatomicis eas partes diligenter perlustrantibus se, suasque vias manifeste adeo prodidisset, ut dubitare nemo posset. Sed quocunque colore sit glandularum Bronchialium succus, ne una quidem, ut supra (a) indicavi, vel aquea guttula, cum eas; non aliud; comprimerem, in proximum quod parte ex altera apertum attente inspectabam, bronchium, arteriæve Asperæ truncum influxit, etsi non semel expertus sum, idque in sanissimorum hominum cadaveribus; ne forte ipsæ, earumve canaliculi essent obstructi: erant autem nigræ, paucæque ad primam ipsa bronchia, & parvæ, non adeo tamen, ut non baccarum juniperi magnitudinem pleræque superarent. Nec vero in sue, quamvis grandinoso, cujus pulmones Wepferus (b) secuit, obstructæ erant. In parte postica, inquit, ubi aspera arteria in ramum sinistrum, & dextrum dividitur, utrique ramo adhæsit glandula livida, molis, longitudine uncie unius, gracilis. Attamen illas in bronchia pervias esse observare nequit, nam nec inflatis bronchiis intumescabant; nec pressæ quicquam humoris in bronchia fundebant. Quod si non apparet, in bronchia esse pervias, ad quæ tamen adhærent, & quibuscum videntur Præstantissimis etiam hac tempestate Anatomicis communicare: quanto minus sperandum est, apparere posse, cum œsophago, atque adeo cum pharynge ita parvas præsertim, ut sæpe in nobis, glandulas communicationem habere?

42. Ergo Bronchialibus sepositis, pauca de Dorsalibus ob id potissimum addemus, ut non modo Thyroidæam, sed vel has quoque, aut alias, pro his suffectas, glandulas neque naturalia, neque peculiaria, vel in canibus, vermiculorum esse ovaria, intelligatur. Dorsalium nomen est novum contra atque Viri quidam Clarissimi affirmant (Whartonus (c) œsophago annexas, seu mavis œsophagæas vocabat) res a Vesalio ipso (d), & melius quidem quam a multis postea Anatomicis, memorata. Nam modo glandosum corpus, modo glandulas binas dixit, nunquam perpetuas, sed subinde, frequenter, sæpe dumtaxat inveniri. Columbus autem (e), Vidius (f), Laurentius (g), Bauhinus (h),

Riolanus (i) ita de ipsis locuti sunt, quasi semper in dissectionibus occurrerent. Fuerunt tamen & qui Vesalii diligentiam æmularentur, in quibus Jacobus Sylvius (k), qui interdum, scripsit, reperiri: hunc Recentiorum plures, & nominatim Cel. Heisterus (l), sequuntur, merito quidem ut opinor, cum ipse quoque in pluribus, vel continenter sectis, cadaveribus tum hominum, tum canum interdum frustra perquisiverim. Sed & nuper non modo in canibus duobus, mediocri altero, altero prægrandi, verum etiam in viro cujus erat corpus optime constitutum, & ad hanc inquisitionem maxime idoneum, etsi magna diligentia adhibita, universam qua per thoracem trajicitur, gulam, proximæque omnes vertebrae perlustravi; nullam ne pusillam quidem potui reperire. Contra esse nonnunquam plures duabus, primus quantum memini, observavit Whartonus (m); nam etsi Veslingius (n) monuerat, gulam in thorace non duas, sed plures habere glandulas; cum tamen continuo addidit asperæ arteriæ ramis accumbentes, de Bronchialibus potius, quam Dorsalibus, se ostendit loqui.

43. Cæterum inter alios usus quos Anatomici hisce glandulis assignarunt, non dissimulavi alias (o), me in eum potissimum propendere quem Vesalius (p) olim indicaverat, ut humidam, lubricamque cibis efficiant œsophagi viam: quæ ut minus mihi conjectura displiceret, ipsa glandularum sedes faciebat, ad quintam videlicet dorsi vertebram, quo ipso in loco sicut œsophagus se ad dextram flectens a Galeno (\*), & ab aliis passim describitur, sic ne eo in flexu cibus, præsertim siccior, aut æquo majores boli hæreant, lubricantem opportune humorem videntur requirere. Verum cum ad hoc tempus frustra speraverim, peculiare glandularum earum ductus manifestius iri demonstratum; contra autem subeat, qui, & quales Viri testati olim sint, ab iis se vasa lymphatica venientia conspexisse; vix impetrare a me possum ut assensum diutius sustineam, nec commune Lymphaticarum officium iisdem adscribam. Primus namque is quem supra laudavi, Rudbeckius (q) scripsit, sibi in titulo ac orbe, dum œsophagum cultro ab arteria aorta, & dorsi vertebris dirimeret, glandulam magnam, œsophago prope diaphragma adnexam, longum habentem vas sero abundans apparuisse, quod, ut infra (r) addit, & pictura (s) etiam ostendit, ab oblonga eadem glandula, œsophagi lateribus apposita, oritur multis radicibus, & inde sursum recta fertur, & se se osculis ductui chyliifero conjungit. Quam glandulam si quis ut diaphragmati propiorem, forte arbitratur huc minus pertinere; at is Whartonum (t) legat illis ipsis quæ ad quintam thoracis vertebram œsophago adhærent, lymphæductus, qui in communem ductum chyliiferum se se exonerant, tribuentem, neque eos solum recedentes, sed adeuntes alios tum a musculis intercostalibus, tum a pericardio & partibus annexis; ut ex suis hisce observationibus certum habeat, lympham per eas decurrere, non secus videlicet ac per alias glandulas Conglobatas. Cæterum eam quoque glandulam, de qua ex Rudbeckio modo referebam, & alios obtinere lymphæductus, existimo ad ipsam contententes, & ejusdem esse generis ac Dorsales. Vidi ipsam olim in recens mactata vacca œsophago secundum longitudinem, ad quinque transversorum digitorum tractum adhærentem, totoque eo tractu satis alto sulco excavatam per quem plures lymphæductus reptantes traducebantur, lymphæ adeo turgidi, ut singulorum diameter sesquilineam Bononiensem æquaret. Dissecta glandula inæqualibus substantiæ albæ portionibus hic illic distinguebatur, quarum durities, inter cartilagineam, & gypseam media, vitio affectam esse, demonstrabat.

44. Quanquam autem quæ Dorsalibus respondere in canibus creduntur, eas nec cartilaginea semper duritie, & ad medium aliquando œsophagum deprehenderim; alias tamen quasi cartilagineas, & propius œsophagi inferiorem partem offendi. Ejusmodi glandulæ eæ sunt in quibus olim (u) me quoque scripsi & vermiculos invenisse, & foramina per quæ cum œsophagi

(x) Advers. V. Animadv. 34. (y) Exerc. Anat. exh. Duct. hep. Aquos. c. 6. (z) Tab. 2. Fig. 1. r. r. (a) n. 36. (b) Eph. N. C. Dec. 2. A. 9. Obs. 119. i. Schol. (c) Adenogr. c. 17. & 19. (d) De hum. corp. tab. 1. 3. c. 4 & Explic. Fig. 14. & 15. libri 5. c. 3. (e) De Re Anat. l. 9. (f) Anat. corp. hum. l. 5. c. 6. (g) Hist. Anat. l. 5. c. 4. (h) Theatr. Anat. l. 1. c. 28. (i) Anthropogr. l. 3. c. 14. & Encheirid. l. 4. c. 15. (k) Liagor. Anat. l. 1. c. 7. (l) Comp. Anat. n. 389. (m) loc. cit. (n) Synt. Anat. c. 6. (o) Advers. 3. Animadv. 3. (p) loc. cit. (q) De Usu Part. corp. hum. l. 6. c. 5. (r) loc. cit. (s) Tab. 2. Fig. 5. (t) loc. cit. (u) Animadv. cit.



*phagi tubo communicabant, ita facta animadvertisse, ut omnibus conditionibus potius quam viæ ab erodentibus vermiculis temere apertæ; meatus ab iisdem dilatati interdum esse viderentur.* Scilicet eos vermiculos suspicabar juniōres adhuc, & propterea exiliores, a proximo ventriculo in gulam repentes, se se per apertos a natura glandularum canaliculos intra harum substantiam coniecisse, ex qua subinde in gulam, & ex hac in illam ultro citroque commeantes (nam & in œsophago interdum aliquem eorum haud procul a glandulis inveneram) eas non fecisse quidem vias, sed tantummodo dilataſſe. Verum ab eo tempore longe aliter cogitare cœpi. Nam primum, cum lupum pisceum diffecarem, interque hujus ventriculi tunicas nescio quid duri animadvertissem; cultro quandam quasi glandulam retexti majoris avellanæ nucis magnitudine, & figura, ex callosa substantia factam, intra quam vermiculi non rubelli illi quidem, sed cinerei coloris, ascaridum similes, nidulabantur. Horum aliquot in materia quoque pulvis simili, quæ ventriculi cavo inerat, deprehendi. Erat autem a ventriculo in eam glandulam aditus non per naturale quoddam osculum, sed per ulcusculum rubicundum; ut liquido constaret, vermiculos erodendo & nidum sibi, & in nidum, aut ab nido iter paravisse. Haud multo post cum in memoratas canum glandulas rursus incidissem; dici non potest, quam mihi similia omnia visa sint & dura, intusque erosa earum substantia, & foraminum per quæ cum œsophago communicabant, ulcerosa constitutio, quam modo rubor, modo quædam circumnata quasi cristullæ satis prodebant. Itaque cum antea has esse glandulas non secundum naturam se habentes, glandulas tamen, censuissem; suspicio facile exorta est, ne glandulas quidem fortasse, sed callosam circumjectam erosæ exulceratisque locis substantiam esse, tunc præsertim cum intra œsophagi tunicas penitus latet, introrsum magis, quam extrorsum protuberans; nam alias non figura modo subrotunda, sed & exteriorē sede Dorsales glandulas repræsentat. Sic in duobus quos postremis hisce annis secui, canibus fere mediocris magnitudinis, cum singulæ in singulis essent; altera quæ nucem juglandem propemodum æquabat, extrorsum prominebat, extima dumtaxat obducta œsophagi tunica; altera vero quæ parvā castaneam referebat, in eo reposita e regione primæ divisionis arteriæ Asperæ, intra musculosam illius tunicam excipiebatur sic ut fibræ carneas alias exteriori faciei inductas, alias interiori subjectas haberet, quas inter nemo adhuc, quod sciam, glandulas esse docuit secundum naturam. In utraque rubelli vermes inter se impliciti jacebant ad triginta, tenues, utrinque acuti, plerique tres digitos transversos longi, si integros educeres; nam per cuniculos, & cavernulas quas sibi erodendo paraverant, non parvā sui partem inflexam, trajectamque occultabant. Erat earum cavernularum facies subflava; circumposita autem substantia alba, densa, & prædura. In cavo œsophagi parvum foramen respondebat, oris inæqualibus & subrudentibus, qua poterat quædam quasi sanies paulatim exire; quæ cultro ab exteriorē tuberculi parte in cavernulas adacto, ex vulnere statim profluxit.

45. Ex his quæ in parte aliis quoque adnotata vidi, non esse hæc secundum naturam apparatus in caninis corporibus vermiculorum ovaria, satis constat. Nunc quæ addam, ne peculiaris quidem esse, demonstrabunt, & Amico meo Doctissimo Heistero (x) satisficient dubitanti, an forte hic talis vermiculorum nidus sive ovarium sit agnoscendum, quæle a quibusdam in *thyroidea* statuitur. Canem secabam sub initium Decembris A. 1730. satis pinguem, sanissimisque visceribus, ad cuius œsophagum cum nullas usquam Dorsales glandulas invenire potuissem; tum ipsum secundum longitudinem perfectum, diductumque protuberare certo in loco, animadverti, trium, aut quatuor digitorum supra stomachum intervallo: ibique inter tunicas retexti tuberculum, minoris cereæ formam & magnitudinem referens, vermiculis illis intus erosum paulo ante descriptis, rubellis, exilibus, oblongis, qui illuc qua via intrassent, nullo modo potui invenire. Neque enim œsophagus intrinsecus, aut extrinsecus fo-

ramen ostendebat ullum, sed ne foraminis quidem vestigium: quod eo diligentius & ibi, & in vicinia inquisivi, quod memoria tenerem, me aliquando ejusmodi foramina fere occlusa conspexisse. Cum igitur ne cicatricis quidem ullam notam invenirem; ad alia oculos, manusque transferens, arteriæ Magnæ secundum dorsi vertebrae descendens truncum detraxi: in quo etsi exterius quoddam tuberculum priori & forma & magnitudine omnino simile spectabam; eram tamen facile neglecturus, ut qui alias in eodem illius arteriæ tractu non unam, sed plures subrotundas, durasque, ut tum censueram, glandulas, binas, ternasque inter se coherentes in quibusdam canibus vidisse, memineram. Veruntamen ea tanta quam exterius conspiciebam, cum dissecto illo gulæ tuberculo similitudo permovit, ut hoc quoque diffecarem, & num forte interius quoque consimile esset, inquirerem. Ecce autem omnia eadem, durities parietum, interna erosio, vermiculi; ut si gulæ tuberculum cum arteriæ tuberculo, & vermiculos cum vermiculis conferres, non esse ovum ovo similis, neque lac lacti, fatereris: quod adeo omnes illi facti sunt qui aderant, diligentissimi Auditores. Neque in hoc tuberculum quæ via vermiculis fuisset, siue interiorē arteriæ faciem, siue exteriorē qua ipsum operiebatur, ejusdem tunicam contemplaremur, invenire usquam nobis dabatur. Eadem omnia quæ in hoc descripsi, anno quoque 1733. & 1735. in duobus canibus junioribus, intus, extraque optime se habentibus, demonstravi; nisi quod nullum in œsophago tuberculum, at in Magna arteria ad mediam ferme spinam dorsi in altero, qui erat venaticus, tria inter se proxima, in altero ad sedecim extabant, aliquanto magis disiecta, universa tamen intra spatium quinque digitorum comprehensa. Subrotunda in utroque erant omnia, & parva, ut maximum fabam mediocrem non superaret. In his omnibus vermiculi, & cætera omnia fuerunt, ut dixi ad eundem modum. Sed canis tamen qui magis tuberosam arteriam habuit, is in hujus facie interiorē non obscurum inchoati foraminuli ostendit initium, brevi apertum omnino futurum, & vermibus in sanguinem, sanguini in vermium cavernulas viam fuisse præbiturum, conjiceret. Quibus ex observationibus ut illud primum elici videtur, innasci potius quibusdam in locis hosce vermiculos, quam alibi natos, in ea prorepere, ita hoc quoque patet, ea loca neque ad œsophagum, neque ad Dorsales illas glandulas esse contrahenda, neque his vermiculis officium esse assignandum quod sine perviis in gulam meatibus ne proponi quidem possit. Quod si hæc sæpius quærerentur; proclive est credere, in aliis quoque canibus, atque adeo in aliis quoque locis, ejusmodi, & tubercula, & vermiculos, nec rarissime, posse inveniri. Reapse A. 1737. cum hæc jam essem recensurus, forte accidit, ut in trimestri molosso quam sanissimo, ut videbatur, utque erat, si ea tantummodo excipias quæ mox dicentur, tuberculum cum vermiculis hujus prorsus generis in ventre infra Emulgentia vasa invenirem. Cum in ejus thorace quædam publice, ac nominatim ductum Thoracicum chylo turgidum demonstrarem; Magna arteria occurrerat a superiore trunco ad septum fere transversum tuberculis passim, fabæ aliis, aliis pisi magnitudine, & forma, singulis, binis, ternis usque adeo obstita, ut insolita species cum omnium oculos ad se raperet, tum quosdam permoveret, ut continuo ex me quærerent, quid illud foret. Quibus secundum eas quæ supra expositæ sunt, observationes cum respondissem; credi vix potest, quanta admiratione capti sint, cum illico, quodcumque tuberculum incidere, ex eo & vermiculos viderent existere, & tales omnino, quales præsignificaveram futuros. Tam alia utiliora subjeci, nec pericula quæ hinc arteriis, atque adeo vitæ imminet (y), reticui. Postea vero, quoniam hac arteria nullam magis tuberosam compereram, eo diligentius quæsi, num nullum usquam foramen, aut veteris etiam cicatricis vestigium intus, extrave se proderet. Vix intus, parvas tres quasi maculas deprehendi subdividas, nisi quod una, aut altera in medio sub-  
tubebat. Singulis maculis vermiculi suberant, quasi  
mox



mox perrupturi : sed uni dumtaxat maculæ tuberculum respondebat , unde venissent ; ad reliquas duas neque tubercula , neque ex tuberculis cuniculi pertinebant ulli , quos ego quidem invenire potuerim . In œsophago , tuberosæ arteriæ contiguo , nullum usquam inhærens , nullum adhærens tuberculum fuit . Sed neque in reliquo arteriæ trunco , quem videlicet usque ad Iliacas perlustravi . Id cum facerem ; illud de quo initio dixi , tuberculum in membranis propter Emulgentia vasa animadverti . Neque his tamen , neque magnis quibus proximum erat , vasorum truncis , neque ulli præterea quem viderim , majusculo sanguifero ductui adhærebat . Mediocre erat , & undique conclusum , nec duritie solum , forma , substantia , verum etiam inclusis vermiculis omnino consimillimum cæterorum quæ supra descripsi , quæque adeo in hujus molossi arteria conspexi .

46. Quid ? quod huc videntur pertinere tenues illi , rubentesque vermiculi quos in equa , non in ventriculi solum tuberculo , verum etiam in Mesocolica arteria invenit Vir Experientissimus Schulzius ( *z* ) , hosque sub dura , crassifacæ , & quod ex lacertulis quibus impliciti vermes inhærebant , conjectare licet , erosa parietum arteriæ substantia . Quod ipse vitium etsi aneurysma verminosum appellat , & Cel. Ruyschii ( *a* ) Observationem memorat , ex cujus adjecta Figurarum Explicatione animadverto , haud ita abssimiles vermiculos repertos ab Ruyschio in aneurysmate arteriæ magnæ , idque in equo ; tamen facile intelligo , quomodo ex arteriæ tuberculo , magis magisque in dies a vermibus eroso , fieri aneurysma possit , cui vermes non modo ( id quod uterque adnotarunt ) inhæreant ; sed etiam originem & causam præbeant , quæ inter cæteras aneurysmatum causas ab nemine , quod sciam , ante hoc tempus relata est ; cum tamen ob id magis metuenda sit quod disruptionis periculum in ejusmodi aneurysmate cum a sanguinis impetu , ut in cæteris imminet , tum præterea ab ipsa vermium erosionem . Neque enim hi semper internas , sed externas quoque interdum perforant arteriæ tunicas , ut quem Cl. Courtenius ( *b* ) ex descendens arteriæ Magnæ tuberculo in thoracis cavum jam prope modum exiisse deprehendit , idque in cane , cum plures , alia inquirens , secaret , in plerisque autem descripta œsophagi vitiosa tubercula inveniret . Cæterum arteriarum illa minus cognita vitia sunt ; tamen eun-

dem Ruyschium ( *c* ) animadverto in Rarioribus quas multo ante ediderat , Anatomicis Observationibus ab se in equo conspectam descripsisse partem arteriæ mesentericæ , multum distentam , & aneurysma referentem , cum eo in loco pollicis crassitudinem superaret quæ supra , infraque calamum scriptorium vix æquabat : ibi vero arteriæ tunicas adeo incrassatas , ut Straminis crassiusculi crassitiem repræsentarent , cavitatem autem innumerabilibus repletam fuisse vermiculis , aciculam minorem ( capite dempto ) ad amussim repræsentantibus . Id se ter quaterve offendisse , scripsit . Verum ut hæc nihilominus , quemadmodum dicebam , parum cognita sunt vitia ; sic illud contra , jam diu pervulgatum est quod ab nimia pendet distentione glandularum Dorsalium . Certe Riolanus in *Anthropographia* ( *d* ) , sæpe , inquit , ita intumescunt , ut potibus & liquidioribus alimentis viam intercludant , non item solidioribus . Hæc autem , & quæ de hujus discriminis causa subdidit , ex Laurentio ( *e* ) , tacito nomine , descripsit , qui hunc se affectum in quibusdam observavisse , testatus fuerat . Sed in *Enchiridio* ( *f* ) , eo præterminisso discrimine , imbutæ , inquit , & tumefactæ aliquo humore , magnum impedimentum adferunt deglutioni : Diemerbroeckius vero ( *g* ) , hominem fame , & siti enecant , quales tres quatuorve casus in praxi sua occurrentes se vidisse , confirmat . Idem quoque a Verheyenio ( *g* ) , Heistero ( *h* ) Palsinio ( *i* ) conspectum est . An vero idem morbus sit qui salivatione curatus describitur apud laudatum Ruyschium ( *k* ) , ipse querere per te poteris ; nam etsi summa œsophagi coarctatio circa quintam & sextam colli vertebram fuisse , non semel dicitur ; tamen quod continuo additur , ubi tres illæ notabiles glandulæ , necum a D. Verheyen observatæ , ac destinatæ ad humectandum in deglutione gulam , & quod mox subjicitur de harum fungositate ad molem & coarctationem , dorso potius , quam colli vertebra designat , præsertim cum omnis qui in collo se proderet , tumor ileatur , imo circa guttura , faucesque omnes inventæ partes solidae naturales fuisse dicantur . Jam autem mihi utriusque universæ pharyngis terminis , præcipue autem glandulis , etiam quæ ad proximas spectare creduntur partes , satis superque examinatis , ad illud alterum quod initio sum pollicitus , pergendum est , ut de singulis ejusdem pharyngis musculis scribam . Quod proxima epistola expectabis , & valebis .

## EPISTOLA ANATOMICA X.

*Spectat ad omnes Musculos Uvulae .*

**D**E singulis pharyngis musculis , præsertim quantum ad Valsalvam attinet , ad te scripturus , ejusdem propterea ordinem a me servari , non æquum modo , sed etiam satis commodum censeo . Cum enim aut ab uvula ad reliquam pharyngem , aut ab hac ad illam nihilominus sit transfiliendum ; ab illa , quæ anterior est , & a qua ipse etiam Cowperus ( *a* ) maluit novissime incipere , qui a pharynge olim inceperat , me quidem juvat initium capere : quod & in Epistola ( *b* ) ad Valsalvam feci . Hic insuper quos ipse posuit musculos , tum in uvula , tum in pharynge , primum ex ordine considerabo ; deinde priusquam de illis , aut de his finem scribendi faciam , quos omisisse creditur , singulis iis Partibus continuo subijciam .

2. Igitur musculos Salpingostaphylinos ( hos enim primos inter uvulæ musculos Valsalva proposuit ) idem vere jam a longo tempore notos fuisse , sed utcunque notos , admonuerat . Nam quid in eorum descriptione Riolanus , alique cum hoc facientes Anatomici peccaverint , non est opus hic iterare , cum in alia Epistola ( *c* ) , de Novis Tubæ musculis , quatenus etiam ad uvulam spectant , verba facientes , de Salpingostaphylinis quoque nonnulla quæ huc pertinent , jam attigerimus .

*Morgagni Epistola Anatomicæ*

Quamvis autem primus & nomine , & descriptione hos ad uvulam musculos transtulerit Riolanus ; tamen quando Falloppius ( quod Riolano objecit Marchettus ( *d* ) ) eosdem in Observationibus Anatomicis olim descripsisset ; monitum , & operam Valsalva perdidisset , si in iis saltem Observationibus maxima ( ut Marchettus ait , Cantio ( *e* ) , aliisque ex parte astipulantibus ) cum diligentia descripti essent . Verum ut Falloppius ; si hos tamen musculos describit ; hinc in partem quasi totam faucium lateralem , ac posteriorem immittit ; sic inde ab eadem propinqua parte deducit , unde musculi Tubæ Novi oriuntur , quam apicem esse quendam dixerat cuneiformis ossis ; ut pro certo non scias , an eum ipsum locum quem Valsalva , designet , hoc est partem inferiorem ossis Tubæ , quæ certe ad Temporum os attinet , an partem aliquam ipsius ossis cuneiformis : de quo quidem originis loco , quantumvis a pluribus ante , & post Valsalvam Anatomicis , sed non sine dissensu Exercitissimi Heisteri ( *f* ) , absque ulla dubitatione assignato , quid a nobis observatum sit , in ea quam indicavimus , Epistola ( *g* ) demonstratum est . Melius fortasse Valsalvæ objici Veslingius ( *h* ) potuisset , docens , paulo altius ab apice ossis temporum , qui aliam internam ossis cuneiformis spectat , Salpingostaphylinos musculos initium sumere ;

M

sumere ;

(*a*) Aët. Nat. Cur. Tom. 1. Obs. 229. (*a*) Obs. Anat. Chir. 64. (*b*) Saggio delle Transazioni della Soc. R. T. 3. P. 2. c. 9. n. 6.  
 (*c*) Obs. addit. Dilucid. Valvul. in Vals. Lymph. n. 6. (*d*) l. 3. c. 14. (*e*) H. st. Anat. l. 5. c. 4. (*f*) l. 4. c. 15.  
 (*f*) Anat. l. 2. c. 16. (*g*) Anat. corp. hum. l. 1. c. 14. (*h*) Comp. Anat. n. 389. i Anat. du corps hum. P. 1. tr. 3. ch. xi.  
 (*k*) Advers. Anat. Dec. 1. c. 10. (*a*) Vid. utraque Myotom. editionem (*b*) VIII. n. 2. (*c*) VII. n. 21. (*d*) Anat. c. xi.  
 (*e*) Impet. Anat. Tab. 3. Fig. 2. (*f*) Compend. Anat. n. 326. (*g*) VII. n. 27. (*h*) Synt. Anat. c. xi.



sumere; nisi & id ipsum haud satis perspicuum foret, neque addidisset, *carnoso, teretique corpore in uvulam mediam descendere.*

3. Quanquam hoc ipsum de tereti eorum corpore in Valsalvæ quoque Tabulis jam diu mihi non placere, & quam ad ipsum dedi, Epistola (i) ostendit, & non una *Adversaria* (k) poterant satis indicare. Scilicet ex contractiore initio, mox aliquanto ampliores, & si vis, teretes in progressu fiunt; tamen ubi ad exos palatum descenderunt, non hujus superiora tantum; si ve, ut Valsalva loquitur, *Uvula basim tenent*; sed in triangularem expansionem ita se deorsum promittunt, ut in ea Epistola (l) propositum est. Qua lecta Epistolæ nostræ parte, cum duo ipse aut tria, quantum ex ejus schedis intelligo, cadavera inspexisset, ex iis inspectionibus collegit, hos musculos *in eam modo triangularem expansionem diffundi, modo non diffundi, & eum diffunduntur, id eo pertinere, ut Musculum Azygon ex parte componant*: qua de re postea videbimus. In præsentia satis est, jam ipsum quadantenus illam agnoscere expansionem cœpisse, & quamvis æquo angustiorum, manu tamen deinde sua in VI. Tabula, ut hanc emendatiorem ederet, calamo superinductis lineis delineasse: quæ res mihi indicio est, cum alia deinceps cadavera secuisset, magis magisque ad meam observationem animum inclinasse. Ego vero qui nihil unquam tam perspectum exploratumque habere me, censei, ut lectis aliorum discrepantibus observationibus, iterum mihi inquirendum non putarem, etsi ex quo id primum in bobus animadverteram, nulla fuisse humana corpora memineram in quibus vel amplius pro rata portione non vidissem; tamen illis inspectis Valsalvæ schedis, in multo pluribus continenter quæsi. Itaque affirmare possum, ex viginti quas adnotatas habeo, inspectionibus vix duas fuisse in quibus res minus conspicua fuerit.

4. Eam postea Expansionem adumbravit Cowperus (m): ante me autem exhibere potuisset Eustachius Tab. XXXII. Fig. VI. (n), nisi hos musculos cum in hac Figura, tum in respondente huic IV. (o), quæ de causa nescio, sic inversos pinxisset, ut ab origine ad finem, non descendere, ut oportebat, sed ascendere videantur. Quæ me res; ut verum tibi confitear; vereri interdum cogit, ne in hac forte interpretatione decipiar, præsertim cum Viri confirmant Celeberrimi; non Salpingostaphylinos, sed *Cephalopharyngæos* musculos ibi esse delineatos. Attamen ut in his, aliisque ad pharyngem attinentibus Eustachianis Iconibus interpretandis, non sine jucunditate animadverto, me plerumque eadem quæ illi, sensisse; ita est nonnunquam ubi invitatus fatear, mihi aut sententiam aliam, aut aliquam saltem dubitationem & fuisse, & esse, velut hic. Quæro enim primum, num verisimile esse possit, Salpingostaphylinum musculum Eustachium ignoravisse, aut cum haberet cognitum, nusquam in tot delineationibus quæ ad pharyngem, faucemve spectant, exhibuisse? Certe qui auditoriam Tubam, tot jam sæcula delitescens, suis accuratissimis per investigationibus retexerit, ejusque non osseam partem *inter duos faucium seu gulæ musculos, a paucis ad suum usque tempus bene cognitos, --- procedere*, scripserit (p), illi non possis incognitum musculum existimare neque minimum, & Tubæ eidem secundum longitudinem appositum; aut cum satis nosset, cumque huic proximum Novum Tubæ musculum vel quinquies pinxisset (q), nunquam hunc alterum delineasse. Atqui, nisi ubi nos suspicamur, ibi pictum agnoscas; nusquam pictum esse, fatendum est. Viris quidem Celeberrimis videtur Tab. XLI. Fig. 13. ubi ipsi litterulam *e* inscripserunt (r), ibi musculum ostendi *Salpingostaphylinum*. Sed præterquam quod cum eodem nomine eundem quem nos, intelligant musculum, incertum est, & continuo se revocant, subjicientes, ostendi *potius Pterygoidæum*; certe si eum locum in archetypa Eustachii Tabula attentius inspiciamus, & cum sinistro, qui nudus omnino pingitur, internæ Pterygoidis alæ extremo processu comparemus; planum fiet, circum processum dexterum pingi tendinem se se introrsum reflectentem musculi videlicet Tu-

bæ Novi, quemadmodum, de hoc alias (s) ad te scribentes, confirmavimus; ut non alium quam hunc, esse illum qui proximus ad posteriora appingitur, musculum, & rei ipsius natura doceat, & Figuræ commonstrent de quibus paulo ante dicebamus, IV. & VI. Tab. XLII. eundem musculum cum eadem tendinis inflexione, quater exhibentes, ut qui in his vocant, adscripta littera *t* *Pteryostaphylinum externum*, in illa quoque haud alio nomine vocare, & quod consequitur, haud alium quam nos, musculum designare ibi debuisset videantur. Igitur ne Salpingostaphylinum ab Eustachio nusquam pictum esse, dicamus; reliquum erit, ut in Figuris illis IV. & VI. sub littera *g* (t) delineari, existimemus, præsertim cum in utraque se junctus ostendatur a pharyngis facie posteriore, quod ut Cephalopharyngæo, quemadmodum nunc accipiunt, minime; sic maxime convenit Salpingostaphylinum. Vide enim in IV. sub ipso inferiore limbo (u) ejus de quo quæritur, musculi, quid lineolæ illæ obliquæ, brevesque significant. Non crassitudinem certe istius musculi (etsi id Scalptor fortasse credidit, qui eas in sinistra præsertim Iconis parte vel extra pharyngis latus produxit) nam eadem crassitudo in eodem musculo cur ad eundem modum in Fig. VI. non appareret? Credam potius, id Eustachium jussisse, ut a posteriore pharyngis facie eum se junctum esse musculum, si ve id Par musculorum, intelligeremus, neque ad illam faciem, sed ad exos palatum, in quo & pinxit, attinere. Nam si minime in hoc pingere, sed huic dumtaxat a se impositum indicare voluisset; non umbræ deerant, quibus in Figura VI. secundum artis leges adjunctis, evidenter posset significare.

5. Quod sicui tamen placeat, Cephalopharyngæos ibi esse delineatos; iis minus placere id posse, crederem, quibus, Pharyngis Fornix, rugæque hujus Fornicis, in eodem Iconismo ad num. 43. 45. videntur proponi, id est infra gurgulionem, quem præclare delineatum animadverto ad num. 42. 45. Nam supra hunc Salpingostaphylinos quidem constat ab natura ipsa positos esse; Cephalopharyngæos autem non modo supra pharyngis Fornicem, sed tanto superius monstrari, non est verisimile. Ut enim illum Fornicem Eustachius simul cum annexa posteriore pharyngis facie tam depressisset, quam satis esset, ut a tergo insipientibus gurgulio appareret; una tamen hos quoque depressisset musculos qui Fornice ipso non sunt altiores. Sed mihi; si id forte quæris; non ibi is Fornix repræsentari, verum detractis altioribus ac posterioribus ex iis musculis qui pharyngem complectuntur; pars hujus internæ tunicæ concidentis, eoque rugosæ videtur ostendi. Cæterum etsi propositam ostendi Salpingostaphylini Paris interpretationem in medio relinquo; non est tamen reticendum, me in ea consentientem invenisse Valsalvam, ut qui in altera adnotavit scheda, eosdem quos dixi musculos pro *Salpingostaphylinis*, non pro *Cephalopharyngæis* ab Eustachio esse delineatos. Quod cum adnotavit, illud animadvertere simul potuit, non teretes illos, sed in trianguli modum per molle palatum se se explicantes haud multo aliter quam ipse indicaveram, a tanto Anatomico fuisse exhibitos; si modo trianguli vertex non sursum, sed deorsum versus spectaret.

6. Præter hanc de qua satis dictum est, in mobili palato musculorum horum amplitudinem, de cæteris quæ Amicus meus Solertissimus in Valsalva postea desideravit; ut plerasque eorum fibras fibris comparis musculi non modo *quasi continuatas*, sed plane continuatas dixisset: ut præter has, tenues fasciculos duos in quos singulorum corpus aperte dirimatur, ostendisset: ut unius horum fasciculorum in proximam palati oram insertionem, sæpe tendineam, indicasset; de istis, inquam, omnibus hæc pauca habeto. Quod ad primum attinet, Cowperum quidem (x) & ipsum pariter eam fibrarum continuationem monstrasse; Eustachium tamen gemina, ut videtur (y), Figura tendineam interjectam lineam exhibuisse, non obscuro, ut in re ejusmodi, indicio, aliter in aliis cadaveribus id inveniri: atque hac varietate permotum Valsalvam,

(i) VIII. n. 3. (k) I. n. 8. & II. Animad. 14. (l) n. cit. (m) Myot. edit. 2. Tab. 28. Fig. 2. inter LL. & NN. (n) n. 39. 44. (o) n. 39. 16. (p) De Audit. Organ. (q) Tab. 41. Fig. 13. & Tab. 42. Fig. 4. & 6. (r) n. 60. 41. (s) Epi. VII. n. 21. (t) n. 39. 16. & 39. 44. (u) n. 40. 16. (x) Tab. cit. 28. Fig. 2. (y) Vide numeros superiores.



vam, ut, quod Iconibus etiam expressit, mediam quasi quandam insistentem viam, neutrum sibi prorsus negandum, aut affirmandum exilimarit. De omīssa autem in fasciculos, tenues præsertim, divisione, aut unius horum in contiguīs partibus inhæsiōe, cum ipsa tenuitas, neque infrequens in talibus nota rebus naturæ consuetudo Valsalvam in utraque excusat, tum in altera quid ipse præmonuerit, a nobis decet non hic solum, sed infra etiam persæpe attendi. „ Fieri posse, inquit, sentio, ut aliquibus in hac „ Musculorum divisione liberalior videar, aliquibus „ vero forte & parciōr: quorum neutris pertinaciter repugnabo; verum ut pro arbitrio horum Musculorum numerum minuant, aut, si placet, augent, ultro concedam. De hoc enim ego minime sollicitus sum, qui censeo, tunc nobis cuiusve Partis Musculos satis esse perspectos, cum tantummodo fibrarum ejus insertionem utramque, & tendentiam noverimus; siue illas postea in plures, siue in pauciores Musculos, ut cuique videtur commodius, partiiri contingat. Mihi itaque satis est musculares fibras in Uvula, & Pharynge, ut a me communicatum est, ita quod ad ambas suas insertiones, & quod ad tendentiam attinet, ut plurimum se habere: ut plurimum sane; nam aliquando variam; interdum etiam ex parte deficientem hic deprehendi Naturam. „

7. Quod si credere hic malis, Valsalvam, ut qui raro omnem musculorum Salpingostaphylinorum expansionem aut viderit, aut sit persecutus, satis de iis tribus judicare non potuisse, & ex me tum ipse quid censeam, tum quid observaverim, requiras; primum illa tria sic revera ab aliis observata esse, non dubitabo: deinde vero mihi alias aliter rem se obtulisse, confitebor. Nam fuit aliquando cum tendineam manifestam interjici lineam, alias cum prorsus nullam, viderem: fasciculum nonnunquam exiguum, sejunctum, atque extantem deorsum produci fere ad columellæ initium, conspexi: fibrarum denique partem in planum tenuemque tendinem abire. Alias autem non modo nihil ejuscemodi, sed ita implicita, & obscura omnia, ut neque in quot fasciculos, neque adeo an in fasciculos distinguerem, neque musculus vocarem, an Par musculorum, liqueret.

8. Cæterum quod ad usum attinet, cum Veslingius (z) Uvulam ab his musculis retrorsum moveri, Brownius autem (a) glandulam palati, sicut & Uvulam attolli, docuissent; recte Cowperus (b), & Valsalva utrumque motum conjungere. Ex eo cunctæ ferme existunt horum musculorum utilitates. Quas inter, hanc quoque a Valsalva olim relatam invenio, ut ea retrorsum arte elevata, allabentis humoris facilior ad nasi caveas, quam ad laryngem, motus redderetur. Ejus rei in experimento illo exemplum habeto: quod in se ipso cepisse Littrium, superiore Epistola (c) memoravimus.

9. Musculi sequuntur Glossostaphylini. Quod unum Par cum Valsalvæ diligentia acceptum referat Cowperus (d), attentus alioqui in primis Inventoribus memorandis Scriptor, nec Valsalvæ, quem nusquam alibi nominat, favere solitus; eo magis miror, Cantium (e) affirmare non dubitasse, hoc idem Par veteribus cognitum sub nomine Galsamach jam fuisse ex Bauhino. Quid vero tandem scribit Bauhinus? (f) Gurguleonis lateribus, inquit, ligamenta lata (author Anatom. vivor. Galsamach appellat) alis expansis similia accumbunt, quæ eum connectant. Etsi latitudo ista, etsi ista alarum expansarum similitudo satis vel sola est ad intelligendum, hæc igitur tenues gracilesque musculos de quibus agimus, esse non posse; inspice tamen Riolanum (g), unde illa Bauhinus excerptit, fusius quid sibi velit, docentem. Invenies, præter barbarum illum Auctorem, alios quoque, hoc est Aretæum, Avicennam, & Carpentem Berengarium, qui de iis ligamentis verba fecerint, commemorasse: quorum longe vetustissimus Aretæus (h) nihil certe, nisi membranas esse, dicit, ab utraque gurgulionis par-

Morgagni Epistolæ Anatomicae

te jacentes: neque aliud docet Auctor ille Anatomiae vivorum (i) cum subjacere Uvulæ duas pelliculas tradit, quæ galsamach dicuntur, juvantes ipsam in suo officio. Avicenna quidem, cujus verba sub initium superioris Epistolæ (k) producta sunt, carnem panniculofam esse, dixit, annexam palato; ut musculosi aliquid indicavisse videri posset. Tamen cum statim subjecerit sub uvula pendentem, cooperientem caput caninæ, rem adeo obscuravit, ut Berengarius (l) crediderit, Epiglottidem significasse. Cæterum cum hæc a nobis, non cujusquam refellendi causa, & multo minus Cantii; sed veri inquirendi studio, scribantur; non modo erravisse Berengarium, affirmamus, minime attendentem, Epiglottidem neque carnem panniculofam, neque palato annexam esse; verum insuper censemus, quod ex Scriptore illo Anatomiae vivorum non colligitur, id quadantenus ex Avicenna posse erui, Antiquis si non musculos Glossostaphylinos, at certe proximorum Pharyngostaphylinorum partem olim cognitam fuisse.

10. Quod ut intelligere facilius possis, velim antea locum quendam legas ex gallica Anatome (m) Petri Dionisii, quem locum sic latine reddiderunt: „ Ad „ uvulæ latera duo fornices conspiciuntur, quæ rimarum „ nasaliū ostia sunt: constant autem ex fibris semicircularibus, quas obducit pellicula tenuis, glandulosis granis perspersa. Arcus isti ex semicircularibus „ quales erant, dum producuntur, recti evadunt, ut „ aerem in ore quando instantur genæ, melius retineant: Impediunt præterea, laryngis ostium occludentes, ne aer ex arteria aspera elabatur, quando „ buccas inflando respiramus: Si vero velimus ut aer „ emittatur ore non aperto; gulam in modum quendam movemus quo fornices isti se se attollunt; cum „ vero agere desinunt fibræ illæ, & ad naturalem „ figuram resumendam tendunt, rimæ istæ dilatantur. „ Nihil attinet hæc singula examinare. Satis est cum arcubus istis duobus panniculofam illam Avicennæ carnem, annexam palato conferre, & si convenire videatur, intelligere, hanc eadem, aut alia aliqua ejuscemodi ratione potuisse ab Avicenna dici non tantum sub uvula pendere, sed & caput caninæ cooperire. Scilicet quod alii membranas, pelliculas, ligamenta appellarunt, id Avicenna, re interius spectata, panniculofam carnem vocavit, accuratius quam cæteri, atque adeo quam ipse Berengarius, qui nerveam ipsis assignavit substantiam. (n) Amygdalarum, inquit, substantia est carnea, & nervea, scilicet cum pelliculis quibus ligatur lateraliter, a radice linguae veniens versus palatum: & ipsis mediantibus uniuntur prædictæ amygdalæ palato: & istæ pelliculæ nerveæ simul cum glandulis sunt tanquam auriculæ cavernosæ, siue, ut alibi loquitur (o), sunt aliquantulum concavæ.

11. Erunt fortasse qui credant, & huc pertinere, & longe planiorem quam Avicennæ, locum esse Arabis alterius, Haly (p): Gurgulionem lacerti qui movent, duo sunt arabice dicti nagnage: quorum alter a dextris est positus, alter a sinistris: fuitque eorum necessitas, quo adjuvarent transglutitionem, & vocem. Sed quanquam Zerbus (q) non dubitet, hos duos musculos ad uvulam pertinere; tamen cum scribat, hunc solum Auctorem se invenisse qui eos poneret, neque ipse præter ea quæ Haly docuit, quidquam addat; proclive est cum Berengario suspicari (r), quod Interpres vertit gurgulionem, id apud Haly non esse uvulam. Et ipse quidem mavult credere epiglottidem, Leonicensi autem (s) fauces. Ego vero illud primum dubitandum non existimo, Haly eo in loco aliud quam uvulam intellexisse, propterea quod si ea usus voce esset qua hanc procul dubio significaret; uvam Interpres, ut passim fecit cum manifestus de columella sermo est (t), reddidisset. Deinde Haly eadem voce esse istuc usum, existimo, quam cum gurgulionem multis quoque aliis in locis (u) Interpres verterit, significare video, non uvulam, non epiglottidem, sed pharyngem. Itaque Leonicensi, idem alia ratione conjicienti, astipulandum esse, arbitror, & quinam duo illi fuerint gurgulionis lacerti, infra inter reliquæ pharyngis, non hic inter uvulæ musculos inquirendum.

M 2

12. Ad

(z) Synt. Anat. c. xi. (a) Myogr. Præf. 3. (b) Myotom. Edit. 1. ch. 17. (c) IX. n. 10. (d) Myot. Edit. 2. ch. 15. (e) Impet. Anat. Tab. 3. Fig. 2. (f) Theatr. Anat. l. 3. c. 83. (g) Anthropogr. l. 4. c. 13. (h) De caus. & sign. Acut. Morb. l. 1. c. 8. (i) ubi de anat. uvulæ. (k) n. 1. (l) Itaq. in Anat. ubi de Amygdalis. (m) VIII. Demonstr. (n) loc. cit. (o) Comment. in Mundin. 29. (p) Theoric. l. 3. c. 4. (q) Anat. tot. corp. hum. ubi de Anatom. Lacertor. Uvulæ. (r) Comment. in Mundin. 27. (s) De Plin. Error. l. 3. c. 26. (t) Vid. Theor. l. 1. c. 17. & l. 9. c. 17. & Præf. l. 5. c. 1. l. 9. c. 37. & cæc. (u) Vid. Theor. l. 9. c. 27. & 18. Præf. l. 6. c. 9. l. 9. c. 33.



12. Ad quos si non attinere satis crederes eam de qua supra dictum est (x), Avicennæ *carnem panniculofam*, hoc est qualem in expansis illis duobus arcubus videmus quos inter uvula est locata; at mihi certe non negaveris, eas attinere *fibras semicirculares* ex quibus eos constare, & quas musculorum instigare, non ignorabat Dionisius (y), nec qui hunc secutus Cl. Vir. Slevogtius in ea Dissertatione quam *de Gurgulione* inscriptam A. 1694. vulgavit, qui se præterea credere, fassus est (z), „haud frustra gurgulionem in „centro fornicis hujus locatum esse, sed ut depressis, „ac complanatis arcubus, ipse quoque deorsum feratur, elevatis vero illis attollatur iterum, hucque, „atque illuc, pro vocis diversa inflexione dirigatur. „Hi tamen haud propterea Glossostaphylinos musculos ante Valsalvam perspectos habuerunt. Nam primum duos quidem arcus, sed singulos ab singulis gurgulionis lateribus videntur descripsisse, quos Valsalva ambos pro secundo arcu habuit, factis a Pharyngostaphylinis musculis; cum alium prorsus arcum, quem *primum* vocat, ante hos *ab radice linguae --- versus uvulam assurgentem*, hunc quidem, sicut est, ita factum diceret a Glossostaphylinis. Itaque si Dionisii descriptionem, ante Valsalvam editam, cum Littrii descriptione (a), post Valsalvam proposita, conferamus; quid Dionisius nosset, quid Valsalva addiderit, in ipso arcuum & numero, & loco, intelligemus. Quod si præterea, qui singulos arcus efficiant muscoli, quaeramus, hoc est unde orti, & quo tendentes; nihil horum apud Dionisium inveniemus, imo apud Slevogtium (b) legemus, *arcus in extrema parte palati a tonsillis surgentes, ad vomerem inflecti, & ubi introitum foraminibus nasi præbent, in gargareone, tamquam umbilico fornicis, & tholo terminari*. Quæ si ad musculos transferamus; Pharyngostaphylinos ex aliqua fortasse parte, Glossostaphylinos ex nulla indicatos esse, intelligemus, ut qui ante tonsillas ab radice linguae profecti, & sub ligamenti uvulæ Riolani (c) anteriore parte (nam universum *magno spatio intra se relicto, sinu suo tonsillam --- excipere, & amplexari*, docebat) sub ea, inquam, tunica, quam nunc *posterius linguae ligamentum* a Cl. Walthero (d) appellari, video, scandentes, non in columellam, sed supra ejus latera in partem mobilem palati, ut Valsalvæ delineatio (e) ostendit. Inde porro an ita pergant, ut quemadmodum de anteriore hoc musculo arcu censuit Littrius (f), & de musculis ipsis, hunc efficientibus arcum, diserte conjicit diligentissimus Santorinus (g); ut in medio unus facti singula in singulis adversis linguae lateribus extrema habeant, non est mihi facile constituere, qui cum id in hominibus quaererem; in tenuissimos semper incidi Glossostaphylinos: cum vero quondam in bove; aut nullos, aut certe minimos esse, judicavi.

13. De proximis Pharyngostaphylinis qui superiorem quadantenus partem ante Valsalvam conspexerint, modo a nobis indicatum est. Iis an Falloppius sit, & Lyserus annumerandus, possent quædam hujus, & Valsalvæ verba dubitationem injicere. Nam Valsalva quidem hos musculos scribit *dici solere Cephalopharyngeos*, quo nomine tertium Par a Falloppio (h) in faucibus descriptorum vocari consueverat. Verum neque hoc, neque Par secundum; quamvis a Falloppio a Tubæ osseæ vicinia ad amygdalas deductum; aut ad uvulam pertinere, aut inter hanc, & inferiorem pharyngem traduci, vel ex ipsorum descriptione satis constet. Lyserus autem (i) *coheret*, inquit, *plerumque cum Oesophago Gargareon cum suis musculis*. Sed cum hæc continuo subiciat: *quem amputabis, neque facile ejus musculos vulnerare poteris, quippe ad latera, non sursum ab Oesophago contendunt*; nimirum satis significat, eam se cohesionem, quam & vox *plerumque* indicabat, intellexisse, quæ ab Anatomici arbitrio pendeat, quædam, per continuatam tunicam coherentia, alio alias ordine e cadaveribus eximentis; non quæ uvulæ musculis, ab summo oesophago, hoc est a pharynge ad illam ascendentibus, debeat. Scilicet cohesio, atque adeo continuatio hæc, & musculi per quos efficitur, Pharyngostaphylini Valsalvæ diligentia accepta jure meritoque sunt referenda. Aliquando tamen

dubitavi, num Bartholinus; Avum dico; istos ipsos in Anatomicis Institutionibus (k) his verbis designasset: *secundus & tertius oesophagi muscoli exiles sunt in faucibus siti, & a palato profluentes, in gulæ principium finiunt*. Sed cum Thomas Filius pro his quos sibi delendos censuit, alios, in iisque illos maxime obvios, a Patre tamen omisos, Stylopharyngeos reposuerit; neminem tam iniquum fore Valsalvæ credidi, ut si forte inter ejusmodi descriptiones quidpiam veri esse videatur; id si non errori, ut Filius; at casui potius quam diligentia industriæque anatomicæ tribuendum non arbitretur.

14. Hæc vero in Valsalva certe plurima fuit: eaque & nos excitati nonnulla, ad utrumque potissimum extremum propositorum musculorum attinentia, addere primi omnium conati sumus. Nam cum ipse extremum inferius (ab hoc enim juvat incipere) in pharynge tantum statuisset; ego, ut ex Epistola vides, ad illum data (l) *laterales quoque oras Scutiformis cartilaginis* adjeci. Quo de additamento cum mox ipse in cadaveribus quaerere cœpisset; primum censuit, quasdam horum musculorum fibras, easque paucas, Thyropharyngæis se addere. Verum cum ea de quibus ego locutus sum, fibræ in ipsis oris cartilaginis defigantur; non, ut Thyropharyngæi, per exteriora pergant ejusdem latera: cum longe alia quam hi, directione procedentes, multo acutiorem angulum ad eas oras intercipient: cum denique (id quod caput est) Thyropharyngæos tam facili, tamque legitima ab subjectis fibris separatione disjungamus, ut integram, lavem, & veluti sua membranula terminatam hinc illorum, hinc harum superficiem relinquamus; usque adeo manifestum est, non esse ipsas ad eos musculos referendas, ut Valsalva quoque, iteratis observationibus permotus, cum ea uniri partē fassus sit, de qua postea dicemus, Stylopharyngæorum, quam marginem versus interiorem Scutiformis cartilaginis contendere, jam videbat. Quin etiam eo descendit, ut observata sibi adnotaret, non modo in equo firmum certe nexum membranaceum, & fortasse carneas aliquas productiones a Pharyngostaphylinis ad memoratam cartilaginem pertinentes, sed etiam in ipso homine fibras aliquas in oram superiorem ab lateribus, aliquas in processus superiores tum secundum interiorem, tum secundum externam partem, aliquas demum in laterales oras a parte superiore usque ad medium cartilaginis ejusdem ab iisdem musculis immittas. Ego vero ut in equis non quæsi, in ove autem, & bobus vel interiore pharyngis tunica ducta, ab eaque etiam facie (quæ & expeditior ad observandum, & evidentior ad ostendendum ratio est) inquirendo, non inveni; sic in hominibus, modo; idque sæpius, in superiores, modo in inferiores, semper autem laterales, cartilaginis oras, has infixas fibras deprehendi. Quamobrem neque mihi licere credidi, ut quem alium in aliis videbam insertionis locum, hunc ad certam laterum partem contraherem, & quam insertionem ipse in omnibus in quibus perquisivi cadaveribus inveni, eam in multis non invenisse Valsalvam, miror; nisi tamen primis quibus ipsam quaerere cœpit temporibus hæc in altera scheda adnotavit: *Verum est, partem inferiorem lateralem Pharyngostaphylini Paris se inferere, sed paucis fibris, in Thyroidem cartilaginem; idque aliquando, non semper; nam multoties recta per Pharyngem excurrunt, atque ita in hujus lateribus subsistunt, non ad Thyroidem proprie pertinent*. In ejusmodi cadaver; ut verum fatear; videtur etiam Eustachius (m) incidisse, cujus Tabulæ anno sexto post hanc inter me, & Valsalvam ortam controversiam in lucem protractæ sunt. Eustachius tamen eas fibras non rectas pinxit, sed latera versus cartilaginis curvatas; ut liberum nobis reliquerit, si vellemus, existimare, illuc per tendineam saltem expansionem perducī posse. Cæteram quod interiores fibras, hoc est medio posticæ pharyngis propiores, alias ad eundem fere modum curvatas, alias multo ex parte altius quam plerique, & præsertim unus aut alter, docent, finitas ostendit; ut in hoc adversari prorsus nequeo, cum in quibusdam certe viderim non inferius, quam Epiglotti-

(x) n. 9. (y) Vid. supra n. 10. (z) n. 29. (a) Mem. de l'Acad. R. des Sc. A. 1718. (b) Dissert. cit. n. 28.  
(c) Anthropogr. l. 4. c. 13. (d) Exercit. de Lingua hum. (e) Tab. V. Fig. 1. (f) loc. cit. (g) Obs. Anat. c. 7. n. 14.  
(h) Obs. Anat. (i) Cultr. Anat. l. 1. c. 4. (k) l. 2. c. 12. (l) VIII. n. 4. (m) Tab. 42. Fig. 6. n. 51. 43. & 48.



Glottidem, finire, sic in illo facile assentiri non possum, qui non modo in ovibus, & bobus, quanquam in his potissimum, sed & in hominibus aliquando ita in contrarium flexas invenerim, ut olim in Epistola ad Valsalvam (n) ego, & magis in quodam postea Iconismo (o) ipse etiam Cowperus indicavit.

15. Sed ut hæc mittamus, & ad lateralium fibrarum in Thyroide cartilagine insertionem revertamur; num hæc multoties, ut in ea Valsalvæ scheda scriptum est, desideretur, satis superque intelligi potest ex accuratioribus Anatomicorum observationibus, quæcunque de uvula, & pharynge post mea edita I. *Adversaria* vulgatæ sunt. Non est opus singulas, præsertim notas, in medium adducere. Satis est animadvertere, diligentissimum Profectorem Cowperum, cum in prioris Myotomiae editione de hoc nullam mentionem injecisset, in altera (p) indicare, & diserte commemorare fibrarum seriem, nascentem ab Uvula, & desinentem in lateribus faucium, & Scutiformis cartilaginis, eamque haud aliter quam quæ perpetua sunt, ponere. Nec secus, opinor, ab iis quoque posita fuerit, qui primi ex ea musculum (Thyrostaphylinum vocasse intelligo) peculiarem sibi eruendum existimarunt: quibus, aliisque (nam plures legi) qui eos postea omnino, aut in parte secuti sunt, non est Valsalvæ nomine cur adverser magis, quam Cowpero (q); qui contra, Pharyngostaphylinum Par non modo in plures musculos non divisit, sed in unum maximum, quem Œsophagæum appellat, cum tot aliis musculis coegit. Quam enim Valsalva ipse, ut supra (r) vidimus, augendi, minuendive istiusmodi musculorum numeri facultatem permisit, cur ego adimere laborem? Imo vero jungant, dividant, conjunctis nomina demant, divisis (quod nobis hic facere non est visum) nomina imponant: si modo veros agnoscant terminos; ipsi laudabimus; aut certe non improbabimus. Nam quod interdum, quis eos terminos primus ediderit, ignorare videantur; non est cur nobis aut grave sit, non gloriolam nostram, sed Rei Anatomicæ amplificationem quærentibus; aut si grave esset, cur laborem sumamus ullum, quando scripta nostra, ut Cel. Heisterus (s) animadvertit, satis ipsa per se loquantur. Quos enim tandem, nisi hos musculos, significare poteramus, cum A. 1706. (t) musculos uvulæ duos in thyroide cartilaginis lateralem utramque oram infixos memoravimus? Sic etiam, quod ad ipsum Valsalvam attinet, satis ejus indicat liber, quæ seriem istam fibrarum, nascentem ab Uvula, & desinentem in lateribus faucium, primus docuerit, ipse, an Cowperus, qui Valsalvam auctorem silet. In quo tamen magis est ferendus, quam Drakius (u), qui cum in ejusdem seriei commemoratione, Valsalvæ quem Inventorem laudare oportebat, nomen dissimulet, mox eundem nominatim redarguit, quod aliam omiserit; alias a Cowpero ante descriptas, pictasque, de quo postea videbimus, pro novis musculis proposuerit. Cui enim quibus in seriebus arguendum putat, in iis nominat; in qua est laudandus, in hac silet? nisi forte nullam in hac Valsalva partem habet, quod non omnes Pharyngostaphylini musculi fibras cognovit, illas, exempli causa, quæ postea a Cowpero (x) luculenta sunt delineatione illustratæ, nascentes utrinque extendi, nibus (palato osseo annexis) musculorum dexteræ, sinistræque Tubæ Eustachianæ.

16. Quibus de fibris piusquam Cowperus quidquam doceret, tu vide, quæso, quid ipse ad Valsalvam scripserim, & quid huic conspiciendi occasionem præbuerim; sic enim ab inferioribus, de quibus satis dictum est, ad superiora Pharyngostaphylini Paris extrema, sicut proposuimus, transgrediemur. Cum ego (y) inter ea quæ de his musculis interdum saltem observaveram, illud primo loco posuissem, *superiorem eorum partem extremæ ossæ palati oræ valenter annexam esse*; Valsalva cum de hoc quæreret, hæc adnotavit: *mittere eos fibras tendineas ad tendines Musculorum Tubar. Eustach. ad narium officia*: & alibi: *eos aliquando annexi ossi palatino, atque etiam uniri cum tendinibus Musculorum utriusque Tubæ*. De iis au-

tem quæ proxime in eadem Epistola (z) subjeceram cum alia, quæ infra ubi de Azygo agatur musculo, proferam, tum hæc adscripsit: *aliquando fibras aliquas eorundem Musculorum in parte posteriore Uvulæ ascendere in formam arcus supra Musculos Salpingostaphylinos*: & alia in scheda: *verum est, aliquando eorum fibras, sed paucas, suum efformare arcum supra Musculos Salpingostaphylinos, se se postea cum anterioribus uniendo*: ad quas anteriores spectant fibræ quas calamo addidit in Fig. II. Tab. V. augentes arcum Pharyngostaphylini Paris supra G, atque eo attollentes, ut Paris Salpingostaphylini altitudinem superet: cujus arcus supremam partem in Tabula quoque VI. tantum calamo extulit, ut supra conjunctionem utriusque Salpingostaphylini (trans ipsam videlicet, ut ab anteriore facie assurgens) se ostendat, indeque per posteriorem quædam fibras demittat ad Azygon musculum pertinentes.

17. Quæ omnia cum legissem, atque inspexissem; meas illas placuit veteres observationes relegere, quas inter, eas quoque inveni, quæ ad Sphincterem attinent ejus Pharyngis orificii quod est ad nares, quem ego Sphincterem in *Adversariis* I. (a) memoravi, & quem in illa ad Valsalvam Epistola (b) constitui aut perpetuum non esse, aut me prioribus, vel novissimis dissertationibus esse deceptum. Vidi igitur, me tum vidisse Paris Pharyngostaphylini fibras per utramque ex ossis palati faciem productas sic tamen ut multo plures ferrentur per anteriorem, & hæc quidem, sed non omnes, ubi ab lateribus ad musculi Tubæ utriusque tendines pervenissent, aut sub his, aut cum his irent se valenter annexum extremæ ossæ palati oræ ad eum fere modum ad quem postea Cowperus (c) repræsentavit: posteriores autem, quæ tamen summum tenebant, eæ vero interjecto quasi tendine concurrerent. Verum alias alius rerum aspectus erat; nonnunquam fibræ sic inter se, & cum aliis, in medio præsertim, implicatis, ut vix aliqua, cætera ne vix quidem mihi distinguere liceret; alias sive anteriorem, quod rarius, sive posteriorem, quod frequentius, faciem inspicerem, latior aliquando; interdum contractior carnearum fibrarum fascis in transversum fere ductus, nullo medio interjecto tendine, obvius erat extremo osseo palato appositus: hic nonnunquam ad Salpingostaphylinos; postea, idque certius, ad musculos Pharyngostaphylinos; sed, cum primum vidi, ad neutros visus est pertinere; quippe qui ad latera, & deinde ad tergum summæ pharyngis circumduci instar sphincteris videbatur, speciemque præbebat integrioris, magisque absoluti gyri, quam ut in Tabula Cowperi XXVIII. Fig. II. ad litt. L. L. I. possem quoddam ejus exemplum indicare. Cæterum cum sæpius, & diligentius in aliis deinceps cadaveribus inquirerem; nonnunquam ad mediam ossæ palati oram valido tendine interruptum gyrum; alias quæ ex eo ad Pharyngostaphylinos, quæ ad Pterygopharyngæos musculos attinebant fibræ, perspiciebam; interdum in aliam atque aliam rerum speciem incidebam, ut non modo sphincterem amplius non agnoscerem, sed aliam haud raro in aliis corporibus fibrarum esse dispositionem atque implicationem, deprehenderem: neque in altiore tantum Pharyngostaphylinorum parte, verum etiam in humiliore, ubi; ut alia reticeam; prope insertionem in cartilagine Scutiformem quæ fibræ superius anteriores fuerant, eas posteriores fieri, & vicissim, in quibusdam animadverti. Itaque & tunc in Epistola (d), quæ interdum videram, ab iis quæ semper inveneram, secrevi, & nunc minus Valsalvam miror ipsum quoque aliter in aliis cadaveribus quædam observasse. Tunc etiam in bobus quemadmodum illa superior pars pharyngis se haberet, quæsi. Sed nulla mihi species apparuit sphincteris. Multo plures quidem Pharyngostaphylinorum musculorum fibras in anteriore inveni, quam in posteriore mobilis palati facie. Quarum superiores in uno certe bove cum palati osse per se conjunctas non vidi; in altero autem vidi ab dextero in sinistrum latus decussatas traduci.

18. Eusta-

(n) n. cit. 4. (o) Tab. 29 Fig. 2. passim infra Litt. T. (p) Explain. of the Tabl. 28. Fig. NN. (q) Myotom. II. Edit. ch. 16. & Tab. 28. 29 (r) n. 6. (s) Comp. Anat. n. 326. adnot. ad litt. 5. (t) Adversar. Anat. I. n. 8. (u) Anthropol. book 1. ch. 9. (x) loc. cit. L. L. & Tab. 29. Fig. 1. L. L. (y) Epist. VIII. n. 4. (z) ibid. (a) n. 8. (b) n. 6. (c) Tab. cit. 29. Fig. 1. L. L. (d) n. 4.



18. Eustachii postea Tabulæ prodierunt. Ex quarum una (e), de qua supra indicatum est, hi quidem musculi non ipsi incogniti fuisse videri possunt, neque tamen quo oportuisset, perducti; sive ob fibrarum implicationem, sive ob aliam alias animadvertum earum ductum non plus sibi credidit licere. Sane cum altero in latere (f) crassiorum fibrarum fascem antérieur, minorem posterius, interjecto utrique Salpingostaphylini, ut supra (g) conjiciebam, musculi ventre, collocatum ostendisset; in altero (h), sine ullo minoris fascis vestigio, majorem tantum delineavit; nisi forte malint aliqui, majori Sphenopharyngæum, minori Salpingopharyngæum designari: quorum illud num satis Eustachio dignum sit, etiam atque etiam est cogitandum; hoc vero, si attendas ea quæ de Salpingopharyngæo scribentes (i), ex Drakio producemus, fortasse non omnino indignum videri potest. Utcunque id est; nam & aliis alia placere hic video; profecto ex iis quæ & hæcenus de musculis Pharyngostaphylinis ad te scripsi, & ad Valsalvam olim scripseram, satis intelligi posse, opinor, tum quæ dissentientibus ab ipso Præclarissimis Anatomicis non solum concedam, sed vel priusquam ii dissentirent, perspecta haberem, tum quæ vicissim Valsalvæ tribui non iniquum putem. Si plures duobus facere ex his musculis volunt; eorum ego industriam, & in persequendis implicatissimis quibusque fibris sedulitatem commendo. Vicissim æquum credo, ut siqui aut ob eam ipsam implicationem aut ob longam atque indiscretam, cum reliquis fibris conjunctionem, retinere numerum Valsalvæ malint; non ita difficile sit concedendum. Satis inter plerasque dexterarum, sinistrarumque fibras est discriminis, ut duos liceat; sed non tantum est inter anteriores, & posteriores, ut plures duobus musculis omnino facere cogamur. Nomina autem a Valsalva imposita conservare tum mihi quidem videtur æquum, ut inter initia superioris Epistolæ (k) indicavi, tum minime timendum est, necui forte sic imponant, ut in ipsum teres ac pendulum gurgulionis corpusculum hos ferri musculi credat, quando vel Tabulæ Valsalvæ docent ad palatum mobile attinere, quod non Valsalva modo, sed etiam; ut alios fileam; Cowperus (l) uvulæ nomine passim complecti non dubitavit. Nam quod pars fibrarum ipsi quoque palato osseo annectantur, id minime nos cogit, ut cæterarum quæ ad exosevidenter pertinent, obliti, neque Pharyngostaphylini, neque Staphylopharyngæi nomine uti imposterum audeamus. Sive illæ priores fibræ confirmandis viribus datæ sunt ad superiora trahentibus, sive etiam cavendo ne ab iis quæ deorsum rapiunt, palatum mobile aut moleste distendatur, aut inconcinne disponatur; fibræ certe reliquæ, musculis aliis aut se intendentibus, aut laxatis, nunc ad mobile palatum pharyngem, & huic annexa attollunt, nunc contra, ipsum extendendo, deorsum ducunt. Quæ spectans Valsalva utrumque illud imposuit nomen, ut eodem musculorum Pari intelligeremus & mobile palatum posse, & reliquam pharyngem moveri: quacum ob novam, a me observatam, in scutiformi cartilagine insertionem non hanc tantum cartilagine, sed & omnem, aliis adjuvantibus musculis, laryngem ita conjungendam esse, censui, ut in Epistola ad Valsalvam data (\*\*) inter Communes, quos vocant, laryngis musculi hoc etiam Par referri posse, scripserim, eoque cæteros nunc in glutendis alimentis, nunc in edendis vocibus illam attollentes musculi juvari. Cum hæc scripsssem; Winslowium (m) vidi Anatomicum Præstantissimum non modo nomen retinere Paris Pharyngostaphylini, verum etiam cum Thyrostaphylinum quoque agnoscat, fateri tamen diserte, posse spectari hæc duo „ Paria Musculorum, ut unum „: quod minime in eo mirum est, qui præclare doceat, hoc „ comitari „, illud arctissime in toto ipsius itinere „, nisi quod inferiore extremo alterum cum Thyroide cartilagine, alterum cum Thyropharyngæis musculis connexum „ est „, ut si horum separata portio esset; quæ res cum observatione quadam Valsalvæ de qua supra (n) commemoravi, satis convenit.

19. Antequam ad alios transeam musculi, ad pha-

ryngem reliquam attinentes, promissus ordo postulat, ut de cæteris uvulæ scribam qui a Valsalva omitti videri possunt. Verum ut de Pterygostaphylinis quos ipse unos maluit Tubarum musculi nuncupare, in aliis ad te antea missis (\*), ita de Thyrostaphylinis satis in his litteris scriptum est, necnon de Palatostaphylinis, si hi quidem, ut Vir Doctissimus Heisterus (o) indicat, ad triangularem spectant Salpingostaphylinorum, Expansionem quam ut ampliorem a nobis, sic angustior a Valsalva agnitam commemoravimus (p). Porro Ceratostaphylinos quos laudatus Vir (q) modeste proponit, non magis Valsalvæ quam mihi ad hoc tempus prorsus incognitos fuisse, fateor; credo quia in corpora forte inciderim quibus hi exigui per se musculi, minus conspicui obtigissent. verum in aliis pergam cum hos, tum alia, necdum a me satis comperta, vestigare. Interea reliquum est, ut de addito a me musculo Azygo quid Valsalvæ, quid cæteris visum sit, fideliter exponam. Et primum cum ille in cadaveribus quæreret, ita sibi reperire videbatur, in facie interiori, sive posteriori *Uvulæ multæ fibræ a musculo Staphylopharyngæo flecterentur versus apicem Uvulæ, excurrentes supra musculum Salpingostaphylinum, ad formam quasi pyramidis, sed diligenti sectione in duas partes divisæ: ut cum his quedam etiam fibræ carneæ a parte inferiori musculi Salpingostaphylini concurrerent ad productionem fibrarum ad apicem Uvulæ descendantium, quæ unus Musculus censentur a Morgagno*. Deinde vero sive in plerisque unum esse viderit, neque nisi lacerando duas in partes dividendum, sive de hoc amplius, unus, an multiplex esset, non laboraverit; non modo in Tabula sua VI. cum adderet calamo fibras istas a memoratis duobus musculorum Paribus in unum corpus deflexas, oblongam & tenuem pyramidem referens vertice ad extremos fere gurgulionis fines, quatenus tamen in ea sculpti sunt Tabula, pertingentem, non modo, inquam, non a summo ad imum ut duplicem repræsentavit, sed cum in aliis, tum in ea quoque scheda ex qua superiora descripta sunt, hæc ad extremum addidit, in una quidem: *Musculus Azygos non est musculus peculiaris, sed flexio fibrarum Salpingostaphylini, & Staphylopharyngæi: & rursus: Staphylopharyngæi triangularis expansio eo pertinet, ut Musculum Azygon ex parte componat: in altera vero, sive in illa priore: Musculus Azygos videtur habere originem & a parte tendinum Musculorum Tub. Eustach; & a fibris Staphylopharyngæi, & Salpingostaphylini, & propter tendines musculorum Tubæ videtur a Septo narium proficisci versus extrema palati: denique in alia quadam: Ad interna narium foramina occurrit corpus musculare, quod suum tendinem videtur mittere in columnam septi narium; reliquæ vero fibræ videntur circulariter ferri per partem superiorem horum foraminum. Cum suspicarer, fibras tendineas versus inferiora delatas ferri ad Uvulam, nova inquisitione observavi desinere in membranam versus partem internam vestientem Uvulam. Sed huiusmodi corpus majori copia fibrarum tendinearum pollet, quam carnearum. Habes summa cum fide exscriptum quidquid in omnibus Valsalvæ schedis inveni quod ad musculum Azygon pertineret. Ex quibus illud primum colligas, velim, me igitur aliquid addidisse, quod in nullo cadavere frustra a Valsalva quæsitum est, quodque ipsi dignum est visum quod suis in Tabulis adjiceretur.*

20. De cæteris autem in quibus nostræ inter se discrepant observationes, sic habeto. Principio: unum, an duplex sit corpus, etsi ipse quoque aliis in dies, atque aliis observationibus edoctus, minus visus est postea dubitare; tamen decet, te longa, quæ in promptu est, mearum observationum serie fieri certior. Cum primum inveni, idque in Virginis, itemque in Senis cuiusdam cadavere; alba quædam lineola secundum ejus longitudinem a tergo ducta, sic imposuit, ut duos, non unum musculum esse, existimarem. Itaque in ejus imagine quam Viro Cl. Victorio Francisco Stancario (is tum Philosophicæ Academiæ Bononiensi erat a secretis) VIII. Kal. Quinctilis A. 1706. asservandam dedi, cujus apud me imaginis alterum adhuc exemplum est, in duos musculi divisum pinxi, *duosque musculi*, in adjecta brevi

(e) Tab. 41. Fig. 6. (f) n. 41. 42. (g) n. 4. (h) n. 41. 48. (i) Epist. XI. n. 44. (k) n. 7.

(l) Myotom. ch. 15. & Explanat. of the Tables 28. 29. (\*\*\*) n. 4. & 5. (m) Expos. Anat. Traité de la Teste n. 496. & 497.

(\*) n. 14. (\*) Epist. VII. n. 21. & seqq. (o) Comp. Anatom. n. 326. adnot. ad litt. i. (p) n. 3. (q) Not. 72. Comp. Anat.



brevi Explicatione, esse, affirmavi. Verum mox aliis inspectis cadaveribus, unum esse, tam evidenter didici, ut id non modo in Epistola ad Valsalvam (r), posuerim, sed Academiam ipsam Novembri mense monuerim his ipsis verbis: *etsi alba quadam lineola secundum ejus longitudinem posterius ducta divisus esse videtur in duos; re tamen vera non est divisus*. Attamen lecta illa prima Valsalvæ scheda, mihi, ut soleo, diffusis magna iterum diligentia in plurimis corporibus perlustrare cœpi; ut duas & triginta conscriptas observationes habeam: quarum omnium hæc summa est. Quinque & viginti cadavera fuerunt in quibus sine ulla, non mea dumtaxat, sed ne eorum quidem qui aderant, dubitatione (non semel autem aderat Cl. Vulpus, sæpius vero Exercitatus Professor Nicolaus Mediavia) unus simplexque musculus fuit: ut nulla vel eorum, quæ summa est, diligentia in duos dividi sine manifesta laceratione posset. Id autem præcipue tentabamus in optimis corporibus, & quibus hic musculus a natura amplior contigisset, itemque in iis in quibus exterius inspicendo (nam & plura sunt in quibusne exterius quidem) levissimus fulculus, aut aliud quodpiam duplicitatis indicium in posteriore, nonnunquam & anteriore, facie per medium descendens scalpello viam monstrare videretur. In omnibus vero id quod maxime obvium est, experiebamur, an musculus transversum secando, & dissectam utramque partem inspicendo, ulla duplicitatis nota appareret; sed hoc quoque incassum. Nam aut nulla omnino apparebat, aut siqua, idque rarius, forte apparebat; ubi diligentius inquirebamus, fallacem fuisse speciem, non veræ divisionis indicium, constabat. Et tamen frustillatim ab imo ad summum persæpe musculus totum concidimus, illecti nonnunquam aut duabus exiguis quasi prominentiis quas in imo qua erat tendineus, cum ostendere videretur, in superiore parte carnea multo evidentiores sperabamus; aut inani quadam duplicitatis specie, quæ a medio sursum, cum tamen nusquam duplex esset, in uno præsertim musculo, se se prodidit. Miraberis fortasse tam minutam atque anxiam sedulitatem; qui scias, tamen si musculus aliquis alterutro extremo bifariam divisus per se invenitur, non sequi propterea ut reliquam quæ non divisa sit, partem Anatomici negligant, eumque musculus pro duobus habeant: aliter, nullum toto corpore Bicipitem musculus relictum iri. Sed me inexpectata Valsalvæ dubitatio in ea ipsa re quam cum suspicatus a primo essem, longo & accurato examine abjiciendam censueram, magis perculit, quam si nulla mihi unquam suspicio ejusmodi incidisset. Itaque, ut cœperam dicere, cum de duobus & triginta cadaveribus, quinque & viginti invenerim in quibus is musculus unus esset; de septem reliquis tria fuerunt in quibus unus esset, an duo, ita dubitavi, ut tamen unus denique potius quam duo, esse videretur: unum contra in quo a medio deorsum duo potius esse visi, quam unus: in tribus tantum, inveni duos: in primo, saltem quod ad carneam partem attinebat; in altero etiam manifestius, ut singuli sua tecti apparerent membrana, & tendinei aliquid intercederet; minus tamen divisi erant in summo, quam in imo; in tertio vicissim, cum unum ambo intra uvulam simplexque extremum haberent, tota parte reliqua evidenter geminos deprehendi. Quos eo ipso die, qui fuit IV. Idus Februarii A. 1732. non dubitavi in eodem Theatro ostendere in quo unum & semper antea, & tunc simul in altera pharynge demonstrabam. Nam qui verum, quantumvis meæ adversetur sententiæ, non invitus sim ostenturus, cur id non ostenderem quod minime adversabatur? Scilicet; ne quæ de Bicipitibus musculis paulo ante dicta sunt hic iterentur; sane quod tot aliis cæterarum Partium musculis videmus accidere, ut pro uno duo nonnullis in corporibus a natura ponantur, idem huic quoque musculo aliquando posse contingere, a me nunquam est negatum. Quod si non propterea ab iis qui Anatomici scribunt, quisquam illorum musculorum ut duplex, sed nihilominus ut simplex proponitur; cur ego in hoc uno magis attendendam quid perraro fiat, quam quid plerumque?

21. Atque ut planius intelligas, quam raro hunc musculus natura geminet, animadvertas velim, quod ad Valsalvam scripsi (s), idem mihi iterum contigisse, ut ne tum quidem invenirem duplicem, cum duplicem uvulam viderem. Hanc enim Patavii quoque duplicem vidi, cum altera ab laudato Vulpio Collega meo Experientissimo publica Anatome haberetur A. 1723. Cujus ad exempla rei, a Cl. Slevogtio (t) collecta, multo antiquius illud addendum est *Lucretia Venetæ cantatricis habentis duas uvulas*, quas in ea se vidisse Romæ, Zerbis (u) tradidit, ejusque vocem submissam continuo fuisse raucam, licet cantando plurimum delectaret, seque eam sæpenumero curavisse cura cataracti defluentis ad guttur, & apostemantis carnes glandosas & duas amygdalas in gutture existentes. Quæ ideo exscribo non modo ut cum indicatis a Slevogtio; si tamen reperire omnia possis; exemplis conferas, & in his pariter vocis vitium cum uvulæ duplicitate conjunctum plerumque fuisse, animadvertas; verum etiam ut interdum addubites (quod me in Andegavensis præsertim casu (x) fecisse fateor, cujus per similes ex Venerea lue nonnunquam vidi) num quæ legimus uvulæ geminata exempla, omnia a natura fuerint; nulla a prægresso olim morbo. A natura certe utrumque meum exemplum fuit; nam præterquam quod nullum prorsus antiquæ, aut novæ læsionis indicium, ne in vicinia quidem, accuratissime observando potui deprehendere; tam similis & æqualis columella dextera sinistra erat, quam oculus oculo, manus manui, neque sua dumtaxat substantia erant prope extremum palatum inter se junctæ, sed præterea ad brevissimum inde tractum duplicata eadem qua convestiebantur, intercedente membrana connexæ reliqua autem parte quæ omnino soluta erat, in suum quæque latus modico, parique flexu curvata. Quali Patavinus esset voce, inquirere oblitus sum: de priore cum Bononiæ quærerem, nihil quod adnotatione dignum esset, inveni. Sed in utroque; ut ad propositum redeam; musculus, qui infimo tendine infra commune Uvularum initium vix perveniebat, unum omnino atque indivisum habuit ventrem, insuper in Patavino gracillimum. Jure igitur cum in multo maxima parte hominum, atque adeo vel in præditis geminata uvula, unus sit; *Azygon*, aut *sine pari* (non *Imparem*; ut latine eundem post nos aliquis; ne quis longe aliud intelligeret) appellavimus.

22. An vero hunc jure etiam *Musculus*; quem Valsalva *flexionem* dumtaxat *fibrarum Salpingostaphylini*, & *Staphylopharyngæi* credidit; appellaverimus, protinus videamus. Equidem ad ipsam ultro scripseram (p) me jam antea interdum animadvertisse, nonnullas Paris Staphylopharyngæi fibras *conjungi fibræ hujusce musculi, sicut aliquando musculo huic Staphylopharyngæos præbere originem, conjectassent*: & sane postea etiam conspexi ab superiore musculorum eorum parte fibras hinc & hinc curvatas; sed aliquas, & aliquando; summum versus hujus musculi ventrem demitti: sæpius autem animadverti, dum hunc, scalpelli acie sensim ab alterutro latere adacta, a subjectis musculorum fibris separamus, quasdam earum lacerari, manifesto indicio, a Pari quoque Salpingostaphylino fibras aliquas cum hoc musculo committi. Fuere tamen & corpora in quibus sine ulla ejusmodi laceratione separavi, neque fibras ullas vidi quæ a cæteris musculis deflecentes, in eum, tunc alioqui satis crassiusculum, se se immitterent. Verum etsi vel semper aliquæ proximorum fibræ musculorum huic aut in transitu annexæ, aut intime immixtæ perspicerentur: quæ res inter alios quoque musculos in diffecando haud raro solet animadverti, eo autem referri a gravioribus, & sagacioribus Anatomicis, non ut musculorum unitatem, sed ut vel consensum, vel contextus corporis firmitudinem, vel fibrarum admirabilem productionem, continuationemque demonstrant: etsi ita, inquam, perspicerentur; tamen aliud hujus, aliud musculorum illorum corpus, alia compages, alia fibrarum directio, alia, eaque facilis atque obvia, species, & conspectus ipse, cum vicinis musculis confundi, nequaquam finerent. Plani illi, & tenues; hic, columellæ alicujus instar, extans, & teres:

(r) n. 2. (s) Epist. vii. num. 2. (t) Dissert. de Gurgul num. 32. (u) Anat. tot. corp. hum. ubi de Uvula.  
(x) Nat. Cur. Ephem. Dec. 1. A. 3. in Adnot. ad Aglossostom. c. 2. (p) n. 4.



res. laxi illi; hic densior. curvis illi, obliquis, transversis; hic secundum longitudinem porrectis fibris. color denique sæpe illis rubicundior; huic paulo albidior, & cætera quæ, sublata dumtaxat cum glandulosis acinis convergente membrana, statim sine ulteriore cultri opera in oculos per se incurrunt, satis universa admonent, non fibras cæterorum aliquas, sed peculiarem musculum cerni. Huc adde, meram fibrarum productionem neque in omnibus cadaveribus, nec certe ad eundem in omnibus modum futuram fuisse; hunc vero musculum in cunctis semper corporibus deprehendi, eademque semper forma, plerumque in unum ventrem; rarissime in duos compactum, nunquam in fibras dissolutum. Postremo eundem hinc in bestiis, præsertim vero in bobus, hinc autem in hominibus aspice: sedem, formam, positum confer; & deinde vel in hominibus, an sit musculus, si potes, dubita.

23. Et profecto ipsum quoque Valsalvam vides in ea descriptione quam extremo loco ex ejus schedis exscripsi (z), corpus dicere *musculare*: qua in descriptione nisi hunc musculum intelligit, quid sibi velit, certe non assequor. Nam quod & fibras memorat, quæ videntur circulariter ferri per partem superiorem internorum nasi foraminum; vicinas fortasse fibras ad hunc musculum spectare, credidit, quas & Vieussenius (a) indicaverat, cum eam partem membranæ pituitariæ, quæ basim, seu externam ossis sphenoidis superficiem, os quod Vomer dicitur, narium & patentium duorum meatuum, qui a naribus ad fauces tendunt, interiora obducit, rubicundam, carneis quibusdam fibris instructam proposuit: quanquam ego & frustra interdum posticam Vomeris faciem iis meatibus interjectam, eamque viciniam a superiore etiam parte lustravi, si forte aliquid musculosi invenirem; nec certe unquam ab Azygo fibras circum eos meatus productas vidi. Hic autem musculus majori copia fibrarum tendinearum pollere, quam carnearum, visus fortasse aliquando Valsalvæ fuerit, cum æquo nimirum albidior, magisque densa structura esset. Sane qui sæpius, ut nos, inspexerint; & rubicundum interdum, plerumque satis carneum deprehenderint; aliud censeant, necesse est.

24. Tandem quid de utroque ejusdem extremo observaverit, videamus. Tendineis, ait, fibris desinere in membranam versus partem internam vestientem Uvulam; superiorem autem tendinem videri mittere in columnam septi narium: at supra dixerat, videri habere originem & a parte tendinum Musculorum Tub. Eustach. --- & propter hos tendines videri a Septo narium proficisci. Quod ad primum illud, hoc est inferius extremum attinet; cum in Epistola (b) posui, musculum, ubi uvulam attingit, fere statim finire; ejus potissimum ventrem spectavi. Nam etsi non semel perspexi, præsertim in uvula brevior, non ventrem modo, sed quidquid præterea ad musculum attinet, vix ingressum uvulam, finiri, ut hujus reliquum nihil nisi sacculus esset membraneus, glandulosis acinis refertus; non ignorabam tamen, ex attenuato ad finem musculo tenuiorem appendicem tendineam; quam Cel. Ruyschius (c), opinor, fibrarum longitudinalium concentrationem appellaverat; altius plerumque intra uvulam produci, nonnunquam ad hujus longitudinis medium, sæpius ultra, ut aliquando ad finem usque perduxerim: quam appendicem, seu mavis inferiorem musculi tendinem reapse posteriora uvulæ tenere, in quibusdam saltem animadverti. Hoc adjuncto tendine, musculus cæteroqui tenuis (non adeo tamen quin longe tenuiores habeamus, aut quin aliquando ipse crassiusculus sit) longior a me interdum repertus est transversis digitis duobus cum dimidio; cum ventrem dumtaxat longiorem aliquando pollice uno cum dimidio olim reperissem. Neque tamen has longitudes, ut maximas, statuo; quas neque in majoribus quæ secui, corporibus, neque ex satis extenso musculo fortasse desumpserim.

25. Illud tamen animadverto, nunquam a me hujus dimetiendi musculi initium ab ipsa palati offe extrema ora fuisse captum. Nam quod in prima ejus descriptione fassus sum (d), idem confiteri adhuc non pudet, coniecisse me, non vidisse, ab osse aliquo, ut puta ab nasi imo prostretnoque septo, aut si mavis

ab, huic subjecta, illa palati ora per membranulam quandam, aut tenuissimum tendinem initium ducere: qua ab ora nunc video excellentium duorum Anatomicorum alterum illius originem repetere, alterum vero pene ab ipsa ora; cum hoc meæ veteres, novæque observationes consentiunt. Scilicet inveni quidem aliquando musculum in summo extenuatum produci in tendinem prætenuem, & angustum, non ad musculorum Tubarum tendines, sed per faciem posticam musculofarum fibrarum inter supremam ejusdem musculi partem, & proxima quæ paulo ante memoravimus, ossa non brevissimum nonnunquam intervalum occupantium, per earum igitur posteriorem faciem, septum nasi versus pergentem, non hoc tamen, aut ullum os quod videre adhuc potuerim; assequentem: quanquam, ut id internoscere facilius possem, jam inde a principio exempla secutus illustrium, & in primis diligentium Anatomicorum, quod ipsi aliis in Partibus, id ego in pharynge facere institui, ut (e) a pharyngibus hominum ad bestiarum pharynges diverterem, atque ab his vicissim reverterem ad humanas.

26. Nec vero ne a magnis boum corporibus inciperem, deterruit me quod in Exercitatione quadam Anatomica legeram, Virum Cl. in eo animantium genere uvulæ nullos vidisse musculos. Ego quidem certe; ut hic de reliquis fileam ipsius musculis; Azygon quam longum, crassumque in bobus invenerim, qua ratione positum, qua insertum, satis in Epistola ad Valsalvam (f) demonstravi. Nunc addo, crassior in medio, ad extrema sensim attenuatum, terebris carneæ columnæ, aut potius fusi, sed complanati, imaginem referre: ad ejusque posteriora latera musculofas aliquot fibras, quæ a Pari esse Staphylopharyngæo visæ sunt, se ipsi modo obscurius, alias manifestius adjungere. Manifesto etiam in canibus nonnunquam vidi carneas alias quasdam fibras, huic musculo a tergo impositas. Inveni autem in canibus semper duplicem (si unum excipias in quo triplex esse visus est) idque aliquando tam evidenter, ut inter dexterum, sinistrumque glandulosi acini interjicerentur. Ambo tenues, & prælongi, ubi ad exossis palati inferiorem limbum acceperunt, inclinatas alter ad alterum commiscere fibras videntur. In ovillo genere olim aliquando, postea sæpius variare numero, aut certe partitione quadam, animadverti. Nam fuit interdum cum duo ovium capita incidens, in altero revera, & facile divisum musculum in duos, in altero unum prorsus simplicemque invenirem. Sic in agno vel totum frustra transversum secui, si forte aliqua in parte duplicem possem deprehendere. In agno autem altero, etsi multo majori ex parte unus erat, in suprema tamen, sive extrinsecus aspiceres, sive scalpello dissecares, alba inter carneam secundum longitudinem intercedente substantia, evidentissime divisum reperiebas. Contra in vervecibus duobus; cum in aliis aut simplicem, aut duplicem comperissem; superius quidem omnino unum, reliquo autem, eoque multo longiore, tractu aut sic satis dividere potui in duos, aut ab natura ipsa jam divisum per interjectam tendineo-membraneam substantiam inveni. Formam in vervece, cui simplex erat, spectatam, ejus satis similem vidi quæ in bobus paulo ante descripta est, crassiorem in medio, utrinque autem, sed multo minus superius extenuatam, ubi depressior quidem, sed vix angustior, nonnunquam etiam quasi in duos apices diduci visa est. In capella quoque, in qua, ut in porcis quatuor, unum reperi, altiore parte contrahi vidi, eoque contrahi magis, quo magis ascendebat. In summo ipso extremo fiebat ex carneo tendineus, idque extremum in ultimam offe palati oram infigebatur. In eandemque; aut certe in eam qua ipsa amicitur; membranam binos in cane tendines, unum sæpe in ovibus insertum comperi, & hunc sensim magis attenuatum, validum tamen, atque ut in vervece animadverti, longum pollicem transversum, & a parte oræ illius inferiore affixum; cum in bobus certe a parte altera affigatur, neque id prius, quam per faciem posticam ejusdem oræ quæ iis animantibus satis crassa est, & sursum atque antrorsum versus acclivis, quasi per tro-

(z) Vid. supra n. 19.  
(d) Epist. VIII. n. 2.

(a) Neurograph. l. I. c. 16.  
(e) Ibid. n. 1.

(b) VIII. n. 2.  
(f) Ibid. n. 2.

(c) Theaur. Anat. 2. Aff. 5 n. 6.



trochleam; ut in sæpius memorata Epistola (g) posui, se se inflexit.

27. Verum ex his quæ in bestiis observata habebam, tantum abest ut ad hominis anatonem) quod nonnulli videntur credere) quidquam traducere ausus sim; ne id quidem collegi, quod evidenter tamen, & satis tuto colligi potest, ut quoniam uvulam in iis non vidi, musculum vidi, hunc non uvulæ potissimum causa fuisse conditum, monerem, aut certe hujus in nobis utilitates ad uvulæ dumtaxat elevationem non esse contrahendas, sed ad exos quoque palatum extendendas; hoc enim si in bestiis movet; idem in nobis, sibi pariter annexum, cur non moveat? imo vero hinc conjicere fortasse licet, cujus consensus gratia frequens illa Salpingostaphylini Paris cohesio cum hoc musculo instituitur. Usus autem est nobis mobilis palati elevatione ad vocem inter loquendum modificandam, nedum ad cibum deglutiendum, aut ad facilius per os, quandocunque minus per nares licet, respirandum. Quæ ad omnia, aut profecto ad aliqua, bestiis quoque ejusdem partis elevatione, quoad earum structura patitur, opus esse, & res ipsæ commonstrant, & ex ossis earum palati inspectio confirmat. Exempli enim causa in bobus cur tam longus, tamque crassus Azygos musculus creatus esset, aut cur duplex in canibus, si inutilis jacere debuisset? Is vero non modo non jacet inutilis; sed quantum intelligere potui ex prægrandis canis dissectione, non aliis canes ad eam palati attollendam partem uti musculis videntur. Neque enim intra membranam quæ pars illa tota, angusta quidem, sed longa, comprehendatur, præter glandulosos confertos acinos, ex quibus potissimum constabat, quidquam invenire licuit quod esset præsertim musculosus; si duplicem Azygon excipias, & carneis ex fibris institam quæ e transverso jam propius infimum palati limbum, ab lateribus medium versus contendebat; ut cum hanc ad palatum deprimendum factam esse, censuisses; nullus alius præter Azygon musculus, qui attollere posset, relinqueretur. Attamen in prima hujus musculi descriptione, ex his quæ in bestiis adnotaveram quot omittere voluerim; non modo in usibus qui traduci ex illis ad homines poterant, traducendis quam caute, & si vis timide me gesserim, vides. Quæ cum ita sint; aut ipse me fallo, aut vicissim quosdam paulo cautius scripsisse oportebat cum alia; tum illa quæ me, si Superis placet, indicant, ex brutis animantibus, quasi his omnibus simplex sit, inconsulto ad homines, in quibus videlicet duplex sit, musculum Azygon transfutisse. Quod si quid fecissem, aut non fecissem, nemo poterat, mea non inspecta Epistola, satis scire; at quid tamen facere solitus essem, ex meis editis scriptis omnes poterant intelligere, quibus ex belluina anatomia non solum quidquam temere in humanam non invexi, sed plura, perperam, & sine justa atque accurata comparatione invecita, sustuli, eoque unde translata fuerant, rursus amandavi. Sciscitari etiam poterant, quando non aliquo in angulo, aut ad paucos forte annos, sed in Celeberrimi Gymnasii luce ad quartum jam lustrum, & quod excurrit, Anatonem profitemur; poterant, inquam, ex nostris Auditoribus, veris illis atque assiduis quorum aliqui Illustres Viri, & Publici Professores evaserunt, nulli certe necesse habuerunt alio se conferre, ut anatomicas discerent observationes; sciscitari, num unicum Azygon in hominum cadaveribus præclarissime non ostendamus. Interrogare demum poterant Amicos Venetos; neque enim potuisse omnes oblivisci, puto, cum Venetias primum advenissem ineunte anno 1707, Primis videlicet jam editis *Adversariis*, ipsi autem pro amicitia a me petissent, ut pleraque eorum quibus post Veslingii tempora Res Anatomica aucta esset, præsertim vero quæ aut paulo difficiliorum, aut minus obviam administrationem requirerent, demonstrarem, inter postrema non fuisse quæ Valsalva, & ego de pharynge, & uvula non ita pridem conscripseramus. Quippe in ædibus Jo. Antonii Benevoli apud quem Medici alii Experientissimi, nostrumque, & Anatomes quam egregiis postea Scriptis ornarunt, studiosissimi, ut quotidie ferme solebant fa-

*Morgagni Epistolæ Anatomicæ.*

cere, convenerant, cum alia quæ nunc memorare nihil attinet, tum præcipue quæcunque aut Valsalva Tractatus, aut mea ad ipsum Epistola (b) de uvulæ, & pharyngis musculis, in unum juncta complectebantur, & quod consequitur, musculi quem Azygon vocaveram, unitatem, diligenter instituta, absolutaque sectione universis inspectantibus ostendi. Quem musculum cum in humano quidem capite unum demonstrassem, mox eodem anno, iisdem in ædibus, iisdem Amicis duplicem in ovillis capitibus demonstravi, semel cum de structura cerebri quædam, iterum cum expeditam ostendissem rationem qua ad motum musculorum pertinet Stenonianum experimentum instituitur. Nemo igitur melius, quam Viri illi Doctissimi, testari poterat, quod ad ejus musculi in humano corpore unitatem attinet, neque mihi brutas animantes imposuisse, neque cuiquam in earum dissectione vel mediocriter versato imponere potuisse, cum (præter canes, qui nunquam simplicem) alterum insuper, maxime obvium Anatomicis, animalium genus, ovillum, sæpe, ita ut dixi, duplicem ferat.

28. Veri certe similis est ejusmodi animantium inspectionibus nonnullos eorum deceptos esse qui contra atque a nobis factum est, binos uvulæ peculiare musculos, eosque sine ullo dubitationis indicio, vel post nostra edita *Adversaria* Prima, non modo antea, tribuerunt. Nam antea quoque Vieussenum, & Dionisium reperio aliquem in hanc rem laborem impendisse, quem mei ingenii minime est dissimulare, imo contra, quamvis a cæteris qui post eos de humani corporis anatome scripserunt (credo quod in hoc talia non viderent) neglectum; & nunc propemodum obsoletum, in medium producere. Igitur Vieussenius (i), in tot aliis in mobili palato musculis agnoscendis adeo difficilis, ut eos universos ad carneas quasdam fibras contrahat, quas musculos columellam suspendentes esse, nonnulli, inquit, Anatomici crediderunt, facilis est in musculis duobus ponendis ab inferna ossis sphenoidis parte ortis, ex quibus, & glandulosa pituitaria membrana ipsa uvula confletur; hæc enim, inquit, e prædictæ membranæ productione in semetipsam contracta, & modo recensitos musculos obducente constat. Sed quoniam aliquis ob originem præsertim illam ab osse sphenoidis suspicari posset, nullos hic a Vieussenio, nisi Sphenostaphylinos musculos designari, quando nonnulli ante ipsum Anatomici, ut puta Antonius Molinettus (k) hos in corpus staphylis abire tradiderunt; Dionisii (l), verba, ad rem manifestius attinentia, proferamus. Uvula, inquit, composita est ex coalescentibus duobus musculis, qui ex nasi septo, seu Vomere proveniunt: Huic sursum attollendæ inserviunt: Si vero agere desinant isti musculi, proprio pondere deprimitur uvula. Atque ut intelligas, quanto hæc magis ad rem attineant; etsi latina versio ad istum prorsus modum se habeat; gallicum tamen autographum, ut quinta saltem editio repræsentat, ita esse reddendum scito, ut non tantum duobus musculis, sed duobus parvis musculis rotundis, hoc est teretibus, legamus. Quid autem magis ad nostrum Azygon, quam duo parvi teretes musculi coalescentes, accedat? Si qua sim fide, si quo verum amore prosequar, ignorares; fortasse mirari posses, a me uno & conquistis, & productas, & bono in lumine collocatas esse rationes, cur res quam mihi omnes semper æqui atque iniqui tribuerunt, negavit nemo, ea aliis potius adjudicanda esse videatur. Ego vero sic existimo, quantæcunque, nedum istiusmodi, inventionis laudem cum ingenuitatis laude nullo modo esse comparandam. Illius sæpe magnam partem sibi casus vindicat; hujus nullam: illa carere Anatomix Scriptor potest; hac non potest: tantumque abest ut jactatione, ostentatione, arte aliqua Anatomico uti liceat qua se se efferat, ignarisque rerum lectoribus imponat; ne silentio quidem licet: aut ille certe minime erit inter historicos recensendus, qui, ut sibi parcat, silere quidpiam & dissimulare nequaquam dubitat. Cæterum ut id mearum partium fuit; ita hoc vicissim est tuarum, candide ut judices; cum is musculus & duplex, & ab osse proveniens in obviis quibusdam bestiis inveniri soleat, in homine non soleat; uter in homine, de quo agitur,

N

inve-



invenisse credendus sit, num qui ut in bestiis, an qui ut in homine est, descripsit? Neque enim unum dixit, qui etsi coalescentes dixit, duos tamen posuit musculos teretes a Vomere provenientes, visusque est credere, ab horum demum conjunctione uvulam produci. Sic enim ait: *elle est composée de la réunion de deux petits muscles ronds qui viennent de la cloison du nez, ou du vomer.*

29. Sed in homine duo sint, an unus tantum, supra dictum est, ut hic iterare non attineat, neque sigillatim iis respondere qui post edita *Adversaria Prima* aut sibi aliter videri, indicarunt, aut diserte etiam animadverterunt, „ duos super uvulæ dorso musculos „ esse, ex quibus unum tantummodo faciat Morgagnus; aut „ duo carnea corpora componere corpus Uvulæ „ in quæ abeant tendineæ quædam fibræ ( sic enim Drakius (m) quod aliquando Valsalvæ quoque visum erat (n) sine ulla ponit dubitatione ) a tendinibus musculorum utriusque Tubæ descendentes. Verum is a quo Drakius pendere solebat, Cowperus non modo postea ejuscemodi fibras neque memoravit, neque ostendit; sed siquid ad Azygon referendum ostendit; unum certe, non duplex, corpus delineavit (o). Littrius vero (p), non vulgaris sane Anatomicus, cum duodecimo ab illorum *Adversariorum* editione anno diligenter describeret, ac, nisi quod extremæ ossæ palati oræ annexum esse, affirmavit, cætera quæ supra rutati sumus, quod musculus, quod satis carneus, quod fibris ductis in longitudinem compactus sit, doceret; de ejus duplicitate ne verbum quidem interjecit, sed unum, ut est, disertissime proposuit: quæ descriptio apud Cl. quoque Palfinium (q) legitur. Unum pariter proposuere Anatomici alii Solertissimi, atque Exercitatissimi, & in his Heisterus (r), & Cantius (s), a quibus est insuper delineatus: & quanquam ille in cadaver incidit cui prætenus obtigerat; hic tamen qui proportionem capitis in quo delineat, satis exigui, æquo ampliorem, & certe longiorem demonstravit, præclare poterat, siquam vidisset,

duplicitatem ostendere: cujus vero ne minimum quidem vestigium adumbravit. Et tamen longe major in plerisque est hac tempestate proclivitas ad plures ex uno musculo faciendos, quam tunc certe erat cum duo illi parvi muscoli sine ulla hæsitationis, aut difficultatis significatione a Dionisio propositi sunt; ut vel hinc conjici posse videatur, in nonnullis potius bestiarum generibus, quam in homine tunc esse conspectos. In hoc enim qui subtilius minimos etiam musculos his temporibus sunt rimati, Anatomici Præstantissimi multo aliter in hac Parte se gesserunt. Alter enim etsi humanum Azygon duplici quasi cylindro compingi animadverterit; tamen & quasi dicit, & in vastis, non in cæteris, corporibus dicit, & subjicit, uti nos sumus vidisse visi, & diserte docet, non ob id tamen, --- jure & recte inditum Azygos nomen esse commutandum, quum is vel unus revera sit, vel unius speciem exhibeat. Alter vero esse, ait, deux petits Cordons charnus très-collés ensemble, comme si ce n'étoit qu'un seul, cependant distingués dans quelques sujets par une ligne blanche très-subtile. Itaque cum in multo maxima, si recte intelligo, hominum parte ne tenuissima quidem linea distinctos agnoscit, tum vero universe summam utriusque inter se conjunctionem, quam arctissimam vocat conglutinationem, fatetur. Ego ut lineolam illam non quandoque exterius vidi, interius quoque productam inveni; sic parallelos carneos fascies quos usque adeo inter se natura connectat, si duos in musculos dividam, nihil video esse causæ, cur multo laxius conjunctos in musculis præsertim majoribus dividendo, ex singulis musculis prope innumeros jam facere musculos non aggrediar. Nos vero quotiescunque res posthac fuerit arbitrii nostri, in tot incrementis Anatomiae laborantem discentium memoriam non modo inutilibus, sed ne minus quidem necessariis, partitionibus onerabimus. Verum de Musculis Uvulæ satis superque dictum est. Sequitur, ut de reliquæ Pharyngis Musculis sermonem instituamus. Hunc autem in proximis litteras rejiciemus. Vale.

## EPISTOLA ANATOMICA XI.

*Speciat ad omnes Musculos Pharyngis reliquæ, & ad continuatum Oesophagum.*

Uvulæ Musculis superiore Epistola recognitis, proximum est, ut de reliquæ Pharyngis Musculis videamus. Ex his Valsalva post illud Par, de quo satis ad teisdem litteris (a) scripsimus, Stylopharyngæum; alterum continuo subjecit, quod Glossopharyngæum vocabat. Hujus originem Paris, Falloppio nostro (b) haud prorsus incognitam, qui, ut hic omittam linguæ Par quartum, hoc est Stylopharyngæum, certe & Faucium tertium, hoc est Cephalopharyngæum aliquando in radicem usque lingue perduxit; originem, inquam, fibrarum ab linguæ radice ad pharyngem pertinentium revera Cowperus (c) ante Valsalvam proposuerat. Sed facilis hujus adversus Drakium (d) est excusatio nobis præsertim qui testari possumus, nullum, antequam scriberet, Cowperi librum vidisse. Utinam æque facilis excusatio esset, quod ne eas quidem vidisse se, ostenderit, carnearum fibrarum series, de quibus, ante Drakium, ad illum scripsimus (e), non a Pterygoide tantum processu, sed & a vicina maxilla enatas, ac pharyngis partem superiorem tenentes. Quas si attendisset; nemo est qui non videat, non eam pharyngis partem quæ ab iis seriebus occupatur, sed ea satis inferiorem sedem Glossopharyngæis musculis attributum fuisse, ad eum fere modum ad quem postea a Cowpero (f), & magis a Cantio (g) factum conspeximus. Cæterum quid in causa fuerit, ne illas attenderet; infra ubi de ipsis verba fient, quæremus. Hic in ejus laudem non est reticendum, multo ante

quam istæ eorum Anatomicorum delineationes prodirent, sua ipsum manu in editis ab se Tabulis V. & VI. illas duas fibrarum series supra musculos Glossopharyngæos addidisse. Præter hoc additamentum; quod ad hos musculos attineat vix aliquid in schedis reliquit. Scilicet in eadem hærens sphincteris specie de qua a nobis in superiore Epistola (b) indicatum est, crediderat primum, se fibras carneas interdum vidisse ab his ipsis musculis ad sphincteris similitudinem supra uvulam usque promissas. Sensit deinde id quod mihi quoque dixisse memini, eam speciem non in omnibus luculenter occurrere. Postremo ut se res omnino haberet, ipsum quoque agnovisse, crediderim; cum plura in schedis non adnotaverit. Mihi vero indicatas Cowperi, & Cantii Tabulas inspicienti, aliter quæ ipsi, ac quæ ego fecui, videntur cadavera se habuisse. Nam; ut alia nunc mittam; Glossopharyngæum Par memini vidisse minus confertis fibris instructum, & certe multo minus quam Cowperus pingat, latos per pharyngem musculos efficientibus, neque præterea suum omnem cursum per pharyngis tergum tam perspicue ostendentibus, in quo etiam, ne Valsalvam quidem apud Diligentissimum Santorinum (i) excusari a me posse, credo. Vicissim non a superiori, quod Cantius (k) ait, sed, quod Valsalva, ab inferiori linguæ parte hos enasci musculos vidi: horumque fibris, quod ab nemine adhuc propositum est, Stylopharyngæos, aliquando saltem, a tergo exceptos; de quibus protinus est scribendum.

2. Ex

(m) Anthropol. book 3. ch. 14.

(n) supra n. 19.

(o) Myot. Ref. Tab. 28 Fig. 2. ad H.

(p) Mem. de l'Acad. R. des Sc. A. 1718.

(q) Anat. du corps hum. Part. 2. tr. 4. ch. 19.

(r) Comp. Anat. n. 316. & Fig. 38.

(s) Impet. Anat. Tab. 3. Fig. 2.

(t) X. n. 18. & præced.

(b) Obs. Anat. (c) Myot. Edit. 1. ch. 16.

(d) Anthropol. book 1. ch. 9.

(e) Epist. VIII. n. 6.

(f) Myot. Edit. 11. Tab. 28. Fig. 3.

(g) Impet. Anat. Tab. 3. Fig. 1.

(h) n. 17.

(i) Obs. Anat. c. 7. n. 6.

(k) Explic. Fig. cit.



2. Ex quo Falloppius in *Anatomicis Observationibus* indicavit, quosdam Faucium musculos a Galeno, & Oribasio fuisse descriptos, Laurentius autem in *Hist. Anat. hum. corp.* libro V. capite, non ut semel, atque iterum Cowperus (1) scripsit, IX. sed XIX. unum addidit Avicennam; neque Bauhinus (m), qui hæc ante Cowperum adnotaverat, nec Cowperus ipse, nec alius, quod sciam, conatus est, qui fuerint ii musculi indagare, rei difficultate non secus ac Falloppius, & Laurentius, fortasse absteritus. Attamen cum ad Anatomiam Historiam pertineat, quid cui sigillatim acceptum sit referendum, docere; ipsa, opinor, difficultas magis eos incitare debet qui me magis adjumentis quæ infra dicam, instructi sint, ad hæc sedulo perquirenda. Principio illud videtur ponendum, cum Galenus (n) *Musculos* dixit *Pharyngis*, aut qui in *Pharynge* sunt, sive; ut alibi (o), in *faucibus*, nequaquam Thyropharyngæos significasse, tum ob alias causas, in quibus non ultima est quæ ex alia ad te nostra Epistola (p) colligi potest, ubi luculenter ostensum est, Thyropharyngæos non in pharynge, ut ipse intelligebat, sed infra pharyngem in gula statuisse, tum ob hanc quoque rationem, quod cum in libro de *Musculorum Dissectione* Thyropharyngæos paulo ante (q) inter laryngis musculos descripsisset a posterioribus scutiformis cartilaginis extremitatibus utrinque unum exorientes, gule insertos, ipsam perinde ac sphincteres, id est adstrictores, comprehendentes: horumque officium esse cartilaginem cogere atque adstringere, docuisset; non debuit sane, vix tribus interjectis capitibus, in libro præsertim satis presse conscripto eisdem iterum musculos proponere (r), nec; si etiam debuisset; verbo saltem non admonere, eisdem esse quos supra descripsisset, neque postremo ad hunc modum describere: in *faucibus musculus utrinque unus habetur, tunc munere suo fungens cum vox editur, aut deglutitio fit. Horum duorum musculorum caput prope eos musculos situm est, qui ab inferioribus partibus in lingue latera ascendunt.* Hos igitur non esse Thyropharyngæos, videtur existimandum. Proposita autem origo ut Thyropharyngæis non convenit, sic quibus conveniat pharyngis musculis, quærendum est. Illa enim præcipuum *κρίπτηριον* est quo ad istos musculos vestigandos utamur. Ipsam uni Galeno debemus; cum Oribasius (s), cum Haly, cujus verba ubi de Glossostaphylino Pari agebamus, superiore Epistola (t) retulimus, cum denique Avicenna (u), cætera ferme exscribentes, omiserint. Et quanquam Haly nomen quo arabice vocitantur, addiderit, Avicenna autem hos esse *duos musculos amygdalarum* diserte scribere videatur; tamen vereor, ne lucis quidquam inde repetere possimus. Cum enim Medici sua ætate Doctissimi Nicolai Leonici capita quædam (x) inspecio adeos horum intelligendos Auctorum locos haud inutilia, quibus capitibus Patronum, quem vocat, Plinii perstringit, hoc est, ut collatis locis apparet, contemporaneum Anatomicum Alexandrum Benedictum; sicut imperitiam eorum perspicio qui nobis utrumque illum Arabum latinum fecerant, sic aliter ab eruditissimo Viro utriusque locum produci video. Veruntamen qui arabice sciunt, quid ex propriis Auctorum illorum verbis erui in hanc rem possit; si quid tamen potest; existimabunt. Certe Zerbus (y) in Avicenna haud aliter quam Leonicens, in Haly autem etiam aliter quam ipse, nedum cæteri, videtur legisse. Itaque ad notam illam Galenicæ originis redeunt, aut Stylopharyngæos, aut Hyopharyngæos musculos designatos esse, suspicamur, certiora ab iis expectantes quibus secundarum simiarum copia est, quando Galenus (z) in hoc quidem libro se *Musculos*, ut sunt in simia, describere, non semel testatur: quamobrem hos de quibus quæritur, musculos prope eos nasci, docet, *qui ab inferioribus partibus in lingue latera ascendunt*, hoc est, ut ante (a) ostenderat, qui ab humilioribus quibusdam hyoidis ossis partibus, aliter in simia, ac in nobis facti, provenientes, in lingue latera inter eos

Morgagni Epistola Anatomica.

qui *mediam lingue regionem* obtinent, & eos qui Styloglossi nunc vocantur, se inserunt; ut quosdam, Ceratoglossis insertionem respondentem, videatur significare. Jam vero si anatomicæ conjecturæ est locus; qui pharyngis musculi origine sunt his, quam Hyopharyngæi, propiores? Vide, quæso, in Eustachii Tabula XLI. Figuras quas infra (b) hac in parte interpretabimur, VIII. & XI., fortasse ad hunc Galeni illustrandum locum, ut tot alias, ab Auctore doctissimo appropinquatas: quid mihi velim, continuo intelliges. Sed quia non dubito fore, quin tu quoque hæreas in illo munere quod Galenus non in deglutendo solum, verum etiam cum vox editur, suis musculis adscripsit, Hyopharyngæis adjudicando; idcirco age videamus, num verisimilius sit, Stylopharyngæos a Galeno esse designatos, quos certe non in pharyngem modo, sed & in laryngem inferi, manifestum est. Hi, si ut in aliis quadrupedibus a me inventos esse, memini, ita in simia pariter non ab Styloformibus, sed ab hyoidis ossis processibus nascerentur; fieri posse, vides ut prope Ceratoglossos suam originem haberent. Nec vero quia Parisienses Academici Diligentissimi (c) testantur, se in Cercopithecis vidisse illos tres valde graciles musculos, qui capiunt originem suam ex osse styloide; idcirco nobis hæc conjectura prius abjicienda est, quam in veræ simiæ anatomia multum a cercopitheco, ut Coiterus (d), aliique jam olim animadverterunt, discrepantis, idem quoque comperiri, sciamus. Quod si reapse sic habebit, tunc profecto de Stylopharyngæis non erit amplius cogitandum; multo autem magis mirandum, Galenum, cæterosque, in ejusmodi animantis sectionibus maximopere exercitatos, cum de tribus illis musculis qui a Styloformi processu simul descendunt, unum vidissent ad linguam, alterum ad os hyoides pertinere; tertius quo pergeret, non vidisse.

3. Quanquam ne Falloppius quidem (e), a quo nemo dubitat, tertium hunc musculum fuisse descriptum, quo pertineret, satis vidit. Nam etsi inter faucium quoque musculos retulit; non tamen his inferi, docuit, sed scutiformi laryngis cartilagini; ac hyoidis lateribus, necnon & extremæ lingue, quas partes retrorsum ac sursum attrahere, eoque, ut videtur, nomine, *fauces in deglutendo constringere*, existimavit. Neque aliter tradiderunt qui Falloppio olim succedere Anatomici, non illi modo quos in Epistola ad Valsalvam (f) nominavi, sed & alii quos postea animadverti, in hisque Felix Platerus (g), & Vidus Vidius (h): quorum hic tamen neque probasse, neque, ut Laurentius, qui omisit, improbasse videri posset; nisi delineationem (i) (eamque, ut verum fatear, satis infelicem) addere conatus esset. At vicissim qui post Riolanum, & Veslingium scripserunt, utrumque horum (k) in historia, & in usu dilatandæ pharyngis secuti, ut insertionem in hujus latera se vidisse, ita veteres illas (mitto in linguam, quam insertionem semper minus intelligo cur Falloppius memoraverit) in thyroidem cartilaginem, & os hyoides non vidisse, commonstrarunt. Unum tamen, quantum ad hoc tempus invenire potui, excipere oportet Brownium (l): qui; ut intelligas, non in cadaveribus, sed in vetere quopiam libro vidisse; ita illas omnes posuit, ut insertionem in pharyngem omiserit. Quam obrem, aliasque præterea, mirum non est, si perinde ac ea non scripsisset, cæteri porro, atque adeo ipse etiam Valsalva perrexerit antiquas illas in id os, in eamque cartilaginem insertiones prætermittere. Quas a me demum in humanis corporibus animadversas cum in Epistola ad eundem scripta (m) restituere, novo insuper addito usu, conatus essem, & in *Adversariis* deinceps I. (n), & II. (o) commemorassem; nunc quid ipse primum, deinde quid alii Anatomici de iis censuerint, videndum est.

4. Valsalva cum ad hæc quærenda haud paucis cadaveribus uteretur, id quoque unde placet initium ducere, in uno eorum animadvertit, binos utrinque musculos Stylopharyngæos, superiorem, & inferiorem, sic tamen

N 2

ut hic

(1) Myot. Ed. utraq. c. 16. (m) Theatr. Anat. l. 3. c. 86. (n) De Mot. Muscul. l. 1. c. 3. (o) De Musc. Dissect. c. 15.  
(p) IX. n. 2. (q) c. xi. (r) c. 15. (s) Collector. Medic. l. 25. c. 38. (t) X. n. xi. (u) Canon. l. 1. Fen. 1. Doctr. 5. c. 12.  
(x) De Plin. Error. l. 3. c. 26. & proxim. (y) Anat. tot. corp. hum. ubi de gutture, & de gargar. (z) c. 1. & 14.  
(a) c. 13. & 14. (b) n. 5. (c) apud Valentin. Amphit. Zoot. Sect. 34. (d) Analog. off. hum. & sim. (e) Obs. Anat.  
(f) VIII. n. 5. (g) De corp. hum. struct. l. 1. ubi de Musc. Lingu. (h) De Anat. corp. hum. l. 4. c. 4. (i) Fig. 12. Tab. 36.  
(k) Anthropogr. l. 5. c. 19. & Synt. Anat. c. 3. (l) Myogr. Præl. 3. (m) VIII. n. 5. (n) n. 8. (o) Animad. 14.



ut hic revera a processu Styloide, ille a parte ossea Eustachianæ Tubæ exoriretur. Eadem in scheda adnotavit, a processu illo humiliter nasci Styloglossum, altius atque ad basim, Stylohyoidæum, & Stylopharyngæum. Cæterum de huius musculi progressu, & insertionibus hæc observavit: cum pharyngem subit, jungeretur se Staphylopharyngæo, & simul cum ipso descendere; ut unum musculum componere, & in superiora cartilaginis scutiformis se insertum ire videatur. & alibi: fibras mittere etiam superiorem versus pharyngis partem: productionem musculosam teretem ad superiorem memoratæ cartilaginis processum aliquando mittere; alias non mittere: secundum minorem sui partem ferri marginem versus ejus cartilaginis interiorem, istique simul jungi fibras Staphylopharyngæi: mittere fibrarum suarum partem, sed non semper, ad os hyoides, reliquas ad Staphylopharyngæum: uno in cadavere ab altero quidem latere fibrarum partem junctam habuisse cum iis fibris Hyopharyngæi quæ ad cartilagineas illius ossis appendiculas feruntur; sed ab altero latere nullas illuc fibras misisse; omnes cum Staphylopharyngæo conjunxisse. Igitur, sic denique statuebat, Stylopharyngæi implantationem in osse hyoide, & in thyroide cartilagine, quamvis interdum a se observatam, cum perpetua non esset, non subsistere.

5. Cum de hoc ita constituisset; ecce tibi Eustachianæ Tabulæ in lucem proferuntur: quarum cum XLI. inspexisset, hæc adnotavit: *Consideretur Figura XI. in qua apparet delineatus Musculus Hyopharyngæus exacte, necnon insertiones musculi Stylopharyngæi in Hyoide, & Scutiformem, prout advertit in sua ad me Epistola D. Morgagnus: quod consideretur.* Et sane Eustachius in ea Figura, separato, qui in VIII. sua in sede erat, Thyropharyngæo, & ad latera reducto 79. 16., Hyopharyngæo autem 76. 15. luculentius reducto, sub hoc etiam progressum Stylopharyngæi ab 72. 15. ad 79. 14. sic intelligendum proponit, ut quod in mea super iis Tabulis Epistola animo prospexeram fore; Valsalva statim ex ea Figura agnoverit lubens, cum nonnulla alia, ut puta Hyopharyngæum, tum nominatim illam a me restitutam Stylopharyngæi musculi in cornua ossis hyoidis, & in supernam oram scutiformis cartilaginis implantationem fuisse ab Eustachio subindicatam. Hoc autem verbo de industria usus sum propterea quia insertio ista non ita certe in illa cornua, ut in hanc oram indicatur. Cæterum ut ea fortasse Eustachiana Figura Valsalvam; ita me non ea modo, verum etiam IV. & VI. in proxima quæ sequitur Tabula, ad meas veteres inspiciendas, & novas instituendas observationes permoverunt, cum in illis omnibus Iconismis Eustachium constanter viderem musculi Stylopharyngæi fibras, & carneas quidem in parte, in latera quoque scutiformis cartilaginis produxisse; apparet enim huius alterum latum non obscure in memorato VI. a 47. 40. ad 56. 42. ab eaque etiam parte conjunctio illa 43. 41. huiusce musculi cum Staphylopharyngæo de qua supra (p) ex Valsalvæ observatione relatum est. Et Valsalva quidem eo fortasse tempore constituit ad suas Tabulas separatam Figuram addere totius Stylopharyngæi, quam in tergo Tabulæ V. sua ipse manu adumbravit rudibus quidem lineis, sed tamen satis perspicuis ob adjunctas præsertim litteras, & litterarum explicationem. Ex eo autem musculo interiores fibras, easque longe plures, deflexas demissasque in pharyngem ostendit. Hæc, inquit, *desinunt in Pharyngem.* Tum exteriores, easdemque pauciores, ab harum denique societate diremptas quasi in fasciculum monstrat, qui mox, brevi emenso tractu, se se explicat. Sic explicatarum fibrarum superiores esse, dicit, *quæ inseruntur in utraque parte processus superioris thyroididis cartilaginis,* inferiores autem illas esse *quæ inseruntur in margine laterali interiori per totam altitudinem cartilaginis; sed omnes hæc fibræ sunt,* inquit, *admodum tenues.*

6. Ego vero meas illas veteres observationes revolvens, comperi in tribus primis vidisse me ejusdem musculi fibras, bis tendineas, semel carneas, in supernam illius cartilaginis oram ab interiore parte, prope processum infixas, sed multo plures, easque carneas, partim in eundem processum, partim vero in subjacentem

huic processui oram cartilaginis lateralem insertas, sic ut semel in alterum solum processum, bis in utrumque (superiorem intelligo) semel ab exteriori, bis ab interiore nunc tota, nunc fere tota facie, pariterque semel in omnem lateralem oram, bis in magnam huius partem, ab interiore omnes, nisi quod semel superiores ab exteriori facie, deflexas invenerim. His aliisque ejusmodi observationibus (neque enim omnes aut chartæ mandasse, aut mandatas servasse credo) permotus, non solum in eadem scheda quam superioribus ad te litteris (q) scripsi cum imagine musculi uvulæ sine pari a me olim Viçt. Franc. Stancario traditam, carneam hanc musculi etiam *Stylopharyngæi in latus Thyroididis* cartilaginis insertionem delineavi, atque explicavi; verum insuper in Tabula quam ad mea in uvula, & pharynge commonstranda inventa pro *Adversariis* I. mea ipse, ut cæteras, priusquam Pictor, manu adumbraveram, diligentius expressi: in utraque tamen ea pars musculi quæ in superiorem Thyroididis cartilaginis processum, & lateralem oram se inserit, luculenter spectatur acuti anguli forma, hinc recta cartilaginis, inde nonnihil incurva musculi ad insertionem descendens linea comprehensi. Iis respondebant imaginibus verba hæc quæ ex 8. eorum *Adversariorum* articulo, ut a primo scripseram, hic tibi describere non gravabor, qualia, cum illis delineationibus, quodcumque volueris, in primo illo autographo ostendam: „ Par musculorum Stylopharyngæum simul atque pharyngem attigit, huicque di- „ midiam circiter villorum suorum partem utrinque „ immisit, reliqua parte deorsum properans, sub pro- „ ductionibus subit eorum musculorum quos Hyopharyngæos, & Thyropharyngæos appellare maluit Cl. „ Sodalis noster Valsalva, donec gemina insertionem „ Scutiformem cartilaginem assequatur. Namque in „ oram huius supernam prope ejusdem processus in- „ figit validam in quam ex parte abit, membranam, „ sive mavis tendinem membranaceum, per quem etiam „ contiguus Hyoidis ossis cornibus innecti videtur. „ Sed altera insertio longe est insignior; majorem enim „ fibrarum carnearum partem in pene totas laterales „ cartilaginis oras, plerumque etiam in superiores „ ejusdem processus defigit. „ Paulo autem inferius cum quæ Fallopius de prima illa insertionem in Observationibus olim tradiderat, ut forte interea deprehenderam, addidissim; hæc subiciebam: „ Verum, „ ut perspicere omnibus in promptu est, primam „ ibi musculorum horum insertionem Fallopius descripsit; secundam non descripsit. Quare sicuti „ exercitissimo huic, summoque Anatomico membranam illam insertionem, quod æquum piumque „ est, deferendam esse, dico, sic non mediocriter miror, quod insertionem istam alteram carneam, & „ longe majorem non cognoverit, aut certe non potuerit. „

7. Quæ ergo, inquis, causa fuit cur istam ipsam in Epistola ad Valsalvam insertionem omiseris, cum priorem illam retineres, imo, quod ad os hyoides attinet, magis diserte confirmares? Eo libentius dicam, quod de re dumtaxat hic agitur; non de rei ipsius inventionem, quam tantum abest ut arrogare mihi velim; jam olim ab Eustachio occupatam fuisse, non ego quidem dissimulavi; imo quibus in Tabulis, quibus in Figuris id fecerit, cum filere possem, ultro admonui (r): quæ si tunc extitissent; non facile fuisset in tam opportuno loco eam insertionem prætermisurus. Igitur quid primum observassem, ex iis quæ protuli, satis intelligis. Mox vero alias habui observationes, quarum tres adhuc servo, scriptas post illas priores: in iis accidit, ut primam illam tendineam insertionem semper, & quod ad os hyoides spectat, vel clarius conspexerim; alteram videre non potuerim, aut quod, ut tunc quidem adnotatum reliqui, nulla fuerit, aut quod non ita conspicua, aut etiam, si mavis, quod Staphylopharyngæi insertio, quam semper in cartilaginis latera præclare vidi, hanc alteram, sibi a tergo proximam obscuraverit, cum ipsaque ut confunderem, fortasse fecerit: quamquam ut revera hanc deesse aliquando, credam, cum meis consentientes Valsalvæ observationes impel-



pellunt, qui, ut supra vidimus (f), interdum quidem a se observatam, sed perpetuam non esse, scripsit; ut de iis fileam quas post inspectas Eustachii Tabulas iteravi; nonnunquam enim illuc usque deductas Stylopharyngæi fibras videre non potui. Quid igitur facerem eo potissimum tempore quo primum in manus hominum anatomici aliquid eram emissurus? Num me Falloppio, tanti nominis Professore, aut diligentior, aut sagacior existimare auderem in re præsertim quam cum perpetuam non invenirem, ob id ipsum neglectam ab illo credere possem, & prætermissem? in re, inquam, cujus vestigium nullum apud cæteros Anatomicos, quos Falloppio opponerem, invenirem? Quod si tum forte Eustachianæ Tabulæ vulgatæ essent; mihi animum profecto addidissent ad rem aut pertinacius quærendam, aut in tertia saltem *Adversariorum* eorum parte, in qua inter discrepantes aliorum observationes, meas non reticui, commemorandam. Feci igitur quod cautius esse, & quod mihi magis tum convenire visum est, ut ex iis quæ ad Falloppii observationem spectarent, id quod non semper responderet, omitterem; quod semper, retinerem. Quamobrem cum in bobus quidem semper majorem istam in cartilaginis latus (non in superiorem etiam processum) insertionem invenirem, itemque in iis quas eo tempore secui, ovibus, in hisquidem tendineam, in bobus autem ita carneam, ut in supernam quoque cartilaginis oram carneæ fibræ, non tendineæ, defigerentur, in hominibus vero in hac quidem ora, & in osse hyoide semper, non semper in lateribus cartilaginis, insertionem viderem; illa dumtaxat omnia in Epistola ad Valsalvam commemoravi; reliqua, & multo magis Tabulam, postquam ipsum intellexi de novis apparandis Iconibus cogitationem suscepisse, in aliud tempus rejeci. Sed quoniam ex ejus schedis cognovi, insertionem in os hyoides non semper, in supremam autem cartilaginis oram, si ex ejus silentio judicandum est, nunquam ipsum comperisse; idcirco tanto mihi diligentius de his quæ perpetua existimaveram, iterum, ac sæpius quærendum esse, constitui: quanquam mirabar, quod ad os hyoides attinet, unde fieri potuisset, ut quam insertionem in bobus non videram, eam in hominibus viderem, si in his pariter atque in bobus defuisset.

8. Me autem juvat hoc loco Valsalvam imitari, qui de hujus duplicitate, & origine musculi quædam (t) inter suas observationes reliquit: idque eo magis juvat, quod si hinc meas exponere incipiam, eundem quem in habendis secutus sum, ordinem conservabo. Nimirum ne qui forte aliunde profecti fibrarum fasciculi imponerent, sed ut certo scirem, quas observarem insertiones, eas ad nullum alium musculum, quam ad Stylopharyngæum, spectare; jam inde ab initio consuevi primum omnium hujus originem musculi inspicere, ab eaque incipiendo, sensim ad insertionis usque locum aciem oculorum, & cultri transferre, solícite cavens, ne quæ mihi aliæ toto eo tractu fucum facerent carneæ fibræ; sæpe etiam, ut id facilius caverem, Styliformem processum ab sede abrumpens sua, & annexum musculo ad observationis usque finem relinquens. Cum hæc facerem; vidi, quotiescunque animum adverti, sane verum scripsisse Falloppium (u), cum ab interna processus illius facie oriri musculum, docuit; num vero cum etiam *gracilem admodum*, sive *acutum*, ut Cowperus in priore Myotomiæ Editione (x) scripsit; in altera enim id sustulit, *rotundum*, & *carneum* relinquens; non æque affirmare possum, qui non æque animadverterim: in eo tamen quod nuper dissecui, capite, profecto angustus & tendineus nascebatur. Locum autem ipsum unde exoritur, & sæpius quæsi, & semper conspexi, non Styloglossi tantum, sed & Stylohyoidæi origine altiore; ut nonnunquam a proximo etiam osse, non modo ab summa extantis processus particula incipere videretur.

9. Inde autem profectus, & ad pharyngem deductus, tantum abest ut eo perveniat quo Cowperus non tam in addita Myotomiæ I. Edition. Figura VI. maxima ex parte indicavit, quam diserte in utraque pariter

Editione (y) omnino docuit (quæ res satis a me alibi (z), & ab Humanissimo Cantio (a) notata est) ne majorem quidem semper fibrarum suarum partem pharyngi impertitur. Impertitur utique aliquando, ut in cadavere a me Bononiæ dissecto, cujus in Epistola ad Valsalvam (b) mentionem feci, tribus utrinque Stylopharyngæis prædito, quorum in pharynge quatuor subsistebant, duo ad os hyoides, & scutiformem cartilaginem tendineæ facti producebantur. Contra alias se se res habet, ut in Sene Patavino, in quo cum ab sinistro dumtaxat latere; nam ab dextero unus fuit; duos invenissem; exterior, qui major erat, in id os, in eamque cartilaginem tendineus a superiore quidem parte, carneus a proximi ejusdem cartilaginis processus subjectæque huic oræ interno latere defigebatur, interior solus idemque minor, qui non ab Styliformi processu, sed ab osse internæ hujus faciei vicino proveniebat, intra pharyngem definebat. Est etiam cum dimidia fere pars musculi in illas insertiones, altera in pharyngem impenditur. Ex hac autem parte et si explicantes se fibræ posteriora versus pharyngis deflectant; sunt tamen aliæ quæ alio contendere, nonnullæ etiam quæ ad superiora pharyngis pertinere, nonnullæ quæ & extra ipsam, linguam versus mihi olim ferri visæ sunt: quas tamen sive ad Stylopharyngæum musculum, sive alio, quod non tam facile concederem, ipse malis attinuisse; nihil est causæ cur in tam paucis fibris moremur, præsertim quando non has ad linguam deduxisse Falloppium (c) hujus verba indicant, sed eundem in quem musculus *desinit*, *membraneum veluti tendinem*, qui *primæ*, inquit, *laryngis cartilagini, ac hyoidis lateribus, necnon & extremæ lingue inseritur*. Et mihi quidem videtur Falloppius quidquid carnearum hujus musculi fibrarum alio defleceret, neglexisse, sive eas a tertio amplissimo, quem descripsit, faucium musculo distinguere noluisse, ut sub eo se se non modo occultentes, verum etiam partim disjicientes, partim cum aliis fibris jungentes (quo posito facile esset id intelligere quod tamen & alia ratione infra (d) declarabimus, quomodo eum quoque musculum tertium in scutiformem cartilaginem inferuerit) cæteras autem quarti hujus fibras, quas recta, hoc est non alio declinantes, neque aliis comites se dantes, sed simul junctas ab origine in simplicem tendinem illum membraneum ferri, conspexit, has vero potissimum videtur ad hunc quo de agitur, musculum sibi referendas censuisse; recte, an secus, minus severe est a nobis judicandum in tanto Rei Anatomicæ Doctore, quem rerum magnarum nova copia tunc obruebat, & magis de contrahendis, quam de amplificandis earum partitionibus, & descriptionibus sollicitum reddebat: neque enim paucas ille, & minutas spicas, quod nobis ingenue fatendum est, sed uberrimam quandam & beatam messem habebat, in qua colligenda minus, quam nos, esse anxium, atque adeo interdum etiam, si vis, negligentem, neque ita dedecebat, & in parte necessæ erat.

10. Verum ut ad ejus membraneum tendinem, measque observationes revertar; quemadmodum in hunc eas fibras ab Styliformi usque processu deductas spectavi, sic ipsum & ossis hyoidis, cornibus, & scutiformi cartilagini annexum vidi; huic quidem ad eum locum (nam Falloppius non indicaverat) quem in Epistola (e) demonstravi; illis autem, ut diligentius nonnunquam animadverti, aut ad superiorem, & fere mediam ipsorum partem, aut ad faciem anteriorem; huic enim inflexam ex itinere sui productionem inferebat. Ex undecim autem cadaveribus in quibus hæc continenter quærivimus, vix unum quod in quo res paulo obscurior sit visa; nec tamen quod ad os hyoides tantum, sed etiam quod ad cartilaginem attineret. Quin haud ita raro vel manifestior fuit in osse insertio: cui semel quoque fere adhuc carneum annexi huic musculum vidi a parte cornuum interiore. Sed plerumque firma & valens membrana est, sive *membraneus*, ut egregie Falloppius loquitur, *veluti tendo*, quem musculus deorsum per faciem externam interioris pharyngis tunicæ qua hæc lateribus summæ Epigl-

(f) n. 4. (t) Ibid. (u) Obs. Anat. (x) ch. 16. (y) eod. cap. (z) Advers. II. Animad. 18.

(a) Imper. Anat. Tab. 3. Fig. 2. (b) VIII. n. 5. (c) Obs. cit. (d) n. 12. (e) VIII. n. 5.



glottidis respondet, promittit denique ad eam utramque partem, cui, sæpius diximus, annecti: quod & musculi ipsius directio indicat, & si hunc sursum trahas, continuo assurgens tendo commonstrat; ut nulla non tantum nobis, sed neque aliis, & nominatim Professoribus Exercitatis Jo. Bapt. Vulpio, & Nicolao Mediavia; quibus jam pridem hæc ostendimus, ut per se quoque experirentur, curantes; de hac re dubitatio superfit.

11. Valsalva igitur, qui tamen interdum hanc in offe hyoide insertionem ab se visam fatebatur, cum ejusdem nobis sæpius ac diligentius quærendæ occasionem præbuisset, effecit hic quoque, ut neque nova, neque non satis explorata acciderent quæ postea adversus ejusmodi insertiones apud Cantium (f) primum, deinde ex parte apud Cl. alium Scriptorem legimus. Quorum nos ut solertiam, industriamque laudamus, sic non inficiamur observationes: tantum quid nobis, & qua cura ac ratione observantibus se se obtulerit, non reticemus. Insuper, quod ad Cantium attinet, confitemur, si nobis quoque id quod ipsi, accidisset, ut in cadaver incideremus in quo is musculus *Mylopharyngæo*, & *Glossopharyngæo* quam maxime infereretur, & fere penitus in istos evanescere videretur; non facile futurum fuisse, ut illum ad os hyoides, & scutiformem cartilagineum perduceremus. Sed neque id magis mirum fuisset, quam insolita quæpiam in animalium corporibus nonnunquam inveniri. Quod vero alii interea de his insertionibus siluerint Anatomici, minus sane mirandum est, dum pauci non imprudenter assensum cohibent ab rebus indicatis magis, quam descriptis, iisdemque, nemine respondente, in dubium vocatis; reliqui propositos sibi libros describunt. Vir tamen Gravissimus Winslowius (g) in ea quam supra laudavimus, Eustachianæ Tabulæ XXXI. Figura XI. agnoscere non dubitat, portio, nem inferiori Stylo-Pharyngæi annexam ex parte, te ad Cartilagineum Thyroidem, & parva ex parte ad Cornu Offis Hyoidis., Drakius vero (h), & Cowperus (i) quendam potius a Stylopharyngæo distinctum musculum ab Styloide quidem processu, sed in appendices cartilagineas offis hyoidis sæpe descendere, scripserunt. Hunc ego; nisi forte pro gemino Stylohyoidæo, ut Præcl. Santorinus (k) aliquando acceperim; non memini animadvertisse. Animadverti quidem, cum musculos ab illo processu enatos in Patavino præsertim de quo ante (l) dictum est, Sene diligentius in sua quemque sede inspectarem, sic satis latum, & validum ligamentum, cuius quoque si recte intelligo, idem meminit Anatomicus (m), parallelis, & quasi tendineis fibris compactum quod inter eum processum, & imum inferioris maxillæ vicinum angulum interjiciebatur, cuius mentionem quo in loco ab Riolano factam viderim; nam factam utique vidisse videor; in præsentia non recordor: Cowperus quidem (n) hoc in nonnullis cadaveribus esse tantummodo ligamentum, in aliis autem musculum parvum, admonuit. Sed nondum illud animadverti ligamentum quod in ipsa sede offis hyoidis apud Eustachium Tabula XXXIII. (o), Sculptoris fortasse incuria, delineatum videri potest. Mihi certe & rem ipsam attendenti, & Figuras aliquot Tabulæ XXXI. cum ea Tabula comparanti magna potius suspicio est, in ea quoque os hyoides, sed cornu a basi minus accurate distincto, representari potius, quam ligamentum; ut Viris aliqui Præstantissimis Lancisio (p), & Valsalvæ videbatur.

12. Huic quoque visum esse (ut ad proximum Par musculorum transeamus) huic, inquam, visum esse; non mihi; Hyopharyngæum omnino novum, satis verba indicant quibus vel in mea ad ipsum Epistola (q) usus sum: eorum musculorum, quos tu, Vir Clarissime, Hyopharyngæos appellare maluisti. Scilicet non Falloppium modo sciebam, aut alios, Falloppium insecutos, quorum ipsi nomina in familiaribus, quæ adhuc extant, litteris significaveram; sed Galenum quoque con-

jiciebam hos omnino musculos non latuisse. Cujus conjecturæ cum de Pari superiore agens (r), unam rationem protulerim, nunc addam alteram, ex libro VII. de Ufu Partium corp. hum. petitam capite XIX. Hujus enim capitis fere extrema verba, jam olim Viri Eruditissimi in libri ora admonuerunt, ex antiquis codicibus græcis sic esse reddenda: *Connektitur os hyoides per membranas quasdam tum ad laryngem, tum ad epiglottidem: multisque etiam animalibus per musculos non ad epiglottidem solum, verum etiam ad stomachum.* Falloppius (s) quoque stomachi, ut Galenus intelligebat, superiores fines videtur his musculis addixisse, cum in hyoidis latera, & in primam cartilagineam laryngis, hoc est Thyroidem perduxit, aliquid scilicet adjiciens (si minus placet quod de Stylopharyngæis supra (t) indicatum est) de proximis Thyropharyngæis; nam hos totos adjecisse non potest qui mox Vesalium, hos laryngi cum Antiquis tribuentem, silentio erat comprobaturus. Sed & in radicem linguae; aliquando tamen (quod est attendendum) & obscure; induxit: addidit vero a parte superiore plurimum de iis musculis qui inter Hyopharyngæos, & calvariæ basim interjiciuntur, ex his tot partibus unum Par tertium efficiens & ipsum ad constringendas fauces, gutturque attollendum ob deglutitionem destinatur. Hæc ferme iterarunt Platerus (u), Bauhinus (x), Vidius (y), Laurentius (z), Spigelius (a); nisi quod hic linguam, Laurentius linguam, & scutiformem cartilagineam, ambo denique, & Vidius attollendi gutturis utilitatem omiserunt. Spigelius tamen addidit, & in œsophagi principium, cuius tunicam conficere videtur, inferi, ad Riolanum, opinor, non secus ac Bauhinus, respiciens; scripserat enim Riolanus (b), in pharyngem expandi, ipsamque tunicam pharyngis effingere videri. Sed pharyngis utramque tunicam non memini legisse, qui prius ac melius quam Molinettus (c), diserte commemoraverit; quamvis hic paucis rem verbis est executus: *pharyngem utique interna œsophagi tunica componit, quæ haud est a pleura, sicuti externa; sed ventriculi internæ continua.*

13. Verum; ne a proposito divertamus; cum aliqui eorum quos supra nominavimus, sequi pergerent Falloppianam horum musculorum descriptionem; Riolanus extitit, qui cum eandem ipse quoque esset ab initio secutus (d), postea quædam mutare instituit. Cum enim, credo, animadvertisset, non illas quæ a basi capitis nascerentur, fibras ad Falloppianas usque insertiones produci; hisce omisissis, partem quam dumtaxat servavit, hujus Paris superiorem, *Cephalopharyngæos* musculos dixit (e), quemadmodum duo etiam reliqua *Stylopharyngæum*, & *Sphenopharyngæum* se primum nominasse (utinam ne addidisset, & descripsisset, & Spigelium fideliter ex sua videlicet descriptione expressisset) indicavit. Riolanum secutus Veslingius (f) est, qui missa propterea vi constringendi, *Cephalopharyngæo* Pari munus elevandi reliquit, *œsophagi* tantum, non etiam *gutturis*, eam enim musculosam partem per quam Falloppius ad os hyoides, & cum hoc connexionem laryngem produserat, huic Pari ademerant. Nec tamen eam partem ut huic Pari ademere, ita ulli alii Pari addidere; perinde ac si nemo quid ea parte, quid ea in latera offis hyoidis insertionem factum esset, unquam foret quæsiturus. Et vero quanquam Molinettus (g) id postea fecit quod ipsos facere decuisset, ut Thyropharyngæo saltem, ut nunc vocamus, adjiceret, huic assignans originem præcipue quidem a lateribus externis cartilaginis Thyroidis, sed tamen etiam a cornubus offis hyoidis; nihilominus res ita fuit a cæteris neglecta, & dum Riolanum fere, aut Veslingium potius describere, quam Vetustiores, imo Anatomici consulere laborabant, oblivioni mandata, ut non modo Valsalvæ demum fuerit ex ipsa dissectione addiscenda, atque ab integro proponenda; verum etiam cum recens ab ipso proposita esset, Viro & Scriptori cæteroqui Præclarissimo (h) non solum nova, & singularis, sed tantum non paradoxa esse videretur.

14. Duo

(f) loc. cit. (g) Expos. Anat. Explic. des Fig. Table CC. (h) Antropol. book 3 ch. 17.  
 (i) Myot. Tab. 28. Fig. 3. ad litt. XX. (k) Obs. Anat. c. 6. n. 30. (l) n. 9. (m) loc. cit. (n) Myot. Tab. 23. litt. E.  
 (o) 10. 37. (p) in Explic. Tab. cit. (q) n. 5. (r) supra n. 2. (s) Obs. Anat. (t) num. 9.  
 (u) De corp. hum. struct. l. 1. ubi de musculis fauc. (x) Theatr. Anat. l. 3. c. 86. (y) De Anat. corp. hum. l. 1. c. 4.  
 (z) Hist. Anat. l. 5. c. 19. (a) De hum. corp. fabr. l. 4. c. 6. (b) Anthropogr. l. 5. c. 19. (c) Dissert. Anat. l. 3. c. xi.  
 (d) Vid. Scholam Anat. editam A. 1608. c. 21. (e) Animadv. in Spigelii loc. cit. (f) Synr. Anat. c. 3. (g) c. 61.  
 (h) Vid. Epist. ad Schelhammer. select. Epist. 94.



14. Duo quidem Angli Joannes Brownius (i), & Gulielmus Cowperus (k) ante Valsalvam eam rursus insertionem commemoraverant. Sed docti atque exercitati aliarum quoque Gentium Anatomici de Brownio idem quod Cowperus (l), animadverterant, ex iis ipsum esse Scriptoribus „ qui auxerint potius „ quam imminuerint præcedentium errata „ ejus- „ que librum „ erroribus cumulatissimum, esse præ- „ cipue Collectionem hallucinationum alienarum : „ itaque cum quid inter has veri haberet, sollicitè sibi quærendum non putarent; periade fuit ac si in Cephalopharyngæi musculi descriptione, quam ex Spiegelio magnam partem exscripserat, illam insertionem omisisset. Cowperi autem Myotomiam in remotas a Britannia terras, & in nostram certe si quis antequam Valsalva scriberet, importasset; quotus quisque esset qui tunc intelligere potuisset? Quod si nostrum aliqui, ut hoc tempore, sic illo anglice forte scivissent; putasne tandem, Hyopharyngæum Valsalvæ musculum inde erui licuisse? Putare tamen videtur Drakius (m), Valsalvam affirmans „ ex duabus partibus Musculi „ Pterygopharyngæi jam pridem a Cowpero descri- „ pti, ac delineati, duos Musculos distinctos fecisse, „ iisque duo nova nomina tribuisse: nimirum partem „ e Lingua nascentem vocasse Glossopharyngæum, „ alteram vero partem proximam inferiorem Hyo- „ pharyngæum. „ Scilicet Cowperus (n) cum Ptery- „ gopharyngæo (ut Falloppius noster cum Cephalopharyngæo) sumptas a Falloppio fibrarum series, ad linguam, & os hyoides attinentes, conjunxerat: Valsalva autem a Cowpero, quem nec videret, nec, si videret, intelligeret, has partes sumpserit; a Falloppio vero non sumpserit; nisi forte credimus, has melius a Cowpero, quam a Falloppio fuisse descriptas, propterea quia cum alteram hic junxisset lateribus ossis hyoidis, Cowperus ejusdem ossis extremis junxit, utramque autem dixit, pergere in semicirculi modum, superiora & posteriora glandulosæ membranæ faucium „ complectendo, ubi in mediam concurrant lineam: „ quibus de rebus infra (o) videbimus. Nam quod ad delineationem (p) attinet, neque has partes video a Cowpero tunc perspicue distinctas; imo, ut de altera fileam, certe quæ ad os hyoides pertinet, tum male truncatam, tum pro Œsophagæi, hoc est, ut tum intelligebat, pro Thyropharyngæi contra ac descriptio, & res poscebat, superiore parte ostensam: qua de re cum satis in *Adversariis* II. (q) scripserim; hic actum agere non est opus. Atque ut intelligas, Cowperum potius a Valsalva, quam hunc a Cowpero, sumpsisse; conferas velim tum priores illas, tum alteras (r) Cowperi descriptiones, & delineationes inter se, utrasque autem cum Valsalvæ, de quo in his filet, descriptione, & delineatione contendas. Et si non Falloppii solum, ut primum, sed & Molinetti sententiam cum Falloppiana in unum junctam, re ipsa secutum invenies, dum Hyopharyngæum & cum superioribus, & cum inferioribus musculis in unum amplissimum conjungit; tamen si inter amplissimi hujus musculi partes, quæ ad Hyopharyngæum attinet, quæras (s); cum emendata illa conspicias quæ in *Adversariis* notaveram, tum præsertim aliam fibrarum omnium inclinationem, aliam productionem; ut non ad extrema tantum pertingat ossis hyoidis, sed etiam ad eas nominatim ad quas nemo ante Valsalvam perduxerat, cartilagineas *Appendices* ejusdem ossis.

15. Sed quæ Valsalva in Hyopharyngæo describendo, & delineando, a Cowpero non potuit, ea sumere fortasse ab Anatomicis illis potuit quos supra diximus Falloppii esse descriptionem secutos? Operæ pretium est Vidui, qui inter illos Falloppio ætate propior fuit, primam quæ prodierit, hujus tertii musculorum Paris delineationem (t) inspicere, & tum denique num ab illis Valsalva adjuvari potuerit, existimare. Quod si Eustachii Tabulas, ut postea vidit, antea videre licuisset; ex iis utique tantum potuisset adjumenti capere, quantum in earum XXXXI. Fig. XI. fassus est, ut supra (u) vidimus, exacte Hyo-

pharyngæum musculum *apparere delineatum*. Verum non in ea tantum Figura (x) anteriorem ipsius ac lateralem partem, abscissis, diductisque musculis qui pene totam in VIII. operiebant, in sua sede, atque origine demonstravit Eustachius; sed & in proximæ Tabulæ XXXXII. Figura IV. (y) posteriorem partem reliquam in sua pariter sede, ac termino haud ineleganter ostendit: & in sinistro quidem pharyngis latere, Figuræ dextero, opertam (quantumvis fortasse aliquanto plus æquo) a Thyropharyngæo, ut respondeat memoratæ Figuræ VIII; in opposito autem latere, ut simul respondeat Figuræ XI., Thyropharyngæo sublato, prorsus resectam. Superiores autem musculos quos in eodem IV. Iconismo proponit medios inter Stylopharyngæos ad summos usque pharyngis fines pertinentes (quos quidem fines subindicat ad 40. 16. citra istos, ut alias conjecimus (z) Salpingostaphylinos) illos vero series censemus esse fibrarum; utcumque illas delineaverit; quæ ad maxillas, quæ ad buccas, quæ ad linguam præsertim, quam non frustra annexam reliquerit (si modo linguam esse, non dubitas, & nihil, ut ego aliquando, de palati ossi superna facie suspicaris) quæ ad linguam igitur attineant; fortasse etiam quæ ad processus Pterygoïdes; quamquam has faciem hic habebat rationem magis perspicue, si voluisset, indicandi. Itaque summus Anatomicus in binis singularum quæ laudatæ sunt a nobis, Tabularum Figuris primum a latere pharyngem, mox a tergo ita demonstravit, ut qui exteriores, quive interiores musculi essent, intelligeremus; nam in ultima (a) quatuor harum Figurarum, omnibus detrahitis qui alios, instar fasciarum circumducti, confirmant, musculis, intimos demum Staphylopharyngæos, & Stylopharyngæos omnino denudatos proposuit. Quæ ratione & rem ipsam, & artificium, ut sic loquamur, naturæ, & anatomicam in pharyngis musculis relegendis administrationem magna ex parte significavit, non prorsus ignotam illi (quicumque tandem is fuerit) unde hæc a Brownio (b) accepta sunt: Thyropharyngæum si rite eleves; eo facilius invenies Stylopharyngæum, & Cephalopharyngæum; nam id Brownium ex ipsa anatome didicisse, neque hæc verba satis, & ea qua utitur, Figura (c) nullo modo ostendit. Indicavit præterea Eustachius, quot uno Pari tertio musculorum faucium, quot, inquam, & quam inter se discrepantes series carnearum fibrarum a Falloppio essent comprehensæ, primusque adeo fuit qui monstraret, præcipuas saltem earum serierum non esse tandem ita implicitas inter se; quod Cowperus iterum videtur persuadere voluisse; ut in aliquot, si quis velit, musculos quadantenus distingui nequeant. Atque ego quidem minime velim, novis usque & usque unius in plures musculos divisionibus; ne dicam, ut interdum accidit, lacerationibus; tironum memoriam fatigari: quin modum tandem aliquem, & terminos huic, non raro supervacuas; diligentia poni cupio. Sed idem vicissim nollem, ut rursus divisiones cunctæ etiam paulo majorum, minusque implicitarum serierum, etiam summis inter Priscos Auctoribus, non modo inter Recentiores, probatæ, omnino ab Anatomicis negligerentur; aut constantiam saltem eorum qui cum has negligant, multo minores, magisque implicitas agnoscunt, desiderarem. Et quamquam Valsalvæ gloria in hoc non vertitur, ut propositæ ab ipso musculorum divisiones serventur, quas nimirum omnibus pro arbitrio minuendas, augendasve diserte permisit (d); tamen facere non possum, quin moneam, de sex quas in pharynge proposuit, quinque olim Eustachio ipsi gravissimo, & prudentissimo Anatomico non videri displicuisse, eamque præsertim quæ Hyopharyngæos a superioribus musculis, atque inferioribus distinguit.

16. Hanc sane divisionem ipse quoque memini, neque ita demum raro, vidisse, & iis qui aderant, ostendisse; utroque videlicet limbo magis extante, & quem superioribus musculis Hyopharyngæi, & quem his imponunt Thyropharyngæi, quemadmodum Eustachii (e) pariter, ac Valsalvæ Tabulæ demonstrant,

(i) Myogr. Præl. 3. (k) Myot. Edit. I. c. 16. (l) Myot. Edit. II. Prefac. (m) Anthropol. book 1. c. 9. (n) c. 16. cit. (o) n. 23. (p) Myot. Edit. I. Fig. 6. (q) Animad. 18. (r) Myot. Edit. II. ch. 16. & Explan. of the Tab. 28. Fig. 2. (s) ad Litt. OO. (t) Anat. corp. hum. Tab. 38. Fig. 20. Litt. X. X. (u) num. 3. (x) num. 76. 14. (y) n. 44. 16. (z) Epist. X. n. 4. (a) VI. in Tab. XXXXII. (b) Præl. cit. (c) Tab. 10. Fig. 7. (d) Vid. Epist. X. n. 6. (e) Tab. 42. Fig. 4.



strant. Huc sæpius alia in his, atque in illis musculis fibrarum inclinatio accedebat. Nam quamvis in utrisque ad angulum ascendunt; plerumque tamen visæ sunt in Thyropharyngæis magis, quam in Hyopharyngæis ad acutum angulum accedere. Hunc autem ascensum; quod ad Hyopharyngæos attinet; noli dubitare quin de fibris illis intelligamus, quæ cum magis in aperto sunt, tum certe sunt magis attendendæ, quam quæ pauciores, aut tenuiores, ut observare consuevimus, minusque confertæ sub Thyropharyngæos descendunt, in quibus abundare potius, quam deficere videtur Eustachius: cujus alioquin delineationibus (f) non ipsarum modo notitiam, sed & earum originis e cornibus extremis hyoidis ossis (si non, quod luculentissime aliquando conspexi, ex terebribus etiam vinculis quibus extrema illa cornua cum summis processibus junguntur cartilaginis scutiformis) eam, inquam, Eustachio notitiam Valsalva erat debiturus; si illius Tabulæ ante prodissent, quam suas hic pingendas curasset. In harum enim archetypis eas fibras video fidelius a Pictore expressas, quam in editis exemplis, a Chalcographo habeamus. Sed & in archetypo emendatior aliquanto, hoc est minor Hyopharyngæorum apparet altitudo: quamquam ne in exemplis quidem tantam invenio, ut Thyropharyngæi Paris altitudinem æquet, nedum superet. Contra tendinea recta linea de qua infra (g) in eodem Pari videbimus, in archetypo vel latior est inter Hyopharyngæos, quam in exemplis cernamus; sed inter proximos Thyropharyngæos vix aut ne vix quidem a Pictore, præclare tamen a Scalptore est repræsentata. Scilicet Pictor nihil nisi quod videbat; Scalptor aliquid interdum quod non videbat, expressit. In hac tamen linea per medium Par Thyropharyngæum producenda, non temere, aut non advertente Valsalva, sed auctore ipso, & jubente; sic enim tum sapius observaverat; fecisse, memini. Ex his intelligis, quid revera & de Valsalvæ Tabulis, & de Cl. Santorini in easdem animadversionibus habendum sit, qui, ut diligens est, ad hæc quoque omnia suas addidit observationes; ut perhumanus, Scalptoribus tamen non pauca censuit esse attribuenda.

17. Ejusdem Viri Solertissimi observationes in eo pariter animadverto cum Eustachii observationibus consentire, quod non duplicem, sed unam ac simplicem Hyopharyngæi musculi insertionem agnoscat, hoc est minime inter ossis hyoidis appendicem cartilagineam, & cornu extremum interruptam, sed sensim productis fibris in omnem continenter cornu longitudinem pertinentem. Nimirum hoc quoque Eustachius Tab. XLI. Fig. xi. (i) demonstraverat: & ipse in aliquot cadaveribus unam potius latam, & perpetuam, quam in duas luculenter divisam insertionem conspexisse me, scio. Nec fortasse adeo difficile esset fibrarum fines in utraque Valsalvæ Tabula attendentibus, ejus in parte observationes cum hisce nostris conciliare; multo autem facilius videtur in Cowperi Tabulis (k), ut qui non modo fibrarum fines sensim ex ordine succedentes, sed singulas, non binas, a singulis lateribus productiones delineavit. Idem tamen, oriri has, dixit, (l) a Cartilagineis Appendicibus Ossis Hyoidis, & ejus Extremitatibus; ut sic vel magis quam Valsalva, insertiones dividerit, qui præter eas appendices, non extremitates illas dumtaxat, sed processus ejusdem ossis cornutos, id est cornua, memoraverat, hanc duplicem originem Cantio (m) probante, & sic bene Clariss. Valsalvam descripsisse, affirmante. Et sane ipse quoque bipartitam fuisse scio, non in bobus solum, ac vervecibus semper, in quibus id os aliter atque in humanis corporibus, factum est; sed in his etiam aliquando, inter utramque insertionem membrana interjecta. Nuper autem cum viriles tres pharynges inspicerem; unius Hyopharyngæos deprehendi, etsi a primo aliter videbatur, re ipsa non in tota cornua se defigere; sed gemina utrinque insertionem primum se immittere in cornuum extrema, eamque dumtaxat viciniam, tum vero in cartilagineas, quas sæpius memoravimus, ad ossis basim Appendices. In pha-

rynge altera se habuit res ad eundem modum: quin imo singulæ inferendæ musculorum partes, ad anguli formam se contrahentes, eoque inter se junctæ magis, quo magis ad insertionem accedebant, vel primo ipso aspectu quæ Valsalva docuit, confirmabant. Sed in tertia pharynge cum a sinistris quidem binæ insertiones occurrerent, eæque satis manifesto divisæ; res a dextris nequaquam respondit. Atque, ut ingenue dicam quod sentio; haud raro in his variare naturam, existimo, cum & mihi hic, alia præterea atque alia varietatum exempla sint, & Valsalvæ non defuerint. Ego quidem in Virgine olim Bononiæ vidi eas productiones quæ in appendices cartilagineas se se inferere debuissent, digiti pollicis supra has interjecto spatium in teres ossiculum infixas quod ibi, ut interdum solet, intra ligamentum erat quo os hyoides cum Styliformi processu mittebatur: Patavii autem & vidi, & ostendi quidquid utrarumque productionum supra os hyoides ferri solitum est, id omne in unum oblongum, insignemque fascem, ad trianguli similitudinem dispositum, cujus trianguli infernum latus totum quidem cornu ab exteriori & superiore parte adiacebat, sed nulla in ipsum immixta fibra, vertex dumtaxat in appendicem sui quisque lateris valenter defigebatur. Porro Valsalvam tum mihi affirmasse memini, quæ productiones cornibus inferuntur, eas interdum; quæ autem illis appendicibus, has vero nunquam deficientes vidisse; & si in Tractatu aliter scriptum est, id ex fortuito errore accidisse: tum in ejus schedis invenio, cum eæ appendices aliquando deessent, non defuisse tamen fibras quæ in illam ipsam earum sedem infingerentur; sed quæ cornibus infigi solent, & quæ interdum linguæ infiguntur, defuisse. Illum autem designat fibrarum fasciculum, quem in Tractatu, vidisse se, dixerat, a musculo Hyopharyngæo ad Linguam aliquando productum, & quem ego cum eo convenire maxime, censo, de quo Fallopius (n) indicaverat, cum hunc musculum inferi aliquando in radicem linguæ, proposuit.

18. Quod reliquum est, antiquum huic musculo constringendi usum Molinettus (o) quidem restituit, de eodem, cum insequenti conjuncto, hæc scribens: *fibras dum corrigit, versus priora, unde prodiit, gulæ principium thyroïdi applicat, constringitque*. Hic tamen usus utriusque musculi, seu potius utriusque musculorum Paris & cum alio jungendus est quo laryngis quoque in deglutitione ascensum juvant, & sic uterque intelligendus, ut nihil quod pharyngis nexibus adversetur, ponamus, quemadmodum ubi de Thyropharyngæo dixerimus, continuo indicabimus. (\*)

19. Ex omnibus musculis de quibus hætenus dictum est, postea dicetur, non constat; quosquam vetustioribus Anatomicis fuisse æque notos ac Thyropharyngæos: quorum descriptionem, ex Galeno ipso petitam, sub initium ferme hujus Epistolæ (p) proposuimus. In qua cum Galenus sibi ipse constiterit, neque in libro tantum (q) de Musculorum, aut in fragmento libri de Vocalium Instrumentorum Dissectione (r), verum etiam in libro septimo de Ufu Partium corporis humani (s) ex scutiformi cartilagine exoriri illos, enasci, incipere, prodire, docuerit; mirari subit, Realdum Columbium (t) non de Galeno minus, quam de Vesalio scripsisse, arbitratos esse, eos exoriri a parte posteriore œsophagi, qui membranosis mollisque est, vellemus, ut laryngem rem duram ac gravem attrahat. Quare nihil esse in hoc quod eos excuset, cum absurdum maximum consequatur, si eos musculos illinc proficisci dixerimus. Vesalius (u) quidem id docuit; non Galenus: & quamquam id ambo docuissent; non est tandem larynx multo majori vitæ spatio tam dura, & gravis, ut cum Columbo (x) inter ossa sit referenda; sed cartilaginea, & sic satis cedens, ut pars ejus lateralis, quod illi statuunt, & ipse, ut videtur, confirmat, possit coarctari. Huc illud accedit quod ut eos musculos Galenus scutiformi cartilagini contrahendæ addiceret; non ignorabat tamen, quod maluisse videtur Columbus, œsophagum complectendo, opem cibi & potus deglutitioni præstare; imo hoc quoque ipsum diserte tradebat (y), gulam perinde ac sphincteres, id est adstrictores, comprehendere: (z) eosdem præterea deglutitioni conducere. In eo vero quod duos illi esse muscu-

(f) Vid. & Fig. xi. Tab. 41. n. 77. 14. (g) n. 19. & sequentib. (i) n. 76. 12. 13. 14. (k) Myotom. Tab. 29. Fig. 2. lit. O. O. (l) Ibid. ad n. 57. 57. (m) Impet. Anat. Tab. 3. Fig. 1. (n) Obs. Anat. (o) Diss. Anat. l. 3. c. 21. (\*) n. 31. (p) n. 2. (q) c. xi. (r) c. 5. & 7. (s) c. 11. & 12. (t) De Re Anat. l. 5. c. 14. (u) De corp. hum. fabr. l. 2. c. 21. (x) l. 1. c. 13. cit. Oper. (y) De Muscul. dissect. c. 21. (z) De vocal. instrum. dissect. c. 7.



musculos, existimaverint, non unum dumtaxat, ut ipse qui *fibras illas diligenter intuentem, perpetuas, ait, non divisas esse inventurum*; nihil quidem Columbus iis tribuit quod non docuerint: poterat tamen admonere, Vesalius, quamquam in media postica parte secundum gulæ longitudinem subobscuram lineam, sive divisionem delineaverit (a); ibi certe scripsisse (b) adeo invicem esse continuos, ut utrorumque musculorum idem unicuique principium esse videatur. Cæterum ex iis qui Vesalii sunt descriptionem secuti, Fuchsius (c), & Platerus (d) idem unicuique hoc esse propemodum & quasi; non omnino; docuerunt, duos musculos, non unum, ponentes, quot Valverus (e) quoque, & Vidius (f); quamquam hic sine divisionis vestigio pinxit (g); posuerunt. Ex iis autem qui aliter ac Vesalius, describere, duos pariter agnoverunt Fallopius (h), & Stephanus (i), atque ante hos olim Oribasius (k), & multo post Oribasium Zerbis (l), & Andernacus (m), qui *invicem carnofo tendine coire*, scripsit; ut præter Columbum ad Piccolomini usque, & Casserii tempora non inveniam qui illos pro uno musculo diserte habuerit. Quin imo circa ea tempora Laurentius (n) extitit, qui adversus Columbum admonuit, *unicum sane primo occurso apparere, sed paulo oculatius inspectantibus, mediana quadam linea discludi*.

20. Idem Laurentius (o) apertissime pronunciavit, *cos se laryngis musculos esse non putare, sed œsophagi*. Verum cum hoc petita a Columbo ratione confirmasset; non decuit postea (p) hæc scribere: *nec cum Anatomicis censeo, illos ab œsophago oriri & in latera thyroididis inferi, sed potius a lateribus thyroididis ortum ducere*; quando, ut (q) Galenum, Oribasium, Zerbis, Andernacum, Stephanum, Fallopium, aliosque, tot & tam claros Anatomicos qui hoc idem quod ipse, docuerant, omittamus; Columbus certe, quem nominatim reprehenderat, in uno eodemque loco oriri ab ossium scutiformium (sic ille thyroididem cartilagine vocabat) lateribus, proposuerat. Quod si Laurentius non quod initium cæteri Anatomici verbo assignaverint, sed quem potius revera usum, & quam versus partem contractionem, spectavit; nimirum Columbus quoque eodem spectavisse dicendus est, si ejus omnia quæ supra a nobis producta sunt, verba pensitemus, & mentem non dissimili ratione interpretemur. Sed dum Laurentius (r) non sapius modo hanc sententiam inculcat, verum insuper hos musculos inter eos qui laryngem movent, primus omittit, interque eos recenset qui movendis faucibus addicti sunt, hoc facto cæteros Anatomicos ita permovit; ut Riolanus (s), Spigelius (t), Veslingius (u), & qui deinceps utriusque partis musculos descripserunt, ejus exemplum imitarentur, aut certe si qui inter utrosque commemorarent, diserte admonerent, ad musculos faucium esse referendos, & laryngi non nisi per accidens famulari, quo in numero sunt Bauhinus (x), & Bartholinus (y): quorum hic tamen cum tres illos quos modo memoravi, Scriptores, ut nominum cæterorum pharyngis musculorum, ita etiam Oesophagei auctores perhibet; non attendit, Laurentium (z), qui ante illos scripserat, jam tum hoc nomine, eoque ut usitato, hos duos, ut ipse censebat, musculos quos, inquit, œsophageos vocant, indicasse: quod nomen nisi forte imposuerit Marescotius, auditor Jac. Sylvii; equidem haud intelligo, qui Riolanus (a) illum dixerit Magistri esse *felicitatem adeptum in nominandis musculis*, non laryngis tantum, linguæ, ossis hyoidis, verum etiam pharyngis, eorumque musculorum nomina ab exteris, & recentioribus diligenter exscripta esse; nam ne tum quidem cum Riolanus id dixit, ullos pharyngis musculos præter Oesophageos peculiarem habuisse appellationem, ex Riolo ipso (b) intelligitur.

21. Cæterum Laurentius ut Anatomicos induxit ad hos ipsos inter faucium dumtaxat musculos novo exemplo referendos, ita non potuit secum in veteri & per Morgagni Epistolæ Anatomicæ.

vulgata consuetudine retinere, ut haberent pro duobus. Quos enim nec Columbus (c) primum, nec Piccolomini (d) postea, qui pro uno habuerant, a communi sententia abduxissent; interea Fabricii ab Aquapendente, sed magis Casserii Placentini auctoritas abduxit. Nam ille (e) etsi docuit, *mutua quasi unione connasci, ita ut homine, ut in plurimum, nullum distinctionis vestigium appareat, in brutis autem per candidam lineam in longitudine distinguatur* quamvis extrema etiam in his mutuo coeant; tamen & pro musculorum Pari habuit, & in delineatione (f) exilem quidem, aut nullam in ove, luculentam autem in homine candidam, qua dividuntur, lineam interjecit. Sed Casserius (g) tametsi hanc lineam, quam sic satis in homine quoque, ab inferiore præsertim parte, appinxit, longe angustiore quam in porco, delineavit; ut hanc ejus Figuram, non verba, spectasse Valsalva videatur; tamen in descriptione (h) se longe aliud sentire ostendit, aperte falsus, se Columbo in hoc quod unus sit dumtaxat musculus, assentiri: & nullam nec sensui, nec imaginationi obviam secundum fibras illas divisionem, seu membranosam lineam occurrere, quæ hujus musculi geminationem concedendam persuadeat. Ab eo tempore Anatomiae Scriptores coeperunt, non duos amplius, sed unum dicere; ut vix Spigelius (i), atque Bauhinus (k), quorum hic tamen ad Fabricium accedit plurimum, pro musculorum Pari memoraverint.

22. Utinam vero aut diligentiam omnes, prudentiamque Fabricii in describendo, aut curam essent Casserii in delineando imitati. Fabricius namque & aliquando tamen distinctos esse, indicavit, & originem deorsum produxit. Cum enim Galenus (l) (credo, quod tunc eas potissimum partes spectaret laterum cartilaginis Scutiformis quæ ut ab arcta cum Cricoidæ conjunctione remotiores sunt, ita facilius contrahi possunt) scripsisset: *adstringunt in superioribus regionibus scutiformem cartilagine musculi illi, qui in supremis ipsius partibus enati, gulæ in orbem adnascuntur*; non suffulit tantum Fabricius (m) causam propterea suspicandi ab infimis quoque ejus laterum regionibus non enasci, sed cum accurate ostendisset, incipere secundum totam eorum longitudinem, qua parte asperior linea apparet, levigataque esse desinit scutiformis, tum insuper addidit, *nonnihilque infra ab innominata*, hoc est a Cricoidæ cartilagine, exoriri; ut princeps, si non Cricopharyngæum musculus (quem distinctum in ove videtur appingere (n)) at certe illam Oesophagæi inferiorem productionem per quam a Cricoidæ oritur, demonstraverit. Casserii quoque Iconismos (o) si quis paulo attentius inspexerit; existimare poterit Cricopharyngæum (mitto in sue) in homine ipso ex parte aliqua adumbratum, præsertim cum Auctor (p) moneat, *Musculum, Oesophagum constringentem; multiplicem esse videri ob fibrarum diversum ductum*: quæ verba tametsi ab aliquo trahi possunt ad distinctionem illam significantem in Thyropharyngæum superiorem, atque inferiorem, quam nonnulli hac tempestate indicant, fibras superiores magis; inferiores nonnunquam minus ascendere, animadvertentes; Figuræ tamen inspectio, in cuius interpretatione; illa a Casserio verba scribuntur, quo sint potius referenda, præclare monstrat. Primum videlicet ad transversas istas fibras quas non alibi, quam in Cricopharyngæi musculi sede exhibet; deinde vero, idque præcipue, ad duplicem illum in Oesophagæo fibrarum ductum, quas primus ipse, neque ineleganter, repræsentavit hinc & hinc in medium, ad acutum angulum, ascendentes, ut dexteræ sinistræ non fiant, sed distinctionis vestigium aliquod aut alba linea, aut series ipsa angulorum intersit.

23. Hanc summi utriusque Anatomici diligentiam pauci adeo ex successoribus attenderunt, ut inde ad Valsalvæ usque tempora vix unum Marchettum (q) meminim Oesophagæum & ab aliqua portione cartilaginis Cricoidis deduxisse: imo plerisque cum Veslingio (r), non

(a) Fig. 3. citati c. 21. (b) c. cit. (c) De hum. corp. fabr. Epit. l. 2. c. 11. (d) De corp. hum. strukt. l. 1. ubi de Musc. Laryng. (e) Anat. corp. hum. l. 2. c. 14. (f) De Anat. corp. hum. l. 4. c. 4. (g) Tab. 37. Fig. 16. (h) Instit. Anat. c. 23. (i) De dissect. part. corp. hum. l. 3. c. 43. (k) Medicinal. Collector. l. 25. c. 35. (l) Anat. tot. corp. hum. ubi de Laryng. (m) Anat. Instit. l. 2. (n) Hist. Anat. l. 5. qu. 5. (o) Ibid. (p) Ibid. l. 9. qu. 26. (q) Vid. n. super. (r) l. 9. c. 17. & l. 5. c. 19. & 20. cit. Hist. (s) Anthropogr. l. 5. c. 19. (t) De hum. corp. fabr. l. 4. c. 6. (u) Synt. Anat. c. 3. (v) Theatr. Anat. l. 3. c. 86. & 93. (y) Anat. quart. renov. l. 2. c. 11. & 12. (z) cit. quæst. 5. l. 5. (a) Præf. ad Scholam Anat. (b) Vid. ibid. c. 21. (c) Vid. supra n. 19. (d) Anat. Prælect. l. 7. Lect. 4. (e) De Larynge P. I. c. 8. (f) Fig. 35. & 37. (g) De Laryng. Tab. 16. Fig. 2. Tab. 15. Fig. 2. (h) l. 1. c. 4. (i) De hum. corp. fabr. l. 4. c. 6. (k) Theatr. Anat. l. 3. c. 86. & 93. (l) De vocal. Instrum. dissect. c. 7. (m) loc. cit. (n) Fig. 35. (o) in Tab. cit. (p) Explic. lit. AA. Fig. 2. Tab. 15. (q) Anat. c. 21. (r) Synt. Anat. Tab. c. 3. Fig. 2. & 3.



non in tres utrinque angulatas productiones, sed in unam, alios cum Bidloo (*f*) ne in unam quidem abeuntem, & Stylopharyngæo vix latiore pinxisse; ut hi ad superiora, illi ad media, neutri ad ima Scutiformis latera, nedum ad Cricoidem perducere viderentur. Utrique præterea factum ex transversis fibris delineabant, atque adeo etiam describebant, non Casserii picturam, quamvis a nonnullis eorum cum Veslingiana suas in Tabulas relatum, sed Veterum sermonem attendentes, qui transversum, & instar sphincterum orbicularem ductum inculcaverant. Hæc cum ita essent; Verheyenius (*t*), qui cæteroquin Bidloi fere est delineationem secutus, revocare Antiquorum dogma cœpit, & duos esse distinctos musculos, tradere, nulla tamen prolata ratione iudicii sui. Hunc mox confectus est Cowperus (*u*), qui non mediam tantum lineam in posteriore Faucium parte, ad quam utrinque contenderent, rursus memoravit, sed & hanc subobscuræ, & fibras manifesto ad angulum ascendentes pinxit (*x*): quin etiam quæ ad Cricopharyngæum musculum sive inclinatæ, sive transversæ attinent, non omisit: quamvis neque ab Œsophagæo Pari, neque a Vaginali, quem appellavit, Gulæ Musculo distinxit, neque illius productiones aut verbis, aut delineatione proposuit. Hæc omnia quæ sive revocaverat, sive prætermiserat Cowperus, Valsalva, qui librum ejus non viderat, descriptione, & pictura exhibuit, Par illud Thyropharyngæum vocans, & a subiecto musculo Cricopharyngæo distinguens, quem nempe unum magis ad Sphincteris naturam accedere, iudicavit. Quamobrem & nos seorsum de hoc scribemus, postquam susceptum de Thyropharyngæis sermonem absolverimus.

24. Duo, quod ad ipsorum historiam attinet, sic in transitu in data ad Valsalvam Epistola monueram, alterum (*y*): hos Casserium non pro duobus, sed pro uno musculo accepisse; alterum (*z*): hos, & Hyopharyngæos suas ita oblique sursum fibras per pharyngis tergum producere, ut per se ipsos, aut per tendineam, ut nonnumquam contingit, lineam basi capitis, vel summæ vertebrae affigantur. Quod cum postea animadvertissem me minus recte dixisse in parte videri posse; idcirco in II. Adversariis (*a*) cum de his, & superioribus musculis, & de hac linea sermo incidisset, meas observationes atque sententiam in hunc modum declaravi: *Quod pertinet ad eam lineam mediam secundum totam fere longitudinem pharyngis ductam, in quam Pterygopharyngæos, & Œsophagæum Cowperus docet convenire; ego quidem ut in pluribus pharyngibus eandem vidi, ita in pluribus frustra oculis, & cultro perquisivi; quinimo aliquando sinistri Hyopharyngæi, & Thyropharyngæi fibras vidi superato lineæ illius loco, per oppositum latus ascendendo porro pergere. Illud non negavero, in suprema demum pharyngis parte, non modo lineam, sed latius, ut recte pingit, firmum albumque interstitium me sæpius vidi. Quod quidem tendinem esse, censeo, per quem Hyopharyngæi, & Thyropharyngæi musculi, illuc suis ad angulum acutum (vel ut edendum fuisse, in calce Explicationis adjecit iis Adversariis Tabulæ adnotavi) his quidem acutum, illis autem obtusum ut plurimum convenientibus fibris spectantes, vel cum basi cranii, vel, ut sæpe vidi, cum primæ vertebrae antica parte connectantur. Eo enim versus, tanquam ad immobile terminum, contrahi eosdem musculos, puto, ut laryngis, quam inter deglutendum attolli videmus, ascensum una eademque opera adjuvent, quemadmodum in ea quam dixi, ad Valsalvam Epistola indicavi.*

25. De his omnibus nihil a me in Valsalvæ schedis, nisi hoc unum inventum est: portionem tendineam in parte posteriori pharyngis a se descriptam, non semper occurrere, sed fibras simul unitas observari. Alias quidem nonnullas de Thyropharyngæis musculis ejus observationes invenio, scilicet portionem fibrarum ab iis aliquando mitti ad Cricothyroidæos, aliquando ad Sternothyroidæos: quæ & mihi sunt inter dissectandum, neque ita raro, animadversa, productis videlicet in alterutros quibusdam Thyropharyngæorum fibris, interdum & in utrosque, nonnumquam haud ita exili fibrarum fasciculo in exterius Sternothyroidæi latus se demittente; nonnumquam inter omnes qui modo nominati sunt, musculos ita obscuris finibus, ut

sine laceratione alii ab aliis dividi nequaquam possent. Hæc cum viderim; multo magis vidi, inferiores Thyropharyngæorum fibras a membrana quoque oriri, Cricothyroidæos amiciente; quippe quorum externis lateribus illi insident. fibras autem supremas (sed hoc rarum est) ab ipsis processibus superioribus cartilaginis Thyroidis. Cæterum ad hujus cartilaginis oram infimam deprehendi, saltem aliquando, firmitus quam alio, Thyropharyngæos musculos alligatos. De quibus ne quidpiam, a me conspectum, hic prætermittam; illud non reticebo quod anno præsertim 1732. in Theatro demonstravi, ipsorum videlicet supremum verticem nonnumquam in acutissimum angulum conformari, & ad altissimam sedem ascendere. Atque horum quidem quæ a Valsalva, & a me quoque animadversa proposui, pleraque jam video interea ab aliis etiam recentioribus Anatomicis esse adnotata.

26. Jam vero ut ad tendineam illam mediam lineam revertar; Columbium ipsam, sed aperte magis, diferteque Casserium negasse, fatendum est (*b*). Non tamen propterea oblivisci decet, quot illam vicissim, qualesque Anatomici (*c*) agnovisse videantur: atque ut eos tamen qui nominatim ipsam non posuerunt, aut qui subobscuræ pinxerunt, omittamus: ut insuper quid Laurentius monuerit, quid Cowperus scripserit, non attendamus; at illos ipsos qui cæteros Anatomici Scriptores ad eam tandiu prætermittendam permoverunt, Fabricium, & Casserium, hos, inquam, saltem non negligamus. Cautus prudensque senex Fabricius (*d*) cum in homine ut plurimum negavit; hoc ipso aliquando esse, profecto docuit. Quod ni fecisset; delineatio ipsum sua arguisset, in qua sane luculentam proposuit. Casserius autem (*e*) qui eo processit, ut hanc diferte nec sensui, nec imaginationi esse obviam, contenderet; nonne ipse quoque a medio deorsum, neque ita obscure, delineavit? Quod si cadavera unde illi eorum sunt Iconisimi descripti, non ad eum modum habuissent; quæ tandem pictoribus, aut quæ chalcographis fuisset causa ut repræsentarent? aut quæ ipsis Auctoribus, adversus illam scribentibus, ut retinerent? præsertim cum multo facilius esset candidam lineam temere additam oblitescere, quam forte omissam adjicere. Quid? quod Casserius cum postea nobile Opus de Quinque Sensibus (*f*) emitteret; vel latiore quam Fabricius, lineam inter hos Musculos Œsophagi ab imo ad summum repræsentavit. Tamen ut intelligas, quam ego ingenue hæc scribam; ultro confiteor, me nunquam talem, tantamque, qualis, ac quanta apud Fabricium delineatur (*g*), vidi. At quantam primum (*h*) Casserius pinxerat, non modo alias, sed & nuper in pharyngibus duabus vidi, in quarum altera ad imum potissimum, ut ostendit ipse, producebatur, in altera medium altitudinis Thyropharyngæi utriusque obtinebat ad tractum pollice transverso longiorem, alba utique, & minime obscura.

27. Sed quoniam hæc linea non inter hos modo, verum inter superiores quoque musculos a Valsalva posita fuerat; quid de illius superiore etiam productione & aliis, & nobis observatum sit, videamus. Ac primum, si Veteres attendendi sunt; Falloppius certe, & quos præterea cum illo diximus (*i*) Cephalopharyngæos musculos ad os hyoides extendisse, cum hos quidem pro Pari musculorum proponerent, aliquid in medio discriminis agnoverint, necesse est. Quid? quod Laurentius cum interjectam Thyropharyngæis lineam inculcaret, hos semper dixit (*k*) in mediam stomachi, seu in mediam œsophagi partem inseri lineam alba discretam; ut lineam aliquam pharyngis communem significasse videatur. Certe autem multo ante Laurentium Eustachius (*l*), ab suprema usque pharynge deorsum lineam duxit: & quanquam cum alterum modo Thyropharyngæum, ablato altero, demonstraret; non æque manifestum sit, an eandem, sicut inter summos Hyopharyngæos deducit, sic inter proximos fuisset Thyropharyngæos producturus; tamen illa ipsa Thyropharyngæi alterius ab altero separatio, eo in loco ubi alii ponere lineam solent, instituta,

(*f*) Anat. hum. corp. Tab. 34. Fig. 3. & 4. (*z*) Anat. corp. hum. l. 1. tr. 3. c. 14. (*u*) Myot. Edit. I. ch. 16. (*x*) Fig. 6.  
 (*y*) Epist. VIII. n. 4. (*z*) Ibid. n. 5. (*a*) Animad. 18. (*b*) Vid. supra n. 21. (*c*) Vid. supra n. 19. 23. & 24.  
 (*d*) (*e*) loc. & Fig. cit. n. 21. (*f*) l. 2. Tab. 4. Fig. 4. (*g*) Vid. ad (*d*). (*h*) Vid. ad (*e*).  
 (*i*) supra n. 12. (*k*) Hist. Anat. l. 2. c. 17. & qu. 26. & l. 5. qu. 5. (*l*) Tab. 42. Fig. 4.



stituta, non ita demum obscure indicat quid sentiret Anatomicus gravissimus, & in his musculis usque adeo exercitatus & diligens, ut neque fibrarum ascensum, neque harum, aut Cricopharyngæi ortum ab Annulari cartilagine (m), quam inferior Scutiformis processus monstrat, neque tres angulatas productiones (n) in altero Thyropharyngæo, sua ab sede dimoto; neque in hac demum (o) memoratum postea a Fabricio (p) limitem *asperioris lineæ* per Thyroidem cartilagineam, prætermittat. Porro si quæ Cowperus (q), & Drakius (r) de Pterygopharyngæo, & de Œsophagæo scripserunt, inspicias; videbis continuo, posuisse ambos in postica pharynge mediam istam lineam ab summo ad imum pertinentem. Eandem Cantius (s) non solum pingit; sed & sæpe adeo commemorat, ut vel inter Cricopharyngæos; ubi tamen *vix ipsi visibilis* dicitur, Valsalvæ, & mihi ne vix quidem esse solet; constantissime producat.

28. Ego vero ut in cane aliquo (neque enim est in omnibus) magisque in vervece, luculentissime autem in bobus albam hanc pharyngis lineam conspexi; sic in hominibus sæpius incassum quæsi. Itaque cum rem iterum eo adductam viderem, ut passim ac sine ulla dubitatione poneretur; Valsalvam primum, deinde cæteros commonendos putavi (t): & quod verum postulabat, ab Experientissimis Anatomicis non difficile agnatum vidi. Nam & ille non semper occurrere hanc lineam in suis, ut supra diximus (u), schedis est fassus, & Cowperus in Myotomiae editione altera nullum de hac lineam verbum fecit, ne ibi quidem ubi maxime poterat, in Tabulæ XXVII. Figura II; qua ipsam, ut in eo cadavere invenerit, ex parte delineat; explicanda. Cantius autem (x) nostrum monitum discrete retulit. Ad hæc Cel. Heisterus (y) ejusmodi lineam *haud perspicue semper patere*; itaque *eam modo adesse, modo abesse recte a nobis esse observatum*, & (z) se ipsum pharyngem asservere, in quo adsit, ingenue affirmavit. Denique Eximius Anatomicus Winslowius (a) etsi in descriptione plerorumque musculorum pharyngis, & superiorum præsertim, *lineam albam* commemorat in quam illi utrinque convenient; hanc tamen ait, „non in omnibus, sed in aliquibus subiectis apparere evidentissime, ut speciem lineæ albæ & Thyropharyngæos nominatim videri aliquando esse unum muscolum, nullo eos interrumpente medio tendine. Ego certe quo sæpius inquirō, eo rariorem hanc lineam ab summo præsertim ad imum pharyngis esse, agnosco. Nonnunquam tamen, ac potissimum anno 1732. cum præter illam de qua supra dictum est, pharyngem alteram in Theatro haberem; in hac lineam manifestissime tendineam, a summo Cricopharyngæi musculi vertice ad basin usque cranii pertinentem, demonstravi. Cæterum non ita raro, disjectas ejusdem lineæ partes & vidi ipse, & iis qui aderant, ostendi. Nam inter musculos non solum, ut dixi, Thyropharyngæos, sed etiam Hyopharyngæos, ejusmodi portiones lineæ vel in iis pharyngibus vidisse, memini, in quibus antequam vascula, pinguedinis frustula, membranulas, quæ jam satis ablata videri poterant, diligentius ac penitus abstulisset, nullum esse prorsus vestigium lineæ facile fuisset crediturus. Quid ergo est? Num hæc saltem lineæ portiones in certis & definitis locis pro perpetuis habendæ sunt? Non magis hoc sane faciendum est, quam pro perpetuo deficientibus non modo hæc portiones, sed tota lineam refutanda, quando cum hanc nonnunquam, tum illarum aliquas sæpius in pharynge humana fuisse, & ex aliorum monimentis intelligimus, & ipsi scimus. Hæc vero sæpius in hominibus observata satis esse omnibus possunt quicunque ob res minoris momenti præsentem Anatomies statum mutari cum discentium incommodo, ægre ferunt, ut qui fervare malunt Valsalvæ morem, ab natura ipsa in bestiis pluribus multo constantius, & luculentius probatum, hosce musculos in dexterum sinistrumque dividendi, iis ne propterea lis moveatur.

29. Quod ad me attinet, non id certe volui, cum aut eam lineam sæpius deesse, aut, quod plus est, Morgagni Epistolæ Anatomicae.

aliquando sinistri Hyopharyngæi, & Thyropharyngæi fibras, scripsi, *superato lineæ illius loco, per oppositum latus ascendendo porro pergere*. Rarius id ita manifestum est, ut eo argumento uti liceat ad Valsalvæ divisionem improbandam. Sæpe nullæ omnino, interdum nonnullæ tantum fibræ aperte id faciunt; res plerumque subobscura est. Quod si hic per unam eandemque anteriorem faciem ab uno in alterum latus, fibrarum progressus ut plurimum est subobscurus; minus profecto obvia est decussatio, aut in tendines manifesta mutatio, aut illa horum inæqualis productio, quam verbis magis quam pictura indicare videtur Bidlous (b) de Œsophagæis musculis hæc scribens: „musc., losæ classes suo fibrarum apparatu Œsophagum ob., ambulant, ab utroque latere scutiformi cartilagini., affixæ, tendine quædam, aliæ carne intercipiuntur: Atque juxta divisionem hanc plurimi sunt Musculi Œsophagæi. Horum Musculorum quidam., fasciculi usque in Œsophagi medium, alii ulterius., suis extenduntur tendinibus:., quanquam an hæc omnia ad Œsophagæos musculos, ut Eruditissimus quoque Anatomicus putat, sint referenda, an postrema ad universos pharyngis musculos spectent, de quibus inde iterum loquendi initium capiat Bidlous, dubitare is potest qui cum attente perlegerit quidquid de hisce omnibus musculis Bidlous scribit, & duas quas eorum exhibet Figuras inter se, & cum illius conferre verbis conatus fuerit, idem sibi quod mihi ego, accidere sentiat, ut quid ille sibi voluerit, omni ex parte non intelligat. Certe dum quæ minus obvia sunt, quærebat Bidlous, illum qui maxime obvius est, fibrarum ascensum ad angulum prætermisit. Hunc ne ipse quidem omisit Casserius (c); sed in serie illa angulorum, aliorum aliis imminentium, probabile ali-quod, & saltem in oculos statim incurrens sinistri, dexterique musculi indicium reliquit. Nam etsi subtiliore diligentia fibræ ostendi possint ab uno in alterum latus traductæ; Valsalva quoque, ut ex ejus schedis alibi ostendam, ab dexteris amplissimis abdominis musculis transire fibras in sinistros, animadverterat; nec tamen propterea unquam censuit, receptam in Schollas, ipsorum in dexteros, sinistrosque divisionem esse abjiciendam: quamvis ante illum clari Anatomici non defuerant qui eorundem binos quosque latiores pro musculo habendos esse, diaphragmatis exemplo suadere conati erant. Sed consuetudo nimirum vicit, ne ab denario numero, aut octonario universi abdominis musculi ad septenarium, aut quinarium contraherentur. Verum de augendo, minuendove proposito ab se pharyngis musculorum numero quam æqua esset Valsalvæ sententia, sæpius est a nobis commemoratum.

30. Itaque hæc a nobis omnia perscripta sunt, ut si quis hos nollet musculos imminuere, quæ is uti posset ratione, scires. Tum vero etiam perscripta sunt, ut intelligeres, sive alba iis lineæ, sive hujus portiones interjectæ sint, sive etiam non sint, sed fibræ dumtaxat, ad singulos eos angulos utrinque ascendentes, aliquam ibi inter se habeant supra, subterque co-hæSIONem; satis id esse ut eadem sive per quandam tendinem, aut quasi tendinem, sive per angulorum co-hærentem seriem ea demum ratione de qua infra (d) ubi de Pterygopharyngæis musculis dicemus, immobili ac superiori termino annexam, ad hunc versus tum pharyngem, tum laryngem, aliis etiam ex iis quos in Epistola ad Valsalvam (e) commemoravimus, adnitentibus musculis, attollant. Quod munus sic Hyopharyngæis quidem restituo, Thyropharyngæis autem addo, ut simul tamen officium quoque utrisque fervem pharyngis constringendæ, & Thyropharyngæis etiam superioris partis scutiformis cartilaginis contrahendæ. Opportune enim hi omnes inter se motus conveniunt. Nam sive ad acutas voces formandas larynx attollitur; utile est illo tempore quidquid eo pertinet, ne ejus ventriculi, neve proximum pharyngis cavum, quæ quo ampliora sunt, eo graviores vocum resonitum faciant, dilatentur: sive ascendit larynx ne deglutitioni obster, imo ut eidem & ascendendo, & mox relabendo opituletur; certe deglutitio, pharyngis maxime contri-

O 2

ctione

(m) n. 56. 19. (n) Tab. 41 Fig. XI. n. 85. 16. (o) n. 79. 13. (p) Vid. supra n. 21. (q) Myotom. Edit. I. ch. 16.  
(r) Anthropol. book 1. ch. 9. (s) Imper. Anat. Tab. 3. Fig. 1. (t) Vid. supra n. 24. (u) n. 25.  
(x) loc. cit. (y) Comp. Anat. Edit. II. n. 325. (z) & Adnot. ad hunc eund. an. n. 10 Edit. 3. & 4.  
(a) 1 Expof. Anat. Traité de la Tête n. 475. 476. 481. 473. 482.  
(b) Anat. hum. corp. Tab. 34. Fig. 3. (c) De Larynge Tab. 15. Fig. 2. (d) n. 38. (e) Epist. VIII. n. 5.



ctione perficitur. Sic denique etiam ad excreandum (nam huic quoque muneri & hi, ex parte; musculi a Cowpero (f) addicebantur) tum laryngem attolli, tum pharyngem contrahi, sentimus.

31. Cavendum tamen est nobis, nequando pharyngis contractionem fieri ad eum modum, putemus, ad quem ejus nexus haud satis patiantur. Exemplo sint eadem quæ supra a nobis producta sunt, Molinetti (g) verba, de iisdem Hyopharyngæis, & Thyropharyngæis musculis, quos unum facit, sermonem habentis. *Fibras*, inquit, *suas dum corrugat, versus priora unde prodiit, gulæ principium thyroïdi applicat, constringitque*. Scilicet tunc oblitus videbatur non secus ac plures qui aut de his eadem, aut de superioribus musculis non absimilia tradiderunt, posteriorem pharyngis parietem, qui cæterorum amplissimus est, non contiguum modo esse cervicis vertebris atque iis quibus hæ instratæ sunt, musculis, verum etiam per confertissima membranarum vincula annexum, ne ulla ex parte collabascat, præcipuamque ex naturæ instituto superiorem illam respirationis per nares viam temere arctet, aut intercludat, tantum abest ut pharyngis parietes, quod nonnulli putant, ferme sint collapsi, extra, deglutitionis actionem. Equidem non inficior, membrana illa vincula constrictioni pharyngis sic satis obsequi; eoque magis, quo inferiora sunt, hoc est ad viam illam aeris apertam fervendam minus necessaria. Veruntamen et si ad inferiora vincula divellenda atque abruptenda digitos interjicere satis sit, nec validior distractio, aut scalpelli etiam acies, ut in supremis illis distrumpendis, requiratur; si quis tamen inter divellendum illa quoque infirmiora, magisque obsequentia, animum advertat; continuo intelliget, facilius quidem distrahi posse, sed distracta non inveniri; ut appareat, tunc primum distrahi, non antea cum homo viveret; sic fuisse violenter distracta, ut musculorum anteriora versus contractio tanta, quantum pharyngis posterior paries ut thyroïdi cartilagini applicaretur, postulasset. Igitur aut ego plurimum fallor, aut in pharyngis constrictione multo minor illius parietis in anteriorem partem est motus, quam non modo palati mobilis, sed & ossis hyoidis, & laryngis in posteriorem. Nimirum suspensione, & ad motum ultro citroque faciles hæ partes sunt; ille autem paries per membranulas quidem, sed creberrimas, alligatus; ut cedere atque obsequi nonnihil possit, plurimum non possit. Quod si statuendum esse, censueris; facile hinc rationem erues qua Galenum, Vesalius, cæterosque illos Anatomicos qui Thyropharyngæos laryngi movendæ attribuerunt, adversus illud inexcusabile maximumque absurdum, a Columbo, ut supra (b) vidimus, Laurentioque objectum, tandem aliquando tuearis. Nempe hi mollietatem pharyngis, ac duritiem laryngis, ut hanc ad illam trahi posse, negarent, attendebant. mobilitatem autem laryngis, nexumque pharyngis, unde oppositum conficitur, non attendebant. Unus fortasse hoc responderi posse vidit Platerus (i), qui cum oriri eos musculos, dixisset, *ex stomachi postica parte, cervicis vertebra respiciente*, mox hoc etiam subiecit: *Fortè a ligamenti potius ejus loci pronascuntur*. Nec plura ille. Varolius (k) autem, qui hanc cohaesionem animadvertit, ut alio spectabat, ita hæc satis habuit adnotare: *Ne autem gula cibo superveniente, ob ejus substantiæ mollietatem in se ipsam concideret, opus fuit eam aliqua ratione extensam detinere; quemadmodum saccus tritico, aut quavis alia re implendus, nisi manibus sursum elatis extensus teneatur, nullum transitum admittit. Idcirco gula post asperam arteriam posita est, ut inherendo altera sui parte corporibus vertebrarum cervicis, & lumborum (dorsi, procul dubio voluit dicere) in debita extensione maneret*. Sed multo ante hos, Auctor pervetusti libri (l) qui inter Galenicis circumfertur, de compagine membrorum inscriptus, quidpiam de horum musculorum nexibus videri potest indicavisse, cum œsophagum ex altera parte pneumatico canali supponi, scriberet; ex alia vero cervicis quibusdam tenuibus musculis necesse. Post ea quæ hætenus exposita sunt, non puto opus esse admonere, in hyoide quoque osse, & larynge attollendis me quatuor

proxime descriptis musculis pro ea parte qua cervicis vertebris annexi sunt, tantum tribuere, quantum annectentia vincula sinunt; reliquum cæteris aliquanto mobilioribus illorum partibus, aliisque præterea attollentibus musculis adscribere.

32. Illud potius opus est querere, verumne sit quod a Galeno (m) olim traditum, a plerisque deinceps acceptum est: quod obstaculum cibus per œsophagum descendentibus natura sustulit, in contigua asperæ arteriæ postica facie cartilagine interruptendo, illud ne ibi quidem cibus officeret quæ secus larynga undique cartilaginosa delabuntur; institutum esse, ut nobis cibos transglutientibus, œsophagus deorsum quidem ipse traheretur, larynx vero sursum recurreret: commutari enim eo casu positionem eorum, ut stomachi quidem initium ad asperam sit arteriam, larynx vero sursum ad fauces recurrat. Et Mundinus (n) quidem cum videret, œsophagum faciliter separari a trachea usque ad epiglottum (hoc est laryngem) ibi vero difficulter; utrumque simul in deglutitione attolli, credidit, seque id facere de sententia Galeni, cujus eo tempore is liber esse existimabatur qui inscriptionem præfert de Motibus manifestis, & obscuris. In ejus enim libri postremo capite sicut experimentum producitur ex quo apparet, laryngem in deglutitione non ascendere vi eorum musculorum quos nunc Hyothyroïdæos vocamus, ut quibus in vivente bestia discissis, nihilominus larynx inter deglutendum attolli dicitur; sic res aliter atque a Galeno proposita fuerat, consideratur. Verum utcumque se habeant alia quæ longo illo in capite attinguntur; illud certe verum traditur, continuari œsophago nodum gutturis (id est laryngem) sive inter utrumque esse communicationem non modicam per tunicam œsophagi interiori, in qua substantia carnis est modica valde: deinde cessat in ea caro annihilari paulatim, donec ea privetur penitus; & fit in modum pelliculæ spissæ quæ totus nodus tegitur gutturis. Locum istius cohaesionis indicat Berengarius (o). Est, inquit, mirabilis colligantia inter ipsum laryngem, & meri (hoc est œsophagum) nam meri in suprema ejus parte a parte posteriori epiglottis (id est laryngis) est adeo firme ei alligatum, quod videtur ut tunica meri sit dispersa in larynga. Valsalva autem in schedis vel magis definit eum locum. Pharynx, inquit, annulari cartilagini in parte posteriori per lineam rectam per longum ejusdem cartilaginis firmiter connectitur. Qua quidem ex linea musculosam gulæ tunicam nasci, Falloppius (p) docuit. Vesalius (q) autem eandem lineam maluit fibrosis (neutiquam vero carnis) nexibus accititi involucri (hoc est extimæ tunicæ) quasi beneficio minus fere stomacho committi, quam dictos jam musculos Cricothyroïdæos Posticos. Mihi vero hic membraneus quidem, sed quasi tendineus, & prævalidus, anterioris pharyngis nexus modo ad imam Annularis cartilaginis partem, modo ad mediam valentior esse visus est, qua musculi illi Cricothyroïdæi Posteriores memoratam lineam, sive oblongum inter se interstitium relinquunt, per quod omnis nexus, quamvis minus firme, producebatur: in bove autem cum membrana quoque, eos musculos obducente, hanc connexionem inveni.

33. Cæterum ex quo adolescens primum arctissimam istam ipsius pharyngis alligationem atque adeo insertionem vidi in cartilagine Annulari, fateor, me nunquam intelligere potuisse, quomodo, ascendente larynge, annexa pharyngis pars non ascendat, imo illa ascendente, hæc tum maxime descendat. Cibus quidem eo tempore primum a contrahentibus se musculis, tum a larynge, quam non sursum tantum, sed & introrsum agi tunc video, compelli deorsum, compulsumque ad angustius pharyngis orificium quod est ad œsophagum, dum transire nititur, eadem qua truditur, vi secum hoc deorsum urgere, & sic pharyngem quoad sinunt tunicæ, deorsum extendere, non diffiteor. Verum hoc ita Galeno est concedendum, ut minime obliviscamur, alligatam ad laryngem pharyngis partem simul ascendere oportere: quod & ipsum, ad superiorum musculorum contractionem, & ad laryngis introrsum factam retractionem adjunctum,

(f) Myotom. Edit. I. ch. 16. (g) Dissert. Anat. l. 3. c. 11. (h) n. 19. 20. (i) De corp. hum. struct. l. 1. x. ubi de Musc. Laryng. (k) Anat. l. 3. c. 1. (l) ubi de Oesophago. (m) De Usu Part. l. 7. c. 18. (n) in Anat. Meri, & Trach. (o) Comment. 29. in Mundin. (p) Obs. Anat. (q) Exam. Obs. Fallopp.



Atum, augere videtur obicem posse, ne alimenta fursum recurrant; nam quo quisque tubus in longitudinem magis extenditur, eo secundum latitudinem magis contrahitur. Neque magis oblivisci decet vinculorum per quæ pharyngis tergum ad vertebrae diximus (r) alligari. Tantum enim hoc deorsum extenditur, aut fursum rapitur, quantum illa permittunt: latera autem pharyngis liberius aliquanto moventur. Quamobrem cum Anatomici nonnulli, & in his Thomas Bartholinus (s) sic deglutitionem fieri docent, ut Œsophagæo musculo omni ex parte se contrahente, propterea fibræ ejus obliquæ, quæ ab Œsophago ad laryngem tendunt, transversæ reddantur, si ipsi quidem in pharyngis præsertim lateribus fibras quæ ad laryngem ante descenderent, tunc velint ad horizontalem, ut loquuntur, situm accedere; & cum ipsis facio, & ob eum motum, laryngem, quemamodum ajunt, attolli, intelligo. Simul autem, quod dicunt, gulam deprimi, ob eum quidem fibrarum motum, non magis intelligo, quam musculum (quod Bartholinus idem subjicit) Cephalopharyngæum se contrahentem, ex anterioribus Œsophagæo velut obviam venire, --- ut ita ex utroque musculo constricto, ac semisphærico simul juncto, fiat veluti integer circulus & sphincter absolutus, a Cephalopharyngæo nempe in suprema pharyngis parte, & ab Œsophagæo in infima.

34. Verum hæc me fusius persequi non oportet, sed potius de extremo omnium pharyngis musculo Cricopharyngæo per pauca adjicere: per pauca, inquam, cum antea (\*) de Thyropharyngæis verba faciens, satis indicaverim, quomodo illum Fabricius, & Marchettus videri possint non omnino ignoravisse, Eustachius autem, Casserius, & Cowperus vel prius quam a Valsalva proponeretur, delineasse. Cowperus tamen antequam Valsalvam videret, neque Thyropharyngæos, neque Cricopharyngæum in angulatas productiones extensos pinxerat; imo ne Annularem quidem cartilagineum unde pharyngis prodirent fibræ, nominaverat: quanquam Cricopharyngæi non superiores modo fibras hinc & hinc oblique ascendentes, & ad medium fere se decussantes, verum etiam inferiores illas pinxisset in transversum ferme ductas (t); quas potissimum Valsalva attendit, cum primus omnium hunc musculum a Thyropharyngæis separavit, & unum magis ad sphincteris naturam accedere, admonuit. Utrasque autem retinuit Cowperus in altera Myotomie editione (u), in qua cum alia quæ modo diximus, tum peculiarem ab Annulari cartilagine originem addidit. Sed Cantius (x) transversas silet; decurrentes oblique fursum semel atque iterum nominat. Huic idem quod mihi in duobus cadaveribus continenter sectis videtur accidisse, ut nullæ fibræ transversæ obviæ essent: quas videre in cæteris solitus sum inferiora occupantes, cum superiora obliquæ teneant ad angulum ascendentes, eundem nonnunquam ad quem proximæ ex imis Thyropharyngæis. Nonnullas interdum Cricopharyngæi fibras etiam ab inferioribus Scutiformis cartilagine lateribus ortas vidi: quod & Valsalvæ contigisse, credibile est, cum VI. Tabulam delineandam curabat; neque enim tam alte transversas fibras exhibere potuisset, nisi ab ea cartilagine, ut recte Cl. Santorinus (y) animadvertit, pronascentes. Ceterum de hoc musculo nihil aliud in Valsalvæ schedis inveni, quam fibras carneas aliquando mittere ad proximam quoque cartilagineam trunci Asperæ arteriæ.

35. Nunc illud restat, ut quemadmodum in Uvula fecimus, sic in Pharynge de omissis a Valsalva musculis videamus. Incipiemus autem a Pari Pterygopharyngæo, ab illo, inquam, Pari quod nemo fere est qui non Valsalvæ prætermisum objecerit, qui non Valsalvæ prætermisum inculcaverit: Cui non dictus Hy-las? Valsalva autem multo antequam suam pharyngis descriptionem ederet, hoc & ipse Par musculorum non tantum cognoverat, sed calamo etiam, Bononiæ haud ignoto, Antonii Monti luculenter sibi delineandum curaverat. Quam ego delineationem, cum hæc ad te scriberem, ante oculos habebam, pharyngem ad eum fere modum ad quem postea expressa est Tab. V. Fig. 2. repræsentantem, sed ut

in plerisque aliis; quod fere, primi conatus solent; edito postea Iconismo cedentem, ita hoc meliorem, quod inter Staphylopharyngæum, & Stylopharyngæum, musculum Pterygopharyngæum in pharyngis latus recta ab alto se demittentem præclarissime demonstrat. Pictore illo mortuo, cum inchoatas ab eo Imagines seposuisset; denique accidit ut cum alias ab integro apparare institueret, quas videlicet vulgavit, excellenti usus opera Angeli Michaelis Cavazzoni; accidit, inquam, ut seu rerum copia, seu Glossopharyngæi inter eosdem illos duos quos modo nominavi, musculos tunc addita delineatio, seu tandem falsa, ut infra ostendemus, apud multos Sphenopharyngæi descriptio aut in eam oblivionem, aut, quod ipse in scheda quadam ingenue confitetur, in eum mentis lapsum, Eximium aliqui Anatomicum traxerint, ut cognitum olim sibi atque adeo pictum antea, Pterygopharyngæum musculum prætermiserit. Eo autem facilius a Tabulis in descriptionem quoque hæc transivit omissio, quod in iis quæ circa ea tempora incidit, corporibus longe tenuior solito is forte musculus apparuit; aut nullus, vel fere nullus esse visus est. Id enim sæpe mihi affirmare solitum memini, cum paulo post emissum Tractatum in hunc sermonem incidissemus, meque ipsum quoque excitare, ut in aliis porro, atque aliis inquirens capitibus, diligenter attenderem, an semper, & tam luculente conspicerem, quam tunc forte deprehenderam: ad huncque sermonem verba illa nimirum spectant quibus in Epistola ad ipsum data (z), cum de hoc musculo scriberem, sum usus. Illud idem magis affirmabat, sibi que fortuito sic accidisse, ægre ferebat, postquam ex Anglia missis litteris, atque adeo libris intellexit, mirari Cowperi Amicos, quod „hanc præcipuam partem Cowperiani Musculi Pterygopharyngæi omnino prætermisisset. „ Interea & ego quid de hac parte jam sæpius vidissem, ad Valsalvam scripseram, & ipse in altera quam meditabatur pharyngis descriptione suam candide fateri omissionem paratus erat; cum ecce tibi Jacobus Drakius (a), existentiam hujus partis Musculi (jam diu a „Cowpero descripti, & picti) a Valsalva negari, sive, ut ab Doctissimis Viris qui Lipsiæ Acta edunt Eruditorum (b), relatum est, a Valsalva frustra negari, scripsit: de quo post videbimus.

36. Hic vicissim mirari subit, cur iidem Cowperi Amici, atque alii qui ipsos postea secuti sunt, quæ diligentia tam diserte admonuerunt, quid a Valsalva omissum sit, cur, inquam, pari sedulitate diserte non admonuerint, quot & qualia cum omissa a Cowpero essent, a Valsalva addita pharyngi sint, aut restituta. Erant hæc, uvulæ, & pharyngis continuas: musculus Staphylopharyngæus: Hyopharyngæi productio, & ortus ad cartilagineam hyoidis ossis appendicem: Thyropharyngæi productiones: hujus, & Cricopharyngæi ab Annulari cartilagine origo: atque alia ejusmodi: quæ omnes per se facile intellexissent, si Drakius, ut sibi illud quod diximus, scribendum censuit, sic novos Valsalvæ pharyngis Iconismos, & veterem Cowperi produxisset. Verum ne ipse quidem Cowperus in altera Myotomie editione hoc sibi amplius utendum putavit, sed aliis, qui satis ostendunt, vel ipso silente, quantum in hac parte, inspecto Valsalva, profecerit. Silet namque; si unum excipias Glossostaphylinum; in his cunctis musculis indicandis Valsalvæ nomen; imo, ut verius loquar, ipsos quoque musculos silet. Qui enim olim singulos, aut eorum certe origines describere instituerat, nunc præter unum Stylopharyngæum, causatus, cæteros nimis inter se esse implicitos; quasi vero & olim non fuissent; in unum omnes contrudit musculum, neque in descriptione (c) origines ullius memorat; sed ad Tabulas rejicit Lectores: & quod gravius est, vel post Valsalvam illa adhuc verba retinet: „ultimos „Scriptores in Pharyngis Musculis proponendis errorum systema Riolani secutos esse. „ Non hæc a me scribi partium studio, cum res per se ostendit, tum mea cætera, & hæc scripta ipsa confirmant, ex quibus Cowperum in summis nostræ ætatis Anatomicis jure

(r) supra n. 31. (s) Anat. quart. renov. l. 2. c. 12. (\*) n. 23. 23. 27. (t) Myotom. Edit. I. Fig. 6.  
(u) Tab. 28. Fig. 3. Tab. 29. Fig. 2. (x) Inq. Anat. Tab. 3. Fig. 1. (y) Obs. Anat. c. 7. n. 10.  
(z) VIII. n. 6. (a) Anthropol. book 1. ch. 9. (b) M. August. A. 1709. (c) ch. 16.



jure ac merito a me haberi, & Valsalvæ quoque, si-  
cubi quid humani passus est, hallucinationes ingenue  
agnosci, manifestum est. Sed me interdum minus  
æquus nonnullorum in Valsalvam animus ad justam  
ejus suscipiendam vicissim causam impellit.

37. Et tamen de omisso, ut fateor, a Valsalva  
Pterygopharyngæo musculo sic adhuc respondi, quasi  
hic a Cowpero inventus esset. Quid, si ne nomen  
quidem? Poterat hoc Drakius, antequam carperet  
Valsalvam, vel ex meis *I. Adversariis* intelligere: ubi  
(d) cum plures possem etiam ante Marchettum, &  
Molinettum, Anatomicos nominare qui eum muscu-  
lum descripsissent; eos potissimum nominavi, ut si-  
quis eorum loca inspiceret, ab illo quidem (e) hæc  
scripta inveniret: Musculorum pharyngis, secundum  
,, par a latere positum, satis evidens, latum, & car-  
,, nosum. Scaturit a cavitate ossis Sphenoidis exter-  
,, na, quam eminentiæ aliqua, quæ alæ vespertilio-  
,, num dicuntur, efformant, & parum descendens in  
,, lateribus œsophagi elatiori tamen parte finem suum  
,, porrigit, & dum movetur, œsophagum ad latera  
,, sursum trahit, & sic trahendo ipsum dilatat; quod  
,, par Sphenopharyngæum, sive Pterygopharyngæum  
,, appellatur. A Molinetto (f) autem hæc: *duos*  
*pharyngis musculos ab alaribus processibus oriundos,*  
*& in latera Pharyngis insertos, Anatomici Pterygo-*  
*pharyngæos nuncupant.* Sed multo ante utrumque Io.  
Riolanus cum anno 1608. *Scholam Anatomicam* vulga-  
ret, inter musculos pharyngis (g) secundo loco utrinque  
unum descripsit a superiore parte *Apophysis Pterygoidis*  
*exortum, in tunicam Pharyngis diffusum, eamque sur-*  
*sum attollentem.* Hunc tertio demum & tricesimo post  
anno secutus Veslingius, cum *Syntagma* primum emit-  
teret, *Gulæ Elevatorium* Par dixit (h), *quod alares pro-*  
*cessus in faucium tunicam demittunt.* In iis autem li-  
bellis nondum instituerant pharyngis musculis ab ori-  
gine nomen dare. Id uterque fecerunt postea. Sed cum  
Sphenopharyngæi nomen sit apud utrumque; non eun-  
dem tamen musculum utrique significat. Veslingio  
quidem (i) hic ipse est, quippe qui *originem habere*  
*dicatur in sinu alæ internæ ossis cuneiformis, atque oblique*  
*deorsum inclinans, œsophagi in latera extendi.* Riolano  
(k), hunc jam omittenti, videtur esse Falloppii (l) secun-  
dus; *oriri enim, dicit, ab acuto quodam apice Sphenoi-*  
*dis prope styloidem, & deorsum inclinantem, ad faucium*  
*latera desinere, ut Pharyngem superne trahat.* Ab iis tem-  
poribus cum sub eodem Sphenopharyngæi nomine (quod  
& Tubæ musculum apud quosdam aliquando signifi-  
cavit) alii Veslingii, alii Riolani descriptionem seque-  
rentur, magna pars hominum haud sensit, hac verum  
musculum & facile ostendendum omitti, cum muscu-  
lus alter, si non falsus, at certe non sine hallucinatio-  
ne, præsertim ut a Falloppio proponitur, ad pharyn-  
gem traductus, retineretur. Hunc vero ipsum nega-  
bat Valsalva, cum musculum falso Sphenopharyngæum  
vocatum dicebat. Quamobrem a recentioribus Anato-  
micis cum alia, tum illud egregie factum censeo, ut  
ambiguo fallacique Sphenopharyngæi relicto vocabulo,  
ad verum illum musculum designandum Pterygopha-  
ryngæi nomine multo nunc crebrius utamur. Sunt e-  
nim & alii aliquando usi post Marchettum, & Moli-  
nettum, & in iis Dionisius (m), cujus sic verba latine  
reddita invenio: *Duo alii musculi, utrinque unus,*  
*Pharyngem adhuc sursum attrahunt, sed versus latera, quos*  
*Pterygopharyngæos vocant. Ortum ducunt ex apophysibus*  
*pterygoidibus ossis sphenoidis, partique superiori Pharyngis*  
*inseruntur, non autem parti hujus laterali.* His successit  
Cowperus (n), qui eo tamen nomine simul quoque Glos-  
sopharyngæos, & Hyopharyngæos comprehenderat, ut  
Pterygopharyngæum, nasci, doceret, tenuem & car-  
,, neum ex utroque Pterygoide ossis Cuneiformis proces-  
,, su, itemque ex radice Linguae, & extremis ossis Hy-  
,, oidis: hisque ex locis fibras ejus carneas procede-  
,, re in semicirculi modum, complectentes superiorem  
,, & posteriorem partem glandulosæ membranæ Fau-  
,, cium, ubi in mediam lineam concurrunt.

38. Cum ita se res haberent; in Epistola ad Val-  
salvam scripsi (o): *Musculos quos alii Sphenopharyn-*  
*gæos, alii Pterygopharyngæos vocant, eos quidem a pro-*

*cessuum Pterygoidum internis alis, & præterea, ut saltem*  
*aliquando vidisse memineram, a superiore maxilla propter*  
*ultimum utrinque dentem exortos, in subjectam, atque item*  
*mediam versus superioris pharyngis partem suos inde villos*  
*diffundere, iis ultimis etiam sectionibus exploratum, conspe-*  
*ctumque mihi esse.* Itaque cum ipse Cowperum necdum  
vidissem, sed eos tantum Anatomicos qui alterutro,  
ut supra dictum est, nomine hosce musculos appella-  
verant; intelligere tamen potes, si meam cum illorum,  
& Cowperi descriptione, compares, an clarius origi-  
nem definiverim, an hanc præterea ad anteriora, fi-  
nem autem ad superiora latius extenderim. Sed quo-  
niam ibi, ut diserte monui, *presse hæc, & summam*  
*scribebam, locusque hic est quæ tum videram, ac post-*  
*ea vidi, paulo & fusius, & illustrius exponendi; jam*  
*omnium primum sic habeas velim, non unum incesum,*  
*neque unum finem iis esse horum musculorum fibris*  
*quæ ex iisdem, nedum quæ aliæ ex aliis proveniunt*  
*sedibus. Proveniunt autem plures quidem ex alis in-*  
*ternis paulo ante memoratis, & præsertim ex illa ea-*  
*rum, ut Valsalvæ nostri verbis utar, inferiore parte per*  
*quam tendo musculi Tubæ Eustachianæ quasi per tro-*  
*chileam traducitur; Molinettus (p) olim in ejusdem mus-*  
*culi descriptione uncatum ossis processum non incongrue ob*  
*figuram nominaverat. Pauciores tamen inferiorem &*  
*anteriorem habent originem a superiore maxilla pro-*  
*pè dentem ipsum postremum; nisi forte malis ex his*  
*peculiarem musculum facere Mylopharyngæum Super-*  
*riorem, secus ac mihi visum est, qui jam nimio hac*  
*in parte musculorum numero obrui discentium me-*  
*moriam, censeo. Hæ obliquo incesu per pharyngis*  
*latera in hujus tergum descendunt: quem incesum a-*  
*liæ sequuntur proxime supra has locatæ, & sane supe-*  
*rius aliquanto ac posterius, ab iis de quibus dictum*  
*est, alarum partibus exortæ, unde aliquando & singulos*  
*ab singulis lateribus nasci vidi carnearum fibrarum fasci-*  
*culos, ad arctæ, sed oblongæ, institæ modum per ex-*  
*ternum pharyngis tergum extantes, qui obliquo descen-*  
*su medium versus ferebantur. Verum ab iisdem illis*  
*alarum partibus aliæ proficiuntur fibræ tum consér-*  
*tiores, tum validiores, quæ obliquo & ipsæ aut po-*  
*tius curvo incesu per laterales & posteriores pharyn-*  
*gis parietes ita ducuntur, ut supremam carneam ipso-*  
*rum partem efficientes, se se denique illuc insertum*  
*ascendant, ubi cranii basis anteriori faciei primæ ver-*  
*tebræ proxima est, sic ut plerumque illi, nonnunquam*  
*& huic affixum superioris pharyngis medium invene-*  
*rim. Et quanquam ibi in deposita pharynge latiuscu-*  
*lam persæpe, albam, firmam, & quasi tendineam in-*  
*terjectam membranam conspexerim; tamen cum sua*  
*in sede spectavi, interdum quidem tendinei aliquid*  
*dexteris sinistrisque fibris interpositum, aliquando*  
*summas ipsas fibras evidenter in tendinem per quem*  
*se cranio infererent, brevem, sed validissimum, abi-*  
*re vidi; cæterum alias nihil fere tendinis obvium*  
*fuit; sed dexteræ, sinistræque fibræ ad angulum ascen-*  
*dentes & sese omnes per angulorum seriem, & pro-*  
*ximos infra ex ordine musculos ad immobilem illum*  
*cranii terminum alligare videbantur. Itaque huc de-*  
*num tendit sive per angulorum ejusmodi seriem,*  
*sive per tendineam lineam, hujusve portiones univer-*  
*sæ pharyngis motus, a summo usque ad transversas*  
*fibras musculi Cricopharyngæi spectatæ, quoad tamen*  
*& nexus cæteri de quibus supra (q) dictum est, & hi*  
*supremi cum ossibus memoratis alis præsertim, sinunt:*  
*quæ quoniam alæ nihil cederent, idcirco institutum*  
*esse, opinor, ut cedere ipsæ fibræ possent, non recto*  
*propterea, sed curvo, ut diximus, incesu inter im-*  
*mobile utrumque extremum traductæ. Præter hæc,*  
*si quid aut vidi, aut videre non potui in musculis*  
*Pterygopharyngæis, aut eorum vicinia; erit oppor-*  
*tunior infra scribendi locus.*

39. Nunc quid de ipsis in Valsalvæ schedis invene-  
rim, proferendum est. Ac primum sive hæc ipsi o-  
lim sententia fuit, ut ii musculi nihil aliud in parte  
essent, quam altera Staphylopharyngæi Paris origo,  
quod fortasse antiqua illa Figura indicat quam ipsi  
Montius delineaverat (r), sive cum jam videret,  
Cowperum quoque partem illos credidisse multo  
ma-

(d) n. 8. (e) Anat. c. xi. (f) Dissert. Anat. l. 3. c. xi.

(i) Synt. Edit. II. Patav. c. 3. (k) Anthropol. l. 5. c. 18.

(\*) Myotom. Edit. l. ch. 16. & Fig. 6. (o) VIII. n. 6.

(g) c. 21. (h) c. 3.

(i) Obs. Anat. (m) Anat. Demonstr. 6.

(p) c. cit. (q) n. 31. (r) Vid. supra n. 35.



majorum musculorum, ne sibi quidem propter eos censebat augendum esse numerum musculorum pharyngis; illud certum est, nihil ferme de ipsis scriptum nobis reliquisse, nisi ut de parte quadam illius Paris. Quin etiam pro illis, cum in Tabulis jam editis, inter Salpingostaphylinos, & Glossopharyngæos suo ipse calamo addiderit utrinque productiones duas, superiorem longiorem & angustiore; inferiorem multo breviorē & latiore; utramque (id quod in Tabula præsertim VI. conspicuum est) Staphylopharyngæis a tergo annexuit, eoque perduxit, ut sub Glossopharyngæis subire videantur, mox autem singuli utrinque fasciculi quasi ex Glossopharyngæis emergere, curvæque ductu supra mediam summæ posterioris pharyngis partem ad angulum convenientes, supremum quandam verticem constituere. De his omnibus hæc inter a se observata adnotavit: *Musculi Staphylopharyngæi mittunt etiam suas fibras ad processum pterygoideum in parte interna inferiori versus processum ejusdem styloideum* (sic enim ipse, aut acutum, eundem illum quem Molinettus (j) uncatum, appellabat.) *Ubi extremitas pharyngis tendinea portione secundum partem sui posteriorem inseritur ante magnum Occipitis Foramen; hæc insertio forti tendine desinit, fibræ carnis sursum aliquantisper flectentibus, uti delineavi in Figura.* Et semel quidem in iis observationibus hoc posuit: *Fibræ quæ ad Processum Pterygoideum feruntur, circumdant secundum sui partem pharyngem, supra musculus Glossopharyngeum.* Sed non semel, ut videbis, pleraque eorum quæ sequuntur: *Musculus Staphylopharyngeus præter fibras quas mittit ad Uvulam, alias etiam mittit ad processum acutum Processus pterygoidei interni, necnon alias fibras carneas versus buccas.* Et alibi: *E directo processus acuti alarum vesperitilium lateraliter erumpunt a musculo Staphylopharyngæo fibræ carneæ, quæ inter utramque maxillam procedentes feruntur in Buccinatorem musculum.* Itemque: *Musculus Staphylopharyngeus ex utraque parte, præter insertionem in processum pterygoideum, inferebatur in Buccinatorem, & aliquo modo in mandibulam inferiorem circa radicem ultimi dentis molaris.* Rursus in mandibulam superiorem in parte sinistra firmiter simul cum Buccinatore inferebatur supra ultimum dentem molarem. Et alio in loco: *Musculus Buccinator præter insertiones in mandibulis, fibræ carneas etiam mittit ad processum acutum pterygoideum, ubi simul quasi unitæ inseruntur etiam multæ fibræ musculi Staphylopharyngæi.* Rursus musculi Staphylopharyngæi mittunt fibræ carneas ad Buccinatorem musculum; & harum aliquæ per totum ejus tractum feruntur, aliæ inseruntur in mandibulam inferiorem circa basim processus Acuti ejusdem.

40. Habes summa cum fide exscripta quæcunque de musculis Pterygopharyngæis, eorumque vicinia inter Valsalvæ observationes inveni. Ex quibus primum intelligis quid ipse viderit cum de aliis quæ paulo ante super iis musculis commemoravi, tum nominatim de insertionem, sive origine illa quam in maxilla superiore propter dentem ultimum in data ad ipsum Epistola (t) indicaveram. Quam etsi ostendit ab altera se tantum parte invenisse; ego tamen, quotiescunque perquisivi, & semper, & utrinque inveni. Neque aliud significat is qui post me eandem memoravit, Drakius (u). Sic enim Pterygopharyngæum Par describit: „ nascitur ex Processu Pterygoide, ubi tendo „ musculi Pterygostaphylini reflectitur. Aliquæ ipsius „ carneæ fibræ oriuntur pariter ex superiore maxilla „ pone ultimum molarem dentem, & aliquæ ex lateribus linguæ, & osse hyoide; „ Glossopharyngæum Par videlicet, ac Hyopharyngæum, quæ, Cowperum secutus, cum Pterygopharyngæo conjungit. Drakius idem in Buccinatoris musculi descriptione cœperat aliquid eorum attingere quæ a Valsalva observata sunt. Sic enim scripserat (x): „ nascitur ex interna parte „ Processus Coronæ, inferioris maxillæ (ubi ipse con- „ necitur cum musculo Pterygopharyngæo.) „ Sed Valsalvam vides diserte adnotantem carneas fibræ quas Buccinator mittit ad processum acutum pterygoideum, tum quas accipit a Staphylopharyngæo, tum quas hic inserit in maxillam inferiorem prope ultimum dentem molarem, In his primus vidit musculum

quem nunc Mylopharyngæum vocant, de quo post seorsum dicemus; in reliquis autem fibris tum communicationem haud contemnendam inter pharyngem, & Buccinatorem, tum hujus originem musculi etiam ex acuto processu pterygoidei.

41. Quæ cum primum in ejus scriptis perlegi, eo libentius volui cum anatome comparare, quod mihi videbar meminisse tum in pharynge deponenda firmam adhesionem animadvertam ad processus Pterygoidei externam alam, tum in examinanda necdum deposita visas olim a me fibras carneas a superioribus pharyngis lateribus in utramque buccam pergentes. Conspexi igitur ex fibris illis curvis quas supra (y) in Pterygopharyngæis musculis descripti basim versus craniæ contententes, non omnes ad internam Pterygoidei processus alam attinere; sed aliquas, hæc, & tenui illo Unco in quem ipsa extenuatur, præteritis, ad exteriorem faciem porro pergere externæ alæ: ad quam ipsam faciem cum musculi Buccinatoris pertingant fibræ, quemadmodum mox indicabo; sane proclive est intelligere, quam facile fibræ quædam possint a pharynge in Buccinatorem produci, ut a Valsalva observatum est. Buccinatoris autem origines tres inveni, summam, mediam, infimam. Ejus enim fibrarum pars ima ab ossea quadam extantique provenit maxillæ inferioris linea quæ pone ultimum dentem per internos fines anterioris faciei illius basim ascendit cui demum basi Acutus maxillæ Processus imponitur. Hunc unum eundemque locum & veteres, & nuperos intellexisse Anatomicos, suspicor; sed alios aliis verbis designavisse. Nam cum Riolanus (z), exempli causa, Bauhinum, quocum ipse olim (a), cumque aliis ad eundem fere modum erraverat, reprehendit, & Buccinatoris originem contrahens, *ab utraque maxilla juxta molares dentes enasci*, docuit; quis hunc, aut alios qui ipsum illis, aut posterioribus quoque temporibus secuti sunt, contendere possit, hanc etiam quam dixi, originem nullo modo significasse? neque enim ipse quidem suam exteriorem esse, dixit. Vicissim Cowperus (v) cum rem magis contrahens, non aliunde Buccinatorem, quam „ ab anteriore parte Processus Coronæ inferioris maxillæ „ enasci, dixit, & latum quidem, ac carneum; mihi procul dubio videtur processus hujus nomen ad eam quoque de qua dictum est, illius basim extendisse, eo facilius quod ipsam a continenti alterius processus basi videmus, si non exterius, at certe ab interiore facie, quam hic potissimum spectamus, sic satis distinctam, ut non ipsa tantum, sed & is in quem abit, processus multo ab ea facie inferius incipere videantur. Medias autem Buccinatoris musculi fibras; ut ad alteram de tribus illis originem veniam; ex tendine profectas vidi infixo in Uncum illum tenuem internæ alæ: Supremas denique, nonnullas quidem ex postrema Ossis Maxillaris parte ultra dentem ultimum, sed potissimum ex proxima facie exteriore alæ externæ processus Pterygoidei, per quam satis alte se extendebant. Verum de Buccinatore alia alibi fortasse dicemus: hic attingisse satis sit quæ in aliquot cadaveribus tunc observavimus, cum exscriptas Valsalvæ observationes cum anatome conferremus.

42. Nunc ad Pterygopharyngæum redeunt, fateamur oportet, haud satis omnia nos intelligere quæ postea Cowperus, & Cantius proposuerunt. Sane Cowperus (c) in Tabulæ XXVIII. Figura II. fibræ ad hunc musculum attinentes aliter ac olim (d), per summum pharyngis tergum incedentes exhibuit; recteque illud fecit, ut sursum, medium versus curvo flexu tendentes delinearet. Sed inter summum ipsarum, & Hyopharyngæi verticem vix ullum intervallum ostendit. Recte quoque in Explanatione Figuræ III. nunc quidem videtur agnoscere, ad medium anterioris „ ris Appendicis ossis Occipitis, esse annexum medium I earundem fibrarum. Verum hoc in verticem assurgens non pingit; quanquam sic potius existimamus, inde ipsarum pleræque omnes abstulisse, ut antepositam his quandam seriem LLL. contrario cursu descendendum fibrarum conspiciamus, quam ab osse pariter Occipitis, & a Pterygoidibus deducit processibus. Hanc autem seriem posset aliquis fortasse cre-

(f) Vid. num. super. (g) VIII. n. 6. (u) Anthropol. book 1. ch. 9. (x) Ibid. book 3. ch. 13. (y) n. 38.  
(z) Animadv. in Theatr. Bauh. ad pag. 469. (a) Vid. Schol. Anatom. c. 19. (b) Myotom. I. Edit. ch. 19. & II. Edit. ch. 7.  
(c) Myot. II. Edit. ad litt. I. (d) Myot. I. Edit. Fig. 6.



credere pro origine sumptam a Falloppio (\*) tertii fui Paris muscutorum Faucium, quos postea Cephalopharyngæos vocavere. Porro sub hoc ipso nomine cum alios proposuerit Cl. Cantius (e); etsi non intelligo quas ad ipsos fibras ab radice usque Styloformis processus perducere videatur; intelligo tamen, in medio supremæ pharyngis tergo, non interius illos, siue antierius, sed exterius positos indicare. Quo in loco Cel. Santorinus (f) (qui in Pterygopharyngæo quoque, & in Buccinatore non unum diligentia suæ specimen præbuit) haud duos, sed singularem fibrarum fasciculum, huncque aliquando dumtaxat, vidisse se, scribit. Præstantissimus autem Winslowius (g) musculos hic rursus proponit duos, in quorum descriptione, quantum ego iudico, satis ad Cantii picturam accedit; eos tamen ab lateribus iterum ascendentes se musculis jungere Stylopharyngæis, non semper quidem, sed tantummodo nonnunquam, monet. Ego, quemadmodum pro certo habeo, hos omnes quæ descripta ab iis sunt, conspexisse, ita minus Valsalvam miror nihil istorum adnotasse, cum præter eam quam supra exposui, portionis Pterygopharyngæi Paris insertionem, seu mavis originem ex illo ipso unde suos istos musculos quisque repetunt, cranii loco, ne ipse quidem meminerim ullos præterea fibrarum fascies inde profectos invenisse, quamvis magna sæpe, ut invenirem, vel in optimis cadaveribus cura atque attentione usus sim.

43. Hic igitur mihi idem contigerit necesse est quod in iis quoque sex musculis, a Valsalva pariter omis- sis, accidit, quos Salpingopharyngæos, Chondropharyngæos, & Syndesmopharyngæos apud Cantium (h), aliosque vocari video, ut in corpora nondum incid- rim in quibus appaerent, aut si quis eorum forte ap- pareret, pro musculo tamen, & eo quidem peculiari, nec potius pro alterius jam noti portione, jure ac merito haberi posset. Cæterum quæ alii describunt, non redarguo: quid ipse necdum videre potuerim, in- genue fateor, probe conscius, quam varia in variis cor- poribus natura sit, in his præsertim, ac proximis Par- tibus, & in quibusdam fibrarum fascibus atque expan- sionibus. Sic Falloppius (i) illud, quod & supra com- memoratum est, monuit, ex suo tertio Faucium mu- sculorum Pari fibras esse quæ inserantur aliquando in radicem lingue, obscure tamen. Sic olim ipse, diligenter omnibus separatis, duos restare musculos vidi trian- guli forma; qui ex summa ipsa ora cartilaginis Scu- tiformis propter superiores processus enati, infixum se ibant in extrema prope cornua ossis hyoidis. Sic alia supra varietatum & a nobis, & a Valsalva ani- madversa exempla retulimus. Sic Præcl. Santorinus non unum in pharynge proposuit quod non jam per- petuo, sed aliquando solum spectari, tradidit. Quo magis me idem movit cum Salpingopharyngæos mu- sculos, frustra a me quæritos ex quo in Eruditorum Actis Lipsiensibus (k), atque adeo in Cantii ipsius li- bro (l) descriptos legeram, ipse quoque posuit ad eum modum ad quem ex instituto naturæ constantia solet (m). Nam etsi ubi vel apta non suppetant cadavera, vel ii sedulo non inquirantur, quin vel unquam vel luculenter detegantur, vehementer dubitat, & præterea aliquanto aliter describit; tamen & in fatis aptis corporibus, & in omni illa vicinia me quævisse non negligenter, memineram, vel antequam Cantium legerem, cum hoc videlicet indagarem, num quid tendinei a cranii basi, prope Falloppianum musculi Tubæ principium, existeret, quod carneum deinde factum in faucium latera se demitteret. Certe enim fuisse aliquid ejus- modi, intelligebam, quod Falloppio (n) ansam dedisset ad secundum Par suum muscutorum Faucium propo- nendum nervoso principio ab eadem propinqua parte, unde ille musculus, ortum, atque deorsum declinans ad faucium latera. Itaque vel nunc assentior eidem Can- tio non dubitanti quin Salpingopharyngæus ille idem sit, qui, male, quantumvis, Sphenopharyngæus dicitur Musculus, nempe Riolo, & hunc sequentibus, ut supra (o) cum de Pterygopharyngæo scriberem, de- claravi. Satis enim erat, ut tunc pharyngis musculi ostendebantur, in aliquod aliquando cadaver incidisse

in quo aliquid ejusmodi appareret unde unde ortum, modo ex propinqua illa parte proficisci videretur; fa- tis, inquam, id erat, ut ea pharyngis & sectio, & ostensio fieret de qua postmodum (p) dicemus, qua Sphenopharyngæus musculus perpetuo demonstraretur.

44. Nolim tamen credas, meos, aut Valsalvæ ocu- los firmam pharyngis cum ea vicinia connexionem fu- gisse. Nam ipse in schedis hæc reliquit diserte scri- pta: *Duæ insertiones partis superioris Pharyngis, quæ sunt versus principium partis ossæ Tubæ Eustachianæ, & quæ cavitatem habent angulosam, ab Anatomicis vocabantur Musculi Sphenopharyngæi; at sunt corpora glandulosa (uti etiam pars intermedia, Fornix videlicet Pharyngis) quæ naturam habent Tonsillarum, ut materia separata, & sub- stantia, eadem componens, ejusdem nimirum utrobique na- turæ ostendit.* Ego quoque cum pharyngis partem supre- mam, quod sæpe feci, a tergo perlustrarem, siue glandulo- sam ipsius tunicam quæ hinc & hinc spatia opplet inter summa illa curva latera musculi utriusque Pterygopha- ryngæi, & cranii basim relicta; eam tunicam valide huic affixam inveni prope orificium flexuosi canalıs per quem arteria Carotis cranium subit. Sed & qua pharynx posteriori faciei cartilagineæ Tubæ partis annexa est, quasi institam vidi ex crassiore membrana factam, in- star firmi ligamenti oblique descendente, quæ post- quam ibi Salpingostaphylinum musculum obduxerat, nihil mutata natura in subiectam pharyngis lateralem internam tunicam demittebatur. Mihi itaque totum, quidquid id est, intus, extraque album fuit; non modo ut Cl. Walthero (q), Salpingopharyngæum musculum describenti, quodammodo albidum externe adparuit. Et cadaver tamen optimum erat. In altero autem cadavere, non minus idoneo, fibræ qui- dem aliquot carneæ cum ea instituta continuari, & ire per latera pharyngis visæ, at paucae oppido, & quas vix dignas censerem quas olim Drakius (r) in Pte- rygopharyngæi musculi descriptione ad hunc modum commemorasset: „Est in superficie interna faucium „alter ordo carnearum fibrarum, qui priorem ad a- „cutum angulum decussat. Is nascitur non solum ex „lateribus Uvulæ, sed pariter ex radice cartilaginis „pro Meatu a palato ad aurem (h. e. Eustachiana „Tuba) excavatæ, & oblique ad suam in glandu- „losa Pharyngis membrana insertionem descen- „dit. „Quando tamen quod mihi nondum, id sæ- „pius, ut video, aliis accidit, ut fibras & tot, & tam confertas, & ita dispositas invenirent, ut ex ipsis mallent peculiarem musculum facere; ego quoque in quibus cadaveribus sic apparebunt, in iis pro muscu- lo libenter agnoscam, nemini tamen propterea ob- stans, ne arbitrio usus a Valsalva oblato (s), Dra- kium, aut alium potius sequatur, cui forte placeat tenuiores pharyngis musculos ad paucos majoresque contrahere.

45. Quod certe arbitrium, aliis permissum, non æquum jam facerem, si ipsi conarer Valsalvæ adi- merè in musculo, ut nunc vocant, Mylopharyngæo. Pharyngis enim carneas fibras insertas in mandibulam inferiorem circa basim processus Acutie ejusdem, aut aliquo modo circa radicem ultimi dentis molaris cum ipse, quemadmodum supra (t) indicavimus, tunc invenerit cum acceptam Epistolam nostram, quod ad Pterygo- pharyngæos musculos attinet, cum anatome confere- bat; utique primus fortasse omnium illum constituere poterat musculum, & Mylopharyngæum vocare, nisi ad Staphylopharyngæum, ut ante (u) vidimus, re- ferre maluisset. Nam qui illam ante Valsalvam inser- tionem, hoc est originem, vidisset, neminem ad hoc tempus legisse meminisse; de uno tantum dubito, cujus ego librum, non multo ante memoriam nostram e- ditum, olim autem a me lectum, cum hæc scribe- rem, non habebam. Ex quo vèro illam Valsalva sche- dam conscripsit; præter alios quos cum ipse non le- gerim, mea consuetudine in his litteris servata, pro- ducere Auctores minime audeo, tum Cantius (x) My- lopharyngæos musculos descripsit, & pinxit, tum Co- wyperus (y), eadem commemorata origine, ter, abla- tis; semel, impositis glandulis tonsillis, delineavit. Nec tamen propterea non utilis fuit in his musculis de- scri-

(\*) Obs. Anat. (e) Impet. Anat. Tab. 3. Fig. 1. (f) Obs. Anat. c. 7. n. 2. (g) Expos. Anat. Traité de la tette n. 475.  
(h) loc. cit. (i) Obs. cit. (k) A. 1723. M. Janu. (l) loc. cit. (m) c. cit. n. 4. (n) Obs. cit. (o) n. 37.  
(p) n. 47. (q) Tener. Muscul. Anat. (r) Anthropolog. book 1. ch. 9. (s) Vid. Ep. St. X. n. 6. (t) n. 40.  
(u) n. 39. (x) Impet. Anat. Tab. 3. Fig. 1. (y) Myot. Edit. II. Tab. 28. Fig. 2. & 3. & Tab. 29. Fig. 1. & 2.



scribendis industria Cel. Santorini (z), sive ufumatendas quem non *maxime dilatandi*, ut Cantius, sed contrahendi potius pharyngem adscripsit, sive originem species, quam non *largam*, ut ille, sed *acutam* assignavit. Sane Cowperus (a) semel quam latissimam, sed alias contractiorem, & nonnunquam pinxit quasi in tendinem extenuatam. Valsalva etiam, cum has fibras *aliquo modo inferi*, scripsit; minime videtur amplam originem observasse: mox tamen *fibras carneas* inferi, adnotavit. Ego etsi non valde latam extremam hanc fibrarum institam, manifesto autem carneam insertiorem in maxillæ inferioris facie interna prope ultimos utrinque dentes videre solitus sum; tamen in aliis aliter rem contingere, & hic quoque variare naturam, non invitus putabo, præsertim cum in nonnullis ne satis quidem perspicue apparere hic musculus credendus sit, quando novissime, sagax in primis, atque industrius Anatomicus, „fissus est, se non vidisse i-“, „psum distincte. Invenisse autem ipsius loco portio-“, „nem Muscularem verissime proveniente a Mus-“, „sculo Genio-Glossi, annexamque præclarissime Pharyngis lateri. Eam se vocasse Musculum Genio-Pharyngæum, quippe quæ unita sit cum Genio-Glossi usque ad ipsum Mentum. „Idem musculos Pharyngi addit Petro-Pharyngæos, & Peristaphyli-Pharyngæos. Sed hosce ultimos ipse fatetur „difficillimos esse inventu in subjectis macilentis, atque junioribus: „nosque in torosis plerumque viris incidere pharyngem soliti, si quidquam de his musculis vidimus, ad illorum fibras referri posse, credimus, quos superiore Epistola (b) cum quendam examinarem pharyngis sphincterem, nominavimus. Qua in Epistola si quidquid de Pharyngostaphylo Pari scriptum est, attente relegeris; musculos quoque Hypero-Pharyngæos, qui cum Peristaphylo-Pharyngæis convenire dicuntur, nobis quidem intelliges videri minus necessarium a Pari illo disjungere. Musculos autem Petro-Pharyngæos neque alios præterea legi qui a Salpingopharyngæis separarent, & de his ipsis multo vulgatoribus quantum ego vix invenire potuerim, satis ostensum est supra (c). Denique Genio-Pharyngæum ne Thomas quidem Bartholinus, quamvis a Parente indicatum, retinuit, aut quia non in plerisque liceat ad mentum usque luculenter perducere; sed illius fibræ subsistant ibi, ut ab receptis hoc tempore Glossi-pharyngæis non oporteat separare: aut quia a mento quidem proveniunt cum Genio-glossis, sed ab horum externo latere discedentes, atque inter Ceratoglossos, & linguæ basim, pharyngem versus tendentes, paucae adeo, & quo magis pergunt, eo magis aut evanidæ, aut disjectæ fiunt; ut mihi saltem qui sic invenire solitus sum, nondum satis dignæ sint visæ quas musculum vocitem. Sic autem Casparus, Thomæ Pater (d) qui in aliquo sorte cadavere multo luculentiores, confertioresque deprehendisset, inter Œsophagi musculos proposuerat: *Quartus a mento interno enatus, vario fibrarum plexu inseritur, & apparet quidem quoad fabricam duplex.*

46. Ex his quæ antea (e) de Uvulæ, nunc vero & de reliquæ Pharyngis musculis, quotquot ad hoc tempus propositi sunt, sigillatim ad te perscripsi, facile intellexeris, Valsalvam secundis curis jam pridem fere omnia paulo quidem majoris momenti, ut mihi videtur, præcepisse, quæ post annum 1706. cæteri deinceps Anatomici ad ea quæ primum ipse vulgaverat, addidere. Nec vero permirum videri debet, quod prioribus illis curis nonnulla hominem fugissent, tum primum novam propemodum pharyngem proponentem, & novam certe hanc observandi rationem descriptione, & Tabulis docentem. Nemo enim, ut alias (f) ostendimus, institutam ab natura uvulæ, & pharyngis per communes musculos continuitatem ante perspexerat. Quin etiam non hos solum, sed & peculiare pharyngis musculos temere adacto scalpello transversos dilacerabant: nec quos ostenderent, quærebant; sed quos fecerant, ostendebant. Nimirum latebant in tenebris, luce dignissimæ, quæ primæ omnium apparatus ab Eustachio fuerant, pharyngis Imagines (g), non absolutæ illæ quidem; sed tamen obicem aliquem; si facile ante Valsalvæ labores intel-

ligi potuissent; iis lacerationibus opposituræ. Quæ vero Imagines post Eustachii tempora ab aliis sunt Anatomicis excogitatæ, aut pharyngis cavum potius quam musculos; aut si musculos, unum dumtaxat, aut alterum; aut si plures, perplexe satis, neque omnes tamen qui noti erant; aut si eos omnes, misere profecto laceratos monstrabant. Pharyngis cavum potius quam musculos, exhibebat quæ a Fabricio ab Aquapendente in libro *de Locutione* producta est: qua in Figura vix alter musculus Thyropharyngæus utcunque ostenditur; sic tamen ut ejus fibræ, ab anterioribus ad posteriora oblique ascendentes, conspiciantur. Musculorum vero unum aut alterum monstrabant alii, supra (b) a nobis diligentius memorati, Fabricii ejusdem in primis, & Casserii Iconismi. Ab hoc alii præterea exiere qui plures musculos, at satis perplexe, repræsentarent, ut puta Figura V. Tabulæ II. quæ ad Spigelii librum IV. adjecta est: in qua interpretanda aliquid, ut alibi, a Bucretio peccatum esse, suspicarer, ni Casserius ipse (i), dum viveret, eandem Figuram emisisset, ad eundemque fere modum explanasset. In hoc tamen certe erravit Bucretius, quod ad oram VI. capitis, memorati libri Spigeliani pro Cephalopharyngæis amplissimis illis, ut Spigelius describit, musculis, musculos in ea Figura ostendit quos hujus Auctor *musculos duos parvulos & delineaverat, & esse, dixerat. Nam etsi Casserius, qui ipsis quidem ad superiora œsophagum trahi, voluit, multo esse minores, quam Spigelius, Cephalopharyngæos existimasset; non erat tamen ista satis idonea ad Spigelii descriptionem illustrandam delineatio: quin potius ut dubia atque incerta ea in parte, relinquenda, quemadmodum & in aliis partibus obscura est; pharyngis enim sive, ut Casserius loquitur, illius œsophagi portionis inferior terminus, haud magis in ea manifestus est, quam superior in Fig. IV. Tab. IV. libri II. de *Quinque Sensibus*. Neque minus Casserius ipse explicando perplexam reddidit Figuram I. Tabulæ II. ejusdem libri. Sic enim præfatus, quasi œsophagus duobus tantum musculis ageretur, *quorum altero, inquit, elevatur, --- altero circuli modo ipsum ambiente constringitur*; mox præter hunc ad Q utcunque pictum, & ostensum, præterque alterum ad B, quem *multis fibris intertextum, Œsophagum sursum adducentem* dicit (cujus musculi superiorem partem aliquis fortasse malit ad Salpingostaphylinum, reliquam ad Sphenopharyngæum referre, secundum Falloppii (k) descriptionem in Secundo Faucium Pari, delineatum) tertium ostendere non omittit, X, Stylopharyngæum, quem *sursum œsophagum trahere, confitetur*; ut de aliis si leam, quos pingit quidem, sed non indicat, pharyngis in musculis; ad hos enim pertinere non dubito istum præsertim qui inter Stylopharyngæum, & Thyropharyngæum occurrit, quem esse Hyopharyngæi partem, censo: usque adeo vel nobilissimi Anatomici perplexe nobis & obscuras musculorum pharyngis delineationes relinquebant! Hos tamen nondum ita laceratos monstrabant, ut eæ quæ consecutæ sunt, Tabulæ ostenderunt. Vidus enim Vidi (l), cujus Imagines post Casserianas prodire, etsi utilissimam pharyngis suis in sedibus inspicendæ secundæque rationem præmonstravit; simul tamen non levi ejusdem anatomæ detrimento iis tot præire Anatomicis visus est qui deinceps ad Cowperum, & Valsalvam usque, hos scalpello factos musculos pro legitimis proponere non dubitarunt. Veslingius (m) tamen, & qui ejus sunt delineationem secuti, paulo modestius, & quasi divisionis aliquod vestigium quærentes, cultrum demittebant, excusantes etiam, si quando profundius dividerent. Lyserus (n), & Brownius ipse (o) *difficulter dignosci*, internoscive hosce musculos, fatebantur. Marchettus (p) autem diserte confessus erat, Cephalopharyngæum *revera potius massam carneam videri, quam par musculorum; divisionemque ope cultri fieri.**

47. Nihilominus, his tandem missis confessionibus, & excusationibus, eo res pervenerat, ut sex musculi superiores; nam de Thyropharyngæis satis supra dictum est; æque producta divisione, similes inter se, æqualesque proponerentur, aut si qui paulo breviores, & latiores, hi essent qui longiores, arcioresque

Morgagni Epistolæ Anatomicæ.

P

proponi

(z) Obs. Anat. c. 7. n. 5. (a) Tab. citat. s. (b) n. 17. (c) n. 44. (d) Institut. Anat. l. 2. c. 12. (e) Epist. X.  
(f) Epist. IX. n. 4. (g) Tab. 42. Fig. 4. & 6. (h) n. 26. (i) De Larynge Tab. 1. Fig. 7. (k) Obs. Anat.  
(l) De Anat. corp. hum. Tab. 38. Fig. 20. (m) Synt. Anat. Tab. c. 3. Fig. 3. Vid. & Explic. Fig. 7.  
(n) Cult. Anat. l. 1. c. 40. (o) Myogr. Præl. 3. (p) Anatom. cxi.



Proponi debuerant, & a Veteribus propositi fuerant, Stylopharyngæ: quod, comparando cum Veslingianis Bidloi Figuras (q), statim cognoscēs. Quas cum alii emendare, aut saltem in quo peccarent, admonere debuissent, eas passim quasi naturæ archetypum sequebantur; ut ne ipse quidem Verheyenius (r) aliam quam iis fere similem, exhibuerit. Et quanquam proximo qui confectus est, anno 1694. Cowperus (s) cepit novo edito Iconismo Anatomico ab ea laceratione revocare; tamen vel quod is Iconismus parum esset extra Angliam notus, vel quod nimis altas communis error tam longo tempore egisset radices; anno ipso 1703: qui proxime antecessit Valsalvæ Tractatus editionem, Jo. Mauricius Hoffmannus (t) qui mos etiam tum in Theatris Anatomicis perstaret, ad hunc modum testatus est: *in Sectionibus solennibus, oculis spectatorum subjici solent Pharyngis musculi, maximam partem non a nativa origine, sed cultri artificio formati*. Igitur vulgaræ a Valsalva Imagines tandem aliquando fœdæ huic lacerationi finem imposuere, non modo fibrarum ductu qui ad naturæ normam, quoad fieri tum potuit, satis accederet, ante oculos omnium collocato, verum insuper continuitate præclare ostensa quæ inter Pharyngem, & Uvulam intercedit. Quo facto novum accendit lumen & sibi, & cæteris omnibus ad magis, magisque elaboratas pharyngis descriptiones ac delineationes apparandas, & quoniam laceratio tot, tantosque errores induxerat; ad fibrarum series cunctas, & serierum origines, atque insertiones sine laceratione ulla vestigandas. Inde (quod gratis iterum fateor) inde natæ, aut saltem in consuetudinem revocatæ multæ illæ rationes quibus in deponenda, inspicendaque pharynge jam ab eo tempore (u) usus sum; ut sensim, cauteque amotis nunc quæ a tergo, nunc quæ a fronte, nunc quæ a lateribus pharyngem occultant, hanc ab illa modo, modo ab alia parte suis in sedibus inspicerem, separandique initium ducerem: neque enim semper a tergo dumtaxat inspicere satis est, si quis pharyngis positus, nexusque omnes, unde motuum directio, facultas, aut impedimentum nascitur, sibi quærendos esse, existimet. Inde ego potissimum didici siquid novi in illa ad Valsalvam, aut in his ad te Epistolis scripsi quod ad uvulam, aut ad reliquam pharyngem spectaret.

48. De cujus productione, Œsophago cum alia plura aliis in litteris (x) adnotaverim; vix decet, me harum antea finem facere, quam de carneis ejus fibris, & de eo quem ad arteriam Asperam obtinet, situ per pauca subiciam. Nam & illæ non uni Anatomico musculorum pharyngis productiones ex parte aliqua videntur, & Cantius (y) in sua quam sæpe indicavimus, Pharyngis Imaginis Explicatione aliquid ad eum attinens situm in inea prima *adversariorum* Primorum Tabula desideravit. Igitur ne Viri, dum viveret, Solertissimi, & erga me, quod ex illa ipsa Explicatione intelligo, humanissimi dissimulasse reprehensionem credar, quam præsertim Gravissimi Scriptores Actorum Erudit. quæ Lipsiæ prodeunt (z), non omiserint, Vir autem Præstantissimus Heisterus (a), cum egregia defensione amicissime conjunctam, produxerit; hac ego de re quid Cantius scribat, quid ipse respondeam, non reticebo. „ Hic notamus, inquit, quod Œsophagus non subjacet Asperæ Arteriæ, uti plerumque describitur, & quod Eustachius non exhibet in suis Tabulis, & in quo Vesalius erravit. Hic vidimus, dum Trachea recte descendit, gulam sensim versus latus sinistrum vergere ita, ut tandem plane fere deserat Asperam Arteriam; interim miror, quod V. C. Morgagni in sua Tab. I. Advers. I Œsophagum in latus dextrum Asperæ Arteriæ depinxit. „ Sane quid Vesalius (b) voluerit, manifestum est; diserte enim tradidit, stomachum exalte supra mediam cervicis vertebrarum, & quatuor primarum thoracis sedem, in neutram partem inclinantem, asperæque arteriæ subtensum deduci. Manifestum quoque est, quid vicissim Anatomicus Illustis, olim sentiret Winslowius (c), qui Cantium præverterat, docendo „ se observasse, Tracheam Arteriam non esse e directo

„ ante Œsophagum positam, sed deflectere ad dexteram ab initio, hoc est ab Larynge ad divisionem usque suam: sitam esse lateraliter contra Œsophagum sic ut ipsum nonnihil operiat sua cartilaginea sinistra parte; pars autem cartilaginum dexteram tam prope vertebra sit, quam Œsophagus: „ ad quam quidem descriptionem, suæ oblitus, in delineatione propius accedit Cantius, ut qui; si initium ipsum Œsophagi excipias, quod vel nimis ad sinistras contractum videri potest; reliquum proponit recta descendens, arteriam autem Asperam ad dextrum corporis latus ita deflectentem, ut tandem Œsophagi dextrum vix contingat latus. Sed quid voluerim ipse, quid senserim, qui ne uno quidem verbo de situ isto Œsophagi habito, in una dumtaxat Tabula, aliud agens, gulam, arteriamque Asperam pinxi, tam difficile est divinare, ut ne Eustachio quidem ipsi (d) qui tacitus pariter plures tamen utriusque canalıs delineationes exhibuit, quid placuerit, inter laudatos Viros Heisterum (e), & Cantium (f) satis constet. Et Eustachius tamen utrumque sua in sede spectandum; ipse vero ex ea depositum repræsentavi: ille id ipsum, ut cætera, ex instituto; ego, quod modo dixi, & res ipsa loquitur, non ut maxime naturalis gulæ positus, de quo in iis *Adversariis* nihil, sed ut ex gulæ addita productione, cum exigua, quam indicare ibi licebat, pharyngis portio facilius intelligeretur, tum laterum utriusque cum Thyroidæa glandula vicinitas, de qua sane in eo opusculo verba feceram, conspiceretur. Nam si de eo quoque situ sermonem habuissim; non facile omisissim in ejus Tabulæ Explicatione id facere quod in Tabulæ *Advers.* III. Explicatione (g) non omisi, ut monerem videlicet, non id mihi tamen in ea Tabula proposuisse, ut arteriæ Asperæ, aut Œsophagi frequentior situm monstrarem. Tunc autem cum eum sermonem nequaquam instituissim, eadem qua cæteri Anatomici in pluribus simul depositis Partibus una opera indicandis, libertate usus, Œsophagum quem nonnulli, necessario ostendendi, musculi a sinistris obduxissent, ita in dexteram partem protraxi, ut linguam, ne eosdem musculos plus æquo, aliaque operiret, ab naturali situ in sinistrum latus deflexi, cujus ipsum pondus sic laryngem lævorsum torquet, ut Œsophago a dextris commonstrando vel magis faveat. Linguam os hyoides, annexique huic musculi sequuntur, qui sinistrorsum declinantes, Thyroidæam quidem glandulam ejusque Appendicem magis in conspectum venire sinunt; ipsi tamen in propria sede tantum sunt, quantum satis est, ut eidem glandulæ impositi appareant. Num ergo propterea merito aliquis mirari posset, me pinxisse musculos, exempli causa, Sternohyoidæos ab Scutiformis cartilaginis, & arteriæ Asperæ medio nonnihil remotos? At si id jure non potest; qui possit mirari, quod Œsophagum in latus dextrum Asperæ Arteriæ depinxerim?

49. Atque hæc, ut vides, ita disputo, ut Cantii admiratio inopportuna videatur, tametsi nunquam aliter atque ipse invenit, locatus Œsophagus inveniretur: quem tamen Exercitatus Heisterus (b) certe asseverat, aliter in aliis collocatum se deprehendisse, speciatim autem in aliis cadaveribus ad latus dextrum inclinantem, ut a Morgagnio pingitur. Ego tamen; ut ingenue verum fatear; cum eam Tabulam paravi, has varietates non attendi. Suspiciari quidem postea cepi. Cum enim apud Fabricium nostrum (i) legissem, *variare gulam alteram ab altera situ, id est secundum ductum, seu incesum, quod hominibus, equis, & terrestribus fertur deorsum inter asperam arteriam, & spinam posita; --- in pennato autem ad latus dextrum asperæ arteriæ gula incedit*: cum igitur hæc legissem, & a Glissonio (k) sic confirmari vidissem: in avibus aspera arteria --- a sinistris gulam in suo descensu comitatur; primum dubitare de hoc cepi, quoniam Casserium cernebam omnino contrariam sedem in gallo Indico his canalibus tribuisse, nec delineatione modo (l) sed etiam verbis (m); nam secundum Asperæ arteriæ latus sinistrum proxime gulam progredi, scripsit: ipse vero in tribus quas continenter secueram, hirundinibus ad eum

(q) Anat. hum. corp. Tab. 34. Fig. 3. & 4. (r) Anat. corp. hum. 1. 1. Tab. 23. Fig. 4. (s) Myotom. Edit. I. Fig. 6.  
(t) Idea Mach. hum. Sect. 5. §. 10. (u) Epist. VIII, n. 1. (x) Epist. IX. (y) Impet. Anat. Tab. 3. Fig. 1.  
(z) A. 1724. M. Janu. (a) Comp. Anat. Not. 46. (b) De corp. hum. fabr. 1. 5. c. 3.  
(c) Mem. de l'Acad. R. des Sc. A. 1715. (d) Tab. 41. Fig. 8. & 11. & Tab. 42. Fig. 4. & 6.  
(e) (f) locis cit. (g) Fig. 2. (h) loc. cit. (i) De Gula  
(k) De Ventriculo c. 1. (l) De Laryng. Tab. & Fig. 1. ad LLLL. (m) in Explic. ibid.



ad eum modum sitam inveneram, ut pro certo dicere non posses, utro ab latere esset Asperæ arteriæ. Quod vero ad terrestres attinet animantes; de nostratibus quatuor gliribus satis memineram in unius quidem collo totam sub arteria latuisse, in reliquis autem ad sinistrum hujus latus aut ex aliqua, aut maxima ex parte se ostendisse. Attamen crebræ in utroque animantium genere observationes me postmodum edocuerunt in avibus sæpius verum esse quod Fabricius; in terrestribus animalibus quod ipse in tribus illis gliribus observaveram. Nam etsi in mustela, atque in viro utrumque canalem deprehendi colli medium pariter obtinentem; at in cane tamen, sue, fele, capra, & tribus erinaceis, itemque in duobus viris, & humano foetu, quorum omnium collum eo tempore continenter perlustravi, ad sinistrum latus arteriæ Asperæ inveni œsophagum magis, aut minus extantem, sic quidem ut nusquam non aliqua ex parte inteream arteriam, & Spinam interponeretur. Quod Fabricio satis fortasse fuit cum multarum avium gula comparanti. In his enim ab dextero arteriæ latere non modo totam sæpius, aut fere totam extantem, verum etiam haud raro distantem aliquo intervallo reperiēbam; fere totam in corvo, & caprimulgo; totam in cuculo, in gallo Indico, in iisque avibus quas hic *Beccanotti*, & quas *Cotorni* appellamus; in alio autem gallo Indico, & gallis nostratibus, & columbis quos inspexi, nonnullis, itemque in anserē, & anate transverso interdum digito, nonnunquam transverso pollice ab arteria Aspera in dexterum latus distantem toto illo quidem ferme tractu qui a medio collo ad imum intercedebat. Nam quo magis secundo ascende-batur, eo magis ad illam accedebat œsophagus sic ut demum se se illi subiceret primum ex parte, ad extremum autem omnino, qua videlicet latior est, & tubæ instar, aut infundibuli expansus, opportune sane ut cibus facilius admittatur, neque in ipso œsophagi initio, quod arteriæ initio recta subjicitur, aut hujus officio obster, aut ab hac vicissim ipse impediatur. Inde autem cur œsophagus in latus deflectat, causam quidem eandem esse, non negaverim, in avibus præsertim, quæ dura sæpe deglutiunt, & arteriæ cartilagine perfectas obtinent. Verum ubi hæ imperfectæ sunt, aliam insuper causam esse quærendam, cum primorum bronchiorum alibi (n) a nobis animadversa structura indicat imperfectas pariter cartilagine obtinentium, tum vero ipsorum non ab-similis confirmat fabrica, in nonnullis præsertim avibus manifestissime observata. In anate enim, atque etiam in anserē etsi prima bronchia, dum connivent, habere integras cartilagine videntur; tamen, si expandas, singulas interrumpi cartilagine, & bina quæque ipsarum extrema per interjectas tunicas inter se copulari, invenies: usque adeo falsum est, in aliis animantibus subjecti dumtaxat œsophagi causa esse interruptas; ut cum in summo harum avium collo qua œsophagus subest, perfectæ sint, in thorace vel qua non contingunt œsophagum, sint, ut diximus, imperfectæ. Cur vero in iis de quibus dictum est, avibus dextrorsum, non, ut in terrestribus illis animalibus sinistrorsum gula deflectat, si quis forte existimat eam esse rationem quod ingluviem quo gula contendit, illæ a dextris habent, ut inani præsertim, aut minus distento ingluviei cavo, videre est; potest ille interrogari, non dicam, cur ingluviem quoque non sit a sinistris? sed cur anseri, anatī, corvo, & siquæ aliæ sunt memoratarum avium in quibus ingluviem non vidi, iis tamen pariter œsophagus in dexterum latus declinet?

50. Verum ne longius alteri de duobus propositis immoremur; ad carneas gulæ fibras, quod erat alterum, veniamus. Si Riolo (o) credimus; *Galenus lib. 1. de motu musculorum, cap. 3. & post eum Avicennas, cap. de Gula, affirmant, veteres Medicos Œsophagum pro musculo accepisse*. Quod etsi ea utriusque loca inspicientibus non apparet; constat tamen, & Galenum ibi hæc scripsisse: *Quod si etiam stomachus ipse ventriculi, quem σίκομαχος, id est gulam vocabant veteres, musculus est & ipse*, Morgagni *Epistolæ Anatomicae*.

& musculi officia animalibus ministrat, erit utique & hic musculus & cæ: & Avicennam loco indicato (p) tradidisse: *substantiam meri*, hoc est gulæ, *similiorem esse lacerato*; & ejus tunicam magis extrinsecam esse carnosam, grossam, longitudinales habentem villos. Hanc ipsam tunicam Falloppius (q) esse, confirmavit, *carnosam admodum ac crassam, veluti si esset musculus perforatus*. Præterea addit, *ortum hanc ducere a secunda laryngis cartilagine, cricoide a se vocata, ab illa præcipue linea percurrente per dorsum ipsius cartilaginis, quo cervicem spectat, inter musculos laryngis secundo in pari contentos, hoc est Cricorhytænoidæos posticos: atque inde descendentes ambire totam gulam*. Illud quoque confirmavit: *tunicam hanc fibras habere transversas majori ex parte*. Sed hoc adjecit: *superficiem vero totam exteriorem veluti quodam velo rectis fibris constante operiri*. Quæ Vidius (r) omnia, & Bauhinus (s) quoque conscripserunt; nisi quod hic rectas hujus quidem tunicæ fibras, uterque autem qua hæc præcipue ex parte Cricoidis cartilaginis enascatur, omisit, sive propriis suadentibus observationibus, sive etiam Vesalii censura, quam supra (t) antequam de Cricopharyngæo musculo scriberem, commemoravi: quo in loco non reticui, cujus ipse naturæ nexum ad lineam illam Annularis cartilaginis, observaverim. Hanc tamen carneam œsophagi tunicam ab ea nasci cartilagine, confirmarunt. Nostra autem ætate illustris Anatomicus Cowperus (u), ut hunc Perforatum gulæ musculum quem Vaginalem gulæ appellabat, ex duplici illa fibrarum serie constare, agnovit; sic de utriusque tum ductu, tum ortu peculiariter quædam, non describendo tantum, sed & pluries delineando, proposuit. Rectas enim illas, quas *Longitudinales* vocabat, videri, dixit, originem capere ad cartilagine Arytænoides, & transeundo aliquantum obliqua ad posteriorem Œsophagi partem, ad Ventriculum descendere: reliquas autem, quas *Obliquas* dicebat videri, esse continuationem *Œsophagæi*, descendentes in spiralem modum non aliter ac fibras Intestinarum. Ego uti Verheyenio (x) non immerito assensus (\*) eram, qui ante Cowperum a Willisio discesserat nullas nisi spirales decussatas fibras in carneæ Œsophagi tunica agnoscente, fibras autem in hac longitudinales, & annulares confirmaverat; sicillas ab Arytænoidibus pronasce, has autem esse spirales, mihi sane non facile videri, testatus sum. Nec vero quidquam est adhuc cur id me testatum esse, pœniteat; nam etsi Cowperus in nova Myotomiæ editione descriptionem haud mutavit; in iis tamen quas addidit, Imaginibus nonnulla ostendit quæ suæ, nulla quæ meæ, aut Verheyenii sententiæ revera adversari videantur. Ubi enim (y) Longitudinalium fibrarum supremum in anteriore œsophagi facie initium pingit; certe non ab Arytænoidum usque regione id geminum & ex parte acutum principium, sed a postica inferiore Cricoidis cartilaginis regione, ac fere unde olim Falloppius, videtur deducere. Pariter ubi (z) non modicam Obliquarum partem delineat; non obliquas, non in spiralem modum descendentes proponit, sed tales, ut ipse quoque diserte, *circulares* esse, dicat.

51. Hic te duo mihi, atque adeo Verheyenio, & Falloppio objicere posse, scio. Primum ubi (a) Cowperus has alteras fibras continuationem intimi Œsophagæi, sive, ut nos loquimur, Cricopharyngæi musculi esse ostendit, in eodem plano, & ab iisdem imis cartilaginis Cricoidis lateribus, acuto utrinque initio, deducens, ipsas certe primas ejus ordinis fibras demonstrat inclinatas per œsophagi principium descendere: quin etiam olim (b) non has tantum primas, sed & ad duorum digitorum tractum insequentes, alias aliis magis, minusve inclinatas, & veluti decussatas monstraverat. Deinde Longitudinalium nullas in toto eo tractu summæ œsophagi posterioris partis appinxerat: sed eas primum infra eum tractum ostenderat ab anteriori facie, transeuntes aliquantum obliquas, que ad œsophagi posteriora BB; quod & modo ex parte satis evidenter servavit (c). Igitur Longitudinales nec ubique sunt, nec ubique rectæ: neque

P 2

item

(\*) Advers. Anatom. I. num. 24. & V. Animad. 31. (o) Anthropogr. l. 3. c. 14. (p) Canon. l. 3. Fen. 13. tr. 1. c. 1.  
 (q) Obs. Anat. (r) De Anat. corp. hum. l. 5. c. 6. (s) Theatr. Anat. l. 2. c. 28. (t) n. 32. (u) Myot. ch. 16.  
 (x) Anat. corp. hum. l. 1. tr. 3. c. 10. (\*) Advers. Anat. I. n. 16; & III. Animad. 3; & II. Animad. 14. (y) Tab. 29. Fig. 2.  
 (z) Ibid. Fig. 3. (a) Ibid. Fig. 2 & Tab. 28. Fig. 3. (b) Edit. I. Fig. 7. (c) Edit. II. Tab. 28. Fig. 3.



item ubique sunt Annulares, præsertim si quæ ad has Cowperi observationes solertia addidit Cl. Santorini (d) de repetitis inprimis transversarum fibrarum inclinationibus, & decussationibus attendamus. Ego vero neque hæc prorsus omnia Falloppium, & Verheyenium ignoravisse, existimaverim; & a me pro his adversus Willisium scribente ut neglecta esse, fateor, sic cur negligenda censuerim, demonstrabo. Nam si credere potuissim, a supremi œsophagi observatione Willisium in eam sententiam venisse, ut nullas in carnea ipsius tunica, nisi spirales, & decussatas fibras statueret; de eodem & ego initio œsophagi sermonem habuissim. Verum cum Willisii (e) delineationes viderem ad finem potius quam ad initium œsophagi, descriptionem ad universum œsophagum, administrationem ad neutrum œsophagi extremum attingere (hunc enim in extremis ligari jubet; quæ res perlufrandis in alterutro extremo naturalibus fibrarum ductibus adversatur) cum, inquam, hæc viderem; omnem aliam potius gulæ partem, quam initium, mihi attendendam existimavi, ut vera, an falsa essent quæ Willisius tradidisset; cognoscerem. Huc illud accedebat: quod ad longitudinales fibras attinet, diserte Verheyenium (f) admonuisse, rectas esse, nisi quod nonnullæ illarum, quia œsophagus circa initium latior est, aliquatenus ad se mutuo inclinentur: quod vero ad transversas, Falloppium, ut ante (g) diximus, docuisse, tunicam hæc fibras habere transversas majori ex parte. Quæ res ut ambæ faciunt, ne hos putem illa prorsus omnia quæ de initio œsophagi excipiuntur, non vidisse; sic altera certe faciebat, ne in prælongi tubi observatione, eam potissimum partem spectarem in qua sive augescens amplitudo, sive primarum ortus nexusque fibrarum, sive ipsa denique actio, proximæ pharyngis actioni fortasse adhuc magis quam actioni reliquæ gulæ similis, peculiarem posset; aut aliquanto aliam quam hæc, structuram requirere. Quam si Cowperus, quod ad transversas attinet fibras, a summa illa parte ad omnem œsophagum jure transferri posse censuit; recte, an secus, fecerit, ipse demum indicavit, cum in longo œsophagi tractu illas ab se pictas fibras, circulares, ut supra (h) animadvertimus, esse dixerit. Ego contra usque adeo semper veritus sum, ne quæ structura in una illa œsophagi particula peculiarem ob causam fortasse esset, præjudicatam parere opinionem posset in multo maxima parte reliqua, in qua eadem structura nequaquam esset, examinanda, ut illam mihi particulam seponendam, & seorsum potius, aut cum pharynge inspiciendam; œsophagi autem ipsius fabricam in plurimis omnino ejus segmentis indagandam putaverim: neque aliter hic esse faciendum quam in Venarum, aut Arteriarum structura pervestiganda, ut ab extremis caveamus, ne quam fabricam, formamque valvularum exempli causa, tanquam cordis immixta, aut emissaria, ad ipsum cor habent, eandem fortasse esse & in reliquo passim ipsarum tractu, cum imperitis, & rudibus in Re Anatomica arbitremur. Igitur cum ita mihi cavissim; in reliquo, ubicunque inspicerem, gulæ humanæ tractu omnes mihi exterius fi-

bræ semper longitudinales; nullæ unquam interius spirales se se obtulerunt.

52. Quin etiam vereor, ne qui contra Verheyenium spirales esse, confirmarunt, eorum alios mens potius moverit, & ratio quædam, quam oculi; alios oculi, sed diutius in bestiarum œsophagis, aut in œsophagi humani initio perscrutando exercitati. Alii enim, ut Cowperus; quod semel, atque iterum diximus; postquam spirales confirmaverant, circulares esse, agnoverunt: alii vero ita proposuerunt quasi diffiderent, cæterorum oculis Anatomicorum satis perspicue posse demonstrari. Unus pro omnibus esto Schelhammerus (i). *Transversales illas fibras lubentius, inquit, cum Stenone spirales, quam cum aliis circulares dixerim.* Satis alias (k) de Stenone. Cur Schelhammerus non diserte id dicat; sed lubentius se posse dicere, significet, videamus. Fibrarum seriem, inquit, *constituerim prope insensibiliter declinantem.* Vides, quam diffidenter; & res ipsa, oculorum judicio quam dubia. Sed vide etiam magis: *qualem, inquit, olim vidisse & exhibuisse in Anatome publica memini.* Olim puto, cum quod passim crederent idem sibi facile videre viderentur. Itaque nulla repetita observatione, nulla iterum promissa demonstratione, relictis sensibus, ad rationem haud raro fallacem redit: & quæ, inquit, spiralis series detrudendo cibo mechanice multo circulari est commodior. Vides contra, quam fidenter alii spirales fibras negent, annulares confirment; Heisterus (l) in primis Anatomicus Exercitissimus, & Drakius (m), tanto magis hic attendendus, quanto in reliquis magis Cowpero astipulari consueverat. A cujus tamen observationibus, quod ad œsophagi initium attinet, cave credas nos magnopere dissentire. Nam si unum excipias œsophagum quem cum annexa pharynge A. 1732. in hoc Theatro demonstravimus, in cuius summa externa facie nulla a tergo obliqua aut transversa fibra, sed omnes prorsus longitudinales conspiciebantur; ultro fatemur, vel priusquam Cowperi Iconismi huc essent importati, in nullum nos unquam œsophagum incidisse in cuius suprema postica parte fibras alias quam ex transversarum genere deprehenderemus; has autem ipsas fere transversas potius quam transversas, interdum certe animadvertisse; nonnunquam evidentius & obliquas, & fasciculis aliquot decussatas: itemque in superiore, sed antica facie longitudinales fibras interdum in duos quasi fascies rectos amplosque ad notabilem tractum distributas; alias potissimum ab lateribus conspicuas; aliquando passim diffusas sic tamen ut sub his transversæ fibræ passim translucere; nonnunquam etiam rem subobscuram, ut longitudinales quadammodo, sed non præclare, viderentur. Verum hæc atque alia ejusmodi quid ad reliquam multo majorem gulæ partem? Cum hæc observaremus; sane mirati interdum sumus, tam validæ, & tam sæpe contrahenti se tunicæ non multam pinguedinem apponi; ut ne in obeso quidem viro quod sub ea latet cellulosi, quidquam pinguedinis contineret; vix tunica extima intra thoracem hic illic pinguis occurreret. Sed de Pharynge, atque Œsophago nimis multa. Proximis litteris ad Auditus Organum revertemur. Vale.

(d) Obs. Anat. c. 7. n. 19. (e) Pharmaceut. Ration. Tab. 3. 5. & Sect. 1. c. 2.  
 (f) loc. cit. (g) n. super. (h) Ibid. (i) Analect. Anat. Exercit. 8. n. 41.  
 (k) Advers. Anat. I. n. 16; II. Animad. 14; & III. Animad. 3. (l) Comp. Anat. n. 262. ad 2. (m) Anthropol. book 1. ch. 9.



# EPISTOLA ANATOMICA XII.

*Pertinet ad Tractat. de Aure Hum. cap. 3. sive  
ad universum Labyrinthum.*

**T**ympanum, Uvula, & reliqua Pharynx, quæ Valsalva omnia Capite II. complexus est, ea sunt partium multitudine, ut quæ de ipsis scribenda fuerant, vix a me potuerint sex in Epistolas contrahi, quas ad te superioribus mensibus perfendas curavi. Nunc vicissim his unis litteris complecti me posse spero quæ de Labyrintho subjicienda sunt, de quo ille proximum III. conscripsit Caput. Hic enim modicus est partium numerus, frustra Anatomicos abstertere conante Fabricio ab Aquapendente (a), qui præter Ovale, & Rotundam Fenestram, tertium ex Tympano foramen in alias ducere cavitates, admonuit, quæ tam innumerae sint, invicemque intricatae, ut merito labyrinthus dicantur, & admirari quidem eas licere, dinumerare autem, seu ad ordinem quandam redigere, aut dirigere non esse ut quispiam tentet. Nam sive de Mastoideis, ut censuit Schelhammerus (b), aut his proximis similibusve cavernulis eo loco sermonem habuit: eæ cum labyrintho non communicant: sive reapse de labyrintho verba fecit, ut Casserius (c) existimavit; ab hoc ipso vere est responsum, non esse labyrinthi canales innumeros, neque invicem adeo intricatos, ut dinumerari, seu ad ordinem quandam redigi non possint. Viæ quidem sunt mirifice intortæ & convolutæ ob eandem causam propter quam antiquus Auctor libri, Galeno attributi, qui de Anatomia Vivorum inscribitur (d), itemque Avicenna (e), Meatum Auditorium esse anfractuosum, docuerunt; scilicet ut per tam breve spatium prolongaretur, hoc est, quemadmodum Zerbus (f) loquitur, ut spatium modicum occuparet, licet via pereum sit longa involuta ex tortuositate ejus: itaque Bartolus (g), Cochleæ etiam sepositis convolutionibus, animadvertit, octies longius spatium Canales Semicirculares occupaturos fuisse, si in unum directumque tubum essent conformati. Sed Anatomicorum industria, nostrique labores quoddam nobis quasi Ariadnæum porrigunt filum, cujus opæ ex involutis hujus labyrinthi anfractibus facile nos liceat expedire.

2. Et Falloppius (b) quidem (ut hic antiquiores illos omittamus, de quibus satis est a nobis in I. Anatomica Epistola (i) indicatum, qui Canales olim, & Cochleam non videntur ignorasse) ex quo Stapes inventus est, ausus princeps per Ovale, eo officulo antea oclusam, Fenestram in hæc penetralia, quæ non infeliciter omnia perlustravit, viam aperire, nomen Labyrinthi, non Cochleæ (in quo nunc fallitur Vir Eruditus) sed Canaliculis cum Vestibulo, attribuit. Quamobrem Casserius (k), & qui ante ipsum, Platerus (l), & qui post, Veslingius (m) nobis Vestibulum delineant, tum descriptione, tum Figurarum interpretatione Vestibulum ipsum nomine Labyrinthi, seu Cavitationis secundæ (nam hoc etiam vocabulo est usus Falloppius (n), cui prima Cavitas erat Tympanum, tertia autem Cochlea) comprehenderunt: tamen vel inter Veteres Salomon Albertus (o) iis qui peculiari, usitataque nunc voce appellare Vestibulum instituerunt, non obscure præluxit, Stapedem, scribens, basi sua fenestræ ovali immersum vestibulo labyrinthi insidere. Vesalius quoque (p) cum, Falloppii monitis Observationibus, Vestibulum conspexisset, haud male contulerat cum præcipua fodinæ alicujus metallicæ sede, a qua multa plateæ, aut viæ, aut cuniculi excurrunt, qui per duram ossis substantiam velut in circulum excavati, incedentesque in amplam cameram rursus revertuntur. Sed quot hi cuniculi orificiis in vestibulo paterent, ferius omnino, atque adeo nostra fere ætate primum inter Anatomicos constare cœpit. Nam etsi Casserius (q), qui primus olim numerare instituit, sex haud amplius inveniebat; tamen septem

ponere non dubitabat. Septem, inquit, in vestibulo habentur foramina, sex tamen se oculis tantum offerunt: Tres isti semicirculi, seu cuniculi, suo egressu & recursum, sex in eandem faciunt cavitationem: ex his unum latet: Septimum satis amplum abit in Cochleam. Recte docuerat, si quod non reperiebat, id non latere, sed deesse, in animum inducere potuisset. Contra Veslingius (r) justum sex foraminum imminuit numerum, ad quinque redigens, & ex his, quatuor dumtaxat, Canaliculis tribuens, quæ & delineatione (s) adumbravit. Igitur non mirum, si his succedens Rolincius (t) non semper eodem numero se offerre, scripsit. Nec longius abiit Schelhammerus (u), qui quamvis tres esse gyros seu circulos, & sex foramina, perpetuum esse, autumabat; non tamen semper & in omnibus sex illa foramina in labyrinthi majorem cavitationem patentia observari, docuit, sed in quibusdam quinque, in aliis quatuor tantum: cuius ultimi exemplar, si quis forte dubitet, in humanis ossibus apud me, inquit, videre est. Non tamen hoc ubi conspicitur, unus gyrus in alterum desinit, quod vult Cæcilius (Folius) atque post ipsum alii: sed binæ aperture simul exitum inveniunt, quod manifestum est, quia oculis discerni possunt. Verum, quantum ipse videre potui; plurima autem vestibula inspexi; quam rarissima in hominibus sive quatuor, sive sex foramina sint, oportet, cum ego neutrorum ullum ad hoc tempus exemplum viderim: ego autem? imo vero ne ipse quidem, quod inveniam, Valsalva, qui innumera certe perlustravit. Quin istud quod Schelhammerus pictum in medium protulit, quatuor foraminum exemplum (x) eo insuper rarius est, quod & Canaliculorum gyros inter se implicitos ostendit, & cum duplicem Canaliculorum in unum exitum, concursum monstrat, neutrum Majori cum Minore Canaliculi communem exhibet. Sed & alterum (y) quod ipse, ut in quibusdam occurrens, a me vero in omnibus inventum, quinque foraminum exemplum affert, neque concursum inter eos quos dixi, & inter quos solet, Canaliculos proponit, & Canaliculorum gyros, quod non solet, inter se implexos repræsentat; ut de singulorum Canaliculorum utroque in exemplo, & in alio quoque (z) in quo unum Canaliculum seorsum pingit, longitudine fileam, non magis sane quam quæ notata sunt, hominis anatomie conveniente.

3. Illud paulo melius delineatione (a), quam verbis, monstrat, quod animadvertere olim debuisset Casserius; quomodo Canaliculi bini singulis extremis in Communem Canaliculum confluant, &, quod consequitur, pro duobus illorum extremorum duorum orificiis unum modo in vestibulo orificium se aperiat. Hunc olim Eustachius (b) subindicare confluxum cœperat: sed Folius (c), ac Veslingius (d) delineationem perfecerunt, Canaliculo ipso Comuni recto. Is autem Canaliculus; etsi longe aliter, ut dixi, ostenderit Schelhammerus; revera Majori, & Minori, quos nunc appellamus, Canaliculis communis est: idque, ut perpetuum, primus, quod meminerim, docuit qui orificia propterea universorum Canaliculorum esse in vestibulo quinque statuit, Præstantissimus Verneyus (e). Hic etiam primus quinque ista orificia delineavit. Canaliculos autem ipsos sine illa gyrorum inter se implicatione jam multo antea pinxerant alii, quos non attendit Schelhammerus. Etsi enim Vesalius (f), quorundam fortasse animalium (ad quæ Gallinaceum genus accedere satis video) dissectionibus pariter deceptus, duos Canaliculos rectis quasi angulis se se bis interfecare, non solum docuit, sed Falloppium quoque, qui id certe non scripserat, idem docuisse, significavit; tamen is qui

Canaliculus

(a) De Aure P. I. c. 7. (b) De Audit. P. I. c. 4. n. 6. (c) Pentæsth. l. 4. Sect. 1. c. 10. (d) ubi de anat. aurium.  
(e) Can. l. 3. F. 4. c. 1. (f) Anat. tot. corp. ubi de aurib. (g) Del Suono tr. 4. c. 8. (h) Obs. Anat.  
(i) n. 92. (k) c. cit. & Tab. 10. Fig. 13. (l) De corp. hum. struct. l. 1. & Tab. 7. Fig. 4.  
(m) Synt. Anat. c. 16. & Fig. 9. ejusd. cap. (n) Obs. cit. (o) Hist. plerumq. Part. hum. corp.  
(p) Exam. Obs. Fallopp. (q) c. cit. (r) c. cit. (s) Fig. cit. (t) Dissert. Anat. l. 2. c. 15. (u) c. cit. n. 5.  
(x) Fig. 26. (y) Fig. 25. (z) Fig. 24. (a) Fig. 25. & 26. (b) Tab. 44. Fig. 3.  
(c) Vid. apud Bartholin. Cent. I. Epist. Med. 63. Fig. 4. (d) c. cit. Fig. 21.  
(e) De Audit. Org. P. I. (f) Exam. cit.



Canales & universos, & a circumjecto offe liberatos princeps effingere conatus est, Felix Platerus (g) istas intersectiones, ut mihi quidem videtur, non demonstravit, multoque minus demonstrarunt qui deinceps idem propositum secuti sunt, Casserius (h), Bauhinus (i), Veslingius (k), Folius (l), cujus Figuram cur unam præ cæteris memoret Schelhammerus (m), non satis video: neque enim ex Folio sumptam hi quos nominavi, *suis libris inseruere*, pars etiam mortui non potuerunt; neque ex Folianis Figuris, quas *deinde* ab aliis descriptas sciam, esse aliquam censere possum, quæ nonnullis præsertim illarum jure videatur anteferenda. Nam quæ luculentissima omnium, videlicet ad illud usque tempus editarum, fuisset, eane a Bartholino (n) quidem, a quo aliæ sunt Folli propositæ, descripta est. Ea autem, ut mihi videtur, est Quarta, non quod in hac nihil in dimensionibus, sed quod minus quam in aliis desiderem; in perspicuitate autem longe minus. Utinam hæc & universam, & in parte, exempli causa, ubi extremum ostendit Canalis Minimi quod ad hujus pertinet orificium Angustius, æquo esse majorem, admonuisset. Sed minus hoc mirum, cum in II. quæ Bartholino I. est, multo major exuperantia sit, & propter appictum os temporis multo manifestior: quam tamen silentio dissimulat Folius.

4. Verum ut eorum a quibus Canales delineatos esse dixi, ferme omnes aliquanto felicius quam Platerus, qui in longitudine, & cum hac præsertim collata, exilitate Canaliū; ut cætera sileam; nimius fuit, rem exhibuerunt; sic etiam facilius, quippe qui in fœtu, aut infante aggressi, expederunt. Casserius (n) certe hæc *in infantulo solum distincte, ac integre separari posse*, credidit, *in natu autem majore id moliri non modo arduum, sed omnino impossibile*. Qua difficultate plerisque deinceps; ne omnes dicam; ad Valsalvam usque fuisse deterritos, ne in Petrosi adultorum ossibus id tentarent, illud manifesto indicio est, quod nemo ipso melius adultorum Canales, horumque orificia, iusta proportionem, figura, situ delineavit. Cujus exemplo, Alumni quoque nostri excitati non in fœtu modo in quo se se ipsi Canales ex parte produnt, neque multum negotii est hos ab non ita dura, eaque pauca, substantia ossea, nec omnium gyri centrum opplente expedire, sed in adultis præsertim in quibus res contra se habet, ita suam exercuerunt industriam, ut quod olim, tanquam *impossibile*, deserebatur, id ipsum querant, & prope incredibili felicitate absolvant. Itaque si quis modo, ut Rolsincius (o) quondam, in Riolani (p) verbis forte hæreat, scribentis: *tres ductus, sive semicirculi in labyrintho reperiuntur --- ex opinione Anatomicorum: ego vero sex invenio*, aut etiam, ut Bartolus (q), in eorum discrepantia, qui quatuor numerabant, vel cum tres agnoscerent, tamen alium, spiræ instar, ex alio existere, ac produci, docebant; non est cur amplius ad diffensiones componendas, aliter in aliis corporibus eum se habere numerum putet, aut in resiccatissimis ossibus deesse suspicetur cartilagineam aliquam continuationem, quæ intra vestibulum recens, unam forsitan ex tribus annulis spiram efficeret. Nam prope innumeros labyrinthos in recentibus aridisque auribus cum ipse aperui, tum meorum sedulitate apertos pluresque etiam eleganter ac affabre elaboratos, inspexi; neque adhuc in unum incidi qui aut cartilagineam illam continuationem, aut plures paucioresque quam tres Canales ostenderet. Sed & assiduo in labyrinthis accuratissime retegendis usu hætenus ab nostris profectum est, ut me adhortante, ac in re nova, nec, quod sciam, antea tentata, quacunque potui ratione adjuvante, quod in sejunctis a cranio Petrosi ossibus sæpenu-mero jam præstiterant, id in iisdem suam in cranio sedem obtinentibus pari diligentia, atque elegantia, sed majori tum labore, tum utilitate perfecerint; labore quidem, cum intra cavam cranii basim ea fuerint elaboranda, quæ vel in diviso, & in quamcunque faciem malis, versabili offe, merito habentur difficillima; utilitate autem; nam si perutilis est, ut certe est, illa a Valsalva primum instituta universæ Auris Præparatio ad singularum ejus partium inter se nexum, positum, ordinem intelligendum, unique propemodum oculorum obtutui subjiendum; quanto hæc utilior, quæ

non modo illa omnia, sed cum reliquis præterea cranii partibus qui sit ipsarum partium auris nexus, situs, ordo, evidentissime demonstrat?

5. Quod ut olim fortasse cognoscent omnes ex Tabula qua cum Præparatione hac faciem internam basis calvariae delineandam curabimus, Tabulæ Valsalvæ IV. respondentem, qua delineavit externam; ita nos cum sæpe alias experti sumus (hæc enim jam ante viginti annos præparata ac animadversa habemus) tum in præsentia, dum hæc scribimus, experimur. Nam primum labyrinthum universum conspiciamus longitudine sua secundum longitudinem Petrosi processus collocatum, eandemque adeo, quam hic, ad utrumlibet axem basis cranii obliquitatem servantem sic ut Cochlea non modo anteriora, sed & interiora teneat, Canales non posteriora modo, sed & exteriora, Vestibulo mediam sedem positumque obtinente, altitudine etiam spectata; nam neque ima ejus pars æque humilis est ac infima Cochlea, neque summa æque alta est ac Canalis supremus, qui totus ferme summa Cochlea altior est; neque inferior vestibuli paries, in quo hiare Cochleam dicemus, sed exterior potius paries, extrorsum tamen inclinatus, Fenestram Ovale habet insculptam; quam, si totum vestibuli cavum spectes, anteriora tenere, dices: sin cavum tympani, quocum illud per eandem Fenestram communicat, posteriora. Nam vestibulum non anteriori, sed posteriori parti respondet ipsius tympani, huic, ut reliqui etiam labyrinthi magis externæ portiones, sua exteriori parte impositum; ut argui Valsalva non debeat, quod vestibulum *situm obtinere immediate supra basim stapedis*, docuit. Cranii enim basi; quemadmodum consuevimus, & is capitis situs qui maxime secundum naturam est, postulat; sic locata ut non modo Jugales processus habeat secundum horizontem positos, sed in neutrum ipsa inclinetur latus; certe oculo, desuper ad lineam, vestibuli cavum insipienti, subjecta occurrit Fenestra Ovalis cum basi, qua occluditur, Stapedis, non adeo obliquo posita, quin, deturbato Stapede, per Fenestram transpici tympanum queat, eodem cranii, oculique loco servato. Quæ propterea ita sunt quod exterior vestibuli paries in quo ea Fenestra est, extrorsum, ut diximus, se inclinat. Posterior autem paries oblique fertur retrorsum & introrsum. Anterior cito in internam se incurvat. Itaque certum quoddam concavum pene hemisphæricum, quod protinus describam, cum in anteriore pariete incipiat, per internam producit: quo fit ut secundum varias partes aspectum, Fenestræ Ovali, & aliis quibusdam orificiis quali regione oppositum sit. Linea est ossea, in quam interior facies vestibuli nonnihil assurgit; ut propterea Vieussenius (r) (qui illius priorem ferme partem videtur solum attendisse) *Eminentiam osseam Conchæ* id est vestibuli appellaverit. Sed ea linea initium capit supra anteriorem eandemque superiorem Ovalis Fenestræ oram. Inde in modum arcus per vestibuli anteriorem parietem ascendens, pergensque itidem per internam, mox paricurvitate posteriora versus atque exteriora descendit, donec orificii Cochleæ internam oram affecuta, in nonnullis quidem in Spiralem Cochleæ Laminam videatur facessere, in plerisque autem secundum istam eandem oram producta, illuc unde inceperat, quasi circuli peracto ambitu, revertatur. Ejusmodi linea concavum, de quo dicebam, prope hemisphæricum universa comprehendit. Ea autem parte quæ ab ipsius initio illuc usque pertinet unde incipit descendere, a concavo hemisphærico concavum alterum dirimit pene semiovale, cujus latitudinem ipsa ab anterioribus, a posterioribus autem linea altera definit ossea, extantior, sed brevior, quæ orificii Proprii Canalis Minoris anteriorem marginem facit. Hoc concavum, secundum suam longitudinem ab exterioribus introrsum se extendens, anteriorem fornicis vestibuli partem efficit. Hæc ego concava duo tum usu spectanda, tum elegantia ipsa structuræ, & lævi ac candido, ut sæpe, nitore intuentium oculos morantia, tunc primum animadverti, cum minus descriptam anteriorem vestibuli partem diligentius scrutarer: itaque illa

(g) Fig. cit. (h) Tab. cit. Fig. 24. (i) Theatr. Anat. l. 3. Tab. 25. Fig. 4. (k) Synt. Anat. Tab. 1. cap. 8. Fig. 7. & 8. (l) loc. cit. apud Bartholin. (m) Anat. quart. renov. libell. 4. Tab. 3. (n) in Declarat. Fig. cit. 24. (o) Dissert. Anat. c. cit. (p) Comment. in Galen. de Offib. c. 8. (q) Del Suono c. cit. (r) Traité de l'Oreille P. 2. ch. 5.



illa eadem illustri occasione (f) qua inventas ibidem veras ingredientium nervorum vias in hoc Theatro demonstravi, cum aliis præterea rebus ea quoque alterum *Cavitatis Hemisphæricæ*, alterum *Cavitatis Semiovalis* nomine proposui necessario, ut earum sedem viarum definirem. Quo magis gavissus sum, cum hanc Epistolam describerem, allatos ad me esse novissimos duos Cl. Cassebohmi de Aure Humana Tractatus, in quorum V. (t) ambas, *Cavitatis Orbicularis*, & *Ellipticæ* vocabulis designatas pictasque deprehendi: quanquam nec Chalcographus satis, ut opinor, in quibusdam est Diligentissimi Viri mentem affecutus, velut ubi parallelogrammi multo potius, & æquo magis, quam ellypsis ambitu Cavitatem secundam repræsentavit: neque primam *Vieussenius nominavit* (u) Quadrivium Labyrinthi; quo vocabulo, (sicutea confirmant quæ paulo ante in vestibuli descriptione semel atque iterum attigerat) parvum, imo minimum spatiolum significavit orificiū Cochleæ, quod in vestibuli basi est, subiectum, non superius istud concavum, nusquam, quod sciam, ab eo memoratum: qui, ut infra videbimus, quanto de Vestibulo pressius, tanto de Cochlea redundantius scribens, ad cæteras minime necessarias divisiones, & appellationes hanc addidit, ut particulam, credo, ibi incipientis Scalæ Tympani Quadrivium Labyrinthi nuncuparet. Ne ipsius viderer redundantiam æmulari, libens hic omitterem tertiam quandam vestibuli Cavitatem; nisi ad Foraminis descriptionem attineret eo minus prætermittendi, quod nunquam deesse animadverti, eaque esse solet magnitudine, ut cuilibet, vel non quæsitum, per se in oculos incurrat; quamobrem non videbatur promiscue inter foraminula aut non perpetua, aut longe minora proponendum. A me olim in Theatro simul cum cæteris de quibus supra dixi, demonstratum est. Trianguli forma occurrit, prope eam oram hians orificiū Canalis Communis, quæ parietem vestibuli interiorē attingit. Ejus trianguli vertex ad eundem Canalem pertinet, ut interdum per hujus intimam faciem promineat osseus fornix brevis tubuli in id foramen desinentis. Crura autem trianguli singula in singulas osseas prominulas lineas producta, secundum interius extremum Cavitatis Semiovalis, & posteriorem Hemisphæricæ marginem per interiorem vestibuli parietem descendentes, oblongum semicanalem, seu mavis sulcum intercipiunt, qui haud raro, infra Proprium Majoris Canalis orificiū se inflectens, in orificio Cochleæ posterius definit. Hunc in quibus magis conspicuus fuerit (nec enim in omnibus æque est) Cavitatem poteris Sulciformem appellare.

6. Orificiū Cochleæ, Fenestræ Ovalis, & Cavitatum sede in vestibulo demonstrata, reliquum est, ut de Canaliū quoque orificiis videamus. Hæc autem vestibulum minime in anteriore, minus in exteriorē inque interiorē pariete, magis in posteriore, & in proxima huic fornicis parte ostendit hiantia, bina in summo, totidem propius medium, unum propius imum sic ut proxima inter se hient inde terna, quæ sunt circuli forma, hinc bina, quæ ellypsis; illa posticam internamque, hæc externam anticamque magis sedem tenentia. De ternis imum ad Majorem, summum ad Communem, medium ad Minimum Canalem attinet, ad quem de binis spectat humilior; altius ad Minorem. Sed hoc humilior, medio illo paulo altius est: hoc altius, summo illo saltem non inferius, si modo id summum, nempe Canalis Communis orificiū in hujus Canalis fine, ut par est; non superius in aliqua ejusdem canalis sectione inspicimus. Quod si facere liceret; fortasse minus aliquanto difficile esset intelligere, quomodo vestibuli Figuræ prodierint, sua cæteroquin laude dignæ, quæ simul id orificiū circuli forma repræsentent, quale e regione contemplantibus occurrit, simul orificia cæterorum Canaliū (ut de aliis sileam) eā omnia, aut fere omnia formā exhibeant, quam ostenderent, si ad eundem modum singula, hoc est e regione aspicerentur. At si hæc orificia sunt, ut certe sunt, in iis quodque sedibus, in eoque situ, eaque figura quam natura tribuit, demonstranda; sic habendum est, nullum unum esse Iconismum qui ita exhibere uni-

versa possit; sed quemadmodum vestibulum, quantumvis apertum, imo Canales ipsos universos, scite a vestibulo sejunctos, modo in hanc, modo in illam partem convertere debemus, ut modo unum, aut alterum orificiū, modo reliqua deinceps probe inspicimus, ita ad omnia ostendenda, plures omnino Icones a nobis esse præparandas. Bina enim illa orificia quæ ellypsis forma esse, diximus, nullo prorsus inter utrumque interjecto spatio, alterum marginem habent communem, alterum vero ita positum, ut orificiū orificio quadantenus obverti videatur, Terna autem reliqua, quæ aut circuli, ut plerumque, figura sunt omnia, aut si qua ab hac nonnunquam recedunt, longe minus recedunt, quam bina ellyptica, ita sunt locata, ut imum pene objiciatur summo, atque utrumque horum persæpe communes cum intermedio oras habeant. At enim Valsalva nihilominus universa, nec semel, uno Iconismo demonstravit. Fateor. Sed præterquam quod ubi margines aut debent, aut sæpius solent esse communes, nihil omnino spatii interjecit, & quod Communis canalis orificiū ex obliquo ostendit, & quod canalem Minimum pone reliquos ita statuit; ut nihil de ipso ultra horum concursum appareat (nam siquid appareat, fieri non potest ut Commune istud orificiū ullo pacto, nedum circuli forma, aspiciatur) præter ea omnia, inquam, non puto, esse te negaturum, ubi rem ipsam cum Figuris comparaveris, potuisse majorem laudem mereri, si quod in Præloquio ad Tabularum Explicationes ipse tamen attigerat, in aliqua earum Figurarum explicanda iterasset, aliquid dedita opera se amplius ostendere, quam rerum natura & positus ferrent; sic enim quantum delineando perspicuitati, tantum monendo veritati consulisset.

7. Satis, ut nunc, de Vestibulo: jam de Canaliis ipsis agamus. Est autem iterum in manus sumenda cranii basis aliqua ex iis quæ cunctas labyrinthi partes resectas habeant: quali si forte adhuc cares; tibi apparere citius poteris in capite saltem aliquo cujus ossa longo tempore, imbribusque laxata, facile & sejungi, & in suas iterum sedes reponi queant. Sic enim multo proclivius erit in ossibus temporum tum sejunctis, labyrinthum prorsus retegere; tum repositis, naturalem ejus partium sedem positumque intueri, cum his autem quæ diximus, aut dicturi sumus, conferendo, per te cognoscere, quibus ambigæ, quibus mancæ, quibus a vero alienæ descriptiones exciderint. Sed nusquam id manifestius erit, quam in Canaliū inter se, aut cum vestibulo, aliisve partibus comparatione, quod quidem ad situm attinet, re tanto magis attendenda, quod inde nostra ætate singulorum Canaliū appellationes a plerisque petitiæ sunt. Nam quid magis ambiguum, quam canalem Minorem *Externum*, ut Cowperus (x), vocitare? quando etiam Minimum *exteriora versus*, sive *extrorsum ferri*, Falloppius (y), Plateus (z), Casserius (a), ac plerique alii Profectores tradidere, & nunc quoque est qui *posse etiam Externum vocari*, censet. At certe nullus Canaliū est, cujus ductus non extrorsum feratur: & quamvis Minor, si processus Petroli profunditatem spectes, externus sit; tamen si in capite illas; quod plerique, & nos facimus; Auris partes exteriores appelles, quæ suo quæque calvariæ lateri, sive auriculæ sint propiores; non ita facile Canalem invenies quem præ cæteris Externum possis sine ambiguitate appellare. Sin vero in exterioribus partibus appellandis, hac maxime obvia omnibus relicta ratione, aliam quampiam sequaris; hoc ipso in ambiguitatem incurres. Itaque ante Cowperum, Viri alii Cl. consueverant Superioris, Inferioris, & Medii nomine Canales distinguere. Sed hi quoque ambigue, quando Falloppius (b) quem ipsi Medium, hunc *esse inferiorem*, tradiderat. Et revera hic non modo Superiore toto, sed & dimidia Inferioris parte inferior est, secundum quam partem Inferior qua ratione præ Medio dici inferior possit, non liquet: nam quod sic vocetur, quia *Vestibuli partem inferiorem circumdet*, qui credam? cum hanc vestibuli partem nullo videam horum canaliū circumdari: Inferiorem autem, si non *quasi totum locari in parte præ ipso Vestibulo altiore*, certe quasi totum locari cernam in parte præmo vestibulo altiore,

qua

(f) Vid. Væstra n. 46. (t) n. 169. (u) ch. cit. (x) Myotom. Expl. Tab. 26. Fig. 2. & 3.  
(y) (z) (a) locis sæpius cit. (b) Ibid.



qua *Labyrinthus*, ut recte Valsalva ait, *occiput spectat*. Quamobrem Vieussenius (c) hanc Valsalvæ, quem tamen haud nominat; animadversionem secutus, non Inferiorem, sed *Posteriorem* appellat. Sed dum *Inferioris* nomen ad Medium transfert propterea quod „ situs est, inquit, ad partem inferiorem duorum præcedentium; in eo, opinor, ipse animadversionem Valsalvæ meruit, cujus in schedis invenio, „ Canaliculum situs falso esse a Vieussenio descriptos. „ Medium certe ut dimidia Posterioris parte inferior, sic dimidia altera superior est. Quare ne in eo quidem assentiri omni ex parte possim Vieussenio, ut illi eidem canali *Medii* nomen, si forte malimus, relinquamus: neque enim plane inter Superiorem, & Posteriolem est medius; cum Superiore quidem humilior prorsus sit, Posteriole altior prorsus non sit. Quod si ex iis essem qui nova avent antiquis rebus nomina imponere; canales ego non Posteriolem, Superiorem, Medium; sed Posteriolem, Anteriorem, Medium vocitarem: sic enim & veros singulorum positus, & vel primo aspectu facile internoscendos, & respondentibus inter se vocabulis designarem.

8. Sed quando hac de Anatome egregie meritis Professor Valsalva & verum significantia, & inter se congruentia nomina invenit Majoris, Minoris, Minimi, quamvis Majorem a Minore canali prima inspectione discernere non ita omnibus ex longitudine, sicut ex positu, promptum sit; ejus tamen appellandi rationem sequamur, minime deterriti quadam Vieussenii Figura (d), qua Minimum nobis canalem longitudine tanta indicat, quanta nullus esse de tribus canalis potest. Non sum nescius, fuisse nuper a Præstantissimis Anatomicis traditum: „ Canalem Horizontalem esse ordinario minimum omnium. Verticalem Posteriolem sæpe esse maximum; nonnullam, quam Verticalem Superiorem eum esse quicquid superet. Inveniri etiam hos duos fere æquales. „ Quibus ex verbis illud primum intelligis, quemadmodum illi maluerint Minimum, Majorem, Minoremque canalem appellare. Quæ si nomina, ut ista Valsalvæ, cuncta essent simplicia, planeque inter se respondentia; haberent sane quo se magis commendarent non ignorantibus, jam olim Falloppium quoque (e) Minorem canalem sic descripsisse, ut *fursum elatum, quasi ad ὀρθὴν* proponeret; Platerum autem sic Minimum, ut *ferri transversim*, doceret (f). Verum cum simplicitas illa, & apta inter se congruentia desideretur; minime nobis a Valsalvæ nominibus recedendum censemus propterea quia canales Major, & Minor, interdum fere æquales videantur: quod non modo non negamus, sed ex ipsa IX: Valsalvæ Tabula colligi posse, admonemus. Nam quod reapse nonnullum Major a Minore superetur, id vero quam rarum sit, intelligi hinc licet, quod neque alius quisquam adhuc, quod sciamus, animadverterit, & Valsalva ipse, qui singulorum Canaliculorum dimensiones sedulo in tot corporibus adnotavit, ut cum ex quatuordecim sumptas in eadem Tabula repræsentaret, *paucas aliquot* in ea exhibuisse se, diceret, id nunquam tamen reperire potuerit, eadem fide, si reperisset, dicturus, *qua semel differentiam vix sensibilem inter Majorem, & Minorem canalem se potuisse invenire*, non reticuit. Illud sane, si meas attendam observationes, multo crebrius accidere, existimaverim, ut canales sint ita inclinati, ut neque Minimum *Horizontalis*, neque cæteri *Verticales* dici queant. Sunt enim in manibus plura capita, nec ullum est in quo ille non ita inclinatur, ut impar, de qua supra (g) indicatum est, sedes ejus orificiorum requirit. Sed & Minor extrorsum in his omnibus, idemque ad posteriora inclinatur, quem propterea, ut opinor, Falloppius non verticalem, sed esse quasi verticalem, significavit. Major autem in aliis vergit extrorsum atque antrorsum, in aliis contrariam potius inclinationem ostendit; ut saltem in his magis variare natura, neque hinc petita vocabula institutis a Valsalva appellationibus præferri posse videantur. Quæ præterquam quod cum ejus proposito maxime congruunt, in quo implendo inter cæteros Auris Scriptores insignis fuit,

ut particularum ejus omnium quam accuratissimas mensuras proponeret, tum etiam satis constantem, & peculiariter, ut in organo ad sonum spectante, attendendam proprietatem manifestant. Num vero hanc alii ante ipsum trium Canaliculorum proprietatem attenderint, haud satis liquet: id unum invenio, Platerum (h), quamvis in disponendis Canaliculis halucinat; constanter tamen majorem, minorem, minimum delineavisse.

9. Cæterum Canaliculorum proprietatem alteram, in organo sono dicatis non contemnendam, idem Platerus (i) diserte exposuit, tanquam a se animadversam. Canales, inquit, *ex ipso vestibulo, amplo initio procedentes, angustiores sensim, ut observavi, fiunt*. Nec reperio sane qui ante Platerum hoc adnotaverit. Ex quo sumplisse Bauhinum (k) video, & Bartholinum (l) (apud quem hunc usum additum lego, *ut soni acutiores fiant*) Schelhammerum (m) deinde, aliosque recentiores, in his Vieussenium (n), qui minime dubitat, quin „ orificia cujusque horum trium Canaliculorum sua „ figura esse similia debeant extremo tubæ. „ Nimirum haud satis attendit, quid de ista Canaliculorum proprietate observarit, atque exceperit Valsalva; non in mensuris magis, quam in figuris particularum Auris perquirendis singulari diligentia Anatomicus, scilicet canalem Majorem, antequam in orificium Proprium definat, solitum esse in orbicularem quandam cavitatem dilatari, & margine illo quo Fenestram Ovale respicit, in exiguum quasi aggerem assurgere: canalem autem Minimum habere alterum orificium, quod propterea Angustius vocat, vix ipso continuato Canaliculo amplius. Quibus si addas, superpositum his orificium canalis Communis solere mihi apparere non modo non omnium latissimum, sed minus quam plerumque nunc traditur, ac delineatur; intelliges nempe, terna hæc orificia, quæ internam posticamque magis in vestibulo obtinere sedem diximus, non magnopere, vel certe aut non omnia, aut non semper proprietatem illam fervare, ut instar patuli tubæ orificii se expandant: quam ad figuram bina quidem orificia longe magis accedere, invenio, quæ illis oppositam sedem occupant; certe proxima sui quodque canalis parte sunt multo evidentius, constantiusque ampliora: quando vicissim de ternis illis quod ad Minimum canalem attinet, haud raro mihi quidem, paulo quam Valsalvæ, inventum est amplius; nunquam tamen tantum, quin jure ipsum, si cum altero ejusdem canalis conferres, Angustius appellares. Proprium autem canalis Majoris ut plurimum & Angustiore isto Minimi orificio arctius vidi, & præ illa proxima canalis sui particula manifestissime contractius. Utrumque hoc orificium nonnullum forma brevioris ellipsis; plerumque circuli figura conspexi. Hactenus de Canaliculis Semiannularibus, seu mavis, ne communi Anatomicorum consuetudini repugnemus, Semicircularibus. Quos tamen (quocunque appellemus nomine) ignorandum haud est, non esse quidem, ut videtur indicasse Falloppius (o), *circulares penitus*; veruntamen semicirculum, videlicet curvum semicirculi ambitum superare, nec Majorem tantum, Minoremque, quod Recentiorum aliquis docuerat, sed cunctos, quod alter egregie prodidit: qui & illud addidit, formari ab finibus, *gulis* tres fere circuli quadrantes. „ Hoc autem velim sic accipias, ut minus quam cæteri, Minimum; magis quam hic, Minor; maxime autem omnium Major, qui utrunque suum alterum ad alterum prope modum adducit extremum, ad complendum circulum accedat; si tamen Communem canalem tum Majori, tum Minori canali adjicias: nam hic quidem, si Communem detrahas, semicirculum vix superat.

10. Nunc de Cochlea videamus. Hæc quo sit posita, si labyrinthum, atque adeo ipsam spectes calvariae basim, supra (p) indicatum est: si vero partes ipsius cochleæ; oblique hæc inclinatur verticem non nihil deorsum, multo autem magis & manifestius extrorsum, sed multo maxime & manifestissime antrorsum; basim vero evidenter habet introrsum, evidentissime retrorsum conversam, leviter autem fursum. Vertex haud ita procul est ab osseo Eustachianæ Tubæ initio, cana-

(c) Traité de l'Oreille P. 2. ch. 5.

(d) Planche 6. Fig. 2.

(e) Obs. cit.

(f) De corp. hum. struct. l. 1.

(g) n. 6.

(h) Operis cit. Tab. 7.

(i) Ibid. l. 1. Fig. 4. &amp; Tab. 49. Fig. 20.

(j) Ibid. l. 1.

(k) Theatr. Anat. l. 3. c. 59.

(l) Anat. quart. renov. libell. 4. c. 6.

(m) De Auditu P. 1. c. 4. n. 5.

(n) ch. cit.

(o) Obs. Anat.

(p) n. 5.



canalique in quo venter Majoris Mallei muscoli desinit. Primum vero basis initium intra posticam illius tuberculi partem est, per quod in tympano aërem, e Tuba venientem, a Fenestra Ovali arceri credimus, quin etiam ab Stapede sic satis arceri credidimus, cum de hoc officulo scriberemus (7). Id tuberculum, ut ibidem ostendimus, Vesalio notum, neque a cæteris deinceps Anatomicis prætermisum, quorum alii (r) quasi clivulum quendam editum, alii (s) levigatum veluti colliculum, alii (t) aliter vocitarunt, Salomon quidem Albertus (u) pictura conatus est exprimere, sed hoc melius Fabricius ab Aquapendente (x). Sub ipso latere, & collocatam esse Cochleam, post alios (y), qui infra nominabuntur, Casserius (z) tradidit: idque hac etiam tempestate Diligentissimus Professor confirmat. Mihi tamen hæc in eo quem natura attribuit, situ inspectanti longe aliter videtur, quippe cochleam ibi inveniēti, ut maxima ex parte non modo anteriorem, sed & superiorem quam tuberculum, obtineat sedem. Intra illam igitur quam designavi, tuberculi partem basis cochleæ amplissimo canali exorta, ipsoque initio exterius cum tympano per Fenestram Rotundam in eodem tuberculo insculptam, interius cum vestibuli ima parte infra Ovale Fenestram, & paulo exterius atque antèrius quam Proprium canalis Majoris orificium, communicans, inflectere non sursum, sed deorsum, simulque ad interiora & anteriora incipit canalem suum; ac primum eo usque producit unde primus inchoatur gyrys de duobus illis cum dimidio, quos iste, circum Modiolum cochleæ & deinceps, canalis perficit: neque antea descendere canalis desinit, quam ad eum ferme accesserit locum cui subjecta respondet in externa calvaria basi tenuior illa ora parietis ossis, communis tum initio Canalis pro arteria Carotide, tum fini Specus pro Diverticulo venæ Jugularis Internæ. Hinc continuo se se inflectere sursum incipit, mox etiam, ut spiræ incessus postulat, extrorsum retrorsumque intorquere, donec iterum descendens juxta vestibuli anteriorem exterioremque parietem, primum denique abolverit gyrum, reliquas circumvolutiones eodem ordine absoluturus. Qui ordo cum dextræ pariter ac sinistræ cochleæ communis sit, qui se junctas ab aliquo labyrintho alteram velit ab altera internoscere, is sciat, eam cochleam sinistram esse, in qua canalus prima portio ita ut proposui, collocata, & a basi cochleæ inspecta, ab hujus dextero latere initium capiat, & sinistrorsum descendat: eam autem dexteram in qua contrarium in modum se habeat.

11. Neque vero canalis hic ab initio ad primum illum totum, quem descripsimus, gyrum, ipse tantum ad cochleæ basim pertinet, verum insuper id cavum quod in medio relinquitur ejusdem gyri. Id autem cavum anterior pars interioris fundi est canalus communis nervorum Auditoriorum: neque fane intra cochleam cavum ipsum tam alte se insinuat, ut ultra tertiam partem profunditatis primi illius gyri, aut si quando profundius sit, quantum ego vidi, ultra dimidium perveniat: tantum abest, ut ossis parietes hujus Sinuositatis ita disponantur, ut efforment Modiolum, sive potius conum, cui spiraliter circumvolvitur indicatus canalus sic, ut duos gyros cum dimidio conficiat; nisi hæc ita a Valsalva dicta accipiamus, ut portionem illam dumtaxat coni, quæ propior hujus basi est, ab ossis cavi parietibus efformari, intelligeret. Certe conus inde multo pergit ulterius, ut & secundo interjiciatur gyro, & ad semigyri initium perveniat, & ex eo loco in verticem usque cochleæ exilem sui ipsius; ut mihi quidem videtur, appendicem producat. Cæterum si exterioribus cochleæ parietibus pene omnibus detractis, ipsam paulatim circumvertas, ut a cunctis faciebus eorum ab imo ad summum inspicias; erit quidem ubi conum appellare non displiceat: sed postquam undique aspiciendo, fere ita factum perspexeris, quasi ex pluribus; coni, in transversum dissecti, constaret segmentis alio alii sic impositis, ut summa pars subjecti segmenti æquo latior sit quam infima impositi, eoque universa non unum conum, sed dimidiatum rotæ modiolum repræsentent; Modiolum males vocitare.

Morgagni Epistole Anatomicae.

Præterea dum cochleam ita ut dixi, circumvertes; sæpe accidet, ut Modiolus appareat tibi non recta pergens, sed aliquam in partem, anteriorem præsertim, inclinatus. Cui speciei ne quidquam plus æquo tribuas, cavendum est. Nam & in ipsa integra cranii basi, cum retegimus cochleæ interiora, proclive est, nisi caveamus, ut deorsum magis quam revera est, hæc appareat inclinata. Semper igitur attendere oportet, ubi sit a nobis axis cochleæ statuendus, & simul animadvertere, quot sint unde falli præcipiti oculorum judicio possimus. Modiolus namque nonnihil obducitur Lamina illa per quam magna ex parte canalus cochleæ in duos semicanales, sive in duas, ut vocant, Scalas dividitur, multo autem magis ipsius canalus parietibus, a Modio in fornicis modum proficiscentibus. Hæc omnia spiræ instar sic progrediuntur, ut intra ambitum primi gyri, cavum magna ex parte excipiat secundum: qua ratione in tota cochlea servata, utique illud efficitur quod, initio (a) diximus, spectasse naturam, ut intra non magnum spatium, magnæ longitudinis tubus concludatur; sed Modiolus simul, e regione aspicientibus magis obtegatur. Huc illud obeandem istam causam accedit, ut si Modiolus basim ab latere anteriori spectemus; appareat illa ab ea quidem parte ubi prima portio canalus est a Fenestra Rotunda incipientis, ibi, inquam, appareat contra atque alibi, eo latior, quo magis accedit ad verticem. Itaque multo ibi latior ea Scala est quæ cochleæ basi, quam quæ vertici est propior. Quæ etsi in homine satis conspicua sunt; multo sunt tamen in canibus, agnisque, & præsertim in vitulis manifestiora. In his enim is illius Scalæ paries qui a parte Modiolus est, illic introrsum reductus, & quasi in planum directus longe ampliorem Scalæ latitudinem facit: eaque restant facilius animadvertitur, quod mox Scala adeo lata, nec minus alta, ex magna illa amplitudine repente in modicam se se contrahit.

12. Hic quæres, de duabus Scalis utra superior, inferiorve sit, quæ cum tympano per Fenestram Rotundam, an quæ cum vestibulo per memoratum in hujus ima parte orificium communicat, quamobrem Valsalva hanc Vestibuli, illam vero Tympani Scalam vocare instituit. Nam postquam ipse, cochleam quidem in sua sede inspecta, Scalam Tympani contendit superiorem esse, Vestibuli autem inferiorem; non desunt tamen Viri Cl. qui contra doceant, improbatamque a Valsalva sententiam retineant, sive priorum auctoritate, sive eo etiam forte permoti quod Scala Tympani ea sit quæ cochleæ basi propior est; Vestibuli autem, quæ vertici; quasi vero in triangulo, aut cono inverso basis superiora, vertex inferiora non teneret; cochlea autem non esset, ut diximus (b) sic ab natura collocata, ut leviter utique, sed tamen potius basim quidem sursum, verticem autem deorsum converteret: unde colligis, Valsalvæ sententiam tueri nos posse; alteram non posse. Et fane ea qua dicimus, ratione rem ipse intellexit, non illa quam ex Figura ejus quadam nonnulli arbitrantur. Ista enim Figura (c), & ea quidem ratione, neque id ipse voluit probare, neque potius contrarium probatur. Nam quamvis invertas Figuram; certe semper quæ Scala in ista superiore gyrorum parte inferior apparet, eadem in gyrorum parte contraria superior appareat, necesse est, & vicissim; ut simul unius ejusdemque Scalæ portiones contiguas alterius Scalæ portionibus alibi superiores, alibi inferiores esse videantur. Sed, ut ista omissa Figura, ad rem ipsam redeamus; profecto in Scalæ descriptione cunctas attendere oportet gyrorum partes, neque ita spectare quæ superiora, & inferiora in naturali quidem positu obtinuerunt, ut earum obliviscamur quæ ad latus utrumque sunt collocatæ. Video id cavendum fuisse, in Scalæ altitudine, & latitudine proponendis, iis fane qui cochleæ axem secundum horizontem positum esse, confirmant: nam quæ superius atque inferius dici poterat altitudo, eadem sic in lateribus appellari nequaquam poterit. Tu vero, inquires, cum paulo ante, latitudinem, altitudinemque in Scalis memorabas, quam ratione accipiebas? Ea nimirum qua in scalis non ita dissimilibus, quas cochlides vocant, omnes quotidie homines accipere consueverunt, præsertim cum

Q

(7) Epist. VI. n. 39. (r) Vid. Salom. Albert. Hist. plerarumq. Part. hum. corp. (s) Vesling. Syst. Anat. c. 16.  
(t) Fabric. ab Aquapend. de Aure P. I. in Explic. Fig. 19. (u) ad litt. a. vid. Hist. cit. (x) Fig. cit. ad litt. 5.  
(y) infra n. 13. (z) Pentæth. l. 4. Sect. 1. c. 10. (a) n. 1. (b) n. 10. (c) Tab. VIII. Fig. 6.



cum isti communi ideæ positus cochleæ, quem supra (d) dixi, sic satis conveniat; qua in re si fallor; minus certe evidenter fallor, quam si alterum illum cochleæ situm agnoscens, eam tamen partem quæ omnino ad verticem est, *partem cochleæ superiorem* appellarem. quanquam hæc peritissimis etiam Anatomicis facile excidunt, nec nisi tironibus obesse queunt, neque his ipsis, si in cochleæ Iconibus quæ basim vertice inferiorem ostendunt, opportune admoneantur, cochleam non secundum naturalem situm repræsentari. Quoniam autem basim habet cochlea, ut supra a nobis scriptum est (e), leviter ad superiora, aliquanto magis ad exteriora, maxime autem ad posteriora conversam; ideo rectius fecere qui ante hos aliquot annos pro Superiore, aut Inferiore Scala Interiorem, aut Exteriorem, multoque etiam rectius qui Posteriolem, aut Anteriorem nominarunt, quod antea fecerant Cl. Viri Vieussenius (f), & Palfinius (g). Omnium tamen optime is facit, qui aut ambiguus, aliudve apud alios significantibus, aut certe non æque utilibus omiſſis vocabulis, iis uti mavult, certum apud omnes, idemque utilius discrimen designantibus, quæ scite, ut diximus, Valsalva excogitavit, nosque, ipsum sequentes, constantissime retinimus, Scalæ Tympani, Scalæque Vestibuli. Ex his quæ de situ cochleæ ejusque partium sua in sede conspectarum perscripsimus, facile erit tibi cum alia colligere unde pleraque cochleæ descriptiones illustrare possis, augere, & fortasse etiam emendare, tum illud præterea an multo satius sit intimos Sclarum parietes anteriores, aut posteriores dicere, quam externos, aut internos vocitare.

13. Hæc, aut alia istiusmodi Sclarum, earumque partium nomina paulo vetustioribus Anatomicis opus non fuere, ut qui binas in cochlea Scalas, atque alia a posterioribus demum comperta ignorarunt; quanquam non adeo multa, ut nonnulli videntur existimare. Ex quo enim Falloppius cochleam aut princeps invenit, aut, si mavis, secundum ea quæ a nobis alibi (h) memorata sunt, non vetustissimis, sed Vesalio, & cæteris qui tum vivebant, Professoribus ignotam restituit, sedem universæ, & gyros, communio-nemque cum tympano, ac vestibulo, & conveſtientem membranulam, & subeuntes nervulos sic satis docens (i); mox alia atque alia ab Diligentissimo Eustachio (k) addita sunt. Nam ut a positu incipiamus; *elatori spiræ* (legendum *latiori spiræ*; quod neque a Coitero (l) est, neque a Bauhino (\*) animadver-sum; nunc canalis cochleæ primum gyrum vocamus) *superiorem* tribuit *sedem*, *angustiori inferiorem*: illaque tradidit *nervum suscipi*, hoc est, in gyri illius medio cavum quo nervus excipitur, relinqui: in eandem quoque latiore, sive *majorem spiram desinere viam* ab Ovali Fenestra *apertam*, hoc est cum eadem vestibulum communicare, *aeremque a tympano, & ab ossiculis agitatum*, ea via *ad majorem spiram pervenire*, indeque *ad minorem reflecti*, mox *per medium foramen rectum*, *ad nervum ascendere*. Quod ut penitus intelligatur; scire licet, Eustachium primum, & Modiolum designasse, & apertum de quo postea (\*\*) cum Vieussenio videbimus, per hujus axem meatum proposuisse, cum paulo ante docuit, os cochleæ *in medio*, *ea nimirum parte*, cui *spiræ innituntur*, *a principio ad extremum usque*, *angusto, & recto meatu esse pervium*. Hunc igitur per meatum reflecti fursum ad exceptum illo quo diximus, cavo Auditorium nervum, agitatum aerem, arbitrabatur. Præterea non animadvertit modo id quod a Valsalva confirmatur, & a parte certe Modioli manifestum est, canalem cochleæ *ab ossea substantia admodum tenui, sicca, & quæ facile teritur, creari*; sed invenit Laminam ipsius Spiralem, docuitque, *ex materia quadam fieri molli & mucosa, firma tamen, & quæ nescio quid*, inquit, *arenosi permixtum habet: oriturque ex medio spacio priorum spirarum, tanquam ex ampliore basi, sensimque extenuata in aciem desinit: sed non tam alte conscendit, ut ossis ambitum, qui priores spiras terminat, attingat*. Nimirum firmiorem dumtaxat partem vidit Septi cochleæ; membraneam non vidit, qua Septum perficitur, canalem cochleæ in

duos dividens femicanales, quos Scalas vocari dicebamus: quanquam & verbis illis de materia Septi *molli, & mucosa*, & adjecta dubitatione, *nervus ne ipse aliquam ejus portionem constituat*, ad id quod reliquum erat, proxime accessisse videri potest. Præter hæc, primas quoque cochleæ delineationes (m) adornaverat: quas si tunc edere potuisset; vulgatam postea ab Salomone Alberto (n) Figuram prævertisset. Quæ Eustachius docuit, omnia præter siccam illam & tenuem ossis substantiam, illamque de nervo dubitationem, iteravit Coiterus (o): qui nonnulla insuper addere voluit, ut cochleam ideo sitam esse antierius, ut *sono, qui a posteriori parte antrorsum vergit, occurrat*; quod si in-cessum spectes Auditorii Meatus, primo saltem aspectu videtur verum: & *ab ampla basi, nimirum sub tuberculo a sede metallicæ fodinæ foro persimili*, hoc est vestibulo, *exortam cochleam excavari, & gyris tribus quatuorve sese mutuo excipientibus procedentem angustari, & absolvi*; quæ vicissim ubi aurem in sede contempleris sua, aut cochleæ numeros gyros; non probes. Certe Vesalius (p), unde hæc fumere voluisse video Coiterum, cochleam *in eo tubere excavatam* esse, dixit, non sub tubere, quo videlicet, ut supra (q) admonuimus, ipsa magnam partem altior, & anterior est. Et quanquam idem Vesalius dixit, *tribus fere, aut quatuor gyris absolvi*; accuratius tamen Falloppium (r) locutum esse, constat, qui *duobus, aut tribus* scripserat, quam ipsum Eustachium (s), qui scripsit *tribus*. In eo Falloppium Platerus (t) secutus est, qui tamen cochleam *sub illo tuberculo* sitam tradidit, *exterioremque* esse reliquo labyrintho, & *introrsum, & deorsum nonnihil reflexam*: quorum hoc verum; cætera partim ambigua, partim cum vero non consentientia: ad hæc quæ Eustachii solertia addiderat, prætermisit. Quo minus mirandum est, si retro sensim labentibus rebus, necdum quadraginta ex quo Falloppius, & Eustachius illa docuerant, elapsis annis, Hieronymus Fabricius ab Aquapendente in libro quem de Aure vulgavit, non modo Semicirculares canales retinuerit, aut nullam horum, & cochleæ delineationem exhibuerit, sed de cochlea nil nisi hæc scripserit (u): *ab ostio Ovalis Fenestræ*, Falloppius cui in rebus abstrusis maximam fidem adhibeo, utque Præceptorem colo, vult in labyrinthum iri. Secundum (tympani) foramen ducit in cochleam: quam ego multos jam annos, organum ad ostensionem parans, transverse ipsam, per totum cochlearem ductum forte incidi, diuque fervavi, & solenni complurium annorum spectaculo auditoribus meis inspectandam proposui, quot annis publice plenis theatris ostendi; donec caries ipsam cavitatem, quæ elegantissime cochleæ gyrum imitabatur, consumpserit.

14. Sed quanto Fabricius in hisce præcipuis Auris partibus, quasi imperſcrutabiles, aut nonnisi rarissimo aliquo casu videndas crederet, Præceptore minor fuit; tanto ipso Fabricio major extitit Casserius discipulus, qui sub idem ferme tempus edito de Aure Tractatu, cochleæ Imagines (x) cum variis ex bestiis, tum ipso ex homine, & præsertim infante, petitas protulit, descriptionemque addidit brevem illam quidem, sed qua non omnes modo qui antese de cochlea scripserant, perlegisse, satis ostendit, verum insuper illud quod deerat præcipuum de membrana Septi parte addidisse, & quod consequitur, geminas cochleæ Scalas novisse videri potest. Nam cochlea, inquit, duplici constat helice, altera ossea latiori, quæ a labyrintho est continua, altera membranosa & molli, quam ea format membrana, quæ duplex hoc antrum vestiens, utramque obſerat fenestram. Sed quanquam aliquid eorum quæ priores docuerant, ipse omisit, nonnulla autem quæ in Eustachio, Coitero, & Platero minus probavimus, admisit, in quibus adſtipulantem deinde habuit Bauhinum (y); his tamen aliquid prætermisso-rum adjecit. Veslingius (z) autem non id tantum præstitit, sed & gyros optime omnium qui ad suum usque tempus extiterant, definivit. Neque enim

fatis

(d) n. 10. (e) Ibid. (f) Traité de l'Oreille P. 2. ch. 6. (g) Anat. du corps hum. P. 2. tr. 4. ch. 16.

(h) Epist. Anat. I. n. 92. (i) Obs. Anat. (k) De Audit. Org. (l) De Audit. Instrum. c. 16.

(\*) Theatr. Anat. I. 3. c. 59. (\*\*) n. 20. (m) Tab. 45. Fig. 2. Vid. etiam Tab. 18 Fig. 1. n. 32. 12. &amp; Fig. 2. n. 13. 1. 35. &amp; 32. 1.

(n) Hist. plerarumq. part. hum. corp. (o) De Audit. Instrum. c. 16. cit. (p) Exam. Obs. Fallop. (q) n. 10.

(r) Obs. cit. (s) Opusc. cit. (t) De corp. hum. struct. I. 1. (u) Part. 1. c. 7.

(x) Tab. X. &amp; I. 1. c. 21. (y) Theatr. Anat. I. 3. c. 59. (z) Synt. Anat. c. 16.



satis ipsi fuit non reticere, fundatam quidem Cochleam esse ab divino artifice in communi processu petroso; materia tamen seminali sicca, levi, ac friabili ulterius esse inductam. Verum illud quoque antea docuerat, esse gyris duobus, cum portione tertii, cochleæ in modum circumflexam: quod si Schelhammerus (a) in ipsa Cochlea diligentius attendisset; non facile tres vel quatuor Vesalii gyros probasset. Vicissim cum de Scalæ nihil tradidisset Veslingius, Rolfincius (b) autem ne Eustachium quidem, de Lamina Spirali verba facientem, intellexisset; Willisius (c) denique, & Bartolus (d), prævia Folii delineatione (e), binas Cochleas (sive ut saltem Bartolus diserte loquitur, binas in una Cochleas ----, nusquam inter se nisi ad verticem communicantes, ut pote communibus interjecti ossis lateribus clausas, atque divisas, nimirum Scalas duas, sed omni ex parte osseas) agnovissent; Schelhammerus (f) inter primos fuit qui ab Eustachio, & Casserio tradita conjungendo, perspicue docuerunt, per medium cochleæ laminam tenuissimam decurrere, quæ eam dirimit in partes duas a principio ad finem: ---- nec tamen altero in latere ejus parieti jungi, sed per medium quasi suspensam manere; reliquum membrana confici, quæ non nisi in recenter dissectis conspici potest: addideruntque, esse hanc divisionem in principio inæqualem, ampliore videlicet Scala Tympani, quam Vestibuli: facere præterea ut duplicem exitum (quod eadem Folii delineatione indicante, Willisius quoque, & Bartolus noverant) Cochlea sortiatur; unum in concham, hoc est tympanum, alterum in Labyrinthum: quorum ille minus, hic magis est patulus, atque hos sibi invicem adjacere, ut si membranam illam demas, statim manifestus in Labyrinthum sit aditus. In his ferme perstiterunt cæteri, & nominatim Valsalva.

15. Sed ecce tibi Vieussenius (g) qui quanto pauciora scripsit de canalibus Semicircularibus, tanto plura de cochlea, & nova quidem, aut certe novitatis speciem præ se ferentia in medium attulit. Neque enim omnia pariter, ut videntur, ita reapse ab aliorum discrepant observationibus. Nova sæpe rerum vulgatissimarum nomina imponunt, tanta præsertim cum obscuritate conjuncta, ut ne ipse quidem Valsalva, quantum ex ejus schedis intelligo, hanc de qua sane queritur, pervincere, & Auctoris assequi sententiam potuerit. Hæc autem obscuritas (quæcunque ejus sit causa, quæ certe brevitatis non est) non solum Figuris, earumque Explicationibus non illustratur, sed etiam augeatur. Nam præterquam quod exiguæ, & tenuissimæ, & inter se proximæ particulæ, ne uno quidem, sicut alii antea fecerant, Iconisino qui naturalem modum excedat, amplificatæ, aut inter se magis distinctæ sunt; Operarum quoque culpa ita effugientibus & semideletis similes, pleræque earum certe quæ huc allatæ sunt, Imaginum prodire, ut duobus libri instructus exemplis vix ac ne vix quidem omnia internoscere satis potuerim. Huc illud accedit quod in iis ipsis quæ internosco, quædam sunt quæ procul dubio cum ipsa perperam ostendantur, reliquas Explicationes in dubium vocant, velut in Tabula 4. Figura 3. cum per 9. indicatur orificium posterius canalis Semicircularis Medii, hoc est Angustius Minimi, & per 8. orificium inferius Posterioris, hoc est Proprium Majoris iis singula in locis in quibus esse non posse, manifestum est; nam primum posteriorem sedem quam alterum, natura obtinuit, & ab orificio Scalæ Vestibuli magis remotam contra atque hic designatum est. In Figura autem (ne longius abeamus) proxima 4. interpretanda cum idem ad 8. & 7. erratum admissum est, tum vero insuper ad A, Fenestra Ovalis, & ad 9. initium Spiralis Laminæ ibi ostenduntur, ubi & rei ipsius natura, & Figuræ 3. Explicatio ad B, & A satis superque nos docent, alteram pro altero, & vicissim alterum pro altera indicari oportuisse. Cæterum, quantum hæc, aliæque de quibus dictum est, istius obscuritatis causæ sinunt, conandum est nobis Vieussenii sensus assequi, & primum quæ ipsi cum cæteris sunt communia, seponere; tum quæ ejus peculiariora sunt, diligenter pro veri studio examinare.

16. Principio igitur seponendus nobis est Canalis Spiralis Semiovalis. Nam etsi hunc docet (h) esse, parvum, canalem conditum maximam partem sub Fossa co-

chleæ, qui spiraliter extenditur ab latere interno nusquam, clei pyramidalis (hoc est Modioli) usque supra portam, tam labyrinthi, (hoc est Fenestram Rotundam) etsi addit, prout extenditur ab illo suo initio ad hunc suum finem, sensim amplificari ita, ut hiatus finis sui sit paulo major, quam illud suum ostium; attamen tum ex Figurarum explicatione (i), tum ex anatomicæ ipsa constat, hunc canalem nil demum aliud esse, quam primam partem ossæ canalis cochleæ quem & Cl. Verneyus (k); sed totum, ad verticem usque cochleæ; Semiovalis Spiralem nuncupaverat. Quid igitur parvum esse nobis canalus dicitur, quæ canalus pars latissima est? aut conditus maximam partem sub Fossa cochleæ, hoc est sub reliqua cava cochleæ parte, ut Tabulæ, quæ ad id declarandum laudatur, Sextæ Figura 2. (l) demonstrat, quando illi, aure in naturali sede spectata, non ita subest? aut, quod caput est, cur istius canalus ibi initium, ostiumque definitur, unde constat non incipere, ubi constat peculiare orificium non habere, quippe qui inverso ordine, ut a Vieussenio, spectatus, a vertice ipso cochleæ profectus, nullo præterea initio, aut ostio deinceps egens, perpetuæ & continentis spiræ in modum, Fenestram Rotundam versus excurrit? Haud aliter nobis Vieussenius in frustra secut illa etiam quæ continua per universum hunc canalem natura produxit, hoc est Septum quo Scalæ dirimuntur, & singulas ejus partes, firmiorem, & membraneam. Nam ut de firmiore primum dicamus; in ea prima, quam modo memorabamus, canalus parte, observasse se, inquit, valde parvam prominentiam ossæam, figuram ferme rotundam, & superficie paulum inæquali, idem cum memorata canalus parte initium, sed non eundem finem habentem, (quod ne ipsum quidem necessario traditum est), quæ quoniam prominentia est fere lineam crassam, eam se appellaturum lineam ossæam Canalus Spiralis Semiovalis Cochleæ; Quis non crederet, prominentiam, istiusmodi ratione propositam, & tam longo nomine designatam, peculiare ipsius inventum esse? Hæc tamen haud aliud est, quam Laminæ Spiralis pars illa, quam Anatomici, ut in ulterioribus cochleæ canalus partibus, sic in prima esse, non ignorabant, ut neque id quod animadvertendum esse, subicit, eam Lineam, quamvis primum canalus medio (hoc est axi) respondeat; tamen, ad anteriora sensim accedere, quo magis ad extremum accedit suum; ideoque, quæ canalus cavum dividere in partes duas, quarum posterior est paulo major, quam anterior. Hoc enim est quod supra (m) cum Schelhammero indicavimus, & quod Valsalva diserte admonuerat, se altitudinem in Scala Tympani, præsertim prope Fenestram Rotundam, majorem, quam in altera observasse, licet aliquando æqualem vidisset: quin illud ipsum quod Valsalva addiderat, Scalam Tympani frequenter superficiem Modiolo adhaerentem asperam, & inæqualem obtinere, accuratius pariter dictum fuerat, quam a Vieussenio Lineam, superficie paulum esse inæquali. Certe ut mihi quoque perrarò quidem, sed tamen nonnunquam accidit, ut Scalam Tympani jam jam ad Fenestram Rotundam, majorem altera Scala non invenirem; ita cum Spiralis Laminæ anteriorem faciem in nulla adhuc aure inæqualem viderim; contra in pluribus, etiam cum recentissimæ essent, inspectis, faciem posteriorem, quæ videlicet ad Scalam attinet Tympani, crassiusculis, brevibus, parique intervallo extantibus lineis haud ineleganter ornatam vidi, ex Modiolo in proximam partem Laminæ pertinentibus, donec primi saltem gyri magnum tractum, nonnunquam & secundi portionem aliquam emensa esset. Cæterum quod nihil aliud quam firmiorem hanc Laminam, Lineæ nomine Vieussenius reapse indicaverit, illud præ cæteris demonstrat, quod postea (n) docet, ipsi respondentem nerveam Spiralem Laminam, suam anteriorem oram, quam basim vocat, hac ossæ Lineæ fulcire. Quæ cum ita sint; quid, quæso, attinebat res satis per se perspicuas ac simplices obscurare? ut cum Lineam ambiguis satis vocibus figura esse, ait, ferme rotunda, aut eandem inutiliter multiplicare? ut cum id Lineæ, quod diximus, initium assignat, quasi

Q 2

quasi

(a) De Audit. P. 1. c. 4. n. 4. (b) Differt. Anat. l. 2. c. 15. (c) De Anima Brutor. c. 14. (d) Del Suono tr. 4. c. 8.  
(e) Vid. apud Th. Bartholin. Cent. 1. Epist. Medic. 63. Fic. 6. (f) loc. cit. (g) Traité de l'Oreille ch. 5. & 6.  
(h) ch. 5. (i) Planch. 5. Fig. 1. ad 5. (k) De Audit. Org. P. 1. (l) ad X. X. (m) n. 14. (n) ch. 6.



quasi porro verticem versus non pergeret, aut minime continens esset cum proximis Laminæ Spiralis partibus, quarum unam novo pariter nomine (o) *Eminentiam osseam spiralem* vocat *nuclei pyramidalis Cochleæ*, & tanquam res foret longe alius naturæ, sigillatim describit.

17. Verum membraneam Septi partem ei Lineæ, insequentique portioni Laminæ Spiralis respondentem multo facilius est nobis tum unam esse continentemque, tum, quod consequitur, Zonam illam esse, omnibus cognitam, demonstrare. Nam quamvis ei Lineæ respondentem nuncupet (p) *quartam laminam spiralem semiovaleam nervi mollis Auris*, respondentem autem proximæ portioni Spiralis ossæ, aut certe firmioris, Laminæ, *tertiam laminam nerveo-spiralem* appellet; vel ipse tamen diserte fatetur, „quartam vere esse, „extensionem, aut continuationem tertiæ. „Et quamvis pariter eas portiones Scalæ Tympani, Scalæque Vestibuli, quas inter ista tertia lamina interjecta est, *cavitates* vocitet, hanc quidem *spiralem anteriorem fossæ cochleæ*, illam vero *spiralem posteriorem fossæ ejusdem cochleæ*; infra tamen docet, posteriorem cum posteriori, hoc est Tympani, anteriorem cum anteriori, hoc est Vestibuli, Scala communicare, „& pro una eademque cavitate esse habendas, „has anteriores, ad eundemque modum posteriores usque ad finem ipsum canalis Spiralis Semiovalis. Ex quibus cum id quod ostendendum erat, elucet, tum illud magis confirmatur quod supra proposuimus (q), modo memoratum canalem non fuisse ab reliquo in quem producit, sejungendum, neque tot novis, minimeque necessariis nominibus hanc per se difficilem Anatomæ partem onerandam magis, atque obscurandam. At enim sic agendi suas Vieussenius habuerit causas. Quid si habere sibi visus sit? Veruntamen fac, habuisse. Admonere sane poterat, fortasse etiam debebat, quæ cæteri hoc, aut illo nomine, ea ipsa; ne quis forte nova, aut alia crederet; his, aut illis appellationibus ab se designari.

18. Sed sibi potius visum esse habere eas quas non habebat, causas, cætera quæ protinus examinabimus, indicio erunt. Nam iis quæ cum reliquis communia habet, perpensis, ad ea quæ peculiariter docet, est transfundendum. Itaque *tertiam*, de qua paulo ante dictum est, *laminam nerveo-spiralem*, quam cæteri cum respondente Laminæ firmioris portione connecti, atque intra osseum canalem cochleæ esse, non dubitant, eam Vieussenius tradit, non Laminæ, sed, „corpori „ipsi Modioli se agglutinare, „& suæ quidem posteriori faciei respondens habere, „os quod basis loco est „eidem Modiolo; „anteriori autem non os, sed laminam nerveo-spiralem secundam: quæ si vera essent; consequeretur, neque canalem, neque Laminam Spiralem illam firmiorem continenter porro pergere a basi cochleæ verticem versus, ideoque satis causæ fuisset Vieussenio, cur ita se gereret, quemadmodum se gessisse, propositum est. Sed num vera sint, anatomæ ostendit. Si enim cochleæ caute exsiccatae caute quoque osseorum parietum magnam partem a basi ad ipsum fere usque verticem extrinsecus demas, vel, quod multo facilius est, si in duabus cochleis (modo ambæ; quod fuis in Tabulis Valsalva quidem, sed non Vieussenius observavit; ejusdem lateris sint, hoc est ambæ auris dexteræ, aut ambæ sinistræ) exteriores parietes in hac quidem cochleæ ab una, in illa autem ab opposita facie solerter per singulas gyrorum partes obliando, sensim, quantum satis sit, detrahas; sane intelliges, eundem osseum canalem, in eoque eandem firmiorem Laminam in continentem spiram a basi verticem versus pergere, donec Lamina gyros duos, canalis duos cum portione sive mavis cum dimidio tertiæ conficiat. Quod si ad eum modum præparatas cochleas cum Vieussenii Figuris conferas primam quidem Tabulæ 4. aut prima quoque Tabulæ 6. earumque Explicationibus; non dubito, quin continuo intelligas, in his quæ modo diximus, itemque in his quæ mox dicemus, egregium Anatomicum aliquid humani passum esse. Nam quam in prima illa Figura per num. 4. ostendit pro „tertiam laminam spiralem „nervi auditorii; hanc videbis non cum Modioli cor-

pore, sed cum firmiore ea Lamina quæ ex corpore Modioli extat, coherere: quam autem proxime supra tertiam per num. 5. designat, ejusdemque nervi esse docet, „secundam laminam spiralem; hanc vero non nerveum, sed osseum corpus esse, perspicies, communem efformans parietem, huncque crassiusculum (quippe ex stratis osseis duobus constantem, manifestum, ut interdum vidi, interstitio disjunctis) quo pariete primus & secundus canalis gyri dirimuntur. Vides igitur, nec deesse Laminam Spiralem illam firmiorem, & tertiam nerveam, laminam parietibus utrinque osseis esse interjectam. Perge porro; ut quemadmodum hætenus proposita recognovisti, sic insequentia recognoscas. Igitur quod num. 6. commonstrat pro nervi Auditorii „primam laminam spiralem; id videbis in ambitu quidem esse membraneum, sed centrum versus non esse, hoc est, eam quoque nerveæ laminæ spiralis partem habere, ut tertiam, sibi respondentem firmioris Laminæ portionem; e Modioli corpore prominentem; quamvis quo magis ad verticem accedimus, eo magis & Modiolus, & hæc firmior Lamina extenuentur: quas extenuationes imposuisse Vieussenio crediderim, ut cum osseum extenuatum canalis parietem pro secunda nervea lamina habuerit, hic multo facilius eo tenuiorem illam quæ ex Modiolo prostat, lamellam pro prima nervea lamina, Modiolum autem ipsum pro extremo trunco habuerit nervi Auditorii. Quo minus denique mirandum est, quod cum propius verticem ventum sit, magisque sint omnia attenuata, ostendat nobis per num. 7. *pateram* (sic enim vocat) sive expansionem *nervi auditorii*; etiam si nihil hæc aliud sit, nisi extremus jam paries canalis ossei dividens secundum gyrum a portione illa tertiæ, quæ hinc isto eodem pariete, inde ipso verticis cochleæ pariete continetur. Hæc ubi semel recte perspexeris, & cochleas sensim circumvertendo, spiralesque canalis gyros a basi ad verticem defixo obtutu persequendo, unum ac perpetuum canalem esse, videris, per Septum duas in Scalas divisum; proclive erit tibi de peculiaribus reliquis Vieussenii in cochleæ Fossa, ut ipse vocat, inventis existimare.

19. Vocat autem cochleæ Fossam (quod enim supra (r) attigi, hic plenius explicabo) sic, inquam vocat; uti ex comparatis inter se ambabus Tabulæ Sextæ Figuris liquet; id omne spatium quod exteriores cochleæ parietes circumcirca comprehendunt a vertice ad eum usque locum, inter quem & verticem gyros unus cum dimidio, eoque amplius a canali osseo efficitur. Cujus ipse canalus parietibus (exterioribus illis exceptis) prope omnibus cum respondentibus tum Laminæ spiralis illius firmioris, tum Modioli portionibus toto eo quem indicavi, tractu perinde habitis ac si hæc omnia nervea essent, id omne quod ab ipsis obtinetur, aut iis interponitur, spatium nullis ferme nisi nerveis occupari docet corporibus, interjectisque his cavitatibus: quarum tres, ut quas neque inter se, neque cum aliis communicationem habere censet, *cæcas*, ut post videbimus, nuncupat. Sic autem omnia disponit, quemadmodum ex nostro singulorum examine intelliges. Principio Modiolum; quem supra etiam diximus *Nucleum* ab ipso *pyramidalem* appellitari, quamvis multo con, quam pyramidis similior sit; finitum ostendit (s) tam procul a vertice Fossæ cochleæ, ut mirari minus oporteat, si toto illo intervallo nec osseos parietes, nec firmas laminas interjectas ullas agnoscat. Id vero minime a nobis accipi potest, hæc agnoscentibus, & Modiolum pro fulcro ipsorum habentibus. Certe enim Modiolus cum circumvoluta firmiore Lamina ad finem usque pervenit secundi gyri, tum ei Laminæ adminiculi officium præstans, quasi ut arundo convolvulo, tum canalus cochleæ fornicibus præbens interioris fulcri usum, ut columna in medio scalarum quas cochlides vocitant, constituta. Quin Modiolus & in eam Laminam, & in hos fornices suæ ipsius materiæ partem producit: quod fit ut quanto magis accedit ad verticem, tanto magis extenuetur. Quæ cum ita sint; profecto vel fornix ultimus, hoc est paries ille qui semigyro & secundo gyro est interjectus, quoniam cum Modiolo non



non solum committitur, sed ex eo etiam oritur, non est ita facile, ob tenuitatem, ossea Modioli natura privandus; imo est pro ejus productione potius habendus, & præsertim in illa sua in quam delinit, ora, quæ mihi ut reliquo eo pariete videri minus tenuis, firmiorque solet, ab extremoque Modiolo ad verticem ipsum cochleæ pergere, illucque se affigere, sic peculiaris Modioli appendix existimatur (x).

20. Cæterum Modiolum Vieussenius tradit (u), in sui medio (hoc est axe) foramen habere rectum, valde manifestum, tantumque, ut crassam setam admittat suillam: cujus circa foraminis aditum aliqua alia tam parva sint, ut sine microscopii auxilio detegi nequeant. Additque: intra foramen illud majus truncum excipi nervi auditorii, ut intra cochleam transmittatur. Minima quidem illa foraminula eo in loco Viri Præstantissimi Verneyus (x), & Valsalva indicaverant, per eaque nervi ejusdem fibrillas (qua de re infra (\*) videbimus) subire cochleam, docuerant. Foramen autem id majus nempe illud ipsum est, quod ab Eustachio propositum angusti, & recti meatus nomine, supra (y) memoravimus. Post Eustachium Coiterus, (z), & Bauhinus (a) ad eundem modum indicaverant: & Veslingius (b), aliis quantumvis verbis, eandem, opinor, rem designavit. Et tamen ante Bauhinum, & Veslingium cum Platerus (c) sic agnoverat, ut dubitare videretur, tum Casserius (d) diserte negaverat. Negandi vero, aut certe dubitandi causa, quantum ex meis conicere possum observationibus, hæc fuit. Est quidem in eo cavo quod ad basim cochleæ, atque adeo Modioli memoratum est (e), circa medium, foramen quoddam, non æque tamen apparens in omnibus. Est etiam alterum ad extremum alterum Modioli. Quorum illud propositi meatus initium, hoc finis esse videatur. Setam vero ex alterutro ad alterum usque trajicere, longe minus expeditum est, quam plures arbitrentur. Namque; ut de minus vetustis auribus (nedum de recentissimis) nihil dicam, in quibus id frustra conatus sum; certe memini in triginta fere, quarum nonnullæ ex infantibus recens natis, plurimæ erant adutorum, omnes vetustate ipsa, quædam & coctione ita aridæ ac purgatæ, ut ab reliquiis nervi, aut membranarum obstructum forte meatum esse, suspicari facile non liceret; memini, inquam, neutra ex parte setam potuisse altius immittere, nedum transmittere, ea qua speraveram facilitate; tametsi Modiolus ad tenuius extremum jam minus integer, eoque factus brevior, esset. Poteram quidem, præsertim ab ea parte immisissam setam si validius urgerem, per Modioli axem, perque illud insculptum basi foramen traducere. Verum ob eam ipsam vim dubius hærebam, per friabilem spongiosamque substantiam viam invenissem, an fecissem. Esse tamen hanc viam, tandem aliquando intellexi. Nam & in alias humanas cochleas nonnullas incidi, in quibus non difficile id possem. & cum ad manus forte redissent quædam vitulinæ, ovinæ, & agninæ, a me olim præparatæ; quod sine vi in cæteris non continebat, id in agnina una contigit, ut per detruncatum forte Modiolum seta a verticis parte immissa nullo negotio transierit, seque extra basim ostenderit. Tum enimvero ad humanas duas reversus per quas setam facile transmiseram, setæ viam, detractis paulatim osseis particulis, retexi, vidique ab natura ipsa esse factam. Etsi enim hic illic in parietibus foraminula ostenderet, & subaspera videretur; erat tamen univèrse sic satis lævis, & præterea quamvis latere posteriore in spongioso osse insculpta esset; anteriore tamen in perpetua crassiuscula compactaque substantia ossea erat excavata. Visa autem est extrorsum nonnihil inclinari, cum ad initium accederet gyrifecundi; nec magnopere, illuc usque progrediendo, se arctare; neque enim multo superius tunc potuit retedio illa pervenire. Sed hæc via unde in plerisque minus expedita sit, infra (f) in loco demonstrabitur. Hic satis est confirmasse, vel in iis in quibus expeditior nobis occurrit, seta vix crassior fuisse. Sic enim intelliges, ut nervum sibi parem transmittat, hunc tamen multo tenuiorem futurum, quam ut ipse Au-

ditorii nervi sit truncus, qui illac in cochleæ Fossam egressus, Modiolum, si Superis placet, mentiatur. Quod si truncum ea crassitudine transmitteret; sane Eustachius (g) solers, siquis alius, Professor non hæc scripsisset: Num instar operculi præcipua Auditorii nervi propago eidem foramini in basi cochleæ tantum incumbat, an vero alte penetret, --- propter difficultatem administrationis, certo explorare adhuc non potui. Quin imo, ut supra (b) indicatum est, sonum ex minori spira per medium foramen rectum, ad nervum ascendere, arbitratur. Nec plura, aut aliter Coiterus (i), aliive, nec ipse, quantum ego intelligo, Veslingius (k); quamvis fecus Bartolo (l) videatur. Ex quibus nimirum hæc apparent, primum ne hos quidem contra atque placuisse pluribus inter recentiores videtur, Modioli verticem cum ipso cochleæ vertice commissum esse; credidisse; tunc enim rectus per totum, a principio ad extremum usque, Modiolum insculptus meatus inter spiras cochleæ non defuisset; deinde ad ultimam tamen usque spiram (nam & hæc Modiolo immititur) ipsum Modiolum perducere, ex eaque haurire sonum voluisse.

21. Contra Vieussenius, cujus ego hæc dogmata sigillatim, & fusius persequor cum ob Viri auctoritatem, tum ob aliorum de his silentium; non eo Modiolum extenuatum, sed nervi Auditorii truncum producit, qui ex breviori Modiolo egressus, se in pateram, ut idem loquitur, Spiralesque laminas expandat. Ipse enim tradit (m); ut rem eodem quo ipsius Figuram (n) expendimus, ordine persequamur; erumpentem e Modiolo nervum originem præbere secundæ nerveæ laminæ spirali: quam laminam quomodo eodem perducatur quo tertiam, is tantum intelliget qui secundam nihil esse aliud animadvertat, quam tenuem osseum parietem, primo, & secundo canalis cochleæ gyro interjectum. Osseum autem parietem a nervo originem trahere, quis concedat? Mox vero in primam laminam spiralem nerveam, se ita explicare circumcirca, ut suam tamen naturalem crassitudinem, & figuram prorsus non amittat, eundem nervi truncum, docet, quem propterea ut, in ejus laminæ centro collocatum, Axem vocat primæ Laminæ Spiralis Nervi Mollis Auris: esse autem hanc Laminam, rotundam, & aliquantum spiralem, consistentem unum integrum gyrum, incumbentemque peripheria sua omnino membranea apophysi osseæ, sive laminæ spirali fossæ cochleæ. Hanc osseam laminam tradiderat supra (o), e Fossæ cochleæ parietibus, haud procul a vertice introrsum extare, minimam, tenuissimamque --- & positum aliquid quantum spirali, eandemque pingit Fig. 2. (p) Tab. 6. Verum si osseam hanc laminam quæras; nihil videlicet invenies, nisi particulam, circumcirca introrsum prominentem, abrupti tenuissimi spiralis parietis, quo illic gyri canalis cochleæ dirimebantur, quemadmodum sane si eundem deinceps parietem qua propius ad cochleæ basim accedit, porro abruptas, & cum Modiolo avellas; eandem illam in spiram modum productam particulam ibi quoque, & proportionem quidem crassior, magisque extantem, relinqui; comperies. Ejusmodi autem parietis ossei particulæ ut nulla antequam hic abrupteretur, introrsum prominens ora erat; sic nulla Spiralis nerveæ Laminæ portio peripheria poterat sua eidem incumbere, id est se cum ejus ora committere. Portionem vero nerveæ istius laminæ, quam primæ Laminæ, Spiralis nomine describit, cavam oram affigentem invenies suam lamellæ illi spirali, quam Modiolo circumvolutam inhærere, & firmiorem Septi cochleæ portionem efficere, sæpius diximus; tantum abest, ut nervi truncum ipsum in primam eam Laminam se se explicantem reperias. Affirmat denique (q), extremum nervi Truncum ad eum modum se expandere, ut se conformet, in parvum corpus, cavum, quod oculis videtur omnino membraneum, & quod aliquam figuram suam exteriori similitudinem, nem habet parvæ pateræ, quamobrem ab se appellari pateram nervi mollis auris: Hanc pateram, conglutinatam esse universo limbo suo cum medio partis anterioris (hoc est cum vertice) fossæ cochleæ: ex eoque fieri, ut ejus cavitas cæca sit. Propterea

(x) supra n. 11. (u) ch. 5. (x) De Audit. Org. P. 1. (\*) n. 43. 45. 46. (y) n. 13.  
(z) De Audit. Instr. c. 16. (a) Theatr. Anat. l. 3. c. 59. (b) Synt. Anat. c. 16. (c) De corp. hum. struct. l. 1.  
(d) Penzance. l. 4. Sect. 1. c. 10 & 13. (e) supra n. 11. (f) n. 45. (g) De Audit. Org. (h) n. 13.  
(i) (k) locis cit. (l) Del Suono tr. 4. c. 8. (m) ch. 6. (n) Planch. 4 Fig. 1.  
(o) ch. 5. (p) ad num. 3. (q) ch. 6.



rea hanc nuncupat *cavitatem cæcam anteriorem fossæ cochleæ*: quemadmodum cavitates interjectas pateræ, & primæ nervæ Laminæ, itemque huic Laminæ, & secundæ, cum pariter omni ex parte conclusas putet; illam quidem *cavitatem cæcam mediam*, hanc vero *posteriolem* appellat. Sed hæc omnia, quorum olim partem, sed aliquanto aliter, attigerat in Neurographia, in iisque præsertim Additamentis, neque a Valsalva, neque a me, nisi nunc primum, cum forte locum quandam conferrem, animadversis, quæ Neurographiæ (r) in altera Bibliothecæ Anatomicæ editione interjecit, hæc, inquam, omnia oculorum fallaciæ accepta sunt referenda, perfacili quidem ubi cochlea non ab omni parte circumspiciatur, sed ab ea dumtaxat facie inspicitur a qua forte ejus structura detecta est. Potest enim modica spirarum obliquitas sic imponere, ut quæ perpetua a basi ad verticem se circa Modiolum contorquet, via, hæc non pergere continenter, sed tot in partes, seu mavis cavitates dividi, quot in gyros flectitur, videatur, illasque eo plures, quod ob interpositum Septum, quo illa una via geminas in Scalas partitur, singuli gyri duplicantur. Pariter nihil facilius est, quam extremam ejusdem canalis cochleæ spiram extrinsecus insipientibus pateræ imaginem quandam & similitudinem apparere, cujus ora circumcirca sit cum Fossæ parietibus, hujus verticis propioribus, congiutina. Verum quamcunque oræ illius particulam leviter abruptas, cavum invenis non undique conclusum, sed altera ex parte manifesto apertum, videlicet ipsum cochleæ extremum canalem, cujus parietum pars, istiusmodi pateram mentiebatur. Itaque cochleam paulatim circumvertendo, oræque illius aut paulo majorem indidem, aut aliam aliunde portionem avellendo, præclare vides, id cavum in spiræ modum incedere, hinc verticem, inde basin cochleæ perens, anteriore & posteriore pariete tanto magis inter se accedentibus, aut recedentibus, quanto illud magis huc, aut illuc versus procedit.

22. Sed de utroque canalis cochleæ extremo infra scribam. Nunc admirationi occurrendum est tuæ, qua dudum quæris, ut opinor, qui fieri potuerit, ut Modioli partem, neque ita parvam, pro nervi trunco, firmioris autem substantiæ Laminam, ossesque ipsos canalis parietes pro nerveis, membraneisve ejusdem nervi expansionibus habuerit Vieussenius. Igitur præter illam consuetam extenuationem, de qua etiam supra (f) dictum est, in hisce omnibus cochleæ particulis tanto majorem, quanto ad verticem propius acceditur; scire licet, humanas aures non paucas, minus antiquas præsertim, minusque purgatas, eo colore atque habitu memoratas omnes particulas mihi obtulisse, sæpe etiam has omnes (si Modiolum excipias, cujus vel extremum, quamvis friabile, semper tamen sic satis subrigidum ac resistens inveni) tanta mihi, sive premerem, sive discernerem, sive inter digitos comminuerem, tenuitate occurrisse, ut ferre a primi gyri fine quo propius verticem accederent, eo ad membraneam magis, quam ad osseam naturam accedere viderentur: fuissetque adeo nonnunquam Vieussenio fortasse ex parte aliqua adstipulaturus; nisi easdem ex aurium plurimarum vario & multiplici examine revera esse partim osseas, partim neque nerveas, neque membraneas, didicissem. Quæ ut planius intelligas; primum ad memoriam revoca, Eustachium incredibili sagacitate Anatomicum (t), illas quidem laminas, sive, ut ipse vocabat, spiras, quæ cochleæ canalem perficiunt, non dubitasse *ab ossea substantia admodum tenui, sicca, & quæ facile teritur; creari*; alteras autem quæ Septi cochleæ portionem efficiunt Modiolo continentem, sive, ut nunc vocare consuevimus, Laminam Spiralem, has vero tradidisse *ex materia quadam fieri molli, & mucosa, firma tamen, & quæ nescio quid arenosi permixtum habet*. Cujus autem generis materia hæc esset, tametsi fassus est, se ignorare; tamen ex nervo magnam partem non esse, præclare censuit, cum diserte hæc subjecit: *non parvi referre arbitror, scire, nervusne ipse aliquam ejus (substantiæ) portionem constituat, an minus*. Et fane ut in recentissimis auribus molle illud atque mucosum, ad membranulam spectans qua intus omnem cochleam vestiri, dicemus (u), tum animadvertere potuit; tum

per conjecturam ad nervi expansionem referre, qui in has, ut ipse loquitur, *spiras convolveretur*, præsertim cum hæc colore tunc albo institam nerveam repræsentent; sic illud *nescio quid arenosi* ad nervum certe referre non poterat. Quod si de spirarum harum substantia cum dubitaret Eustachius, de priorum substantia non dubitavit, sed aperte *osseam* esse, docuit; tu facile tibi persuadebis, si parem in examinando diligentiam Vieussenius attulisset, non ex ejusmodi substantia ossea nerveam in pateræ modum expansionem nobis effecturum fuisse. Quam autem substantiam *mollem* esse ac *mucosam*, & *nescio quid arenosi permixtum habere*, Eustachius docuerat sic ut se ignorare fateretur; quod ad genus referret, cum eam qui Valsalvam proxime antecesserat, anatomix Auris Scriptores, alter *duram, & friabilem* esse, alter (quocum facere video Præstantissimos hac tempestate Anatomicos) esse *osseam laminam tenuissimam*, affirmassent; Valsalva, iterum in dubitationem rem adducens, *corpus quoddam esse*, scripsit, *mediam habens consistentiam inter substantiam membraneam, & cartilagineam; facile friabile, præsertim in exsiccata aure*. Mihi vero, quo magis inquirō, eo magis res dubia videtur, atque adeo ejusmodi, ut confiteri cum Eustachio non verear, me quod ad substantiæ genus hanc referam, ignorare, quippe cum aliam nullam toto corpore deprehendam quæ cum ipsa omnino conveniat. Neque enim ut os, est rigida; neque ut cartilago, elastica, aut ab exsiccatione adeo infuscata ac contracta; neque ut ligamentum, aut tendo, robusta; & lenta; neque ut nervus, in filamenta villosve dividua; neque tandem ut membrana, complicabilis & concidens, imo tametsi, uno excepto margine per quem Modiolo continens est, tota in ipso fere medio canalis cavo libera ac soluta restet; tamen vel ad annos sane quam plurimos suæ extensionis, suæ formæ, suæ sedis, sui que illius situs retinentissima, idque omne, quod maxime attendendum est, etiam post coctionem, qua nervos ipsos, non modo membranas, aut nerveas expansiones, videmus abscedere. Quod si Vieussenius periculum facere voluisset; non dubito, quin cum pateram illam suam, cæterasque, cum Modiolo, firmiores laminas omnes etiam in coctione persistere, neque mutari, conspexisset; alias quidem cum Modiolo osseas, nullas certe ipsarum nerveas prorsus, aut membraneas esse, statuisset.

23. Equidem quod ad me attinet, Spiralem de qua hic potissimum agitur, Laminam eadem qua reliqua intus cochleæ, mucosa membranula ab utraque facie amiciri, scio: fibrillas nerveas, ex quibus membranula hæc fiat, e Modiolo per easdem facies, aut per Laminæ interiora ferri conjicio. Sed interceptam membranula, interjectam fibrillis substantiam, ex qua proprie ipsa efficitur Lamina, & cui suam firmitudinem debet, illam verò me, rursus fateor, ignorare. Est autem ea firmitudo ejusmodi, ut si alterutram faciem tenui specillo premas; non eam dumtaxat quam specillo tangis, particulam, sed & proximas utrinque partes ad non exiguum tractum una deprimas, quasi coriaceum aliquod corpus urgeres, nisi quod illud ea pressione non disrumperes; hujus autem Laminæ totam illam portionem quam una depressisti, a continentibus partibus ita abruptis, ut quamvis nullum, velut os paris crassitudinis, in fractione sonum edat, neque illico ut plurimum excidat, inflexa tamen permaneat, neque se in primam formam, sedemque restituat. Hanc facilem Spiralis Laminæ inflexionem fere usque ad Modiolum, qua illa, ut Eustachius ante omnes animadvertit (x), est crassior, plurimis in auribus cum recentibus, tum exsiccatis expertus sum, idque etiam in ea Laminæ parte quæ latior est; nimirum quæ basi cochleæ est propior, quam partem vel ipse Vieussenius, ut supra (y) vidimus, osseam esse, non dubitabat. Eandem in vetustioribus auribus persiccata atque friabilem brevi in aqua maceratione, haud secus ac si recens esset, flexilem reddidi; paulo autem longiore etiam flaccidam: quorum neutrum accidit proximis illis Particulis cæteris, quas tamen nerveas esse, membraneasve, existimavit Vieussenius. Eandem vero; non modo tenuiores partes reliquas Laminæ Spiralis; cum avulsam ab resiccatis auribus inter-

(r) c. 3. lib. de nervis, qui & 3. (f) n. 18. (s) De Audit. Org. Vid. etiam supra n. 13. (u) infra n. 57.  
(x) Vid. supra ad proximam litteram (s) (y) n. 16.



extremos digitos saepe contererem; non semper id mihi quod Eustachio contigit, ut arenosi quidpiam asperive deprehenderem; imo illud saepe, ut continuo omnia ad pollinis mollitudinem lævitatemque redigerem: quamobrem aliqua interdum suspicio fuit, simul forte a Modiolo diuulsis nonnullis particulis osseis quidquid asperi sentirem acceptum esse referendum. In vitulo tamen, veyece, cane, ut aliquanto quam in homine, eadem Lamina firmior est (paulo enim validiore pressione opus fuit, ut ipsam inflecterem) sic in vitulo certe facilius accidit, ut inter conterendum, asperi aliquid durique offenderem; ut si forte suspicari velis, hanc cujus genus ignoramus, substantiam ex iisdem terreis, unde ossa accrescunt, esse particulis; hæc in homine quidem minus, in quibusdam autem bestiis aliquanto magis inter se contingere, & constipata esse videantur, tametsi in nullis tantum, quod adhuc viderim, quantum in ossibus, coactæ sint. Cui suspicioni ut magis indulgeas, efficiet fortasse tum Laminæ origo, quæ ex substantia certe ossea Modioli est, tum idem color, siue integram Laminam, siue qua sit fracta, conspicias, qui in ossibus parietibus est, siue integris, siue diffractis, cochleæ ejusdem gyros determinantis, idemque pariter, quantum ex tenuibus adeo sectionibus judicare oculi queunt, in utrisque substantiæ modus. Quæ cum in homine in aliisque de quibus commemoravi, animantibus satis contuleris, deinde autem in coctis illis agnitis cochleis, quas supra (z) dixi a me olim apertas esse, recognoveris, tum vero ex eadem ex qua os, materia, magna saltem ex parte, Spiralem constare Laminam, multo facilius existimabis. In his enim omnibus agnitis cochleis non modo ea quoque Modioli portio quam Vieussenius nervi esse truncum, aut ii quoque canalis parietes, quos in pateræ modum conformatos idem nerveas expansiones credebatur, sed & universa hæc qua de loquimur, Spiralis Lamina eadem illa nitida albedine, eodemque prædita (si oculorum judicio stemus) in fractis integrisque faciebus substantiæ modo conspiciuntur, quo & ipsum os, cochleæ cavo circumjectum; nihil ut simul elegantius atque similis spectari possit.

24. Quæ dum contueor; quoddam inter has, & humanas cochleas structuræ discrimen animadverto, dignum sane, ut in ejusmodi præsertim Parte, quod minime negligatur, si forte ut hoc ipse inveni, ita alii ejus causas conijciant aliquando, quæ ad usus quosdam aut confirmandos, aut confutandos fortasse inserviant. Prima Laminæ Spiralis, & latior portio, siue quæ propiorem basi cochleæ conficit gyrum, manifesto basim ipsam versus, se inclinat, cavamque huic faciem, vertici autem convexam obvertit; quando in nobis, in aliisque, præter ovium genus, in quibus ad hoc tempus inspexi, animantibus plana utrinque facie eo ipso tractu Modiolo ad rectos angulos insistit. Cæterum ita in nobis, ut in illis quoque, eadem Lamina ubi inter Scalæ Vestibuli orificium, & Rotundam Fenestram initium ducit, arcum adeo inter se & oppositum incipientis canalis cochleæ parietem intervallum relinquit, ut possit hoc cum tenui lineola comparari ita extrorsum convexa, introrsum cava, pene ut semicirculi curvum ambitum describat. Hoc intervallum illud est quod sensim dilatatum, & ibi, & deinceps membranea lamina spirali completur. Quam Valsalvam, Zonam ab se Cochleæ nuncupatam, & quater pictam (a), non satis illo in loco incurvam extenuatamque delineavisse, imo in contrariam partem inflectere debuisse, non dubito: certe ubi Scalas ambas cochleæ exhibuit (b), non in eam partem latius earum extremum curvavit, in quam his respondens Septi extremum inflexit (c): quanquam Scalæ Tympani orificium, hoc est Fenestra Rotunda (d) magis intorquenda fuerat versus lineam illam ex punctis superiorem, ad u contendentem, ut intelligeretur, eam Fenestram non recta patere in Tympani Scalam, sed huic ab latere potius esse, eoque inferiore: qua in Scalæ parte prope Fenestram inspectanti occurrere depressio solet, per quam, aut prope quam sanguiferum quodpiam cochleæ vasculum transmitti, postea dicemus (e). Hæc

sicut observare ipse solitus sum, ita quamvis cum Valsalvæ libro non consentientia, eadem fide ad te scribo, qua superiora Vieussenio adversantia, Valsalvæ faventia, exaravi.

25. De aliis, siqua forte erunt quæ ad hoc canalis cochleæ extremum attineant, infra commodius videbimus, ubi de nervis, & eorum intra labyrinthum expansionibus scripserimus. Hic alterum canalis extremum, uti spopondimus, expediamus. Utramque ibi Scalam inter se communicare, censuit Bartolus (f); sed ante ipsum Willisius (g): quem cum Bartolus suspicari nollet in Auditus Organo Semicirculares Canales omittere potuisse, hosque *secundæ cochleæ* nomine designavisse, arbitraretur; non sensit, idem quod sibi placebat, de Sclarum communicatione posuisse. Willisius enim cum illos Canales non secus ac olim Fabricius ab Aquapendente (h), revera omisisset; binas Cochleæ Scalas, *binas Cochleas* appellavit, quarum una, inquit, *principium habens a spira seu capacitate ampliori in minorem sensim minuitur, atque in perexiguam definit, dein ab hujus extremitate cochlea alia cum spira perexigua incipiens, in progressu sensim ampliatur*; Ambas autem extremo tenuiori inter se communicare, satis docuit, cum duorum sonorum, simul aures subeuntium, alterum citius audiri, censuit, quod *unam tantum cochleam superet, alterum vero posterius percipi*, quia cum a primo nervi ramo una cum primo illo sono deferri nequiverit, ideo gyratione alia per secundam cochleam facta, demum a 2.º nervi auditorii ramo auferatur. Quin etiam supra, binas Scalas binos labyrinthos, earum autem communicationem *commisсурam* vocaverat, cum de nervi ramo, *cochleæ prioris depositum suscipiente*, verba faciens, *juxta utriusque labyrinthi commissuram implantari*, dixit; nam qui ramus *cochleæ posterioris depositum suscipiat*, hunc vero, tradiderat, *in cameram cochleæ proximam, id est in vestibulum, terminari*. Willisii igitur sententiæ de communicatione Sclarum cochleæ nunc plures, & in his etiam Celeberrimos Anatomicos sine ulla assentiri dubitatione, animadverto. Id mihi facere nondum licet. Cum enim quo magis ad verticem cochleæ osseus ipsius canalis accedit, eo etiam magis, velut supra (i) dictum est, anterior & posterior ejusdem canalis parietes inter se accedant; perdifficile sane est, interjectum utrique parieti Septum ad ipsum usque verticem ita persequi, ut quamvis ultimam ejus particulam retegas, scire tamen pro certo possis, te in summis illis angustijs referendis ne minimum quidem tenuissimæ illius Septi membranæ structuræ vel abrumpendo, vel distrahendo læsisse. Nam cum in ipso demum vertice utramque inter se Scalam communicare, per parvum hiatum, seu per tenuissimum foraminulum, doceant, hoc sit in Septi ipsius extremo, necesse est. Certe Schelhammerus quoque (k), cum Willisii sententiam magis quam verba spectaret, haud aliter intellexit. *Addit*, inquit, *Septi laminam in extremo, perruptam esse foramine, quod an ita sit, perspicere nondum potui*. Fac igitur, me exiguum istud foraminulum in extremo Septo posse perspicere. Dubius tamen hærebo, in tenuissima, nec sine vi retagenda particula ipse fecerim, an factum ab natura deprehenderim. Itaque cum eam cochleæ partem quæ ultimam illam non perfecti gyri portionem completitur, nonnunquam ab anterioribus, alias a latere, interdum etiam a posterioribus rimari aggressus sim, ut posteriorem potius, qui tenuissimus est, quam anteriorem qui crassissimus durissimusque, canalis parietem sensim avellendo, rem penitus quoad ejus fieri posset, perlustrarem; necdum tamen quidquam licuit quod pro certo affirmem, videre.

26. Describenti hæc mihi gratissimum accidit, ne subtilissimo quidem, oculatissimoque Profectori Cassebohmi (l) ibi Sclarum communicationem, sed alibi esse animadversam. Neque enim in ipso cochleæ vertice, sed circa initium, si probe intelligo, semigyri, & circa finem secundi gyri proponit, per brevem videlicet canaliculum altero orificio in latere extremi Modioli cum Scala Tympani, altero in ipso, ut videtur, Modioli vertice cum Scala Vestibuli communicantem, quorum ego orificiorum hoc *majus*, illud

*minus*

(z) n. 20. (a) Tab. 8. & 10. (b) Tab. 8. Fig. 6. (c) Ibid. Fig. 7. (d) Ibid. (e) n. 60. (f) Del Suono tr. 4. c. 8. (g) De Anima Brut. c. 14. (h) Vid. supra n. 13. (i) n. 21. (k) De Audit. P. 1. c. 4. n. 4. (l) De Aure hum. Tab. 5. Fig. 10 & 11.



minus potius quam *superius*, & *inferius*; quando Auditor ipse (m) utraslibet pariter nobis affert appellationes; spectato cochleæ naturali positu, vocitabo. Equidem cum eas de quibus paulo antedictum est, observationes haberem, memoria teneo, nunquam ad verticem usque cochleæ persequi Laminam Spiralem, neque ipsum Modiolum potuisse, miratumque id primum, quippe aliter indicantibus summis inter recentiores anatomiae Auris Scriptoribus; mox Eustachii venisse in mentem, & eorum quæ etiam supra (n) de ejus sententia circa Modioli finem, & meatus in hoc insculpti rectum ad ultimam usque spiram progressum animadverti: sic & mirari desisse, cum intelligerem, ubi adminiculum finiretur, ibi pariter circumvolutam Laminam finire oportere, & foramen istud majus quod, ubi ea simul cum Modiolo desinebat, hujus axi respondere conspicerem, illud ipsum esse credidisse in quo is meatus finem haberet: itaque & setam in idem sæpius, quamvis frustra, inferuisse, si forte ad basim usque transmittere liceret, quemadmodum supra (o) indicatum est. Nunc vero cum intelligam, neque Casselbohmi a Modioli fine ad cochleæ verticem ullam, nisi membranæam, Laminam qua Scalæ determinentur, perducere, (p), in brevem autem illum canaliculum suum, hunc Eustachii meatum inducere (q); illud potissimum relinquitur, ut de incognito mihi ad hoc tempus ejus minori foramine, & quod consequitur, de hujusmodi utriusque Scalæ communicatione jam videam. Opportune autem in his temporis angustiis accidit, ut quoniam ad istiusmodi perquisitiones neque recentes, neque sine cura exsiccatae aures idoneæ sunt, duas ex his haberem, ante paucos menses e cadavere excisas, atque ita ut interdum soleo, asservatas, ut neque insectis, neque liberiori aeri ad ipsas accessus fuerit. In his quæ invenerim, candidè exponam. Per majus foramen introspectanti, alterum, aliquanto minus, se obtulit non dissimilis formæ, id est ellipsis proximè ad circulum accedentis, brevissimo intervallo a primo remotum, sed in plano insculptum quod primo non parallelum, sed a latere statutum concipies. Inter utrumque non canalis, sed inane potius instar cavernulæ spatium erat, quippe latius minori foramine. Itaque setam ex majori in minus, & per hoc in proximam Tympani Scalam nullo negotio transmisit. Nihil enim erat quod oculis (vel crystallo, ut in exigui foraminis perquisitione, instructis) aut in minori hoc, aut in majori foramine, aut in cavernula illa utrique interjecta se objiceret. Quod si esset consuetudinis meæ quidquam ex una aut altera inspectione constituere, & si in rebus adeo tenuibus constaret, nihil ob cochleæ aut exsiccationem, aut reclusionem posse mutari; jam nunc perlibenter mihi persuaderem, nihil præterea de Sclarum communicatione esse quærendum. Verum nunquam cochleam, præsertim propius verticem, tam diligenter recludo, nunquam ex reclusa siquid obstat adhuc, tam caute eximo, quin verear ne ob membranularum tenuissimarum continuitatem aliquid ibi etiam invitum abrumpam, indeque abstraham quo nondum oculis pervenerim. Membranæam autem laminam qua in semigyro, Sclarum Septum conficitur, in his præsertim ultimis inquisitionibus usque adeo (credo ob exsiccationem) ad tenuiorem semigyro parietem adductam inveni, ut cum ipso a primo cohærere tota videretur: quæ sedis mutatio non difficilis quam variam, & dubiam ibi reddat dimensionem altitudinis, ut ego intelligo, utriuslibet Scalæ, satis perspicis: contractio autem ipsius, dum exsiccatur, membranæ an majus, opertum fortasse antea, foramen detegat, forsitan dubitare quippiam possit. Attamen cum vel primis perquisitionibus rem ita invenerim fere ut ab Exercitatissimo Viro proposita est; non levi id argumento esse nobis debet, si iterum, cum licebit, ac sæpius quæramus, non modo non multo aliter quam ipse tradidit, esse inventuros, sed & quæ nobis supersunt dubitationes aut omnes, aut magna ex parte sublaturus.

27. Nunc autem Valsalvæ ordinem sequentes, ad offeos nervorum Auditoriorum Canales, ad hosque ipsos nervos pergamus. De his nervis, atque canalibus sic olim docuerat Galenus (r): Post quartam, altera est

„ nervorum conjugatio, quam Marinus quintam nominat: quamvis non ex una exquisitè radice exurgat, sed sibi mutuo vicinæ sunt. Alterque ex altera exoritur nervus, ac in priori quidem magis parte qui auditorius vocatur; qui una cum dura cerebri membrana inde exoriente in auditus foramen incidit: cum qua in latitudinem se explicans, meatum sublinat. A posteriori vero parte alter in aliud quoddam lapidosi ossis foramen incidit, quod cæcum appellatur. Sic enim veteres dissectionis professores hoc foramen nominant, propterea quod anfractum illum per quem nervus foras post aures excidit, haud possent perfecte perforare; sive, ut alibi (s) loquitur, cum demissam in ipsum setam porcinam trajicere non possent, illic alicubi finire ipsum (fortasse) putaverunt. Causa vero, inquit, cur nihil elabatur, est non cæcitas, sed flexuosa, meatus obliquitas. Quod si paulatim totum oscircumcideris, nervumque nudaveris, ipsius flexus ac meandros deprehendes, nervusque tibi extra excidere ad aures apparebit. Si nihil aliud de his nervis, & canalibus a Galeno scriptum extaret; minor esset dubitatio quin plane cognovisset, binas illorum e singulis cerebri lateribus Portiones existere, & ex his Duram (sic enim vocarunt, cum altera comparantes, qua nullum nervum molliorem esse, exceptis visceribus, non dubitabant (t); nos etsi utramque intra cranii cavum pari haud raro aut mollietie, aut firmitudine invenerimus, Duram tamen quæ, progrediendo saltem, magis durescit, vocitabimus) hanc igitur Duram Portionem minus dubii esset quin Galenus cognovisset peculiari flexuoso meatu inde excipi, atque emitti, unde a Falloppio (u), qui totum hunc meatum Aquæductus nomine descripsit, præclare nobis traditum est. Sed cum idem Galenus (x) docuerit, eandem nervorum conjugationem, dividi potest, quod in ipso per ossa transitu in duas (illas) partes, sive ut alibi (y), ossibus lapideis incidere: ipsamque bifidam ac duplicem factam duobus excipi foraminibus inæqualibus, ferrique per foramen latius majorem ejus portionem recta ad aures. In aliud vero angustius foramen (quod sane cæcum appellant) reliquam partem illapsam, per foramen quoddam, quod est prope aures, penetrare: viamque omnem, quæ est inter nervi principium internum, & finem ejusdem externum, varie instar labyrinthi cuiusdam circumvolvi, cum hæc, inquam, idem Galenus docuerit; hinc multiplex oriri potest dubitatio, primum an constanter Portiones illas ex ipsis usque cerebri lateribus geminas utrinque exire, voluerit, an potius in ipso per ossa transitu uno ex nervo ceu duos ramos prodire: deinde an foramen quod Dura subit, ad cavum ipsum tympani esse, ubi in ipso per ossa transitu internum fortasse ponat nervi, hoc est rami, Duri principium: tertio an inde primum incipere variam istam viæ convolutionem: denique an circumvolutio hæc tanta, & tam varia sit, ut omnino debeat cum labyrintho quodam comparari. Quibus omnibus, aut nonnullis certe dubitationibus minus utique momenti inesset, nisi Vesalius Galenum videretur haud aliter intellexisse, sive illius Figuras, sive descriptiones in magno Opere (z) spectemus: apertus autem ab ipsa natura intra vitulorum, atque ovium, aliarumque ejusmodi bestiarum tympanum, ut alias (a) ad te scribentes commemoravimus, & late dehiscens Aquæductus imponere iis potuit qui olim bestiarum sæpius quam hominum corpora incidebant, ut, quamvis repugnarent cætera, hunc inde suum habere initium, existimarent. Quæ cum ita essent; fecit operæ pretium Falloppius (b), qui sive ipse per se invenit, sive a Veteribus inventa, in lucem iterum, omni sublata dubitatione, revocavit; certe hos nervos, atque canales, ut sunt in homine, constanter proposuit.

28. Quædam tamen iis qui deinceps scripserunt, emendanda, quædam illustranda, atque augenda reliquit. Nam primum Eustachius (c) id quod in nervorum descriptione Falloppius omiserat, quamvis in parte nec ipsi ignotum, & a Galeno indicatum; adjunxit, nimirum Auditorii nervi Portiones ab ortu

(m) Tract. 5. n. 193. (n) n. 20. (o) n. eod. (p) Tab. cit. Fig. 8. (q) Tract. cit. n. 215. & 224.  
(r) De nerv. dissect. c. 6. (s) De usu part. l. 9. c. 10. (t) Vid. Fallopp. Obs. Anat. & alios. (u) Obs. cit.  
(x) c. 10. cit. (y) l. 9. cit. cap. 13. (z) De corp. hum. libr. 1. c. 8. l. 1. c. 8, & 12.  
(a) Epist. VII. n. 31. (b) Obs. cit. (c) De Audit. Orig.



ab ortu ipso esse *inequales*: & *majorem*, secundum *longitudinem* instar *semicirculi* *eleganter* *excavari*, *minoremque* *amice* *suscipere*, & *amplecti* ea videlicet sua, quam nunc omnes fere Anatomici silent, excavatione, seu mavis quodam inter duas tresve (Vidius (d) multas memorat) crassiores fibras, in quas facillime interdum Portionem hanc Mollem dividi posse, animadverti, interstitio relicto, in quod altera, quæ & sæpe in fibras attractu ipso, motuve dissolvitur, quadantenus excipitur: *eoque modo ambas simul junctas oblique in anteriorem & posteriorem partem usque ad extremum sinus, in osse petra simili earum gratia exculpi, procedere*. Hunc tamen sinum (Communem Auditoriorum nervorum Canalem Valsalva appellat) cum Falloppius (e) docuisset, non oblique, sed *recte versus exteriora* id os perforare; quæres, num melius postea Eustachius describeret per obliquum istum in anteriore & exteriora nervorum incesum; præsertim cum Mollem horum Portionem pinxerit (f) semper retrorsum curvatam, ut in ea quam refert quadantenus, ambitus semicirculi parte, Duram, quam appinxit, Portionem convexo, non cavo, latere possit excipere. Ego vero ut istum quidem canalem, in cranii basi a superiore parte reclusum, minus retrorsum oblique ferri conspicio, quam, non reclusum, videbatur, imo ad extremam partem aliquando nonnihil antrorsum quasi inflecti, certe autem ipsam Portionis Mollis in cochleam insertionem contra atque Eustachius (g) delineat, antrorsum fieri; tamen Portionem utramque ab origine ad extremum fere Communis earum canalis oblique vidi ad posteriora contendere, & si qua earum curvatura est, non aliam utique extra canalem esse quam quæ hinc ab imposita convexa τὴ ἐκκεφάλῃ, hinc a supposita concava requiritur cranii basi. Cæterum Eustachius Figuras insuper addidisse videtur primas tum memoratorum canalium, tum utriusque, ut modo dicebamus, nervorum Portionis (quarum utinam Duram; quam plerique postea, in contrariam partem peccantes, præ Molli æquo crassiorem pinxerunt; ego invenire subtripulam soleo; non tanto altera tenuiorem monstrasset (h)) quibus Figuris cum Galenum modeste corrigeret, qui contra quam inspectio nos docet, Mollem Portionem in priori quidem magis parte censuerat exoriri (i), tum deficientes Vesalii delineationes suppleret, aliquam etiam fortasse emendaret, quæ nempe Aquæductum, sive canalem Particularem commentitiis spiris nimis convolutum exhibebat (k). Huc pertinere opinatus sum in I. Epistola Anatom. (l) ex Tabula Eustachii XLIV. Figuram 2: quod deinde ex Valsalvæ schedis, & Lancisii emendationibus animadverti, jam utrique horum placuisse. Neque tamen illa Figura totum ostendi Aquæductum, credebam, neque ad hunc attinere partem illam canalis ad num. 81. 9. quam ad aliquem potius referebam canalium Semicircularium, ut os auris dexteræ in quo Aquæductum ab ejus usque initio recluseram, subindicabat. Attamen cum omnia haud omnino responderent; omnem mihi prorsus dissimulandam dubitationem non putavi, ideoque inter verba quibus conjecturam proponebam meam, diserte hæc, *nisi ego quidem plurimum fallor*, interjeci. Nuper autem apud Solertissimum Anatomicum hæc de Aquæductu conscripta inveni: *Canalis hic licet a Falloppio nomen habeat, Carpo tamen jam cognitus fuit. Ab Eustachio delineatum esse Lancisius & Morgagni quidem referunt; sed figura, quam citant, canales tres semicirculares exhibet*. Eandemque Figuram 2, apud se descriptam, sic interpretatur, ut loco a me paulo ante designato canalem Minimum; ad num. autem 82. 12, Minorem; ad 80. 10. Majorem apertos doceat monstrari. Quæ omnia quo magis denique vera esse cognovi, eo tardius duabus de causis me, fateor, esse affectum, Primum quod nunquam antea existimare potuerim, Eustachium aut Aquæductum, a Vesalio perperam delineatum, non multo maxima ex parte iterum proponere voluisse, aut cum in proxima Figura 3. Minorem, Majoremque canalem in ea sede, in eoque posito ostenderet, ut ab omnibus statim agnoscerentur, Morgagni Epistolæ Anatomicae.

sic antea eosdem representasse, ut perdifficile possent a situ, difficillime a sede cognosci. Situs enim ejusmodi est, ut qui in proxima Figura ambo pariter in eandem partem curvati, sicut ostendi solent, exhibeantur, in hac aspectu nemini usitato, & pictorem fortasse magis quam Anatomicum decente, alter in alteram partem curvati appareant. Sedes autem est in frustulo ossis cujus notas cæteras scalprum abstulit; siquas autem retexit, hæc satis ambiguae fere omnes sunt, aut obscuræ, veluti cavus ille, brevis, latusque quasi semicanalis num. 79. 9. qui diu mihi pro aperto nervorum Comuni canali imposuit, pars vero facile est specus pro Diverticulo venæ Jugularis Internæ, sublato osse quo in Figura 3. ad 77. 47. operiebatur, conspicua reddita; itemque veluti alterum illud minus, atque atrum, quasi cavum ad 83. 9. (Fig. 2.) quod ad posticam superiorem tympani, aut Sinuositatum quæ in ea vicinia sunt, partem fortasse attinet. præcipue autem; ut alia nunc omittam; major illa nigredo in ea particula canalium quæ ibidem est ad 81. 11. quæ me nigredo una demum maxime permovit, effecitque ut confluxum ibi Majoris, Minorisque canalis in canalem utrique Communem, & quod consequitur, quid sibi hoc Iconismo voluisset Eustachius, plane intelligerem. Quarum notarum cum in nova ejusdem Figuræ interpretatione ne unam quidem indicari, nedum explicari, a novo autem Chalcographo in sua non valde accurata descriptione plerasque omitti, viderem; hæc altera videlicet causa fuit, quamobrem vel postquam interpretationem illam perlegeram, assensum adhuc sustinerem, nec nisi archetypo Eustachiano inspecto, & cum anatome collato, verum ipse mihi primum, mox aliis, ut tibi nunc spero, ultima præsertim usus nota, persuaderem.

29. Sed ut ingenue fassus sum, quæ, & quamobrem in pictura Eustachii tardius intellexerim, sic pariter in iis verbis quæ paulo ante exscripsi, minus me affeque, confiteor, quid causæ fuerit, cur Aquæductus, *licet a Falloppio nomen habeat*, Carpo tamen jam cognitus fuisse dicatur? Certe ne ipse quidem Falloppius (m) reliquis Anatomicis prorsus ignotum, imo dumtaxat non bene notum esse, dixit. Et si quis forte prorsus incognitum fuisse, credidit; huic vero neque unus, neque potissimum erat Carpus objiciendus, sed & qui proxime ante Falloppium scripserant, Vesalius (n), & Columbus (o), aut si his vetustiores quærebantur, Gabriel Zerbus (p), & laudatus a Carpo ipso (q) Jacobus de Partibus, imo a Zerbo memorati (r) Avicenna, & Galenus, atque adeo Galeno ipso antiquiores: Carpus certe neque primus, neque plura, neque meliora de hoc canali proposuit (s); nec nisi post innumeros prope Anatomicos, a Galeno, uti supra ostendimus (t), edoctos, Portionem duram, in canali suo contentam Carpus jam vidit. Verum ut ad Eustachium, & ad alias quæ ad hos canales in parte attineant, ejus Figuras redeamus; cum de illa interea idem Cl. Vir dixerit, quæ Tabula insequente secundo loco exhibetur; nos de altera dicemus, quæ tertia est in proxima superiore Tabula XXXIII. illud vel disertius quam in II. illa Epistola, præfati, quidquid de obscurioribus Eustachii Iconibus hic, aut alibi proferimus, conjecturas esse quæ sæpenumero ne nobis quidem omnino placeant, æque gavifuris sive a cæteris hæveræ inveniantur, sive occasionem saltem præbeant veras proponendi. In ea igitur Figura suspicamur ad 71.  $\frac{1}{2}$ . 52. dexteri, & a facie posteriore, & inferiore aperti canalis nervorum Auditoriorum Communis finem, & Particularis initium ostendi: tum ad 74. 51. Particularis sectionem monstrari, foramen videlicet prope eum locum quo tympani cum Mastoidea Sinuositate communicatio ad 74. 50. exhibeatur: partem autem internorum cochleæ parietum eo cavo indicari quod inter finem designatum canalis Communis, Foramen pro arteria Carotide 69. 49. & Tympani caveam 72. 49, pingitur ad 71. 50. denique cum cochlea communicantem vestibuli

R

fortasse

(d) De Anat. corp. hum. l. 3. c. 2. (e) Obs. cit. (f) Tab. 18. Fig. 1. & 2. (g) Fig. citatis. (h) Fig. iisd. (i) Vid. num. superiorem. (k) Vid. in cit. c. 12. l. 1. (l) num. 93. (m) Obs. Anat. (n) locis supra cit. (o) De Re anat. l. 1. c. xi. (p) Anat. tot. corp. hum. ubi de anat. nervor. quint. par. (q) Super Anat. Mundia. Comment. 35. ubi de eod. pari. (r) loc. cit. (s) Comment. cit. (t) n. 27.



fortasse partem ad 73. 51. Quæ cum ego suspicer; non tamen puto, quod oblongum cavum supra canalis Communis finem ad hunc ipsum canalem videtur attinere, id omne revera canalem esse; neque enim hîc ea est longitudine; sed quendam addi quasi semicanalem, quem nunc majorem, alias minorem initio canalis Communis ab anteriore parte prædici, video. Illud puto, in ipso hujus canalis fine parvos sinus commonstrari duos, *apophysi*, ut Veslingius (u) loquitur, *pontis instar prominula* diremptos, quorum alter ex parte ad cochleæ basim pertinet, alter vero foramen inprimis continet, unde incipit canalis Particularis: quæ ab ipso quoque Veslingio depicta sunt. Sed Eustachius, nisi ego fallor, non Veslingium modo, aut hoc recentiores, verum etiam antiquiores Veslingio Anatomicos sic anteverterat, ut nisi illius Tabulæ ad ætatem usque nostram delituissent, hæc ex ipso vel Platerus, Casseriusque sumplisse videri possent. Nam Platerus (x) non illam dumtaxat apophysim, seu mavis osseum illud quasi septum, sed & duos sinus delineavit, in quos *sensim* canalis Communis dilatatur. Hos *sedes* vocat *humiliorem*, & *elatiorem*, sive *impressiones duas distinctas*: *aliam superiorem*, *aliam inferiorem*: quarum ex hac oriri, docet, foramen *omnino exile & capillare, simplex vel geminum*, in cochleam, & labyrinthum *desinens, fibellas nervi forte eo deducens*, ex illa vero *foramen elatius, anterius, manifestius*, quod *mox integer fit canalis Particularis* (y). Casserium (z) autem si legas, ad Plateri, quantumvis haud nominati, descriptionem respexisse, intelligas; nisi quod superioris tantum impressionis foramen, quod *obscurum* dicit, commemorat. Horum ego Sinuum inferiorem, semper majorem, & interiorem vidi; superiorem vero, minorem, & exteriorem, tum quædam in posteriore utriusque parte, sed pleraque exilia, foramina; in anteriore autem illius quidem, Sinuositatem, sive cavum illud quasi hemisphæricum, ad cochleæ Modioli basim attinens (a); in hujus vero foramen minime obscurum, quod Aquæductus initium est.

30. Atque ita primo quidem aspectu se habet fundum canalis Communis. Particularem autem, sive Aquæductum, si Falloppii (b) descriptiones attendamus, *versus anteriora capitis serpere, deinde reflecti, tympanumque ingredi*, conjiciemus. At si in ipsa cranii basi cum reliqua internæ Auris structura in sua sede relictum inspiciamus; cum illa quæ de fundo canalis Communis exposita sunt, vera esse, tum quæ Falloppius descripsit, non omnia tam plane cum vero consentire, intelligemus, ut aliquam saltem errandi occasionem non offerant. Nam Aquæductum incipere quidem *ab latere fundi canalis Communis*, quod *latus partem cerebri anteriorem respicit*, Vesalius ipse (c) non uno in loco Falloppio concessit, præsertim vero ubi id fundum *modice dilatari, & duobus parvis esse pervium foraminibus*, atque horum *posterius* ad labyrinthum pertinere, sed *anterius, posteriori amplius*, esse Aquæductus initium, scripsit: quo de initio (nam de posteriore foramine (d) infra videbimus) nec Platerum aliter, aut nos observasse, ex iis constat quæ paulo ante propo- sita sunt. Porro quod indicare pergit Falloppius, ex illo initio, *per os petrosum* nimirum *ferri sub illa hujus superficie*, hoc est latere, sive facie, *quæ anterior est* (nunc superior a Præcl. Anatomicis vocatur) *ibique apertum aliquantisper canalem, comitem nervo admittere arteriam*; hæc vero, & quæ mox adduntur: *nervum, cum prius per petrosum os versus anteriora ierit, tunc admissa arteria, reflexoque ductu per idem os ad posteriora recurrere*, atque id inprimis quod, ut paulo ante retuli, dictum fuerat, *occulto quodam canali versus anteriora capitis serpere, deinde reflecti*; hæc, inquam, omnia, quasi serpentinum ad anteriora reptatum, neque ad spatium omnino exiguum significarent, multos, ut opinor, in errorem traxere, ut rem haud aliter quam Vidius ipse videtur (e), intelligerent. „ Quasi per canali- „ culum progreditur, inquit, versus partem cerebri „ anteriorem, in itinere autem comitem adjungit „ arteriam, quæ in canaliculum ea de causa perfora- „ tum ingreditur: --- ubi autem aliquantisper progressus

„ est versus partem priorem, reflectitur una cum arte- „ ria per canaliculum versus partem posteriorem &c. „ „ Itaque omnem hujus nervi truncum vel ab ipso statim a Molli Portione digressu tantis & tot inflexionibus serpentem delineavit (f), ut neque majoribus, neque pluribus anguem potuisset. Nec rem alio modo accepisse videntur Platerus (g), & qui sunt hunc secuti, imprimisque Casserius (h), cum ferri Aquæductum, scripserunt, *admodum tortuose, primum antrosum, mox retrorsum*. Quorum utinam omnium verba ita ad veram ipsique dignam sententiam possem, ut Falloppii verba traducere. A cujus mente quam longe abirent, hæc ejus poterat vox docere (i); Aquæductum *mea sententia non bene norunt reliqui Anatomici, cum tortuosum, vel capreolarem, vel cochlearem aliquando esse dicant*. Nec tamen nullos in eo flexus agnovit: imo aliquos; sed multo quam alii, tum pauciores, tum si primum, eundemque brevissimum excipias, leviores; & jure quidem, si Anatomem consulamus.

31. Principio enim canalis Particularis, a Communi discedens, ita extrorsum fertur, ut oblique simul feratur antrosum fere ut Valsalva Tab. VII. Fig. 5. (nulla ad eum locum apposita littera) delineavit: quod vellem in Figura etiam 4. eoque magis in 3. attendisset. Sed dum sic fertur, sensim in anteriorem partem dilatatur, ut convexum quasi cubiti flexuræ ambitum ab ea parte repræsentet, cum se videlicet continuo extrorsum retrorsumque convertat: tum oblique ad ipsum intimum tympani fornicem descendere incipiens, se se iterum coarctat. Hæc quæ descripsi- mus omnia exiguo omnino spatio continentur, atque adeo vix eo majori quod dimidiato tritici grano occupari posset. Id spatium nervus tenet, se ad illam flexuram accommodans, eoque dilatationem requirens, de qua dictum est. Porro in convexi illius de quo memoravi, ambitus media fere eademque maxime antica parte foramen est, unde canaliculus incipit Aquæductu angustior & depressior, qui antrosum introsumque sine ullo flexu descendens, primum sub ipsa Petroli ossis superficie ad perbreve fere, nonnunquam ad brevissimum tractum conditur, mox vero in modum oblongi, angusti, & leviter impressi semicanalis, quem haud raro duplicem vidi, intra cranii cavum dehiscit. Hic autem hiatus is locus est per quem in Aquæductum admitti arteriam, Falloppius (k); emitti, Vesalius (l) docet, eum locum *illic* egregie statuens, ubi *in petrosa parte, ea consistit regio, quæ in anteriori ejus partis sede consistens, præcipui foraminis quintum par admittentis initio est e regione*, hoc est, ut in VI. *Adversariis* (m) a nobis, aliud agentibus, est declaratum, in anteriore facie *processus petrosi ex adverso ejus foraminis quod ambas Auditorii nervi Portiones admittit*. Id autem ibi agebamus ut locum indicarem, non unde sanguiferum vasculum; quod cum vivimus, minimum certe vidimus; sed unde unus, pluresve emergant, quove tendant nervei ramuli, ex Dura Portione enati dum intra hanc primam Aquæductus partem continentur. Nemo autem; quod meminim; veterum Anatomicorum nervos ex hujus partis hiatu redire intra cranium docuit, ne ipse quidem Casserius (n), qui ejusdem hiatus non locum tantum, sed & figuram accuratissime descripsit. Aquæductus, inquit, *in ipso itinere adaperit se se anteriori petrosi processus latere, e regione meatus auditorii posterioris sedis* (hoc est orificii canalis Auditoriorum nervorum Communis) *in internam calvarie amplitudinem, foramine admodum angusto, & instar rimulæ cujuspiam aspero*. Inter Recentiores autem ita hujusce, Aquæductus, hiatus oblitterata memoria erat, ut qui de Aure ante Valsalvam scribere Exercitatissimi, & Eruditissimi Viri ne verbo quidem attigerint, neque cum Aquæductum pingent, delinearint. Hæc dumtaxat ante Valsalvam, Vieussenium in *Neurographia* (o) docuisse, animadverto: Paris Septimi Portionem Duram *exiguum sinum, intra os supernam tympani partem constituens, excavatum subire, unumque emittere furculum, qui versus anteriora cranii reflexus, & ex osse petroso egressus per crassam menin-*

(u) Synt. Anat. c. 16. & Explic. Fig. xi. ejusd. cap. (x) De corp. hum. struct. l. 3. Tab. 7. Fig. 4.

(y) l. 1. ejusd. Oper. ubi de ossibus. (z) Pentasth. l. 4. Sect. 1. c. 6. (a) supra n. xi. (b) Obs. Anat.

(c) Exam. Obs. Fallop. (d) n. 41. & seqq. (e) De Anat. corp. hum. l. 3. c. 2. (f) Tab. 18. Fig. 4. litt. a. (g) l. cit.

(h) Sect. cit. c. 5. (i) Obs. Anat. (k) Obs. iisd. (l) Exam. cit. (m) Animad. 27. (n) c. cit. (o) l. 3. c. 3.



*meningem disseminatur*. Qua quidem de re post videbimus (p).

32. Nunc enim quæ de hac prima Aquæductus parte, conclusoque intra ipsam nervo exposita sunt, attendentes, & cum Falloppii, Vidii, aliorumque, de quibus supra (q) indicatum est, descriptionibus comparantes, ut hos rem nimium auxisse, intelligemus, cum aut ferri *admodum tortuose primum antrorsum*, aut arteria admissa, *progredi etiam tum versus partem priorem*, & mox *reflecti una cum arteria*, significarunt; ita a vero Falloppium non recessisse, fatebimur, cujusex verbis neutram illarum rerum colligere necesse est. Quod siqua possunt desiderari; illud in primis est (quod tamen & cæteris magna ex parte fuit, & nunc quoque nonnullis, quamvis solertibus, Anatomicis est commune) ut potius quam exile sanguiferum vasculum, aut certe ut cum hoc simul, nerveum Duræ Portionis, qua de agebat, ramulum, hujusque canaliculum nobis describeret. Utrumque tandem a Valsalva cum descriptione, tum præsertim delineatione (r) præstitum est: quanquam in hac quoque nonnulla sunt quæ desideremus, primum, ne ramulus *b* fere parallelus procederet trunco *a*, aut canaliculus D canali Communi A; ita enim a natura locati sunt, ut angulum inter se comprehendere possint, eumque ad rectum accedentem; alterum, ne canaliculus, hiatusque crassi adeo essent, præsertim cum canali illo Communi, qui totus, ac præcipue ad orificium, & fundum est æquo angustior, & cum proxima Aquæductus portione C comparati; tertium, ne in hanc recta ferme producti, sed deorsum inclinati conspicerentur. Quod cum de ramulo *b* etiam dico; tum idem ea crassitudine atque ratione, ut nervi truncus *a* hinc in illum, inde in reliquam Duram Portionem dividi propemodum ex æquo videatur, mihi certe in dissectionibus non occurrit. Ex convexo enim latere (s), & parte maxime antica trunci nervei ita ut supra indicatum est, se inflectentis, atque inde pari fere crassitudine, eademque forma retrorsum tendentis, prodire furculum vidi, foramen statim subeuntem quod sui illius canaliculi initium est: quem furculum interdum quidem non adeo tenuem inveni, sed nunquam ut cum eo trunco esset comparandus. Cumque diligentius, detracta ad eum locum utriusque tunica, rem inspicerem; præclare vidi, eandem trunci substantiam in furculum se propagare, cujus in transversum incisionem, instructis etiam vitro oculis contemplatus, nusquam nisi in ipso sectionis latere foraminulum deprehendi, spectans non ad furculum, sed ad sanguiferum quod ipsi adhærebat, vasculum; ut permirum esset, qui hoc viderent, furculum nerveum, multis partibus vasculo majorem, non vidisse. Qui postquam ex perbrevis canaliculo prodierat suo, sensim attenuatus, & complanatus, non teres amplius, sed depressus instar angustæ, & firmæ, exsuccæque institæ apparebat, se mox in duas tenuiores dividens, & antrorsum porro contendens. Eam depressionem, & firmitatem alias cum furculus tenuior fuit, vel multo propius ejus originem animadverti. Cæterum minores institæ in quas se major diducit, fulcis, ut hæc, instar rimarum exceptæ, qui in ipsa proxima basis cranii superficie insculpti sunt, vicinæ inter se, & quasi parallelæ ulterius repunt, & sæpe ad latus internum Rami posterioris & maximi Quintæ nervorum conjugationis, interdum ad eam viciniam feruntur. Verum etsi id quod dixi, atque alia, quorum pleraque ex iis quæ a me antea sunt scripta, intelligis, in istis possunt Valsalvæ Figuris desiderari, illudque præterea ut reliquam Aquæductus portionem aliquanto angustiores pinxisset; quod quidem in proxima Figura V. magis quæsit; tamen negare non dubitabo, ulas totius Aquæductus, aut inclusi Aquæductu nervi Imagines extare, quæ sint istis Valsalvæ Figuris anteferendæ. Nam primum illam aut partem, aut certe appendicem quæ tum canaliculo, tum hiatu con-

*Morgagni Epistolæ Anatomica.*

tinetur, non omisit: quam in Plateri (t), in Casserii (u), in Veslingii (x), in Schelhammeri (y), in aliorum Iconismis frustra perquirimus. Deinde vero, quod ad reliquum attinet; major profecto in iis omnibus, si novissimos Cl. Casselbohmi (z) excipias; veri similitudo desideratur. Et sane quis pro facili illo & naturali apud Valsalvam (a) curvo flexu, qui inter C & C delineatur, malit illum Plateri (b) angulum rectum, aut illam Schelhammeri (c) inflexionem, curvam quidem, sed ad acutum magis angulum, quam ad obtusum, quem ibi Natura affectat, accedentem? In quo ut minus Casserium (d), ac Veslingium (e) reprehendas; sic minime intelligas, cur alias uterque inflexiones, ille vero tantam etiam longitudinem adjiciat. Mirro nunc alia, quorum partem, quasi exempli causa, infra (f) subjiciam, in hisce Figuris omnibus animadvertenda; ut admiranti occurram tibi, nec facile fortasse credenti, tantam non tam brevitatem, quam simplicitatem, quantam Valsalva delineat, in eo canali agnoscendam esse, quem cum labyrintho olim comparabant.

33. Itaque si brevissimam illam partem demas, quam inter initia canalis Particularis descripsi, per quam obpositæ (g) flexuræ angulum non nisi difficillime fieri potest (ne propter Ingrassiæ (h), & Vidii (i), & fortasse etiam Ravii (k) auctoritatem, nullo modo fieri posse, dicam) ut suilla seta ab inferiori orificio illius canalis in Communi, aut ab hoc ad illud trajiciatur; si illam igitur brevissimam partem excipias; pro certo confirmo, per reliquam universam ab utrolibet orificio D, aut E (l) ad alterum usque me ita sæpe, & facile setam traduxisse, ut mirer, scripsisse Casserium (m): *si quispiam immittat porcinam setam huic meatui, in hominis calvaria, in qua facilius, usque ad foramen, quo in Concham (hoc est tympanum) dehiscit, hoc ipsum fiet, seta per dictum potius foramen transibit, quam ut ullo modo in amplum illum meatum ferri possit, e quo assurgit, duciturque*. Idque eo miror magis, quod modo Vesalii (n), nectamen nominati, observationem, atque adeo verba pleraque faciens sua, docuerat, Aquæductum *ad initium cavittis secundæ*, hoc est vestibuli, *se exiguo intervallo ad aperire* (de quo alii viderint) *nullibi alias, ut in vitulo fit, in prima cavitate, id est tympani, dehiscentem*. Certe ut ut de industria ex Aquæductus tramite in humanum tympanum setam deflectere nulla quidem spe, sed multifariam & sæpenumero conatus sim; nondum mihi accidit, ut possem. Itaque eo inclinatus animus, ut Casserium putem, cum hoc tradidit, tum quoque Vesalium exscripsisse; sed hunc idem proponentem quod ego paulo ante, me sæpius ac nullo negotio facere solitum dicebam, sive incuria, seu casu alio aliquo haud satis intellexisse. Hæc enim habet Vesalius (o): *In hominis autem calvaria, etiam si seta hanc superficiem cavæ tympani, sub qua scilicet meatus, ut in bove, non aperitur, superare potest, tamen in foramen potius transit, quo meatus iste arteriam (quam una aliquousque deducit) in calvarie amplitudinem proci dere sinit, quam ut ullo pacto in amplum foramen seta ferri possit, quo quintum nervorum par admittitur*. Quod si eadem tibi quæ mihi de Casserio suspicio est; vides nimirum, quantopere sit nobis ab Anatomes Auctoribus vel magni nominis cavendum, superiores, aliquando minus intellectos, ibi tacite describentibus, ubi sua nobis observata potius exponere, censeremus. Quo tibi minus ingrata hæc quæ ad te scribimus, fore, speramus, quod nostrum nos scis tueri perpetuum institutum, ut qualia ea cunque sint quæ de re anatomica literis mandamus, nihil nisi quod nos ipsi viderimus, expertive simus, affirmemus.

34. Hanc igitur reliquam, eandemque longiorem Aquæductus partem ex qua setam in canaliculum quidem illum in cranii cavea dehiscentem, non in tympanum (quanquam in hoc præter Chordam; nisi hæc potius accipitur; pertenuem aliquem nervi furculum

R 2

mitti

(p) n. seq. & 35. (q) num. 30. (r) Tab. VII. Fig. 3. & 4. (s) num. prox. super. (t) De corp. hum. struct. Tab. 7. Fig. 4.  
(u) Pentath. l. 4. Tab. 10. Fig. 4. (x) Synt. Anat. c. 16. Fig. 12. (y) De Audit. Tab. 1. Fig. 6.  
(z) De Aure Hum. Tab. 3. Fig. 26. & 27. & Tab. 4. Fig. 10. & 11. (a) Fig. cit. 4. (b), (c), (d) (e) Figuris cit.  
(f) n. 34. (g) n. 31. (h) in Galen. de Off. c. 1. comm. 8. (i) De Anat. corp. hum. l. 2. c. 2. ad Tab. 5.  
(k) Vid. Cel. Viri B. S. Albini Ind. Supellect. Anatom. Rav. Aff. 7. C. Thec. 9. (l) Vid. cit. Fig. 4. Valsalvæ.  
(m) l. cit. Sect. 1. c. 5. (n) Exam. Obs. Fallopp. (o) Ibid.



mitti ex Aquæductu, non negabo) sæpenumero, nec difficulter trajeci; hanc, inquam, partem in nervi quem continet, descriptione satis a Falloppio (p) bene descriptam invenio, *ad posteriora nervum ferri, indicante, sed ita oblique, ut inferiora etiam atque exteriora simul petat, ac descendat ad tympanum, ibi vero, quasi peracto semicirculo, ac circumlustrata fenestra ovali, --- ac ad posteriora magis reflexus per os mammillare vocatum aliquantisper currat, ac tandem perveniat ad illud foramen, quod medium est inter bases mammillaris processus, & calcavis*. Equidem Schelhammeri propositum laudo, conati Aquæductum (q), ut a nemine satis accurate descriptum, breviter describere, & in re nova figuram addere (r); quæ incessum flexusque sicut inclusi nervi ostendit, sic includentis canalis indicat. Hæc tamen æque ac descriptio, Aquæductus initium non suo ponit loco, cum ad b videlicet ponat, sive haud longe ab initio ingressus utriusque nervi Portionis in canalē Communem: Deinde utramque pariter versus posteriora exhibet, sed ascendendo tendentem, quando nusquam ambæ pariter ascendunt, neque amplius postquam Dura Aquæductum subiit, pariter tendunt, neque hæc intra Aquæductus initium versus posteriora fertur, sed versus anteriora. Postquam autem primam hanc Aquæductus particulam præter verum æoto illo tractu auxit, qui est inter b, & summam litteram d, reflectit tandem antrorsum versus, sive (nam hoc intelligit) recta linea extrorsum, versus meatum auditorium, donec ad finem (sive ad summum) ossis petrosi pervenerit, quem, inquit, *assequitur exacte super foramine ovali*. Sed neque recta linea extrorsum flectitur, & si recta linea flecteretur, non tamen Auditorium meatum spectaret: & ab summo abest ossis petrosi; quod si ossis proximam superficiem intelligit; ibi tamen necdum imminet Fenestræ Ovali; & sane si inde statim incipit iterum deorsum, sed simul postica versus tendere; is locus unde hoc facere incipit, Ovali Fenestræ non respondet. Interim Figura ab ista descriptionis parte aberrat, cum tractum illum omnem ab ima littera d ad e non deorsum, imo sursum tendentem proponat: quod ne Valsalva (f) quidem cavit, etsi magis cavit cum Aquæductum sua in sede pinxit Figura V. Postremo; ne iterum de flexu loquar ad e, quem longe melius Falloppius, naturalem ejus curvaturam describens, *quasi semicirculum* dixerat; Aquæductus pars ultima ab e ad g æquo longior delineatur. Mitto alia; nam & causa exempli, quemadmodum supra (t) pollicitus sum, hæc utique satis sunt, nec Schelhammerum, cujus ego merita magni facio, mihi potissimum reprehendendum; sed verum, omni seposito partium studio, illustrandum, confirmandumque suscepi.

35. Itaque ad ipsas tandem Auditorii nervi Portiones veniamus. Quamquam de Dura hic pauca dumtaxat addenda sunt ad illa quæ aut alibi (u) scripsimus, aut supra (x) attigimus. Quod igitur ex ea in cranii cavum regreditur, tametsi arctius adhærere conspexi osseo suo, haud raro duplici, nonnunquam multiplici sulco, seu mavis semicanali, quam Crassiori Meningi hunc superintegenti, eoque complenti; Valsalvæ tamen, atque adeo Vieussenio (y) concedam, ex parte aliqua impendi in eandem, cui arcte quoque adhæret, Meningem sic quidem ut porro antrorsum alio pergere, quod idem Valsalva perhibet, agnoscamus. Nam quod nuper ab Nobilissimis Anatomicis sine ulla dubitatione positum est, non modo non antrorsum pergere, sed toto quod inter nervorum par Quintum, & Duram hanc Septimi Portionem est, intervallo ad posteriora contendere, ut quod non ab hac in illud, sed ab illo in hanc fibrillarum forma traducatur; me quidem ipsum olim, atque a primo fateor in ejuscemodi non sententia, sed dubitatione fuisse; verum quo sæpius inquisivi, eo minus dubitavisse, quin ex Dura Portione enascatur. Cum enim raro unum, per sæpe duos, interdum plures ejusmodi furculos, seu nerveas, plerumque depressas, fibras invenerim per semicanalem quamque suam, ut supra (z) etiam dixi, progredientes; necdum tamen accidit, ut intra canaliculum, aut certe intra proximam Duræ Portioni, canaliculi partem sic divisas conspexerim. Sed

quotiescunque quæsi (quæsi autem non ita raro) unam omnibus continuatam majorem institam, seu ramusculum deprehendi, qui sicior antea, & depressus, ibi vero paulo mollior interdum, ac teres, profecto semper Duræ Portioni continuabatur. Cur igitur non potius credam, ex hac ramusculum, ex ramusculo autem fibras, seu minores in quos se ipse dividat ramos, provenire, quam ex his illum inverso ordine nasci, ut Duræ tandem Portioni inferatur? præsertim cum has fibras quas semel, iterum, tertioque aut in foramen, aut in foraminula quædam proxima Ramo posteriori & maximo nervorum Quinti paris, alias autem ab latere interno ejusdem Rami, cum hoc simul in ejus proprium Ovale foramen se demittentes conspexi; cum has, inquam, fibras videre nondum potuerim cum Rami illius substantia intime ac penitus (quemadmodum cum Duræ Portionis substantia illam institam vidi) conjunctas & continentes, ut ex ea viderentur nasci; sed superficiem dumtaxat tenere, per eamque repere, in transversum præcipue, animadverterim. Itaque donec iteratæ perquisitiones aliud ostendant, mihi quidem a Valsalvæ sententia, & observationibus recedendum non existimo.

36. Hanc autem Duræ Portionis partem quam intra cranium reversam non per Crassam Meningem tantum, sed & per truncum nervorum Quinti paris disperi, Valsalva viderat, eidem memini ansam dedisse nonnunquam ad duo inquirenda, quæ ut ad utramque Medicinæ partem attinent, ita hic a proposito nos longius abducerent. Quamobrem illa ad Epistolam proximam (a) rejiciens, nunc potius de quibusdam aliis, quæ contra magis vulgatas descriptiones proposita sunt, admirandis nervorum Auditoriorum itineribus perpauca subijciam. De his igitur alia inter veteres, alia inter recentiores Anatomicos tradita sunt; sed pleraque, si quid ipse judico, non sine errore. Nam Guilh. Fabricius Hildanus (b) in diversis dissectionibus observavisse se, scripsit, Auditorii nervi ramulum e foramine cæce egressum --- versus spinalem medullam tendere, perinde ac si cum nervo sextæ (nunc octavæ) conjugationis tenderet ad partes infimas; --- emittere ramulos in laryngis musculos; --- mittere --- cum quarto, quinto, & sexto brachium moventibus nervis ad brachia & digitos: nec deferere unquam nervum illum spinalem medullam, sed continenter emittere ramulos, cum nervis spinalis medullæ ad ipsa usque crurum & pedum extrema. Hoc etiam nostro, non modo eo tempore, perplexam, Intercoctalis nervi originem ita fefellisse Hildanum, crederem, ut ex Auditorio repetendam existimaret; nisi nervum istum suum quem proponit nunquam ab Spinali Medulla abscedentem, cum hujusque nervis furculos continenter suos jungentem, non extra vertebra, ut Intercoctalis est, sed intra describere, ex eo intelligeretur, quod ramulos illos in laryngis musculos emittere, scribit, per primam & secundam vertebra colli. Cæterum is ad quem Hildanus hæc scripserat, Casp. Bauhinus (c) in Duræ Portionis descriptione, reticens Auditoris nomen, sic eadem attingit, ut nonnunquam, aliquando, etiam sæpe, non semper, agnoscat. Rolincius vero (d) postquam illa commemoravit, judicium hoc addit suum: „ Nos non ordinariam & perpetuam hanc in laryngem & corpus totum nervorum dispensationem deprehendimus. Raro occurrit eadem. Attamen horror ab auris scalptione, profundus, da nimis, nullis non occurrit momentis, Spinalis medullam comitari ramulum ex cæco foramine retrogradum sæpe observavimus. „ Sed ante Rolincium Riolanus (e), non potui, inquit, observare, nec verum puto, quintam conjugationem comitari sextum par nervorum, & ad extrema pervenire, ut refert Bauhinus, Observavi tamen e foramine auditorio interno portionem auditorii nervi surreptam, lateraliter spinalem medullam perreptare. „ Quæ omnia cum reputo, eo inclinatur animus, ut existimem, Accessorium, quem vocant, nervum per Vidii Iconismos (f) vix, & sero omnium oculis demonstratum (nam hujus Tabulæ, cum Hildanus ea scripsit, adhuc latebant) ideoque iis temporibus non satis

(p) Obs. Anat. (q) De Auditu P. 1. c. 4. n. 12. (r) Vid. ibid. Fig. 6. Tab. 1. cum Explic.

(f) Tab. 7. Fig. 3. & 4. (z) n. 32. (u) Epist. IV. n. 12. & VII. n. 30. (x) n. 28. 31. 32. (y) Neurograph. 1. 3. c. 3.

(z) n. 32. (a) n. 5. & seqq. (b) Obs. Chirurg. Cent. 1. Obs. 4. (c) Theatr. Anatom. 1. 3. c. 22.

(d) Dissert. Anat. 1. 4. c. 36. (e) Anthropol. 1. 4. c. 2. circa fin. (f) De Anat. corp. hum. Tab. 18. Fig. 2. & Tab. 77. Fig. 15.



fatis cognitum, illi primum, tum fortasse aliis imposuisse, hinc minus attendentibus, cum Octavo, non cum Septimo pari, conjunctum esse; inde vero nonnullis quidem ejus alterum per Medullam extremum multo longius quam par sit, producentibus; nisi in hoc forte ea rerum specie decepti sint, quam de Accessorio nervo ad te scribentes, alias (g) fortasse commemorabimus. Hæc Veteres. Recentiores autem de nervorum Auditoriorum minus in vulgus notis recurribus cum illa protulerunt quæ supra (b) de Portionis Duræ parte intra cranium redeunte probavimus; tum alia, ad Mollem attinentia, quæ Simoncellius (i) se credebat invenisse. De quibus cum sententiam non obscure dixerit Vir Cl. Elias Camerarius (k), atque adeo Valsalva ipse in Posthumis Dissertationibus (l); non est cur ego hic plura addam, præsertim cum quæ de cochlea, eique, & reliquo labyrintho inclusis Mollis Portionis productionibus, & horum in labyrinthum viis a me observari potuerunt, pleraque a Simoncellii observationibus vehementer discrepent, ut ex his quæ tum supra attigi, tum infra adjiciam, intelliges.

37. De Molli igitur Portione cum Galenus obignoratam interiorum Aurium structuram, ea quæ supra (m) memoravimus, tradidisset, ferri illam per foramen latius recta ad aures, & cum dura cerebri membrana in latitudinem se explicantem, meatum sublinire; non dubitavit Mundinus (n), quin Tympani Membrana, sive, ut ipse vocabat, panniculus cooperiens cavernositates auris, contextus esset ex villis nervorum auditus. Et quamvis Jacobus Berengarius (o) aliorum quoque sententias accipi posse, scribat, qui eam Membranam oriri malebant ab aliqua miringarum cerebri & qui a pericraneo; ipse tamen neque Mundini sententiam rejicit, & docet, os habere in se foramen parvum, per quod venit nervus auditivus usque ad prædictum (tympani) cavernositatem quam tegit panniculus prædictus, & hoc videri cum labore; tamen cum tenaculis, & ferris parvis optime omnia prædicta videri. Hunc ego ab ramusculo aliquo deceptum puto Duræ Portionis, per Aquæductum descendens, ut Massam quoque (p) docentem, videndos diligenter anfractus ossis intrinseci, quoniam sic, inquit, videbis nervum transeuntem per substantiam ossis ad tympanum. Sed quid de Vesalio ipso (q) dicam, insigniorem nervi portionem recta in tympani cavum adductam, in ramosque divisam per id cavum luculenter fusos pingente, eaque, membranæ quodammodo ritu, succingi nonnullas ipsius sedes docente, atque, ut alia omittam, ejus portionis finem expansum in oblongæ vesicæ modum in iis Figuris (r) delineante, quæ diu postea ab Anatomicis servatæ sunt? Aut quid ipse potius dixit, cum illa contra, a Falloppio (s) scripta, prodire: Portio mollis una cum dura ad extremum illius antri (canalis Communis) perveniens, quibusdam angustissimis foraminibus mediis in cavitates distribuitur geminas, atque illas quodammodo sublinat, quarum una labyrinthus, altera cochlea est, neque ulterius procedit, ullumve nervum a se dimittit ad exteriora. Neque tu, neque alius quisquam; ut mihi persuadeo; aliquam ab hoc quinto pari nervosam propaginem, quæ ullius momenti sit, præter a me dictas, invenire poterit, magnaque commendatione dignus erit, si inveniet. Sane quid ad hæc Vesalius responderit, tum in ipsius Examine Obser. Fallopp. videmus; tum apud Coiterum (t) sic invenimus, ut hic iudicium interponens suum, equidem, ajat, multoties ductum hujus nervi sequutus, & eodem modo, quo Falloppius proposuit, se se habere deprehendi. Quin ipse quoque Vesalius (u); ut quæ de Dura Portione respondere conatus est, omittamus; confitetur certe, si diligenter attendimus, reliquam portionem, quæ velut crassior est funis, quodammodo ante osseam tenuitatem (quam ibi describit) subsistit & dilatari, tum proprio foramine, licet arcto, in cuniculos illos (labyrinthi) ferri, & fibrosis distributionibus per antra in petrosi ossis parte hic conspicua, dispensari. Itaque poterant, atque adeo debebant qui illis hujus paulo ante memoratis Iconibus sunt usi, in iis omittere, Vesalio ipso auctore, oblongam illam in modum vesicæ expansionem, & præsertim Platerus, qui tamen admo-

nuit (x), Portionem molliorem, eadem forte ratione qua olfactus organum, in sede illa sua (fundo canalus Communis) remanentem, Auditus fieri organum; licet plerique in fibellas tenuissimas discindi, vel membranam dilatari, & cavitates organi auditus subire, vel succingere, --- scribant. Quæ ego, inquit, in cavitatibus organi auditus omnino levibus, & politis, nunquam videre potui. Verum hic in alterum inclinabat extremum, unde ipsum retrahere potuisset producta organi olfactus similitudo, si ex mammillaribus illis Olfactoriorum nervorum protuberantiis nerveas fibrillas in nares demitti, non ignorasset.

38. Sed nimirum Vidio (y), Falloppium in primis secuto, illarum emendatarum Vesalii delineationum gloria servabatur. Quamquam Eustachius (z) Vidium, si Tabulas ille vulgasset suas, occupaverat, in quibus Portionem Mollem, non in vesicam, sed quasi in cochleæ spiras desinentem proposuit. In quo tamen Eustachium antevertit Falloppius (a) non ea tantum scribendo quæ supra (b) a nobis producta sunt, sed hæc insuper, quorum infra proderit meminisse: Cochlea in intima superficie, veluti etiam secunda cavitas & cuniculi ejusdem (hoc est Vestibulum, & canales Semicirculares) & omnes etiam dentium naturales cavitates, membranula quadam mollissima ac tenuissima vestiuntur, quæ an sit nervus expansus, an aliud, non refert. Hoc tamen certo scio, tria, aut quatuor reperiri foramina minima, quæ in tertiam hanc (hoc est Cochleam) & secundam cavitatem pertingunt a canali dicto, quem primum nervi auditorii subingrediuntur: per hos meatus parvos (ac ita exiles, quod postmodum subijcit, ut vix capillum aliquando admittant) nervuli --- dictæ membranæ communicari, aut ipsorum facultas, & vires possunt, vel, quod verisimile est, a dictis propaginibus membranula ortum ducit. Eustachius (c) autem ad hæc respiciens, quamvis non parvi referre arbitraretur scire, nervusne ipse aliquam Septi cochleæ portionem constituat, an minus; tamen non hoc solum passus est, se ignorare, sed & illud, de quo pariter supra (d) a nobis commemoratum est, an nervus in cochleam alte penetret, & in spiras ejus ossis convolvatur, se propter difficultatem administrationis, certo explorare adhuc non potuisse. Et Portionem quidem Mollem videri in tres portiones parum invicem distantes terminare: ex quibus præcipua exiguo foramine in cochleatum os pervio obducitur: sed quemadmodum, hæc illud subeat, an non, ut diximus, dubitat; sic reliquæ duæ quo, & per quæ foramina pergant, omnino silet. Ex his illud primum in transitu colligendum est, Falloppii, & Eustachii his de rebus observationes, & verba a Coitero (e), quem conferras velim, mirum in modum esse confusa, ut quæ unius sunt, alteri adscribat, in quo nimis facile est a Bauhino (f) descriptus: deinde tria aut quatuor foraminula agnovisse Falloppium, per quæ in cochleam, & reliquum labyrinthum; unum modo Vesalium, ut supra (g) vidimus, per quod in vestibulum, & canales Semicirculares nervuli possint ex Portione Molli deduci; Eustachium denique unum per quod in cochleam fortasse, nulla per quæ in reliquum labyrinthum; quamvis cum duas minores ejus Portionis particulas, majori proximas, agnovit, eas existimare potuit in hunc pertinere. Hæc illi vetustiores.

39. Qui post eos proxime de Auditus Organo fusius scripserunt, Hier. Fabricius ab Aquapendente, & Jul. Casserius Placentinus, singuli in singula extrema ire non dubitarunt. Nam Fabricius (b) ut minime negaret, nonnullas minoris momenti nervi auditorii propagines in aliis cavernulis cessare; tamen antiquissimum dogma revocans, potiores ad potiore & majorem, tympanum videlicet, accedere, contendebat, in eaque terminari. Contra Placentinus (i) sententiam Plateri, quamvis haud nominati, sine ulla dubitatione confirmabat, diserte scribens, Mollem Portionem in Communis canalus fundo conquirere, nec ulterius subire. Horum utrilibet qui ex recentioribus Anatomicis omnino assentiatur, invenire adhuc potui neminem. Et certe Fabricio, quantumvis Mollem ab Dura Portione distinguere non videatur; quis dare possit, aut hanc in tympano terminari, aut potiores utriusque propagines tympano inservire? Unus, quod sciam, est Drakius (k), qui cum censeat, Membran-

(g) Epist. XVI. n. 3. (h) n. 35. (i) Lettres de G. Desloves IX. §. 5. (k) Diss. Taurin. X. (l) Diss. I. n. 21.  
(m) n. 27. (n) Anatom. ubi de Anat. Aur. & de Anat. Nervor. (o) Comment. in primum cit. loc. Mundin.  
(p) Lib. Introd. Anat. c. 41. (q) De hum. corp. fabr. l. 1. c. 8. (r) Post c. 1. l. 4. ad 4. (s) Obs. Anat.  
(t) De Audit. Instrum. c. 17. (u) Exam. cit. (x) De corp. hum. struct. l. 1. ubi de Vasis.  
(y) De Anat. corp. hum. Tab. 18. Fig. 2. & 4. (z) Tab. 18. Fig. 1. & 2. (a) Obs. cit. (b) num. prox. superiore.  
(c) De Audit. Org. (d) n. 20. & 22. (e) Opusc. cit. c. 16. (f) Theatr. Anat. l. 3. c. 49. in marg.  
(g) n. prox. superiore. (h) De Aure P. 1. c. 10. (i) Pentasth. l. 4. Sect. 1. c. 13. (k) Anthropol. book 3. ch. 11.



nam Tympani „ esse immediatum Organum Auditus „; mirum non est, si doceat (l), Mollem Portionem „ ire ad Labyrinthum, & Tympanum Auris. „ Sed aut organa, & ea quidem immediata; sine ulla veri similitudine, nedum necessitate, sic multiplicare non est veritus, ut alia exteriora adeo, alia interiora constituat, aut nemo apertius adversari Drakio potest, quam ipse sibi in uno eodemque libro adversetur. Inter hæc enim diserte scribit (m), Mollem Portionem „ ire in internam partem Conchæ, & Se- „ micircularium Ductuum, quibus Membranas tribuit, „ quæ sunt immediata Instrumenta, & Organa Auditus. „ Conchæ autem nomine apparet hic vestibulum, aut cochleam significari. Utcunque id est; ego quemadmodum non mirer, si quis operosam, & elegantissimam labyrinthi structuram, ut olim, penitus ignorans, Membranam Tympani immediatum auditus organum esse, credat; ita mirari satis non possem, si hac tempestate qua illa omnibus cognita est, non deessent tamen qui perinde ac si nihil aliud ulterius esset, in ea prima Membrana sibi subsistendum existimarent. Mollem autem ipsam nervi Auditorii Portionem in tympanum usque perducere, quam difficile esse censeam, ex iis intelliges quæ de ipsius in labyrinthum transitu a me observata mox proponam, ubi quid post Casserium diligentissimi nostræ ætatis Professores docuerint, commemoravero.

40. Igitur Schelhammerus (n) etsi verisimile credebatur tenuissima & brevissima ejusdem Portionis filamenta in vestibulum, & cochleam ex canalibus Communis fundo transire, & fatebatur, in hoc sibi videre licuisse foraminula quædam, per quæ in utrumque antrum filamenta exigua possent quidem ferri; non tamen, certo penetrarent necne, poterat asserere, cum setam per ea adigere nondum sibi licuisset, ut cæca esse, prope esset persuasus. Quatuor autem ejusmodi foraminula dissecta cochleæ parte, ut lumen immitti in nervi antrum posset, satis conspicua detexisse: sed an in omnibus eodem in loco eadem reperiantur, se esse adhuc dubium. Verum cæteris plerisque recentioribus, aliis quidem per Modioli tubulum, cum Vieussenio (o); aliis per multa obliqua foraminula, Modiolo insculpta, cum Verneyo (p) intra cochleam nervum transire, visum est. In Vestibulum autem Valsalva per quinque foramina; alii vero, quos ipse quidem legerim, tum ante, tum post Valsalvam, per duo fere omnes trajici docuerunt, Eustachii, ut apparet, divisionem secuti, qui præter præcipuam partem Mollis Portionis, cochleæ incumbentem, minores, ut dixi (q), duas alias ponebat: nisi quod minoribus hæc Vieussenius (r) addidit tertiam, non, ut ipsæ, exteriora capitis, sed interiora spectantem; neque, ut ipsæ, vestibulum subeuntem, sed penetrantem texturam internam ossis, intra quod Fossa Cochleæ excavata est. Hanc ipse texturam ossis, Fossæ contigui, tum delineat (s), tum describit in parvas foveas conformatam, & valde similem texture pumicis. Quod si ita esset; proclive alicui foret suspicari, eum quem Vieussenius addit, Mollis Auditorii nervi furculum, in membranulas explicatum, quibus ossium cavernulæ solent convestiri, auditum fortassis juvare, & si nihil aliud, gravium sonorum bombo & resonitu ex attigua cochleæ accepto, ab iisque cavernulis aucto, ipsum quoque aliqua ex parte percipere. Verum quocunque cochleas intra circumjectum os detectas inspicio; inspicio autem plurimas; invenio omnes solido compactissimoque osse circumseptas ejus crassitudinis, ut cavernulæ satis absint a Fossæ pariete, ad quem ipsum Vieussenius, aut raro aliquo casu, aut sætuum anatome fortasse deceptus, in adultis etiam posuit, & delineavit. Num ergo tertium istum nervi furculum per id os longo tractu intra cranium potius reverti, existimabimus? Equidem nihil ideo pertinaciter negare ausim, quod ipse non viderim. Et ab Dura quidem Portione ramulos intra calvariam redire, supra (t) confirmavi, quos inde iterum exire, conspexi (u); & ab ipso olim Falloppio (x), quem Vidi (y) quondam, nunc post Vieussenium (z) plerique Recentiorum sequuntur, unam saltem fibram nervi Tertii, nunc Quinti, pariter descriptam video, quæ ex oculi orbita, perforato osse, ad duram membranam ubi colum in interna capitis cavitate vestit, fertur, & per

illam disseminatur. Quo postquam rediit, e cranio iterum egressa, membrana videlicet ipsi per meatum, ac futuram colatorii permeanti admixta, cum hac internam narium, atque ossis spongiosam tunicam efformat. Quidni igitur & Mollis Portionis ramulus intra calvariam reverti posset, unde rursus tamen in Auditus organum rediret? Cæterum cum ab ea parte fundi canalibus Communis, quam partem Vieussenius ab suo hoc tertio ramulo subiri, & verbis, & pictura indicat, nullum singulare foramen videam, sed ea tantum foraminula quæ promiscue ad cochleæ basim pertinent, malim suspicari, istum quoque ramulum accensendum esse præcipue Parti Mollis Portionis, eam basim insidenti, & dispersit, ut videtur, fibris trajicienti, præsertim quando Vieussenius ipse eum ramulum & minimum esse, confitetur (a), & ab illa præcipue Parte vix divisum pingit (b), eo autem directum ut cochleæ basim subire videatur. Quod cum aspicio; haud satis intelligo, cur hunc ramulum interiora capitis spectare, dixerit, non anteriora; certe ne rami quidem reliqui duo, quos alii agnoscunt, eo satis spectant quo idem scripsit, in exteriora capitis videlicet, sed potius, ut ego hæc in ipso cranio præparata observare soleo, & supra (c) indicare cœperam, in posteriora.

41. Ubi enim Communis canalibus fundum septo quodam in duos Sinus divisum, Internam, & Exteriorem, describam; sicuti ab anteriore parte illius quidem Sinus, cochleæ basis hemisphæricam Sinuositatem, ab hujus autem, canalibus Particularis initium; ita a posteriore utriusque Sinus parte quædam, sed pleraque exilia, foramina esse, affirmabam. Hæc quidem nunc omittuntur ab nonnullis Præstantissimis Anatomicis, qui nihil in iis Sinibus, nisi memorati canalibus initium, & basis cochleæ Sinuositatem describere, nulla autem extra hanc foraminula videntur agnoscere; ideoque per hæc solum quæ in ea sunt, non in cochleam tantum, sed & in canales Semicirculares Mollis Portionis fibrillas inducunt. Attamen his posteriora in utroque Sinu alia, de quibus verba facio, foramina ea nempe sunt per quæ potissimum queant illius Portionis furculi in vestibulum, tenui ibi ossea lamina ab iis Sinibus divisum, trajici, inde vero in canales Semicirculares extendi. Sed cum apud alios, alius foraminum horum sit numerus, quemadmodum ex superioribus (d) intelligi licet; hanc ego inter Auctores discrepantiam cum ex alia aliorum observandi ratione, tum ex re ipsa, aliter in aliis cadaveribus inventa, exortam esse, non dubito. Aures enim quasdam habeo in quibus vix bina, aut terna, & habeo vicissim nonnullas in quibus quaterna, quina, sena, complures autem in quibus septena deprehendo: sed in his plura esse video quæ propter parvitatem ab aliis negligi, ab aliis ne conspici quidem potuerint. Est enim canalibus Communis a resiccatis auribus fere ad fundum usque suum referendus; hoc autem facili ratione illa quæ infra (e) tradetur, perpurgandum, ut foraminula omnia in conspectum veniant. Noli tamen credere, si nulla, nisi paulo majuscula, attendantur, vel sic ad certum aut numerum, aut ordinem secundum magnitudines, sedesque posse hæc foramina revocari. Nam si illud excipias quod in Exteriore Sinu, Aquæductus initio proximum a tergo est, cæterorum maximum, ut nonnumquam vix ipso Aquæductus orificio minus invenerim; ne unum quidem ex paulo majusculis reperio quod perpetuum sit, & statutam sedem, aut magnitudinem conservet.

42. Illud foramen idem esse, non dubito, quod supra (f) cum scribere de Aquæductu inciperem, Valsalii verbis proposui. Sed quod in Platerii loco, paulo antequam id inciperem, exscripto (g), foramen indicatur, hoc vero dubito quod esse dicam. Nam & attinere ad cochleam potest: neque idem certe Valsalii est propterea quia omnino exile & capillare, & in Sinu inferiore, hoc est Interiore, proponitur: neque, ob istas easdem causas, aliud esse potest quod continuo a me describetur. Scilicet singulare quoddam foramen video, quod etsi, cochleæ Sinuositati oppositum posteriori parti respondet Sinus Interioris; extra hunc tamen esse in plerisque potius videtur,

& a

(l) ch. 4. (m) ch. 7. (n) De Audit. P. 1. c. 4. n. 10. (o) Vid. supra n. 20. (p) De Audit. Org. P. 1. (q) n. 38. (r) Traité de l'Oreille P. 2. ch. 6. (s) Planch. 6. Fig. 1. & Explicat. ad H. (t) n. 31. 32. 35. (u) Advers. VI. Animal. 37. (x) Obs. Anat. (y) De Anat. corp. hum. l. 3. c. 2. (z) Neurograph. l. 3. c. 3. (a) Explic. cit. ad 9. (b) Fig. cit. (c) n. 29. (d) n. prox. superiore. (e) n. 47. (f) n. 30. (g) n. 29.



& a foraminibus illis cæteris fatis sejunctum: quamobrem supra eorum numero non accensui. Præterea majusculum est, imo ad maximi illius quod Vesalio tribuimus, magnitudinem haud raro accedit. Ab ea amplitudine, dum oblique retrorsum introrsumque descendit, in quinque aut sex aridis auribus persecutus, vidi extenuari: coniecique propterea, sanguiferis fortasse etiam vasculis transmittendis inservire, quorum videlicet non paucos ramusculos in ossis quoque substantiam, non brevissimo itinere trajectam, dimittat. In aure autem recenti videram, Meningem Crassam, canalem Communem amicientem, se in teretis fibræ modum conformare, & in hoc foramen conjicere. Sed nerveam fibram, an sanguiferum vasculum, an utrumque potius complexa secum intro perduceret, ex iis magis intellexi quæ postea ad finem vidi, quam quæ eo tempore ad initium videbam. Finis fuit in facie intima canalis Semicircularis Majoris, prope orificium hujus Proprium, a parte inferiore atque exteriori: unde constat, ad ea foramina non attinere quæ in vestibulo proposita fuerant. Ad *Secundum* potius illorum quatuor referri posse, crederem, de quibus nuper a Cl. Caffeböhmio (*b*) traditum est; nisi fateretur (*i*), in multis subjectis, vel in una, vel in utraque aure non apparere, idque ipsum Secundum non intra illud quod dixi, orificium, sed in illo orificio aperiri (*k*), & quidem per foramen (*l*), doceret, denique in hoc certe Interiore Sinu proponeret. Nostri autem initium, & finis ubi sint, modo dictum est: hunc vero non per foramen esse, infra (*m*) demonstrabitur; initium autem usque adeo constans est, ut ex auribus prope innumeris, quas aut ipse persequi, aut is quem tibi alias laudavi, Nicolaus Mediavia mihi intra hos annos sedecim secundum præmonstrationem meam aut ad demonstrationes publicas, aut ad ultiores sectiones apparavit, in nulla, quod uterque meminimus, unquam sit desideratum.

43. Utcunque id est; intra ipsum Interiorem Sinum, majusculum, quale a Viris Præstantissimis jam diu indicari, pingique video, foramen minime perpetuum est. Neque tamen cum id dico, perminuta etiam ac ferme visum effugientia ibi foraminula esse, nego. Quin ipse animadverti, si vel levissimo nonnihil convexi vitri adjumento oculi instruantur, multo plura quam quis inermibus inspectans oculis existimaret, in perpurgata Sinus utriusque, & Interioris præsertim, postica parte foraminula conspici, quasi cuspidè prætenuis aciculæ facta, aut quasi reticulati minutissimi operis maculas; ut quamvis non æque in omnibus, fatis tamen in iis in quibus ad hoc tempus inspexi, omnibus spongiæ, aut cribri similitudo quædam objici oculis videatur. Scilicet a Vesalii foramine (*n*) sæpe incipit os magis albere: eaque albedo quasi serie quadam per septi quod Sinibus interjicitur, posticam partem in Sinum Interiorem transgressa, per hujus posteriora descendit: denique antrorsum conversa, ad cochleæ pervenit Sinuositatem; ut hac quidem ex parte vicino initio canalis cochleæ suspicer inservire. Hoc toto igitur albido tractu, non modo foraminula hic illic deprehendes; sed ubi antea inermi oculo majuscula foramina seu procul a septo, sive prope septum, sive in septo ipso apparuerant, ibi interdum non foramina, sed foveolas esse, perspicies, quæ singulæ singula mentitæ foramina, multis revera foraminulis parietes habent pertusos: cætera autem si paulo altius scrutaberis; ne illa quidem in perpetuum tubulum pergere, sed mox reticulo osseo impediri, & in plura foraminula abire, comperies. Quod ut facilius credas; vel maximum illud Vesalii foramen multis in auribus inspecta. Erunt in quibus tam cito dividi invenias, ut duo potius quam unum foramen esse, merito censeas. Erunt aliæ quæ fibris lamellisve osseis tam prope orificium in transversum ductis impeditum ostendant, ut simul aspicias, simul non simplex, sed multiplex esse foramen, agnoscas. Verum ut hæc omnia non fortuito, sed ex naturæ instituto hic facta intelligas; converte oculos ad ipsam basis cochleæ hemisphæricam Sinuositatem, & ad illud quod in centro ipsius foramen ponitur, ceu tubuli ejus initium qui per Mo-

dioli axem producitur. Videbis continuo illius cavi superficiem (si rite fuerit perpurgata) in quibusdam pene totam, in cæteris ab ea præsertim parte quæ septum versus, Sinibus interjectum, porrigitur, ex osseo reticulato opere sic confectam, ut hoc innumera propemodum foraminula intercipientur. Alia sunt præterea ad ipsum cavi ambitum, & in his præsertim, quædam majuscula adeo ut aliquando non sint eo minora quod ad centrum potius, quam in centro collocatum, ab aliis ut unum, ab aliis ut maximum proponitur. Sed & ipsum non foramen expeditum, & in tubulum pervium, verum potius fovea esse solet, in aliis auribus paulo altius, in aliis minus insculpta, in utrisque autem, cribri instar, foraminulentis parietibus terminata. Atque ita, a parte quidem canalis Auditoriorum nervorum Communis, se se pariter habent viæ per quas Mollis eorum Portio sive in vestibulum, sive in cochleam trajiciatur.

44. Quod si his positis, jam scire aveas, qua illa ratione in cochleam transeat; primum quidem ingenue quid in recenti, deinde quid in resiccata, interdum viderim, novissime quid conjectura assequar, exponam. De tribus igitur teretibus parvisque truncis, in quos præcipue (quod princeps Eustachius (*o*) vidit) Mollis Portio definit, anterior in basis cochleæ Sinuositatem excipitur. Hunc ego cum ibi recentem inspicerem, sic inveniebam. Sinuositatem illam non implebat totam; imo circumcirca spatium relinquebat, anulum referens, nec sane tenuem, longe tamen eo minorem quem pingi video ab nonnullis, ejus trunci extremum summopere extenuantibus. Ad Duram Meningem qua illa omnis Sinuositas arcte convestitur, circa hujus medium se affigebat quidem is truncus; sed inde abstractus, nullum ibi peculiare foramen, nec aliud aliquod suæ ulterioris per eum potissimum locum penetrationis relinquere videbatur indicium. Itaque sive ejus fibrillæ ob tenuitatem, mollitiemque in iis cadaveribus non magis apparent, quam sæpe illæ soleant quæ ex Olfactorii nervi extremo per os Cribriforme revera tamen trajiciuntur; sive Duræ, de qua dictum est, Meningi, ut Galenus (*p*) olim indicavit, se immiscentes, & cum ea in omnem Sinuositatem pertinentes, animadverti fatis non possent; res sane haud aliter mihi quam Eustachio occurrit, dubitanti propterea, ut sapius dixi, num is nervi truncus ei loco tantum incumberet, an vero alte penetraret. Et sic quidem in recenti. Cum autem eundem truncum, jam resiccatum, ex Sinuositate cui affixus erat, sic intra Modiolum lenta suspensaque manu persequer, ut osseam quidem hujus spongiosamque substantiam per exiguas particulas detraherem, inter has autem pergentes fibras nervosæ, ut videbantur, substantiæ, certe trunco continuatas ejusdemque atque hic, coloris, & tenacitatis, eo minus in transversum disrumperem, quod & ipse ut poteram, cavebam, & ea tenacitas sic satis obstabat; cum ita igitur paulatim agerem; laxum ejusmodi fibrarum fascem, nervo continentem, eaque crassitudine, ut universus non tenuior multo quam Modiolus, esset, ad initium usque secundi cochleæ gyri perdux. Et quanquam ulterius non potui propterea fortasse quod fibræ quo magis pergerent, eo magis extenuarentur; tamen inter divellendum Modioli ultiores particulas, lenti aliquid sentire, & quasi tenacis videbar.

45. Ex hac observatione illud me arbitror posse conjicere, nervi fibras sive solas, sive potius fibris etiam Crassioris Meningis immistas, non per pauca foramina, eaque ad foveam quæ circa Sinuositatis centrum est, aut ad proximam illam viciniam attinentia, sed & per cætera, inter quæ talia etiam sunt quæ iis nequaquam sunt minora, ex tota propemodum Sinuositate passim Modiolum subire, per hujusque spongiosam substantiam porro trajici, ut ex hac aut passim, aut certis potissimum locis intra cochleæ canalem possint immitti. Ut enim ad superficiem usque convexam, Modioli substantiam foraminulentam esse video, ubi temporis decursu excidat (quod sapius in primo gyro accidit Scalæ Tympani) lamellæ qua

(*b*) De Aure Hum. Tract. 5. num. 216. (*i*) num. 217. (*k*) n. 216. (*l*) n. 229. (*m*) n. 48.  
 (*n*) Vid. num. prox. superiorem. (*o*) Vid. supra n. 38. (*p*) Vid. supra n. 27.



qua ea sit superficies, aut ubi Spiralis Lamina, ibidem præsertim, prope Modiolum abrumpatur; sic per lamellas adeo tenues, & quas in fœtibus, & recens natis meminisse videor cum alibi, tum ad eam Laminam, foraminulis pertusas me vitri ope conspexisse; facile nimirum intelligo, quemadmodum possint fibrillæ tenuissimæ, & visum effugientes traduci. Certe quidquid ex nervo intra Modiolum sum persecutus, neque per hujus axem tantummodo ferebatur, & multis partibus erat crassius, quam ut omne posset intra tubulum Modiolo insculptum, vix seta crassiorem (q), contineri. Nec vero is tubulus ad verticem usque cochleæ nervum perducit; nam illuc non pervenit: cavernulam autem ad angustum Modioli extremum locatam, non modo non nervo plenam, sed inanem deprehendimus (r). Eo tamen perducere, existimavit, ut opinor, Willisius (s), cum insignem nervi Auditorii ramum, docuit, ipsi cochleæ circa medietatem ejus, sive juxta utriusque labyrinthi commissuram implantari. Neque enim ad cochleæ medietatem, hoc est, ubi Sclarum (labyrinthos ipse vocat (t)) altera definit, altera autem incipit, ullus insignis nervus inseritur, nisi illuc usque per Modiolum perducatur. Sed tantum abest, ut Willisii opinatio ab ea me abducatur sententia, in qua anatome confirmavit; ne illi quidem abducunt Valsalvæ Iconismi (u) in quibus nerveam Spiralem Laminam, sive cochleæ, ut ipse appellabat, Zonam ita cum eo trunco, de quo loquimur, connexam monstrat, ut is omnis truncus recta contendere videatur ad illud Zonæ extremum quod in cochleæ vertice locatum est, indeque incipere se se explicare. Nam primum vel ipse multo eum truncum crassiorem ostendit, quam ut per Modioli meatum trajici queat: deinde ipse quoque fatetur, non crassiorem ullum fascem fibrarum nervearum, sed per minima quedam foramina nerveas fibrillas Cochleam subire: postremo quod caput est, has ipsas non pro certo, sed probabiliter, docet, in membranam expansas, Zonam illam componere; ut non satis intelligam, quod probabile tantum duceret, quo id modo Pictori ostendere potuerit; aut quod Pictori ostendere potuit, quo id modo probabile tantum duxerit: multoque libentius credam, casu aliquo factum, ut aut pictura aliter ac ipse voluerit, rem exprimere videatur, aut aliquid in primæ earum Figurarum Explicatione sit prætermisum. Habes igitur conjecturam meam, qua de nervi in cochleam transitu, & distributione celebriorem utramque sententiam (x) complexus, illius quidem multo maximam partem per basim Modioli passim trajici, opinor, ut passim quoque in multo ampliorem cochleæ partem distribuatur; quod autem reliquum est, id vero intra Modioli meatum excipi, ut in reliquam pariter cochleæ portionem dividatur. Quod si Verneyus (y), cum multa & ipse obliqua foraminula in Lamina Spirali prope Modiolum, & in Modiolo ipso, & in hujus basi per quæ nervus egrederetur, trajiceretur, ingrederetur, proposuit; hunc quoque meatum, sive tubulum non memoravit; eo factum crediderim, quod hujus initium tubuli nequaquam liberum, sed per confimilia foraminula dumtaxat pervium offenderint. Sic enim, ut dictum est antea (z), esse solet: sed & in ulteriore progressu hic illic in quibusdam minus, in aliis magis, non dissimili ratione impediri, in parte est a nobis animadversum. Unde intelligi jam licet, ne per hunc quidem tubulum nervi fibras in perpetuum compactumque fasciculum collectas, sed diductas per minimas reticulorum areas ferri, aut certe subire: eorumque reticulorum anfractibus, & macularum tenuitate effici, ut rarius facile, plerumque ægre seta per Modiolum traducatur.

46. Neque alia, opinor, est causa, cur seta vel per magnum illud in Exteriore Sinu Vesalii foramen (q) immissa, a me in vestibulum trajici nequeat. Imo nihil amplius est cur non ita esse statuam, quando in iis quoque partibus intimæ vestibuli faciei, quæ posterioribus utriusque Sinus foraminibus (b) respondent, non orificia sive aperturas quas Præstantissimi Viri duas, & satis quidem proportionem grandes pinxerunt, sed reticulatam substantiam inveni ex tenuissimis

filamentis ossis, plurima & inermes oculos ferme effugientia foraminula inter se relinquentibus. Quod cum in iis quas dixi, non aliis, vestibuli sedibus, eaque vicinia in cunctis quidem in quibus adhuc quæsi auribus a me deprehensum, deinde pluribus etiam Externis, atque adeo ex quo Venetus Senator Nobilissimus, & domi, militiæque Spectatissimus Daniel Delphinus IV, summus Patavii Magistratus ad me benigne audiendum accessit, in publico omnibus, ad eundem modum, multis jam annis ostensum sit; quid aliud relinquitur, nisi ut censeam, non per foramina, certo numero coercenda certum fasciculorum nerveorum numerum in vestibulum induci, sed fibrillas potius nerveas, numero, & tenuitate iis foraminulis respondentes. Quæ foraminula quanto plura, & tenuiora a parte vestibuli, quam a memorata parte utriusque, & Exterioris præsertim, Sinus conspiciuntur, tanto majori indicio sunt, discedentes ex nervo fibras, cum Meningibus, ut solent, permixtas, magis magisque in eo transitu in fibrillas resolvi ex quibus quidquid fere membranarum in vestibulo est, & canalibus Semicircularibus, conficiatur. Igitur quod Anatomicus Eximius Verneyus (c) egregie fecerat, ut illius Mollis Portionis trunci qui ad cochleam pertinet, in hanc transitum cum Olfactorii nervi in nasum transitu compararet, idem secundum meas observationes facere jam possum de duobus quoque ejusdem Portionis truncis reliquis, ad vestibulum attinentibus., Hujus nervi, inquit, divisio & distributio non melius comparari potest, quam cum nervi olfactorii distributione; etenim hic nervus, ubi ad nasi radicem pervenit, ibidem terminari videtur, pluresque Anatomici eum in hoc loco revera subsistere crediderunt; inter ea, si rem attentius consideremus, nervum hunc in plurima subtilissima fila dividi reperiemus, quæ fila dura matre operiuntur, & ossis cribrosi foramina trajiciendo, in narium cavitatem se insinuant, ut membranæ narium laminas investienti distribuuntur., Itaque eodem artificii genere utrobique usa Natura est, crassiores nervos, eosdemque mollissimos, qui ad olfaciendum, & qui ad audiendum inserviunt, ubi ad locum transitus ventum est, continuo in fibras dissolvendo, & per foramina trajiciendo; nisi quod in hoc, multo exquisitiore, auditus organo non modo fibrillas, & foramina incredibilem in modum extenuavit, sed in ipso quoque transitu extenuare magis magisque perrexit; ut cum hæc exterius, si minuta addas, permulta sint, innumera intra vestibulum conspiciantur, & maxima adeo ex hac mea observatione ad primam illam Fallopii (d) fiat accessio, qui tametsi omnia, hoc est, etiam quæ ad cochleam spectant, complecteretur; vix tamen tria aut quatuor reperiri docuit foramina, minima, quæ in cochleam, & reliquum labyrinthum pertingerent: ut alteram, quam satis est paulo ante indicasse, observationem præteream maxime inter Recentiores vulgatam, & a plerisque acceptam, quæ ut duo exterius foramina, sic totidem intra vestibulum, non plura, proponit.

47. Quoniam igitur res nova est, neque facile, nisi ejus detegendæ & causæ, & ratio ostendatur, a plerisque potest animadverti; utramque protinus exponam. Principio cum picta ab aliis illa duo de quibus modo indicatum est, intra vestibulum, orificia eâ amplitudine repræsentata conspicerem, ut eorum alterum cum aliquo Semicircularium canalium orificio conferri posset, cumque Vieussenum ipsum (e) viderem alterum quidem ipsorum valde parvum esse, indicantem, sed alterum tamen esse satis grande, & facile inveniri, docentem; mirari mecum cœpi, cur neutrum adhuc in meos oculos per se incurrisset, multoque etiam magis cur in iis ipsis quæ a describentibus indicantur, locis etsi diu multumque vestigare, invenire tamen nequaquam possem. Deinde vero cum angusta illa ac multiplicia foraminula a parte Sinuum conspexissem, per quæ nervi fibræ excipi possent; multo veri similis est visum, a vestibuli quoque parte, non magna, neque duo tantum foramina, sed plura, & minora quærenda esse, per quæ ingrederentur. Ejusmodi autem foraminula cum membrana quadam, aut alia re ejusmodi ad eorum

(q) Vid. supra, n. 20.

(r) Vid. supra, n. 26.

(s) De Anima Brutor. c. 14.

(t) Vid. supra, n. 25.

(u) Tab. 8. Fig. 8. &amp; 9. &amp; Tab. 10. Fig. 3.

(x) Vid. supra, n. 40.

(y) De Audit. Org. P. 1. Vid. &amp; Figurar. Explic.

(z) n. 43.

(a) Vid. supra, n. 42.

(b) Vid. supra, n. 41.

(c) Part. cit.

(d) Vid. supra, n. 38.

(e) Traité de l'Oreille P. 2. ch. 5.



eorum potissimum sedem firmissime adhærentē oculi posse, suspicarer; idcirco rationem eandem, nec frustra, in qua ad Sinuum foraminula accuratius retegenda haud inutiliter usus eram. Scilicet in pluribus aridis auribus, ea sublata vestibuli parte a qua canales Semicirculares positi sunt, alteram huic oppositam, penitus resectam, præsertim qua sæpius memoratis Sinibus (quos lima pariter detexeram) ipsa respondet; in aquam conjiciebam: postridie & Sinus, & vestibulum penicillo abstergebam: macerationem invicem, absterfionemque toties iterans, donec hoc, & illi fatis essent expurgata, quod biduo, aut triduo fiebat. Tunc aqua abjecta, sinens humorem penitus defluere, ac in auras abire, arida iterum facta ossa in manus fumebam, & vestibulum in præclara luce diligenter inspicere qua Sinibus respondet, ibi duas (quanquam interdum ambæ in unam ferme junguntur) quasi Maculas, aut asperitatum congeries videbam, in lævi reliqua vestibuli intima facie non difficile internoscendas, quarum Major ad Exteriorem, Minor ad Interiorem Sinum attinebat. In has oculorum aciem defigens, plurima foraminula mihi conspiciere videbar: quæ certius cum reticulato descripto opere agnoscebam, ubi oculo convexam leviter crystallum adhiberem. Species erat quasi effusam videres assurgentemque materiam ossæam, vel potius spongiosam ossis structuram, carie quasi quadam resectam. Sed sana omnia, & in omnibus in quibus ad hoc tempus inspexi, auribus; in quam plurimis autem inspexi; ad eundem modum se habentia.

48. Quæ ut invenire facilius possis; eam vestibuli partem inspicere, qua inter anteriorem Ovalis Fenestræ oram, & Proprium canalis Minoris orificium Semicircularis Cavitas (f) terminatur. Toto eo tractu Majorem Maculam videbis ita porrectam, ut quanto magis ab eo orificio antrorsum descendit, eo magis per exteriorem hujus Cavitatis partem dilatetur: quin etiam Lineam, sive Eminentiam ossæam (g), huic, & Hemisphæricæ Cavitati interjectam, qua Fenestræ Ovali propior est, transcendit, & portionem proximam hujus alterius Cavitatis attingit. Non eo tamen usque extenditur, ut se, & quod consequitur, innumera quæ habet, peculiaris foramina objiciat Fenestræ Ovali. Cui quidem Fenestræ e regione esse plurima minima orificia pro Nervorum transitu, in vestibulum, non ita pridem legi; sed neque hos ego a cochlea arcescere, neque illa agnoscere; si modo hujus nostri generis sunt; alibi possum, quam inter foramina cætera Minoris Maculæ. Hæc vero in ipsa Cavitate est Hemisphærica (h), quæ, si ejus situm & gyrum secundum varias partes spectemus, non modo Fenestræ Ovali, sed Majori Maculæ, orificio Scalæ Vestibuli, Proprio orificio canalis Minoris, & Latiori Minimi quadantenus e regione objecta est. In hujus igitur Cavitatis medio, sæpe & extra medium, Minorem Maculam videbis. Per quam etsi nonnunquam adversam lucem transpiciendo, & huc atque illuc os inclinando, quædam foraminula conspexi ab Interiore Sinu in vestibulum patentia; etsi præterea alia sunt aliis grandiora, aut confertiora; ut puta in Majori Macula quæ paulo supra Eminentiam illam ossæam sunt, & illa etiam haud raro quæ prope orificium sunt Proprium canalis Minoris; omnia tamen fere extremæ sunt exilitatis: ut minime dubitem quin illi qui duo, & ampla fati pinxere, aut in ossa inciderint, longe aliter ac omnia quæ ego adhuc perlustravi, se habentia, aut dum tenuibus specillis a Sinibus in vestibulum viam quærerent, facile diffractis tenuioribus reticulati operis filamentis, majorem quam a natura erat, præter suam & voluntatem, & opinionem effecerint. Atque ut scias, me quanta maxima diligentia potui majora istiusmodi aliorum foramina nequicquam perquisivisse; non illud modo cogita, me tamen alia, iis minora, in vestibulo orificia, quorum alia perpetua, alia etiam inconstantia partim ante proposui, partim infra describebam, invenisse; sed hoc potissimum attende, ad ea ipsa loca ubi alii aut grandia, aut certe singula forami-

Morgagni Epistolæ Anatomicæ.

na esse, tradiderunt, me vel minima, vel plurima pervidisse. Sic Vieussenius (i) Eminentiam illam suam ossæam esse, docuit, præcise infra primum atque alius de duobus foraminibus, infra illud videlicet quod, satis grande, & facile inventu, esse, dixerat. Ego vero Majoris Maculæ minus parva, aut confertiora foraminula paulo supra eandem Eminentiam, uti dicebam, inveni; multo facilius unum satis grande, quam tot illa, & superiora, ea exiguitate, visurus. Sic in orificio ipso Proprio canalis Majoris foramen nuper, & recte fortassis, propositum est, per quod ramus nervus emittatur. Verum si hic ramus per foramen illud Singulare defertur quod a me ante (k) descriptum est; intra proximam ejus canalis partem exit, non per unum, sed per aggeriem parvulam foraminulorum, in quam deductus ab Singularem illo foramine canaliculus definit. Hanc tertiam Maculam vocare interea Minimam poteris, & prioribus, quarum satis consimilis est, duabus adicere; sic tamen ut scias, me interdum neque ipsam, neque adeo foramen ullum ad eum locum deprehendere potuisse, sive quod non pari semper diligentia sum usus, sive quod natura alio interdum ejus canaliculi cursum avertat. Nec vero facile negaverim, alias aliquas aut parvas, aut inconstantes Maculas aliis in locis aliquando posse inveniri: imo ex ejusmodi quæque varietatum genere interdum suspicor, aliud in aliis hominibus in vi audiendi atque præstantia discrimen esse repetendum.

49. Cæterum tantam illam, quam descripsi, foraminulorum tenuitatem causam præbuisse opinor, quamobrem, cum in vestibulum, & cochleam nervi transitus luculenter non pateret, multos invenerit ad stipulatores Plateri sententia, qui, ut supra (l) commemoratum est, subsistere nervum in canalibus Communis fundo, indicavit, neque ullas in toto labyrintho agnovit membranas. Et quamvis Fallopius, id quod supra quoque (m) memorabamus, omnem labyrinthum non secus ac *dentium naturales cavitates, membranula quadam mollissima ac tenuissima vestiri*, olim docuisset, neque Coiterus tantum (n), alique, Fallopii verba describentes, in quibus præsertim est Bauhinus (o) (quanquam Schelhammerus (p) hunc semel atque iterum ob ista ipsa sic laudat, quasi primus observasset, & prodidisset) verum insuper Anatomicus doctissimus Ingrassias (q) Fallopii observationem probasset, differte scribens, nervum in *membranulas quasdam dissolutum extenuatumque*, labyrinthum oblinere, & post Ingrassiam, Casserius (r), qui *membranam*, labyrinthi, & cochleæ *antrum vestientem*, quamvis ex nervo factam non crederet, commemoravit; tamen & nostris temporibus, & ante hæc minime defuerunt qui vicissim omnem labyrinthum membranam succingentem negarent, ut multis in locis Riolanus (s), & post hunc, quantum olim legisse videor, Lamyus, aut Meryus, qua in re me haud prorsus memoria falli, indicat Schelhammerus (t). Cujus tamen argumento a sanguine Semicirculares canales aliquoties, aut alio a crassiore sanie labyrinthum sæpius opplente, quod ex Cæli Verneyi (u) observationibus peti posset, minus convincuntur Lamyus, Meryus, aut Valsalva ipse, qui nullam pariter qua labyrinthus convestiatur, agnoscebat membranam. Hi namque omnes in labyrinthi canalibus, non, ut superiores illi, nihil, sed nervos ponebant, aut Zonas, quod de Valsalva constat; de Lamyus autem, & Meryus videor meminisse, cum videlicet in Præfatione Lamyus perinde loquitur ac si Zonarum productionem, suspensionemque cognitam haberet, in eodemque libro fidium comparatio, alique proferuntur, de quibus olim priusquam Bononia discederem, Valsalvam monui. Tamen quoniam & diu est cum ea legi, & Figuram a Meryo addi, memini, qua nervi potius quam Zonæ delineentur, & hoc idem ab Lamyus affirmari, tradit Schelhammerus (x); idcirco non Zonas; sed nervos, aut Zonas ab utroque poni, scripsi. Utrumvis autem satis est ad ea quæ dixi, argumenta ex parte aliqua declinanda; nam & aliunde repeti fortassis responsio potest; minus tamen unde existi-

S

ma.

(f) supra n. 5. (g) Ibid. (h) Ibid. (i) loc. cit. (k) n. 42. (l) n. 37. (m) n. 38.  
(n) De Audit. Instr. c. 15. & 16. (o) Theatr. Anat. l. 3. c. 59. (p) De Audit. P. 1. c. 4. n. 4. & 8.  
(q) In Galen. Proem. de Off. Comm. 4. (r) Pentæsth. l. 4. Sect. 1. c. 10. (s) Animal. in Bauhini locum cit. & in Anatom.  
Hoffm. & Encheir. Anat. l. 4. c. 4. (t) locis cit. (u) De Audit. Org. P. 3. (x) c. cit. p. 10.



mabat Valsalva. Cum enim Schelhammerus (y) id poneret: sanguifera vascula sine membranis aut pari sustentaculo nullibi reperiri; Valsalva illud inter cetera reponebat: super Officula Tympani, sanguineos repere firculos; illa tamen nullo Periostio vestiri. Atqui vestiri, cum ab aliis, tum a nobis, ut meministi, in loco probatum est (z): fuitque id nobis indicio, esse posse membranulam, quamvis Valsalva non viderit, qua omnis labyrinthus succingatur; cum hæc certe sit, tametsi ipse videre non potuit, qua Officula constiuntur.

50. Cæterum ut veri studio Valsalvam nonnunquam deferere, sic vicissim eodem veri studio subinde tueri cogor, atque adeo utrumque in hoc ipso loco facere. Negavit ipse membranam, labyrinthi parietes vestientem: nerveos quoque ramos, *filorum* instar; per ejus cava se se circumagentes, negavit: pro hisque & suspensam in vestibulo Membranam, & alias, ex hac ferre omnes ortas, membranulas, Zonarum forma, substituit. Ego de his omnibus quid mihi observatum sit, ea fide proponam, ut Valsalvam quidem mihi amicum esse, intelligas; sed veritatem multo magis. Verum antequam id facio, ex his ipsis argumenta capiam necesse est, quibus adversus Vieusseni querelas, & criminationes Valsalva idem jure meritoque defendatur. Quid enim, quæso, causæ fuit, cur ille in Præfatione in suum de Aure Tractatum hæc diserte scribere non dubitaverit: „ Valsalva ausus est sibi ipsi tribuere meorum inventorum præcipua: ut per hæc potissimum eas sibi procul dubio magnas laudes compararet, quibus in Eruditorum Diariis Tractatus ille ornatus est. „ Unde, inquam, sibi Vieussenius licere credidit hæc de Valsalva pronunciare, nisi ex eo quod continuo subjicit: „ se id factum in latina Epistola A. 1706. ad Valsalvam scripta clarissime demonstravisse; in ea videlicet „ quam ideo Operi præfigere suo voluisset, inquit, ut Eruditi qui eam legerent, nullo pacto de eo dubitare possent, quod ipse modo in Valsalvam pronunciaverat. „ Sed quæ tandem in ea Epistola Inventæ profert, quæ a Valsalva sint usurpata? Tragi, inquit, & Antitrægi describis Musculos. Item de tribus loqueris musculis, quibus malleum instructum esse dicis: Vero. Sed tu, Vieusseni, num ostendis, hosce tres, jam diu vulgatissimos, musculos sibi Valsalvam tribuisse, aut te hos, illosque primum omnium proposuisse? Imo pro illis duobus, inquis, *fibras carneas egomet sepe observavi, & in obesis tantum hominibus*: tres autem hi meo quidem judicio, sunt meræ expansiones carneorum duorum musculi monogastrici auris internæ crurum. Igitur quid horum tibi surripuisse Valsalvam, quereris, cujus observationes, non ut tuarum similes, quod debebas; sed ut discrepantes a tuis, quod nemo hic expectabat, reprehendis? Ergo relinquitur; quando nihil præterea aliud objicis, nisi tibi ereptas Semicircularium canalium Zonas; ut de his dumtaxat videamus. Inventionem, inquis, tibi tribuis nervearum membranularum ductuum trium semi-circularium labyrinthi interiora occupantium, ut patet ex sequentibus verbis tuis: „ Tantumque absit, inquis, ut in libris eorum, qui ante me scripserunt, id possit addisci; quin usque adhuc, ut aperte scribam, nullus, quem sciam, distincte de Zonis locutus sit. „ Verum ego, respondes ipse, hujusmodi Zonas a triginta fere annis detexi. Etsi detexisses; satis non esset: ibi enim Valsalva negabat, quenquam distincte de Zonis locutum esse. Tu vero ne commemoratas quidem a te Zonas fuisse, sed *funiculos nerveos*, uno atque altero producto loco ex Neurographiæ tuæ cap. 3. libr. 3. demonstras. In primo namque membranam describens, quæ interiorem vestibuli superficiem investit, sic in transitu ais, ex hac funiculos nerveos duci, qui in ductibus semicircularibus labyrinthum constituentibus observantur. In altero autem illam, & cochleæ membranas una cum nerveis funiculis semicirculares labyrinthi ductus occupantibus, doces, *auditus organum constituere*. Estne hoc (ex te, Amicissime Vir; quæro) incognitas Zonarum planissimas tæniæ, ex membrana, non vestibulum investiente, sed in eo suspensa, deductas, Anatomicis proponere; an potius, ut verum loquamur, propositos an-

tea a Viris Præstantissimis Verneyo (a), & Meryo (b) in iis canalibus nervulos, seu nervea fila commemorare? Sed quid hæc ad Valsalvam qui ipsa negavit, pro ipsisque non teretes alios funiculos, sed planas tæniolas, sive Zonas & descripsit, & delineavit? Sensit, opinor (quis autem non sensisset?) ipse Vieussenius, nimium quantum inter nerveos funiculos, & nerveas Zonarum membranulas discrepare. Itaque alia subjecit parum sane cum modo dictis funiculis convenientia, sed multo minus ad Valsalvam attinentia. Nerveas, inquit, membranulas interiori ductuum semi-circularium superficiem superstratas, quas sonoras Zonas nuncupas, ut jam dixi, apertissime descripsi in alia Epistola A. 1699. At si omnia quæ ex illa Epistola solicite describit, diligenter attendas; invenies primum, nullum amplius funiculum proponere, nisi unum (quem in Tractatu (c) ne semper quidem agnoscit) eumque per vestibulum dumtaxat, trajectum; in canalibus autem non funiculos, sed membranulas quæ ipsorum parietes operiunt, vel quod eodem recidit, illorum superficiem supersternuntur; in Tractatu enim diserte docet (d), nerveam membranam „ operientem omnem superficiem internam Vestibuli, „ se insinuare intra orificia, & deinceps intra cavitates trium Canaliculorum Semicircularium Labyrinthi, ubi sic ipsa se expandit, ut omnem eorum superficiem operiat: itaque certissimum esse, parietes omnium horum Canaliculorum operiri membranula supra quam dici possit tenuissima, eaque procul dubio omnino nervea. „ Quæ omnia num Vieussenius princeps detexerit, numque si detexisset, pro Zonis tamen Valsalvæ, Valsalvæ ipsi venditare debuerit, quippe qui nudos esse Canaliculorum parietes, trajicique tantummodo, planas, non tubiformes, membranulas per Canales, & verbis, & Iconismis præclarissimis contenderat, ex iis quæ supra tradita sunt, tam est manifestum, quam quod maxime.

51. At enim, Valsalva nunquam respondere, inquit, dignatus est ad eam Epistolam. „ Quid hoc ad controversiam? Quid, si ipsi reddita non fuisset? At reddita est. Nam inter ejus schedas inveni, anno datam quo Vieusseni Præfatio indicat, 1706. die 24. mensis Decembris, non ut a Vieussenio ipso edita est, die 15. mensis Martii, anni 1710. Quid, si æquo serius reddita esset? Ex iisdem enim schedis proclive est intelligere, circa Majum anni 1714. traditam fuisse, quo anno a Vieussenio cum suo Tractatu vulgata est. Quid? si Valsalva (id quod diserte ejus manu adnotatum reperio) fatius esse duxisset non respondere, tum quia ex suo dumtaxat libro modo attente legeretur, per se existeret ipsa responsio; tum quia crederet ejusmodi responsionem haud magnopere placere posse ei, cui displicere ipse nollit, Vieussenio; tum quia ad verum in controversiis rebus constituendum parum, plerumque, valere existimaret Apologias quæ ab ipsis Auctoribus conscriberentur. Attamen cum privatam controversiam a Vieussenio in publicam esse protractam, primum intellexit circa Novembris initium A. 1715; tum enimvero cogitare aliter cœpit; ne si vel tum siluisset, criminationem quoque in quam Vieussenius eruperat, confirmare videretur. Aliud enim est ingenio, aliud moribus cedere. Sed nimirum hoc habent multi; ut si modeste fileas, pro victoriæ suæ confessione tuum silentium accipiant, & ab leviori accusatione ad multo graviores transeant, eandem porro taciturnitatem sperantes. Quorum nemo in eo judicio deciperetur, si quos, & qualiter impeteret, diu multumque antea cogitaret. Quod a Vieussenio potissimum, & adversus Valsalvam faciendum fuerat. Nam neque (detur vero venia) illum decebat qui sibi credi vellet, Nobilissimi Auctoris Ruyschii præcipua Dogmata, Thesauris ejus exposita, & Ephemeridibus, aliisque aliorum vulgatissimis libris celebrata, se prorsus ignoravisse (e), nolle ipsum credere, non vidisse unum aliquem, Opusculum suum longe minus pervulgatum: neque erat difficile existimare, nunquam Valsalvam suum librum dono missuram fuisse ad illum, cujus præcipua Inventæ sibi ausus esset in eodem libro tribuere, Quæ hic ita dico, tanquam inter

(y) n. 8.

(z) Epist. VI. n. 46.

(a) De Audit. Ora. P. 1. cum Fig. respond.

(b) Vid. cum. prox. superiorem;

(c) P. 2. ch. 6.

(d) Ibid.

(e) Vid. Ruysch. Predrom. Thesaur. VI.



ter Vieussenii, & Valsalvæ Inventæ, multa esset similitudo, quam nullam esse demonstravi. Neque dubito, quam ego respondendi rationem tenui (ut adversus Vieussenium; invitus: ut pro Amico mortuo; & vero, & fide, & necessario officio adductus) eandem Valsalvam ipsum observaturum fuisse. Verum cum responsionem suam conjungere mallet cum iis Observationibus quas Dissertationes Posthumæ complectuntur, utraque autem, quantum ex nonnullis ejus epistolis video sub initium A. 1716. ad Amicos scriptis, in Diario Eruditorum Italiæ vulgare; ad eas autem Observationes perficiendas expoliendasque occupatissimo homini tempus in dies magis magisque deesset; non modo neutrum præstitit; sed ne illa quidem quæ reponere Vieussenio vellet, ullis in schedis adnotavit. Et quamvis ex universo hujus Tractatu locos quosdam inter legendum notasset, in quibus aut obscura, aut dubia, aut a vero abhorrentia deprehendere videretur; ex his tamen omnibus præcipui ad illos rediguntur quos subinde, ad describentes, nunquam omisso Valsalvæ nomine, ex eo Tractatu memoravimus: cæteri a nobis additi sunt.

52. Nunc Valsalva satis adversus querelas, & criminationes Vieussenii defenso, liceat nobis vicissim nostras de labyrinthi membranarum observationes exponere, ut pro Vieussenio, cujus nobis dignitas, & in Anatomen merita non propterea ex animo exciderunt, & pro aliis etiam Anatomicis nos stare magis quam pro Valsalva, facile possis intelligere. Una tamen nobis excipienda est non solum ab hoc descripta, sed & inventa Membrana, modo in vestibuli medio suspensa, modo, præsertim in auribus non recentibus, propter exsiccationem, ut putabat, ejus fornici unita. Equidem ego de quinque auribus non recentibus in quibus olim continenter quæsi, quatuor inveni quæ suspensam ostenderent. Hoc tamen, non ut Valsalvæ repugnem, scribo, quocum facere nuper vidi etiam Solertissimum Casselbohmius (f); sed dumtaxat ut quid sæpius mihi acciderit, scias. In omnibus ab anteriore atque posteriore vestibuli pariete exorta, oblique posteriora atque interiora versus ferebatur sic ut vestibuli cavum duas ibi in partes quasi divideret, æquales nonnunquam, superiorem, & inferiorem, alias inæquales; nam hæc sæpius major, quam illa, erat. Se vero ita subtendebat, plerumque saltem, orificio Proprio canalis Minoris, ut inter hoc, & Fenestram Ovale instar septi interjecta esse videretur. A tota enim fere Majori Macula (g) proficiscebatur, ibatque se annexum ad posteriorem eundemque interiorem finem Cavitatis Semiovalis, forma nonnunquam ferme quadrata; alias oblonga, institam referens, toto latere posteriore semper, anterioris autem parte interdum soluta ac libera; ut inter duos illos quos dixi, terminos suspensa, non semel araneæ telam inter duo lacunaris tigilla affixam, pendentemque repræsentaret; ea erat tenuitate, & colore, & curvatura etiam deorsum convexa. Sed alias longe aliud referebat; ut cum semel vidi instar dimidiatæ lunæ, sed sic satis tamen falcatæ. Quæ quoniam maxima omnium fuit, quæcunque se mihi adhuc obtulerunt, & in appendicem præterea memoratu dignam producebatur; idcirco hic tibi protinus describetur. Limbum hæc posteriorem, qui cavus erat, totum habebat solum. Convexum autem primum totius Maculæ Majori, deinde ubi cum hac Eminentiam osseam, Semiovali, atque Hemisphæricæ Cavitati interjectam erat affecuta, Eminentia illi deinceps annectebat, donec ad Cavitatem ventura esset Sulciformem (h). Ibi Membrana, in angustum cornu extenuata, finem habere videbatur: nec habebat tamen. Nam se intæniolæ formam contrahens, cujus latus alterum solum, alterum ad finem usque parietibus vestibuli erat connexum, primum quidem secundum inferiorem partem orificii Proprii canalis Majoris ferebatur; deinde vero sursum inflexa secundum ejusdem orificii partem anteriorem, mox ejus etiam superiora cingebat; novissime ad proximum pergens orificium Commune, circa hoc, neutrum subiens, finiebatur. Porro totum & Membranæ, & hujus appendicis limbum quem solum

Morgagni Epistolæ Anatomicae.

fuisse, dixi, perpetuum sanguiferum vasculum obtinebat, de quo, & de aliis per hanc aliasque repentibus vasculis opportuniore loco infra (i) scribam. Cæterum hæc quoque Membrana fuit, ut reliquæ, in sua tenuitate sic satis firma: & cum reliquæ etiam, crassiores, albidioresque essent ea parte qua Majori Maculæ adhærebant, & præsertim ubi hanc, prope osseam Eminentiam, crebrioribus, majoribusve foraminulis perforatam esse, proposuimus (k); tum maxima hæc cæterarum Membrana, ibi præ cæteris & crassa, & alba, & quasi rigida fuit; ut inde potissimum oriri, intelligeres.

53. Et sane is locus est per quem Vieussenius (l) superiorem Mollis Portionis ramum in vestibulum inducit, non in eam quidem de qua dictum est, Membranam, sed in eam qua vestibuli parietes conteguntur, se se explicantem, atque istam quæ modo memorata est, Eminentiam osseam ita obducentem, ut hæc parvum apicem album repræsentet, a cujus apicis acumine sæpe proficisci, ait, exiguum nervum, exigua, arteria, venaque comitatum, qui definit, & annectitur ad marginem portæ communis cochæ (hoc est orificii canalis Communis) postquam totam (vestibuli) cavitatem emensus est, in cujus medio suspenditur, & tenditur instar parvæ chordæ. Serl & alii ante, & post Vieussenium Anatomici Clarissimi cum alibi, tum ibi præsertim, ejusmodi aliquem apicem, sive nerveam eminentiam descripserunt, ex qua alii eorum, nervea fila per vestibulum intra canales Semicirculares, alii vero Membranam Vestibuli, & ex hac demum quasdam productiones in eosdem perducunt. Mihi autem vestibulum, & hanc suspensam in eo Membranam sæpe, & diligenter perlustranti res ad hunc modum occurrit. Cum Membranam hanc paulatim, ac suspensa manu ab eo sejungerem loco quem paulo ante memoravi; semper & crassiorem ibi, ut dixi, & firmius affixam animadverti: sæpe vero etiam corpusculum vidi albidum, & complanatum magis, quam teres, quod illi ipsi loco firmissime adhærebat, ex eodem tenacis, fibrosæque substantiæ genere confectum ex quo Mollem Auditorium nervum, pariter exsiccatum, intra suum Communem canalem inveneram, ut hoc quoque corpusculum nerveæ esse substantiæ, non dubitarem. Figura interdum fuit, non trianguli, neque pyramidis, sed abnormi potius, & quasi ad quadratam accedente. Alias ad triangulum referre posses, cujus basis in eo de quo dictum est, loco, vertex autem esset in ipsa quæ indidem oritur, Membrana Vestibuli; ad triangulum, inquam, sæpe angustius quidem, sed longius eo quod Cl. Casselbohmius (m) semel, iterumque delineavit, quod & aliquando duplo, atque ultra longius inveni, at subtriplo basis latitudine. Hoc exceptum, ut cætera, quæcunque vidi, in eam Membranam, cum hac ad posteriora pergebat, donec ab extremo ipsius apice filamenta abibant duo, quorum alterum in eam oram se infigebat quæ Latiori Minimi, & Proprio Minoris canalis orificio communis est, alterum per hoc ipsum orificium subiens, haud procul ab ipso in membranam, eum canalem amicientem, se immittebat; ut credam haud absimilia interdum vidisse, sed consumptâ, jam sæpius memoratâ, Membranâ Vestibuli, & Vieussenium, & quosdam alios, qui antea scripserant, Præstantissimos Viros. Nam donec ea Membrana superest, ejusmodi nerveæ corpuscula ita eadem sunt involuta, ut non facile ad istum modum appareant, aut certe simul cum ipsis eam conspiciere Membranam necesse sit. Quacum alioquin commista, & plerumque minora, ac satis complanata intra eam primam ejus crassitudinem se se confundunt: quin etiam deesse interdum videntur, & fortasse desunt: mihi profecto postquam non semel inveneram, in illa omnium amplissima, quam descripsi (n), Membrana sedulo inquirenti nihil ejusmodi deprehensum est: tantum ibi ubi crassior erat, divellendo, non, ut alibi, mollem & facillime cedentem, sed tenacem, & multo magis resistentem percepi. Idque satis, opinor, est, ut agnoscamus, inde potissimum eam Membranam oriri, ex nervi scilicet, ac meningum fibrillis: quas

S 2

post-

(f) De Aure hum. tr. 5. n. 234. (g) Vid. supra, n. 47. & 48. (h) Vid. supra, n. 5. in fin. (i) a. 62. (k) num. 48.  
(l) Traité de l'Oreille P. 2. ch. 5. & 6. (m) De Aure hum. Tab. 5. Fig. 2. ad f, & 3. ad g. (n) num. proxim. superiore.



postquam Natura per tot foraminula disiectas trajecit, non perinde necessarium videtur ac si aliter esse nunquam liceret, ut rursus quasi in fasciculum colligat. Ceterum ut de præcipua hujus Membrana origine ita censeo, sic de ejus finibus, siye productionibus non plura vidi, quam quæ supra exposita sunt; nisi quod præterea semel atque iterum quoddam teres filamentum conspexi, quod ex ea profectum, ad orificium nectebatur Proprium canalis Majoris.

54. Atque hæc mihi omnia in auribus caute & siccatis, & asservatis perspecta sunt. Nam in recenti vestibulo ita humida omnia inveni, & mollia; ut minus idonea fuerint ad ejusmodi observationes. Attamen vel in recenti alteram longe ampliorem membranam vidi, omnes ejus parietes convestientem, sanguiferis vasculis instructam, & cum his simul canales Semicirculares, ut hos quoque convestiret, undique per margines orificiorum subeuntem. In sicco quoque vestibulo hæc eadem perspecta habeo. Ejus autem parietibus membrana arcte adhæret, sæpe lævis, & quasi argenteo nitore splendida, nonnunquam subaspera, minusque albida: quanquam coloris varietas ad sanguinis particulas minus, aut magis resistentes, & fortasse ad os ipsum est referenda. Tenuior sæpe visa est, quam suspensa illa in vestibulo Membrana; non semper tamen omnibus partibus, ut puta ubi Hemisphæricam Cavitatem investit; ibi enim & mihi aliquando multo crassior inventa est; quam ubi amiciebat Semiovalet; sed etiam haud raro in tribus universis Cavitatibus æque crassa, & albida visa est. Indidem unde illa, suspensa, Membrana, & ex aliis præterea locis exoriri, non dubito. Nam etsi non facile memini, præter nervæam eminentiam quam ad Maculam Majorem descripsi (o), minores alias conspexisse; nerveas tamen fibrillas per Minorem quoque Maculam vestibulum ingredi, ejusque rei indicium illam etiam aliquando esse majorem membranæ hujus in Cavitate Hemisphærica crassitudinem, libenter agnosco. Sed & a membrana Vestibuli Scalæ investiente, facile crediderim, hanc de qua loquor, nonnihil augeri. Certe ad orificium ejus Scalæ, utramque membranam continuari, eo minus dubito, quod ipsa cochleæ Zona ibidem, si oculorum judicio stare debeo, & in siccis auribus, & in recentibus huic, vestibulum amicienti, membranæ continuatur. Quod reliquum est; membranam hanc, a peritissimis quibusque Anatomicis nunc confirmatam, eo magis non vidisse in homine Valsalvam, miror, quod & in ove semel, ut mihi olim fatebatur, conspexerat, & in ipso homine suspensam illam, quam nemo ante ipsum viderat, multi vel postea non sunt assecuti, Vestibuli Membranam invenerat.

55. Quam ego, & quæ in vestibulo descripsi reliqua sicuti præclare; conspicio, ut vocant, sæpe adhibito; evidentissime perspexi, sic quamvis ex ea Membrana haud plura quam quæ supra exposui, videre possem quæ ad canalium Semicircularium orificia contenderent; non prorsus tamen diffidebam, me intra hos aliquam saltem posse earum membranularum partem invenire quæ a Valsalva pariter propositæ fuerant. Verum quotiescunque eos canales siye in siccatis auribus, siye in recentibus inspexi, nunquam in iis potuit membranulas quæ institas aut Zonas illas referrent, inermi, instructove vitris oculo conspiciere. Atque ut ab recentibus incipiam; illud quidem antea acciderat, ut cum alias hujus Organi partes examinarem; in quatuordecim, aut quindecim auribus singulos fere canales viderem singula fila continentes tenuia, longiuscula, teretia, albida, & nervulorum, ut videbantur, quos vascula sanguifera comitentur, quam simillima. Hæc fere casus ipse oculis subiciebat; ut exempli causa, si scalpro in eam viciniam adacto, canalus aliquis in duo crura diffusus, sed resistente aliqua ad imum os aut lamina, aut crassiore membrana, non penitus divisus; manibus hinc & hinc lento conatu diduceretur; tunc ejusmodi filum se se ostendebat in utramque canalus sectionem pertinens, eoque amplius resectum, quo sectiones magis distraherentur. Illud quoque interdum accidit, ut cum vestibuli

parietum abruptam forte particulam suspensa manu amoverem, illam sequeretur primum albida mollisque materia, tum vero & filum quale modo descriptum est, transversum digiti longitudine. Verum ubi hæc fila per crystallum, leviter, ut plerumque soleo, convexam, diligenter contemplerer; quasi pellucida, præmollia, & succosa apparebant. Id vero cum eo quoque conjunctum quod si nervi essent, certe per quæ foramina, istiusmodi haud prorsus minimi nervi labyrinthum subirent, non videbam, in iis fortuitis fere observationibus me acquiescere, non sinebat. Itaque cum alios caute referatos ad aliquem tractum canales in præclara in qua hæc omnia spectanda sunt, luce, nec sine consuetæ crystalli adjumento, inspiccerem; nullum usquam filum; sed primum vas sanguiferum secundum canalus longitudinem porrectum vidi, idque non supra modum exile; cum sæpe, inermi etiam oculo, tum ibi, tum unde nonnulla ejusmodi vascula discedebant, per membranam, vestibulum convestientem, satis assequi potuerim. E vase illo ramuli etiam in transversum per eam, quæ canalus supererat (nec parva supererat) secundum latitudinem superficiem diducebantur. Cum autem omnem, quanta quanta erat, & in longitudinem, & in latitudinem canalium superficiem quidam quasi mucosus humor, seu potius humidum; præmolle, succosum, & pellucidum velum obtineret; suspicatus, esse membranam, possemne acu attollere, ac dimovere, tentavi: quod dum facerem, ecce ipsa quoque sanguifera vascula, eorumque ramulos una dimovebam, nulloque negotio auferbam, haud obscuro indicio, illud instar mucosi humoris, illud, inquam, ipsum esse membranam, descripta vascula fulcientem, intimamque canalium faciem vestientem, non multo secus ac mucosa altera membrana. Retina, sanguifera vascula suffulcit, intimamque oculi faciem convestit; ut non levis inter proprium Visus, Auditusque Instrumentum similitudo intercedere videatur. Quæ canalium membrana cum adeo facile auferri queat; non mirum sit ideo, si forte ea ipsa sit quæ inter diffringendum os & distraendum, loco deturbata suo, & in se collapsa, imaginem fili referat in canalum conclusi; quando tanta, si per idem vitrum conspiciantur, inter utrumque deprehenditur substantiæ similitudo, quanta ex propositis observationibus intelligitur.

56. Quid? si (nihil enim prohibet hanc quoque alteram conjecturam asserere) quid? inquam, si forte ejusmodi filum, avolante humore, intra canales excisatum, & in se magis collapsum, speciem præbere possit inititæ aut adhærentis huic, vel illi ipsorum faciei, aut etiam quasi in medio suspensæ; si filum videlicet cum siccari coeptum est, aut erat jam omnino sejunctum, aut magna quidem ex parte sejunctum, reliqua tamen tunc etiam annexum. Sane & aliis ante me Anatomicis aliquam hujus generis, quamvis nec per fila, nec satis explicatam, incidisse video suspicionem. Neque hunc mihi scrupulum eximere, sed incutere magis videntur nonnulla quæ de Zonis scripsit Valsalva; in recenti Aure eas ab humore quodam --- quodammodo obscurari; in resiccatis autem Auribus --- in medio Canalus quasi suspensas interdum; --- modo superioribus, modo inferioribus, modo lateralibus, ejusdem parietibus unitas, reperiri. Fortasse etiam, nec semel, in aliquam ejusmodi aurem incidit, in qua ex sua Vestibuli Membrana latæ instar Zonarum productiones, cujusmodi unam delineavit Cassebohmus (p), se conjicerent in canalium orificia: quæ etsi mox ab ingressu in membranulam, hos amicientem, abirent; ipsi tamen Zonæ, eorum unitæ parietibus, viderentur, præsertim cum mihi quidem sæpe acciderit canales, ut ipse etiam & consuevit, & docuit, in siccis jam auribus aperienti, ut eandem hanc canalium membranulam casu diffringerem in frustra oblonga eademque latiuscula, nihil ut magis quam diffractam Zonam aliquam referrent, quæ ei, a qua aperiebam, faciei adhæsisset. Verum cum in cæteris quæ intactæ erant, & tunc in conspectum veniebant, faciebus consimilem semper membranulam, suis sæpius instructam fan-



fanguiferis vasculis, eas omnes arte vestientem, & quod consequitur, non tæniæ in modum complanatam, sed, ut eæ sunt facies, concavam evidenter perspicerem eandemque tenuem, pellucidam, & membranæ, vestibulum succingenti per canalium orificia continuatam, quamvis nunquam, ut illam haud ita raro, subasperam, sed lævem deprehenderem; tunc enimvero intellexi, ea oblonga frustula, non ad Zonam, sed ad mucosam illam quam in recentibus videram, tunicam, in suis ipsis sedibus jam exsiccatam, omnino esse referenda. Quamquam autem vulgatæ ante Valsalvam sententiæ adstipulari sic incipiebam; tamen ejus mihi perspecta fides, & diligentia non sinebant, ut spem simul omnem inveniendi aliquando Zonas abjicerem. Postea vero quam neque Præstantissimum Winslowium (g), neque alios solertes Anatomicos, quibus is præ cæteris addendus nunc est qui summo cum labore, & solertia hæc perlustravit adyta Præcl. Casselbohmius (r), eas videre potuisse, cognovi; non tam mihi Zonas, quam quid Eximio Viro forte imposuerit, jam esse quærendum, ut tute supra animadverteris, existimavi.

57. At enim tum nostræ, tum Valsalvæ in siccis auribus observationi repugnare videtur Vieussenius (f), ubi Canalium membranam tradit, citissime exsicari, & in parva adeo fragmenta dividi, ut exiguo tempore, poris spatio evanescat. Hoc in schedis quidem Valsalvæ a vero alienum esse scribitur: & ipse; ut quæ mox subjiciam, hic præteream; profecto me olim meminisse in Canali perquam siccato suspensum ad aliquem tractum tenuissimam membranam vidisse, aliisque non semel ostendisse; nam menses, annosque duravit. Sed fortasse is Vieussenii locus ita est accipiendus, ut quæ eum præcedunt, verba indicant, nimirum si eam membranam etiamnum recentem & humidam calido præsertim aeri exponas, & sic exsiccatam amovere velis e sede sua. Verum quid de Schellhammero (t) censebimus, non ipsam modo ob sectionis protractionem evanescere, cogitante, sed insuper se haud simplici vice comperisse, affirmante, paucis post mortem diebus non cochleæ tantum, sed ipsius conchæ, hoc est tympani parietum, membranam totam diffundere, ut nusquam appareat? Nos certe in auribus post duos, tresve, atque adeo plures a morte interjectos menses apertis, tum hanc, tum quæ Canales investit, cum suis quamque vasis, facile non solum agnovimus, sed ut expositum est, examinavimus; quotiescunque ita asservatæ aures fuerant, ut neque ab insectis adiri possent, neque aeris, præsertim calidi, liberiore accessu vitari; ad quod utrumque cavendum satis fuisse, experti sumus, auris ossa intra multiplices chartas diligenter arteque involuta, temperato in loco servasse: quanquam, neque id semel dumtaxat, aut iterum; casu accidit, ut multo minori cura, imo negligentius conservata non omnes ejusmodi membranas amitterent: quod & in illo Canali contigit, de quo paulo antea dicebam, & in Cochleæ præsertim, ut mox demonstrabo,

58. Cum enim exemplo eorum quæ in recentibus, & quæ in siccis Canalibus videram, edoctus, Cochleas ea qua dixi, ratione asservatas, libentius inspicerem, & in his pariter, conspicio præsertim adjutus, suis cum vasis membranulam præclare cernerem tenuem, pellucidam, & qua cochleam aperirem, ibi in latiuscula sæpius frustula, quam in filamenta se diffingentem: eandemque tum cunctos reliquos utriusque Scalæ parietes arte amicientem, tum eam membranæ Septi partem efficientem, quam ego, non quod singularis membrana sit, sed potius ob totius fere illius partis figuram, & peculiarem ibi (ut verisimile est, & nunc traditur) membranæ duplicaturam, & quod nisi certum sic usum spectasset, eam quoque Septi partem ex firmiore substantia Natura confecisset, & denique ut breviori atque usitato vocabulo utar; Valsalvæ exemplo, pergam Zonam Cochleæ vocitare: cum ea igitur omnia facile in auribus sic asservatis perspicerem; accidit tamen, ut in duabus negligentius servatis auribus cum alia quærerem, cumque in vestibulo, & canalibus Semicircularibus nihil usquam membranei supereffet; in utraque etiam tum

cochlea, tensa, ut in siccis solet, atque integerrima restaret Zona, cum proxima saltem membranæ parte. Quin etiam meminisse, me in alia olim cochlea, diu quidem, sed non multo diligentius custodita, eandem Zonam, donec eam longum denique tempus absumpsit, & ipsum inspicere, & aliis ostendere, quippe multo quam in recentibus, facilius, manifestiusque, consuevisse. In recenti enim cochlea sive omne hujus Septum, sive parietum quamlibet partem inspiciam, nihil nisi eundem, quasi mucosum, pellucidumque humorem invenio universam intimam ipsius faciem obtinentem, quem in canalibus Semicircularibus supra (u) descripsi: eodemque modo & ratione hic etiam utar necesse est, ut eum intelligam esse membranam. Siquidem instructis crystallo oculis; primum mollem, pellucidam, succosamque membranam esse video qua Septum completur, quamque aliqui nervæam Cochleæ Laminam, alii cum Valsalva, & in his ego, ut paulo ante dixi, Zonam Cochleæ appellamus. Ei deinde subiectam acum leniter, suspensaque manu attollendo ita ut sensum nunc ab una, nunc ab altera ora divellatur, non ibi desinere, sed per proximos utrinque Scalæ utriusque parietes extendere se se, intelligo, atque ut paucis dicam, per omnem, quacunque observare libuit, cochleæ faciem propagari. Neque hoc Valsalvam prorsus fugit. Nam, dum Zona Cochleæ opposito parieti se se annectit, videtur, inquit, reflecti, quasi ut firmitus adhæreat. Utinam porro perrexisset, ac vascula sanguifera, quæ plura ego, præsertim vero per Modiolum, conspexi, dimovisset acu, & cuinam fulcro annexa essent, quævisisset. Facile sibi dubitationem, in qua se etiam tum esse illius reflexionis causa, mihi aliquando falsus est, omnem, ut opinor, exemisset, & productam per omnes cochleæ parietes eandem quæ Zonam hujus efficit, membranam cognovisset: quod quidem vel ipsum olim non latuisse Casserium, videntur illa quæ supra (x) a nobis producta sunt, ejusdem verba significare: *Duplici cochlea constat helice, altera ossea, --- altera membranosa, & molli, quam ea format membrana, quæ duplex hoc (labyrinthi, & cochleæ) antrum vestit.*

59. Non me præterit, Vieussenium (y), hanc quæ cochleam convellit, membranam alioqui agnoscentem, longe aliam esse tradere; ac Zonam, sive, ut ipsa vocat, nerveas Cochleæ Laminas. Illam enim, docet, esse ipsam tenuissimam, quam a Pia Meninge Molli nervus obtinet tunicam, se per universæ cochleæ parietes expandentem. Laminas autem, ut supra (z) vidimus, ipsam ejusdem nervi substantiam, in eam se formam explicantem. Ego vero unam continentem membranam esse, video, quæ & Septum compleat, & per eos cochleæ, quibus se se annectit, parietes se extendat. Quod si quis, attendens, quæ idem Auctor infra (a) subjicit, medullarem Laminarum substantiam tenui membrana esse opertam, hac me forte decipi, suspicetur; libens fatebor, oculis me adeo perspicacibus non esse, ut in prætenui Cochleæ Zona tres istas lamellas internoscam, medullarem mediam, & duas præterea membraneas, quæ hinc, & hinc illam cooperiant, aut etiam ut alium structuræ, ac substantiæ modum in Zona, alium in ea, in quam hanc produci video, membrana deprehendam. Nam etsi haud multo secus quam extimam intestinorum tunicam, ut ab anteriore, & posteriore eorum facie involvenda redit, sic pergere duplicatam video per mesenterium, hic quoque libenter credam, membranam hanc, sicut ab utraque Laminæ Spiralis, investienda facie venit, sic duplicatam porro, Zonam facere, donec oppositum cochleæ parietem affecuta, simplex iterum per osseos singularum Sclarum parietes explicetur; etsi hoc, inquam, Doctissimis Viris facile concedam; tamen ceu verisimile potius, quemadmodum, & supra (b) posui, id mihi persuadeo, quam quia id ipsam satis adhuc perspicue, & manifeste hac in Zona videre potuerim. Verum ad Vieussenium ut redeam, non meningum fibras cum fibris nervorum in his membranis commiscentem, sed nervos, & meninges, si Superis placet, hic discernentem; quæro deinde, cur ipse Piam meningem ad cochleam vestientem inducens, eandem pariter ad reliquum labyrinthum

(g) Expos. Anat. Traité de la Tête n. 405.

(r) Oper. cit. tract. 5. n. 240.

(f) Traité de l'Oreille P. 2. ch. 6.

(t) De Auditu P. 1. c. 4. n. 8.

(u) n. 55.

(x) n. 14.

(y) ch. 6. cit.

(z) n. 21.

(a) ch. 6. cit.

(b) num. prox. superiore.



thum convestiendum non inducat; sed vestibulum, & tres canales ipsa nervi substantia se se extendente succingi, agnoscat (c); neque ad hanc operiendam, quæ sine ulla difficultate, tota, inquit, nervosa est, aliquam insuper membranam requirat? Verum, cum supra (d) a nobis ostensum sit, quasdam Vieussenium non nerveas sane cochleæ Laminae pro nerveis accepisse; minime mirandum est, si illas quidem, ut revera sunt, membrana utrinque obductas invenerit. Parietes enim & ipsæ utrinque sunt cochleæ, quos videlicet, ut aliis quoque recentioribus Anatomicis, & in his diligentissimo Ruyschio (e), ita & mihi sua convestitos membranula apparuisse; ex propositis observationibus intelligis. Nec mirum, quando eadem & reliquum succingens labyrinthum apparuit; non in in Zonarum modum per Canales conformata, sive quod industria mea tam subtili perquisitioni par non fuerit, seu quod ad audiendum satis sit, labyrinthi interiorem faciem membrana nervi expansione vestiri. Sed cum Zonarum loco quosdam quasi nervos in recentibus quidem Canalibus me sæpe conspexisse, & quid esse, suspicer, significaverim (f); hic quæres fortasse, an quid istiusmodi intra cochleam unquam invenerim. Ego vero nondum inveni: tametsi Casserius nonnunquam videtur vidisse, quippe qui in cochlea vitulina ostendit (g) *nervum tenuissimum instar fili, per omnes ejus gyros latum, ac circumactum*. Longe enim mihi alia ac Schellhammero (h) sententia est, scribentis: *Neque enim Casserio credendum dum is asserit, nervum per mediam cavitatem hanc cochleæ a fine ad principium decurrere. Quamvis enim delineatum ita exhibeat Tab. X. Fig. 17; fingit tamen ipse, quem natura non finxerat, eaque invita, eo pertrahit*. Nam quid Casserium; ut maxime fingere voluisset; movere posset ad id fingendum, quod neque alibi, quod meminere, quam in Figuræ illius Explicatione, idque sic in transitu, memoravit, & quod adeo ab sua opinione (\*) alienum cernebat, de Auditorio nimirum nervo in Communis canalibus fundo *conquiescente, nec ulterius subeunte*? Nihil certe. Reliquum est igitur, ut in illud quasi filum inciderit, quod nervus videretur. Itaque erga Casserium novissime æquius se gessit is quem jure & merito sæpius laudo, Cassebohmius (i), qui & se quoque ait, *filamentum in vituli cochleæ conspexisse, quod in vestibuli scala supra septi partem membranaceam replebat, hoc tantum addens: non autem erat nervus, sed vas sanguiferum*. Cæterum se quoque negat, in cochlea humana filamentum nervorum unquam observasse: quod eo magis attendendum censeo, quod & ipse alioquin (k) in quibusdam auribus recentibus, in singulis canalibus semicircularibus filamentum observavit, quod secundum canalibus longitudinem progrediebatur, --- & in vestibulo firmatum erat; ut facile credam, eadem ipsum quæ ego, in canalibus nerviformia fila conspexisse: certe in iis, pariter recentibus, mucosam ipsæ quoque membranam vidit (l), & ad hanc tamen observandam, caute itidem affervatis auribus uti consuevit (m). Ex his, & magis ex Viri Clarissimi, & in parte etiam ex Celebrissimi Winslowii (n) Scriptis intelliges, in iisque supra aliter ego ac Valsalva, de membranarum labyrinthi proposui, non meos mihi, ut subinde dubitaveram, omnino oculos imposuisse.

60. Jam vero & de labyrinthi vasis sanguiferis verba faciamus. Ea, vel ante nostra tempora cœperant Anatomici videre. Thomas enim Bartholinus (o) *venulas infinitas memoravit, quæ circa Cochleæ gyros circum volutæ variis propaginibus labyrinthi secreta perreptant*: quas etiam, aut arteriolas, apud ipsum (p) conspicio in canalium Semicircularium cavo delineatas. Sed cum Figuram in qua vascula ista delineat, eandem esse, animadverto, quam a Folio A. 1644. ad se missam, antea (q) ediderat cum hac Auctoris Explicatione: *Venule per cochleam & labyrinthum disseminate*; quo minus Explicationi huic Figuram in utraque editione, ac præsertim in priore illa, respondere, ob incuriam Operarum conjicio; eo magis editam ab ipso Folio *Delineationem Internæ Auris* desidero. Ante Folium tamen, non modo ante Bartholinum, Veslingius noster (r) docuerat,

*spargi in reconditum hoc auditus organum, cochleam videlicet, ac labyrinthum, venulas, & arterias exiguas, ab internis, anterioribusque ramis, tum venæ jugularis, tum arteriæ carotidis profectas*. Hæc Præstantissimus Verneyus (s), ipsumque secutus Vieussenius (t) pro eo ac licuit, confirmarunt: quorum hic insuper id quod Valsalva proposuerat de sanguiferis vasculis, a cerebro, una cum nervis, labyrinthum adeuntibus, saltem quod ad cochleam attinet, comprobavit: quemadmodum comprobavit etiam viam, a Verneyo ostensam, qua rami alii labyrinthum ingrediantur, foramen videlicet satis magnum, ac manifestum prope finem, canalibus, in quæ est, cochleæ, sive ut locutus erat Verneyus (cujus ego gallico exemplari frustra quæsito, passim latinam interpretationem (u) sequor) in Cochleæ acclivitate inferiore, hoc est Scala Tympani, prope fenestram rotundam; eodem enim hæc recidunt; quanquam ita Vieussenius, quasi ab se animadversa, proponit. Quod foramen quoniam Valsalva multoties se quæsivisse, testatur, semper vero frustra; si forte ex me requiris, quid in hac ipse dissensione observaverim; ingenue fatebor, in ea depressione, quam supra (x) cum de hoc canalibus cochleæ extremo verba facerem, occurrere solitam scripsi propter Fenestram Rotundam, in ea, inquam, depressione, aut prope ipsam peculiare foramen monstrare me posse in pluribus saltem, quas servo, auribus, non vitulorum modo, atque agnorum; quanquam in his manifestius est; aut novimestris humani foetus, verum etiam adultorum hominum: per quod foramen in recentibus sane auribus non semel aut sanguiferum vas quoddam traductum, aut traducti indicia conspexi. In hujus vasis, quod Verneyus duplex ponebat, ejusque foraminis descriptione quid Cassebohmius (y) desideret, tum quid de aliis labyrinthi vasis distincte addat, apud ipsum videbis. Valsalva tamen, qui in id foramen non incidit, alia præterea quærebat per quæ illa transirent vasa, quæ & ipse internos Vestibuli, Canaliculorum, & Cochleæ parietes alluentia non semel, imo sæpe conspexit. Neque enim hæc quoque ab ipsis Nervorum vasis sanguineis oriri, affirmavit, ut quæ per Membranam Vestibuli producta pinxit (z), sed rem apud se incertam esse, diserte admonuit. Mihi quidem, ut cui ferme persuasum esset, in ejusmodi rebus variare Naturam, non magna; ut ingenue tibi fatear; in hoc opera posita est. Attamen quæ dum alia diligentius inquirerem, de his quoque vasculis in oculos sæpe vitro adjutos incurrerunt, tibi fideliter exponam.

61. Jam primum cum suspensam illam in vestibulo Membranam (a) ab originis loco, hoc est a Majori Macula detraxissem; hanc, sæpe ex parte, nonnunquam totam, sanguinolentam conspexi. Scilicet crebris, ut conspiciillum ostendebat, sanguineis punctis erat distincta, indicio non obscuro, simul cum fibrillis nerveis, per exigua ejus Maculæ foramina, sanguifera etiam vasa transmitti. Credo autem, per duas etiam reliquas Maculas, ex ejusmodi tenuioribus vasis quæpiam trajici, non ob rerum tantum similitudinem, verum ob illa insuper quæ reapse interdum vidi. Nam ad Maculam Minorem, eo usque aliquando productam, facile attinuit quod intra Hemisphæricam Cavitationem qua hæc parte a Comuni minus distat orificio, cavum alterum hemisphæricum semel deprehendi, parvum quidem, sed per se in oculos inermes eo magis incurrens, quod maxime cruentum erat. Hoc igitur, membrana, qua erat convestitum, sublata, osseam superficiem sanguineis pariter distinctam punctis ostendit. Intra orificium autem Proprium canalibus Majoris, eoque ipso in loco ubi Minimam descripsi Maculam, vidi, nec raro, & amicientem membranam, & hac ablata, subjectum os cruore valde infecta. Hic tu forsitan expectabas, ut per Triangulare illud Foramen quod propter Commune orificium, proposui (b) & perpetuum, & magnitudine sæpius spectabile, præcipuum aliquem trajici vasorum truncum, docerem: quod & me fateor olim sperasse.

(c) ch. 6. cit. (d) n. 21. & 22. (e) Thes. II. Aff. 2. n. 9. & Aff. 6. n. 4. & Thes. V. n. 61. (f) n. 55.  
(g) Pentæsth. I. 4. Tab. 10. Fig. 17. (h) De Audit. P. 1. c. 4. n. 4. (i) l. cit. c. 13. (j) De Aure hum. tr. 5. n. 217.  
(k) Ibid. n. 238. (l) Ibid. (m) n. 239. (n) Expos. Anat. Traité de la Tête n. 304 & 405.  
(o) Anat. quart. renovat. libell. 4. c. 6. (p) Ibid. Tab. 3. Fig. 3. (q) Cent. I. Epist. Med. 63. Fig. 6. ad litt. e e e e.  
(r) Synt. Anat. non minus primæ, quam secundæ edition. c. 16. (s) De Audit. Org. P. 1. (t) Traité de l'Oreille P. 2. ch. 7. & 6.  
(u) Vid. in Biblioth. Anat. Part. III. (v) n. 24. (w) Traité. cit. 5. n. 247. 199. 241. & seqq. (x) Tab. 8. Fig. 10. (y) n. 58. (z) n. 5.



rasse cum primum in nudis vestibulis id foramen animadverti. Postea vero quam in vestibulis, sua etiam tum membrana succinctis, sæpe, ac diligenter perlustravi; fateri cogor ejus me usum foraminis adhuc ignorare. Ipsum namque, & eum in quem producitur, tubulum eadem illa membrana convestitum offendi, sed præterea utrumque inane; ut ne ramusculum quidem, nedum truncum aut sanguiferum, aut nerveum, ullum potuerim ad hoc tempus perspicere, qui illac ferretur, aut parietes saltem cruentos videre. Quin lima arrepta, eum nonnunquam tubulum persecutus, parum profeci; visus namque est non longo emenso tractu prorsus finiri. Atque ea certe directione est, ut ad canalem nervorum Communem non attinere videatur. Cæterum quicumque illius sit usus, mihi necdum sit verisimile, ex patulo, eodemque, ut sæpe, non parvo orificio progressum, tam cito desinere, & cæcum esse. Ut ut est; nunc re hac omiſſa, ad vasa revertamur. Quarundam igitur eorum viarum indicia ostendimus, Vasa autem ipsa per membranam, vestibulum operientem, sæpius quidem, sed vario adeo cursu reptare conspeximus, ut nihil attineat proponere. Quid enim, exempli causa, juvat referre, vidisse me vasculum inter utrumque canalium Minimi orificium quasi in transversum se extendens, aut alterum quo Latius orificium ejusdem canalium secundum interiorem marginem cingebatur; quando de vestibulis duobus quæ simul intuebar, erat in altero alterum, in neutro utrumque? Sic ramusculos, quamvis eleganter in modum stellulæ dispositos, quasi omnes uno ex centro existerent, continuo ad posterius latus Triangularis Foraminis, & cæteros quidem fere per breves, unum longiusculum ad Minimam Maculam, & fortasse ulterius contendentes, tamen hos etiam, quippe semel visos, prætereo. Itaque & vasculum præterirem, quod oblongius nervosum corpusculum, intra Membranam in vestibulo suspensam supra (c) descriptum, & deinde filamentum ab illius apice profectum comitabatur; nisi hæc quoque res confirmaret quod ibi conjeci, istiusmodi fuisse nervum quem Vieussenius proposuit.

62. Per illam autem quam modo memoravi, Membranam quædam vascula vidi, quorum erat truncus ad posteriorem atque anteriorem vestibuli parietem, rami autem antrorsum ferebantur. Sic in illa quoque amplissima (d) res se habebat; indidemque provenire videbatur illud etiam vasculum, quod per omnem ejus, & appendicis quoque limbum longo gyro ad Communem usque orificium perduxit. Hoc ipsum non illa appendix, sed id vasculum perinvestientem omnia membranam pervadebat. Nec fere dissimilis via fuit cæterorum, quæ in Canalibus conspexi, vasorum; nam cuncta propemodum tum per illud, tum per alia orificia transibant. Mihi certe necdum ullum foramen obvium fuit in Majori, aut Minori canali qua in Communem sunt confluentia; quamvis vel in foetu aliquo perquisiverim. In eo autem canali Communi, cum vasa per se pulchre in conspectum venirent, singulos in singulis lateribus trunculos vidi, mox ea ratione se dividendes, atque iterum confluentes, ut insulas facerent, quæ ejus canalium inferiorem præsertim parietem obtinebant. Ad eos bina utrinque attinebant vasa fere parallela per singulos quos paulo ante memoravi, canales repentina secundum longitudinem quidem, neque recto tamen cursu; nam & insulas primum faciebant, & deinde in latus obliquabantur, eam tamen faciem quæ intus convexa, seu brevior est, multo magis sequentia, quam alteram, quæ mihi concava, seu longior potius, quam canalium fundum hic vocitatur. Vidi etiam aliquando in anguis modum se incurvantia, imo & in crebros angulos se inflectentia. Sæpe ad medium, sive ad eam canalium regionem quæ ab utroque extremo æquali fere intervallo distat, extenuabantur. Nec raro tamen unum idemque potius vas, quod ab uno ad alterum pertineret extremum, esse videbatur. Ad Proprium canalium orificium, cum accederent, neque duo esse vasa, neque insulas facere, percipiebam. Sic & in ca-

nali Minimo, interdum saltem, hæc minus perspicue apparuerunt. Postremo quod ad vasa attinet cochleæ, ad ea quæ supra (e) attigi, perpauca addam. Et primum, cum Modioli superficiem quæ secundo fere Scalarum respondet gyro, sæpe in siccatis, nonnunquam & in recentibus auribus fuscam, atque adeo subnigricantem, eodemque colore proximam quoque Laminæ Spiralis particulam animadverterem; num id a minimis, confertisque esset vasculis sanguiferis, in siccatis saltem mihi inquirendum existimavi. Verum ne conspici illi quidem usus eam penitus dubitationem eximit. Nam illum colorem subatris quibusdam tum disjunctis punctis, tum brevibus lineolis deberi, ostendit. Quæ si erant vascula, vario plane incertoque ordine hæc esse disposita, indicant. Sed & majora, quæ per recentem membranam, ad Modiolum præsertim, ut supra (f) etiam dictum est, deprehendi, ramos quidem oblique in transversum, sicuti & Canaliculorum vasa; non tamen certa lege, nec quasi dimensis intervallis, emitebant. Hoc unum haud semel animadverti, vascula quæ ad posteriorem semigyri parietem illum tenuem attinebant, per hunc recta ad cochleæ fornicem ita perrexerunt, ut ii quoque in quos se dividebant, ramuli eodem versus ferrentur. Existere hæc vascula videbantur ex majori illo foramine quod ad tenue Modioli extremum esse, dixi (g); ut facile concedam, per Modioli tubulum, & cavernulæ adjectæ latera ad id foramen pervenisse: quanquam & furculos alios conjicio, ut Macularum in vestibulo exemplum (h) indicat, passim cum fibrillis nerveis per ea subire foramina quæ in basi Modioli demonstravi (i).

63. Utrum vero omnes labyrinthi partes eadem infantibus, qua adulti, magnitudine habeant, & perfectione, controversia est in qua longe aliter alii Anatomici senserunt. Nam hinc Falloppius (k) in puerulis omnes integerrimas esse, scripsit, neque per transversum pilum in puero unius diei distare ab iisdem in senes decrepito. Inde vero Riolanus (l) contendit, in pueris recens natis cavitates, nempe cochleam, labyrinthum, concham non dari perfecte intueri, quia deest tunc temporis labyrinthus, eo modo excavatus, quo in adultis. Quæ, & alia Riolani, primum haud nominati, deinde etiam nominati, verba semel, atque iterum descripsit Diemerbroeckius (m): descripsit autem? imo asseveranter adeo confirmavit, ut tamen Veslingium (n) videret in novimestri foetu docentem & labyrinthum, & cochleam; non magnitudine minus, quam figure symmetria perfectioni suæ proximam esse; tamen ipse scribere non dubitavit, in contrarietate ista dicendum, quod hac in parte cum Riolo sentiendum sit; nam --- labyrinthus in infantibus eo modo, inquit, nondum est excavatus, ut in adultis, sed ejus cavitas admodum exigua conspicitur. In hac controversia me meæ observationes cogunt, si alterutra probanda sententia sit, Falloppio potius, quam Riolo, adtipulari: quanquam utroque cautius se gessisse, & ad verum propius accessisse video tum Veslingium, qui, ut modo dicebamus, has Partes in novimestri foetu magnitudine, & figura perfectioni suæ proximam esse, tum Valsalvam, qui easdem, scripsit; quam magnitudinem obtinent in adultis, eandem prorsus in infantibus habere videri. Uterque enim horum etsi idem quod Falloppius, videtur dicere; tamen reapse aliquanto minus dicit; cum alter perfectioni proximam agnoscat, non perfectas; alter perfectas videri, ait, non esse, idque in infantibus, non definite in puero unius diei. Cum his igitur Cel. Verneyum (o) laudo, qui fere eandem magnitudinem tum in recens natis, tum in adultis attribuit. Equidem ut in foetu caput, atque oculos proportionem maximam, minora tamen, quam in adultis, conspiciamus; sic intimas quoque aurium Partes maximas esse, non miror; nec tamen propterea ab iis quæ in adultis sunt, nihil differre, contendo, ne si novimestris quidem, absolutusque sit foetus. In hoc enim ipso cochlea; ut de hac tantum dicam; paulo minus amplo gyro mihi esse visa est ibi præsertim ubi esse in adultis amplissimo solet, nimirum qua ad extremam partem, sive ad initium accedit canalium sui.

(c) n. 53. (d) Vid. supra, n. 51. (e) n. 58. & 60. (f) n. 58. (g) n. 26.

(h) num. prox. superiore. (i) n. 43. (k) Obs. Anat. (l) Animadvert. in pag. 441. Theatr. Anat. Bauhin.

(m) Anatom. l. 3. c. 18. (n) Synt. Anat. c. 8. (o) De Audit. Org. P. 1.



fui. Eam autem partem serius ad perfectionem adduci, ex eo quoque videor intelligere, quod illam meminisse in fœtibus, quatuor, aut quinque mensium, multo minorem vidisse, quam Semicircularium canaliculum, & Officulorum Tympani dimensiones vel eo tempore postulant: eodemque fortasse pertinet quod non semel in fœtibus etiam paulo majoribus animadverti, proximæ Rotundæ Fenestræ marginem in anuli cujusdam modum protuberare, neque ita posteriora respicere, nec figura esse ad triangularem ferme accedente, ut in adultis videre solitus sum: quibus ex notis ut quasdam labyrinthi Icones; ut puta quæ apud Th. Bartholinum (p) conspicitur; ex fœtu descriptas esse, intelligo, sic effem interdum suspicatus, Fenestræ illi ab iis qui in ejusmodi potissimum subiectis inspexissent, Rotundæ nomen esse factum; nisi animadvertissem, esse in adultis quoque unde id nomen duci posset. Cum enim ejus orificium Fenestræ duplex sit, alterumque ab altero, modico intervallo, & situ sejunctum, exterius, quod a tympano aspicimus, & interius, quod a Scala Tympani inspectamus; illud quidem persæpe vidi multo magis ad trianguli, quam ad circuli; hoc autem semper multo magis ad circuli, quam ad trianguli figuram accedere. Ubi etiam limbum, & sulcos duos non multo secus quam in Ovali Fenestra, interdum conspicillo adjutus, agnovi, & occludentem membranam exteriore facie, ut in exsiccata aure apparebat, non nihil concavam, & ejus membranæ laminas, in quas facile divisi, externam, & internam; ut mirum non esset, quod membranula qua Scalæ vestiebantur, hac Rotundæ

Fenestræ Membrana, quamvis tenui atque pellucida, tenuior foret.

64. Restat, ut de humore illo quo recens labyrinthus madidus semper invenitur, perpauca subjiciam. Et Valsalva quidem non levis momenti quidpiam de viis per quas influeret, ac vicissim reflueret, animo agitare videbatur: de qua re tamen nihil peculiare potui ejus in schedis reperire. Naturam autem hujus humoris eam Vieussenius (q) existimabat, ut tenuissima lymphæ esset, ac spirituum animalium plenissima, eo permotus argumento, quod aperto labyrintho, „uno ferme temporis puncto ipsa dissipetur, & „in auras abeat.„ Visa res digna quam ad examen revocarem. Verum in sex labyrinthis, quos mense Quintili, & Sextili continenter referavi, etsi erat fervidus, ut solet, siccusque aer, & ad humorem absumendum, exsiccandumque maxime idoneus; tamen vel post octavam horæ partem satis adhuc erat humoris in Canalibus, & præsertim in Cochlea; an quod hæc secundum naturam plus habeat? certe neque in ipsa, neque in reliquo labyrintho res expectationi quam Vieussenius concitaverat, tunc respondit. Multoque etiam minus respondit postea, cum extremis fere Maji diebus, tempestate jam calida, siccoque aere, duos non secus ac priores illos, optime se habentes labyrinthos aperuissem; ex neutro enim, tota jam exacta hora, omnis prorsus humor excefferat. Hæc de Labyrintho in præsentia habui quæ scriberem. Tu singula sapienter, ut soles, examinabis, & valebis.

## EPISTOLA ANATOMICA XIII.

*Spektat ad reliqua Tractat. de Aure Hum. tria capita 4. 5. 6. sive ad Partium Auris Usus, sed præsertim ad Curationes, Observationes, Experimenta, iis capitibus proposita.*

SI de ipsa auris Structura, de qua diu, multumque sollicitus fuit Valsalva, pauca adeo in ejus Schedis invenimus; multo pauciora expecta; ne dicam nulla; quæ ad illius Partium Usus attineant, de quibus nimirum quanto minus sibi laborandum putaret, tum in Præfatione, tum inter IV. Capitis initia ostendit. Quæ cum ita sint, cumque nos Epistolis superioribus de partium fabrica scribentes, eadem opera quod ad usus aliquos satis esset, haud raro attingimus; neque opus est, neque habemus in animo singulas, nedum plures, in singula quæ sequuntur, Capita ad te Litteras exarare, sed his unis ea omnia complecti quæ ad universa pertinere videantur. Et memoria quidem tenemus, Valsalvam illud inculcare nobis in sermonibus consuevisse, quod & in Præfatione indicavit: quemadmodum partium oculi utilitates, & quæ in eo lumini accidit, modificationem nulla ex re alia certius cognovimus, quam ex constructis ad oculi, aut ejus partium similitudinem instrumentis, ut puta ex camera, quam vocant, optica, cæterisque ejusmodi; ita si auri, aut ejus partibus similia instrumenta ea ratione elaborarentur, ut possent in usum revocari, tum vero spem fore, ut de partium auris utilitatibus, & de iis quæ ope ipsarum, sono accidunt, modificationibus, minus incerti aliquid assequeremur. Neque inania illum dixisse, probari potuisse video Tubæ Polyphonice exemplo, quæ Tuba ut quadantenus refert Meatum Auditorium, ita vim excepti soni maxime intendit. Addebat: se olim instrumenta ejusmodi faciendæ curare voluisse, & fortasse in posterum curaturum. Tum meminisse me, ipso probante, subjecisse: ne illud quidem inutile prorsus futurum, si qui musicis, dum viverent, auribus fuissent præditi, & qui item harum dissimillimis, utrorumque aures diligentissime rimantes, singulas utrinque particulas inter se exacte compararem, & quid discrepant, adnotarem. Verum neque mihi occasio istiusmodi instituendarum comparationum oblata est, neque ipsi curandorum ejusmodi instrumentorum tempus est datum. Igi-

tur quando ea quæ malleamus, non possumus; at ea quæ possumus, attingemus perpauca quidem, & ad eas fere Observationes, Experimentave attinentia, quæ non sine legentium utilitate his Capitibus a Valsalva inserta sunt.

2. In IV. quidem Capite duo potissimum sunt hujus generis, Steatomata, Tumoresque ejusmodi ex palpebris exsecandi ratio: & Tumorum quorundam Sanguineorum diagnosi. Quæ Valsalvam causæ impulerint, ut inversa palpebra sectionem aggredieretur, in Tractatu ipso indicatum est. Videbat, Chirurgos, ne cicatrix faciem deformaret, buccarum tumores in oris potius cavo, quam in ipsa facie aperire. Quanto ergo magis idem in palpebris cavendum, cum tumores non aperiendi, sed ita exscindendi occurrunt, ut integri eximantur? Accedebat, hanc ipsi integri tumoris evolutionem feliciter succedere, inversa palpebra. Certe cum rem sapius, eademque semper ratione peregerit; in æmine accidit, ut exsectus tumor cresceret iterum; ne in Matrona quidem Primaria, in qua cum alii præstantissimi Chirurghi non semel antea, sed magis vulgata ratione, sectionem instituissent, se rursus tumor semper extulerat. His illud addi causis potest: cum ægri minore non periculo tantum; sed etiam metu rem ea ratione expediti, qua, propter palpebræ inversionem, ferri acies ab oculo ipso removeretur, aliisque ignobilioribus imminet partibus. Quæ hic omnia enumerare propterea volui, quod post editum Valsalvæ Tractatum Petrus Dionisius (a) monuerit, „ejusmodi se „probaturum rationem, si res ita peragi facile posset; sed palpebram inverti oportere: idque incommodius esse, quam ab exteriora hujus facie rem peragere.„ Valsalvæ certe res ita incommoda non videbatur; aut si quid incommodi videretur, ex iis quæ diximus, apparet, quibus utilitatibus pensari posset. Quod si de hac ipse Operatione, deque artificio quo notabilem carnearum, aut tendinearum fibrarum læsionem præcaveret, quidpiam scriptum reliquisset, cujus rei spem aliquam iniecerat; facile ne de ipso qui-

(p) Anat. quart. renov. libell. 4. Tab. 3. Fig. 2. litt. e.

(a) Cours d'Operat. de Chirurg. 6. Demonstr.

(q) Traité de l'Oreille P. 2. ch. 6.



quidem incommodo minuendo prorsus siluisset. Verum quando in ejus Schedis, de palpebrarum tumoribus nihil reperio; tria saltem quæ ex ipsius ore accepi, tecum libenter communicabo. Primum: fuisse ejus consuetudinis excindendum tumorem, inversa palpebra, acu trajicere filum trahente, tum acu posita, filique duobus capitibus apprehensis, per ea & palpebræ inversionem firmam, & tumoris evolutionem sibi faciliorem reddere. Alterum: si forte sibi aliquis ejusmodi tumor in palpebris increveret; diu, multumque animo versaturum, an Chirurgo se, & cui Chirurgo subiceret, probe conscium, quæ ad rem felicissime gerendam scientia, quæque dexteritas requireretur. Tertium: se aliquot, nondum tamen majores factos, istiusmodi palpebrarum tumores discussisse, subinde humectando spiritu, ut nostri loquuntur, salis ammoniaci, cum Reginæ Pannon. aut cum florum sambuci aqua mixto. Quod facile remedii genus memini deinde me feliciter in me ipso expertum, eademque in pluribus felicitate, ac præsertim in fœmina cui simul quatuor, singuli in singulis palpebris, tumores excreverant: quanquam huic, de consilio etiam Valsalvæ, aqua potui danda fuit in qua Salsa Par. macerata, & iucoccta erat, tum quia sine peculiari sanguinis vitio tot simul tumores existere, verisimile non videbatur, tum quia bini ex ipsis paulo jam majores facti erant. Ad hos autem crebro humectandos, ejus quem dixi spiritus cum alterutra illarum aquarum tantum, ut fere solitus sum, commiscui, & deinceps addidi, quantum palpebrarum cutis sine ullo ardoris sensu, aliave molestia ferre posset.

3. Noli autem mirari quod de eorum exsectione tumorum nihil in Valsalvæ Schedis inveniatur; siquidem ne de aliis quidem ejusmodi, in quibus longe excellebat, & peculiariora habebat, Chirurgicis Operationibus invenitur: ut puta; ne ab aure longius recedamus; de ratione qua surditatem manu curare aggredebatur, non ab durato solum cerumine, aut ab alia intra Auditorium Meatum aggesta in jam natis materia obortam, sed & ab ipsis usque primordiis ibi aliquando connatam: de qua potissimum scio quantum laboraret, nec sane immerito; nam de restituenda, imo de præbenda facultate agebatur, non audiendi dumtaxat, verum etiam loquendi; ut chirurgicum id auxilium illi præstare videatur, quo suffusiones in utero congenitæ, oculis demerentur: utroque enim magnum, & abortu ipso, imo antea inchoatum vitium tollitur; altero etiam duplex. Cæterum de curationibus istorum generum, quas ipse præstiterit, vix pauca speciatim, nec plura generatim scio. Speciatim quidem: grandævo illi viro, quem ab se in Tractatu (b) commemorat ab duodecim annorum surditate liberatum, restitutam audiendi vim, duos jam annos, & quod excurrerat, cum Bononia ipse discessi, eandem utique perstitisse: puellam autem (quod unum ex ejus scriptis cognovi) ab acuto morbo decimum jam mensem surdam, ab se, vel præter sui expectationem, intra pauca horæ minuta, ut vocant, manu fuisse curatam labente Majo A. 1712, Generatim vero meminisse videor, solitum ipsum fuisse in ejusmodi curationibus peragendis curandum Auditorium Meatum soli, aut albo, & solis lumine colostrato parieti obvertere, eaque ratione illuminare: plerumque repetito opere, & per partes materiam eximere: hanc interea injectis quæ opportuna crederet, magis magisque emollire; hæc autem, si quæris, monstrabit quæ esse possint, Vir Cl. Ern. Henr. Wedelius (c), ubi cerumen quibus potissimum solvatur, docet. Sed ea quæ dixi, Valsalvæ cum aliis communia erant. Illud peculiare, quod Meatus Auditorii figuram, & incessus omnes egregie, si quis alius, calleret: quod tamen & cæteris voluit, quantum potuit, facere commune, ratione tradita qua Meatus illius dimensiones, & flexus facile sub oculis ponantur (d): sed incredibilem quandam manus exercitissimæ dexteritatem, & diligentiam, qua tanto magis opus est, quanto propius Tympani Membranam venit, communicare non potuit.

*Morgagni Epistolæ Anatomicae.*

4. Verum ut ad Tumores; non palpebris quidem innascentes, sed illos de quibus initio indicatum est, Sanguineos; redeamus; primum scire licet, quos vulgo sanguineos credunt, & appellant Tumores, eos Valsalvam minime a sanguine repetendos esse, censuisse. De ipso enim audiavi cum diceret, ex sero potius illos constare. Nam dempta rubra quasi cuticula, si ferrum alte adigas, non plus sanguinis prodibit ex iis tumoribus, quam ex sana alia ejusmodi parte; multum autem feri exprimes, cujus quanto plus exprimes, tanto magis decrescent tumores. Itaque Sanguineorum Tumorum nomine Aneurysmata, & Varices, & Tumores præterea quosdam intelligebat cum rupto venæ alicujus trunco communicantes, effusumque ex eo sanguinem continentes. De primis duobus, & præsertim de Aneurysmatibus quæ afferri huc possent, ea præstat in aliud tempus rejicere. Ultimum autem signa ita in Tractatu exposita sunt, ut duo tamen quæ de ipsis cum eo agentes accepimus, hic omittenda non videantur. Nam Tumores illos bis vidit *globosos*; semel non vidit. Nec alio unquam vidit, quam naturali cutis colore. Ipse tamen animadverto: si crassa cutis sit, ut sane erat in eo Tumore quem in occipite olim descripsimus (e), aut sanguis sit in profundiorē locum effusus, quem admodum in altero erat quem ipse indicavit ex ruptura venæ Jugularis Internæ (f); non adeo mirum esse, si Tumor sit sine livore: sin autem sanguis tenuiori cuti proxime subit; facile livere. Illud quoque addo, quod consulenti Primariæ Fœminæ respondi, cui bini Tumores ferme ejusdemmodi singuli supra singulas claviculas prominebant, non satis esse inter signa ponere: non pulsare tumorem; sed præterea quærendum (quod ne ipsum quidem aliquando fatis est tamen) num unquam pulsarit; cum sæpe nimirum accidat, Aneurysmata post longum temporis intervallum pulsationis indicio carere, sive quod crassiores polyposi cortices interius circum additi, sive quod nimium dilatatus Aneurysmatis sinus, sive quod debilitatum cordis robur priores pulsationis vires infringat. Aliæ præterea causæ addi possunt; verum hæc frequentius occurrunt. Quod reliquum est; si de his Tumoribus plura quæris, atque adeo de iis ipsis quos modo in Matrona Præstantissima commemoravimus; videsis Clarum in primis, Doctumque Medicum Petrum Ant. Michelottum, eos describentem, neque aliter ac nos, sentientem in ea Epistola (g), quæ *Commentariis* addita est de *Bonomiensi Scientiarum & Artium Instituto atque Academia*.

5. Antequam ad Caput V. pergamus, subicere hic decet quæ nos superiore Epistola (h) polliciti sumus, tu autem jam flagitas, de nonnullis quæ a Valsalva olim quæsitæ meminimus. Ejusmodi enim sunt, ut magna ex parte ad Chirurgicam quandam attineant Operationem, quæ ut ab ipso in extremo fere Capite I. (i) memorata est, sic in IV. fuerat explicanda. Itaque cum Duræ Auditorii nervi Portionis ramum non per Crassam tantum Meningem, sed per truncum etiam nervorum Quinti Paris dispergi Valsalva vidit, occasionem inde nactus est, ut duo interdu quærenda proponeret: alterum, an ut arteriæ aliis arteriis, ita & nervi aliis forte nervis indigeant: alterum, an quemadmodum in dentium dolore ignem adhibendo ei Cervicalis nervi ramo quem pone Antitragum descripsit (\*), alter ejusdem nervi ramus ad mandibulam pertinens, adeo commovetur, ut dentium dolor; si quibusdam Medicorum credimus; tollatur; sic in difficili quopiam cerebri, aut nervorum affectu prodesse posset aliquando exteriorem Duræ Portionis ramum stimulare; cum hæc videlicet non tantum, ut alia nervorum cerebri Paria, tenero mollique trunco cum Oblongata Medulla committatur, sed intra calvariam ramo altero, duriore jam facto, regressa per Crassam Meningem, & eum quem diximus, nervorum truncum se se extendat. Equidem sperabam, me in ejus Schedis aliquid inventurum quod ad hæc Problemata attineret, præsertim cum in Posthuma Dissertatione I. (k), non ignorarem, contendere ab illo, alios quoque nerveos ramos ab

I

Ocla-

(b) c. 1. n. 12. (c) Dissert. Med. de Cerumine num. 45. 46. 47. (d) c. 1. num. 9. (e) Vid. in Vals. Tract. c. 4. n. 8.  
(f) Ibid. (g) pag. 443. & seqq. (h) num. 36. (i) num. 15. (\*), Ibid. (k) n. 19. & seq.



Octavo Pari intra cranium redire, ut per vertebra-  
rum tubum, ipsum cervicalis Medullæ truncum adeant,  
per eumque se dispergant. Verum me mea adeo spes  
fessellit, ut ne hæc quidem Problemata haurire po-  
tuerim ex ipsis Schedis, sed ex mea omnino memo-  
ria debuerim. Cæterum quicumque Valsalvæ dabunt,  
per truncum nervorum Paris Quinti, atque adeo  
per ipsum Spinalis Medullæ caudicem nervos spar-  
gi aliunde advenientes; necesse est, hos putent aut  
nervæ ipsi substantiæ, aut hujus potius involucris,  
& intimis quidem prospicere, quando illos omnes  
de quibus Valsalva loquitur, eo loco ponit se se per  
truncos diffundere, quo hi loco, nullo jam nisi Te-  
nuis Meningis integumento succinguntur. Sed utrum-  
libet putent; illa porro iisdem proclive erit suspica-  
ri, quod in his truncis, idemne in cæteris omnibus;  
si quis diligentius quæreret; posset inveniri: an ex  
illis ipsis quæ nervorum dicuntur inosculationes, sive  
communicationes, multæ sint quæ huc potissimum  
sint referendæ; in his præsertim quæ inter Spinales,  
& Intercostrales tam crebræ a plerisque ponuntur:  
num sic facilius intelligi, & conciliari possint quæ de  
sentiendi, & movendi officio in uno eodemque, ut  
videtur, nerveo ramo, quærantur, & disputantur,  
& cætera de hoc genere, quibus hic non vacat im-  
morari.

6. De altero autem Problemate, quod exemplo ni-  
titur odontalgia, adusto pone Antitragum cervicali  
nervo, sublata, eo cautius statuendum est, non tan-  
tum quia hoc ipsum exemplum, ejusque causa non  
apud omnes ad eundem modum habentur, verum etiam  
quia, ut exterior aliquis Duræ Portionis ramus cer-  
to, & facile stimulari posset; incertum tamen esset,  
an consentientis alterius rami intra cranium regressi  
coagitatio plus sæpe utilitatis, an detrimenti afferre pos-  
set. Nam; ut ab illo incipiam dentium doloris exem-  
plo, & Actuarium omittam, cui etsi *venæ sectio in  
aure instituta ad levandum dentium dolorem adeo frequens  
fuisse*, ab nonnullis dicitur, l. 3. *Method. med. cap. 2.*,  
tamen hæc dumtaxat scripta eo in loco invenio: *si  
dentes ---- indoluerint, arterias, quæ sub aurem ferun-  
tur, secamus, aut adurimus, & tactu prius sub auriculæ  
fibram pulsare deprehendimus*; certe ejusmodi chirurgiam  
disertius in aure ipsa designat Riolanus (l), atque  
adeo in illa eadem, quam Valsalva memorat, auris  
particula., Notandus diligenter, inquit, est furculus  
,, a Carotide deductus, qui auris antitragum perreptat,  
,, maxillam superiorem irrigaturus, ut singulis denti-  
,, bus spiritum vitalem suppeditet. Per eum ramum  
,, fluxionem in dentes fieri puto, quoniam eo refe-  
,, cto, miraculi instar sedatam vidi odontalgiam, pro-  
,, pter comæatum ferofi & acris humoris interceptum.  
,, Erat quidam Parisiis, qui ex hac sola operatione  
,, magnum quæstum faciebat. Talem alterum se in  
,, Geldria novisse, confirmat Diemerbroeckius (m), Rio-  
lanum, & Bauhinum præterea laudans auctores: quo-  
rum hic tamen (n), quamvis ab Highmore (o) quo-  
que laudatus, nihil habet aliud, nisi quod ex Riola-  
no, suppresso hujus nomine, describit. Ipse autem  
Diemerbroeckius rem ita narrat, ut *multoties mirabili-  
ter sedatam vidisse se*, dicat, *acerrimam odontalgiam*, cum  
*cauterio actuali in anthelice dissecta esset Carotidis propa-  
go major quedam, antitragum & anthelicem perreptans,  
superioremque maxillam conscendens, singulis dentibus san-  
guinem vitalem suppeditura*. Quibus ex verbis, simul-  
que ex auriculæ particularum notitia emendatio elucet  
insignis loci, & huc omnino spectantis, Jo. Sculteti  
(p). „ Ad periodicam dentium exacerbationem, quæ  
,, præstantissima sæpe elusit remedia, curandam, & præ-  
,, cavendam, D. D. Spigelius sclopomachario canden-  
,, te, eam anthelice partem, quæ superiorem tragi im-  
,, mediate contingit, felicissimo semper successu incidit,  
,, vulnusque deinde iterum consolidavit. Hac nova chi-  
,, rurgia ille ramulus arteriæ carotidis, qui ab auris an-  
,, thelice ad dentes pergit, transversim inciditur, ita  
,, ut intercepto humorum affluxu, dolor non amplius  
,, revertatur. Hujus præsidii chirurgici miram virtutem  
,, in se primum expertus est Author, postmodum, me  
,, præsentem, in non paucis aliis. „ Quo in loco legen-

dum esse, non dubito, eam anthelice partem, quæ su-  
periolem antitragi immediate contingit; neque enim tra-  
gum contingit anthelix, sed antitragum. Mitto his re-  
centiores de antitragi unctione scribentes: quorum alii  
hanc quidem ad dentium dolores mirifice laudant; alii  
vero nec tanti faciunt, nec prius admittunt, quam o-  
mnia frustra adhibita sint; quidam etiam Præstantissi-  
mi Viri testantur: *Dentis unctionem, imo ipsius antitragi  
unctionem, in odontalgia a Nuckio, Dekkero, & Valsalva  
tantopere celebratam, & ut infallibilem commendatam,  
frustra in Studio adhibitam fuisse*: quos tamen, quod  
ad Valsalvam attinet, rogatos velim, ut pro eorum in-  
genuitate animadvertant, ipsum certe hanc unctionem  
non celebrasse, multoque minus, ut infallibilem com-  
mendasse (q); tantum cum a pluribus eam institui,  
nec attingi nervum, videret, certiore locum, si qui  
uti vellent, indicasse. Itaque utilis, an inutilis adustio  
sit, aut quatenus sit, nec ad me propterea attinet, nec  
placet hoc loco disputare. Nec magis placet hic quæ-  
rere vel secundum ea, quæ minus recentes illi qui su-  
pra nominati sunt, Anatomici de arteriis, aut den-  
tibus alibi tradunt, num eadem sit arteriola quæ post-  
quam per memoratas auriculæ partes reptavit, adeos  
quos designant, dentes pergat; neque differere, an per  
nervos, ut recentiores malunt, aptius quam per arte-  
rias, investigari possit causa, cur non ea tantum quo-  
rum illi, sed id etiam contingat cujus auctor lauda-  
tur Benedictus Sylvaticus (r): *parvam quamdam lami-  
nam ferream a Serenissima Farnesia Gente tanquam ar-  
canum quoddam pro sedando dolore dentium haberi, qua  
quidem lamina si confricentur extremitates infernæ aurium  
usque ad incalescentiam partis, sedabitur dolor*. Ad quæ  
illa in primis ob facilitatem addenda compressio esset,  
quam Cl. Balthasar Krysingius ab se inventam, & mul-  
ticiplici experientia confirmatam proposuit in Dissertatione  
de *Odontalgia tactu sedanda*; quam sane eruditam Dis-  
sertationem cum, Præside Schelhammero, vulgaret,  
hunc quoque, & Wilhelmum Huldericum Waldschmi-  
dium Viros Gravissimos, ac Professores Celeberrimos,  
idem, se monstrante, auxilium feliciter expertos esse,  
commemoravit (s). Scilicet digito anthelicem, si re-  
cte intelligo, quam proxime antitragum, comprimen-  
tes, odontalgiam levabant (t), remedio utique longe  
omnibus antefereundo, si modo alii deinceps, atque alii;  
quod intra hos fere quadraginta annos expectandum  
videbatur; se ejus periculum fecisse, & tantundem le-  
vaminis attulisse, confirmassent.

7. Verum mihi ad nostrum Problema respicienti,  
fatis est in proposito ex Valsalva exemplo, ejusve cau-  
sa non omnes cum iis Medicis quos ipse indicat, con-  
sentire. Sed ut consentirent; fatin tuto, existimas, nos  
uno isto exempli genere niti posse? Ego vero ne plu-  
ribus quidem. Namque, ut Malpighio id concederem  
quod in sua ad Galenistarum Triumphum Responsio-  
ne pluribus in eam rem productis exemplis ostendere  
conabatur, in divulsione, tractione nervorum, ma-  
jorem commotionem fieri non in propioribus trahen-  
ti partibus, sed in remotioribus, atque adeo ad alte-  
rum tractorum nervorum extremum: ut confiterer,  
me quoque Puerum vidisse, ad cujus alterum colli la-  
tus erodente adhibito medicamento, ibi quidem levis  
dolor, in aure e regione superposita acerrimus, in to-  
to inter utrumque locum interitio nullus excitaba-  
tur, quasi nervo illo de quo supra (u) mentio facta  
est, Cervicali haud procul ab origine stimulat, is po-  
tissimum ejus ramus qui per auriculam fertur, consen-  
tiret; hæc, inquam, omnia ut faterer; tamen in  
hoc, & Malpighianis exemplis constat, partem a  
stimulo remotiorem, non dolore aliquo levatam ef-  
se, imo dolore, eoque interdum acerrimo fuisse cru-  
ciatam contra, atque in proposito illo odontalgia exem-  
plo fieri, perhibebant. Equidem scio, quid responde-  
re ad hæc possis, primum, optandum in certis qui-  
busdam morbis dolorem esse ad excitandum, ad con-  
cutiendum, ad promovendum: tum dolore nonnunquam  
dolorem quasi clavo clavum extrudi: utilem propterea  
istum ipsum, quem ego metuum, creatum ad alte-  
ram nervi partem dolorem esse posse, quod scilicet si  
qua ipsam corpuscula circumhærentia moleste velli-  
cent,

(l) Anthropogr. l. 4. c. 5.

(m) Anatom. l. 3. c. 18.

(n) Theatr. Anat. l. 3. c. 45.

(o) Corp. hum. Disquis. l. 3. p. 2. c. 6.

(p) Armament. Chirurg. Obs. 28.

(q) Vid. cap. I. n. 15.

(r) Apud Th. Burnet Thesaur. Medic. Tom. I. l. 4. de Dent. Affect. Subl. 4.

(s) cap. 5.

(t) cap. 3.

(u) n. 5.



cent, hæc novis inductis concussionibus inde abigat, & deturbet. Sane aliqua ejuscemodi ratione evenisse crediderim quod, me olim studiorum causa Bononiæ commorante, in quadam Virgine tentatum est, quæ non ita pridem a cephalæa liberata, in alterius temporis dolorem inciderat, quotidie mane redeuntem, æcerbum adeo, ut clamare, delirare, ad extremum sine motu, & sensu concidere, & quatuor ipsas horas sic jacere Virginem cogeret. Huic, aliis omnibus præstidiis irritis vir ille qui medicinam faciebat (quæcunque ipsum ratio moverit) duos ex eodem latere superioris maxillæ dentes, quantumvis sanissimos, evelli jussit: quibus evulsis; dolor amplius non redivit, Verum si quis exitum plerumque felicem, nunquam infauftum, nunquam manifeste perniciosum istiusmodi medendi rationum præstare possit; nihil est causæ, quin continuo probemus. Sin autem; certe pedetentim, cauteque, ut initio monui, sententia nobis dicenda est de eo auxilii genere quod cum ab nova, eaque certa ægri vexatione incipiat, ancipitem tamen exitum habeat. Ipse enim Valsalva in uno eodemque Alterius Posthumæ Dissertationis loco (x) satis indicium præbet, quantum detrimenti afferre possit alicujus nervi violentior irritatio, & vicissim quantum utilitatis cauta dumtaxat agitatio, ut per nervi ramos illa quidem ingens malum inducatur; hac vero tollatur. Quamobrem ut illam ceu periculosam sapius formidaverim; ita hanc, quæ si non prodesse, ne nocere quidem possit, facilius approbem, multoque etiam magis quidquid opportune laxare potius nervos queat, quam violentius distendere. Sic Valsalvam memini in difficili infantis dentitione jussisse, calido amygdalarum dulcium oleo inungi eum locum qui sub aure est; ut sic remisso nervo ad maxillam tendente, dolor mulceretur. Ex his quæ de utroque Problemate attigimus, facile apparet, haud inutile fore Medico sive meditantī, sive etiam medicinam facienti diligentius quæsisisse, quo nervi tendant, quo recurrant. Sed hæc satis ad IV. Caput.

8. Jam vero aliquanto plura adnotemus ad V. De Officulorum Tympani usibus multæ, & variæ veterum Anatomicorum opiniones fuere: neque ea cæteris ignobilior, imò recentium quoque Scriptorum ad stipulatione nobilitata, quam tamen Schellhammerus (y) acceptam videtur referre Hier. Fabricio ab Aquapendente; ego tamen apud eum Auctorem reperio, qui triginta ferme annis ante Fabricium jam scripserat, Volcherum Coiterum (z). Hic enim, videmus, inquit, solida corpora aptissima esse ad soni communicationem, vel delationem, cujus rei experientia fieri potest. Invenias tibi trabem vel ferrum, quam potes longissimum, colloce aliquem ab altero fine, tu vero stes ab altero, serias digitorum condylo partem tuam ita leniter, ut ictus vix a te percipiatur, alter vero ex altero fine trabi collocatus, si aurem propius ad trabem admoveat, verit, quamvis longissime a te distitus, exquisitus tamen ictus percipiet, atque tu, sed aliquo post tempore, siquidem per lignum sonus non ita cito, atque per aerem permeare potest: idem attestantur Musica instrumenta. Attribuo itaque iis (Officulis) ut sonum per myringæ commotionem iis participatum, foraminibus, per quæ sonus ad nervum auditorium deferretur, & ossibus vicinis communicent. Sed nihil melius Coiterus, quam quod post hanc, aliasque conjecturas propositas ingenue fassus est, *verum Officulorum usum nos latere*. Neque certe Fabricius ab Aquapendente (a) arreptam hanc Coiteri, quam descripsimus, conjecturam extra dubitationem posuit. Imo cum adnotandum monuit: *officula non unum esse, sed plura; cum tamen unum continuum & solidum facilius sonum deferret, ut patet ex baculo unico & continuo, tum vero etiam diviso & intercepto*; ejus sane rei mentionem iniecit, quæ hanc maxime premit sententiam. Eamque ipsam rem in primis Valsalvam quoque inter illas posuisse scio, quæ omnino credere non sinunt, ejuscemodi opinionem cum vero consentire. Quod cum diserte ab eodem sit pronunciatum, & propterea novus Officulorum usus quæsitus; mirari subit, a quibusdam tamen Viris Cl. hæc scripta esse: Valsalva hanc suam

Morgagni Epistolæ Anatomicæ.

sententiam novam vocat, quæ vero re vera nova non est, quoniam illam jam olim proposuit Fabricius ab Aquapendente Lib. de Aure part. 3. c. v. Sane Fabricius neque Officula cum vectibus comparat, neque, ut vectes, per mechanicum motum transferre sonum, tradit; sed tanquam per suspensa & dura corpora, qualitatem docet per officula ferri, & pervadere. Quod si eadem utriusque sententia dicitur quod ad trajiciendos per Tympanum sonos uterque Officulis est usus; certe nec Valsalva in eo novam sententiam vocabat suam, quod commune & aliis fuisse, eodem loco diserte commemorabat; sed in eo nimirum quod peculiare ipse ponebat; nec Fabricius aut primus, ut diximus, ad id Officulis usus est, aut omnes cum Coitero occupavit rationes quibus id Officula dici possint præstare. Alia enim est quæ placuerat Ingrassiæ (b), Officulis uso, non ut duris corporibus in tremores actis, neque ut vectibus se se mutuo elevantibus aut deprimentibus, sed ut corporibus contiguis, quorum aliud per feriem aliud propellat. „ Exterior aer, inquit, „ a sonante re dura quapiam percussus, auris, tympanique primam membranam, malleumque illi adnascentem, coalescentemque necessario percutit, „ agitatur, ac movet: Malleus autem ita commotus agitatque incudem eodem instanti percutit, eodemque motu agitur, ac movet: --- Incus vero sic percussa, & commota deorsum aliquatenus gravatur, „ alteri cruri alligatam stapham comprimens, similique modo percutiens: Staphaque demum sic deorsum compressa, sua quidem basi sub se contentum, a naturaque insitum in labyrintho aerem, „ alium comprimit, percutitque. „ Hic igitur princeps videtur tribuisse Officulis (quæ tamen quasi libera, & soluta spectavit) usum, qualiscunque is sit, transvehendi sonos: idemque tamen aperiendi etiam sonis Ovale Fenestram: quam deinceps opinionem plures; sed alii aliter; secuti sunt. Ipsi enim, qui percussione ab Officulorum motu facta potissimum nitetur, satis erat *adjuvari rem & aliquantulum insiti in tympano aeris percussi jam, per ovale foramen violenter facto ingressu, dum compressa stapha, introque propulsa, nonnihil debiscit, connivetque foramen illud*. Vidius autem (c) eorundem Officulorum motu ad recludendam sonis eandem Fenestram tantummodo utebatur; quanquam & per Rotundam subire hos labyrinthum, credebatur. „ Ubi agitur membrana (Tympani); agitatur, inquit, etiam malleus per manubrium membranæ illigatum; & propterea incus, „ & stapes, & ita aperitur ovatum foramen, adeo „ ut sonus per hoc, & per alterum rotundum penetrare ad alios sinus possit. „ At Bartolus (d) sonos per Rotundum, ut Ingrassias quoque, exire, malebat; ingredi per Ovale, referatum motu Officulorum, quem instar motus vectis credere quidem videbatur, sed ita fieri, ut non introsum, sed extrorsum Stapedis basim ciceret.

9. Ex his fuscè expositis apparet, non illud modo, quid inter Valsalvæ, & aliorum sententias discrepet; sed hoc insuper, Officulorum motu ex Membranæ Tympani agitatione inchoato in Mallei manubriolo, punctoque temporis ad basim Stapedis traducto alios quidem usos esse ad sonos ipsos transvehendos, alios autem ad ingressum his in labyrinthum recludendum. Utram ex his opinionem, an aliam quandam foveret Gabriel Falloppius, incertum est; illud certum, ante omnes quos inemoravimus, ipsum animadvertisse (e), *agitata, vel concussa myringa, malleolum moveri, & incudem, & stapedem, aut aperto sinu, ac quadam uno ex his officulis agitato, reliqua duo simul etiam consistere*. Si illud insuper novisset, Stapedis basim ita per membranam cum Ovali Fenestra colligari, ut leviter dumtaxat moveri possit; in tertiam fortasse ivisset sententiam, in qua nunc Viros Doctissimos esse, video, ut communi isto officulorum motu eam ipsam membranam, Membranamque Tympani intendi, aut laxari, crederet potius, quam viam sonis per illam Fenestram aperiiri. Ab hac ego nova opinione certis de causis non abhorreo: nec tamen propterea reticebo quod proposita a Valsalva sententiæ quadatenus faveat, aut etiam, si mavis, cuicunque alii quæ non

T 2

non

(x) n. xi. (y) De Audit. P. 3. c. 4. n. xi. (z) De Audit. Instrum. c. 9. (a) De Aure P. 3. c. 5. (b) In Galea. Proem. de Ossib. comm. 4. (c) De Anatom. corp. hum. l. 7. c. 5. (d) De Suono tr. 4. c. 8. (e) Oss. Anst.



non improbabili undique ratione sonos per Officula in labyrinthum traducat. Nam si per tympanicavum soni ipsi se se in labyrinthum inferunt; cur expedito ipsorum cursui tot se obijciunt impedimenta? neque illa tantum quæ Valsalva enumeravit, sed alia insuper, ab ipso quoque conspecta, quamvis in ea enumeratione prætermissa. Scilicet alio in loco (f) ait: ut a pleura, & peritoneo filamenta, & tela membranacea modo huc, modo illuc incerta lege ad contenta viscera proficiscuntur, eademque alias absunt, ita membranaceæ expansiones irregulariter aliquando solent protendi per Tympani cavitatem. Ego vero qui has non raro ut in thorace, & ventre, sic in tympano etiam, post Valsalvam animadverti; minus quidem miror, per utramque illam priorem caveam extendi; neque enim obstant latici e pleura, & peritonæo destillanti quo minus se ad omnem sive parietum ipsorum, sive inclusorum viscerum faciem sensim humectandam diducat. Per tympanum autem easdem extendi, haud secus propemodum miror, quam si per nasi, aitoris, aut certe per Semicircularium canalium, aut Sclerum cochleæ caveas extendi, viderem. Neque enim in his de qualicunque laticis alicujus, sed de expedito agitur sonorum transitu, quibus sine detrimento obstacula objici non videntur, ita præsertim sine lege, & fortuito ducta, ut si Natura de cavo hoc libero ad tam necessarium usum servando non magnopere sollicita esset.

10. Cæterum sive ejusmodi membranaceæ productiones minus obstant, quam videntur, præsertim secundum sonorum cursum, ut inveniri sæpius, non in transversum ductæ; sive nonnihil obstant quidem, sed inde etiam varia, quæ in variis hominibus ab ipso ortu animadvertitur, audiendi facultas, repetenda est; non propterea opinor, sonorum transvectionem Officulis esse committendam, præsertim quando alter eorum usus restat, ut ab nemine profecto negandus, sic Bauhino (g), & ante hunc ejus Præceptorum, Fabricio nostro (h) minime ignotus, docenti: „ quod „ muscoli malleo appendantur, non autem membranæ „ (Tympani) applicentur, cum tamen ipsam mo- „ veant, neque ut faciei muscoli, qui ab osse pro- „ gnati in cutem quam movent, inferuntur; ea „ ratio est, quod periculosa omnino futura ad mem- „ branam appensio erat, cum propter sui tenuitatem, „ si ipsam solam muscoli traxissent, rupta fuisset. „ jam vero malleum ad articulum muscoli trahentes, „ membranam simul trahunt sine ulla ejus læsione. „ Et certe in musculorum contractionibus, violentis præsertim, ac repentinis, id periculi Membranæ impendisset; si in hanc illi infixi, non in Malleum fuissent, qui propterea Membranæ ipse affixus est. Nam quod Membranæ affigatur, ut in hanc in tota circumferentia, muscoli agant: quod fieri non potuisset, si tendo muscoli in ipsam Membranam implantatus fuisset, quemadmodum Ravio (i) placebat; mihi quidem probari satis non potest; idem enim egissent, modo in Membranæ centrum implantari potuissent. Quod si nihil, nisi Tympani Membrana, modo tendendum, modo laxandum musculis esset; satis unus Malleus foret. Cum vero eadem officia membranæ quoque præstanda sint Fenestræ Ovalis; idcirco & Stapes, huic alteri membranæ annexus, creandus fuit, ut officulo, non membranæ, suus musculus infereretur. Cumque unum idemque uno eodemque tempore officium utrique membranæ præstandum esset; ob hanc causam bina addita sunt Officula, Malleo, & Stapedi sic interjecta, atque illigata; ut quibus viribus, & quem in finem utrumlibet horum ageretur, ageretur simul & alterum. Quæres hic fortasse, cur non unum potius officulum factum sit, quod ab una ad alteram membranam pertingat, cum præsertim plura non desint animantium genera in quibus unum esse videatur? Riolanus (k) credidit, ob cavitatis inæqualitatem; quibus enim animalibus auris, cavitas recta est, ut anseri, unicum officulum naturam concessisse. Quorum etsi fere con-

similia Cafferius (l) censuerat; video tamen, & rectum iter in nobis esse ab una ad alteram membranam, ut quæ, nulla re interjecta, sunt altera ad alteram conversæ: & quamvis id iter flexuosum foret; nihilominus tamen unum creari officulum potuisse non minus inflexum, quam nunc universa officula sint. Quamobrem, non omnino fortasse vera, sed tamen aliquanto propiora vero scripsisse Coiterum (m), crediderim, verentem, ne si unum os fuisset, vel myrinx impulsæ ab ingenti strepitu, sonore, propter ossis rigiditatem, & duritiem insignem cedere nequens, rumperetur, vel processus ossis, fracturæ periculum subiret. Neque minus accessisse ad veri similitudinem censeo Hieronymum Fabricium (n) in causis variæ singulorum Officulorum magnitudinis, & figuræ edisserendis: quod autem de Orbiculari, ipsi incognito, siluit, id vero ex illis quæ de ejus natura alias (o) attigimus, non difficile est addere.

11. Nunc, ut servatus a Valsalva ordo postulat; quæ ad perruptæ Membranæ Tympani experimentum attinent, eo diligentius attendamus; quo magis constat, tum antequam suas observationes ederet, tum postquam edidit, iis de rebus aliter ab aliis scriptum esse. Nam Franciscus Sylvius (p), Tympanum, inquit, quovis modo ruptum, creditur causa existere surditatis, & Surditas a rupto Tympano habetur pro incurabili: & Sennertus sane (q), ac Riverius (r), & qui cum ipsis, Veterum placita sequebantur, sine ulla dubitatione confirmaverant, Membranam Tympani ruptam, vel cicatricem ab ea relictam --- non curari, sive incurabilem surditatem efficere. Willisius autem (s) non nisi post aliquod tempus surditatem consequi, tradiderat, scribens nimirum, si Tympani membrana destruat, sensationem adhuc aliquamdiu, rudi licet modo, peragi posse: quippe experimento olim in cane factum constituisse, quod perforato utriusque auris tympano, auditio adhuc ad tempus perstaret, quæ tamen post tres circiter menses penitus cessabat. Neque alii graves Scriptores defuere qui confirmarint; quoquo modo tympani membrana rupta sit, auditum per aliquod adhuc tempus superstitem esse, at sensim debilitari, & omnino tandem deperdi. Schelhammerus (t) vero ne id quidem necessario consequi; sed aliquando istam membranam fuisse læsam ac ruptam sine auditus detrimento, Horstius, & Kypero productis testibus, contendebat: & ante Schelhammerum, aliis quoque additis observationibus, Schneiderus (u), & ante hunc Plempius, ab ipso, atque ab Riolano (x) laudatus: quorum hic insuper in naturali surditate a conformationis vitio, ut puta si Tympani Membrana crassior sit, aut membrana altera crassa eidem sit agglutinata, (y) quæsit, an tentandum istud experimentum quod inopinato & feliciter successit cuidam, qui intruso auris scalpio in aurem profundissime, dirupit tympanum, fregitque officula, & postea auditio. Et hi quidem ante Valsalvam. Post Valsalvam autem, ut video qui ipsum præ cæteris laudent, ut Ornatissimus Waltherus (z); sic invenio qui longe alia quam ipse, aut certe quam Riolanus, proponant, in primis V. Cl. Jo. Guilielmum Pauli (a), qui multos secum iterato deprehendisse, testatur, subitaneam auditus privationem, si in vivo animali, v. g. cane, utriusque tympani membrana instrumento obtuso pertundatur, simulque malleus & incus e situ ejiciantur. Quæ cum ita sint, cumque apud Ingeniosissimam Doctissimamque Gentem haud ita pridem de ejusmodi re vehementer esse disputatum, audiverim; juvabit hic pro veri studio quæ de suis Valsalva experimentis pressius edidit, paulo fusius exponere; ut ejus promissa, quando ex omni parte non possumus, ex aliqua saltem impleamus.

12. Tribus ille canibus utramque Tympani Membranam perrupit ea ratione quæ in Tractatu posita est. Prima fuit catella vix annum superans, cum id factum est XI. Kal. Septembr. A. 1702. Hanc autem servavit apud se usque ad IV. Kal. Octobr. A. 1703. totoque illò tredecim mensium, & quod

excur-

(f) n. 10. ejusd. cap. 2.

(g) Theatr. Anat. l. 3. c. 36.

(h) De Aure P. 3. c. 6.

(i) Pentasthes. l. 4. Sect. 3. c. 9.

(j) Splachnolor. in Append. ad Amphith. Zoot. Valentini.

(k) In Galen. de Ossib. Comm. c. 8.

(l) In Galen. de Ossib. Comm. c. 8.

(m) De Audit. Instrum. c. 9.

(n) De Aure P. cit. c. 5.

(o) Epist. VI.

(p) Prax. Med. l. 2. c. 8. n. 7. & 18.

(q) Medic. Pract. l. 1. P. 3. Sect. 3. c. 7.

(r) Prax. Medic. l. 3. c. 1.

(s) De Anima Brut. c. 14.

(t) De Audit. P. 3. c. 7. n. 5.

(u) De Catarrhis l. 3. Sect. 1. c. 10.

(x) Anthropol. l. 4. c. 5.

(y) Encheirid. Anat. l. 4. c. 4.

(z) Diff. de Membrana Tympani. n. 20.

(a) Annot. in Horn. Microscop. n. 47.



excurrerebat, intervallo nullam unquam auditus læsionem in ea potuit animadvertere. Cum occidi iussisset; invenit quod nemo antea sive dissentientium, sive assentientium Scriptorum fuerat suspicatus, ac omnium minime, ut videtur, Riolanus: ita restitutam esse utramque Membranam, ut ne cicatricis quidem vestigium ullum superesset. De duabus autem reliquis canibus etsi nihil in ejus Schedis reperio; ipse tamen memini de illo accepisse, & in parte hisce oculis vidisse quæ protinus subjiciam. Altera quinquaginta circiter a Membranarum perforatione exactis diebus, cum cætera etiam bene audiret; id tantum noxæ cœpit ostendere, ut unde soni advenirent, haud amplius videretur internoscere; nam vocata, sæpe alio se convertebat, quam in eam partem unde vocabatur. Quæ noxa si statim a perforatione cœpisset, aut si donec vixit, durasset; facilius tunc dubitari potuisset, num forte iis quas paulo post indicabimus, causis accepta esset referenda. Sed cum ea non modo primis quinquaginta diebus abesset, verum etiam mensem, haud amplius, perstaret, quo elapso optime iterum canis audire cœpit, duosque circiter menses, hoc est, quoad postea in vivis fuit, audivit; veri esse similis, censo, id incommodi ex eo præsertim accidisse quod canis paulo ante quam accideret, tam gravi ictu capitis temere a famulo excepta fuerat, ut apoplecticæ instar jacuerit. Cæterum cum eo quod dixi, interjecto spatio hanc quoque interfici, Valsalva iussisset, perruptasque ante menses propemodum quinque utriusque Tympani Membranas inspiceret mecum; alteram quidem, ipsique imposita Officula undique integra deprehendimus perinde ac si nullum unquam vulnus fuisset inflictum; nisi quod de extremo Mallei Manubrio aliqua tamen particula deerat. Contra, alterius auris Membrana neque in conii modum introrsum adducta, neque excolor, aut pellucida erat; sed fere in planum extensa, & alibi magis, alibi minus saturo colore rubicunda: ad ejusque interiorem faciem agglutinata hic illic frustula manubrii conspiciebantur, quod fere totum a Malleo abruptum fuerat: quæ nimirum mutationes; nisi ea obstarent quæ supra animadvertimus; ansam cuiuspiam præbere fortasse possent, ut hinc illud de quo dictum est, peculiare auditus vitium repeteret. Nam sicuti ab dextra, lævæ provenientes sonos dignosci, existimo, propterea quod tunc dextera, nunc sinistra magis auris pulsetur, ita superiores ab infernis, aut anteriores a posterioribus distinguere, puto, quod post certas reflexiones, in auricula, Meatuque Auditorio sonis accidentes, hi demum, illique in certam singuli Membranae Tympani regionem, aut certa potius directione in eandem Membranam primum, tum deinceps in alias incidunt; quæ ut mutato præter naturam Membranae situ, mutantur, ita & dignotio illa mutetur, præsertim si Officula quoque, & cum his naturalis illa Membrana tensio mutationem aliquam subierint. Tractatu edito, Valsalva, idem in tertia catella experimentum instituit, nobis videntibus, atque adeo crepitum utriusque Membranae, cum disrumperetur, audientibus. Hæc non tum modo magnis ejulatibus acerbissimi doloris indicia præbuit; sed primum illum totum diem nihil omnino audire se, ostendit: quod acriori dolori Valsalva tribuebat; quando priores duæ vel illico a perruptis Membranis eodem quo antea, modo audiverant, neque ullum perstantis doloris, nedum gravioris alicujus incommodi, ne ipsis quidem primis diebus signum dederant. Postmodum tamen, & insequentibus quoad vixit, tempore; vixit autem ad menses aliquot; non minus quam priores, audivit. Denique interemptam cum diligenter persecuisset, affirmavit mihi, qui interesse non potueram, in hac quoque persanatas, & integritati restitutas Membranas Tympani se invenisse. Tres hæc de quibus dictum est, canes sæpe ego, atque adeo pene quotidie apud ipsum videbam; ut si aut nullo, aut gravi jam uterentur auditu, me, aliisve ipsas, ut sit, appellantis, facile cognoscere potuissim. Nunquam autem animadverti, rem aliter se habere, atque a me supra expositum est.

13. Quæ cum ita sint; illud profecto cognoscitur, quanto in errore versarentur qui Membranam Tympani esse *immediatum* Auditus Organum, arbitrabantur. Nam primis ipsis diebus postquam illa perrupta est; audiri quidem posse, intelligimus, si utique ea nihil aliud sit, nisi instrumentum conducibile ad melius dumtaxat, eaque perfectione audiendum, quam aut homines tantum capiunt, aut bruta animantia certe nequeunt significare. At si præcipuum organum audiendi sit; quis tandem est qui tum audiri sic posse, credat, ut ab iis canibus vel primo illo tempore audiebatur? Hoc sane quantum ab omni veri similitudine abhorreat, Drakius (b) sensit, qui ut suum inter addictos huic alteri opinionioni professus est nomen, ita sibi pronunciandum existimavit; „ si, „ quo casu accidat, ut Membrana Tympani rumpatur; Auditum omnino destrui. „ Verum hoc ipsum est quod minime necessarium esse, Valsalvæ demonstrant experimenta: quæ attendere oportet non eos solum qui de Membrana Tympani officio, verum etiam qui de noxis ejus ruptionem consecuturis sapienter volunt respondere. Nam quicumque aliter ac Valsalva observarunt, vel tunc observarunt, cum præter eam Membranam alia simul gravissime læsa sunt, vel tunc etiam cum ejus perstans Membrana hiatus interiora auris diutius exposita reliquit pulveri, animalculis, cæterisque extrinsecus advenientibus, aeris præsertim, injuriis. Nunc autem ex illius experimentis liquet, non id tantum, quod Anatomicis quidem haud erat difficile intellectu, posse Tympani Membranam, nulla ferme re alia violata, pertundi; sed hoc etiam, quod pierique omnes multo difficilius credidissent, posse ejusdem vulnera, vel nullo adhibito remedio, ita sanari, ut eorum ne vestigium quidem supersit.

14. Longe autem majoris momenti sunt quæ de illis Affectibus Apoplecticis Valsalva adnotavit, in quibus alterum corporis latus est resolutum: eorum videlicet causam, si modo hæc in organico sensibili vitio consistat, in opposito cerebri hemisphærio inveniri. Quæ quoniam ipse ex propriis cadaverum sectionibus ut didicerat, sic primus docuerat; miratus inde est Gravem Scriptorem Lancisium (c), cum mox in ejusmodi observationum mentionem incidisset, visum esse, aliis ante ipsum, & in iis, veteribus quoque Auctoribus, easdem tribuere, Hippocrati, Ballonio, Martiano, Malpighio. Mihi vero utriusque erga me merita grato animo prosequenti, neutri adversari non modo convenit, sed etiam licet; quando id quod Lancisio Valsalva concedebat, utrique; si recta ratione attendamus; tuendo satis est. Hoc autem concedebat, quod & in Tractatu indicatum fuerat, & in ejus Schedis vel dilucidius invenio: fuisse ante se qui ejusdemmodi rem docerent, in his nominatim Hippocratem, & Prosperum Martianum; sed horum sermonem ad capitis vulnera contractum esse; non, ut suum, ad apoplecticas potissimum, ab interna causa ortas, cerebri læsiones pertinere. Sane quod ad capitis vulnera attinet, non apud Hildanum modo (d), quem alii nimirum Valsalvæ objiciunt, sed post Hippocratem (e), qui princeps docuerat, capite vulneratos *imponentes fieri, si in dextris fuerit vulnus, in sinistra parte; si vero in sinistris, in dextra*, tam crebram olim apud tot Medicinæ, & Chirurgiæ Scriptores mentionem invenio paralysis, in adversa vulneri parte corporis observata, ut si producere, aut nominare omnes vellem, rem magis difficilem, quam necessariam, susciperem. Satis est admonere, Andreæ Laurentium (f), cum rei causam longa Quæstione indagaret, animadvertisse, tot exemplis id esse confirmatum, ut jam pridem Salicetus theorema hoc catholicum protulerit: *Quotiescunque vulneratum alicui caput fuerit, ita ut inde paralysis contingat; si vulnus dextræ capitis parti inflictum sit, paralysis factum iri in sinistra corporis parte, & contra*. Sed & propioribus ætati huic nostræ temporibus idem indicat Salmuthus in ea Observatione, quæ in illum Sepulchreti Anatomici locum relata est, in quo agitur de *Vulneribus* (g), ubi & aliæ, idem confirmantes, leguntur. In illa enim Observatione vulnerati cujusdam circa os temporis, cum hominem extinctum

(b) Anthropolog. book. 3. ch. 12. (c) De Subitan. Mortib. Obs. 4. Phys. Med. (d) Cent. (nom. 2. ut objicitur, sed) 1. Obs. Chir. 13. Exmpl. 1. & 3. (e) Epidem. l. 7. Sect. 1. (f) Hist. Anat. hum. corp. l. 10. qu. 6. (g) Tom. 3. l. 4. Sect. 3. Obs. 3. n. 7.



unctum scriberet non sine convulsione partis laesae, & paralyfi partis oppositae, hoc continuo subjecit, tanquam symptomatis consuetis. Neque defuerunt tamen qui ab Saliceti theoremate dissentirent. Namque olim Jacobus Berengarius (b) non modo animadvertit, Avicennam prima tertii dicere, quod accidit laxitas in latere vulneris, & spasmus in opposito, ut in pluribus; verum insuper etsi ipse addidit, se tamen dicere, quod contingens est, evenire oppositum, scilicet in parte laesa spasmus, in opposita autem paralyfim; nihilominus doctrinae tantum Avicennae, ceu sapientius verae, rationes reddere conatus est. Quin ipse quoque Laurentius (i) fatebatur, saepe observatum esse, oppleto dextro cerebri sinu, ejusdem partis nervos resolvi. Atque, ut de aliis fileam, & in his de Jo. Bapt. Cortesio (k) promiscue ponente, in opposito latere a vulnerato, fieri modo paralyfim, modo convulsionem, & contra; de his, inquam, ut fileam, & ad proximos Valsalvæ Scriptores descendam; certe is qui instar multorum esse potest, Laurentius Bellinus (l), quantum hac de re dubitaret, haud obscure ostendit. Si vera sunt, inquit, quae circumferuntur, altera cerebri, vel spinalis medullae parte laborante, latus oppositum paralyfi affici; forte id contingit hac, vel illa (nam multas, variasque affert) ratione. An subest aliquid fallaciae? --- An denique hac paralyfis alterius lateris ex laesione oppositi perpetua non est, sed aliquando solo casu ita contingit? Tum ea subicit quibus indicet, in hac se ultima sententia esse. Apparet igitur, quam infirmatam & pene convulsam a Veteribus, multoque magis a Recentioribus illam Valsalva doctrinam invenerit, quod capitis vulnus oppositi lateris resolutio consequatur.

15 Verum etsi confirmatam ab omnibus, & florentem maxime invenisset; non ea tamen niti poterat, ut suam comprobaret. Neque enim ex illa hæc sequitur; siquidem ut ea pars capitis quæ paralyfi opposita est, vulnus habeat; non inde tamen efficitur, illius quoque partis hemisphaerium cerebri vitium habere, aut certe paralyfis causam. Quin Bellinus (m) paralyfis hujusmodi excitata per compressionem, ictum, vulnus, contusionem duas diserte rationes conjecit, per quas intelligeretur, quemadmodum in latere cerebri, non eodem, sed adverso, hoc est, quod resolutio corporis lateri respondet, divulsio, & constrictio hoc est, paralyfis causa fieret. Sic etiam Pacchionus (n) contraffissura producto exemplo, in opposita ictui parte violentiorem concussionem excitari, credebatur; unde ibi potissimum suspensoriae Duræ Meningis fibræ laxarentur. Neque hi solum, qui proxime Valsalvam præcesserant, sed Vetusiores quoque rationes quasdam excogitaverant, eodem recedentes. Quas præ cæteris probabat Laurentius (o), petita erant aut ab ægri decubitu in sanum, non faucium, latus doloris metu, aut ab faucium quidem partis per ipsum vulnus expurgatione; ut sic altera ea esset quæ plus puris, aut cruoris, aut excrementorum exciperet. Interdum etiam; ut Cortesius (p) in Cardani milite; telum fatebantur ab una quidem parte cranium subisse; sed graviolem tamen noxam alteri demum cerebri parti intulisse, conjiciebant.

16. Ego, quæcunque tandem ratio sit, quam pro variis casibus variam esse posse, video, quemadmodum cenfeo, haud semper ab eadem parte capitis qua ictus, aut vulnus exceptum est, eam cerebri læsionem esse quæ paralyfim efficiat; ita suspicor, iis in casibus in quibus hæc in eo corporis latere se ostendit quod vulneri subiciebatur, sapientius fortasse non in vulnere (quo modo res contra Valsalvam foret) sed in laesa cerebri opposita parte (quod pro Valsalva ipso est) resolutionis causam fuisse quærendam. Cur ita suspicer, præter alias rationes, quasdam etiam habeo ex constantibus aliorum experimentis, quasdam ex propriis dissectionibus petitas. In Commentariis enim de Bononiensi Scientiarum Academia (q) legi, Virum Cl. Petrum Paulum Molinellum Medicum & Chirurgum Experientissimum, cum sinistram cranii partem viventi cani aperuisset, resectumque cerebri lobum indidem penitus exemisset, adnotasse, non

in sinistram latus, sed in dexterum, canem cecidisse, relevatumque, iterum in hoc idem latus procubuisse, & cum sinistra pars corporis sensum, & motum retineret, utrumque in dextera periisse; ut simul proposita doctrina; simul conjectura quædam diagnostica (r), mihi cum Amplissimo Lancisio communis, non obscure confirmaretur. Hoc præterea ibidem subicit Cel. Doctissimusque Zanottus: alios idem experimentum sumpsisse eodem exitu. Et sane Clarissimum quoque Palinium (s) video ex Epistola quadam Petiti Medicinæ Doctoris Præstantissimi, experimenta indicare, habita in cerebro canum viventium, quæ, experimenta probent, paralyfes semper accidere in eo latere quod vulneribus capitis est oppositum. Ex his omnibus, ab aliis alibi institutis, & secum tamen præclare constantibus experimentis si plane vides, quid in re certa apertaue semper ad hoc tempus conspectum sit; facile intelliges, quid in re incerta obscuraue nos deceat suspicari. Idem vero meæ mihi dissectiones confirmant: quarum hic unam satis fuerit commemorare Senis robusti, qui ab alto cadens in caput, sanguinem ab sinistra aure emiserat, & nisi quod pone hanc ipsam aurem vulnus quoddam leve retulerat, nihil exterius in universo capite noxæ ostenderat. Cum in Nosocomium esset delatus; animadversum est, resolutum esse, quod ad motum attinebat, brachium dumtaxat sinistram, laborum item sinistros musculos, quibus nimirum laxatis, os in dexteram partem distortum apparebat. Sensu, motuque universi corporis languidiore in dies factio, intra octo, aut decem a casu dies interiit. Hujus caput Bononiæ secui VIII. Kal. Mart. A. 1706. Vulnus ne ad totam quidem pericranii crassitudinem perveniebat; sed rima tamen per subjectum os Temporum, hujusque Petrosi processum ad os usque Cuneiforme extendebatur: quam cum scalpro immisso diduxissem, & cellulas Mastoideas quæ cum tympano communicant, & tympanum ipsum, & Meatum Auditorium fœdata sanguine deprehendi; ut hunc non ex cranii cavea, sed ex vasculis ob rimam disruptis extitisse, appareret. Quamvis autem vulnus, & talis vulnere subjecta rima a sinistra capitis parte essent; paralyfis tamen, quæ idem corporis latus occupaverat, spectabilis causa ad dexterum cerebri hemisphaerium inventa est. Nam cranium exsecto, propemodum tota ejus hemisphaerii superficies occurrit depressior, quam alterius, & mollior, & livido colore suffusa. Inde igitur sublata Dura Meninge ex rubro livescente, inter hanc, & Piam tantum semiconcreti sanguinis deprehendi, quantum spatii ea livida superficies tenuerat. Quærenti autem mihi unde is sanguis prodiiisset, qui nusquam alibi intra cranium inveniebatur effusus (nam in ventriculis anterioribus aqua dumtaxat erat pauca, ut sub Pia quoque Meninge, in sinistra saltem cerebri parte) animadversum est, sanguinem magis adhærere Piae Matris certo quodam exiguo loco in media ferme superficie hemisphaerii dexteri, cui loco quæ cerebri particula suberat, ea cæteris erat rubicundior. Itaque ibi vas quodpiam sanguiferum perruptum fuisse visum est ex iis quæ per Tenuiorem Meningem discurrent, unde sensim tantum sanguinis exiisset, quantum ad comprimendum ita, uti conspexeram, hemisphaerium dexterum, sicque ad paralyfim in opposito corporis latere efficiendam satis fuit. Quæ dissectio apertissime Valsalvæ doctrinam confirmavit; quam si vulnus tantum attendisses, hoc ipso casu infirmatam esse, credidisses.

17. Est ergo Valsalvæ doctrina, non extrinsecus modo aspiciendo, sed etiam interius perquirendo, examinanda, præsertim cum ipse, quemadmodum supra (t) dictum est, internas, & ab interna potissimum causa factas cerebri læsiones spectaverit. An vero in hoc ipso alios præeuntes Auctores habuerit, si ex me quæras; non omni ex parte negare potero. Neque enim de vulneribus, aut ictibus; sed de cruditate, & frigidityte loquebatur Aretæus (u), cum hæc literis mandavit; „ Si infra caput aliquod principium affe-

(b) De Fract. cran. ubi de sign. pannicul. solut.

(i) qu. cit.

(k) Traët de Vuln. Capit. comm. in Hippoc. t. 22

(l) De Morb. Cap. ubi de Paralyf.

(m) Ibid.

(n) De Duræ Mening. Fabr. Disqu. c. 6.

(o) qu. cit.

(p) Comm. cit.

(q) Vid. Anatomica, ubi de Experiment.

(r) Vid. Advers. Anat. VI. Animad. 84.

(s) Anatom. Chirurg. P. 2. ch. 5.

(t) n. 14.

(u) De Caus. diuturn. Affect. l. 1. c. 7.



„affectum sit, quale medullæ dorſi membrana est, quæ nominis ejusdem sunt, & contigua, dextra in dextris, & in sinistris læva resolvuntur. Verum si caput primo in dextra patitur; sinistra; si in læva, dextra nervorum resolutione laborant. Hoc ideo evenit, quod nervorum initia permutata sunt. Neque enim dextri nervi in dextras partes secundum rectum usque ad extremum progrediuntur: sed ab initio enati protinus ad oppositos transeunt, se invicem in figuram hujus litteræ X, quam Græci Chiasmon vocant, permutantes. Num vero ex Cassio, Medicarum Quæstionum Scriptore, hæc Aræteus ipse acceperit, non est facile constituisse, quando neutrius, aut certe non alterius ætas pro certo constat: Illud certum est, Cassium quoque scripsisse (x): nervos a dextra basis cerebri parte exortos, in lævum capitis sinum ferri; qui a læva in adversum: ita ut eorum situs decussatim concurrat. Nihil mirum igitur, si vulnerata dextra partis membrana, quam meningem vocant, sinistram resolveri contingat, sic viceversa de altera dicendum. Veruntamen Cassius non nisi de vulneribus locutus est, quemadmodum & Prosper Martianus (y): quem in re eadem explicanda qui Cassii, & Arætei opinionem tueri, scripserunt (z), illi attente Prosperum legisse non videntur.

18. Nam primum sententiam Praxagoræ, a Galeno (a) olim propositam, & examinatam, ita defendit, atque exponit, ut diserte doceat; in cerebro arterias magnitudine quidem exiguas, numero tamen copiosissimas, in nervorum fibras post longos gyros, labyrinthosque multiplices tandem transmutari. Quod, si ut hoc primum multos hac ætate invenit patronos, ita etiam alterum quod subjicit, totidem invenisset; certe nunc plerique Martiani explicationi adstipularentur. Sed dum ipse, opinor, noluit sententiam suam ita manifeste, ut Cassianam, posse convinci, atque adeo (nam id Pavius (b) fecerat) derideri; nervosque propterea, non posteaquam a basi cerebri sunt exorti, verum intra cerebrum dum adhuc minimæ & visum effugientes, arteriæ essent, decussari, commentus est; neque affectas invenit, quod sciam, & se se tamen in angustias conjecit, præsertim cum eorum quidem nervorum decussari in cerebro origines dixit, qui e Medulla Spinali, non qui ex ipso cerebro sunt orituri. Neque enim animadvertit, sæpe explicandos casus incidere in quibus resolutionem in adversa non solum reliqui corporis, sed & faciei parte conspiciamus; ut decussatio non Spinalium tantum nervorum, sed eorum etiam qui intra cranium exoriuntur, ponenda fuisse videatur. Sic in eo Senæ cujus supra (c) historiam descripsimus, erant in eadem opposita sinistra parte, tum brachii, tum laborum musculi resoluti; quando secundum Martiani positionem, dexteris laborum musculos paralyticos esse, oportuisset, ut quorum nervi intra cranii cavum nascuntur. Sed quoniam is Cervicalis nervus cujus Valsalva (d) ramum ad Maxillam Inferiorem perducit, spem alicui fortasse præbere posset per Spinalem eundem nervum rei expediendæ; minime in præsentia opus est eo digredi ut quæramus, num revera is nervus laborum musculis inserviat, & tantum inserviat, quantum res ista postulare. Nam palpebrarum quoque, ipsiusque oculi ablatere adverso interdum musculi resolvuntur: ad quos neque illum, neque alios Spinales nervos legisse meminimus qui evidenter perduceret. Nec enim id sub aspectu subjiciunt qui Intercostalem nervum, ex Spinalibus coortum, in eam usque viciniam extendi, arbitrantur Præstantissimi Viri, quorum ad me Scripta, cum hæc relegerem, allata sunt; sed conjecturas proferunt insignes illas quidem atque speciosas, conjecturas tamen, eoque in aliam fortasse partem ducendas: certe (quod nobis hic satis est) experimenta unde illas repetunt, nullam, eo nervo inciso, resolutionem consequi ostendunt memoratorum musculorum. Sed utcumque hæc accipiantur; erant profecto Martiani temporibus ignota, velut alia pariter huc attinentia, quæ novissime dumtaxat patefacta sunt atque illustrata; ut neque ad ea quæ objecimus, neque ad id

quod continuo addemus, aliqua ratione declinandum, esse usui antehac possent. Nam quædam insuper Retinæ tunicæ resolutiones in oculo nonnunquam læsioni cerebri opposito a Valsalva ipso adnotatæ sunt.

19. Inter cæteras enim quas descriptas nobis reliquit, morbosorum cadaverum sectiones hæc forte invenio. Vir plus septuaginta annis natus, multos jam menses, imo aliquot annos languido incedebat motu, in colloquiis tarde respondebat, debili admodum erat visu; quin aliquando per intervalla sinistro oculo nihil videbat, etsi deinde videndi facultatem recuperabat. Hic cum antea laudabili appetitu comedisset, surgit sub auroram, fellæque insidet ad alvum exonerandam: quæ tria Valsalvam credo de industria adnotavisse; nam & cibi copia, & hora qua multus chylus jam in venas irrupit, & exonerandæ alvi conatus, multum, ut sæpe observavimus, possunt in laxatis, & semicorrolis vasis sanguiferis perurpendis. Igitur cum fellæ insideret, leviter queri cœpit, facie autem modo rubere, modo livere, modo pallere. Inter hæc, tota corporis pars dextra resolvitur, & homo intra paucas horas exanimatur. In cerebri ventriculis sanguis erat effusus. Sed vetustior causa, atque adeo locus unde prodierat, in ipsa cerebri substantia erat, quæ alte erosa fere ad extimam usque superficiem cerebri, & præterea in latum, ad pugni dimidium, inventa est. Hæc autem erosio Thalamum præsertim nervi Optici occupaverat, eumque dexterum. Hic miraturum te scio, erosionem tantam cerebri in eodem hemisphærio fuisse, cui latus corporis paralyticum, non sanum, respondebat. Sed de hoc postea (e) videbimus. Nunc illas attendere fatis est, quæ cerebro antecesserant, a Valsalva animadversæ, Retinæ sinistræ paralyse, dum dexter nervi Optici Thalamus eroderetur. Huc historiam adde quam legere poteris apud Lancisium (f), ægri de gravativo syncipitis, & oculi sinistri dolore perpetuo questii, morbi autem causæ in dextero meningum, cerebrique latere inventæ. Nam etsi dolorem ad distentionis potius genus, quam resolutionis nervorum referre deceat; Martianus tamen convulsionis in opposito latere se ostendentis rationem haud secus reddit, quam paralyse (g).

20. Cæterum quod ipse de exponenda ratione paralyse, adversam non reliqui solum corporis, sed etiam faciei partem invadentis, nequaquam animadvertit, ne alios quidem attendisse video, qui nostra ætate rem explicare, non commentis, sed anatomicis observationibus conati sunt. Omnes enim fere infra Medullam Oblongatam, quærendam sibi nervorum decussationem censuerunt. Primus enim Dominicus Miltichellius (h), etsi Oblongatæ Medullæ nomine abutatur; tamen si explicationem ejus, aut descriptionem, præsertim vero delineationem paulo attentius inspicias; nimirum illum designat locum qui ad anteriorem Spinalis Medullæ initium medius occurrit ad ima Corpora Pyramidalia. Hunc proximo anno, hoc est 1710. quantum ex Cl. Palfinio (i) intelligo, consecutus est apud Gallos idem quem supra (k) laudavi, Petitus, qui ad illum eundem locum crassos fibrarum (& hic quidem omnino medullarium) fasciculos decussari conspexit. Quam observationem sapius deinde confirmavit Cel. Winslowius (l), & ex nominibus Præcl. Santorinus (m). Mihi quoque in cadaveribus octo placitum est ut hæc perscrutarer. Sed etsi in cunctis, resecta, ut par est, diductaque rima, quæ inter Pyramidalia descendit Corpora, eadem ad inquirendum usus sum industria, ac diligentia; in tribus tamen, iisque ad hæc perquisitionem maxime idoneis, quod ad rem faceret, nihil vidi. In cæteris quinque, inter ea dissectis, plane conspexi in rimæ interiore parte, sive, ut sic dicam, fundo medullares extantes fibras, in aliis perpauca, in aliis paulo plures, in plerisque tenues, in nonnullis crassiores, in uno latera Pyramidali Corporum a medio horum longitudinis ad imum, in reliquis ad imum tantummodo conjungentes. Sed erant hæc fibræ in transversum ductæ,

(x) Quæst. 41. (y) Annot. ad Hippocr. Epid. l. 7. Sect. 1. vers. 377. (z) Vid. Sepulchret. Anat. Tom. 3. l. 4. Sect. 3. ad Obs. 7.  
(a) De Hippocr. & Platon. Decr. l. 1. c. 6. & 7. (b) Comment. in Hippocr. de Caput. Vulner. (c) n. 16.  
(d) Tract. Tab. 11. litt. A. C. (e) n. 25. & 26. (f) De Subit. Mort. l. 1. c. xi. (g) loc. cit.  
(h) Tratt. dell' Apopleff. l. 1. c. 9. & 6. & Fig. 1. (i) Anat. Chirurg. P. 2. ch. 5. (k) n. 16.  
(l) Apud Palfin. loc. cit. (m) Obs. Anat. c. 3. n. 12.



tae, ut vix in uno paucæ decussari, idque subobscuræ, sint visæ. Cæteras omnes tum in eodem, tum in reliquis cadaveribus inter sinistrum quidem, dexterumque latus interjectas esse, constabat; decussari autem, nedum quæ ab sinistro essent, eas in dextero, & quæ ab dextero, eas in sinistro descendere, & sic commutato latere, deorsum per Medullæ truncum pergere, non apparebat. Nec vero cætera vidi in rima altera, quæ huic in posteriore Spinalis Medullæ facie opponitur. Cum enim forte in mentem venisset eam quoque leniter diducere, qua ventriculi Quarti extrema latera ad angulum, quasi in calami mucronem, convenientia, in ejusdem rimæ suprema latera producuntur; inter hæc pariter fibras medullares in transversum commeantes inveni; decussatas autem satis perspicue non inveni. Quas me fibras in aliquot cadaveribus diligenter inspexisse non pœnituit, cum hæc ita pridem apud Cel. Anatomicum legi, has quoque non secus ac priores illas, decussari: quanquam si vel maxime decussarentur; hæc tamen ad rei propositæ explicationem minus attinerent propterea quia illa rimæ latera quæ inter sunt positæ, cum productiones sint, ut modo dicebamus, extantium laterum ventriculi Quarti, hæc autem Pedunculorum Cerebelli; ad hoc utique, non ad cerebrum, videntur esse referenda. Paremque ob causam vereor, ne ad hanc explicationem fibræ non faciant, quæ in utraque Annularis Protuberantiæ crepidine, & præsertim in anteriore, ab Solertissimo alio Amicissimoque Viro indicatæ sunt, quando fibræ quæ per ejus Protuberantiæ faciem ducuntur, ad eosdem cerebelli Pedunculos, attinent, ut res ipsa, & Figuræ ostendunt Præstantium Anatomicorum Vieussæni (n), & Ruyschii (o). Quin etiam cum anteriorem illam crepidinem in sex cadaveribus attente inspectarem; nihil usquam in duobus, in uno transversas fibras, in tribus reliquis ad summam illam angustioremq; crepidinis sedem tenues dextras sinistrasque fibras conspexi inter se ad angulum convenientes: num vero inde in adversum quæque latus transirent, satis perspicere non potui; erat enim res subobscura; paucæque erant fibræ; nec, si abraderem, aliæ quæ eandem sequerentur inclinationem, occurrerent.

21. Si igitur omnia quæ a me animadversa sunt, attendas; primum dubitabis, sintne fibræ quæ memoratis in locis decussari dicuntur, pro decussatis reapse habendæ, an pro transversis dumtaxat, atque ideo pro quibusdam quasi canalibus, ut vocant, communicationis, per quos æqualis utriusque fluidi copia conservetur: quorum exempla non modo in sanguiferis habemus vasis, sed in ipsis quoque habere videmur medullaribus fibris, ut puta in transverso illo fasce qui ante Fornicis radices inter crus dextero, & sinistrum Oblongatæ Medullæ interjicitur, itemque illis in fibris, quas paulo ante commemoravimus per faciem ductas Annularis Protuberantiæ; neque enim, ut a primo videri potest, sulco illo interruptuntur qui ad excipiendam arteriam in quam Vertebrales confluunt, in media Protuberantia excavatur; sed ibi tantummodo incurvatæ, non intercissæ, eadem pergunt in transversum, ut luculentissime in optimis cadaveribus sum conspicatus. Deinde vero ut illis omnibus in locis fibræ, si non cunctæ quæ dicuntur, at aliquæ saltem decussentur (neque enim usquam, multoque minus hac in parte meas aliorum observationibus antepono) ex illarum tamen numero certas quasdam a cerebello potius, quam a cerebro, deducendas esse, non negabis. Ad paucas igitur fibras redimus. Fibrarum autem decussatio paucarum exponendæ rei satisfacere non videtur. Cum enim plurimæ ab utroque cerebri hemisphærio ad Medullam, primum Oblongatam, deinde Spinalem, construendam fibræ demittantur, harum autem paucæ dumtaxat decussentur; profecto relinquitur, ut multo plures in Medullam recta producantur. Quid ergo est causæ, cur læso dextero hemisphærio, sinistrum corporis latus, quod pauciores ab eo hemisphærio fibras obtinet, resolvatur; dextero vero, quod multo plures, non resolvatur? Huc illud accedit quod

supra (p) indicatum est, nervos esse qui ante illas omnes decussationes oriantur, aut ad quos illæ non pertineant, cum ad ipsos tamen rei pertineat explicatio. Quæ cum ita sint; aut ego quidem plurimum fallor, aut aliorum adhuc, multoque plurimum fibrarum decussatio quærenda est, ut puta in Calloso Corpore, in quo cæteroquin *verisimilius* Lancisio (q) *visum est*, transversas illas, ac parallelas inter se fibras alterno ductu, alteram a sinistro hemisphærio in dextero ventriculi fornicem, alteram a dextero hemisphærio in sinistrum fornicem protendi.

22. Verum ut ab isto longiori quidem, sed fortasse, ob inferius (\*) dicenda, non inutili diverticulo in viam, hoc est ab rei explicatione ad rem ipsam redeamus; utcunque est de Aretæi, aliorumve cogitatis existimandum; illud certe negari non potest, docuisse olim Aretæum, si noxas capitis internas, & ab interna causâ factas resolutio consequatur, in adversa corporis parte consequi. Idem quoque non obscure posuit Laurentius, cum in ea quam supra (r) memoravimus, Quæstione indagandum suscepit, non illud dumtaxat, *cur sauciata alterutra capitis parte*, verum etiam *cur obstructo compressoque ventriculorum altero, opposita corporis partes resolvantur*. Attamen non æque manifestum est, an quod docuerunt posueruntque, ratione potius, & exemplo vulnerum innixi, quam experientia, & longa, ut Valsalva, serie dissectionum freti, proposuerint. Quin imo illa destitutos visos esse cæteris deinceps Medicis, non horum tantum in Apoplecticis istiusmodi Affectibus de re alioquin minime contemnenda silentium indicaverat; sed novissime apertâ nonnullorum dubitatio, atque adeo adversatio demonstraverat, & in his ipsius Bellini (s), qui oppositi lateris paralysem altera cerebri parte sive a vulnere, sive generatim a quacunque alia causâ, laborante, cum aliquando, & solo casu contingere, ut supra (t) vidimus; suspicatus est, tum vero quadam indicata historia paralyseos alterius solum lateris utrinque affecto cerebro, se quidem arbitrari ostendit, promiscue dari paralysem utriuslibet lateris, utriusque lateris cerebri, vel spinalis medulle laborante; quo nihil scribi disertius potuit, ad Aretæi sententiam inanem, & a vero alienam pronunciamdam. Neque aliter se censere, significarunt Medici duo famigeratissimi, quorum alter ante, alter post Bellinum scripsit aliquot lustris, Wepferus (u), & Baglivus (x). Cum enim singuli in singula ejus generis incidissent historias, quæ cum Aretæi dogmate in Hemiplegiis ab interna causâ ortis mirifice consentirent; perinde ac si hoc falsum, illæ autem fortuitæ essent; ne unum quidem in eam rem verbum addiderunt, & sine ulla animadversione transmiserunt. Quo magis dignus laude Valsalva est; & erit quicunque obsoleta, & pro falsis jam habita Antiquorum Inventis suis ipse observationibus in pristinam lucem splendoremque restituit. Hunc ego non dubitem vel primis illis earundem rerum Inventoribus anteferre. Illi enim verum dumtaxat docuerunt; hic simul tum falsum dedocet, tum verum docet; turpius autem est quod verum sit, pro falso habere, quam verum ipsum ignorare. Huc illud addendum est, quod multo difficilius accidit, ut res quæ vulgo falsa credatur, confirmetur, quam ut nova quæpiam reveletur. Nam si quis in illam forte incidat; ob opinionem tamen præjudicatam, facile negligit, se fallacia quadam decipi, suspicans; aut id quod videt, fortuito factum existimans: quo fit ut non sine pluribus, ac sapienter repetitis inspectionibus, nec sine longiori examine atque acriori possit ejusmodi res in antiquam lucem revocari: & quod hinc sequitur, ut si ab exercitato, & sapienti Viro revocetur, ejus multo magis rei, quam alterius prorsus novæ, certi esse posse videamur.

23. Et Valsalva quidem eam de qua loquimur, non nisi post annorum complurium labores, & quam plurimas cadaverum sectiones, revocavit. Quorum aliquot una cum ipso nos habuimus, & alias deinde, ut in *Adversariis* (y) indicatum est, & Bononiæ, & Venetiis, cum ejus dissectionibus prorsus consentientes, addidimus; nec aliæ post scripta *Adversaria* desunt, eodem exitu Patavii habitæ; nisi quod una de qua infra (z) dicemus,

(n) Neurogr. Tab. 5. 14. & seqq.

(o) Epist. Probl. 12. Fig. 2. & 6. Tab. 15.

(p) n. 18. & seqq.

(q) Dissert. de sede cogit. animæ.

(\*) n. 26.

(r) n. 13.

(s) De Morbis Capitis ubi de Paralyf.

(t) n. 14.

(u) Sepulchret. Anat. Tom. 1. l. 1. Sect. 2. Obs. 18.

(x) Ibid. in Additam. ad eand. Sect. Obs. 15.

(y) Vl. Animady. 84.

(z) n. 25.



mus, inter tot, & tam constantes observationes non respondit. Eas cum haberemus, nacti sumus aliquando occasionem cogitandi, an quod ille dogma ad cerebri hemisphæria contraxit, ad universum *ἡμίφαιλον*, hoc est ad cerebellum quoque, & Medullam Oblongatam, possit extendi. Agricola namque Bononiæ vidimus, annos triginta natum, plenioris habitus, qui postremis mensibus A. 1704. imbris, aliisque ejusmodi cæli injuriis vexatus, in cephalalgiam incidit, quæ neglecta, in hemicraniani dextri lateris degeneravit, cum maximo internoque auris dolore. His accessit sensus ponderis in sinistris artubus, & post paulo motus in his abolitio. Sanguinem e sinistro brachio miserunt: quæ res nihil adeo profuit, ut mox sensum quoque in isdem artubus amitteret. Tum vena secta in brachio dextero: candenti ferro ulcus ad occiput excitatum est: aqua sæpius data in qua coctæ herbæ ex his quæ capiti, nervisque auxiliantur. Post hæc iis artubus sensus rediit; non motus. Itaque semper ad eundem modum immobiles perstiterunt. Et gangræna quidem, jam tum ex decubitu in dorso oborta, non difficile victa est; non sic peripneumonia, quæ sub proximi Aprilis initium intra sex circiter dies hominem sustulit. Pulmones cursim inspecti, qui non duri quidem, sed nigri, & graviter læsi apparuerunt. At caput diligenter sectum, in quo egregie omnia constituta, nisi quod glandula Pituitaria æquo durior visa est, & quod maxime adnotatione dignum, inter os occipitis, & Duram Meningem cerebellum complectentem, a dextera quidem parte, hoc est, resolutis artubus opposita, drachmæ fere duæ concreti sanguinis inventæ sunt, quem jam diu in eum locum fuisse effusum, tum factor, tum color significabat; cum primo aspectu *chocolata* magis, quam sanguis esse videretur. Cæterum ea parælysis *immediatæ* cerebelli compressioni, an *mediate* vel huic subjacentis extremæ Oblongatæ Medullæ, vel incumbentis proximi cerebri hemisphærii tribuenda sit, alia alius generis observata in alterutro cerebelli hemisphærio vitia docebunt.

24. Quanquam hæc historia eo quoque pertinet, ut quod Valsalva disertè probavit, confirmetur: sanguinem videlicet non ab resoluta, sed ab sano hemiplegicorum latere esse mittendum. Quod ex genere historiarum cum plures afferri possent; unam præ cæteris indicare præstat, quam mecum Valsalva communicavit, acceptam a Præceptore suo, eodemque Promotore meo, Medico, dum viveret, Bononiæ Exercitissimo Paulo Salano. Hic mulieri, ex apoplexia utrinque resolutæ, cum sanguinem a dextris misisset, morbum solvit in sinistro corporis latere; deinde cum a sinistris misisset, solvit in dextero. Scilicet venæ dexterae cum ea capitis parte magis communicant, unde secundum Valsalvæ doctrinam, resolutio est a sinistris: & vicissim; ut potior medendi ratio eam doctrinam, & ea doctrina potior medendi rationem confirmet. Quemadmodum autem venæ sectionem, sic chirurgicas alias evacuationes a sana corporis parte instituemus. Auxilia vero quæ vi stimuli agunt, an resoluta lateri sunt potius adhibenda? si modo quidem, ut sæpe, ne in eo quidem latere nervi sint omnes resoluti, & nihil aliud spectare liceat, nisi ut congruens agitatio ad torpidum usque hemisphærium producat. Nam & alia spectare interdum oportet: ut in decubitu quoque eligendo. Si enim haud aliud spectes, nisi ut læsum hemisphærium minus gravetur, quo facilius scilicet possit restitui; nimirum optabis ut in resolutam partem æger cubet. Sin autem attendas, non modo quid resolutæ parti ex longo in ipsam decubitu accedere vitii possit, verum etiam quam facile hemisphærium etiampum sanum ab læso altero imposito vitari queat interdum compressione; alias effusi aut sanguinis, aut feri defluxu ex uno in alterum ventriculorum Lateralium, quam facile item alterutrius humoris pondere pellucidum ac tenue ventriculi utriusque septum dirumpi; hærebis scilicet, cum hæc cogitando; intelliges, & quantum periculi sit in ipsa decubitus mutatione, & unde sæpius acciderit, ut dum hic mutaretur, hemiplegia in absolutam apoplexiam, atque adeo in mortem mutata sit.

25. Magna igitur, ut semper in medicina facienda, Morgagni Epistole Anatomice.

sic quoque in ejusmodi rebus prudentia opus est, quemadmodum & in demonstratione ipsius sedis cujuscunque hemiplexiæ in opposito cerebri latere per anatomicum promittenda. Neque enim semper, imo rarius est hemiplegiæ causa organicum sub sensum cadens cerebri vitium; ut non semper in adverso latere prædicenda sit, quamvis semper intelligenda. Imo ne intelligenda quidem est semper; quota enim quæque res est tam late patens ut non aliquam interdum exceptionem patiat? Itaque inter legendum, in historias nonnunquam incidi, quæ Valsalvæ adversarentur. Ex quibus hæc in præsentia succurrunt, quæ in *Sepulchretum Anatomicum* relatæ sunt, ubi de *Apoplexia* agitur (a) in *Additamentis* sub num. XII. ex Brunnero una, & num. XIII. ex Baglivo altera; & ubi de *Soporosis Affectibus* (b) num. XXXIV. tertia ex Foresto, denique ubi de *Vulneribus* (c) num. II. §. 4. ex Smetio quarta, & num. VII. §. 2. ex Horstio quinta. His addi potest ex Pacchiono (d) sexta, tum ex Valsalvæ Schedis quam supra (e) descripsimus, septima, & nostra, quæ mox proponetur, octava. Quanquam nonnullæ videntur magis fortasse adversari, quam adversentur, ut quæ secundo loco indicata est, & quæ sexto. In hac enim cum anatomiae locus non fuerit, constare prorsus non potest, quid, & quatenus læsum esset, aut num sanieieductæ pars maxima ex altero cranii latere non proveniret. In illa autem, ut in novissima apoplexia se habuerit cerebrum, patet; ut vero se habuerit in prægressa, quæ una hic spectanda est, hemiplegia, non utique satis est manifestum. Verum ut in his, & fortasse in alia etiam aliqua cæterarum, aliquid dubitationis esse possit; in ea certe nihil est, quam octavo loco pollicitus sum. Scilicet agrestis mulier, quartum agens annum supra vicesimum, cum quintum jam mensem, & quod excurrebat, uterum gereret, apoplectico Affectu cum dexterae corporis partis resolutione correpta, mox abortum passa, vix horæ dimidio post hunc exacto, desierat vivere. Hujus cum uterus, & caput in ea Anatome quam A. habui 1724. publice in Theatro dissecarentur, vasa quidem turgidula in Tenui Meninge, & sub hac aquam, ut sæpius videre solemus, animadverti; illud vero longe præcipuum, quod intra ipsam dexteri hemisphærii substantiam ad exterius Striati Corporis latus, cavum quoddam latebat, duos, minimum, digitos quoque versum amplum, concreto sanguine oppletum: cujus cavi paries ventriculo dextero communis etiam erat alicubi semiruptus, tamen nihil fere sanguinis in eum ventriculum transierat, nihil autem omnino in sinistram, qui ut universum quoque ejusdem lateris hemisphærium, diligentissime quærenti mihi nullum prorsus vitium ostendit. Quæ cum ita essent; memini me sedulo percontatum esse studiosos plures Adolescentes, qui ægram attentè inviserant, num forte non dexterum, ut ante retulerant, sed adversum potius corporis latus paralyticum fuisset. Verum constanter & singuli, & universi, non sinistram, sed dexterum fuisse, confirmarunt; ut propterea mihi quoque liqueat, nonnunquam id latus corporis resolveri, quod læso cerebri hemisphærio subjectum est. Cujus generis observatione aliqua permotos olim crediderim Medicos, ut Aretæi doctrinam inanem ducerent. Sed in Medicina haud decet iis tam moveri quæ raro accidunt, ut quæ creberrima sunt, contemnamos. Utrum autem in hoc genere sit rarum, utrum creberrimum, longa Valsalvæ observationum series, & nostra quoque, haud ita brevis commonstrant. Mihi certe neque ante illam, neque post illam unam sectionem, unquam accidit, ut aliam haberem quæ cum eadem conveniret.

26. Veruntamen quid esse dicemus causæ, quamobrem id aliquando contingat? Non unum fortasse, & in aliis aliud. Nam primum sic mecum cogita secundum ea quæ supra (f) sunt disputata. Cum fibræ sint plurimæ, quæ passim ex utroque cerebri hemisphærio in Medullam, & hinc in nervos producantur, minime autem constet, omnes decussari; veri certe simile est, quædam esse in hemisphæriis loca, ex quibus profectæ fibræ sine ulla decussatione, recta

V in Me-

(a) Tom. 1. l. 1. Sect. 2. (b) Ibid. Sect. 3. (c) Tom. 3. l. 4. Sect. 2. (d) Dissert. Epist. ad Acad. Bonon. pag. 26. (e) n. 19. (f) n. 21.



in Medullam, nervosque procedant. Veri igitur simile est, ea tantum, aut ea potissimum loca vitari, cum paralytis subiectum, non adversum, corporis latus occupat. Et sic quidem in quibusdam rem explicabimus. In aliis vero alia, eaque præsertim utemur ratione quam ipse, cum de his ageret, Valsalva indicavit. Si enim fieri potest, quod ipse simul proposito egregio declaravit Experimento, ut quamvis utrumque hemisphærium æque vitiatum appareat, alterum tamen reapse magis vitiatum sit ob ejus meningum convulsionem, nullum quidem sui vestigium sensibile, at ingens nihilominus vitium relinquentem; quid porro prohibet, quin ipse ad eundem modum suspicer, circum id quod sanum videtur, hemisphærium, ejusmodi convulsionem primum contigisse, quamobrem adversum latus corporis sit resolutum, mox vero illam excepisse novum aliquod in altero hemisphærio vitium, non solum sub oculos cadens, sed tantæ etiam vehementiæ, ut hominem confestim necare potuerit. Quid, inquam, hæc prohibet suspicari, non sæpius quidem (sic enim & res minime verisimilis, & suspicio audacior, atque adeo primo ipsi proposito contraria esset) sed quod satis est, perraro, & nonnunquam tantum; nonnunquam enim, non verisimilia modo, sed ut Aristoteles (g) animadvertit, vel minus veri similia accidere, veri simile est. Sed de hoc ut volueris, ita ipse judicaveris.

27. De illo autem quod modo designabam, Valsalvæ Experimento cum & circa ipsum, & circa ipsius utilitates non pauca sane conscribi possent; de utilitatibus tamen noli hic longiorem a me sermonem expectare. Per pauca olim verba scripsi in *Adversariis* VI. (b) unde omnes satis intelligerent, quemadmodum eo posito experimento quædam resolutiones sive *universales*, hoc est, Apoplexiæ, sive *particulares*, hoc est, Paralytes, illæ quidem *ex universali*, hæc vero *ex particulari* Meningum convulsione deduci possent: quæ ex animadversione illa quoque, sua quasi sponte fluunt quæ pluribus ante annis in hoc Gymnasio, & multo etiam pluribus in Bononiensi Academia disputaveram: pro varia convulsione vi leviores, aut graviores; breviores, aut diuturniores; facilius, aut difficilius sanabiles resolutiones contingere: ipsamque adeo apoplexiam non raro homines interficere, quæ, si ab istiusmodi causa sit, nihil quicquam quod in oculos incurrat, vitii intra eorum cranium relinquat. Ea ipsa animadversio, fons, & origo istorum omnium, aliorumque de eodem genere, quinque post annis quam a me fuerat quam paucissimis quidem, sed satis, opinor, dilucidis verbis, meoque proposito sufficientibus, in lucem edita, usque adeo placuit Præstantissimis quibusdam Viris, ut perinde ac si *ipsis*, non Valsalvæ, aut mihi, *in mentem venisset*, non proposuerint modo, sed longa etiam oratione sint persecuti. Quo ego fortasse de illorum facto nullam unquam mentionem fecissem, si me nullo potius modo nominassent, quam ubi me experimenti quidem Valsalvæ testem, idque ex *Adversariis* laudarent, ibi animadversionem, ex eodem experimento deductam, fuisse in *Adversariis* pariter editam, siluissent. Hoc tamen illis debeo, quod de experimenti utilitatibus non sunt plura hic mihi verba facienda; quanquam non omnia probare possum quæ ab ipsis sunt facta; neque certe ab aliis omnia probata sunt. Mihi vero illud unum satis est, quod plane ex ipso experimento consequitur, ab arcta circum nerveas fibras constrictione, harum intimam ita vitari structuram, ut non minus hæc reddatur inutilis, quam si illæ essent amputatæ. Hoc enim est Experimentum: *Nervi cordis, ad jugulum canis, filo arte constricti, & illico soluti, adeo in structura insensibili labefactantur, ut canis intra aliquot dies eodem modo, ac si nervi illi amputati essent, inde moriatur; licet iidem rursus inspecti, in se nullum sensibilis læsionis vestigium ostendant.*

28. Hoc autem experimentum est adeo verum, ut Valsalva hæud semel viderit, inde canes vel multo citius interire, quam eos (de quibus postea (i) dicemus) quibus ipse nervos eisdem secuit. In ejus enim scriptis invenio: primum ipsum juniore catellæ Octavi Paris nervos circa laryngem ligasse. Ab ligatura

autem catellam obmutuisse. & quamvis paulo post vinculum ablatum sit, vulnusque confutum; haud amplius tamen apertam potuisse vocem recuperare. Sed vomituriendi conatibus vexatam, & hora ab ligatura circiter octava mortuam esse. Deinde vero alteri cani eosdem nervos arcto itidem vinculo constrinxisse, & mox solvisse. Hanc autem paulo post cœpisse pariter vomiturire, & sic vomituriendi ingenti conatu hora fere quartadecima ex quo nervi constricti fuerant, per os emissio spumoso sanguine, interivisse. Quem suspicatus est ex apertis ob magnos vomituriendi nifus pulmonum valis ejectionem esse, præsertim cum pulmones utrinque suffusos sanguine deprehendisset; præter quod unum, nihil in ejusdem canis dissectione invenit dignum quod notaret: ne quis autem credere posset, læsam forte, dum nervi retegerentur, arteriam Asperam id sanguinis emisisse, inspexit hanc sedulo, & prorsus inviolatam comperit.

29. Cum autem aliquando, me adjuvante, idem olim institueret experimentum; hæc quæ fideliter subjiciam, jam tum diligenter adnotavi. Illud primum, in Chirurgicis Operationibus attendendum, tunc longe vehementioris doloris indicia canem præbuisse, cum membranulæ inter Asperam arteriam, & musculos interjectæ, unguibus dissolverentur, ut ligandi nervi in conspectum venirent, aut cum hi ad filum subjiendum, nonnihil attollerentur, quam cum scalpello communia integumenta aut diffecarentur, aut a subiectis musculis separarentur. Cæterum cum dexter, sinisterve nervus in ipso collo arcte filo constringeretur, nihil canis observatu dignum ostendebat. Sed paulo post quam uterque ligatus est; tum enim vero thoracem, & collum violenter, ac crebro sinuabat, atque intorquebat; a dolore, ana convulsione, incertum. Solutus post exiguum spatium uterque nervus tum quidem altum constricti fili vestigium & quasi fulcrum ostendit, sed ante mortem, ut infra apparebit, oblitteratum. His ita observatis, & vulnere ex arte tractato, dimissa canis, tametsi minus alacris, minusque agilis, quam consueverat, tamen recta ad cubile ipsa perrexit suum. Postridie vidi, manuque pectori admota, nullam pulsationem sensi. Jam vero cœperat quæcunque sive ederet, sive biberet, mox ferme evomere. Quin assidue, inani quantumvis ventriculo, conatus redibat vomituriendi. Nihilominus triduum, aut quatrivium exactum erat, neque etiam tum canis pejus habere, quam primis diebus videbatur. Diei autem quinti vix dimidium abjerat, cum crebrum quendam reddere naribus sonum cœpit non secus ac si coryza laboraret. Jamque intra horæ dimidium prona, humi strata, magna cum thoracis dilatatione inspirare; expirare autem cum aliquo stertore, non parva inter unam atque alteram respirationem mora interjecta. Atque ita ad concubiam usque noctem se habebat, cum dormitum omnes ivimus; ipsa autem mane inventa mortua est. Quam diffecantes, contractum ventriculum, pulmones vero hic illic vidimus, quasi a remorato crasso sanguine, saturo admodum colore rubentes, semiconcretum in corde sanguinem, & parvam in sinistro ejus sinu polyposam concretionem; vulnus autem egregie constitutum, sicut & nervos, qui tantum aberat ut illud injecti vinculi servarent vestigium; paulo mihi sunt visi crassiores, quam essent priusquam vinculo constringerentur: in quo nisi forte deceptus sum; vide, an rem stimulo atque irritamento malis tribuere ob sectas, distractasque partes circumjectas, nervosque ipsos ligatos, an ipsi potius ligaturæ, vascula minima labefactanti, per quæ sanguis, lympa, aliussve humor, ut ultro citrove in nervis com meat dum ea vascula sunt expedita, sic restitet, moreturque necesse est, cum eadem rupta, aut gravissime sunt vitata. Verum quidquid fuit, tam leve fuit, ut Valsalva non satis agnosceret; ipse dubitarem. Cætera, seu visu, seu tactu judice, iis nervis omnino apparebant secundum naturam, quantum extrinsecus quidem licebat existimare; nam intrinsecus Valsalva, in ea cane, non inspexit, sive quod in multis aliis satis jam superque inspexisset, sive quod ob ner-



ob nervorum tenuitatem (parva enim hæc canis erat) eam inutilem crederet inspectionem, sive etiam quod satis suo instituto esse existimaret, nihil mutatum apparere faciem externam nervorum, cum præsertim intima ipsorum structura ejus rationis sit, ut quemadmodum secundum naturam fere nobis ignota est, ita gravissima; neque ea tamen a nobis agnoscenda, in se condere vitia possit. Ut ut est; si quid forte est quod præterea de hoc experimento ex me quæras, ut puta an hæc quoque canis amiserit, aut quatenus amiserit latrandi facultatem; nihil addere dictis potero; nam quidquam præterea neque tum scripsi, neque modo præclare memini.

30. Attamen satis multa sunt quæ ex hoc, binisque superioribus (k) experimentis addiscere possimus, si cum aliorum, & Valsalvæ ipsius aliis circa eosdem, aliove nervos experimentis comparantes, quas noxas singuli, & quod intra tempus animadverterint, diligenter attendamus. Primum namque Frid. Schraderus (l) a se, & aliis cum successu tentatum scripserat hoc experimentum: *ligatis nervis ad cor tendentibus motus hujus non turbatur saltem, multumque imminuitur, sed constrictis arctius vinculis animal vitam protinus amittit*. Neque aliter ante hunc Jo. Bohnius tradiderat (m): animal in quo ipse id tentavit, *fulmine quasi tactum a constrictis circum nervos Octavi Paris funiculis expirasse*. Sed & postquam suum Valsalva ediderat experimentum, Regiæ Scientiarum Academiæ Parisiensi a Cel. Varignonno relatum est (n), selem cui facta in collo incisione, ligati fuerant nervi, vi Octavi Paris cor, & pulmonem petentes, illico extinctam esse, sine ullo ullius partis corporis motu, factamque illo ipso temporis puncto tam rigidam, quam si a pluribus jam diebus fuisset mortua. Valsalvæ autem experimenta commonstrant, eos deceptum iri qui rem semper ad eum modum se habere, existimarent, ad quem Viris iis Doctissimis contigit, aut factis hoc experimento animalia statim corripiti apoplexia, quod recte adversus nonnullos Autores negavit Baglivus (o). Sed num recte idem ipsorum erroris causam conjecerit, ego quidem vehementer dubito. Vereor, inquit, ne Autores dum hoc experimentum faciunt, cum nervis ligent etiam arterias carotides illis unitas, & hac ratione animalia statim cadant apoplectica. Equidem sæpe in canibus animadverti, prope ipsa Asperæ arteriæ latera Carotides, & nervos de quibus loquimur, ita ferri conjuncta, ac intra communem quandam quasi vaginam comprehensa, ut nisi membranæ ex quibus hæc constat, aliæque breves quidem, sed per quas arcte nervi, & Carotides inter se cohererent, dissolvantur, universa hæc unius trunci specie possint imponere. Veruntamen ejusmodi errorem (quem in viventibus arteriarum saltem ipsarum pulsatio aperuisset) nec facile ausim in laudatis Viris suspicari, neque satis fuisse crediderim ad ea quæ observarunt, efficienda. Tribus enim canibus Valsalva cum ambas Carotides arterias vinculis arctissimis ligasset; nihil istiusmodi vidit accidere: quin unus tres, sex alter, & quod longe mirabilius est, tertius duos & viginti dies vixit, plures victurus, nisi re jam satis spectata, dissectioni subjectus fuisset. Verum hæc partite alias, & diligenter exequar, nec eodem pertinens, Galeni (p) experimentum omittam.

31. Nunc vero ne forte existimes, etsi constrictis illis dumtaxat arteriis mors repentina haud sequatur, sequi tamen fortasse ubi illæ simul, & nervi ligentur; prætermittere non possum, quid, simul utroque facto, a Valsalva sit observatum. Catellæ tribus circiter supra jugulum transversis digitis cum ab altero dumtaxat latere arteriam, nervumque vinxisset; illico notabilem corporis luctam cum aliqua latratus diminutione animadvertit. Tum altera quoque arteria, & nervo devinctis, canis quidem omnino siluit; sed majori nisu ipsius corpus urgebatur. Dimissa autem, variis modis, ebriæ instar, se jactabat, & tussiendo, atque oscitandi motus edebat. Pulsuerat summopere frequenti, & celeri. Una exacta hora, tardam, raramque respirationem habebat, magno nisu aerem attra-

Morgagni Epistolæ Anatomicæ.

hens, quem cum expiraret, quasi tussire videbatur. Iterum inquieta per ædes ambulabat: brevique morituram apparebat. Et reapse intra paucas horas extincta est; nam cum omnes cubitus iissent, famulus autem cui ea fuerat cura mandata, paucis interjectis horis ipsam reviseret, propter ædium fores invenit mortuam. Atque ut intelligas, quid videri possit iis dumtaxat arteriis constrictis, quidque iis item dumtaxat nervis, & quid demum utrisque simul colligatis esse adscribendum; quando retulimus quid in secundo, & tertio experimenti genere Valsalvæ observandum contigerit, satis est indicare, nihil eorum quæ in duobus hisce adnotata sunt, in primo animadvertisse, sed caput dejectum, difficilemque deglutitionem, quæ ne ipsa quidem diu perstiterunt. Illud tamen es admonendus, tertium experimenti genus non nisi semel, alterum vero sic instituisse, ut vincula injecta nervis mox solveret; non, ut in reliquis duobus generibus, jugiter adstricta relinqueret.

32. Quod tamen nequaquam prohibet quo minus Valsalvæ observationes cum eorum observationibus comparemus, qui ea adnotarunt quæ statim ac nervi ligati sunt, acciderunt. Qui mortem igitur statim accidisse, observarunt, iis longe aliter ac Valsalvæ, cecidit experimentum; Valsalvæ autem? imo vero longe aliter ac aliis pluribus qui ante, & post ipsos instituerunt. Nam nisi Galeno longe aliter cecidisset; nullo modo scribere potuisset (q) *nervos propter arterias, quas carotidas nominant, --- si noxa eadem ex iis, quas paulo ante recensuerat (recensuerat autem illam in primis quæ ligatura inducitur) afficiantur, animal reddere mutum, sic tamen, ut rucus quidam strepitus relinquatur, qualis stertentibus in somno fieri apparet*: cujus observationis causam quoque indicavit, quod Recurrentes videlicet nervi illorum nervorum pars sunt (\*). Willisio autem (r), qui aliquoties in canibus idem tentandum curavit, itemque Lowero (s), Verneyo (t), Baglivo (u) nonne canes dies exinde aliquot, aut, minimum, unum, & alterum vivere? Willisius tamen, & multo magis Lowerus in his a Valsalva discrepant, quod Willisio statim canis torpescere visus, & circa hypochondria motus convulsivos cum magno cordis tremore pati; Lowero autem non modo statim ab injecta ligatura corde palpitare, & contremiscere, sed & immediate corripiti quadam corporis lucta & contentione, quæ tanta & tam vehemens erat, ut, nisi firmis vinculis cohiberetur animal, difficile esset ipsum in eodem loco aut corporis situ continere: quæ res sane ad id magis accedit quod Valsalva constrictis simul arteriis, & nervis, quam nervis dumtaxat, observavit.

33. Verum in eo quod potissimum ostendi suo Experimento, Valsalva non dubitabat, hoc est, eos nervos vel brevi spatio temporis arcte vinxisse in idem recidere, atque amputasse; in eo, inquam, ipso plurimos habuisse videtur, qui vehementissime adversarentur. Nam Bidlous (x) scripsit, *ligatis vinculo tenaciore sæpius majoribus viventi cani femoris nunc Inguina, nunc genua versus nervis, --- solutoque post unam alteramque horam vinculo, nervum se reperisse in pristinum restitutum statum officiumque*. Sic etiam Frid. Wilh. Stokausen (y) confirmat, *cani se nervum ischiadicum fortiter constringentem observasse totum pedem evasisse paralyticum in initio tremulum, ultimo stupore plane sepultum; at laxato vinculo rediisse motum, manente tamen aliquali tremoris umbra*. Hæc tamen experimenta ab experimento Valsalvæ magis videntur discrepare, quam revera discrepent. Longe enim difficilius esse majores, duriores, arctiusque compactos hujusmodi nervos constringendo vitare penitus, quam illos in quibus suum Valsalva cepit experimentum, & res ipsa per se ostendit, & quæ Stokausen observavit, si cum iis comparentur quæ protinus afferemus, significant: quamobrem id quoque interest, quo in cane istiusmodi periculum facias, juniore, tenero, parvulo, delicato, an vetulo, duro, grandi, ac robusto.

34. Sed quid de Vesalii (z) experimentis dicemus, non in Axillaribus tantum, sed in ipsis etiam Recurrentibus canum nervis: quos laqueis, inquit, inter-

V 2

capio

(k) n. 28. (l) Addit. ad Vesting. Syn. c. 10. n. 7.

(m) Circul. Anat. Progymn. 6. (n) Hist. de l'Acad. R. des Sc. A. 1706.

(o) Dissert. 3. Exp. 8. (p) De utilit. Respir. c. 5.

(q) De Anat. Admin. l. 8. c. 5. (\*) De Loc. aff. l. 1. c. 6. (r) Nervor. Descript. c. 24.

(s) Traët. de Corde c. 2. (t) Apud Zeller. Dissert. de Vasis Lymph. c. 2. (u) loc. cit.

(x) Exercit. Anatom. Dec. 1. Exerc. 1. (y) Dissert. de Nervis n. 31. (z) De corp. hum. fabr. l. 7. c. 19.



*cipio* --- primum ex altero latere, ut nervo hic interce-  
pto, --- dilucide observetur, qui media vox pereat, totaque  
ambobus nervis laesis intercidat. Et si laqueos solvo, rursus  
redeat. Certe laqueis solutis, laryngi vocem, & quod  
consequitur, Recurrentes nervos ad suum officium  
redire, non Vesalius tantum, sed & quicumque rem  
sunt experti, confirmant, & in his Columbus (a),  
Casseri (b), & praesertim Riolanus (c), qui laqueo  
resoluto, vocem cum restitui, tum illico restitui, pla-  
ne testatur. Quid autem Valsalva magis adversum  
videri possit, quam ea sublata constrictione, qua nervus,  
vel suis minor, a munere cessabat, ad hoc protinus  
eundem redire; quando ipse perinde esse, tradidit,  
constringere, atque amputare? Neque tamen diffi-  
cile est respondere: quanquam; ne forte videamur  
peccare ipsi partium studio, & verisimilia potius,  
quam vera dicere; responsionem petere malumus a ve-  
tustissimo, & in ejusmodi experimentis, si quis alius,  
exercitatissimo Auctore, Galeno (d). Hic ergo cum  
diligenter doceret, quomodo nervos quosdam alios,  
nec sane crassos, modo constringendo, adimere ani-  
manti vocem; modo solvendo, statim restituere pos-  
semus, haec quoque monuit: „ Ut autem vocem subito  
„ animal edat, mediocri proderit constrictione. Nam  
„ nervi vehementius a circumdatis laqueis stricti,  
„ si durum sit linum, contunduntur: si tenue, in-  
„ tersecantur, incidunturque. Sic autem affecti, actio-  
„ nem in posterum vinculis ablatis obire non pote-  
„ runt. Quod sane observans ego, ut novistis, subinde  
„ chordulis validis, aut filis ex lana usus sum. Qui-  
„ dam vero nervi modice contusi, statim quidem mune-  
„ re suo, laqueis ademptis, non funguntur: paulo au-  
„ tem post proprium habitum recuperant. „ Igitur A-  
„ natomici illi quos paulo ante memorabam, si quantum  
iporum aliqui acres in Galeno reprehendendo fuerunt,  
tantum & grati fuissent in laudando, & diligentes in  
recensendo quae ab illo fumerent; quid inter ipso-  
rum, & Valsalva in constringendis nervis consuetu-  
dinem intercederet, per se, ac dilucide apparuisset.  
Ipsi enim mediocri; hic arcta, ut diximus, constri-  
ctione, & per lineum quidem filum, utebatur. Hinc  
eventus discrimen, ut ipsi laxato vinculo redire ner-  
vos ad officium; hic non redire, observaret. Atque  
utinam sic mihi liceret causas quoque ostendere, quas  
ob causas statim a constrictione Octavi Paris nervo-  
rum, multo graviora alii de quibus supra (e) dictum  
est, quam Valsalva animadverterint. Sed cum omnia  
quae opus esset, indagare, & experimenta aliis atque  
aliis rationibus saepius repetere in praesentia non va-  
cet; haud inutile tamen fuerit ea discrimina inter se  
comparasse, ne quod alicui aliquando successit, id univer-  
se pro perpetuo, constantique habeatur.

35. Hic illud me abs te interrogari posse video,  
num igitur quod Valsalva proprium credebatur expe-  
rimentum, id Galeno acceptum referendum sit, quando  
ex hujus, a me producto, loco apparet, jam tum  
ipsum luculenter docuisse: *nervos vehementius a circum-*  
*datis laqueis strictos, actionem in posterum, vinculis ablatis,*  
*obire non posse.* Ego vero non in hoc tantum, sed in  
eo potissimum vim propositi a Solertissimo Valsalva Ex-  
perimenti & agnovi alias (f), & nunc agnosco, quod  
nervus actionem, vinculis sublatis, obire nequeat, licet  
in se nullum sensibilis laesionis vestigium ostendat. Hoc  
enim, quod Galenus omittit; ne dicam, ex parte negat;  
illud est quo Valsalva nititur, & cujus gratia suum  
instituit, ac proponit experimentum. Qua ratione a  
me tibi, simulque alteri Praclarissimo, & erga me Hu-  
manissimo Viro, Sebastiano Rotario satis factum esse,  
putabo, quem, dum haec relegerem, eundem nuper  
(g) produxisse Galeni locum, animadverti. Caterum  
quod Valsalva dicit, *mori inde canem intra aliquot dies,*  
*eodem modo, ac si nervi illi (Octavi Paris) amputati*  
*essent,* non ita est accipiendum, ut intelligamus, iisdem  
prorsus correptum affectionibus, aut intra idem tem-  
poris spatium mori. Tres enim ita affectos, ut supra  
(b) docuimus, intra octavam, intra quartamdecimam  
horam, aut ad summum intra quintum diem vidit  
obiisse: multo autem serius, & aliquanto aliter affectos,  
quibus ipse quidem eosdem illos cordis nervos ampu-

taverat: ut constet, hoc voluisse, hoc satis ei fuisse;  
sive constrictis, sive praecisis hisce nervis, utrolibet  
facto nihilominus canem mori.

36. Quod ut planius intelligas, & has quoque Val-  
salva observationes cum caeterorum observationibus  
conferre queas; accipe unum, atque alterum, quod po-  
sterioris hujus generis scriptum reliquit, experimentum.  
Horum primum etsi junior habuit sub initium A.  
1689. cum Doctissimo Amico Hippolyto Francisco  
Albertino, nunc Bononiae Rei Medicarum Professore  
Celeberrimo, fuisse tamen, atque accurate descripsit; nisi  
quod aliquid, praesertim quod ad vocis privationem at-  
tinet, mihi videtur omisisse: rem a primo experimenti  
Auctore, Galeno (i) non modo non omissam, ve-  
rum etiam ea diligentia adnotatam, ut his nervis dis-  
sectis, aut constrictis, mutum quidem animal fieri,  
sed quendam, ut supra (k) etiam retulimus, stertoris  
similem strepitum relinqui, scripserit. At vicissim  
tamen is alia siluit: nec Lowerus (l), nec Vieussenius (m)  
(quanquam hic non semper) nec ipse ego, quod ad  
latratus observationem, aut certe adnotationem spe-  
ctabat, Valsalva fuimus diligentiores. Hic igitur ca-  
tellae dilute rubescentis coloris utrumque Octavi Paris  
nervum in collo rexit, & prope laryngem amputavit.  
Confuto vulnere, & vinculis cani demptis, haec  
statim vegeta cubiculum pererravit, si forte exitum  
inveniret. Sed in molli strato, & propter ignem  
(frigida enim erat tempestas) collocata, cum diligen-  
ter observaretur, illud primum adnotandum praebuit,  
pulsus factum celerem, & frequentem: mox post di-  
midium horae quadrantem, respirationem quae tum  
fieri incipiebat, & sensim magis magisque fiebat suspi-  
riosa, cum rara superexpiratione, hacque gravi: post  
ipsum autem horae quadrantem, tremorem cordis, in  
quo tamen suum pulsus ordinem servare videbatur;  
hunc cordis tremorem non levis totius corporis tre-  
mor excepit. Tamen autem Lowerus tantam illam de  
qua supra (n) memoratum est, corporis luctam, &  
contentionem inculcaverat, eorundem nervorum sive  
ligaturae, sive amputationi immediate supervenientem;  
ipsi quidem nil prorsus ejusmodi, quanquam attentissime  
observabant, animadvertere potuerunt. Una exacta  
hora, convulsivi apparuerunt motus, ut identidem  
propterea tum caput decideret, tum crura collabasce-  
rent. Haec eadem omnia; nisi quod cordis tremor  
remissus; toto illo primo quatuor & viginti horarum  
intervallo circumacto, etiam tum perstabant. Tunc  
pulmentum, sed magno cum partium interiorum stre-  
pitu, comestum, mox etiam carnis frustulum de-  
voratum est. Urina, & alvi recrementa secundum  
naturam ejecta. Tertio jam die spirandi difficultas aucta  
videbatur, stertori conjuncta. Nihilominus pulmen-  
tum deglutitum est, eodem cum faucium, ac thora-  
cis murmure. Lotium, ut insequenti etiam die, quo  
die nihil inane alimenti captum fuerat, redditum est.  
His autem diebus canem interdum quidam inanes quasi  
tussiendi, aut vomendi conatus, ipsi, ut videbatur,  
permolesti, corripiebant. Quarto etiam die minxit.  
Pulmentum solito quidem largius sumpsit; verum sex  
circiter post horis nihil mutatum magno cum strepitu  
evomit. Parum itaque, sed pluries deinde comedit  
tum eodem, tum proximo die quinto. Quo die magis  
conflictabatur conatu illo, tussiendi, & vomendi,  
inani saepius, aliquando spumofam pellucidamque ma-  
teriam ejiciente. Vegetior tamen nonnihil visa; &  
pulsu certe, ut die etiam quarto, meliore erat, hoc  
est minus celeri. Die sexto eodem illo conatu vel  
gravius vexabatur. At per cubiculum tamen bis am-  
bulavit, quo etiam tempore naturalia more sanorum  
excrementa dejecit. Caterum cum multum pulmenti  
solito cum murmure continenter deglutivisset, post-  
modum rejecit; deinde & multam albam spumofam-  
que materiam. Itaque appositum pulmentum alterum  
non nisi per partes, & intra horas circiter octo de-  
voravit. Septimo die non illis tantum nunc inani-  
bus, nunc spumofum serum ejicientibus vomendi,  
tussiendique nisibus crebrius, & vehementius affligeba-  
tur; sed & respiratio, quae antea in expiratione dum-  
taxat violenta esse videbatur, in inspiratione quoque  
ingra-

(a) De Re Anat. l. 14.

(b) De Larynge l. 1. c. 8.

(c) Anthropogr. l. 7. c. 1.

(d) De Anat. Admin. l. 8. c. 4.

(e) c. 30.

(f) Advers. VI. Animad. 44.

(g) Lettera all'Autore del Mondo Disingann.

(h) n. 28. &amp; 29.

(i) l. cit. c. 5.

(k) n. 32.

(l) Traët. de Corde c. 2.

(m) Vid. infra, n. 39.

(n) n. 32.



ingravescere cœpit, cum sibilo identidem, & stertore. Quæ omnia, minute quidem a nobis, sed ut ex comparatione infra apparebit, non inutiliter (\*) recensita, insequentibus etiam diebus modo graviora, modo remissiora observata sunt, donec decimo octavo die catella finem vivendi fecit. Dissecta nihil in ventre, thorace, capite morboſi ostendit; nisi quod nusquam in toto corpore, ne in omento quidem, ulum vel minimum vestigium pinguedinis licuit invenire. Quæ res opportunissima fuit indagare cupientibus, qui, aut unde profecti nervi cor adirent. Itaque postquam nervorum Octavi Paris, qua secti fuerant, extrema occalluisse conspexerunt; secundum eorum inferiorem ductum singulari sedulitate pergentes, tres quidem eorum nervorum propagines in ipsam cordis substantiam se se immittentes; nullam vero Plexuum Intercoſtaliū deprehenderunt.

37. Alterum hujus generis in alia scheda experimentum invenio, sed preſſius a Valsalva adnotatum, quibusdam tamen, præſertim quod ad vocem attinet, diligentius adscriptis. Scilicet alteri catellæ iisdem nervis supra jugulum ſectis, pulſus ſtatim factus eſt celer, & parvus; hic tamen ultimis vitæ diebus tardus eſt redditus. Vixit autem decem ipſos dies. Quo temporis ſpatio, ſæpius vomitu, & præſertim poſt cibi aſſumptionem, vexata, hunc rejiciebat. Difficilis erat deglutitio. Illud rariuſ, quod die nono præ magno frigore latravit; cum ſuperioribus diebus verberibus de indultia excepta, latrare quidem conaretur, ſed non poſſet. Nihilominuſ huic quoque, ut mortuæ diſſectio confirmavit, utrumque Octavi Paris nervum penitus incidit. Cæterum ab nullo præterquam ab eo Pari profecti, nervei furculi ad cor pergebant. Pinguedinis, eſſi vix ſenſibiles, tamen aliquæ etiamtum erant reliquæ; credo, quia necdum tandiu, quandiu prior, poſt nervorum diſſectionem catella hæc vixerat. Quidquid autem cibi poſtremis diebus retinuerat, id omne intra œſophagum ab hujus initio ad ſiniſtrum uſque oriſcium ventriculi, nulla ejus facta mutatione, continebatur.

38. Nunc quando hæc quoque Valsalvæ habes experimenta; comparationem iſtituas licet inter ea quæ ſemel conſtrictis, & quæ diſſectis iisdem nervis obſervavit. Neque enim, ut Loweruſ (b) videtur credidiſſe, eadem, aut intra idem tempuſ ſunt conſecuta. Quin citiuſ canes a conſtrictis, quam a ſectis nervis interiire. Quod ſi ita ſemper, aut ſæpiuſ contingeret; non a ſublato dumtaxat eorum nervorum officio, ſed & ab irritamento fortaiſſe a conſtrictis nervorum partibus ob reſtitantes ibidem pluſ, minusve humoreſ illoſ, de quibus cum tertium primi generis experimentum deſcriberemus (p), indicatum eſt, aut ob aliam aliquam obſcuriorem cauſam aut ſemper, aut ſæpiuſ propagato, moſ illa celeriſ videtur repetenda; ut puta, ſic contractis tenuiſſimis nervorum fibrillis, ut influxum, motumve a Spinalibus nervis, quod tum deeſt, velut infra (q) dicemus, utcuſque ſupplementis, minus apte accipere, & ad cor tranſmittere jam poſſint.

39. Sed & quæ amputatis nervis a Valsalva ſunt animadverſa, cum iſis conferre juvat quæ alii, eodem iſtituto experimento, ſe animadvertiſſe, tradiderunt, in primis autem quæ Georgiuſ Baglivuſ (r). Hic quod nona die mane maximuſ ululatuſ, & latratuſ feciſſe canem, ſcribit, quamvis antea mutuſ fuerit; quod viſcera omnia ſana fuiſſe, œſophagum dumtaxat per univerſam longitudinem cibo antea ingeſto repletuſ; quod denique ſe facta diligenti inſpectione in pluribus canibus, ramos nervi intercoſtaliſ ad cor venienteſ obſervare non potuiſſe; videtur ſane Valsalvæ obſervationeſ ſummopere confirmare. Verum quid, ſi eſſent eadem, neque omni tamen ex parte ſatis diligenter, fideliterque deſcriptæ in eo præſertim quod pro veris, aut certe præcipuiſ, de quibus ſilet, Obſervatoribuſ, ſe illiuſ experimenti auctorem proponit? Certe habitum Bononiæ haud negat. Bononiæ autem cum ego eſſem recentî adhuc earum

rerum memoria, eoque eſſet Baglivi liber importatuſ; iniratuſ vehementer eſſe Valsalvam memini hominiſ negligentiam hanc tantam; ne quid graviuſ dicam; & oblivioneſ, eoque magiſ quod ſibi in proximo Experimento ſociuſ Cl. Guilielmuſ fuiſſe, ſcriberet, quem id ipſum aiebant negare. Quæ quoniam haud dubito quin Valsalva fuiſſet monituſ, ſiquando ad hæc ſua vulganda experimenta animuſ appuliſſet; idcirco ad te ſcribenda eſſe, cenſui primuſ quidem ut ipſi, pro ſuſcepto officio, aſſererem ſua, deinde vero ut te in tua iſta antiqua opinione confirmarem, minus diligentem, minusque ſolicituſ de vero conſcribendo in nonnulliſ ſaltem lociſ fuiſſe Baglivuſ (Auctorem alioquin, quod ultro ipſe, ac libenter fateor; ſua laude dignuſ) quam multi, Exterorum præſertim, ſuſpicari viderentur: quanquam poſtea cum apertiſſimæ Pacchioni (ſ) querelæ, tum vel maxime, permodiſ illa Inclytæ Academiæ Bononienſiſ Cenſura (t), quæ hæc ipſa quoque designat experimenta, plerorumque oculoſ fatiſ recludere potuerunt in re potiſſimuſ quam eſſi liceat in aliuſ generiſ Scriptoriſ diſſimulare; in iſiſ certe non licet qui hiſtorica fide reſ præſertim Medicæ, atque Anatomicæ humano generi prodendaſ ſuſceperint. Sed noſ interea cum alioruſ obſervationibuſ, Valsalvæ obſervata comparemuſ, Williſio tamen omiſſo; non quod iſ, ut Baglivuſ (u) ait, non amputaverit nervoſ, ſed dumtaxat ligaverit filo; nam etiam penituſ eoſdem diſſecuit, ut diſerte ipſe (x) in illo eodem loco quem Baglivuſ laudat, expoſuit; verum quia non ab initio ſecuit, ſed poſteaquam ligaturæ effectuſ obſervavit; ut mixti generiſ Williſianiſ fuerit experimentuſ. De Lo ero autem, ſatiſ ſupra (y) indicatuſ eſt, quod ad luſtam illam attinet corporiſ, & contentioneſ. Diem vero unuſ & alteruſ, miſerum animal --- languidam vitam protrahere, & brevi tandem exſpirare, credo equidem, Loweruſ (z) pariter videre potuiſſe; verum ad multo pluſ dieſ poſſe etiam vivere, ex Valsalvæ patet experimentiſ. Atque illud præcipue ex horuſ comparatione addiſcenduſ eſt, ne intra nimis anguſtoſ fineſ, tanquam minime prætereundoſ, animaliuſ vitam coerceamuſ, quibuſ Octavi Pariſ nervei fuerint amputati. Olim quidem fuiſſe qui ſtatim ab eoruſ amputatione animaliuſ morteſ expectare potuerint, ſatiſ indicat opinatio quam Riolanuſ (a) conſutavit, demonſtrando multotieſ, iſtiſ nerviſ reſectiſ animalia vivere, & currere. Hac vero tempeſtate eſſi inter amputationeſ, & morteſ, ſatentur, ſpatiuſ aliquod temporis intercedere; non deſunt tamen qui Loweruſ, opinor, ſecuti, biduū, ut longiſſimuſ intervalluſ, conſtituant. Quid? quod Vieuſſeniuſ ſine ulla hæſitatione, aut exceptione ita experimenti effectuſ in Neurographia (b) propoſuit: animal illico languore future mortis prænuſcio afficitur, tremuloſ motuſ patitur, vires illiuſ ſenſim labuſcunt, & intra viginti circiter horaſ vita deſtituitur: quoruſ pleraque, & hoc præſertim poſtremuſ, num conſtanter, perpetuoque obſerventur, ex iſiſ quæ ſupra expoſita ſunt, intelligitur. Et quamvis idem poſtea in illiſ quæ de Sanguine, & Corde ſcripſit, noſque in Bibliotheca Anatomica (c) legimuſ, ejuſmodi animaliuſ vitam ad aliquas horaſ, imo & aliquando ad dieſ integroſ extenderit; attamen ad illud primuſ rediit in noviſſimo, quem gallica lingua de Corde edidit Tractatuſ (d). Diſerte enim affirmavit, „experimentiam noſ docere, quotieſcunque inciduntur ambo nervei intercoſtaleſ caniſ ad „eoruſ in cavuſ pectoriſ ingreſſuſ, id animal, „quantuſvis magnuſ, atque robuſtuſ, continuo „a latratu ceſſare, recuſare cibum, & potionem, ac „mori ante 24. horaſ. „

40. Non me præterit, hoc Vieuſſenii experimentuſ

(\*) Vid. etiam num. 45. (o) c. cit. (p) n. 29. (q) n. 45. (r) Diſſert. 3. Exp. 7.

(ſ) Vid. inter Diſſert. ult. edit. de Dura Meninge Diſſ. x. ad Acad. Bonon. pag. 16.

(t) Comment. de Bonon. Sc. Inſtit. Vid. Anatomica, ubi de Dura Meninge pag. 135. & ſeq. (u) loc. cit.

(x) Nervor. Deſcript. c. 24. (y) n. 32. (z) loc. cit. (a) Anthropogr. l. 7. c. 1. (b) l. 3. c. 4.

(c) Part. II. ubi de Corde. (d) ch. 6.



tum longe aliud videri, quam illud de quo hic a nobis est sermo institutus. Alii enim sunt Interco-stales nervi; alii Paris Octavi. Sed in collo plerarumque animantium, & certe canum, in quibus hæc institui solent experimenta, ita utrique nervi conjunguntur, ut nihil interesse videatur siue hos, siue illos, siue utrosque secari, aut vinciri, dicas. Eaque de causa factum puto, ut Vieussenius ipse cum ter hujusmodi experimentum memoraverit; in *Tractatu Interco-stales*, ut diximus; in *Neurographia* autem, & *Bibliotheca Anatomica* utrosque (quod & nonnulli post fecerunt) nervos nominaret; in illa videlicet sic: *ejusmodi nervis (paris vagi) una cum nervis per interco-stale constituentibus, circa cervicem ex transverso recisis*; in hac autem iterum, ac tertio ad hunc fere modum: *nervi octavi paris, & bini interco-stales circa ingressum in cavitatem pectoris scinduntur*. Et fane cum Interco-stales solum nominavit, si hos solos dissectos intellexisset; consequeretur, ipsum docuisse, quod veri simile non est, citius mortem sequi his dumtaxat, quam his, & Vagis simul incisis. Quod autem de Vieussenio conjicio, id de Valsalva affirmare pro certo possum. Hisce enim ipse oculis vidi, cum nulla facta; facta autem? imo vero ne tentata quidem nervi ab nervo separatione, utrumque, ut erat a natura, conjunctum vinciret. Huc adde, cum toties, & tot in schedis istiusmodi experimenta, a se habita, describeret, neque interdum quos inter musculos scalpellum demississet, aliaque hujus generis omnibus obvia prætermitteret, nullum unquam verbum de minime facili nervi ab nervo separatione, & distinctione injectisse. Sed ne ab ullo quidem eorum injectum esse, meminimus, quos hujus generis diximus instituisse experimenta.

41. Unus est Willisius, qui id leviter indicasse videri possit (e), cum rem in hunc modum proposuerit: *experimentum sequens in cane vivo, aliquoties tentari curavimus: circa jugulum cute per longum discissa, utrique Paris vagi trunco seorsim arrepto ligatura valde stricta injiciebatur: & paucis interjectis: nec postquam nervi isti penitus diffecarentur &c.* Ne autem credas seorsim arreptum dixisse, ut illud tantummodo intelligeremus, non adhærentem quoque arteriam Carotidem (f), sed nerveum dumtaxat truncum ligandum curasse, non una ratio videtur posse suadere. Illa primum, quod in eodem libro (g) ipse quidem Willisius agnoscit, in plurimis brutis Vagum, & Interco-stalem nervos a cranii fere basi ambos sub eadem communica capsula involutos, quasi unicus truncus essent, simul ferri, donec e regione primæ costæ pervenitur, ibidemque plexu constituto, nerveum interco-stalem pari vago abscedentem, in plexum Thoracicum deferri, simulque nerveum alterum, inter hunc & istum plexum protendi; sed mox tamen monet, utrosque in toto illo tractu usque distinctos manere, & membrana dissecta, facile ab invicem secedere, nisi quod fibrillis quibusdam ab invicem emissis in quibusdam locis connectuntur. Atque ut hæc ratio præclare ostendit, secundum Willisium nerveum Vagum in canis collo seorsim ab Interco-stali arripi, ligari, & secari potuisse; ita ratio altera commonstrare videtur, sic etiam fuisse. Quærenti enim, cur sectis, ligatisve Vagis nervis qui in brutis animantibus cordi prospiciunt, cor tamen pergat moveri tandiu? Willisius hoc etiam respondet (h): *in brutis a plexu interco-stali surculum in Paris vagi truncum efferri; adeo ut devio hoc tramite spirituum animalium, si influxus per solitos canales inhibetur, stillicidia quadam cordi accieri possint*. Atqui iste interco-stalis plexus ille idem est, ut descriptio (i) ostendit, quem & Thoracicum appellabat, primus videlicet Plexus nervi Interco-stalis postquam a Vago se infra collum sejunxit. Quid ergo prodesset ab Interco-stali nervo suppetias petiisse, si hunc quoque una cum Vago constrinxisset, atque amputasset?

42. Hæc etsi ita se habere videntur; tamen est quod attendere vicissim deceat. Nam primum, quod ad hanc secundam rationem attinet; ita cum Plexum nervi esse Interco-stalis, Willisius (k) statuit, ut tamen ad ipsum efficiendum tres etiam vel quatuor ramos a ner-

vis quoque vertebralibus deducat, quos certe ramos, ligatura, aut sectione; in collo facta, nervi Interco-stalis, necesse non est prohiberi quo minus tum illi Plexui, tum per surculum, ab hoc in Vagum nervum transmissum, huic quoque, & per hunc cordi utcumque prospiciant. At enim Valsalva noster nullam ab eo Plexu Interco-stali propaginem videre potuit quæ cor subiret, sed aliquot a nervo dumtaxat Vago. Fateor. Sed num propterea nulla quoque fuit quæ ab eo Plexu Vagum nervum adiret? aut si nulla fuit; quid hoc ad propositam rationem? Hæc enim eo nitebatur quod Willisius poneret; non eo quod revera esset: quanquam veri simillimum est, aut illam, aut aliam aliquam ejusmodi esse viam per quam ab nervis Spinalibus, aliisve suppetiæ cordi ferantur, eæque tanto majores, quanto plus est quod tunc potest per reliquos nervos suppetitari, cum vix quidquam corpori impenditur per vias, antea celeberrimas, Interco-stalium, Vagorumque nervorum siue laqueis constrictas, siue contractione, & callositate, quæ amputationem consequuntur, oclusas: quas nisi suppetias agnoscas; in eo plurimum labores, ut quo cor modo, non horas, sed dies, neque perpauca, sed duodeviginti (l) moveatur, intelligas. In quo tanto magis est laborandum, quod illa quoque prima ratio non est in canibus tam expedita, quam secundum Willisii descriptionem videtur.

43. Erat illa: incolumi nervo Interco-stali, posse in bestiarum collo Vagum dumtaxat arripi, arreptumque ligari, aut scindi. Ego vero cum hæc diligentius in cane quærerem, & tunicam qua simul ambo, per collum, nervi convestiuntur (*capsulam communem*, & *vaginam* appellat Willisius; ego ab Dura nervorum Meninge non distinguo) secundum longitudinem diduxissem; neque ullum notabile divisionis vestigium vidi, neque potui, vel distrahendo, divellendoque, alterum ab altero nervo recte separare, aut saltem internoscere: omninoque unum potius truncum, quam binos, vidi; ut minime intelligerem, qui fieri posset, ut Vagus, non Interco-stalis, nervus in colli indicato loco seorsim arriperetur. Tantummodo postquam unus ille truncus thoracem subierat, & in olivarem illum Plexum excreverat, quem Willisius (m) Plexum vocat inferiorem in trunco Paris vagi, seu potius in communi utriusque Nervi vagina consistentem; sicuti ab hujus Plexus interno latere rami deorsum profecti, pulmones & cor versus pergebant, & in iis major ramus, quem deinceps constabat truncum esse Vagi Paris, magis e directo uni illi superiori trunco respondens; ita ab externo Plexus ejusdem latere duo minores nasci videbantur rami, qui mox Interco-stalis trunci initium fiebant. Itaque manifestum erat, non nisi intra thoracem, qui in experimentis propositis neque attingitur, neque est attingendus; unum potius, quam alterum nerveum, aut ligari, aut scindi potuisse.

44. Eandem utriusque nervi per collum descendens in unum truncum unionem atque coalitum in aliis etiam in quibus perquisivi, canibus deprehendi. Cum enim me Willisii auctoritas impulisset, ut rem sexies, septiesve ad examen revocarem; tametsi levem nonnunquam, attentius inspectando, lineam conspiciebam, quæ indicium esse divisionis secundum longitudinem videretur; tametsi alias in transversum diffecando, & qua diffecueram, exprimendo, papillas quasi duas aliquando extrudebam, multo crassiorē unam, alteram tenuiorem; tamen neque ea linea ut plurimum, & pro duabus tres interdum papillæ existebant: quarum cum maximam eandemque molliorem, unguibus arreptam, e communi tunica aliquando protraherem; equidem nerveum quasi quendam educere videbar; sed duo præterea, minor, & minimus, reliquis papillis respondentes, intra tunicam relictæ, cum eaque connexi secundum longitudinem spectabantur; ut si hæc divisionis ratio, in trunco quem a corpore sejunctum in manibus teneas, non semper facillime successuræ, in ipso collo viventis canis vel facillime locum haberet; non tamen pro certo posses de tribus fasciculis constituere quos pro Vago nervo, & Recur-

(e) c. cit. (f) Vide supra, n. 30. (g) Descrip. cit. c. 29. (h) Ibid. c. 24. (i) Ibid. c. 23. (k) Ibid. (l) Vid. supra, n. 36. (m) Descript. cit. Explicit. Tab. X. 2d F.



& Recurrente (nam Willisius quidem (n) *sub eadem* illius *tunica* hunc quoque *revera distinctum* tradit) incidere; quem pro Intercoſtali relinqueres. Quod si ſcalpello aut ſecundum papillarum interſtitium, aut ſecundum illam de qua dictum eſt, lineam ſeparationem aggredere; tum enimvero vel in brevi tractu apparebat, quam difficilis, quamque longa per univerſum collum futura eſſet, præſertim vero quam incerta ob arctum videlicet ſciculatorum coalitum: quos ſi diſtrahendo ſejungere conarer; lacerabam potius, quam dividebam; nam cum in duos diſiſſem, hos ſingulos iterum in totidem, ſi vellem dividere, eadem ratione dividebam. Quæ rerum obſcuritas, ſeparandique rite atque ex arte difficultas, quantum memini, ad eundem modum olim mihi, etiam in ſue animadverſa eſt: ut optandum videatur, fuiſſe a Willisio nominata bruta animantia in quibus aliter invenit. Ego certe ex eadem etiam aut non ita abſimili rerum diſpoſitione, aut obvia ſaltem conjunctione factum crediderim, ut cum Anatomici olim beſtias, & præſertim canes, ſueſque multo ſæpius quam hominum corpora diſſecarent; ſerius omnino (quando Euſtachii diligentiffimi Profeſſoris Tabulæ latebant) Intercoſtaliū nervorum trunci per collum oſtenſi fuerint; nam Veſalius (o), & qui diu ipſius delineationes retinuerunt, incipiebant ad ſummarum tandem coſtarum radices eos truncos, quaſi Vagorum ipſorum ramos, demonſtrare.

45. Cæterum ſive utriuſque in unum coalitu, ſive etiam mavis communis dumtaxat membranæ integumento, aliave ratione decepti ſunt; ego ut propoſui, ita in canibus rem inveni, quo in beſtiarum genere hæc de quibus loquimur, haberi ſolent experimenta. Quorum ut iudicium recte fieri, & fructus amplior colligi poſſet, qui, & quot nervi in ipſis ligentur, aut amputentur, & qui certe a Vallaſſa ligari, aut amputari conſueverint, ſilentio haud erat prætereundum. Nam quod hæc antea minus agitata, & excuſſa fuerant; hinc factum video, ut aliqui vel docti homines ita de huiusmodi experimentis iudicaverint, ut cordis motum, vitamque canis in quo nervi Paris Vagi diſſecti ſint, accepta eſſe referenda cenſuerint propaginibus ex intercoſtaliū Plexu Cervicali cor adeuntibus: quem Plexum (ut omittam, non canibus, ſed hominibus contigiffe) amputato prope ipſius ſedem una cum Vago, ſuo quoque Intercoſtali nervo, magnum capturum fuiſſe detrimentum, maniſeſtum eſt. Itaque in hiſce experimentis animadvertere oportet, tot tantosque ramos utrorumque nervorum per collum, thoracem, ventrem diſſuſos, Plexus item ex iis ramis coaleſcentes, & viſceribus prope omnibus inſervientes, uno icſtu ab truncis, & originibus abrumpi ſuis, neque tandiu ſuis quemque muneribus utcumque ſuſſecturos, niſi tam crebra Spinalium nervorum cum Intercoſtaliſus commercia intercederent. Quæ ut quid faciant, exiſtimare melius poſſis; idcirco minutas illas Vallaſſæ obſervationes, plerorumque viſcerum officia, & vigorem eo tempore indicantes, hanc etiam ob cauſam perlibenter deſcripſimus.

46. Atque hæc erant a nobis jam diu perſcripta, cum tres, alius alio tempore, ad nos allati ſunt libri, de quibus, hanc Epistolam recognoscentes, hic aliquid attingendum cenſuimus. Primus Opus Ampliſſimi Lanciſii Poſthumum fuit (p), in quo *ligato nervo paris vagi*, non utriuſque, ſed *unius lateris, turbari quidem, non vero deficere motum cordis*, affirmat: quod tanto ipſe facilius intelligit, quia præter nervum comparum alterius lateris, alios præterea e vertebris egreſſos nervos, eoſque plures proponit (q), cordi ſubſervientes: quos qui agnoſcat, non ei difficile ſit vel utroque nervorum Vagorum conſtricto, aut incifo, rationem reddere vitæ canis longius aliquando productæ. Et fane (ut ſuperius deſcripta omittamus experimenta, quibuſcum tamē & ea quæ hic attingemus, prudenter conſerri volumus) utroque illorum nervorum conſtricto, ad decimum vita producta eſt diem; incifo autem, non ultra biduum in canibus duobus,

in quibus Monſpelii olim experimenta hæc ſumpſit Cl. Courtenius: quod ex Specimine didici *Tranſactionum* (r), ut vocant, Philoſophicarum Regiæ Societatis Londinenſis, quas de lingua anglica in noſtram ab ſe converſas, de utraque egregie meritis Eques Doctiſſimus Thomas Derehamius benigne ad me aſſerendas curavit. Eorum canum alter, cui ſecti videlicet nervi fuerant, illico factus eſt languidus, & cum facillime aerem inſpiraret, inſpiratum continuo magna cum vi, ac ſuſpirans reddebat. Quodcumque cibi genus reſpuens, interdum vomebat, aut certe vomituriebat. Alter autem crebro vomebat, nec niſi clam edere volebat, ſuſpirando reſpirabat, eratque ſummo languore affectus. Noviffime autem id a me volumen acceptum eſt, quod multo antea maluiſſem, Commentaria Regiæ Scientiarum Academiæ Pariſienſis Anni 1727. In hiſ enim Medici Præſtantiffimi Petiti complura legi experimenta, in quibus eos quos ſæpius memoravimus, nervos canibus ſecuit e regione tertiæ quartæve cervicis vertebræ, nonnunquam utroque in latere, ſæpius in alterutro. Eorum quibus utroque in latere, mortui omnes ſunt alius ſeptima poſt hora, alius duodecima, alius tertio die, alius quarto, ſeptimo alius. Primus aſthmatici inſtar magna inſpiratione cum ſtrepitu, & ſibilo, alter magnis reſpirandi difficultatibus, cordiſque palpitatio-nibus correptus eſt, tertius quæ paulo ante comederat, vomuit, poſtea neque edere, neque bibere voluit quidquam, ut nec quartus, qui omnino non vomuit, contra quintus evomit ſemper quæ comedit, ac bibit, inquietus admodum, cordiſque tremore affectus, non tamen difficultatibus, quæ magnæ eſſent, reſpirationis. Eorum autem quibus alter dumtaxat nervus eſt amputatus, unus, haud amplius, interiit, altero & viceſimo die, cum cibo ſupra modum ſe ingurgitaſſet; aſide enim jam edebat, cum temporis ſpatio eadem quæ canem illum primum corripuerant, mala remiſiſſent; quæ tamen, cum biberat ac comederat, aut ſiquando ira acceſſerat, exaſperabantur: ſere ſemper vomituriebat; interdum vomebat, idque maximis conatibus. Alter quoque fuit qui poſtridie difficile reſpiraret, tertio autem & quarto die cibi ſumere nihil vellet; ſed quinto jam & comederat, & minus difficile reſpirabat. Huic nulla unquam cordis palpitatio, nulla vomituritio; ut nec quinque reliquis, ſi unum aut alterum excipias, qui a ſumpto cibo vomituriebant. Hiſ quinque nihil præterea memoratorum malorum; quin reſpiratio erat ſecundum naturam. Cum vero eorum quibus uterque ſectus eſt nervus, nullus ſit qui ſervaviſſe vocem narretur; imo duo continue amiſiſſe dicantur; ex octo quibus alteruter eſt amputatus, quinque ſervarunt, tres amiſerunt; ſed nullus eorum amiſit quibus ſiniſter incifus eſt nervus; hi tres fuerunt, quorum duobus vox tantum clarior facta eſt ac debilior. De quinque autem quibus conſectus eſt dexter, duo vocem ſervarunt, tres amiſerunt; & ex hiſ tribus alter eſt mortuus: & quamvis in hiſ quinque unus fuit cui feliciffime res ceſſit; duobus tamen accidit, ut gravius quam illi qui a ſiniſtris ſecti fuerant, laborarent.

47. Sed hæc tu planius apud Cl. Auctorem videbis. Ego hic preſſe in eum ordinem collegi, quo facilius poſſes cum iis quæ ſupra deſcripta ſunt, comparare, & quæ perpetuo, quæ crebro, quæ ſecus fiant, dignoſcere; ea vero quæ aliter in aliis contingunt, variæ corporum diſpoſitioni, ac nervorum præſertim diſtributioni aſſignare. Illud, ſi quod aliud, perpetuum Vir. Cel. animadvertit quod aut nemo antea attenderat, aut ſi Willisius (ſ) forte indicaverat, cum *ligatura valde ſtriſta* hiſ nervis *injecta*, ſcripſit, *brevi canem ſine vigore quovis aut vivido aſpectu, quaſi moribundum jacere*; proſecto ambigue adeo, & obſcure, ut nemo intelligeret, indicaverat. Scilicet brevi ab utriuſque, aut alterutriuſ nervi diſſectione, animadvertente Solertiſſimo Petito, vividus ille oculorum nitor obſoleſcit utrinque; aut alterutrinque in eo quidem latere in quo facta diſſectio eſt, atque alia præterea in oculis, aut circa oculos conſequun-tur

(n) Deſcrip. cit. c. 21. (o) De corp. hum. fabr. l. 4. c. 2. Fig. 2. ad h. 2.  
(p) De Mot. Cord. & Aneurysm. l. 1. Sect. 3. c. 3. Propoſ. 5c. (q) Propoſ. 47.  
(r) Saggio delle Tranſazioni &c. Tom. 3. c. 9. n. 6. (ſ) Nervor. Deſcript. c. 24.



tur digna profecto quæ ab omnibus perpendantur, quod nos fortasse, ex parte aliqua, opportuniore in loco præstabimus. Nec vero id omissum est ab Diligentissimo Scriptore quod a cæteris qui hæc sumpserant experimenta, prætermisum esse, indicavimus. Sed diserte admonuit, in canibus, in aliisque quadrupedibus animantibus Intercostralem nervum intra eandem vaginam claudi cum nervo Octavi Paris, ut alter sine altero fecari nequeat. Quin cum Willilius (t) docuisset, in quibusdam illorum, forsan ubi truncus Intercostralis major est, aut transitus ejus stadium brevius, Intercostralem solitarium descendere, nec quodquam tamen nominasset, imo in Cercopitheco ipso sibi conspectum affirmasset (u), pariter ac in cæteris brutis affolet, eadem cum Paris octavi trunco vagina inclusum, per collum ferri; Petitus in Simia prodidit, esse quidem, alterum cum altero conjunctum, sic tamen ut disjungi possint, & facillime separari; ut qui non intra eandem vaginam claudantur: ideoque in Simiis posse hæc experimenta institui ab iis qui alterutrum duntaxat nervi incisionis malint effecta adnotare. Quod reliquum est, non me fugit, illud de quo supra (x) indicavi, Cl. Viri experimentum, in quo, utroque nervo utrinque abscisso, in septimum tamen diem superstitem canem fuisse, scribit, usque adeo mirandum videri Docto cuidam homini, ut omnem omnino superare fidem, nondubitet. Nos autem bona hujus venia, non modo in septimum Petito, sed in decimum, atque adeo in duodevicesimum nonnunquam diem sic vixisse canes (y), Valsalvæ credere pergemus. Neque enim eorum scripta sinunt, ut Solertissimos Viros, in ejusmodi præsertim re, falli potuisse, suspicemur; & qui utrunque norunt, præclare norunt, in neutrum cadere potuisse, ut fallere voluerint, tametsi magnam fallendi causam forte habuissent; quam vero hic nullam ipsis fuisse, tam est perspicuum, quam quod maxime.

48. Nunc quando multo plura quam a principio in animo habebam, cum de his, tum de aliis scripsi ad V. Valsalvæ Caput attinentibus; age, pauca quæ ad VI. postremo attinent, subjiciamus. Quæres fortasse, quis usus sit Cavitatis illius Hemisphæricæ, quam in vestibulo propter hujus Scalæ orificium eo situ, ac gyro descripsi (z), ut secundum varias partes inspecta, & ejusdem Scalæ orificio, & orificio Latiori canalis Minimi, & Proprio canalis Minoris, & Ovali Fenestræ, & hujus vicinæ quadantenus e regione opponatur. Si, ut in rerum obscurissimarum conjecturis, tribuendum aliquid, censes, propositis a Valsalva Usibus orificiorum canalium Semicircularium; scis, ipsum existimasse, sonoros motus, postquam canales Minorem, & Minimum percurrerunt, per illius Proprium, & hujus Latius orificium emissos, Scalam versus Vestibuli tendere, propterea quod hujus Scalæ orificium ad eam vestibuli partem est, quæ e regione, memoratis illorum canalium orificiis respondet. Si hoc igitur arbitraris, a veri similitudine alienum non esse, facile conjicies, Cavum id Hemisphæricum eodem attinere, quo attinere Valsalva credidit eorundem canalium ad sua illa orificia dilatationem. Scilicet ut exiliores soni, postquam eos sunt emensi canales, satis vividi possent ulterius promoveri, & Scalam Vestibuli emetiri, extremitat illæ canalium partes in Polyphonice Tubæ modum erant conformandæ. Quidni igitur eodem pertineat ita præpositum ejusdem Scalæ orificio Hemisphæricum Cavum; ut ex illiusmodi sonis quosdam, orificium Scalæ effugientes, possit colligere, vividiores facere, nec secus atque Auriculæ Concha in Auditorium Meatum, in proximum Scalæ orificium compellere? Ac fuit quondam cum ad ejusmodi sonos in ea Scala vividiores faciendos, aliquid etiam conferre suspicarer appositam Scalam Tympani, quippe quæ tympani instar bellici inter duas membranas, hoc est Zonam Cochleæ, & Fenestræ Rotundæ Membranam conclusa, majores aliquanto sonos, quam acciderent, fortasse referret. Verum si hæc minus placeant, illud attende, Cavum id Hemisphæricum obijci etiam ex parte Fenestræ Ovali. An ergo

maius, advenientium per hanc sonorum partem aliquam excipere, quam in Scalæ Vestibuli, & duo memorata canalium orificia reflectat? ut quemadmodum in orificia vestibuli reliqua Fenestræ illi opposita, satis per se ipsi contendunt soni, sic etiam in illa tria ita a Fenestræ ejusdem lateribus, quod Valsalva docet, collocata, ut parum absit, quin a tergo sint, hujus Cavi ope reflectantur. An vero cum ex eo Cavo reflecti breviori via etiam possint in locum illum (quippe qui similem ac tria illa orificia ad Fenestræ obtinet situm) quo in loco Major a nobis Macula, ut Minor in Cavo ipso Hemisphærico, descripta est (a), quæ Maculæ foraminulorum indicia sunt, Mollem Auditorii nervi Portionem in vestibulum transmittentium; an, inquam, id magis placet, exiles adeo sonos, ut fere vix superandæ Fenestræ Ovali pares sint, tum in ipsum Cavum, ut pote Fenestræ proximum, recta illabi, tum in eo collectos, & paulo vividiores factos in vicinum saltem illum adversum locum reflecti, ut cum utrobique membrana qua vestibulum amicitur, confertissimis sit introeuntis nervæ Portionis filamentis instructa, atque ideo maxime ad excipiendas sonorum impressiones parata; ob has videlicet causas vel tenuissimos sonos, nec labyrinthi ulteriora adituros, percipere tamen, atque audire possimus.

49. De Maculæ autem Minimæ (b), & Membranæ in vestibulo suspensæ, & Cavitatis Semiovalis (c) utilitatibus si forte quæris quid sentiam; hæc pauca habeto. Illam ego Maculam ad audiendum necessariam credere non possum, quæ in cunctis, recte alioquin, & secundum naturam se habentibus, auribus non invenitur. Suspiciari facilius possum, tum hanc, tum illam in quam sæpe Canalis Major ad ejusdem sedem Maculæ se dilatat, Orbicularem Cavitatem multum ad exquisitius audiendum conferre; ut quibus utraq; absit, minus; quibus alterutra, magis; quibus autem utraq; sit concessa, hi vero maxime, præcellenti, ut puta musica quam vocant, aure præditi sint. Et quanquam ad exquisitissime audiendum cæteras etiam aurium partes tum singulas, tum universas egregie constitutas requiro; tamen maxime frequentes in hoc Sensu varietates, ab iis quas sæpius variare video, partibus esse crediderim repetendas, ideoque ab illa etiam intra vestibulum suspensa Membrana, in qua tam crebræ varietates deprehenduntur. Neque ea cæteroquin est ab iis negligenda qui intimi cujusque audiendi organi utilitates inquirunt. Nam & nervi Auditorii fibrillis statim ac vestibulum subierunt, compingitur, & suspensa est inter Cavitates duas, Hemisphæricam, & Semiovalam, aptissimas ad sonos tum colligendos, tum augendos, tum in eam Membranam reflectendos. Quæ dum omnia, ac præsertim ejus Membranæ sedem, positumque magis attendo; vereri incipio ut pleraque eorum constent quæ paulo ante ad Cavitatis Hemisphæricæ usus utcunque explicandos conjiciebam. Illa enim Membrana ibi sita est, ut quasi obicem se interponere videatur inter hanc Cavitatem, & nonnulla orificia, & loca unde ad hanc venire, vel quo reflecti ab hac soni dicebantur: ut veri simile sit, interjectam Membranam, ad hos excipiendos, aut, si maius, in eo transitu nonnihil infrigendos moderandosque attinere. Sed tamen cum inter id Cavum, & Fenestræ Ovalam, & Scalæ Vestibuli orificium non sit interposita; quædam saltem ex iis quæ dicebam, reliqua sunt, quæ isti quidem dubitationi non subjiciantur.

50. Sunt alia præterea quæ conjicienti mihi Cavi hujus Hemisphærici, & cæterarum particularum utilitates, occurrunt. Sed quædam malo tunc potius Sagacitati indaganda relinquere, eoque liberius, quod illa ipsa quæ attigi, quasi exempli cujusdam causa proposui, alia quidem, si Valsalvæ conjecturas placeat retinere; aliqua etiam, si deferere forte velis, novasque sufficere. Quanquam illas Viri Ingeniosissimi quantum probarent, ostenderunt, easdem, aut fere easdem, quamvis nonnunquam dissimulato Auctoris nomine, proponentes. Fuere tamen & qui aliquid addere conati sunt,

(t) Ibid. c. 20.

(u) Ibid. c. 26.

(x) num. prox. superiore.

(y) Vid. supra, n. 37. &amp; 36.

(z) Epist. XII. n. 5. &amp; 48.

(a) Epist. XII. n. 48.

(b) Ibid.

(c) Epist. ead. n. 5.



sunt, ut puta, plures ideo, vel præter cochleam, canales in labyrintho conditos esse, ut cum multiplex sic esset in singulis capitis lateribus audiendi organum, uno, vel pluribus vitiatis, aliquod tamen etiam tum integrum superesse posset. Quod si Natura quidem ita spectasset, ut certe in aure non una, sed duplici, condenda spectavit; plures sane canales in singulis auribus, sed cunctos omnino pares, interque se similes, non secus ac dexteram, sinistramque aurem, construxisset. Nunc vero quam dispares, diversosque cum singulos inter se canales, tum universos a cochlea creaverit, vidēs. Sed meum non est, in obscurissimis præsertim rebus, cujusquam conatus reprehendere; est, omnes potius ad conjiciendum, quarendumque excitare.

51. Eodem Valsalvæ ipsius vota spectabant, sive de *Artificiali Auris Anatome* cogitantis, sive Naturalis tot, tam novas, tamque elegantes Imagines proponentis. De quarum utrisque cum pauca adjecero; continuo finem scribendi faciam. Artificialis Oculi Anatome peculiare, ut nosti, inventum est Recentiorum. Nam etsi quem Inscriptio aliqua exhibet *Fabrum Oculariarium*, eum fuisse existimarem, qui apud Veteres oculos reponeret *Statuis* (quod ex Inscriptioe alia, & Priscorum quibusdam tum Simulacris, tum locis eruditè conjicit Cl. Mannius (d)) ideoque exteriorem oculorum faciem ex auro, argento, vitro, crystallo, gemmisque aliis effingeret; tamen pretium magis, aut ornamentum, quam perfectam veri imitationem quævisse, censerem: quam si illi homines, ut nostri, spectassent, atque attigissent; non fuisset locus Martialis disticho (e):

*Dentibus, atque comis, nec te pudet, uteris emptis.*

*Quid facies oculo, Lælia? non emitur.*

Nunc enim oculus profecto emitur, non aureus jam, argenteusve *encausto depictus*, & *tectorio opere expolitus*, qualem Ambrosius Pareus (f), sed *vitreus*, qualem Fabricius ab Aquapendente (g), proposuit, *verita similis, ut etiam peritis imponat*. Quod si tam sero in ipsa exteriori oculorum lamina conformanda ad absolutam veri imitationem perventum est; mirari non oportet, si interiori fabricam, ruditer olim a Fabricio Hildano (h) tentatam, non nisi hac prope modum ætate nostra, Ars tandem potuerit ad eam quæ omnibus nota est, veri similitudinem promovere. Ergo cum istiusmodi Oculi Anatomen non jucundam modo, sed etiam utilem esse omnibus, pateret; Valsalva præclare, si quis alius, intellexit, parem Auris Anatomiam tanto illa utiliore futuram, quanto naturalis tum minus in vulgus nota esset, tum vero magis difficilis, ob partium numerum, parvitatem, implicationem, & continentis ossis dūritiem foret. Atque utinam hæc difficultas levior fuisset; quemadmodum uni omnium; quod sciam; Jo. Ravio (i) visa est, scribenti, *auditus organum facilius explorari, quam cætera organa sensuum*; jam diu artificialem quoque ejus Anatomen haberemus. Verum hæc aliis Anatomicis, & in his Doctissimo Heuchero (k) *eo magis optanda* visa est, *quo est difficilior auris sectio*, atque idem ille subtilissimus Opifex qui Artificialem Oculi Anatomen confecerat (l), *multo majori labore constare* fassus est *Artificialem Auris Anatomiam*: neque aliter vel in ipsius exterioris auris imitatione summis Artificibus visum est. Quamobrem Augustinum Caraccium Pictorem in primis nobilem accepimus (m), Auriculæ exemplar mul-  
to naturali majus elaborasse, ut multo ipsam melius intelligere, & tenere posset, elaboratum autem undecunque, que aspicere, & undecunque aspectum delineare contine-  
suevisse, ut qui illam partem esse censeret, ut revera est, unam ex difficilioribus humani corporis; quapropter  
ut probe judicare possint, an pictum aliquod caput egregii Artificis opus sit, solitos esse ejusmodi rerum  
peritos primum omnium aures inspicere an recte sint positæ, & delineatæ. Quod si hæc in exterioribus, & assidue in oculos incurrentibus; quanto majorem  
putas in tot abditis, implicitisque particulis, non pingendis, sed ex ebore, aliave materia efficiendis difficultatem occurrere? Hæc Artifices, opinor, morata est, quibus præsertim Valsalva ipse non adesset, velut

*Morgagni Epistolæ Anatomicae.*

cum A. 1697. operam dedit per Antonium Maliabechium, ut Joannes Bapt. Verle, a quo Artificialem Oculi Anatomiam habemus, ad eburneam conficiendam Aures animam induceret. In manibus sunt meis epistolæ tum Valsalvæ ad Verle, Florentiam missæ una cum Tympani Officulis, a quibus operis initium caperet, tum Verle ipsius ad Valsalvam Bononiam rescriptæ, quibus hunc certiore faciebat, Officula se a Maliabechio accepisse, & quamprimum posset, hunc, tum reliquum deinceps laborem perlibenter, Deo, & Valsalva juvantibus, suscepturum. Verum quis cœpti exitus fuerit, vel potius egregii operis instaurationis, me prorsus latet; nisi forte *per ætatem* præcipue, quam cum Oculi Anatomen vulgaret, non obscure prætendebat (n), ea prohibitus est perficere quæ jam tum affecta habere se, scripserat (o), *Labyrinthum, Cochleam, Annulum, Malleum, Incudem, Stapedem, Tympanum, &c. quæ tantum ultimam manum tunc expectabant, & Thecam*. Ex litteris autem A. 1706. a Valsalva ad alios scriptis apparet, post emissum de Aure Tractatum, etiam tum Valsalvæ ipsi curæ fuisse propositum illud primum; nisi quod animi pendebat, ex ebore, an ex argento elaborandam Aures curaret: expectabatque Germanum quendam, cujus summam in istiusmodi operibus diligentiam, solertiamque Amici prædicaverant. Tum, credo, brevem indicem sibi apparavit eorum quæ sive sejuncta, sive conjuncta erant conficienda ex argento, aut ex aurato ære, aut majoris elegantiae, fortasse & perspicuitatis gratia, ex utroque. Sejuncta quidem Cartilago Auriculæ cum Musculis hujus Internis: Officula Tympani; quæ tamen item paranda erant inter se connexa, itemque cum affixis Musculis: Cartilago Tubæ Eustachianæ: Nervi ad Cavum Tympani pertinentes: Canales Semicirculares inter se juncti: Labyrinthus ita apertus, ut orificia Canaliculorum in conspectum venirent: Canales iidem cum subeuntibus Zonis. In unum autem conjuncta Auricula suis cum Musculis, præsertim Externis: Meatus Auditorius non sine ejus Cartilaginis Incisuris, & Glandulis, quæ cerumen secernunt, ex parte patentibus: Tum reliqua ex ordine quæ postrema Tabula demonstrantur; sed ad Labyrinthum addendi Nervi, non Mollis tantum, verum etiam Duræ Portionis, cum hujus ramis tum ad faciem, tum ad cranii cavum pertinentibus. Ad utraque, alia fortasse adjunxisset, ut ad illa intimam Cochleæ, ejusque Sclarum structuram, ad hæc vero Sanguifera Vasa, aliosque Nervos: ut quæ Drakio etiam (p) in mentem venit ad Valsalvæ ultimam Figuram adjungere: quæ res summam illi apud Celeb. Scriptorem laudem hanc peperit, quod *pulcherrimam omnium organi auditus, in unica Figura, representationem* exhibuerit.

52. Commovit laus hæc Valsalvam, quod ex ejus Schedis intelligo, probe conscium, quanto id sibi labore, & quam diuturno constitisset: nec diutius tamen commovit, quam donec Venetiis, cum ipse adessem, laudatam Drakii Figuram vidit. In qua ut nihil nisi ex se desumptum, & Drakium diserte id fatentem agnovit, clauso positoque confestim libro, quem Vir Præclarissimus, nostrumque Amicissimus commodaverat Petrus Ant. Michelottus, ad ægrotantium, quarum causa venerat, Matronarum valetudinem mecum animum, sermonemque convertit. At enim glandulas, vasa, nervos, quæ sejuncta Valsalva ostendērat, cum toto reliquo Organo Drakius conjunxit. Ego vero libenter id, ultroque confiteor, ut qui in animo nequaquam habeam de Drakii laudibus quidquam detrachere, multoque minus, ipsum laudantibus adversari. Tamen hoc primum dico: Valsalvæ, & Drakii Iconismos inter se conferentibus nihil facilius videri, quam illum, si voluisset, idem quod Drakius, facere potuisse: deinde hoc dico: noluisse; neque una, ut ego opinor, de causa. Illud autem decet ad memoriam revocare, præcipuum hoc Valsalvæ fuisse, utilissimumque propositum, ut *Auditus Organum*, non in varia, & complura segmenta divisum, eaque multo circumjecto osse obscurata, ac pene obruta; sed integrum, & inutuli, aut minus necessario ossis tegumento liberatum primum omnium ostenderet.

X

Sic

(d) Vid. in Oper. inscr. Ractolta d' Opuscoli Scientif. in Venez. 1730. Tom. 4. Opusc. 2. (e) Epigr. l. 12. 23.

(f) Oper. l. 22. c. 1. (g) Append. ad l. de Venerib. (h) Cent. 2. Obs. 1. & Cent. Epist. 15.

(i) Splanchnolog. in Append. ad Amphith. Zootom. Valentini. (k) Dissert. inscripta Ars Magna Anat. n. 17.

(l) Verle Anat. Artificial. Oculi. (m) Malvasha Felf. Pittur. Tom. 1. P. 3. (n) Anat. cit. (o) Ibid.

(p) Anthropolog. Tab. 19. Fig. 1.



Sic enim videbat fore, ut præcipuarum omnium partium nexu, ordine, situ servato, & sub unum obtutum posito, ea lux denique oboriretur, quæ tum ad res perdiscendas, tum ad rerum ipsarum usus utilitatefque cognoscendas cunctorum studiis exposcebatur. Itaque longo tempore, summisque laboribus tam difficili Præparatione peracta, nihil magis in votis habuit, quam ut quod monstrare omnibus reipsa non poterat, vel Artificialibus, ut dictum est, simulacris, vel saltem accuratis, perspicuisque delineationibus omnium oculis subiceret. Igitur postquam singulas seorsum ostenderat partes, universas demum, quæ præcipuæ quidem essent, & perspicue demonstrari possent, in unum conjunctas elaboratissimis Iconismis extrema in Tabula repræsentavit. Quos si quis forte numeris omnibus absolutos esse, neget; non ipse quidem repugnabo: nam vel eorum quæ singula, aut multo pauciora ostendunt, paucos ad hoc tempus perfectos videmus: sed illos tamen tum eo in genere omnium primos, tum longe utilissimos, tum ex ea descriptos Præparatione esse, contendam, quam nisi quis antea sibi adornet, meliores quos pro illis substituamus, Iconismos afferre non audeat. Sed ad institutum sermonem ut redeam; id sane quod dixi, Valsalvæ propositum, eam mentem fuisse, ex ipsius Præfatione, & Tabulæ memoratæ Explicatione tam constat, quam quod maxime. Quæ cum ita essent; additas ab Drakio partes cur ipse adjiceret? quæ ut facilitati, ac perspicuitati quam tantopere quærebat, vel solo ipsæ numero officerent, ita ex præcipuis non essent, imo plerarumque aliæ ad aurem nullo modo, aliæ non nisi communiter pertinerent. Huc illud addedit, quod multo etiam magis est attendendum, nihil noluisse delineari quod tum sua Præparatio, Pictori in exemplum proposita, non haberet; ne si quis spectatum venisset, fucum sibi factum crederet, ac alia præparata, alia ostensa esse, queri posset. Illa autem certe ea Præparatio non habebat: nec facile erat adjungere; incommodum autem adjuncta fervare; quod incommodum vel in Artificiali Anatome, si illa addenda curavisset, non fero utique fuisset sensurus.

53. Apparet igitur, neque una tantum de causa, quod Drakius fecit, Valsalvam facere noluisse. Nunc veri studio illud mihi liceat postremo adjicere: si voluisset; aliquanto melius quam Drakius, fuisse facturum. Hic enim ut faceret, Figuras tres, ex II. III. & X. Valsalvæ Tabulis descriptas, in unam compegit,

nihil sollicitus an singulæ eo forte situ essent delineatæ, ut minime in unam conjungi possent. Erant autem: idque cum Auricula docet in omnibus quidem, sed alio in alia Figura posita a Valsalva repræsentata, tum alius in III. Tabula, alius in X. Ossiculorum, & Membranæ Tympani, & proximi Tubæ initii aspectus confirmat. Hæc autem attigisse satis est, ut continuo intelligas, etsi partes quæ ex Valsalva descriptæ sunt, singulæ secundum naturam sint; nexum tamen, qui a Drakio est, ipsamque universarum compagem secundum naturam esse non posse. Quid? quod ne sic quidem monstrantur omnia; nec vero monstrari possunt, ut Nervi Auditorii Portio Mollis, Cochleæ gyri, Chorda Tympani, Ossiculorum, Musculorumque pars maxima: quæ ut ostendere Valsalva posset, alteram quoque faciem suæ Præparationis delineavit. Quid? si quæ ostenduntur, non recte satis Explicatione indicantur. Quæ cum pariter ac Figura, præfixum habeat Valsalvæ nomen; facere non possum quin, ut in delineatione quid hujus non sit, monstravi, ita etiam in Explicatione commonstrem: ut puta, ad litteram R silentium Drakii de Reticularis Glandularum illarum Corporis *Areis*, *naturalibus amplioribus consulto delineatis*, id quod Valsalva ad proximam superiorem Figuram II. (q), in hujus III. Explicatione de industria commemoratam, admonere non omiserat: ut contra, ad S illa Drakii verba „Continuatio Meatus Auditorii intra Processum Mamillarem;“, quod a Valsalva ne cogitatum quidem fuisse, intelliges, si Valsalvam ipsum ad ejusdem Figuræ III. litteram D inspexeris, *portionem osseam ex pariete Sinuositatis Mastoideæ* ab se quidem, non ab Drakio, *relictam*, monstrantem: ut ad e litteram, mediæ illi tendinæ arctissimæ parti Musculi Tubæ Eustachianæ ab Drakio impositam, hanc hujus interpretationem, „Initium Musculi Pterygostaphylini;“, quasi vero, quocunque eum Musculum nomine vocare placeat, ubi ejus medium est, ibi esse ejusdem initium posset. Verum præstat hæc missa facere, sicut illam quoque proximæ Figuræ, quæ III. in X. Valsalvæ est Tabula, Explicationis particulam, quæ Drakius „ostendi Membranam di-“, cit quæ Tympanum (r), & Cochleam investit; „cum ea Figura nihil de Tympano profecto monstret; sed Vestibuli Membranam, & Zonas, ut ejus Auditor Valsalva diserte scripserat, ostendat. Satis de Tractatu de Aure Humana: utinam ne plus satis. Tu æqui bonique consule, & Vale.

(q) Tab. 3. (r) Certe hic illa eadem voce utitur, qua nusquam, quod meminerim, ad Vestibulum, sed antea quidem hoc ipso libro 3. cap. 7. cum de Nervis ageret Paris V. & VII., ter usum video ad Tympanum designandum.

## PARTIS PRIMÆ FINIS.



JOANNIS BAPTISTÆ  
**MORGAGNI**  
EPISTOLARUM  
ANATOMICARUM  
DUODEVIGINTI  
AD SCRIPTA PERTINENTIUM  
*CELEBRIRIMI VIRI*  
ANTONII MARIÆ  
**VALSALVÆ**  
PARS ALTERA.



JOHANNES BAPTISTA

MORRIS

RECTOR

ANATOMICUM

PROFESSOR

IN ANATOMIA

ET PHYSIOLOGIA

ANTONI MARIE

VALLA

PARIS





JOANNIS BAPTISTÆ  
MORGAGNI  
AD AMICUM

EPISTOLA ANATOMICA XIV.

*Speſtat ad primam Partem Vallaſvæ Diſſertationis Anatomicæ Primæ. Agitur  
de Ligamenti, & Cellulis Coli inteſtini, de Recto, Cæco, &  
Appendicula Vermiformi, de Lumbricis, &c.*



Uod in Vallaſvæ Tractatu feci, ut quæ ex ejus, meiſque ſchedis inveniffem ad hunc attinentia, ea tecum per litteras communicarem, id in ejus Poſthumis quoque Diſſertationibus ut faciam, tanto diligentius a me contendis, quanto nova magis harum, quam illius, minuſque agitata materia eſt.

Primæ tamen Diſſertationis Pars Prima in Ligamenti, quæ vocant, tribus inteſtini Coli verſatur: quæ argumentum & mihi fuere Animadverſionem XIV. ſcribenti *Adverſariorum* III; ut expectare hic potius debeas, quid Vallaſvæ, & mihi adhuc reſtet, quam quid primum in iis, aut proximis partibus ſit a nobis animadverſum. Apud illum igitur hæc inveni, quæ de eorum Ligamentorum origine, natura, uſu, & varia in variis animantibus diſpoſitione ad ea quæ in Diſſertatione reliquit ſcripta, & delineata, addi poſſunt. Carneas fibras, Rectum inteſtinum extrinſecus obducentes, haud æqualiter vidit per omnes hujus partes diſtributas. Eaſdem una cum productis tribus per Colon Faſciolis, *Crarſorum Inteſtinorum Communem* (aut etiam *Tricipitem*) *Muſculum* appellare, ex iſſis autem Faſciolis eam quæ Meſocolo ſubjicitur, *Meſocoli Productionem*, duas reliquas *Innominatas* vocare, in animo habuit aliquando. Quod ſi de harum omnium uſu verba iterum facere potuiſſet; ea occasione explicandum facile ſuſcepiffet, qui fieret, ut notus ipſi homo quotieſcunque in eo erat, ut alvi recrementa (dura autem hæc erant) dejiceret, varias toto corpore geſticationes edere cogeretur; illa autem ubi ad ſiniſtram Coli partem prope Recti initium perveniſſent, certo quodam in loco dolorem facerent: quo loco ſuperato, quod reliquum erat viæ, nullo negotio conficerent. Eadem fortasſe occaſione docuiſſet, quid Faſciolis Coli in quibuſdam animantibus reſpondeat. Et in I. quidem Diſſertatione, ut in bove reſ ſe habeat, indicavit, fibras nempe Recti non in Faſciolas dividi; ſed eodem modo per totum fere Crarſorum inteſtinorum tractum produci. Excipere autem voluit verum Cæcum, quod iis fibris non vidit obductum. Porro in ovi- bus etſi inteſtina eadem figura qua in bobus, invenit; quod ad eas tamen attinet fibras, nihil niſi hoc ſcriptum reliquit, podicem verſus fibris manifeſte rectis ornari, quarum multæ ani muſculis Levatoribus continuantur. Cæterum ut Tenuia ovis inteſtina ad viginti circiter ulnarum longitudinem, ſic Crarſorum fere ad quatuor accedere, adnotavit: Rectum autem, & Colon unum idemque inteſtinum videri, quod hoc in cellulas non ſit conformatum, Haſ neque vidit in erinaceo,

qui & vero Cæco deſtituitur. Attamen ultima pars inteſtinorum ad ſpithamæ circiter longitudinem, quinque aut ſex diſtinctis, & per longum ductis fibrarum faſciculis, non extrinſecus quidem, ſed intrinſecus poſitis, inſtruebatur. Totaque ea pars latior erat, & viridibus recrementis occupata, cum reliqua inteſtinorum pars quintuplo longior, inanis eſſet. Sed in lepore tres Coli Faſciolas, ſive, ut ſcribit, Ligamenta Cæco quidem invenit unita; contra, Rectum verſus, nullum ipſorum indicium comperit.

2. Quæ vero dum hæc obſervaret, in ſæpius memoratis inteſtinis animadverterit, Recto, & Cæco, quorum ad alterum origo, ad alterum finiſtrium pertinet Ligamentorum, ut nobis non omnino alienum videtur huc addere, ita certe non erit tibi ingratum perlegere. Ad Recti igitur initium in ea ipſa Coli Faſciola quæ Meſocolo ſubjecta eſt, minima quædam in homine vidit foramina, per quæ nonnulla excurrerant vaſa, quorum naturam etſi nondum erat aſſecutus, eo tamen pertinere ſuſpicabatur, ut humorem conveherent, quo facilior alvi ſæcum excretio contingeret. Alibi etiam adnotavit, glandulas circa inteſtinum Rectum, & præſertim circa ejus finem, item circa Cæcum locari, idque tam in homine, quam in ove, & bove: fuiſſe autem in erinaceo extrinſecus infra medium Rectum ſatis conſpicuam glandulam, quæ ductus mittere ad hoc idem inteſtinum videretur. In lepore autem ad inſertionem Ilei in Crarſa inteſtina extrinſecus magnam invenit glandulam. Aliam vero in falcone vidit circa tertiam ſuperiorum inteſtinorum partem; ea pediculo hiſ adhærebat.

3. De Cæco autem illo inteſtino, quod nos potius Vermiformem Appendiculam vocare conſuevimus, hæc adnotavit: Etſi Colon in quadam Virgine valde erat flatu diſtentum; eam tamen Appendiculam, octo fere digitos tranſverſos longam, & a Colo oblique Renem dextrum verſus porrectam, craſſitudine anſerinum calamum non ſuperasſe. Nullam autem fuiſſe in piſtaco, pico, vipera, marte, erinaceo; nedum in ove, bove, & mure majori, quibus videlicet poſterioribus animantium generibus verum Cæcum multo amplius contigit. Quod quidem in bove ſaccum eſſe, ait, ex tenuiore ſubſtantia, quam proxima inteſtina: in mure autem majori ventriculum, quem figura referebat, magnitudine æquaſſe, & ipſum ſubſtantia tenue. Contra autem in noctua duo vidit Cæca, ut in gallo indico, diſpoſita, liquidis ſæcibus reſerta, glandulis autem prorfus carentia. Totidem vidit in falcone, ſed exigua.

4. Haſtenus quæ Vallaſva. Jam vero accipe quæ ante nos alii, & quæ ipſi quoque obſervaverimus.

Princi-



Principio Galenus (a) jam tum sibi esse notum, ostendit, potissimum recto intestino complures obtigisse rectos villos, & hos quidem extrinsecus villis transversis, seu ligamentum, injectos. In pluribus vero animalibus totum colon validis vinculis secundum longitudinem superne deorsum utrinque porrectis constrictum esse. Tamen; ut omittam quærere, an in bestiis tantum, de quo Vesalius (b) non dubitat, hæc Coli vincula animadverterit Galenus; eorum certe cum illis extrinsecis Recti fibris continuationem aut ipsum, aut plerisque alios, qui de alterutris, aut de utrisque scripserunt, animadvertisse, non video. Sic; ut alios præteream; Berengarius (c) confirmavit quidem, in substantia Recti intestini esse villos longos notabiles, maxime in parte exteriori, & ante hunc Zerbus (d), qui & causam addidit, a Vesalio (e) non improbatam, nec, si recte intelligas, improbandam; quoniam Rectum majoris operationis est cæteris intestinis in attrahendo illud quod supra se jacet, ne in revolutionibus colon, induretur, --- & constipationem faciat ventris. Cæterum nec Berengarius quidquam de Coli Vinculis, nec Zerbus tradit, nisi forte (f) ubi Colon multas habere cellulas, scribit, involutas plurimum & revolutas fortibus constructionibus, in quibusdam animalibus secundum longitudinem desuper inferius circumtenfis, una secundum singulam partem: quas involutiones Avicennas aliquando fascias nominat: quibus verbis etiam postea (g) Zerbus ipse tenebras videtur inducere; tamen consensus tantus inest cum producto Galeni loco, ut ea mihi non visa sint omittenda. Sed Vesalius, qui diserte (h) rectas istas exteriores fibras, & in Recto admodum frequentes agnovit, & in Colo quoque intestino --- quamplurimas, non quidem secundum universam intestini superficiem protensas, sed inferius dumtaxat & superius, ubi colon ipse depressum esse, adnotavit, hoc est (si recte cætera, atque eam quam primus dedit ejusmodi Vinculorum adumbrationem (i), a Casserio postea (k) clarius expressam, intelligo) in posteriore dumtaxat, & anteriore Coli facie secundum longitudinem porrectas; Vesalius, inquam ne ipse quidem ea Vincula productiones esse illarum quas pariter adumbravit, Recti intestini fibrarum, animadvertit. Riolanum vero, qui non modo has ita novit, ut carnem toti Recto extrinsecus circumjectam, musculosam esse, docuerit, (l) vel potius novum musculum referre, sphincterem externum longitudinalem instar vaginæ, verum etiam vel tria interdum posuit Coli Vincula, quorum certe unum (m) ab Appendicula Vermiformi extendatur secundum longitudinem Coli, usque ad Rectum intestinum; ejus carnis, & eorum Vinculorum non vidisse continuationem, ita mirum est, ut minus commoveri oporteat, quod alii non viderint qui ea minus cognita habuerant.

5. Quærendum potius est, cur in eorum numero Ligamentorum inconstans fuerit Riolanus. Et primum scire licet, Colli Vincula, quæ Vesalius; ut supra (n) indicatum est; & magis diserte Columbus (o), duo, esse, & instar duarum zonularum docuerat, posuisse quidem Laurentium (p); sed fortasse non eadem quæ ipsi intellexerant, agnovisse. Perea enim Colon supernis, & infernis partibus valide alligari, scripsit, tum hæc continuo subjecit: „ Est hoc etiam observatione dignum, „ per Coli mediam & supernam partem secundum illius longitudinem, vinculum excurrere, medii digiti latitudinem vix excedens. Est autem aliud nihil, „ quam ejusdem intestini substantia & crassior, & densior reddita; cujus hunc ego usum agnosco, ut „ cellulas --- contineat; laxato enim aut rupto hoc „ seu vinculo statim dissolvuntur cellulae. „ Igitur cum tria videretur Ligamenta Coli proposuisse, affectas in eo habuit plures, interque hos, Bartholinum (q), Bauhinum (r), ipsumque in primis Riolanum (s). Qui tamen de tribus illis Vinculis, secundum longitudinem Coli, ut ipse intellexerat, productis, monuit (t), unum se detraxisse in Anthropographiæ editione postrema, & secundum reliquisse oppositum alteri latiori (hoc est descripto a Laurentio) ad robur intestini Coli. Sic autem,

opinor, rem contraxit, quod duo tantum manifesta per longitudinem Coli ejusmodi Ligamenta animadverteret; Laurentium autem præter illud unum, reliqua crederet non ad idem genus referenda proposuisse, cum ad alligandum, ut diximus, supernis, & infernis partibus Colon pertinere, tradidisset; ipse autem Riolanus videret, Colon superis inferisque partibus conjungi per adhesionem peritonæi, non per ali-quod ejusmodi, Zonulas referens; Ligamentum: quod contra Veslingium adnotavit (u).

6. Igitur etiam Laurentius, ac Riolanus, ille quod duo reliqua Coli vincula diserte, ut Columbus fecerat, cum Zonulis comparavit (x), hic quod certe olim (y) scripserat, appendicem Cæci --- ex coalitu trium ligamentorum, quæ colon amplexantur, contextam esse, universa hæc vidisse videntur (& in parte vidisse, credo) tamen illud tertium, quod latet sub Mesocolo, non totum unquam perfectum ipsis fuisse, censeo. Post ipsos, omnes fere Anatomici alii in duobus, alii in uno, alii in nullo Ligamento Coli agnoscendo diu perstiterunt: tantum ab eo aberant, ut tria demonstrarent. Duo Veslingius (z), & Molinettus (a) tradiderunt; unum Marchettus (b), Hornius (c), Diemerbroeckius (d), & ante hos Spigelius (e), & post Glissonius (f), qui primus diserte in brevius ipso intestino Ligamentum causam contulit cellularum, cum experimentum memoraret a Spigelio habitum, sive potius, ut supra (g) ostendimus, post Laurentium iteratum, unde soluto Vinculo evanescere cellulas, constat. Sed nullius hujus generis Ligamentorum, quod plane mirandum est in elaborato alioquin, & post editam Laurentii Historiam emissio, de Intestinis Opusculo (\*) mentionem fecit Hieronymus Fabricius ab Aquapendente; imo quamque Coli cellulam in circuitu per fibram, seu ligamentum transversum astrictam, --- effici, docuit; ut levius ferendum sit multorum Veterum, & aliquot etiam Recentiorum silentium. Ex his si Dionisium (h), & ante hunc Highmorum (i) demas, qui tria quidem, sed tamen, ut ex eorum verbis judicare proclive est, non aliter ac Laurentius, aut summum (quod ad Dionisium attinet) ac Riolanus, agnoverunt, primum Ruyschium invenio, qui in Museo Anatomico, ante hos quadraginta, & quod excurrit, annos edito, (k) tria Coli ligamenta: triplex ligamentum in Colo memoraverit. Sed cum Summus Anatomicus, quasi in re inter omnes constante, & in oculos per se incurrente, versaretur, tertii retegendi rationem non addidisset; hinc, opinor, factum est, ut cum illud non viderent, alii quidem, ut Verheyenius (l), & Drakius (m), non duobus plura, alii etiam, ut Munnickius (n), unum, haud amplius, adhuc ponere Ligamentum perrexerint. Huc illud accessit, quod eorum Ligamentorum nec finem tamen in Cæci Appendicula, neque initium in recti fibris exterioribus Ruyschius indicavit; imo tantum absuit, ut hoc initium ostenderet; in extrema illa Coli parte Ligamenta hæc abesse, censuit (o), quod ex ipso Eruditissimus Jo. Guil. Pauli (p) adnotavit. Quamobrem haud inutilis Valsalvæ, & nostra opera fuit, cum hæc omnia ex nostris observationibus, & quædam etiam, interea vulgatis Eustachii Tabulis, quædam Riolani, quædam Cowperi testimonio confirmata (q) sic in lucem revocavimus, ut neminem jam hoc tempore qui descriptiones, aut Figuras nostras inspexerit, fugere posse videantur.

7. Sed erat tamen testimonium de iis fere omnibus, non Cowpero tantum, & Ruyschio, sed Rioloano quoque, & Eustachio, si non omnino auctoritate, at certe ea qua prodiit, tempestate anteferendum, quod nunc primum a nobis produci mirabitur nemo, propterea quia sicut fieri non potest, ut omnium ad hoc tempus oculos fugerit; sic contra nihil facilius est, quam ut propter illam de qua paulo ante dictum est, causam, cum vero consentiens inve-

(a) De Usu Part. corp. hum. l. 4. c. 17. (b) De corp. hum. fabr. l. 5. c. 5. (c) In Mundin. Comm. 18.  
 (d) Anatom. ubi de intest. recto. (e) loc. cit. (f) ubi de anat. colon. (g) ubi de anat. monocul. (h) loc. cit.  
 (i) Ibid. Fig. 8. (k) Ad Spigel. l. 8. Tab. 5. Fig. 1. & 9. (l) Anthropogr. l. 2. c. 14.  
 (m) Animadv. in Bartholin. Anat. l. 1. c. x. (n) n. prox. super. (o) De Re Anat. l. xi. c. 5.  
 (p) Hist. Anat. l. 6. c. 14. (q) Instit. Anat. l. 1. c. xi. (r) Theatr. Anat. l. 1. c. 17.  
 (s) Vid. Anthropogr. c. cit. in priorib. Edition. (t) Animadv. loc. cit. (u) Animadv. in Vesling.  
 (x) Vid. c. cit. (y) Anthropogr. cit. (z) Synt. Anat. c. 3. (a) Dissert. Anat. Pathol. l. 6. c. 2.  
 (b) Anatom. c. 3. (c) Microcosm. n. 22. (d) Anatom. l. 1. c. 8. (e) De hum. corp. fabr. l. 8. c. 9.  
 (f) De Ventric. & Intest. ubi de Intestin. n. 18. (g) num. proxim. superiore. (h) Vid. Tract. de Ventric. Intestin. & Gula.  
 (i) Anatom. de l'homme II. Demonstr. (j) Corp. hum. Disquis. l. 1. P. 2. c. 4.  
 (k) Theat. A. Repof. 4. n. vii. ad 5. & Theat. C. Repof. 3. n. 1. ad 2. & Repof. 4. n. VII. (l) Anat. corp. hum. l. 1. tr. 2. c. xi.  
 (m) Anthropol. hook 1. ch. xi. (n) Anatom. n. xviii. (o) Mus. Anat. Theat. 2. Repof. 2. n. vi. ad 1.  
 (p) Ad Horn. Microcosm. n. 22. Adnot. (q) Advers. III. Animad. 14. & Ibid. in Tab. Fig. 3.



inveniri non potuerit. Jacobus enim Sylvius in illis *Observatis* quæ ad ejus *Anatomicam Isagogem* adjecta sunt, tametsi ne verbum quidem fecit unde intelligeretur qua ratione tertium Coli Vinculum retegí posset; hæc tamen primus omnium scripta reliquit: In muliere puerperio mortua *Colon tres villorum rectorum ordines habuit, singulos digiti parvi latitudine: qui ubi rectum intestinum minus Colo capax attigerunt, id undique cingunt*; ut numerum Ligamentorum, ut figuram, ut ipsam eorum expansionem circum Rectum intestinum, ut villorum directionem cognoverit. In simia autem alterum quoque Ligamentorum extremum, videlicet ad Cæcum intestinum animadvertit, quemadmodum infra (r) ostendemus ubi de varia ipsorum in variis animantibus dispositione verba fient. Nunc cætera quæ de iis in homine observata habemus, persequamur.

8. Cum Eximium ætatis nostræ Anatomicum legem intestinis, & nominatim Ileo, *tunicam carneam, quæ fibris dumtaxat rotundis, & tunicam communem, quæ fibris longitudinalibus gaudeat*, tribuentem, imo vel Recti intestini *tunicam primam seu communem a carne separatam, cum suis fibris longitudinalibus tenuissimis*, ut ait, delineatione ostendentem; quærendum mihi existimavi, an ejus potius, quam meis, & plerorumque oculis, atque adeo ipsius Falloppii (f), & Galeni (t) crederem, qui ut transversis rectas intestinorum fibras, sic utrisque imponi, ac *obvolvi nervosam a peritoneo membranam*, tradiderunt. Horum observationes accurata intestinorum inspectio, obesi præsertim hominis, quam luculentissime confirmavit. Sive enim cellulosa tunica, quam cum idem ille Anatomicus inter communem, carneamque proponeret, mirum est quæ mox dicentur, non attendisse; sive igitur cellulosa tunica circumcirca intestina cinguntur, sive, ut aliis placet, Tenuia quidem ad certum dumtaxat a Mesenterio intervallum; sive huic intervallo rectæ fibræ subjectæ sunt nullæ, sive contra, ut mavult alius, & ipse aliquando vidi in Jejunio intestino, fasciæ instar, in duas Mesenterii interjectu divisæ, manifestiores, & validiores, sive potius, ut alter docet, id aliis hominibus alio in loco obtingit, aliis etiam passim, idque, ceu in Duodeno conspexi, satis æqualiter; mihi certe primum Tenuia inspicienti non uno in loco inventa est pinguedo inter rectas fibras, & communem tunicam interposita; ut eas non esse hujus fibras, tam clarum esset, quam quod clarissimum. Ubi vero ad Rectum intestinum oculos transtuli; quæ rectæ fibræ nulla alias obductæ tunica visæ fuerant, hæc quoque sua tenui communi tunica revera indutas spectavi, neque *tenuissimas* ipsas quidem, imo crassiores, ut semper alias, magisque & conspicuas, & molles, quam rectas fibras cæteras ad intestina pertinentes. Earum initia fibrarum quæ visæ olim erant non infra summum Sphincterem ani descendere, tum huic musculo subesse, vidi: quin postea etiam aliquando animadverti; si eas fibras qua Sphincteri suberant, sursum traherem; apparere paulo quidem ipsis rariora, sed æque saltem crassa; alba, ac tendinea illarum initia. Hinc igitur profectæ, & per Rectum intestinum æqualiter, ut interdum certe adnotavi, ubique dispositæ, ad Recti quidem, & Coli fines pleræque in tria Ligamenta, non omnes, conveniebant; siquidem interjecta Ligamentis spatia rectis fibris, ejusdem ac in Recto, generis & crassitudinis, omnino implebantur, donec emensum esset duarum circiter a podice spithamarum intervallum. Id significare voluit, ut opinor, Fabricius ab Aquapendente (u), qui cum Rectum intestinum, scripisset, *cæteris longe crassiori, proindeque validiori membrana constare*, tum subiecit: *de hac re Colon quo magis ad Rectum propinquat, participare videri, ne propter secum duritiam rumpatur*. Quo tractu emenso, tum denique id verum apparere incipiebat quod Nicolaus Massa (x) docuit: *Colo esse stamina, sive villos latos manifestos, reliquos vero, videlicet --- longos non ita manifestos esse*. Scilicet rectæ fibræ raræ adeo & exiles per ea spatia ducebantur, ut transversæ (id quod in Tenuibus intestinis qua rectæ sunt confertiores, nequaquam licebat) nullo negotio transpicerentur: unde erat pro-

clive intelligere, quæ rectæ alibi fusæ sunt *veluti*, ut Falloppius (y) loquitur, *in quoddam velum*, eas per reliquum deinceps Colon in tres Fasciolas constipari: & sane unaquæque harum ex fibris secundum intestinali longitudinem ductis, & inter se parallelis constabat, ipsisque transversis annexa quidem, sed non continuata, imposita erat.

9. Porro, ab sua sede singulæ petito nomine, distinguí possunt, cum reapse Anterior una, Posterior altera, Lateralis tertia, ut nos vocavimus, inveniantur, si modo Colon secundum corporis longitudinem, ut ab dexteris, sinistrisve est, aut universæ tres Fasciolæ secundum propriam longitudinem spectentur. Ne enim pro Lateralis Mediam potius nominarem, vetuit alius; non in aliis tantum Coli tractibus, sed & in iisdem; aliis in corporibus ipsarum positus. Scilicet non solum in progressu (circa ventriculum, ut opinor) æqua ferme inter se distantia non semel vidisse, memini, ut nulla esset quæ præ cæteris media posset appellari; verum etiam qua ad finem accedunt (quem ego tractum; non ignarus, quæ, & quot alibi mutationes possint majores contingere; cum in nominandis, tum in observandis Fasciolis potissimum, & sæpius spectare consuevi) haud raro ita dispositæ sunt, ut duæ magis in vulgus notæ, sive Anterior, atque Posterior, sicut tertiam semper ab latere, sic non semper æquali proprietate inter se habere dici possint. Nam etsi de septem cadaveribus tria vidi in quibus illæ sinisteriores, ideoque multo magis tertiæ, quam inter se vicinæ, hanc mediam excipere videbantur; vicissim tamen in quatuor reliquis cadaveribus longe aliter inveni: nam in duobus, id quod Valsalva sæpius vidit, inter se erant, quam tertiæ, viciniore; in uno, intervallo omnes ferme pari; in alio denique Posterior, & tertia propiores. Hanc tamen si nihilominus ipse malueris aut Mediam, aut spectato longiore, qui exterius oppositus est, Coli ambitu, Interiorem vocitare, per me licebit.

10. Eandem ego cum primum conspexi, parallelam reliquis in tractu illo Coli dextero, ipsisque angustiorrem descendere ad perpendiculum vidi summam versus Ilei partem, in Crassa intestina sæpe ascendendo, nonnunquam descendendo, interdum fere e transverso se immittentis. Nonnunquam postea non minus quam illas, inveni latam, ut in Explicatione Tabulæ *Adversariorum* III, (z) scriptum est, sæpius tamen contractiorem, in extrema præsertim parte, qua ultimum Ileum a tergo complexa, ad Appendiculam Vermiformem pertingit. Ibi enim mihi instar nervei quasi teretis fasciculi apparere solet; nonnunquam & paulo superius, antequam Ileum attingat: in cuius quoque proximam faciem se ex parte producere non solum in duobus illis de quibus in ea Explicatione indicatum est, sed & in aliis quæ postea inspexi, corporibus observavi sic ut aliquando in Ileum plures, quam in Appendiculam, alias non pauciores fibras immitteret, interdum non sane multas, ut in contracta & strigosa anicula, in qua hæc Lateralis Fasciola, quamvis reliquis multo angustior, tamen ubi prope Ileum ventum erat, in plures fasciculos quasi nerveos per se divisa, unum modo, eumque tenuem, in exteriora Ilei explicabat, reliquos ad Appendiculam promittebat. Cæterum ea Lateralis Fasciolæ in Ileum insertio ut in illius vestigandis usibus negligenda non videtur; sic, fortasse haud inutiliter, accidit, ut in prima omnium quam trium Fasciolarum Coli Imaginem dedi, neque eandem insertionem prætermiserim, & cætera quoque ea ratione ac positu repræsentaverim, ut vel nunc post editam Valsalvæ Figuram, mea illa haud prorsus supervacanea videri possit.

11. Nunc quando harum Fasciolarum non modo originem, sed & alterum extremum perpendimus; natura quæ sit, inquiremus. Et Veteres quidem num Ligamentis, substantia, an sede potius, & officio, ut vel ipsas carneas fibras extrinsecus Recto intestino impositas, censuerint assimilandas, disputari fortasse posset; præsertim cum Vesalius, ut infra (a) videbimus, non ligamentorum, sed *veluti ligamentorum*

natu-

(r) n. 16. (f) Obs. Anatom. (t) De Usu Part. corp. hum. l. 4. c. 17. (u) Tract. de Ventric. Intestin. &c.  
(x) Lib. Introduct. Anar. c. 8. (y) Obs. cit. (z) Fig. 3. (a) n. 15.



naturam exprimere illas, docuerit; Laurentius autem, ut supra (b) vidimus, esse aliud nihil, quam ejusdem intestini substantiam & crassiores, & densiores redditam, pronunciaverit; Eustachius denique (c) jam olim, ut ex carneis illis Recti fibris productas, ita non ea qualigamenta, aut tendines solebat, ratione, sed eo linearum ductu quo fibras easdem illas, & ceteros musculos, delineatas reliquerit. At certe inter Recentiores Italos princeps extitit Lancisius (d), qui cum eas Eustachii delineationes vulgaret, Coli musculares fascias appellandas esse, indicavit. Quod ut Valsalva animadvertit; sic a nobis addendum est, Cowperum (e) tamen apud Anglos, & Boerhaavium (f) apud Batavos idem antea docuisse, illum quidem, cum ligamentis Coli fibras carneas, fecum excretionem promoventes, assignaret; hunc autem, cum eadem musculosa esse, diserte traderet. Horum neminem latuisse, credendum est, quam diversa ejus Anatome sententia esset qui tunc in omnium manibus versabatur, Phil. Verheyenii (g): ea ligamenta non esse aliud, quam fibrarum membranacearum fasciculos: imo contra, veri multo similis est, cum & illam Verheyenii sententiam scirent, neque communem, quam ipsum Ligamentorum nomen invexerat, opinionem ignorarent; eo magis se dignum esse Præstantissimos Viros, & veri studiosissimos existimasse, ut quid observarent, quid probarent, ne reciterent. Jacobus autem Drakius (h) media sibi via incedendum, censuit, qui hæc Ligamenta membranaceis fibris compingi, docuit. Et Valsalva ipse, tametsi in animo habuit, ut supra (i) expositum est, Intestinorum Crassorum Communem, aut Tricipitem Musculum tum Recto additas fibras, tum Ligamenta Colo imposita nuncupare, imo hæc ipsa in Dissertatione Altera (k), Intestini Coli Carneas Fibras vocavit; tamen ubi de hisce ex instituto verba fecit, satis habuit negare, simpliciter esse ligamenta: eorum autem naturam esse carneam, vel saltem tendineam, ostendit ejusmodi quidem argumentis, quorum ut aliqua, potius carneam esse, indicant, ita reliqua non plus, quam tendineam esse, evincunt. Mihi vero id quod supra (l) posui, spectanti, scilicet quæ rectæ fibræ alibi per intestina in velum funduntur, eas per Coli maximam partem in has Fasciolas constipari, veri simillimum videtur, si id velum, sive, ut nunc loqui amant, ea lamina ex carneis fibris constare dicitur, & has Fasciolas ex carneis constare fibris esse pariter dicendas; adstipulante Exercitissimo Santorino (m), qui Coli ligamenta, seu rectius lacertos nuncupavit.

12. Attamen quid ipsa nos anatomica observatio doceat, eo diligentius videamus, quod cum in Adversariis (n) esse carneas, scripserimus; cavendum est nobis, ne hic præjudicata potius opinioni inservire, quam verum, quod unice quærimus, vestigare existimemur. Igitur quidquid in multis cadaveribus, diligenter inspicendo, adnotavimus, id omne si in unum conferamus; non idem in omnibus vidisse, ultro & libenter fatebimur. Fuerunt primum in quibus has fibras cum Recti intestini fibris conferentes, quas earum esse originem, cernimus, & quas nemo, quod sciamus, esse carneas, diserte negavit, eodem utraque & habitu, & colore (nam neque in Recto satis semper rubræ sunt, sed interdum potius albidulæ) manifestissime deprehendimus; ut tenuitate dumtaxat discrepant. Fuerunt postea alia corpora in quibus tendinæ potius, quam carneæ apparuerunt. Vidimus & alia in quibus, etsi extrinsecus inspectas, tendineas facile credidisses; tamen, si persecares, haud facile a carneis intestinorum fibris distingueres. Id accidit potissimum in hominis repente mortui, atque habitioris cadavere. Quin nuper legi Cel. Professorum Winslowium (o) universe tradentem, has Fascias „quamvis exterius vi-„deantur ligamentosæ, interius componi ex fibris carneis; „nec per Cæcum modo intestinum, sed & per Colon „eandem habere structuram. „Ego certe in illo cadavere cum id quod dixi, alibi per Colon perspexi, tum vero præsertim cum easdem Fascias propius originem suam, hoc est, in ultimo Colo inspectarem; evidenter non minus carneas inveni, quam

fibras carneas intestinorum; idque in Fasciis singulis, non ibi solum, sed & aliquo ab intestino Recto intervallo spectatis, manifestissimum fuit. Igitur si nos quoque in ipsis carneam aliquando naturam conspiciamus; cur & alias esse, si non conspicuam, at certe latentem, negabimus? aut si Fascias hoc in tractu esse carneas, videmus; cur ob reliquum in quo videmus esse tendineas, musculorum ipsis nomen, & naturam pernegabimus? quasi vero Membranofus qui dicitur Musculus propterea musculus non esset, quod maximam partem est tendineus; aut tendo pro perfecti musculi portione haud esset habendus. Quinego, si hisce omnibus neglectis; quod tibi arbitrium pro mea parte lubens permitto; malles ipse, nihil hæc aliud Ligamenta esse, quam carnearum fibrarum tendines, quæ Recto extrinsecus apponuntur, permotus fortasse isto qui in oculos incurrit, ipsorum lavore, & colore albedo, istaque fibrarum tenuitate, & majori ut plurimum firmitudine; ego, inquam, tamen vel ex isto ipso judicio tuo contenderem, si non musculos, at certe esse partes musculorum, & recte ab Summo Viro Lancisio (p) Coli Musculares Fascias esse appellata. Ipse vero si viveret (atque utinam adhuc viveret Vir, siquis alius, immortalitate dignissimus) quas esse tendineas fatereris, easdem ob id ipsum carneas esse fibras, contenderet; quippe qui (q) tendinum voce nihil, quod non esset musculare, intelligendum esse, censebat; tendinem enim esse adhesionem compactiorem, & plus, minusve per transversales quoque villos validiorem redditum, intertextum attenuatarum carnearum fibrarum, quæ cum suis vasorum, pororumque angustis rubram sanguinis partem minus admittant, idcirco soleant plus minus albescere. Qua in sententia, vel magis in rem nostram fuerit, necesse est, Inclyta Instituti Scientiarum Bononiensis Academia (r), atque adeo Valsalva ipse, qui cum Doctissimo Gravissimoque Viro Jo. Antonio Stancario, ejusdem Academiae judicio prævit, quo judicio Pacchioni doctrina circa muscularem duræ matris fabricam, usum, motum probata est. Fatebatur enim Pacchionus (s), eam meningem fibris carneo-rubris destitui, ipsarumque vim supplere fibras albas, ac tendineas, in eamque rem plerorumque Insectorum fibras proferebat, quæ carneæ quidem, & musculares, quamvis albe nostris oculis se fiant, vim, motumque animalculis largiuntur. Hæc tamen non urgeo, ut neque illud quod idem Valsalva (t) in Reticulari Corpore Meatus Auditorii cum albidam firmamque substantiam videret, fibras tamen esse carneas, non dubitaverit. Siquis in Coli Fasciis carneas fibras agnoscere nondum velit; per me liceat. Verum illud alterum quod in Adversariis (u) posui, eas Fascias non esse vera ligamenta, saltem agnoscat. Quas in Dura Meninge pro fibris ligamentosis proposuerat Vieussenius (x), nunc si non carneas, at certe tendineas esse, fatebimur, quamvis ab evidentibus fibris carneis haud nascantur: & in Coli Fasciis, quæ procul dubio ab Recti intestini fibris carneis oriuntur, tendineam saltem naturam aliquando non agnoscamus?

13. Hoc vero ad ipsarum usum, a Cowpero (y), & Valsalva additum, intelligendum, probandumque satis est. Fasciculos enim aut carneos, aut saltem tendineos a carneis Recti fibris per omnem Coli longitudinem producendo, vis quoque harum per Colon universum illa producitur, quam Zerbus, ut supra (z) diximus, olim cognoverat, qua recrementa deorsum trahantur, nimium alioqui moratura ob Coli, ut ille ait, revolutiones; ob nimis latam, quod Valsalva addidit, intestini ejusdem capacitatem; & denique ob tot etiam; quod licet adjicere; ipsius cellulas; ut hanc quoque ob causam fortasse accadat, ut in quibus animantibus cellulas, in iis Fasciis; in quibus nullas cellulas, in iis nullas Fascias videre soliti sumus, quemadmodum neque in iis intestinis, quorum non nimis ampli, neque cellulosi parietes propellendæ materiæ, præsertim molliori, pares sunt, ut in Tenuibus, aut quibus nullæ non modo cellulae, sed ne revolutiones quidem illæ multiplices, ut in Recto: quanquam huic quidem, & Tenuibus rectarum fibrarum, quæ sunt in velum

(b) n. 6. (c) Tab. X. Fig. 2. 4. & 5. (d) Not. ad eandem Fig. 2. (e) Vid. Act. Lips. A. 1699. M. Febr. (f) Institut. Medic. vel non ultimæ Edit. n. 109. (g) Anat. corp. hum. l. 1. tr. 2. c. XI. (h) Antropolog. book 1. ch. XI. (i) n. 1. (k) n. 1. (l) n. 8. (m) Obs. Anat. c. 9. n. 9. (n) III. Animad. 14. (o) Expos. Anat. Traité du Bas Ventre 114. & 147. (p) Vid. num. prox. super. (q) De Mot. Cord. l. 1. Propos. 37. (r) Vid. inter Pacchioni Dissert. ult. Edition. Diss. 2. (s) Ibid. Diss. 9. (t) De Aure hum. c. 1. n. 12. (u) Animad. cit. (x) Neurogr. l. 1. c. 2. (y) Vid. supra, n. 11. (z) n. 4.



in velum explicata (a), satis est; ut his in Fasciolas compactis opus non fuerit, quemadmodum Colo fuit: cujus nimirum parietes ut inter Fasciolarum intervalla ad faces, flatulve continendos pro re nata extendi possent, ibi minus firmo fibrarum velo; ut vicissim ad illa expellenda, opportune, quoad ejus liceret, contraherentur, urgerentur, concuterentur, productis ab uno ad alterum caput Fascioli in- strui oportuit. Hæc si cum iis conferas, quæ infra (b) in Crassis Suum intestinis describemus, Fasciolarum, ubi contractiora, & sine cellulis sunt, expertibus; multiplicatas autem Fascias, ubi in latius cellulofum Cæcum extuberant, obtinentibus; non mediocriter illustrari, confirmarique facile intelliges. Sed quid fuisse causæ dicemus, cur non satis Naturæ fuerit ad extremum usque humanum Colon Fasciolas perduxisse, sed universas præterea ad Vermiformis Appendiculæ initium, partim quoque ad Ileii finem, convenire, voluerit, easdemque, ut saltem ex parte aliquando animadvertimus, priusquam eo perveniant, rursus adauxerit? Nam Anterior certe ut per vicinum illum dexterum Coli tractum sua latitudine, & firmitudine quibus solet duabus reliquis antecellere, in se potissimum Prosectorum oculos convertit, sic a me, ipsam præ cæteris per ultiores Coli tractus persequente, non eandem in medio cursu latitudinem, aut firmitudinem ostendere inventa est: quæ ex re constat, ejus vim quo magis ab initio recedit suò, intestinum Rectum complectente, non minui magis; sed potius augeri. Quod etsi Coli diametro, & cellularum amplitudini, quæ nusquam major, quam in tractu illo dextero spectari solita est, deberi videatur; sunt tamen alia præterea quæ id requirant. Harum autem omnium rerum causas quærere commodius fuerit, ubi ordine quo cœpimus, (c) conservato, de Recto, & Cæco intestinis scripserimus (d).

14. Nunc alia quæ ad Coli Fasciolas, & Cellulas attinent, expediamus. Has neminem vellem existimare non Fasciolarum brevitati deberi sic ferme, ut supra (e) Glissonium diximus ex Laurentii experimento docuisse. Nam etsi Fascioli alios quoque usus adscribimus; tamen facilius est, & vulgatus illud experimentum, quam ut cellulas ab iis effici, & servari Fascioli, dubitare possimus, quibus sublatis, ipsas quoque cellulas simul tolli videmus; nec ideo tolli, quod fibræ quædam, seu illa (f) Fabricii ligamenta transversa, quæ inter cellulam & cellulam frustra quærivimus, una cum Fascioli auferantur; sed quod, his solutis, annexi longioris, ob idque in rugas, & cellulas conformati, intestini parietes explicentur. Quæ tamen res declaratione quadam eget. Rugæ enim internæ multo plures sunt, minusque ordinem servant, quam exteriores depressiones, quibus cellula definiuntur. Nam etsi utraq, si Coli axem spectes, in transversum ferme ducantur: etsi depressiones non ubique, aut certe non cunctis in corporibus, utrinque sibi respondeant, sed alterne quoque, cum ab uno Fascioli ejusque latere depressio occurrat, ab altero huic non depressio, sed extuberatio opponatur; depressiones tamen, atque extuberationes in eam sedem, sive in illud angustum, depressum, & perpetuum planum non perducuntur quod Fasciola quæque obtinet; salvisque Fascioli, fixæ ipsæ atque immobiles sunt: internæ autem illæ rugæ & passim sub eam sedem non extrema dumtaxat, humilique, sed nonnullæ media etiam interdum, altiorique procurrant parte; & digito impulsæ, loco moveri, nec difficile, videntur, vel Fascioli intactis. Porro autem his ad tractum aliquem adeptis, ibi continuo cellula quidem abolentur; cum in tractu reliquo, non secus ac antea, servantur & persistent omnia; interiores vero illæ rugæ non semper tolluntur penitus, sed aliquando multum tantummodo imminuuntur. Nec tamen propterea quod cellula aboleantur, rugæque saltem imminuantur, intestini latitudo, aut ipsa adeo longitudo tantum crescit, quantum aliquis expectaret, ne iis quidem locis quæ antea Fascioli operiebantur. Ea enim loca, ut antequam hæc detraherentur, aliquanto breviora

erant, quam interstitia Fascioli interposita, sic hinc penitus diligenterque sublatis, interstitiorum tamen longitudinem non æquabant in iis certe duobus aut tribus cadaveribus, in quorum Coli portione, spithama longiore, hæc novissime perquisivi; ut proclive sit opinari, præter Fasciolarum adjunctionem, quam si tollis, cellulas tollis, ad has efformandas etiam aliquid conferre parietum Coli longitudinem, in interstitiis majorem aliquanto, ut videtur, a natura comparatam, quam in locis illis tribus, quibus singulis singulæ Fascioli impositæ sunt.

15. Hic vero se objicit Spigelii (g) sententia examinanda: *Nascuntur*, inquit, *hæ Cellulæ ex interiore tunica, in quas rugæ ipsius expansæ sunt, quæ a lateribus evidentius comparent: at quo viciniores sunt ipsi Recto, eo magis obliterantur, adeoque ipsum Colon æqualius redditur*. In his quidem agnosco primum verba Fallopii (h) docentis, interioris tunicæ in Crassis intestinis rugas in cavernas & recessus illos esse expansas, ideoque eas rugas, eamque illius tunicæ multo majorem longitudinem in crassis non ita, ut in gracilibus, apparere. Qui tamen Cellulæ ex interiore tunica nascantur, non intelligo. Nam ut ab longiore interna tunica amplificentur, tamen ex omnibus tunicis nasci, cum inæquales illæ modo intumescunt, modo subsident, quas vel exterius videmus in Colo, tum cellularum a rupto aut laxato exteriori ligamento protinus consequens abolitio, evidentissime demonstrant. Quæ duo cum Spigelius nosset; mirum est, illud docuisse: non secus ac Præstantissimum inter recentiores Anatomicum, a valvulis conniventibus (sic illas interioris tunicæ rugas nunc vocitant) a valvulis, inquam, conniventibus in Colo, cellulas representari, cum illas triplices ex triplici ligamento esse, diceret, cellulasque ipsas, ligamenti cultello dissolutis; in totum obliterari, indeque constare, cellularum constitutionem a ligamenti per longitudinem dicti intestini procurrentibus dependere. Quod tamen valvulas Conniventes in Colo triplices ex triplici ligamento esse, dixit; id, juxta meas quidem observationes, haud strictè sed liberalius est accipiendum, ut si non quidquid rugarum est intra Colon, plurimas certe, ipsasque adeo introrsum prostantes cellularum divisiones, in tres series secundum Coli longitudinem distribui, intelligamus, singulas videlicet in singulis intervallis collocatas quæ tria in Coli ambitu a tribus nimirum Ligamentis relinquuntur. Itaque cum ea intervalla rugæ passim teneant plurimæ, in transversum assurgentes; paulo autem, imo in quibusdam multo pauciores, in loca quæ Ligamenti respondent, procurrant; facile possis, atque adeo interdum facillime, apertum secundum longitudinem Colon ab interiore facie inspicendo, quas sedes exterius Ligamenta obtineant, dignoscere, modo hæc antea neque abscideris, neque avulseris. Verum ad Spigelium ut redeam; quæ porro in producto loco addit, de rugis quibuslibet, an de cellulis, & quibus de lateribus, ventris, an Coli accipienda essent, ambigi posset, nisi Vesalii (i) locus ad quem respexisse ipsum, video, istam obscuritatem illustraret: „Colon, inquit, in hominibus, „non adamussim, ut in canibus, teres est: verum „per universum ipsius ductum superius inferiusque „depressum, æqualeque, ac læve videtur; ad latera „utrinque quadam serie, velut in medios globos, „cellulasque extuberans. Atque hæc figura eo minus conspicua fit, quo colon recto intestino „vicinius accedit. „Sermo igitur est de cellulis, quæ utrinque ad latera universi Coli tanto manifestius extuberant, ut vel in fœtibus, in quibus videlicet vix internosci, adnotavimus, aliquod tamen earum rudimentum in Coli lateribus se ostendat in ea præsertim, ut alibi diligentius scribemus, ipsius parte quæ transversa sub ventriculo duci solet: in qua in adultis quoque cellulas esse plures, legisse memini qui docerent; quamvis in ea potius Coli parte quæ per latus ventris sinistrum fertur, semel atque iterum; non semper; plures animadvertirim. Quod si in illo universi Coli latere quod cum Mesocolo connexum est, iterum bipartiri cel-

Y

lula-

(a) Vid. supra, n. 8. (b) n. 16. (c) n. 1. 2. 3. (d) n. 63. & 64. (e) n. 6. (f) Ibid.

(g) De hum. corp. fabr. l. 8. c. 9. (h) Obs. Anat. (i) De corp. hum. fabr. l. 5. c. 5.



lularum extuberationes, & quod consequitur, tres harum quoque secundum intestini longitudinem series extare ob eundem videlicet trium Ligamentorum interjectum, ob quem triplex illa intus efficitur rugarum series: si hoc, inquam, ad Vesalii descriptionem addideris; nihil erit præterea quod in ipsa queas magnopere desiderare.

16. Cæterum istam cellularum Coli descriptionem ut præclaram, ita primam omnium, quod nunc meminero, apud Vesalium habemus. Quin si dixerō, me frustra quæsisse, ubinam Galenus, ut Vesalius (k) indicat, scriptum reliquerit, *quorundam animalium colum intestinum* --- *utrinque veluti in globulos extuberare*, nec videri mihi ullam cellularum mentionem apud Græcos invenisse; mirum quidem, ut in re vel in simiis ipsis, quod infra (l) ostendetur, per se in oculos incurrente; sed verum tamen profecto dixerō. Mauritanos, & Arabes intestinum hoc *cellulatum* appellavisse, Andreas Laurentius (m), & Casparus Bauhinus (n) prodidere, quem morem & Cauliacum secutum esse, adnotavit Zerbus (o). Mundinus certe (p) *plures in hoc intestino cellulas commemoravit, in quibus stercus figuram accipit, & in ipso retinetur propter has cellulas*. Sed quas fero adeo Anatomici memorare coeperunt, quasque iterum ætate hac nostra in Coli descriptione nonnemo omisit; Fabricius ab Aquapendente (q) ad quadrupedes omnes animantes extendere visus est, cum docuit, *homines & quadrupeda in Coli intestini constructione fere convenire; etenim in omnibus colon amplissimum esse intestinum, longum, rotundum, carum & passim anfractuosum, cavernosumque, ita ut velut in cellulas, globosque subinde conformatum appareat*. Nimirum canis, cui certe nec longum, nec passim anfractuosum, cavernosumque datum est, aliorumque ejusmodi animalium tunc oblitus videri potuit, quorum contra vel nimis recordabatur Riolanus (r), cum *ligamentis*, scripsit, *brutorum Colon intestinum carere*. Quorum utriusque; aut certe alterius, egregii alioqui Professoris hallucinatio necujus animo forte insideat adversus illos usus quos Ligamentis assignavimus (s); aliorum plures, nostrasque aliquot in multiplici animantium genere habitas observationes subjiciemus, ex quibus constet, neque omnibus quadrupedibus cavernas illas, neque uni homini Ligamenta, Coli obtigisse; verum de his multo cautius quam Riolanum, scripsisse Vesalium (t), docentem, *illa corpora, veluti ligamentorum naturam exprimentia, secundum crassorum intestinorum longitudinem, in homine, non autem in cane, aliisque multis animalibus, exporrigi*.

17. Itaque ipſius Veſalii præceptor Sylviuſ jam olim in ſimia hæc Ligamenta adnotavit. In iis enim *Obſervatis*, quæ & ſuprà (u) à nobis laudata ſunt, hæc ſcripta reliquit: „ Colon ſimiae eſt triangulum, longum ſeſqui- „ pede, aut plus, cellulis permultis alte ſtriatum: „ per huius latera duo media ab inteſtino cæco „ duæ nervoſæ ceu corrigiolæ, ungue dimidio la- „ tæ, uſque initium inteſtini recti feruntur: per la- „ tus tertium venæ meſenterii inferuntur. „ Simiæ tamen ab Drelincurtio (x) diſſectæ, tria habuerunt Ligamenta. In altera enim *Epiploon inteſtino Cæco juxta ligamentum tertium & ſupremum firmiter cobærebat*; in altera autem diſerte *Ligamenta Coli* (quod *Cellulas habet, ut in homine*) tria memorantur, unum inferius, duo lateralia media. Quæ conſentiunt cum iis quæ in ſimiis à Pariſienſibus (y) obſervata ſunt de tribus *Ligamentis Cæcum ad parvas cellulas formandas adſtringentibus*; qui & *Ligamenta*, ajunt, *per totam Coli longitudinem fuiſſe extenſa*, quod quidem Colon ſuas habebat *Cellulas more ſolito*. Iidem (z) in caſtoris Cæco Ligamenta invenerunt duo, in ſingulis faciebus ſingula, humaniſque ſimilia: in hyſtriciſ autem (a) Colo duo, in Cæco tria, utrumque, ſed hoc magis in cellulas contrahentia; cum in bubali (b) Cæco Ligamentum animadvertiſſent *nervoſum, quod tamen nullas in ipſo producebat cellulas*. Ruſſchiuſ (c) in equo *triplex Ligamentum in Colo, ſicut in homine*, unde & *cellule*, adnotavit. Ipſe autem in porciſ aliquot inquirens, rem ad eum modum ſe habere vidi, quem faciliuſ dicam, ſi quid Cræſſa ipſorum inteſtina ab hu-

manis differant; prius indicavero. Quæ Aristoteles (d) univèrse scripsit de animalibus *intestinum non directum*, sed pluribus circumvolutionibus implicatum habentibus, *is omnibus amplius esse, quæ & quod colum vocatur, habent, & cæcum; ac tumidum quiddam: mox artari, & complicari: ab hoc rectum ad exitum usque excrementi pertendere*; hæc in parte suis magis, & quibusdam aliis animantibus, quam homini conveniunt. Scilicet inter Colon, & Rectum artius fieri *intestinum*, Fernelius quidem (e), & qui non nominatum hunc sequitur, Piccolhominus (f) sic vel in homine ipso agnoscunt, ut doceant, Colon *qua parte sinistro reni assidet, ibi jam læve, hoc est, sine cellulis, conspici, & multo angustius se ipso factum, & denique a recto intestino angustia quadam velut strictim premente vinculo facta, perspicue disjungi*. Ego vero in humanis corporibus, ut cum Vesalio (g) lubens agnosco, istam cellulosa Coli figuram eo minus conspicuam fieri, quo colon recto vicinius accedit, neque diffiteor, ejus latitudinem ibi aliquanto, nec tamen in omnibus, minorem effici; sic illam jam inde præsertim unde ipsi ajunt, obliterari, hanc autem ad eum modum tantopere imminui, neque secundum naturam ipse videre solitus sum, nec se vidisse ostendit diligentissimus Professor Eustachius (h). Contra in quibusdam animantium generibus utique istam tantam ad extremum Colon angustiam, & lævitatē animadverti, ut puta in ovibus, & quod præclarius memini, in suis. His enim ab ani Sphinctere spithamæ tractu, aut paulo hoc ampliore superato, *intestinum contrahitur, in eaque contractione duos, aut tres palmos persistit, donec leviter primum inæquale, & ut sic dicam, variciforme, dein manifeste cellulosa efficitur: quibus cellulis reliquo toto tractu instruitur, quo longe magis, quam in nobis, est inflexum, atque adeo complicatum, donec ad Ilei finem, intra cavum intestini ad duos fere transversos digitos, aut ad pollicem, extantem, eumque rigidum propemodum atque immobilem, intusque rugis arctiorem, Colon denique in amplum longitudine, & latitudine Cæcum, & ipsum cellulosa, excrescit. Ita factis intestinis primum superinductæ sunt carnae fibræ, eæque crassiusculæ, ab ani Sphinctere ad contractionis initium pertinentes. Inde hæc minus evidentes fiunt: interque ipsas quæ variciforme apparere incipit intestinum, minus jam obscura indicia existunt duorum Ligamentorum, quæ mox super manifestas jam cellulas & ipsa manifestiora facta, duo, haud plura, ad Cæcum usque continent, & per hoc novissime ad ipsius fundum pergunt; tertio, ob Cæci latitudinem, aucta Ligamento, minus quidem aliquanto conspicuo, sed tamen non obscuro, si ab eo cum membrana, instar Mesocoli, expansione, adhaerentem adipem caute removeas. Hujus initium Ligamenti statim infra Ileum inveni; quæ id, *intestinum in Crassa se conjicit: fibras, etiam per Ilei, quod intercipiunt, extrema latera ab duobus illis aliis Ligamentis in hoc tertium dimissas sic satis mihi vidisse videor; tria certe a summo Cæco ad imum pergentia, ibique sæpius inter se coeuntia, alias proxime inter se desinentia conspexi. Denique in facie interiore tum Cæci, tum Coli rugas vidi in transversum assurgentes; eaque dumtaxat spatia, quæ Ligamenti interjiciebantur, obtinentes non secus, imò multo certius quam fieri in Colo humano supra (i) dictum est. Habes quæ in porcis adnotaverim, & quæ in**

18. In porcellis autem Indicis res in parte his-  
similes animadverti. Nam etsi ad longe aliud animan-  
tium genus spectant, ac nomen significat; illud ta-  
men quod Cæco respondet, intestinum, in trans-  
versum jacens, tantumque, ut si plenum e ventre  
extractum, cum animalis corpore ipsius conferres,  
quod spatium ab summo rostro ad imum thoracem  
pertinet, longitudine adæquaret; tribus pariter fibro-  
sis Fasciis, seu mavis Ligamentis ornabatur, in alte-  
ro Cæci extremo inter se junctis; ab altero autem  
qua ex Cæco proficiscebatur Colon, per hujus exte-  
riora in fibras productis, passim, ideoque in cer-  
tum

(k) Epist. ad Roelant. (l) num. proxim. seq. (m) Hist. Anat. l. 1. c. 14. (n) Theatr. Anat. l. 1. c. 17. in adnot. (o) Anat. tot. corp. hum. ubi de Colo. (p) Anat. ubi de Anat. Interior. (q) Tract. de Vetric. & Intest. (r) Anthropogr. l. 2. c. 14. (s) supra, n. 13. & 14. (t) Exam. Obs. Fallopp. (u) n. 7. (x) Apud Blas. Anat. Animal. p. 1. c. 33. (y) Apud Valentin. Amphitheatr. Zootom. Sect. 34. (z) Ibid. Sect. 38. (a) Sect. 40. (b) Sect. 13. (c) in Museo Anat. Theca C. Repos. 3. n. 1. ad 2. & 3. (d) De Part. Animal. l. 3. c. 14. art. 2. (e) Physiolog. l. 1. c. 7. (f) Anat. Praelect. l. 2. Praelect. 12. (g) De corp. hum. fabr. l. 5. c. 5. (h) Tab. lib. Fig. 2. 4. & 5. (i) n. 15.



tum non cogendas numerum, secundum longitudinem pergentes, quæ paulo post obliterabantur. Vifa est ea pars Coli ab uno quidem latere in quasdā quasi cellulas prominere; nam quæ alibi plurimæ apparebant, non cellulæ illæ quidem erant, sed fortuitæ hic illic a remorantibus recrementis, intestini dilatationes. Visi quoque intrinsecus esse in prima illa Coli parte, per ejus pelluentes membranas transpiciendo, oblongi plures quasi fibrarum extantes fasciculi, qui quo magis Colon procederet, eo fierent humiliores. Verum intestino aperto, rugas esse comperi in longitudinem ductas, quarum singulæ, hinc, & hinc ab lateribus trahendo, quamvis non prorsus, ex parte tamen evanescebant. Quibus de pseudofasciis, ut ita loquar, & pseudocellulis hic censui te diserte esse commonendum, ut neque illis plus quam res, & structura ferret, tribueres, & si quis cellulas in aliquibus forte eorum animalium in quibus nos pernegamus, agnosceret; unde falleretur, intelligeres. Illæ vero pseudofasciæ præterquam quod, ut in felibus quoque interdum, & canibus, & erinaceis observavimus, non exteriora tenent, sed interiora; certe sunt rugæ, quas utrinque ita, ut diximus, trahendo, sæpius delevimus.

19. Quas quoniam in erinaceis propter Valsalvæ auctoritatem diligentius inspexi; quales invenerim, subjiciam. Nullæ ab imo Recto intestino ad modicum usque spatium, deinde per ejusdem intestini reliquam partem, quæ multo quam in nobis, proportionem, est longior visa, primum serpentino incessu in longitudinem ferebantur: aliquanto autem intervallo crenato, rectæ ferme, & inter se parallelæ pergebant, illud quoque non ita longum intestinum quod Colo respondet, occupantes, donec haud procul ab extremo, ut opinor, Ileo, jam extenuatæ, finem haberent. Nullum enim in erinaceis Cæcum, nulla Appendix Vermiformis, nulla Bauhini Valvula; unde veros Crassorum, & Tenuium intestinorum fines possis constituere. Tantummodo ellyptici Peyerii glandularum plexus, quibus Tenuia ornabantur, aliquod eorum finium indicium dabant, nimirum se se ostendere incipientes non magno intervallo ab eo loco ubi rugæ illæ penitus evanescebant: quanquam ipsas altius interdum produci, animadvertimus. Has, ut rugas; non Fasciolas; esse, intelligeres, hæc faciebant; primum quod ubi serpere tortuose incipiebant; septem, aut octo: ubi recta ducebantur; quinque, aut sex: ubi ad finem accedebant; vel pauciores numerabantur. Deinde quod non eadem semper ab imo ad summum pergebant; sed aliquo in loco, inter ipsas jam rectas factas quæpiam erat quæ repente existeret. Tum, si ab lateribus hinc, & hinc traheres; facile obliterabantur. Denique ubi transversas incideres; nihil esse aliud nisi corrugationes internæ tunicæ; non peculiare carnearum fibrarum fasciculos; conspiciebas, idque tam evidenter, quam quod evidentissime. Hæc cum inspicerem; tum illud in erinaceis quoque animadverti, non cellularum tantum, quæ nullæ ab natura sunt, pro aggesta hic illic materia similitudinem quandam fortuito existere; sed modo hanc, modo illam quamcunque intestinorum partem, ut inanis, aut plena est, sic angustam, latamve apparere.

20. In canibus autem quis ignorat, quod inter Rectum, & Cæcum positum est, id intestinum neque sedibus, neque longitudine humano Colo respondere? Porro carneæ fibræ secundum Recti primum, tum secundum illius intestini longitudinem ductæ, omnem ejus faciem passim occupant, ab infimo Recto ad Cæcum usque pertinentes, nisi quod eo magis extenuantur, quo longius a Recto procedunt. Eadem in vulpe conspexi. Vervæcis autem, & agni cum intestina olim inspectarem, meminî, in illo quidem fere quindecuplo longiora visa, quam totum vervæcem; credo, ut tanta longitudo, Conniventium valvularum defectum pensaret; neque enim vel unam potuimus, cum maxime quæreremus ubi potissimum esse debuissent, in Gracilibus alterutris

Morgagni Epistolæ Anatomicae.

intestinis deprehendere. Gracilia in utroque primum ad longum tractum angusta; qua proxima jam Colo erant, latiora. Colon autem prope Cæcum, satis amplum; in progressu valde contractum, præsertim haud procul a Recto, qua fæces continebat in globulos conformatas; ut videndum aliquando putaverim, num ea contractio, ibidem in aliis quoque animantibus, atque adeo in ipso quadantenus homine a nobis supra (k) commemorata, facta sit ut modum terminet crassitudinis recrementorum prius videlicet, quam in Recto duriora fiant. Cæterum in neutra eorum de quibus modo verba faciebam, animalium me cellulas meminî vidisse. In agno certe cum attentius quævissem; neque cellulas, neque fascias, neque insignes præ quam in cæteris intestinis, carneas fibras in Colo, in Cæco, in Recto videre potui.

21. Reliquum est, ut de Recto primum, deinde & de Cæco hominum, bestiarumque intestino quædam alia adjiciamus. Qui primi illud intestinum, quod Hippocrates (l) vocitare princeps consueverat, Rectum appellare instituerunt, eos ante Ruffum (m), non modo ante Galenum (n), & Alexandrum Aphrodisiensem (o), quos omnes hunc morem secutos video, fuisse constat. Cornelius enim Celsus (p) satis ostendit, vel suis temporibus id solitum esse rectum intestinum nominari. Sed si Aristoteles (quæm ego hoc magis indicasse, quam fecisse, tenere memoria videor) revera, ut quidam affirmant, id nominis imposuit, si alii doctissimi Viri, qui inter ejus, & Celsi tempora floruerunt; non eo certe vocabulo usos credo, quod intestinum illud a principio ad finem recta semper, ut Spigelius (q) ait; sed quod, ut idem continuo subjicit, sine spiris aut protuberantiis procedat. Harum enim in proximo Colo, illarum autem cum in Colo quarundam præsertim animantium, tum vero maxime in Gracilibus intestinis tot, tantasque cernebant, ut si cum illis Rectum compararent; profecto nihil magis, quam rectum esse videretur. Cæterum Viros eruditissimos fugere non poterat Hippocratis locus ex eo libro qui inscribitur Μηχανικόν: Σпина vero ab osse sacro usque ad magnam vertebram curva est, simulque vesica, partes genitales, & podicis quod est inclinatum, in hac parte habetur; siue, ut reddidit Cornarius, qui transtulit inter initia libri de Ossium Structura: & vesica, & genitura, & recti intestini pars inclinata, in hac parte est; quanquam hic quoque Hippocrates, non recti, sed principis scripserat: Κεῖται τὴν καὶ ὀρχὴν τὸ ἐγκλειμμένον ἐν τῷ σπινῷ. Huic ego loco aptiorem commentarium invenire vix possum, quam Blasii in Veslingium (r):, Recto ductu extendi hoc intestinum respective tantum dicendum est, quod minus, intorqueatur quam præcedentia. --- Alias enim, si simpliciter Rectum dicatur, falsum est; anteriori enim regioni ossis sacri incumbit, quod eum infirmum, uti & os coccygis, planum atque æquale a natura factum est; at hæc ossa ductum non rectum, habent, sed incurvum. Hanc inflexionem Recti intestini, se curvitati ossis Coccygis, & Sacri accommodantis, ab Hippocrate acceptam, illos attendisse, non dubito, qui ad ignobilem quidem, sed perutilem, atque adeo necessariam Chirurgiæ partem instituentes, in clysmorum injectione siphonem non ad anteriora, sed os Sacrum versus dirigendum esse, docuerunt, eoque directum quasi per manus tradiderunt. Eandem autem Recti inflexionem non ob id modo ab Natura paratam credo, ut commodiorem sedem haberet vesica urinaria, a tergo adeo protuberans, ut a me alibi (s) propositum est, ob aliasve ejusmodi causas; sed ob id etiam, ne recrementorum pondus Sphincteri podicis ad perpendiculum imminerent, eumque propterea plus æquo urgendo, ejus vires nimium facile, & intempestive superaret. Cæterum quod Blasius (t) addit, alique hoc tempore confirmarunt, si tamen Rectum absolute recto ductu descendere, dicere velimus; nec in dextrum, nec in sinistrum inclinare latus dicendum; ne id quidem absolute atque omnino verum esse, jam olim indicavit Massa (u), docens, Rectum tendere aliquantulum ad sinistram partem, in

Y 2

fine

(k) n. 17. (l) Sect. 5. Aphor. 58. Mercuriali, alius 59. & l. de Hæmorrhoid. & l. de Fistul. &c.  
(m) De Part. corp. hum. appell. l. 2. c. xi. (n) De Anat. Admin. l. 6. c. 9. De Vs. Part. l. 4. c. 17. &c.  
(o) l. 1. Probl. 31. Gazæ; 34. Politiano. (p) De Medicina l. 4. c. 1. (q) De hum. corp. fabr. l. 8. c. 9.  
(r) c. 3. (s) Epist. Anat. l. num. 61. (t) loc. cit. (u) Lib. Introduct. Anatom. c. 8.



*sine cuius incipit Colon:* nos certe in quinque continenter sectis cadaveribus idem haud aliter, interdum vel plus quam Massa, deprehendimus; ut saltem conflet, non semper id esse verum, quod a Blasio additum est.

22. Quod autem ad glandulas, aut canaliculos attinet five ad Rectum intestinum, five ad Coli initium, eamque viciniam pertinentes, quos supra (x) ex Valsalvæ observationibus commemoravi; quid mihi de primis, & in homine quidem, adnotatum sit, satis in III. *Adversariis* (y) proditum est. In duobus autem erinaceis vidi quidem glandulam ovalem, depressam, palloris quasi cinerei, in Mesocolo sitam, fere inter Emulgentia vasa, & Rectum intestinum, quod nimirum his animantibus prælongum obtigisse, indicavi (z): imo & quædam quasi vascula vidi inter eam glandulam, & intestinum hoc ducta, quorum nonnulla per hujus superficiem infra ferpebant. Sed num revera deorsum ferrentur, an ascenderent; num essent nervi, an sanguinis, aut lymphæ rivuli, pro certo statuere non potui: quanquam ut eam glandulam de lymphaticarum genere potius crederem, & sedes faciebat ipsius in Mesocolo, & prorsus similis in Mesaræo glandula altera propter Asellii pancreas animadversa. Sic alias in erinaceo cum ad Rectum fere infimum unam ejusmodi glandulam conspexissem; & alteram non absimilem in Mesenterio deprehendisse memini haud procul ab ea intestinorum parte quam Ileii fini respondere, arbitramur. Et quoniam circa hunc quoque locum in homine, ove, lepore, aliisque animantibus glandulas a Valsalva observatas esse, indicavimus (a); nos vidisse pariter, non reticebimus & in fœtu humano plures, minutasque prope Coli initium, & in agno, cum varia magnitudine multæ essent in Mesocolo, majores duas ad ipsos intestinorum Gracilium, & Crassorum fines, inter se inæquales, & subrotundas, & in lepore ibidem unam ejusdem figuræ, & in vulpe plures, easque majores; sed has omnes ejusdem generis, & officii censuisse, cujus eæ sunt quæ Mesaræo, aut Mesocolo insident, quibus videlicet hæ quoque insidebant, quemadmodum illas pariter fuisse puto quas in utraque tigride, ab se dissecta, vidit Cl. Wolffrigelius (b) *duas ovales ad Cæci intestini latera ex mesenterio utrinque delatas*. Contra longe alterius esse generis, & longe aliud præstare, non dubito, quæ intus circa Ileii in Crassa intestina ingressum, & prominentiam se mihi in porcis ostenderunt. In illa enim ejus prominentiæ facie quæ Colon respicit, in eique faciei proximo Colo solent in oculos incurrere non ita parva foramina, eaque adeo crebra, & fusca, ut retis cujusdam maculas repræsentent. Quæ cum attentius inspicerem, orificia esse, vidi, glandularum lenticularium, sed paulo majorum, crassiorumque, & in unum plexum coactarum, extantem, ut interdum animadverti, in multo ampliore plexu minimarum glandularum, qui ab extremi Ileii interiore facie (in qua plexum alterum, ex illis majoribus glandulis pariter constructum, amplectebatur) in eam prominentiæ faciem de qua dictum est, se invertebat, & per Colon proximum expandebat: porro ex foraminibus illis majoribus mucosa materia exprimebatur. In lepore autem manifestum est, confertissimas glandulas interiora obtinere duplicis Appendicis Cæci intestini, quarum minor prope Gracilium ingressum orificio aperta circulari in subrotundum abit faculum; major vero, Gracilibus intestinis latior, octo autem ferme digitos longa, non absimilis alterutrius est Cæci Avium intestini: quas diligentius non describo propterea quod id ab aliis, & a Wepfero præfertim (c) factum video, qui & eas glandulas tubulorum instar proponit; quanquam mihi seu quia non pari cura inquisiverim, five etiam fortasse quod non æque omnibus leporibus conspicuæ insint, subrotundorum dumtaxat confertissimorum granulorum specie apparuerunt, per eas Appendices satis eleganter se se ubique prodentium, si extremum majoris Appen-

dicis fundum, ubi subobscurior res erat, excipiantur.

23. Sed quoniam de Cæco, ejusque Appendicibus, & harum glandulis cœpta sunt a nobis verba fieri; pergamus porro, ut hac quoque promissi nostri parte expleta, quod de usibus Fasciarum Coli superest, non utroque solum ipsarum extremo, sed utriusque etiam vicinia inspecta, subjiciamus. Cavendum autem est nobis, ne, quod multi ante nos fecerunt, quæ si ve structura, si ve usu distinguenda sunt, ea confundere videamur. Et priscos quidem Anatomicos Cæci nomine Vermiformem Appendiculam non designasse, tam est non modo perspicuum, verum etiam inter Majores sæpe confirmatum, ut mirer, Drakium (d) existimasse, id primum alicui ex posterioribus Anatomicis in mentem venisse. Quid enim cum tenui hac Appendicula, aut illud Aristotelis (e) *cæcum*, ac *tumidum quiddam*, aut illa Galeni (f): *Cæcum prorsus velut venter quidam est crassus, excrementis recipiendis appositus, cui ad portionem colon respondet*? Nonne hac descriptione tam longe abiit ab Appendiculæ gracilitate, ut in scripta pro ipso, *Apologia* Hofmannus (g) sibi confitendum censuerit, *errorem Galeni heic nimis quam manifestum esse*. --- *Tale quidem esse in subus; --- sed in homine esse tenuem quandam adnascantiam, instar vermiculi propendentem eo loci, quo alioquin in brutis cæcum est*; Jacobus autem Sylvius (h), qui aliquem in Galeno errorem agnoscere non audebat, coactus sit suspicari, adnascantiam hanc post Galeni tempora intestino cæco accrevisse, vel intestini cæci portionem in hanc degenerasse. Quam ego Sylvi suspicionem etsi nulla ex parte probandam censeo; tamen non ex hac minus, quam ex Hofmanni confessione; ut in re manifestissima multos aliorum locos sciens omittam; satis superque patere existimo, ne dubitandum quidem Eruditissimos Viros putasse, quin Galenus Cæci nomine longe aliud quam hanc Appendiculam, significaverit. Melius autem Sylvium, quam Hofmannum in eo se gessisse, arbitror, quod esse tamen homini, præter hanc, & intestinum cæcum, agnovit (i), quale Galenus descripsit, sed aliquanto (multo voluit dicere) *brevius quam porco*. Et situm est fane magis quam Appendicula, eo loco quo in plerisque bestiis majus illud Cæcum est; tum huic magis usu respondet sic ut Vesalius ipse (k) confiteatur, *amplum hoc*, ut vocat, *coli intestini initium in homine cæci intestini usum abunde supplere*. Idem tamen (l) non hoc Coli initium, sed Appendiculam *Cæcum veteribus dissectionum professoribus vocatum esse, nihil dubitabat*. Sed ut multa sunt quæ rem contra se habere, ostendunt; sic recte fecisset, si aliquem eorum locum unde id constaret, produxisset. Nam Sylvius quidem (m) vir, si quis alius, in eorum lectione versatus, differte negat, *ullam mentionem, quod sciat, apud veteres legi ejus qua de loquimur, Appendicis*. Quod autem Jo. Riolanus (n) hanc *veteribus notam fuisse, liquere*, putat, ex Julio Polluce Galeni contemporaneo; ut qui in descriptione intestinorum, *pro tertio intestino nempe Cæco, quid gracile*; si Riolanum audimus; *adnexum & assutum fuisse, scribit*; certe; ne ipsi aliam Pollucis interpretationem afferamus; Bauhinus (o), nihil dissentiente in *Animadversionibus* Riolano, longe aliam protulit in hunc modum: *quod utrinque* (seu potius altera ex parte; ἐξ ἑκαστου) *tenuis illius intestini termino annexum est, intestinum cæcum nominatur*. Itaque nec Theophilus (p), nec Avicenna (q), nec Mundinus (r), nec Zerbus (s) aliud quam Galenus, Cæcum intestinum, seu, ut quidam ipsorum appellant, Monoculum, cognovere, ut ex iis quæ de hoc, aut ejus utilitatibus scripsere, intelligitur: primusque omnium quos legisse memini, Berengarius (t) fuit, qui Appendiculam & animadverterit, & ideo Cæcum nominaverit, quod Cæcum Galenicum propter puerilem ingluviem cibos æquo citius extrudentem, in illam contractum existimaret: quem secutus Massa (u) aliam dumtaxat ejusdem contractionis causam, eodem tamen recidentem, proposuit, hoc est *tempore infantie fluxum diarium, non permittentem feces morari in dicto intestino*; frustra uterque, cum

eæ

(x) num. 2. (y) *Animad.* 6. (z) supra, num. 19. (a) num. 2. (b) *Ephem. N. C. Dec.* 1. A. 2. Obs. 7.

(c) Apud Blas. *Anat. Animal.* P. I. c. 24. (d) *Anthropol.* book 1. ch. xi. (e) *De Partib. Animal.* 1. 3. c. 14.

(f) *De Usu Part.* 1. 4. c. 18. (g) 1. 2. Sect. 4. c. 127. (h) *Calumn. Depals.* 25. (i) *Ibid.* (k) *De corp. hum. fabr.* 1. 5. c. 5.

(l) *Ibid.* (m) loc. cit. (n) *Anthropogr.* 1. 2. c. 14. (o) *Theatr. Anat.* 1. 1. c. 17. in Adnot.

(p) *De corp. hum. fabr.* 1. 2. c. 5. (q) *Canon.* 1. 3. F. 16. tr. 1. c. 1. (r) *Anatom.* ubi de *Anat. Intestinor.*

(s) *Anat. tot. corp. hum.* ubi de *Anat. Monoculi.* (t) In *Mundin. Comm.* 7. (u) *Lib. Introd. Anat.* c. 9.



ex causâ nec ultimorum faculorum peculiare sint, & neutra ad eundem modum in omnes cadat, aut fere omnes; & tamen quotus quisque est (etsi hoc ipsi non usque adeo rarum existimare videbantur) in quo nulla Appendicula, sed magnum Cæcum invenitur?

24. Verum hæc facile condonanda sunt hominibus se errare credentibus, si a communi descriptione prorsus recederent, & primis tamen veram humani corporis structuram aperientibus. Nam Berengarius (x) hic descripsit Appendiculam, ut quoddam additamentum --- habens orificium suum laterale; --- minus digito manus per latum, & longitudinis trium unciarum vel circa. Massa autem (y) docuit, Cæcum illud Veterum in quibusdam magnum inveniri, --- sed quandoque mediocre esse, & sæpe minimum, multoties etiam non inveniri fere distinctionem, quoniam est pars quædam veluti esset Coli cellula major. Itaque illud non negavit, imo ejus varietates descripsit: & tametsi gracile præterea Additamentum pro contracto, ut diximus, Cæco proposuit; tamen ea dubitatione ac modestia fecit, ut cæteros obsecraret, ne meliora in medium proferre gravarentur. Sed Vesalius (z), neutro, ut solebat, nominato, cum istud Additamentum appendicem & appendiculum primum diceret, pingeretque (nisi forte ipsum Dryandri (a) Figuræ prævenerunt) & crassiori lumbrico in orbes convoluto assimilaret, Cæcum Veterum intestinum & esse, & vocandum esse, pronunciavit. Cui quamvis Sylvius, ut vidimus (b), sit refragatus, nec aliud voluerit Columbus (c), qui & appendicem Cæci appellavit, aut qui hunc imitati sunt, Vidius (d), & Riolanus (e); cæterorum tamen plerique ita Vesalio obsecuti sunt, ut qui præter ipsos, neminem legeret Anatomicum; nullum esse, si Appendiculam demeres, Cæcum intestinum putaret. Vix inter eos perpauci, & in his Diemerbroeckius (f), admonere, Veteribus nonnullis (sic enim is ait) Cæcum appellatum esse, non antedictam Appendiculam, sed primum Coli globum: Glissonius autem (g) hunc cum illa conjunxit, ac utrumque simul Cæcum vocavit. Attamen Dionisius (h), aliud Cæcum esse, aliud Cæci Appendiculam, docuit: Ruyschius autem jam tum in Museo Anatomico ubicunque hæc nominare opus fuit; sæpius autem fuit; passim intestinum cæcum a processu vermiformi distinxerat: postremo Verheyenius (i), alique; quorum ego, imo & Majorum quos supra laudavi, institutum, ut alibi solitus sum, hic sequar; globosum illud initium Coli, Veterum Cæco respondere, atque ideo Cæcum intestinum vocandum esse, jure ac merito pronunciarunt; non tenuem illum processum, quem vocabulo jam Hornii (k) tempore non inusitato, postea autem a Cel. Ruyschio (l) nonnunquam adhibito, Appendicula Vermiformis nomine designamus; ne quorum magnitudo, figura, sedes, positus inter se discrepant, ea sub uno eodemque nomine confundantur.

25. Quæ quoniam confusio in usum præsertim inquisitione tenebras sæpe offundere, atque adeo in errorem inducere aliquando potest, ut puta cum usus ex comparatione quæritur eorum quæ insunt, quæque fiunt in Cæcis intestinis brutorum animantium; age, quæ Cæca in ipsis intestina dicuntur, quatenus ab nostro discrepent, aut cum eo convenient, videamus. Sunt in quadrupedibus quæ Cæcum, nisi quod Appendicula caret, idemque longe amplius est, satis simile nostro habeant, ut fues, de quibus dictum est supra (m), ut oves quæ multo his longius, quam latius habent, si ex eo licet quod in agno attentius inspexi, existimare. Porcello indico quantum sit, antea (n) indicatum est. Muribus autem ea obigit amplitudine, ut cum ventriculo, cui figura etiam respondet ob adjectam utrique in altero extremo subrotundam caveam, comparari queat. Sed & his alia est cum Cæco communicationis ratio Tenuis pariter, Crassique intestini, aliaque, imo varia Cæci ipsius sedes, ut quod, cum nullo negotio mobile sit, ter in sinistro, semel in dextero ventris latere deprehendi. Canibus vero, & vulpibus etsi ut iis de quibus dictum est, animantibus, ipsique

adeo homini, sæpe facibus refertum inveniatur ejusdem generis, cujus & proximum Colon, multoque nostra Appendicula amplius sit; tamen alicui Appendici, quam Cæco videri quadantenus similis potest, præfertim cum in spiram modum contorqueatur. Sunt etiam quæ nullo Cæco, nulla Appendicula prædita sunt, ut glires; nostrates dico (in quo Blasium (o), aliosque Severino (p) concilio) & ii, de quibus supra (q), scriptum est, erinacei, & talpæ, quarum intestina quidem prælonga, sed eadem omnia ab initio ad finem diametro, eodemque & colore, & habitu conspexi; atque alia præterea quæ sciens omitto, nulla nisi quæ ipse viderim, memoraturus. Sunt vicissim quibus & Cæcum, & oblonga Appendix tributa est, ut vel ex iis quæ de lepore diximus (q), intelligi potest. Ex his quæ hætenus proposita sunt, liquet, haud facile esse, non tam quod ad lepores, quam quod ad erinaceos, & glires, & talpas attinet, Galenum tueri scribentem (r): in pedestribus animalibus omnibus unicum cæcum intestinum naturam molitam esse, idque in dextris ilibus constituisse, quod ipsum in muribus non respondet.

26. Contra, quod ad Volucres attinet, verissime Galenus scripsit (s): plurimis sane avibus --- cæcum intestinum esse duplex. Sunt enim & quæ unum modo habeant; & quæ nullum: quarum utrarumque aliquot Reditus (t) nominavit. Et videtur hic quidem in Vespertilionis sibi ipsi non constare; verum inconstantia, opinor, Redii non est; sed ejus qui fragmentum illud Redii cum Zambeccarii Scripto latinum fecit sic ut una eademque Vespertilionis appellatione duas inter se longe discrepantes volucres significaret. Verus certe vespertilio, de quo primo loco Reditus verba facere, non dubito, nullum unquam mihi intestinum Cæcum ostendit. Quod si ille unus Cæcis careret, aut quæcunque Avis habet, bina, & amplissima haberet; tum defendi posset Fabricius ab Aquapendente (u) universe docens: Pennata duo habere cæca, amplissima quidem pro ratione corporis --- ita ut (quod ubi intestinorum quærit actionem, subjicit) multo aliis ampliora, longioraque sint. Nam quæ aves nulla, aut singula obtineant, Reditus, ut diximus, plures nominat; item quæ bina quidem, sed exigua. His ultimis caprimulgum addo, & quam hic vocant beccanotto; brevior enim utrique sunt; & hirundinem, cui longe brevissima ac tenuissima, ut acus mediocris cuspidem non excedant; & ab eodem quoque Redio, sed alibi (x), memoratos, columbum, & corvum: cui si cæteras quas Reditus, aves rapaces adjungas omnes, exceptis nocturnis, exilia, & per breviora Cæca obtinentes; facile intelliges etiam Laurentii errorem tradentis (y): pisces, & aves rapaces, plures habere ejusmodi appendices, ut in eis tanquam penu, & promptuario reservetur cibus; huic enim rei obstat ipsa in rapacibus Cæcorum parvitas, si vel horum in aliis quoque passim avibus sedes non repugnaret; ut certe repugnat. Is enim qui non Galenum modo, in avium non omnium, sed plurimarum Cæcis intestinis tradendis, verum etiam Reditus olim occupavit, Aristoteles (z) in his nonnullarum perexiguas animadvertendis discrimen quoque ante Reditus adnotavit, quod inter Avium & Piscium Cæca intercedit, videlicet avibus subter, & pauca; piscibus superne circa ventriculum exire, & nonnullis complura. Cum igitur hæc Cæca, sive, ut vocat Aristoteles, hæc appendices in avibus sint, non supra, ut in piscibus, sed infra qua desinit intestinum; non promptuarium cibi, sed diverticulum erunt recrementorum.

27. Quod ut planius intelligatur; ubi & quales conspexerimus in gallinaceo, anate, ansere, quas ipse nominat Aristoteles (a), exponamus. Igitur in genere gallinaceo valvula est inter multo longius Tenuis intestinum, & perbreve Crassum ita posita, ut rectum aliqui tubum, aut ferme rectum, ab extremo Tenui intestino, & reliquo Crasso efformatum, una dividat. Ipsa huc descendantibus recrementis obsequitur; at regressuris in Tenuis intestinum vicissim obstat;

(x) loc. cit. & seq. ubi de Anat. ventr. infer. (y) loc. cit. (z) cap. cit. l. 5. & Fig. 7. & 8. ejusdem libri.

(a) In Anat. Mundin. (b) num. prox. super. (c) De Re Anat. l. xi. c. 5.

(d) De Anat. corp. hum. l. 5. c. 5. & Explic. Tab. 61. Fig. 2. & 3. (e) loc. cit. (f) Anat. l. i. c. 8.

(g) De Ventric. & Intest. ubi de Intest. n. 10. (h) Anat. de l'homme Demonstr. 2. (i) Anat. corp. hum. l. i. tr. 2. c. xi.

(k) Microscop. n. 22. (l) Musæi Anat. Theca B. Repos. 4. n. I. (m) n. 17. (n) n. 18. (o) Anat. Animal. P. i. c. 20.

(p) Zootom. Democr. P. 4. ubi Quadruped. Hist. (q) n. 22. (r) De Usu Part. l. 4. c. 18. (s) Ibid.

(t) Apud Zambeccar. in Experim. (u) Traët. de Ventric. & Intest. ubi de Intest. (x) Observ. int. agli Anim. viv. & c.

(y) Hist. Anat. l. 6. c. 14. (z) Hist. Animal. l. 2. c. 17. (a) Ibid.



obstat; tunc enim in annuli modum circumcirca ab iisdem attollitur. Sub eo statim annulo hiant orificia Cæcorum, ut sit quo fæces, ab annulo redire prohibita, opportune divertant, intelligaturque, non magnum Craffi intestini spatium duorum Cæcorum additamento haud mediocriter amplificari. Itaque in columbo, & corvo, ut propter summam parvitatem Cæca huic muneri inservire nequeunt; sic ne illa valvula quidem est.

28. Neque tamen ipsi valvulæ tantum tribuo, ut si ne ejus ope fæces posse in Cæca divertere, non agnoscam. Etsi enim in gallo & nostrate, & Indico manifestissima est, ut digito deorsum ducto, continuo deprimitur, sursum autem reducto, nullo negotio attollatur: etsi in anserem quoque sic satis conspicua est; vicissim tamen in anate vix ejus aliquod est vestigium; in montano autem gallo ne vix quidem. Et nihilo tamen minus Cæca sua intestina anas habet gracilia quidem, sed longa; is autem gallus cum lata, tum vero ea longitudine quæ ex subiecta comparatione quantà sit, intelligitur. Gallum is Indicum mediocrem æquabat; sed libras pendebat decem. Una erat capus & ipse mediocris, pondere librarum trium. Placitum est hujus, & galli montani intestinorum longitudinem inter se comparare. Tenue, hoc est a musculo ventriculo ad Cæcorum orificia, in utroque fere æquale, videlicet aliquanto longius cubitis tribus. Craffum autem, hoc est a Cæcorum orificiis ad Cloacam, longum erat in capo sextantem cubiti, in gallo trientem. Sed Cæcorum dexterum cum in capo quadrantem, & digitos duos; sinistrum quadrantem, & unum digitum æquaret (sic autem in aliis quoque inæqualia vidi) in gallo utrumlibet non brevius cubito erat, & duobus trientibus: cumque Cæcorum contractior pars, quæ orificiis videlicet continens est, in illo esset infra octantem; in hoc trienti circiter par erat; ut reliquæ latioris, atque adeo aliquanto capacioris partis longitudo in gallo excederet longitudinem ejusdem partis in capo, toto cubito supra trientem. Tam longa igitur Cæca intestina vel sine superposita valvula persæpe fæcibus, quas in iis comperi, distenduntur.

29. Nec enim frustra, aut ob aliam causam condita esse, credibile est, quam in anserem, in anate, in gallo Indico, & nostrate, in aliisque plurimis avibus, in quibus omnibus etsi nonnunquam, ut in gallo quodam Indico, alterum inane prorsus, alterum plenum, alias cum fæcibus utrumque paucis, aut his interdum non liquidis, ut in anserem; plerumque tamen referta ambo vidi multis liquidis, aut fere liquidis recrementis, si extremum haud raro fundum, sapius autem primam illam contractamque partem excipias, quorum locorum uterque aut vacuus, aut pene vacuus deprehendi solet. Itaque magis esse fæcum diverticula apparet, quam quæ sit illa alia præter valvulam causa, efficiens, ut fæces in ea potius divertant, quam in Tenue intestinum revertantur. Eorum enim orificia sive inter se e regione opposita, ut in gallo Indico, & fere etiam in nostrate, sive propiora, ut in montano; dexterum certe in iis, quæ inspexi, omnibus, & sinistrum sic hiant ad fines intestini Tenuis, & Craffi, ut proxima orificiis Cæcorum pars angulum cum Craffo efficiat maxime obtusum, cum Tenui autem maxime acutum, ut cui annexa est, ut infra (b) dicemus, & propemodum parallela. Quo ex posito ut illud facile intelligitur, nihil subire posse Cæca quod ex Craffo, Tenue versus intestinum non redeat; sic illud difficile, quoniam modo eo versus redeuntia, in angustiora potius, & ab lateribus posita Cæcorum oscula divertant, quam per obvium, & nulla interdum objecta valvula, magis patentem intestini Tenuis canalem pergant; nisi forte credimus, intestino Craffo propter brevitatem, nec magnam sane latitudinem facile oppleto, nova autem usque, & usque ad Tenuis extremum materia descendente, & ab ea parte se opponente, multa, ac liquidiora præferim, in Cæca intestina compelli.

30. Sed ne hoc quidem facile dictum est, cui bono illuc compellantur, aut quod eodem recidit, cur hæc

recrementorum diverticula sint avibus attributa: quarum natura illud potius requirere videbatur, ut inutili onere statim deposito, leviores, aptioresque essent ad volandum. Nam quod apud Taurum (c) poni video, ut dum in utero perficitur, durumque corticem induit ovum, suaque ideo & mora; & mole, & duritie evacuationi obstat Craffi proximi intestini, habeant interea recrementa quo secedant; crederem fortasse, si omnes avium fæminæ Cæca haberent, aut si earum mares non haberent: quæ res quoque faciunt, ne data cogitem ad commodiorem incubatum, videlicet ne mater aut subinde cogatur surgere, aut nidum coinquinare. Itaque reliquum est, ut Galeni (d) sententiam, olim, atque adeo ab ipso etiam Glissonio (e) probatam, temere ac præpropere ne aspernemur: data esse ut siquid utilis in fæcibus superest, id omne diuturna in iis diverticulis mora plane exsugatur: quanquam earum quibus sunt, & quibus vicissim non sunt, avium nutritio, alimenta, & horum universus tubus ante diligenter sunt inter se comparanda, quam huic sententiæ adstipulemur; & adstipulantes denique illud præterea inquirere debemus, cur pro Colo intestino, quod eidem quoque inservire muneri potuisset, Cæca in avibus creata sint.

31. Verum illam comparisonem multo fane longius, ac difficilius est instituere, quam hujus alterius rei causam, a Fabricio ab Aquapendente (f) propositam, examinare. Hic enim id propterea factum censuit, quia, ne volatui mora esset, *libramentum omne, seu pendula pars, aut quæ saltem fluxilem, inundantemque humorem contineat, a pennatorum structura prorsus abhorruit*: quasi vero cætera avium intestina aut fluxilem non continerent humorem, aut a Mesenterio non penderent, aut sibi alligata Cæca, ideoque secum propendentia non haberent, sed, ut ante (g) posuerat, *necterentur hæc duo Cæca intestina alterum dextro, alterum sinistro lateri per membraneos nexus*. Ipsa vero per membranam, Mesenterio similem eoque interdum, ut semel certe in gallo Indico animadverti, firmiorem, Tenui intestino sic annectuntur, ut ab ortu ad suum usque finem ejus ductum, & inflexiones sequantur. Et sic fere in genere gallinaceo. Sed in anate, extremo fundo ad duos tresve digitos ab hac connexionem libera vidi, ut fere etiam in anserem, cui fundum, ut & gallo Indico, magis magisque erat in fine contractum. In gallo autem montano, cui quam longissima esse, dixi (h), maximam partem erant a Tenui intestino soluta, & per se multipliciter complicata, ipsi incumbabant abdomini. Et membranam quidem habebant per quam nectebantur; sed hæc inter utrumque eorum ducta, inter se tantummodo colligabat; quando in capis certe, ut nuper vidi, etsi pariter una est, inter utriusque Cæci internum latus traducta, sic tamen annectitur faciei intestini Tenuis inferiori (si hoc videlicet una cum Cæcis antrorum tractum, & explicatum intelligas) ut Cæcorum latera, modico utrinque intervallo, cum lateribus ejus intestini committat.

32. Manifestior autem videtur quæ & ab aliis animadversa est, Fabricii ejusdem hallucinatio in iis verbis quæ novissime ex eo descripta consequuntur: *Pisces cæco intestino prorsus destitui*; nisi forte sic intellexit: quæ ab aliis Cæca in piscibus intestina vocari queunt, ea longe aliud esse, quam Cæca intestina. Negari quidem non potest quod supra vidimus (i), cum iis de quibus hactenus dictum est, avium Appendicibus conjunxisse olim Aristotelem piscium Appendices, *circa ventriculum exeuntes, & nonnullis complures, --- aliis paucas, --- quibusdam nullas, easque revera, ut videtur, intestinorum appendices existimasse*. Verum admonuit (k), *omnes tamen pisces, qui habent, ad ipsum ventrem, hoc est, prope ventriculum, eas appendices continere*. Sed Franciscus Reditus (l) cum pisces & ipse plures quibus aut nullæ, aut paucæ, aut plurimæ insunt, enumeraret, tum quosdam addidit, quibus una contigit *prope podicem sita, & fere ad extremum intestinum*, tum has omnes *intestina cæca* appellare non dubitavit, & postquam aliarum quoque

(b) n. 31. (c) Traité du Fœt. ch. 1. n. 42. (d) De Ufu Part. loc. cit. (e) De Ventric. & Intest. ubi de Intest. n. 13.  
(f) De Ventric. & Intest. ubi de Actione Intest. (g) Ibid. ubi de Hist. Intest. (h) n. 28. (i) n. 26.  
(k) Hist. Animal. l. 2. c. 17. (l) Apud Zambeccarium in Experiment.



que animantium Cæca intestina commemorasset, in universum tandem subicere: *in omnibus tum viventium, tum mortuorum animalium intestinis cæcis se feces, & sæpe copiosas, semper reperisse.* Ego vero ut libens fatear, persæpe eas piscium Appendices, quamvis multarum avium Appendicibus minores, non minus tamen quam has, ad Appendiculæ humanæ figuram accedere, neque minus cum intestinorum tubo communicare; hujusque appendices, & si mavis, productiones videri; tamen quotiescunque ipsas observavi, inducere in animum nunquam potui, ut officio quoque, asservandarum præsertim fæcum, Cæcis avium intestinis responderent.

33. Nam ut eam seponam quam aliquibus dumtaxat piscibus esse prope anum additam, contendit Reditus, & quam ego, fortasse quod ex iisdem omnino speciebus pisces non secuerim, aut nondum vidi, aut certe recrementis fœdam non vidi; ut eam igitur seponam, & de iis quæ Aristoteli notæ erant, tantummodo verba faciam; in rhombo sub pylori annulo, & prope fellei ductus ingressum duo erant oscula, utrinque unum, singula in singulas Appendiculas ducentia, pro longitudine, quæ modica erat, latiusculas, ut duo cornicula, ad anteriora piscis conversa, repræsentare viderentur. In Jovii (m) autem lupo (variolum appellant Veneti) sub eodem pylori annulo, & prope ejusdem bilarii ductus orificium, quatuor, aut quinque Appendiculæ hiabant, rectæ, parum latæ, duos, tresve digitos longæ. Neque in carpionibus ex Benaco aliam vidi assignatam sedem plurimis illis quibuse eorum primum intestinum ornatum est, Appendiculis, sacculos fundo acuminato, & modice incurvo referentibus. Cum enim his ad non brevem tractum instruat ab altera dumtaxat facie, qua, si recte memini, abdomen spectat; non modo illæ sic appendi, eamque totam faciem creberrimis osculis pertundere incipiunt a pylori annulo, sub quo ipso influit bilis meatus; sed quo sunt ei annulo propiores, eo longiores sunt, atque latiores; quæ autem aliæ, atque aliæ deinceps subeunt, eo magis ex ordine decrescunt, atque extenuantur. Post hanc descriptionem, non expectabis profecto, ut diserte negem, me fæces in hujusmodi Appendiculis invenisse (nec sane inveni, sed mucum album, qualis & in eo erat intestino) neque enim convenit, ut quem in locum ex ventriculo primum confecta alimenta exeunt, quemque in locum, ad perficiendum ventriculi opus, influit bilis, eo in loco jam fæces quaramus. Is locus videtur potius indicare, affundi aliquid ex iis Appendicibus quod pancreatico succo respondeat; præsertim cum frustra, in carpionibus nominatim, pancreas quæsierim: quod vicissim frustra non quæsi in pisce, iis ad primum intestinum Appendiculis carente, caniculæ, sive felis marini nomine ad me misso. Huc adde, esse pisces; ut puta, fabrum; in quibus memini primum pariter intestinum circumcirca ornari quasi quodam Appendicularum capillamento. Harum autem plures in majores confluebant ductus, qui decem, aut pluribus osculis circum undique, paulo infra pylorum, in intestino eodem hiabant; ut ne ductuum quidem pancreaticorum ordo, & dispositio desideraretur. Quæ omnia sive per se Reditus tandem reputavit, ut qui jam primum (n) fassus erat, *piscium intestina cæca circa pylorum, ut plurimum, vel paulo infra, ad intestinum duodenum sita esse, sive Amstelodamenses (o) animadvertit ejusmodi Appendiculas in eum locum influentes, passim, & sine ulla dubitatione pro piscium pancreate habuisse; certe & ipse in aliis earundem postea editis (p) descriptionibus, ut in pisce ex Afellorum genere cellas pancreaticas, aut intestina cæca nominavit. Malpighius vero (q) non dubitavit, pancreatis vice Naturam folliculos non raro oblongos, Cæci instar, efformare: idque evidentissime conspici in piscibus.*

34. Ex his quæ hæcenus de Cæcis brutorum animalium intestinis commemoravi, præclare intelligis, ut opinor, vix, ac ne vix quidem fortassis aliqua esse, quæ Vermiformi hominis Appendiculæ omnino respon-

deant. Nam quadrupedum Cæcum ne humano quidem Cæco satis respondet, quo sæpius videlicet est multo amplius ob causas sive a Falloppio (r), sive a Fabricio (s), sive ab aliis productas; tantum abest, ut Appendiculæ tenui, oblongæque respondeat. Avium vero, & piscium Cæca intestina, forma quidem, humanæ Appendiculæ non ita ablimili, nec raro etiam situ; id officium tamen, eamque sedem obtinuerunt, ut cum illa nequeant comparari. Quod siqua de officio in avibus dubitatio superest; nam de sede in piscibus superesse non potest; nimirum aut occultus adhuc aliquis in illis usus quærendus est, ideoque in præsentia inutilis est comparatio; aut illa utilitas placet, sane a veri similitudine non abhorrens, ut modicum in avibus Crassi intestini spatium cæca amplificent; eandem vero utilitatem in Appendicula humana quærere hominis esset aut hujus angustiam, & brevitatem, aut Crassorum intestinorum in nostro genere amplitudinem ignorantis. Quæ quidem (ut alia reticeam in *Adversariis* (t) memorata, & proposita (u) Valsalvæ in illa Virgine observatione, inanis videlicet, in tanta flatuum redundantia, Appendiculæ, confirmata) siquis paulo diligentius attendat; non video ut possit adstipulari Viris alioqui doctissimis, quorum alii olim, alii nostra etiam memoria docuerunt, hujusmodi vel in homine Appendicem eam utilitatem habere, ut in ipsam, tanquam in paratum ab Natura receptaculum, flatu, aut stercora divertant. Nam quantum est tandem quod ista Appendicula capi possit, præsertim si cum magna ea copia, cujus vel Crassa hominis omnia, vel multarum avium, & quadrupedum Cæca intestina capacia sunt, comparetur? Sed nimirum neque hoc satis attenderat, & quadrupedum Cæca cum Appendicula humana ipse confuderat Verheyenius (x), cum scripsit, *esse dictam appendicem in plerisque quadrupedibus valde amplam, fæcesque ex crassis intestinis facile recipere, fortassis quia illorum alimenta magis scatent flatibus.* Quo minus mirandum est, Simonem Paulli, apud Bartholinum (y) tradidisse, eandem esse receptaculum naturale flatuum; --- hinc enim suis glandibus flatulentis vescentes amplius habere Cæcum, & duplex esse gruibus, quod naturaliter vescantur bordeo flatulento; quasi vero aut suibus dumtaxat amplius; aut gruibus tantum, duplex esset.

35. Qui autem utile ad recipienda stercora diverticulum Appendicem hominis existimarunt, magna pars ab eadem illius confusione cum quadrupedum, & avium Cæcis decepti videntur; aliqui etiam fortasse ex eo quod maxime naturalem Appendicis sedem, & positum hunc esse crediderunt, ut in ipso veri Cæci fundo hiæt, indeque deorsum propendeat, seque propterea illabentibus fæcibus opportunissimam præbeat. Sic existimantibus; quorum aliquos nuper etiam legebam; & prævisse fateor Laurentium (z) docentem, *ad Cæci extremum cerni appendiculum contorti lumbrici speciei, mesenterio nulla ex parte alligatum, & ipse iterum confiteor (a), de cadaveribus decem, fuisse duo in quibus inde exortum invenerim. Verum hoc addo, tum reliquis octo, tum cæteris, longe pluribus, quæ ab editis Adversariis III. inspexi, supra Cæci fundum initium cepisse, & ex latere quidem hujus sinistro; ut mirer, ab Jo. Rodolpho Saltzmanno (b) in quodam a se dissecto, quasi rarum, aut insolens esse adnotatum, a Thoma autem Bartholino (c) relatum, non ex dextra coli principii parte, sed sinistra, originem sumpsisse, præsertim cum Saltzmanus addat quod etiam in canibus fieri solet, eoque revocet ad memoriam, Vesalii (d) observationem omnino contrariam: hominis Cæcum ex sinistra magis Coli initii sede, quam dextra, principium ducere: secus ac in canibus.*

36. Sed ut in illis *Adversariis* (e) quæ mihi sæpius orificii Appendiculæ sedes observata esset, adnotavi; sic qui positus universæ in sex continenter sectis corporibus se obtulisset, proposui, nimirum non pendulæ, sed contra, superioribus ita connexæ partibus, ut sive oblique, sive ad perpendicularum elevata, dum in sede sua esset, nihil subire ipsam, nisi ascendendo; nihil

(m) De Rom. Piscib. c. 9. (n) loc. cit. (o) Vid. apud Blas. Anatom. Animal. P. 3. c. 6. & alibi. (p) Observ. int. agli Anim. viven. (q) Epist. de Struct. Gland. (r) Instit. Anat. c. 4. (s) De Ventric. & Intestin. ubi de Intest. (t) III. Animad. 14. (u) Vid. supra, n. 3. (x) Anat. corp. hum. l. 1. tr. 2. c. 21. (y) Anatom. quart. renov. l. 1. c. 21. (z) Hist. Anat. l. 6. c. 14. (a) Vid. Animad. cit. (b) Obf. Anat. (c) loc. cit. (d) De corp. hum. fabr. l. 5. c. 5. (e) Animad. cit.



nihil ex ipsa egredi, nisi descendendo, posset. Nec vero ignorabam, præter situm, a Saltzinanno (f) adnotatum, ita partem versus sinistriorem, ut truncum *venæ cavæ* attingeret; pendentem a Massa (g), ab Highmoro autem (h), atque Munnickio (i) propendentem fuisse descriptam, a Vesalio denique (k), aliisque, in quibus vidimus (l) esse Laurentium; mesenterio non annexam, sive a mesenterio maxime liberam, ut loquitur Bartholinus (m), qui tamen diserte magis, quam alii, docuit, ortam ex initio Coli & fine Ilei; --- su- pra Colon se contorti vermis instar sternere, & peritonæi membranæ annecti, extremitate vero sua, jungi reni dextro peritonæo mediante... Imo cum hæc scirem, & suis quæque Auctoribus conspecta crederem; quid mihi vicissim, & quot in corporibus perspectum esset, reticendum non putavi cum veri amore ipse permotus, tum vel maxime ut cæteros ad hæc magis magisque inquirenda excitarem. Igitur Præstantissimus Vir Heisterus (n) situm Appendiculæ ut plurimum erectum confirmavit; Vir autem alius Præclarissimus quocumque locari posito, animadvertit, sic tamen sapius, ut illius osculum etsi ad recipiendum aptius posito videretur, fundus tamen osculo eodem sublimior esset. Ipse quoque, cum occasio data est, observare non destitit: atque ut de nexibus fileam, qui quales esse plerumque soleant, & unde interdum sint, in Adversariis (o) ostendi; cum situm in cadaveribus octo diligentius inspectaverim; in uno tantum Appendiculam totam descendente, in altero primum quidem descendente, cætera quo magis ab orificio recederet, ascendente, in tertio sinistrorsum porrectam, ac fere transversam reperi, arctius quam in primo, ad posteriorem ventris parietem alligatam; sed in aliis quinque, ab ipso orificio ascendente nunc oblique, nunc recta; nunc ad posticam, nunc ad sinistram Coli faciem; nunc ad fundum usque suum, ut hoc esset non orificio tantum, sed tota reliqua Appendicula altius; nunc ad hujus tertiam dumtaxat, aut paulo majorem partem, ut hæc quidem sursum ferretur, reliquum vero ita deorsum, ut fundum infra orificium penderet. Itaque ex meis quidem universis multo plures observationes faciunt, ut adhuc credam, Appendiculam in plerisque hominibus eo posito esse; ut nihil ingredi, nisi ascendendo; nihil egredi, nisi descendendo possit.

37. Nec tamen propterea negavi, imo ultro agnovi, vel in adultis nonnunquam ea intra Appendiculam inveniri; quæ ex Cæco necessario provenerint (p). Videbam enim; ut hoc tantum commemorem; eum situm, jacentibus nobis, mutari; ut mirum non esset, quod haud raro fæcum aliquid sapius molliorum, interdum & minus mollium in Appendicula conspexissem. Et quamvis legeram Fabricium (q) excrementis vacuam describentem; Spigelium vero (r), ad stipulante Highmoro (s), in homine sano semper inanem; Diemerbroeckium (t) tamen videram, qui esse plerumque dumtaxat vacuam; Vesalium (u), qui inanem propemodum; Jacobum etiam Sylvium (x), qui nunc inanem, nunc plenam seroso quodam humore, aut stercore affirmaverat: quamquam mihi nondum acciderat, ut plenam invenirem; imo acciderat, ut quæ pauca intus inveneram, ea ne inter extrahendum, agitandumque intestina illuc temere contrussissent, aliquando subvererer. Quamobrem ego met cœpi ex ipsis cadaveribus Appendiculam cum Cæco dumtaxat, ad observandum eximere. Verum ne sic quidem accidit, ut ultra initium quidquam conspicerem recrementorum; aut si quid ulterius conspicerem, aliud quam horum aliqua ramenta, esset, eaque perpauca, & prorsus minima. Erant autem ea cadavera etiam hominum quos mors repentina sustulerat, in iis viri ex suffocatione, itemque alterius ex apoplexia, ac tertii ex cordis vulnere statim mortui, in quo ipso nihil erat fæcum in Appendicula, aut fere nihil, idque in principio, si erat; in altero vix ea quæ descripsi, ramenta erant; in primo ne hæc quidem erant; & tenuium tamen recrementorum in proximo intestino copia non deerat. Vermiculos

autem in horum omnium Appendicula vidi eo facilius, quod sæpe in avium Appendicibus ante conspexeram; sed de his postmodum (y).

38. Nunc enim ex meis mihi observationibus illud colligendum est, humanam quidem Appendiculam non ideo creatam esse, ut in ipsam stercora divertant. Quod si ut inanem, aut propemodum inanem reperire consuevi, ita iis replendam consuevissem; non tamen facile sententiam mutarem, primum quia in Appendicibus etiam piscium qualem in primo intestino, mucum inveni (z); eaque tamen, si pancreati officio respondent, diverticula non sunt semiconfecti alimenti, sed quidquid separant succi, sive illi in intestino, sive intra se affundant, utrolibet in loco æque suo munere funguntur: tum vero etiam quia hominis Appendix, ut supra (a) dixi, tam parva est, ut proportionem obire munus diverticuli non queat. Idque cum satis constare per se, credo, tum maxime ex ejus Ruyschianæ Tabulæ (b) inspectione confirmari posse, arbitror, quæ ex Gigantea puella eam Appendicem cum proxima Crassorum intestinorum portione repræsentat. Cum enim portio hæc immani sit latitudine; quantam putas Appendicem esse debuisse, si diverticulum nempe esset quod tantis intestinis pro rata portione responderet? Ipsa vero consuetam crassitudinem vix superat, aut ne vix quidem; longitudinem autem haud ita multum.

39. Sed quoniam istam in quam me adhuc descendere posse nego, sententiam aliis propterea placuisse, existimo, quod Appendiculam non in adultis modo, plenam facibus (id quod ipsis affirmantibus credo) sed in foetu etiam, imo in hoc potissimum deprehenderint, in quo & multo majorem illius amplitudinem, & alium situm, aliamque cum Crassis intestinis communicationem videntur inculcare, age & in foetu ipso quem se ad modum habeat, videamus. Atque ut a communicatione hæc initium ducatur; diu est, cum Diligentissimus Anatomicus Ruyschius (c) ita eam pictura repræsentavit; ut quod verbis docuit & tunc (d), & postea, præsertim vero Thesauri VIII. (e), luculenter exprimeret, scilicet non ut in adulto, e Cæci latere emergere Processum Vermiformem, sed Coli diametrum circa ejus principium magis magisque diminui, & ita in Processum Vermiformem degenerare, ut dici nequeat, hic aut illic est intestinum Cæcum. Hanc ego descriptionem, multis cum foetibus conferendo, etsi plerumque ad verum non ita exactam inveni, cum hæc intestina ab interiore facie inspectans, neque omnino Cæcum deesse, & ad hujus basis latus oriri Appendiculam, deprehenderim; tamen extrinsecus inspicendo, & sic satis veram cognovi, & unde unde inspiceres, difficile esse Glissonium (f) tueri, qui vel in adultis ex Cæco, & Appendicula rem unam faciens, ideoque docens, ubi Colo continuatur, multum expandi, ejusque fere amplitudinem adæquare, continuo hoc subjicit: In embryone non minorem, si non majorem, quam in adultis deprehendi. In illo enim, si intrinsecus spectas, aliamquam dumtaxat, ut modo dicebam, veri Cæci portionem agnoscis; si vero extenta omnia extrinsecus aspicias, tum ita rem vides, quasi nulla intercedente Cæci dilatatione, se continuo Colon in oblongum colonum extenuaret, ad eumque modum in Appendiculam pergeret. Quod, quæso, diligenter attendas; erit enim infra (g) non inutile meminisse. Nunc hæc eadem res facit; ne facies multo facilius in foetu ad Appendiculam ferri, negemus; ad quam nimirum ipsa per se videntur ab ea quidem parte Crassa intestina contendere, in eandemque definere. Sed de fæcum per Appendiculam ipsam progressu, sive de ejusdem posito non est ut multum quæramus, nisi prius de vero ipsius foetus in utero situ inter omnes conveniat. Quod si hic ut plurimum ille est qui a plerisque censetur, sane Appendiculæ quoque is ut plurimum est situs, ut fæcum per ipsam progressui non valde opportunus videatur. Pauciores enim foetus illi fuere in quibus deorsum pendentem, aut fere pendentem, quam in quibus ad superiora conver-

(f) Obs. cit. (g) Lib. Introd. Anat. c. 9. (h) Corp. hum. Disquis. l. 1. p. 2. c. 4. (i) Anatom. num. 18.  
(k) c. cit. (l) num. prox. super. (m) c. cit. (n) Compend. Anatom. num. 210. (o) Animad. cit.  
(p) Ibid. (q) De Ventric. & Intest. ubi de Intest. (r) De hum. corp. fabr. l. 8. c. 9. (s) c. cit. (t) Anat. l. 1. c. 8.  
(u) c. cit. (x) Calumn. Depuls. 25. (y) n. 42. (z) Vid. supra, n. 33. (a) n. 34.  
(b) Thesaur. Anat. 7. Tab. 4. Fig. 1. (c) Musæi Anatom. Fig. 2, ad C. (d) Ibid. Thec. C. Repos. l. n. 11.  
(e) n. 50. (f) De Ventric. & Intest. ubi de Intest. num. 10. (g) n. 64.



fam aut maxima, aut certe prima illa fere usque ad medium parte conspexi, quem ad terminum Cl. quoque Heisterus (b) ascendentem in recens edito infante, delineavit. Vicissim ejus longitudo major mihi proportionem in cunctis quos secui, foetibus visa est, quam esse soleat in adultis; & in septimestri foetu memini Appendiculam æque longam ac ipsius foetus manum, fuisse. Verum latitudo nec totius Appendiculæ, nec multo maximæ ejus partis in ullo adhuc visa est auctæ longitudini respondere; ut Spigelio (i) assentiri non possim, qui univèrse cæcum in foetu esse longe grandius, scripsit, quam in adultis; Riolo (k) possim, qui falsum semper deprehendisse se, affirmat, in hac Appendice sordes intestinorum in foetu magna copia acervari. Nam in magno foetuum numero vix unum inveni qui totam fæcibus scatentem haberet: cæteri; mitto quadrimestres, & paulo majores, quibus in Colo ipso aut vix aliquid earum, aut ne vix quidem; his grandiores dico; non modo non totam, sed neque majori ex parte quidquam continentem ostenderunt; haud pauci etiam inanem propemodum, in quibus vel octimestres, imo & novimestres fuere: sed nullum magis miratus sum quam septimestri majorem, qui cum Crassa omnia intestina, atque adeo extremum quoque Ileii tractum fæcibus distentum haberet; nihil fere, aut paucillulum in Appendicula gerebat. Sed quæ in his, & cæteris foetuum intestinis animadvertim, a me alibi scripta sunt, alia occasione proferenda: hic quæ ad propositum satis essent, memoravi.

40. Ex his intelligis, in grandiorum quidem foetuum Appendicula me semper aliquid recrementorum vidisse, plus aliquando, nunquam magnam copiam, quam neque scio quemadmodum ea possit, nisi minus angusta aliis, quam mihi, occurrat, continere. Ampliorem vero, ut Riolo (l) docet, esse infantibus usque ad biennium, quam in foetu, & reliquis ætatibus, non æque facile crediderim, ac quod idem subjicit: breviorē esse, quando Cæcum amplius existit; longiorē, quando Cæcum angustius factum est. Hoc enim ex Ruyschii, nostrisque propositis (m), conjunctisque observationibus consequitur; illud Ruyschius ipse (n) videtur inficiari, quando in Puero duos circiter annos nato non solum illa eadem de hisce intestinis, sive de Colo se ipsum in Appendiculam contrahente, quæ in foetu, docet, sed & illa una eademque Figura utitur (o). Crescente autem ætate cum se magis Cæcum magisque extendat, & ex Appendiculæ longitudine tantum dematur, quantum Cæci amplitudini accedit; videri quidem potest foetui atque infanti Appendicula magis quam Cæcum, inservire; sed Appendicula foetui solum, non adultis, inservire, videri non potest. Neque enim ipsa ex quo foetus in lucem editur; si verum attendere, & fateri volumus; augeri desinit: quod si in longitudinem pro rata portione minus crescere videtur; id vero unde accidat, ex iis quæ modo sunt dicta, intelligitur. Si autem non solum non exarescit, sed augetur; vide, quantum ponderis accedat Highmori (p) interrogationi: si solum foetui in utero existenti inserviret, sicut vena umbilicalis; cur in adultis non exaresceret, ut vena umbilicalis, & arteriæ (sic enim ait) in infantis corde? Cur in adultis, imo etiam senibus cava reperitur? Cui bono, aut usui manet illa cavitas in adultis? Num forte ut receptaculum aliquanto opportunius, atque commodius, quam Thyroidæa glandula (q), ovis lumbricorum præbeat, quo scilicet hi ad ea ponenda secedant, ipsa vero tutius ibi, & recens nati vermiculi foveantur? quam, inter cæteras, suspicionem mihi olim in mentem venisse, vel potius rediisse, confiteor, sæpe in avium primo, deinde & hominum Appendicibus vermiculos inveniēti, neque ignoranti, quid in ejusdemmodi rem Majores olim tradidissent.

41. Nam Avicenna (r) olim inter Cæci intestini utilitates hanc recensuerat, quod ipsum sit locus ejus quod generatur in intestinis, scilicet vermium & serpentum: nam raro evacuatur ex eis corpus, & in generatione ipsorum est juvenamentum etiam, cum sint pauci numero, & pauca quantitas.

Morgagni Epistolæ Anatomicae.

tis: quæ Berengarius (s) secundum veterum Medicorum sententiam, a qua non longe abeunt recentiores, interpretatur, & ante ipsum Zerbus (t), diserte confirmans, id intestinum esse sicut saccum, sive locum convenientem generationi vermium. Cum hæc, atque alia id genus sciebam; tum vero ea succurrebant quæ sæpius legeram, quippe quæ etiam ab Riolo (u), & Diemerbroeckio (x) commemorantur: Spigelium (y) intra Appendiculam reperisse in quodam cadavere Patavii Lumbricum rotundum: & Spigellii quoque Præceptorem Fabricium (z) idem vidisse; cum enim Appendiculam, ajat, vix lumbricum recipere, continuo hoc addit, quem ego aliquando intus inveni. Cæterum corporis Partem creatam esse gratia potissimum lumbricorum, quorum ut noxæ sæpenumero certissimæ, sic utilitates, quæ certæ sint, adhuc ignoramus, nec quenquam legisse memineram qui putaret, neque ipse poteram adduci, ut crederem. Accedebant alia quæ suadere videbantur, ne facile inter cæteros, vel minores, Appendiculæ usus istum quoque reponendum censerem. Itaque eam suspicionem jam abjeceram, cum Præcl. Santorinus (a) istum ipsum si non præcipuum, at certe non postremum Appendiculæ usum agnoscens, judicio permovit suo, ut depositam cogitationem susciperem, & de integro rem omnem considerarem. Jam primum ad observationes, quas memoravi, Fabricii, atque Spigellii, addo tertiam laudati Viri, qua teretem Lumbricum deprehendit æque magnitudinis Appendiculæ cavum penitus occupantem. Adjicio binos una quam exilissimos vermes intus degentes observatos. Alios vero alias ibidem, ac propter osculum sæpius animadvertos exiguos quidem, sed conspicuos, non tantum addo, sed & meis, olim, ac nuper habitis, observationibus confirmo.

42. Quas ut conferre cum illis possis, quibus Vir Cl. eos capillo haud crassiores, longitudine vix transversum digitum æquantes vidit, & certe de Teretium genere judicavit; sic habeto: me de undecim continenter sectis cadaveribus in sex certe, & his hominum, fere ex ictibus, vulneribus, suffocatione, aut apoplexia repente mortuorum, vermiculos invenisse, quos primum vidi, tres, aut quatuor fuisse, albos, tenuissimos, longitudine, summum, pollicis transversum; intra perpauca fæces in ipso extremo Appendiculæ fundo latitantes: vidisse deinde in alterius Appendiculæ cavo fere medio unum, haud amplius, album, teretem, utrinque acutum, brevem adeo ut dimidium latitudinis extremi digiti auricularis vix æquaret; duos, tresve præterea in eadem, quæ inanis erat, Appendicula, propter orificium, vicesima a morte hominis hora, non secus ac minimus ille, etiam tum viventes, figura eadem, si caudam, quam mox describemus, excipias, longitudine autem aliquanto minore gemino pollice transverso: denique plures invenisse alio in cadavere, omnes his etiam longiores, ut qui duo ultima digiti minimi internodia adæquabant, non intra Appendiculam hos quidem, in qua recrementorum dumtaxat erant subdura particulæ, sed in proximo Cæco: Sic quoque alias cum tres in Cæci, & Coli finibus circa ipsum Ileii ingressum, nullum in proximo Ileo, aut Colo, unum in Appendicula prorsus inani haud procul ab ejus osculo deprehendissem; illorum quemlibet tres digitos transversos æquantem, hunc autem aliquanto minorem animadvertisse; ut proclive esset suspicari, ubi ad certum longitudinis modum pervenerint, ad Appendiculæ osculum se transferre; ubi magis creverint, in Cæcum exire; nisi caudæ summa tenuitas huic suspicioni fortasse obstaret. Nam cum essent altero extremo acuminato, mox crassiusculi, & ex albo subnigricantes; cauda, quæ dimidium longitudinis eorum faciebat, tota erant albi, & capillari exilitate. Sed & illos quos prope Appendiculæ orificium inveni, altero extremo animadverti in longum quasi filum desinere, cum reliquum corpus paulo quidem longius esset, at minus tenue, per ipsumque subnigra quædam interna linea transluceret secundum longitudinem ducta: quæ linea, sive, ut opinor, canalis sicut in paulo majoribus cum quibusdam transversis quasi tractibus vel manifestius translucebat; ita se in minoribus, credo ob

Z

exili-

(b) Compend. Anat. Tab. 7. Fig. 29. a C ad D. (i) De Formato Foetu c. 18. (k) Anthropogr. l. 2. cap. 14. (l) Ibid. (m) num. proxim. super. (n) Musæi Anat. Theca A. Reposit. 3. n. XVII. (o) Fig. 2. (p) Corp. hum. Disquis. l. 1. P. 2. c. 4. (q) Vid. Epist. nostr. Anatom. IX. n. 38. (r) Canon. l. 3. Febr. 16. tr. 1. c. 1. (s) In Mundin. Comment. 7. (t) Anatom. de Monoculo. (u) c. cit. (x) Anatom. l. 1. c. 8. (y) De hum. corp. fabr. l. 8. c. 9. (z) De Ventr. & Intestin. ubi de Intest. histor. (a) Obs. Anat. c. 9. n. 9.



exilitatem, in conspectum non dederat, ut nec cauda illa, fili instar, aut capilli, prælonga, quam certe & in aliis postea non æque parvis, intra mulieris Appendiculam deprehensis, conspexi.

43. Quod tantum inter parvulos, adultosque lumbricos (si modo ex eadem sunt utrique Teretum specie) toties a me animadversum discrimen cum mecum ipse reputarem; illud primum quod in mentem initio venerat, abjeci, scilicet id quod videreim, non esse caudam, sed discripti forte vermiculi effusum intestinum. Equidem cum vermes, tibi alias descriptos (b), ex canum glandulis educerem; interdum acciderat, ut si quem forte suis arctius cavernulis inhærentem, paulo violentius evellerem, eam quam digitis tenebam, vermibus partem rubellam, justæque crassitudinis, repente quasi cauda consequeretur prælonga, albida, ac fili instar exilis: quam internum fuisse aliquem vermibus tubulum ex disrupta, ac intra glandulam relicta, illius corporis parte altera eductum atque evolutum, sane evidenter perspexi. Nam si cæteros, quos integros extra xeram, de industria ad eundem modum discernerem, eadem capillaris caudæ imago protinus sequebatur. Hoc vero etsi in teretibus etiam intestinum lumbricis, quos forte ex gallina tunc habebam, expertus, eadem ferme ratione accidere posse, vidi, præsertim si unguibus arripiens viscerum tubulos, horum extractionem adjuvarem; tamen nihil erat causæ cur id in eos transferrem vermiculos, quos in memoratorum hominum Appendicula, aut prope hujus orificium ad eundem omnes modum in illud quasi filum extenuatos deprehenderam. Nam ut unum, aut alterum in uno aliquo cadavere quapiam forte causa discriptum crederes; num cæteros quoque in tam variis cadaveribus discriptos, eosque præsertim qui adhuc viverent, existimares? Quid ergo est? Num exuviæ sunt quædam, ut in Gyrinis videmus, mox a vermibus ubi paulo magis adoleverint, omnino abjiciendæ, quæ istiusmodi caudam mentiantur? an vera cauda est, quæ, ut corporis extremum capiti oppositum in plerisque animantibus solet, serius ad justas dimensiones perveniat? Nunc quando nihil ab iis qui de Vermibus ante nos scripserunt, de re hac adnotatum meminimus; utrumlibet ponas licet. Num igitur, secundum naturam, extra tutam sibi Appendiculæ sedem, & quasi nidum non ante prodeunt, quam aut exuviæ illæ, supervacuæ jam factæ, deponi queant, aut summa illa caudæ tenuitas in latitudinem sic increverit, ut inter validiores intestinum motus, ac duriora recrementa se possit tueri?

44. Sed quoniam de his in homine haud plura ad hoc usque tempus observavi; continuo quid in avibus; unde in hominibus quærendi primam olim occasionem habui, mihi sit compertum, subjiciam. Capi Cæca intestina rimabar, cum in horum altero dumtaxat, & in ultimo quidem fundo, inter fæces liquidas, tenues oblongosque vermiculos deprehendi. Ne casu prorsus id factum existimarem; eosdem inveni filorum instar in omnibus Cæcis intestinis alterius capi, duarumque juniorum gallinarum quas proximis diebus consecui. Erant in his quoque præsertim in fundo: ubi & in tertio capo ternos aut quaternos singulis in Cæcis conspexi. Tunc frustra in tota reliqua Cæcorum parte, frustra in quocunque alio intestinum loco quæsi. Sed non frustra nuper in juniore gallina; si ex eadem tamen specie fuerunt, ætate solum, & magnitudine discrepantes, tum qui tres digitos transversos longi, Tenue passim intestinum incolebant (quod & nonnulli perforaverant; ut sexta circiter hora ex quo gallina occisa fuerat, jam per ea foramina egredientes offenderim) tum qui digiti minimi apicem transversum æquant; etsi hos inter aliqui erant fere dimidio minores; intimis utriusque Cæci parietibus proximi, sub olido mollique stercore delitescabant. Omnes certe in tanto magnitudinis discrimine eandem prorsus figuram servabant, ut tam in Tenui, quam in Cæcis intestinis essent teretes, utrinque acuti, eademque se (nam vivi erant omnes) ratione inflectentes; neutri autem in tenuissimam illam caudam gracilescentes, quam in humanis de-

scripsi (c); in gallinaceis nunquam conspexi. Cæterum quod ad propositum magnopere attinet, in hac ipsa gallina cum omnem intestinum tubum attentis oculis sim scrutatus; frustra alibi quam in ipso extremo Cæcorum fundo, aut proxime ipsum, vermiculos quæsi aut æque parvos, aut qui saltem ad eorum parvitatem accederent. Frustra tamen in alia gallina, alioque capo vel in ipsis Cæcis, frustra in anate, in anserem, in gallo montano, in ave hic dicta *mazorina* investigavi. Quid? quod frustra quoque diligentissimus observator Reditus in tot quas dissecuit, avibus quæsi visse videri potest. In eo enim libello in quo quæ in aliis animalia vivant, proposuit (d), vix legisse, memini, in duabus albis exterisque perdicibus minutissimos illum vermiculos intra Cæca intestina vidisse; cum tot alioquin visos in avium, aliarumque animantium intestinis prætenues vermes, & tot abs se inspecta Cæca in aliis etiam Scriptis commemoret.

45. Quoniam vero in eo de quo dixi, opusculo vermes proponit alterius modi in pisce ex asellorum genere in ipsis Cæcis intestinis repertos; tametsi hæc vera Cæca intestina haud esse, posuimus (e); tamen cum in eo conveniant cum avium Cæcis quod non incommodum præbere vermibus receptaculum posse videantur; idcirco quos ego vermes in aliorum piscium Cæcis Appendicibus invenerim, non reticebo. In carpionibus ex Benaco quot, & ubi sint ejusmodi Appendices, supra (f) exposui. Has omnes quotquot inspexi (inspexi autem plerasque, in multisque carpionibus) plenas reperi lumbricis plurimis, longis, planis, albis, quorum nullos alibi per oesophagum, ventriculum, intestina conspexi; si illam excipias intestini partem in quam Appendices ipsæ, & bilarius ductus influunt. Neque enim hi vermes bilem fugere, sed in ea potius libenter morari videbantur; ut plane in dubium revocarent quod credunt aliqui, bilis in Duodenum intestinum influentis amaritudine haud aliter vermes absterri, ne in ventriculum ascendant, quam ceruminis amaritie infecta minima, ne in ulteriorem aurem perrepant. Id ipsum in aliis quoque piscibus vidi, & nominatim ex genere Acipenserum, quos videlicet, etiam tum parvos, ex Pado idem ad me asferendos curaverat qui & carpiones, Vir Illustris Aloysius Ferdinandus Marsilius, mei, dum viveret, amantissimus, & de naturali historia præclare meritus. Plures enim vermes reperi, eosque omnes (si unum aut alterum excipias, qui se intra proximum pancreatis cavum conjecerant) ad eum dumtaxat primi intestini locum vel mordicus adherentes in quem bilis importabatur. Hi quoque albi erant, & plani, sed sesquidigito non longiores; angusti, & utrinque acuti, neque ad idem genus, quantum judicare potui, pertinentes, ad quod conspecti in carpionibus spectabant. Pertinebant vero in rhombis à me comperti pars intra Appendiculas, multo plures intra illud ipsum intestinum complicati in quod bilis influit, & Appendiculæ aperiuntur. Quo minus mirandum est, quod in magno pisce ex canum genere circum omne hepar Reditus (g); in mure autem intra ipsum hepar Ruyschius (h) ejusmodi albos, planos, articulatos vermes deprehenderint, quos videlicet bilis vias secutos, crediderim; juniores adhuc se ex eo intestino alte intra jecur proripuisse.

46. Cæterum eos rhomborum vermes cum ego propterea diligentius observaverim, quod cum essent & ipsi ex Latorum genere, aliquid afferre luminis posse, censui, haud ignobili de horum natura controversiæ; idcirco non moleste feres, ut opinor; si quæ in iis, aliisque ejusmodi animadverterim, exponendo, paulisper ab instituto sermone digredi videbor; præsertim cum pro Appendicularum officio, quod lumbricis quasi nidum præbeant, nihil præterea nunc habeam quod adjiciam; habeam autem quæ contra facere videantur: quæ postquam mea, qualiacunque sunt, de lumbricis Latis observata recensuero, continuo proponam (i). Igitur horum plerosque aut non veros, aut non simplices vermes existere, scis, me ita olim ad Celeberr. Vallisnerium scripsisse, ut fieri tamen posse, adjicerem, ut *Latus* ali-

(b) Epiß. IX. n. 44. & seqq.

(c) num. prox. superiore.

(d) Osservaz. int. agli Animali viventi & c.

(e) n. 32. & seqq.

(f) n. 33.

(g) Osservaz. cit.

(h) Thesaur. Anat. 2. Ass. 5. n. 5.

(i) n. 55. & seqq.



*aliquis lumbricus, qui verus, idemque unus esset, inveniretur*: in hancque rem quæ de certis quibusdam canum Tæniis observavissimè, diligenter exposuissimè. Nosti quoque, ea Vallisnerium non probasse modo, sed & sua observatione confirmasse. Nam eo in libro (*k*) quocum meam illam Epistolam edidit, se Tæniam vidisse caninam, scripsit, in qua; ut quæ de capite proponebat, omittam; certe non protuberantias illas ab lateribus mammillares; communem autem longum alimentorum tubum ex alio in aliud internodium pertinentem, ideoque & verum, & unum esse vermem, ostendentem, se conspexisse, affirmavit. Sed undecim tandem post annis suam ipse revocare observationem in dubium cœpit (*l*), sive eas veritus sibi adversas consecutiones, quas ex nostris, ipsi probatis, observationibus deducebat Vir Doctissimus Daniel Clericus (*m*), sive potius sua quadam nova caninæ Tæniæ inspectione, & Eru- ditissimi Amici litteris longe alia suadentibus permotus; quanquam jam multo antea ex Edwardo Tyso- ne (*n*) scire poterat, in canum quoque Lato verme papillarum foraminula fuisse observata. Quibus omni- bus etsi ego nequaquam moveor, cum quia nihil ad me illæ consecutiones, tum præsertim quia ut ego di- ligenti cuique Observatori libenter credo quæ se inspe- xisse, testatur; sic vicissim esse æquum censeo, ut quæ ipse diligenti observatione perspexerim, tandiu mihi credam, donec in qua ego vermium specie meas habui observationes, in eadem alios suas habuisse, satis intel- ligam; tamen ut Viri in historia Insectorum, si quis alius, sua ætate versatissimi exemplum de propriis ob- servationibus dubitandi non contempsisse, imo (quod per me plerumque ipse facere solitus sum) æmulatum esse, videas; accipe, quam solcito, quam ab omni præjudicata opinione libero examine Latos omnes vermes perlustraverim, quos deinceps ex bestiarum, aut etiam ex hominum intestinis mihi contigit ut aspi- cerem.

47. In duobus continenter occisis canibus, mediocri- uno, altero paulo hac minoris magnitudinis, tres La- tos vermes forte deprehendi, duos in minori, utro- que mortuos, quorum alter ulnas superabat duas, al- ter palmum vix æquabat; unum in majori cane hac eadem longitudine cum adhuc viveret (reperitus est enim peristaltico se motu agitans) mortuum vero ac nocte interjecta, duplo circiter longiorem factum; quin si manibus hinc & hinc traheres, sic tamen ut non disrumperes; vel duplo iterum longiorem fa- ciebas: quod ne plurimum mireris, efficient quæ item Redius (*o*) in adhuc viventibus observavit. Erant hi omnes ejusdem speciei ex albis, lubricis, læ- vibus internodiis constantes, singulis non trianguli, sed parallelogrammi figura, singulisque item singulas, quantum videre potui, in alterutris lateris medio per- foratas papillas habentibus. Atque ut vermiculorum po- tius catenam, quam vermes simplices existimares, hæc etiam facere videbantur, quod papillæ sine certo or- dine modo alternis, modo iisdem ex lateribus conti- nenter, extabant: & quod internodia bene multis in locis temere disposita apparebant. Neque enim dum- taxat primum erant longiora, quam lata, deinde la- tiora, quam longa, mox iterum longiora, quam la- ta; sed & postquam semel omnibus dimensionibus fa- cta erant minora, iterum sensim fiebant majora, donec ab integro decreverant, tenuissimam quasi cau- dam componerent, cujus extremum internodium mi- nimum quidem, sed eadem quæ cætera, formâ erat. Contra autem non deerant propter quæ unum mal- les lumbricum credere. Nam duobus saltem quos breviores fuisse, dixi, extremum alterum, caudæ quam vocavi, oppositum ex internodio fiebat, non in an- gulatam, sed in curvam quasi ellipsis dimidiatæ figu- ram desinente: itemque in eorum altero quidpiam in- star pellucens vasculi perspiciebatur, uno eodemque obliquo incessu ab uno in alterum, & ab hoc in ter- tium internodium producti: denique in nullo horum vermium internodia quædam defuere, in quibus cum pars inferior imperfecta & manca esset, tanquam si altero angulorum fuisset alte mutilata; ad id spatium complendum, proximi internodii superior, qui

respondebat, angulus excrescebat, obliquata ibi quæ recta in transversum inter cætera internodia duce- batur, linea, sive mavis junctura. Hanc ubi, duo quæque internodia proxima in diversum trahendo, distenderes, lucique objiceres; ibi magis quam alibi, pellucidum vermis corpus apparebat, quasi tenuiore membranula contineretur. Ad juncturam quoque, si oculos defigeres, internodii cujusque extremum per- spicue videbas illic, ut extrema ossium ad articulum, protuberare: ibidemque paulo angustius cernebas il- lud internodii cujusque, oblongioris præsertim, ex- tremum quod caudam respiciebat, quam opposi- tum. Multoque facilius erat trahendo lacerare alibi, quam in ipsis juncturis dividere. Hoc tamen ubi contigerat; frustra *cornicula* illa duo, aut his respon- dentes foveolas vel instructo vitris oculo perquirebas. Internodiorum superficies, ad obliquum lumen spe- ctata, transversas creberrimas fibras, aut certe sulculos conspiciendos præbebat. Præter hos quos descripsimus, vermes, habuit major canis Teretes lumbricos duos, sed exiguos; minor perpaucos alios, ad priorum ge- nus, non ad speciem, quantum oculi docebant, per- tinentes. Ex internodiis enim constabant non planis, sed in ampullarum formam longiuscularum turgentibus, quarum cujusque angustissimum collum, interce- dente pellucida juncturæ linea, cum proximæ fundo committebatur. Parvula erant hæc internodia, & fere æqualia, rubella, sine papillis, molliora; & ad rudio- rem paulo attactum statim disjungenda. Nullus hu- jusmodi vermium Medii, quem vocamus, digiti lon- gitudinem superabat.

48. Denique cum hæc scriberem, canis est a me dissectus venaticus, mediocris, æquo magis, ut visus est, famelicus, & sitibundus; quæ res permovit, ut quando cætera sanus apparebat; intestina perlustrarem. In Tenuibus præter lumbricum Teretem, seorsum congeries inveni duas complicatorum inter se Lato- rum vermium, albidorum, mollium, mortuorum, qui rudem contactum vix ferrent; sed facile in ipsis juncturis disjungerentur. Itaque facile pro divulsis internodiis nonnullos vermiculos habuissimè, in ea vicinia deprehensos; si, ut cæteri, plani fuissent, ne- que nuclei pinei perpusilli formam retulissent. Cæ- terum cum illos pene omnes in aquam conjecissem, in eaque dies aliquot servassem; multo ubique dif- ficilius, sed præsertim in juncturis, dividebantur. Fuerunt, minimum, ad sexaginta: neque in tanto numero, si perpaucos evidenter discerptos excipias, ullus fuit qui palmi circiter longitudine non esset, aut qui ab altero capite ex majoribus internodiis fa- ctus, in minora deinceps, & denique minima non abiret, ut in caudam quasi quandam capillaris te- nuitatis desineret, ipsam quoque tamen ex internodiis constantem, & depresso quodam quasi globulo fini- tam, exiguo illo quidem, sed proximis internodiis majusculo, ex eademque atque hi, substantia facto, & in tenuissimum, brevissimumque apicem in omni- bus pariter (quod consideratione dignum est) ad eundemque modum desinente. Plurimum ad hæc ani- madvertenda illud erat utile quod in limpida aqua proclive erat vermes explicare, & fluitantes inspec- re. Erant ultima hæc, & iis vicina internodia in sua illa parvitate multo latiora, quam longa; sed cæ- tera magis magisque, quo magis ad latius vermium extremum accederes, longa, quam lata sic ut brevio- res ellipses primum, mox longiores, longioresque re- præsentarent, eoque longiores, si lente diuque disten- deres, qua ratione & minima illa caudæ internodia quæ in transversum posita apparebant, figuram muta- bant, suamque, & totius vermis longitudinem mirifice augebant; ut denique nullum internodium esset quod distendendo, feminis melopeponis figuram non acci- peret, acceptamque servaret, contra diore parte semper caudam versus, latiore ad alterum extremum spectante. Hæc facilis figurarum mutatio, quam vel ipsum in suspensis vermibus propendentis cor- poris eorum pondus efficiebat, quemadmodum sive adhuc viventibus, sive jam mortuis multis de causis potest accidere, ita & cautiore reddere nos debet in

Z 2

ver-

(*k*) Consideraz. int. alla gener. de' Vermi. (*l*) Lett. Crit. III.  
(*n*) Dissert. de Verme Annul. P. 4. (*o*) Observaz. cit.

(*m*) Hist. Lator. Lumbric. c. 13.



vermium ejusmodi variis speciebus ex sola internodiorum forma definiendis, & paratioribus ad intelligendam rationem nonnullarum rerum, quæ alioqui, ut supra memoravimus (p), temere fortasse videri possent simplicitatis, aut vicissim multipliciter indicia: quamobrem nisi ubi ad ea venero quæ manifestius alterutram commonstrare possint; observationibus dumtaxat propositis, judicium non interponam. Et quamquam illud quod de globulo, & apice in tenui omnium horum extremo observatum est, movere fortasse aliquem posset ad simplicitatem multipliciter anteferendam; ea tamen re nunc seposita, alias quoque, præclarius aquæ ope animadversas in his ipsis vermibus attendamus.

49. Igitur juncturæ usque adeo erant tenues, & pellucidæ, ut sub aqua inspectæ ipsæ quidem vix ullæ esse, internodia autem soluta & libera viderentur, si alba duo quasi filamenta exciperes per quæ internodium cum internodio jungi, apparebat. Hæc autem num eadem essent ac duo brevissimi apices, & quasi anguli in quos avulsi cujusque internodii pars arcior, vel extra aquam, prominebat, numve ejusmodi anguli essent *cornicula*, in latiore proximi internodii partem immissa; cum in hac respondentes videre foveolas non potuerim; neque negare ausim, neque affirmare. Similiter cum sub aqua inspicendo, papillas quærerem; in medio cujusque internodii latere, hoc est in ipsa papillæ sede, lacteum quasi punctum videbam, quod, oculis vitro nonnihil adjunctis, perspexi in lactei coloris lineolam in transversum produci, quæ antequam internodii medium attingeret, disjici in lacteas alias particulas sursum, deorsumque videbatur. Quam si lineolam esse vasculum existimas in papillam desinens; jam binas in singulis internodiis papillas agnoscas, necesse est, quando non in alterutro, sed in utroque pariter latere consimile in ipsa ora lacteum punctum, indeque producta lactea lineola cernebatur. Verum non hæc solum vidi transversa vascula utroque in latere; sed & alia secundum longitudinem ducta, non lactea hæc tamen, sed pellucida, neque se antea satis prodentia, quam super vitream laminam vermes extendissem. Tunc enim, hos inter lucem & oculum interponendo, animadvertēbam, idque, interjectis horis aliquot, etiam clarius, binos per singula quæque internodia canaliculos duci, singulos singulorum laterum oræ, a qua mediocri intervallo distabant, parallelas. Hi ubi totam cujusque internodii longitudinem, nullis, quos viderim, dimissis ramis, cernenti erant, per juncturas ipsas in proximum internodium pergere videbantur; imo, si meis ego credere oculis debeo, levi crystalli subsidio instructis, pergebant; ad eundemque modum ac in priori, dispositi, in tertium, a tertio autem in quartum, & sic porro in cætera deinceps, nusquam interrupti, producebantur. Qua in observatione si nihil ipse deceptus sum; profecto hos simplices fuisse vermes, negare non potes. Sin autem erroris aliquid subsit; illud certe mihi largiaris, oportet: si vascula hæc per juncturas non traducuntur, in juncturis saltem inter se committi, aut omnino proxima esse; quando alterutrum in iis quoque juncturis, in quibus traductio non æque clare apparebat, non difficile conspicietur. Quoniam autem ibi conspicietur, ubi alba illa duo quasi filamenta fuisse, diximus, quæ an cornicula essent, internodium cum internodio jungentia, dubitavimus; hinc ultro suspicio oritur cornicula instrumenta esse per quæ aliquid ex internodio in internodium, seu mavis a vermiculo in vermiculum immittatur, ut puta, geminos penes, quando totidem, & spinis quoque, ut illis in corniculis Vallisnerius (q) adnotavit, horridulos, quibusdam aliis animantibus concessos esse, non ignoramus. Sed hæc suspicio, etsi vermiculorum inter se conjunctionis causam patefaceret, cum admiranda autem lumbricorum aliorum fecunditate, & androgyna natura, & genitalium canaliculorum longitudine congrueret; habet tamen quædam, cur non facile, nec sine longiori examine probanda sit, sed dumtaxat exempli cujusdam gratia, ut fecimus, proponenda.

50. Nunc priusquam in Latis rhomborum vermibus quid observaverim, exponam; quæso a te, ut caninos, quos hic tibi descripsi, omnes cum iis quos olim Vallisnerio descripseram (r), velis comparare. Cum alia invenies in quibus discrepent; tum illud maxime, quod illi *utrinque*, non ut hi ab altero dumtaxat capite, *magis magisque quo propiores extremis fiebant, extenuabantur sic ut in acumen quasi desinerent*. Scire igitur averem, si illi reapse portiones fuerant catenæ longissimæ alicujus; quam ratione ita disjungi potuerint, ut singuli (erant autem ingens congeries) non modo easdem propemodum dimensiones, verum etiam idem prorsus, a medio ad utrumque extremum, latitudinis decrementum, & cætera quæ tum proposui, eadem omnino lege atque ordine conservarent? Sic Vir Cl. I. L. Frischius (f) cum in magno pisciculorum quorundam numero Tæniæ invenisset, nec solum in singulis singulas, sed in nonnullis vel ternas, quarum maxima longitudinem æquabat piscis, cæteræ paulo minores erant, sed crassiores; illud adnotavit, se *plicarum sive circularum circa corpus harum tæniarum omnium tantum sexaginta numeravisse*. Eorum autem qui id legerint, quis non quæret, si illæ etiam Tæniæ ex compluribus vermiculis inter se junctis constabant; cur in nulla de tot Tæniis acciderit, ut plures paucioresve, sed in omnibus ut sexaginta numerarentur?

51. Verum ad rhomborum lumbricos veniamus. Hos ad idem genus attinuisse quod supra (t) in canibus descriptum est, multa videntur suadere, primum, quod & ipsi plani erant, & altero extremo latiores, altero tenuissimi; deinde quod plurimis albidis internodiis compacti eodem quo indicavi, ordine decrecentibus, singulisque latiore parte angustiore proximis excipientibus; postremo quod leniter trahendo, de latis angustiora, sed eodem tempore longiora internodia omnia, & quod consequitur, ipsi vermes fiebant. Nullas tamen papillas, vel oculis crystallo instructis, aut in ipsis laterum oris, aut alibi potui videre. Plurimi erant; & semicubiti, atque adeo rhomborum in quibus inveni, longitudinem superabant: pluribusque ab horum morte horis ipsi quidem adhuc vivebant: neque ullum tamen intestinis affixum animadverti, neque ipsos sic inter se implicitos, ut multo labore opus esset ad aliquem expediendum; quorum utrumque sibi accidisse in Latis rhomborum lumbricis ibi narrat Leeuwenhoekius (u), ubi suas in aliorum quoque piscium vermibus ejusmodi proponit observationes. Peristaltico motu, nunc ab uno extremo incipiente, nunc ab altero, se movebant, nonnunquam eodem tempore ab utroque sic ut aliquando motus, utrinque inchoati, sibi circa medium vermis obvii fierent, indeque fortior prævaleret, unusque pergeret. Interdum vidi attollentes extremum tenuius ad altitudinem transversæ apicis digiti minimi; sæpius autem hic illic in arcum se se elevantes ad eandem altitudinem: quod si tum in alteram faciem inverteres; se rursus ab hac quoque ad eundem modum elevabant. Si porro leniter sic contorsisses, ut cochleam referrent; se per se ipsi explicabant, & in planum restituebant. Ut vero modo longitudinem contrahentes, latiores; modo remittentes, angustiores se facerent supra quam facile possis existimare, hæcque ambo simul, sed aliud in alia corporis parte, non est opus indicare me verbis pluribus, præsertim ad alia properantem. Tam vividos igitur vermes cum partim seposuissē, partim in aquam alios sic satis calefactam, alios frigidam, ut per se erat, medio circiter Decembri, conjecissem; frustra expectavi, ut quidpiam evomerent, itemque ut internodia ab internodiis discederent. Nihil horum factum est; sed omnes, neque ita multo post, mortui sunt, qui in frigida, extensi, atque adeo multo longiores redditi, nihil tamen cæteris angustiores; qui in calida, ad oras crispati; utrique albidiores facti, mollioresque sic ut difficiliter exsiccarentur. Tunc ex iis quos vivos servaveram, multos in partes aliquot transversos dissectui, in pauciores alios, alios in plures. Quæ etsi omnes mox a sectione se peristaltice movere pergebant; tamen citius omnes, quam vermes integri, mortui sunt.

(p) num. proxim. superiore. (q) Consideraz. int. alla gener. de' Vermi.  
(r) Epist. de qua supra, n. 46. (f) Miscell. Berolin. Tom. 4. P. 3. n. 13.  
(t) n. 48. (u) Arcan. Natur. det. Epist. 78.



sunt, & eo citius, quo minores, hoc est, quo paucioribus internodiis compingebantur.

52. Quod experimentum, animadversione non indignum, cum mihi constanter respondisset, permovit continuo, ut diligentius quærerem, an aliquis forte communis canalis per internodia omnia pertineret. Jam in adhuc viventibus, oculo vel inermi in utramlibet faciem defixo, quendam quasi ductum conspexeram, per medium, secundum omnem cujusque lumbrici longitudinem extensum. Is in mortuis extra aquam & semisiccatis videbatur instar nigrescentis lineæ apparere: quæ in iis qui in aqua interierant, non antea se prodebat, quam hi quoque, ex aqua extracti, resiccarentur. Verum cum oculos vitro adjuvissem; nigricantia corpuscula quam creberrima deprehendi ad illius ductus utrumque latus disposita, neque idem tamen omnia aut ab eo ductu, aut inter se intervallum servantia. Itaque pellucens ductus medium tenebat: neque ubi ad juncturas ventum erat, ibi finiebatur, sed per has idem in proxima deinceps internodia pergebat. Cum autem vererem, ne propter juncturarum angustiam, contigua forte plurium breviumque ductuum extrema, continua mihi viderentur, & pro uno longoque ductu imponderent; propterea in nondum resiccatis vermibus internodia hinc & hinc in diversum trahere manu cœpi quantum satisesset, ut junctura non disrumperentur ipsæ quidem, sed tantummodo laxarentur, & pellucerent. Nihilominus ductus perpetuus unusque apparebat: imo in pluribus juncturis dilatari ipsum nonnihil quasi in nodum quendam pellucidum conspiciebam. In ejusmodi nodorum nonnullis, itemque in aliquot ductus partibus ipsa internodia trajicientis, interdum ubi resiccati vermes erant, se se quædam ex nigricantibus illis corpusculis ostenderunt. Hæc, & ductus continuationem vel nudis deinde oculis satis perspicere assueveram. In qua nisi forte deceptus sum (deceptum autem non facile crediderim; certe quantam potui, ut ne deciperem operam dedi) intelligis nimirum, haud posse negari, veram Taniam, sive Latum, & ex internodiis constantem vermem, qui simplex sit, non plurium vermiculorum catena, in rhombis inventam fuisse, & quod consequi videtur, quin aliis quoque animantibus aliqua interdum, si non ejusdem speciei, at ejusdem peculiaris generis Tania insit, non repugnare. Ad hoc vero peculiare genus an ii vermes attinerent, quos a me in carpionibus repertos dixi (x); cum accuratas instituendi observationes tempus non habuerim, affirmare temere non ausim: at ad genus saltem aliquanto latius patens comperti in utrisque memoratis piscibus attinebant.

53. Ad illud vero peculiare, sive subalternum, ut vocant, genus nulli ex iis Latis humanis vermibus spectare visi sunt, quos a Viro Eruditissimo Daniele Clerico ad Solertissimum, dum viveret, Observatorem Vallisnerium nostrum missos, hic inspiciendos, & secum examinandos ad me attulit A. 1722. Nam seu vetustas plerorumque, seu diuturna omnium in spiritu, ut appellant, vini asservatio, seu potius natura ipsorum ita ferebat; nullum vas perpetuum videre potuimus, quod ab uno in alterum internodium transiret. Et quamvis in medio omnium secundum longitudinem duceretur series quædam brevium vasculorum nigricantium, & fere in transversum jacentium; hæc tamen ipsa series, non modo nigricans vasculum, quod in quibusdam transversa illa secabat, se per juncturas non producebat. Ad has facillime internodium ab internodio disjungebatur; sed qua disjuncta fuerant, nihil quod observatione dignum esset, ostendebant. In uno, qui vermium illorum omnium tenuissimos, ideoque maxime pellucens erat, elegantissime ubique reticulata conspiciebantur: in altero raras quasdam fibras secundum longitudinem spectandas præbebant. Nam quod in Postumis laudati Viri Observationibus, ab Antonio filio, Naturalis Historiæ Professore Cl. meique amantissimo evulgatis (y), de iisdem ipsis vermibus scriptum est, quasi omnium structura reticuli instar evasisset, fibræque præsertim transversæ apparerent cunctæ inter se constantissime parallelæ, ut

quæ inferioris internodii erant (quæ res nobis attendenda est) transire in superius viderentur, juncturarum lineam, ut pote curvam, secantes; id post ulteriorem demum asservationem, annis insequentibus conspectum puto. Verum eo tempore, quo, ut dicere institueram, simul inspeximus, si quid fuit dignum quod præcipue adnotaretur; in uno, eoque omnium recentissimo, fuit. Scilicet singulas in singulis internodiis papillas deprehendimus, non eas quidem in laterum ora alterutra, sed in medio internodio, qua nigricantem illam vasculorum seriem fuisse, dixi. Ab altera omnes facie erant, & foraminulo quidem pertusæ, quod tenuem setam admittebat. Quæ res etiam ab Edwardo Tyfone (z) in altero vermium Latorum genere fuerat animadversa: tamen Doctissimus Clericus (a) nihil simile in Tania sua vidisse se, scripsit: quod ut ingenuo, præstantique homini credendum est; ita veri studio, non est silendum, eam tamen in qua nos vidimus, primi ejusdem generis omnino fuisse, cujus ipse a se observatam, diligentissime descripsit. Quod si & aliæ æque recentes fuissent; fortasse in ipsis quoque papillas conspexissemus.

54. Postremo loco aliquid subjicere de Taniis placet, in eo a me animantium genere compertis, de quo complura verba supra sunt facta, & aliqua sunt infra facienda, & in quo non memini legisse qui viros ab se vermes ejusmodi commemoraverit. Ipse quoque cum sæpius quæsserim, vix semel vidi. Nam cum gallinam illam juniorem inspicerem, cujus in Tenui intestino plures Teretes lumbricos descripsi (b), quorum aliqui hoc perforaverant; inter eos passim Latos quoque vermes deprehendi, quorum plerique etiam tum vivebant, ex internodiis factos secundum vermium longitudinem brevissimis, in latitudinem magis patentibus, non adeo tamen ut vermes angusti non essent, quantum videlicet eorum longitudini conveniebat, quatuor aut quinque, haud amplius, transversos digitos in longissimis æquanti. Ea internodia ordinem haud magnopere in plerisque servabant, ut ab altero vermium extremo latiora omnia, ab altero angustiora essent, illa sensim decrefcentia, hæc sensim quo magis ad medium accederent, aucta; sed vel in medio angustiora quædam conspiciebantur. Equidem si leniter traheres; mutata facile figura, cuncta fiebant angustiora, simulque longiora: & mox, cum remitteres, seu vi, quam vocant elasticam, seu motu, quem in multis vidi, peristaltico in priorem se modum restituebant. Junctura singulæ prætenues singulos angulos describebant, quorum vertices universorum ad unum idemque extremum conversi, non deformem præbebant speciem, internodiis præsertim singulis nonnihil utrinque extra oram extantibus, ut minutos ferræ denticulos referrent. Quæ parvitas, an papillis ornarentur; perspicere non sinebat, ne in crassioribus quidem nonnullis. Nam cum integri omnes vermes tenues, albidique essent, ad eundemque modum particulæ eorum quædam ex aliquot internodiis constantes, quas, post suorum quamque lumbricorum mortem per se, ut opinor, disjunctas, inveniæram; inter has quasdam etiam vidi colore carneo, turgidioribus internodiis compactas, quæ, nisi leniter tractares, quasi semicorruptis, laxatisque juncturis, facile sejungebantur. Ex descriptis Taniis offendi quasdam albidas, integrasque, sed semivivas in alterius Cæci intestini prima, & contracta parte illa, in qua peculiarem glandularum Plexum infra (c) proponam. In reliquis ejusdem intestini partibus, in Cæco altero, in Crasso frustra quæsi.

55. Hic forsitan scire aveas, num Latisetiam lumbricis, atque Ascaridibus instar nidi esse censeam Intestina Cæca, & Appendiculam Vermiformem, quo in nido ova nimirum ponant. Ego vero etiam in Cæco ejus canis intestino cujus Latos vermes secundo loco descripsi (d); nonnullos ipsorum, multis partibus minores videre mihi visus sum; tamen an pridem mortuorum, qui ex Tenuibus intestinis illuc compulsi essent, reliquias, an parvos adhuc vermes aspicerem, dubitavi: certe in gallina quam novissime (e) me-

(x) n. 45. (y) Opere Fisco-med. Tom. 3. P. 3. n. 15. (z) Dissert. de Verme Annul. P. 3. & 6.  
(a) Hist. Lator. lumbric. c. 7. (b) n. 44. (c) n. 60. (d) n. 48. (e) n. proximi. super.



memorabam, cum alibi plerique tum etiam viverent; in eo intestino, ut dicebam (f), non nisi semivivos inveni. Præterea ejusmodi lumbricos sive simplices ponamus, sive plurimorum catenas; haud raro sane aut tot esse illos, aut has tam longas conspiciamus, ut quomodo fecundissimos, ideoque sæpissime ova edentes animantes simul comprehendere tantula Appendix humana queat sive junctos, sive a catena se dissolventes, non sit facile intelligere. Nihil enim prohibet quo minus, si non universos, at certe plerisque eodem tempore ova ponendi necessitas urgeat. Num forte ex his ea tantum fervari, credemus, quibus contigerit, ut intra Appendiculam deponantur? Sed quid his ipsis fiet, aut natis ex his, tenerrimis adhuc vermiculis, si lumbrici interea alii, atque alii in eas angustias se conjiciant, ova posaturi? Nihil enim vicissim cogit ut credamus, de tot vermibus nullos esse qui alio, atque alii, tempore ova pariant. Næ male prospectum ab Natura, horum animalium conservationi fateamur oportet, si per Appendiculam angustissimam, & in qua idcirco atteri facilius possint, quam fervari, mollissimis adhuc lumbricorum filiis consultum velimus; nisi forte existimes, hoc ipso caveri, ne facile nimia, & exitiabili proveniant copia. Sed tunc pessime iis prospectum esset animalibus, quibus nulla ejusmodi angustiora receptacula tributa sunt.

56. De Ascaridibus vero, minus sollicitis esse licet, quos ut omnium minimos, se tamen adversus crebras, validissimasque imi quod incolunt, intestini constrictiones, & durissimorum recrementorum pressionem pertinacissime tueri, scimus. Quin horum exemplo spectato, vereor, ne frustra Teretum lumbricorum parvæ adhuc soboli cavendum fuisse, suspicemur. Eas vero quas vel modo commemorabam (g) Appendiculæ angustias tantas, ut ejus *cavum* vix posset lumbricum Teretem recipere; ut illud ab hoc *penitus occupari*, ii quoque ipsi qui hunc intra illud invenerunt, fateantur (h), eas, inquam, angustias num forte commodas ponendis, aut positis ovis, aut teneris exclusis Teretibus vermiculis existimabimus? Non certe, si quæ paulo ante de Latis dicta sunt, ad Teretes, qui & ipsi haud raro non pauci convivunt, transferamus. Aut si angustias illas ei rei opportunas credemus; quas deinde vermibus assignabimus incredibili interdum copia provenienti vel in iis bestiis, quibus intestinum Cæcum amplissimum; nulla angusta Appendicula obtigit?

57. Verum sive amplius, sive angustius intestinum diverticulum magis huc accommodatum putemus; quale tandem lumbricorum gratia factum monstrabimus in iis animantibus quibus ejusmodi omnia diverticula defunt, lumbrici non defunt? Sic vespertilio, exempli causa, Cæcis intestinis carere, supra (i) confirmavimus; RADIUS tamen (k) in vespertilionibus, per omnem ductus intestinalis longitudinem, interdum vermes invenisse se, scribit. Sic anguillas, sic cyprinos, sic (ne plura memorem) ipsas quoque viperas nullum prorsus habere Cæcum, videmus. In anguillis tamen, & in cyprinis an vermes intestina occupent, satis docet Leeuwenhoekius (l), & ipse in cyprini intestinis memini lumbricos reperisse duos planos, articulatos, oblongos, graciles sic ut fila æmulerentur. In viperarum autem primo intestino aliquando exiguos instar Ascaridum vermiculos etiam tum viventes, alias ventriculi interiori faciei affixos inveni.

58. Vicissim quibus animalibus Cæcum intestinum, aut Appendicula tributa est, sæpe incassum in alterutro diverticulo exiguos vermes perquisivi, ut olim in canibus: imo in catella quadam albos vermiculos, Ascaridum similes, non Cæci, sed Jejuni intestini tunicæ intimæ hic illic adherentes conspexi. Sic in humanorum foetuum Appendicula; quæcunque eorum esset magnitudo; nunquam me vidisse lumbricos memini; sed tamen neque in cæteris eorum intestinis: quod addo, non ut vetustissimas, aut recentissimas observationes in dubium vocem; sed dumtaxat ut

quid mihi, longe plurimos foetus secanti, ad hoc usque tempus acciderit, scias. In adultis vero cum parvulos illos de quibus supra (m) dictum est, vermes aut in Appendicula, aut propter Appendiculam vidimus, nullum unde nasci potuissent, in tota reliqua fæcum, aut alimentorum via licuit nobis animadvertere; quanquam non negligeret in viro præsertim quærivimus, illico, cum optime valeret, ex præcipiti casu demortuo. Semel unum modo, eumque mediocri minorem, invenimus. Non me quidem fugit, quæ responsiones ad hæc omnia possint excogitari. Mallem tamen, nihil occurrere quod proposito Appendiculæ usui adversaretur; ut neque prælongam illam, & tenuissimam caudam (n), quæ ut ab nemine, quod sciam, in recens exclusis lumbricorum Teretum filiis descripta est, ita me dubium facit, num revera Teretes lumbricos parvulos in Appendicula, aut prope ejus orificium invenerim: & quamvis memoria teneam, hos ipsos flexo quidem, nonnunquam in se convoluto reliquo corpore, cauda autem extensa vidisse, quod ut peculiaris, caudæ nota, in lumbricis Teretibus fere omnibus seu mortuis, seu viventibus ab Redio (o) videtur indicari; attamen nonnulla mihi dubitatio superest, quæ cum superioribus conjuncta, sustinere adhuc assensum suadeat, & sic interea de isto Appendiculæ usu quærere, ut alios simul, potiores præsertim, vestigare non omittamus.

59. Hos cum ex ejus structura sæpius eruere sim conatus; fateor, necdum mihi aliquid in quo acquiescerem, apparuisse. Equidem plerisque sciebam glandulas, ut in cæteris intestinis Crassis, ita hic quoque solitarias, seu lenticulares cum Peyero (p) proposuisse: vix autem Wepferum (q) in quadam muliere præter multas hinc inde dispersas, plures adhuc conjunctas in extremo Cæci apice animadvertisse: Ruyschium vero (r) cum multis in locis glandulas commemoraverit, quibus refertam esse, aut scatere hanc particulam, scripsit, tot sane, ut, sicut delineavit postea in *Adversariis* II. (s), sibi invicem accumbant, nullo fere relicto spatio inani, tum in certo quodam corpore (t) diserte glandularum acervum in processu vermiformi memoravisse. Ipse quoque de cadaveribus decem in quibus hæc attentius quæsi, in uno memini Appendiculæ fundum ultimum hic illic quasi foraminosum vidisse, ut alias item, sed minus, internæ ejusdem faciei partes: in altero eandem omnem Appendiculæ faciem, digitos transversos septem longitudine æquantis, subnigris maculis circularibus distinctam fuisse crebris adeo, ut reticulata videretur, quarum singulis singulas designari glandulas, judicavi: in alio Plexus quosdam granulosos, alios propius orificium, unum satis ab hoc procul extitisse: in alio denique cum in labro ipso Valvulæ Bauhini, glandulæ essent, singulæ singulis cujusdam fuscæ reticularis corporis maculis comprehensæ, fuisse alias, pariter albicantes & subrotundas, sed minores, quæ ita ut solent in Peyeri Plexibus, confertæ interiori veri Cæci faciem propter Appendiculæ osculum tenebant, easque per hoc intra Appendiculam se produxisse in Plexum tam longum ut longitudinis illius tres propemodum quadrantes æquaret, tam latum ut dimidium fere ejus latitudinis obtineret. Verum; ut omitterem, in quinque de sex reliquis cadaveribus nullas mihi iis in locis, nullas in tota Appendicula distinctas glandulas, nullam retiformem structuram, in postremo autem decimo tametsi in proxima Crassorum parte solitariae glandulæ essent crebriores, nullas tamen intra Appendiculam omnem apparuisse; ut hæc, inquam, prætermittam; neque enim quod satis eæ conspicuæ non fuerint, idcirco statim nullas fuisse, credendum est; at certe in quarto illo cadavere quales in Cæco, tales quoque in Appendicula inveni; ut si ex forma exteriori glandularum, aliquam de ipsarum usu conjecturam capere nobis licet, nihil peculiare efficere in Appendicula videantur.

60. Sic etiam in Canum Cæco (non omnium; nam de sex in duobus non vidi) glandulæ reperiuntur,

(f) Ibid. (g) num. prox. super. (h) Vid. supra, n. 41. (i) n. 26. (k) Osservaz. int. agli animali viv. &c.  
 (l) Arcana Nat. det. Epist. 75. & 78. (m) n. 42. & seq. (n) Ibid. (o) Osservaz. cit. (p) Exercit. I. & II. de Gland. Intest.  
 (q) Apud Peyero in cit. II. Exercit. (r) Musæi Anat. Theca A. Repos. 5. n. VII. ad 2. & Theca D. Repos. 4. num. XXIII. ad C. & Theca B. Repos. 4. n. VI. ad 2. &c. (s) Tab. 3. Fig. 4. (t) Musæi cit. Theca B. Repos. 4. n. I. ad 2.



tur, solitariae illae quidem, & majores, quam in hominibus, manifestoque osculo, quod mihi humanae illae non ostenderunt, in centro pertusae. Verum glandulae ejusdem generis cum in proximo canum Craffo intestino, tum praesertim in Recto multae spectantur. Sic in caporum Cæcis, reliquorumque ex genere gallinaceo, anseris item, & quarundam certe aliarum avium, praeter glandulas, quas hic illic rugis, fere secundum longitudinem intus prostantibus, manu autem hinc & hinc trahendo facile tollendis, reperire soleo interjectas, easque ex lenticularibus, quod in capo praesertim quodam, imo & in minori gallina erat maxime conspicuum, cum essent grandiores, & orificium in centro evidentissimum haberent; praeter eas, inquam, glandulas; in prima illa contractiore Cæcorum parte, quae neque ipsas, neque rugas ut reliqua pars, ostendit, Plexum inveni constantissimum forma fere ellipsis secundum intestini longitudinem statutae, ex crassa, & inaequalis superficiei glandulosa substantia, nonnunquam ex glandulis evidentibus factum, paulo supra cujusque Cæci orificium prominentem, atque ita in oculos incurrentem, ut mirer; nondum legisse; quod meminerim; ab aliis descriptum, praesertim cum sit, ut dixi, in illo ipso loco, quantum ad hoc tempus adnotavi, perpetuus. In quodam capo fere duplo majorem in uno Cæcorum vidi, quam in altero; in gallo montano parvum pro tanta illa Cæcorum longitudine (u); in anser longiorem multo, & angustior, quam in gallinaceo genere; in anate quoque longiorem, & praeterea duos, tresve alios supra illum; horumque aliquos propemodum hemisphaericos; nam sinistris dexteri neque forma, neque sede, neque numero magnopere respondebant. Verum ne peculiaria Cæcorum hæc crederem; Plexus alii, haud ita abssimiles, vel in proximo Tenui intestino, faciebant. Nam modico supra orificia Cæcorum intervallo, duo erant in anser, unus in anate, quem semel, atque iterum vidi quadrata figura. Sed & in quodam capone cum Cæcorum Plexus quasi a phlogosi ruberent; quod non raro ipsis in genere gallinaceo accidere, animadverti; pariter rubentem conspexi oblongum Plexum, minus quidem prominentem, sed ampliorem, quem unum in toto intestino Tenui conspicuum inveni; is cubiti quadrante a Cæcorum osculis distabat.

61. Attamen neque ex eadem glandularum externa forma necesse est ejusdem succi secretionem, eundemque usum deducere, & quamvis necesse esset; certe quales in avium Cæcis glandularum Plexus reperiuntur, tales in Tenui, non in Craffo, intestino earum spectantur. Quod uti secundum ea quae paulo supra (x) nobis observata esse, diximus, ad humanam Appendiculam, Cæci quoque huic proximam partem, & Tenuia intestina transferre licet; sic illud addi fortasse potest, cum Appendiculæ Plexus extra viam ipsam tubi *intestinalis* sint positi, & quod consequitur, non, uti intestinorum Tenuium Plexus, crebro transeuntis materiae appulsu, & pondere urgeantur, neque vero, uti Plexus Cæcorum in avibus, divertente in hæc ex instituto Naturæ & ultro citroque commeante magnæ materiae copia, usque & usque premi videantur; idcirco dari conjecturæ locum, secretum in Appendiculæ Plexibus succum tum diutius in horum intimis caveis retineri, ut quas antea non habebat, ea morâ vires acquirat, tum non paulatim, sed universum pro re nata opportune in Cæcum exprimi, ut aliquid præstet, quod, nisi diutius servatus, & simul influens universus, non esset facile præstiturus.

62. Hic nolim credas, huic a me conjecturæ plurimum tribui, quam ideo attigi, ut ad meliora sagacissimum ingenium excitarem tuum. Multo minus existimes velim, me eximiam aliquam, nec facile aliter supplendam, ei succo affingere utilitatem. Id enim nobis minime negligendum censeo, quod non omnes attenderunt, a quibus antea sunt Appendiculæ usus propositi: haud rarissima esse hominum exempla, quibus hæc desit, aut perinde se habeat ac si desit. Sic Jacobus Sylvius (y) in puerpera *crassitie mi-*

*noris digiti, & solidam fuisse*, adnotavit: & quanquam id non ita sæpe invenio, ut cum ipso affirmare possem, *multis accidere*; tamen Riolanum quoque (z) vidisse, scio, & ipse inemini, cum alias antea, & praesertim in anicula, & viro, perbreve in hoc Theatro ostendisse Appendiculam, extremo fundo non cavo, sed ad digitum transversum solido; in anu autem altera, quam apoplexia sustulerat, iusta quidem longitudine, sed parte vix tertia cavum habentem, idque angustius, cætera omnino solidam, tum maxime A. 1731. ipsam demonstrasse duorum, haud amplius, transversorum digitorum longitudine, crassitudine autem minimi, sine ullo proorsus cavo, ex alba densaque substantia factam in fene agricola ex thoracis hydrope mortuo, splene, & jecinore magnis, durisque, sine ullo tamen intestinorum vitio, nisi quod Valvulae Bauhini superficies cruenta erat: quod ne te forte moretur; animadvertite, a Cl. Walthero in Dissertatione, ad me benigne missa, de *Intestinorum Angustia* (a) scribi: *constare quod Appendicula interdum coaluerit, & sine dispendio sanitatis, occlusa geratur*. Huc attinere video Salomonis Alberti Observationem (b) in strangulati viri cadavere, qui paulo ante supplicium ingenue pernegaverat, ullo unquam præter incredibilem quandam, & quæ fatiari vix posset, concubitus cupiditatem, in vita se se morbo divexatum esse. In hoc enim vix Appendiculæ rudimentum quoddam, prominentius scilicet tuberculum instar papillae in uberibus, deprehendit, quod certe vicem illius gerere, aut munus, quale quale sit, obire minime potuit. Quid? quod; ut Berengarii, & Massæ tot illas, at mihi, ut supra (c) indicavi, haud ita credibiles, deficientis Appendiculæ observationes mittamus; Thomas Bartholinus (d) defuisse, inquit, in homine, memini, & ipse in Sartore, A. 1708. cum Venetiis essem, repente mortuo, a me in *Adversariis* (e), a Cl. autem Santorino (f) in Observationibus commemorato, ex fidei hujus narratione æque defuisse, scio, ac si id cadaver, ut tot alia eo tempore pro consuetudine atque amicitia, simul communi diligentia, consilioque rimati essemus. Eo autem minus hæc mira sunt, quo minor, cum intestinis humanis comparata, Appendicula est, quam quæ huic in plerisque aliis animantibus respondere pars creditur, intestinum Cæcum; quam tamen ipsam intestinorum partem Zambecarius (g) affirmat, *experientiam testatus, se canibus pluribus, avibus, ac gallinis ex voto excidisse, animali semper sospite ac incolumi*: quod si Lysterus novisset; abjecta illa sua, quæ & aliis tamen difficultatibus obnoxia erat, opinione de usu intestini Cæci in figurandis alvi recrementis; non facile credidisset (h), si ligaretur Cecum, aut alia ratione faeces non admitteret; inevitabilem animali fore diarrhæam.

63. Quæ omnia cum ita sint; præclare intelligis, si qua peculiaris in Appendiculæ succo utilitas quaerenda est, eam nimirum esse quaerendam, quæ si forte desit, non propterea diu vivere homo non possit; imo quæ aucta aliarum eodem conspirantium causarum vi, facile ab Natura sic satis pensari queat. Vide igitur, num a veri similitudine alienum quidpiam essemus dicturi, an potius naturæ, & conditioni eorum Plexuum qui in Appendicula sunt, hujus frequentiori situi, constantissimoque in Cæcum intestinum influxui, & trium denique Muscularium Coli Fasciolarum in Appendiculam, & Ileum infertioni consentaneum; si forte conjiciendum suspicamur, Appendiculæ succum, iis contractis Fasciis, in Cæcum exprimi aut ad extrahendum siquid boni adhuc in restitante intra Cæcum materia superest, aut, si mavis, ad Cæci, &, quod consequitur, proximi Coli tunicas concitandas, ut eam materiam Rectum versus intestinum propellant. Illum autem usum priorem sic intelligo, Cum sit veri simile, minus solutam materiam, quippe graviolem, crassiolemque, diutius in imo, hoc est, in Cæco restare, dum quæ satis in Gracilibus intestinis soluta est, rarior idcirco, & fluxilior, sursum facile compellitur; veri quoque simile est, eundem qui in Gra-

(u) Vid. supra, n. 28. (x) n. 59. (y) Observ. in fin. Isagog. Anatom. (z) Anthropogr. l. 2. c. 14.  
(a) n. 14. (b) in fin. Historiæ plerarumq. Part. hum. corp. (c) n. 23. (d) Anatom. quart. renov. l. 1. c. 10.  
(e) III. Animad. 14. (f) c. 9. n. 9. (g) Vid. Nov. Act. Lips. Suppl. T. 1. S. 6. (h) Vid. Act. Lips. A. 1685. M. Jul.



Gracilibus solvendo conducit, succum, in Cæco pariter solviturum, si affatim præsertim affundatur. Creditur autem ad solvendum facere qui in Peyeranis fecernitur Tenuium intestinorum Plexibus. Credibile ergo est, ab similibus, quos Natura in Appendicula, & proxima Cæci parte, non in reliquo Crasso intestino, locavit, Plexibus secretum humorem idem in Cæco præstiturum, auctum præsertim ejusdemmodi humore alio, qui ex postremo proximi Ilei Plexu, qui solet esse multo maximus, in subiectum Cæcum destillat, ejus uberiores opportune defluxum efficiente fortassis ea Lateralis Fasciolæ in eandem illam extremam Ilei partem insertionem, quam supra (i) descripsimus, & in III. *Adversariorum* Figura III. indicavimus. Hoc igitur usu Appendiculæ adscripto, non modo Veterum, atque adeo Galeni (k), sed & quorundam Recentiorum de Cæco sententia quadantenus confirmatur.

64. Quod si minus forte alter ille usus displiceat, ut Appendiculæ succus mora, uti conjecimus (l), ætiosior factus, irriter Cæcum intestinum ad ea quæ restitant, promovenda; cum ab ea in Ileum Lateralis Fasciolæ insertionem habebis quod non incongrue deducas, ut puta eundem illum maximi Plexus humorem, quo, si nihil aliud, tunc via opportune lubricetur; tum præcipue illam universarum Fasciolarum in Appendiculam insertionem apprime cum eodem altero usu congruere, deprehendes. Etsi enim quod olim ait Riolanus (m), & nostra ætate Dionisius (n), Appendiculam esse *veluti nodosum coitum --- ligamentorum Coli: ex coalitu horum contextam esse: ex horum conjunctione esse factam*: etsi, inquam, non id ita confirmare possumus, ut ex his dumtaxat compingi, fateamur; tamen si non interiora; at certe exteriores fibras, per ejus longitudinem ductas, esse trium Coli Fasciolarum productionem, atque adeo esse alterum earundem extremum, conspiciamus. Igitur Musculus ab infimo Recto intestino exortus, hujus parietes primum complectitur; deinde se, aut tendines suos, in tria, quæ vocant, Ligamenta divisos, ad omne Colon intercipiendum producit; novissime hos iterum circum Appendiculæ initium colligit, iisque conjunctis totam Appendiculam amplexatus, in ipsa, ac cum ipsa finitur. Veri ergo simile est, distento, irritatoque a fascibus Recto intestino, & ipsa hujus dilatatione, & complectentis Musculi ad illas ejiciendas contractione eodem tempore Fasciolas corripere, sicque intestini Coli cellulas, quoad ejus liceat, adduci, concuti, urgeri, &

recrementa in his remorantia ad Rectum, interea vacuum factum, in eorum autem locum alia a cellulis ulterioribus in eas quæ deinceps Recto sunt propiores, suumque in hoc onus transmiserunt, detrudi. Et quoniam in naturali hominis positu difficilius est, ut quæ in Cæco, & dextera Coli proxima parte materia restitat, inde, hoc est, ab imo sursum propellatur; quem potius desinentium in Appendiculam Fasciolarum usum esse, conjiciemus, quam eo ipso tempore hanc concutere, & extrema contractione undique comprimere, quo succum, in ejus Plexibus magis activum morando factum, in Cæcum exprimant, ut hujus, & continentis intestini Coli tunicae ad motum sollicitentur. Sic enim omnia ab uno ad alterum intestinorum Crassorum caput in unum eundemque usum eodem tempore peropportune conspirant: sicque illa insuper licet intelligi, non modo cur Fasciolæ (o) firmiores novissime fieri, latioresque videantur; sed etiam cur Appendicula istiusmodi cum Cæcum tot bestiarum careat; humanum, ut quod ita ut diximus, est situm, non careat. Quod si quæras, cur in fœtu, qui tamen alvum, secundum naturam, non exonerat, Appendicula proportionem major sit? petam, ut quæ supra (p) exposita sunt, hic revocare ad memoriam velis. Sic enim illam invenies, non in fœtibus modo, sed & in infantibus idcirco longiorem apparere, quod Colon, nullo fere Cæco interjecto, se ipsum in Appendiculam contrahat. Videtur igitur in utrisque, non Cæco irritando subservire, sed ipsa potius pro Cæco inservire, quamdiu videlicet recrementa natura fluxiliora sunt. Ubi vero hæc, ut alimenta, variari incipiunt, ipsa restitare crediderim, & restitendo, Cæcum paulatim ex minimo amplius facere, præsertim cum jam ob crassitiem minus quam antea, subire Appendiculam queant. Tunc ergo ut stare sapius, quam decumbere puellus incipit; sic eam quam proposui, Appendiculæ utilitatem incipere, existimaverim, cum antea quidquid Appendiculam subiret, facile & ob propriam fluxilitatem, & ob corporis positum, & ob Fasciolarum ex Colo sine flexu pergentes in Appendiculam fines, ex hac in Colon extruderetur.

65. Hæc de iis Fasciulis, & proximis Partibus habui in præsentia quæ scriberem. Tu observationes accipies; conjecturas autem, si minus placuerint, me neque mirante, neque ægre ferente, repudiabis. Vale.

## EPISTOLA ANATOMICA XV.

*Spectat ad Partem alteram Primæ Valsalvæ Dissertationis. Verba sunt de Sinibus arteriæ Magnæ, de hujus, & Pulmonaris arteriæ Valvulis: tum de Cordis vasis Coronariis, Ovali Foramine, Vena sine pari, Jugulari Interna, Subclavia, Carva Inferiore, Valvulisque præsertim quæ iis omnibus sunt assignatæ: tum de Cordis sede, & positu, aliisque ad ejus externam, internamque faciem attinentibus. Denique nonnulla de Valvularum Inventoribus, & de Artuum quibusdam Venis adjiciuntur.*

**A**D Alteram quoque Partem Primæ Valsalvæ Dissertationis, quæ Pars est de Sinibus Arteriæ Magnæ, in illius Schedis perpaucæ inveni quæ attinerent. Itaque ad ea primum tibi adjungam nonnulla alia quæ in vicino Corde adnotavit: deinde non pauca quæ alii, & ego circa ea omnia, observata habemus, subjiciam. Valsalva præter ea quæ de quatuor illis Sinibus in Dissertatione proposuit, hæc etiam scripta reliquit. Maximum illum Sinum, qui supra Valvulas est, factum videri, ut sanguinis impetus aliquantum infringatur: eundem autem dispari adeo in variis cadaveribus amplitudine inveniri, ut cum in aliquo arteriæ ambitus qua latissimus Sinus erat, arteriæ ambitum qua Sinus definebat, una fere uncia superaret; in alio duabus, haud am-

plius, lineis excederet. Quod vero ad tres inferiores attinet Sinus; vix horum vestigium in erinaceo fuisse. In piscibus autem cyprino, & tinca cum arteriæ Magnæ initium eadem ratione constructum videatur, nimirum ex prævalidis carnis fibris, alterum quasi corculum supra cor efformantibus; tres extrorsum protuberantias habere, humanis Sinibus quodammodo respondentibus. Sed in lucio idem initium, conijci figura esse: in acipensere autem non esse latius, ut in aliis ab ipso inspectis piscibus; sed tamen præter valvulas, cæteris piscibus communes, alias insuper mox obtinere. Hæc de Sinibus.

2. Porro in ejusdem acipenseris corde aliquid animadvertit sane dignius quod attendamus: exterioribus cordis parietibus quamplurima adhærere corpora diversæ pror-

(i) n. 10. (k) De Usu Part. 1. 4. c. 18. (l) n. 61. (m) c. cit. (n) Anatom. de l'homme, Demonstr. 2.

(o) Vid. supra, n. 13. (p) n. 39. & 40.



prorsus ab eo naturæ, glandulas videlicet nigricantes, & quæ sectæ nigricantem humorem præbeant: quem humorem, cum earum aliquas comprimeret, se intra aperti cordis Ventriculum transeuntem vidisse.

Cæterum; ut ad hominis structuram redeamus; hæc quoque inter Valsalvæ observationes reperio, præter discussum illud, & infra tamen (a) discutiendum adhuc, de mea quadam delineatione iudicium, id est, Corpusculum in arteriarum valvulis a me propositum, his inesse quidem, sed multo minus; præter id, inquam, hæc etiam reperio: Ventriculum cordis dexterum & ipsum quasi ad mucronem pertinere, per foveas videlicet interlacertos relictas: item inter lacertos ejusdem Ventriculi circa orificium Pulmonaris arteriæ, in aliisque etiam locis foramina apparere, quæ oblique deorsum tendunt ad Ventriculum sinistrum. Verum ut illa in hujus usque cavum pervenire, tam diserte non scripsit, quam celeberrima olim controversia de cordis Septo perforato flagitare videbatur, neque aliquot in cordibus, an in cunctis hoc viderit; sic Ventriculum dexterum quasi ad mucronem pertinere, in aliquot vidisse, non in omnibus, libentius existimaverim. Sed de his quæ ad ipsum cor pertinent, Valsalvæ observationibus quid sentiendum sit, erit infra (b) amplior scribendi locus.

3. Nunc de Magnæ Arteriæ Sinibus videamus. Et primum si forte quæras, num ante Valsalvam hi cuiusdam noti fuisse putandi sint; candide respondebo, viros quidem sæpius fuisse, verum haud satis tamen animadversos. Certe enim tres illi inferiores, sæpe ad eo conspicui sunt, ut probe inspicientium Semilunares valvulas fugere oculos non possint. Nec vero in hominibus tantum, sed & in bobus, suibus, leporibus; quantum in tribus vitulis, in quatuor porcis, in geminis leporibus continenter sectis observavi. Quin etiam comperi in tenera capella, & agno. In canibus autem quibusdam valde cavi; in aliis vero, in duabus vulpibus, in ipsisque erinaceis, quorum tres inspexi, sic satis fuisse visi. Nec aliter atque in plerisque memoratorum animalium, in avibus quibusdam majoribus, & nominatim anseres, a me observatum esse, memini; in minoribus namque ob parvitatem minus attendi. Et quanquam Valsalva ejusmodi Sinuum vix, in arteria Pulmonari vestigia viderit, & ipse in anicula præsertim, in iisque tribus erinaceis nullos omnino deprehenderim; tamen vicissim in geminis puellis, circa septimum mensem vivis editis, itemque in ea capella melius apparere ad Sigmoides valvulas, quam ad Semilunares, at in cane quodam æque ad utrasque, conspexi. Sigmoides autem voco quæ ad arteriam sunt Pulmonarem, iis quæ ad Magnam sunt, valvulis Semilunarium nomine, aut Lunarium relicto, simul brevitatem, simul consuetudinem Veslingii nostri (c), aliorumque haud ignobilium Virorum secutus. Cæterum fateor, tum in puella, nono mense exacto inter nascendum mortuo, tum in fene, aliisque; tum in cæteris omnibus de quibus non excepi, supra memoratis animantibus multo minores in Pulmonari, quam in Magna arteria Sinus fuisse. Itaque ut illos sæpius ejusmodi esse, confiteor, ut nisi antea hos novissem, non fuisset facile agnitus; ita hos eosdem propter majorem in plerisque cavitatem non videri quidem non potuisse, profiteor; sed in ipsorum inspectione qui paulo diligentius moratus sit, qui cognitione, qui delineatione dignos crediderit, ante Valsalvam aut neminem, aut unum dumtaxat Vidium (d) reperio. Hic enim supra limbos summos valvularum Semilunarium, parietes Magnæ arteriæ sic extrorsum curvatos pinxit, ut singulis valvulis singuli respondere Sinus videantur: neque id fortuito factum est, quando in opposita Figura (e) supra valvulas Pulmonaris arteriæ, ad quas, minores, ut diximus, solent esse Sinus, vix aliquid ejusmodi, & fortasse ne vix quidem monstratur.

4. Nullum tamen apud Vidium de illis Sinibus est verbum: quod eo magis attendendum est, quia cum in utrarumque valvularum inferiore ambitu id quod a Valsalva quasi agger nuncupatum est, utcumque

Morgagni Epistola Anatomica.

delineaverit, oratione quoque indicare (f) non omisit, docens, valvulas Pulmonaris arteriæ nullibi inherere vasi, præterquam ad tubercula, --- a quibus tuberculis oriuntur, in valvulis autem arteriæ Magnæ mucronem, ut ipsi videbatur, memorans cartilagineos deorsum spectantem in ventriculum cordis sinistrum. Hæc eadem in utrisque valvulis Rolfincius (g) ad hunc modum descripsit: Valvularum Sigmoidum circumferentia reliquo corpore solidior est: Semilunares Valvulæ in ortu duriores, & quasi cartilagineæ sunt. Ego in Primis olim Adversariis hos Aggeres pingendos curavi (h), cum illam crassitudinem, ut in Quintis postea diserte monui (i), in laterali, atque ima valvularum peripheria pertenuem, albumque quasi dimidiatum annulum de industria expressi. Denique Amplissimus Vir Lancisius (k) animadvertendum esse, admonuit, valvulas semilunares habere bases evidenter tendineas, & supra cordis orificium paululum emergentes, quæque anaglyptice quasi a natura circulariter sunt excitatæ. Cui rei illustrandæ facit ipsa balium harum, sive Aggerum structura, a me in fene quodam, itemque in viro, vel sine ulla præparatione, luculenter perspecta. In utroque enim facti conspiciuntur, ex confertis quidem, sed distinctis, albis, tendineis fibris, in viro eleganter parallelis, in fene autem multo elegantius ea inter se ratione implicitis qua sibi mulierculæ pleræque solent capillos implicare; nostrates vocant a treccia. Has fibras, non æque tamen perspicue, & ipse in aliis præterea vidi, & tu quoque, etiam perspicue videre aliquando poteris, si in multis, & ab ea parte inquiras, a qua sunt hæc inquirenda, ab ea videlicet qua suos valvulæ Sinus spectant. Ab hac enim parte occurrunt Aggeres magis detecti, quam ab opposita: neque ipsa flexilis, & cedens valvularum substantia prius incipit, quam ad extremam, hoc est, ab arteriæ superficie magis remotam prominentiam Aggerum ventum est: ex quo constat; aut ego quidem plurimum fallor; creatos fuisse Aggeres, ut Sinuum cava augerentur; ut solutus valvularum limbus ab arteriæ pariete magis distaret; ut denique ab hoc pariete longius abessent initia fibrarum, easdem valvulas contendendum, quæ res quantum conducant ad has ab eo pariete abducendas, atque explicandas, infra (l) apparebit, cum de propriis valvularum motibus verba fient. Cæterum in eodem fene, eodemque in viro etsi Aggeres vel ad Pulmonaris arteriæ valvulas satis se prodebant; erant tamen ad Magnæ valvulas, multo majores: in anicula ad has erant; ad illas non erant. Verum ad utrasque fuerunt in altera anu, itemque in juvene; atque adeo in altero fene æque prominebant utrobique. Ex his quæ hætenus commemoravi; ut illud conficiatur, fuisse aliquos qui Aggeres ante Valsalvam cognoverint, & delineaverint; tamen intelligis, cum ejus descriptione excitatum me esse ad ipsorum structuram, usus, sedes diligentius inquirendas, tum neminem certe mihi esse notum, qui eorum Sinuum quos Aggeres intercipiunt, ante Valsalvam mentionem fecerit.

5. Sed ne superioris quidem Sinus illius Maximi arteriæ Magnæ legisse quenquam memini, qui in hominum corporibus ante Valsalvam mentionem faceret. In hominum, inquam, corporibus; nam in fœtu vaccino Tavvryum (m) animadverto illius arteriæ communem truncum accurate dimetientem, comperrisse, tribus lineis supra cor emensis, arteriam ad duarum linearum tractum, hoc est, ad divisionem usque in superiorem, & inferiorem truncum, magis magisque dilatari. Quam observationem, in fœtu habitam, eo libentius commemoro, ne forte suspiceris, Sinum hunc Maximum non a primordiis existere, sed quasi initium morbosæ dilatationis produci, præsertim cum Valsalva ipse in Dissertatione admonuerit, ibi sæpius aneurysinata observari, testatusque sit, in quo cor æquo minus invenit, in eo Sinum hunc nullo pacto deprehendere potuisse. Et quoniam non absimilis suspicio de reliquorum etiam Sinuum productione exoriri posset, quando idem Valsalva fassus est, ut superiorem, ita hos quoque alia in aliis esse magnitudine; placuit mihi, ut omnes Valsalvæ Sinus non modo in

A a

adul-

(a) n. 17. (b) p. 60. & 62. (c) Synt. Anat. c. 10. & Explic. Fig. 4. & 5. Tab. 1. ejusd. c. (d) De Anat. corp. hum. Tab. 75. Fig. 30. (e) Fig. 9. Ibid. (f) Ibid. l. 6. c. 5. (g) Dissert. Anat. l. 6. c. 19. & 21. (h) Tab. 4. Fig. 3. (i) Animad. 23. (k) De Mot. Cord. l. 1. Propos. 33. (l) n. 18. (m) Replique a M. Mery.



adultis, sed etiam in foetibus inquirerem. Igitur superior ille ut in adultis haud ita raro ejusmodi est, ut dimensione potius, quam aspectu cognoscatur, & tamen saepe satis evidens est, interdum; quod in viro, in anu, in fene vidi; maxime conspicuus: ita et nonnunquam, ut in fere novimestri foetu, in oculos mihi non incurrit; tamen in tribus septimestribus sic satis apparuit, in duobus autem novimestribus praclare conspicendum se obtulit. Haud secus inferiores tres tum in adultis alias minores, alias majores comperti, tum in eodem illo primo foetu incassum quaesiti, in altero autem postremorum, in quo Aggeres tamen inveni, & nonnullis aliis subobscuri; in altero tamen, itemque in octimestri plane conspicui fuerunt: quo etiam pertinet quod supra (n) dixi, fuisse a me in vitulis, in tenera capella, in agno deprehenso. Nec sane video, cur non modo hominibus, verum insuper tot aliorum animalium, quot initio enumeravi, generibus tam laxa structura contigisset, ut hosliceret Sinus, non procreatos natura, sed vi factos existimare.

6. Attamen cum ea dilatatio quam in vaccino foetu compertam a Sauvryio esse, dixi (o), huic repetenda visa sit, non ab naturali constructione, sed ab ea naturali necessitate, qua sanguis ad arteriae induos truncos divisionem compulsus, retrorsum cogitur resiliere; non defuturos esse, video qui sanguini ad arteriae vel divisionem, vel curvaturam impulsio; indeque resilienti tum Sinus Maximi, tum eorum quibilibi sunt, ubi valvulae percussio sanguini opponuntur; productionem censeant acceptam esse referendam. Hos autem velim attendere, quod praesertim ad postremos attinet Sinus, non esse eos in arteria dumtaxat, verum etiam in ipsius cordis parietibus excavatos. Scilicet tantum abest, ut meis observationibus confirmare omnino possim quod, Pechlino Praeside probante, scripsit Adolphus Cunr. Langelottus (p): *membrana cordis interna, qua ad Arteriam vergit magnam, tendinis induere naturam jam tum in ventriculo, & ante valvularum semilunarium ortum incipit, indeque in Aortam propagatur*; tantum, inquam, id abest, ut & Magnae, & Pulmonaris arteriae initium, & quod consequitur, ventriculorum finis, & cordis orificium statuenda mihi videantur non ad imam valvularum partem, sed aliquanto superius, ibi videlicet ubi carnea substantia cordis ab interiore facie insipientibus penitus definit apparere. Nam certe solet in valvularum interstitiis, atque adeo in ea ipsa parte quae valvulis obducta est, adhuc apparere modo ad majorem, alias ad minorem altitudinem, ut in vitulo, in capella, in agno, in duobus tribusve canibus, aliisque praeterea adnotavi. Quin etiam in novem cordibus hominum, cujusque promiscue aetatis, & sexus, continenter inspectis, non per ea tantum quae inter valvulam, & valvulam sunt, intervalla fere omnia, & fere tota, sed in nonnullis ad mediam fere, in plerisque ad multo minorem altitudinem ejus spatii quod a cunctis propemodum valvulis obtectum erat, cordis carnem productam vidi, ubi valvulas diduxissem, idque praecipue ad Pulmonarem arteriam: quanquam in non paucis ad Magnam quoque haud aliter conspexi, praesertim cum aetas nondum esset valde senilis; tunc enim saepius duriora omnia circa haec loca solent esse, atque albidiora, in primisque Aggeres, qui tum magis crassescunt, valvularum: cujusmodi in corde, vel paulo infra valvulas, rigidiusculam jam, & tendineam, ut Pechlinus censuit, interiori sinistri ventriculi membranam inveni; quae alioquin solet neque duritiae, neque crassitudine, neque colore naturam tendinis referre, sed tenuis adeo, & pellucida esse, ut per ipsam cordis caro transpici vel ad eam quam diximus, altitudinem praclare possit, ac illud propterea satis intelligi, neque totas valvulas, neque totos Sinus esse in Arteriis collocatos. Verum si pone valvulas carnea cordis substantia appareat, si leviter condita sit; inferiorem certe horum Sinuum fere omnium cavitatem proxime amplectitur sic ut vi resilientis sanguinis produci haec nequeat, quin ipsa cordis caro ibi cedat, & cava fiat. Nunc si vires inter se

comparemus quibus ad resistendum resilienti sanguini instructa sunt hinc Magnae arteriae, & Pulmonaris parietes, & carnea cordis substantia, inde vero non ita crassae firmaeque valvulae, eaque non tunc ad latera recedentes, sed in media ipsa sanguinis via contra hujus refluxum explicatae, atque obiectae; proclivius nihil erit, quam intelligere, multo prius sanguinem istiusmodi valvulas esse petrupturum, quam arteriarum parietes, cordisque substantiam in eos Sinus curvaturum. Quanto igitur melius conicias, ab ipsa Natura constructos in opportunissimo loco fuisse Sinus, ad singulas valvulas singulos, & in arteria praesertim Magna, ut majore in hac impetu resilientis sanguis, in eas caveas deflectendo, appositae valvulas minus urgeat; itemque ut eidem sanguini, e corde exeunti, minime impedimento sint eae valvulae, quae non modo, ut passim ajunt, tunc versus arteriae parietes compelluntur, verum etiam, sinentibus his quae a tergo sunt, cavitatibus, tantum extrorsum cedere possunt, ut nihil fere ipsarum corpore de ejus in qua sunt, viae sanguinis amplitudine dematur. Quarum conjecturaram primam iis potissimum non displicituram spero, quibus cum Prael. Thebesio (b) placet, haud dissimiliter etiam ab apertis ibi arteriarum Coronariarum osculis periculum minui, quod summum alioquin esset, ne valvulae in violenta aortae contractione a sanguine percussio disrumperentur, nisi in tum patentes arterias coronarias divertere posset, adeoque in impetu suo diminueretur.

7. Illud tamen est hoc loco animadvertendum, res aliquanto aliter disponi ab Natura oportuisse, si id potissimum quod Thebesius, aut id etiam quod Lancisius credidit, spectasset. Hic enim Vir Ingeniosissimus cum ad Valsalvam, qui suam horum Sinuum observationem nunciaverat, eas litteras rescriberet, quas inter hujus Schedas inveni, datas XI. Kal. Jun. A. 1715; his Sinibus, siue utriculis, a se quoque pluries animadversis, se in parte uti, indicavit, ad sanguinis ingressum in coronarias arterias explicandum, ubi de cordis motu verba faceret in M. S. suo de Aneurysmatibus Tractatu. Nam neque ut tres valvulae, aut tres Sinus; ita tres Coronariae arteriae sunt: nec, si quando sunt; singulae tamen singulis valvulis respondent. Et recte quidem olim Galenus (r) cordis ipsius corpus, docuit, circumfusas in ambitum duas habere arterias, alteram quidem majorem quae maximam ipsius partem amplectitur: alteram ea maxime regione distributam, quae --- in latiore cordis parte jacet, particula existens dexteris ventriculi: --- hasque arterias, simulatque Maxima de corde se prompsit, ab ea produci; ut non intelligam, cur Vesalius (s), Sylvio ipso (t) ad stipulante, harum arteriarum amplio rem dicat, quae ex dextro Magnae arteriae orificii latere, --- siue a tergo dexterae valvulae pronascitur, alteram autem --- principium sibi vendicare a tergo valvulae posterioris; a sinistra interim, ut sic dicat, valvulae tergo, aut sinistra orificii arteriae sede, nulla pronascente coronali arteria; multo autem minus intelligam, cur Realdus Columbus (u) unam coronalem arteriam ponat, vixque addat, in nonnullis non esse unicam, sed duas; quando Galenus de harum sede, inaequalitate, numero tam vera tradiderat. Et quanquam Laurentius (x) postea admonuit, hanc arteriam raro simplicem, saepius geminam a se esse visam; Riolanus tamen (y), & Bauhinus (z) modo unam esse, modo duas --- utrimque utant, docere perrexerunt. Rolsincius (a) iterum, cum haec verba eorum descripsisset, veriora, & pleniora proposuit, affirmans, frequentius arteriam, quam venam coronariam, geminam deprehendi, oriri ex utraque ex dextra, alteram ex sinistra parte Aortae: esseque sinistram non tantum majorem dextra, sed & longiorem. At Recentiores deinde fere omnes, & nominatim Lowerus (b), duas quidem constanter ponentes, caetera non solum omittere, sed & aequalia utriusque pingere orificia non dubitarunt, in quo meliorem nobis delineationem Eustachius (c) reliquerat, inaequalia proponens; quanquam, si accurate attendamus, dexterum ipse, ut Vesalius, a quo in sede alioqui discrepat; non sinistram, ut Galenus, & Rolsincius; majus ostendit. Cum his tamen duobus tum

(n) n. 3. (o) n. proxim. superiore. (p) Exercit. de Fabrica Cord. art. 7. (q) Disput. de Circ. Sangu. n. 25.  
(r) De Venar. Diffect. c. 9. (s) De corp. hum. fabr. l. 3. c. 12. (t) Hagog. Anat. l. 2. c. 5. (u) De Re Anat. l. 7.  
(x) Hist. Anat. l. 4. c. 1c. (y) Anthropogr. l. 3. c. 9. (z) Theatr. Anat. l. 3. c. 25.  
(a) Dissert. Anat. l. 6. c. 17. (b) Traict. de Corde Tab. 4. Fig. 1. & 2. (c) Tab. 16. Fig. 5.



tum in eo, tum in cæteris quæ supra commemoravi, fecisse tandem, animadverto, Raymundum Vieussenium (d); nisi quod prope dexterum orificium, tertium addidit, longe minus, initium videlicet Arteriolæ, ad pinguedinem quæ in cordis basi est, pertinentis, ideoque ab ipso Adiposæ nuncupatæ: quam an Thebesius, & Lancisius designare voluerint, ignoro, hic quidem (e), ubi coronariam arteriam esse, docet, ut plurimum duplicem, rarissime triplicem, aut simplicem, quò in casu statim bifida evadit; ille vero (f), ubi postquam hoc postremum, ut varius memoravit, tum subjicit: arteriarum harum numerum binarium augeri, atque aortam in distribuendis ramis luxuriari, quosdam viros sedulos deprehendisse: ut proinde natura, ut alibi, sic & hic ludere aliquando videatur.

8. Illud (ut ex meis circa hæc omnia observationibus, quod proposui, concludam) illud, inquam, scio, primum quod ad Adiposam Vieussenii arteriam attinet, de sex & viginti continenter inspectis humanis cordibus vix novem fuisse in quibus ejus osculum deprehenderim; in reliquis aut nullum, ut sæpius, aut quasi acu factum foraminulum, ut in nonnullis, vidisse, quod cum eodem Vieussenio (g) malui ad arteriolas referre tunicarum Aortæ: quale foraminulum nonnunquam & in canibus (in quibus aliquando Adiposæ osculum vidisse, non memini) & in hominibus perspexi vel prope sinistrum Coronarium orificium; cum Adiposæ osculum, non nisi ad dexterum, atque adeo ad sinistram hujus oram; quantum in pluribus recordari possum; spectaverim. Nolim tamen credas, in septemdecim omnibus illis cordibus, in quibus Adiposæ osculum ubi Vieussenius ponit, haud vidi, ipsum prorsus defuisse. Nam in duobus certe illorum, quod extra orificium Coronariæ dexteræ non erat, intra hoc statim tam luculenter deprehendi, ut tenæ specillum in eam pinguedinem quæ cordis basi infidebat, nullo negotio transiiserit. Postea & in alio ibidem conspexi; ut suspicarer, si in cæteris quoque inquisivissem, fortasse fuisse reperiturum: non quæsieram autem, quia hanc sedis varietatem, de qua Vieussenius silet, nondum animadverteram. In postremis tamen quatuor ulterius fuerit; necesse est; nam incassum, vel intra osculum statim, quæsi. Cæterum dextræ, sinistræque Coronariæ orificia solitus sum inæqualia reperire (sic ut in cane etiam, & vitulo nuper reperi) & ea quidem ratione, ut in septem hominum cordibus vix unum invenerim; in quo dexterum sinistro orificio majus esset. Dexterum autem, vel sinistrum voco quod ad dexteram, vel sinistram valvulam, sive ut egregie Valsalva loquitur, in eo qui dextræ, vel sinistræ respondet; Sinu Anteriore situm est. Nam ad valvulam posteriorem nec ipse; etsi Vesalius (h), ac Sylvius (i) fecus doceant; sive in hominibus, sive in canibus, vitulis, porcis, capris, leporibus, gallo montano, aliisque in quibus perquisivi, cujusmodi animantibus unquam potui reperire; ne in cane quidem venatico quodam, in quo cum tria essent oscula, in Anterioribus Sinibus erant omnia, unum in uno; bina; eaque inter se proxima; neque ita dispari magnitudine, in altero. In tot autem, & tam varii generis cordibus vix semel accidit, idque in vitulo, ut pro duobus unum, sed multo amplius quam soleat, orificium invenerim; quod pone valvulam sinistram ita originem præbebat sinistræ arteriæ Coronariæ, ut hæc majusculum ramum mox ad dexteram basis cordis partem dimitteret. Porro cum in eo vitulo non modo contra sinistram, sed & contra cæteras valvulas Sinus fuerit; cum in tot hominibus, totque animantibus Sinum Posteriorem, ex quo nulla, ne cum triplex quidem esset, Coronaria arteria extitit, neque defuisse, neque cæteris unquam visum esse minorem, meminerim; cum denique tam sæpe, quam supra ostensum est, in hominum, & bestiarum cordibus Pulmonaris quoque arteriæ Sinus, unde nulla certe Coronaria prodit arteria, sic satis conspexerim; sane ex his omnibus apparet, causâ potissimum Coronariarum arteriarum nequaquam Sinus esse factos.

Morgagni Epistolæ Anatomicae.

9. Hoc cum ajo, minime nego, aliqua tamen fortasse ex parte, Sinus dexteri, sinistrique ope, ingressum sanguinis in eas arterias adjuvari, sive quia dum valvulæ contra parietes urgentur arteriæ Magnæ, tanto plus sanguinis in illas compellant, quanto plus sanguinis inter ipsas valvulas, eosque ita sinuatos parietes comprehenditur, sive quod eo tempore vel semper, vel paulisper inter summum valvularum limbum, & supremam Sinuum caveam aliquid spatii fortasse restitet per quod extrusus e corde sanguis eum in Sinus, illasque arterias aditum habeat, quem, si Aortæ parietes sic curvati extrorsum non essent, minime haberet, quippe quia vix ulla tunc oriri suspicio posset, quin valvulæ, a præterfluente sanguine impulsæ, ad eos parietes se se penitus, & continuo applicarent. Quæ propterea dubitanter attingo, quod neque invenire usquam possum, qua ratione Lancisius suum illum Sinuum usum explicaret, de quo supra (k) indicatum est; & quo sanguis tempore in arterias Coronarias pellatur, nondum mihi quidem pro certo licet constitueret. Etsi enim in V. *Adversariis* (l) ita de re hac disputavi, ut quam in partem inclinaret animus, non difficile sit cognoscere, eamque disputationem Præstantissimus Vir Santorinus (m) non modo humaniter probavit, verum etiam nova addita ratione confirmavit; mihi tamen postea, ut fit, venit aliquid in mentem, quamobrem non omnino pœniteat rem in medio reliquisse. Equidem illud attendebam, quo tempore cor se contrahit, ut in reliquas arterias omnes sanguis impellitur, sic minime videri in Coronarias arterias posse influere, ut quæ illum tunc admittere ab ipsa fibrarum cordis valida constrictione prohibeantur. Sed interea illud alterum (ut, quemadmodum meus est mos, ingenue loquar) non attendebam, sic me quidem partis multo maximæ earum arteriarum, quæ ad cor ipsum pertinet, rationem habere; reliquæ autem partis quæ in Auriculas immittitur, non habere. Nam cum eo temporis vestigio quo cor se contrahit, negemus posse ejus arterias dilatari; proximo vicissim puncto quo auriculæ se se constringunt, quomodo harum posse dilatari arterias; affirmabimus? Num ad eos redeundum est, qui eodem tempore cor, & auriculas constringi, non dubitant? At post Hippocratem, seu vetustissimum Auctorem libelli *de corde* (n); qui cor, inquit, *videas ex toto ventilari, aures vero privatim tum inflari, tum considerare, ac contrahi*, sane constans plerorumque observatio, tum ratio etiam ipsa refragari videtur. Num alio tempore credendum est, eos Coronarios ramos qui ad auriculas pertinent, alio qui ad cor, dilatari? At ab iisdem proveniunt truncis, & ab iisdem orificiis incipientibus. Quid ergo est? Scilicet aut aliquis nobis inveniendus est, qui hæc commode, & dilucide expediat, aut de plerisque eorum quæ ad circumcitionem sanguinis pertinent cordis peculiarem, dubitanter, quod facimus, est scribendum.

10. Cum autem quærerem; numquis forte illorum qui nostra ætate de ea circumcitione, aut de corde accuratis emissis Scriptis egerunt, nodum hunc nobis dissolvisset; apud Vieussenium quidem nihil comperi quod huc pertineret, nisi id quod sæpius inculcat (o): ad id usque tempus erravisse omnes, minime videlicet attendentes, cum reliquæ arteriæ dilatantur, arteriæ Magnæ valvulas obstare, ne pariter, ut credebatur, dilatentur Coronariæ, & quam ipse, ut dixi (p), vocat Adiposam. Sed Viri Cl. quem supra etiam laudavi, Adami Christ. Thebesii Disputationem nactus, quæ *de Circulo sanguinis in corde* inscribitur (q), cum fuisse alios, suspicatus sum, qui ante Vieussenium, Coronariarum dilatationem eodem, quo ipse, tempore contingere, existimaverint; tum illud certe cognovi, inter hujus rei causas eandem illam quam ego principio attenderam, jam Doctissimum Thebesium attendisse. Non poterat, inquit (r), *aliter in cordis vasa arteriosus sanguis, nisi in ejus diastole impelli: quoniam in systole fibrarum contractio tam vehemens est, ut potius omnis sanguis ex vasis arteriosis æque ac venosis exprimatur*. Veruntamen sicuti ob hanc

A a 2

cau-

(d) Traité du Cœur ch. xi. & Planch. xi. Fig. 2. (e) De Mot. Cord. l. 1. Propos. 39. (f) Disput. cit. n. 2. (g) ch. cit. (h) (i) Vid. num. prox. superiorem. (k) n. 7. (l) Animadv. 23. (m) Observ. Anat. c. 8. n. 7. (n) n. 6. (o) Traité du Cœur Pref. & ch. xi. & xvi. (p) n. 7. (q) n. 24. (r) n. 25.



causam exprimendo sanguini prospectum, docet (f), per oscula in facie interna, non cordis tantum, sed etiam auricularum, hiantia; ita optandum fuerat, ut illud simul docere posset, qua ratione sanguis eodem illo temporis puncto quo ex auricularum substantia exprimitur, in hanc eandem, imo in tunicas quoque arteriæ Magnæ impellatur. Systole enim tum auricularum, tum arteriæ Magnæ eodem temporis vestigio accidit, quo cordis ipsius diastole; ad illas autem utraq; *copiosissimos ramulos disseminari*, confitetur (t), e Coronariis arteriis, per quas eo ipso tempore sanguinem impelli, non dubitat, eodem quo Vieussenius, argumento subnixus (u), *exortus* videlicet earum *arteriarum sub valvularum sacciformium pellicula; ut expansis iis a sanguine in aortam impulsio contegantur oscula, claudanturque*, neque propterea per hæc impelli sanguis possit, nisi proximo illo temporis momento quo & auriculas, & arteriam Magnam in systole esse, necesse est.

11. Quod tamen ipsum argumentum nisi ad eum modum redigatur, ad quem in *Adversariis* (x) redeamus, multo minus firmum est, quam hi Viri Præstantissimi existimaverint. Neque enim quadam quasi lege de fede illa Coronariorum osculorum sub valvulis servanda tam severe adstricta Natura est, ut non hæc sæpius, quemadmodum ibi (y) ostensum fuit, supra valvulas invenerimus. Quod sæpissime a se quoque observatum confirmat Præcl. Santorinus (z); Lancisius autem Vir Amplissimus (a), cujus de sententia mox plura subijciam, tam crebro viderat, ut inde, & ex majori osculorum amplitudine robustiores, majoresque sanorum hominum pulsus; ex inferiore autem illorum sede, ac parvitate, contrarios, præsertim inter scæminas, esse repetendos, conjiceret, atque adeo ex iis quæ in promptis, & generosis, vel contra in tardis, & inertibus bestiis, quod ad ea oscula attinet, observarat, easdem conjecturas suas comprobari, censeret. Ego vero post emissam *Adversaria*, ut sæpe illa oscula in hominibus ibi ubi pinxeram (b), sita ostendi, nonnunquam etiam, idque in agricola annos septuaginta nato, non modo supra valvulas, sed multo quam nunquam viderim, altiora; sic illud quod in hac disquisitione magis attendendum censueram, & Lancisium in iis qui mediocri erant pulsu, vidisse, video, rursus, nec semel, comperi, alterum sub valvulis osculum delitescere, alterum supra earum limbum prostare. Sic in viro præsertim annorum quadraginta, sic in juvene unius & viginti, cum recte valerent, ex vulnere confestim mortuis; sic in ove; sic in duobus canibus etiam vidi, quorum corda, anatomes causa, fortuito in manus sumpseram. Quin. saltem in altero eorum canum insuper memini orificium quod latebat, magnum; quod prostabat, parvum fuisse. Quod si res ad hunc semper modum se haberet, & si præterea coopertum osculum cordi, apertum vero auriculis dumtaxat, Magnæque arteriæ inserviret; tum sane plana omnia videri possent, atque expedita. Sed etsi oscula inæqualia esse, nobilissimi, ut supra (c) indicatum est, Anatomici docuerunt, nosque ipsi vel magna interdum tum in homine, tum in vitulo inæqualitate conspeximus; tamen neque peculiari-ter alterum auriculis, alterum cordi ancillari, neque certam illam singula sedem, nisi aliquando, obtinere, compertum est; & cum obtinent, non eandem quam in illo cane, magnitudinis proportionem servant; nam contra, in nuper dissecto humano cadavere animadverti; magnum enim erat osculum quod prostabat, parvum quod latebat. Quam varia autem eorum sedes, & quæ tamen frequentior sit, hinc poteris intelligere. Ex undetriginta humanis cordibus, sedecim fuerunt, in quibus ambo pariter orificia supra valvulas conspexi: sex, in quibus vicissim ambo omnino, aut fere omnino infra valvulas delituere: septem demum, in quibus, altero supra valvulam se ostendente, alterum infra latens aut penitus, aut fere penitus inveni. Quod si mihi olim adolescenti cum tot quotidie in Nosocomiis & decumbentes ipse invisebam, & mortuorum viscera pene quotidie perscrutabar, rem hanc quærere subijisset;

haberes hic feriem multo longissimam, non sedis modo istorum osculorum, sed & magnitudinis ipsorum, & modi pulsum qui singulis paribus tunc cum morbus minus obstabat, respondissent. Nunc autem de his aliud addere non possum nisi in rubusto, eodemque audaci, minacique juvene, itemque in viro quem valido pulsu fuisse, scio, alterum supra valvulam orificium, alterum (idque in juvene majus) infra deprehendisse: cumque in istis undetriginta quæ memorata sunt, cordibus, undeviginti virilia fuerint, decem muliebria; in sedecim illis prioribus, octo muliebria; in septem postremis, duo; cætera omnia fuisse virilia. Quas observationes, & quas paulo ante in ove, duobusque canibus a me habitas dicebam, si cum Lancisianis comparaveris, & si præterea addideris, de totidem canibus quos nuper dissectui, in altero, qui erat venaticus, ambo oscula sub valvulis ita, ut par est, explicatis, pene tota; in altero autem prorsus tota delituisse, quod in molosso pariter, & in mediocri, sed mordaci, cane adnotavi; nonnihil fortasse dubitabis, non solum ne forte Natura certis quibusdam legibus minus se adstringat, quam putatur; verum etiam num semper in molossis coronaria arteria pulset eodem tempore cum aorta; in pecudibus vero hæc nonnihil coronali prius diastolem incipiat, sed simul utraque absolvat.

12. Nec vero hæc, & cætera quæ protinus attingam, velim censeas, ita a me scribi, quasi cum eo Viro contenderem, cujus memoriam colere nunquam desinam, sed ut te, communem tum utriusque, tum veri Amicum, potius excitem ad ea magis magisque explicanda, quæ si ipse perficere potuisset; ut alibi certe, sic etiam hoc fortasse loco aliquanto aliter fuisset editurus. Itaque fateor, post ea quæ alii, & ipse olim in difficillima controversia de peculiari sanguinis per cor ipsum circumitione, attuleramus, post ea quæ modo ad te scribens adjeceram, cum Viri Amplissimi librum, hoc ipso tempore vulgatum in manus sumpsi, admiratum esse me plurimum quæ in illam eandem rem copiose, ingenioseque cogitata, & sedulo etiam observata perlegi. In nonnullis tamen aut propter nondum perfecti Operis naturam, aut si mavis, propter tarditatem meam hæere mihi visus sum. Videlicet haud assequebar satis, quo demum tempore censeret, majores illòs, exterioresque Coronarios ramos constringi. Nam si alterna in iis quoque arteriosis ramis esse debet, ab ipsoque conspecta est dilatatio, ac constrictio; profecto, si agnoscit (d), *laxato per diastolem corde, --- repulsum ac reverberatum ab aorta sanguinem urgere illum qui est intra majores coronarias; sive, ut supra (e) dicit, a majoribus --- coronariis arteriis admitti*; non videtur simul docere posse, sanguinem etiam a cordis systole in majores coronarias impelli. Alterutro enim tempore hæc constringantur, necesse est; quo vero tempore constringuntur, quomodo novum admittant sanguinem, haud apparet. Dilatari autem in cordis systole, vel quando earum oscula infra valvularum limbum sunt condita, non magis intelligo. Nam quandiu durat cordis systole, tandiu quidem vis durat sanguinis *quaversum Aortæ latera urgentis*. Sed non propterea sequi opinor, ut tunc ea latera nonnihil a valvularum contactu removeantur, atque ita aditum ad Coronariarum oscula permittant. Sanguis enim e corde erumpens Aortæ latera urgere non potest, quin ad hæc ipsa valvulas urgeat, quæ quanto facilius cedunt quam hæc latera, tanto difficilius est, ut ab earum contactu eo tempore hæc recedant, viamque sanguini ad Coronariarum orificia ullam faciant. Num vero propria muscularis contractio in istis valvulis eam vim habeat quæ vim ipsam cordis, urgentis sanguinem, excedat, ac proinde valvularum *marginibus a linea curva versus rectam contendere, sive paulum recedere ab ipsis Aortæ parietibus* tunc possint, atque idcirco Coronariarum orificia, quibus obijciuntur, aperta pro viribus servare, te facile crediturum vix arbitror, nec fortasse ad ea orificia ullum tunc relinqui aditum existimaturum, nisi quem supra (f) ex imminente suæ quaque valvulæ superiore Sinuum curvatura suspicabamur, aut quem infra (g) ex val-

(f) nu. 26. & 27. (t) n. 3. (u) n. 2. & 24. (x) loc. cit. (y) Animad. 26. (z) loc. cit.  
(a) De Mot. Cord. l. i. Prop. 41. (b) Advers. l. Tab. 4. Fig. 3. (c) n. 7.  
(d) Propo. cit. (e) Ibid. (f) n. 9. (g) n. 18.



valvularum contractione *per latitudinem* potius sive altitudinem, quam *per longitudinem* suspicabimur. Nam de valvularum fibris, & motibus, ubi de Corpusculis ipsarum, videbimus.

13. Hic vero priusquam de proposita controversia scribendi finem faciamus, ultro confitendum est, Summi Viri ingenium cum alia attulisse quæ ad ipsam illustrandam egregie faciunt, tum illud præsertim, quod attinere intelligimus ad expositam supra (b) a nobis dubitationem infirmendam, quæ ab auricularum diastole, non eadem, sed alterna tempora habente cum diastole cordis, repetebatur. Cum enim ipse (i) ut systolem, ita diastolem quoque dividat in tria tempora, in principium scilicet, medium, & finem, doceatque, finem contractionis ventriculorum concurrere cum principio diastoles auricularum, principium autem diastoles ventriculorum cum medio diastoles auricularum, mediumque diastoles ventriculorum cum fine diastoles auricularum; apparet utique, hæc ponentem, in maximam illius dubitationis partem declinare. Quod utinam mihi quoque facere liberum esset. Verum contrariæ adhuc distinctæ rationes, & observationes: quas ut prorsus contemnere possim, haud satis video. Equidem video, quanta fieri mutatio queat (k) scisso thorace, elevato sterno, aperto pericardio, --- respiratione prorsus adempta, --- nervis aliis scissis, aliis punctis, --- sanguinis effusione, atque aliis symptomatibus, quæ ex animalium tortura proficiuntur. Sed hæc certe utrinque habitis observationibus communia sunt; irritatio vero, a qua pariter magnæ turbationes oriuntur, necesse est, profecto major esse videtur in canibus molossis --- vegetis, quam in jam imbecillibus --- ac pusillanimis animalibus (l). Hinc fortasse est, ut in illis statim atque thorax apertus, pericardiumque scissum est, tam creber, celerque cordis motus inveniat, ut difficillima, & ambigua, quod ad hoc tempus mihi contigit, tum etiam satis a proposito aliena sit observatio. Propositum enim est cordis motum statui naturali, quoad fieri potest, magis proximum pervidere. At ab ea certe quæ ut plurimum in recte valentibus animadvertitur, articularum pulsatione longissime abest tanta illa crebritas, & velocitas, quæ in cordis motu eo tempore observatur. Propius autem abest is cordis motus, qui deinde, jam jam languescente animali, succedit: idemque facilius, & sine ambiguitate dignosci potest. Contra, quo celerior, & crebrior est, eo majus in omnibus ejus generis observationibus errandi periculum est, in quibus plura simul oportet intueri. Sic; ut Harveii (m) verbis utar, „ in mechanico illo artificio quod sclopetis adaptant; ubi compressione alicujus ligulæ; cadit silex, percutit chalybem & propellit, ignis elicitur, qui dum in pulverem cadit, ignitur pulvis, interius prorepat, disploatur, evolat globulus, metam penetrat, & omnes isti motus, propter celeritatem, quasi in nictu oculi simul fieri apparent. „ Alios tamen post alios eo quo recensiti sunt ordine, fieri constat. Itaque Harvejus etsi istos duos motus, auricularum unum, alterum ventriculorum, ita ipse quoque videbat fieri --- ut ambos simul fieri --- appareret, præsertim in calidioribus animalibus, dum illa celeri agitantur motu; attamen per consecutionem, sive unum post alium fieri, iis observationibus credendum censuit (n), quas in cordibus calidiorum quidem, ut canis, porci, sed eousque attente habuerat quoad emori cor, & languidius moveri, & quasi extinguere inciperet.

14. Habes cur ab Harveii; atque adeo a plerorumque observationibus nondum mihi satis videar ad contrarias posse traduci. Huc alias rationes adde. Nam si eo traducar, ponamque, de tribus igitur & diastoles, & systoles temporibus duo quidem diastoles auricularum tempora cum duobus diastoles ventriculorum temporibus, duo autem systoles earum tempora cum horum systoles duobus temporibus convenire; scilicet unum erit tempus reliquum, quo causam diastoles, aut systoles intelligam auricularum; cum duobus interim non intelligam. Credo enim, quod tu quoque, ni fallor, credis, idcirco venis majoribus, in cordis ventriculos sanguinem importantibus, duo addita esse auricularum diverticula, ut cum illi sua in systole non paterent, haberet sanguis quo interea se reci-

peret, tum ne venis illis disruptionis periculum afferret, tum ut jugi semper & continenti per venas fluxu sine ulla unquam vel brevissima morula circumiret: quæ quidem auricularum utilitas Viro inter Decessores meos haud postremo, Antonio Molinetto (o) non incognita olim fuit, imo his verbis explicata. Natura „ utriusque venæ radicibus auriculas in eundem „ finem adjunxit, ut dum cor constringitur, expri- „ mitque sanguinem in arterias, confluens humor, „ cum ab universo corpore per cavam, tum per venam pulmonariam a pulmonibus eodem tempore „ versus cor, a sinibus, tunc ad expellendum contractis exclusus, iisdem exciperetur; alioqui futurum, „ ne (sic) in vasis subsisteret, motusque sequentis „ intercipi cogeretur; quo dato, singulis momentis „ importuna quies universæ sanguinis massæ obtigisset, quam natura maxime averfatur, atque detrectat; hæc autem, ut supra dixerat, auricularum vere ingens necessitas quanta sit, indicatis postea sigillatim rationibus ostendit alter in hoc ipso Gymnasio Ingeniosissimus Professor, Dominicus Gulielminus (p). Ob has igitur causas ut recte illud quidem intelligo, cur pars una temporis diastoles auricularum cum parte una temporis systoles ventriculorum conveniat; sic minime video; cur reliquæ illius partes duæ non cum hujus duabus reliquis, sed cum duabus temporis diastoles ventriculorum conveniant. Quid enim attinet, tunc auriculas dilatari, cum ventriculi ipsi ad excipiendum sanguinem patent? Tunc enim vero auriculas potius adstringi oportet, ut qui in eas divertere, constrictis ventriculis, sanguis debuerat, in hos jam patentes contrudatur. In constrictos enim contrudi qui possit? Quo minus intelligo, cur temporis systoles auricularum partes duæ conveniant cum duabus partibus temporis systoles ventriculorum: non quia videam, quæ ratio, & quæ causa sit ingeniose excogitata (q), ut & aliquid sanguinis primum ventriculos subire tunc posse, & cur mox nihil subire expediat, ostendatur; sed quod, ut alia præteream, nihil æque expedire, crediderim, quam ubi ventriculi contrahuntur, eo ipso tempore ne auriculæ contrahantur. Si enim sanguis (id quod in parte non negatur) contractos ventriculos subire non potest, neque potest in auriculas, ut quæ contractæ eodem tempore ponuntur, divertere; periculum nempe est; ne venis igitur vim afferat, neve jugem illum suum & continentem per eas fluxum alterius moris interrumpat. Hæc me, qualescunque sunt, dubitationes hæere cogunt: eoque fit, ut in priore quoque controversia non mihi displiceat jam inde a principio assensionem sustinuisse.

15. Nunc quando & de trium inferiorum Sinuum utilitatibus, & de controversia ad quam hæc videntur posse attinere, satis, ut in præsentia scriptum est; age, pauca de illo quoque superiore Magnæ arteriæ Sinu, deque ejus utilitate adjiciamus. De hac igitur quod Valsalva (r) indicat, & ipse probo. Neque enim fieri posse, existimo, ut ex arctiori in amplius spatium influens sanguis non aliquid ejus amittat impetus (equum præsertim interdum magis magisque excedentis) quo prævalidis ventriculi cordis sinistri viribus in ipsam Aortæ curvaturam adigitur. Ad quam si nihilominus sæpe adeo aneurysmata, lacerationes, rupturæ contingunt; quanto hæc sæpius contingerent, nisi oportune is Sinus ab Natura esset interpositus? Eidem autem Sinui, an inferioribus illis tribus id tuber respondeat (s) in quod arteria Magna supra cor plerumque piscium dilatatur, a primo dubitare aliquis fortasse potest. Ejus enim basim tuberis nonnunquam vidi, ut in quodam pisce ex passerum genere, in tres minores protuberantias divisam. Et quanquam in aliis postea ejusdemmodi piscibus, imo in cyprino etiam, & tinca, non tres, sed duas invenirem; haud propterea continuo negandum videbatur, ad minores illos Sinus esse referendas, quando in piscibus duas pariter, non tres, consuevimus Semilunares Aortæ valvas deprehendere. Verum ubi animadvertas, non ad eas protuberantias, sed infra illas, qua Aorta angustior e corde exit, appositas esse valvas, hisque omnem arteriæ ambitum, non eam tantum partem quæ protuberantiis respondet, teneri; ut aliter senties; ita si tu-

(b) n. 5. (i) Propos. 60. (k) Propos. 56. (l) Propos. 60.

(o) Dissect. Anat. 1. 5. c. 3.

(p) Exercit. de Sang. natura n. 14.

(m) De Mot. Cord. Exerc. 1. c. 3.

(n) Ibid. c. 2.

(q) Vid. Lancif. lib. cit. Propos. 61.

(r) supra, n. 1.

(s) Ibid.



si tuber illud totum inspicias, huic potius cum Maximo illo Valsalvæ Sinu quædam esse communia, existimabis. Quod tuber vocamus, ita in squamosis piscibus ab Rondeletio (t) descriptum est „ pars membranosa, alba, dura, quæ verrucæ non absurde mihi „ comparari posse videtur: si feces, interiore in parte „ parvulis fibris, veluti lineis distinctum videas; in „ de meatu prodit, tendens ad medium, in quo bran- „ chiæ omnes inter se copulantur. „ Nostra autem ætate a Præcl. Anatomico Jos. Verneyo (u) non tantum multo diligentius descriptum est, verum etiam eleganter ex cyprino delineatum. Ac certe fibræ illæ, aliæ aliis & crassiores, & interiores, a tuberis basi ad verticem tota interna facie pertinentes ( quas in acipensere aliquanto minus, quam in variolis, aliisque piscibus; in carpiionibus autem ex Benaco non omnes secundum arteriæ longitudinem ductas vidi ) in cyprino, & tinca novissime inspectæ, pleræque saltem non nisi extremis annexæ, intermedia parte solutæ ac liberæ visæ sunt; ut hac etiam ratione lacertos carnosos in cordis, dextræque auriculæ interna facie extantes æmularentur, quorum plures ex parte esse ab eadem facie sejunctos, nemo, præsertim post Cel. Ruyschii (x) demonstrationem, ignorat. Deinde secto in transversum tubere, ejusque parietis albo colore, compactaque substantia cum longe aliis illarum omnium fibrarum substantia, ac colore comparatis, manifestissimum fuit has revera carneas esse, & cum memoratis cordis lacertis, non ea tantum quæ diximus, ratione, verum etiam sua ipsa natura conferendas. Quæ cum ita sint, etsi facile Præstantissimo Verneyo assentiendum est docenti, columellas has carneas hic quasi alterum cor efficere ad augendas vires, sanguinem impellentes, minusque propterea mirandum est, quod id tuber ab Rondeletio pro suprema cordis parte, ab Aristotele autem, quod quidem Rondeletius scribit (y), pro ipso corde habitum sit; est tamen illud quoque attendendum quod ab eodem Verneyo proponitur, interstitiis inter fibrarum bases relictis, caveas effici, refluxum sanguinem excipientes, eoque subjectarum Aortæ valvularum actionem adjuvantes. Quorum munerum ut primo locus est, cum tuber contrahitur; alteri, cum orientis a tubere arteriæ mox, atque adeo eodem fere vestigio temporis contractio subsequitur; sic tertium addere, nihil prohibet, cui videlicet locus sit, cum se cor ipsum constringit, ac sanguinem in tuber compellit. Tunc enim quod a Maximo suo præstari Sinu, Valsalva indicavit, & tuberis amplitudo, & interjecta fibris interstitia præstare possunt, ut nimium aliquando exeuntis a corde sanguinis impetum nonnihil infringant. Quod ut minime esset; negari tamen non posset, istam parietum Aortæ dilatationem, cum & supra valvulas sit, & inter duas angustias intercepta, satis Sinui illi Maximo his duabus saltem conditionibus respondere.

16. Cæterum in multis præterea piscibus Magnæ arteriæ tuber esse, scio; imo ipse quoque in aliis extrinsecus saltem, in aliis intus, extraque inspectavi. Sic in pisce quem mei vocant populares *corbello*, cum tuber neque extra, neque intus tres Sinus haberet; intus habere duos vidi in quos tota ejus facies excavabatur, plurimis illis columellis instructa, quarum quæ axi tuberis propiores, illæ evidentem in medio tractu solutæ erant. Sic in alio pariter non parvo pisce, quem ex vulpium genere fuisse, credidi, pyriforme tuber, extrinsecus fere omni ex parte æque convexum, intrinsecus vero æque undique cavum, illas quidem intimas columellas ad eundem modum solutas habebat; sed quæ erant parietibus ipsis proximæ, his tota longitudine adnascabantur. In aliis autem piscibus extrinsecus tantum aspexi, ut in plano quodam fatis grandi, cujus nomen vel Piscatores ignorabant, ut in cephalo, ut in aurata, ut in lucio denique, ex quo Needhamius (z) delineatum exhibuit. Sed ne quis forte ex hujus ejusdem Auctoris verbis (a), qui piscibus generatim

tribuere videtur *crassum, & fere pyramidale* Arteriæ *exordium*, tuber inesse omnibus credat; non reticebo, esse vicissim in quibus non ita dilatari Arteriam conspexerim, quos inter caniculam Aristotelis, ut Rondeletius (b) vocat, satis hic fuerit nominasse. In acipensere autem sic satis protuberans Aortæ initium vidisse memini, hujusque; non modo cordis; externam superficiem glandulosam hic illic particulis inæqualem. Et sane has utrobique olim delineaverat qui & postea edidit, Vir Summus, utriusque Minervæ cultor, dum viveret, Exercitissimus Aloysius Ferdinandus Marsilius in magnificentissimo quo nos munifice donavit, Opere quod inscribitur *Danubius* (c). Id cum haud facile in promptu sis habiturus; juvabit hic verba exscribere, ei delineationi subjecta: „ Substantia „ cordis hujus externa, est tunica quædam, glandulis „ tota quasi inspersa, & quidem in parte præcipue inferiori crassioribus: e quibus lymphæ quædam ab ipso „ cordis motu foras exprimitur in cavitatem, cui cor „ inest; credo, ut eandem præstet utilitatem, quam in „ homine humor Pericardii. „ Mihi quod nondum grandioris acipenseris cor diffecare datum est, sed dumtaxat minorum, illud confirmare quidem licet, tum in iis qui acutiore, tum in iis qui obtusiore sunt rostro, glandulosas, quas dixi, particulas occurrere. Num vero ex his ipsis humor extrorsum, an introrsum, ut Valsalva scribit (d), exprimitur, ob eorum quæ inspexi; corculorum parvitatem, satis dispicere non potui. Cæterum ut in aliis quos secui, piscibus cum aliquando majora corda perlustraverim, in nullo eorum memini, istiusmodi glandulas vidisse; ita, quod in suo carpiione Amstelodamenses (e) observarunt, cordis auriculam *membranosa* esse, *multo carnis quasi glandulosa intermixto*, id an forte ad hoc ipsum glandularum genus sit referendum, me fateor ignorare.

17. Jam vero cum Valsalva ad hominis structuram redeuntibus primum juvat de Arteriarum Valvulis verba facere; tum quia Sinibus de quibus hætenus scriptum est, propiores sunt, tum quia in nostra illarum delineatione Valsalva (f) aliquid desiderabat, a quo ipso protinus incipiemus. Igitur quod medius earum limbus ornari illis, restitutis a nobis (g), Corpusculis soleat, non Lancisii (h) tantum, verum etiam Valsalvæ testimonio comprobatum est. Sed hic tamen *multo minora* a me pingenda fuisse, & pluribus olim significavit, ut opinor, & certe in quibusdam schedis adnotavit suis, antequam *Adversaria* mea V. perlegeret, exaratis. Nam istud ipsum in iis postea *Adversariis* ea ratione discussum est, ut minime dubitem, quin ipsi præsertim satisfactum sit, ex cujus in primis laudabili exemplo id didiceram quod ibidem inculcavi (i): Particulas per se exiguas, minusque notas cum pingere oportet, *ex iis potissimum subjectis esse describendas, in quibus, intra naturæ limites, majores inveniuntur*: & sane ipse quod jam in parvarum Auris partium delineationibus exemplum præbuerat, in iis quas Sinuum, quamvis partium multo majorum reliquit, Iconibus (k) evidentissime confirmavit. Me vero in ea delineatione intra naturæ limites substituisse, plura sanorum hominum cadavera demonstrarunt, in quibus Corpuscula vel majora, quam pinxeram, & illo jam tempore, ut eo in loco (l) scriptum est, & postea ostendi. Cæterum nunquam ego quidem censui, nunquam docui, eadem non sæpe exigua esse, neque adeo negavi, etiam aliquando deesse vel in valvulis arteriæ Magnæ: imo diserte tradidi (m) quoties non vidissem. Et certe etiam postea in duobus de quamplurimis non vidi: in quorum utroque fibræ quæ ad ea solent convenire, in Angulos conveniebant paulo crassiores: hi Anguli in altero eorum a valvulis quasi avulsi, disjunctique conspiciebantur. Alios autem hic intelligo Angulos, atque illos in quos alias scripsi (n), medios ipsos valvularum limbos, sed non semper, assurgere. Hi enim quos hic intelligo, ad Corpuscula finiri solent, & in valvulis dumtaxat occurrunt arteriæ Magnæ. Illi autem valvulis quoque Pulmonaris arteriæ communes sunt, illaque

(t) De Piscib. P. 1. l. 3. c. 14. (u) Memoir. de l'Acad. R. des Sc. A. 1699. & 1701. (x) Ad Epist. Probl. X. Fig. 5.  
(y) loc. cit. (z) De Formato Fætu. (a) Ibid. c. 5. (b) P. cit. l. 13. c. 7. (c) Tom. 6. Tab. 16.  
(d) supra, n. 2. (e) Obs. Anat. (f) supra, n. 2. (g) Advers. l. n. 19. (h) De Mot. Cord. l. 1. Prop. 33. (i) Animad. 22.  
(k) Dissert. Tab. 2. (l) Animad. cit. (m) Ibid. Animad. 21. (n) Ibid. Animad. 20.



laque vel imposita, vel apposita. habent Corpuscula, ut quæ aliquando ultra valvularum limbum prominent; interdum hunc non excedunt; nonnunquam infra subsistunt. Utrosque angulos noster commonstrat Iconismus (o), alios videlicet aliis subjectos. Et superiores quidem non modo in hominibus, aut bobus; sed in ove, in cane, in anfore etiam spectavimus; in quo & Corpuscula subesse visa, quorum adumbrata quasi rudimenta in duobus quoque erinaceis conspeximus. Porro eosdem superiores Angulos olim Vidius (p) delineaverat in valvulis quidem arteriæ Magnæ. Inferiores autem, qui ad Corpuscula finiri solent, omisit. Hi, ut Corpuscula ipsa, in ea valvularum facie prominent quæ arteriæ cavum, non parietes, spectat. Sic etiam ab ipsa Aggerum prominente crepidine proficiscuntur carneæ fibræ, quæ hinc, & hinc ab inferioribus lateribus oblique per eandem valvulæ cujusque Semilunaris faciem, ascendentes, hosce Angulos inferiores comprehendunt, ac faciunt, dum in suum quæque Corpusculum conveniunt.

18. Hæ sunt eæ Fibræ per quas alibi (q) conjecimus, incipiente Aortæ systole, valvularum depressionem & explicationem juvari fortasse posse. Quid; si nunc insuper conjiciamus, in ejusdem quoque diastole contractas, & Corpuscula, & huic proximos summos valvularum limbos deprimere? Nonne aditum aliquem sic aperiemus sanguini eo tempore, ad Coronaria oscula, quæ pone valvulas, præsertim non ita inferius, delitescant? Sane huic contractioni minus adversatur vis sanguinis in Aortæ latera, ideoque etiam in valvulas tunc nitentis, quam contractioni illi alteri, quæ hæc, aliæque carneæ fibræ ab arteriæ parietibus valvulas abducere conarentur. Quod quidem proximo temporis vestigio, cum ea vis sanguinis haud amplius adversatur, tanto evidentius præstare posse, intelligimus, quanto magis valvulæ modo fuerant ab illa eadem sanguinis vi impulsæ, atque curvatae versus parietes Aortæ. Hanc autem curvaturam tanto esse majorem posse, nunc cognoscimus, quanto melius Valsalvæ Sinus, & valvularum Aggeres perspectos habemus. Nam si parietes Arteriæ vel simplicem illam, quam cavus cylindrus, curvaturam haberent, valvulæ autem ab ipsis parietibus nascerentur; harum tamen summum limbum, limboque propiorem præsertim partem curvari multum posse, constaret, cum ex Arteriæ cavo in quo vel modice esset expansa, versus Arteriæ parietes; quasi chorda versus arcum suum, urgeretur. Quanto ergo magis curvari nunc poterit, quando curvatura arcus major est, sive quando singuli Sinus singulis valvulis respondent, hæc autem insuper a prominentium Aggerum crepidine nascuntur? A qua cum & fibræ valvularum carneæ proficiscantur, & quod consequitur, ad hanc, tanquam ad terminum firmiorem trahant; patet nimirum, tanto evidentior esse, in valvulis a parietibus abducendis, harum fibrarum utilitatem, quanto illæ magis versus parietes curvatae fuerint. Haud aliter valvulas, postquam in Aortæ systole explicatae, versus illius axem fuerunt a sanguine compulsæ, ab iisdem fibris, mox iterum se contendentibus, retrahi ad Aggeres, intelligimus; a quibus quanto major in hanc, aut illam partem contingit valvularum recessus, tanto luculentior in his reducendis apparet fibrarum usus. Hæc tamen utrobique ut sanguinis motum juvant, sic ab eo vicissim adjuvantur. Cum enim, desinente jam Arteriæ diastole, curvatas versus parietes, valvulas retrahere incipiunt, majorem resiliendi sanguini aditum præbent ad has confestim explicandas, eoque ad se in retractione illa vehementer juvandas. Mox vero, cum valvulas versus Arteriæ axem extensas, cessante jam hujus systole, illinc reducere incipiunt, ipsæ quidem, promptæ sanguinis e corde eruptioni subserviunt; sed hujus vicissim vis erumpentis, multo magis earum adjuvat actionem. Cur vero ad hanc, illamve alteram valvularum reductionem præstandam, Pulmonaris quidem arteriæ valvulis non oblique illæ ascendentes, sed transversæ fibræ, arteriæ autem Magnæ valvulis transversæ vix aliquando sic satis in oculos incurrentes, obliquæ autem illæ manifestius sui indicium præbentes sint attributæ (r); inter alias ea quoque causa fortasse est, quod

hæc posteriores valvulæ non modo abducendæ, verum etiam Coronariarum arteriarum gratia ita uti supra conjecimus, sunt deprimendæ; quod quidem in Pulmonaris arteriæ valvulis, pone quas nullum Coronariarum osculum latere potest, minus necessarium est.

19. Num autem carneis valvularum fibris ea quoque Corpuscula sint accensenda, quæ ad medium ipsarum supremum limbum prominent, superiore parte haud raro acutâ, & nonnunquam a valvulis disjunctâ, sæpius quidem in Magnæ, interdum tamen in Pulmonaris arteriæ valvulis majora, & luculentiora, dubitari fortasse potest. Nam certe in bobus, quantum olim (s) observavi, ex fibris carneis facta sunt. Attamen cum in nostro genere aliquando quidem intus carneæ; alias vero, idque multo sæpius, quas tendineas animadvertem; univèrse nequeo cum Amplissimo Viro esse vere musculos, affirmare. Illud potius quod idem alibi suspicarer, hujusmodi nodos --- productos fuisse, ne fibræ per ipsas limborum peripherias ductæ, a se invicem propter alternam valvularum distractionem laxari, disjungi que possent; si aut semper eæ per ipsos fibræ trajicerentur, aut hæc laxatio, disjunctioque fibrarum ex quo aliquid de ipsa in *Adversariis* V. (t) indicaveram, non ita sæpe a me, aliisque in his, & quæ mox præterea memorabuntur, valvulis animadversa esset, ut ab natura potius quadantenus requiri, quam a morbo induci videretur. Nam postquam in tribus illis cadaveribus in omnibus fere Magnæ Arteriæ valvulis tantam videram, ut duo utrinque sub limbo interstitia relinquerentur, per quæ scalpelli manubriolum transmitti posset; aliquot interjectis annis, iterum prodiit Cowperi *Myotomia Reformata*, cui Tabula addita XXXVIII. (u) in cunctis Pulmonaris arteriæ valvulis, ad naturalem earum structuram demonstrandam extensis, ejusmodi dissolutiones, sive, ut ipse loquitur „perforationes variarum magnitudinum,„ proponit „sicut ab eo frequenter inventas,„ quarum aliquæ tam crebræ sunt, ut reticuli speciem referant. Ego vero qui priusquam hæc legerem, in tribus iterum cordibus, arteriæ Magnæ valvulas perscrutatus, in unius quidem aliqua id videram, in duorum nulla videre potueram; in duodecim aliis cordibus volui utriusque Arteriæ valvulas inspectare. In duobus, igitur, nullam omnino perforatam valvulam inveni. Sed in decem reliquis ita res se habuit. In uno, una ex Aortæ valvulis, sed nulla Pulmonaris arteriæ perforata. In altero, vicissim duæ harum pertusæ; illarum nulla. In tertio, quarto, & quinto utrarumque pariter aliqua. In sexto, hiatum conspexi in summo unius valvulæ Pulmonaris limbo. In tribus proximis cordibus utraque valvulæ fere omnes foraminula ibidem, præsertim ad latera, habuere. In decimo tandem, eoque sanissimi, siquis alius, viri (quanquam nec in cæteris quidquam fuit, cur hæc morbofa existimarem) una Pulmonaris, duæ valvulæ Magnæ arteriæ interstitiis, & foraminibus fuerunt distinctæ. Quæ si dissolutiones, atque foramina in valvulis dumtaxat occurrerent arteriæ Magnæ; tum suspicari aliquis posset, facta esse fortassis ut ad latentia Coronariarum officia sanguini aditum præberent. Verum non Pulmonaris modo arteriæ, idque sæpe, ut ostensum est, sed & venæ Coronariæ, aliisque Valvulis aliquando sunt communia.

20. Nam; ut Valvulam præteream Foraminis Ovalis, quam in foetu novimestri A. 1731. non solum anteriore, ut plerumque solet, sed posteriore etiam limbo solutam & liberam, ac prope hunc crebris majoribus, minoribusque foraminulis in retis modum; ut olim in alio octimestri videram; pertusam inveni, & de Valvula potius Coronariæ venæ sermonem habeam; postquam in V. *Adversariis* (x) scripseram, me in ejus quoque valvulæ extremo limbo interdum fibrarum dissolutionem conspexisse, imo ipsam valvulam semel vidisse ita ab ejus venæ ostio sejunctam, ut cornibus tantummodo cum eodem colligaretur; accidit, ut idem, hoc est, majus ostium in cordibus hominum septem & triginta inspectarem, in plerisque autem perdiligenter. Itaque tredecim saltem fuerunt non indigna memoratu: quorum in quatuor illam extremi limbi valvulæ dissolutionem inveni, fibris tamen, etsi dissolutis; eodem quo cornua ipsius valvulæ contenduntibus, nisi quod semel fibrarum unam animad-

(o) Advers. I. Fig. 3.

(p) De Anat. corp. hum. Tab. 75. Fig. 10.

(q) Advers. V. Animad. 25.

(r) Vid. ibid. Animad. 23. &amp; 24.

(s) Advers. I. n. 19.

(t) Animadv. 22.

(u) Fig. 3. &amp; 4.

(x) Animad. cit.



adverti in orificii marginem, valvulae oppositum protendi, in eoque defigi. De novem reliquis illam quam paulo ante memoravi, sejunctionem valvulae in tribus vidi sic ut, cornibus exceptis, aut nihil, aut parum cum orificio, hujusve vicinia cohaereret. Huc valvula pertinet, indidem a medio deorsum sejuncta: itemque alia prope ejus sejunctionis locum perforata. Duas praeterea conspexi, alteram altero in loco dehiscentem. Sed nullae unquam hic valvulae mihi visae sunt aequae dignae singulari commemoratione, ac duae quae de his tredecim hoc postremo loco describentur. Alteram in anicula fuisse memini; si tamen ut valvulae sedem obtinebat, ita & valvulae nomine digna erat. Nulla enim usquam membranae particula: reticulum dumtaxat quoddam occurrebat ex fibrillis non multis, maculas propterea inter se, sive intervalla non parva relinquentibus. Pleraque illarum in transversum positae, ab uno orificii latere ad oppositum pertinebant. Iis fibrillis ad imam fere orificii partem tenuis addebatur lacertus carneus, ad eundem modum & positus, & utrinque alligatus; ut ejusmodi structura quadantenus praestari valvulae utilitas videretur, orificii videlicet latere ad latus nonnihil adducto. Alteram autem valvulam in viro ex apoplectica affectione post plures dies mortuo, cujus visceribus plerisque utebar ad Anatomen publicam A. 1731, eidem cui priorem illam ostenderam, Mediaviae meo, Prosectori Exercitativissimo, aliisque praeterea multis qui, observante me, aderant, commonstravi. Haec neque cornutae lunae, neque dimidiatae; ut haud raro, solum limbum extendens, animadverti; sed plenae imaginem referebat, eademque cum universo orificii margine circumcirca cohaerebat; ut nihil omnino sanguinis transmittere potuisset, nisi ad medium, cribri, aut potius reticuli instar, crebris fuisset foraminulis pertusa inaequalibus, & in his quibusdam mediocribus. Verum ne sic quidem satis transitus patere sanguini potuisse videbatur pro ejus ostii amplitudine, quod sane erat ex majoribus. Majora autem intelligo quae minimi digiti apicem admittunt. Sed etsi alias quoque, & praefertim in quodam novimestri foetu, tantam valvulam inveni, ut universum ostium, quocum tamen undique non cohaerebat, absconderet; vicissim certe; neque ita raro, etiam si quam in anicula descripsi, non hic connumeres; aut exiguam, aut nullam deprehendi; octies videlicet exiguam, sexies nullam, & quod magis mireris, tum de illis octo, tum de sex hisce tria saltem ostia fuerunt majora, & praeterea in his sex, viri duo fuerunt, non ex cordis aliquo morbo, sed alter ex capitis ictu, alter ex casu ab alto, illico mortui, item senex, atque anus, quorum huic similiter ictus capitis, illi vero artus inferioris fractura obitus causam attulerant. Quae idcirco adnotanda credidi, quod Experientissimus Vir Lancisius (y) cum tot inter quae inspexit, corda unum modo proferat hujus valvulae defectus exemplum; tum id esse ex homine qui ex praecordiorum morbo decesserat, diserte monet: sexagenarium tamen fuisse, non negat. Quibus omnibus si hoc insuper addideris, non me facile recordari eam in bestiis valvulam unquam vidisse; certe autem in ove, in sue, in duobus canibus frustra quaesivisse; tum de ejus causis atque utilitatibus ita poteris existimare, ut minime ipsi plus tribuas, quam ab Natura tributum sit, aut saltem antea inquiras, quid ejus, cum deest, officium suppleat.

21. Noli autem facile arbitrari, alias quae intra venas Coronarias sunt, valvulas id officii satis supplere. Nam etsi Verheyenium (z), & qui hunc sequuntur, in eo falli video, quod patere, affirmant; in distis venis nullas esse valvulas, cum liquor majori ramo aut trunco injectus prompte transmigret in minores, pluresque ego in iis venis agnosco valvulas, quum Cl. Thebesius (a), qui fassus fuerat, dari quasdam in ramis majoribus externis, iisque tantum in locis, ubi venulae minores ingrediuntur majores; tamen haud ita in aliis aliter factas video, ut sane oportebat, si ad defectum illum omnino supplendum fuissent comparatae. Quod ut planius intelligas, primum scire licet, me a majori

ostio ad aliquot transversorum digitorum tractum Coronariam crassissimam venam, quam Vieussenius (b) Superiorem vocitat, aperire solitum esse, & influentium in eam venarum orificia inspicere. Itaque de octo cordibus continenter inspectis si duo excipias, in quorum altero nullas ad ea orificia, nullas ad ea quae in Posteriores Vieussenii (c) venam patent, valvulas potui retere, in altero autem non nisi tales, ut potius limbi quorundam osculorum, quam valvulae viderentur; in sex reliquis evidentes valvulas, ex tenuissima quidem membrana factas, sed non ita parvas, si probe explicarentur, inveni, ipsis influentium venarum orificiis affixas, & haec ex parte occupantes, nec majora tantum, sed, quod nonnunquam praclare vidi, minorum etiam aliqua, per quae videlicet cum influentibus illis venis minores aliae communicabant; ut tum certe iis singulis orificiis singulae valvulae praefectae essent. Quin etiam in sex hisce cor fuit, in quo carere valvulis vel majora illa orificia a primo viderentur; sed specillo in ea immisso, & dum retraheretur, ad parietes appresso, insignis membrana in conspectum dabatur, non lunata, hoc est, non cornutae lunae figuram referens; sed dimidiatae; ut hic quoque dubitaverim, num revera ita plerumque falcatae sint valvulae, ut videntur sane, cum in se ipsas contractae sunt. Subdubitare quoque inceperam ex modo & ratione, qua haec in conspectum protractae fuerant, num motui sanguinis a venis cordis majoribus in minores, an potius a minoribus in majores obstitarent; cum ecce duas in Coronaria Superiore valvulas animadverti earum similes quae in venis ceteris satis sunt omnibus perspectae, & ad eundem prorsus modum locatae, ut sanguini a minoribus in majores contendenti obsequerentur, contra autem eunti obstitarent. Erant haec pro latitudine; nam binae universum venae ambitum comprehendebant; aliquanto secundum ipsius longitudinem breviores; quantum in tribus continenter inspectis, & in alio praeterea corde videre potui, quod sextum inter ea fuit quae harum valvularum causa examinaui; nam in quarto, & quinto non inveni, live quod deessent, sive quod in aperienda vena lesissem, sive etiam quod non pari diligentia indagassem; etsi enim iis quae in orificiis sunt, multis partibus sunt majores, tamen adeo tenues sunt, ut non facile, nisi defixis oculis, specillumque ad venae parietes apprimendo, & contra sanguinis cursum ducendo, aut vena ipsa limpida aequae supposita, conspiciantur. Quo minus miror, Vieussenium (d) aliam hujus generis, aliquanto ulterius, hoc est, ad radicem sinistram auriculae, in eadem Superiore vena positam, describentem, has duas, quas semel digitis transversis duobus, bis sesquidigitato, semel digito a majori Coronariae ostio distare inveni, non cognitae habuisse, ut neque Thebesium, alioquin id quod supra memoravimus, haud scripturum, esse Coronariarum valvulas iis tantum in locis, ubi venulae minores ingrediuntur majores; nam his certe nostris nullum osculum, nisi forte semel minimum aliquod, nec ejusmodi valvulas requirens, fuisse vidimus. Quares, utrum has majores, an illas saltem quae ad orificia sunt, valvulas in iis potissimum deprehenderim; quibus nulla Coronariae ostio praefixa esset, ut hujus defectum quadantenus supplere possent? Huc ibam. Sic igitur habebis, me promiscue & quibus haec deerat, & quibus aut exigua, aut iusta, aut magna erat, ipsas revera & abfuisse, & fuisse vel satis magnas; adnotasse: imo in duobus illis canibus, in quibus frustra hanc ad ostium quaesivisse me, scripsi (e), illas quoque omnes incassum perquisivisse; ut plane appareat, non iis valvulis hujus munus officiumque suppleri.

22. Ceterum hujus valvulae varietatibus quae supra (f) commemoratae sunt, illas quoque addas velim, interdum forma esse parallelogrammi: nec semper extra ostium, sed interdum & intra ostium affixam esse. Deinde velim, ut has varietates omnes cum imagine, & descriptionibus conferas quas proposuit ejusdem valvulae Inventor, Eustachius (g), cumque illa etiam similitudine compares, quam Arantius (h) inter hanc, & valvulam protulit Ovalis Foraminis, quos duos

(y) De Mot. Cord. l. 1. Propos. 42. (z) Anat. corp. hum. l. 1. tr. 3. c. 9. (a) Disp. de Circ. sangu. in corde n. 29.  
(b) Traité du Cœur, ch. 10. (c) Ibid. (d) loc. cit. (e) num. prox. superiore. (f) Ibid.  
(g) Tab. VIII. Fig. 6. & hujus Explic. & De Vena sine Pati Antigr. 101. (h) Anatom. Obs. c. 33.



duos Bauhinus (i), & Rolfincius (k) secuti sunt, tum denique cum aliis quoque eorum qui postea scripserunt, monumentis. Facile intelliges, neminem fere quæ non aliquando viderit, docuisse: illud unum in plerisque desiderari, ut quæ aliquando viderant, ea semper esse, ne credidissent. Sicquidem citius, quot, quantæque, ut in cæteris visceribus, ita etiam in corde structurarum, & quod consequitur, motuum varietates intra naturæ occurrant limites, ex parte scire, ex parte autem existimare potuissimus.

23. Jam vero alias structuræ varietates, ad iudicium de usibus ferendum, aut saltem cohibendum non inutiles, in huic proxima, sed multo majori, & elegantiori, & quod ad propositum attinet, interdum maxime foraminulenta Valvula adnotabimus; si prius qui eam olim, & hac tempestate proposuerint, commemoraverimus. Eam dicimus quæ venæ Cavæ Inferiori qua ad dextram cordis auriculam definit, laudatus Eustachius (l) ita præfectam esse, docuit, ut qua parte libera & soluta est, in reticulum abeat, quo tamen aliquando careat, tunc *quasi cornuta lunæ speciem referens; aliquando adeo parva, & angusta sit, ut nisi diligenter animum quis advertat, quasi nulla sit, prætereatur*. Mirum sane est, Valvulam, ut vere ipse dixit, *artificii, & admirationis plenam*, tali in loco, præclareque descriptam, Iconismo autem (m), quem cum Opusculis Auctor vulgaverat, illustratam, tot latere Anatomix Scriptores potuisse, quot fere ab ejus ætate ad recentiora usque tempora extiterunt, præsertim cum a Casparo Bauhino idem Iconismus in suum esset Anatomicum Theatrum (n) relatus. Accidit quidem huic apud Bauhinum Figuræ non multo secus atque alteri, quam ex Lowero (o) accepit Verheyenius, eandem quam hæc, cordis auriculam dexteram exprimenti. Nam Verheyenius, Explicationis Loweri ordine, verbisque mutatis, *fibrillisque intermediis omissis* (quas sibi omittendas non censuit Solertissimus Ruyschius (p), cum interioris pariter hujus auriculæ faciei delineationem explicaret) ea Figura *Auriculam sinistram apertam* demonstrari, docuit, quam, si nihil aliud, certe ipsi adjectum, unaque explicatum Coronariæ venæ ostium non posse aliam quam dexteram esse, evidentissime convincit: quem ego calami, ut libentissime fateor, non mentis, errorem idcirco hic obiter indico, non quod occupatissimo Viro ultro ignoscendum non censeam; sed quod ab Explicatione Tabulæ XV. primæ editionis in Explicationem Tabulæ XX. (q) editionis secundæ, ab Auctore adauctæ, & recensitæ, transiisse video, atque in aliorum deinceps Anatomicorum libros, Verheyenii Tabulis, & Explicationibus in alias etiam linguas conversis ornatas, irrepsisse necdum animadvertum, plurimisque tironibus nociturum. Igitur cum Bauhinus haud aliter in Eustachiana illa Explicatione se gesserit, ipsi quoque accidit primum, ut transpositis, omissisque nonnullis Eustachii verbis, non satis ejus mentem exprefferit, quod ad Valvulam hanc attinet, venæ Cavæ Inferioris orificio præpositam; deinde ut illud minus quasi orificium, quod fortasse Eustachius ad vestigium Ovalis Foraminis in adulto utcunque indicandum, inter eam Valvulam, & orificium venæ Cavæ Superioris adumbravit (r), hujus ipsius venæ orificium esse, docuerit. Hæc tamen prohibere non poterant, quo minus ea Valvula intelligeretur, ipsius præsertim descriptione juncta, quæ semel, atque iterum in eodem Bauhini Theatro (s) proposita erat, ac ad eam diserte Iconem relata *tab. 8. append. f. 1. C*: quæ me res permovit, ut quemadmodum id Theatrum, sic recensitum, atque dispositum, constat ab ipso Casparo esse vulgatum, ita Eustachianas Figuras, earumque Explicationes ab ipso: non a Filio, quod nonnulli videntur credere; additas esse, non dubitarem.

24. An vero a Bauhini, Eustachiive libris, an a propria potius solertia edoctus Carolus le Noble circa A. 1656. hanc ipsam, an aliam Eustachii Valvulam Rothomagi in lucem revocaverit, ego quidem nondum audeo

*Morgagni Epistolæ Anatomicæ.*

constituere. Eandem ut credam, impellere videntur verba Isaaci Cattierii (t), collata præsertim cum Cel: Heisteri (u) Adnotatione, in qua admonet, a multo etiam recentioribus, quippe A. 1713, hanc Eustachii Valvulam esse propositam nomine *valvulæ nobilis cavæ ascendentis*, sive inferioris. Cattierius enim, Rothomagensis quoque Valvulam fuisse *nobilem dictam, & in venæ cavæ trunco ascendenti, juxta venæ coronariæ exortum sitam*, commemorat, *eoque sine constructam* (nam Rothomagenses, si non invenerant Valvulam; novum certe hunc usum ipsius addiderant) *ne sanguinis secundum venæ cavæ ductum elati, & chyli e superioribus partibus descendentes fiat confusio, atque per vehementes humorum agitationes illius in venam cavam effusi fiat retrocessus ad hepar*. Contra, Thomas Bartholinus (x) etfi de eadem Rothomagensi Valvula sermonem habens, semel atque iterum plerisque horum verborum est usus, ac utroque in loco, atque alibi præterea hanc Valvulam, *nobilem* vocitavit; bis tamen videtur indicavisse, haud aliud hanc esse, quam aut a se paulo ante Highmori verbis descriptam, & a nobis infra (y) describendam, *strigam cartilaginosa*, venæ utrique Cavæ interpositam, aut potius a se memoratam ibidem valvulam, quæ ostio est venæ Coronariæ præfixa. Certe Martinus Bogdanus (z), cum de eadem de qua hic quaerimus, Valvula ad eundem Bartholinum scriberet, *valvulam*, inquit, *in vena coronali a le Noble repertam* --- B. Eustachius notavit, & Arantius in observat. anatom. cap. 33. Quæ omnia cum ita sint; mihi certum est rem totam in medio relinquere, donec Petri Guisfarti Medici Rothomagensis gallica Epistola de chyli notitia, ejusque vasis ad meas aliquando perveniat manus. In ea enim Valvulæ Rothomagensis descriptio, ac delineatio proposita est, quantum indicat Bartholinus (a), qui non secus ac Cattierius, & Bogdanus, quidquid de ipsa retulit, inde videtur accepisse. Cæterum quod Cattierius addidit (b), eam Valvulam *in cadaverum sectione Lutetiæ administrata, licet exacte, & diligenter fuerit conquistata, nullo modo fuisse repertam*; certe ipsius quoque de quadicere institueramus, Eustachii Valvulæ eandem sortem fuisse, constat, quam non Bauhinus modo (c), qui tamen, ut diximus (d), in Theatro suo Anatomico semel atque iterum descripsit, sed ne Riolanus quidem (e), ut fatetur super utroque illo Bauhini loco, unquam potuit observare, qui propterea non veritus est eo usque procedere, ut *nec exstare putaret, & absurdam penitus ejus descriptionem*, ex Eustachio petitam, censeret, & Bauhinum *ridicule fecisse*, pronunciaret, qui Eustachianam ejus Imaginem pictam Lectoribus exhibuisset. Verum decuisset Riolanum minime oblivisci, quid ipse (f) de Eustachii in anatomicis præstantia judicasset, ac Bauhini potius exemplum sequi, recte existimantis (g), ideo se Valvulam Eustachianam non vidisse, quod, ut Auctor ipse (h) monuerat, hæc *aliquando adeo parva, & angusta est, ut nisi diligenter animum quis advertat, quasi nulla sit, prætereatur*.

25. Et sane si nunc Riolanus viveret, ac plurimum Anatomicorum Scripta, ab A. 1714. & 1715. ad hanc usque diem vulgata, legeret, in primis autem Solertissimi Winslowii descriptionem (i), ac triplicem Cowperi delineationem (k) hujusce Valvulæ inspiceret; multo probavisse, quam irrasisse Bauhinum mallet. Hi enim Exercitissimi Profectores etfi Amplissimum Lancisium, qui in repertis ab se, Doctissimi Pontificis Clementis XI. ope, Eustachii Tabulis (l) hanc Valvulam, ejusque usum indicaverat, editionis tempore non potuerunt, tamen perspicuitate delineationis alter, plenior alter & accuratior descriptio, quæ in Posthumo, ideoque necdum ex sententia perfecto Opere (m) de eadem Valvula is reliquerat, facile antecesserunt; ut Lancisio, ipsisque præ cæteris, qui a me quidem lecti sint, restitutam ætate nostra eam Valvulam debeamus, quam circa medium Sæculum XVI. Eustachius invenerat. Unus quidem, aut alter recentium Scriptorum videtur credere, notam ante Eustachium fuisse Jacobo Sylvio: quod ego non

B b

faci-

(i) Theatr. Anat. l. 2. c. 18. (k) Dissert. Anat. l. 5. c. 29. (l) Opusc. cit. Antigr. xi. (m) Fig. 6. cit.  
 (n) Append. Tab. 8. Fig. 1. (o) Traict de Corde Tab. 4. Fig. 2. (p) Ad Epist. Probl. 10. Expof. Fig. 5. (q) Fig. 2. (r) n. 45. 19  
 (s) l. 2. c. 18. & 22. (t) Observ. Medicin. 18. in Schol. (u) Compend. Anat. Not. 69.  
 (x) Spicileg. 11. ex Vas. Lymph. c. 3 & Anat. quart. renov. libello 1. c. 5. & Cent. III. Epist. Medic. 10. (y) n. 42. & 44.  
 (z) Vid. Cent. II. Epistolæ. cit. Bartholin. Epist. 77. (a) Spicileg. & Anat. cit. (b) loc. cit. (c) Theatr. Anat. l. 2. c. 18.  
 (d) num. proximo superiore. (e) Animadv. in Theatr. Anat. Bauhini pag. 205. & 227. (f) Anthropogr. l. 1. c. 7.  
 (g) c. cit. (h) Vid. num. prox. super. (i) Memoir. de l'Acad. R. des Sc. A. 1717.  
 (k) Myotom. Reform. Tab. 37. (l) Tab. 16. Fig. 3. (m) De Mot. Cord. l. 1. P. opof. 36.



facile affirmaverim. Nam quod Sylvius in *Isagoges* loco (n), a me quoque alias (o) animadverso, *membrana epiphysem esse*, scripsit, in ore *venae azygi*, *vasorumque aliorum magnorum saepe*, ut *jugularium*, *brachialium*, *cruralium*, *trunco venae cavae ex hepate profiliantis*, *usus ejusdem cum membranis ora vasorum cordis claudentibus*; id nimirum, si, ut par est, jungas cum iis quae de vena Cavae docuit (\*) *ceu in truncum unum mox geminum ex hepate exeunte*, quorum truncorum *superiorem* vocitat qui mox septum transversum, *inferiorem* qui lumbos petit; proclive erit existimare, si aliam Sylvius venae Cavae partem intellexisset, quam *unam* illam particulam quae gemino huic trunco de ejus sententia interjecta est; non *truncum cavae ex hepate profiliantis*; sed eadem diligentia qua ceterarum illarum epiphysem sedem designavit, truncum Cavae superiorem, qua ad auriculam cordis pertingit dexteram, scripturum fuisse. Huc illud accedit quod alias (p) indicavimus, & eorum alter qui Sylvio favent, confitetur, Eustachianas majores Tabulas, quarum in XVI. (q) haec nimirum delineata Valvula est, A. 1552. *aere incisae* fuisse, cum Sylvius suam nondum *Isagogem* perfecisset, ut quae anno quo ipse est mortuus, 1555., etiam tum imperfecta, (r) edita est.

26. Sed quicunque Valvulae, paucis ante lustris ad Anatomicorum notitiam revocatae, nec a multis saepius adhuc observatae, imo a nonnullis cum Ovalis Foraminis valvula fortasse confusae; quicunque, inquam, ejus olim Inventor fuerit; profecto, quod ad ejusdem usus attinet, cum ex iis quae de illa observantur, eliciendi sint; tam brevi autem spatio temporis difficile sit, ut quaecunque ad eam attinent, satis omnia observari potuerint; ex parte quidem aliqua ipsos intelligere nunc licet; ex omni alias fortasse licebit. Nam primum revera esse valvulam, ideoque usum valvulae praestare, ne Eustachius quidem (s) tunc negabat, cum *Membranam* dicebat; imo, si diligentius attendimus, indicabat. Quid enim? Vena, inquit, *Cava membrana* hac *ceu operculo*, *plerumque obducitur*. Atqui paulo ante (t) haud aliter de minori illa altera locutus erat (qua tamen *ceu valvula claudi venae Coronariae orificium*, diserte ipse quoque subjecit) *membrana*, inquit, *ceu operculo*, id orificium *obtegatur*. Quid? quod in ipsa hujus quae agimus, descriptione utramque membranam sic comparavit (u): *haec*, inquit, *membrana --- pariter atque illa, quam orificio venae coronariae praefici, dixi*. In Figura autem (x) Explicatione non solum eodem *membranae* vocabulo utramque pariter nuncupavit; verum insuper cum tres valvulas Tricuspidales *tres membranas* dixisset *orificio venae cavae praefectas*, continuo haud secus hanc dixit *membranam*, quae *foramini venae cavae inferioris praefecta est*. Porro autem hanc Valvulam sic esse positam, ut ingressuro auriculam sanguini obsequatur, egressuro obsistat, nec quenquam nunc video negare, neque sane quisquam negare poterit qui probe viderit. Num autem haec, & quaecunque ab ea pendere potest utilitas vel ad solos foetus contrahenda sit, vel ad hos potissimum referenda; duo vero haec sunt, quorum alterum fortasse nunquam, alterum fortasse aliquando mihi satis persuaderi posse, arbitror. Si enim hac Valvula foetus tantummodo, ut nonnulli existimarunt, praediti essent; illud primum ultro faterer. Verum si ex aliorum, atque adeo ex meis, mox producendis, observationibus in adultis quoque, neque id *rarissime*, inveniri, constat; qui mihi liceat quam rem in adultis saepe conspicio, ejus rei usum in adultis non agnoscere? At enim in foetibus integra est; in adultis non est; aut si quando est, in his Ovalis Foramen adhuc apertum invenitur, & omnino quantum haec via, tantum Valvula imminuitur. Haec vero si in brutorum quoque animantium foetibus in quibus pariter id Foramen apertum est, aut locum habere, aut alia ratione satis, & manifesto suppleri, cognovero, in ipsis autem humanis corporibus si qui haec primum Solertissimi, mihi que Spectatissimi Viri observarunt, iidem longissima addita observationum serie ad eundem semper (de quo ego quidem plurimum dubito) respondere in modum, compererint, aut ipse, diu, multumque inquirendo, perspexero; facile agnoscam, in

foetu potissimum hujus Valvulae utilitates praecipuas esse.

27. Cur autem toties, ac tandiu repeti hanc perquisitionem desiderem, haec causae sunt. Primum Eustachius (y), eam Valvulam describens, ac pingens, integram proponit; *aliquando* tantum, reticulari complemento carere, scribit. Minime autem est verisimile, eam in foetibus, ac puerulis saepius, quam in adultis, spectasse, ubi praesertim attenderimus quod in *Annotationibus* ad Librum de Renibus (z), qui una cum ceteris Opusculis, ejusque pictura, & descriptione Valvulae editus est, candide subjicitur: *quando hic liber imprimebatur, illam, quam Aristoteles describit, bubulis similem, renum superficiem, in duobus foetibus cernere contigit, eamque ob causam suspicati sumus, in puerulis potius, quam in adultis esse inquirendam*; quae res videtur significare, non valde Eustachium ad id usque tempus in foetuum, infantumque visceribus inspicendis versatum fuisse. Deinde ipsa ejusdem Figura, quae integram, ut dixi, Valvulam repraesentat, usque adeo parvum in Ovali Foraminis sede hujus vestigium commonstrat, ut neque foetus, neque ejus cui Foramen Ovale adhuc pateret, cor illud esse videatur. Huc illud addendum est: quo in corde Cowperus (a) exiliorem, atque adeo, ut inquit, *parvam* hanc Valvulam demonstravit, in eo, quamvis hominis triginta circiter annos nati, Ovalis Foramen adhuc apertum; in quibus autem (b) altiore ipsam, & luculentiore ostendit, quorum alterum peradolescentis, alterum prope octogenarii erat, in ambobus clausum fuisse. Nec vero illud est omittendum, in ejusdem Senis decrepiti corde reticulum potius, quam Valvulam, Cowperum invenisse, cum „ plena videlicet esset fo- ramini- bus variarum magnitudinum atque formarum; „ in duobus aliis nihil reticularis ostendisse, aut commemorasse; imo quam *semilunarem* figuram in altero praecclare exhibet, eandem in compluribus aliis *Subiectis*, inter quae foetus, aut puerulos nusquam nominat, vidisse se, docet.

28. Postremo accipe & quae mihi observare contigerit, rerum harum causa undeviginti adultorum, & quatuor foetuum corda, qua majori potui diligentia consecanti. Quod ad illos attinet; fuerunt duodecim in quibus omnino clausum Ovalis Foramen deprehendi. Et tres quidem eorum, vestigia dumtaxat Eustachianae Valvulae nonnulla habebant, primus videlicet quinquagenarius humillimam, & tenuem, quamvis firmam, membraneam prominentiam, ejus locum Valvulae obtinentem, & ea tamen parte qua ad posteriora vergebat, in reticulum inaequalium macularum degenerantem, cum ipso orificii margine, & cum proxima facie venae Cavae, per quam deorsum extendebatur, quantum quantum erat, immobiliter cohaerens: alter, quinquagenario major, nihil nisi reticulum habebat, areis pariter inaequalibus, & quasi dilaceratum sic tamen, ut, vix aliquo filamento libero, cetera ad eundem modum faciei venae affigeretur: tertius, annos triginta natus, non parva quidem a primo, eaque, in parte, reticulari, Valvula instructus esse videbatur; sed haec quoque tota venae parieticoa- luerat. At novem reliquis etsi non minus quam his, clausum Ovalis Foramen erat; Valvula tamen non deerat Eustachiana. Equidem fateor, in horum sex non magnam fuisse, ut cum forma lunam falcatam referret, in medio vix altitudinem dimidiati transversa apicis digiti minimi excederet in fene, quantum, cum mortuus est, supra septuagesimum annum agente; in mulieribus autem tribus, prima sexagenaria majore, altera quinquaginta, tertia quinque & quadraginta annos nata, itemque in sexagenario, & in juvene rustico trium & viginti annorum infra eam altitudinem subsisteret. At vero ceteri, unus quintum supra quinquagesimum, alter quadragesimum annum agentes, tertius primo, ut videbatur, non minor, satis amplam Valvulam habuerunt, primus transversum digitum in medio altam, ut ad semicirculi figuram proxime accederet, alter ea majorem, ut semicirculum compleret, partemque dimidiam obtegeret orificii venae Cavae, tertius vero maximam omnium, quas-

(n) Anat. Isagog. l. 1. c. 4. (o) Epist. Anat. l. 1. n. 95. (\*) Isag. cit. l. 2. c. 3. (p) Epist. in Tab. Eustach.  
(q) Fig. 3. n. 40. 20. (r) Vid. Praef. ad Isag. cit. (s) De Vena sine Pari Antigr. xi. (t) Antigr. x. (u) Antigr. xi.  
(x) 6. Tab. VIII. (y) loc. & Fig. cit. (z) c. 3. pag. 33. (a) Tab. cit. Fig. 1. (b) Ibid. Fig. 2. & 3.



Quasunque ad hoc tempus five in fœtibus, five in adultis inveni; ut propterea dignam crediderim quam publice primam demonstrarem. Nam Cavæ orificium ultra dimidium operiebat, membranea quidem, sed tatis crassa, ut priores duæ, robustaque ac firma structura, fibrisque carneis aucta: quas, si Valvulam luci objiceres, hic illic intextas perspiceres, illius limbo, hoc est rectæ lineæ, parallelas. Porro limbus extra Cavæ orificium utrinque producebatur, & præsertim a parte inferiore qua prope sinistram marginem ostii venæ Coronariæ descendebat. Hanc viam tamen non semper tenet; nam de novem quos nunc tibi memoravi; in tribus profecto neutrum cornu Valvulæ ullo modo extra Cavæ orificium pergebat: in quibus autem ambo pergebant, illudque præsertim quod sæpius observavi vel in iis quibus Valvulæ dumtaxat vestigium erat, ad inferiora descendere; plerumque illud quidem propter Coronariæ ostii sinistram oram, interdum tamen in ipsam Coronariæ valvulam, nonnumquam in hujus limbi dissolutas fibras se producebat, in tendineum quasi filamentum se extenuans, & se postremo defigens. Verum ut affixa cornua semper inveni, quod & alii agnoscunt, & docent; sic de libero, & fluitante reticulo ad hoc tempus nihil vidi, procul dubio, si fuisset, visurus. In rustico enim juvene, paulo ante commemorato, fibrosum rete conspexi; sed membranæ, Ovale Foramen occultanti, sic impositum, atque adeo affixum, ut immisso specillo vix hic illic attolli nonnihil posset. Id rete etiam in ea membranæ facie erat, quæ dexteram nimirum auriculam respicit, & ad partem illius membranæ posteriorem, ut a Valvula Eustachiana olim avulsam, in proximo adhæsisse loco videri posset; tamen neque ad ipsam Valvulam tunc pertinebat, neque liberum erat; ut neque erat in Valvula illa quam descripsi, maxima. Nam quidquid reticuli, & quidem lacertosi, deprehendere in illa potui, superiori ejus faciei ubi venæ Cavæ orificio annectebatur, ea ratione connatum erat, ut neque procul ab illius orificii margine per Valvulam se extenderet, & ab hac subjecta adnataque obstructas omnino maculas haberet. Idem ferme quod de his Valvulis duabus, de totidem, supra memoratis, animadverti, viri quadragimum, & mulieris quinquagesimum annum agentium. In illo enim reticuli quædam reliquiæ annexæ conspiciebantur, non Valvulæ quidem, sed proximæ, statim extra venæ Cavæ orificium, auriculæ superficiem: in muliere autem supernæ faciei ipsius Valvulæ, qua maxime vergebat ad posteriora. In quinque reliquis ne hæc quidem retis vestigia inveni; nedum reticulare aliquid ad solum limbum Valvulæ videre non potui; imo hunc in nonnullis densissimum, extantemque animadverti.

29. Sed quoniam dixi, in adultis undeviginti Eustachianam Valvulam me quæsisse, neque alios adhuc, nisi eos duodecim in quibus obstructum penitus erat Ovale Foramen, commemoravi; expectabis facile, ut saltem in reliquis septem quibus id Foramen adhuc pateret, eam Valvulam & multo majorem, & libero solutoque auctam reticulo deprehenderim. Verum ita fors tulit, ut non modo horum nemo tantam habuerit, quantam in tribus illis viris qui majorem habuerunt, descripsi; sed ne tantam quidem plerique habuerint, quantam in illo fene quatuor & septuaginta annorum, fuisse, indicavi. Ex his enim septem, anicula, itemque senex apoplecticus, quibus ex aliqua etiam tum parte Ovale Foramen hiabat, prominentiam illa tenuem, hic crassiusculam, sed uterque humillimam ostenderunt. Magis; sed non multo; alta mulieri fuit quadragenariæ, per cujus Foramen Ovale, crassum poterat specillum transmitti. Hanc magnam, & diuturnum cruris ulcus tabefactam consumpserat. Vetulis quidem duabus, quarum alteri exceptum capite vulnus, alteri apoplexia exitium attulerat, Valvula alteri crassa, & mediocriter alta; valida alteri, & quasi musculosa, atque altior fuit. Non tamen huic amplior, illi angustior Ovalis Foraminis hiatus; sed utrique pariter ad dimidiati transversum apicis

Morgagni Epistolæ Anatomicæ.

digiti minimi latitudinem patebat. Denique adolescens annos natus duodeviginti, quem inflicto vulnus, & senex, & quem fractura artus inferioris abstulerat (nolo enim quæras, quibus id Foramen hiabat plurimum, quo genere mortis absumpti sint) Valvulam uterque semilunarem habuere; senex etiam firmam, validam, & mediocri crassitudine, quasi ex duplicata aliqua lacertosa membrana factam; sed neuter altiore triente apicis digiti minimi, neuter ullo reticulo instructam; nisi quod adolescens; neque ex his septem præterea quisquam; reticularis aliquid permixta structura habebat, sed maculis haud perviis, idque superiori faciei Valvulæ adnatum, ab eaque dumtaxat parte qua hujus posterius cornu cum venæ Cavæ orificii margine cohærebat. Et adolescenti tamen, & seni Ovalis Foraminis valvula, si non tanto adhuc spatio sejuncta erat, quanto pro rata portione in fœtibus solet; at non multo certe minus; illi quidem a parte anteriore & superiore, huic vero magis a parte inferiore, quam anteriore. Quod etiam propter Ridleyi (c) observationes mirum tibi videri scio, sicuti propter aliorum Cl. Virorum animadversiones, quod Ovalis Foraminis *valvulam* dicere, & hujus, aut cordis partium, situs ita pergam, ut olim soliti eramus, significare; tamen de his omnibus tibi postea (d) satisfacere conabor, ubi quæ de Eustachiana Valvula addenda restant, perscripsero.

30. Igitur Eustachii Valvulam, quam non satis perfectam videre in adultis videbar, cum in fœtibus inquirerem, ne in his quidem satis mihi factum esse, arbitrabar propterea quia & parvam, & nulla ex parte reticularem cum in fœtu masculo plusquam septimestri, tum in fœmina jam partui matura conspicebam. Quo magis mihi conitendum existimaui, ut fallerer ipse, an non, ex iis qui deinceps consecandi offerrentur, fœtibus omnino cognoscerem. Itaque in altera quæ proxime allata est, fœmina, & ipsa novimestri, omnem dedi operam, ut vel majori, si fieri posset, quam in prioribus, diligentia rem indagarem. Atqui minorem potius, quam in illis, inveni. Re enim vera nihil erat aliud quam humilis lunula crassiuscula primum, & quasi carnea, tenuissima deinde, & membranea, nulloque addito reticulo ornata. Quoniam tamen hæc quoque, ut priores, in utero mortua, quamvis nulla circa præcordia occurrente læsione, & satis perfecto corpore, dies in eo aliquot jacuerat; multo majore & cura, & expectatione quartum dissecui fœtum; marem, & nono jam exacto mense, in ipso partu infelicitè mortuum. Et huic quidem multo altiore Valvulam fuisse vidi, semilunarem tamen, neque ullo prorsus adjecto rete spectandam. Ne autem quæ mihi dum Eustachium, aliosque Diligentissimos Scriptores relego, casu aliquo accidisse, puto, existimes forte, incuria aliqua contigisse, & nominatim ejus administrationis neglectu qua natans in limpida aqua Valvula inspicitur; pro certo habeas, velim, non in hac modo, sed & in cæteris quæ tenuiores sunt, valvulis accuratius lustrandis eam mihi administrationem & assidue in usu esse, & jam diu notam, atque, ut sic dicam, familiarem fuisse.

31. Quod ut credere facilius possis; hic paucis accipe, qua ratione verum quæsierim de Valvulis venæ sine Pari, & Internarum Jugularium. Quod ad illas attinet, minime ignoras, fere omnes Anatomicos in duas divisos fuisse partes. Nam ex quo Amatus Lusitanus (e), venam sine pari in orificio suo, *venæ cavæ conjuncto, ostiola quædam habere*, scripsit, ex observationibus, ut videtur, Canani, Anatomici, merito ab ipso laudati, qui id Vesalio (f) quoque confirmavit; Jacobus quidem Sylvius, ejusmodi *membranæ epiphyssim* ibidem esse, ut supra dixi (g), litteris prodidit; nec obscure Hollerius (h) est Lusitano adstipulatus. Sed Falloppio (i), Vesalio (k), Eustachio (l), Salomone Alberto (m), Casparo Bauhino (n) inficiantibus, nonnullis etiam ex his, & præterea Carcano (o), & Laurentio (p) inter *somnia*, & *meras nugæ* reponentibus, nemo hiscere contra tot tantosque Anatomicos ausus esset, Fabricio

B b 2

præ-

(c) Vid. infra n. 46 & seqq. (d) Ibid. (e) Cent. 1. Curat. Medic. 52. in Schol. (f) Vid. Exam. Obs. Fallopp. (g) n. 25. (h) De Morbis Intern. l. 1. c. 26. in Schol. (i) Obs. Anat. (k) loc. cit. & De corp. hum. fabr. l. 3. c. 4. (l) De Vena sine par. Antigr. xi. (m) Observ. addit. Hist. plerarumq. Part. (n) Theatr. Anat. l. 2. c. 18. (o) Anatomie. l. 1. (p) Hist. Anat. hum. corp. l. 4. c. 6.



præsertim nostro in Opusculo de Ostiis Venarum, silente; nisi Joannes Riolanus (q) se cæteris Anatomicis perspicacior ac diligentior, vidisse, affirmasset, quod videre illi non potuerunt, primumque (in quo Sylvii saltem obliviscebatur) post Amatum Lusitanum, Valvulas Venæ Azygæ detexisse, & in omnibus cadaveribus privatim ac publice demonstravisse. Hic tamen experimentum Amati, adversis Falloppii (r), & Carcani (s) experimentis impetitur, non tantum deferens, sed contrarium illi quem Amatus perperam proposuerat, valvularum situm describens, in harum sede, vel potius numero definiendo a se ipso visus est discrepare. Nam alibi (t), duas vel tres, dixit, esse, alternatim dispositas: primam esse in exortu venæ, duas alias directe oppositas in medio caudice esse affixas. ---- Quod si unica tantum adsit valvula, ut ipsi videre contigit, ejusmodi corpora pleuritici affectionibus sæpissime tentari. Alibi (u), duas, & interdum quatuor, aut (x) duas vel quatuor esse, docuit. Alibi (y), duas in ipso certe venæ principio, in quo unam posuerat, memoravit. Ex iis qui sunt Riolanum secuti, alii de numero, & magnitudine valvularum nihil protulere, ut Veslingius (z), Molinæus (a), Lancisius (b); nisi quod eorum alter, ut cæteras venarum, sic has quoque videtur velle semper combinatas: alii, ut Rolincius (c), eo ut plurimum esse numero, ac sede, dixerunt, ut Riolanus primo loco descripserat; verum, quod non semel Rolincius inculcat, exiguas, in quo assentientem habet Th. Bartholinum (d), qui inventas esse, affirmat, ab diligentioribus interdum duas, vel tres, vel quatuor, sed exiguas, alternatim dispositas. Esse etiam aliquos, video, qui non nisi in locis ubi venæ intercostales inseruntur, hætenus observatas a se, ingenue fateantur, ut Cl. Henricus Alb. Nicolai (e).

32. Has ego omnes solertium Anatomicorum discrepantias quæ causa atrulisset, cum Casparo Hofmanno (f) fuscipabar. An hæc, inquit, valvulae in quibusdam sunt, in quibusdam non sunt, ut pleraque alia? Suspicionem confirmabant Sylvius (g), qui nimirum sæpe, non semper esse, videri potest indicasse, & Diemerbroeckius (h), qui hinc Bauhinum, inde Riolanum redarguens, quod uterque nimis absolute seu generaliter loqui videatur; ego, inquit, multoties, cum publice, tum privatim, has valvulas diligenter quæsi, tam in hominibus, quam in brutis, sed comperi illas, quas primo loco Riolanus proposuit, in multis adesse omnes, in nonnullis unam tantum ad cavæ ingressum adstare, in quibusdam nullas inveniri, atque hinc perpetuam regulam de iis statui non posse. Attamen, ut Anatomicum, & veri studiosum decet, hæc per me cognoscere auebam, præsertim cum Diemerbroeckius de forma, & magnitudine harum valvularum, sicuti & de re alia quam in ejusdem venæ orificio pauci agnovérant, cæteri negarant, aut siluerant, nihil haberet. Vesalius enim (i) se valvulas quidem non reperisse, verum venæ corporis in ipsis orificiis quandam observavisse, scripsit, notatu dignam crassitiem, & roboris nomine (perinde ac in ventriculi orificiis cernimus) factam extuberationem. Contra Salomon Albertus (k) testatus est, sibi neutrum esse observatum; neque valvam membranulis cordis assimilabilem, neque crepidinem vel limbum, aut quocunque modo appellare licet id quod Vesalius indicaverat. Vicissim Lancisius Vir Amplissimus ad me scripsit (l), membranosum fornicem orificii venæ sine pari musculari quodam semicirculo valide muniri: idque clarius adhuc perspicui, si segmentum illud ejus venæ, & Cavæ, lumini objiciatur. Nam eo in loco, fibrarum compaginem; quanquam ubi sit inosculatio semper firmiter apparet; crassiorem tamen, & rubentiorē occurrere, quam alibi spectari soleat. Se certe hunc hemisphaerem, profitebatur, in cunctis, quæ secuerat, cadaveribus comperisse.

33. Itaque ab hac re, tanquam facillioris, & mihi alibi in vasis sanguiferis usitatae, observationis, incepti. Cum enim in cane mediocri primum, deinde in parva muliercula animadvertissem, magnorum Vasorum in Iliacos ramos partitionem inferius in Cava factam, quam in Aorta sic ut Cavæ truncus magis, quam truncus Aortæ, descenderet in cane quidem ad pollicem, in muliercula autem ad digitos transversos duos; meminissim autem, & in muliere altera, & in foetu masculino,

trunci alterius certe; nam utrius, haud satis recordabar; majorem fuisse longitudinem; nec tamen in cane altero, itemque in muliere quam mox secabam, multum notatu dignam inæqualitatem viderem; viderem autem ferme eandem illam, quam in prima muliercula designavi, in alia scemina, & duobus in viris, tum mox in totidem ad pollicem, in uno denique ad tres fere transversos digitos; in tertio autem mediocri cane ad digitum transversum; ad pollicem in quarto; si Tabulas vero inspicerem Anatomicorum, truncum simul utrumque exhibentes; in plerisque Eustachii (m), in Casserii (n) fere omnibus, in omnibus Veslingii (o), in una quam huc attinentem Graæsius (p) edidit, longiorem Cavam; in Vesalii autem (q), & cæterorum quos forte in manus sumebam, propemodum omnibus haud ita manifeste longiorem intuerer; cumque ego rem ejusmodi sive certas ad regulas revocandam, sive in aliis aliter se habentem, nequaquam crederem omnino esse contemnendam, & silentio dissimulandam; constitui, dum facultas, & otium esset in sua; ut oportet, anteaque feceram; sede in plurimis tum hominum, tum bestiarum cadaveribus inquirendi, oblatos interea truncos, quamvis extra suam sedem, ad ejus divisionis locum scrutari, si forte aliter in aliis dispositam aliquam structuram partem invenirem. Tum igitur duodecies ex viris promiscue, mulieribusque allatos dissecui: & in omnibus pariter vidi extuberationem quandam, seu mavis oblongum & teres corpusculum, ex ipsa vasorum substantia factum, iisque concolor, intus extare, quod in divortio utriusque Iliaci rami contra extremi trunci cavitatem obversum, atque curvatum, per hujus anteriorem quoque, & posteriorem faciem nonnihil pergebat; & quanquam in Magna arteria validius, & extantius erat; tamen ne in Cava quidem vena desiderabatur. Ejusmodi extuberans corpusculum quærere volui in aliis quoque, sed grandis præsertim vasis, bipartitionibus, ut in arteria Pulmonari, quæsiturus etiam in ejusdem nominis vena, si hæc pariter, ea videlicet ratione in primos ramos diduceretur, qua Vesalius (r), aut Vidius (s), aut Kerckringius (t), quibus plerique videntur credere, delineaverunt. In ea igitur arteria qua primum in ramos dividitur, nullum cadaver fuit ex decem quorum viscera continenter inspexi, quodeandem quam in Aorta descripsi, prominentiam, eadem ratione factam, & ad eundem modum proportionem collocatam, porrectamque, non evidentissime observandam præberet. Quæ nec defuit in cadaveribus duobus (nam in pluribus non quæsi) ad utriusque Iliacæ arteriæ in Externam, Internamque subdivisionem.

34. Ab ejusmodi observationum genere non difficile, ut vides, mihi fuit ad venæ sine Pari, & Cavæ confluxum, sive ad illius in hac orificium perlustrandum transire. Id a me quatuordecies, quanta maxima diligentia potuit, factum est. Itaque in ipsa orificii ora quinquies inveni manifestam prominentiam, sive crassiorem limbum, introrsum extantem, & ab una quidem dumtaxat parte: quam crassitudinem etsi in uno eorum cadaverum, pariter in alio quodam venæ ostio, Emulgentis, ut opinor, vidisse memini; ut Vesalii (u) dogma, id cæterarum quoque venarum orificiis, sed instar circuli cujusdam, ut videtur, tribuentis in memoriam rediret; tamen æque memini, saltem in duobus senibus peculiare id quod dicam, ostio venæ sine pari fuisse. Alter postremis annis pleuritidi sæpe obnoxius, atque adeo pulmonis inflammatione sublati, firmam ibi, nec parvam pro ejus ostii magnitudine, extuberationem ostendit in ipso margine superiore. Alter vero, cujus extremum morbum novisse magis cupiebam, ejusdem marginis dexterorem, sive ut aliis vocatur, anteriorem habebat partem crassiusculam, extantem, rubicundam, cum pars reliqua neque crassitie, neque prominentia, neque colore a proximo venæ Cavæ pariete quidquam discreparet. In vetula autem, itemque in viro, a me post illos septem, dissectis, ejusdem oræ dimidium,

(q) Anthropogr. l. 3. c. 8. (r) De Venis Obs. 4. (s) loc. cit. (t) loc. cit. (u) Anthropogr. l. 5. c. 49.  
 (x) Encheirid. Anat. l. 3. c. 9. (y) Animadvert. in Bauhini locum cit. (z) Synt. Anat. c. 10. (a) Dissert. Anat. l. 5. c. 6.  
 (b) Dissert. de Vena sine pari. (c) Dissert. Anat. l. 5. c. 29. & 14. (d) Anat. quart. renov. libell. 1. c. 5.  
 (e) Diatr. de Direct. Vaso. in Adnot. ad §. 21. (f) Apolog. pro Galen. l. 2. c. 64. (g) Vid. supra, n. 25. (h) Anat. l. 7. c. 3.  
 (i) Exami cit. (k) Obs. cit. (l) Dissert. cit. (m) Tab. 1. 2. 12. 26. &c. (n) Ad Spigel. l. 8. Tab. 12. 13. 18. 19. 20. & ad l. de Form. Foet. T. 9.  
 (o) Synt. Anat. Tab. cap. 5. 6. 7. & cap. 8. Tab. 2. (p) De Mulier. Organ. Tab. 1. (q) De hum. corp. fabr. l. 3. in fin. Fig. & l. 5. Fig. 20. 22. 23.  
 (r) Ibid. l. 3. c. 15. Fig. 2. (s) De Anat. corp. hum. Tab. 73. Fig. 6. (t) Spicilleg. Anat. Tab. 30. Fig. 1. (u) l. cit. 3. cap. 4.



dium, idque in vetula certe superius, saltem cum ad-  
verso lumini objecissem, aliquanto crassius dimidio  
altero visum est; in alio autem viro sic ferme undi-  
que res apparuit, cum in eodem ad Iugularis Internæ  
orificium nihil usquam tale videre possem. Contra,  
quatuor reliqui non modo nihil in tota illa ora ostii  
venæ sine pari introrsum protuberans ostenderunt;  
sed sive ab interna, sive ab externa parte inspicerem,  
sive, luce objecta, contemplerer, nusquam crassitudi-  
nem ullam, aut omnino aliquid spectandum exhibue-  
runt quod peculiaris hemisphinderis similitudinem ha-  
beret. Igitur hac de re mihi quidem contigit aliter  
in aliis observare.

35. Quod ad Valvulas autem attinet, ingenue con-  
fitebor, me mihi olim in duobus cadaveribus satisfacere  
non potuisse non tam, opinor, quod ex deessent,  
quam potius quod a me sive in aperienda vena læde-  
rentur, sive non satis feliciter specilli ope quæreren-  
tur. Verum cum haud procul ab orificio asperita-  
tes quasdam in venæ intima facie animadvertissem;  
suspensus id quod erat, constitui in cæteris perqui-  
sitionibus eandem venæ faciem sub limpida aqua in-  
spectare, non ignarus ex iis quæ in viscerum mace-  
rationibus forte adnotaveram, tenues membranas sic  
explicari, attolli, & longe conspicuas nobis fieri.  
Itaque in his quatuordecim deinceps habitis perquisiti-  
onibus hac facili administratione usus, vix in aquam  
immerisi nonnihil orificium venæ, ibidem apertæ, & le-  
niter agitavi; cum inter hujus parietem, & valvu-  
las, quotiescunque non defuerunt, aqua subiens, ha-  
rum sedem, positum, magnitudinem, formam patē-  
fecit, ipsas araneæ instar, cinereo colore, ex præte-  
nui quidem, sed firma tamen, factas membranula, flui-  
tantes, & natantes, eleganti spectaculo, attollendo.  
Hæc igitur animadverti: Intra ipsum statim orificium,  
bis valvulam, secundum sanguinis cursum, ut cæte-  
ras, positam, eamque non parvam, inveni, ut quæ  
non figura modo, sed etiam magnitudine unguem  
referret alicujus digiti ex iis qui in manibus mino-  
res sunt. Erant autem præterea manifesta indicia, &  
reliquiæ comparis valvulæ, quæ in aperienda vena, di-  
scissa esset: qua in suspitione pariter fui cum alias  
æqualem valvulam, non in ipso quidem ostio, sed trans-  
versi digituli ab hoc intervallo conspexi. Quin eo-  
dem ferme loco tres nuper valvulas, vel priusquam  
sub aqua aspicerem satis dignovi, magnas, sic tamen  
ut una major esset. In decem reliquis cadaveribus  
nullam prorsus ad venæ initium deprehendi: & in  
uno quidem, itemque in altero non sum ulteriora  
persecutus. Sed in octo cum venam sensim aperire  
magis pergerem, duo fuere in quibus, unius pollicis  
ab orificio spatium emenso, binas, & duo item, quo-  
rum in altero totidem, in altero ternas, in hoc qui-  
dem sesquidigito, in illo duobus digitis ab orificio re-  
motas inveni valvulas, omnem ibi venæ ambitum (ut  
fere solent ubi una plures sunt) occupantes. Erant  
hæ descriptis forma similes, sed aliquanto breviores,  
neque ob ramum aliquem qui illuc influeret, crea-  
tæ; nec enim ullus toto eo quem memoravi, tractu,  
neque mox in proximum influebat; quantum ego in  
quarto, & duobus primis de his octo cadaveribus  
videre potui; in tertio dumtaxat ramus unus, isque  
non ita parvus, sed supra solum valvularum lim-  
bum hiabat; ut ipsas constaret, non ramis, sed trunco  
venæ sine pari, ut cæteras de quibus est dictum,  
prospicere. Quatuor autem fuere corpora in quibus  
cum ad tres fere transversos digitos venam aperuis-  
sem, neque in primo ullum osculum, non modo val-  
vulam, in aliis autem oscula quidem, sed sine ulla  
manifesta valvula animadvertissem; demum infra eum  
quem dixi, tractum, qua primus in venam majus-  
culus ramus definebat, valvulas in uno horum cada-  
verum binas deprehendi, singulas ad semicirculi for-  
mam accedentes, amplitudine autem iis quæ in Iugu-  
larium Internarum ejusdem hominis ostiis erant, vix  
inferiores: frustra autem infra quæsi, si forte aliæ,  
his respondentes, qua proximi influebant rami, in  
trunco venæ inessent. Cætera vero de quatuor mo-  
do memoratis cadaveribus ne ibi quidem valvulas

habuerunt; ut ex quatuordecim perquisitionibus tres  
certe fuerint, quibus neque in orificio, neque in pro-  
ximo ad tres digitos, nonnunquam ad quatuor, ve-  
næ trunco valvulas potui videre. Quæ si fuissent;  
latere profecto non potuissent. De his enim tribus  
corporibus etsi unum fuit in quo ne aperto quidem  
primo illo majusculo ramo, aliisque insequentibus,  
ullam reperi; in duobus tamen reliquis intra illum  
ipsum ramum geminas statim aut eadem qua novissi-  
me dictum est, forma, aut magis oblonga nullo ne-  
gotio conspexi, ejus orificium rami prorsus occludere  
valentes. In his duobus is senex fuit, pleuritidi sæpe  
obnoxius, cujus in ostio venæ sine pari firmam illam,  
nec parvam extuberationem descripsi (x). Sed & ii  
quos trium ab eo ostio digitorum, aut sesquidigiti,  
aut transversi digiti intervallo valvulas habuisse, do-  
cuimus, ex illis omnes fuere in quorum ostio promi-  
nentem crassumque limbum conspeximus, quo prorsus  
vicissim caruerunt quorum ostium ipsum inventum est  
valvulis instructum. Quod si etiam illi qui aut in  
venæ orificio nullas, aut pollicis, duorumve digito-  
rum spatium interjecto, valvulas habuerunt, eundem  
limbum habuissent, & longior mihi series observatio-  
num harum suppeteret; dispicere fortasse auderem, an  
is limbus ad supplendam quadantenus primarum val-  
vularum utilitatem addatur.

36. Cæterum ut ad ejusmodi observationes, cum li-  
cuerit, sapius iterandas non mediocri adjumento erit  
nobis descripta in aqua administratio; sic eadem fuit  
ad alias in venis passim sive notas valvulas accura-  
tius perlustrandas, sive ignotas indagandas. Ex illo  
genere satis in præsentia fuerit aliquid de iis attingere,  
quas supra semel atque iterum memoravi po-  
sitas in venis Internis Iugularibus. Sylvius, cujus etiam  
supra (y) locum protuli, has olim Valvulas indica-  
verat; sic tamen, ut neque semper, & singulas singu-  
lis inesse, venis videretur existimare. *Membrane epi-  
physis est*, inquit, *in ore venæ azygi, vasorumque aliorum  
magnorum sæpe, ut jugularium*. Sed binas proposuit,  
& pinxit Fabricius ab Aquapendente (z), qui supra hæc  
duo ostiola, nulla alia agnovit in Iugulari, addita post-  
ea ab Riolano (a), atque Rolincio (b), qui in sum-  
mitate prope faciem aliud esse, statuit, sed exiguum.  
Kerckringius vero (c), ut non unum modo, aut exi-  
guum, aut in summo tantum invenit collocatum; sic  
non semper, sed aliquando rem se habere aliter, ac  
Fabricius crediderat, non in eo solum, sed etiam in  
numero infimarum valvularum, animadvertit. Scili-  
cet non in bobus tantum, in quibus Fabricius (d)  
jam fassus erat; sed & in hominibus ipsis, si qui jugula-  
res venas habent ampliores, reperiri valvularum triplica-  
tionem aliquando, admonuit. Verum dum hujus rei  
causam addidit, docuitque: quod cum per eas venas o-  
mnis sanguis ex capite ad cor præcipitur, vasaque ipsa sint  
amplissima, cavet provida natura hac valvularum multipli-  
catione, ne nimia vi sanguis ille descendat; videri potuit  
oblitus, mitto non omnem per eas ex capite sanguinem, sed  
& per Externas Iugulares, & per Vertebrales referri;  
at valvulas certe illas ita esse positas, ut descenden-  
tem e capite sanguinem nihil morentur. Imo ne san-  
guis, per Iugulares tardius resuens, caput obrueret,  
fortasse idcirco etiam factum crediderim, ut Sub-  
claviæ, illum ex his excipientes, aliter in sinistro,  
aliter in dextro latere disponentur; ne si ex quo  
utrinque altera contra alteram in Cavam Superiorem  
confluerent, parique impetu, & directione sanguinem  
inferrent, tunc altera alterius, & quod consequitur,  
Iugularium exonerationi adversaretur.

37. Sed quoniam id artificium, ut sic dicam, Na-  
turæ non solum attinet ad ea de quibus sermonem fa-  
cere institueram, verum etiam per se oppido di-  
gnum est quod diligenter consideretur; veniam, ut  
sæpe alibi in his litteris, mihi dabis, si multiplici re-  
rum, anatomicarum studio abreptus, hic quoque paulif-  
per, sed fortasse non inutiliter, a proposito digredi  
videbor, mox ad Iugulares Valvulas, & Eustachianam  
reversurus. Cum cæteri Profectores qui ante, &  
qui item diu post Eustachium floruerunt, Subclavias  
inter venam Cavam, & Iugulares Internas, æquales  
utrin-

(x) num. prox. super. (y) n. 25. (z) De Ostiol. Venar. Tab. 1. ad A.

(a) Anthropogr. l. 5. c. 49. (b) Dissert. Anat. l. 5. c. 14. (c) Spicileg. Anat. Obs. 4. (d) Opusc. cit.



utrinque, eademque directione, aut certe, quantum in præsentia memini, non ita inæquales, neque ita dissimili positu nobis proposuerint; ille cum multis in Iconibus (e) Subclaviam sinistram multo quam dexteram, longiorem, tum vero in Tabulis XXV. & XXVI, quibus eas in sua sede nobis exhibuit, eandem sinistram minus etiam acclivem, quam dexteram, & hanc præterea directius in Iugularem, quam in Axillarem, pergentem delineavit. Post ipsum tandem, vidi Cl. Eduardum Petri Wium (f) & delineatione, & verbis admonentem, Subclaviam *sinistram semper esse longiorem dextra*. Secutus est Cantius (g), qui de hac quidem longitudine siluit; sed de acclivitate illa, & in Iugularem productione, de quibus apud Eduardum nihil, ita vicissim ipse loquitur, ut quæ a dextris pinxit Eustachius, omnino transferat ad sinistras. „ Subclavia, inquit, sinistra proprie non continuatur in Axillarem, ut volunt Auctores; ita ut „ Subclavia & Axillaris sint unus continuatus truncus, ex quo, ut ramus e trunco prodeat Iugularis interna; sed potius Subclavia & Iugularis interna sunt „ unus continuatus canalis, ad valvularum locum in „ binos nomine tantum distinguendos, cui a latere „ externo, tanquam ramus ad truncum, accedit Axillaris. „ At longe aliter rem ostendit in iis quas reliquit, Tabulis Amplissimus Lancisius (h), hæc referens ad dexteram. Cl. autem Henricus Alb. Nicolai (i) quantum ab eo absit ut acclivitatem illam a sinistris agnoscat, his verbis demonstravit: Internæ Iugulares „ „ singulari artificio in Subclaviis terminantur ita ut in „ sinistro potissimum latere Subclavia horizontali directione in ramum innominatum ---- abeat, qui „ „ tem quasi constituit, ut mutata determinatione sanguis placidius cum illo alterius lateris in truncum „ „ venæ Cavæ infundatur. „ Sed si hæc, si ea quam supra (k) suspicati sumus, hujus rerum dispositionis sit causa, si illud etiam in parte, quod cum truncus venæ Cavæ dexterior sit, subclaviam quidem a dextris brevior, a sinistris autem longior, & quod consequitur, illam magis, ut in breviori, hanc minus, & sensim, ut in longiori itinere, acclivem fieri, necesse fuerit; quod nos cum Eduardo Subclaviam sinistram vocare pergimus, ipse (l) *ramum vocat innominatum*, ne lateris sinistri Subclaviam, dextram quadrupla longitudine superare, asserat.

38. Equidem eas quas supra definivi, partes in quindecim cadaveribus dimensus, sinistram semper inveni dextera longiorem; sed tamen, cum maxime (id quod in quatuor) ut tripla esset, aut paulo minor, quam tripla; cum minime (id quod in duobus) ut esset aut sicuti 3. ad 2. aut sicuti 4. ad 3; cum medio modo (id quod in cæteris omnibus) ut aut dupla esset, aut circiter. Igitur quod ad longitudinem attinet, sic mihi accidisse, certe scio: quod ad latitudinem; in tribus saltem, in quibus hoc quoque animadverti, dexteram sinistra fuisse latior: postremo quod ad positum; res multo fecus ac Cantio, se habere visa est. Nam primum omnia in sua sede inspiciendo; non sinistram ego Subclaviam, sed dexteram inveni, quæ cum Iugulari Interna unum efficeret truncum, ad quem a latere externo, tanquam ramus, accederet vena ab axilla redux; cum vicissim Subclavia sinistra, non, ut dextera, fere ad perpendicularum statuta, sed *horizontali* propemodum posita, & lenissima acclivitate, unus truncus esset cum vena ab axilla redeunte, quem ad truncum ut ramus, Interna sua Iugularis pertineret. Quamvis autem in cæteris deinceps cadaveribus has omnes venas, cum arteriis & corde ex sua depositas sede, inspexerim, ut in tabula explicatæ, studiosæ Juventuti demonstrarentur; tamen aut me, non multum alioquin istiusmodi observandi rationi tribuere solitum, omnia sefellerunt, aut venæ aliter sine vi, & manifesta parietum in se ipsos complicatione disponi haud potuerunt, quin ad eum quem in naturali sede videram, situm longe magis, quamvis non in omnibus æque, accederet, quam ad eum qui a Cantio indicatur. Una, haud amplius, de undecim ejusmodi (qualescunque sint) observationibus in parte

Cantio favere visa est. Verum ut aliquatenus in his variet Natura; illud indubium est, dissimili, aut certe impari utrinque via sanguinem in summum venæ Cavæ truncum solitam esse corrivare, neque hujus, ad jugulum; ramos fuisse nobis multo fidelius a plerisque Anatomicis propositos, quam originem, & dispositionem ramorum, iis vicinorum, arteriæ Magnæ.

39. Sed de his in præsentia quidem satis, præsertim cum, in hac Epistola relegenda, Cel. Winslowium (m) videam, quod ad Subclaviarum venas attinet, fere eadem nuper, ac quæ supra (n) scripseram, proposuisse. Nunc ad Iugularium Internarum Valvulas redeamus. Has ego tredecies quæsi: neque adhuc, nisi semel contigit, ut plures quam binas, in singulis venis reperirem; & duodecies quidem intra ipsam infimam extremamque venarum partem; semel in Subclavia, eaque; nam sæpius ab eo latere inquisivi; sinistra ad Iugularis ingressum, omnem, ut in Iugulari alias videram, Subclaviæ ambitum occupantes: quanquam in hac ad eundem locum, simulque in Subclavia dextera binas valvulas interdum vidi, tunc etiam cum intra extremas Iugulares suæ valvulæ non deerant. Sed & in dextera tantum Subclavia prope Iugularem, quæ vena altera influebat, unam valvulam nonnunquam repere magnam, unguis instar; nonnunquam duas offendi statim ultra Iugularis ingressum, cum in sinistro latere nulla ibi, nulla in tota usquam Subclavia conspiceretur. Cæterum in Iugularibus aliquando esse ternas; sed binis illis quas videre ipse consuevi, minores; non Kerckringio solum (o), & Cl. Henningero (p), totidem delineantibus, sed & mihi ipsi credo: nam semel, ut indicabam, tres comperi intra ipsam extremam Iugularem sinistram, quarum uni summus erat ambitus natura contractus, atque distortus, ut vitia a primordiis ne in valvulis quidem ipsis nonnunquam deesse, manifestum sit. Vidi autem non raro venæ Iugularis valvulas quantas in hac pinxit Fabricius noster (q), ad eamque formam accedentes, ut ad trianguli modum ascenderent. Verum & tunc aliquando, subiectio specillo extensa, & alias interdum per se ascendere potius in unguis formam visæ sunt, quo aliquis minorum in manibus digitorum munitur: qua forma cum Fabricius (r) & esse ostiola diserte tradiderit, & quædam (s), in Cephalica præsertim, & Basilica, delineaverit, cætera autem pleraque in longitudinem minus extensa, sed potius femilunaria; palam est, non post illum omnino repertum esse, omnes venarum valvulas non eadem esse figura, siue aliquas *non servare lunæ crescentis formam, verum in longitudinem magis esse exporrectas*, ---- ut *non male alteri parti digitalis, quo utuntur mulierculæ pro digitorum tegumento*, possint comparari. Quod vero ad sedem earum attinet, de quibus dicere cœperam, valvularum; ita, quotiescunque animadverti, inveni collocatas, ut altera posteriorem, altera anteriorem Iugularium faciem teneret. Posteriorem autem sinistram valvulam diligentius spectavi, ut ibi statutam, quo Ductus Thoracicus non raro influit. Et sane sub ea valvula interdum latere quædam foramina conspexi, quorum ut unum manifesto venulæ esset alicujus; tamen alterum, & nonnunquam duo quin ejus Ductus fuissent, nihil credere prohibebat. Cæterum si quando cum dextris has valvulas sinistras contuli; aut nihil inter utrasque discriminis, aut longioribus instructa apparuit Iugularis sinistra. Porro utraque, quemadmodum cæteræ venarum valvulæ, tametsi satis firmæ sunt, ea sunt tenuitate, ut qui inspexerit, *elastica* quidem vi, non *musculari*, juvare posse motum sanguinis, sit crediturus: certe si quæ carneæ membranulis usque adeo tenuibus insunt fibræ, quod indicare videtur cum majoribus, crassioribusque valvulis mente instituta comparatio; eæ sint longe tenuissimæ, necesse est. Sui tamen, ut in vena sine pari, & Iugularibus non semel animadverti, vel tenuibus hisce valvulis Aggeres non desunt, ipsarum membranula crassiores, eoque manifestiores: qui ut proportionem respondent Aggeribus valvularum Magnæ, & Pulmonaris arteriæ, sic non dubito, quin aliqua etiam ex iis quæ grad-

dio-

(e) Tab. 4. Fig. 1. 2. 3. & Tab. 27. passim.

(f) Dissert. de Va Alim. & Ast. Lips. A. 1718 M. Janu.

(g) Impet. Anatom. Tab. 6. Fig. 2.

(h) De Mot. Cord. Tab. 1. & Tab. 3. Fig. 1.

(i) Diatr. de Direct. Vasc. §. 13.

(k) num. prox. super.

(l) in Adnot. ad §. cit.

(m) Expos. Anatom. Traité des Veines n. 20. 66. & 67.

(n) num. 37. & seq.

(o) Vid. supra. n. 36. & Spicileg. Tab. 4. Fig. 4.

(p) Ephemer. N. C. in Append. Cent. 3. & 4.

(q) De Venar. Ostiol. Tab. 1. ad A.

(r) in cit. Opusculo.

(s) Tab. cit. ad L. O. P.



dioribus illis Aggeribus a me supra (t) attributæ sunt, utilitatibus respondeant. Sed quantum in venis utilis est ea valvularum tenuitas, ut hæc facilius & explicari, & inter se, ad sanguinis reditum interceptum, aptari queant, & rursus applicari ad latera venarum, nihil, aut vix quidquam spatii transitorio sanguini detrahentes; tantum vicissim Anatomicorum labores auget in accurata, quam jure Kerckringius (u) *perdifficilem* censet, Valvularum investigatione; nisi ad cæteras quas ipse commemorat, indagandi vias accedat illa qua nos usos confitemur, perfacilis administratio, ut positi sub limpida aqua, venarum interni parietes inspiciantur. Quod cum in universo ab imo ad summum Jugularium trunco placuit experiri; tunc minime accidit nobis, ut in eo alias quam infimas descriptas valvulas fluitare conspiceremus.

40. Sed non propterea, alias semper deesse, arbitrati sumus: ut neque Eustachianam Valvulam reticuli complemento semper carere, existimamus propterea quod id frustra tot in adultis, & fœtibus (x) vel isto ipso aquæ adjumento perquisivimus; præsertim cum de tribus, quas postquam hæc scripseram omnia, novissime habui, observationibus duæ fuerint quæ tandem mihi reticulatam, si non uti optabam, at certe uti protinus describam, Valvulam exhibuerint. Primum cum senis cor, ob eas causas quas hic memorare necesse non est, in sua ipsa sede consecarem, & ab sinistra ad dexteram jam auriculam, venasque Cavas pervenissem; etsi multo serius quam oportuisset, retiformis quam tunc minime quærebam, membrana in conspectum venit; tamen cæteris omiſſis, quidquid supererat cordis, earumque venarum e thorace continuo extraxi, & quid ea esset membrana, inquisivi. Itaque inveni ostio Coronariæ venæ ad oram tum infimam, tum proximam dexteram sic affixam, ut ipsa valvulæ (neque enim alia præterea erat ulla) ejus ostii officium præstaret. Inde igitur profecta, sursum versus in oblongi, & magni segmenti circuli formam producebatur, donec altero extremo in filamenta plura, ac firma desineret, quæ ad quam partem antea membranam adnecterent, auricula jam maxima ex parte discissa, pro certo agnoscere non licebat; ut neque an curvus membranæ ambitus, quem non secus ac oppositum limbum, solum ac liberum ab omni nexu conspicebam, sic antea per se fuisset; deinde nec Foramen Ovale clausum, an apertum etiam tum esset; denique nec quidam, orificio Cavæ Inferioris, loco Eustachianæ Valvulæ, additus limbus, non ita multum ille quidem extans, sed validus, & secundum sinistram latum ostii Coronariæ venæ productus, adnexam sibi (id quod minime videbatur) eam de qua dictum est, membranam habuisset, quæ tota certe, cribri instar, foraminibus pertusa, inæqualibus, sed creberrimis, reticuli imaginem referebat. Verum ut in observatione hac eæ mihi dubitationes restabant; sic contra in altera tam clare omnem rem perspexi, quam quod clarissime. Viri enim quinque circiter supra triginta annos nati cum, ventris visceribus jam inspectis, atque amotis, inferiorem diaphragmatis faciem, & foramina quæ in hac sunt, attente inspectarem; intra illud per quod vena Cava Inferior thoracem subit, Valvulam in hac vidi Eustachianam, a superiore parte, ut supinum cadaver jacebat, deorsum propendentem, ut venosæ hujus viæ dimidium ferme suo tum solido, tum retiformi etiam corpore occuparet. Tunc corde, venisque Cavis ex sua sede detractis, & qua oportebat, diligenter apertis, plane illæsam Valvulam, non parvum semicirculum æquantem, inveni, limboque firmatam, cujus alterum extremum cum ipsa Valvula finiebatur, alterum deorsum secundum ostii Coronariæ sinistram oram se producebat. Valvula ex membrana constabat firma, carneisque insuper fibrillis instructa, non confertis, & secundum Valvulæ longitudinem ductis. Hiatis perforata erat multis, iisque inæqualibus sic ut aliqui essent grandiusculi. Propiores erant limbo, quam parti oppositæ, & a Coronaria distabant vena. Cum retis hoc genus in Valvula esset perviis, apertisque maculis; erat alterum prorsus occlusis, quippe extensum per Valvulæ faciem inferiorem, huicque affixum;

idque propter curvum Valvulæ ambitum, non alibi, conspiciebatur. Ovale Foramen ne ex minima quidem particula (nam diligenter perlustravi) apertum erat. Inter has duas, observationem quoque habui in fœmina quinquagenaria, cui id Foramen pariter occlusum, Eustachiana Valvula mediocris, firma, & falcata, inferiore cornu ad dexterum ostii Coronariæ venæ latus protenso. Sed nihil usquam reticulare, sive sub aqua, sive extra aquam; ut in duobus modo commemoratis viris; inspicerem. Itaque, ut vides, perraro incidi in Eustachianam Valvulam perforatam; in perfectam vero, sive in fluitantis reticuli additamento absolutam, ad hoc usque tempus incidi nunquam. Cur igitur meas ejusdem Valvulæ observationes protuli, & quoties, in quibus, quo exitu, & qua ratione modoque habuerim, diligenter ostendi? Nimirum non ut aliorum observationibus, quas perinde ac debeo, magni facio, meas opponam; sed tantum ut quid mihi videre contigerit, scias. Quod si cum alienis meas tibi conjungere non displiceat; primum intelliges, me ob tot illas, ac tam frequentes hujusce Valvulæ varietates, neque *Falcatam*, aut *Semilunarem*, ut Lancisius (y), & Cowperus (z), neque *Reticularem*, ut alii, vocitare consuevisse; nam, ut illa nomina, cum integra est, manca sunt, ita hoc, cum reticulum deest, aut nihil in ea retiforme est, supervacaneum. *Eustachianam*, quod sæpius solet egregie meritis de hac Winslovius (a), præstat, opinor, appellare; quando, pariter ab Eustachio inventam (b) illam alteram minorem, *Venæ coronariæ Valvulam* nunc passim nominant, eoque faciunt, ne modo laudatum majoris vocabulum ad aures discentium ambiguum accadat. Deinde minus fortasse miraberis, quod neque in omnibus, neque certo potissimum vitæ nostræ tempore Eustachianæ Valvulæ utilitates adhuc agnoscam, sed in iis tantum quibus eam, quæcunque sit ætas, habere contigerit, & in iis majores, quibus majorem. Neque enim dubium est quin major Valvula, ac validior, magis quoque, ut Lancisianis verbis (c) utar, *sanguinem tum per Superiorem Cavam delapsam, tum ab Auriculæ constrictione repercussum interceptiat, atque a descensu in Inferiorem Cavam prohibeat*. Illa autem dubia. Primum cur Valvulæ, cum integra est, nihil ab Natura additum, nisi reticulum, inveniatur? num ut semper aliquid sanguinis transeat? num quia, cum suum Valvula usum præstat, eodem tempore contractæ fortasse quæ circum sunt, partes sic filamenta filamentis admoveant, ut reticuli occlusis foraminibus, perinde sit ac si reticulum perpetua ac continens membrana esset? an denique ad hanc, quæcunque ea sit, causam pervestigandam, comparare juvat cum hoc reticulo interstitia, ac foramina, quæ ad limbum aliarum valvularum, ut Coronariæ venæ, ut earum quæ arteriæ Magnæ, aut Pulmonaris orificio præfectæ sunt, haud raro, ut supra (d) diximus, conspiciuntur? Deinde illud quoque dubium est, quid in iis hominibus supplementi loco sit, in quibus non modo reticulum, sed & tota propemodum Valvula desideratur? Venit aliquando in mentem, supplere quadantenus fortasse posse flexus illos quos alias (e) in ipsa vena Cava Inferiore descripsimus, & Hippocrates, seu vetustus Auctor libelli *de corporum resectione* (f) ex parte videtur cognovisse, cum scripsit, *ab hepate obliquam venam inferne ad renes tendere*. Sive enim eandem quam nos, a dextris ad sinistras obliquitatem intellexit, sive alteram illam quam aliqui, a nobis tunc laudati, insuper designant, ab anterioribus obliquam *introrsum contortionem*; res nimirum eodem recidit. Igitur si eæ flexiones juvant adeo sanguinis ascensum, ut credibile sit, omnem venæ Portæ, & jecinoris sanguinem ob illarum quoque, non modo ob proximum, alterne agitati, diaphragmatis adjumentum, sat tuto in eam quæ ad flexiones illas est, venæ Cavæ partem immitti; profecto si quibus hujus venæ inclinationes majores sint, iisdem minus erit periculi ne sanguis per ipsam ascendens sanguini cedat per Superiorem Cavam delabenti, aut ab auriculæ dexteræ contractione resilienti. Non æquas autem in omnibus eas esse Inferioris Cavæ flexiones, sed aliis majores, aliis minores, ex quibusdam cadaveribus didici, fœtus præsertim illius plusquam septimestris, in quo & parvam, & nulla ex parte reticularem Eustachianam Val-

(t) n. 4. (u) Spicil. Anat. Obs. 4. (x) n. 28. 29. 30. (y) De Mot. Cord. l. 1. Propos. 36.  
(z) Myotom. Reform. Tab. 37. Fig. 2. (a) Memoir. de l'Acad. R. des Sc. A. 1717. (b) Vid. supra, n. 22.  
(c) l. cit. Propos. 13. (d) n. 19. 20. (e) Epist. Anat. l. n. 10. (f) n. 2.



Valvulam fuisse, narravi (g). In illo enim Cavam jam inde ab Iliacarum confluxu inclinatam in dexterum latus inveni. Illas quoque Subclaviarum, & Jugularium dispositiones a quibus augeri, aut retardari potest imperus sanguinis, per Superiorem Cavam delabentis, in aliis aliter se habere, supra (h) indicatum est.

41. Verum ut, hæc, aut alia quæ possint, an revera Eustachianæ Valvulæ defectum suppleant in hominibus, quærendum est; ita vel magis est quærendum, quid suppleat in tot aliis perfectis cæteroquin, ut vocare solent, animantibus. Nam in porcis, etiam anniculis, in canibus, etiam junioribus, at quibus non omnino oclusum erat Foramen Ovale, frustra eam Valvulam perquisivi, ut vix in uno meminerim prægrandi, & cui id foramen oclusum, Inferioris Cavæ orificium invenisse non prorsus carens firmo quodam limbo, qui mox extra venam instar validi filamentum producebatur. Quin & a Mediavia nostro, quo potissimum præsertim (nam alii quoque, nec pauci, aderant) & sæpe etiam ministrante, meas hujus Valvulæ observationes institui, in equa incassum quæsitam, scio. Quid de bestiis cæteris quas nostra terra fert? quando Exercitatissimus Lancisius (i) satis clare indicat, *in brutis animalibus, quæ prona degunt*, Eustachianam Valvulam desiderari. Num ergo ab aliqua suppletur rerum illarum quæ supra (k) in hominibus commemorabantur? an potius ab isto ipso prono corporis situ, quo nimirum fiat, ut sanguis, ex Superiore Cava proveniens, non æque ac in nobis obstare queat subeunti per Inferiorem? quanquam si hoc supplementi genus (atque utinam hoc unum modo, aut in bestiis duntaxat) probamus; haud satis apparet, cur maxima, atque adeo integra Valvula nostris fœtibus tributa dicatur, quorum in utero sæpe varius, extra uterum autem tandiu supinus est situs.

42. Num igitur mavis ad alia confugere, & ad illam præsertim quam *in omni pecudum genere loco falcate hujus Valvulæ* describit Lancisius (l), *locatam versus Inferioris Cavæ partem, qua dorsum respicit, quandam veluti vittam, seu fasciam musculi semicircularis, cujus tendo segmentum complectitur ejusdem Cavæ*, aut ad illud *Tuberculum*, illamve *Strigam* (si aliud tamen Lancisiana *Vitta* omnino est) quæ ab Lowero nobis, & ab Highmoro proposita sunt. Lowerus enim (m) docuit, eo loco, ubi vena cava ascendens cum descendente congreffa, alveum suum in auriculam cordis exonerare parata est, tuberculum quoddam a subiecta pinguedine elatum, & notatu valde dignum occurrere, cujus obtentu sanguis per venam descendente delapsus, in auriculam divertatur, qui alioquin in venam ascendente decumbens, sanguinem per istam cor versus assurgente reprimeret valde, & retardaret: quod periculum cum ob erectum corporis situm, majus in hominum genere esse videatur; propterea hominibus id tuberculum *majus, & longe eminentius*, quam quadrupedibus, obtigisse. Verum ante Lowerum, Highmorus (n) rem ad hunc modum tradiderat: Bifurcatus cavæ (ex corde) exortus, in posterioribus juxta vertebra perspicitur. Interne vero, quasi per cicatricem magnam caudices ambo essent conjuncti, striga quædam cartilaginosa in medio venæ transversim eminet; multum cavatiss obstruens, & in medio ostii ad cordis ventriculum ducentis aliquantulum oblique adstat. In aliis quibus ad modum valvulæ se habet; quæ est velut paries intergerrinus, sanguinem sursum affluentem, a sanguine deorsum elabente dirimens, & utrimque illum ad cordis auriculam dirigens. Hæc ab Auctore utroque doctissimo, additis etiam Iconismis, proposita sunt: quæ sicuti cum Valvulæ Eustachianæ officio aliqua ex parte conveniunt; ita cavendum, ne cum ipsa forte confundantur: quod ne fiat, etsi cum descriptio, tum vero etiam magis ipsa rei prohibet delineatio; tamen duo sunt Clari Viri, a quorum altero suspicor, ab altero video esse factum.

43. Cæterum Loweri descriptio ut in iis maxime animantium generibus locum habet, in quibus minus ipse habere, censebat; ita ad id quod quærebat, magis fortasse potest accommodari. Nam in quadrupedibus, ac nominatim in vervece, & capella, inveni quidem interjectum venæ utrique Cavæ, ad dexteram cordis auriculam confluenti, angulum, seu mavis tuberculum satis prominens, atque renitens, ut quod adjecto extrinsecus adipe firmabatur. In homine vero, in quo majus, longeque eminentius esse, affirmat Lowerus, nunquam memini ad illum modum vidisse. Itaque jam diu est cum eam mihi suspectam esse descriptionem, aliasque substitui posse Figuras, indicavi (o). Equidem haud inficias eo, quod in adolescentula vidit Cl. Schulzius (p), Tuberculum extans, & *tale omnino, quemadmodum in vitulorum cordibus invenitur*, idem, vel majus Lowerum in cadavere aliquo humano videre potuisse. Hoc tantum dico, multo illud rarius in hominibus, quam Lowerus, & plerique passim existimarunt, esse oportere. Ut enim mittam, in earum Figurarum Explicationibus (q) quæ ad Drakii Anthropologiam Appendicis loco additæ sunt, Anatomicos diserte admoneri, esse id peculiare, quibusdam quadrupedibus; sed non inveniri in humano corpore; ut fileam, Experientissimum Heisterum (r) in hoc *nunquam observare potuisse*; certe cum meas ipse, hujus rei gratia habitas in decem humanis corporibus, observationes relego, vix unam, eamque olim institutam, reperio, in qua Cava utraque ad angulum, neque hunc obtusissimum, convenirent, quem pinguedo, extrinsecus adjecta, inæquabat. Verum in cæteris; etsi eorum nonnulla præpinguia erant; aut nihil pinguedinis ibi inveni, aut siquid inveni, eum angulum farcire non poterat, qui aut nullus erat, aut fere nullus, cum venosus ille paries qui hiantis ad auriculam utriusque Cavæ orificia a dextra & posteriore parte conjungit, non ad angulum flecteretur extrorsum, sed potius rectus pergeret, aut quasi rectus, imo introrsum nonnunquam curvaretur ad eum fere modum ad quem; omnibus, ut in vivo, distentis, *Sacculi membranosi* nomine Solertissimus Ruyschius (s) delineavit.

44. De *Striga* autem illa, quam Highmorus (t) *cartilaginosa* dixisse, censeo, non quia cartilagineæ naturæ crederet, sed ut ejus potius renixum ac firmitudinem significaret, hoc unum habeo quod dicam: ejus nomine haud aliud accipere potuisse, quam quod Vieussenius (u) *Isthmum* postea vocitavit. Certe in aliquibus humanis cadaveribus magis id corpus prominet, in aliis minus, in aliis minime, & Vieussenius ipse hanc esse fatetur plerorumque Anatomicorum sententiam, ut Isthmus illa eadem præstet quæ videlicet Highmorus scripsit suam Strigam præstare. Neque tamen est cur, Loweri delineationis, & descriptionis (x) obliti, arbitremur, eundem quoque fortassis hoc ipsum corpus Tuberculi nomine designavisse. Isthmus enim non est ejuscemodi angulus, exterius cavus; sed interior & introrsum curvus fascis est compactissimarum fibrarum, hisque suam prominentiam debet; pinguedini autem ne debere quidem potest.

45. Hactenus scripseram, cum diu exoptata Commentaria A. 1725. Regiæ Scientiarum Academiæ Parisiensis, apud Belgas recusa, a Professore autem Doctissimo Hieronymo Davide Gaubio ad me missa, tandem aliquando accipiens, propositas a Præstantissimo Winslowio legi Eximii Anatomici Verneyi Eustachianæ Valvulæ Observationes. Dici non potest, quantum hujus admiratus sum constantissimam diligentiam, aut quantum ingenuitatem illius sum, candoremque amabilem exosculatus, qui & modicum eorum numerum in quibus hanc Valvulam ante inspectaverat, & in magno eorum in quibus postea vidit, sincere fassus quid a priore sua, præsertim de Valvulæ usu, ingeniosa alioqui sententia discreparet, de hac aperte decedere, raro quidem, sed Viris Summis, ejus similibus, dignissimo exem-

(g) n. 30. (h) n. 38. (i) l. cit. Propos. 36. (k) n. prox. super. (l) Propos. cit.  
(m) Traët. de Corde c. 1. & Tab. 2. Fig. 1. & 2. (n) Corp. hum. Disquis. l. 2. P. 2. c. 1. & Tab. 12. Fig. 3. & Tab. 13. sub L.  
(o) Advers. V. Animad. 15. (p) Commerc. Litter. Spec. 5. n. 1. (q) pag. 4. (r) Compend. Anat. Not. 41.  
(s) Ad Epist. Problem. Tab. xi. Fig. 3. & 4. (t) Vid. supra, n. 42. (u) Traité du Cœur ch. 8.  
(x) Vid. n. prox. super. ad (m).



exemplo, non dubitavit. Nam ex quadraginta circiter in quibus Verneyus observavit, corporibus, hanc una cum ipso Valvulam in undeviginti (an uno & viginti?) contemplatus, quorum octo Foramen Ovale apertum, tredecim occlusum habebant, non in omnibus, aut plerisque illorum integriorem atque latiore, horum autem angustior rem invenit; imo deprehendit, ejus majorem latitudinem nec illius Foraminis hiatui, nec minori ætati respondere. Siquidem ex illis octo, quatuor infantes omnium minimi, Valvulam ostenderunt non multo plus occupantem, quam trientem orificii venæ Cavæ; imo vix unus paulo plus triente, trientem alter, duo reliqui infra eam latitudinem: Quatuor autem, biennio his, aut triennio majores, ita habuerunt, ut in duobus dimidium circiter orificii contereret, in totidem minus. Sed ex tredecim quibus clausum Foramen Ovale fuisse diximus, etsi unus, isque biennis, prætenui & angusta Valvula præditus fuit, tres vero adulti non sane majori, quam ut quadrantem circiter orificii in duobus teneret, in uno vel minus; in plerisque tamen reliquorum lata admodum Valvula reperta est. Nec vero solum in duobus qui septuennies fere videbantur, dimidium circiter occupabat venæ orificii; sed in adulto usque adeo erat lata, ut id occludere orificium posset; suoque reticulo instructa erat: quæ duo de hac una, tot inter quæ ibi memorantur, Valvulas relata invenio. Quæ cum ita sint; nequaquam me pœnitet has omnes cum meis, quæ supra (y) tibi expositæ sunt, observationibus comparantem, longam earum seriem desiderasse; prius autem quam hanc haberemus, neque ullum iudicium interposuisse, & eas dumtaxat conjecturas ac suspiciones protulisse, de quibus te malo existimare, quam me plura dicere.

46. Nunc quando satis, ut in præsentia, expedi vi quæ de Eustachiana Valvula, aliisque rebus ejus occasione ad te perscribenda videbantur; nonnulla præterea quæ proxima sunt, & quæ, magnam partem, supra tibi pollicitus sum; priusquam ad Valsalvæ revertar observationes, adjiciam. Attinebant illa ad Ovale Foramen, cui præfectam membranam adhuc Valvulam nuncuparem, & hanc, adversus Ridleyi observationes, a parte inferiore solutam in fene fuisse, dicerem, & inferiorem quidem partem, ut Ridleyus intelligit, quæ basi cordis propior est, non aliam, intelligerem (z). Quod igitur hic Valvulæ appellatione utar; videlicet facio, non quod ignorem, alium huic esse positum, & si vis, etiam formam ac iis valvulis quæ intra venas sunt (quis enim id minus ignorabat, quam Fabricius noster? qui tamen (a) non fecus hanc, *valvulam*, seu *ostium*, quam illas, appellavit) sed quod sciam, sine illa etiam forma, Tricuspidēs, ac Mitrales, valvulas & esse, & dici; valvularum autem satis præstari officium videam ab iis quoque sive corporibus, sive valvulis, quæ foramen aliquod tunc obtegunt, non cum a parietibus dimoventur, suumque rebus arcendis sinum obvertunt, sed cum potius contra disponuntur; ut ab Epiglottide; quam ideo valvulis fuisse scio ab nonnullis annumeratam; cum ciborum in laryngem; ut a valvula, Thoracici Ductus extremo orificio imposita, cum in hoc sanguinis ingressum prohibet; ut pariter a valvula quam sæpius venæ Coronariæ ostio extrinsecus, diximus (b), esse præfectam; quin etiam a valvulis omnibus, quæcunque in venarum majoribus ramis sunt aut oscula influentium ramusculorum constitutæ, cum sanguini obstant, ne a majoribus caveis in minores divertatur. Quid? quod pro parte Septi auricularum, aut venosorum Saccorum habere facile non possum membranam, ut in fœtibus videmus, tenuem, non firmis lacertis contextam, sed vix carneas fibrillas, si objectam lumini spectemus, ostendentem, quales in aliis quibusdam valvulis perspicimus; præterea illam interdum fibrillarum dissolutionem in extremo suo limbo exhibentem, qualem in limbo valvularum arteriæ Pulmonaris, & Magnæ, venæque item Coronariæ aliquando conspici, supra (c) diximus; denique eundem limbum nonnunquam per

Morgagni Epistola Anatomica.

certas quasdam chordulas sic ad parietes alligatum obtinentem, ut Mitralium, & Tricuspidum valvularum limbum alligatum videmus. Et de his quidem chordulis alibi (d) a nobis scriptum est, ut in vaccinis fœtibus inveniuntur, in quibus ut Ridleyus (e) semper conspexit; sic in humanis *semper deesse*, affirmavit. Nos tamen de horum tredecim, aut quatuordecim binos vidimus, in quibus unam satis firmam chordulam ejusdemmodi, eodemque modo hinc medio fere ei limbo, hinc facci venæ Pulmonaris anteriori parieti connexam deprehendimus, & iis qui aderant, demonstravimus. Illorum primus novimestris erat; alter octimestris fuit, optime uterque conformatus, atque nutritus. Vides igitur, aliqua saltem ex parte (neque enim omnia producere nunc vacat) quibus de causis nobis adhuc licitum esse, credamus, in hujus membranæ officio conjiciendo, & quod consequitur, in usitata Valvulæ appellatione retinenda, Galeni potius, quam Vesalii, iudicium sequi.

47. Ille enim (f) cum primus omnium quos nunc habemus, Anatomicorum de hoc Foramine verba faceret, diserte docuit, Naturam membranæ quandam in eo instar operculi esse machinatam, quæ ad pulmonis vas facile resupinaretur, quo sanguini a vena cavæ impetu affluenti cederet quidem; prohiberet autem, ne sanguis rursum in venam cavam reverteretur. Et quanquam Vesalius (g) existimavit, eam membranam materiam potius esse quæ foramen id, fœtu in lucem edito, opportune claudatur, quam ut sanguinis in cavam venam refluxui obset; Carcanus tamen (h), qui hæc sane diligenter examinavit, facile perfecit, ne a Galeni sententia discederetur. Nonnulla etiam addidit, ut membranam majorem esse ipso Foramine, idque ob illud munus suum obeundum; ut universæ (a parte venæ Pulmonaris) Foraminis regionie esse connatam: præterquam in regione illa quæ cavitatem vel potius scrobes auriculæ sinistra respicit; nam Galenus (i) ad solam quidem radicem firmatam, reliquum vero totum corpus in vasorum cavitatem pendulum dixerat. Quid verbis opus est? Ipsum permovisse videtur Arantium, ut ex sui de Humano Fœtu libelli capite X. ea tolleretur quæ perperam de hac, alteraque vasorum cordis conjunctione, fœtuum propria, primum ediderat, eorumque loco alia substitueret, in quibus illud est, hujus conjunctionis formam, quartam circuli partem repræsentare. Quo referendam esse video Ridleyi (k) observationem: Valvulam, Foraminis margini undique adnecti, servata solum quarta plus minus parte ad imum istius Foraminis aperta.

48. Verum hoc addit Ridleyus, quod & Iconibus illustrat, Foraminis aperturam ab imo illo situ quem in utero servarat, altius aliquantulum scandere in infante recens nato, & per paucula momenta respiratione uso; --- adhuc autem altius --- in fœtu tres septimanas nato; & denique in supremam partem, ut plane inversa in corde adulti appareat: ex quibus tum situs, tum quæ hinc consequuntur, directionis transeuntis sanguinis mutationibus repetere causam docet, Viris Cl. probantibus, quæ prorsus demum Foramen illud claudatur. His Ridleyi observationibus meam quidem fateor adversari, quæ senis Foramen a parte inferiore patens invenit. Tamen hoc ipsum ad ejus sententiæ confirmationem potes fortasse convertere; si ideo Foraminis hiatum mansisse dicas, quod eum quem in utero habuerat, situm causa aliqua, quæcunque ea fuerit, mutare prohibuit. Utinam vero æque possemus plures alias meas observationes Ridleyi observationibus conciliare. Haud equidem inficias eo, quod in V. Adversariis (l) proposui, me ad anticum supremumque Ovalis Foraminis marginem adhuc apertam sanguini viam in adultis pluries vidisse. Quin ultro addo, ibidem postea in aliis quoque animadvertisse.

At vero in fœtibus alibi eam viam, quam ubi Ridleyus docuit, sæpius invenire solitus sum. Siceorum quatuor in quibus, supra (m) dixi, Eustachianam Valvulam mihi esse quæsitam, nullus fuit in quo is hiatus non esset ad anteriora, hoc est, vix paulo inferiorius quam Ridleyus in tres septimanas nato delineat (n).

Tamen eorum neminem respirasse, constabat. Sed & duæ, quæ septimo fere mense ex utero simul exierant, & quadrantem horæ circiter vixerant,

C c

ad

(y) n. 28. 29. 30. (z) n. 29. (a) De Formato Fœt. P. 1. c. 10. & P. 2. c. 8. (b) n. 22.  
(c) n. 19. & 20. (d) Advers. I. n. 20. (e) Vid. Aft. Lipf. A. 1705. M. Mart.  
(f) De Usu Part. I. 15. c. 6. (g) Exam. Obs. Fallopp. (h) Anatomic. I. 1.  
(i) e. cit. (k) loc. cit. (l) Animad. 16. (m) n. 30. (n) loc. cit. Tab. 4. Fig. III. sub num. 3.



ad illum eundem locum habebant. Alios fileo, de quibus, cæterisque rebus ad hoc Foramen attinentibus, alias sermonem habeo; cum satis hæc sint ut intelligas, etsi Ridleyus sic ut proposuit, rem observavit; etsi ego quoque interdum, & præsertim in foetu quinque, aut sex mensium, magis ad inferiora vergentem hiatus invenerim, atque ita propemodum se plerumque habere, olim existimaverim; tamen rem poscere, ut iterum ac sæpius diligenter quærat, priusquam sic esse omnino ut Ridleyus docuit, statuamus.

49. Quod autem eam Foraminis partem quæ basi cordis propior est, inferiorem adhuc vocitem; non aliam scias causam esse, nisi ut mihi constem, qui cordis auriculas, & ventriculos pergam Dexterum, & Sinistrum appellitare. Hoc vero nullus dubito quin a me fieri censeas, non quod verum in homine cordis positum ignorem, sed quod nomina a priscis illis Hippocratis, Aristotelisque, tum deinceps Ruffi, Galeni, & Avicennæ temporibus ad nostra usque fideliter quasi per manus tradita, & constantissimo omnium usu servata, ægre deferam, nec sine aliquo interdum metu, ne, aliter si facere incipiam, a multis difficile quæ loquar, aut scribam, intelligantur. Attamen in re tanti momenti, quanti est cordis positum, & sedem cognoscere, duo prætermittere non possum: alterum, quid post Anatomicos tot veteres, & recentes, ipse quoque, eorum secutus vestigia, de iisdem rebus observaverim: alterum, qua tamen ratione mihi videar quadantenus posse, & quorum exemplis omnino posse eas appellationes retinere. Pericardium (ab hoc enim juvat incipere) Anonymus quidem Græcus (o) septo transverso annecti, indicavit, cum operiri cor involucro membrane pinguiusculo, ac crasso, scripsit, qua mediastino adnectitur & diaphragmati. Verum multo antea quam Petrus Lauræbergius *Anatomicam* Græci *Isagogen* in lucem proferret, Andreas Vesalius (p) aliquanto plenius quatenus, & in quibus id fieret, his verbis docuerat: pericardii mucro, & dextri ipsius lateris egregia portio septi transversæ nervæ circulo validissime, amploque admodum spatio connascitur, quod hominibus est peculiare. Tamen Professorum multi, & in his ipse denique Vieussenius (q), nullam, nisi mucronis pericardii septo adhærentis, mentionem fecerunt. Orlobius quidem (r) admonuerat: habere pericardium hoc peculiare in homine, uti nuper quoque autopsia confirmavit, quod parti diaphragmatis tendinæ a mucrone basin versus, palmam fere firmissime adhærescat. Sed ne ipse quidem, ut vides, nedum illi alii, extra tendineam septi partem cohæSIONem hanc promovere. Primus, quod sciam, Vir Doctissimus Joannes Fantonus (s) non centro tantum, ut ajunt, nervæ sed utrinque etiam carnosæ parti diaphragmatis firmiter cohære pericardium, proposuit; quamobrem etiam confirmavit, non apice tantum, sed latiore quadam sui parte ibidem alligari. Hæc deinde pars qua esset longitudine, & qua figura, Viri Experientissimi tradiderunt Winslowius (t), & Cantius (u), quorum ille „ annecti „ diaphragmati lateraliter, hoc est non peripheriam, do mucronis sui, sed tota sua longitudine; „ Cantius autem pericardium diaphragmati triangulariter connasci, scripserunt.

50. Horum ego omnium diligentia incitatus ad veteres meas observationes repetendas, cum illud iterum, tertio, quartoque conspexi quod me olim observasse, in V. *Adversariis* (x) testatus eram, etiam carnosæ diaphragmatis anteriori substantiæ adhære pericardium; tum hæc speciatim in duobus tribusve, quæ accuratius incidi, virilibus cadaveribus animadverti. In uno affixum erat toti illi tendinæ parti septi transversæ, quæ satis lata ad anteriora procurrit, & carneæ quoque, sed minorem ad tractum, portioni quæ tendinæ illi parti tum anterior, tum dextro ab latere proxima est. In altero utrique illi parti sic adhærebat, ut carneæ per affixum sibi pericardium translucens, triangulum satis magnum repræsentaret, cujus anterior latus duos fere digitos ab anteriori distabat ora diaphragmatis, in tabula extensi. In tertio autem, in quo hunc pericardii nexum vel diligentius inspexi,

cum omne quo annectebatur, spatium, exsecto reliquo pericardio, jam inde a principio animadvertissem ad trianguli formam accedere oblongi, neque ita angustæ, cujus basis a dextris erat, vertex a sinistris, facile deprehendi, ex dimidia circiter parte ad tendinem; ex altera ad carnem diaphragmatis pertinuisse. Incipiebat adhæsiō ab ea tendinis regione quæ est ad foramen venæ Cavæ: quanto autem magis trianguli anterior latus sinistrorsum demum pergebat; eo latior fiebat nexus cum parte carneæ, qui etsi cum hac minus erat firmus quam cum tendinea; utrobique tamen scalpello erat opus, ut ab ipsa diaphragmatis substantiâ pericardium, cum pleura videlicet ibi connatum, divideretur; ut postea, non sine assensu, Lancisium (y) legerim negantem, solis digitis hanc adhæsiōem tolli posse. Hanc autem vidit ipse Lancisius (z) non in centro solum ejusdem diaphragmatis, sed lateraliter quoque, ac eo præsertim loco, ubi Inferior Cava septum perforat. Cujus venæ summam ab eo loco ad basin cordis breviter ut Tabula aliqua (a) satis propemodum subindicavit; sic minime dubito, si extremam ipse manum imponere præclaro Operi potuisset, quin fuisset inde sensurus, non posse intra pericardium cor erectum, suspensumque manere; sed necessario incubare diaphragmati, & hinc esse quod huic non mucro tantum, sed bona, ut viderat, pericardii pars connascatur. Hæc certe me ejus brevitas Cavæ, & loci cui tanta pericardii pars connata est, animadversio ad veram cordis sedem, & positum cognoscendum pene ante perduxit, quam sæpe iterata cordis ipsius, suum adhuc locum obtinentis & in adultis, & in foetibus observatio, ventre quidem plerumque intacto, cadavere autem interdum quoque tanquam ad sedendum erecto. Nam quod ventre aperto, hujusque visceribus detractis, ut ferebat publicæ dissectionum series, tum demum recluso thorace, & pericardio, inspicere cordis situm plerique Anatomici solebant, cum videlicet diaphragmati nihil infra jam obstabat quo minus ultra omnem vitæ, & naturæ modum descenderet; hinc non postrema causa extitit, ut opinor, cur pensile, quemadmodum tunc videbant, secundum naturam cor esse, existimarent.

51. Eorum autem quæ vidi, summa hæc fuit. Revera septo transverso cor incumbere ea facie quæ vocitari posterior solet, quæque propterea quasi complanata, & sima est, ut ei septo melius respondeat. Gibba autem facies ita simæ oppositum habebat situm, ut cum ventriculi utriusque pars ad utramque cordis faciem pertineat, eorum is qui dexter appellatur, anterior, & propter fornicatam diaphragmatis acclivitatem inferior; qui sinister, posterior, idemque superior nominandus potius esse videretur. Imo hic, in quibusdam præsertim, adeo superior, ille autem inferior videbatur, ut ab hac quidem convexa facie utriusque pars ventriculi æque anterior posset reputari. Cæterum etsi cor quasi in transversum jacebat; nonnihil tamen antrorsum mucrone declinabat; basis certe ita erat oblique posita, ut dexterum quidem, sed superius, thoracis latus respiceret. In homine igitur eum quem diximus, cordis positum, eamque sedem observavimus. Verum longe aliter res in quadrupedum genere se habet. Certe in muribus, gliribus, erinaceis, porcellis Indicis, leporibus, felibus, canibus, vulpibus, capris, aliisque ejusmodi quæ nos quidem persecuimus, cor non modo septo transverso non innixum, sed ab eo distans conspeximus: quamobrem iis longior quam nobis, vena Cava Inferior intra thoracem continetur. Propius tamen diaphragmati, quam collo, in iis comperi, in quibus diligentius observavi. Et quanquam in resupinatis, ut ad anatomen fieri solet, in medio secundum latitudinem thorace directum fere videtur positum; in nonnullis tamen, & nominatim in porcellis Indicis, inclinare vidi ad sinistram; in aliis vero, ac præsertim in leporibus, mucronem sterni regioni satis vicinum habere; ut in iis, aliisque ejusmodi bestiis, corpore, dum vivunt, in eo quem Natura tribuit, situ collocato, cor non totum quidem, neque diaphragmati, ut

in

(o) c. 29. Isag. Anat. (p) De corp. hum. fabr. l. 6. c. 8. (q) Traité du Cœur, ch. 1. (r) Hist. Part. Differt. 9. n. 4.  
(s) Anat. corp. hum. Differt. xi. (t) Memoir. de l'Acad. R. des Sc. A. 1715. (u) Impet. Anatom. Tab. 4.  
(x) Animad. 13. (y) De Motu Cord. l. 1. Propos. xi. (z) Ibid. & Propos. 6.  
(a) Ibid. Tab. 3. Fig. 1. supra D mediam, & Fig. 2. supra C inferiorem.



in nobis, sed ex parte incubare pectori, existimem, quò proprio pondere adducatur.

52. Etsi vero boves inter eas bestias non memoravi; non habeo tamen cur de ipsis aliter censeam. Nam licet Bauhinus (b) esse scribat, qui pericardium ut homini, sic bobus cum septo transverso connexum observariint, & Riolanus (c) (hunc autem puto a Bauhino designari) id se observasse, confirmet; mihi certe mediastini extremæ laminæ, trium inter utramque digitorum transversorum spatio interjecto, ipsæ quidem diaphragmati annexæ occurrunt, inum vero pericardium transversum saltem pollicis intervallo a diaphragmate remotum occurrit, idque in foetu bubulo; ut non facile videam quomodo in adultorum boum corporibus, cum id intervallum tanto esse majus debeat, nullum esse secundum naturam possit: neque sane bobus brevius quam cæteris ejusmodi quadrupedibus, pectus contigit; quæ nimirum esse videtur causa, cur nequaquam istis, ut homini, pericardium septo transverso annectatur, nec eidem septo cor incumbat, nec adeo simam illam faciem habeat, quam vocant posteriolem. Sic enim juvat intelligere quod adnotavit Cel. Ruyschius (d): scilicet in corpore humano cor diaphragmati ita incumbere, ut illa ejus pars, quæ id attingit, quasi incumbens suo pondere, compressa esset, quod nunquam, inquit, in quadrupedibus pronis obtinet. Nam etsi alibi (e) vel magis generatim scripserat, cor brutorum pyramidem representare plane rotundam; nos autem plane conicum haud invenimus non modo in avibus, ut gallinis, & hirundinibus; quibus utraque facie compressum vidimus, aut anatibus, & merulis, quibus a tergo etiam magis; sed ne in porcis quidem ipsis, & canibus, in quibus videlicet aliquanto minus convexum a tergo animadvertisse meminimus; tamen æquum est Viri Cl. & in iis ipsis de quibus hic agimus, rebus illustrandis non postremi, sic verba accipere, ut non ita disparem utriusque faciei cordis convexitatem in quadrupedibus agnosceret, quippe quorum, non ut hominis diaphragmati cor incumbere; imo ob majorem pectoris longitudinem ab eo distare, atque aliter locari oportuerit.

53. Cum autem hoc tantum in sede, & positu ipsius cordis inter bestias atque hominem intersit discrimen; nollem Sydenhamio non ignobili, neque imprudenti aliquin Scriptori, sed nimis fortasse, haud insolito generis humani vitio, ea in quibus ipse non excelleret, parvipendenti; nollem, inquam, excidissent verba illa (f): Porro hæc scientia (necessaria videlicet Medico, & Chirurgus humani corporis notitia) cito, & facile acquiritur, cum id præ cæteris difficilioribus habeat compendii, quod avroscia in cadaveribus vel humanis, vel animalium quorumlibet perdiscatur, idque nullo fere negotio, etiam ab iis, qui mente, ac judicio minus valent. Cujus enim mentis, ac judicii fuerit hæc, hæc, inquam, dumtaxat verba scripsisse, cum innumera alia, etiam me tacente, satis ostendunt, tum vero illud quod modo dicebam, vel planissime demonstrat. Nam exteriore ipso belluini, & humani pectoris discrimine homo acutus, & acriore quam alii, judicio præditus, excitari debebat ad dubitandum, num ex animalium quorumlibet cadaveribus perdiscere sedem, & positum liceret, quem Natura in homine attribuit, non alicui alii visceridico, sed præstantissimo illi, ac certe maxime necessario, cordi. Verum cæteris Sydenhamii meritis hujus iniquitatem judicii eo facilius, ut opinor, Anatomici remiserunt, quod de quo judicat, id in eo ipso cur judicat, satis significat se ignorare. Et sane promiscuus cadaverum sive bestiarum, sive hominum usus ad humani corporis notitiam assequendam, & alios de quibus alibi (g) scripsimus, & hos præfertim de cordis sede errores gravissimos invexit. Unde alii deinceps in utraque Medicinæ Parte pullularunt, ut puta cum a magnis vasis, & mediastino suspensum cor plerique esse docuerunt, quò liberius, quasi instar Penduli, suis agitari motibus posset, vel cum alii in nonnullis ægrotantibus cor is sua sede super diaphragma prolapsum (quasi a Natura non esset

ibi collocatum) scripserunt, novum; si Superis placet; in re maxime secundum naturam morbi genus comminiscentes. Interdum quidem cor locum mutasse, observatum est, ut cum pro sinistra dexteram magis thoracis partem occupabat, sive id a primordiis esset, ut in Regina Gallorum Maria Medicæ, in viro Nobili, in sedecim mensium infante, de quibus Riolanus (b), in famulo, de quo apud Panarolum (i) Marcellus Luccius, in sicario, de quo apud Pecquetum (k) Jac. Mentelius; & apud Cattierium (l) Ant. Bertrandus, in muliercula Oschatzensi, de qua Frid. Hofmannus major (m), in milite, de quo Joannes Mercurius (n), antea vero in D. Audranio, cujus mentionem nunc primum video apud Cel. Winslowium (o), & denique post hos omnes, aliosque fortasse, in viro Florentiæ dissecto, de quo in Ephemer. Litterator. Italiæ (p) legendus est Cl. Jo. Bapt. Felicius; sive corde vi in dextrum latus compulso, quod nonnullis accidisse, credibile est, quos affectu pessimo in sinistra parte orto hoc symptoma contraxisse, ut cor solum in dextro latere pulsaret, observavit Cardanus (q); viditque Bonetus (r) anniculum puerum, cui ab abscessu in sinistro thoracis latere, cor ad dextrum latus fuit detrusum, in quo pulsus deprehendebatur, qui & non multo post, ut duo quoque illi Cardani ægroti, interiit. Sic & retrorsum, antorsumve urgeri cor potest; imo etiam suo pte, nimis aucto, pondere, & laxatis, ut in istis posterioribus exemplis, pericardio, mediastino, vasis magnis, atque adeo ipso interdum septo transverso, illuc descendere, ut ejus pulsatio circa ventriculi fere regionem sentiatur. Ejusmodi enim prolapsus, ut post Felicem Platerum (s), Antonius de Pozzis (t); alique observarunt, revera pati cor potest. Eius autem sede super diaphragma cadere, aut ad hoc usque retrudi; quasi ipsum antea non contingeret, eidemque non incubaret; ut in bestiis possit; in homine certe non potest.

54. Humano enim cordi quasi fulcrum natura datum est diaphragma; ut Medicos potius oporteat considerare, quantum ab hujusmodi fulcro ut sæpe utilitatis, sic nonnunquam detrimenti capere tale impossum viscus queat. Nam & notum est, & sæpe etiam nobis experimento comprobatum in viperis, ac quibusdam piscibus, postquam resectis, imo extractis visceribus cor diu micare perrexerit, eoque jam res deducta sit, ut omnino conquiescat, si tunc vel levi tactu incitetur, intermissum motum recipere atque instaurare: quod in avulsis etiam ab reliquis visceribus, & mensæ anatomicæ imposito cyprinorum corde experti sumus: itemque in erinaceis, & in canibus, jam moribundi, longisque intervallis pulsantis cordis apicem stimulantibus, continuo, & quam creberrime alternos suos repetere constrictionis, & dilatationis motus, interdum, spectavimus. Quidni igitur suspicari liceret, humanum cor ab diaphragmatis, super quod propterea jaceat, motibus secundum naturam quidem se habentibus, secundum naturam adjuvari; aut vicissim ab iisdem præter naturam auctis, acceleratisque, aut imminutis, ac retardatis; præter naturam magis, aut minus incitari ad suos quoque motus vel fortius, crebriusque, vel infirmius, rariusque expediendos: hinc autem consequi, ut opportune aucti, incitatieque diaphragmatis motus, cordis motum augere possint, ac incitare, atque adeo interdum (ut puta cum sternutationem certis in casibus ciemus) jam deficientem restituere. Sed ne forte Natura brutis animantibus fuisse noverca videatur, quorum corda ejusmodi fulcro, atque adjumento privarit; si quod supra (u) indicatum est, attenderimus, nimirum videri illorum corda pectori ipsi ex parte incubare; tunc, opinor, qua ratione & fulciantur, & externo motu ad motus incitamentum non omnino destituantur, satis fortasse intelligemus: quamquam & pulmones, quibus magis quam cor humanum, interjiciuntur, supplere id possint, quod alioquin utile dumtaxat; non necessarium; esse cogito, haud ignarus, cordis motum, vel in nobis, ante explicatum septum transversum incipere, ac sine ejus motu in utero conservari. Hæc cum scripsissem; Dissertationem

Morgagni Epistolæ Anatomicæ.

C c 2

nem

(b) Theatr. Anatom. l. 2. c. 16. (c) Anthropogr. l. 3. c. 7. (d) Advers. Anatom. Dec. 1. c. 6. (e) Theaur. Anat. 4. p. 96.  
(f) Tract. de Hydrope. (g) Adversar. Anat. l. n. 16. (h) Anthropogr. l. 3. c. 12. & Rav. Observ. Anat.  
(i) Medic. Observ. Pentec. V. Obs. 7. (k) Experim. Nov. Anatom. (l) Observ. Medicin. 17.  
(m) Cardianastroph. p. 1. art. 7. n. 1. (n) Vid. Acta Lips. A. 1690. M. Aug. (o) Memoir. de l'Acad. R. des Sc. A. 1733.  
(p) Tom. 38. (r) Art. Curandi parva. (s) Sepulchret. Anat. l. 2. Sect. 8. ad Obs. 24.  
(t) Observ. l. 3. (u) Ephemer. Nat. Cur. Dec. 1. A. 4. Obs. 40. (u) n. 51.



nem legi Viri Ingeniosissimi, & adversus me, etiam cum dissentit, longe humanissimi, qua in Dissertatione positum est, diaphragmatis medium esse immobile oportuisse, ne cor fulcrum haberet quod assiduis concussibus esset obnoxium. Ego vero etsi ut alia quaedam in re, ita in hac quoque aliter mihi observasse videor, & iis qui aderant, ostendisse, & praesertim mediam quidem a sterno ad vertebrae diaphragmatis portionem inter inspirandum aut nihil, aut vix descendere; sed eam esse multo angustior, quam ut ob laterales, adeo tunc descendentes, ut aliquando deorsum versus ex cavis convexae fiant, nulla prorsus humani cordis; in latus sinistruum se extendentis (x), accidere debeat, coagitatio; tamen Clarissimo Viro non hic pertinaciter refragabor. Veritas quam ambo unice quaerimus, vel priusquam ego quae de Diaphragmate, & Thorace, eorumque motibus scripta habeo, perficiam, & in medium proferam, se fati ipsa per se prodere iis poterit qui constanter, & sine partium studio explorabunt. Nunc ad propositum revertamur.

55. Ex iis quae de alio in bestiis, atque in homine, cordis positu, & sede memorata sunt, proclive est cognoscere, *dexteri*, & *sinistri* ventriculi appellationes in illis quidem maxime, in homine autem vix convenire. Quod nisi in eo transverso positu humanum cor nonnullam tamen, ut saepius vidimus, obliquitatem haberet; iis de nominibus, si res tantum spectanda esset, actum foret, omninoque oporteret pro dextero anteriorem, aut inferiorem ventriculum; pro sinistro posteriorem, aut superiorem vocare. Sed quoniam, ut supra (y) indicatum est, dubitatio aliqua esse posset, utram ex his novis appellationibus in usum trahere praestaret; basis autem cordis ita dexterum spectat corporis latus, ut simul superius, mucro ita sinistruum, ut simul inferius, & anterius nonnihil respiciat; vides, aliquam superesse rationem, qua antiqua illa nomina humani cordis partibus conservemus. Neque enim sic esse vel leviter obliquum potest, quin sinister ventriculus dextero sit paulo sinisterior, auricula autem dextera, quae inter cordis partes maxime omnium dextero lateri vicina est, sinistra aliquanto dexterior sit. Quod si ne haec quidem ratio nobis restaret; exempla tamen eorum permoverent qui, ne quenkumque turbarent legentium, cum aliis in Partibus, tum in corde ipso usitata vocabula constantissime servarunt. Nam & *Duodenum* intestinum ex iis etiam multi dixerunt qui brevius duodecim transversis digitis esse, censabant, & *Coracohyoideum* musculus appellant multi qui tamen ex processu coracoide sciunt non oriri. Sed in corde ipso haec ipsa de quibus agimus, nomina vide, amabo, quot, & quam graves, ac clari Viri, cum ea quae nos, de humani cordis sede ac positu scirent, tueri tamen, ac retinere maluerint. Aspice, quo Ruyschius situ jam A. 1704. (z) aut si mavis, 1696. (a) cor humanum repraesentaverit. Num propterea aliis, ac nos, vocabulis hanc, aut illam ejusdem partem designat? Exercitationem lege quam A. 1676. Praeside Pechlino, edidit Adolphus Cunn. Langelotus, de *Fabrica*, & *Uso Cordis*. Videbis quidem, cum alia ex iis quae supra attigimus, memorari, tum haec praesertim (b): neque *basim* humani cordis in *altum*, & *horizontaliter erectam*, neque *leviter adeo inclinam*; sed ita fere, ut, quod nuper adhuc a Pechlino ostensum, cum ipsa Sterni linea parallela videatur, nisi quod inferior basis pars ultra protuberet, superioris aliquantum sinistris vindicetur. Haec quoque, fateor, subjici videbis: si ille est basis situs; quam difficile videri, & contra naturam loci, saltem in homine ventriculos cordis in dextrum & sinistruum distinguere, quando, si oculata fidei tanta est autoritas, meliore jure in inferiorem & superiorem dividere liceret; sinistruum enim superiorem esse, dextrum inferiorem. Non tamen propterea videbis, in illa ipsa Exercitatione alias, quam dexteri, sinistrique ventriculi appellationes, usurpari.

Quid? quod non aliis nominibus usus erat Lo verus, qui tamen antea diserte docuerat (c), non *apici tantum humani cordis*, sed & *toti lateri applicari diaphragma*, eumque apicem in *sinistruum latus* vergere. Neque aliis (ut ab Recentioribus ad Veteres transeam) usus erat Columbus (d); quanquam minime ignorabat: *situm cordis in homine --- esse obliquum, etsi in brutis rectus existat; in homine supra septum transversum jacere; & illud tangere: sed in brutis non parum distare: basim ejus esse tantum non in dextro latere, at cuspidem sinistrorsum*. Sed quid clarius; quid omnibus manifestius, quam Vesalium (e) in ea Tabula, qua venarum simul, & arteriarum omnium integram delineationem complexus est, Eustachium autem in quibuscunque potuit Tabulis (f) positum, & sedem humani cordis ita pinxisse, ut jure ambo sint meriti Cantii laudes (g), & ante hunc, Eximii etiam Anatomici Winslowii (h), quorum alter delineando, alter describendo, egregie, siqui alii, & luculenter rem de qua agimus, proposuere. Nec Vesalius tamen, neque Eustachius antiquissima, & vulgatissima nomina propterea mutarunt, neque adeo, Solertissimi, quos modo laudabam, Viri, si eorum verba perpendamus, id necessario faciendum esse, censuerunt.

56. Habes igitur causas, cur in cordis partibus appellandis nihil mutem; simulque ab hac usque ad Vesalii aetatem qui potissimum ostenderint, se longe alium hominis, ac bestiarum, cordi locum, situmque tribuere. Caeterum num alii ante Vesalium id prorsus norint, caute est ex verbis Scriptorum existimandum. Nihil sane apud Majores crebrius legitur, quam *radicem* cordis, ut ait Mundinus (i), *declinare versus dextrum latus*. Quin imo Alexander Benedictus (k) vel ad hunc modum est locutus: *summam* cordis partem *dextrorsum spectare*. Non propterea tamen liquet, haec ita ab illis intellecta fuisse, ut cor propemodum in transversum jacere, existimarent; praesertim cum ipsum, non diaphragmati incubans, sed *in medio pericardii suspensum* Galenus (l) proposuisset, neque etiam tum quisquam, quod sciam, id redarguisset, quod alii postea diserte, etiam ante Riolanum, qui Cantio (m) primus ejusmodi sententiae auctor creditur, confirmavere. Illud quoque certum est, Aristotelem (n) docuisse, cordis partem *gibbam superiora corporis spectare*. Sed de cunctis animalibus, non de uno homine, & de tota cordis tum basi, tum proxima crassiore parte videri potest verba fecisse, non de altera cordis facie, quam unam designare solent Anatomici, quando cum Bauhino (o) ajunt, *anterius cor gibbum esse; posterius sinum*. Nam Aristoteles quidem postquam in animalibus omnibus tradidit, quo cor suo mucrone vergat, *at parte sui ampliore, & gibba*, inquit, *superiora corporis spectat*. Veruntamen Jacobus Berengarius, qui in Isagoge (p) posuit, partem cordis *gibbam superiora pectoris spectare*, cum alibi (q) fusius non modo suam, sed diserte laudati Aristotelis sententiam exponeret, docuerat, hanc *gibbositatem esse in loco ubi est ventriculus dexter*; & plurimis interjectis, haec quoque adjecerat: *debemus --- dividere latus dextrum cordis quod est in parte ejus gibbosa, ut introspeciamus ventriculum dextrum: ut vero sinistruum; viso ventriculo dextro, inquit, debes ire ad partem non gibbosam cordis: & eam etiam --- incidere a cuspe ad basim*; ut minime dubium sit, quin Berengarius quidem faciem, aut latus cordis intelligat. Huc illud accedit, quod ipse non cum Zerbo (r) tantum statuebat, ventriculum sinistruum esse in eminentiori loco, sed cum eodem quoque, & Avicenna (s), *basim ventris sinistri esse altiore* *basim ventris dextri*; & *basim ventris dextri descendere multum*. Quae quidem omnia etsi obliquum ostendunt; tamen cum satis aperte non significant transversum ferme situm cordis, & hujus super diaphragma jacentis; non ausim his tantum tribuere, quantum Vesalii, Eustachii & luculentissimis Iconibus, aut descriptionibus eorum de quibus est supra (t) commemoratum.

57. Caeterum quod ad basim attinet utriusque ven-

(x) Vid. Eustach. Tab. 15. Fig. 2. (y) num. 51. (z) Theaur. Anat. 4. Tab. 3. (a) Epist. Problem. Tab. 3. (b) artic. 4. (c) Traët. de Corde c. 1. (d) De Re Anatom. l. 7. (e) De hum. corp. fabr. l. 3. ad fin. (f) XV. Fig. 2; XVI. Fig. 1. & 2. Vid. & XXV. (g) Impet. Anat. Tab. 4. (h) Memoir. de l'Acad. R. des Sc. A. 1715. (i) Anat. cap. de Anat. Cordis. (k) Hist. corp. hum. l. 3. c. 10. (l) De Usu Part. l. 6. c. 16. (m) loc. cit. (n) Hist. Animal. l. 1. c. 17. (o) Theatr. Anat. l. 2. c. 20. (p) ubi de Corde. (q) Comment. in Mundin. 24. (r) Anat. tot. corp. hum. ubi de anat. ventricul. cord. (s) Canon. l. 3. Fen. xi. tr. 1. c. 1. (t) n. 55.



ventriculi, aliquid ipse in omnibus ad hoc tempus inspectis cordibus fatis, conspicuum, neque omni fortasse attentione indignum, observavi. Scilicet cum facies anterior cordis posteriore longior sit, ideoque basis cum adjectis auriculis ab illa in hanc faciem oblique declinet; maxima tamen & illius faciei longitudo, & basis acclivitas ad eum locum est, quo ex loco Pulmonaris erumpit arteria. Ibi enim anterior cordis facies in Prominentiam, quæ non exiguum quasi semicirculum refert, producit; quo fit ut illic ventriculus dexter multo plus quam aut ipse alibi, aut ventriculus sinister, excrefcens, suum cavum attollat, ac ultra commune universæ basis planum extendat. Quamobrem arteriæ Pulmonaris initium aliquanto magis a cordis mucrone distat, quam Magnæ, & illius valvulæ, quam hujus, sic ut diligentius inquirens aliquando, summis arteriæ Magnæ valvularum limbis pares fere ac respondentes invenerim infimas bases valvularum arteriæ Pulmonaris. Quibus ex omnibus intelligitur, sanguinem a debiliore ventriculo dextero in pulmones compulsum, a carneis fibris cordis quasi extrorsum se producentis, illumque aliquanto propius pulmones comitantis, adjuvari. Sed Prominentiam hanc, quam descripsi, & quæ eandem consequuntur, vel ipsa potius consequitur, ut minus attenderint Anatomici, id opinor, præter multam ibi sæpe pinguedinem, in causa fuit, quod ut reliquus ventriculi dextri paries exterior, ita hæc quoque ejusdem portio plerumque flaccida ac concidens invenitur, propterea paulo minus in oculos eorum incurrit, qui cor antequam observent, implere; aut farcire negligunt, ad eamque formam sic redigere, quam vegetum, & sanguinis plenum in vivente homine obtinuerat. Quod cum egregie, ut solet, præstiterit Celeberr. Ruyschius in eo corde cujus imagines edidit *Theaur. Anat.* IV. Tab. III; non est mirandum quod ibi (u) inter utriusque auriculæ anteriorem partem, hanc nos Prominentiam usque adeo præclare expressam agnoscamus, ut ab iis qui descriptionem hanc nostram legerint, nusquam illam spectari, quam ea in Tabula, malimus. Atque utinam ipse, aliarum rerum copia distentus, eam quoque in Tabulæ Explicatione indicasset, aut in libro descripsisset; hic nobis labor relictus non esset, eo tamen felicius, quod illius administratione, & delineatione, nostra descriptio luculentissime confirmatur, atque illustratur. Cæterum in omnibus in quibus quidem ad hoc tempus perquisivi, quadrupedibus animantibus hæc eadem inveni quæ in homine descripsi, eoque in nonnullis manifestius, quod minus flaccidum ventriculi dextri parietem offendi: quæsi autem in vitulis, in suibus, in felibus, in porcellis Indicis, in leporibus, in capellis, in vulpibus, in canibus; acciditque, ut in his præsertim postremis generibus duobus, sive quod cor flaccidius esset, sive quod revera singularis illa Prominentia in nonnullis corporibus minor sit, non æque hanc semper conspicuam deprehenderim; reliqua autem, ut in cæteris.

58. Cum hujus Prominentiæ causa anteriorem ventriculi dextri faciem in bestiis, atque in homine sæpius inspiecerem: nunquam mihi contigit, ut in hoc quidem *fibras* illas rectas viderem, quas per eam Lowerus (x) *sursum versus basim tendentes* delineavit. Quamobrem: si meas spectem observationes; quod illis de fibris in V. *Adversariis* scripsi (y), hic quoque possum confirmare. Quanquam neque ibi, neque hac in Epistola negaverim, alios fortasse aliter observare potuisse, præsertim in superficie sinistri ventriculi, de quo etsi aliter vel ipse indicavit Lowerus; ego tamen nihil, cum de rectis fibris loquerer, pronunciavi. Quin imo Illustrium Anatomicorum observationibus tantum tribuo, ut in sinistri ventriculi superficie rectas aliquas fibras aliquando ab ipsis ostensas esse, nullus dubitem; tamen ego semel, atque iterum frustra quæsi verim, atque adeo illius ven-

triculi magna parte novem, decemve dies in aqua macerata, sic ut solam ipsam externam membranam a proxime subjectis fibris avellere nullo negotio possem; has non rectas, sed manifesto in cochleæ modum obliquatas invenerim.

59. Illud quoque, dum cætera inquirerem, sæpius in corde animadvertere non omisi, quod ad ejus attinet mucronis duplicitatem, diu ante Recentiores vel picturæ ope cunctorum oculis propositam. Sic illa cordis Icon, quæ omnium fortasse prima, ab Joanne Dryandro (z) edita est, ut rudis sit, & in majorum præsertim vasorum delineatione minime attendenda; præclare tamen duos mucrones repræsentat, ab intercurrentibus Coronariis vasis divisos. Et olim quidem ea de re ita sermonem habebant, ut rariorem credere viderentur. Galenus tamen (a) vere atque optime docuerat, ventriculum dextrum *circumscriptionem subinde propriam habere*: idque Carolus quoque Stephanus (b) confirmaverat. Ego sane de humanis cordibus undeviginti, continenter inspectis, tredecim inveni; quorum in quinque, vel pinguedine non sublata, mucrones gemini erant manifestissime; in octo, quamvis non ita conspicui, tamen pinguedine præsertim ablata, omnino non deerant: sex reliqua ne vestigium quidem ullum duplicitatis ostenderunt, etsi diligentius quæsi, neque in duobus aut tribus multa diligentia opus erat, cum eum locum nulla prorsus pinguedo obduceret, qua cæteroqui factum opinor, ut multos Anatomicorum latuerit ea cuspidis geminatio. Porro Galenus (c) nonnumquam in minutis etiam animalibus id docet accidere, in exemplum afferens galum, in quo ipsi notus homo *duo corda, cum diis sacrificaret, se invenisse, dicebat, atqui duo non erant, ut arbitrabatur, sed dextri vertex circumscriptionem peculiarem habebat*. Huic adstipulatur Riolanus (d), quem potius quam Galenum ipsum fortassis, cum de hac re legeret Thomas Bartholinus (e); quod Galenus scripserat de gallo gallinaceo, videtur de Gallo homine accepisse. Utcunque id est; Riolanus non modo laudat Albertum Magnum *recitantem, duos mucrones in corde Simii inventos fuisse*; sed insuper credit, ad eundem modum intelligendum hunc locum Plinii (f): *in Paplagonia bina Perdicibus corda*: irrisum alioquin ab nonnullis apud Cælium Rhodiginum (g), & tamen a Plinio sumptum ex libris Theophrasti, *philosophorum peritissimi*, ut Gellius (h) loquitur, cum hoc indicat. Mihi, cum tres iisdem ferme diebus erinaceos secarem, duorum cor inventum est mucrone duplici præditum, eo autem non modo crassiore, sed & longiore qui ad sinistram ventriculum pertinebat, quod & in nonnullis saltem eorum quos dixi, hominum observavi; cum Ruyschius (i), qui sæpius hæc inter Recentiores commemorat, videatur illum *productiorem, qui provenit a dextro ventriculo, animadvertisse*.

60. Hæc autem exterior ad mucronem cordis varietas interiorem illam in memoriam reducit, ad quam una pertinet ex iis Valsalvæ observationibus, quas initio hujus Epistolæ (k) commemoravimus. In vetustissimo libro qui inter Hippocraticos circumfertur, inscriptus *de Corde* (l), aperte negatur, ventriculum dextrum *extremitatem cordis attingere*. Hoc plerique dogma secuti sunt: nonnulli etiam, in quibus est Carolus Stephanus (m), eundem ventriculum non modo *ad summum verticem*, ut sinistram, non *patere*, sed *inferius multo cessare*, si cor videlicet suæ insidens basi constituas, non dubitarunt. Vesalius tamen (n) longe aliud docuit, hoc est ventriculum *dextrum magis deorsum ad cordis mucronem ipso sinistro descendere*. Itaque medium locum obtinet Valsalvæ observatio, illum per foveas inter lacertos relictas quasi ad cuspidem perducentis. Ego alios alia scripsisse, arbitror, propterea quod aliter in aliis cordibus res occurrat. Equidem nunquam mihi accidisse, memini, ut idem quod Vesalius, viderem; nonnumquam tamen utrumque cordis sinum æque profundum inveni. Sæpius au-

(u) Fig. 2. (x) Traët. de Corde Tab. 3. Fig. 2. (y) Animad. 14. (z) In Anat. Mundin. (a) De Anat. Admin. l. 7. c. 21.  
(b) De Dissert. Part. corp. hum. l. 2. c. 25. (c) c. cit. (d) Anthopogr. l. 3. c. 12. (e) Anatom. quart. renov. l. 2. c. 6.  
(f) Natural. Hist. l. 11. c. 37. (g) Lection. Antiq. l. 4. c. 16. (h) Noct. Attic. l. 16. c. 15. (i) Theaur. Anat. 7. n. 23.  
(k) n. 2. (l) n. 4. (m) cap. cit. (n) De corp. hum. fab. l. 6. c. 21.



autem contigit, ut dexterum altius inter lacertos descendentem conspicerem, quam a primo existimafsem, sic tamen, ut sinister paulo, nonnunquam vix paulo profundior esset. Nam quod ait Stephanus *multo*, id magis in brutis animantibus opinor, quam in hominibus locum habere. Sic in capella, sic in sue, sic præsertim; ut alia omitam; in avibus, ut anatibus, & gallinaceo genere, vidisse memini. Harum enim avium corda cum affulatum in transversum disseui, semper comperi, ventriculum dexterum non parvo supra cuspidem intervallo finiri, cum sinister ad cuspidem ita perveniret, ut hæc propterea pariete longe tenuissimo conficeretur: quæ causa fortasse fuit quare in cuspide colore multo dilutiore cor ruberet, vel potius subalbicaret. Id eo magis sum miratus, quod superiorum ejusdem sinistri ventriculi parietum, atque adeo septi crassitudo multo in avibus proportionem major, quam in homine, & quadrupedum genere visa est, præsertim si cum tenuissimo pariete ventriculi dexteri compararem, cujus propterea ventriculi augeri vires suspicor a carne illa, quam vocant, Valvula, avium peculiari. Hæc tenim sic factis amplo tractu a basi deorsum producit, totoque illo spatio instar cujusdam septi carnei, ventriculi dextri cavum in duo dividit, ea substantia, & crassitudine, in iis præcipue quæ memoratæ sunt, avibus spectata, ut magis probem Highmori descriptionem (o) qua *striga* dicitur *carni cordis non absimilis*, quam Figuræ (in XII. Tabula opinor quintæ; sextam ipse nominat) declarationem, qua *membrana musculoſa* in gallinæ corde nuncupatur. Ventriculos autem cordis ejusdem avis *intus læves esse, absque lacertulis, nec scrobiculis fossos*, etsi Highmorus (p) sæpius sibi exploratum scribat; ego tamen haud aliter ac Lowerus (q), inveni, sinistrum videlicet extantibus fibris ex omni parte inæqualem, dexterum autem in septo quidem, & (si velis addere) in ea etiam Valvula de qua modo dictum est, lævem, sed in toto reliquo, suo peculiari, pariete quamvis minus crassis, tamen evidentibus lacertis asperum; ut in his quoque animantibus veram deprehenderim antiquam illam descriptionem Auctoris libri *de Corde* (r), qui, *ambo ventriculi, inquit, asperi sunt interna sui parte, & velut subcorroſi, magisque sinister, quam dexter*.

61. Hæc tamen asperitas non in cunctis animalium generibus ad eundem modum se habet. In homine enim fit carneis lacertulis, extantibus, & in reticulorum formam implicitis: quorum tenuitatem haud satis expriment pleræque Figuræ Anatomicorum. Hæc reticula ut in sinu cordis sinistro & plura, & tenuiora fere sunt, quam in dextero, ideoque crebriores, minoresque, etiam ob id ipsum, maculas obtinent in sinistro; ita hujus internæ faciei majorem inæqualitatis speciem inducunt, quam dexteri. Sunt autem ea reticula alia aliis imposita, eoque parietes sic operientia, ut aliquando foramen vulneris per quod plurimum sanguinis e sinistri ventriculi cavo exierat, hoc aperto, minime in conspectum veniret, donec lacertos, illi parietis loco natura appositos dumtaxat, non connatos, a vulnere, quod celabant, diligenter omnes amovissem: tunc enim vulnus vidi pertusa tota parietis substantia, intimaque cordis membrana, in cavum usque pervenisse. Intimam hanc cordis membranam, non minus quam extimam, ab nonnullis alioqui Anatomicis, & in his ab Spigelio (s) *inseparabilem* dictam, in cocto quidem corde non difficile est separare. Certe cum elixi vitulini cordis fibras persequi constituissem; uti antequam inciperem, extimam nullo negotio sustuli, facile per partes abscedentem, sic intima illa mihi integra apparuit, cum fibras ad ipsam usque evolvissem. Verum ad reticula ut redeam; cum quæ in cordibus humanis sæpius videram, eadem in canino quærerem, multo trassiores in sinistro, quam in dextero Sinu lacertos, retia autem pauciora, & majora esse retium foramina, animadverti. In suillo autem corde ne retia quidem inveni. Nec valde tamen sum miratus,

quando neque in auriculis ulla intus apparere fibrillas, sive tenuiores lacertulos, videram, sed crassos modo carnearum fibrarum fascies: auriculas vero ipsas non multum inter se amplitudine discrepare. Quod etsi in canis quoque, & erinacei corde animadvertetur; tamen hæc, atque alia in certis quibusdam bestiis cavearum cordis, si cum humanis comparentur, sane multum attendenda discrimina alibi malo diligentius exponere: ubi fortasse illa etiam proponam quæ mihi olim in singulis quatuor cordis caveis, & in magnis, quæ cum his communicant, vasis, & vasorum ramis dimetiendis non uno in homine sunt observata.

62. Hic ne a descripta in utroque cordis ventriculo internæ faciei inæqualitate longius abeam, simulque ut ad Valsalvæ observationem (\*) foraminum ab illorum dextero sinistram versus, accedam; illud primum commemorabo, mihi quidem in canino corde paulo minus inæqualitatis in utraque septi facie apparuisse. insuper ventriculi dexteri parietem proprium, qua ad arteriæ Pulmonaris orificium pergebat, omnino lævem fuisse. In duobus autem humanis cordibus minus aliquanto crebras inæqualitates eam septi faciem, quæ memorato parieti respondebat, quam hunc, habuisse, in iisdem vero, itemque in aliis in quibus hoc potius quæsi, planam ferme & lævigatam fuisse eam ventriculorum partem quæ orificio arteriæ Magnæ, præsertim autem quæ Pulmonaris proxima erat; id quod a Cowpero (t) est delineatum, a Valsalva autem præclare in I. Dissertatione (u), addita etiam causa, indicatum. Igitur quæ infra planum, & lævem illum ad Pulmonarem arteriam aditum, inæqualitates, & foveæ incipiunt, mihi in tribus humanis cordibus proclive fuit per unam harum, aut alteram immisum specillum, neque id aliquando ex tenuioribus, ita in sinistri ventriculi cavum transmittere, ut nullo negotio, nullaque profus vi adhibita, trajectum conspexerim. Erant nonnunquam hæ septi foveæ prope hujus cum proprio ventriculi dextri pariete commissuram, alias ab hac aliquanto spatio remotæ. Ampliores in orificio, quo magis ad sinistram accedebant ventriculum, contrahantur. Verum in aliis cordibus non æque feliciter res successit. In uno pervasit quidem specillum; sed non sine dubitatione aliqua, ne ad extremum sibi viam perripisset. In septem nullo modo pervasit, etsi altius in aliquo descendit. In his autem, iisque prioribus num aliæ essent alibi, aut etiam ibidem, sed nimis flexuosæ viæ, pro certo non scio. Illud scio, si hæc quæ mihi aliter in aliis cordibus observare contigit, attendantur; haud difficile fore intelligere, quemadmodum in hac olim celeberrima de septi cordis perforatione controversia Anatomici fuerint duas in partes divisi. Nam ex quo Galenus (x) in eo septo *foramina quedam* indicavit, in quæ præalte descendere obtutu licet, veluti in profunditates quasdam: quæ ex latissimo ore magis magisque semper in angustum procedant; tamen monuit, ipsos ultimos earum fines tum propter parvitatem, tum quod in animali jam mortuo omnia sint perfrigerata ac densata, contueri non licere; tamen ejus sententiam (v) quod illac a dextero in sinistram cordis sinum transitus sit, non modo sunt plures secuti, sed Jacobus Berengarius (z) diserte confirmavit, docendo, *ista foramina pertransire septum; a dextro ventriculo incipiendo, usque ad concavitatem ventriculi sinistri*. Hoc & Laurentius (a), & Riolanus (b), & alii præterea affirmarunt: in quibus tamen non defuerunt qui aut de bestiis potissimum, aut de corde excocto, aut de ultima apud mucronem septi parte loquerentur. Contra Vesalius (c) *sibi meatus vel obscurissimos occurrisset*, negavit, quibus ventriculorum septum esset pervium, ad stipulantibus Arantio (d), & Casp. Hofmanno (e), qui in corde excocto quid fuisse posset erroris, ostendit; membranam autem, dexteram septi faciem obducentem, de bove ipso sumptam, in manifestissimo solis lumine, contendit, nulla omnino exhibere foramina. His alii Cl. Anatomici accessere, quorum ex numero sunt Joannes Walæus (f), & Richardus Lowe-

rus

(o) Corp. hum. Disquis. Anatom. l. 2. P. 2. c. 4. (p) loc. cit. (q) Tract. de Corde c. 2 (r) num. cit.  
 (s) De hum. corp. fabr. l. 9. c. 6. (\*) supra, n. 2. (t) Myotom. Tab. 38. Fig. 1; Tab. 39. Fig. 1; & Tab. 40. Fig. 2.  
 (u) num. xii. (x) De Natural. Facult. l. 3 c. 15. (y) Vid. & l. 6. de Usu Part. c. 17. (z) In Mundin. Comment. 24. & Isagog  
 ubi de Anat. Ventr. Med. (a) Hist. Anat. hum. corp. l. 9. c. xi. (b) Anthropogr. l. 3. c. 12. (c) De corp. hum. fabr. l. 6. c. xi.  
 (d) Anat. Obs. c. 33. (e) Comment. in Galea. l. 6. de Usu Part. c. xi. (f) De mot. chyli Epist. i.



rus (g). Et quanquam Walæo respondet Thomas Bartholinus (h), qui & suas, & Walæi ipsius in bestiarum cordibus, & aliorum in humanis observationes commemorat; tamen eo redit denique, ut rem fateatur esse *raram*, & referri posse, indicet, ad *aliquod vitium*, aut ad aliquem *naturæ lusum*. Quo magis credidi scribendum, quid mihi, & quoties in hominis corde, & quo loco, sine ulla præparatione observare contigerit. Sed jam plus fatis de iis Valsalvæ observationibus, quæ ad cor attinebant. Proxime de reliquis scribam. Vale.

63. CUM hæc scripsissem, atque adeo descripsissem; duo ad me libri allati sunt, in quorum utroque de illis qui Venarum Valvulas primi invenere, legi quædam, iis ex diametro contraria quæ de harum Inventoribus in aliis olim Epistolis, & ex parte in hac ipsa posui. Quare huc pauca continuo addere neque alienum, neque inutile, neque tibi, Historiæ Anatomæ studiosissimo, injucundum fore, existimavi. In priore libro hæc invenio: „C... Morgagni Salomonem Alberti venarum valvulas primum observasse refert *epistol. anatom.* I. §. 95. Sed Theodoretus Episcopus urbis Cyri in Syria, qui circa medium seculi quinti post Christum natum vixit, valvularum in venis mentionem jam fecit in oratione tertia de Providentia, edit. lat. tin. per Victorin. Strigel. Lips. 1564. ubi p. 30. hæc verba leguntur: *Venas tenuissimis tunicis vestivit (DEUS) & orificiis earum exilia opercula (valvulas) addidit.* „Optandum fuerat, ut Viro Humanissimo, & in Anatomicis Observationibus Exercitissimo tantum ab his, cæterisque Medicis studiis tunc cum ea edidit, esse otii potuisset, ut ipsa Græci Scriptoris verba, aut saltem alias quoque latinas eorum interpretationes inspiceret, aut certe illorum quæ præcedunt, & subsequuntur, sententiam, Auctorisque propositum & σκοπόν perpenderet: longe aliter procul omni dubitatione censuisset. Namque; ut ab hoc ultimo incipiamus; id proposuerat quidem sibi in hac, & proxima Oratione Eruditissimus Pontifex, quasi Balbi illius Ciceroniani (i) exemplum secutus, ut DEI immortalis Providentiam ductis ab structura humani corporis argumentis demonstraret, non inferiora daturus pro ea qua pollebat, ingenii vi, & dicendi facultate, quam ea sint quæ Viri Doctissimi, eandem hac ætate rationem sequentes, in medium attulerunt; si tot ac talia ejus sæculo ab Anatomicis jam inventa fuissent, quot ac qualia hoc nostro fuerant. Itaque ab iis accipiens, ut diserte loquitur in III. ista Oratione, *qui de his diligentius perscripserant*, ut puta a Galeno, haud plura, aut exquisitiora quam ipsi tradiderant, proferre poterat. Habebat autem in animo, in eo qui productus est, loco, ut proxima omnia verba commonstrant, illud ipsum exponere quod Galenus (k) in hunc modum expresse- rat: „Quod ergo satius fuit in toto animalis corpore, sanguinem quidem, tenui ac rara: spiritum vero, crassa ac densa concludi tunica, longa egere oratione non arbitror. Satis enim puto esse, substantiæ utriusque rationem ac differentiam obiter indicare: quod scilicet sanguis quidem crassus est, & gravis, ægreque mobilis: spiritus vero tenuis, & levis, & citus: quodque periculum erat ne hic expiraret repente atque evolveret, nisi crassis & densis atque undique constrictis asservatus fuisset tunicis atque coercitus: contra vero in sanguine, nisi tenuis & rara fuisset, quæ ipsum continet tunica, non facile circumfusis partibus distribueretur, atque hac ratione omnis, quam ex eo percipimus, utilitas funditus perderetur. Quæ cum ante essent a Conditore nostri animadversa, tunicas vasorum, naturæ utriusque materiæ contrarias ac pugnantes machinatus est, ut ne ante tempus spiritus evacuetur, neve sanguis diutissime insisteret. „Quæ cum spectaret Teodoretus, sic nimirum locutus est: „Ve-

„næ enim canales & aquæ ductus similitudine referunt, quibus corporis irrigandi officium conceditur est. Quapropter tenui quoque & rara tunica constant, ut quæ illis adjacent partes alimentum ex illis facilius haurire possint. Arteriis autem & densiores & duplices tunicæ sunt: non enim sanguinis vasa sunt, sed spiritus, qui & tenuior est, & facilius quam sanguis effluit. Quamobrem vel hinc quoque Creatoris providentiam agnoscito. Venas etenim, quæ corporis nostri membris sanguinem advehunt, ex tenuissimis membranis compositæ, & illorum, (mallem, illarum), poris quasi fungosa quædam palliola circumdedit. Corpus enim, (sive, ut clarius & fidelius apud Sirmondum), Sanguis enim crassus est, & majoribus ad effluentem poris indiget. Ne tamen omnis simul efflueret, sed quasi humorem solummodo aliquem vicinis membris exhiberet, hujusmodi vasorum naturam constituit. Arterias autem, quibus vitalis ille spiritus per totum corpus vehitur, qui & tenuissimus est, & facillime evacuari potest, ut pote qui per minimos quoque meatus mox effluit, non simili modo contextuit summus ille rerum Opifex, nec una duntaxat tunica, sed duabus, iisque densis simul & solidis constare voluit. „Et Galeni igitur, & Theodoreti idem esse propositum, idem argumentum vides, petitum utique a tunicarum densitate in arteriis, ab raritate in venis; ut in his, non conspicua ramorum orificia ad quæ valvulæ addendæ sint, sed tunicarum invisibilia foraminula attendantur, quæ videlicet nutrimentum, ut tunc credebant, in proximas quasque exsudarent partes. Itaque in ea quam tibi exscripsi, interpretatione, cum ab aliis (l), tum præsertim a summo Viro, & de Theodoro præclare merito Jacobo Sirmondo (m) in eo quidem ipso loco de quo nunc quærimus, omnino comprobata, neque orificia, neque opercula, sed poros, hoc est, meatus, & palliola, hoc est tunicas venarum legimus. Verum ne ullus tibi vel tenuissimus restet scrupulus; en verba ipsa Theodoreti: *Τὰς μὲν γὰρ φλέβας, ἅτε δὴ αἷμα τοῖς μορίοις τοῦ σώματος κομιζέσας, ἀπὸ λεπτῶν ὑμῶν παροίηκε, καὶ οἷον ἀραιὰ τινα τῇ τρομαλῇ αὐτῇ περιβόλαια περιτέθηκε.* Quæras nunc licet, ubinam orificiis venarum exilia opercula Deum dixerit addidisse. Certe si verbum verbo reddas; non dubito, quin mecum, atque adeo cum Amico nostro, utriusque linguæ scientissimo, sis ad hunc modum redditurus: *Nam venas, quippe sanguinem partibus corporis portantes, ex tenuibus membranis fecit, & quasi raros quosdam foramini ipsi amictus circumposuit.* At cui foramini? Non orificio quidem; neque enim orificio amictus circumponi dicerentur. Cavo igitur ipsi venarum, quod & sententia postulat, & loquendi consuetudo non Latinorum modo, sed & Græcorum confirmat: quippe & M. Tullius (n) cum *foramina illa*, scripsit, *quæ patent ad animum a corpore, callidissimo artificio naturam fabricatam esse*; non orificia intellexit, sed easdem illas quas de Medicorum sententia, *qui ista aperta, & patefacta viderunt*, paulo ante memoraverat, *vias quasi quasdam ad oculos, ad aures, ad naves a sede animi perforatas*: & Græci Anatomix parentes cum, exempli gratia, in ossæ Petroso *τὸν τρύμα*, seu *τρήμα* (cæcum foramen) nominarunt (o), hoc ipso non orificium, per hoc enim setam immittebant; sed viam ulteriorem ex qua transmittere ipsi non poterant, imperviam significabant. Hæc autem fusius de industria sum persecutus, ne quem rursus Strigeliana hujus loci liberior, eoque ambigua paraphrasis potius quam adstricta interpretatio, in eandem traheret opinionem. Nam quod ego *Salomonem Alberti venarum valvulas primum observasse, referam*, non opus est inficiari verbis pluribus, quando is quem video in eam rem indicari, Epistolæ meæ locus, contrarium prorsus, si attente perlegatur, ostendit.

64. Imo, non quod Albertum, sed quod Cananum venarum valvulas ante Fabricium ab Aquapendente, eo in loco scripserim, vidisse; hic defensio altera paranda est, non tam mihi tamen, quam Riolo (p). Cum

(g) Traët. de Corde c. 2. (h) Anat. quart. renov. l. 2. c. 7. (i) De Nat. Deor. l. 2. (k) De Ufu part. corp. hum. l. 6. c. 10. (l) Vid. Edition. Operum omn. Theodoreti Colon. Agrippinæ A. 1617. (m) Vid. eorund. græco-lat. Edition. Lutet. Parisior. A. 1642. (n) Tuscul. Quæst. l. 1. (o) Vid. apud Galen. cit. Oper. de Ufu part. l. 9. c. 10. & 13. (p) Anthropol. l. 5. c. 49.



Cum enim idem uterque dixerimus; non tantum mihi fumere debeo, ut Anatomicum Clarissimum atque Eruditissimum, credam, qui neutro nominato, eam nuper impugnavit sententiam, me potius spectare, quam magni nominis Auctorem, voluisse. Veruntamen ita hæc res se habet, ut simul cum Riolano, cumque aliis præterea Doctissimis Viris, in quibus Henricum etiam Meibomium (q) invenio; tum me, tum, quod multo pluris facio, verum quoque ipsum defendam. *Dicendum, puto, non erat, inquit Vir Cl., Cananum invenisse valvulas ante Fabricium.* Qui tandem? Quia „Canani ostiola sunt in ostiis venarum, „ubi ex truncis magnis rami magni exeunt; aut magni trunci se in duos partiuntur: Fabricii autem intra „venarum cavitatem. „Equidem non summo jure agam cum Fabricio, quem imo libentius ipse defendissem, si ita defendi satis posse, credidissem: nec quæram, num postquam Opusculum inscripserat suum univèrse *De Venarum Ostiis*; liberum ipsi fuerit ulla excipere? Hoc tantum quæram, num exceperit? num usquam scripserit, ostiola se intelligere, non in ostiis posita, sed intra venarum cavitatem? Profecto id magis per conjecturam poni, video, quam productis ejus verbis probari. Quid vero, si plura sint quæ ei conjecturæ maxime adversentur? Nam primum, qui intra venarum cavitatem sua ostiola esse, dicit, ut certe Fabricius dicit, is sane illa etiam quæ in ramorum ostiis sunt, intelligit; hæc enim ostia utique & ipsa sunt intra venas; igitur non extra cavitatem venarum: quo nomine quid Fabricius significet, satis ipse nobis ostendit, cum ait, duo ostiola plusquam dimidiam venarum cavitatem continere, opplereque, itemque cum singulis locis naturam, negat, tribus quatuorve ostiis, omnem intus cavitatem oppluisse: certe neutrum ita accipit cavitatem, ut ostiis opponat. Deinde ubi eos qui ante se fuerant, Anatomicos excusandos quadantenus ait, quod ostiola non viderunt, hac nempe utitur ratione: *Quis enim unquam fuisset opinatus, intra venarum cavitatem reperiri posse membranas & ostiola? cum præsertim venarum cavitatis, quæ ad deferendum sanguinem in corpus univèrsum erat comparata, libera, ut libere sanguis permearet, futura esset.* Quæ quidem ratio nullam apud ejus animum veri speciem habuisset, nisi ostia quoque libera, ac sine membranis & ostiis ponerentur. Verum quid hæc, aut similia persequor? Ut præclare pateat, valvulas quæ in venarum ostiis sunt, in eo Opusculo non modo non excipi, sed proponi, satis est extrema Opusculi verba, & proxima his prima, per quæ in Tabulis valvulæ sigillatim ostenduntur, proferre. Sic igitur Fabricius tractationis suæ finem facit: *Quot autem numero sint ostiola in quaque vena, & quomodo in ipsis partibus sint disposita, ac pleraque alia, ex ipsa magis Tabularum inspectione, quam historia innotescunt: & mox singularum valvularum ostensionem sic incipit: Imprimis ergo ad internæ jugularis exortum scilicet in inferno colli termino, sunt bina ostiola A. quæ & in extrema ejus venæ infima parte, sive ostio delineat. Res adeo & clara est, & ei de qua loquimur, Fabricii defensionem adversa, ut in hac dissimulari non potuerit. Sed hoc dicitur: ista duo ostiola non in ipso ostio, verum non longe ab eo, atque adeo ut recte scribit Fabricius, sunt in origine venæ, ad ejus exortum posita. Ego vero etsi, pluribus Fabricii locis inter se collatis, demonstrare me posse, credam, non aliter hæc verba accipienda esse, quam si in ipso ostio scripisset; tamen & id, & picturam, & rem ipsam omitto. Hoc tantum dico, alterutrum mihi dari oportere, aut in ipso ostio, aut, quando ita placeat distinguere, intra venæ cavitatem esse posita. Si in ipso ostio; rem confeci: si intra venæ cavitatem; vel multo magis confeci. Hæc enim erat defensio: proposita ante Fabricium ostiola, fuisse in ostiis venarum; Fabricii autem, intra venarum cavitatem. Atqui Cananus, & Sylvius, qui ante Fabricium ostiola in ore venæ istius viderunt, nulla præter hæc quæ in origine ejus sunt, videre potuerunt. Si hæc igitur intra venæ cavitatem sunt intelligenda; illi quoque ante Fabricium ostiola intra venæ cavitatem viderunt.*

65. Nam ut illud quod conceditur, accipio, Ve-

salium (r), cum memoraret nonnullos qui in istius, aliarumque venarum orificiis valvulas esse, contendebant; de Canano agere voluisse; sic alterum nego, nihil hunc aliud, nisi quod Vesalius opinabatur, id est crassiorē, eoque prominentem limbum orificiorum vidisse. Neque enim Cananus, quem non dico Amati Lusitani judicio (s) admirandum Anatomicum, sed Joannis Bapt. Carcani, parisi & coætanei Professoris (t), sed Falloppii ipsius judicio (u) nobilem & egregium Anatomicum, nec facile decipiendum fuisse, scimus; non, inquam, is fuit qui ab ejusmodi prominentiis membranas, quales in venæ arterialis, & magnæ arteriæ occurrunt principiis (tales enim in quarundam venarum orificiis se observasse, Vesalio (x) affirmaverat) internoscere nesciverit. Eadem igitur Cananus quæ & postea Fabricius, certis quibusdam in locis conspexit ostiola: ut dicendum fuisse, non existimem: *Quamquam videri etiam posset Fabricius putasse, nullam ostiolorum Canani habendam rationem, ut quæ non extent, negantibus etiam Falloppio, Eustachio, Carcano; aut ostiola non sint, ut Vesalius: ideoque non impedire, quo minus dicere possit, nullam ostiolorum factam mentionem.* Nam vera ostiola in extrema utriusque Internæ Jugularis venæ infima parte & omnes videmus, & Fabricius ipse agnovit; ad venæ autem sine Pari orificium, etsi magni illi Viri negaverint, re tamen vera interdum esse, non modo qui, ut nos, post Fabricium, sed & qui ante Fabricium conspexerint, supra (y) memorati sunt: quamquam etsi nulla essent; non inde tamen sequeretur, nullam prorsus mentionem de ipsis esse factam; præsertim cum & alia quarundam venarum ostiola ab aliis quoque fuissent proposita, ut Coronariæ ab Eustachio (z), aliarum ab Sylvio (a): quod ultro quidem agnoscitur, verum eadem quæ satis supra perpensa est, ostii, & cavitatis distinctione tolli existimatur. Sed & alia in univèrsum excogitata responsio est, quæ illa simul distinctio firmetur: nimirum aliter si esset; sine gravi Fabricii reprehensione intelligi non posse, qui nullam prorsus de ostiis venarum mentionem factam esse scripisset, quando non solum memorata adeo Canani ostiola ignorare ipse non poterat, sed & sciebat, ipseque in illo ipso libello, in quo nullam prorsus de ostiis venarum mentionem factam fuisse tradidit, scribebat, alium ante se scripsisse „in venæ cavæ, & „venæ portæ truncis ac exortibus, a jecore emergentibus, inveniri apophyses membranarum, similes „valvulis, quæ in corde adsunt: quibus verbis potuisset quispiam ad truncos & exortus prædictarum „venarum, existimare adesse ostiola, cum ad sensum nulla prorsus appareant. „Ego vero Fabricium in calce demum Explanationis Tabulæ II., fateor; & hæc scripsisse, & si recte ex quadam similitudine verborum conjicio, Carolam Stephanum designasse, qui (b) ante Cananum venarum valvulas indicaverat, sed eo in loco ubi perraro admodum, & ad hepaticarum venarum, Cavam dumtaxat fubeuntium, orificia in homine quidem inspecta, non jam valvulas, sed aliquod potius valvularum inchoamentum vidisse meminì. Nec modo id fateor; sed ultro insuper hoc addo: novisse procul omni dubio eundem Fabricium, cum illud Opusculum emisit, ea ferme omnia quæ ante se de quibusque vasorum ostiis recte, aut secus tradita fuerant. In iis enim litteris quibus illud huic meæ Inclytæ dicavit Nationi Germanicæ, & vidisse se, ait, & sibi placuisse quæ Salomon Albertus de Ostiis venarum doctissime scripserat. Hic autem (c) ab iis quæ ad cordis orificia sunt, orsus, Ovalis quoque Foraminis valvulam, imo & illam memorat quam Vesalius (d), male ab se agnito, Canaliculo Arterioso præfixerat, in qua Albertus bis hallucinatur, tum quod veram valvulam, tum quod a Falloppio propositam credit: post eas simul recenset, ac rejicit quas Columbus (e) ureterum in vesica, & mesaraicarum venarum finibus in intestinis imposuit: hinc quas nonnulli bilis vesiculæ ductibus præfecerunt, commemorat. Tum ad Canani ostiola venit, & adea præsertim quæ

ad

(q) Vid. Exercitation. de Valvulis n. 20. (r) De hum. corp. fabr. l. 3. c. 4. (s) Centur. 1. Curat. Medic. 52. in Scholiis.  
(t) De cordis Vasor. in fœt. unione. (u) Observ. Anat. (x) Exam. Obs. Fallopp. (y) n. 31. 32. & 35.  
(z) De vena sine Pari Antig. 10. (a) Isagor. l. 1. c. 4. (b) De dissect. part. corp. hum. l. 2. c. 9.  
(c) Histor. plerarumq. part. hum. corp. (d) Exam. cit. (e) De Re Anat. l. xi. c. 9. & l. 6.



ad initium venæ carentis conjuge proposuerat, de quibus Vesalii, Falloppii, Eustachii judicia non reticer. Denique ab eodem Eustachio indicatam venæ Coronariæ valvulam non omittit. Et quanquam, ut plerique alii, de multo majori illa altera Eustachiana silet, itemque de iis quas Jacobus Sylvius memoraverat; tamen quas recenset, satis est scire, apud ipsum certe a Fabricio fuisse recognitas. Hæc igitur omnia fuisse ipsi Fabricio nota, ultro confitemur, sed hoc simul, tanto nos magis & miratos fuisse, & mirari, quod non solum ut illa Stephani ostiola, quamvis ad ramorum initium propolita, sic non alia ejusdem generis, saltem negando commemoraverit, neque tantum Alberti exemplum non sit imitatus, qui post eorum recensionem, *utrumque*, inquit, *res sese habeat; istiusmodi valvis, nostrorum hominum diligentia excitata est*; verum insuper diserte negaverit, de venarum ostioliis ullam prorsus factam esse mentionem.

66. Neque tamen cum admiratione hac nostra gravem ullam Fabricii reprehensionem conjunctam volumus: quippe qui aut suam hanc sententiam; etsi non fecit; credere tamen fortasse potuit se satis declaravisse, aut potius quidpiam quod statuerat, addere alicubi oblitus est, aut etiam aliud aliquid ejusmodi, ut humana in homines vel magnos cadunt, admiratione dignum magis, quam reprehensione, passus est. Nam si hæc mihi venia datur, ut Italus Itali Anatomici memoriam sine ullius offensione defendam; haud multo aliter Fabricio hac in re accidisse, crediderim, quam Clarissimo Doctissimoque Viro in sua quibusdam Eustachii verbis (f) interponenda ad hunc modum interpretatione: *aliquos ex illis, quibus studium sit aliorum inventa pro suis edere, (Amatum haud dubie) hac re a propriis exploratoribus, (Canano) quos etiam stipendio conducant, minus bene percepta, venæ alterius sine pari officio membranulas, seu janitricas, eidem præfectas, cum magno omnium risu attribuisse*. Quanto enim magis illud primum in Amatum cadere videtur, hominem apud plurimos non una de causa male audientem, & præsertim apud Matthiolum, qui ante paucos annos edita Apologia (g) ipsum, etiam plagii postulaverat; tanto minus potest in Cananum istud alterum convenire, ut a quoquam explorator, & pro ejusmodi homine, & mercede conductus existimaretur, Vir sane, cujus doctrinam, existimationem, mores neminem legisse memini qui vel levissime unquam carperet, imo plures contra, & quidem gravissimos Scriptores qui singulari laude honestarent. Brasavolus namque, cujus ille Ferrariæ, in patria, auditor fuerat, inter eos quos *omni virtutum genere cumulatifsimos* Galeatio Gonzagæ prædicabat (h), Joannem quoque Baptistam Cananum ita reponebat, ut vel tunc *juvenem cum quibusvis, illa Brasavoli ætate, in Medica arte conferendum* censeret. Qualis autem ex ejusmodi adolescentia vir evaserit, utque nobilis, egregii, nec facile decipiendi Anatomici laudem retulerit, satis supra (i) indicatum est: qualis item Medicus haberetur, Vesalii commonstrat locus (k), unde Cananum intelligimus a Procere Amplificatione ejus Gentis quæ optime omnium ipsum nosset, in Germaniam, ut sibi medicinam faceret, aut secum ductum, aut accersitum: *Ratisbonæ*, inquit, *quum Dominum Franciscum Estensem ægrum, cum ipso Canano viserem*: quæ res; si quæ sequuntur, attendamus; ante annum accidit 1555. Verum & multo antea quæ de Canano esset opinio, præclare ostendit Falloppius (l), diserte scribens, *Anno Domini millesimo quingentesimo quadragesimo octavo, quo ipse primum Pisis profiteri cepit, ---- in Italia tunc temporis, uno excepto Johanne Baptista Cannano medico & anatomico celeberrimo, nullum alium præter dictos (videlicet Ingrassiam, Vesalium, Columbum, Madium; Eustachium ne memorat quidem) repertum esse, qui doctè anatomen publicam docere potuisset*. Sed omnes complectitur laudes quod ab eodem summo Viro Falloppio (m) sub A. 1561. pluribus verbis traditum est: nos hæc perpauca proferemus: *Vellem, mi Petre, quod Johannis Baptiste Cannani integerrimos mores, atque solidam doctrinam optime, ut ego facio, cognosceres*. Quod quidem gravissimum, & luculentissimum Morgagni Epistolæ Anatomice.

Falloppii testimonium fugere Eustachium non potuit, illum de cujus interpretatione quærimus, locum scribentem, quippe quem proximas Falloppii pagellas excussisse, vel ea ostendunt quæ simul (n) conscripsit adversus originem Humerariæ venæ, in jugulum habentibus, ab Axillari; in non habentibus, ab Jugulari Externa: multoque etiam minus illud alterum tunc ignorabat Eustachius, aliquot jam esse annos, ex quo Amatus (o) Ancona primum, deinde Pisau- ro, tum Ragusio profugus, Theffalonicæ ageret inter Judæos; ut cujus tandem generis homines pro exploratoribus stipendio conducere tunc posset, ac Romæ quidem (ubi Cananum unquam fuisse, necdum inveni) satis liceat intelligere. Vides igitur, ut convenire in Cananum queat illud Eustachii: *hac re a propriis exploratoribus, quos etiam stipendio conducunt, minus bene percepta*! nam antea quidem res designatur; sed exploratores qui etiam stipendio conducantur. Hæc tamen quæ dixi, omnia Clarissimo Viro qui de Canano interpretatur, cognita fuisse, pro singulari ejus eruditione non dubito: præcipua autem, etiam scio; quando in illo ipso loco in quo eam tradit interpretationem, simul docet, quam mala de Amato apud Cratonem opinio fuerit, simul honestum illum de Canano Vesalii locum, longe autem honestissimum Falloppii testimonium producit. Quibuscum etiam me fateor non multo magis intelligere qui possit ista coherere interpretatio, quam apud Fabricium cum scientia memoratarum ante se valvularum, inficiatio, omnis prorsus de his antea factæ mentionis; tamen utraque in re mirari me potius, quam quenquam reprehendere, pro certo habeto.

67. Quod reliquum est; cave credas, mihi præter æquum aut Cananum, aut Riolanum placere. Illius enim librum, quem unum vulgavit, de musculis, ob raritatem vix semel, idque ante triginta annos, cum Ferraria forte transirem, apud Clarissimum atque Humanissimum Virum Hieronymum Baruffaldum aspexi; nunquam autem legi: quæ vero, tanquam ex ejus ore accepta, Vesalius (p) prodidit, nec omnia, nec pleraque probare aulam; cætera autem quæ de ejus peritia, doctrinaque, præsertim vero de integerrimis moribus coævi, & gravissimi Viri testati sunt, facere non possum quin credam, & pro eo ac debeo, etiam defendam. Sic porro & Riolo in hac de venarum ostioliis controversia hætenus dumtaxat astipulari me posse, cenfeo, ut Stephanum, Cananum, Sylvium, Eustachium quasdam venarum valvulas ante Fabricium memorasse, tres autem postremos etiam invenisse, confitear. Quas utinam diserte excepisset Fabricius, nec univèrse Opusculum inscripisset suum *De Venarum Ostioliis*, nec quæ ad imas Internas Jugulares sunt, comprehendisset: sed ut de iis agere se, scripsit, quæ *in interna cavitate venarum sunt quæ potissimum in artus distribuuntur*, sic potius quæ *dumtaxat per artus distribuuntur*, scripisset: tunc enim vero sine iusta alicujus admiratione pronunciare potuisset, nullam prorsus mentionem de ipsis esse factam. Re enim vera has ipse princeps animadvertit: hæcque ejus, & quod consequitur, hujus nostri Gymnasii peculiaris, & magna quidem laus est, quam ut ulla quæ ad alios attineat, augere non conamur, ita a quoquam, nisi certiora quam quæ ab Riolo (q), producantur, certe diminui non patiemur. Nam quod de Archangelo Piccolhomino ipse dubitat; ne dubitandum quidem erat, quando illum, & Posthium, & Laurentium, & Albertum, quos cum Archangelo in I. Epistola Anatomica (r) nominavimus, omnes constat annis pluribus interjectis post eum annum scripsisse quem ibidem protulimus, & Riolanus probe noverat, 1574. quo Fabricius primum valvulas invenisse se, prodidit. Quo de anno siqua Riolo forte supererat dubitatio; at illam, inspecto Alberti Scripto, nihil denique momenti habere, intellexisset. Cum enim ante Piccolhomini triennio, aut biennio, multo autem pluribus annis ante illos reliquos suas de illis valvulis observationes vulgasset Albertus; has ultro fassus est admo-

D d

nitum

(f) Opus. cit. Antigr. xi. (g) Vñl. Epist. Dedic. Præfat. &c.  
(h) num. prox. super. (k) Exam. cit. (l) Observ. Anat.  
(o) Vñl. Epist. præfixas ejus Curat. Medic. Centuriis V. & VII. & finem hujus, & VI. Centuriæ.  
(p) Exam. cit. (q) Anthropogr. l. 5. c. 49. (r) n. 95.

(b) in Epist. præfixa Comment. in l. 1. Aphorism.

(m) In iisd. Observ. (n) De Humerar. venæ propag. Antigr. 1.



nitum se observatione Fabricii habuisse. Quippe hujus observatio, in Academia Patavina proposita, ad cæteras quoque per scribentes, aut redeuntes domum auditores permanavit; quamvis Fabricius ut primus ostiola hæc invenit, sic postremus memoriæ litterarum mandaverit, Opusculo pluribus Tabulis exornato, sedecim antequam obiret annis emisso: ut alienissimum sit a vero quod, tanquam a Thoma Cornelio Consentino; non in hujus tamen Progymnasmatibus; scriptum, legi: Fabricium *tacitum ferentem insigne de circuitu sanguinis dogma, descriptum a se de venarum valvulis librum*, Aliis *mandare morientem sustinuisse*, quem *ob invisam sibi novitatem, etiam nunc --- servant*. Sed hæc singula confutare non est operæ; quando & eum librum ab ipso editum Patavii A. 1603. apud Laurentium Pasquatium, & quæ novitates hic, si usquam alibi, gratae, & magnifice vel in Fabricio remuneratae; quæ vicissim merito sint invisæ, nemo, nisi qui verum non satis quærit, ignorat.

68. Porro quod ex Vita hominis ingeniosissimi Pauli Sarpii hunc Riolanus (s) commemorat Fabricio valvulas ostendisse; permirum profecto esset, si quæ intra venas abduntur, illa Monachus, per ea tempora (quod ex eadem Vita constat) primum diu & longe absens, tum annos natus duos; haud amplius; & viginti, Anatomico, oculatissimo præsertim, atque exercitatissimo, demonstrasset. At enim, inquis, idem Monachus eidem Anatomico etiam alia significavit (t). Fateor, sed multo postea, neque ea tamen quæ fidenter fane, tanquam Fabricius ipse in libro de Oculo, *Visus Organo* confessus esset, in illa Vita memorantur, sed longe alia: hæc autem, non quæ ad corporis structuram, sed quæ ad actiones attinebant; non quæ scalpellum requirebant, sed quæ per se ante oculos posita erant; non quæ Sarpus primum, sed quæ alii antea, ut olim (u) ostendi, & alias (x) confirmabo, animadverterant; postremo non quæ suo Marte, sed quæ a Fabricio, ab se inchoatam observationem communicante, excitatus, tandem perspexerat. Ac tantum abest, ut inde argumentum duci possit unde valvulas ab Sarpio esse Fabricio demonstratas, credamus; indidem potius, cum Henrico Meibomio (y), rationem esse petendam, censemus, cur non demonstratas intelligamus. Nam qui primum illud *arcanum* (sic enim putabat) diserte Sarpus magnis cum laudibus, gratique animi significatione acceptum retulit (z); hoc quoque alterum, si ab eo accepisset, ei procul dubio retulisset. Ipse vero, vivente ac florente Sarpio, cujus a se voluntatem e re sua non erat alienare, nulla ejus injecta mentione, rationem ac modum quo per se in valvularum notitiam pervenerat, simpliciter his verbis exposuit (a): *si premere, aut deorsum fricando adigere sanguinem per venas tentes, cursum ipsius ab ipsis ostiolis intercipi, remorarique aperte videbis: neque enim aliter ego in ejusmodi notitiam sum deductus*. quæ ad verba, hæc insuper in libri ora adnotantur: *Auctor quomodo in notitiam ostiolorum est deductus*. Nam quod in Sarpii Vita positum est, facile hunc pati consuevisse, quæ ipse invenerat, ea sibimetipsis Amicos tribuere; nos vero & paulo ante vidimus, Fabricium tamen ne in leviori quidem re ex iis esse voluisse qui ista illius facilitate abuterentur, &, si vel maxime voluisset, non iis tamen quæ modo produximus, verbis, minime necessariis, insuper mentiri oportuisset, qua sibi ratione occurrisset prima valvularum notitia. At vero, inquis, in eandem notitiam & ratiocinando, & exquisitissima observatione animalium corpora incidendo, antea pervenerat Sarpus, pluribusque valvularum repertis usibus, rem totam Medicis amicis, & nominatim Fabricio significaverat, qui deinde notitia illa usus est in Publica Anatomia; exinde vero deinceps ceteri. Quis hæc dicit? Idem qui Sarpii Vitam scripsit: quin horum quæ Fabricio exprobrat, testes habere se, ait, oculatos, & qui rem certo scirent, quibuscum ipse qui scribit, sit collocutus: ex quibus duos etiam tum cum ea scriberentur (num pariter cum ederentur?) viventes nominat, claros fane Medicos, & vetere cum Sarpio

amicitia conjunctos, Sanctorium Sanctorium, & Petrum Affelinæum. Quos certe ego & quæ agebant, vera credidisse, & quod ad excogitationem quorundam attinet, quales ii cunque sint, valvularum usum vera dixisse, ultro ac perlibenter fatebor. Ea enim Sarpus fuit ingenii vi, eo studio, ea industria, solertia, sagacitate, ut tametsi in omnibus propemodum Scientiis atque Artibus non ea omnia quæ ipsi in Vita ista tribuuntur (nihil autem fere non tribuitur) primus deprehendere; tamen vel multo abstrusiora quam ii sint usus, meditando posset invenire. Duos autem illos eosdem Viros aut oculatos primæ valvularum inventionis testes, aut ex iis Medicis amicis fuisse, aut esse potuisse, quibuscum Sarpus illam priusquam Fabricius publice traderet, communicasset, nec fateri possum, nec, si vellem, per ipsum tamen sapius memoratæ Vitæ Auctorem liceret. Hic enim refert, Affelinæum, qui anno ineunte 1623. Sarpus in novissima ægrotatione, amici Medici officia præstitit, annos circiter 38. cum eo amicitiam coluisse. Quæ ex re ut illud consequitur, hujus amicitiae initium circa A. 1585. esse agnoscendum; sic quoque id conficitur, Affelinæum inter eos amicos Medicos non fuisse, quibus valvulæ ante A. 1574. quo eas anno Fabricius invenit, ostendi a Sarpio, aut significari potuerint. Sanctorium autem inter eosdem multo minus esse potuisse, vel ex iis constat quæ Vir Cl. Papadopolus (b) de ipso tradit, videlicet nomen ejus inter Gymnasii hujus nostri discipulos *ter legi ab an. 1583: obiisse autem an. 1636. ætatis 75: ex quibus apparet, ante annum 1574. non modo Medicum, sed nē puberem quidem fuisse*. Verum, ad Sarpii Vitam ut redeam, cum ex ea liquere, supra dixerim, neque hunc ante eum annum ea ætate fuisse, ut illiusmodi rem invenire facile, Fabricioque indicare potuerit; illud nunc addo, eandem Vitam caute attenteque perlegendibus non difficile esse intelligere, quo primum tempore id tandem poterat, jam multo antea a Fabricio valvulas fuisse repertas. Cum enim de eo triennio verba fiunt, quo inter suos Magistri Provincialis officio jam perfunctus, quieti Sarpus, & rerum naturalium contemplationi totum se dedit, hoc tempore dicuntur, & vel multo magis insequentibus annis in, cujusque modi animalium dissectionibus se exercuisse. Atqui id officium raro exemplo collatum in ipsum fuerat annum agentem 27. hoc est A. 1579. Hinc igitur effici videmus, si vel primis dissectionibus in valvulas forte incidisset, non potuisse id fieri ante annum 1582. hoc est octavum postquam illas Fabricius invenerat; ut jam Sarpus nihil relinqueretur, nisi eas recognoscere, novosque alios insuper usus excogitare.

69. Hic unum illud a te requiri posse, video, quo tandem probetur teste, A. 1574. Fabricium valvulas reperisse? Nam Salomon quidem Albertus (c) hæc tantum scribit: *fertur anno LXXIX. ineunte Hieronymus Fabricius ab Aquapendente anatomicus & chirurgus clarissimus, Patavii spectantium oculis subjecisse ostiola in venis brachiorum & crurum*. Nos vero nec locupletiore, nec constantiore quærere testem possumus Casparo Bauhino. Hic enim primum in *Anatomes* libro II. (d) cum de iisdem valvulis, earumque inventionem verba faceret; *post Avicennam* (quem eas Bauhinus designasse, credebatur, quodam loco qui neque ab ipso indicatus est; neque ab Riolano (e), neque a nobis, neque ab ullis aliis, quod sciamus, adhuc potuit inveniri) *neminem*, inquit, *legimus qui earum fecerit mentionem, ante Cl. Anatomicum Hieronymum Fabricium ab Aquapendente Patavinum Anatomicum præceptorem nostrum, qui ante annos octodecim eas in Patavino theatro demonstravit, & ipsimet demonstrari vidimus ab eodem ante annos quatuordecim*. Hunc autem librum Bauhinus edidit primo, ut in Præfatione docuit ad *Institutiones Anatomicas*, primo, inquam, edidit anno 1592: ut præclare intelligas, non modo ante annum 1579. quem Albertus indicaverat, sed anno ipso 1574. a Fabricio valvulas demonstratas fuisse. Fuit autem Bauhinus Patavii (id quod in *Theatro Anatomico* (f) ipse ostendit) non

(f) cap. cit. (s) Vid. Fabricium ab Aquapend. de Oculo P. 3. c. 6 (u) Advers. Anat. I. n. 26.  
(z) Epist. XVII. n. 7. (y) Exercita. de Valvulis n. 21. (z) cap. cit. (a) De Venarum Ostiolis.  
(b) Histor. Gymnas. Patav. Tom. 1. l. 3. Sect. 2. c. 28. n. 130. (c) Histor. plerarumq. Part. hum. corp.  
(d) Part. 2. c. 50. (e) Anthropogr. c. cit. (f) l. 3. c. 56. primæ edition.



non brevi sane tempore; Fabricio etenim an. 1577. 1578. & 1579. præceptore usum esse, Casserium vero anno 1579. amicum & studiorum collegam habuisse se, scribit; ut ignorare nequaquam posset, cum sibi demonstratæ sunt valvulæ, tunc primum non demonstrari, neque vero quot annis ante Patavii demonstrari cœpissent. Itaque etiam postea in utraque *Theatri* editione (g), tum vivente, tum mortuo Fabricio, diserte, constantissimeque in hunc modum scripsit: Valvulas *Cl. Hieronymus Fabricius ab Aquapendente Patavinus Anatomicus* anno 1574. publice demonstravit. Cum autem ex eo tempore ad Fabricii usque obitum anni quinque & quadraginta intercesserint, quibus hoc ejus inventum magis in dies magisque toto propemodum orbe celebrabatur; mirandum est, nihil unquam, quod sciamus, de valvularum inventore Sarpio a quoquam ex hujus Amicis, rei, ut ajunt, consciis, nisi Fabricio jam pridem mortuo, vulgatum esse; mirandum est, inquam, cæteris, quicunque huic rumori fidem habuerunt. Nobis vero, & aliis qui ea perpendere voverint quæ hætenus exposuimus, videbitur potius, si is rumor, vivente Fabricio, in vulgus emanasset, ut alter de eodem Sarpio circuitus sanguinis præmonstratore, vivente Harveio, emanavit; multo facilius futurum fuisse illius rumoris, quam hujus vanitatem convincere. Nam certe qui hunc ita sibi confutandum existimarunt, ut scriberent, *Legatum Venetum*, ex Anglia ad suos reditum parantem, libro Harveii de Circulatione sanguinis ab Harveio ipso donatum fuisse, eundemque postea Sarpio legendum exhibuisse, indeque virum hunc celebrem memorie causa, plusculatranscripsisse, ex quibus, ipso mox defuncto, sit creditum postea multis, eundem scripti hujus auctorem extitisse; qui hæc, inquam, scripserunt, attendisse non videntur, istum Harveii librum editum primo fuisse anno 1628; Sarpium vero obiisse, ut supra (b) indicavimus, circa initium anni 1623; ut ex Cæsalpini quidem libro (i) eandemquæ Harveii magna ex parte postea fuit, sententiam, ipsumque adeo sanguinis circulationis vocabulum describere potuerit; ex Harveiano autem quæ ad eam illustrandam, & si verum fateri volumus, emendandam, penitusque persuadendam sententiam attinent, non potuerit. Apparet igitur, multo facilius fuisse, ut de circummitione sanguinis quædam sive ab se ipso deprehensa, sive ex Cæsalpino haulta, meliusque digesta, aliis, quod tamen ipse non affirmo, præmonstraverit, quam ut valvulas in artuum venis quando per se nondum invenisse poterat, neque apud alios legisse, Fabricio nostro significaverit.

70. Nam quod Riolanus (k) pronunciavit, non esse dubium, istas membranulas venarum a veteribus animadversas fuisse; certe nullum produxit locum, nisi unum Ruffi, & duos Hippocratis, non obscuros solum, sed alio facile attinentes. Et Ruffi quidem verba Albertus (l) in rem suam detorserat, sic interpretatus efflorescentiam seu portiunculam quandam tunice venarum ---- interius abscedentem, ut peculiare quoddam sanguinis vasculum, intra venarum amplitudinem constituat. Sed quantum sibi in ea interpretatione indulserit, cum græca ipsa, quæ profert, verba, nihil nisi efflorescentiam, sive adventitium vasculum sanguinis significantia, satis indicant, tum Ruffus ipse præclare docet (m), cum Dionysium, qui primus efflorescentiæ nomen invenit, eodem loco sæpius, ait, venam, efflorescentiam, arteriamque inculcasse, ac repetisse: quis enim simul venam, valvulam, & arteriam sic inculcaret? Quid vero Dionysius intelligeret, num capillares venulas, quando Galenus, Riolo fatente, has eadem voce significavit, num aliud, tanto minus possumus nos constituere, quod qui Dionysii Scripta habebant in manibus Eudemus, & Ruffus, alius aliud intelligebant, ille quidem venam, Ruffus vero rem venæ similem. Hippocrati autem adscriptus uterque locus in libro quidem a me legitur de Ossium natura, ad eundemque modum scriptus ad quem indicat Riolanus. Verum, quod ad primum attinet, de vena Humerali hæc traduntur: ægre curatur, si rumpatur aut convellatur. Ab altera enim parte nervus latus ipsam ambit, ab altera cartilago, medium vero locum ipsa tenet, & pellicula spumosa. Quum igitur

Morgagni Epistolæ Anatomicae.

locus non sit carnosus, facile rumpitur, & carnem circumnasci non contingit, & cæt. Hic Riolanus, membrana spumosa, inquit, nihil significat, nisi referatur ad valvulam venæ humeralis, quæ duas, vel tres in medio brachio obtinuit valvulas. Mihi vero nihil minus videtur posse, quam valvulam, significare. Quid enim hæc faciat ad curationis difficultatem? cujus inter causas aliquanto minus incongrue quæpiam commemorari membrana possit, exterius venæ circumjecta, non magis carnosæ quam is nervus, aut ea cartilago, libeatque fortasse alicui suspicari, cellulofam quandam hic indicari membranam quæ ob tenuitatem lamellarum, albedinem, minutasque cellulas, spumæ assimiletur. Locus alter: Juxta suram vena velut fundam facit. Ad quem Riolanus, producta Foessii interpretatione, significari ibi venam in extremis angustam, in medio ductu latiore, hæc ipse subjicit: An non intelligit Hippocrates Ostiola Venæ Suram perreptantis, quoniam Vena ibi semper latior & amplior ubi Valvula consistit? Equidem ego ut hoc non inficior, sic minime video, cur id significans quod extrinsecus aspicitur, intelligere id debeat quod interius continetur. Quærendum potius esse, arbitror, cur quod aliis etiam locis commune est, id potissimum juxta suram memoraverit? Num quod in Cruralis venæ trunco (hunc enim videtur, tanquam secundum circummitionis sanguinis ordinem, ab imo pede sursum versus describere) quæ is inter infima ossis femoris capita in sinum excipitur, in ejusque sinus vicinia, illud interdum animadvertisset quod & mihi in quibusdam; non in cunctis; cadaveribus adnotatum est? Scilicet ejus trunci pars quam modo designavi, non inferius solum (id enim ibi nihil habet peculiaris) sed & superius contractior, intermedio tractu ad digitos aliquot transversos apparuit latior, ut similitudo cujusdam velut fundæ agnosci sic satis posset, ac certe secundum propositam interpretationem, vena in extremis angustior, in medio ductu latior adeo occurreret, ut ea me res ad venam ibi disseccandam, perspiciendamque invitaret. Ne in primo quidem in quo id animadverti, cadavere, quod viri textoris fuit, hæc quidquam habere morbosæ visa est. Nam etsi tunicæ crassæ erant, atque subduræ; tamen incisæ, diductæque peculiarem intus, & quæ id requireret, structuram ostenderunt. Ea enim erat rerum facies quæ nihil magis, quam apertum Sinum Superiorem Falcati Processus Duræ Matris, referret, illas habentem duplicationes quas in *Adversariis* (n) descripsi. Quin & fibræ erant transversæ, quæ alicubi, trabium instar, parietibus interjectæ, hos connecterent inter se. An illiusmodi duplicationes designaverit Riolanus (o), cum scripsit, præter valvulas, intra venas crurales, Tubulos digiti longitudine ex eadem venæ substantia conflatos se deprehendisse, ne sanguis magna copia collectus venam effringeret, aut ex tumore crurum movendi impotentiam adferret; an talia, inquam, an in homine, cum proxime de venis animalium quadrupedum locutus sit, an denique in eodem in quo ipse loco reperi, designaverit, nescio: illud, contra ac suspicatus est Henricus Meibomius (p), intelligo, tubulorum nomine valvulas non designasse; cum diserte præter valvulas, tubulos descripserit. Cæterum ea quam ipse vidi, paulo supra sinum illum ossis femoris, structura erat. Sed in juvene molitore nihil ibi animadvertendum: at vero intra ipsum sinum, & paulo etiam inferius aperto venæ trunco, duæ magnæ quasi cellæ in conspectum venerunt, sive duo magna orificia cavearum quæ similes quadantenus videbantur eorum Valsalvæ (q) Sinuum, extrorsum recedentium, qui ad ipsum initium sunt arteriæ Aortæ. Earum cavearum superior opposita erat inferiori, & membrana quoque, instar valvulæ singulæ singulis earum orificiis præfixæ, opposito modo locatæ erant; nam inferius orificium ab inferiore parte, superius a superiore, fere ad dimidium usque, obtegebant. In illud desinere magnum aliquem ramum descendantem; in hoc ascendentem, credidi: nam dissectiones aliæ in ea vicinia antea peractæ, ne rem ulterius explorarem, obstiterunt. Aliquid, huic observationi proximum, sed non parvo proximum intervallo, duæ quæ

D d 2

pri-

(g) l. 4. c. 36. (h) num. proxim. superiore. (i) Quæst. Peripat. l. 5. quæst. 4. & alibi.

(k) cap. sæpius cit. (l) Hist. cit. (m) De Part. hum. corp. appellat. l. 1. c. 33.

(n) Vl. Animadv. 6. (o) cap. cit. (p) Exercitat. de Valvulis n. 46. (q) Vid. Dissertation. Tab. 2.



primæ omnium editæ sunt, valvularum in venis artuum Figuræ ostendunt, Salomone Alberto auctore (r): & fane ipse quoque *crura petentem venam* delineat *prope poplitem*, eamque supra, infraque contractionem, in medio ampliorem. Quod si Eustachii Tabulam XXIV. diligenter inspicias; Cruralis venæ truncum nusquam latiore comperies, quam infra duo memorata capita ossis femoris, interque ipsa, & paulo etiam supra; nam deinde quâ altius ascendit, extenuatur. Minus id apparet in ea Tabula (s) Fabricii nostri in qua eundem venæ ejusdem truncum demonstrandum suscepit; nihil autem ferme quod ad eas structuras accedat quæ aut ab Alberto sunt, aut a nobis circa poplitem observatæ. Quod non illius redarguendi causa scribo: quippe antea fassus, ea quæ descripsi, haud in cunctis cadaveribus adnotasse. Et fane de duobus quæ inter duo memorata dissequi, alterum, idque agrestis formæ, & crassiores ibi venæ parietes, & intra hanc cellulas primo quidem aspectu ostendere videbatur; re autem vera neque illos crassiores, & has nihil aliud esse, deprehendi, nisi influentium venarum orificia, eaque valvulis, ut videbantur, instructa, ampla quidem satis, sic tamen ut neque ipsâ magnitudine, neque positu, neque sinuoso essent recessu spectanda. In altero autem cadavere quod erat servi cujusdam a pedibus, annos ad sexa-

ginta nati, & diuturna quadam crurum, exterius aliquin recte se habentium, debilitate laborantis (num ob arteriæ truncum quem ad poplitem inveni dilatatum, & hic illic osseum factum?) crassas quidem ad eum locum, venæ tunicas offendi, intus vero majorem valvulam dumtaxat unam, infraque hanc aliquanto spatium duas minores: nulla autem; quamvis non brevem ad tractum supra, infraque poplitem, examinavi; paulo majora ramorum orificia sed oscula tantummodo, huc illuc disjecta, ramulorum; nihil ut fieri similis posset venæ, in eadem illa Fabricii Tabula delineatæ. Hoc unum ajo, quod ex dictis, in parte consequitur: in hoc, & cæteris venarum quæ in artubus occurrunt, locis studio veritatis nos cogi, ut extrema fere Opusculi Alberti (t) verba extremis verbis Fabriciani Opusculi anteferamur. Hoc enim, ut supra etiam relatum est (u), ita concluditur: *Quot autem numero sint ostiola in quaque vena, & quomodo in ipsis partibus sint disposita, ac pleraque alia ex ipsa magis subjunctarum Tabularum inspectione, quam historia innotescere.* Illud vero hunc habet finem: *Numerus valvularum prorsus incertus est, & vero intervalla, quibus disclusæ sunt, admodum disparia: ipse positus alias magis, alias minus ordinatus &c.* Sed magnum de tabula; ne re, quod ajunt, sit major accessio. Iterum vale.

## EPISTOLA ANATOMICA XVI.

*Attinet ad reliquas Partes duas Primæ Valsalvæ Dissertationis, itemque ad Dissertationem Alteram. Sermo est de Nervis ad Par Vagum Accessoriis, de Cerebri Pari Decimo, de Secundo, Tertio, Quarto, Quinto, Sexto, & de Nervis Intercostalibus: ac simul de Musculis omnibus qui circa Oculum sunt locati, de Annulo Optici Nervi Moderatoris, & de extimis ejusdem Nervi, atque Oculi Tunicis.*

**N**unc quæ de certis quibusdam Nervis in duabus reliquis Dissertationis Primæ Partibus a Valsalva proposita sunt, ut institutus ordo postulat, persequamur. Itaque initium ducemus ab nervo illo Spinali quem Accessorium ad Par Vagum, sive ad Octavum Cerebri, appellitant, eo magis attendendo, quod Willisius (a), ut nosti, non tantum in homine, & quadrupedibus, ast etiam in volucribus, & piscibus constanter reperiri, testatur. Et noster quidem Fallopius (b), cum illud idem par Vagum, quod tunc Sextum vocabant, præcipue fibra quadam ab origine ipsius valde distante augeri, scripsit; hunc procul dubio Accessorium nervum primus omnium significavit. Ab Eustachio autem vel clarius, ante Vidium, fuit, ut alias (c) ostendimus, non modo in Tabulis, quæ latebant, delineatus, sed in Opusculis etiam, quæ omnium terebantur manibus, indicatus. In *Ossium* enim *Examine* memoraverat Eustachius tres propagines illius paris a medulla spinali principium fumentes, in Tabula autem XVIII. (d) has tres propagines demonstraverat in nervum Accessorium, & hæc in par Vagum convenire: quæ propagines ea in Tabula ita ex lateribus existunt illius Medullæ, ut cum singularum initia singulis primorum Cervicalium parium initiis respondeant, infimæ initium non infra ortum descendat Tertii, vel potius, Secundi, si Primum cerebro cum recentioribus plerisque Anatomicis tribuamus. Recte autem, an secus fecerit, quod non ad inferiora perduxit, tunc quidem nolui judicare. Neque enim satis commodus is erat locus, & ad eas quas ejus nervi habebam, observationes, alias præterea, in magno præsertim magnorum Professorum dissensu, adjiciendas existimabam. Nam ut Vidium mittam, quem minus equidem miror multo superius quam Eustachium, imam hujus nervi originem ex tribus pariter propaginibus delineare (e), quando ex anteriore Medullæ facie, & eo crassiore, quo initio est propior, repræsentat; quanquam alibi (f) hoc minus manifeste fecit, ubi videlicet sinistrum Accessorium pinxit vel minus tamen descendentem, quam dexterum;

ut ipsum igitur Vidium omittam; certe Coiterum (g) hæc scripsisse, comperio: *Sextum etiam Par cerebri conflare a coacervatione plurimarum fibrarum, quæ a spinali medulla majori ex parte, juxta quintam colli vertebra visæ sunt primo prodire, & in ascensu multis aliis fibris augeri, atque ita inter filamenta spinalis medullæ superiora inferioraque nervos constituentia, sursum tendere, quoad cum septimo (an sexto) Pari proprium transmeent foramen.* Ex quo Coiteri loco facile est animadvertere, in quibus ipse non modo ab Eustachio dissentiat, sed & Willisium, pariter dissentientem, prævertat. Nam Willisius (b) initium Accessorii nervi delineat vel infra initium Quinti Cervicalium paris; imo addit (i), a quinta vel sexta cervicis vertebra, atque adeo (k) juxta sextam aut septimam incipere. Nec vero in hoc uno ab Eustachio discrepat; sed in his quoque. Primum (l) quod cum acuto cuspide incipiat; --- in ascensu vero mole augeatur. Deinde, quod inter Nonam, & Decimam cerebri, atque inter Primam, & Secundam, & proximas porro Cervicis conjugationes mediis fere intervallis, ut pictura docet (m), Medullæ fibræ quibusdam admissis annectatur (n). Hoc etiam habet (o): Cervicalium conjugationum origines medias pertransire, hoc est inter origines anteriores & posteriores exceptum ascendere; anterioribus tamen, si XII. Tabulam recte intelligo, propiorem. Hæc Willisius. Quorum etsi pleraque confirmat Vieussenius (p), qui & fibrillarum communicationem addit inter Accessorios, & Cervicalium par Primum; tamen in eo minus ab Eustachio recedit, quod illorum originem infra *Quarti* horum *Paris principia* non producit. Sed vicissim Ridleyus (q) ad *Septimum* usque *Par* extendit, dissentiente in schedis Valsalva nostro, qui ad *Quintum* usque observavit, neque ultra, vel in ipso bove, perduxit.

2. Equidem olim in *Adversariis* (r) suspicabar, ejusmodi esse dissensus ortos ab summa Accessoriorum ad imum illud extremum, & pene incredibili tenuitate. Exilescere enim in capilli modum, videbam; ut minus mirandum crederem, si non æque omnes per-

(r) in calve Histon. sæpius cit. (s) VIII. de Venar. Ostiis. (t) loco indicato. (u) n. 64. (a) Cerebri Anatom. c. 28.  
(b) Observ. Anat. (c) Epist. in Tabul. Eustach. (d) Fig. 1. & 3. (e) De Anatom. corp. hum. Tab. 77. Fig. 15.  
(f) Tab. 18. Fig. 2. (g) Observ. Anatom. (h) Anat. cit. Tab. 12. (i) Explicat. Tab. cit. 12. ad C. C. (k) cap. cit. 28.  
(l) Ibid. (m) Tab. 9. (n) cap. cit. (o) Explication. Tab. 9. (p) Neurograph. l. 3. c. 4. & Explic. Fig. 2. Tab. 23.  
(q) Anatom. Cerebri c. 16. (r) II. Animad. 36.



sequi, & ad initium usque perducere potuissent: atque adeo mihi ipsi quoque inde accidisse, conjiciebam, ut interdum aliter, non in aliis tantum, sed (si dexterum cum sinistro conferrem) in uno eodemque homine se se obtulisse viderentur. Verum cum iterum, ac sapius, quamvis omni diligentia connisus, re tamen vera, apertissimeque deprehenderem, non semper rem ad eundem modum se habere; illam quidem suspensionem non ita abjiciendam, ut nullus unquam ipsi relinqueretur locus, existimavi; sed priores meas observationes negligere minus cœpi: quarum, & posteriorum cum sex habeam adnotatas; earum tibi sigillatim summam exponam. Igitur nulla est in qua breviorum Accessorium invenerim, quam una ex postremis, in qua sinistrum præclare vidi infra posterius initium Primæ Cervicalis conjugationis statim omninoque terminari, cum dexteri finis proximam a tergo haberet originem Quartæ posteriorem. In altera vicissim observatione dexter vix ad Tertiam; sinister autem ad Quintæ viciniam producebatur. Inæquales etiam in alia fuerunt, in qua longiorem, eundemque paulo minus exilem ad Quartam usque perduximus, cujus initiorum alteri per fibrillas se conjungebat. Fuit quoque cum alterum non infra Quintam; alterum vel paulo inferius persequi liceret. Ad Sextam usque necdum accidit ut possem; in iis enim quæ dixi, locis vel isti ipsi duo se lateribus Medullæ infigebant, ibique evidenter finiebantur. Atque in his quatuor observationibus inæquales; in duabus reliquis æquales vidi. In altera enim in eo quod inter Quartum & Quintum par est, interstitio: in altera autem in posticis Quarti originibus ambo pariter finem habebant. Quæ cum dico, noli ita existimare, per furculos tamen quosdam inter ista, & inferiora paria locatos, ad hæc usque utcunque perducere Accessorios nervos potuisse. Nam ejusmodi furculi aut non erant, aut, si quando erant, cum iis parium illorum fibris communicabant, quæ nihil ad finem Accessoriorum pertinerent. Et mihi quidem contigit sic observare.

3. Non sum nescius, præter nervum Accessorium, per latus utrumque Spinalis Medullæ quiddam ferri quod primo aspectu mentiri illum possit, idque non modo ad par Cervicale Septimum, sed & multo inferius produci. Nam cervicis vertebra, extimoque Medullæ involucri, & Dura meninge referatis, ubi velamen quoque Arachnoidis sustuleris, & Cervicalium nervorum anteriores origines, & sanguifera vascula discideris, ut ab imo ad summum, liberum tibi aditum expedias ad alterutrum latus Medullæ accuratius inspiciendum; incurret in oculos nerviforme corpus, ei lateri secundum longitudinem recte adhærens: quod si persequaris; non cervicalem tantum Medullam stipare, sed cum dorsali porro pergere, deprehendes. Verum si digitis nonnihil extendere in latus coneris; non illud nervei, sed membranei generis esse, perspicies. Tum si cranium versus sequare; non hoc subire, sed in Dura meninge propter Vertebralis arteriæ ingressum subsistere, comperies; infra vero in eandem meningem longa serie certas quasdam membranas productiones, in trianguli modum se contrahentes, immittere, eo quidem ordine, ut cum singulæ, figura simili, medium fere obtineant ejus intervalli quod inter bina quæque superiora, & bina inferiora Cervicalium conjugationum initia est interjectum, nihil cerni elegantius possit alterna hac nervorum, & productionum serie, præsertim cum hæc aliquanto majores, & constantiores occurrunt: neque enim sunt omnibuseadem magnitudine, & præterea accidit, ut in quibusdam intervallis deliderentur. Has Blasius (f) nomine fibrillarum quarundam membranacearum, seu filamentorum proposuit, atque ut sibi in cane, in porco, in ove apparuerunt, delineavit. In homine autem postea descripsit Vieussenius (t) sub exigui, brevis, & subrotundi ligamenti vocabulo: qui & nerviformis illius unde existunt, corporis, quod membranofum ipse, necnon validum, licet parvum, ligamentum, appellat, descriptionem conjunxit; sed nervorum imaginem dedit. Ego, etsi aliter in aliis, neque, ut ipse docuit, in quolibet Parium intervallo constantes productiones offendi, corpus autem unde prodeunt,

& ipsum interdum variare, non dubito; alias fortasse ex aliquo humano cadavere in quo elegantissime se habeant, delineanda curabo. Interea hic nolui multis de causis, eorum descriptionem omittere. Primum, quod plerisque universa, præsertim ita uti a me proposita sunt, minus cognita esse, video; tamen in tot, tantisque Spinæ motibus non parum utilia esse, credo. Tum, quod inter Valsalvæ ipsius observationes hanc quoque invenio: *prope egressum nervorum e Spinali Medulla in cervice Ovis in parte inferiori Duram Matrem alligari Medullæ per corpus quod videtur nervosum, cujus tamen natura sit diligentius observanda.* Novissime, quod hæc oblonga membranea duplicatura, ejusque crebri nexus cum Dura meninge, mihi olim Accessorium nervum in cervice perquirenti nonnihil injecerunt moræ, & a primo (ingenue enim fatebor) propemodum imposuerunt: quod utinam ne Hildano de quo alibi (u) suspicatus sum, aliisque fortasse contigisset.

4. Sed præter cætera, quæ ex iis quæ supra indicata sunt, discrimina intelligis, hæc insuper adnotavi, esse videlicet istud corpus aliquanto crassius eo nervo, & medium potius intervalli quod inter priora est & posteriora Cervicalium nervorum initia, quam horum sequi, ut Accessorius solet, posteriorum vicinitatem. Jam vero si quæras, cur hanc Accessorius sequatur; vix aliud potero in præsentia respondere, quam ut facilius communicare cum posterioribus initis queat: hæc enim haud semel animadverti, esse anterioribus majora, hoc est multo pluribus ex fibris constare. Quamquam ea communicatio non semper est tanta, quantam aliqui fortasse existimant. Jam primum Accessorii pars ultima quater in sex recensitis observationibus (x) cum ipso latere Medullæ; bis tantummodo per fibras in quas illa erat disjecta, cum fibris originum Cervicalium committebatur. Ab imo autem ascendens nervus Accessorius tortuoso haud raro, donec exilis erat, & quasi serpentino reptatu ter quidem, aut quater mihi inventus est posticis deinceps illis originibus per fibras annexus sic tamen, ut nonnunquam superioribus, non inferioribus, illigaretur; bis vero nullis, ne superioribus quidem, alligatus. Verum hic illic cum Medullæ posteriore latere, in ipsis etiam originum intervallis per plures paucioresve fibras, præsertim si paulatim attolleret, commissum videbas. Et sane Ruyschius quoque (y) *per se emergere variis radicibus, & quidem subtilissimis, ideoque non considerandum esse tanquam ramulum cujusdam nervi,* observavit. Neque aliter in bove videtur invenisse Valsalva. Eæ autem fibræ, radicesve, si usquam, sane multæ, & manifestæ in illo mihi apparebant tractu, quo supra infraque Decimam nervorum cerebri conjugationem, aut prope ipsam ferebatur. Prope ipsam, inquam. Cum enim aliquando offenderim a tergo ejus conjugationis utrinque fibras tres, ita ipsi respondentes, ut pro initio illius postico, quamvis multo tenuiores, accipi fortasse posse viderentur; has omnes ab Accessorium pertinere, nullas coire cum ea conjugatione, animadverti, mox sibi exitum per Crassam meningem parante qua Vertebrales arteriæ subeunt inter os Occipitis, & vertebra primam.

5. Hic scio, te de hujus parvis Decimi simplici utrinque, an duplici initio, deque ejus egressus loco multa ex me esse quæsiturum, cum minime ignores, quot, & qualia his de rebus dissidia inter recentiores Anatomicos agitentur. Nam Veteres, ne ipso quidem Platero excepto, qui (z) ante Willisium, docuit, *capitis nervorum conjugationes seu paria esse X*, cum inter hæc par Willisii Decimum, de quoniam loquimur, non reponerent, sed inter Spinalia primo loco numerarent, Spinalium autem singulorum initia quot essent, magis ad vertebrae solerent, quam ad Medullam, spectare; primam controversiam non attigerunt: alteram autem, quæ de egressus loco est, hætenus agitarunt, ut quærent (a), per ipsamne vertebra primam, sicut in quibusdam animalibus, an potius illam inter, & os Occipitis transiret, hoc Vesalio (b), & plerisque in homine affirmantibus, nemine, quod meminerim, inter primam, & secundam vertebra traducere. Hoc vero alterum face-

(f) Anat. Med. Spinal. & Tab. 7. 8. & 9. ad f. (t) Neurogr. 1. 2. c. 1. (u) Epist. XII. n. 36.  
(x) supra n. 2. (y) Resp. ad Epist. Anat. XII. (z) De corp. hum. struct. l. 1.  
(a) Vid. Eustach. Oss. Exam. (b) De corp. hum. fabr. l. 4. c. 12.



facere Willisius (c), nescio qua causa, coactus est. Nam etsi hanc conjugationem, *duram matrem eodem loco subire*, vidit, *ubi arteria vertebralis in cerebrum ascendit; attamen ex ossium sinibus non nisi infra primam vertebra emergere*, hoc est, ut alibi (d) loquitur, *non nisi intra primam ac secundam*, non dubitavit, si in cadaver aliquod incidit, in quo res se ad eum modum haberet, si in eadem præjudicata opinione fuerit, in qua Joannem Leonicum, Veslingii alumnum, fuisse, narrat Thomas Bartholinus (e), ut primam vertebra tam *arcte occipiti coherere*, existimaret, ut illac egredi nervus non posset; quanquam Leonicus ne inter illam quidem, & secundam exire posse, censebat, quippe quem aperte *darinegabat*. Verum si ea, si alia potius causa Willisium permoverit, ut qui minime ignorare poterat, quâ Vertebralis arteria transit inter primam vertebra, & occiput, eadem nervum quoque tenuem posse transire; Vieussenius (f) certe contra Willisium, traditam hujus nervi a Majoribus viam restituit. Sed quamvis Verneyus quoque (g) Præstantissimus Anatomicus, illum Willisii errorem, & diserte quidem, notaverat; Ridleyus (h) tamen idem quod Willisius, proposuit, nisi quod addidit: hunc nervum trajici per Duram meningem *dimidio circiter pollice infra locum quem arteria Vertebralis ingreditur*. Cæterum Antiquis, & Vieussenio adstipulati sunt postea, præter Cowperum, Drakius (i), & Cl. Palfinius (k), qui & nervi, simul cum hac arteria trajecti, meminerunt, tum solertes alii Anatomici: quorum omnium observationibus acquiescere nos posse videremur, nisi Cantius (l) aliquanto supra eandem arteriam (quod tamen contra Ridleyum est) nervi transitum per Duram Matrem pinxisset, tum Vir Præcl. mihiq; amicissimus, qui diserte negat, se ullum unquam nervum inter cranium & primam vertebra prodeuntem manifeste conspici potuisse, idem, inter hanc & secundam (quod pro Ridleyo, & Willisio est) hunc nervum transire, confirmasset. Cum eo Vir Cl. alter facit, qui propterea Cervicalium par Secundum ipsis, Willisio Primum, inter easdem quidem vertebra duas, sed retro magis, egredi scribit. Verum, quod ad Cantium attinet, tametsi vereor, ne alteram Noni paris cerebri, partem pro Decimo forte acceperit, quæ de Figura Willisii V. (m), & quæ ego in VI. *Adversariis* (n) scripsi, cum pictura Cantii comparato; tamen in controversia hac tota neminem deceptum esse, ponam; sed tantum quid ipse viderim (hoc enim potissimum te a me expectare, me autem præstare decet) respondebo.

6. Igitur quotiescunque diligentius quæsi; non semel autem dumtaxat, aut iterum quæsi; par hoc Decimum quonam loco meningem Duram pervaderet; semper inveni, eodem ipso loco pervadere, quo Vertebrales arteriæ. Non æque sæpe ejus paris fibras ex eo loco extrorsum sum persecutus. Tamen cum id feci, perspicue sane exire vidi inter os Occipitis, & vertebra primam. Illud quoque præclare vidisse memini, ut ab suæ originis loco ad arterias illas contenderent, ascendisse fibras, non descendisse, contra atque de Spinalibus nervis universe Bauhinus (o) docuit, *per foramen non oppositum, sed per inferius transire*. Quod ne forte a me idcirco adnotari credas, ut hoc par a Spinalium numero arceam; ultro fatebor, me neque Bauhino assentiri de Spinalium supremis posse, ut quæ in transversum ferme procedunt, nec vero quod a me præclare visum dicebam, id an frequens, non modo an perpetuum sit, attendisse. Quod si foret, aut etiam, si fibræ illæ, plerumque transversæ incederent (hoc enim saltem videtur is unde oriuntur, locus postulare) in Cl. Viro Tabulas in quibus illæ descendentes pinguntur, id erroris inde irrepsisse, suspicari possemus quod in nervorum cerebri dissectione, dum ipsum cum adnata Medulla sursum protrahitur quo hæc profundius amputetur, simul attractæ illæ fibræ contrario prorsus ductu apparere soleant, quam mihi Medullam intra suas vertebra inspicienti apparuerunt. Illud certum est, in plerorumque descriptionibus majorem esse diligentiam desiderandam; nam hi Decimi paris nervi e cranio dicuntur *versus medullam spinalem tendere*: e cranio in *spinæ claustra ossæ dimitti*. Nos autem olim in *Adversa-*

*riis* (p) monuimus, *eam unde nervi hi prodeunt, Medullæ partem extra cranii caveam*, ut revera est, *censendam esse*: eodemque attinent quæ supra (q) commemorabamus de omnibus ante Willisium Anatomicis, qui eos procul dubio ad Spinales referebant. Quod utinam ipse quoque facere non dubitasset, aut qui infecuti sunt, Anatomia Scriptores non passim inter cranii nervos recensuissent. Verum quando in hanc tanto consensu exceptam, & jam diu confirmatam docendi consuetudinem incidimus; verendum est nobis, ne si nunc restituere antiquum numerandi morem conemur, turbam non tollamus; sed augeamus: quo magis expedit, neminem facile Antiquorum instituta in appellando præsertim, numerandoque mutare; ne, si forte erret, ejusque error convaluerit, non sine majori perturbatione convelli possit.

7. Nolim tamen hæc ita accipias, quasi præter hanc quæ mihi prima, & præcipua est, rationem, præsentem consuetudinem non libenter mutandi, alteram illam nunc prorsus abjicerem, quod (r) non, *ut Spinalia, antico, posticoque principio hoc par nervorum instructum est*. Quam rationem Veteres cur minus attendere potuerint, est supra (s) a nobis indicatum. Et sane cum Eustachii Tabula XVII. ex qua (t) duplicia ista principia multis in paribus subintelligere licuisset, simul cum aliis lateret; vix autem inter Laurentii (u) Figuras illas quatuor, quibus princeps Spinalis Medullam proposuit venulis, & arteriis suis ornatam, & in filamenta dissolutam, una extaret II. unde addisci utcunque posset, *quomodo nervi ab antica & postica ipsius revera Medullæ parte æqualiter prodeant*; minus profecto mirandum est, rarum, aut nullum de istis geminis utrinque principiis sermonem fuisse. Coiterus quidem (x), ante Laurentium, cum plura de Spinali Medulla traderet, & in his, *substantia illam esse duplici*, --- *externa quæ candida est, & interna minus candicante*, itemque exeuntibus ab illa nervis *in ipsis vertebra foraminibus substantiam glandulosam, eamque duram & crassam, nodo non dissimilem*, hoc est suum ganglion, incrementum; illa quoque de origine eorundem nervorum docuerat: *a lateribus Medullæ quatuor filamentorum ordines, siue series descendere, ut pote utrinque duas, quarum altera a parte anteriori, altera ex posteriori a Medulla nascitur. Filamenta vero, siue funiculos, siue fibras ex medullari substantia & tenui membrana conflatas tum anteriores, tum posteriores, a dextro latere --- invicem attensas, unum conflare nervum: eodem modo ex utraque alterius, vel sinistri lateris serie produci nervos*. Sed nescio quo pacto hæc tamen, atque alia quæ Coiterus præclare scripserat, quasi intercidi viderentur. Itaque vel postquam Willisius (y), & Blasius (z) duplicis utrinque Spinalium nervorum initii mentionem revocaverant, hic autem multo etiam dilucidius quam Laurentius, delineaverat, non paucis interjectis annis vix tandem Ridleyus extitit qui (a) diserte indicaret, par illud de quo loquimur, Decimum *ex utroque latere Spinalis Medullæ duplicem non habere originem, qualem habent ceteri omnes Spinales Nervi*. Hunc ego Auctorem, vel meas potius consentientes observationes secutus sum. Ecce autem Amici Doctissimi, qui contrarias laudant observationes, ex quibus constet, *illud par, sicuti ceteri nervi spinales, tam e priori, quam posteriori medullæ spinalis facie oriri*, imo, ut eorum alter loquitur, *pro parte e prioris spinalis medullæ facie, maxime vero e postico ejusdem proximoque latere*. Verum Exercitatus, idemque amicissimus laudatarum observationum Auctor ipse fatetur, qui ex isto latere postico prodeunt nonnulli, *tres minimum, nervi furculi*, eos censere se *comparem esse partem prioris portionis, etiam si copulati cum prioris portione extra spinalem speciem protinus non emergunt*. Judicium ergo ipsius, non observationem, sequuntur. Observationis enim est, hos posticos furculos cum anterioribus, quemadmodum nervi Spinales solent, non copulari, siue truncum alterutrius lateris hujus paris antico posticoque principio instructum non esse. Hoc vero est quod ipse, & Ridleyus volebamus, ut sic constaret, non omnia istud spinalium nervorum requisita obtinere.

8. Certe enim ipse quoque, ut supra (b) dictum est,

(c) Cerebri Anat. c. 1. (d) c. 29. (e) Anat. quart. renov. libell. 3. c. 3. (f) Neurogr. 1. 3. c. 6. (g) De Audit. Org. P. 1. (h) Anat. cerebri c. 16. (i) Anthropolog. book 3. ch. 4. (k) Anatom. du corps hum. P. 2. tr. 4. ch. 5. & tr. 5. ch. 9. (l) Impet. Anat. Tab. 2. Fig. 2. (m) Anat. cit. (n) Animal. 32. (o) Theatr. Anat. 1. 3. c. 17. (p) Animal. cit. (q) n. 5. (r) Animal. cit. (s) eod. n. 5. (t) Fig. 2. (u) Histor. Anat. hum. corp. (x) Observ. Anat. (y) Cerebri Anat. c. 29. & Explic. Tab. 12. (z) Anat. Med. Spinal. & Fig. 10. 11. (a) Anat. cerebri c. 1. (b) n. 46.



est, aliquando observaveram, tres utrinque tenuiores fibras, quæ a tergo huic Decimæ conjugationi responderent, non cum ipsa conjungi, ut quæ videlicet cum Accessoriis dumtaxat nervis coibant. Septies ab eo tempore posteriores illas fibras quæsi. Bis dubius hæsi. Quater procul omni dubio nullas omnino fuisse, deprehendi. Semel earum loco a dextris quidem duas tenues fibras inveni, quæ cum inter se Accessorium nervum, nulla cum ipso habita communicatione, exceperant, eodem pergebant ipsæ quod a parte anteriore par Decimum, & cum hoc simul in eum se immittebant Crassioris meningis locum per quem Vertebralis arteria dextera subibat: ut si quod semel invenisse me fateor, idem semper offendissem; tunc enim verò plane constaret, par Decimum, ut Spinalia solent, utrinque ex postico anticoque initio coalescere. Verum tantum abest ut id cæteris in cadaveribus deprehenderim; ne in eo quidem ipso quod hæc ostenderat a dextris, ullam prorsus posticam fibram, vel summa diligentia usus, invenire potui, quæ iis responderet a sinistris. Vidi quidem interdum aliquas, sed neque satis respondentes, & manifesto ad illarum seriem attinentes quæ plurimæ apud initia posteriora Primæ Cervicalis conjugationis, & paulo infra incipiendo, pergebant deinceps nasci ex lateribus Medullæ usque ad eam ferme regionem quæ infimæ parti respondebat eorum Corporum quæ Olivaria nuncupantur; non tenuiores plerisque illarum ex quibus constabant Octavi cerebri paris principia, & Noni. Neque ad hæc tamen ipsarum ullæ attinebant, ut satis ex proposita originis sede intelligi potest. Itaque non ex iis erant quas Winslowius indicavit Anatomicus Clarissimus (c), cum Accessorium nervum docuit: cum paris etiam Noni principio communicare. Quas etsi ego nondum conspexi, non propterea tamen dubito quin ipse aliquando videre potuerit. Ejus enim fides atque solertia cum antea, tum nuper mihi, has Epistolas relegenti ex *Anatomica ejus Expositione* perspecta est. Vidit tamen aliquas etiam ex iis fibris quas modo describebam. Nam binas certe ex posteriore Medullæ portione ortas, cum Accessorio nervo supra par Decimum, non cum hoc conjunctas proponit (d): cujus neque ipse (e) agnoscit aliud, quam antierius, initium; quippe cum fibram a tergo unam, eamque non semper, sed nonnunquam, invenerit quidem, verum quæ Accessorio potius quam pari Decimo adjudicanda videretur. Itaque hoc quamvis inde oriri confirmet (f) unde posuimus, & sub osse Occipitis, ut ante diximus, prodire; ipse quoque (g) non solum cum Medullæ Oblongatæ; non Spinalis; paribus recensere, Decimumque vocare pergit; sed præterea quid commodi habeat vulgata hæc consuetudo, præclare exponit. Verum ut ad fibras redeam de quibus dicere institueram; has a Carolo Stephano (h) conspectas suspicor, qui post descriptas cæteras tunc notas cerebri nervorum conjugationes, præterbas, inquit, in ea parte interiore qua cerebrum desinit, & incipit spinalis medulla, infinitos propemodum ramulos vidimus, circa spinam descendentes, & in interiore ejusdem spinæ involucri diffusos, atque effluentes, ut nullam præterea ipsorum productionem unquam viderimus. Alibi (i), atque item ubi (k) ipse, aut Riverius socius eadem conatur pictura indicare, infinitas esse, dicit, nervorum productiones, a cerebello natas, & inter membranas spinæ involventes delatas; spinæ autem nomine Spinalis Medullam intelligit. Etsi autem Stephanus & originem, & numerum harum productionum supra verum effert, præsertim cum hic variet plurimum vel in uno eodemque cadavere, & aliquando illuc usque se extendat quo diximus, alias juxta supremum par Cervicale, hujusque viciniam, potissimum spectandum se offerat; tamen non est proclive dicere, quas ibi alias viderit, nisi eas nerveas fibras quæ inter Accessorios, non plane illi cognitos, nervos, & Medullæ indicata latera feruntur. Quas, si ab inferiore parte incipias; dicas inde ascendere: sin vicissim a superiore, quod Stephanus fecit; tanquam descendentes proponas.

9. Re autem vera, toto Accessoriorum cursu spectato, hos Anatomici ascendere, censuerunt; ut neque Cl. Santorino (l), de his quoque nervis egregie me-

rito, nec cuiquam eorum quos supra laudavi, & quorum cum libris hætenus a me scripta conferas velim, ut quantum in his etiam nervis natura variet, cognoscas; nemini, inquam, eorum in mentem venerit hac de re aliter suspicari. Princeps igitur Valsalva fuit, cui non a Medulla ad par Vagum ascendere, sed potius ab hoc ad illam recurrere, neque in ea radices habere, sed potius per intimum quo ipsa convestitur, integumentum ramos diffundere viderentur. Jure id, an secus, hic est a nobis pro veri studio inquirendum. Et suæ quidem suspicionis causas perspicue ipse in Dissertatione proposuit. Quarum ego primam, atque alteram supra ostendi meis, atque aliorum (quibus & Winslowium (m) addito) observationibus respondere. Sed quamvis Accessorii nervi inde etiam unde Cervicales conjugationes haud prodeunt, & summo opere extenuati nascantur; non tamen hinc necessario sequitur, ibi eos finire, non incipere; verum hoc dumtaxat, a Cervicalibus nervis in paria digestis, quadantenus discrepare. Itaque Ruyschium supra (n) vidimus, utrumque hoc discrimen, si quis alius, egregie novisse; propterea vero, non ex Medulla oriri nervos Accessorios docuisse, non videmus. Nec fane mirum est, nervos præsertim quialiorum subinde atque aliorum accessione augeantur, quo viciniore principio sunt, eo tenuiores esse; quo autem magis ab hoc recedunt, eo fieri crassiores. Quæ cum Valsalvam non fugerent; idcirco alias addidisse rationes, puto, ab eo substantiæ, & communicationis discrimine petitas, quod in Accessoriis, & Cervicalibus ab ipsa Medulla avellendis observabat. Quas ego observationes cum iterarem; equidem nunquam meminisse, ex eo Medullæ loco unde extremum finem, aut radiculam quamvis Accessoriorum abruptissem, quidquam medullaris substantiæ prodeuntis vidisse, tametsi omnia circumcirca digitis premerem, quæ contra vel sine ulla expressione ut plurimum inde protinus apparebat unde quamcunque Cervicalium fibram ad eundem modum abruperam. Sed quamvis & horum tenuiores, & illorum minus tenues fibras avellendo, idem constare discrimen viderem; ea tamen erat fibrarum ad Accessorios attinentium exilitas, ut locum unde has abruperam; non modo an firma in abruptio-nis puncto substantia esset; satis internoscere nequirem. Quocirca illa hærebat animo dubitatio, ne forte ab intimi Medullæ involucri, hoc est Piæ meningis totali laceratione, quæ crassiorum fibrarum avulsionem, non prætenuium, consequeretur, istud repetendum videretur discrimen iis præsertim qui Blasii (o), & aliorum, confirmatam ab Ruyschio (p), sententiam probarent, videlicet *Spinalis Medullæ nervos, Piæ Matris esse productionem filamentosam*. Hanc enim sententiam, quam nobis examinare hic non vacat, nisi illa, aut ejusmodi alia responsione tuerentur; dissimulare non possent vel ab iis Valsalvæ observationibus infirmari. Itaque alia via idem mihi tentare placuit. Si enim accessorii nervi ex Medulla, ut vulgo creditur, ad par Vagum proficiscuntur; veri simile est, eo molliores fore, quo adhuc Medullæ sunt propiores: sin contra, ut Valsalvæ suspicio est; contra quoque se rem habere. Quod cum duobus in cadaveribus experirer; visi mihi sunt in ambobus truncis Accessoriorum esse duriores qua tenues adhuc Tertio Cervicalium pari respondebant, quam jam crassefacti, atque adeo intra cranium excepti.

10. Neque tamen his observationibus tantum tribuebam, ut eos propterea ex pari Vago enasci, putarem, quando non Bidlous modo (q) testatus est semper (quod in decocto capite levi labore perscrutamur) ibi illos utrosque nervos a se invicem distinctos manere; sed antea Willisius quoque (r), etsi Accessorios Vagi paris fibris inosculari, & partim in hujus Paris Nervo radicari, proposuit; satis diserte admonuit tamen (s) sub involucri eodem meningis Duræ usque distinctos manere, & postea abscedere separatim, nec brevi itinere, aliò ferri, quod Eustachius olim (t), & diligentius fortasse, delineaverat. Nam quod Valsalva Pari Vago esse continuos, doceret, id vero ad probabilitatem ejus

opi-

(c) Expos. Anat. traité des Nerfs n. 145. (d) n. 144. (e) n. 163. (f) n. 154. 157. (g) n. 6. 167. 168 & Traité de la Teste n. 347. 149. (h) De Dissect. part. corp. hum. l. 1. c. 49. prim. (i) l. 3. c. 43. (k) in Tabula ante cit. caput 49. (l) Observ. Anat. c. 3. n. 20. & 22. (m) tr. de la Teste n. 159. (n) n. 4. (o) Anat. Med. Spinal. (p) Resp. ad Epist. Anat. 12. (q) Anat. hum. corp. ad Tab. 9. Fig. 2. (r) Cerebri Anat. c. 28. (s) Ibid. c. 23. (t) Tab. 18. Fig. 2. n. 15. 26. & infra.



opinionem conciliaudam non satis fore, intelligebam, nisi ex eo loco quo pari Vago continuarentur, non ultra progredi deorsum pergerent, sed ita ibi in ejus truncis cessarent, ut inde proficisci, atque adeo recurrere intra cranium, & ad Spinalem Medullam, dici possent. Verum in ejus schedis inveniebam nihil, unde ipsum vidisse, constaret, non illos, sed alias paris Vagi fibras in eos musculos ferri quibus prospici ab Accessoriis nervis, Willisius, alique Anatomici non dubitaverant. Hæc tantum inveniebam: vix paulo infra suum e cranio egressum illi pari Accessorios uni-ri, sed continuatione adeo exigua, ut, nisi diligenter quæratur, animadverti, perspicique vix possit: sed tamen si ubi uniuntur, ibi sectio fiat; in utraque sectionis facie occurrere substantiam medullarem. Et sic quidem in homine: in bove autem usque adeo levem hanc esse connexionem, ut sit in ove sensibilior, in qua tamen ut conspiciatur, vitro oculos instructos requiri.

11. Quæ cum legissem; tanto minori cum spe ad rem inquirendam accessi. Et primum cum par Vagum nexibus solvere cœpissem, quos cum parietibus habet foraminis per quod extra cranium emittitur; nerveas quasdam fibras animadverti ad idem par attinentes, quæ paulo infra internum ejus foraminis principium minori alio foramine exceptæ, quot tenderent, aut unde venirent, otium non erat ad quærendum. Id minus foramen ad eam tamen erat partem quæ Communem Septimæ conjugationis canalem respiciebat, ideoque diversam penitus ab ea qua Accessorius nervus subibat. Sed a me idcirco est hic memoratum, ut in transitu admonerem, facere operæ pretium fortasse posse siqui diligenter præcipuos nervos qua intra offeos latent cuniculos, persequantur. Cæterum postquam par Vagum una cum Accessorio, a posteriore parte adjuncto, undique ab ossibus, aliisque connexis particulis expediti, & Duram quæ utrumque convestiebat, meningem abstuli; Accessorium vidi interiore altera exceptum vaginula membranacea, a Pia meninge, & fortasse in parte ab Arachnoide quoque confecta: cujus vaginulæ cur nullum prorsus in Eustachii Iconibus (u) indicium sit, ut unum omnino in hoc tractu nervum, non duos, repræsentent, quæcunque tandem causa fuerit, non eadem certe fuit ob quam Vieussenius (x) ad eundem modum repræsentavit. Hic enim communem illam ex Dura meninge tunicam non detraxerat: quam Eustachium detraxisse, eorum nemo qui Iconismos illos inspicet, negare potest. Verum ea vaginula simul Accessorium, & paris Vagi fibram, Accessorio non tenuiorem, complectens, cum esset a me dissoluta, arcte illum quidem cum hac fibra connexum inveni, atque adeo fortasse arctius quam cæteræ paris Vagi majores fibræ, aliæ aliis, ejusdemmodi exceptæ vaginulis, inter se cohærebant; sic tamen ut alter ab altera posset avelli, utque ante avulsionem manifesta inter utrumque extrinsecus appareret divisio, & hæc sane æqualis, & toto illo tractu perpetua quo hæc rimabar; habebam autem aliquanto longiorem, quam in Valsalvæ Tabula delineatur. Sed & illud mihi accidisse alias, memini, quod nuper quoque in nonnullis continenter apertis capitibus respondit, ut cum seorsum arreptum Accessorium nervum intra calvariam, sursum traherem, relicto hic in suo foramine pari Vago, unus ipse trahentem vi modica, sequeretur, & modo ad pollicis transversum, modo ad sesquidigiti, interdum ad duorum digitorum longitudinem teres exiret. Verum aut longius persequi, aut rem sapius, & accuratius inquirere supervacaneum duxi, cum forte in memoriam rediisset, quod Vieussenius (y) olim admonuerat, nunc autem Præcl. Santorinus (z) videtur magis confirmasse, Accessorios nervos *Paris Vagi fibræ adjungi, & in utroque latere in unum truncum, non semper quidem, sed saltem ut plurimum, coalescere*. In quibus enim cum pari Vago in unum truncum non coalescunt, in iis manifestum est ab eo pari deduci non posse. Si ergo in iis ab Spinali Medulla sunt necessario repetendi; cur in cæteris se se rem aliter habere, existimabimus? Neque

tamen istam Valsalvæ suspensionem, aliasque ejuscemodi in Re Anatomica improbandas censeo. Nam & cauti ingenii, Verique studiosi indicia sunt, & quasdam interea minus animadversas res docent, aut certe excitant ad jam cognitæ, diligentius perspicendas, acriusque perpendendas.

12. Hactenus quæ de nervis ad cerebri par Octavum Accessorii: nunc quæ de Secundo, ac Tertio pari, & quæ de externa, internaque Oculorum fabrica in reliqua hac Prima, atque Altera Dissertatione Valsalva proposuit, eadem fide, ac diligentia videamus. Principio fatendum est, Majores, ut in plerisque aliis Partibus, sic in nervis Opticis multo fuisse, quam aliqui credere videntur, diligentiores. Nam ut ab origine ipsa incipiamus; Galenus libro quidem VII. *de Hippocratis, & Platonis Decretis* (a) nimis illam humilem vicinamque assignabat ex Anteriorum, ut cum ipso plerique appellant, id est Lateralium cerebri ventriculorum extremo anteriore, non supremo illo, & magis in vulgus noto, sed infimo isto quod Crura Fornicis, & Hippocampus Arantii persequendo, commonstramus; finem videlicet eorum recessuum quos cum idem Galenus (b) & juniores quoque Anatomici descripsissent; haud satis scio, cur eosdem Arantius (c) *prætermittos* existimaverit, multoque etiam minus, cur propioribus nobis temporibus plerique omisisse videantur. Hi recessus ab utroque latere pervulgatæ Anteriorum ventriculorum cavæ contra posteriora Fornicis exorti, & se deorsum, antrorsum, ac introrsum denique, simul cum parte quam continent, Plexus Choroidis inflectentes, eo descendunt tandem, ut ad eum locum progressi quo loco ex basi cerebri arteriæ subeunt in illum se Plexum immissuræ, finem ipsi habeant ad exteriora latera Crurum Medullæ Oblongatæ ita ad anteriora, ut initio respondeat Annularis Protuberantiæ, sed ita simul ad inferiora, ut pariete minime crasso a basi cranii separetur. Verum Galenus, qui in tam propinqua, humilique sede originem Opticorum nervorum statuebat, etsi fortasse libro quoque XVI. *de Usu partium corporis humani* (d) haud aliter censuit, & *thalamorum* nomine eos quos diximus recessus, aut omnem etiam ventriculorum cavæam significavit; altius tamen aliquid indicare posteris visus est, aut certe viam pandere qua eos nervos amplius persequerentur, cum scripsit videlicet, *hos sursum usque ad cerebri ventriculum --- pertingere. Ubi enim uterque ventriculus anterior desinit ad latera, illinc nervos opticos exoriri, ipsumque ventriculorum velut thalamum, propter illos nervos extitisse*. Nam illum ventriculorum finem accuratius inquirentibus, haud difficile fuit in ea vicinia animadvertere, nervos Opticos in modum albæ crassæque institæ ad latera circumflexæ, porro progredi versus cerebri posteriora, donec in iis Corporibus evanescant quæ nunc propterea nervorum Opticorum Thalami appellantur. Itaque Eustachius duplicem hanc, similemque, sed in contrarias (quomodo hic spectamus) tendentem partes circumductionem, alteram Crurum Fornicis in anteriora, alteram Opticorum nervorum in posteriora tam clare perspectam habuit, ut duabus ex ordine proximis Figuris (e) in quibus eos quos ante dixi, recessus, & in hos productam posticam ventriculorum Anteriorum partem superne, inferneque demonstravit, utramque nobis circumductionem luculentissime proposuerit, jam tum adversus futurum Rioli errorem (f) ostendens, aliud esse *crura fornicis*, aliud *continuationes nervorum Opticorum*. Quas Eustachii Figuras si videre potuissent qui eosdem postea nervos sunt persecuti, Varolius (g), & Cortesius (h); nihil sibi laboris in ea re sumendum esse, existimassent; nisi forte aliquanto antè, aut postè quam Eustachius indicat, extremas ipsas eorum nervorum origines perquirendas censuissent: quod tamen quam perplexum sit, & difficile, tum alienæ, tum nostræ nobis observationes commonstrant. Nam neque eos qui inter recentiores Anatomicos id sibi visum scripserunt, aut omnino inter se consentire, aut habere cæteros astipulantes, invenio, & mihi haud raro hæc inquirenti, ob rerum sive difficultatem, five

(u) Tab. ead. Fig. 7. 2. 3. (x) Neurogr. Tab. 18. Vid. Explic. litt. b. (y) Ibid. l. 3. c. 4. (z) Observ. Anat. c. 3. n. 20.  
(a) c. 4. (b) loc. cit. (c) Anatom. Observ. c. 2. (d) c. 3. (e) 5. & 6. in Tabula 17.  
(f) Animad. in Vesling. ad pag. 177. (g) De nerv. Optic. Fig. 1. (h) Miscell. Medic. Dec. 1. Fig. 3. 4. 6.



sive etiam varietatem, aliter in aliis apparere. Medullarem enim, quam dixi, institam circum inferiora & externa Thalamorum latera persecutus, eadem levi acclivitate qua descripti illi in quibus est, recessus feruntur, ascendente versus Thalamorum posticam partem; interdum quidem productam conspexi evidentissime ad ultimos usque ejusdem partis limites quâ videlicet excavatio est ad protuberantias excipandas quæ Nates appellitantur. Ibi enim (et si qui hæc pinxerit, aut descripserit, non memini vidisse) subtus excavatos invenio Thalamos; cum cerebri sua in sede profecto; superne autem extantes, eoque Nates excipientes. Igitur sub tota hac Thalamorum prominentia interdum quidem manifestissime productam vidi medullarem institam nervi Optici, nec tamen totam, ut quæ antequam ad extremum veniret, nonnullam sui partem oblique retrorsum in proximam Natem certissime demittebat. Interdum vero non modo hæc videre non potui; sed institam illam ne ad posticam quidem persequi Thalamorum partem: nam priusquam per hanc se inflecteret; aut repente evanescebat, aut parvulis interjectis protuberantiis plane interrompebatur. Nonnunquam etiam accidit, ut ad Thalamorum posteriora non finiri, sed hinc per eos aut tota, aut ex aliqua saltem portione antrorsum pergere videretur. Illud tamen nec se conspexisse ostendit Eustachius, nec a me unquam visum memini, ut ab extrema origine crassior esset, magisque promineret: contra ibi tenuior, atque humilior, mox amplior, cum paulo descendisset, fiebat.

13. Cæterum sive Galenus, sive potius affecla ipsius diligentissimus Eustachius, qua in cerebri regione potissimum quærenda sit origo Opticorum nervorum, cognoverit; hos certe, postquam e cerebro emergere, non decussari, sed conjungi, tam diserte docuit Galenus, ut Rolincium mirer suspicantem (i), inuisse forte, interfecari. Nam quo in loco (k) Galenus dixit, *horum nervorum figuram X græcæ litteræ esse simillimam*, in eodem illo præclare monuit, naturam non eos commutavisse, illum quidem qui ex dextris emergit, ad oculum sinistrum; eum vero qui ex sinistris oritur, ad dextrum ducentem. Insuper, hos inquit, *siquis negligentius disseccuerit, alternare eos forte putaverit, & se se mutuo conscendere: at non est ita. Cum enim sibi ipsi mutuo intra cranium occurrerint, meatusque suos unierint, protinus denuo separantur, aperte indicantes, se ob aliud nihil convenisse, nisi ut meatus suos conjungerent*. Hanc autem conjunctionem cum Riolanus (l) fieri scribat *per vinculum quoddam aut canaliculum medium interjectum*; haud satis intelligo, cur eandem *simplicem contactum* appellet. Sed nec satis video, quomodo nervi sic juncti figuram litteræ H majusculæ referant, quod de ejus sententia Rolincius (m) addit; quando obliquus utriusque nervi ad eam conjunctionem accessus, & recessus, & hanc efficiens interjectum transversum corpus formam potius quandam mixtam repræsentant litterarum X, & H. Id corpus a Vesalio (n) indicatum, & a Valverde (o) *quadrangulum*, a Vidio Riolanus (p) *quadratum* dictum, aliquanto minus ab Eustachio (q) est, quam ab ipsis, delineatum. Ego in duodecim cadaveribus cujusque promiscue ætatis, & sexus inspicendo, alia in aliis magnitudine animadverti. Et quamquam illi ejus corporis nomine & utrumque nervum, & interjectam ejusdem generis substantiam comprehenderint, ego vero hanc dumtaxat æstimaverim; tu perinde tamen intelliges, si dixerò, hanc mihi semel alterutro nervo latiore, ter æque latam, alias angustiore, & multo quidem interdum angustiore, occurrisse: at secundum nervorum longitudinem inspectam, non semel longam quantum ambo lati erant, non semel quantum alteruter, nonnunquam brevior esse inventam, sic tamen, ut brevitatis, & angustia non semper sibi proportionem responderent, ut puta cum longam quantum ambo lati, eandemque latam dimidium latitudinis alterutrius nervi deprehendi.

14. Sed etsi veteres Anatomici utrumque nervum non modo accedere, & adhærere, sed per commune ejusdem, ut diximus, substantiæ corpus plane conjungi;

Morgagni Epistolæ Anatomicæ.

perspexerunt; plerique tamen ibi decussari, non crediderunt, neque ignorarunt, ab origine ad finem, suum quemque latus servare, ex quo Vesalius (r) monuit, se Patavii tum in adolescente, tum in muliere, quorum huic dexter oculus olim emarcuerat, illi dexter pariter, a carnifice ante annum erutus fuerat, hæc observasse, quæ nunc ex recentiori exemplo vel subiecta oculis ex parte habemus in Icone, aliquot ab hinc lustris a Cl. Cheseldeno (s) proposita. Scilicet in ea muliere vidit Vesalius *dexterum nervum toto progressu longe tennorem sinistro, non solum extra calvarie cavitatem, verum in exortu quoque, & in dextra congressus nervorum sede, --- durior quoque, & rubicundior, --- uti sane & in illo adolescente, etsi idem in ipso dextere nervus ob brevius temporis intervallum non admodum neque crassitie, neque mollitie adhuc sinistro cedebat*. Riolanus (t) haud ita dissimile exemplum, Pisis observatum, profert ex Cæsalpino: mirum in eo qui tamen scripserit (u), *Visorios nervos interfecare se crucis modo*.

Sed & Rolincius (x) illud idem se dignovisse, ostendit, in cæca fœmina; credo quia etsi illa *nervum utrumque* habebat *extenuatum*, non æque tamen haberet: aliter internosci non potuisset id quod affirmat, *quemlibet ad sui lateris oculum migrasse*. At certe quod Vesalius in illis duobus viderat, idem Patavii in aliis pariter, per ea quidem tempora, visum esse, indicat Valverdu (y), cum *Patavii*, inquit, *id singulis fere annis levi negotio videre est*: cujus rei causam ex ipso cognoscet.

Intelliges quoque, non modo nervos in ea conjunctione non decussari; sed hanc ipsam conjunctionem non ita ut olim crediderant, necessariam videri, cum se ipse ajat (z) *in nonnullis divisionem inter utrumque nervum observavisse, & Vesalium eos se in viro diremptos vidisse testari, qui dum in vivis ageret, notus ipse erat, nec ideo tamen gemina ipsius oculis visa obversabantur*. Et sane Vesalius (a), apud quem se junctorum in eo viro nervorum delineationem (b) habemus, cum illud ab ejus familiaribus, tum hoc insuper rescivit, *de visu nunquam conquestum fuisse, visuque præstanti semper valuisse*: ut certe (ne de intima, ab nonnullis adhuc posita, & per certam quandam Valsalvæ observationem (\*), ut videtur, confirmata, horum nervorum decussatione quidquam addam) de tot propositis qualiscunque etiam conjunctionis utilitatibus vix aliqua inveniat quæ post ejuscemodi observationem satis verisimilis videri queat.

15. Majorum solertiam in Visoriorum nervorum & longinqua origine, & progressu accurate observandis cognovimus. In ipsa vero insertionem quærenda num forte minus diligentes fuisse, dicemus? Fatendum profecto est, plures a Vesalio (c) in errorem fuisse pertractos, tradente nervum dextrum *ad dextrum magis latus posterioris oculi sedis implantari*; sinistrum autem ad sinistrum: hoc est utrumvis nervum *nonnihil versus externum sui oculi latus inferi*. Valverdu quidem (d), & complures alii, qui Vesalii errorem animadvertenter, hætenus ab eo sibi recedendum, putarunt, ut in *posterioris humani oculi sedis centrum ad amissum inferi*; docerent, *nec alterutram in partem deflectere*. Eustachius tamen; quod Recentiores fero, neque omnes, cognoverunt; olim inter veteres Anatomicos probe perspexerat, usque adeo recedendum esse ab externo latere, ut ad oppositum insertio illa transferretur. Videtis Tab. ejus XXXIX. Fig. IV. & XL. Fig. I. In utraque eam ad internum magis pertinere latus, evidentissime deprehendes, cum dexterum oculum vel ex nervi directione, vel ex musculi Obliqui Majoris positu repræsentari, animadverteris. Non sum nescius, præter hanc insertionis majorem interno lateri propinquitatem, majorem quoque alteram inferiori plagæ adnotatam esse, cujus nullum apud Veteres indicium memini reperisse. Verum cum mihi hanc alteram inquirenti, & nonnunquam cum priore illa comparanti, acciderit, alias quidem, ut vix aliquam, siqua erat, deprehenderem; alias, ut aliquam, sed prima illa minorem; semel etiam, ut in uno de quatuor cadaveribus, non ad inferiorem plagam, sed ad superiorem satis manifeste attinentem; in tribus denique continenter inspe-

E e

etis,

(i) Dissert. Anat. l. 4. c. 31.

(k) De usu partium l. 15. c. 12.

(l) Anatom. in Theatr. Bauhin. ad pag. 338.

(m) cap. cit.

(n) De corp. hum. fabr. l. 4. Fig. 1. & c. 4.

(o) Anat. corp. hum. l. 7. c. 3. & Tab. 1. Fig. 1.

(p) De Anatom. corp. hum. l. 3. c. 2. & Tab. 18. Fig. 2. & Tab. 77. Fig. 15.

(q) Tab. 39. Fig. 2.

(r) cap. cit.

(s) Vid. Saggio delle Trasfazioni &c. Tom. 2. P. 2. Tav. 2.

(t) Anthropogr. l. 4. c. 2.

(u) Art. Med. l. 5. c. 42.

(x) cap. cit.

(y) cap. cit.

(z) Ibid.

(a) cap. cit.

(b) Ibid.

(\*) Vid. Epist. nostr. XIII. n. 19.

(c) cap. cit. & l. 7. cap. 14.

(d) cap. cit.



dis, ad hanc potius, sed non ita manifesto, accedentem invenirem; suspicari cœpi, hanc fortasse causam fuisse, cur a Verheyenio (e) in prima *Anatomie* editione *nonnihil superiora versus*, in altera autem *inferiora versus* hæc insertio descripta sit, eandemque fuisse causam, cur omnino a Majoribus aut, ut varia, omitteretur, aut, ut levis, non satis animadvertetur. Sed hujus suspicionis meæ arbitrium tuum facio, atque aliorum qui hæc omnia in oculis quamplurimis, iisque humanis (in beluinis enim aliis aliter inveni) diligenter pergant inquirere: ipse dumtaxat, ut solitus sum, quid mihi inquirenti ad hoc tempus acciderit, commemoravi.

16. Si autem prisci Doctores Anatomie in nervo Optico ab origine ad oculum usque observando solertes adeo, ac diligentes fuere; sane cavendum est nobis, si qua in re, ad manifestam ejus nervi anatomiam attinente, universi consenserunt, ne ab re illa, nisi post diuturnas, repetitas, accuratasque perquisitiones, recedamus. At in eo consenserunt universi, ut cum Galeno (f) docerent, meninges duas, Crassam, Tenuemque, egredientem e calvariae cavo, nervum convestire, cum eoque una ad oculum pergere. Huic ipsi autem dogmati, inter Recentiores quoque nostros passim probato, Valsalvam (g) diserte adversari, constat. Scribit enim, *Duram Matrem statim atque orbitam subit, Nervum relinquere, & per orbitæ parietes expandi*. Itaque subjicit (h): *Scleroticam non a Dura Matre, sed a tendinibus musculorum oculi, ex quibus alii tunicam Innominatam effingebant, & a Pia Meninge ortum ducere*. Et quoniam plerique, Galenum (i) pariter secuti; ut Scleroticam ab Dura, sic a Pia meninge Choroidem tunicam deducebant; hanc ab nervi Arachnoide ipse (k) deducit. Hæc in Dissertatione Altera, hæc in schedis comperio: in quibus præterea, quæ de Dura meningi scripserat, bovis anatome confirmavit. Quæ cum primum legerem, illud minime intelligebam quod vel nondum a me intelligi, ultro confiteor, quoniam modo ab Arachnoide, quæ Pia meningi exterior est, Choroidem repeteret, quæ interior Scleroticâ ipsâ est, quam a Pia meningi deducebat. Sed de oculi tunicis postea: nunc de nervi tunicis, & num revera in his sit Dura meninx expungenda, videamus. Primum in quo id quæsi, caput caninum fuit; id enim tunc forte erat in manibus, & Valsalva in bestiis quoque, ut modo a nobis dictum est; hanc rem indagaverat. Igitur supremis orbitæ ossibus exsectis, & Visorio nervo a cranii cavea ad oculum usque in conspectum dato, nihil mihi, & iis qui aderant, manifestius esse visum est, quam Crassam ipsam meningem iustar vaginæ se se producere, quæ toto eo tractu nervum, altero involucri indutum, complexa; sive adhuc integra, sive secundum longitudinem aperta, eductoque nervo, spectaretur; Duræ meningi, cranium investienti, continuare se evidentissime cernebatur. Quo manifestiora hæc erant, & cum iis quæ ipse alias videram, & cæteri tradunt, magis consentientia, eo magis avebam in humanis quoque capitibus recognoscere, non secus ac si nunquam antea vidissem. Nam aliquid profecto fuisse, non dubitabam, quod Valsalvam in sententiam adeo singularem traduxisset. Itaque semel, iterum, tertio rem scrutatus, quid Valsalvam permovisset, inveni. Semper enim membranam vidi qua una orbitæ parietes succinguntur; Duræ meningi continuari, parietes ejus foraminis convestienti per quod nervus Opticus e cranio erumpit. Sive enim ab orbita inciperem, & ad calvariae caveam pergerem, seu vicissim ab hac ad illam; manifestum erat, Crassam meningem, ubi ad oram foraminis externam venerat, continuo se circumcirca extrorsum inflectere, & omnem orbitam convestire, crassitudine tamen non ubique pari. Nam primum ad aliquem tractum æque ac intra foramen, erat crassa, mox tenuis adeo ut præclarissime pelluceret, ac facile posset dilacerari. Ita porro orbitæ parietibus, sed non valenter, adherens, ad ejus extremas pergebat oras. Vera igitur, & evidentia hac ex parte Valsalva docuit. Nec minus tamen evidens

est, Majores verum altera ex parte docuisse. Namque in illo ipso foraminis margine exteriori, si paulo attentius rem perscrutarer, videbam semper, Duram meningem circumcirca se se apertissime geminare, sive in duas membranas dividere, quarum altera ex eo divisionis angulo extrorsum, ut dictum est, reflexa, orbitam amiciebat, altera autem ad nervum, sed arctius quam intra foramen, se applicans, cum hoc ad oculum progrediebatur. Hæc quoque membrana crassa erat, ut Dura Mater, colore autem, & firmitate respondens proportioni Scleroticæ, in quam tandem abibat. Aperta, &, quasi vagina quædam, diducta, nervum quem complectebatur, ostendebat, tunica, aut tunicis aliis indutum, sed tenuioribus, quibus nitentibus sanguifera vascula, fortasse per Arachnoidem translucentia. Non est igitur, quantum ego video, cur a Veterum sententia discedamus, Duramque meningem ab nervi Optici tunicis, & ab Scleroticæ constructione rejiciamus. Est potius, cur ad cætera quoque, per quæ sive in orbita, sive alibi nervi reliqui existunt, foramina alias tum ejusdem, tum cuiusque perioestii non dissimiles origines ex eadem meningi inquiremus, cujus in hanc rem duplicationis exemplum in orbita habemus luculentissimum.

17. Porro sive revera geminari, sive in duas ex quibus constat, lamina, sed crassiores, hic Duram Matrem diduci, existimemus; non id peculiare est huic tantum, sed & aliis commune tum membranis, tum proximis, remotisque corporis locis. Intra cranii cavum, non ignoras, quot hujus meningis duplicationes contingant. Quid? quod de duabus iis membranis, in quas modo duplicari illam diximus, altera quæ orbitam succingit, mox ipsa iterum ad eundem modum proponitur duplicata. Vide, quæso, ut rem describat Fabricius ab Aquapendente (l). *Tunica*, inquit; *totum exterius oculum investit, semper ossi proxima, præterquam ubi palpebræ producuntur, ad quas perveniens, duplicatur, angulum veluti faciens; atque altera pars illius palpebras succingit: altera vero tegit oculum usque ad Corneam*. quæ Conjunctivæ membranæ origo etsi ab Solertissimo Winslowio (m), nec injuria, in dubium vocatur; tamen aut per dissecas quasdam, mihi subvivas, productiones illuc usque pertinet, aut per nexus quos habere fatetur cum Latis, ut vocat, Tarforum Ligamentis; aut hæc certe, quod propositum æque facit, secundum ejus descriptionem (n) inde repetere nobis licet, unde Fabricius Conjunctivam repetebat. Sed ne in capite dumtaxat, aut Dura meningi subsistamus; num Peritonæum alteram suam, quam vocant, laminam deorsum, circum Spermatica vasa non extendit, dum altera cingere ventrem pergit? num Chorion alteram, si recte observemus; supra Placentam non expandit, dum alteram, magis in vulgus notam, eidem Placentæ subjicit? Verum satis exemplorum, ut quod in Dura Matre, quæ Visorius nervus orbitam subit, est a nobis observatum; id multiplici similitudine illustretur.

18. Cum igitur res ad hunc modum se habeat; satis intelligis, quid nobis sentiendum sit, cum Annulo tendineo-carneo, a concursu omnium fere musculorum oculum moventium confecto, nervum Opticum in ipso ingressu in Orbitam; & Piam Matrem, ipsum externe investientem, Valsalva (o) credit, circumligari. Quæres potius, quid de illo Annulo, & minori altero circum nervum oculi Motorem; & quid de eorundem musculorum fibris exterioribus, recta in nervum Opticum insertis, sic ut (p) *iidem Musculi insertionem suam in oculi orbitam non habeant*, observaverim. Id antequam expono; quid Valsalva his de rebus in schedis reliquerit, quid alii ante utrumque nostrum animadverterint, more institutoque meo indicabo. Ille igitur majorem Annulum a musculis Superbo, Bibitorio, & Humili confectum esse, adnotavit; minorem vero, ut in Prima quoque Dissertatione (q), ab his postremis duobus, qui fibris tendineis separatim nervum oculi Motorem circumligent priusquam hic suas in musculos emittat propaggines. Istius tamen minoris Annuli relictæ nobis delineatio (r) haud obscure indicat, in ejus constru-

(e) tract. 4. c. 14. (f) De Usu part. 1. 10. c. 2. (g) Dissert. II. n. 2. (h) n. 3. (i) cap. cit. (k) Dissert. cit. n. 6.  
(l) De Oculo P. 3. c. 4. (m) Exposit. Anatom. traité de la Teste num. 272. (n) n. 271.  
(o) Dissert. II. n. 2. (p) n. 3. (q) n. 25. (r) Tab. 3. Fig. 3, Dissert.



atione proponenda Indignatorium scribendum fuisse pro Bibitorio. Hæc in homine. In bestiis vero quibusdam cum majorem Annulum inquireret, hunc vidit in bove non adeo exquisitè factum, ut in homine; Suspensorium autem, quem vocant, musculum ad eum Annulum non attinere, sed prope ipsum, alteram sui partem lateribus alligare musculorum quorundam Rectorum, alteram annectere fundo orbitæ. In ove autem, quamvis Opticus nervus nullis admodum musculis ex parte obductus videretur; quatenus hi suis tendinibus ad eum nervum uniuntur, exiguas fibras non defuisse quæ ab uno musculo ad alterum ferrentur. In fele effici Annulum conspexit a fibris omnino carnis, nervum Opticum cingentibus. Et in pullo demum gallinæ, quasi ut in homine, uni musculos in nervum eundem, vidit.

19. Quid autem Majores de Origine docuissent pleborumque humani oculi musculorum, non sine labore & cura a Valsalva ipso quæsitum est. Verum ut multis erat, variisque occupationibus distentus, quemadmodum in Ligamenti Coli intestini, sic in hac quoque re neque omnes quos poterat, inspexit, neque eorum quos inspexit, locos omnes perquisivit.

Ego sic invenio. Galenus (s), qui Lycum, alioque, oculo quinque tantum musculos adscribentes, jure improbaverat, septem, ut minimum, ipse tribuit, Suspensorio videlicet constantissime adnumerato, & ne in libro quidem de Loc. Aff. IV. cap. 2. ut Casserius (t) arbitratur, omisso: qui si musculus in gallo dumtaxat Indico, lucio pisce, & fele, ut hic ait, non in simiis quoque, ut alii, in quibus Carcanus (u), & Fabricius ab Aquapendente (x), admonuerunt, æque ac in homine deesset; Galeni factum minus mirum videretur, qui cum alibi, tum præsertim in Procæmio ad librum de Musculorum Dissectione, simiæ anatomen unice commendaverat. Septenarium hunc numerum; si Theophilum (y) excipias, qui unum modo Obliquum agnoscebat; diu cæteri, & in his Vesalius ipse (z), conservarunt. Sed post Caroli Stephani (a), & nonnullorum dubitationem, Columbus tandem (b) in hominibus Suspensorium negavit, recte hunc quidem; non sic alterum quoque, ut ad quinarium rediret numerum. Optime omnium Fallopius (c), & Eustachius (d), quorum ille descriptione, hic pictura nec Suspensorium illum musculum posuerunt, & sex oculo reliquerunt: & sicuti in his Obliquo Majori, cujus originem veram primus, ut opinor, Vesalius (e) descripserat, suam illam trochleam, ita præter hos, Superiori palpebræ Attollentem musculum aut omnium primi, aut certe inter primos addiderunt. Hoc tamen præsertim de trochlea verum est.

Nam etsi id reperire nobis liceret quod affirmat Riolanus (f), eam Rondeletium descripsisse eleganter in sua historia de piscibus, quæ edita fuit ante editionem Observat. Fallopii, atque in Delphini Anatome ipsam pluribus verbis expressisse, quorum nos verborum ne unum quidem neque in toto illo perlongo capite de Delphino (g), neque in eo (h) in quo de Oculis piscium Rondeletius scripsit, potuimus invenire; tamen iisdem temporibus hos floruisse Viros, constaret, neque hoc ipse negat Riolanus (i). Erant, inquit, contemporanei, Fallopius Patavii, Rondeletius Monspelii docebat: quod multo verius est, quam quod alii scribunt: Anatomica Monspelii Rondeletium docuisse eodem tempore quo Vesalius Patavii demonstrabat Anatomen, quando iidem agnoscunt, hunc Patavii usque ad A. 1544. Anatomen tradidisse, illum Monspelii Professore A. 1545. constitutum fuisse. At musculus palpebræ Superiorem Attollens non modo a Columbo (k), cui favere videtur Vesalius (l), Romæ fuerat ante vulgatus, aut jam A. 1548. sub Doctore avunculo suo Bartholomæo Magio ab Arantio (m) Bononiæ perspectus, quæ tamen satis propinqua tempora fuissent; verum olim a Galeno ipso lib. IV. de Loc. Affect. cap. 2. indicatus. Nam etsi Galenus nihil de ejus musculi origine significavit, Morgagni Epistolæ Anatomicæ.

multoque minus posuit, a fronte nasci, aut a frontis osse, quod a Vesalio (n) fecisse dicitur; non tamen illum, ut Vesalius idem (o) alibi loquitur, finxisse musculum credendus est, quando hic singularis musculus a Galeno, antea libros de Usu Partium (p) scribente, nondum cognitus, & sibi ipsi inter amplius quærenda caute prudenterque relictus, ut ab aliis post multa sæcula Anatomiam instaurantibus, sic ab ipso postea, excellenti, siquis alius, Professore potuit inveniri, qui supernam palpebram (sic enim ipsum indicavit) sursum attrahit. Quod autem fieri potuisse, dixi, id factum revera esse, non perobscure significat Galenus ipse (q) in libro inscripto de libris propriis. Sua enim volumina de Usu Partium commemorans, distuli, inquit, in opere illo, de motibus superiorum superciliorum dicere (superiorum palpebrarum vertendum hic fuisse, non dubito, τὸν ἄνω βλέφαρον; sed cætera attendamus) Quare cum mihi ipsi primum, & deinde aliis, quibus hæc demonstrabam, & hos motus, & alia quæcunque in Anatomis aut perperam a prioribus asserta, aut omnino fuerant omissa, invenisse me persuasissimè, tunc jam & anatomicas administrationes perscripsi.

Et quanquam in illo harum loco (r), in quo commodè poterat quid de hoc musculo invenisset docere, palpebrarum musculos in aliud volumen rejecit, quod prorsus intercidit, aut si forte superest, mancum certe, & corruptum superest; tamen Arabes, qui integrum videntur perlegisse, multo plura nobis de hoc musculo, quam Græci Oribasius, & Theophilus, conservarunt. Ille enim (s) de palpebrarum musculis ita scribit perinde ac nullum, nisi primum illud Galeni Opus de Usu Partium legisset. Theophilus autem (t) singularem quidem musculum aperiens obtigisse palpebris, dicit; sed unde ortus, aut ubi finitus, non dicit. Longe Arabes diligentiores, ut Haly (u), qui hujus singularis lacerti caput suspensum esse, ait, in osse quod oculum circumtenet, & hujus lacerti chordam tendere ad medium operimenti ex quo fit palpebra: continuarique medio nuditatis palpebræ, eamque aperire. Post hunc Avicenna (x) in apertione palpebræ, inquit, unus sufficiebat musculus, qui ad medium perveniret palpebræ, & ejus chordæ extremitas super palpebræ dilataretur extremitatem, & cum contraheretur, aperiretur: & propterea ad hoc unus creatus fuit, qui secundum rectitudinem inter duos descendit panniculos, & dilatatur, & continuatur cum corpore cartilaginis simili: & expanditur sub pilorum ciliorum origine. Ejusmodi Arabum locos, a Græcis videlicet acceptos, fugisse miror Vesalium, Columbum, Fallopium, Arantium, Carcanum, qui videre saltem poterant, propiores sibi Anatomicos Gabrielem Zerbum (y), & Jacobum Berengarium (z), verbo hunc quidem Avicennæ sententiam, Zerbum autem ipsa ferme illa utriusque Arabis verba, Avicenna primum, deinde & Haly præsertim laudato, in sua scripta transtulisse. Ne forte autem suspiceris, istum Galeni, & Arabum musculum alterutrum esse ex illis duobus in quos vetustissimi Profectores communem Palpebris Orbicularem secabant, alterum a parte nasi, deprimendo; alterum huic oppositum, attollendo destitantes (a); animadvertas velim, ubi Attollentem istum suum Arabes proponunt, ibi cum Galeno (b) Deprimentes præterea geminos agnoscere, & horum quidem singulis sedem ad singulos oculi angulos assignare.

20. Illud tamen fatendum est, Galenum ubi hunc musculum novisse se, ostendit (c), præter modum extenuasse, perquam parvum esse, dicendo, adeo ut in majoribus quoque animalibus vix manifeste perspicere possit: Arabes autem, & si vera fateri volumus, Columbum ipsum (d) non accuratissime descripsisse, quanquam omnium primus retrusam musculi originem indicavit, docens, in interna orbita exoriri ex nervo visorio, ut reliquos oculorum musculos: a qua origine tam longe abiisse Brownium (e), ut a summo naso deduceret, vehementer mirarer, nisi

E e 2

nisi

(s) De muscul. dissect. c. 5. & De usu part. l. 10. c. 8. (t) Pentæsth. l. 5. Sect. 1. c. 17. (u) Anatomic. l. 2.  
 (n) De oculo P. 1. c. xi. (y) De corp. hum. fabr. l. 4. c. 23. (z) De hum. corp. fabr. l. 2. c. xi.  
 (a) De dissect. part. corp. hum. l. 3. c. 10. (b) De re anatom. l. 5. c. 9. (c) Observ. Anat. (d) Tab. Anat. 39. Fig. 2. & seq.  
 (e) cap. cit. (f) Animadv. in Spiegel. l. 3. c. 2. (g) P. 1. l. 16. c. 8. (h) l. 3. c. 2. (i) Animadv. in C. Bartholin. l. 3. c. 8.  
 (k) l. cit. c. 8. (l) Exam. Obs. Fallopp. (m) Anatom. Obs. c. 19. (n) Exam. cit. & De hum. corp. fabr. l. 2. c. 9.  
 (o) De rad. Chyn. decoct. (p) Vid. l. 10. c. 9. & 10. (q) c. 2. (r) l. 4. c. 5. (s) Collect. l. 25. c. 29.  
 (t) De corp. hum. fabr. l. 4. c. 18. (u) Theoric. l. 3. c. 3. (x) Canon. l. 1. Fig. 1. D. 5. c. 5.  
 (y) Anat. tot. corp. hum. ubi de Anat. Palp. Super. (z) Ilazoz. ubi de Palpebr. (a) Vid. apud Galen. l. 10. de Usu part. c. 9.  
 (b) De loc. affect. l. 4. c. 2. (c) Ibid. (d) cap. cit. (e) Myogr. Præf. l. 2.



nisi ignorasse omnia, viderem; quæ de hoc musculo post Galenum a tot nobilissimis Anatomicis tradita fuerant. Ab illa tamen origine ex nervo Viforio, quod ad reliquos attinet oculorum musculos, inconstanter ipse, quamvis leviter, recessit Columbus (f), ubi oculum describens, eorum *exortum* esse, docuit; a *sphenoide, duraque matre*: a qua sententia non multum absuit Vesalius (g), qui primus, quod sciam, ipsorum descripsit originem. Nam *externa superficie* ei membranæ quæ orbitam convestit, *fibris quodammodo connasci*, agnovit; *quinimo*, inquit, *forte, non deerunt, qui eorum exortum non a membrana nervum investiente, verum ab illa quæ os succingit, pendere contendunt*. Cæterum ipse capita eorum musculorum, docuerat, ex *dura cerebri membrana, nervum visorium obtegente*, & e *nervo oculi Motorio, mox in nervi visorii e calvarie cavitate prolapsu originem ducere*. Porro Stephanus (h) plerosque ipsorum *partim* ab eodem *motorio oculi nervo, partim a crassa meninge* deduxit. At Riverius ille (i), qui Stephani libro Figuras addidit, ab *osse basilari*, iter in orbitam nervo Optico præbente, repetebat, & inter se *ita cunctos esse*, docebat, *ut unicum principium habere conspiciantur*. Crede, fortasse, hæc a me produci, ut ostendam, utrumque Annulū, tum Optici, tum Motorii oculi nervi Moderatorem, non prorsus ignotum Majoribus fuisse. Verum ego ut unionem hanc musculorum quam Riverius non omisit, non differre ab *Unione* illa video, quam & Valsalva primo loco (k) memoravit; sic quam hic subiecit, fibrarum ad Annulos faciendos circumductionem & Riverio, & aliis, quorum verba protuli, minime notam fuisse, contenderim.

21. Cur igitur eorum verba produxi? Ut, si non Vesalii, & Stephani, at Columbi saltem, & Riverii, qui ab osse Sphenoide hos musculos deducebant, inspectis locis, plane intelligas, Arantium, qui post illos suas edidit Observationes, non satis caute effelocutum (l), cum *oculi musculos*, inquit, *uno ore omnes a dura cerebri membrana explantari, scripserunt, quæ quidem sententia non solum sensui, verum etiam rationi repugnat*; etenim ab osse ipso *sphenoide, juxta foramen, a quo nervi visorii prodeunt, exoriri perspicuum est*. Cæterum Arantius hanc illorum, & suam observationem confirmavit adjectis rationibus, hisque in primis, quod si muscoli ab nervi Optici membrana orirentur, tum *parum firmæ basi inniterentur, tum nervum ipsum agendo comprimerent, visoriaque facultati adversarentur*. Itaque ex eo tempore, multo plures habuit illa aditipulatores, in quibus fuere Laurentius (m), Bauhinus (n), Riolanus (o), Hofmannus (p), Rolincius (q), alique. Nec tamen unquam defuere qui ad priorem illam sententiam, plerisque olim communem, aut prorsus, aut ex parte redirent. Sic ex Anatomicis, Arantii ætati propioribus, Julius Casserius (r) a *nervi optici quasi mediō, ad foramen ossis sphenoidis ubi scilicet oculi orbitam ingreditur, ortum trahere Musculos*, docuit. Sic nostris temporibus Verheyenius (s) *partim* quidem ex *offibus*, sed *partim* quoque ab *eiusdem nervi velamine* habere originem, censuit. Interea Eustachii Tabulæ prodierunt, ejus elegantes, accuratasque musculorum, sua semper origine Viforio nervo circumhærentium delineationes (t) ne Valsalva quidem in schedis favere negabat suspicaturis; in eum insertos nervum, hoc est ab illo incipientes eximium Auctorem credidisse. Sane Vesalius (u), qui antea, & Casserius (x), qui postea, ille nervo, hic non tantum nervo arte adhærentes, sed Varolii (y) exemplo, a cerebro quoque ipso interdum pendentes delinearunt, quid de origine eorum censuerint, vidimus. Qui tamen in quâdam Casserii Figuras diligentius oculos intenderit, ut puta in eam (z) qua in sinistra retina orbita plerosque musculos demonstrat, cum multo ampliorem, quam nervi ambitus ferat; eorum circumcirca originem animadverterit, is continuo, opinor, suspicabitur; vera præ cæteris scripsisse Platerum (a), qui a *membrana oculi orbitam succingente, & membrana nervum opticum investiente*

oriri, multo ante Verheyenium docuerat. Et profecto cum his inæ observationes consentiunt.

22. Quotiescunque enim proposita a Massa (b), a Vesalio (c), ab Arantio (d), ab aliis, in hisque a Valsalva nostro, administratione usus, & superna orbitæ parte adempta, non continuo omnia quæ sic retexeram, deposui, imo prius musculorum initia in sua etiam tum sede manentium, pinguedine ablata, perquisivi; inveni semper, & certe (nam præclarius meminî) novissimis quatuor inspectionibus, ei parti affixa Duræ meningis quæ circum Optici nervi foramen orbitam convestit. Qua de re, nulla superesse poterat dubitatio, quando illam affixionem non modo propius nervum fieri, sed & modico aliquo ab nervo intervallo extrorsum pergere, evidentissime perspiciebam, eam autem adeo firmam, ut inde musculi ne vi quidem adhibita avelli possent; detrahendo vero ab ipsa orbita illam quam dixi, meningis portionem, cum hac facillime deponerentur: quod dum fieret, simul manifestum erat, non eam musculos membranam pertundere, ut se offi infingerent, sed per hanc cui valenter infixi erant, affigi offi. Cum hoc in omnibus, cætera alias in aliis musculis, ab lateribus præsertim, & superiore parte confitis, ac nominatim in Majori Obliquo, & Superbo explorata haberem; placuit ab hominibus ad bestias divertere. Itaque in cane haud absimilem musculorum inveni originem, validamque eorum, ad partem præsertim internam, & inferiorem (nam hanc potissimum attendebam) affixionem esse. Verum ut ad homines revertar; postquam, iis quæ dixi, aliisque observatis, demptoque, ut Valsalva monet, sphenoidæorum foraminum in orbitam pertinentium superno pariete, omnia cum nervis de suis sedibus deposueram, & siquid restabat pinguedinis, & nervos, præter præcipuos trunco, abstuleram, & exteriorem faciem inspectare cæperam musculorum, Viforium nervum qua hic se in orbitam immittit, cingentium (Minor enim, de quo post dicam, Obliquus musculus ad præsentem sermonem, observationemque non spectat) negare non possum, musculorum quosdam esse visos recta suas fibras in eum nervum inferere, idque interdum adeo præclare, ut nisi maximam muscularium fibrarum partem vidissem modo, se se extra nervum illud, ut paulo ante demonstravi, in ipsius orbitæ membrana defigere; facile credere potuissem, non aliunde musculos, quam ab nervo Optico initium capere. Quo minus aliquando sum miratus, Vesaliū, & cum ipso olim complures in opinione hac fuisse, ut qui magis in pervulgata administratione videntur fuisse exercitati, qua extractos ex integra orbita cum oculo nervisque musculos contemplantur. Nam etsi Vesalius (e) utramque administrationem proponit; hanc tamen, ut *commodius minisque molestia obeundam*, commendat.

23. Porro cum ab externa incipientium musculorum facie quidquid exposui conspexissem; dedi operam diligenter, ut ab interna quoque, hoc est ab ea qua nervum spectant Viforium quemadmodum se haberent, perspicerem. Ipsa igitur a pinguedine, aliisque ejuscemodi perpurgata, atque ita, ut Valsalva jubet, disposita, mihi aliter atque ipsi accidisse, confitebor. Nam in eo agnoscendo, quam circum Opticum nervum describit, Annulo minus mihi quam speraveram, satisfeci: quamobrem parum fui de minori altero sollicitus, quem vel ipse non esse adeo distinctum, fatebatur, neque amplius in proxima (f) Dissertatione commemoravit. Vidi equidem musculorum initia quædam, ut fert ipse nonnullorum musculorum circa nervum Opticum situs, alia aliis imposita, sed manifesto videre non potui, ullam cujusve fibræ carneam suam rectam iter relinquere, ut se se in annulum intorqueret. Annuli autem loco perspexi, in foemina saltem provectæ ætatis, lineam quandam tendineam, ei nervo non quidem undique, sed tamen fere undique circumjectam. In hanc lineam ipsa musculorum capita delinebant. Et certe ali-

(f) l. 10. (g) l. cit. c. xi. (h) De dissect. part. corp. hum. l. 3. c. 10. (i) Ibid. ad Fig. 1. & 2. cap. 9. (k) Dissert. l. n. 24.  
(l) Anat. Observ. c. 19. (m) Hist. Anat. hum. corp. l. 5. c. 12. & l. xi. c. 5. (n) Theatr. Anat. l. 3. c. 35.  
(o) Anthropogr. l. 5. c. xi. (p) Apolog. pro Galeno l. 2. Sect. 4. c. 235. (q) Dissert. Anat. l. 3. c. 23.  
(r) Pentæsth. l. 5. Sect. 1. c. 18. (s) Anat. corp. human. l. 1. tr. 4. c. 14. (t) Tab. 39. Fig. 2. & seq.  
(u) De hum. corp. fabr. l. 2. c. xi. Fig. 1. (x) l. cit. Tab. 3. Fig. 4. & ad Spigel. l. 10. Tab. 9. & cæter. (y) De nerv. Optic. Fig. 1.  
(z) Pentæsth. l. cit. Tab. 2. Fig. 2. (a) De corp. hum. struct. l. 1. (b) Lib. Introduct. Anat. c. 40.  
(c) l. cit. c. 12. (d) cap. cit. 19. & 21. (e) l. cit. c. 12. (f) II.



aliquid tendinei exterius quoque ad extremum musculorum alicubi apparebat, sed minus, quam interius. Utravis tamen in facie ita res se habebat, ut adstipulari Cafferio (g) non possem, univérse tradenti, *principium horum musculorum carnosum omnino esse*. Aliter, ut puto, quam ipse tunc inveni, aliasque invenisse videor; & hoc est nonnunquam in aliis cadaveribus, & quod de Annulo Valsalva adnotavit. Verum ego haud alia quam quæ ipse viderim, propono. Ex iis autem quæ vidi, illud potissimum consequitur, ut quamvis cum Arantio (h) magna ex parte in eo faciam, ut musculorum originem in Crassa meninge non ponam, Opticum nervum investiente; tamen ex aliqua parte ponam. Neque enim eorum cum illa connexionem duntaxat quandam, sed tantam nimirum inveni, ut ipsa musculorum initia ab ea quam idem assignat, origine diligenter scalpello divisa, etiam tum cum ea nervi meninge arcte adeo cohærent, ut ne trahendo quidem avelli possent.

24. Nunc extremo hoc musculorum relicto, priusquam ad alterum transeamus; de Rectorum inter se comparatione quidpiam in schedis a Valsalva adnotatum non omittemus. Humilem Superbo longiorem, & crassiolem; Bibitorium quoque indignatorio crassiolem, sed breviorlem animadvertit. Verum Fabricius ab Aquapendente (i) ut hunc illo crassiolem, sic maxime omnium crassum esse Superbum, minime Humilem indicaverat, addita ratione, quod *majus robur in attollendo, quam in deprimendo exigatur*. Hoc Spigelius (k), atque alii præterea secuti sunt. Quod si diligentioris cujusque Anatomici, & nominatim Eustachii (l), & Cowperi (m), Iconismos inspiciamus; longiorem a primo, & fortasse etiam ab altero Humilem, quam Superbum; certe ab utroque Indignatorium Bibitorio longiorem, ab Eustachio autem omnium longissimum delineatum esse, inveniemus. Hoc ut differte confirmat Solertissimus Winslowius (n); sic Bibitorium esse, omnium brevissimum, docet; Superbum vero, atque Humilem mediam inter illos, parem autem inter se longitudinem obtinere. Mihi tres humanos oculos, omnes dexteros, nuper inspicienti, eorumque extensos musculos ab ultima origine ad initium usque certæ insertionis metienti, nihil æque manifestum fuit, ac Bibitorium esse omnium Rectorum brevissimum. Nam præterquam quod magna ex parte inferius aliquanto oriebatur, quam cæteri; neque enim, ut hi, parem ferme utriusque sui lateris originem, sed alterius satis inferiorem ostendebat; octante erat quam ipsi, brevior; nisi quod uno duntaxat in oculo Humilis paulo minus quam duo reliqui, longus fuit. Neque vero tanto cæteris Bibitorius erat brevior, quod citius quam omnes, inciperet se in Scleroticam tunicam inferere. Imo serius quam ipsi, id est paulo propius Corneam, id demum facere incipiebat. Cæterum Superbus fuit semper omnium angustissimus, Bibitorius carnosissimus, si excipias Indignatorium, qui semel æque carnosus est visus. Sed quamvis nullus ferme erat, cujus latitudo, aut crassitudo non paulo major appareret ad medium; nusquam tamen ea tanta angustia, nusquam tanta illa vel priusquam in tendines abirent, extenuatio, quantam in Cowperi Iconibus miramur eo magis, quod præfixus Tabulæ (o) titulus magnitudinem ad vivum expressam pollicetur.

25. Quid vero de tanta illa dicam tendinum ipsorum non angustia modo, sed longitudine? Ego sane Rectos, de quibus hic sermo est, musculos video quidem, cum tendinei fiunt, crassitudine, ut par est, decrefcere, non tamen latitudine: tendineos autem fieri tam prope ipsam oculorum posticam partem, nunquam memini vidisse. In tribus illis de quibus dictum est, oculis abire in tendines incipiebant non multo antea quam ad bulbi medium venissent. Illinc ad ambitum usque Corneæ si quod intererat spatii, bifariam divideres; eam partem aliquanto inveniebas majorem qua tendines bulbo necdum inserti, facile & sine laceratione pòterant separari, minorem alteram

qua immixtis in Scleroticam interioribus fibris adeo valenter affigebantur, ut sine manifesta laceratione ulterius dividi non possent. Hæ duæ tamen partes, si plurimis in oculis inter se conferantur; non eundem, opinor, modum semper conservare inveniuntur, ipseque adeo aliter in aliis vidisse videor: quod & Icones Valsalvæ indicant, Eustachii autem (p) apertissime testantur. Illud perpetuum, ut undecunque altera, id est anterior pars, incipiat, ex eo jam loco ad finem usque nequeat, ut dixi, sine laceratione separari. Itaque si quis tendines pertinaciter inde porro Corneam versus scalpello disjungere conetur; præclare intelliget, non injuria scripsisse Valsalvam (q), *Tunicam Innominatam nullam esse*, hoc est ab Sclerotica legitime dividi non posse. Quo minus oportebat, Columbum (r) sibi in ejusmodi membrana inventionis laudem quærere, ut quæ nec anatomice separari posset, & si posset, aliud quam ipsi musculorum tendines, non esset: Quo ego cum in tribus de quibus dictum est, oculis ad insertionem attente inspicerem; satis adhuc inter se distantes inveni: & quamvis binos quosque proximos musculos attollendo, singulos tendines conspiciere viderem se dilatantes ad eum fere modum quem Veslingii Figura (s) monstrat, ut vel citius quam ipse ostendit, inter se contingere, & in unum jungi, existimarem; mox tamen intelligere visus sum, illam expansionis speciem non tam ad veros tendines, quam ad annexam Conjunctivam attinere, eosque circum Corneam quidem, sed multo propius fortasse quam putemus, in unum denique convenire, & quod consequitur, ob hanc quoque causam; non ob alias modo quæ ab nonnullis olim prolata sunt; vocari in dubium posse quod docuerat Fabricius ab Aquapendente (t), *sublucidum oculi candorem, horum musculorum tendini potius, quam agnatæ tunice acceptum ferri debere*; quando non apparet, eum tendinem esse *latissimum, ut antè totum oculum cingat*, quemadmodum latissimo certe, & continenti splendido illo candore cingi videmus. Verum etsi hæc omnia aliter ac diximus, se haberent; tamen ea membrana *hactenus*, ut agebat Columbus (u), *incognita* certe non fuisset. Nam Galenus olim (x), quod Cafferius primum (y), deinde & Riolanus (z) objectavere, præclare ipsam proposuerat, & alii postea Anatomix Scriptores commemoraverant, in quibus fuisse, animadverto, qui Columbi ipsius ætate scripserat, Carolum Stephanum (a) semel, atque iterum hanc *ab aponeurosis musculorum natam tunicam* producentem, imo duas ejusdem generis aliam sub alia collocantem.

26. Verum, ne forte hic quæras, si dividi igitur a Sclerotica satis non potest, quonam modo Galenus, & qui sunt Galenum tot Anatomici secuti, hanc *tunicam* (b) sive, ut ipse alibi (c) aptius in parte loquitur, hunc *circulum lati tendinis* potuerint in iridem, aut ad corneæ ambitum, *desinentem* proponere? ex confessione id malim conjicias Joannis Veslingii (d). In homine hi musculorum tendines sunt, inquit, *a scleroide vix separabiles: Secus in animantibus*. Utcunque id est; Ruyschius (e), quamvis Professor subtilissimus, vel magis aperte fateri debuit, hanc tendineam membranam esse *tam firmiter scleroticæ connatam, ut nullo quidem artificio ab illa in totum separari possit*; hinc ror, inquit, *difficile esse, ejus terminum ad quem exacte demonstrare*: at ego præterea, facile esse cum Stenonio, & Valsalva intelligere, ab immixtis ejus in Scleroticam fibris hanc augeri, & in parte componi. Siquidem & Stenonius (f) *Sclerodem tunicam ex fibrarum motricium tendinibus, magna sui parte, compositam esse*, suspicabatur; quandoquidem non modo duræ matri vere tendinæ continua sit, sed etiam musculorum tendines revera excipiat, tum illos qui a musculo oculi exterioribus illi inseruntur, cum istos qui ab uvæ musculo, vel musculis illi innectuntur, & in variis animalibus consistentiam habeat similem illi quam habent partes aliæ eorundem animalium ex tendineis fibris eodem modo compositæ. Certe, inquit, *preparationi debetur tunica, quam in sectionibus demonstrant Anatomici ex tendinibus musculorum oculi compositam*. Sed & in quibusdam ani-

(g) Pentastb. l. 5. Sect. 1. c. 18. (h) Anat. Observ. c. 10. (i) De Oculo P. 1. c. xi. & P. 3. c. 12.  
(k) De hum. corp. fabr. l. 4. c. 5. (l) Tab. Anat. 39. Fig. 3. & 5. (m) Myotom. Ref. Tab. 25. Fig. 3. & 4.  
(n) Memoir. de l'Acad. R. des Sc. A. 1721. & Expos. Anat. tr. de la Teste n. 243. (o) antea citata. (p) Tab. citata. (q) Dissert. II. n. 3.  
(r) De re anat. l. 10. (s) Fig. 5. c. 15. Synt. Anat. (t) cit. cap. xi. (u) loc. cit. (x) De Usu part. l. 10. c. 2. & 8.  
(y) Sect. cit. cap. 21. (z) Anthropogr. l. 4. c. 4. (a) De dissect. part. corp. hum. l. 3. c. xi. (b) cap. 8. cit.  
(c) cap. 2. cit. (d) Observ. Anat. n. 8. (e) Resp. ad Epist. Probl. 13. (f) Can. Carch. diff. Cap.



animantibus demonstrare licet ad ipsius etiam Corneæ, quo nomine pellucidam Scleroticæ partem intelligimus, compositionem eosdem tendines convenire. Nam certe in pisce quem nostrates *corbellum* vocitant, cum musculorum aliquem, jam in tendinem expansum, arripuissim, & avellendo antrorsum ducerem; vidi præclarissime, porro pergere, mutarique in membranam quæ exteriorem Corneæ superficiem omnem efficiebat: eaque universa membrana æqualiter, & facile secuta est trahentis manum, & musculus suo cum tendine avellentis. Quæ observatio etsi Briggii (g) favet opinioni, cui nihil aliud Cornea videbatur esse, quam *diversæ fibræ motrices & sclerode transeuntes, quæ (sicut pellucidi musculorum tendines) apte sibi invicem appositæ radios lucis facile transmittant*; tamen nulli usui esse potest censentibus, musculorum rectorum contractione, tendinibus ad Corneam usque exporrectis, hanc planam magis fieri, & sic perceptioni remotorum ab oculo adaptari. Quid enim prodest, tendines vel per Corneam produci, eamque complecti, si (ut cætera omittam) antequam ad ipsam perveniant, arcte adeo in nobis, ut supra (h) ostendimus, subjectæ Scleroticæ affiguntur? Cæterum Briggii (i) a tendinearum fibrarum sensu in Corneam productarum, inter cætera illud repetebat, quod a corrosivis fumi, aut salinis saponis, aquæ admixti, particulis irritata, statim in rugas dolorificas contrahatur, & ab ictu levissimo diu plerumque torqueatur. Et vero, si Fabricius noster (k) oculi musculorum tendinibus, quamvis Adnata membrana contactis, prospectum credidit a natura ob eorum exquisitissimum sensum, crebra palpebrarum occlusionem, eaque crebriore hyeme, quam æstate, & vento flante, quam quieto aere, & impuro, quam puro, & omnino frigido, quam calido; quid de nudis in Cornea tendinibus, si tamen prorsus nudi sunt, est existimandum? Non desunt autem quæ an nudi sint, nos ad dubitandum impellant.

27. Et primum ad Corneam efficiendam utrum Adnatam quoque membranam convenire, Valsalva censuerit; an ad Scleroticam dumtaxat componendam, haud satis ex ejus schedis intelligo, ubi adnotavit, *Conjunctivam laxè undequaque oculum cingere, excepto cum pervenerit ad Corneam diaphanam*; ibidem namque cum subjecta membrana firmiter conjungi, eandemque naturam sortiri. Aliqua etiam, me in Ruffi (l) verbis, ut latine a Craffo reddita sunt, dubitatio tenet: *Ipsi autem primæ oculorum tunicæ vocata Epidermis super incumbit*. Nam etsi quæ proxime scripserat, additque Ruffius, eo impellant animum, ut credam, nihil nisi impositam Scleroticæ Adnatam significari, idque pervulgata Anatomicorum doctrina comprobetur, cum Galeno (m) tradentium, Adnatam desinere ad Corneæ ambitum, ne sua grossitie, ut loquitur Massa (n), sive opaca ac densa natura, ut Casserius (o), impediret visum; tamen quam facile una aliqua membrana de opaca fiat pellucida, Scleroticæ in Corneam abeuntis ostendit exemplum, & Fabricius ab Aquapendente (p) non de Adnata quidem, de qua idem sentit quod cæteri, sed de tenui quadam Corneæ ipsius cuticula locutum esse Ruffum, nequaquam dubitat: quam cum in homine videtur agnoscere, ad stipulante Bartholino (q), tum ait, *hanc esse illam Corneæ cuticulam, quam una cum reliqua senecta serpentes quotannis abjicere, pluries ipse ostendit*. Neque aliter Ruffum interpretatur Bauhinus (r): quamquam Jessenius (\*); si recte Keplerus (\*\*), & ego ipsum intelligimus; Adnata Corneam tegi, docuerat. Ego vero, ut hic omittam, conspectam mihi in Vulpino, ut Veneti appellant, pisce præpositam Corneæ pellucidam alteram membranam, quæ squamosæ cuti continuata esse videbatur; ut hoc inquam, omittam, & ab humanis oculis non discedam; Recentiorum quidem nonnullos video docentes, Adnatam ipsam altera membrana obtegi tenuiore atque levissima, quæ species epidermidis est per Corneæ quoque externam faciem extensæ: alios autem aliquos tradentes, Adnatam exterius, Choroidis exilem portionem interius, utramque pellucidam factam, per Corneam pergere, & hanc cum Sclerotica componere.

28. Quæ cum inquirerem; vidi interdum manifestum in oculis humanis, ubi inceptam in Adnata sectionem per proximam quoque Corneam produxissem, vidi, inquam, manifestum, non ad hujus ambitum illam finiri, sed porro per ipsam pergere: Quin etiam nuper cum extra Corneam in duas saltem quasi laminas Adnatam facile divisissem; certe earum extimam, sane prætenuem, leniter avellendo, & Corneam versus trahendo, non intra hujus ambitum modo, sed ab eo latere ad oppositum nullo negotio, & æquabili divisione perduxim. Sed tamen neque hanc lamellam in omnibus pariter per universam Corneam eadem facilitate ostendi posse productam, dico, & quod de tota Adnata dixi, non cunctis in oculis successit. Est quidem in nonnullis usque adeo evidens, aut totam, aut, si mavis, ejus extimam dumtaxat lamellam, sed crassiorē factam, paulum super Corneam ingredi, hujusque ambitus particulam, quasi in lunulæ modum, opaca albedine occupare, ut nonnunquam scalpelli acumine, suspensa manu sic ut nihil læderem, per ipsam Corneæ faciem ducto, in eam lunulam extantem, & quasi semisejunctam incurrerim: quam immisso inter utramque ferro facile dimovi, & extrorsum inverti. Ex eoque tempore intellexi, unde in plerisque præsertim senioribus ejusmodi lunulæ existant, Adnatæ videlicet extrema illa portione cum ab natura, tum ab ætate, morbisve, crassiore aut densiore facta: quod in Præsule potissimum animadverti, in quo senescente, Corneæ superficies, ad ambitum dumtaxat, sed latius, quam in aliis viderim, opaca reddita, tota & superiore, & quæ nasum spectabat, parte albicabat. Verum cum hæc morbi fere, aut longioris certe ætatis effectum solitus essem existimare, ut sane, cum æquo majora sunt, adhuc existimo; allatis huc denique Commentariis Regiæ Scientiarum Academiæ Parisiensis in Annum 1726. intellexi, rarissimos fuisse oculos in quibus non aliquid ejusmodi animadvertit Præclarus Medicus Petitus: ut cautius ob hanc etiam causam de naturali Corneæ figura Anatomes, Opticesque cultores loqui oporteat, cum multo minoris quam oculus universus, sphaeræ segmentum esse, dicunt. Neque enim quod Veteres, & in his Galenus (s), indicaverant, ab Summo Opifice Corneam foras longius abductam esse, id ita in omnibus æque manifestum est, ut Vesalius (t), quamvis a Falloppio (u) admonitus, non eo lapsus sit, ut omnino pernegaret: nec in plerisque ejusdem Corneæ externa ora ambitum circuli imitatur; sed abnorme, secus ac vulgo existimant, sphaeræ segmentum repræsentat. Quod an aliis quoque præter hominem animantibus commune sit ex iis quæ Corneam circuli ambitu habere dicuntur, necdum attendi: tantum memini, prægrandem molossum non sic exacte habuisse; & tamen frustra in ipso conatus sum eadem quæ in homine, ratione Adnatam membranam intra Corneæ gyrum perducere. Sed de Corneæ figura nec illud placet omittere, quod cum sex septemve humanos oculos forte haberem, tribusque exceptis, reliquos omnes in aqua horas fere quatuor & quadraginta macerassim; Cornea in tribus illis circuli forma mihi apparuit, in maceratis autem ellipsim retulit in transversum positam, si extrinsecus quidem inspiceres; nam intrinsecus circulum (ambitum hic solum attendo) in omnibus pariter repræsentabat. Iidem macerati oculi, antequam inciderem, diligenter inspecti, Corneam ostenderunt albidam atque opacam, & quibusdam lineis, quasi vasculis fuscis, distinctam, quæ nonnullis in locis in retis propemodum, stellæve modum se decussabant. Eas lineas, sectis mox oculis, ab interiore facie transpiciendo, videre amplius non potui.

29. Verum cum has quoque lineas animadvertisse Petitum, sciam, ac de iis plura in Commentariis paulo ante laudatis proposuisse; nunc quando de super injecta Corneæ membrana Adnata quid ipse conspexerim, satis exposui, malo & de subjecta eidem Corneæ tenui illa Choroidis productione aliquid adjicere. Cum ergo Iridi proximam Choroidis partem, ipsam-

(g) Ophthalmogr. c. 3. (h) num. prox. super. (i) c. 7. (k) De oculo P. 3. c. 14. (l) De appellat. part. corp. hum. l. 1. c. 5. (m) cap. 2. cit. (n) l. Introd. Anatom. c. 40. (o) Pentæsth. l. 5. Sect. 3. c. 5. (p) De oculo P. 1. c. 2. (q) Anat. quart. renov. l. 3. c. 8. (r) Theatr. Anat. l. 3. c. 38. (\*) Anatom. Pragens. Admin. 8. (\*\*) Paralipom. ad Vitellion. c. 5. (f) De usu part. corp. hum. l. 2. c. 4. (t) Exam. Observ. Fallopp. (u) Observ. Anat.



ipsamque mox Iridem in duorum canum incisus oculis, latere ab uno leniter arreptas, sensim lenteque sic avellerem, ut versus Corneam inversas ducerem; sequebatur cum ipsis tenuissima, & pellucida membranula, quæ facile, & æqualiter ab interna facie totius Corneæ auferebatur. Verum etsi in utroque oculo ejus etiam de quo supra dixi, molossi idem feliciter successit, ut ii qui aderant, luculenter viderunt; tamen cum in nullis adhuc humanis oculis, imo ne in cane quidem alio, quem ante molossum dissecueram, satis responderit, an quod minus essent recentes oculi, an quod pari non sim diligentia usus, an alia quapiam, si mavis, causa; quæ viderim, scire te volui, sed interea pro satis mihi exploratis minime habere.

30. Iis addas, velim, quod a Valsalva observatum in hujus schedis reperio: Corneam ex diversa duplici constare substantia, tenuibus membranis duabus ejusdem naturæ, & substantia his interjecta, quæ videtur spongiosa: idque in bovis oculo diu in aqua macerato fieri manifestum. Ruffus quidem (x) inter causas ob quas Cornea appellaretur, illam etiam posuerat quod *instar cornu in corpuscula Ctedonas vocata, id est, fibras aut filamenta resolvitur*, Haly autem (y) quod fiat ex partibus, quæ si adinvicem decorticentur, fiunt tanquam laminulæ. Has Avicenna (z) esse, dixit, tunicas subtiles quatuor, quæ sunt sicut cortices suppositi: quem numerum, a Theophilo (a) quoque indicatum, Berengarius (b), nostrique Fabricius (c), & Casserius (d), alique præterea commemorarunt, donec vitulina Cornea ab Recentiorum subtilissimis in centum lamellas divisa est. Utramvis structuram probes (fortasse autem utraque potest conciliari) facile intelliges, quemadmodum possint intra Corneæ substantiam alienæ particulæ intrudi, atque acervari, unde ejus opacitas, peculiare hypopyon, alique vitia suboriantur. Sed spongiosa, a Valsalva proposita, commodior fortasse est sive ad res hæc, sive ad illam intelligendam, quam ut in suillis oculis animadverterat, sic in humanis suspicabatur Leeuwenhoekius (e), in quibus & Vir Cel. Winslowius (f) revera observavit, id est certa quadam oculi pressione, humoris guttulas existere tenuissimas, unde illam quasi telam in moribundis repetit, quæ instar halitus speculum infuscantis, efficit ne eorum oculi insipientibus imagines reddant, quæ quandiu, ut est apud Riolanum (g), *elucet, non est augurium timendi mortem in ægritudine*, inquit Plinius. Sive enim is humor est ex interiore oculo, ut Leeuwenhoekius arbitrabatur, sive ex ipsius Corneæ substantia; nam alterutrum is qui antea rem animadverterat, suspicatus fuerat Stenonius (h); profecto spongiosa structura maxime apta est ad humorem tum continendum, tum transmittendum. Quod si forte quæras, de hoc humore quid ipse adnotaverim; respondere possum, in pluribus humanis oculis expertum esse, an comprimendo exprimerem, ex illisque omnibus expressisse: ad singulas enim compressiones madore quodam, quasi opaco velo, Corneæ facies obducebatur, qui, mox absterfus, continuo ad novam compressionem redibat. Cum sæpius rediisset; atque a me sæpius absterfus esset; a compressionem redibat tamen. Quin etiam in duobus oculis, quos postremos inspexi, illud insuper animadverti, quod in primis acciderit, an non acciderit, non attendi; post illas compressiones, inter Scleroticam tunicam, & Adnatam humorem quasi aere permixtum apparuisse, quo Adnata hic illic attollebatur. Sed quoniam duos illos oculos, integra etiam tum Adnata, palpebris videlicet retrorsum ductis, compresseram; idcirco unde is sub Adnatam humor extiterit, pro certo dicere non ausim: quanquam illuc inclinatus animus, ut credam, cum esset antea inter Orbitalem palpebrarum musculum, & posteriorem oculum, antrorsum compressionem propulsum fuisse.

31. Nunc quando horum de Cornea sermonum inde initium nobis est natum, quod Rectorum oculi musculorum tendines convenire ad Scleroticæ compo-

sitionem, cum Valsalva dicebamus (i); illuc jam redeamus oportet, ut videamus ipsi, an & Obliquorum musculorum tendines ad eandem componendam conveniant. Quod antequam facimus; quædam nobis de ipsis musculis placet attingere. Duos musculos totum oculum circumvertentes Galenus (k) proposuit, qui a magni anguli regionibus prodeuntes, in parvum pertingant. Hos positione obliquos, & singulos in singulis palpebris descripsit (l) supra ac infra extensos. Vesalius (m) denique magis ad verum accedere conatus, in Majoris quidem Obliqui descriptione accessit, ut quem a visorii nervi membrana, e regione majoris angulienasci, docuit, & tendinem obliqua linea ad superiorem oculi sedem inferere. Verum cum Minorem ex eadem membrana e regione minoris anguli deduxit, & in humiliorem oculi sedem, ac juxta iridem usque protraxit; a vero etiam magis quam Galenus, discessit. Excitavit tamen Falloppii industriam, qui (n) utriusque musculi descriptionem, si non undique perfectam, at certe ejusmodi proposuit, ut vix pauca a cæteris addi, mutarive potuerint. Trochleam, ut supra (o) diximus, id est cartilaginem quandam, quæ canalem habet, ac trochleæ penitus in se continet imaginem, descripsit, per quam Majoris tendo traducitur. Hanc Vesalius in Falloppii Observationum Examine, transversum esse, ait, ligamentum: in quo adstipulantem habuit Platerum (p), qui tamen durum esse agnovit, quemadmodum ipse etiam Vesalius cartilagineum quid ad musculi reflexum (idque in bobus præcipue) ostendere, falsus erat. Ex cæteris autem aliqui semicanalem potius, quam canalem, habere censuerunt, in quibus Eustachius (q) fuit, & Vidius (r); quantum eorum delineationes ostendunt. Hic præterea (s) quasi quartam partem trochleæ dumtaxat referre, admonuit: Riolanus autem (t) ne id quidem attendit, præcise negans, referre trochleæ figuram, quia est uncata, non circularis. Ego, quod ad canalem, & figuram trochleæ attinet, explicari magis, & illustrari Falloppii verba posse, arbitror, quam ut falsa convinci. Æquum enim est, ipsum legentes attendere, ideo in hac cartilagine imaginem trochleæ agnovisse, quod & cavum haberet, per quod tendo, ceu funis, moveretur, & per ligamentum ad orbitæ parietem, ut trochleæ solent, affixa esset. De canali tamen, quem alii completum significarunt, & in his Spigelius (u), cum hanc cartilaginem exiguum, teretem, canalis modo excavatam, & particulæ alicujus paleæ non abstermitem dicebat, & de ejus interdum quasi tendinea natura quid mihi, non propterea quæ alii viderunt, perneganti, in pluribus acciderit observare, in Adversariis (x) indicatum est. Illinc intelliges quantum satis sit vel ad Vesalii, & Plateri excusationem. Variat enim nonnunquam natura. Sed cavendum est, ne quod raro fit, id quasi perpetuum tradatur, velut ab Riolano (y), in contrarium currente, hanc cartilaginem in adultis ossæam evadere. Id quidem videre potuisse, non inficior: imo ex tendinea nonnunquam, tum deinde cartilaginea, ad extremum nonnunquam ossæa observata natura, si quis cum Sesamoideis ossiculis, quæ & trochlearum vices præstant, vellet comparare; fortasse non esset repugnandum. Sed nimirum quæ rariora sunt, ea facilius aut non vidisse, aut omittere Falloppius potuit, quam alii quasi pro perpetuis proponere. Attamen ipse quoque Falloppius quæ hic universe non in hominibus solum, sed etiam brutis ipsis habere locum, affirmavit, melius profecto contraxisset. Neque hoc eo potissimum dico, quod Casserius (z), qui Trochleam in quibus invenit animantibus, demonstrat, idem in quibus observare non potuerit, memorat, in hisque boves nominat, in quibus Falloppius valde magnam esse, docuerat; quando in bobus certe quidpiam accidit Casserio, quod neque Vesalio, neque in primis Carcano (a) accidisse, manifestum est, quorum ille cartilagineum quid in bobus præcipue, ut paulo ante vidimus, agnovit, alter hunc ipsum

in

(x) De Appellat. part. corp. hum. l. 2. c. 3. (y) Theoric. l. 3. c. 13. (z) Canon. l. 3. Fen. 3. tr. 1. c. 1.  
(a) De corp. hum. fabr. l. 4. c. 19. (b) Isagog. ubi de Anat. oculo. (c) De oculo P. 1. c. 2. (d) Pentæsth. l. 5. Sect. 1. c. 22.  
(e) Arcan. Nat. (f) Mem. de l'Acad. R. des Sc. A. 1721. & Expos. Anat. tr. de la Teste n. 216. (g) Anthropogr. l. 4. c. 4.  
(h) De Glandulis. (i) n. 26. (k) De musc. dissect. c. 5. (l) De usu part. l. 10. c. 8. (m) De hum. corp. fabr. l. 2. c. xi.  
(n) Observ. Anat. (o) n. 15. (p) De corp. hum. struct. l. 1. (q) Tab. Anat. 39. Fig. 2. & seq.  
(r) De Anat. corp. hum. Tab. 31. Fig. 5. & Tab. 78. Fig. 3. (s) Ibid. l. 4. c. 2. (t) Animadvers. in Laureat. l. 3. c. 4.  
(u) De hum. corp. fabr. l. 4. c. 5. (x) VI. Animad. vers. 77.  
(y) Animadv. loc. cit. (z) Pentæsth. l. 5. Sect. 1. c. 19. (a) Anatomic. l. 2.



in Vesalio miratur loquendi modum, cum ipse *magnam esse in bobus, & vitulis cartilaginem istam*, confirmet. Id igitur eo dixi, quod non ut hominibus, sic bobus *gracilem* musculi tendinem per Trochleam transmitti, sed ipsum, *carneum adhuc existentem*, musculum, vel Carcanus ipse (b), Falloppii plerumque studiosissimus assecla, confitetur: idque insuper ex bovis anatome in humanam traduxisse Vesalium, contendit. Quin etiam Casserius (c) in ovibus hunc musculum *totum carnosum* esse, admonuit.

32. Ad humanam autem Trochleam aliquid, nec levis momenti, addidisset Molinettus, sinovum quendam musculum, in ipsam & oculum desinentem, quem *semper reperiri in omnibus*, in prima suarum Dissertationum editione (d) affirmaverat, & peculiari expressum Tabula proposuerat, sexto post anno cum eundem rursus, plurimum auctum, ederet librum, omni ejus musculi sublata mentione, eaque prætermissa Tabula (e), suo ipse silentio non negasset. Quod ejus silentium non magis quam alii, Cowperus videtur animadvertisse, ut neque, eum quoque musculum *a fundo orbitæ* Molinettum deduxisse, & *potissimum ab Obliquo Majori, cui confinem esse*, tradebat, *distinxisse*. Musculum enim ejuscemodi Cowperus (f), non ad portionem aliquam Orbicularis palpebrarum quæ adhæreret Trochleæ, referendum esse, coniecisset, verum ad portionem quampiam alicujus musculi, a fundo orbitæ proficiscentis, ut puta vel Attollentis palpebram superiorem, quem *sui tendonis portionem impertiri tendoni musculi Trochleatoris*, folicite monuit Riolanus (g), vel potius hujus ipsius, quando huic, ut diximus, confinem esse, docuerat Molinettus, & Clarus in primis Anatomicus Winslowius (h) musculum memorat peculiarem, qui vulgo pro ejusdem Obliqui portione accipitur, quamvis Trochleæ annexus sit. De quo cum iterum, ut pollicetur, Vir Præstantissimus verba fecerit; proclivius erit dispicere, alium proponat, an hunc ipsum confirmet, quem a Francisco Boldrino inventum Molinettus primum agnoverat, *quinetiam omnes*, ut ait, *diligentiores Anatomici*; deinde, nulla reddita ratione, silentio dissimulavit. Nam etsi illa a Molinetto *gloriose jactata* esse, censuerat Georgius Wolffgangus Wedelius in Dissertatione quæ inscribitur *Vissus* (i), A. 1674. Jenæ edita; non tamen musculum; cujus initium non probe indicavit; plane rejecerat; sed *de veritate autopsiam consuli posse*, dixerat. Ac mihi quidem, cum aliquot in oculis diligenter quærerem, nunquam accidit, ut ullum, præter satis cognitos, musculum invenirem. Vidi tamen, ubi membranam, seu quasi vaginulam aperuissem, quæ Majorem Obliquum musculum aliquo priusquam ad Trochleam perveniat, tractu circumplexa, ipsi mox Trochleæ firmè adhæreret; vidi, inquam, perpaucas quasdam ejusdem musculi exteriores fibras, quæ ab uno latere in eam vaginulam se se inferere viderentur; ut si Trochlea moveri posset (vix autem, ac ne vix quidem posse, aliquando saltem, cum id inquirerem; expertus sum) eæ autem fibræ multo essent plures; retrahi ab his conjiceret cum vaginula illa Trochleam, & sic *mutationem aliquam fieri*, ut Molinettus censebat, *anguli in tendine musculi oblique transeuntis per ipsam Trochleam*. Quid ergo est? Etsi ego, ut dixi, sic observavi, & in plerisque sic esse, credo; Boldrino tamen, & Molinetto, aliisque præterea Clarissimis Viris in quibusdam cadaveribus Obliqui musculi Majoris ventrem duplicem inventum esse, existimo (quemadmodum mihi in cadavere quo A. 1732. ad Anatomen Publicam utebar, Rectorum unum duplici manifestò ventre conspectum, scio) sed, ut in re fortuita, non semper alterum alteri parem, nec in eundem semper locum desinentem. Qua me in opinione nunc magis confirmat Celeberr. Anatomix Professor Bernardus Siegr. Albinus, qui sicuti Molinetti musculum fuisse suspicatur, quem aliquando ipse vidit, quamvis *rarum admodum inventum*, --- *gracillimum, comitem Obliqui* hujus, cum eodem orientem, sed in vaginam, de qua post (k) di-

cemus, ipsius tendinis, ut videbatur, *evanescentem*; ita istum ipsum quem vidit, suspicatur *fuisse aberrantem* quandam ejusdem Obliqui partem. Hæc habet Vir Doctissimus in præclaro, quo me liberaliter donatum voluit, diligentia, solertia, eruditionis suæ monumento *Historia Musculorum Hominis* (l): quæ quoniam serius, his videlicet absolutis Epistolis, ad meas pervenit manus; quod sæpe alibi fufius, ac libentius fecissem, hoc saltem loco, his paucis interjectis verbis, nolui prætermittere, quin apud te quoque ejus meritum debita laude; liberalitatem grata memoria prosequeretur.

33. Sed jam ad Falloppianam Obliqui Majoris musculi descriptionem redeamus. In hac *longior reliquis oculi musculis dictus est*, & merito quidem, cum primum ad Trochleam, deinde ab hac ad oculum perducatur. Ne æquo tamen longior ut in priorē *Myotomix* editione pictus nobis esset a Cowpero, veritus sum; ita in altera (m) quoque vereor, quamvis has suas delineationes naturali magnitudine expressas dicat. Sed dignus oppido est in quo neque illud, neque alia ejusdemmodi scrupulosius, sæpiusque inquirere pergamus, cum & iisdem illis delineationibus, & descriptione egregie interea de retrorso Obliquorum musculorum incessu, & quod consequitur, singulari utilitate meritis sit. Nam Falloppius Majoris tendinem ex Trochlea *reflecti ad angulum rectum*, scripserat: idque in cæterorum animis ita infederat, ut cum aliqui, id quod infra videbimus, vel magis ad oculi anteriora quam ille docuerat, musculi finem transferrent, non facile inveniatur qui reverti eum tendinem, ut Cowperus demum tradidit (n), ad posteriora, tradiderit. Vix reperio Vidium (o), qui *prope ad rectum angulum flecti* musculum, scripserit. Sed longe melius Eustachius (p), qui satis introrsum reflexum pinxerat: idemque alterum quoque Obliquum introrsum pergentem præclare delineaverat. Quæ & alias (q) memini admonuisse, gratia videlicet Historiæ Inventorum Anatomicorum promovendæ, ut qui primus rem vidisset, constaret; non ut inde Cowperum didicisse, contenderem. Usus essem Tabulis, non post ejus *Myotomix* editionem, sed multo antea vulgatis, ut Fabricii nostri (r), & Casserii (s), quæ in ea nimirum oculi parte desinentes Obliquos commonstrant; ut qui Trochleæ sedem, & Minoris Obliqui originem jam diu notas attenderet, ambos retrorsum se insertum ire, necessario cognosceret. Verum cum posteriores Eustachio, tum de naturali Obliquorum directione ostendenda non æque atque ipse, solliciti fuerant.

34. Primi tamen fuerunt qui Minorem ex ea orbitæ regione orientem pinxerunt, unde Falloppii descriptio præmonstraverat. Regionem autem consulto dixi; nam Falloppius quoque non unum omnino locum semper ab natura servari, vidit: quin ipse nuper cum minus ad anteriora, tum præsertim magis ad interiora, quam ille indicet, nascentem conspexi, ab ipso videlicet margine Lacrymalis foraminis, tempus respiciente, & jam ad posteriora vergente. Unde, opinor, & Vesalius invenerat, cum de eodem musculo hæc scripsit (t): *ad foramen illud carneus pronascitur, quod insigne in interiori angulo orbitæ repositum, in narium spectat amplitudinem*. Neque illud tamen, quod etiam Falloppius posuerat, & Cowperus (u) ponit, *carnosum principium* vidi, sed tendineum, & acutum, nec longius tamen tendineum, quam Eustachius (x) delineavit. In quibus ut variare natura possit; in reliquis certe constantem video, quæ ex eadem Eustachii pictura apparent. Primum, ut quemadmodum indicatum est, musculus non *per transversum* dumtaxat, quod Falloppius dixerat, sed oblique feratur introrsum. Deinde ut inter orbitam, Humilemque musculum, mox inter Indignatorium, oculumque ducatur: qua in re plures decepti sunt, & nonnulli adhuc, in quibus Cowperum (y) omittere malumus, decipi videntur. Nam Falloppius *latitare* hunc Obliquum, docuerat, *inter oculum, & chordas utriusque musculi*; Vesalius contra (z), *undique offi attentum illos musculos non subire*.

Ve-

(b) Ibid. (c) l. cit. Sect. 3. c. 34. (d) c. 4. (e) Vid. l. 4. c. 4. (f) Myot. Ref. ch. 8. Edit. 1. & ch. 9. Edit. 2. (g) Anthropogr. l. 5. c. 10. (h) Memoir. de l'Acad. R. des Sc. A. 1721. (i) c. 2. (k) n. 36. (l) l. 3. c. 23. (m) Tab. 25. Fig. 3. & 4. (n) c. cit. (o) De Anat. corp. hum. l. 4. c. 2. (p) Tab. Anat. 39. Fig. 4. & 5. (q) Advert. VI. Animad. 68. (r) De Oculo Fig. 5. 6. 8. (s) Pentæsth. l. 5. Tab. 2. Fig. 1. & 2. 2 sinistr. & Tab. 3. Fig. 1. 2. 3. 4. (t) Exam. Observ. Fallopp. (u) c. cit. (x) Fig. cit. 5. (y) c. 9. cit. (z) loc. cit.



Verum hic in Humili; verum ille utcumque in Indignatorio; neuter in utroque verum tradiderat. De chorda autem, siue tendine Indignatorii non satis recte fuerat injecta mentio, quod ne Carcanum quidem ipsum (a) cavisse, miror; nam Obliquum hunc ego sicuti inter Humilis tendinem, orbitamque comperio vel magis quam Eustachii Figura indicat; sic eundem Obliquum inter oculum certe video, & ventrem Indignatorii.

35. Quæ omnia si cum Eustachiano Iconismo attente contuleris; profecto intelliges, non errores modo Falloppii, & Vesalii declinasse, sed rem ipsam tum prius, tum plenius, tum clarius multo pictura Eustachiana, quam verbis Carcanum, expressisse, Profectorem alioquin ea diligentia, ut propemodum cum Eustachio certare possit. Cum enim in hujus Iconibus quæ circumjectos oculo musculos, repræsentant; præter ea quæ laudavi, aut sum laudaturus, alia sint miræ accuratationis indicia, & in his obliqua illa, & varia tendinis Indignatorii in Scleroticam insertio, quam nuper fufius, nec sine utilitate, descripsit Medicus Solertissimus (b) Petrus; sunt tamen etiam nonnulla quæ accuratius a Carcano indicari videantur, velut illud quod in memoratorum omnium musculo-rum examine, & separatione ducendum initium præcipit ab origine Obliqui Majoris, non musculi superiorem palpebram Attollentis, quando Eustachiana delineatio (c) hujus originem musculi adeo manifeste Obliqui illius origini imponit, ut si ita se res haberet, incipiendum omnino esset ab initio palpebram Attollentis, non Majoris Obliqui, contra atque a Carcano traditum est. Attamen cum hæc ego diligentius quæsi, ut nuper quoque in cadaveribus duobus; nunquam accidit, ut rem invenirem quemadmodum ab Eustachio picta est: imo si musculos, antrorsum trahendo, nonnihil tenderem; manifestum erat, Obliqui originem quasi tendineam, universæ Attollentis palpebram origini in transversum oblique imponi: quæ res Carcano prorsus favebat. Studuit autem Carcanus, ut ipse (\*) de se profitetur, non *verum novarum inventioni*, quam unam avide vulgus crepat, *verum potius rerum a majoribus inventarum*; ac *sæpe parum recte descriptarum vero examini, ac veræ determinationi*: --- quod si quis vere ageret, hunc & non minimum laudis genus sibi asciscere posse, jure ac merito arbitrabatur. Idque cum in aliis rebus, tum in his musculis præstitit ea plerumque diligentia, quam non modo non dissimulare, sed imitari, & sequi eos decuisset, qui de iisdem, neque ita longo post tempore, conscripserunt. Sic in Obliqui etiam Majoris tendine Superbo musculo subjiciendo verum est secutus, quod Eustachii Figura (d), quam non viderat, repræsentat, & Vesalii *Examen*, quod legerat, adversus Falloppii, non falsam in eo quidem, si vera fateri volumus, descriptionem, sed silentium potius, indicaverat. Re enim vera Falloppius Obliqui illius tendini non Superbum; quod qui Vesalium (e), & Carcanum (f) legat, facile existimet; Superbum, inquam, non subjecit, ut Vidius (g); sed tantum scripsit, *teretem illum, gracilemque tendinem reflexum versus regionem superiorem oculi, in illam inferi inter implantationes, si recte, inquit, memini, Superbi, & Indignatorii*: sicuti *brevem chordam* Obliqui Minoris, docuit, in oculum inferi ita prope insertionem Majoris, ut aliquando illius, atque istius una atque eadem chorda videatur.

36. Qua de utraque insertionem cum aliqua adhuc animadvertero; ad Scleroticam redibo. Itaque illud primum attendas velim, utramque magis quam opus fuisset, a plerisque olim ad anteriora esse propositam. Nam etsi pro Superbi, & Indignatorii implantationibus, horum ad Scleroticam affixionis initium dumtaxat, Falloppius intellexisset; non tamen satis illam posteriorem indicasset oculi sedem in qua Obliqui terminantur. Vesalius (b) cum id emendare potuisset; Obliquos *versus anteriora inferi*, diserte scripsit. Hunc Platerus (i) secutus est. Veslingius autem (k), & Molinettus (l), aliique easdem insertiones Morgagni Epistola Anatomica.

antrorsum adeo protulere, ut *ad iridem*, aut *prope iridis confinia* statuerint. Non ausim credere huc adductos Iconismo quodam Casserii (m). Nam etli alterius oculi Obliquos nimis ad anteriora producit; tamen alterius Obliquum Majorem ad posteriora satis retrahit. in Tabula autem proxima (n) non unam Figuram habet, qua utriusque fines luculenter ad posticam oculi partem, & præterea longe minori quam in illa quæ præcedit, Tabula, inter se disjunctos intervallo proponit. Fabricius quoque ab Aquapendente (o); etsi id intervallum majus expressit, nec magis fere quam Casserius, sollicitus fuit in designando, cui Recto musculo cujus Obliqui finis revera subjiaciatur; Obliquos tamen satis ad posteriora defixos monstraverat. Sed & qui utriusque Figuras diligenter inspexerit, facile intelliget, stetit quidem utrumque a Falloppio adversus Vesalium (p), qui in hujus Obliqui Majoris musculi descriptione *teretem tendinem* improbaverat; sic tamen stetit, ut quod Carcanus (q) addiderat, eundem tendinem ad insertionem *aliquantulum dilatescere*, id ipsi in quibusdam Iconibus ostendere non omiserint. Id Cowperus in *Myotomia* prima editione (r), in qua & Minoris Obliqui tendinem acuminato fine delineaverat, a se neglectum, in nova (s) ubi hunc quoque alterum tendinem emendavit, fidelius expressit. Nemo tamen Eustachio (t), qui tendinem illum ad Trochleam accedentem sane teretem ostenderat, eundem a Trochlea ad insertionem se dilatantem aut magis, aut constantius delineavit; ut cum in cæteris de quibus dictum est, rebus ejus diligentiam agnoscam; in hac quoque interdum suspicer, non tendinem modo, sed & vaginam, ipsum a Trochlea ad insertionem complectentem, nobis indicare voluisse. Quam ego vaginam postquam in *Adversariis* (u) descripseram, propositam olim animadverti a Fabricio nostro, qui (x) *ligamentum illud* vocavit, *quod trochleæ musculi tendinem quasi vagina investit*, atque iterum (y) *hic tendo*, inquit, *ligamento quodam per totum ductum quasi vagina stipatus obvolvitur*. Quæ fere verba descripsit Bauhinus (z). Fufius autem confirmavit Riolanus (a), *ligamentum exile, rotundum, & cavum* memorans a majori angulo enatum, quod excipit tendinem illum admirabilem Obliqui Majoris; & *molliter deducit ad oculum*: & alio in loco (b), *Tendo iste inclusus est*, inquit, *ligamento exili, nervoso, rotundo instar vaginæ, ut sistat oculum, ejusque revolutionem definiat, ne tres illi musculi Attollens, Deprimens, & Indignatorius simul trahentes, oculum distorqueant, vel ad minorem angulum revellant, ac revolvant*.

37. Ego antequam vaginam hanc, apud Anatomicos obsoletam, restituerem, & postquam restitui, cum tendines sæpe, atque insertiones musculi utriusque Obliqui perquisiverim; illud primum quod adversus pervulgatam doctrinam monere fortasse possum, ne ipse quidem prius quam in tribus novissime dissectis capitibus, animadverti. Scilicet tendo Obliqui Majoris, quamvis a musculo ad Trochleam teres videretur; tamen, si explicares, nusquam teres erat, sed planus: quod Valsalvæ quoque conspectum fuisse, magis ex ejus delineatione (c) conjicio, quam ex ulla in ipsius schedis adnotatione intelligo. Porro e Trochlea egressus, ut se magis magisque inter descendendum dilatabat, sic manifestius apparebat planus, si vaginam illam demeres, quæ tendinem ab altera facie laxius complectens, tubi instar conici a Trochlea ad oculum pertinentis, eo se magis, quo huic erat propior, expandebat. Quidpiam non ita dissimile in cæteris quoque musculis animadverti; nam antequam in oculum se infigant, nec parvum ad tractum, suam quasi membranam expandunt, ejusque expansionis partem aliquam in Adnatam promittere videntur membranam, ut Obliquus Major etiam alio, in latius videlicet internum, quocum sic satis junctum vidi, musculi superiorem palpebram Attollentis; ut sic intelligendum credam quod de tendinum utriusque musculi nexu Riolanus admonuit, ut supra (d) memoratum est. Sed hæc vaginæ tametsi nusquam adeo manifeste apparent ac circum Obliqui Majoris

F f

ten-

(a) Anatomic. l. 2. (b) Memoir. de l'Acad. R. des Sc. A. 1726. (c) Tab. 39. Fig. 2. (d) lib. cit. (e) Fig. 3. (f) (g) (h) locis cit. (i) De corp. hum. struct. l. 1. (k) Synt. Anat. c. 15. (l) Dissert. Anat. l. 4. c. 4. (m) Pentasth. l. 5. Tab. 2. Fig. 2. (n) Tab. 3. (o) De Oculo Fig. 5. 6. 8. (p) loc. cit. (q) loc. cit. (r) Fig. 2. (s) Tab. 25. Fig. 1. & 3. (t) Tab. cit. 39. Fig. 2. 3. & 4. (u) VI. Animad. 77. (x) De Oculo P. 1. c. xi. (y) Ibid. P. 3. c. 12. (z) Theatr. Anat. l. 3. c. 35. (a) Anthropogr. l. 4. c. 4. in Admin. Anat. (b) Ibid. l. 5. c. xi. (c) Dissert. Tab. 3. Fig. 2. (d) n. 32.



tendinem; sua tamen Obliquo etiam Minori adjuncta præclare cernitur, cum hunc accedentem ad insertionem persequimur, sensim magis magisque attolentes. Ad eam venit a contractiore illo (e) tendineoque principio semper quo magis progreditur, carne auctior crassiorque factus, nervo etiam, in medio fere cursu, in latus internum excepto recta illuc contentente, & ex transverso incurrente, eoque pro musculi mole non parvulo, quæ tamen pro sua brevitate latior, & carnosior apparet, quam in Obliquo Majori.

Itaque & latiori solet quam hic, tendine infigi, sed omnino brevi; ut mirari subeat Veslingii (f), & qui hunc sequuntur, delineationem teretem appingentium tendinem, nec Majoris tendine brevior.

Cæterum utriusque insertiones musculi mihi semper conspectæ sunt in oculi sede plane posteriori, pari ambæ a Cornea intervallo, inter se autem disjunctæ spatio non totius apicis minimi digiti transversi, nonnunquam paululo majori, minorive, quod spatium a suprema oculi parte nonnihil ad exterius latus vergebat, quippe cum Majoris Obliqui tendo sub ventre Superbi; Minoris sub Indignatorii, versus utriusque ventris intervallum contenderent: ut minime intelligam, quomodo aliquis Recentiorum ad oculi partem inferiorem deducat. Credo autem Falloppio (g), aliquando utriusque Obliqui unam atque eandem chordam videri; etsi nondum sic reperisse meminerim, multoque minus, ut Riolanus (h), & ante ipsum Carcanus (i), quorum ille invicem coire, hic dilatescentem alterius tendinem cum dilatescente alterius tendine jungi, tanquam perpetuum posuerunt. Certe nisi exteriores quædam utriusque fibræ id præstent; cæteræ quæ vere tendineæ dicuntur, non præstant, ut quas suo quasque loco ita in Scleroticam infixas deprehendi, ut sine laceratione ulterius pergere non liceret. Cum autem uterque tendo se se in posteriorem, ut dixi, Scleroticæ partem, & oblique retrosum infixum eat; profecto non video, quomodo Casserius (k), cum docuit, extremitates tendinosas sex oculi musculorum, membranam quam Innominatam Columbus vocat, constituere; hos saltem Obliquorum tendines non exceperit: quemadmodum Riolanum (l) laudo, qui Laurentium tradentem, Majorem Obliquum in latus Conjunctivæ inferi, notavit. Statuamus igitur, ut Rectorum musculorum tendines ad anteriorem, sic Obliquorum ad posteriorem Scleroticam ex parte efficiendam convenire; nec tendines solum, sed & albam illam, fere in conum modum se expandentem Obliqui Majoris vaginam, quando & hanc, in Scleroticam ipsam desinere, animadverti, non secus ac alias, non adeo ab similes, quas cæteris musculis, & Minori præsertim Obliquo, adjunctas proposui. Quæ tametsi non ex conspicuis filamentis firmis illis & argenteolis, ut veri tendines, compinguntur, sed ad membranæ magis naturam accedunt, possunt tamen, ut tendinum appendices, ipsæ quoque eam in quam desinunt, oculi tunicam augere.

38. Non sum nescius, esse aliquos posse quibus hæc minus placeant quæ de Scleroticæ incremento ex musculorum tendinibus proposita sunt, propterea quia si verum id esset; saltem ubi majores illi Rectorum tendines affiguntur, Scleroticam crassescere, & proximam Corneam oporteret: quod tamen a Majorum doctrina longissime abhorret. Carolus enim Stephanus (m) docuit, Scleroticam, quæ primum crassa est, paulatim procedentem, tenuiorem semper effici, quo magis ad pupillæ regionem pervenit. Illic enim pertenuem --- effectam esse, --- qualia sunt abrafa cornua quibus lucernas contextimus, ob idque posse visorii spiritus fulgorem dispergere. Huic ad stipulatus est Coiterus (n), Scleroticam crassissimam in posteriori parte describens, ubi nervus visorius inseritur, deinde sensim magis magisque extenuatam, ita ut juxta corneam, quam ex se se depromit, omnium sit tenuissima. In Cornea autem tenuitatem, minime crassitatem agnoscit, quæ visui, inquit, fuisset obsutura. Quid attinet alios addere, & in his Riolanum (o), confirmantem, Scleroticam posteriore parte crassam, & opacam, versus anteriora sensim extenuari, ut pure niteat, & instar cornu pelluceat, ad excipiendas rerum imagines; quid, inquam, hoc attinet, quando multo ipsis antiquiores

possumus nominare? Nam ex Galeno (p) hæc illi acceperant, docente: cum crassa quidem esset admodum hæc tunica Sclerotica, sed densa minus quam usus flagitabat; Naturam cœpisse tenuiorem simul ac densiorem producere: post autem paulatim promovendo, partem ejus maxime mediam longe tenuissimam ac densissimam effecisse. --- Hanc igitur corneam tunicam factam jam tenuem, duram ac densam, protinus utique splendidam fuisse futuram, cujusmodi ad splendorem transmittendum esse posset opportunissima, non secus ac cornua accuratissime derafa atque extenuata. Sed & Cornelius Celsus (q) ante Galenum Scleroticam satis crassam esse, tradiderat, sed pupillæ loco extenuari. Et quanquam Anatomici, & in his Casserius (r), alterum Galeni locum (s), animadvertent, ubi contingere nonnunquam, ait, ut tunica cornea appellata, profundum habeat ulcus; non tamen quenquam adhuc memini vidisse, qui Corneam tenuem esse, neget; etsi unum invenerim, qui saltem opacæ Corneæ, hoc est Scleroticæ partem illam quæ pellucidæ vicina est, diserte neget extenuari. Is est Cel. Ruyschius (t), cujus verba, ad rem nostram maxime attinentia, producam. Musculorum tendines, inquit, nonnihil a Sclerotica separati, luculenter Scleroticam eo loco, ubi inseruntur, a tendinibus dictis incrassari, hic docent; ita ut si quis eorum expansionem nolit esse peculiarem membranam, saltem negare non possit, eam ad incrassationem, & robur Scleroticæ multum adferre.

39. Sed cum e contrario alterum Cl. Virum vel post Ruyschium adhuc scribere animadvertissem, Scleroticam sensim minus crassam fieri a posterioribus ad anteriora pro ut ad Corneam accedit; constitui de Scleroticæ totius, & de Corneæ crassitudine diligenter, & sæpius cum in brutis nonnullis animantibus, tum maxime in homine ipso quærere. Meorum autem observationum hæc summa est. Postrema pars Scleroticæ reapse, ut docuerunt Veteres, crassior erat: tum aliquo emenso spatio, extenuabatur, quod & ipsi tradiderunt. Cæterum ubi ad Rectorum musculorum insertionem ventum erat, in plerisque iterum fieri crassam vidi, in nullo tenuiorem, nisi quod in uno postquam erat iterum facta crassior, iterum ad ipsum Corneæ ambitum attenuabatur. Porro Cornea, in medio præsertim, aut omni, aut maxima certe Scleroticæ parte semper crassior inventa est.

Quæ cum in duodecim humanis oculis continenter sectis animadvertissem; tum in bubulis decem, & caninis quatuor perquirens, in illis, quod ad Scleroticam attinet, eadem fere quæ in humanis; in caninis autem qua Recti musculi affigebantur, eo manifestiorem crassitudinem deprehendi, quod reliquæ Scleroticæ pars maxima pertenuis in canibus spectatur.

Corneam quoque in utroque illo bestiarum genere, non secus atque in homine, Sclerotica crassiorem vidi.

Verum ut magis intelligas, novum illud crassitudinis Scleroticæ versus Corneam incrementum ab affixis tendinibus provenire; scias velim, cogitanti mihi, unde fieri potuisset, ut illud in plerisque, sicut dictum est paulo ante, non in omnibus, conspectum esset, placuisse ut in pluribus iterum oculis humanis rem indagarem. Sic igitur inveni, in quibus illam Scleroticæ partem contra tendinum affixionem diffecarem, in iis omnibus oculis Scleroticam ibi crassiorem fieri; in quibus autem contra earum affixionum interstitia sectionem ducerem, in his oculis Scleroticam eundem quem in mediis lateribus habuerat; ibi quoque crassitudinis modum fervare. Atque hæc omnia multo antea adnotata habebam, quam huc Commentaria afferrentur Regiæ Scientiarum Parisiensis Academiæ in Annum 1728. ex quibus non minori fane, quam Petitus, admiratione percussus fui, cum videlicet legi, exquisitissimis illis dimetiendi rationibus, quas perindutius is Medicus excogitavit, Corneæ crassitudinem reapse tanto minorem deprehendi, quam ipsa per se oculorum judicio esse videatur. Nam certe sive in oculis gelu undique duratis, atque ita, dissectis, sive in aliis, magnam adhuc Scleroticæ portionem Corneæ utrinque adnexam habentibus, manibus hinc & hinc Scleroticam trahendo, ac distendendo, Corneæ sectionem inspiciam; hujus semper eam crassitudinem esse video quæ supra indicata est; ut proclive non sit suspicari, ideo

(e) Vide supra, n. 34.

(f) Syntagm. Anat. Tab. cap. 15. Fig. 3.

(g) Obser. Anat.

(h) cit. cap. xi.

(i) Anatomic. l. 2.

(k) Pentæsth. l. 5. Sect. 1. c. 18.

(l) Animadv. in Laurent. l. 5. c. 12.

(m) De dissect. part. corp. hum. l. 3. c. xi.

(n) Tab. Ocul. hum.

(o) Anthropogr. l. 4. c. 4.

(p) De usu part. l. 10. c. 3.

(q) De Medicina l. 7. c. 7. n. 13.

(r) l. & Sect. cit. c. 12.

(s) De differ. morb. c. 13.

(t) Thesaur. Anat. 2. Aff. 1. n. 10.



ideo fortasse crassiores mihi Corneam apparere, quod post sectionem, humorumque oculi effusionem, quas Petrus declinat, contracta, quantum amplitudine decrevit, tantum crassitudine augeatur. Sed non propterea Petri rationibus accuratissimis repugno: nec fortassis in hac quidem disputatione necesse est, quando illis omnibus qui tenuem Corneam esse, docebant, ipsas incognitas fuisse, constat, ut iis rationibus nunc sepositis, illa attendere satis sit quæ in dissectionibus apparent. In quibus quidem cum aliis postea etiam temporibus multo plures hominum, & eorum quæ dixi animalium oculos diligenter inspexerim, nunquam memini, aut Scleroticam aliter se habuisse, aut hac Corneam non fuisse, in medio præsertim, crassiorem. Contra, illud memini, Corneam in alias memorato corbello pisce multo in medio, quam ad ambitum, vidisse tenuiorem.

40. Caterum in piscibus quorum oculos dissectui; quod ad Scleroticæ duritiem attinet, rem longe aliter quam in hominibus, & bobus se habere, vidi. Cum enim in his, ut dixi, crassiorem in fundo, & circum nervi Optici insertionem compererim; hiantem ibi in iis piscibus, aut certe molliorem inveni. Sic in eo quem modo commemorabam, corbello cum se nervus (id quod mihi non hoc uno in pisce spectatum est) multo in latus magis quam in perfectioribus vidissem animantibus, immitteret; ibi Sclerotica, ut etiam in reliquo bulbi tergo, in duo aut tria sphaeræ segmenta, & quasi tubera conformata, membranea erat; sed mox fiebat cartilaginea. Sic in pisce quem Variolum Veneti, itemque in eo quem Vulpinum appellant, Scleroticam a fronte, & ab lateribus cartilagineam, a tergo aut membraneam, aut certe minus duram animadverti. His olim præverat observationibus Fabricius ab Aquapendente (u), qui in piscibus Scleroticam, docuit, qua parte a media oculi rotunditate, antevendit ad Corneam constituendam, ad tantam pervenire duritiem, ut cartilaginea pene conspiciatur. Sed M. Aurelius Severinus (x) cum scripsit: *Oculi Thygni, ut & avium quarundam Cornea tunica, sicut cornu prædura*; etsi idem, opinor, voluit; tamen nec caute satis, nec dilucide expressit. Respexisse autem videtur ad ea quæ in Avium Historia de Noctua, & de Anate tradiderat supra, illi extremis suis Corneam molliorem, mediam fere cartilagineam obtigisse; huic Conjunctivam (sic enim ait) cum vidi propinquat, degenerare in zonulam quandam transverse ambientem, substantia vere ossea. Ego certe ipsam anatis Scleroticam non semel vidi a tergo mollem, sed inde ad Corneam usque, rigidam: in gallo autem Indico haud procul a Cornea, duritie ossea circumcirca. Sic Parisienses (y) Avis ex India Mitu-poranga, tradiderunt, Scleroticam duram esse & cartilagineam in parte anteriore, ut in avibus & piscibus esse solet. Sed non sic olim Coiterus (z), qui, nullam excipiens partem, ait, Scleroticam in avibus cartilagineam esse, & in noctuarum oculis ex laminis osseis sibi mutuo annexis duram tunicam conflari; non recte, quod de qua Scleroticæ parte diceret, siluit; egregie, quod osseæ zonulæ structuram indicavit.

41. Si forte miraris, cur hæc colligam, & in Scleroticæ avium, & piscium rigida duritie describenda aliquod, cum haud leve est, inter anteriorem partem, & posteriorem omissum discrimen nolim; Eduardi Tysonis (a) in Phocænæ oculo conjecturam attende. Cum in hoc pisce Suspensorium musculum invenisset, neque hic suspendendo oculo, ut in bestiis ajunt, quæ prono sunt capite; inservire posse, agnosceret; suspicatus est, sua contractione (Scleroticæ enim annectitur), redere globum oculi plus minusve sphaericum, atque ita visioni aptiorem. Verum cum illud continuo subjiciat: „Scleroticam hic esse multo magis densam, & duram, quam in aliis animantibus; profecto apparet, vix, aut ne vix quidem hic usui ejusmodi esse locum, nisi forte posterior pars Scleroticæ minus dura sit, ut ei musculo obsequatur. Equidem is non sum qui sine exteriorum musculorum ope, Retinæ tunica, & Crystallini humoris intervallum, aut, quod eodem redit, hujus figuram mutari posse, negem: nec, si essem, pro certo tamen affirmarem, quæ in huma-

Morgagni Epistolæ Anatomicae.

nis, easdem in avium quoque, & piscium oculis mutationes, aut mutationum saltem modos rationesque esse necessarias: neque me fugit, utriusque hujus animantium generis peculiare a Willisio (b) dici, quod figura humoris Crystallini fere ad sphaericam accedat, & quod consequitur, oculi figuram depressam habeant, nimirum juxta anteriorem posterioremque superficiem; & certe oculos non modo in carpione, in vulpino, aliisque piscibus, sed & in anate, galloque Indico breviores satis pro latitudine vidisse memini. Veruntamen siqui sunt quibus placeat disquirere, turgentia, an contractione & complexu circumjectorum musculorum, an dum horum alii retrorsum urgent ad posteriora corpora apprimentes, an magis (si usquam tamen horum alterutrum probabile est) dum alii antrorsum ducunt oculos posterioribus corporibus alligatos, ipsorum oculorum figura vel in hisce quæ rigida Sclerotica instructa sunt, animantibus opportune ad melius videndum queat, an nequeat mutari; profecto inter necessaria pono, ut minime ignorent, dura sit undique Sclerotica; an aliqua ex parte, & præsertim posteriore, sic satis flexilis. Ad quod intelligendum expedit accuratè alterius oculi dissectioni, alterius coctionem adjungere. Sic memini, in pisce quem de vulpium genere existimavi, Scleroticam qua se Opticus nervus inferebat, substantia & crassitudine bubulam Scleroticam referentem; postquam ad ampliorem oculi pervenerat ambitum, continens os mihi ad Corneam usque visam esse. Sed cum oculum excoquendum curassem; lamellas quatuor osseas deprehendi, majores duas, totidemque minores, quæ binæ & binæ inter se oppositæ, quidquid ossei in Sclerotica apparuerat, efficiebant. Sic in carpionibus ex Benaco non solum crudæ Scleroticæ posticam partem reliquis minus duram animadverti, sed & coctæ eandem partem, molliore tunica subsidente, quasi in amplum, & inæqualis oræ foramen hiantem conspexi. Tunc mihi proclivius fuit intelligere, quid sibi voluerit Schelhammerus (c), cum in xiphia, scripsit, *osseam thesam, sclerotidis vices gerentem, Visorii nervi ad Retinam constituendam amplo foramine perforabant*, & ante ipsum Malpighius (d): *humores oculi xiphiae, osse muniuntur cribrosoque, quod in postica parte patens est pro nervi Optici ingressu*. Ad didit: *ibique copiosa locatur pinguedo*. Verum pinguedo non ibi dumtaxat in eo pisce quem paulo ante commemorabam de vulpium genere, in variolo, in vulpino, in corbello, in aliisque ejusmodi collocatur, sed ubique inter Scleroticam, & Choroidem ad Corneæ usque viciniam extenditur, non solidiuscula, neque candida, ut alibi, sed fere diffuens, & cinerea, tanta autem copia, ut in vulpino haud modicum undique compleat interstitium, quod in corbello tantum est, ut non ita magnum pro mole totius bulbi spatium a multa pinguedine tunicis oculi interioribus relinquatur ad sphaeræ figuram accedentibus, & humores complectentibus. Quam rem an alii ante descripserint, haud satis scio; illud scio, multiplici esse animadversione dignam. Nam primum mirandum est, cur natura non satis habuerit pinguedinem exterius locare, sed interius inter rigidam Scleroticam, & mollem Choroidem ita posuerit, ut; nisi aliqua ignota nobis ratione caverit, ne præter modum, quod haud raro alibi solet, illic pinguedo augeatur; nobilissimum organum sæpe premi, arctari, vitiari necesse sit. Deinde animadvertendum est, ipsum intimum videndi instrumentum non esse extrinsecus in cunctis piscibus a magnitudine, figuraque totius bulbi æstimandum. Novissime etsi pars bulbi posterior plus minusve, ut supra dictum est, vi musculorum exteriorum arctari posset, videndum est tamen ab iis qui ab ea figuræ mutatione interpositum Retinæ, & Crystallino humori spatium mutari, credunt, num ejusmodi in piscibus modica exterioris figuræ mutatio ad rem illam satis sit, quando ea mollissimæ pinguedinis copia inter Scleroticam, & Choroidem est interjecta.

42. Nunc quoniam de rebus utrique huic tunicæ interpositis verba fieri coepta sunt; de interjectis quoque aliis particulis, nervisque præsertim nonnullis sunt

F f 2

pau-

(u) De Oculo P. 1. c. 3.

(x) Zootom. Democr. P. 4. ubi Pisc. Hist.

(y) Apud Valentini Amphib. Zoot. Sect. 69.

(z) Tab. Ocul. human.

(a) Anat. of a Porpoise.

(b) De anima brutor. P. 1. c. 15.

(c) Anat. Xiphiae pisc.

(d) Op. Posth.



pauca scribenda. Quoniam, ne de nervis a Valsalva intra orbitam aut pictis, aut memoratis alio iterum in loco instituere sermonem cogamur, utque origo, & historia eorum de quibus dicere constituimus; luculentius appareat; initium est nobis paulo altius repetendum. Galenus (*e*) singulis oculi musculorum, partem quandam nervi a secunda conjugatione orti transmitti, docuit. Hæc erat quæ nunc Tertia numeratur, hoc est oculorum Motoria. Galenum diu cæteri, & in his Vesalius (*f*), ac Columbus (*g*) secuti sunt. Tandem monuit Fallopius (*h*), Indignatorium, & Obliquum Majorem musculos esse excipiendos: quorum singulis singulas ostendit longe alias inservire conjugationes, ut post dicemus. Fallopii, quamvis sibi suspectam, diligentiam laudavit postea ipse Vesalius (*i*); Carcanus autem (*k*), & Vidius (*l*), alique sagaciores Anatomici suis observationibus confirmare. Neque tamen defuerunt plures, quorum alii inconstantia quadam nutarunt; alii vero, quasi Falloppianæ animadversionis obliti; veterem illam doctrinam diserte iterarunt, ex quibus satis est nominare Hieronymum Fabricium ab Aquapendente (*m*). Sed plerique, & Recentiores præsertim, solertissimis nervorum Scrutatoribus confirmantibus Willisio (*n*), & Vieussenio (*o*), fideliter sunt Fallopio ad stipulati; ut credendum sit, qui secus tradiderunt, partim oblivione, alios Galeni auctoritate, nonnullos, atque adeo olim Galenum ipsum, bestiarum quadam anatome adductos, fecisse. Namque animadverto, ex Willisii (*p*) observatione, in bove ---- nervum oculi motorium, ramum cuilibet e sex musculis oculi communibus impertire. Fieri tamen potest, ut aliquis etiam aliquando in aliquo humano oculo idem quod Willisius in bovinis, conspexerit. Sed pro certo haud affirmaverim; præsertim cum Valsalva, de quo potissimum (quod ad Indignatorium attinet musculum) id credi mallet, neque in iis quæ ad suam Figuram II. (*q*) adscripsit: neque in aliis schedis rem, alioqui mentione dignam, adnotaverit. Dubitationem tantum attigit, in qua se adhuc esse, significavit, num & Obliquus Major nervum habeat a Motorio pari, an a Pathetico, propterea quod in eo musculo vix sub sensum cadant nervea filamenta, quæ tuto persequi scalpello queas. Ego vero, ut Motorium vidi mox ubi orbitam subiit, in duos præcipuos ramos divisum, unde nerveæ propagines versus eos quo Fallopius indicavit, musculos ferebantur; sic earum unam, eamque insignem, quæ ad Bibitorium, opinor, musculum pertinebat, animadverti, facile imponere potuisse, ut ad proximum Obliquum Majorem contendere videretur. Sed in hunc certe Obliquum manifeste comperi Patheticum nervum, quem Valsalva unitum, & quasi colligatum cum Motorio conspexit priusquam hic in oculorum musculos distribuatur; in eum, inquam, Obliquum comperi Patheticum denique totum inferi; ut Fallopius (*r*) princeps adnotaverat.

43. Nam Vesalius (*s*) quidem nomine gracilioris radicis Tertiæ paris (quod nunc Quintum numeramus) hunc ita descripserat, ac delineaverat Patheticum nervum, ut quemadmodum mediam ejus partem cognoscere, sic initium, & finem ignorare, appareret, cum illud contraheret ad *latus basis cerebri*, hunc autem vicissim adeo extenderet, ut quatuor propagines vel extra orbitam porro pergentes huic nervulo tribueret, quæ reliquo suo pari Tertiæ potius fuerant tribuendæ. At Columbus (*t*) in extremo utroque sic accessit ad verum, ut penitus tamen non attigerit. *Ortum* enim ducere, prodidit, a binis illis cerebri processibus, qui nates appellantur; ---- in tertium vero palpebræ musculum inferi, ---- & per ramulum in quintum etiam musculum oculi; sic autem, male sibi notos, Majorem, Minoremque Obliquum appellabat. Igitur primus Fallopius totum, ut diximus, in Majorem perduxit: neque a Natis; sed ab harum infima & posteriori sede vel basi oriri, docuit, par istud Patheticum, quod nos Quartum, Columbus Nonum, ipse Octavum numerabat. Et fane utraque Fallopii observatio magnos nata est

astipulatores. Quod ad initium attinet, satis est unum laudare Eustachium, qui ut olim (*u*) animadvertimus, prope cerebri nates, non a natibus ipsius existere; non delineatione (*x*) solum, sed & scripto (*y*) ostendit. Quod, & Fallopii Observationes cum in omnium essent manibus; sæpe miratus sum, Jo. Bapt. Cortesium (*z*), qui de cerebri dissectione, & nervorum originibus præclare aliqui meritis est, tanto post tempore scripsisse, Patheticos nervulos ab omnibus Anatomicis accipi pro portione tertiæ paris, quia principium hujus (Pathetici) non cognoverunt; videtur enim, inquit, sub monticulis cerebri occultari, aut potius ab eisdem oriri; quod tamen falsum est, nam superius effertur; quandoquidem a posteriori spinæ parte ---- ortum ducit: quoniam cum monticulorum nomine posteriores ipse cerebri lobos intelligat, ne Columbum quidem attente videtur perlegisse. Cæterum Recentiores, & nominatim Willisius (*a*), ac Vieussenius (*b*) Patheticorum origines tum inter se magis, quam Eustachius, disjunctas pinxere, qui, ut verum fatear, propiores quam ego viderim, delineaverat, tum adeo a binis illis posticis tuberculis, sive ut vocant, Protuberantiis sejunctas, ut Vieussenius quoque a tractu medullari quem in Valvulæ Magnæ suæ anteriore, sive altiore parte collocavit, videri possit deduxisse. Qua tamen in re non sibi constitisse, crediderim, quod paulo aliter in aliis se ista habeant. Certe ego qui hanc originem nonnunquam videram fere ut a Willisio (*c*) ex ovibus picta est, in duobus aliis continenter sectis humanis capitibus inveni statim post eas quas dixi, Protuberantias, in uno versus communes ambarum fines, sed paulo magis ad latus; in utroque autem, si quæris, ex singulis prorsus utrinque fibris, non ex pluribus.

44. Noli autem mirari, quod cum Veteres illi prope Nates oriri docuerint, Recentiores nasci doceant prope Testes. Nam ut illorum, & æqualium libri, cum horum libris comparati, præclare ostendunt; quos Testes hi, Nates illi, & vicissim appellabant. Neque vero propioribus nobis temporibus primum nata est hæc nominum permutatio, cum de suis temporibus hæc scribat Galenus (*d*): ex utraque meatus parte, tenues sunt ac prælongæ cerebri eminentiæ, quas γλαρία, id est, parvas nates appellant, quarum concursum, hominum conjunctis inter sese femoribus rectissime comparaveris. Sunt autem qui διδύμοι, hoc est, testiculis ea assimilantes, malunt vocare διδύμοι, quam γλαρία. Nonnulli vero corpora conario propinqua vocant didymia: quæ vero his sunt proxima, glutia. Quem Galeni locum, & propositam eminentiarum figuram vellem Ridleyus perpendisset, antequam scriberet (*e*), ex his nominibus liquido patere, Veteres brutorum tantum dissectioni assuetos fuisse, propterea quod in hominibus eæ sunt ejusdem proxime magnitudinis, nec quo ad figuram admodum differunt; sunt enim oblongæ & acuminatæ versus extremitates suas; sed in ovibus, vitulis, plurimisque aliis animalibus Nates sunt rotundæ atque amplæ, Testes vero oblongi, aliquantulum acuminati, & admodum exigui. Apparet enim, Veteres illos, concursum, & sedem earum protuberantiarum in assignandis nominibus attendentes, magnitudinum proportionem minus quam Recentiores spectasse, quos inter, Willisium hanc quibusdam in bestiis potissimum attendisse, satis ipsius liber (*f*) demonstrat. Ego; ut mittam dicere, in felibus recens natis me quatuor protuberantias amplissimas vidisse; in ove anteriores duas prægrandes conspexi. Sic etiam in glire, in quo posticas non modo longe minores, sed & in transversum ductas memini: in lepore, & vulpe has ipsas parvas, præsertim si cum anterioribus, quæ erant maximæ, conferrentur. Et quoniam in canibus duobus, quos statim post leporem, & vulpem consecui, anteriores duæ, non quanto in iis visæ sunt posterioribus majores; nam & hæc amplæ satis, ut quæ medio tractu medullari inter se conjunctæ, oblique retrorsum ad latera producebantur; tamen anteriores minus quam in iis, in transversum extensæ, atque adeo magis rotundatæ, clunium imaginem tum figura, tum sua illa magnitudine magis quam in homine, referebant. Itaque; ut omnia in summam contraham; etsi anteriores in hominibus quoque aliquanto sunt rotundiores, majoresque poste-

(*e*) De loc. aff. l. 4. c. 2. (*f*) De corp. hum. fabr. l. 4. c. 5. (*g*) De Re Anat. l. 8. c. 3. (*h*) Observ. Anat. (*i*) Exam. Obs. Fallopp. (*k*) Anatomic. l. 2. (*l*) De anat. corp. hum. l. 3. c. 2. (*m*) De Oculo P. 1. c. xi. (*n*) Cerebri Anat. c. 21. (*o*) Neurogr. l. 3. c. 2. (*p*) cap. cit. (*q*) Dissert. Tab. 3. (*r*) Observ. cit. (*s*) l. cit. c. 6. & Fig. 1. ad L. (*t*) cap. cit. (*u*) Epist. in Tab. Eustach. (*x*) Tab. 17. Fig. 2. ad n. 4. 30. (*y*) Exam. Off. (*z*) Mfsc. Medic. Dec. 1. c. 8. (*a*) Anat. cit. Fig. 3. (*b*) Neurogr. cit. Tab. 9. & 10. (*c*) Anat. cit. Fig. 7. & 8. (*d*) De Ufu part. l. 8. c. 14. (*e*) Anat. Cereb. c. 13. (*f*) Anat. cit. c. 2.



posterioribus, quæ ut minores, sic etiam sunt intransversum oblongæ magis, quam subrotundæ, tamen in quotquot bestiis ad hoc tempus binas & binas inter se, & cum humanis comparavi, satis manifestum fuit, anteriores multo magis, quam posteriores, esse natium similes, & quod consequitur, bestias magis, quam homines, videri posse illos attendisse qui priores, non qui posteriores eminentias Natium vocabulo appellitarunt.

45. Sed de origine Patheticæ conjugationis, a Falloppio recte, ut nos quidem intelligendum putamus, indicata, satis dictum est. Quod autem utrinque tota desinat in musculum Obliquum Majorem, nemo illi, quod sciam, diligentium Anatomicorum hac præsertim tempestate negavit. Quin ex horum numero Cantius (g) reddere causam est conatus, cur neque illa ulli alteri Parti ramum det, nec is Musculus ab alio nervo ramum accipiat, ne videlicet inde facile confusio oriretur, dum sæpe ab actione hujus Musculi securitas vitæ pendet. Quanquam cum haud minimum ex Motorio ramum in Obliquum alterum, quod Cantius ipse (h) non negat, immisum spectemus; ambos autem pariter Obliquos in illam ipsam actionem conspirantes agnoscat; difficile apparet, cur si ea rei causa sit, non æque in utrumque Obliquum Patheticus nervus infatur; aut quando id non est, nulla tamen inde oriatur confusio.

46. De Sexto autem nervorum pari, quod Columbo (i) Octavum, Falloppio (k) Quartum dicebatur, minus causæ est cur similis instituatur quæstio, cum Falloppius ipse cognoverit, non totum, sed totum ferme in illum inferi musculum quem Indignatorium vocitamus. Hanc nervorum conjugationem Vesalius (l) primus animadverterat; sed ne tunc vulgatum numerum perturbaret; nomine minoris Quinti Paris radicis, pictura, & verbis descriperat. Sed ut veros ejus fines ipse, & Columbus ignorarunt, Falloppius autem non omnes proposuit; sic nemo initium satis accurate definire aggressus est priusquam Annularis protuberantia, & huic proxima Pyramidalia, ac Olivaria corpora certis finibus discernentur. Et Casserius quidem (m), ac Cortesius (n) proximum ei protuberantiæ Medullæ Caudicem pinxerant satis ab illa distinctum; sed præterquam quod neuter hunc in quatuor corpora distinxit; primus hoc par nervorum omisit; alter appinxit quidem, tanquam ab ejus Caudicis initio ortum, verum ita ut pro certo nescias, ad Pyramidalia, an ad Olivaria pertineat corpora, Auctorem vero, si ejus verba attendas, Columbi, & Falloppii præsertim, oblitum credas. Itaque ad eos qui post Cortesium de cerebro, & nervis præclare sunt meriti, descendentes; Præstantissimum quidem Verneyum (o) videmus par Sextum ab eodem unde Cortesius, Medullaris Caudicis initio, atque adeo ab summis Corporibus Pyramidalibus Cl. Willis dictis, existens delineare; Willisium vero ipsum (p) aliquanto antè a necdum finita Annulari protuberantia; Vieussenium (q) inter fines illorum corporum, & protuberantiæ hujus, cui & annecti docet; Ridleyum denique (r) ex posteriori educere ejusdem protuberantiæ parte e regione initii capitis Corporum Pyramidalium, nec procul ab iisdem. Sed qui multo ante Casserium, non modo ante cæteros quos nominavi, Anatomicos, a protuberantia Annulari proximum Caudicem, imo in hoc Pyramidalia, & Olivaria corpora luculenter distinxit, Eustachius cum quinquies in una Tabula (s), Sexti paris pinxisset originem; hanc constanter in illius protuberantiæ, & horum corporum finibus ita demonstravit, ut sæpius tamen non Pyramidalibus, sed ipsi Pyramidalium, & Olivarium corporum discrimini, semel Olivariis potius, quam Pyramidalibus, respondeat.

47. Mihi nunquam, ut alias indicavi (t), id quod sæpius, nedum id quod rarius ipse videtur observasse, accidisse memini ut invenirem. Neutrum certe occurrit in capitibus quatuordecim, continenter inspectis. Quinque fuerunt in quibus hi nervi ab summis Pyramidalibus corporibus manifestissime existebant. Duo

in quibus dexter ab dextro summo Pyramidali, sinister autem paulo supra sinistrum evidentissime ab ipsa nondum finita Annulari protuberantia. Unum in quo ambo ab hujus extremo oriri visi sunt. In sex reliquis e communibus erumpebant ejusdem, & illorum corporum finibus sic ut aliquando aut fortuita ejus ab illis divulsione, aut leniter tentata ipsorum nervorum distractione, partem horum illis corporibus, partem ei protuberantiæ annexam viderim, nonnumquam totos huic adherentes alte se intra communes illos fines immittere; ut placere posset Vieussenii (u) sententia per eos fines deducendis e *trattibus albis* quos illac decurrentes appinxit (x). Quæres fortasse, simplex, an multiplex alterutrius nervi manifestius, live exterius initium viderim. Quinquies diligentius id inquisivi. Bis simplex evidenter inveni; semel ex tribus furculis; semel ipsum, ut proximum nervi truncum, ex duabus portionibus parallelis, & inter se nexis compactum; semel denique ab altera parte ex tribus fibris, nexis pariter, & parallelis, ab altera autem omnino simplex. Et quoniam non modo Recentiorum aliquis hanc conjugationem habere, circiter magnitudinem nervorum Tertie, affirmavit; sed & alii duo, diligentissimi alioquin, Professores idem pictura contra plerorumque delineationes confirmarunt; si meas forte observationes requiris; sic habeto, me in tribus & viginti capitibus utriusque Paris crassitudinem in ipsa cerebri basi comparantem, semel Tertium paulo minus quam duplum; ter saltem duplum; novies aliquanto majus quam duplum; quinquies triplum; ter aliquanto majus quam triplum; semel quadruplum; semel denique Sexti quintuplum, idque in milite, ventris vulnere intra paucas horas confecto, non sine tantæ crassitudinis admiratione, deprehendisse.

48. Cæterum quod ad Sexti hujusce paris fines attingit; recte quidem Falloppius docuit, ut supra (v) memoratum est, non totum, sed totum ferme in Indignatorium inferi musculum. Si tamen, ut videtur, id intellexit postquam accessit ad orbitam; vereor, ne de bestiis magis, quam de hominibus, locutus sit. In illis enim Willisius (z) animadvertit, ramum ejus alterum in varias fibras diremptum, musculo septimo, brutis proprio, impendi: quem si Willisii locum spectavit Briggsius (a), cum propagines Sexti Paris, scripsit, *musculis Abducentibus, & Suspensoriis* --- prospicere; sane decebat & quæ Willisius paulo post subjecit, attendere; unde non levis orta esset suspicio, ne potius de musculo quo bruti nictitant, apud Falloppium (b) oculi Octavo, is locus esset intelligendus, præsertim cum Galenus (c) Suspensorio musculo nervos Motorios inservire, affirmasset. Sed bestiis sepositis; in homine certe quidquid a Sexta conjugatione orbitam ingreditur, id omne, quantum mihi observare ad hoc tempus licuit, musculum subit Indignatorium: nam si villos quosdam pertenues excipias, quos (ut Patheticam quoque) emittere huc illuc in itinere, non negavero; ipsum profecto truncum video non antea ramulos producere, quam eum musculum attingat, per cujus superficiem cum eos explicaverit, & ipse finitur. Verum priusquam orbitam ingreditur, quemadmodum Intercoastalibus nervis initium præbeat, cum ex prima Eustachii (d), tum ex aliorum, & mea quoque observatione, alibi (e) indicatum est.

49. Ab iis quæ tum scripsi, nihil est causæ cur in præsentia recedam. Quin imo cum paulo post ea scripta, oculos forte delixissem in delineatione Ridleyi (f), qui ut in illo homine conspexit, sic duos Quinti paris ramos, non ut Willisius (g), & Vieussenius (h), in ramum pro Intercoastali ab Sexto descendente, sed in ipsum proximum Sexti truncum videtur immittere, subiissetque animum, ut ibi saltem ramos, præsertim non adeo tenues, inquirerem, quanquam vel antea, si usquam inter Quintum, & Sexti truncum fuissent, non facile effugere oculos potuissent; quanta maxima potui diligentia in pluribus iterum capitibus per omnem eorum quæ ad

Sel-

(g) Impet. Anat. Tab. 2. Fig. 3. (h) Ibid. Fig. 4. (i) De Re Anat. l. 8. c. 3. (k) Obs. Anat. (l) De corp. hum. fabr. l. 4. Fig. 1. ad litt. d, & c. 8. (m) Tab. 8. Fig. 9. ad Spiegel. l. 10. (n) Miscell. Med. Dec. 1. c. 8. Fig. 2. ad N. N. (o) De Audit. Org. (p) Anat. cit. Fig. 1. (q) Neurogr. Tab. 15. & l. 3. c. 3. (r) Anat. cit. c. 16. (s) XVII. (t) Advers. VI. Animad. 21. (u) cap. cit. (x) Tab. 16. (y) n. 46. (z) Anat. cit. c. 22. (a) Ophthalmogr. c. 8. (b) Observ. Anat. (c) De loc. aff. l. 4. c. 2. (d) Tab. Anat. 18. ad n. 10. 27. & 35. (e) Epist. in Tab. Eust. & Advers. VI. Animad. 24. (f) Anat. cit. Fig. 2. (g) Anat. cit. Fig. 1. & 2. ad cap. 22. (h) Neurogr. cit. Tab. 22.



Sellam Equinam sunt, Receptaculorum longitudinem, quidquid inter Quintum, & Sextum, aut demissum ab hoc pro Intercoastali ramum intercederet, exploravi. Nec quidquam inveni quod geminis illis ramis, aut a Willisio, & Vieuffenio, aut a Ridleyo delineatis, responderet. Fibrillas quidem, ac filamenta, ut alias, interjecta vidi; sed plura; sed ea tenuitate, ut nervæ essent, an membranea, non liqueret, atque etiam ut id liqueret, non tamen constaret, a Quinto in Sextum, an a Sexto in Quintum immitterentur, aut postquam immissa essent in Sextum, cum hocne pergerent ad orbitam, an cum eo ramulo rursus discederent qui ad Intercoastalem efficiendum a Sexto dimittebatur. Sed quæ necdum ego videre potui, non propterea quin alii præclare viderint, dubitabo, præsertim cum vel illud quod tanto rarius est, ut nusquam alibi quam apud Ravium (i) nuper, legerim, *originem aliquando a Quinto Pari solum, recipere Intercoastalem*, illud, inquam, ipsum mihi olim adolescenti Valsalva confirmaverit, se certe, neque in uno tantum cadavere, deprehendisse. Ipse vero alia interea animadverti ad Sextum attinentia, quæ ab aliis non memini commemorata, et si ex eo Willisius (k) *ramulum modo unum, modo geminum* ad Intercoastalem efformandum, Vieuffenius autem (l) *furculum unum tribus interdum fibrillis constans*, deduxerint. Cum enim ego sæpenumero pro una plures nervæ fibræ, ab Sexto provenientes, conspexerim, quæ inter arteriam Carotidem Receptaculum subeuntem, & parietes ossei arteriæ canalis se inmittent; duas, præsertim nuper in Sene, animadverti, quarum crassior altera, altera tenuis. Crassiorem pro initio habui Intercoastalis: nec certe alia erat quæ posset communi pene omnium de eo initio sententiæ magis respondere. Illa autem altera tenuior fibra, seu potius ramulus, a Sexto pariter profectus, non ut prior, per anteriora arteriæ decurrebat; sed retrorsum oblique delatus, per hujus superficiem in minores se expandebat elegantisque ramusculos, qui arteriæ posteriora complexi, in ejusdem tunicis finiri videbantur. Et quanquam alias ut his plures, sic multo minores fibræ vidi a Sexto in eundem illum osseum canalem immittas, quarum furculi neque distributionis elegantia descriptis ramusculis, neque numero, crassitudine, ordine inter se dexteri, sinistrique ullo modo responderent; tamen satis mihi intelligere visus sum, præter agnitionem a plerisque Intercoastalis initium, alios, saltem aliquando, ramulos ab Sexto prodire, qui tamen eundem quem Intercoastalis, osseum canalem subeant, nequaquam tamen ad ejusdem Intercoastalis truncum attineant.

50. Cum ad te hætenus scripta relegerem; novi huc interea allati ex Belgio, ex Gallia, ex Germania fuerant libri, in quibus cum alia, tum illa præsertim libenter legi quæ ad nervi Intercoastalis originem attinebant. Æque enim sunt in re difficili grata omnia nihil magis quam verum querenti, quæcunque ab exercitissimis, verique studiosis Anatomicis proficiuntur, sive mecum faciant, sive cum mea, vel potius ferme omnium opinione non convenient. Ea mecum faciunt quæ Egregius Medicus Petitus, & quæ deinceps Cl. Viri Car. Aug. a Bergen, H. Alb. Nicolai, & Aug. Frid. Waltherus de ramis illis afferunt Quinti paris, qui sine ulla dubitatione a plerisque pro altero Intercoastalis nervi principio ita ut se, describi, ac delineari solebant. Illos enim aliquando ramos nequaquam apparere, fatetur Petitus (m); imo aut raro, aut non sine maxima difficultate inveniri; alter (n) se quoque huic rei *omnem navantem operam*, invenisse *aliquando prædictos ramos, aliquando solius Sexti Paris unicum furculum*; illos autem esse *supra modum tenues, & pilum equinum crassitie vix superantes*; tertius vero (o) nervi Intercoastalis *evidentem nexum cum quinto Pari non nisi bis ea hyeme* (qua plurima secuit cadavera) *reperiebat*; Waltherus denique (p) *ex observatione, multiplici quidem occasione facta, non nisi multo tenerius filum unum subinde & alterum agnoscit ex Quinto Pari, quæ tamen, cum*

sunt, fere sub nulla memorabili longitudine visantur, neque immediate nervum, inde satis distantem, augere Intercoastalem soleant. Quod autem de nerveis a Sexto fibræ, Carotidem arteriam circumplexis, paulo ante (q) indicavi, id vero quatenus aut discrepet, aut conveniat cum iis quæ Experientissimus Winslowius (r), laudatque Petitus, Waltherus, Bergenius scripserunt, facile erit tibi, inspectis, collatisque locis, perspicere. Sed legere antea poteris etiam ea quæ de *multiplicibus fibræ* per quas nervus Intercoastalis eidem illi arteriæ *connectitur*, nobiscum olim Vir, dum viveret, Amplissimus, Doctissimusque Lancisius (s) communicavit. Qui tamen, ut multis erat occupationibus, variisque distentus, de ejus nervi initiis plura coniecit, atque attigit, quam facile omnibus probare posset; videtur tamen ad nova excitasse cæterorum industriam, cum „investigandum, ac perpendendum „relinqueret, an multitudo nervearum fibrarum, quæ „ab hoc nervo exortæ internam carotidem comple- „ctuntur, eadem secundum arteriæ ductum reflectæ, ac recurrentes per singulas ejus intra calvariam distributiones tam in membranis, quam in „retibus comitentur, atque implicent: „cui cogitato addendum id est quod ante annos aliquot fecerat, cum Eustachianam ejusdem nervi, Sexto connecti, delineationem (t) ad eum est modum interpretatus, ut ipsius Sexti initium esse scriberet Intercoastalis *vel originem, vel notabilem insertionem*. Quæ res, atque aliæ, mihi non incognitæ, fecerunt, ut in *Adversariis* Alteris (u) admonerem, non deesse qui de nervi Intercoastalis continuatione, & natura quædam agitant, ab his quæ vulgo traduntur, discrepantia, utque ejus principium nervi, ut de me alicubi Clariss. Goelickius (x) loquitur, *valde dubium existimarem*. Quo libentius accessi ad ea perlegenda, quæ adversus eandem a qua ipse in parte recesseram, pervulgatam de principio illo doctrinam quidam ex Præstantissimis hac ætate Anatomicis proposuere. Hi igitur nec a Quinti, nec a Sexti paris nervo initium ducere Intercoastalem, sed ex gangliis illis ortum, quæ secundum vertebrarum latera ipsum interstinguunt, & cum Spinalibus nervis communicant, ex supremo omnium ganglio istum, ajunt, ramum promittere, qui cum arteria Carotide perductus in cranii penetralia, se in eos ipsos Quintum, Sextumque nervos, unde existere credebatur, immittat.

51. Ut sic existiment, pluribus observationibus, experimentisque permoventur. Quorum singula, & multo magis universa tamen non leve momentum habere, fateor; eadem tamen a cæteris Anatomicis examinanda censeo, non ut Solertissimis Viris atque Doctissimis repugnetur, sed necui forte, diu vulgata, & prope omnibus accepta sententia præpropere in Scholis deserta esse videatur. Primum id ponunt, fibræ quæ se Quinto, Sextoque pari connectunt, non solum a posterioribus antrosum ferri, verum etiam ad angulum necti adeo acutum, ut haberi nequeant pro ramulis qui ex iis Paribus orti, retrorsum se incurvantes recurrant. Non dissimulant tamen, quæ ad Quintum pertinent, fibræ a Willisio (y) semper se se retrorsum curvantes esse propositas; sed hoc ajunt: quæ ad Sextum attinet, eam ne a Willisio quidem recurrentem delineari; Vieuffenium vel primas illas ita pinxisse quemadmodum ipsi ex eo describendas curarunt. Optandum fuerat, ut ii quibus id negotii datum est, majorem diligentiam præstarent: nunquam enim rectas, sed curvas semper eas primas fibræ expressisse video Vieuffenium (z); præterea ad angulum minus acutum, atque adeo interdum rectum, delineasse (a); neque ullas unquam ita, ut appareat, cum Quinti, Sextique cæteris fibræ antrosum pergere. Huc Ridleyum (b) adde; qui illarum alteram pene in transversum, alteram in transversum planè decurrentem repræsentavit. Huc Waltherum (c), qui & de harum, & de ejus quoque fibræ angulo quæ ad par Sextum attinet, in novissima delineatione exhibito, quid sentiat, apud ipsum videre poteris. Ego naturam malim credere ejusmodi in rebus

(i) In Append. ad Amphith. Zootom. Valentini. (k) Anat. cit. c. 22. (l) Neurogr. cit. l. 3. c. 3.  
(m) Mem. de l'Acad. R. des Sc. A. 1727. (n) Dissert. de nervo Intercoast. n. 9. & 8. (o) Commerç. Litter. Norimb. A. 1732.  
(p) Act. Lips. A. 1734. M. Febr. (q) num. prox. super. (r) Expos. Anat. tr. des Nerfs. n. 368. (s) Dissert. de Gangl. nervor.  
(t) Tab. Anat. 18. Fig. 2. (u) Animad. 37. (x) Disput. de Nervor. struct. n. 34. (y) Fig. 1. & 2. ad cit. cap. 23. & Tab. 9. & 10.  
(z) Neurogr. Tab. 22. & 23. (a) Vid. in Fig. 1. Tab. 17. in Receptaculo dextero fibræ posteriorem.  
(b) Anat. cerebri Fig. 2. (c) loc. cit.



rebus variare, eoque singulos quod quisque describit, aut pingit, vidisse. Quod si ex me quæris, ipse quid viderim; ingenue, ut soleo, respondebo: Antequam hæc quæstio oriretur, non ita hos angulos attendisse, ut quales fuerint, nunc possim pro certo dicere. Ex quo autem ortam esse, cognovi, tribus in capitibus quævisse. In nullo quidquam quod ad par Quintum pertineret plus quam in aliis omnibus, conspexisse. Quod vero ad Sextum; in primo fibrillas dumtaxat quasdam reperisse inter illud, & ossei arteriæ canalis foramen ductas, quæ quoniam inter se erant in retis modum implicitæ, minime ad hanc observationem erant opportunæ: in altero autem, in quo nervea quædam ac tenuis quasi instituta, & denique in tertio, in quo nerveæ fibræ duæ inter eum nervum, & memorati canalis externum latus ducebantur, angulum certe non eundem fuisse; quippe cum fibrarum esset evidenter acutus, institutæ vero aut non acutus, aut vix acutus.

52. Illud deinde pro hac nupera sententia affertur, nervum Sexti paris tenuiorem esse inter suam originem, & sæpius memoratæ fibræ, aut fibrarum nexum; inter hunc autem, & orbitam esse crassio-rem, indicio manifesto, eas fibras accipi, non emit- ti. Id autem crassitudinis discrimen & facile posse in cadaveribus animadverti, & in ipsis Willisii, ac Vieussenii Tabulis sic satis agnosci. Quod sicut in ha- rum exemplo aliquo, ut fit haud raro in secundis edi- tionibus, negligenter descripto, aut si in exemplaribus, in aliquo horum minus fortasse accurato verum esse, crediderim; sic in primis quidem editionibus mini- me agnosco, præsertim vero apud Willisium, cujus Figuræ illæ duæ (d) quæ præcipue laudantur, non obscure ipsæ contrarium ostendunt. Quod & Figura (e) ostendit Ridleyi; si tamen exemplum quod ipse habeo, exemplari respondet, Cowperi ipsius manu de- lineato. Quæres fortasse, cur Eustachii Icones in tota hac controversia non memorem, cum sint qui in ejus Tabula XVIII. Figuram non II. modo, sed I. quo- que, & IV. non dubitent huc attinere. Ego vero qui in II. ut nosti, primus olim (f) nervorum Interco- stalium nexum cum Sexto pari animadverti, idem ne- que angulum de quo paulo ante (g) quærebatur, ne- que auctam, de qua nunc quærimus, crassitudinem, magnopere in illa attendendam puto; non angulum ob cerebri positum in quo longe descendentes nervi sic appareant, necesse est, quasi maxime retrorsum ferrentur, quod in primo Octavæ, & Nonæ conju- gationis decursu iis videbitur qui simul, appictum ce- rebellum contuebuntur; non crassitudinem, propterea quia manifesto erravit Pictor in Sexto pari, ante- quam ad nexum cum Intercoctali perveniat, usque adeo extenuando: qui error illud, ejusque originem inter se, utrumque autem cum vero, aut cum Pri- ma, Quartave Figura comparantibus est longe per- spicius. In his autem duabus Figuris eundem pictum esse nexum, ubi furculum truncatum (h) video in- ter Quinti paris truncum, & Sexti, non pertinaci- ter negabo: quanquam si truncum Quinti in his, & Secunda spectes; continuo intelligas, non eodem lo- co fuisse nexum delineatum: sin truncum Sexti; non modo non eadem perspicuitate (quod, ut in paulo grandioribus Iconismis, facillimum fuerat) sed ita appictum furculum esse conspicias, ut cum Sex- to non communicare videatur. Attamen si eun- dem nexum esse, credas, siue non credas; illud certe planum est, ex his tribus Eustachianis Iconi- bus nullam esse, in qua Sexti paris nervus dilucidius, & ob paulo majorem crassitudinem aptius quam in Prima, repræsentetur, ut illud, quo de agimus; si expressum sit; apparere queat ejusdem crassitudinis incrementum: quod quidem tantum abest ut supra nexus locum appareat; nervus ab origine ad finem, sensim, ut vides, sed continenter extenuatur. Cæte- rum si delineationibus aliorum sepositis, meas ipse in cadaveribus observationes attendo; accidisse mihi vi- deo, non solum ut discrimen istud crassitudinis, ca- su, ut puto, aliquo aliis obvium, non facile pos- sem animadvertere; sed ut ne ullo quidem modo.

Nam in tribus quæ paulo ante (i) dixi, capitibus, utroque ad Sellam Receptaculo sic aperto, ut intus se- cundum totam longitudinem, Sexti paris nervi pate- rent, tametsi quam maxime intentis oculis ipsos con- templeremur primum in sua sede, tum etiam ex ea leniter exemptos, extensosque; nemo tamen inventus est nostrum qui sibi ullum vel tenue inter postero- rem ac anteriorem partem discrimen animadvertere videretur. Nec vero id magnopere sum miratus, mi- raturus magis, si ex tenuium, quales ego quidem in- venire plerumque soleo, accessione, aut decessione fibrarum, discrimen quod facile animadverti posset, aut *dimidia fere mole*, ut nonnulli ajunt, *incrementem* Sexti paris nervum comperissem. Neque enim mihi unquam obtigit; quod meminerim; fortasse ne tunc quidem cum illam quasi institutam crassio-rem vidi, quam in VI. *Adversariis* (k) commemoravi; ut ramum invenirem ea crassitudinis proportionem Sexti paris ner- vo respondentem, quæ novissima delineatione mon- stratur. Quod nec Walthero (l), illius discriminis observationem non constantem credenti, neque iis vi- deo contigisse, qui cum ipsam videantur constantem credere, tenue filum, & plerumque unum, ei nervo sese connectere, nihilominus confirmant.

53. Non me fugit, ex hac ipsa tenuitate argumen- tum existeret, tenue adeo initium tam longo, tam- que in parte crasso nervo Intercoctali non conveni- re. Sed tamen primas nervorum origines attendenti- bus, cum eorumque in progressu crassitudine, tota- que longitudine conferentibus perspicuum sæpe est, longe aliam inter has illasque in nervis, atque in arteriis, proportionem servari: & fane quam gracilia sint prima illa stamina, unde Accessorius ad Octa- vam conjugationem nervus proficiscitur, supra (m) est a nobis commemoratum: Olfactorius autem nervus ut ex tenui, prope Cristam Galli amplius fiat, satis manifestum est. Quod si exempla ejusmodi non sup- peterent, aut minus satisfacerent; tot tamen Interco- ctali addita ganglia, totque adeo ex Spinalibus ner- vis furculi, unde tanta illi sit longitudo, atque ea in- super crassitudo, nobis indicarent. Quos quidem fur- culos totidem esse Intercoctalium principia, Clarissi- mi sunt Viri qui doceant, hinc confirmantes, quod ubi illi maximi, ibi crassissimus ipse est. Verum etsi huic observationi alii alias adversantes producant; ta- men si id nobis sequi placeat quod illi docent; rem neque in aliis nervis, quod & ipsi ostendunt, inusita- tam sequemur, neque repugnantem, imo congruen- tem origini illi quam primam, hoc est supremam omnium Intercoctalis nervi, intra calvariam agnosci- mus. Cur enim illa una repudietur, cum tot. aliæ ponantur? præsertim cum eadem aptior sit ad illud indagandum, cui bono in Ischiadicum nervum, ab Spi- nali Medulla ortum, inferatur Intercoctalis, qui alio- quin suprema illa negata origine, de eorum sententia ipse quoque ex eadem Medulla totus esset repetendus. At enim origo illa tenerior est, & in aliis sæpenu- mero aliter se habet, primusque ejus juxta Internam Carotidem arteriam progressus, hujus arteriæ cursui oppositus est, quod nusquam alibi in adjacentibus arteriis, nervisque observamus. Quasi vero cæterorum initia nervorum, etiam qui Duri vocitantur, non essent tenera, aut teneritudo in nervis ramos magis, quam radices, significaret: quasque alia quæ Interco- ctali nunc assignantur, initia ad eundem in omnibus modum omnia se haberent: par autem cerebri nervo- rum Decimum non semper, ut supra (n) dictum est, conspexissemus illo ipso loco per Duram Meningem egredi, quo Vertebralis arteria ingreditur, neque; ut ab Intercoctali ipso, & arteria Carotide. ne longius abeamus; cum hac per collum ascendente, ille, & quod nemo omnium negaverit, Octavi paris nervus, descen- dentes satis longo spatio non solum proxime ferren- tur, verum etiam intra illam quandam quasi vaginam (o) in unum fasciculum concluderentur. Quæ omnia non contradicendi studio; cujus nullæ in nobis (imo plures obsequendi, laudandique) sunt causæ, sed veri perquirendi in iis quæ ab aliis ingeniose, copioseque proposita sunt, conscripta esse, existimato.

54. Sed

(d) ad cit. cap. 22. (e) Fig. 2. cit. (f) Epist. in Tab. Eustach. (g) num. prox. super.

(h) in I. ad n. 29. 15; in IV. ad n. 60.  $\frac{1}{2}$  16. (i) n. prox. super. (k) Animad. 24. (l) loc. cit. (m) num. 9.

(n) num. 6. (o) Epist. XIII. n. 36.



54. Sed quid denique ad experimenta dicemus, quæ de Intercoſtaliū, Oſtaviſque pariſ nervorum, in collo viventium canum, ſeſſione ad te alias (p) ſcribentes, commemoravimus? Inde præter vividum oculorum nitorem quem brevi obſoleſcere, tunc diximus, pupillarum minor dilatatio, oculorum decrementum, lacrymatio, atque, ut alia ejuſmodi prætermittamus, cartilagineæ præſertim illius qua niſſitant, membranæ quidam ſolet quaſi prolapſus obvenire. Quæ omnia nonne convincunt, junctas cum Quinto, & Sexto nervo fibras Intercoſtalis, non hujus radices, ſed ramos eſſe, qui cum iis nervis intra orbitam pergentes, ſpiritus ſufficiant tum oculi interioribus, tum Lacrymalibus glandulis, tum muſculoſis instrumentis eam membranam retrahentibus? iis enim ſpiritibus ob Intercoſtalis ſeſſionem haud amplius memoratas partes adeuntibus, hæ flacceant, & reſolvantur, neceſſe eſt. Equidem libens ultroque fateor, non vulgarem laudem Eximio Viro deberi qui iis repetitis experimentis, iſta omnia quæ tunc circa oculos accidunt, magna ſolertia adnotare, nec minori perſpicuitate exponere inſtituit. Illud quoque fateor, ex omnibus quæ pro novo iſto dogmate propoſita ſunt, præcipuum hæc momentum habere, majus tamen habitura, ſi neque Oſtavi etiam pariſ nervi iis in experimentis conſecarentur, nec adeo exilia eſſent ſtamina per quæ Intercoſtales cum Quintis, Sextiſque communicant. Eſſi enim ex Oſtavis nulla adhuc inventa propago eſt quæ ad oculos uſque pertingat; quis tamen præſtet, cum tot alia & nova, & præter opinionem reperta ſint, nunquam fore, ut communio aliqua ſive per ſe, ſive per interjectum alium aliquem nervum inter illos, oculosque inveniatur, aut; ſi hoc fieri non poſſe, credamus; non tantas ſequi, præcipuis nervis ſimul incifis Oſtavis, & Intercoſtalibus, longe lateque toto corpore perturbationes, ut in oculis, partibus omnium maxime obviis, iſdemque cum ad ſuſcipiendas, tum præſertim ad oſtendendas idoneis, illarum animadverti poſſint indicia? Quod ſi hæc & plura, & majora exiſtimemus, quam ut ejuſmodi conjecturis in eorum aſſignandis cauſis nitamur; tunc enimvero etiam atque etiam videndum eſt, num tam paucorum detractio ſpiritus, quot poterant ſcilicet fibræ adeo paucæ, atque exiles Quinto, Sextoque nervis addere; tot ac tanta poſſit exterioribus, atque interioribus oculi partibus afferre detrimenta, ut tanto plures ſurculi ex iſdem, aliſque nervis in eaſdem illas partes multo maximam ſpiritus copiam importantes, nequeant obſtare, quo minus illa detrimenta contingant.

55. Non ſum neſcius, fore ut hic viciffim ex me quæras, num ſecundum pervulgatam doctrinam reddi poſſit ratio, cur illa accidunt, & ſi poſſit, cur eadem pariter non obſit nobis Intercoſtaliū fibrarum tenuitas, quam novo dogmati obeſſe arbitramur? Jam primum ipſe præclare noſti, Willifium (q) olim exiſta eadem Intercoſtaliū cum Sexto, & Quinto pari conjunctionem docuiſſe, cur ea partes quibus hi nervi proſpiciunt, oculique in primis, & palpebræ, & Lacrymales glandulæ cum Intercoſtaliū ramis conſentiant in præcordia diſtributis, ut certas horum affectiones *oculorum languidi, mærentesque inter ſlendum aspectus, ac invita lacrymarum profuſio* conſequantur. Neque ignoras, hæc, quamvis preſſe, Vieuffenium (r) probaſſe, cæteroſque paſſim Recentiores. Hinc facile intelliges, non præcluſam penitus eſſe viam ad ea quæ nuperis experimentis, in oculis, & circa oculos obſervata ſunt, exponenda, tametiſi Intercoſtaliū principium, non finem, in tenuibus illis ſtaminibus agnoſcamus. Nam ſive ſpiritus, ut novi dogmatis Auctores, ponas; ſive non ponas; proſecto perſpicias, incifo utrolibet Intercoſtaliū trunco, in illa quoque hujus parte quæ ſupra incifionem eſt, & quod conſequitur, in illis quoque fibris per quas Sexto, Quintoque nervis conneſcitur, non levem conſequi mutationem oportere, in eoſdemque nervos, unde illas oriri ponimus, propagari. Quæ ſive novus eſt, ac perturbatus ſpiritus motus; ſive tenſionis decrementum, ſive aliud

potius, quod intimam nervorum ſtructuram, agendi-que rationem ignorantes, ſatis intelligere, atque exponere non valemus; facit hæc ipſa dubitatio, ut cum quanta illa, ac qualis ſit, pro certo dicere non poſſimus, minus quoque pateat certis ejuſmodi difficultatibus in propoſitam ſpiritus detractiōem cadentibus, qui quidem, ut per tenues, paucaſque fibras, pauci detrahantur, neceſſe eſt. Si leviora hæc tibi quam res ipſa poſceret, videantur; fac illud veniat in mentem, quo conſilio ſim in hunc ſermonem ingreſſus, & majora ab aliis proferri poſſe, exiſtima. Neque enim credibile eſt, levibus adductis cauſis tum Solertiſſimum Waltherum, tum Doctos alios, ex Germania præſertim, Viros, ut novum dogma, ejuſque rationes cum ſciant, a veteri tamen non recedant. Sed tamen hæc eſt ſumma conſuſionis meæ: ubi ubi verum poſt repetita examina eſſe, intellexero, ſeu vetus dogma, ſeu novum ſit; in eo non modo non gravate, ſed perlibenter conſiſtam.

56. Sed jam illuc unde hæc nos controverſia abdu-xerat, revertamur. Ut Sexti major pars, oculorum orbitas ingreditur; ſic minor pars Quinti: de qua propterea perpauca adjiciemus. Cum ſupra (s) de Pathetico verba facere inciperemus; huic tribuiſſe Valfalium diximus eos ramos, qui Tertio, ut eo tempore numerabant, potius fuerant tribuendi: quod fecerunt poſtea Columbus (t), & Falloppius præſertim (u), & hunc ſuis æmulatus Iconiſmīs Euaſtichius (x). In iis ramis pars eſt illa Quinti, ut nunc vocitamus, quæ orbitam ſubit: quam ego partem non ſum hic totam ſolicite perſecuturus; ſed duo potiſſimum quæ de ipſa Falloppius (y) tradidit, meis obſervationibus confirmaturus. Ramus ex ea Parte proſectus, ſtatim atque orbitæ fornix ſublatus eſt, in conſpectum venit, per ſummam pinguedinem oblique ductus ad illud foramen, ſive, ut ſæpe, dimidiatum foramen quod in ipſo orbitæ ſupercilio verſus angulum internum excavatur, ut tranſitum præbeat eidem ramo, eam viciniā ſuis ſurculis adituro, & nominatim ad frontem ſe reflexuro, ut a veteribus quoque Anatomicis obſervatum eſt, ab Euaſtichio autem (z) præclare pictum. Hic ille eſt ramus, a Valfalva in Altera Diſſertatione (a) ſignificatus, a quo ait nerveas propagines tribui Annulo Optici nervi Moderatori. Idemque is ramus eſt qui a Cantio (b) in propria, quam deſcripſimus, ſede eſt delineatus. Hunc in duos Ramos haud ita procul a ſupercilio orbitæ, ut pingit, *diviſum, ad anteriora*, inquit, *oculi pergere, glandulas, Palpebras, Scleroticam, Choroidem, Uveamque petere, ut & Muſculos Ciliares, quibus ultra quadraginta ramulos porrectos obſervavit Dexterrimus Rau*. Ego ut Valfalvæ obſervationem in medio relinquo; ſic non ſolum quæ ipſe video, ſed & Willifianas (c), ac Vieuffenianas (d) cum iſta Cantii deſcriptione comparando, magnopere vereor, tum ne ordinem diſtributionis hic obſervaverit, tum ne ab ramo quem ipſe delineat, ramuli iſti ſint, ad interiores oculi muſculos attinentes. Sed de iſtis ramulis paulo poſt (e). Nunc de toto Ramo id tantum confirmo, ejus loco in duobus præſertim cadaveribus in quibus hoc diligentius quaſivi, ramos inveniffe me duos, inter ſe non modo parallelos, ſed & conjunctos, qui ſic totum illum quem dixi, ſupremæ orbitæ tractum emetiebantur, ut ad memoriam revocarent obſoletam illam obſervationem Falloppii (f): Ramum de quo ſcribimus, ad palpebræ ſuperioris terminum *manifeſte in duos ſurculos eſſe diviſum, quanquam diviſio hæc in primo ſtatim exordio latens inceperit*. Idem Falloppius (g) cum Ramulum alterum deſcriberet pariſ Quinti, per orbitam delatum, illum videlicet quem primus indicavit ex orbita intra cranium, & ex cranio iterum cum Dura Meninge exeuntem, in narium interiorem tunicam ferri; ut non in Dura Acuſtica Portione dumtaxat habeamus exemplum nervi in cranium redeuntis, ex eoque ruſum egredientis; cum eum igitur Ramulum deſcriberet, de eo tradidit quod fere omiſſum nunc vulgo video, *ſub muſculo, qui attollit oculum ſuſum, & ſub illo, qui attollit palpebram, quaſi per tranſverſum ferri*. Hanc ego pro-

(p) Ibid. n. 47. (q) Cerebri Anat. c. 26. & 21. (r) Neurogr. l. 3. c. 5. (s) n. 43. (t) De Re Anat. l. 8. c. 3.  
(u) Obſerv. Anat. (x) Tab. Anat. 18. Fig. 1. 3. & 5. (y) Obſ. cit. (z) Tab. Anat. 19. (a) n. xi.  
(b) Impet. Anat. Tab. 2. Fig. 3. (c) Anat. cit. c. 22. (d) l. cit. c. 3. Vid. & Tab. 22. (e) num. prox. ſequenti.  
(f) Obſ. cit. (g) Ibid.



propterea observationem commemorō, quod memoria teneo, cum aliquando musculus illum primum, hoc est Superbum, ab orbitæ fundo antrorsum ad suam insertionem revolverem, prope hanc vidisse nervum furculum, in faciem musculi inferiorem se se immittentem, ac diducentem, qui ex proximo illo de quo loquimur, Ramulo videbatur existere, ab externo orbitæ latere prope fundum oblique antrorsum ad latus internum decurrente, ubi insculptum foramen subiens, ex orbitæ cavo egrediebatur.

57. Ab hoc eodem Ramulo, cum per transversum declinat inter dictos musculos, Falloppius (b) docuit, aliquot tenuissima capillamenta disseminari per pinguedinem, quæ tunicam Visorii ambit, quorum quædam juxta nervum ipsum percurrunt usque ad duram ipsius oculi tunicam. Idemque antea cum de Motorio ageret nervorum pari, aliquot ipsius memoraverat fibras tenues, quæ Visorium comitate in membranas oculi exteriores, & in intimam quoque venam disseminantur. Quo in loco mirabar, neminem, quod scirem, grave animadvertisse typographi erratum, quod a prima in omnes deinceps quas ego viderim, editiones traductum est, venam describentis, ubi uveam facile scribendum fuisse videretur. Verum magis id miror ex quo nuper relegens Vesalium (i), cognovi, ipsum jam olim in ejusdem loci examine in hunc modum ad Falloppium scripsisse: non assequor, quid tibi velis, quum tandem secundum Par in intimam quoque venam disseminari scribis: neque scio quid typographi errorem (quem alias hic aliquem subesse suspicor) debeam restituere, præcipue quum pro Venam, Uveam legere ideo non ausim, quod nullos secundi Paris ramulos, cum Visorio nervo, in oculi interna, adeoque in uveam tunicam, cum venis ac arteriis subire conspexerim. Verum quod non conspexit Vesalius, Anatomici alii cum ante Falloppium conspexerant, tum post ipsum præsertim, qui primus intimorum horum oculi nervorum monstravit originem, conspexere. Nam certe ante Falloppium, Carolus Stephanus (k), vel potius Riverius ille, qui pro Stephano Iconismos paravit, semel, atque iterum delineaverat comitantem Opticum nervum, & se pariter in Scleroticam tunicam inferentem portiunculam alterius nervi paulo durioris, ad omnes fere oculi tunicas, præsertim majores ac spissiores pertinentis, dixeratque in alterius Iconis interpretatione, has nervulorum, venarum, & arteriarum fibras, Choroidem efficientes, ad internam Uveam pertinere. Cæterum diu post Riverium illum, & Falloppium, minus quæ ipsi indicaverant, exulta sunt. Namque in Eustachii Tabula XXXX. vascula potius duntaxat sanguifera picta esse, quam ejusmodi nervulos, facile possis existimare. Vidius autem (l), Laurentius (m), Bauhinus (n) fibras tenues Motorii nervi ad exteriores modo oculi membranas perducunt: sed capillamenta illa a Quinto, ut nunc vocamus, pari ab uno quidem Vidio (o) commemorantur; verum a Falloppio traditis vix ipse addit, velamento nervi Optici, & duræ tunice oculi eas fibras inservire. Julius Casserius (p) Motorios oculi nervos a Tactoriis distinguens, Tactorios esse illos, censet, qui juxta nervum Opticum procedentes, sclerotica implantantur: nec tamen originem ipsorum subjicit; nedum ullam delineationem, nisi in Figura quadam (q), ubi lucii piscis oculum repræsentat.

58. Itaque Willisius tandem extitit qui doceret (r), fibras quamplurimas e Nervis oculi Motoriis emissas, Opticum ubique ambire & circumligare, cumque ipso oculi orbitam ingressas, partim juxta radicem nervi Optici inseri, partim ipsam tunicam Scleroticam altius penetrare. Sed infra (s), idque melius, earum fibrarum ortum intra orbitam coercuit, deducens videlicet ex plexu parvo & rotundo Nervi Motorii, ubi hic in suos quatuor furculos dividitur: easque fibras in Figura cujusdam (t) Explicatione, per tunicam Scleroticam in Uveam tendere, significavit. Neque eas omisit quas Falloppium pariter indicasse, diximus, ex Quinto pari. Nam quamvis ex certo Ramulo non deduxit, ex Ramo tamen Ophthalmico ortas memoravit duas exiles propagines, quas ultra terminum produxit, a Falloppio propositum, tradens Morgagni Epistolæ Anatomice.

(u), tunicam Scleroticam paulo infra tendines Musculorum subire, ac ad Uveam pertinere. Has postea cum in Excitatione Prima de Anima Brutorum (x) commemoravit nervi Optici truncum circumligantes, tum paulo post (y), a nervis Sexti Paris, scripsit, & truncum Opticum circumligari, & propagines quasdam tunicam Scleroticam, & Choroidem subeuntes, etiam ad Processus Ciliares pertinere. Quo in loco dubitari quidem posse, video, habuerintne in animo potius scribere a nervis Quinti, aut Tertii Paris, quando nec ipse alibi, nec Vieussenius, nec Ridleyus, nec alii, quod sciam (z), fibras a Sexto aut circum Opticum nervum agnovere, aut ad Uveam perduxere; sed partim a Tertio, & partim quoque a pari Quinto. Attamen cum id scripserit Willisius annis aliquot post illa priora; non auctim negare, potuisse interea pertenuis quasdam Sexti fibrillas animadvertere, quæ illuc irent, cæteris quos diximus, nervulis se adjungentes. Ex iis autem qui post Willisium omnes eos nervulos, Ciliares nunc appellatos, longe intra oculum magis, quam extra, sunt persecuti; quos ego Auctores alibi (a) omnes aut nominavi, aut indicavi; ex iis, inquam, alii minime pro nervis habuerunt, alii vero habuerunt quidem, sed nemo ferme de origine eorum vera sollicitus fuit. Excipiendus autem est Cl. Bartholinus, Thomæ filius (b), qui illam usque ad nervos oculorum Motorios se prosequi posse, affirmavit, ideoque ipsos semel, iterumque ad hos Motorios retulit nervos. Etiam Valsalva cum in schedis scripsisset, esse albas, instar filamentorum, propagines in facie interiore Sclerotice circa hujus medium erumpentes; quod ad exteriora attinget, idem nempe scriptum reliquit quod delineatum (c) proposuit: nervum Motorium propagines dare, per Opticum ad Scleroticam excurrentes.

59. Ego qui hos nervulos intra oculos, non humanos tantum, sed & bubulos sæpe observavi, in quibus evidentissimos per Scleroticæ internam faciem insculptos sulcos, ipsis respondentem, animadverti, ipsos autem prope Ciliare Ligamentum bifidos factos, & hoc, si auferretur, sequentes; vidique insuper in anate super externam Choroidis faciem sua se albedine prodentes; cum aliquoties in hominibus sim ex oculi interioribus retrorsum persecutus, exire comperi ex Sclerotica haud ita procul ab nervi Optici insertionem; id enim intervallum nonnunquam dimensus, ne totum quidem transversum digiti dimidium æquare inveni: egressos autem, pinguedinem potius, quam multa Opticus nervus circumfunditur, quam ipsum nervum, perreptare; huic tamen parallelos. Sic etiam in cane tres aut quatuor eorum vidi: qui per unam modo ejus nervi faciem decurrentes, paralleli potius eidem erant, quam reticulati, aut ipsum truncum circumligantes. In hominibus tamen aliquando inveni ad eum fere modum dispositos, ad quem Valsalva (d) delineavit.

In iisdemque nuper, nec semel usque, ad originem persecutus, illud quidem manifesto vidi quod Bartholinus, & Valsalva tradidere (e); sed quod præterea Willisius (f), & Vieussenius (g) tradiderant, videre non potui. Hic enim etsi nullas, ut dixi (h) quæ ab Sexto pari profiscantur, fibras commemorat, nec plexum illum parvum & rotundum (i), sive illud ganglion agnoscit, ut qui nihil aliud, nisi quoddam quasi reticulum, designat, cum unum veluti plexulum ponit, optici ipsius nervi truncum circumligantem; tamen cum Willisio partim e tertio, & partim e quinto nervorum pari fibras deducit, quæ truncum illum circumligent, & in Scleroticam, atque Uveam tunicam inferantur. Ego vero nerveas istas fibras ex oculis alio perducere non potui sic quidem, ut mihi satisfacerem, nisi eo ut ad Tertiam conjugationem pertinere cognoscerem. Itaque rem aliter in iis capitibus se habuisse, crediderim, quæ alii consecuere, & Vieussenius præsertim, qui istarum fibrarum a pari etiam Quinto plures emitti, diserte docet (k). Sed ex quo nuper Diligentissimos Celeberrimosque Anatomicos legi Winslowium (l), & Petitum (m); minus id mihi accidisse miratus sum. Neuter enim a

G g

Quin-

(b) Ibid. (i) Exam. Observ. Fallopp. (k) De dissect. part. corp. hum. l. 3. c. 10. Fig. 1. ad litt. C. & Fig. cap. xi. ad Litt. l. (l) De anat. corp. hom. l. 3. c. 2. (m) Hist. anat. hum. corp. l. 4. c. 17. (n) Theatr. Anat. l. 3. c. 20. (o) cap. cit. (p) Pentæsth. l. 5. Sect. 1. c. 15. (q) Ibid. Tab. 5. Fig. 19. (r) Cerebri Anat. c. 21. (s) Ibid. (t) Fig. 2. post c. 22. ad litt. g. (u) cap. cit. 22. (x) c. 15. (y) Ibid. (z) Vid. tamen n. prox. seq. (a) Advers. VI. Animad. 82. (b) Specim. Hist. Anat. Analect. 6. (c) Dissert. Tab. 3. Fig. 2. (d) Ibid. (e) Vid. num. prox. super. (f) Ibid. (g) Neurogr. l. 3. c. 2. & 3. (h) num. prox. super. (i) Vid. ibid. (k) c. 3. cit. (l) Exposit. Anat. tr. des Nerfs n. 22. & seqq. & 37. (m) Memoir. de l'Acad. R. des Sc. A. 1727.



Quinta conjugatione fibras ad nervum Opticum recta perducit; sed *unum* ex ipsa, ac *tenue filum* in parvum plexum, seu ganglium uterque inducunt, quod ganglium sicuti ex Tertiæ ramo fieri agnoscunt, ita ex eo fibras omnes repetunt, nervum Opticum stipantes, oculumque subeunt; nisi quod Peritus inter eas admisceri, scribit, fibras aliquas Sexti paris, quas paucas oppido esse, ac pertenuas, facile existimem. Apud eundem quid varient eæ omnes fibræ tum ori-

gine inter homines, & quadrupedes, tum crassitudine inter se in oculis utrorumque, tum ingressu, numero, sede in hominibus, adnotatum videbis.

60. Quemadmodum nervuli, de quibus satis in præsentia scriptum est; sic & vascula quædam sanguifera Scleroticam tunicam pertundunt. Quæ, atque alia, ad intimam oculorum fabricam attinentia, proximis litteris expediam. Tu interea valebis.

## EPISTOLA ANATOMICA XVII.

*Eodem quo prior, spectat. Scribitur de Aquosis, cæterisque Oculi vasis, de tunica Choroidæ, de Iride, Ciliari Corpore, de Aqueo humore, ejusque Cameris, de tunica Crystallina, & Vitrea, & de humoribus qui his continentur, denique de Retina, & de nervi Optici structura.*

**Q**UÆ nobis reliqua de structura oculi esse, diximus, ad te protinus conscripturi, initium capimus a sanguiferis vasis, primam illam de qua fere satis actum est, Scleroticam tunicam subeuntibus. Inter hæc Aquosi, ut Nuckius (a) appellavit, Ductus non tam suo nigricante colore, quam recto sine conspicuis ramis decursu, inspicientium oculos morantur. Quæ tamen res nequaquam obstitit, quo minus Valsalva, qui eam in Schedis præclare memorat, cum illos in cane examinaret, pro vasis sanguiferis facile haberet, propterea quod evidentius arteriæ continuatos perspexit, ex qua compressa eos Ductus sanguis subibat. Ea arteria circa nervum Opticum delapsa, in oculos sanguinem importabat. Ipse quoque memini, iis qui, secante me, aderant, vasa ostendisse, coccinei sanguinis plena, sese in Scleroticam defigere, in eosque Nuckianos Ductus manifestissime abire, idque in homine, non modo in cane, in quo revera illos pauciores inveni, non secus atque in lepore, & vulpe. Nempe in cane, & vulpe duos tantum vidi, eosque e regione inter se oppositos; at cum diligentius inspexi, non proflus recta pergentes comperi: imo in vulpe præterea accidit, ut alterum viderem, in medio cursu ramum ex se dimittentem, suboscure quidem, ut qui mox ob ortu penitus se conderet intra Scleroticam. Binos pariter in duobus boum oculis vidi, ac fere singulos se duplicantes, pergentesque flexu serpentino, nec sibi ex adverso respondentes. Ne in ovillis quidem, in quibus sunt plures, recti omnes erant. Sed omnes, sicut bovilli, sanguinem continebant, & si premeres, emittebant. Memoria etiam teneo, in aliis olim ovillis, suillisque oculis cum eos Ductus aperuissem, conatusque essem aliquid ex iis, si possem, exprimere; nihil nisi paucum subcruentum humorem exisse. Quos ipsos oculos cum sexaginta ferme horas in aqua postea macerasssem, maceratosque compressissem; neque plus humoris iisdem ex Ductibus prodire; neque lymphæ ductus intus, aut extra ullos; neque demum peculiare quidquam animadverti. Verum de Aquosorum Ductuum natura, quos alii, & in his Cel. Ruyschius (b), qui tamen *aliquid sanguinolenti* in eorum aliquo se fatetur *invenisse*, a sanguiferis vasis saltem quadantenus distinguunt, alii vero, in quibus Præstantissimus Vir, Thomæ Bartholini filius (c) pro *vasis* habent *sanguineis ad musculum uvæ cunctibus*, liberum adhuc tibi cenfeo, utrum malueris, existimare. Ipse quidem sanguini potius, quam limpidi fero convehendo addictos tandiu suspicari non desistam, donec plures observationes legero inventi in ipsis limpidi feri, quam humoris sanguinolenti, præsertim quando priores quoque Anatomici eosdem videntur Ductus vidisse, & procul omni dubitatione pro sanguiferis habuisse. Sic Fabricius noster (d) oculi vasa ita descripsit, ut *retro magis, ea scilicet regione, quæ vitreo subjecto humori respondet ac prope nervum est, Scleroticæ applicentur, postea vero antèrè exporrigantur, donec intus in Choroidem sese insinuent, discurrentque.*

2. Cæterum, quod ad oculi sanguifera vasa attinet, vel Galenus (e) olim adnotaverat, cum nervi omnes

qui a cerebro proficiscuntur, secum afferant cum meningibus arteriam, & venam, nullos tamen esse, quibuscum magna adeo vasa una exeant, ut cum Opticis: itaque *vasa quamplurima*, inquit, *ipsa Choroides tunica habere in tota se ipsa conspicitur, quod & nomen ipsum indicat. Nunquam enim ita ipsum comparassent appellassentve, nisi instar xoeis quamplurima inter se vasa velut colligaret: quod & Rufus Ephesius (f) docuit, & inter cæteros confirmavit laudatus Fabricius (g).* Hic etenim, inquit, *conspicere est multa vasa exigua, recta, per ipsam Choroidem ad anteriora stans quibusdam intervallis protensa, & ad Crystallinum conspirantia.* Non me fugit, posse aliquos suspicari, atras ex quibus Choroides contexitur, fibras antrorsum recta fere pergentes, Majoribus fortasse pro vasis sanguiferis, quæ hic minime viderint, imposuisse, præsertim cum Vir. Clariss. Ruyschius (h) monuerit, *Tunicas Choroidæam, Ruyschianam, Retiformem, &c. superbire myriadibus Arteriolarum, quæ tamen in homine sano, sanguine rubicundo non sunt repleta.* Ego vero non dubito, neque Fabricium de fibris esse locutum, cum hæc inter se proximæ sint, ipse autem stata quædam intervalla commemoret, neque Ruyschium de aliis, quam longe minutissimis arteriolarum ramusculis esse intelligendum. Certe olim Georgius Valla (i) hanc tunicam *sanguinolentam* esse, dixit; *forte respectu vasorum, quibus prædita est*, inquit Casserius (k); imo quia, ut mihi sæpe ipsam in adultis, non modo in foetibus, detracta Retina, inspectanti, sic Vallæ quoque, ut opinor, haud raro apparuit sanguinolenta. Sani autem erant oculi quos dissecabam: quo magis inquirendum existimavi (id quod Valla non videtur fecisse) unde illa esset cruenta species. Defixis itaque oculis, revera, in præclara luce, perspexi, sanguini non effuso, sed per suâ creberrima, & fere parallela, antrorsum contententia vascula translucens, eum colorem deberi. Ab eadem vero interna facie, an ab externa, an intra divulsam tunicæ substantiam Stenonius (l) aspexerit, cum *vorticosa Choroidis vasa*, quæ memorat cum *oculi lymphaticis*, animadvertit, mihi quidem ex ejus verbis non liquet. Choroidem ipse, in lamina vitrea extensam, cum aliquando objectam luci inspectarem; nonnullis in locis vasa vidi etiam tum sanguinis plena: præterea certis in locis pellucida vascula, quorum bina in unum coibant, cum accederent ad Ligamentum Ciliare: passim autem fibras rectas, easque subatras, ex quibus ipsa Choroides constat.

Choroides hæc humana erat, & ab ea potissimum parte qua ei Ligamento vicina est. Adeundem modum vulpis quoque Choroidem inspexi, sed a parte altera qua videlicet nervo Optico propior est. Ibi vero atræ fibræ erant crassæ, & radiorum instar ab ejus nervi insertionem antrorsum pergentes, ita autem bifurcatæ, ut vasa videri possent. In bubulis autem oculis cum, inter dissecandum, sæpe vidissem quibusdam in locis, præsertim vero haud procul ab nervi Optici insertionem, arcte cum Scleroticæ interna facie, Choroidis externam cohærere; facile animadverti, per vasa id fieri, a tunica in tunicam transeuntia.

(a) Ductuum Aquosor. Anat. c. 1. (b) Resp. ad Epist. Anat. 13. (c) Specim. Hist. Anat. Analest. 6.  
(d) De oculo P. 1. c. 3. (e) De usu part. 1. 10. c. 2. (f) De appellat. part. corp. hum. 1. 1. c. 23. & 1. 2. c. 3.  
(g) loc. cit. P. 3. c. 6. in fin. (h) Explic. Fig. 17. Tab. 16. Epist. Anat. (i) De hum. corp. partib.  
(k) Pentæsth. 1. 5. Sect. 1. c. 25. (l) Canis Carch. dissect. cap.



tia: Ex horum singulis vascula albida per eamquam dixi, Choroidis faciem dispergebantur, quæ in ramos creberrimos diducta, antrorsum contendebant. Ubique paulo crassiora erant, nodosa, id est quasi instar lymphæductuum, exiguis internodiis distincta apparebant, præsertim si crystallo uteretur, qua ad aciem, cum opus est, nonnihil adjuvandam plerumque uti solitus sum, levissime convexa; nam altera multo magis convexa, non solum ea vascula ostendebat nodosa, verum etiam ad similitudinem quadantenus vitis capreolorum inflexa. Quæ cum in aliis postea quærerem bovillis oculis; creberrima quidem vascula deprehendi, nonnullis partibus nodosa, & quibusdam locis inter se juncta, sed neque contorta, & ramos perpauçissimos emittentia. Etsi recentissimi erant oculi; ipsa tamen quasi inania apparebant, eoque albida. Primos illos boum oculos, postquam ea quæ descripsi, adnotaveram, frustra ad sexaginta horas in aqua mace-ravi, siqua forte manifestiora fierent; nihil enim aut in Choroidis interjectis fibris, aut in iis vasculis mutatum est. Choroidis fibras pro exiguis musculis habuisse videtur Jessenius (\*). Per hanc tunicam, inquit, *venæ excurrunt plurimæ, & quodam secundum longitudinem ordine; unde exigui germinant musculi, hanc totam intertextentes*. Sed ipsum ego ramusculi procul dubio censeo scripsisse; non musculi. Cæterum eas fibras adumbravit Eustachius (m): Casserius autem (n) non modo ex homine pinxit, sed etiam ex bove. In hoc, ipsa tunica visa mihi aliquando est eo crassior; quo posterior. Alias, & præsertim in homine, haud facile visum est variam Choroidis, aut Retinæ crassitudinem in priore, ac posteriore parte, quemadmodum in Sclerotica feci (o), siue aliquo hallucinationis periculo dignoscere.

3. Hic quæres fortasse, cum iisne faciam qui Choroidem negarunt posse dividi in laminas duas, quarum exterior idem nomen servet, interior vocetur Ruyschiana? Mihi vero a prima olim adolescentia bestiarum oculos dissecanti, jam tum plura se obtulerunt indicia, Choroidem non una ex lamina constare. Cum enim ab ea tunica Scleroticam sejungere, ut primum fit, ac sensim attollere inciperem; nonnunquam internam hujus faciem tenuis quædam illius lamina sequebatur, cohærens adeo ut scalpello esset detrahenda. Ea lamina erat nigra, & ab nigra pariter subjectæ Choroidis substantia avulsa, cui substantiæ, ut magna ex parte iis in oculis spectamus, sæpe accidebat, ut præterea altera subesset ex viridi cærulea. Alias vero, humoribus, ac Retina ab anteriore parte eductis, cum ista ipsa Choroidis loca aggrederer in quibus ita viridescit, obtusæque scalpelli acie sensim abradere conarer; sæpe viridem laminam non tam abradebam, quam invertebam, atque ita ab altera quæ ipsam exterius complectitur, nigricante lamina avellebam. Nec eo tempore dumtaxat, aut in bobus solum hæc contigerunt. Sed & alias, & in aliis ejusmodi animalibus, ac nominatim in capella non secus, opinor, atque in illa Verheyenii (p) ove, non difficulter eæ laminæ sunt divulsæ. Et divulsarum facies, quamvis non omnino, sic satis tamen fuerunt æquales, ut proclive esset intelligere, eam separationem, si peculiare aliquod accederet anatomicum artificium, longe melius esse successuram. Quo facilius adducor, ut credam, excellenti in ejusmodi administrationibus Ruyschio, aliisque ejus viam rationemque callentibus rem hanc felicissime provenire. Sed & Guenellonius (q) jam anno 1686. duas in piscibus Choroides, a se animadversas, & delineatas proposuerat. Num vero ante utrumque Franciscus Sylvius (r) Ruyschianam hanc lamellam, ut aliquibus videtur, descripserit, eo minus possum affirmare, quo magis ejus verborum seriem attendo, rem longe aliam indicantium. Casserium potius (s) dicerem descripsisse, cum *retinam*, scripsit, *portionem pie matris integri*, nisi ejusmodi membranulam Morgagni Epistolæ Anatomicæ.

ad Retinam ipsam una cum medullari substantia constituendam traduxisset, ac mente potius, quam oculis, se percipere ostendisset, falsus, *sensum fugere; rationem non effugere*. Credebat autem, ut plerique nunc credunt, ex una Optici nervi interiore, seu Pia, meninge duas effici laminas; Choroidem, & hanc alteram quæ Retinam integeret. Quod etsi nobis facilius esset tueri, qui exteriorem quoque ejusdem nervi meningem in duas manifestissimas laminas diduci, ostendimus (t), quarum altera orbitam succingit, altera convestire nervum pergit; tamen si quis forte mallet, interjectam utrique illi meningi Arachnoidem cum iis descendere, & in oculum perducere, ex ipsaque Choroidem, ex Pia autem Matre tunicam Ruyschianam, effici formari; non ita demum remota ab omni verò similitudine plerisque saltem videri posset proponere.

4. Nunc antequam de Choroidem verba facere definamus, ex me scire fortasse avebis, quæ de ipsa, aut tota ejus parte anteriore, quam præsertim Rhagoidem, hoc est Uveam etiamnum multi, Veteres (u) secuti, vocitant, in Valsalvæ schedis invenerim, aut secando ipse, legendove adnotaverim. Valsalva in facie interna Choroidis, præsertim qua hæc inflectitur ad Crystallinum cum Vitreo humore colligandum, minima nigricantia corpora figuræ sphericæ protuberare, animadvertit, eaque in fele. In lepore autem recens mortuo cum Iridem conspexit elegantissimam colore subflavo, cujus fibræ ab ambitu centrum versus feruntur; tum vero si a facie Iridis posteriore nigredo ablutione auferatur, Irisque ipsa super vitrum extendatur, luculenter apparere musculares fibras quasi ex vesiculis compositas, pariter ab ambitu ad pupillam contententes, nullas autem in annuli modum circumductas, adnotavit. In ipsa autem Ranæ Iride minimas vidit nigrorum vasorum propagines, non dissimiles, inquit, earum quæ per omnem pene Choroidis substantiam conspiciuntur: credebatque, non exiguam Iridis portionem, & coloris varietatem haud aliunde quam a varia sanguiferorum vasculorum divisione, ac complicatione esse repetendam. Denique ut elegans vasorum, Iridem componentium, dispositio, atque implicatio evidentior fieret, auctor erat, ut oculis vitro instructis vivi hominis Iris aspiceretur: sic enim fore, ut sanguiferi ramusculi etiam in retis modum inter se impliciti, non aliter ferme atque in pulmonibus, conspiciantur. Ex his Valsalvæ observationibus prima illa in fele habitata eo minus est negligenda, quod valde convenit cum incognita ipsi, Meryi (x) observatione minimarum in homine glandularum, pone Crystallini humoris ambitum Ciliaribus Processibus adhærentium, quas fontes Aquei Oculorum humoris esse, conjiciebat. Sed quoniam hi fontes apud plerisque adhuc obscuri sunt; neque eæ glandulæ ab aliis visæ, imo vel in magnis balænarum oculis a Præstantissimo Heistero (y) frustra quæsitæ commemorantur, & quo in libro primum descriptæ sunt, in eodem (z) aliquid contra Meryi conjecturam proponitur; idcirco placet aliam Valsalvæ observationem subjicere, quam fortasse aliquis suspicari possit ad ejusmodi scaturigines attinere. Igitur Valsalva aquilæ Scleroticam animadvertit ea facie qua Choroidem respiciebat, minimis quibusdam instructam siphunculis, eorum quos in intestinis descripsit Malpighius (a), similibus, nisi quod nigro colore inficiebantur. Ego cum aquilæ dissecandæ nullam ad hoc tempus facultatem habuerim; in aliorum autem animalium, aut ipsius hominis oculis illiusmodi glandulas, Ciliaribus Processibus adhærentes, necdum agnoscere potuerim; quænam ad reliquas Valsalvæ, aliorumve in Uveæ observationes attinentia, adnotata habeam, tecum, ut facere institui, communicabo.

5. Principio fatendum est, Ciliares Processus ante Galenum fuisse a Professoribus animadversos,

G g 2

ab

(\*) Anat. Praesent. Admin. 8. (m) Tab. Anat. 40. Fig. 2. 6. 11. (n) l. cit. Tab. 5. Fig. 3. & 12. (o) Epist. XVI. n. 59.  
(p) Anat. corp. hum. l. 1. tr. 3. c. 14. (q) Vid. Act. Lips. A. 1686. M. Jun. (r) Ad Bartholin. Instit. Anat. l. 3. c. 8. n. 1.  
(s) l. & Sect. cit. c. 36. (t) Epist. XVI. n. 16. (u) Vid. Russ. de appellat. part. corp. hum. l. 1. c. 23.  
(x) Memoir. de l'Acad. R. des Sc. A. 1707. (y) Vindict. de Cataracta n. 12.  
(z) Hist. de l'Acad. R. des Sc. A. 1707. (a) De struct. glandul.



ab eoque pro tenuibus vasis habitos, Crystallino humori insertis, & Vitreum, ne ad anteriora excurrat, coercentibus. Vasorum namque tenuium, sibi ipsis propinquorum insertionem videri, ait (b), palpebrarum pilis persimilem esse. Sic enim comparant, inquit, idque meo quidem iudicio non absurde, qui naturæ opera studiosius perscrutantur. Insuper autem, ait, corpori crystallino, eaque ratione, sicuti videtur indicare, humorem vitreum motu ulteriore inhibere. Quod si Vesalius (c), cum hoc sive septum, atque interstitium, Vitreo, & Aqueo humori interjectum, sive hanc (nam in medio nomen reliquit) tunicam descripsit, processulis ab uvea pronatis talibus constantem, ut nigra cilia, seu palpebrarum pilos forma insigniter exprimat, Galeni nomen interponere voluisset, aut si, non ex processulis, sed ex vasculis factam esse, docuisset; multorum olim, & hac tempestate reprehensiones, quales eæ cunque sunt, si non declinasset, at communes certe cum Galeno habuisset. Nam Columbus (d), Vesalium hanc tunicam somniasse, ait, lineasque illas quæ humorem crystallinum circumstant, in Aranea, ut ipse intelligit, collocari: Fabricius autem (e), & Casferius (f) nihil aliud esse illas, credunt, quam nigra uveæ tunice fibrarum, aut vasorum vestigia in crystallinum aut potius in retinam tunicam impressa: Riolanus vero (g) in vitreum humorem: Ruyschius denique (h) pullas pigmenti nigri reliquias, membranula tenuissima humoris crystallini & vitrei adherentes, & quasi fibras mentientes. Sed Casferius (i) tamen est fassus, revera Uveam ad crystallinum divertit, eique per vasorum insignem texturam annecti, atque hoc pacto interstitium esse inter vitreum, & aqueum. Ac Ruyschius quoque (k) scripsit, Ligamenti ciliaris faciem posteriorem, humoris crystallini, & ex parte quoque vitrei tunicis connecti. Verum hic cum postea (l) negaverit, idem Ligamentum esse considerandum tamquam musculum, ad pupillæ & humoris crystallini motum destinatum, & tamen continuo subjecerit, totum hoc negotium perfici a processu ciliari, ut & a circulo musculari posterius in confinio pupillæ sito; in obscuro reliquit nobis, qua ergo ratione velit, humorem Crystallinum moveri, si Ciliare Ligamentum, quod ipsi annectitur, non est musculus. Processus autem Ciliaris, quem ibidem musculum esse, agnoscit, humori Crystallino non annectitur; ejus enim Processus nomine posteriorem ipse Iridis faciem in eo certe loco significat: quam faciem, alibi (m) ait, ligamentum Ciliare nuncupari.

6. Optandum sane fuerat, ut Vir Celeberrimus quam diligentiam in oculi particulis examinandis præstitit, eandem in appellandis præstitisset; ne res per se ipsas haud ita omnibus perspicuæ, nominum permutatione, præsertim inconstanti, vel magis obscurarentur. Sic ubi (n) eam scribit Corneæ partem, quæ pupillam constituit, aut (o) quæ pupilla audit; vides, quam diversa eodem nomine uno in Opusculo designet, in quo alias videlicet, ut vel paulo ante (p) vidimus, idem pupillæ vocabulo quod Anatomici nunc passim solent, significat. Quid? ubi (q) pro Cornea Uveam nominat, Uveam, inquit, per quam Iris transparet. Verum hic inviti error est. Sed neque superiora notavi, ut vitio verterem Eximio Viro; cum potius in animo fuerit ostendere, quanto facilius anatomica de oculo doctrina esse posset, nisi vocabulorum non necessaria permutatio accessisset. Quæ quidem jam diu est cum invehi cœpit. Nam ut a proposito ne longius abeam; cum Falloppius (r) illud de quo loquebar, ciliare corpus agnosceret, quo Uvea jungitur extremæ membranæ Crystallini, ob hanc ipsam conjunctionem vocare id voluit Ligamentum Ciliare. Verum idem alii, descriptionem Vesalii secuti, Processus Ciliares nominare maluerunt, Ligamenti Ciliaris nomen ad firmum illum Choroidis cum Sclerotica nexum transferentes, qui ad hujus, & Corneæ fines circumcirca observatur. Quod utrumque nomen cum alio iterum ab Ruyschio tractum sit; usque adeo vereor,

ne me de his rebus verba facientem fatis intelligas, ut neutro in præsentia vocabulo amplius usurpato, neque novis huc, ut possem, Ciliaris Annuli, aut Zonæ appellationibus investis, simplici illa, clara, atque obvia, qua & Falloppius olim, antequam nomen imponeret, ratione malim designare, hoc est Ciliare Corpus dicere id de quo hæcenus sum locutus. Alteram autem quandam minorem Zonam, quæ Crystallino, ex Ciliari Corpore exempto, omnino in conspectum venit, circumcirca eodem cincta Ciliari Corpore, hanc vero Iridis tergum, aut posteriora, aut posteriorem faciem, ut revera est, dicemus. Nec vero me fugit, quam varia olim in oculo Iridis nomen significaverit. Sed tamen cum perantiquus Appellationum Partium corporis humani Scriptor Rufus Ephesius (s) disertè tradiderit, quod inter pupillam atque album, continuum interjacet, Iridem esse: sic utique, quod colore evariet, nominatum; fatis idoneum auctorem esse, existimo jam diu receptæ inter præclaros Anatomicos Columbum (t), Coiterum (u), Platerum (x), Veslingium (y), aliosque, & nunc apud plerisque omnes pervulgatæ, consuetudini tuendæ; ut quanquam non ignoremus, Varolium (z), exempli causa, docere, illam colorem, qui resultat ab uvea, --- solere ob quandam apparentem varietatem Iridem appellari; tamen non tantum licere, sed majoris perspicuitatis causa etiam præstare credamus, membranam ipsam quæ eorum colorum est sedes, aut esse solet, non communi Uveæ, sed peculiari Iridis vocabulo significare, & cum Fabricio ab Aquapendente (a), quando cunque opus sit, dicere, coarctari, & corrugari Iridem, & vicissim, cum pupilla constringitur, dilatari.

7. Itaque ut ab his Iridis motibus incipiamus; quod ad eorum attinet pro vario lumine varietatem, ante Fabricii ejusdem tempora, aut Joannis Bapt. Portæ (b), cujus de Refractione libri annis aliquot Fabricii librum de Oculo præverterunt, observatam, non Achilinum modo, ut alias (c), sed ipsum Rhazen (d) longe antiquiorem & locupletiorem testem laudabimus. In Uveæ medio, inquit, in loco scilicet ubi grandineo (hoc est Crystallino) opponitur humori, est foramen quod quandoque dilatatur, quandoque constringitur prout grandineo humori causa luminis necessarium fuerit. Constringitur enim cum lumen est multum, & dilatatur cum est in obscuro. Hoc autem foramen est pupilla. Quod vero ad causam spectat, hos motus efficientem; prætermisso Avicennæ (e) loco, longe alio facile, quam quo a primo videtur, attinente, in quo memorat lacertum motus pupillæ; juvat a Fabricii nostri (f) conjecturis initium capere, Dicere satius est, inquit, motus hujus, jus efficientem causam proficisci a propria uveæ tunice facultate, quæ hunc motum efficiendi vim a natura habeat; perinde ac cor dilatandi se, & contrahendi potentiam obtinet. Melius autem forte fuerit, virilis pudendi motui, uveæ foraminis motum assimilare: ita, ut sicuti penis per insitam quandam facultatem erigitur, eamque erectionem externum objectum movet, ita uvea tunica insita facultate modo dilatetur, modo constringatur, ex citata tamen ab externa luce oculum ingrediente. Perjucundum est animadvertere, ut illud idem unicum exemplum quod ad suam de Iridis motibus sententiam constituendam Meryo (g) nostra ætate in mentem venit, jam tum venerit Fabricio. Cæterum neutrius sententiæ est cur hic diutius immoremur, præsertim ex quo Solertissimi Winslowii (h) observationibus in dubium vocatum est quod a Meryo positum fuerat, pupillam post mortem, dilatatam spectari: quod ipsum si esset, non magis tamen urgeret, quam cadaverum quæ oculos retinent apertos, exemplum, si quis forte hoc uti vellet ad demonstrandum, non a peculiari musculo, sed ab innata elastica vi superiorem palpebram in viventibus attolli. Illi autem quæ a plerisque nunc probatur, sententiæ additum fuisse video Riolanum (i); qui in

eo-

(b) De usu part. l. 10. c. 2. (c) De corp. hum. fabr. l. 7. c. 14. (d) De Re Anat. l. 10. (e) De Oculo P. 1. c. 4. (f) Pentæst. l. 5. Sect. 1. c. 26. & Sect. 3. c. 8. (g) Animadv. in Laurent. l. xi. c. 6. (h) Thesaur. Anat. 2. Aff. 1. n. 25. (i) l. cit. Sect. 1. c. 25. (k) Resp. ad Epist. Anat. 13. (l) Thesaur. cit. loc. cit. (m) Ibid. Aff. 2. n. 15. (n) Ibid. Aff. 1. n. 11. (o) Ibid. Aff. 2. n. 11. (p) n. prox. superiore. (q) in Explic. Fig. 6. Epist. cit. (r) Obs. Anat. (s) l. 1. c. 5. (t) De Re Anat. l. 10. (u) Tab. Ocul. Human. (x) De corp. hum. struct. l. 2. (y) Synt. Anat. c. 15. (z) Anatom. l. 1. c. 4. (a) De Oculo P. 3. c. 6. (b) Vid. Sennert. Instit. Medic. l. 1. c. 12. (c) Advers. l. n. 26. in calce. (d) Ad Almanfor. tr. 1. c. 8. (e) Canon. l. 1. F. 3. tr. 1. c. 1. (f) cap. cit. (g) Hist. & Memoir. de l'Acad. R. des Sc. A. 1704. & 1710. (h) Memoir. de la même Acad. A. 1711. (i) Anthropogr. l. 4. c. 4.



eodem loco in quo *Renatum Cartesium*, retulit, *pupillam moveri voluntarie credidisse*, *ciliares fibrulas crystallino applicatas movere crystallinum, ejusque situm immutare*; ipse pariter hanc saltem de qua loquimur, membranam, docuit, *cum habeat fibras peculiares, motum quoque proprium obtinuisse, quo pupilla naturaliter quidem, coarctatur in luce splendida, dilatatur in obscura*. Riolo, atque Cartesio certa quadam ratione adjungi potest Veslingius (*k*), qui Iridem „ in circumferentia „ corneae firmiter oris durae membranae conjunctam, „ ait, Ligamentum illud constituere, quod Ciliare Austores vocant, a quo secundum latitudinem uveae „ versus prominentem crystallinum humorem, exiles „ veluti fibrae excurrunt, quae lineolas atras, ciliis sive „ pilis palpebrarum similes, adumbrant. Harum opera foraminis uveae contractionem, ac dilatationem, „ tum crystalli ipsius lenem versus anteriora, posterioraque motum fieri, vero, inquit, maxime consentit. „ Hanc tamen Veslingii sententiam quomodo Riolo (*l*) se non solum probare, sed etiam se primum id observasse, profiteri potuerit, haud satis video, quando alias (*m*) scripserat, in oculo bovis ebullito Iridem prorsus separatam inveniri: idque experimentum se docuisse, ambitum pupillae distinctam esse membranam ab Uvea, cum habeat fibras peculiares, & motum quoque proprium.

8. Sane hae duae de fibris pupillam moventibus Veslingii, & Rioli sententiae non minus discrepant inter se, quam prima, & secunda Cel. Ruyschii. Hic enim (*n*) a Ciliari Corpore moveri pupillam ita crediderat, ut quae fibrae in tergo Iridis conspiciuntur, illius Corporis processus existimaret, ejusdemque juga tanquam musculos, eas autem fibras tanquam tendines spectandas esse, suspicaretur. Verum postea (*o*) eo transiit, ut doceret, Corpus Ciliare non videri tale commercium habere cum iis fibris: multis quidem, ut ait, seculis pro certo fuisse habitum, ipsum ceu musculum esse; cui placito etiam ipse, praepudicio captus, calculum olim adiecisset; verum illum neque a se dimittere tendines, & eas fibras quas illius tendines credidisset, revera esse musculosas longitudinales, quarum tendines, aut fibrae tendinosae luculenter visuntur dispergi & finire in minori quodam circulo, posterius ad marginem pupillae sito: & has quidem ad pupillam dilatandam; praeterea vero ejusdem circuli minoris extremum constare sibi videri ex fibris motricibus circularibus, pupillam angustantibus; sed has non tam luculenter conspici posse, quin oculi mentis in subsidium sint vocandi. Et longitudinales quidem fibras; sed nimium crassas; & a Ciliari Corpore profectas, & per tergum Iridis ad extremum usque pupillae marginem perductas delineaverat Casserius (*p*), eodemque adduxerat Drelincurtius (*q*), qui minutos esse musculos, non dubitavit. Sed circulares istas, sive annulares non est cur apud illos quaeramus; cum subtilissima, siquis alius, in ejusmodi rebus indagandis arte instructus Ruyschius ad mentis oculos ipse confugere debuerit: & quamquam mox (*r*) dicere videatur, ipsas in quodam objecto apud se conspici; infra tamen (*s*) iterum diserte ait, se eum circulum minorem praeditum esse existimare fibris orbicularibus; non ostendere: itaque cum in quadam Figura (*t*), ope microscopii, naturali magnitudine multis numeris auctiore eas vix fuissent adumbratae; non omisit admonere (*u*), sculptorem ipsas justo distinctius representavisse; nam in objecto ipso non ita luculenter visi. Quod & ex eo intelligi licet, quod ab illo tempore nonnulli quidem eas memorarunt, sed qua ratione ostendi possint, nemo, quod sciam, docuit: imo solertissimus Anatomicus Meryus (*x*) semel, atque iterum, animadverti negavit, & Valsalva, ut supra (\*) vidimus, cum rectas in leporibus perspiceret, annulares invenit nullas.

9. Ego cum in vitrea lamella humanam Iridem extendissem, ejusque posteriorem faciem diligenter inspicere, lamellamque adversae luci, oculoque interponebam; ipsum pupillae foramen vidi tenui annulari Zonula, quasi limbo quodam, comprehensum, quam minorem illum esse Ruyschii circulum, non dubitavi. Nihil erat in tota ea facie quod aequae ac Zonula,

fusculum esset: quem colorem ubi abstergere, atque abluere conarer; vel magis id quod antea, percipere videbar, ad convexum Zonulae ambitum esse quasi nexum vasculorum, sive fibrillarum fuscarum, quae in radiorum fere modum undique illuc contendebant: neque enim passim deerant cum in proximo Ciliari Corpore, tum praesertim in hoc quod attentius inspiebam, Iridis tergo, quae inter se coeunt, & mox recedentes, fere ut sanguifera mesenterii vasa, crebras insulas effingerent. Cum has sive fibrillas, sive vascula non in eo tantum, sed & in comparari oculo ad eundem modum conspexissem; nulla usquam annularia filamenta potui animadvertere, et si utriusque pupillae Zonulam attentissime inspicere. Nec clarius se mihi in brutarum animantium oculis obtulere. Nam leporis primum Iridem, quae radiati floris coronam visa est aemulari, ex tot quasi petalis constans flavi obsoleti coloris, cum ad eundem modum vitro impositam, absterfamque a tergo inspicere; subalbidae quidem fibrae, ab ambitu pupillam versus tendentes, in conspectum venire, quae tamen, ne crystallo quidem nonnihil adjutis oculis, aut musculosae, aut ex vesiculis uspiam compositae sunt visae: caeterum ubi ad Zonulam haud ita angustam, qua pupilla cingitur, ventum est, neque fibras illas per Zonulam pergere, neque annulares ullas, aut quasquam alias sive distinctas, sive confusas, sed puram dumtaxat membranam conspexi. Sed & in aliis leporibus, in vulpe, in capella frustra his plura assequi in posteriore facie Iridis conatus sum. Spes erat adhuc aliquid proficiendi in ovibus, & praesertim in bobus, quorum oculos ob magnitudinem Fabricius (*y*), Casserius (*z*), Briggsius (*a*), aliique libenter secue, & in his Ruyschius ipse, qui insuper tum delineationibus (*b*), tum verbis (*c*) prodidit, in oculis humanis, & vitulinis, circa ante a se distansibilis discriminis intercedere, nisi quod in oculo vitulino omnia majora existant. Sed tamen antequam ad hujus dissectionem redirem, id certe discriminis intercedere, non poteram ignorare, quod omnibus, vel sine dissectione, boum, ovium, caprarum, & aliorum hujusmodi generum oculis insipientibus notum est, ut Corneam, sic Corneae respondentem pupillam elliptica forma esse, & quod consequitur, neque Iridem, ut in nobis, multisque aliis animantibus, esse annularem, neque pupillam annulari Zonula, seu minori circulo, ut Ruyschius loquitur, & in vitulo delineat (*d*), comprehendere.

10. Cave tamen credas, eandem animadversionem cadere in illum quoque Casserii Iconisimum (*e*), in quo bovis Cornea figura pingitur circulari. Intrinsecus enim, sive a posteriore facie ostenditur: a qua, non elliptica, ut extrinsecus, sed circuli formam habet. Haud scio, an res adhuc satis descripta fuerit; sed ego certe priusquam de ipsa aliquid ex Commentariis (*f*) Regiae Scientiarum Academiae Parisiensis intellexissem (nam Cl. Brissaei videre Tractatum nondum potui) in boum oculis, communibus Scleroticae, & Corneae perlustratis finibus, sic inveneram: opacam ibi illius substantiam, hujus pellucidae substantiae impositam, utramque autem sensim, quo magis progreditur, eo magis extenuatam, sic inter se committi, ut quantum exterius Sclerotica excrevit ad Corneam ellipticis oris contegendam, tantum interius producat Cornea ad Scleroticam circulari ambitu occupandam. Et quoniam huic circulo elliptica illa sic in transversum inscripta est, ut ejus tamen major axis neutra ex parte ad circuli ambitum perveniat; hinc fit ut intrinsecus aspicientibus pellucida Corneae substantia occurrat circumundique ellipticam cingens, quamvis multo latiore zona ab inferiore, praesertim autem, si recte memini ab superiore parte cingat, quam ab lateribus; non aliter ac si lunulae duae, cavo sinu altera alteri obversae, inter se cornibus committerentur. Fuerunt tamen & boves in quibus vix ullum discrimen inter supernam, infernamque partem lincuit animadvertere, item in quibus major axis elliptica illius ad circuli ambitum propemodum perveniebat.

(*k*) cap. cit. (*l*) Animadv. in eund. loc. Vesling. (*m*) Anthropogr. loc. cit. (*n*) Resp. ad Epist. Anat. 13.  
 (*o*) Theaur. Anat. 2. Aff. 1. n. 15. (*p*) Pentasth. 1. 5. Tab. 5. Fig. 9. (*q*) Vid. in Biblioth. Anat. P. 3. (*r*) Theaur. cit. Aff. 2. n. 7.  
 (*s*) Aff. 4. n. 11. (*t*) Ibid. Tab. 1. Fig. 5. (*u*) in Explic. ejusd. Fig. (*x*) Mem. cit. A. 1704. & 1710. (\*) n. 4.  
 (*y*) De Oculo Fig. 14. 24. & seqq. 32. & seqq. (*z*) Tab. cit. Fig. 11. & seqq. 28. & seqq. (*a*) Ophthalmogr. c. 8. & c.  
 (*b*) Theaur. 2. cit. Tab. 1. in qua confer Fig. 4. & 5. cum 7. (*c*) Ibid. Aff. 1. num. 15. (*d*) Tab. cit. Fig. 7.  
 (*e*) Tab. cit. Fig. 14. (*f*) A. 1713. & 1718.



niebat. Quæ postquam omnia adnotavi; non difficile plerunque fuit in homine, multoque minus in cane, aliisque ejusmodi animantibus paulo majorem internum, quam externum, Corneæ ambitum deprehendere. Ad illum præterea in homine utique nonnihil Sclerotica introrsum prominet, quod vel unguis affricus manifestat. Sed levia hæc, & tenuis annuli imaginem referentia; quippe exigua, & undique fere æquali Sclerotica parte se se Corneæ imponente, non majuscula aliqua, nec infernam potissimum, supernamque oram lunulæ instar occupante, quemadmodum in bobus fieri, indicatum est. Neque aliter atque in bobus, rem se in ovibus habere, vidi, nisi quod in his ellypsis illius major axis utroque in latere circuli oram attingebat. Hæc igitur si ipse animo conceperis; facilius intelliges cum alia fortassis, tum illud potissimum, qui fiat, ut in bobus, ovibusque tametsi exterior Corneæ facies, ipsumque pupillæ foramen ellyptica sint forma; Choroidis tamen extremæ nexus, & convexa Iridis ora circuli ambitum imitentur. Ad ipsos enim Scleroticæ, & Corneæ fines internos, & quod consequitur, circulares, annectuntur. Itaque aliquanto majori spatio tum extendit se Iridis facies, tum Aqueum humorem inter se, & Corneam habet interfluentem, majori, inquam, spatio quam ellypticus hujus exterior ambitus a primo videtur indicare. Cumque eundem circularis figuræ ambitum etiam in his animalibus vel posterior Iridis facies fervet; necesse est, ut rectarum fibrarum, quæ confertæ per eam faciem conspiciuntur, ab eo ambitu pupillam versus contendentes, multo longiores sint illæ quæ superne, aut inferne, quam quæ ab lateribus feruntur. Illinc enim amplius, quam hinc, ad ellypticum transversum foramen spatium est, eoque amplius, si, quod in capella præsertim animadvertere visus sum, ad occludendam pupillam supernus, infernusque hujus limbi non modo eo adduci possunt, ut inter se contingant, sed ut alter alteri anteponatur. Verum quæ fibræ sua contractione præstare id possent, ne in his quidem, uti ob magnitudinem sperabam, ovillis, bubulisque oculis deprehendi. Nam etsi, absterfa nigredine, rectas illas de quibus dictum est, fibras præclare vidi ex cinereo albicantes, non modo ad zonulam usque perductas, quæ ellyptico fere ambitu pupillam circumibat, sed per hanc quoque zonulam ad aliquem tractum (neque enim angusta est) tenuiores quidem factas, sed eodem ductu pergentes; tamen nullum præterea curvum, aut transversum videre usquam potui filamentum; quamvis neque macerationis, neque microscopii adjumenta negligerem.

11. Cum ergo neque his multiplicibus perquisitionibus alias quam olim, fibras perspicere, nec, quod consequitur, aliud quam olim, de Iridis motibus sentire possem; eo magis dum easdem instituerem, naturam, utilitatemque Ciliaris Corporis inquirere conatus sum, quod Cel. Ruyschius (g), cum ipsum negavit esse musculum, aut Iridem, humoremque Crystallinum movere; cuius esset naturæ, aut quam præstaret utilitatem, reticuit. Ter hoc Ciliare Corpus in sua sede pinxit Eustachius (h), bis in quatuor partes sectum; integrum semel. In eadem integrum bis quoque delineavit Casserius (i). Hunc primum omnium, quos ego viderim, in utraque Figura ostendisse animadverto, oblonga corpuscula, ex quibus in radorum modum circumcirca dispositis illud compactum est Corpus, ad convexum ambitum tenuiora, ad cavum autem crassiora esse, ut duo quodammodo annuli componantur, amplior & nigrior ex plurimis & tenuioribus radiis, minor idemque minus niger ex paucioribus, sed crassioribus, in quorum singulos sæpe bini tenuiorum videantur coalescere, ut vicissim crassiores singuli ad alterum extremum quod ad cavum Ciliaris Corporis ambitum est, fere in plures diduci videntur, & hi denique, ut altera Figurarum (k) monstrat, iterum in alios crassiusculos convenientes, per Iridis tergum produci. Quarum rerum omnium cum Auctor nullam non modo descripsisset, verum ne indicasset quidem; non ante illas animadverti,

quam omnes, si ultimam excipias, in bovillis oculis ipse adnotassem. Eos ego omnes radios haud numeravi: quod videtur fecisse Jo. Bapt. Verle (l) octoginta cum fibras, tum semifibras hic memorans, exteriores albas, interiores negras. Verum ut de numero nihil statuo; sic de colore, quanquam in hominibus per humorem Vitreum transpiciendo, radios per intervalla distinctos vidi, qui inter nigredinem cæteram albicarent; in bobus certe affirmare possum, eandem faciem a qua hæc observabam, interiorē, hoc est posteriorem, fuscā revera fuisse; qua superficie ablata, radorum omnium substantia eandem prorsus speciem tum colore ex cinereo albicante, tum substantiæ modo præbebat, quam vicinæ illæ quas in tergo Iridis descripsi (m), & quas Ruyschius (n) musculosas esse, fatebatur, rectæ fibræ, ubi nigredo harum pariter absterfa esset.

12. Hic quæres fortasse, unde ista nigredo, & num ad eundem abstergatur modum in cunctis animantibus tum in Uvea, tum in reliqua Choroidē? Fabricius ab Aquapendente (o) nigrum Uveæ, & Choroidis colorem non modo tingere, ait, si tangas, & inquinare; sed etiam, si abluatur, nigritiem fere omnem aboleri, & membranam, cui inhaeret, albam evadere. Mox tamen, ne diaphanæ, puræque tunicæ, aut humores inficerentur; totam Choroidem hac parte tantum tingere, ait, quæ Scleroticæ contigua est; Uveam vero neutrobique, cum interna facie aqueum humorem, externa vero Corneam respiciat, contingatque. Utinam seres ad hunc modum haberet; proclive esset intelligere, qui fiat, ut cum Iris externa, internaque facie humorem Aqueum contingat, in eoque tam crebro agitur, & moveatur, ipsum tamen nigro quo interiore saltem facie tincta est, colore non inficiat. Verum hunc vix in cane, & vulpe accidit, ut facile abstergere non possem; in homine certe, in leporibus, in bobus, in ovibus, in capra facillime detergi. Contra in eadem capra frustra a Choroidē abradere, non modo digitis abstergere, conatus sum: frustra quoque in aliis, & nominatim in bobus, ovibusque, tres fere dies in aqua maceravi; nigredo non iis tantum in locis quæ interius, sed in exteriorē quoque facie quam totam obtinet, pertinacissime inhæsit: ut facile crediturus fuissē Præstantissimis Viris, nigram materiam non extrinsecus insidere Choroidi, sed laminæ exteriori subjectam, per hanc translucere; nisi Scleroticæ internam faciem in dissectionibus videre consueffem nigro passim humore infectam, digitos, si abstergas, tingente. Quem si forte illuc exire dicas per quædam lacerata Choroidis loca; non satis intelligo, cur per eadem, adjuvante præsertim maceratione, exire non pergat. Sed tamen, cum magis illustrata res fuerit, libentius poterō Viris Cl. assentiri; ut libenter assentior Solertissimo Petito admonenti (p), quam in Choroidē humana, ne ab usitato inter Anatomicos loquendi more discedamus, nigredinem dicimus, eam revera colorem esse aut fuscum, aut minus minusque ad fuscum vergentem sic, ut cineraceus, & denique albidus fiat. Nam etsi antea non satis attendi, an quo magis increfcit ætas, eo magis ille dilutus sit; nunquam tamen vidisse memini prorsus nigrum, at sæpius ad eum quem tabaci vocant, accedentem, interdum cineraceum, nonnunquam hoc magis albescentem, ut hanc quoque existimarem ad cæteras causas addi posse curalii aliis magis, aut minus acie polleant, seu magis minusve distincte videant, si eæ quidem nigredinis in Choroidē sunt utilitates quæ a plerisque proponuntur. Sed hæc tu melius.

13. A Ciliaris autem Corporis, de quo dicere institueram, posteriore facie nonnunquam in homine accidit ut nigredinem abstergere non possem, quam facile in majoribus certe bestiarum oculis abraferam. An vero nihil nisi atrum id pigmentum abradatur, aut nihil item, nisi ipsum adhærens anteriori faciei humoris Vitrei relinqui soleat, dum hic a Corpore illo sejungitur; etsi plures, ut supra (q) vidimus, hoc affirmant; ipse tamen vehementer dubito, non quod aliquando id accidere non possit, sed quod sæpe mihi visus sum longe aliter invenire. Quin etiam interdum

(g) Theaur. Anat. 2. Aff. 1. n. 15. (h) Tab. Anat. 40. Fig. 9. 11. & 6. (i) Tab. cit. Fig. 7. & 9. (k) Fig. 9. cit.  
(l) De Anat. Artif. Oculi. Vid. & Fig. 10. & 13. (m) n. 10. (n) loc. cit. (o) De Oculo P. 3. c. 6.  
(p) Memoir. de l'Acad. R. des Sc. A. 1726. (q) n. 5.



dum accidit, idque in homine, ut depositum cum Vitreo humorem CrySTALLINUM elegantissima coronâ, quasi radiati floris discum, æqualibus omnibus, & confimillimis oblongis petalis circumcirca ornatum conspexerim, non arcto quodam circulo, nec *confusore*, neque *ex striis magis inæqualibus constante*. Sed & in capella, non temere hic illic relictum leve pigmentum, verum certas, & prominentes strias affixas CrySTALLINO humori vidisse memini. Hæc cum postremo diligentius inquirerem in bubulis, ovillisque oculis, adjutus crystallo, non ea modo qua plerunque uti solitus sum, quæ modice, sed & alia, quæ multum objecta augebat, conspexi inter rectas tenuiores lineas quæ radiorum instar ferebantur, interjectas alias pariter pullas, quæ creberrimis flexibus, instar capreolorum vitis cincinnatæ, eodem quò illæ, ab ambitu CrySTALLINUM versus humorem pergebant. Fragmentane essent, ut quibusdam in locis videbantur, proxima potius, quam continua, an serpentina, ut alibi videbantur, vascula ejus forte generis cujus Stenonius (r) in Choroide *vorticosa* appellabat, an fibræ demum eum in modum inflexæ, ex iis quæ mihi videre licuit, non ausim pro certo constituere.

14. Cæterum unde hæc avulsa fuerant, ibi Ciliare Corpus non alia ejuscemodi vascula, nec quod figuræ eorum responderet, sed substantiam illam ostendebat suam, de qua supra (f) dictum est, ex cinereo, albicantem: qualem in capella quoque, in lepore, in aliisque spectavi ejusmodi generis animantibus; nam & genera sunt, ut ex piscibus, quorum ne Ciliares quidem expansiones satis memini inter disseccandum vidisse. Verum iis missis quæ satis non memini; ad ea certe de quibus dictum est, illud attinet quod in novimestri humano fœtu animadverti. Avulsa enim cum Vitreo humore nigra illa Ciliaris Corporis superficie, radii quos in memoratis animantibus ex cinereo albicantes conspexeram, ibi coloris carnei esse, vidi; diluti, quidem, & fere albidj, sed carnei tamen. Cæterum illius origo substantiæ e cinereo albescentis, ex qua Corpus Ciliare constat, in Choroide ipsa est non ita parvo a Corneæ ambitu intervallo, ad quem dumtaxat firmus ille nexus invenitur, qui a pluribus, ut antea (t) diximus, Ciliare vocatur Ligamentum, sive ibi Iris tantum, & Choroides, sive etiam, utrique annexum, Ciliare Corpus peculiari (quam non video) adhæsiōne alligetur. Distans illa ab hoc nexu origo cum in humanis, caninis, aliisque oculis, tum maxime in bubulis, ovillisque conspicua est. In his enim si interiorem Choroidis faciem, dempto oculi fundo, in sua sede inspicias; facile videas, quanto intervallo absint a Cornea illorum quæ supra (u) descripsimus, tenuium corpusculorum, radios imitantium, initia: maceratione autem adhibita, eo magis distare, sive retrorsum magis extendi, conspicias. Dum hæc ipse spectarem; animadverti, unum tamen esse oculorum, quoscunque tunc aperueram, latus, idque, ut in nonnullis postea cognovi, internum, in quo ejusmodi tenues radii desiderarentur. Hinc, opinor, fuit, ut Ciliare Corpus in ejuscemodi oculis, vitulinis putâ, angustius ab una parte delinearet Ruyschius (x), alter autem non minus diligens Professor Winslowius (y) universe docuerit, eandem inæqualitatem latitudinis pariter sibi visam esse in eo quod appellatur vulgo Ligamentum Ciliare, quam & in Iride sæpissime a parte nasi animadverterat. Quæ observatio ad memoriam mihi revocavit quædam, olim scripta a Constantio Varolio (z), nimirum membranam, *crystallinum globulum continentem, magis ad internum oculi angulum, quam ad externum accedere*: tum ei globulo pupillam, & corneam ea ratione anteponi, ut illis, & crystallino sit eadem linea concentrica.

15. Verum ut ad Ciliare Corpus redeam, in bubulis, ovillisque oculis spectatum, etsi ab interno latere tenuiores radii defunt; crassiores tamen, sive tertia illa corpuscula non defunt, quæ partem illius Corporis magis extantem, & humori CrySTALLINO propiorem componunt. Ad quem dum undique accedunt, jam Iridis limbo, se ad Corneæ ambitum alliganti, sic a tergo sunt annexa, ut videri possint,

non in CrySTALLINI humoris tunicam se inferere, sed potius in rectas illas fibras quas per faciem Iridis posteriorem descripsimus (a), se ipsa producere, CrySTALLINUM autem sibi a tergo habere tantummodo adhærentem, aut tenuissimum dumtaxat suarum fibrarum stratum superficiem ipsam posticam tenentium, in anteriorem CrySTALLINI oram immittere, cum reliqua pars potissima singulorum corpusculorum pergat porro, & per faciem Iridis posteriorem se propaget. Quæ etsi in caprinis etiam, aliisque oculis aliquando mihi visus sum ad hunc modum vidisse; tamen ovillos, bubulosque diligentius scrutando, aliter se rem habere, conspexi. Nam leniter disjuncto, amotoque humore CrySTALLINO, animadverti, proxima universorum corpusculorum extrema sic prominere extra faciem Iridis posteriorem, ut ipsa quidem ibi potius subsistere, quam pergere pupillam versus posse, appareret. Hoc illud est quod Cel. Ruyschius (b) scripserat: *Corporis Ciliaris extremum margine crispo recedere a tergo Iridis, & sic non videri tale commercium habere cum ipso, uti voluere Antistites*. Quod & evidentius perspexi postea. Cum enim sic apertos inspectosque oculos tunc in aquam coniecissem, ex eaque postridie exemptos rursus inspicere cœpissem; omnia illa corpusculorum extrema adeo ab Iride divisa conspexi, ut sine laceratione ulla attingi, & retrorsum possent revolvi non ipsa modo, sed pars quoque ipsis proxima corpusculorum, & in crassiusculæ corollæ formam disponi. Hoc dum fieret, per eam pariter quæ tum retegebatur, posterioris Iridis faciei partem, eadem illæ quæ per reliquam, rectæ fibræ, nusquam abrupto cursu, nusquam læsa superficie pergere cernebantur, ut palam esset, nisi ab ulteriore corpusculorum parte orirentur, ab extremis certe, aut his proxima eorum parte non oriri.

16. Noli tamen credere, tantam Corporis Ciliaris partem per se, atque adeo in viventibus ab Iride esse disjunctam. Sic enim habeto, dedisse me operam, dum humorem CrySTALLINUM ab illo Corpore sejungerem, ut eum leniter sensimque retrorsum trahendo, perspicerem, quanto intervallo, quantaque parte Ciliare Corpus esset ab Iride per se divisum: invenisse autem semper, vix parum, & ipsis dumtaxat tenuibus brevissimisque suorum corpusculorum extremis. Hæc enim circumcirca in oram humoris CrySTALLINI, sive hujus tunicæ, anteriorem se inferunt; ut si musculosa corpuscula sint, hæc tunica, quam sane *processum τῆς χοριοειδὸς* Casp. Hoffmannus (c) crediderat, pro ipsorum tendinea expansione haberi ex parte queat, sicut a me alibi (d) propositum est. Sunt autem nonnulli Cl. Viri, quibus tametsi hæc ponantur, eorum tamen corpusculorum vires non videantur esse ejusmodi, ut resistentem compressioni humorem CrySTALLINUM possint, contendendo ejus tunicam, complanare, imo ob corpusculorum obliquum ab anterioribus ad posteriora incessum videantur aptiores ad eundem humorem antrorsum, si fieri id posset, ducendum. Qui quoniam nobis spem faciunt, se fusius hæc esse tractaturos; simul speramus, fore, ut præclare, quod sane solent, edoceant, illas infirmas adeo esse vires, ut CrySTALLINI extremam partem, quam & molliorem, & humore quodam perfusam nobiscum agnoscunt, ne leviter quidem comprimendo sint pares. Nam quod ob illum corpusculorum incessum, ab aliis etiam quibusdam propositum (e), sic tamen a nobis nec luculenter, nec certe constanter inventum, potius ducere antrorsum valeant; id vero cum in medio a nobis relictum fuit (f), tum vel ipsi fieri posse, dubitant, & vires tamen non infirmissimas requirit. Et hi quidem in Ciliari Corpore non tantum vascula, sed & fibras ponunt quæ per CrySTALLINI humoris tunicam producantur. Sunt autem alii qui vascula tantummodo agnoscant. Sunt denique, ut supra (g) memoratum est, qui præter atrum illud pigmentum, ad CrySTALLINUM pertingere nihil, credant. Quibuscum si facias, aut si nigram dumtaxat lamellam qua Ciliare Corpus a tergo obtegatur, humori CrySTALLINO adhærere, censeas; tum videndum tibi est, cui igitur bono tot illius corpuscula sint facta? item ubi is humor se junctus est, cur intima, hoc est ex cinereo albicantia eorum extre-

(r) Canis Canthar. dissect. cap. (f) n. 11. (s) n. 6. (u) n. 11. (x) Theaur. Anat. 2. Tab. 1. Fig. 7.

(y) Memoir. de l'Acad. R. des Sc. A. 1721. (z) Anat. 1. 1. c. 4. (a) n. 10. (b) Theaur. cit. Aff. 1. n. 15.

(c) Apolog. pro Galeno l. 2. Sect. 4. c. 232. (d) Adversar. Anat. VI. Animag. 70. (e) Vid. infra, n. 18. (f) Anatom. cit. (g) n. 5.



extrema cernantur divulsa? postremo quæ tum fiat, ut Ciliare Corpus suam versus originem ita se contrahat, ut cavus ejus ambitus multo apparere soleat major, quam modo esset cum CrySTALLINUM complectebatur? Verum si horum aliqua distractioni, & laxitati, proximorum nexuum dissolutionem consequenti, malis tribuere, si, quod veri fortasse similis est, sic universa intelligere, ut ad musculosam, tendineamque Ciliaris Corporis naturam referas; illud quod supra indicabam, pro certo ponito, nunquam mihi, id sapius quærenti, Ciliare Corpus ita ab Iride disjunctum per se occurrisset, ut, quemadmodum plerique Anatomici pinxerunt, & pingunt, oblongum aliquod inter hanc, illudque esset, in transversum aut aliter positum, intervallum quod Aqueo humore compleretur.

17. Sed quoniam ad hunc locum ventum est; nonnulla simul de Aqueo, cæterisque humoribus, simul de tunicis ad hos attinentibus subijciam priusquam de tunica, omnium oculi nobilissima, Retina verba faciam. Riolanus (b) animadvertit, vetustissimos Auctores Hippocratem, atque Aristotelem mentionem fecisse unius humoris pellucidi, intelligentes, ut credit, CrySTALLINUM: qui post eos, secuti sunt, ut JULIUM POLLUCEM, & RUFFUM EPHESUM, dumtaxat meminisse CrySTALLINI, & Vitrei humoris. Tres humores proposuisse Galenum, qui tertium Aqueum ipse adjecit, id est in propria, ut ego quidem opinor, sede, quando in veteri libello de Anatomia Oculorum, qui inter spurios extat Galeni libros, Aesclepiades laudatur, qui humore aqueo, docuerit, repleti intermedium spatium humoris vitrei, & retinæ tunice. Utcunque id est; Cornelius quoque Celsus (i) cum Vitreum, & CrySTALLINUM memorasset, Aqueum non tantum omiserat, sed & eum in quo est, locum vacuum esse, docuerat. Eorum autem qui plenum esse ejusmodi humoris, non ignorarunt, plerique olim, mirum quantum extenderunt. Nam ut reticeam quod tradidit Riolanus (k), non tantum CrySTALLINO humori objectum esse Aqueum, verum etiam Vitreo circumfusum: ---- idque manifeste cognosci, si oculum parte postica secueris, intacta, ut alibi (l) admonet, choroide tunica (quod minime attendit Thomas Bartholinus (m), alioquin ex vulnere tunice Vitreæ non deducturus) videbis enim, inquit, humorem Aqueum effluere, ac si antea oculus secaretur: utque etiam sileam quod postea scripsit Joannes Bapt. Verle (n), puncta Choroide vel prope nervum Opticum, emanare humorem Aqueum; ex illis certe qui ante Vitreum dumtaxat, Aqueum humorem collocarunt, Vesalius (o) ut CrySTALLINUM in oculi centro statuebat, ita quantum loci demebat Vitreo, tantum Aqueo adjiciebat; ut parem utriusque horum copiam agnosceret. Idemque plures, Vesalius secuti, docuerunt: Stephanus autem (p) Aqueum cæteros in oculo humores quantitate excedere, affirmavit. Suum tamen Vesalius quidem (q) errorem est fassus, siue Columbi (r), & Valverdi (s) apertis reprehensionibus, siue suis etiam novis observationibus permotus. Sed non propterea quod ipse agnovit, nullam Vitrei cum Aqueo esse proportionem, nec quod Columbus (t) hunc paucum admodum esse, Valverdius autem (u) oculo mortui hominis resecato, haud plures, ait, quam sex, septemve aquæ guttas profluere; continuo satis errores omnes sublatis sunt. Nam & Iconismus oculi ab anteriore in posteriorem partem bifariam secti, quem pro Vesaliano Valverdius (x) substituit, multo minus quidem, sed nimium tamen loci humori Aqueo relinquebat, & Columbus (y) ex quatuor oculi partibus tres occupare Vitreum, affirmabat. Hoc clari Anatomici, & in his Varolius (z), probabant. Et quanquam Arantius (a) demum scripserat, Aqueum vix decimam oculi circumferentiae partem explere, atque eam tantummodo, quæ Corneæ fines non excedit; in contrarium iterum usque adeo cucurrit Julius Casserius (b), ut a Vitreo CrySTALLINUM quadruplo, Aqueum duplo fere superari, censuerit. Sed nemini fortasse difficilius ignoscas, quam ejus præceptori, Fabricio. Qui, cum cæteri ex conjectura, &

æstimatione aut scripsisset, aut ejusmodi humorum oculi, & eorum sedum Icones proposuisset videantur, primus ipse, quod sciam, Anatomicorum, ex oculo gelu durato (neque enim aliter potuisset) curavit exactissima diligentia ---- magnitudinem totius, ac singulorum partium, necnon earundem situs, & figuras describi, & loca quæ eorum centra obtinent, inveniri, & omnia in ---- tabella (c) delineari: itaque cum qualem antea nemo, Figuram humani oculi descriptam haberet; tamen propendere CrySTALLINUM, putavit, usque adeo paulo in anteriorem magis, quam in posteriorem partem, ut facile positionem æqualem inter utramque judicari posset, censuerit (d): itemque scripsit (e), a Vitreo magnitudine fere quadruplo CrySTALLINUM superari. Verum multo minor his verbis habenda est fides, quam memoratæ laudatæque Figuræ: quam noli mirari quod descriptam esse, existimem, ex oculo glacie concreto. Neque enim inter Anatomicos sic recens est, ut plures hoc tempore crediderunt, ea ratio omnes oculorum humores facile indurandi. Nam etsi quod indicare videtur Briggsius (f) in more eam fuisse Cartesio, ubi designatum hujus locum (g) inspicias, in votis potius, quam in more fuisse, intelligis; at certe in hoc Theatro diu est cum Decessores nostri usi sunt ad eam rem non tantum prægelido hyberno aere, sed & comminuta glacie, cum sale mista, ut qualibet tempestate præstare id possent. Anno autem 1653. diserte exposuit Michael Lyserus (h) rationem illam primam humores omnes oculi in suo situ & naturali figura inspiciendi, videlicet si hyemali tempore, dum gelu omnia rigent, oculus corpore extractus libero ac frigido aeri exponatur, quod humores a frigore constringantur, & in glaciem vertantur. Oculum, inquit, ita rigidum in binas æquales partes scalpello dividitur, ac hic potissimum contueri poteris humorem aqueum, qui alioquin sclerotica dissecta diffuit. Utramlibet, aut siquam aliam mavis, rationem secutus Fabricius in binas æquales partes, oculi omnes tunicas, humoresque diviserat, eamque Figuram paraverat: quam cum a posteris fere neglectam mirarer; hæc tandem ætate extiterunt alii qui multis nominibus reprehenderent, & vicissim alii qui proxime ad verum accedere, faterentur. Ego nullam quidem antequam hæc ederetur, & diu postquam edita est, parem ipsi Figuram invenio, nec aliquam, nisi postremo hoc tempore, meliorem. Attamen si quædam in illa paulo diligentius essent repræsentata, quædam, Irisque præsertim, paulo amplius expressa; nihil aliis, nihil mihi ipsi laboris relictum erat, cum petente Anatomico Præstantissimo, Heistero (i) humanum iterum oculum delineandum curavi.

18. Cum enim ob nuperas de Suffusionis sede, & natura controversias, Chirurghi quærent, quanta esset anterior, quanta posterior humoris Aquei Camera (sic enim vocabulo olim, ut puta a Platero (k), & Molinetto (l), ad omne fere oculi cavum significandum usurpato, appellitant modo interstitia duo, quorum alterum inter Corneam, & Iridem, alterum inter hanc, & CrySTALLINUM, annexique Ciliaris Corporis limbum intercedit) non erat sane, propter illas de quibus supra (m) dictum est, causas, quod veterum Professorum Figuris staretur. Nam Valverdius (n) vides, Platerum (o), Bauhinum (p), & qui præ ipsis alioquin humorem Vitreum ad anteriora produxit, Bucretium (q), atque his multo magis Vesalius (r), Vidium (s), & Salomonem Albertum (t) incredibilem posteriori Camerae amplitudinem assignasse usque adeo ut Ciliare Corpus, quod nos quidem cum tergo Iridis cohærens pene ad humorem usque CrySTALLINUM invenire soliti sumus, inter se, illamque magnum ad suam usque originem spatium comprehendat, & sic præcipuam, sed omnino a vero alienam, ejus Camerae amplitudinem faciat. Porro non Vesalius tantum, sed & eorum plerique Anatomicorum planum Ciliare Corpus, planam Iri-

(b) Anthropogr. l. 4. c. 4. (i) De Medicina l. 7. c. 7. n. 13. (k) cap. cit. (l) Animad. in Vesling. pag. 203.  
 (m) Anat. quart. renov. l. 3. c. 8. (n) Anat. artific. Ocul. (o) De corp. hum. fabr. l. 7. c. 14. Fig. 1.  
 (p) De dissect. part. corp. hum. l. 3. c. 12. (q) Exam. Obser. Fallopp. (r) De Re Anat. l. 10. (s) Anat. corp. hum. l. 5. c. xi.  
 (t) l. cit. (u) cap. cit. (x) Ibid. Tab. 3. Fig. 1. (y) l. cit. (z) Anat. l. 1. c. 4. (a) Anat. Obs. c. 20.  
 (b) Pentasth. l. 5. Sect. 1. c. 33. (c) De Oculo P. 3. c. 8. (d) Ibid. P. 1. c. 8. (e) c. 9. (f) Ophthalmogr. c. 8.  
 (g) Dioptric. c. 3. (h) Cultr. Anat. l. 3. c. 8. (i) Vid. Compend. Anatom. Not. 51. & Tab. 4. Fig. 19.  
 (k) De corp. hum. struct. l. 2. (l) Diss. Anat. l. 4. c. 3. (m) n. super. (n) Fig. cit. (o) Oper. cit. l. 3. Tab. 49. Fig. 1.  
 (p) Theatr. Anat. l. 3. Tab. 22. Fig. 1. (q) Ad Spigel. l. 10. Tab. 12. Fig. 1. (r) Fig. cit. 1.  
 (s) De Anat. corp. hum. Tab. 78. Fig. 20. (t) Hist. plerarumq. part. corp. hum.



Iridem, five in transversum ductam pinxerunt. Neque unus Vesalius (u) diserte planam superficiem Iridi, & Ciliari quoque Corpori planam duntaxat tribuit superficies, non autem concavas, aut convexas; sed Cointerius etiam (x), ac Vidius (y) diserte pariter tribuerunt. Diserte quoque tribuit Fuchsius (z) Iridi quidem: ut Molinettus (a) in suo Iconismo evidenter Ciliari Corpori; nam Iridem exterius convexam, interiorius concavam delineavit, qualem & antea, si accurate inspicias, apud Stephanum Riverium (b), & certe postea in bruto animante Briggsius (c) proposuerunt. Hi Ciliare tamen Corpus, quod Albertus (d) pinxit antrorsum convexum, oblique retrorsum ductum representarunt: quem alii positum tribuerunt Iridi, ut Varolius (e), ad posteriora reflexam describens, a totaque Cornea recedentem, versus Crystallinum inclinantem; ut ille idem Albertus (f), qui antea concavam delineavit. Neutrum in hoc Iridis situ quisquam, quod sciam, eorum secutus est Illustrium Doctorum quidam oculo quidquam ætate nostra, & his præsertim postremis lustris, scripserunt, cum eorum alii, ut Winslovius (g) antrorsum convexam, alii, ut Petitus (h), in quadrupedibus quidem animantibus antrorsum convexam, at in hominibus planam, statuerint. Hic etiam (i) cum aliis in rebus, tum in singulorum humorum iusta copia dimetienda, & quod consequitur, in Vitrei, præsertim in homine, longe supra quam vulgo olim credebatur, augenda, Aquei autem minuenda, solertiæ, ac diligentia suæ specimen præbuit luculentissimum. Uterque autem cum Iridem antrorsum convexam ita uti diximus, agnoverint; ab eorum tamen a quibus sic pictam commemoravimus, Molinetti, & Briggsii delineationibus longe abjerunt tum in eo ut Camera Aquei posteriorem, non majorem, ut illi, sed multo minorem, ut Vir Cl. Heisterus (k), & ego, quam sit anterior, faterentur, tum in eo quoque ut minimam in Iride ponerent convexitatem, quod alterius cogitata, alterius Figuræ factis commonstrant. Unus est Veterum Riverius ille (l), quem supra laudavimus, qui simul Iridem vix leviter convexam, simul minorem, aut angustiore certe præ antica posteriorem Camera delineaverit, quamvis non tanto, quanto nobis visa est. Num vero ullam Columbus (m), & Valverdu (n) in posteriore Camera, Aquei humoris portionem agnoverint, ex eorum verbis existimato. Aqueum, inquit ille, humorem natura anteriore in parte locavit inter membranam uveam, ubi duplex & inversa redditur, corneamque; Ciliare autem Corpus ipse quidem ad Uveam non referebat. Neque aliud quam hoc intervallum, quod humore Aqueo oppleatur, a Valverde designatum videbis. Sed Galenus certe etsi ab Uvea humorem crystallinum contingi, & vicissim ab hoc tangi uveam, & hanc mollem esse, docuit (o), ne contactu suo humorem crystallinum afflicteret; idem tamen inter crystallinum humorem & tunicam uveam humiditatem quandam tenuem contineri, perhibuit (p), hoc est Aqueum humorem, quem paucis ante versibus (\*) crystallino circumfusum descripserat; ut constet, posteriorem Camera novisse, eamque adeo angustam, ut subinde, puta in Iridis motibus, ab hujus tergo humorem Crystallinum attingi, non dubitaret.

19. Mihi quid in oculo humano, gelu indurato, videre contigerit, Figura monstrat, quantumvis confestim, & in iis quæ minus ad res istas attinent, ut fit, non æque diligenter parata, quam benigne edidit Vir mihi amicissimus Heisterus (q), hoc addens (r), oculum quoque a se in Theatro demonstratum cum ea optime convenisse; idque & postea sibi, multisque aliis semper feliciter successisse. In bovillis etiam oculis, quos pariter congelatos, ob magnitudinem sæpius inspexi, exiguum semper, atque adeo vix ullam posteriorem Camera deprehendi; tametsi varium Iridis, Corporisque Ciliaris positum animadverti. Nam utrumque conveni aliquando antrorsum convexum, idque eviden-

tissime; alias in transversum ita locatum, ut neutrum aut antrorsum vergere, aut retrorsum videretur; nonnunquam Iridem transversam Ciliare autem Corpus retrorsum inclinatum, illa videlicet quam hic potissimum attendebam, parte, quam cum Crystallino humore committit, tunc autem habebat (id quod in illis aliis sitibus vel quod non sic esset, vel quod sic minus appareret, certe non videram) ab eodem Crystallino humore omnino solutam. Itaque etsi nonnulla intra oculum mutari vi congelationis, agnoscam, idque ex Iconibus præsertim laudati Medici Petiti (s) cum ea quam supra (t) descripsi, Iridis, & Ciliaris Corporis naturali cohæsiōe a me comparatis, in parte autem ex iis etiam quas modo memoravi, inter se collatis varietatibus intelligam; tamen constans vel in his ipsis varietatibus a me semper inventa parvitas Cameræ posterioris eo potius adducit, ut cum eodem Cl. Viro censeam, quamvis ea ratione, certa omnino, & definita constitui hujus Cameræ dimensio non possit, ipsam tamen multo quam anterior, minorem esse.

20. Hæc de humore Aqueo. Crystallinus autem, & Vitreus noti quidem ipsi, quemadmodum supra (u) dictum est, a vetustioribus usque temporibus; sed diu tamen de illis quædam aut tacita, aut dubia apud Anatomicos fuere: quorum hic pauca memorabimus. Nam Crystallinum non spheram esse absolutam & undique æquabilem (x), imo esse globo leniter compresso similem (y), Galenus docuit. Sed non propterea plus docuit, quam Ruffus Ephesus (z) indicaverat, cum hujus humoris tunicam, quæ antiquitus nomine caruebat, a posteris Lenticularem ob figuram, scripsit, esse cognominatam. Neque Casserius (a) quod putat, ostendit, Galenum tradidisse, hanc figuram esse anteriore facie paulisper planam. Hæc enim verba in libro, quem laudat, de Oculi Dissectione nusquam invenimus: & quamvis invenissemus; is tamen liber inter Spuriōs refertur non secus ac alter qui de Anatomia Vivorum inscribitur, in quo ipsi quidem hæc reperimus (b), Crystallinum humorem in posteriori parte sphericam habere formam, in anteriori aliquantulum planam. Nisi igitur Galenum velis ibi satis perspicue id docuisse, ubi (c) medium vehi in ipso Vitreo Crystallinum, scripsit, quasi semisectam quampiam spheram in aqua; quo tamen ex loco videtur Stephanus (d) deduxisse, externa parte esse rotundum, qua vero Vitreo innatat, planum; profecto relinquitur, ut quam faciem minus convexam Crystallinus revera habeat, primum inter certos Rei Anatomicæ Auctores, dicamus, Theophilum (e) tradidisse, cujus hæc sunt verba: rotunda est autem Crystallini humoris figura, a globo deficiens; ejus enim prior pars instar lentis compressa est. Quod cum alii quoque iterassent, & nominatim illustri Scriptor Fernelius (f); mirum quidem est, mox Vesaliū (g) æqualem ab utraque facie convexitatem proposuisse; verum magis est mirum, a Columbo (h), & Falloppio (i) admonitum, retinuisse (k). Riverium autem illum (l) qui per paucis a Fernelii editione annis in eadem Parisiensi Urbe Anatomicos Iconismos vulgavit, undenam monstrum illud cuspidati Crystallini hausisse, credemus, quem in conum vergentem pingit, cujus acies, in angulum conformata, medio Optico introrsum respondet? Verum satis nobis esse deberet, si Recentiores demum veram hujus humoris formam constanter omnes delinearent, neque aliquis iterum, aut rariore aliquo casu inductus, aut vitio, ut opinor, Pictorum, ad Vesalii errorem rediret. Quæ cum ajo, noli credere, me unam in cunctis humanis Crystallinis figuram agnoscere. Neque enim me fugit, posse nonnunquam (m) æqualem utrinque convexitatem, atque adeo majorem anteriorem, quam posteriorem, inveniri. Neque oblitus sum, quibusdam Matheos Doctoribus, & in his Chalesio (n), videri Crystallini posticam partem, paulo acutiorē, seu hyperbolicam: cujus partis alii in oculis pluribus parabolicam potius

H h tius

(u) c. cit. 14. (x) Tab. human. ocul. (y) De Anat. corp. hum. l. 7. c. 4. (z) De hum. corp. fabr. Epit. l. 6. c. 14.  
(a) loc. cit. (b) ante cap. 12. l. cit. 3. de diff. part. corp. hum. (c) Ophthalmogr. Fig. 5. (d) loc. cit. (e) loc. cit.  
(f) loc. cit. (g) Memoir. de l'Acad. R. des Sc. A. 1721. (h) Mem. de la même Acad. A. 1723. (i) Ibid. & A. 1728.  
(k) Vide supra ad (i) in n. super. (l) apud Stephan. loco cit. (m) De Re Anat. l. 10. (n) Anat. corp. hum. l. 5. c. 21.  
(o) De usu part. l. 10. c. 4. & 6. (p) Ibid. c. 5. (\*) Ibid. c. 4. (q) Tab. cit. (r) Not. cit. (s) loc. cit. A. 1723,  
(t) n. 16. (u) n. 16. (x) cap. 6. cit. (y) De Hippocr. & Platon. de cr. l. 7. c. 5.  
(z) De corp. hum. part. appellat. l. 1. c. 23. & l. 2. c. 3. (a) Pentæsth. l. 5. Sect. 1. c. 30. (b) ubi de anat. oculor.  
(c) De usu part. l. 10. c. 2. (d) De dissec. part. corp. hum. l. 3. c. 12. (e) De corp. hum. fabr. l. 4. c. 19.  
(f) Physiolog. l. 1. c. 9. (g) De corp. hum. fabr. l. 7. c. 13. (h) De Re Anat. l. 10. (i) Observ. Anat.  
(k) Exam. earund. (l) Apud Stephan. ante cap. 12. l. 3. cit. Oper.  
(m) Vid. & Memoir. de l'Acad. R. des Sc. A. 1726. (n) Optic. l. 1. in principio.



tius superficiem, hoc est ab lineæ parabolicæ revolutione ortam; alii quibuscum plerique faciunt, sphericam se vidisse, confirmant. Sed ego hoc tantum mihi volo, ut posterioris illius convexitatis sectionem curva una linea finiri, quæ aut circuli ambitus pars sit, aut si aliquantum ab hac recedat, angulum tamen, quasi gemina esset, non efficiat; sic in multo maxima hominum parte anterioris convexitatis sectionem ad majoris circuli ambitum, quam posterioris, attinere. Quos intra limites quicumque suas Crystallini humani delineationes haud coerceat; aut falsam ille, aut si in uno aliquo homine interdum veram, non veram tamen in multo maximo, quem in tradenda Anatome attendimus, numero figuram proponet.

21. Porro eidem humori tributam membranam per antiquis illam quidem Auctoribus fuisse notam, vel ex verbis Ruffi apparet, quæ paulo supra (o) indicata sunt; ut locum Hippocratis omittam, in quo Riolanus (p) eandem modo, modo non eandem agnoscit.

Nam Aristotelem quidem in loco, a Fabricio nostro (q) designato, Corneam potius, quam Crystallini tunicam significasse, eodem cum Riolano (r) crediderim: Herophilum autem, cum certam quandam oculi tunicam Arachnoidem nominavit, haud aliam ac Retinam, intellexisse, ex Celsi verbis infra (s) apparebit contra atque visum est Eruditissimis Viris; multoque minus indicasse tunicam, quod ipsi putant, ad Crystallinum attinentem, idem ostendit Ruffi locus, qui hanc quidem, ait, *antiquitus nomine caruisse*.

Hæc ipsa tamen Crystallini tunica an vera sit, dubitatum esse, Ruffus (t) testatur. *Quidam hanc, inquit, neque tunicam appellandam esse, censent: nam membranofam quandam congelationem esse dixerunt*. Ipse autem inter tunicas ponit, ejusque dimidium anterius prominere, ait, pupillæ contiguum; dimidium posterius cum Retina, hoc, ut dixerat, involvente, committi.

Contra Galenus (u), qui illam tunicam, scripsit, etiam araneis tenuibus esse tenuiorem, negavit, totum vestire humorem crystallinum: sed quæ ejus pars vitreo humore invehitur, prorsus sine munimento esse, censuit, ac tunicæ expertem. Denique Auctor libri de Oculis (x), qui inter Galenicos circumfertur, ex veteribus Medicis quosdam commemoravit, qui hanc, non propriam Crystallini tunicam, sed partem Retinæ, ut alii postea, & in his Massa (y), & Piccolhominus (z); existimarunt, Retinam, dicentes, & Araneam unum esse panniculum. Quarum sententiarum singulis, aut earum similibus, sui ad nostram fere ætatem patroni non defuere. Nam quid huic postremæ similis, quam Crystallinam tunicam productæ Vitreæ esse partem? At Julius Pollux, si Riolano (a) credimus, non sibi tamen satis constanti, eandem tunicam esse, docuit, quæ *κρυσταλλοειδής*, & *αrachnoειδής* vocaretur. Quod Columbus quidem (b) usque adeo pro certo habuit, ut Vesalium, atque adeo Galenum reprehenderit, quod Araneam temere a Vitrea divisissent, quam ipse unicam esse assererat, licet ea parte, quæ ante Crystallinum locatur, paulo crassior sit, quam in reliquis partibus. Quin etiam nobilis in primis, cautusque Anatomicus Stenonius (c), qui tamen propriam qua intime contineatur, Crystallini tunicam agnoscebat, admonuit, in cane carcharia Crystallini convexitatem anterius Vitrei humoris tunica obvelatam se deprehendisse, ut adeoque Vitrei humoris tunica & Vitreo, & Crystallino humoribus revera esset communis.

Hinc autem patere, illos qui Crystallinum humorem non nisi anteriori parte obvelatum credunt, Vitrei tunicæ partem pro Crystallini tunica habuisse. Quæ nimirum Galenica sententia multos, eosque clari nominis, habuerat astipulatores, in quibus Vesalium (d), Falloppium (e), Vidium (f), Veslingium (g); minime autem, quod jure mireris, Galeno alioquin addictum hominem, Jacobum Sylvium (h), ut qui membranam tenuissimam, humorem Crystallinum undique ambientem, proposuit. Ex primis autem qui

post Sylvium Ruffi dogma longo intervallo retulerunt, Coiterus (i) fuit. Nam nisi quod posterius Vitream, non Retinam, contiguam adjunxit; propriam certe utrique Crystallini faciei tunicam tribuit, quæ in posteriori tamen regione tenuior atque in anteriori, esse videatur. Ex eo tempore non paucos reperias integram huic humori tunicam assignantes, & posterius quidem tenuiorem, & rariorem, & laxiorem, ut Fabricius noster (k), ac Bauhinus (l) loquuntur, sive molliorem, rariorem, ac quasi membranæ dissimilem, ut legimus apud Casserium (m). Nam Majores certe, & in iis Berengarius (n), ac Massa (o), Araneam densam esse, docuerant; Vesalius autem (p) respondere quidem tenuitate, sed neutiquam robore & durtia, aranearum telis, quippe quæ intimis ceparum pelliculis durior sit. Verum ut a tergo mollior, rariorque sit; tamen & Bauhinus (q) testatus est, dextre secanti, integram ab humore separari posse, & Joannes Bapt. Verle (r), ut separatam utrinque, delineavit. Imo nonnulli, & nominatim Spigelius (s), contra atque alii docuerant, tradiderunt, posteriori parte crassiusculam videri, cum anteriori --- sic tenuis sit, ut multis occasionem præbuerit dubitandi, essetne crystallinus humor membrana involutus. Quam dubitationem, atque adeo ejus tunicæ inficiationem, ab Ruffi usque temporibus, ut supra (t) vidimus, exortam, non olim modo probarunt illi, qui ut memoratus libri de Oculis Auctor docet (u), his aut quinas, aut quaternas, aut binas tunicas tribuebant, ut pote qui Araneam omnes dicerent non esse panniculum, aliqui non panniculum, sed crystallini partem esse; verum & propiore nobis ætate Riolanus, & post hunc Briggsius, & nostra demum memoria Verheyenius. Quorum primus (x) diserte agebat, Crystallini tunicam nullam esse, & si in Crystallino cocto separaretur, corticem potius esse densatum per coctionem humoris: & quanquam aliquo in loco sibi constare non videbatur, ut ubi (y) hanc tunicam in bovino oculo detrabi posse, non negabat; in humano tamen esse inseparabilem, contendebat. De Briggio autem (z), qui pro cuticula quadam adventitia habebat, aeri, aut calori accepta referenda, itemque de Verheyenio (a), qui ab iis ex quibus Crystallinus constat, lamellis ipsam non satis clare distinguere valens, ejus existentiam sibi non esse satis evidentem, fatebatur, a nobis alio etiam in loco (b) scriptum est.

22. Quo minus mirandum est, quod Vitream tunicam hic non descripserit, aut quod Briggsius (c) censuerit, nullibi reperiri, aut demum quod Riolanus hanc quoque corticem, coctione effectum, crediderit (d); quando Falloppius (e) hac valde solidiorem esse Crystallinam, dixit, nec cuivis patere posse Vitream, quam connumerabat inter illa, quæ difficillima --- a se fuerant inventa, & ea quidem plures ante annos: quod Columbum, opinor, respiciens, addidit. Hic enim antea (quod Vesalius in Observationum Falloppii Examine oblitus esse videbatur) cum Crystallinam, ut supra diximus (f), Vitreæ tunicæ portionem statuisset, sed paulo crassiolem; sane membranam, a qua Vitreus humor circumdaretur, memoraverat (g), sive a qua una cum Crystallino (nulla inter ipsos, quod ante dixerat, membrana interjacente) involveretur, universam illam vocans Araneam. Itaque Falloppius, hanc opinionem refutans, tum quia Crystallina valde solidior est, quam sit illa Vitrea tunica, tum quia ipse Vitreus humor in cavitate etiam, in qua latet, Crystallinus, propriam habet tunicam; Crystallina, inquit, Crystallino potius adjudicanda, atque *αrachνοειδής* vocetur, uti ab omnibus Anatomicis fit; Vitrea autem Vitrei tunicæ appellatur. Hic vero Falloppium redarguit Riolanus (h). Ex Galeno, inquit, Arachnoides non potest esse tunica, & imperite Falloppius illam Crystallino adjudicavit; uti ab omnibus Anatomicis fit, quod est falsum. Sed quid? si Falloppius, qui id de appellatione tantum dixit, sui temporis Professorum consuetudinem spectavit, a priscis tamen illis acceptam, quando non Berengarius solum (i), & Massa (k), sed & Medici ab Auctore libri de Oculis (l) memorati, itemque Scriptores libro-

(o) num. prox. super. (p) Anthropogr. l. 4. c. 4. (q) De Oculo P. 1. c. 5. (r) cap. cit. (s) n. 22. & seq.  
(t) cit. cap. 3. (u) l. cit. c. 6. (x) Partic. 1. c. 4. (y) Lib. Introduct. Anat. c. 30. (z) l. 6. Anat. Prælect. 2.  
(a) cap. cit. & Animadv. in Theatr. Bauhin. pag. 401. (b) l. cit. 10. (c) Can. Carchar. dissect. cap. (d) c. 13. cit.  
(e) Instit. Anat. (f) De anat. corp. hum. l. 7. c. 4. (g) Synt. Anat. c. 15. (h) Isagog. Anat. l. 1. c. 4.  
(i) Tab. ocul. human. (k) c. 5. cit. (l) Theatr. Anat. l. 3. c. 40. (m) Pentæsth. l. 5. S. 3 c. 10.  
(n) Isagog. ubi de Anat. ventr. super. (o) (p) (q) loc. cit. (r) Anat. Artif. ocul. Fig. 3.  
(s) De hum. corp. fabr. l. 10. c. 9. (t) hoc ipso num. (u) cap. cit. (x) cit. cap. 4. & Animadv. in Vesling. pag. 202.  
(y) Animadv. in Theatr. Bauhin. pag. 401. (z) Ophthalmogr. c. 3. (a) Anat. corp. hum. l. 1. tr. 4. c. 14.  
(b) Advers. Anat. VI. Animad. 68. (c) cit. cap. 3. (d) Animadv. in Vesling. loc. cit. (e) Observ. Anat. (f) n. prox. super.  
(g) l. Ibid. cit. (h) Anthropogr. l. 4. c. 4. (i) (k) (l) locis cit.



librorum qui de *Anatomia Vivorum* (m), & de *Anatomia Oculorum* (n) inscribuntur; & Theophilus (o) *Araneam*, *Araneiformem* sive *Aranealem* vocitarant, atque adeo Galenus ipse (p) diserte scripserat: *cornea vero tunica particula quidam & pars, non autem instrumentum. Simili modo & quæ rhago-des, & quæ arachno-des, & quæ amphiblestro-as græce dicuntur: quippe quarum singulæ primum quidem ac maxime oculi particule sunt.* Quibus ex verbis plane contat, Galeno Arachnoidem, & Amphiblestroidem non eadem tunicam fuisse, ut Ruffo (q): *quanquam hujus locum illum, in quo de tunicis ac humoribus oculorum tractat, Falloppius quidem admonuerat (r), ita corruptum esse, omniaque ita simul confusa ibi legi, ut nihil inde quod solidum sit ac distinctum, conjici possit.* Sed quoniam Ruffus alio quoque in loco (s) idem habet, nec Pollux autem id aperte apud Riolanum (t), sed Cornelius etiam Celsus (u), si non omnino negligenter legatur, sine confirmat; scribit enim, *tenuissimam tunicam, quam Herophilus ἀραχνοειδὴν nominavit, mediam subsidere, eoque cavo continere quiddam, quod, a vitri similitudine, ὕαλειδις Græci vocant; idcirco Arachnoidis nomine seposito, quod his temporibus mediæ insuper cerebri Meningi commune est factum; præstare crediderim, quod plures nunc faciunt, ab Humore quamque suo, Crystallini tunicam, Crystallinam, Vitrei autem, Vitream vocitare.* Nam illa certe & Ruffo (x) & Polluci (y) dicebatur. etiam ἀραχνοειδὴς. Quod si ὕαλειδις eorum alteri eandem, ut supra (z) vidimus, Ruffo autem Retinam significabat; certe ætate hac nostra feri facile non potest, ut Vitreæ nomine alterutram harum quis intelligat.

23. Sed ut illi certe, quamvis nomen Vitreæ usurpantes, non magis Vitream de qua nunc loquimur, indicabant, quam Cæsserius (a), & siqui alii eodem vocabulo Retinam se designare, sunt professi; ita quæri potest, an Celsus forte, quantumvis nullo usus nomine, veram tamen Vitream significaverit. Postea enim quam illis quæ paulo ante produximus, verbis, Retinæ cavo humorem Vitreum contineri, demonstravit, paucisque additis hunc descripsit; continuo *Id, inquit, superveniens ab anteriore parte membranula includit. Sub his gutta humoris est, ovi albo similis: a qua videndi facultas proficitur.* ἀραχνοειδὴς a Græcis nominatur. Profecto nisi Vitrea multo esset tenuior, quam ut veri simile sit, illiusmodi verbis, a Celso præsertim, esse indicatam: id credere aliquis fortasse posset. Verum si id non credas; ut de eadem, de qua jam dixerat, Retina accipias, necesse est, quasi hujus quoque originem ab interiore parte, ut Corneæ, & Choroidis supra docuerat, demonstrare voluerit, aut vitiatum suspiceris locum, ut si, exempli causa, *ab anteriore parte membranula includit. Sub hac gutta humoris est,* Celsus scripsisset, ad eumque modum Crystallinam membranulam significasset. Et diu quidem est cum Gulielmus Pantinus (b), hunc locum Celsi corruptum certo esse, existimavit. Sed ipsum movebat Crystallinus humor ovi albo assimilatus, quocum sciebat humorem Aqueum, non Crystallinum, ab iis Græcis quos postea Falloppius etiam (c) laudavit, comparatum fuisse. Verum, ut Vesalius (d) ne humorem quidem Aqueum albuminis similem esse, discutabat, nisi forte longa agitatione dissoluti; sic ejusdem albuminis coctione durati, & albicantis non absimilem Crystallinum dicere potuit Corn. Celsus, gelu præsertim, aut pari coctione induratum. Albumini quidem, ut per se est, nullus de tribus oculi humoribus assimilari magis quam Vitreus, potest: idque adeo factum video & nunc a Præstantissimo Winslowio (e), & olim ab Ruffo (f) *humorem ovi albo similem* scribente esse *Vitreum appellatum.*

24. Sed ad propriam hujus humoris tunicam ut revertar; ex iis quæ supra (g) dicta sunt, liquet, Andream Laurentium (h), eam veteribus incognitam, pronunciantem injuria argui ab Riolano (i), contentente, imo cognitam fuisse Ruffo & Polluci, qui istud Morgagni Epistolæ Anatomice.

nomen primi publicarint. Neque enim de nomine, sed de re Laurentius loquitur, cum post Retinam, & Crystallinam, quarum alteram alter eorum veterum Scriptorum Vitream appellabant, longe aliam tunicam, Falloppium secutus, ipse proponat, quæ *Vitreum humorem omni ex parte ambiat.* Meliori aliquanto jure Græci Anonymi Isagogem Anatomicam objecisset Riolanus, in qua (k) *Oculorum tunicæ sex numerantur: Adnata: --- Cornea: Uvea: --- Aranea: Vitrea: & Reticularis.* Sed Petrus Laurembergius Isagogem illam protulit multis jam annis postquam Laurentius, nedum Columbus (l), Falloppius (m), alique de Vitrea tunica verba fecerant, sive Columbo, ut Valverdu (n), sive Falloppio adstipulati, ut Coiterus (o), atque Platerus (p), quorum uterque in illo quoque cavo eam tunicam agnoscit quo Vitreus Crystallinum humorem excipit, & hunc aut sua quidem Crystallina indutum tunica, ut Coiterus, qui tamen alteram ab altera, fateatur, *difficillime separari*, aut a tergo nudum, ut Platerus, qui Vitream *tenuissimam esse, ait, limpidissimamque, ac si humor sponte consisteret, vix apparentem.* Coiterum postea secutus est Molinettus, quod prægrandis, ab hoc vulgata, Figura Oculi (q) præclare ostendit. Sed ab his omnibus Ste-nonius recessit, ut qui Vitream, quemadmodum supra (r) dictum est, per anteriorem dumtaxat Crystallinæ faciem & Iconismo (s), & descriptione perduxit. Cæterum ante, & post Molinettum cum alii quoque tunicam Vitream agnoverunt; tum nonnulli de ipsa peculiare aliquid adnotarunt, ut Spigelius (t), *facile se prodere, cum ea incisa, quem continet, humor effundatur:* ut Veslingius (u), *in animantium oculis leni prius coctione densatis, --- facile ab humore contento discerni:* ut Thomas Bartholinus (x), qui non tantum Coitero, & Molinetto assentiebatur; sed præeunte Laurentio (y), qui Vitreum *ali sanguine, & venulas accipere a ciliari interstitio*, docuerat, hæc de ipsa Vitrea tunica insuper addebat: *venulis multis, sed exiguis donari, & centro ejus interiorem medullaris substantiæ nervi optici portionem adhaerere:* denique ut Joannes Baptista Verle (z), qui *agglutinabilem, & impalpabilem* dixit, & tamen a Vitreo humore divisam (nam conjunctam olim pinxerant Platerus (a), Bauhinus (b), & ante hos, ut Lancisio videtur, Eustachius) (c) satis aperte atque perspicue delineavit. A Bartholino, & Verle dissenit Sagacissimus Professor, Ruy-schius (d). Nam & nullis esse, scripsit, *vasculis sanguineis visibilibus ditatam, & obeam causam, & quod sit tenuissima, negavit, alio modo se exprimere delineando potuisse, quam in formam maculæ;* usque adeo levis, vix ut oculis internoscatur. Hic tamen Vitream tunicam ponebat. Sed alii non pauci, quamvis exercitatissimi Anatomici, nihil Falloppii (e) judicio commoti, non dubitantis, hanc *testimonio diligentiorum Anatomicorum semper probatum iri, etsi non cuiusvis patere possit;* sibi quidem non patere, ostenderunt. Nam primum Vesalius (f), hucusque, inquit, tam oculatus „ esse nequivi, ut peculiarem quandam tunicam --- vi- „ treo humori tribuere valeam, utcunque etiam, quum „ humoris istius sedem, qua crystallinum amplectitur, „ specillo attento, & quum humorem varie compri- „ mo, & divello, araneum quid me videre observa- „ reve mihi vel maxime cupiam esse persuasum. „ Tum Vidius (g), solitus alioquin Falloppium sequi, non Vitream, sed Retinam memorat, quæ *humorem Vitreum a posteriori parte, & a priori etiam in cavo ubi crystalloides continetur, involvat.* Atque, ut de Piccolhomino (h) fileam; certe Fabricius ab Aquapendente (i), & quod ex iis quæ supra (k) sunt dicta, intelligi potest, Julius Cæsserius, Joannes Riolanus, alique industrii Professores non alia Vitreum tunica proxime indui, censuerunt, quam ea quæ vulgo Retina appellatur. Quin etiam Marchettus ipse (l), qui Veslingium defendendum suscepit adversus Riolanum, diserte falsus est, *re vera Vitream, & Retinam inter se non dividi, & unum, & idem esse.* Cæterum Jo. Riolanus (m) tunicam Retinam Vitreo humori peculiari quodam modo

H h 2

(m) (n) Vid. inter Galeno adscriptos libros Spurious. (o) De corp. hum. fabr. l. 4. c. 19. (p) Meib. Med. l. 1. c. 6.  
 (q) De corp. hum. part. appellat. l. 1. c. 23. (r) Observ. cit. (s) Oper. cit. l. 1. c. 3. (t) cap. cit.  
 (u) De Medicina l. 7. c. 7. n. 13. (x) capitib. cit. (y) Vid. n. prox. superiore. (z) Ibid. (a) Pentasth. l. 5. S. 1. c. 27.  
 (b) Annot. in Cels. (c) Observ. cit. (d) Exam. earund. (e) Expos. Anat. tr. de la Teste n. 210. (f) cap. 3. cit.  
 (g) n. 21. & 22. (h) Hist. Anat. hum. corp. l. xi. c. 6. (i) Animadv. in eum Laurent. locum. (j) c. 53.  
 (k) (m) Vid. supra n. 22. (n) Anat. corp. hum. l. 5. c. xi. (o) Tab. human. Ocul. (p) De corp. hum. stru. l. 1.  
 (q) Dissert. Anat. l. 4. c. 3. (r) n. 21. (s) Elem. Myolog. Specim. Tab. 5. Fig. 2. (t) De hum. corp. fabr. l. 10. c. 9.  
 (u) Synt. Anat. c. 15. (x) Anat. quart. renov. l. 3. c. 8. (y) l. cit. quest. 7. (z) Anat. Artif. ocul. Fig. 5. (a) Oper. cit. l. 1.  
 5. Tab. 49. Fig. 9. (b) Theatr. Anat. l. 3. Tab. 12. Fig. 9. (c) Tab. Anat. 49. Fig. 4. (d) Resp. ad Epist. Anat. 13. & Tab. 16. Fig. 21.  
 (e) Observ. Anat. (f) Exam. earund. (g) De Anat. corp. hum. l. 7. c. 4. (h) l. 4. Anat. Prælect. 2.  
 (i) De Oculo P. 1. c. 1. (k) n. 22. & 23. (l) Anat. c. 15. (m) Animadv. in Vesling. pag. 201.



modo, addixerat, huic esse intertextam, docens, sive (n) per substantiam humoris Vitrei diffundi, cujus interjectu concretus appareat, nec fluidus reddatur, nisi frequenti sectione solutis filamentis; tum in aquam fluentem liquefcere.

25. Qua in sententia, cæterisque de CrySTALLINA, & Vitrea tunica, quas hæcenus adeo inter se discrepantes recensuimus, quid nobis veri inesse videatur, ex nostris, qualescunque sunt, observationibus exponeamus, quando Valsalva nihil his de rebus in Schedis reliquit, nisi quod, dum in bovini oculi dissectione ab humore Vitreo CrySTALLINUS separatur, succedat sæpe, ut quædam membrana ab hoc dividatur ad formam plani circularis, quæ solum tegat partem ipsius anteriorem; sed hoc egere confirmatione. Ego vero minus aliquanto miror, qui hanc CrySTALLINAM membranam cum propter ejus tenuitatem videre non possent, omnino negarunt, quam qui, cum viderent, non ipsius Naturæ constans ac perenne opus, sed aeris, aut caloris levidense, ut multi loquuntur, & adventitium existimabant, quasi animadvertere non possent, tenuem quidem, sed tamen firmam, &, quod Cl. Winslowius (o) vere scribit, *velut elasticam* inveniri, aut quasi nulla, nisi humore CrySTALLINO aeri diutius, ut Briggsius (p) ait, *exposito*, appareret, aut *separari* ab eo *vix ulla ratione posset*, nisi, ut Molinettus (q) censuit, *elixaretur*, aut certe non facile, nisi oculis leni prius coctione densatis, ut Veslingius (r) subindicaverat.

Nihil enim facilius in CrySTALLINO humore non modo *bovis*, aut *alterius animalis grandioris*, sed *hominis*, quam, nulla prævia coctione, ipsius, cum Vitreo effusi, anteriore facie statim vulnerata, & per vulnus crySTALLINA substantia, confestim extrusa, tum specillo immisso, tunicam, quasi inanem sacculum, hinc aut hinc attollendo, evidentissime demonstrare.

Quod si quis forte minus est adhuc exercitatus; juvabit hunc in ovium, boumque oculis primum experiri. His enim, aliisque ejusdemmodi animantibus multo amplior etiam quam pro rata portione, CrySTALLINUS humor obgit: quamobrem siquid in homine haud ita luculenter ostendi posse visum est; nos quoque ab ovillis, bubulisque potissimum oculis initium duximus. In iis igitur satis apparet, præsertim si, Vitreo humore usque ad ipsam fere posteriorem CrySTALLINI faciem abscisso, in hac potius id experiaris quod in anteriore indicatum est; satis, inquam, in iis apparet, a vero illos aberrasse qui olim CrySTALLINUM a tergo nudum esse, tradebant. Non modo enim non est nudus; sed tunica amictus est propria, hoc est unum membraneum in quo is includitur, sacculum cum altera illa anteriore tunica parte, conficiente: qua qui olim parte docuerunt, & qui hoc quoque tempore tenuiorem, molliorem, infirmioremq; hanc posteriorem esse docent, eorum observationibus consentiunt nostræ; quanquam uno in bove, & rebus quidem secundum naturam se habentibus, satis firmam invenisse, meminimus. Nec tamen propterea sic firma erat quæ proximam ab lateribus obducebat anteriorem Vitrei humoris faciem, quo alioquin loco Vitrea tunica aliquanto minus obscure quam alibi, solet se ostendere: ut tunica maxime appareret, neque hanc, neque Retinam, eandem illam esse tunicam quæ a tergo, & multo minus quæ a fronte, & multo etiam minus quæ utrinque CrySTALLINUM humorem convestiat. In tunica enim Retina, & Vitrea ea firmitudo desiderabatur quæ in posteriore, & multo magis quæ in anteriore parte CrySTALLINI se prodebat.

26. Nec me tamen fugit, ut ab Dura, & Pia meningē multo ipsis crassiores oculi tunica repetuntur Sclerotica, & Choroides; sic etiam abs tenuissima Vitrea, fortasse duas in laminas divisa, firmioris CrySTALLINÆ utramque partem repeti posse. Sed nec illud sine aliqua apud quosdam controversia affirmatur: & quamvis tunica continuatæ reperiantur; non hinc tamen efficitur, easdem esse, nisi iisdem quoque conditionibus præditæ sint. Huc illud accedit, in his tenuissimis oculi tunicis quædam esse conjecturæ potius, quam demonstrationis; ut tamen Vitreæ

particulam aliquam in lamellis dividere possem duas; tamen nisi id certa ratione accederet, timerem fortasse, ne lacerationi potius quam legitimæ divisioni deberentur. Fieri etiam posset, ut quæ in priori CrySTALLINÆ parte major crassitudo reperitur, accepta esset referenda alii cupiam tunica quæ superveniens, ibi cum CrySTALLINI se conjungeret, ut puta, si non Retinæ, at Vitreæ, quemadmodum Stenonio, ut diximus (s), in cane cacharia visum est. Quod si pro conjectura afferas; non repugnabo. Sin ita in homine, aliisque a nobis sectis animantibus esse, contendas; tandiu assensum sustinebo donec quod videre adhuc in his non potui, præclare videam.

Neque enim cuiquam advesor Cl. Virorum, hæc, aut his similia prodentium sed tibi pro veri studio, meaque fide ultro confiteor quæ necdum ipse videre potuerim. Verum alia sunt, quæ esse posse, credo; alia vicissim, quæ non posse. Ut si quis adhuc censeret, Vitream tunicam nihil esse nisi concretionem quandam ab luturno aeris contactu arcessendam; profecto credere non possem, cum sciam, humorem Vitreum ex suillis, ovillis, bubulis oculis educum, aerique vel ad sexaginta horas expositum, non mihi propterea crassiorem pelliculam ostendisse.

At si quis vicissim CrySTALLINÆ Vitream tunicam non modo circumcirca in ipsa ora arctissime junctam, atque adeo connatam, sed insuper, Stenonium secutus, undique a fronte superinductam esse, doceat; me quoque aliquando sic invenire posse, sperem; cum & in pisce quodam visum mihi esse, meminim humorem CrySTALLINUM multo firmitus cum Vitreo conjunctum, & ea conjunctionis ratio perutilis sit ad CrySTALLINUM in sua sede continendum, & huc fortasse attineant quæ de pelliculis duabus, in anteriori CrySTALLINÆ parte vel macerationis dumtaxat ope apparentibus, Solertissimus Winslowius (t) adnotavit.

27. Idem optatam alias a nobis (u) rationem calere se, ostendit (x), qua præparatus humor Vitreus intimam illam membranarum intersectionum structuram prodat, quam Kiolanus quoque (y) Hyaloidi, hoc est Vitreæ, tunica adscripsit, se se per Vitreum humorem diffundenti; quanquam Hyaloidis nomine Retinam, ut supra vidimus (z), accipiebat. Quam ego structuram membranularum, quasi cellulas intus efformantium non tam aspiciendi cupidus; quam tunicam ipsam Vitream, satis per se subobscuram, præclare, ut cæteras, perspiciendi, cum plures Vitreos humores in aquam immerissem, sperans fore quod aliqui pollicentur, ut sic ea tunica albicaret, magisque se proderet, neque ea ratio magis quam aliæ, respondisset; venit in mentem ut pro aqua acidos liquores substituerem, Amicum, dum viveret, Anatomicum Antonium Pacchionum imitatus, qui (a) Dura meningis particulas diuturna in aceto maceratione crassiores reddere ac evidentiores solebat. Placuit tamen in longe tenuissima ac tenerissima structura, ut primum quidem mollius agerem: itaque illi ipsi aquæ in qua Vitrei de quibus dictum est, unam jam horam frustra natabant, ex succo citrei mali quod limonem vocitant, non plus affudi, quam quod satis foret ut aqua leviter acefceret. Ecce autem omnem omnium Vitreorum illorum ambitum paulo post video cinerea quadam ac pertenui membranula convestitum fere ac si Retinam ipsis tunicam non detraxissem. Quod in his humanis, idem in Vitreis bovillis experior: res ad eundem modum respondet. Tunc ex Vitreis illis integris quosdam in duas propemodum partes discerpsi. Quos dum postea, aquam agitando, commoverem; fluitare intra hiatus illos cernebam frustra adhærentium membranularum, ejus quam descripsi, consimilium, ut ex ipsa produci, extendique passim intra Vitreum aliæ atque aliæ viderentur. Hæc tamen omnia sub aqua dumtaxat sive acidula, sive acidiorē, sive etiam, ut per se est, pura, in quam ex acida transtuleram Vitreos, conspiciebantur.

Quod si Vitreum quemcunque ex aqua educeres,

(n) Anthropogr. l. 4. c. 4. (o) Expof. Anat. tr. de la Teste n. 235. (p) Ophthalmogr. c. 3. (q) cit. c. 3.  
(r) cit. c. 15. (s) n. 21. & 24. (t) tr. cit. num. 236. (u) Advers. VI. Animadvers. 82. (x) tr. citat. num. 239.  
(y) cap. cit. (z) n. 24. (a) Dissert. de Gland. Duræ Mening. in Fig. Explic.



ceres, & in aerem proferres; illico spectacula hæc omnia evanuisse, & nihil usquam ex cinereis illis membranulis superesse, cunctaque repente ad pelluciditatem rediisse, mirareris. Huc illud accedebat quod cum Vitreos alios integros, alios discerptos, subacida in aqua macerandos reliquissim; æque omnes ab omni facie indutos eadem membranulæ specie inveni, nihil ut discerpti ab integris, quod ad hoc attinet, differrent. Quin ex integris, & in ea primum aqua unum, in puteana autem duos jam dies maceratis, cum aliquem discerpsissem, & disceptæ facies sub aqua nudæ, integræ membranula vestitæ apparent; affuso postmodum citri succo, illæ pariter novam lævem, reliquæ consimilem, tunicam cito induerunt. Itaque ut sum in experiendo fortasse morosior, nec facile mihi satisfacio; me ab omni suspitione continere non potui, ne forte quod membranula videbatur, esset magna ex parte concretio ex Vitrei humoris particulis, cogente acoris vi arctius constipatis. Et fane cum in eandem aquam eodem succo iterum iterumque addito, acorem auxissem, post biduum animadverti auctam quoque impensius membranularum opacitatem, & Vitreorum contractionem. Nam multo illæ albidiores factæ; hi vero in multo minorem molem (nam & primum post diem decrevisse nonnihil, videram) coacti erant; ut unus cujus ego extremam partem labro crystallinæ in qua omnes erant, pateræ agglutinaveram, nihil magis quam crassam, duplicemve membranam summa in aqua natantem referret: referret, inquam; nam quo magis scalpello, specillo, digitis, oculis, etiam vitro instructis, perlustrabam, eo minus mihi satisfaciebam. Quamobrem aut ego quidem sum, ut dixi antea, difficilior; aut alii, quod potius credo, in liquore feligendo, totaque re administranda multo me feliciores, vel quod æque libenter fatear, solertiores fuerunt.

28. Quorum in fide, judicioque, satis mihi superque spectatis, ut nunc facilius acquiescam, illud quoque facit, quod non semel, & sine hallucinatione, quantum mihi, aliisque visum est, in boum oculis deprehendi, cum Vitreum humorem, glacie concretum, examinarem. Cum enim gelidas ejus lamellas alias ab aliis lenta divellerem manu; quibusdam in locis, iisque intimis, non omnino parvas tenuissimarum membranularum portiones & ipse vidi, & iis qui aderant, ostendi, quas subiecto specillo attollentes, non fallaces species, sed constantes membranulas esse, ego, & cæteri intelleximus. Et fane in proximi Aquei humoris gelidis lamellis dividendis, nihil ejusmodi se offerebat. Quo & id attinere in parte, credo, quod in utriusque humoris lamellis sejungendis, viscidior mihi Vitrei glacies, quam Aquei, esse videatur; sed illud multo magis quod lego apud Cl. Medicum Petitem (b), hoc ad utramque eam glaciem internoscendam discriminis adnotantem, quod in Vitrei quidem glacie complures albæ parvæque sint fibræ. Illud quoque in bubulis oculis aliquando animadverti, cum Retinam a Vitreo congelato avellerem, sanguifera vascula alia quidem exterius secundum Vitrei superficiem repere, alia autem intra Vitreum ipsum excurrere. Quod ni forte Retina, ut vereor, antea corrugata, ea ex parte suis cum vasculis intra congelascentem Vitreum intercepta fuerat; suspicari liceret, vi frigoris a tergo ingruentis fuisse aliquid sanguinis antrorsum ex Retinæ vasculis in eos, angustissimos alioquin, ramulos violenter compulsus qui facile, ex illis in Vitream pertinent tunicam, & in hujus membranas productiones quæ humori Vitreo interjectæ, & nutrimento ipsæ egent suo, & latice ex quo secretum aqueum succum in eas quas efformant, cellulas effundant. Aqueum enim succum his contineri, cum Vitrei discissio ostendit, tum experimenta confirmant Petiti (c), qui oculis in aqua horas circiter XXIV. maceratis, humorem Vitreum in homine plus decem, in bove quadraginta auctum granis invenit. Comper-

tum quoque est ab eodem, pari temporis spatio oculis in aere suspensis, eundem humorem in homine decrevisse granis octo, in bove autem sexaginta, aut octoginta: quæ res subindicat jugis secretionis necessitatem. Quæ cum legerem, & Crystallinum quoque humanum uno simul grano, bovillum autem duobus, aut quinque diminutum, contra vero ex maceratione illi plus uno grano, huic quatuor accessisse, cognoscerem; videbar hæc facile intelligere, iis positis quæ in Crystallini dissectionibus olim adnotaveram (d), iis autem de multo maxima parte, non de toto Crystallino acceptis, quæ Malpighius (e) scripsit, cum ipsum *nunquam aqueo humore auge-ri, & nutrirî posse*, censuit. Itaque ut sive in hoc, sive in Vitreo humore tantum aquei addatur succi, quantum in auras evanescit, & fortasse etiam per avehentia vascula asportatur; vascula quæ materiam vicissim invehant, requiruntur, unde novus aqueus succus secernatur. Sunt autem hæc arteriarum ramuli adeo extenuati, ut nisi vis, & distentio maxima accedat, nihil apparere coloris sanguinei in ipsis possit. Quod si forte ex iis sis qui aqueum hunc succum ex longinquis fontibus arcescunt; in has tamen Vitrei humoris membranulas suum, ut dixi, nutrimentum ex proximis, opinor, quibusque arteriis derivandum, facile existimabis. Nec vero est cur te Ruyschius absterreat, ne Bartholino (f) quadantenus adtipuleris propterea quod ille, ut supra (g) adnotatum est, nulla potuerit sanguifera vascula in Vitrea tunica demonstrare. Nam neque in Crystallina iisdem temporibus certe poterat, idemque pariter de utraque scribebat (h), neutramque ullis vasis præditam delineabat. Verum postea fassus est (i), se in Crystallina *eo tempore ea nondum detegere potuisse ob instrumentorum ruditatem*, quæ vasa, arteriis oculi cerea materia impletis, detexit tandem, *plurimas videlicet arteriolas per eam tunicam dispersas*, & vi compulso sanguine rubro repletas, quas etiam nobis delineavit. Quamobrem ut ipse demum, si non quod ad Vitreum, at certe quod ad Crystallinum attinet humorem, plus Galeno vidit, qui olim (k) docuerat, *in neutro humorum istorum venam inesse*; ita desperare non oportet, aliquando posse aliquem existere, qui in ipso quoque Vitreo illa vascula demonstret, quæ nec Galenus, nec Ruyschius viderunt.

29. Nam quod apud Eruditissimum Anatomicum legitur: humorem Vitreum vascula *copiosissima habere, ut accuratissimæ Cel. Ruyschii injectiones demonstrant*; hoc ita scriptum esse, ex illo eodem scio, quia cum in Crystallina tunica, ut modo dictum est, illa fuerint demonstrata; jam non videantur in Vitrea, ejusque intimis productionibus deesse posse. Nos autem hic quærebarum qui ipsa oculis subicerent. Itaque hæc magis attinent quæ in commentariis legimus, post hæc scripta a nobis, huc importatis, Cl. Virorum Petiti, & Winslowii. Affirmat hic (l), „subtilissimas „injectiones successum aliquando habere in fœtu ac „recens natis, & sensibilia in iis vasa reddere Mem- „branæ Crystallinæ, & Membranæ Vitreæ. Has in- „jectiones in fœtu fere semestri sibi esse visas pene- „trasse partem massæ Crystallini, & Vitrei humo- „ris. „Petitus autem (m) hunc in duobus fœtibus humorem vidit dilute rubentem, non injectionis quidem ope, sed vi inflammationis. Idem vero etiam in altero eorum fœtum Crystallini tunicam rubram invenit; in utroque tamen Crystallinum ipsum excolorem animadvertit. Quem Crystallinæ ruborem, atque adeo vascula quæ per ejus anteriorem faciem describit (n) ex Ciliari Corpore profecta, cum alias, sive inflammatione, sive injectione retegente, tum in fœtibus humanis, tum in bestiis quibusdam conspexerit; nunquam tamen, quavis diligentia usus, ullum vas potuit intra Crystallinum invenire, quin ne minimam quidem fibræ in equorum, neque in magnorum piscium oculis, quæ inter Crystallinum, ejusque tunicam duceretur. Quamobrem cum Antonio ita-  
tuit „ex omnibus nostri corporis partibus unum „esse

(b) Memoir. de l'Acad. R. des Sc. An. 1723. (c) Mem. de la même A. 1728. (d) Advers. VI. Animad. 71.

(e) Exerc. de Cerebro. (f) Vid. supra num. 24. (g) Ibid. (h) loc. & Tab. ibid. indicat.

(i) Thesaur. Anat. 2. Arc. 4. in fig. & Tab. 1. Fig. 8. (k) De usu part. 1. 10. c. 1. (l) Expos. Anatom. tr. de la Tête n. 301.

(m) Memoir. de l'Acad. des Sc. A. 1727. (n) Mem. de la même Acad. A. 1730.



esse CrySTALLINUM qui nullo modo per fibram, aut vas aliquod proximis partibus continuetur, & quod consequitur, omnino videri aliter ac cæteras partes, nutriri, ut puta, laticem quendam, per ea vascula in membranam CrySTALLINAM illatum, & sub hac undique effusum, aut ejus laticis tenuiorem partem imbibendo, & in suas fibras excipiendo; dum interea pars viscidior in ambitu resistendo, eique se agglutinando, novum aliquod ex iis stratis efformat, quibus, ut in cepis, aliis alia excipientibus, universum compingi CrySTALLINUM, constat.

30. Quas tu Cl. Viri conjecturas, atque sententiam eo tibi magis attendendas existimaveris, quo magis in iis & stratis, & fibris, & latice examinandis ejus, omni laude dignam, industriam solertiamque cognoveris. Cujus ego exemplo permotus, quid & mihi animadvertere licuerit, indicabo, eo libentius, quod in similem quidem, sed tamen paulo aliam macerandi, observandique rationem inciderim. Ille enim tunica indutos sua CrySTALLINOS in acidis liquoribus maceravit, ignis vi ex *minerali* fere quopiam corpore elicitis; partium deinde, & stratorum divisionem, & fibras in resiccatis quæsit. Ego vero ex incisa a tergo tunica educens, nudos illico in eandem illam aquam conjeci, in quam Vitreos de quibus supra dictum est, ab affuso citreo succo leviter acefcentem. In qua cum horas XXIV, nec pauciores deinde (abjectis quæ secesserant, frustulis, & quasi flocculis mucosis) in pura aqua puteana macerarem; animadverti sub ipsa aqua, intra quam ut fere semper servavi, ita semper fere inspectavi, faciem superiorem, quæ in oculo postica fuerat, pluribus CrySTALLINIS in fena, uni in quina triangula esse diffusam: quorum vertices triangulorum ad illius faciei centrum porrecti, ut paulo magis a subiecta CrySTALLINI substantia se attollebant, sic alios aliosque suppositos sibi consimilium triangulorum vertices conspiciendos præbebant, ut plenissimi cujuspiam floris explicare se incipientis petala petalis imposita referre viderentur. Tunc addito citreo succo cum multo acidiorum quam prima illa fuerat, aquam reddidissimam, & biduo interjecto, CrySTALLINOS inspexissim; non mirum fuit, quod ampliores (nam & primis diebus aucti videbantur) se ostenderent, quando altius descendentes fulcis, multo plura ac interiora quam prius, triangula vertices attollebant, & ex primis illis atque exterioribus nonnulla in plura triangula, lateribus ad illud idem centrum fere contendentes, se diffindebant. Sic triduo exacto cum extrema jam triangula abscederent, pellicularum forma tenuissimarum, atque albicantium; videre erat singulas, cum aquam nonnihil agitarem, natantes, extremis in gracillima, & candida filamenta divisas, quæ & ipsa a triangulorum basibus ad vertices, aut eos versus recta ferri videbantur. Hæc porro, cum omnia in puram aquam transfussim, insequentibus diebus vel manifestiora fiebant, nonnullis filamentis per se divulsis, & seorsum singulis innatantibus; neque aliter deinceps vidi, abscedentibus, aut detractis, ut post diceretur, triangulis interioribus. quin etiam accidit, cum eorum alterum ab altero avellerem, ut filamentum sæpe aliquod se proderet inter utrumque, & trahentem leniter, sequeretur. Hic quæres forsitan, quid in facie anteriore adnotaverim. Ea vero sive quod firmitus compacta erat, sive quod certe in tunica discissione lædi non potuerat, & pauciora triangula, & levioribus fulcis divisa, nec vertices unquam attollentia ostendit; quamvis veritus, ne pateræ fundum quod contingebat, obstaret, sic CrySTALLINOS inverti, ut quæ inferior facies fuerat, superior foret: nam triangula quidem extrema jam plura apparebant; sed nihil usquam vel intra sex dies de iis quæ subessent, triangulis in conspectum veniebat. Et suberant tamen; ut ex iis intelliges quæ protinus subjicientur.

31. Cum enim macerando, nihil jam amplius utralibet in facie proficerem; iis quos a posteriore facie extare dixi, triangulorum verticibus arreptis, hos leniter trahentem non triangula tantum sua, sed & triangulorum basibus continuata, æqualia fere, & similia triangula ab altera facie secuta sunt. Sic fru-

sta detraxi alia aliis imposita, edulibus melonum segmentis consimilia, nisi quod, ut fert depressa utrinque CrySTALLINI forma, aliquanto magis incurva erant. Nec prius detrahendi finem feci, quam ad firmitorem quasi nucleum ventum est, lævi illum quidem superficie, nec sine lineolis tamen, in posteriore præsertim facie, quibus triangula, sed leviter insculpta, describebantur. Hic nucleus quindecim ipsos dies maceratus in aqua pura, & quotidie (nam ferebat ætas) mutata, cum sibi similis perstaret, lineolis primum vix paulo altius, deinde nihilo jam magis descendentes; ex aqua demum in aerem protractus, intra horas haud amplius quinque, jam plures triangulorum vertices, prioribus tamen magis retusos, a postica illa eadem facie attollebat, horisque totidem exactis, triangula alia sub prioribus se pariter extollentia ostendebat, ac novum præterea, qui interius suberat, nucleum, tribus altis lineis tres in partes quasi divisum. Aquæ tum redditus puræ, cum postridie non magis explicasse, sed contraxisse potius triangula videretur; translatus in acidam, rursus explicavit, ut post bidui macerationem segmenta detrahente, ut antea, potuerim, donec ad nucleum venire parvum, in quatuor, aut quinque triangula leviter insculptis lineis distinctum ea præsertim quæ sæpius memorata est, facie posteriore. Quem continuo in acidam aquam conjectum cum postridie proferre vellem, ad primum, levemque contactum abire vidi in particulas tres, fere æquales, similesque inter se, non secus ac si pomum ducto secundum altitudinem cultro in tria segmenta divides ferme æqualia. Earum partium aliqua jam subobscurè apparebat ad eundem modum bipartita. Quin præclare meminisse, CrySTALLINOS alios quos iisdem macerationibus subjeceram, in medio harum decursu, cum nucleus etiam tum grandior esset, sic in tres partes se divisisse, harumque singulas ulterioribus macerationibus in binas denique abisse. Quarum omnes, quasunque extra aquam seposui, intra quatuor, aut quinque horas conspexi se bifariam subdivisisse, videlicet a convexa facie in crassum corticem, ab altera in nucleum. illum vero iterum secundum longitudinem in segmenta, ut in melonibus videmus; non sic nucleum, quem facile erat ut a cortice demere, ita firmum compactumque perspicere. Hæc eadem omnia, cum extra aquam reliquissim; in tribus illis particulis animadverti, in quas videlicet, ut paulo ante dicebam, post tot macerationes, & segmentorum detractiones postremus ille CrySTALLINUS se dividerat. Quin etiam harum particularum exiguos nucleos ulterioribus in acida aqua macerationibus aggressus, cum deinde extra aquam posuissim, postmodum in corticem pariter, & minimum nucleum posse dividi, conspexi; licet aliquanto difficilior, ut ferebat non solum rerum parvitas, sed & eo firmiter duriorque CrySTALLINI substantia in adultorum quidem, de quibus Anatomici fere loquuntur, corporibus, quo propius intima centrumque venit: quæ tamen durities non prohibuit quo minus corticem, & nucleorum sicca jam latera inspectans, strata stratis imposita præclare dignoscerem. In quæ solidam universi CrySTALLINI substantiam resolvendi cum aliæ non desint rationes; tum vero hanc quam postremo descripsi, alterne ipsum in acida aqua macerandi, & extra aquam seponendi, plures ad res accommodatissimam censeo.

32. Indicatum est supra (o), CrySTALLINOS a maceratione amplificari. Id vel in exiguis illis de quibus modo dictum est, nucleis adeo manifestum fuit; ut in aqua alii acida, alius pura horas aliquot macerati, particulam quisque æquarent totam, mox etiam excederent, cujus modica portio paulo ante fuerant, quam sicci e sicca extraherentur. Cæterum cum siccescunt, omnes CrySTALLINI particule quæ in acida quidem aqua maceratae sunt, ad flavedinem vergunt; eademque ipsæ albicant, si in puram transferantur. Commune hoc est non tantum bubulis, de quibus omnia quæ dixi, accipies, sed humanis etiam CrySTALLINIS: quorum aliquos a multis jam mensibus resiccatos, non modo flavidos, sed quasi e croco in-

tus



tus constarent; luteos esse video; facie autem altera octo in triangula subdivisos satis eleganter, ut universæ fissurarum lineæ alteris cum repræsentent: hos senum, aut certe virorum fuisse, memini. Sed; ne alterum, quod cum bubulis commune habent, ac minus fortasse negligendum, omittam; cum primum utroque, recentes scilicet, in acescentem aquam ex sua tunica devolvi, animadverti, ex iis locis in quibus viscida illa & mollis eorum extrema substantia non-nihil forte læsa fuerat, perbreve tempore interjecto, attolli, & fluitare frustula quasi pertenuium adhærentium membranularum, iis quæ ex discerptis Vitrei humoris partibus eodem tempore, modoque se attollebant (p), consimilium; ut, si hæc Vitrei, membranulæ veræ sint, eæ quoque esse videantur. Quod si est; quis præstare possit, nullas ex ejusmodi membranulis, præ tenuitate visum alioquin effugientibus, cum proxima interna facie CrySTALLINÆ tunicæ committi, ex eaque vascula introrsum importare? Nec tamen is ego sum cui minime placere debeat quæ supra (q) memorata est, nutritionis CrySTALLINI, ejusque incrementi ratio, viscidæque illius substantiæ origo. Nam etsi, ejus tunica incisa, humorem quendam aqueum prodire, docui (r); non propterea negavi, hunc quidquam aut ab aqua, aut etiam ab humore Aqueo oculorum differre. Et quanquam eos qui me ad illum laticem in vitulino, bubulo, atque adeo humano CrySTALLINO reperendum exemplo piscium, nec sane paucorum, excitaverant, Stenonium secutos esse, video, qui omnino aqueum esse, scripserat (s); eundem tamen Auctorem, quod ad pisces attinet, Antonio prævisse, invenio, quippe id docentem (t) quod novis conjecturis de modo nutritionis CrySTALLINI, causam præbuit, id est, hujus solidum corpus undique esse ab sua tunica sejunctum. Juvat magni Anatomici de his omnibus verba proferre. Pesci ex canum genere CrySTALLINI humoris substantia triplex erat: media dura, & ex lamellis composita; huic undique adherens alia multum glutinosa; tertia tunicæ proxima, omnino aquea. Sed & hoc piscibus aliis plurimis datum est. In cane autem Carcharia (\*) cum eadem triplicem substantiam descripsisset, diserte hoc addidit: Solidus globus visco suo circumdatus libere in aqua videlicet suaolvebatur. Mitto quæ paulo infra subjecit, ejusmodi rerum dispositione, illorum quos supra (u) secuti sumus, opinionem confirmari, scilicet per Corporis Ciliaris fibras, dum breviores fiunt, CrySTALLINI convexitatem tanto facilius deprimi, quanto minus actionum illarum contenti fluidi mobilitas resistere poterit: quam ipse opinionem, aut opinionis potius aliorum, & in his Cartesii (x), ab eo qui ad hujus libri oram adnotatiunculas addidit, male intellecti, confirmationem ad Auctorem refert ingeniosissimum Philippeau, qui & CrySTALLINI figuram ex duabus hyperbolis in homine compositam existimabat. Verum ut hæc ultima ad illa attinent de quibus in superioribus (y) actum est; sic priora faciunt ad novas istas de nutritione CrySTALLINI conjecturas usque adeo comprobandas, ut vel ea tolli dubitatio videatur, quam a membranulis petitam, ipsum sua cum tunica fortasse committentibus, inducebamus.

33. Utcunque id est; viscidam quam nos etiam vidimus, descripsimusque (z), materiam, CrySTALLINO extrinsecus agglutinatam, non aliter nova huic strata addere, crediderimus, quam tenuissimis membranulis, aut certe fibrillis accrescendo, increscendoque, quas jam a primordiis, quasi telæ stamina, natura subjecerit. Has enim in stratis interioribus, quæ a principio ipsa quoque mollissima fuerant, & gelatinæ, quam vocant, similia, has, inquam, satis aperte fibrillas conspiciamus, vitro præsertim non-nihil adjuti, internamque corticum illorum faciem inspectantes, quibus intimos, ut supra diximus (a), nucleos ademerimus. Cur igitur in consimilibus exterioribus stratis non esse, arbitraremur; tamen in his quoque, atque adeo in extremis alia pariter, sicut antea ostensum est (b), ratione non vidissemus? quemadmodum nullo artificio vidimus in lamellis omnibus cujusdam CrySTALLINI leporini, qui tibi commodius

aliis litteris (c) describetur. Quod si vasa humoris crySTALLINI, quæ detecta, ut accepimus (d), recenset Doctissimorum Edimburgensium Medicorum Societas, ad ejusdem humoris substantiam pertinere, constiterit; tanto ipsa libentius addemus, quanto id magis consueto naturæ instituto cæteris in partibus nutriendis respondet. Sin minus; has interea conjecturas, & Galenum ad litteram, quod ajunt, sequemur, qui, ut supra memoratum est (\*\*), diserte negaverat, in humore CrySTALLINO venam inesse. Quænam autem vasa olim indicaverit Hippocrates (e), cum in oculos, inquit, venule tenues ad visum ex cerebro per ambientem membranam feruntur. Hæc autem venule visum alunt humore de cerebro purissimo, qui etiam in oculis apparet; num ipsos Opticos nervos, ut visum est Prospero Martiano (f), an potius, ut venularum tenuium nomine videtur significare, vascula sanguifera, cum iisdem nervis in oculum, ut supra diximus (g), & speciatim in Retinam, ut infra dicemus (h), descendunt; anxie hoc in loco non inquiremus. Ibi dem vero cum Membranas tres esse, ait, quæ oculos custodiunt, supernam quidem crassiorē, mediam tenuiorem, tertiam tenuem, quæ humorem conservat, quam etiam tenuissimam mox describit, & omnino periculosa, si lædatur; postrema hæc non unam ob causam placet de Retina potius, quam de CrySTALLINA, interpretari.

34. Qua de Retina ut tandem aliqua dicamus; vulgatus est quam ut demonstrari oporteat, Galenum (i) sicuti Scleroticam, & Choroidem ex nervi Optici meningibus, ita Retinam censuisse ex intima nervi medulla, sive ex cerebri portione superne descendente atque amplificata constata esse. Illud non est æque vulgatum, etsi plerique in eadem sententia fuerint; tamen quosdam Anatomicos paulo aliter de Retinæ origine sensisse. Sic Theophilus (k) docuit, tenuem nervi tunica, cum nervo ampliatam reticularem membranam facere. Sic Stephanus (l), ex tenuis meningis substantia fieri ---- bonam portionem tunicæ retiformis ----; hujus enim alteram portionem fieri ab optico dilatato. Sic Cafferius (m) dubitatione illa permotus, quam aliter omni solutione majorem existimabat, videlicet cum cerebrum ita omnibus sensibus privatum sit, ut ne tactum quidem per se obtineat, quomodo igitur ex re tam stupida, membrana tam acuti sensus produci possit? censuit, Retinam pro pura cerebri substantia non esse sumendam, sed potius, quod supra (n) etiam attigimus, portiuncula præ matris integri, & sic ab ipsa, una cum medullari substantia constitui. Hæc Cafferii, aliorumque laudatorum Anatomicorum sententia eo fortasse magis attendenda erat, quo plures postea Ingeniosissimi Viri, illa eadem dubitatione, quasi præcipua ratione, subnixi, non Retinam, quippe sensus expertem, sed Choroidem potius, quippe Tenuis meningis productionem, tunicæ exquisitissimo sensu præditæ, videndi primarium organum esse, contenderunt. Nam Retinæ quidem pelluciditas, cæterorum sensuum comparatio, chartulæ oculum certo intervallo, & situ effugientis observatio, aliæque ejusmodi, quibus utebantur, rationes, facilius fortasse dissolvi poterant.

35. Aliud namque est, ab radiis lucidis Retinam trajici, aliud non ita agitari, ut si conditiones habeat naturæ, & loci quas antepositæ in oculo pellucidæ aliæ partes non habent; in ipso trajectu satis affici, atque ita ut opus est, possit: quanquam non ita demum trajicitur; ut in ipsa objectorum imagines non pingantur. Pinguntur enim, quod facili constat experimento in oculis non solum bovillis, ut a Briggio quoque (o), & Molinetto (p) commemoratum est, sed & humanis, feliciter mihi respondente. Et ne forte putes quod alii, opacata morte, aut ab æris contactu Retinam fieri; sic in bovis oculo experimentum cape, quemadmodum mihi venit in mentem, ut quam Scleroticæ, subjunctæque Choroidis partem ab Retina attolles, non prorsus abscindas, quo facilius statim atque imagines in Retina pictas conspexeris, illam tunicarum earum partem, sicut paulo ante erat, apte in suum locum, sedemque restituas. Mox tota oculi, & Vitrei quoque humoris anteriore portione ablata,

(p) Vid. supra n. 27. (q) n. 29. (r) Advers. Anat. VI. Animal. 71. (s) Hist. dissect. pisc. ex ar. gen. (t) Ibid. (u) Can. Carchar. dissect. cap. (v) n. 16. (x) Dioptric. c. 3. (y) n. 20. (z) Animal. cit. (a) n. 31. (b) n. 30. (c) Epist. prox. seq. n. 28. (d) Vid. Aët. Erud. Lips. A. 1734. M. Septembr. (e) n. 28. (f) De Loc. in hom. n. 5. (g) Magn. Hippocr. Annot. in l. cit. v. 37. (h) n. 1. (i) n. 44. (j) De usu part. l. 10. c. 1. & 2. (k) De corp. hum. fabr. l. 4. c. 19. (l) De dissect. part. corp. hum. l. 3. c. 21. (m) Pentæsth. l. 5. S. 1. c. 36. (n) n. 3. (o) Ophthalmogr. c. 3. (p) Dissert. Anat. l. 4. c. 2.



ta, videas, an Retina adhuc ita pelluceat, ut viridem Choroidis colorem, non per cæteras tantum partes, sed per eam quoque, & nihilo quidem minus, transmittat, quæ aeri modo exposita fuerat. Certe non dubito, si tibi ad eum modum ad quem mihi & cæteris quibus demonstravi, res succedat, te nunquam eo rediturum, ut Retinæ illatam ab aere, multoque minus a morte, opacitatem causeris; & pellucidam quidem Retinam, sed hæcenus agniturum, ut tamen objectorum imagines in ipsa pingantur. Quod si hoc non satis esse credas, ut in ea præcipuum visus instrumentum reponas, & in hoc non qualemunque, sed tantam omnino opacitatem requiras, ut in ipso radii prorsus sistantur; vide, ne sic Choroidem quoque ipsam, atque adeo oculum universum ab eo præcipuo munere, officioque dejicias. Omnes enim quæ in memoratis a Briggio (q) animantibus fundum oculi conficiunt, tunica nonne ista careant quam postulas, opacitate necesse est, si eorum integro oculo luci exposito, in fundo --- objecta conspiciuntur inversa, & colores varii pulcherrimo spectaculo per scleroticam apparent?

36. Neque ad Choroidem in eo officio retinendam facit magnopere cæterorum sensuum comparatio, quasi Retina Epidermidi, Choroides Cuti, ut olim, & nostra quoque ætate est inculcatum, aut Retina Membranæ Tympani, Choroides autem Labyrinthi membranis responderet. Nihil enim prohibet quin cum his Retina potius; cum Tympani autem Membrana, Cornea, vel CrySTALLINA comparetur: aut; siquid hoc prohibet; at certe quin Cutis & Retina; Epidermis autem, & Vitrea tunica, Retinæ ipsi incumbens, inter se conferantur. Imo si quid significat cæterorum sensuum comparatio; illud præcipue significat, ut in cæteris, sic in hoc quoque ipsam nervorum productionem, aut expansionem primum sentiendi organum esse credendam; expansionem autem Optici nervi, non Choroidem, sed Retinam esse, ponunt. At enim illa effugientis chartulæ observatio (r) ostendit, eum ipsum locum ubi nervus Opticus se expandit in Retinam, carere videndi facultate: ibi vero Choroides ipsa deest; Retina nequaquam deest. Fateor. Sed illa tamen æquabilis explanatio deest, aut illa omnino conformatio, quam in cæteris Retinæ partibus videmus. Nam diu antequam hæc controversia existeret, jam notum erat quod Fabricius noster (s) memoravit, ubi nervus opticus in tunicas dissolvitur, ibi cavitatem quandam exiguam efformari, quæ inæqualem oculi internam superficiem efficit. Ad hanc inæqualitatem spectant quæ scripsit Rolfincius (t): inprimis admirabile naturæ artificium elucescere in eo, quod quæ medullaris nervi optici substantia retinam efformare incipit tunicam, nervus ipse crenato q. margine in exigua capillamenta fissum se videndum curiosis offerat oculis. Briggsius vero (u) ab Retinæ fibris ad nervi Optici exitum papillam quandam efformari, animadvertit. Utrumque, hoc est parvam cavitatem, & in hac tuberculum medullare, in acumen desinens, agnoscit Præcl. Anatomicus Winslowius (x). Ego foveolam certe in homine, bove, vulpe, lepore, canē, in hoc præterea quendam quasi annulum album, & nonnihil extantem, qui foveolam cingeret, vidisse memini; in lepore autem intra ipsam albam foveolam quidpiam ad alteram hujus oram, semiannuli instar tenuis & subatri: cujus ideo mentionem facio, quod tum Valsalvam in Schedis video non cavitatem modo in leporibus adnotasse, sed & nervi Optici ingredientis ruborem ab una parte ac si sanguinem stagnantem haberet, tum Guenellonium (y) animadverto in asellis piscibus circa hunc locum parvam quandam & nigram lineolam indicasse: foveas autem idem appinxisse videtur duas, quas inter elliptico ambitu alba zonula promineat. Cæterum foveolæ in hominibus, in bobus, in aliisque præterea ex terrestribus animantibus ambitum vidi circularem, & leviter prominulum, Retina præsertim, eoque magis Choroidæ etiam ipsa detracta, sicut in homine aliquando animadverti; unde factum credo, ut Eustachius, qui Retinam ostendens (z), omiserat, mox

hac (a), magisque, Choroidæ sublata (b), repræsentavit.

37. Cum igitur ad cæteras quæ pro Choroidæ adversus Retinam afferri præcipue solebant, dubitationes dissolvendas iis abunde instructi simus quæ in dissectionibus observamus; videndum est nobis, an ex his ipsis aliquid suppetat ad id infirmandum quod ex medullari, ideoque sensus experte, Retinæ natura obiciebatur. Et medullarem quidem omnino haud esse, sed ex Tenui etiam meninge constructam, quidam olim, ut supra ostendimus (c), Anatomici docuerunt. Verum quoniam eorum aliquem id conjectura tradidisse, apparet, ut Casserium; cæteri autem ratione, an observatione adducti scripserint, non apparet; idcirco videndum est nobis, possitne res demonstrari, aut, si non possit, ullane saltem ex anatome indicia existant, quæ siquis in re difficillima sequatur, is minus a veri similitudine quam qui non sequantur, discedat. Principio, quemadmodum nervus Opticus, ejusque tunica se in oculi tunicas explicare incipiant, videamus. Jam diu est ex quo certum exploratumque habeo; non ita facilem claramque rem esse, ut plerique videntur existimare. Cum enim inter primas quas peradolescens dissectiones aggrediebar, bubulos præsertim oculos sæpe consecarem, nec semel Optico nervo suis cum tunicis secundum longitudinem per medium diviso, sectionem in ipsas quoque oculi tunicas eandem producerem; jam tum animadverti, duocum primis esse quæ rem minus expeditam reddant, minusque perspicuam, quod ad Retinæ, & Choroidis initium attinet; contractionem intimæ ipsius nervi substantiæ, & nigredinem, aut certe fuscitatem quandam, huic, Tenuique interdum meningi offusam. Primam, ab aliis etiam postea memoratam, antea adnotaverat, ut mox vidi, Marcellus Malpighius (d); de altera quidpiam attigerat in parte Jo. Baptista Verle (e). Ille enim hæc scripserat: *antequam Retinæ fiat expansio, tam arte constringitur extrema Optici latitudo, ut necessario intestinulorum, & fibrarum, si quæ sint, intima fiat connexio, & nodus.* Hic autem: *Choroidem, quæ apparet nigra, ut exuvia uvarum, tegere paucillum substantiam medullarem nervi Optici; quanquam in uno Iconismo (f) ad semidigitum circum nervum protraxit istam choroidis nigram caudam, ut appellat, exiguam; in altero autem (g), ubi archior quam alibi, esse solet, ibi contra ac Malpighius docuerat, multo latiore substantiam medullarem nervi Optici delineavit.* Ego ut nigrescere in ipsis bobus intimam nervi tunicam extra oculum quidem inveni, sed ubi ad oculum jam propius accesserat; sic nervi substantiam in ipso per Scleroticam transitu & aliquantum contrahi, & nigricare conspexi, nigredine cum alibi, tum in medio præsertim nervi magis attendenda, quod ibi nigra quædam linea non tenuissima altero extremo se se extra oculum producebat; altero autem ad initium explicationis Retinæ pertinebat. Omnis ea quæ est descripta, nigredo minus facile reddebat non modo intimæ nervi tunicae, & initii Choroidis, & extremorum nervi laterum certissimos fines constituere, sed hoc etiam, a medullari magis, an a membrana de qua mox dicetur, interiore nervi parte suam Retina haberet originem. Et quanquam in ovillis oculis nihil fere horum obstaret quæ in bovillis commemoravi, sed circulari areolæ ex qua Retina fumebat initium, alba extremi nervi substantia, nonnihil in suo per Scleroticam ingressu contractam; responderet: quanquam & bubuli essent, in quorum nervo vix aliqua contractio, vix aliquid fusci, præsertim extra Scleroticam, appareret: quanquam denique in humanis illis quos postea dissecabam, contractionem modicam, nihil autem nigri deprehenderem; non deerat tamen in contracta illa extremaque nervi parte quod satis mihi difficultatis afferret. Ibi enim cum attentius nervi sectionem inspicerem; ejus substantiam videbam, repente ex alba, atque opaca subfuscâ, & quasi subpellucidâ fieri. Animadvertebam id maxime in bobus, atque in hominibus; tametsi non æque in omnibus: in illisque ad subnigrum, in his

(q) Opusc. cit. c. 8. (r) Vid. n. 354. (s) De Oculi P. 3. c. 10. (t) Dissert. Anat. l. 4. c. 31. (u) Opusc. cit. c. 3.  
(x) Exposit. Anat. tr. de la Teste, n. 223. (y) Vid. Act. Lips. A. 1686. Tab. 9. Fig. 5. & seq. & Fig. 3. & 4.  
(z) Tab. Anat. 40. Fig. 10. (b) Ibid. Fig. 11. (c) Ibid. Fig. 12. (d) Exercit. de Cerebro.  
(e) Anat. Artif. Oculi. (f) Fig. 3. (g) Fig. 4.



his potius ad cinereum colorem accedere. Ea portio sic mutatae substantiae minima erat altitudine, illicque foveolae quam in Retina descripsimus (b), respondebat. Itaque Retinam annexam habebat, alicubi etiam, ac praesertim ad centrum, arctius, credo ob sanguifera vascula de quibus postea dicitur (i). Choroideas autem quomodo aut ei substantiae, aut nervi tunicis se annecteret, satis perspicue videre non poteram; multoque etiam minus, cujus naturae illa eadem substantia esset: quam tamen ut trunci nervi Optici continuatam, atque adeo ut ejus trunci extremum, credibile videbatur, ejus nervi naturam sequi, nec medullarem tantummodo esse, verum etiam membraneam.

38. Memineram quidem, Falloppium (k) ad Vesalianam Optici nervi descriptionem hoc addidisse, quod *cerebri substantiam mollem in se continet, quae per expressionem in lucem venit*; sed & Vesalium tamen (l), cum Falloppio responderet, confirmavisse, ab se interdum visam in porcis natu grandioribus, *substantiam illam vetuti pluribus efformari funiculis, & nervos referre, qui funium forma, & natura, in brachiis, & cruribus, alibi que passim sunt obvii*. Neque me fugiebat, jam olim Coiterum (m) docuisse, nervos, nullo excepto, ne Optico quidem, consilari hoc modo: *fibras capillares ex medulla cerebri, tenui meninge, quam secum ducunt, circumplacatas produci, quae primum separatim discretae, --- mox coacervatae, & colligatae, tenuis meningis beneficio eoque progrediuntur, quousque extra calvariā, aut vertebrae prorupturae sunt; ibi duram meningem --- investire nervi rudimentum*. Illam Coiteri observationem recentioribus Nervorum Scriptoribus placuisse, videbam: & ante eos Rolincium (n) ad eandem respexisse in ipsis Opticis, arbitrabar, qui cum hos, scripsisset, *non tam ex medulla solida, --- verum non aliter ac ceteros omnes, ex multis nervosis Fibris, seu Filamentis, sed mutuo sibi quasi per membranas connatis, constare videri: & in Optico bovino, caprillo, ovino, medullari humiditate digiti expressa, filamenta nervosa haec conspici*; mox addidit: *has fibrulas --- se existimare adscribendas esse membranis medullarem substantiam comitantibus*. Sed Coitero Malpighii (o) praeter ceteris observationes fuisse, inveniebam, qui in Optico nervo Bovis, Caprae, Suis, &c. post levem elixaturam, quasi virgularum acervum, microscopio adjutus, conspexit, quae compressae rotundo ore eructabant *mollem cerebri substantiam: propria membrana a pia matre communicata investita, --- nexaque ad invicem tum vasis, tum forte etiam membranosae filamentis, ob contiguitatem invicem sibi communicatis, --- tandem extensae cum vasis in Retinae propaginem*. His novissime successerunt qui rem aliter proponerent quidem; sed tamen structuram quoque sive fibrosam, sive membraneam in hoc nervo agnoscerent, ut Ruyschius (p), qui non sine praecedente peculiari preparatione, ostendit *spongiositatem foraminosam*, fassusque est diserte (q), Opticum *ex plurimis fibris nerveis compositum, arundinem indicam aemulari*: ut Meryus (r), qui hunc descripsit, „ple-„ num exiguis cellulis membranosis, inter se commu-„ nicantibus, --- & medullam continentibus: „ ut ante horum utrumque, Cowperus (s), qui cellulis, globulos representantibus, esse intimam nervorum structuram compactam, docuit: quo referri possunt aliorum quoque non recentissimae observationes, & nominatim Willisii (t), qui scripserat: „ Nervos ipsos „ (prout microscopii ope detegere licebit) per totum, poris & meatibus, quasi totidem alveolis densissime excavatis & invicem contiguis, instrui: ita „ *σπυγώδης*, inquit, eorum substantia, instar cannarum, Indicæ, ubique porosa ac pervia est. „

39. Ego qui in Optico suis nervo, toto illo transversu digiti tractu quo adhærens oculo relictus fuerat, ubicunque transversam sectionem ducerem, tenues areolas medullares, singulas singulis nigricantis retis maculis non minus evidenter, quam eleganter comprehensas spectavi; eo quidem minus dubito, rete membraneum fuisse, quod vel extrema nervi tunica nigrescebat. Sed num rete ipsum ex sectione appareret membranularum, rectas, oblongasque fibras cingentium, an

parietes cellularum conficientium, non necesse habeo in praesentia quaerere: ut neque illud, num forte dum medullarem omnem substantiam exprimimus; quod mihi in nervis Opticis humanis, ne diuquidem, multumque premendo, satis successit; dum aquam propterea ad illam substantiam penitus averrendam, eluendamque injicimus; nam aliter frustra aerem immittere conamur; dum illa denique satis absterfa, hunc immittimus; dum, inquam, haec omnia, quae sine vi expediri non possunt, praestamus; num forte tenuissimae, quae medullam interstinguunt, & continent, membranulae, aliaeque has inter se connectentes, partim se jungantur, partim disrumpantur, partim laxentur; ut pro membranis rectis canaliculis, & vaginulis, cellularum imaginem siccatae demum repraesentent: nam aut multum patiatum intima illa tenuissima structura, necesse est, aut Summum Anatomicum Ruyschium (u), alia, ut opinor, quam ista Praestantissimi Viri Meryi administratione, utentem, credere oporteret, non vera scripsisse, cum illam *spongiositatem foraminosam*, docuit, *non solum sese videndam exhibere in nervis opticis, ubi orbitas intrarunt, durioresque facti sunt, verum etiam pone, imo & ante eorum intra cranium unionem*; quando Meryus (x) post suam illam praeparationem, nihil cellularum iis in nervis ab orbita ingressu ad cerebrum usque, sed vaginam, a Tenui meninge efformatam omnino vacuum invenit. Verum hanc, ut dixi, licet hic disquisitionem omittere; cum Meryus ipse intra orbitam saltem, intimam eorum nervorum structuram, ex membranulis quoque constantem agnoscat: quas cum reliqua substantia in extremam illam (\*), quasi subpellucidam, nervi portionem, & ex hac in Retinam non propagari, neque verisimile est dicere, neque facile est satis evidenter ostendere, praesertim cum cellulosa structuram Cowperus (y) in nervis descriptam, in Retina ipsa praecipue, doceat, per microscopium apparere. Nec vero plurimum refert, an membranae cellularum nervearum parietes a vasis sanguiferis, ut ipse arbitratur, an a Tenui meninge originem habeant; si membranam in Retina partem requirimus ad objectorum impressiones excipiendas, exceptasque cum proxime adjuncta medullari communicandas, per quam demum, non per illam, ad sedem usque cogitantis animae traducantur. Nam & a membranulis Labyrinthi cum medullari substantia Mollis Auditorii nervi Portionis, & universe ab duriore cujusque nervi parte cum medullari ejusdem nervi origine ceteras quoque impressiones, plerique non dubitant, communicari.

40. Sed de his tu videris; ego enim, in medio relinquens, ad alia transeo, unde id quod potissimum quaerimus in hoc loco, magis elucescat, in Retina praeter mucosam substantiam, firmiorem quoque alteram non sine veri magna similitudine esse agnoscendam. Diu est ex quo docere plures coeperant, & in his Willisius (z), Retinam partem esse medullarem, & fibratam. Verum id docebant, non quod in ea fibras demonstrarent, sed quod ab ipsa nervi optici substantia medullosa ac fibrata procedere diceretur; diceretur, inquam; nam vel iis temporibus minime deerant qui Retinae originem in dubium vocarent: itaque ante Willisium Lyferus (a) scripserat, Retinam a medulla pronatam credi. Primus, quod sciam, qui in Retina fibras ostendere se posse, credidit, rationemque eas spectandi in Retina bovilla proposuit, Briggsius (b) fuit. Sed etsi pictura quoque (c) expressit; tamen haud magis quosdam permovere visus est, quam si pro fibris rugas, praesertim in paululum retracta, ut ait, Retina delineasset, quales ferme rugas ab Optico nervo se se in eam tunicam producentes in Eustachii Iconismis (d) conspiciamus. Itaque Mariottus (e) non propterea omisit contendere, praeter viscosam seu medullarem substantiam, & vasa sanguifera nihil aliud, adeoque nec fibras, in Retina reperiri. Annis post aliquot suam illam rationem Briggsius retulit (f), confirmans, eas fibras *seriem ubique inconfusam servare*, imo & alias quasdam fibras transversas addens,

I i

quæ

(b) n. 36. (i) n. 44. (k) Observ. Anat. (l) Exam. earund. (m) Observ. Anat. (n) Dissert. Anat. l. 4. c. 31.  
(o) Exercit. cit. (p) Epist. Anat. Tab. 16. Explic. Fig. 4. & 5. (q) Theaur. Anat. 10. n. 164.  
(r) Memoir. de l'Acad. R. des Sc. A. 1711. (s) The Anat. of hum. bod. (t) Cerebri Anat. c. 19. (u) Explic. cit. Fig. 5.  
(x) loc. cit. (\*) Vid. supra n. 37. (y) Oper. cit. (z) De anima brut. c. 15. (a) Cultr. Anat. l. 3. c. 8.  
(b) Ophthalmo. c. 3. (c) Fig. 2. (d) Tab. Anat. 40. Fig. 4. & 5.  
(e) Vid. l'Erud. Lips. A. 1683. M. Febr. (f) Nova Vis. Theor.



quæ priores illas fibras in longum decurrentes, sive radiorum instar, ab Optici nervi insertione se expandentes, reticulari quodam ac tessellato opere connectant. Neque tamen id prohibuit, quo minus is qui methodum ab illo præscriptam secutum se diligenter, agebat, Guenellonius (g) aperte negaret, in bovis, hominis, aliorumque plurium terrestrium animantium Retinis se fibrarum regularium ullas videre potuisse. Cæterum hic in asellis piscibus invenit, præclarisque Iconibus (h) demonstravit filamenta manifestissima, totam Retinæ anteriorem faciem occupantia, & peculiari insuper membrana subnixa, quæ a nervo Optico tanquam centro quodam plenarie in radios versus processum ciliarem assurgunt, --- apte ordinata atque distincta, & quæ sufficienti soliditate gaudent, & sine ulla ruptione se dimoveri patiuntur. Cum res ad hunc modum se haberet, neque manifestæ illæ fibræ quas proposuerat Briggsius, ab aliis agnoscerentur, aut si agnoscerentur a quibusdam, dubitari tamen posset, naturali structuræ, an complicationibus & rugis ab agitatione, aut ab incalescente; nam hæc Briggsius requirebat; aqua, deberentur, nec Guenellonii demonstratio, quæ fibras illa quidem nullâ prorsus adhibitâ præparatione, ut per se erant, ostenderat, nisi in asellis piscibus, certe non in terrestribus animantibus, locum haberet; extitit Valsalva noster (i), qui in his etiam, atque ut per se occurrunt, Retinæ fibras demonstraret. Nam certe leporinis aliquot oculis apertis, continuo in omnibus mihi evidentissime occurrerunt albæ, tenuissimæ, creberrimæ fibrillæ, quæ ab se inferentis nervi Optici cavitate quasi a centro quodam profectæ, radiorum instar per Retinam pergebant, nusquam propterea imaginem reticularis operis efficientes. Eo nitidius apparebant, quo erant adhuc nervo Optico propiores: nulla autem corrugationi, sed naturæ omnes debebantur. Qui structuræ modus etsi in humanis, aliisque a me diligentius sectis oculis non est conspicuus, & vix in cane quodam mihi quadantenus se se obtulit; veri tamen simile est uniformem in sua varietate Naturæ morem attendentibus, latere potius, quam omnino non esse.

41. Satis consimili, nisi quid me fallit, structura in olfactus organo piscium multiplicitatis generis, Natura utitur. Nam quod monuerat Rondeletius (k), non esse quod quis per foramina illa quæ ante oculos sunt narium loco, pisces odores percipere certo credat; ad cerebrum enim usque non permeare, sed partim obsepta, & cæca mox desinere, partim ad branchias ferri; id mihi, aliisque non uno in piscium genere querentibus longe aliter inventum est. Casserius enim (l) in lucio pisce cum ea foramina perscrutaretur; viam per quam cum cranii cavea communicent, olfactui, & auditui, ut ipse credebat, communem, delineavit; tametsi Auditorios nervos procul ab eadem via pinxerat (m), Olfactorios autem ne indicavit quidem, nedum ea cum via quid commercii haberent, non ostendit. Ego cum olim in acipenserum utroque genere & qui obtusiore, & qui acutioris sunt rostro, quærerem olfactus instrumentum, neque alios qui in piscibus ante me quæsierant, eo tempore perlegissem; bina utrinque ante oculos foramina primum spectavi, cum singulis modicis cavæis subrotundis communicantia, angusto inter se intervallo divisa, majus unum, alterum minus, credo, ut aqua odore imbuta admitti, & exire facilius possit, ut nova subeat, & membranam qua sunt cavæ parietes succincti, magis magisque percellat. Porro fibræ per eam membranam elegantissime ducebantur: omnes enim ab exiguo quodam circulo, minori foramini fere ex adverso respondente, quasi a centro discedentes, in radiorum modum procurrebant. Ea foramina, eam caveam, eam membranam, has quoque ex parte fibras Casserius (n) ex lucio pisce pingendas curavit, quas verbis (o), magis etiam huc pertinentibus, ita cum membrana descripsit: „Membrana rotunda, variis, ac pene innumeris filamentis, quasi a circumferentia ad centrum, roboris gratia, ductis, tympano auris aliorum animalium respiciens, necnon auditui, & olfactui celebrando ma-

„ xime deserviens. „ Verum neque hanc, Casserii Auditorii nervis subservire, neque caveam, ut Rondeletius agebat, ad branchias ferri, sed ad cerebrum, quod ille negabat, permeare, in acipenserum quidem utroque genere manifestum fuit. Nulla enim alia erat a cavea introrsum via, nisi quæ a circulo illo exiguo qui fibris erat instar centri, occulebatur. Canalis enim inde incipiebat, in cartilaginea capitis substantia insculptus, qui non ita brevi emenso spatio, in cranii denique cavum pertinens, Olfactorium sui lateris nervum excipiebat, & in illum de quo dictum est, parvum circulum perducebat, ex quo membrana, & fibræ se se per cavæ parietes explicabant. Is circulus in nonnullis, erat confertissimis oppletus punctis nigricantibus: fibræ autem in altero genere pauciores quidem, sed crassiores, & elegantiores, ut quæ ad summum cavæ ambitum accedentes, quasi in plures singulæ se se expandere incipiebant. Verum in utroque pariter genere subnigræ cum essent, eoque magis conspicuæ, suspicionem injecerunt, nerveane filamenta, an quoniam ad illum usque circulum albicabat nervus, sanguifera vascula essent existimanda. Quod etsi ob eorum quos dissecebam, juniorum adhuc acipenserum parvitatem, non facillimum erat discipere; tamen cum postea Stenonium viderim in Historia dissecti Piscis ex Canum genere, ab nervis Olfactoriis nervea filamenta in tunicam narium, id est hujusmodi, naribus analogæ cavitatis, non solum scribere diffusa, sed per ipsam a centro ad ambitum, radiorum forma, porrecta pingere (p); minus mihi dubitationis relictum est, quin vasculis etiam, si forte essent, sanguiferis, nerveæ fibræ adjungerentur. In ea descriptione, & delineatione illud quoque addidit Vir Solertissimus, ipsam caveam plenam esse tenuissimis lamellis membranosis: pro quibus ego in canicula pisce fibras albas vidi, sed crassiusculas, atque ita dispositas, ut pectinis, seu rastro potius cujusdam utrinque dentati ferre imaginem referrent, ex quarum interstitiis multum sane muci exprimebatur, neque ab similem in corbello pisce fabricam, minori anteriorique de duobus inter se proximis foraminibus, quorum alterum aliò visum est pertinere, subjectam. In canicula unum est: in acipensere autem duplex, uti dixi; sed sine hac addita structura, quam Stenonium putat eo spectare, ut non secus atque Turbinata ossa, organi amplificet superficiem. Id quoque, & is de quo dicebam, mucus, & potissimum Primum nervorum par, valde crassum, ad hanc pariter in canicula caveam perductum, ut nihil cum auditus, plurimum cum olfactus instrumento conveniunt; ita Casserii opinioni, utrumque hic organum conjungentis, inter alia quæ sciens prætereo, non obscure adversatur. Cumque in hanc piscium caveam nullum unquam invenerim, nisi quem indicavi, nervum pervenire; hinc peti fortassis ratio potest ad conjiciendum, tametsi in homine intra nasi recessus alii quoque nervi se insinuant; ad olfaciendum tamen illos præcipue qui Primo ex pari procedunt, esse institutos. Non me præterit; Schneiderum (q), has caveas in piscibus lupo, & cyprino memorantem, & ex carpine delineantem, in quo nigras etiam ipsarum conspexit lineas, docuisse, exiguam membranam quæ singularum cavearum orificium suo interventu in bina dispescit, hoc per vires posse & operire, & aperire: cumque is quo utebatur, Professor, nervos crederet a primori parte cerebri ad eas cavitates pertinere; hoc vero non sine cunctatione in medium proferri esse passum. Nam alios ipse, ut ait, nervos ad hoc loci inferne perquam occulto itinere tendere, admodum adolescens quondam, dissecto piscis Trutte capite, ostenderat. Attamen quid mihi vicissim aliis in piscibus sit visum, non propterea dissimulandum existimavi, cum propria manu, atque oculis fretus, tum præsertim iis quæ utroque nostrum sagacior Stenonium, cum breve illud Schneideri caput, eamque adeo dubitationem legisset (r), litterarum memoriæ mandavit.

42. Verum ut ad eam unde ob consimilem nervearum fibrarum ductum ac dispositionem digressi paulisper sumus, Retinam tunicam revertamur; utinam

(g) Vid. Acta cit. A. 1686. M. Jun. (h) Ibid. Tab. 9. Fig. 3. & seqq. (i) Dissert. 2. n. 6.

(k) De Piscib. marin. P. 1. l. 16. c. 8. (l) Pentæth. 1. 4. Tab. 11. Fig. 4.

(m) Fig. 3. (n) Fig. 4. cit.

(o) Exposit. ejusd. Fig. ad BB.

(p) Tab. 7. Fig. 1. (q) De Catarrh. l. 3. Sect. 2. c. 3. & Fig. 5. n. 3. cum Explic.

(r) Vid. Observ. Anat. de Gland. oris.



nam in homine tam facile ostendi possent fibræ, aut lymphaticæ venæ, per ipsam ductæ, quam vasa possunt sanguifera demonstrari: quibus tamen ex vasis argumentum adversus Choroidem pro Retina capitur, necdum satis, ut opinamur, solutum, ideoque a nobis mox iterandum (s), si prius ad Retinæ fibras, a Val-salva in lepore indicatas, ejus lymphæ ductuum quos idem primus in bove ostendit, mentionem adjunxerimus. Hos, & ipsos videndi rationem, non semper tamen, ut vere monuit, imo, quantum ex ejus schedis, meisque inanibus adhuc conatibus intelligo, rarius fortasse succedentem, in eodem sui Tractatus loco (t) proposuit, in quo & nervi Optici fibras radiatim se se explicare in Retinam, subindicavit.

Excitatus autem est ad quærendum ab illa in qua semper fuerat, sententia, ubicunque sunt vasa sanguifera, ibi lymphatica non deesse. Itaque aliquoties vidit, sed nunquam crassiora, atque elegantiora, quam in illo bove, in quo ab anterioribus usque Retinæ fibræ conspicui incipiebant. Credebat tamen, ab aliis etiam oculi partibus, & nominatim a Cameris Aquei humoris, initium capere, ut hic jugiter per ipsa ad sanguinem relatus, jugiter renovaretur, ne idem semper subsistens, mora vitium caperet, minusque purus & perspicuus fieret. Nimirum sic existimabat conjectura ducta ex iis quæ in cadaveribus, & vivorum animalium sectionibus animadvertenter, ductus quidem lymphæ suis a glandulis incipere, non radiculis tamen omnibus, sed ex his esse quæ in cavis corporis hiant, indeque humoris partem exciperent non absimili ratione atque ex intestinorum cavo chylum admittunt. Pauca hæc ex multis illius schedis collecta sic generatim patefacient tibi, qua in sententia esse posset in ea controversia quam in extrema Prima Tractatus Parte (u) commemoravit. Cæterum quæ pollicitus erat Stenonius (x) de vorticosis choroidis vasis, oculique lymphaticis, num ad ductus lymphæ proprie dictos, an ad lacrymales attinerent, non magis scio, quam quid constituerit tandem Ruyschius (y) de plurimis illis vasculis quæ per oculum exterius decurrentia videre sibi visus fuerat, Lymphaticorum æmulis, scilicet nitentibus, & pellucidis, sed in quibus nullas observare potuerat valvulas.

43. Itaque ad Retinæ sanguifera vasa redeo, non solum certa, sed facile, ultroque patentia; ut mirari fatis nequeam; scriptum esse a Platero (z), nulla Retinam possidere vasa, & ab Riolo (a), venulis & arteriis destitui. Quid? si præter illum quem mox ex Ruffo memorabimus, ejus vasculorum contextum, diserte olim non docuisset Galenus (b), arteriis ac venis multo crebrioribus, ac quam suæ molis conveniat majoribus, refertam conspici, atque iterum, venas habere atque arterias, totam ipsam pertextentes; ut jam tum Ruyschii (c) observationem fere prævenisse videri possit, tradentis, hic arteriolarum extrema tam esse numerosa, & tam arte sibi invicem, & intricate annexa, ut peculiarem repræsentent membranulam ex arteriolarum extremis constitutam, cui connectitur medullosa substantia. Ostendit idem (d) reticularem texturam arteriolarum tunice retiformis, quam olim Eustachius quoque (e), sed ex aliqua tantum parte, & in magis conspicuis ramis delineaverat: quamobrem servare adhuc Retinæ appellationem, si non ex fibrarum, at certe ex vasorum implicatione poterunt ii qui ex alterutra deductam autumant. Nam ex secunda deducere Haly (f) videbatur, qui, dicitur, inquit, hæc tunica retialis eo quod retis gerit similitudinem propter irrationem in ea venarum & arteriarum. Ab eademque certe, verum etiam ab universa tunice figura petebat Ruffus (g), qui vocatam ajebat a vasculorum contextu, figuramque Reticularem: quippe quæ ex angusto in latum diffunditur sinuaturque. Atque ut verum fateamur; retis forma, cui tunicam hanc Herophilus (h) assimilavit, utique si Retinæ totam figuram contemplerur, & longe magis conspicua est, & in ejusmodi retinendo nomine ipsa (haud aliud) est a Galeno (i), Vesalio (k), Falloppio (l), Coite-ro (m), Fabricio ab Aquapendente (n), Casserio (o), Morgagni Epistolæ Anatomice.

Bauhino (p); aliisque spectata. Fibras enim Retinæ in reticulare opus dispositas, præter Briggium (q), qui leve quidem, sed tamen certum quoddam artificium postulat, quotus quisque est qui conspici posse, scripserit? Vasculorum autem rete, crebris præsertim; & per Retinæ partem maximam diffusis maculis sese rarius videndum offert, nisi Ruyschianis, aut his similibus artificiis exiles plerosque, & visum effugientes sanguiferos ramulos distendas. Nam ut Vesalius (r), nisi forte eos ramulos intellexit, hæc vasa infra verum extenuavit, cum extreme gracilia, & obscura esse scripsit; tamen ipse quoque Fabricius (s), qui plura, valdeque conspicua ---, & sanguinem tenuem floridumque continentia proposuit, exilia admodum esse, fatebatur. Verum aliud de ramulis, aliud de ramis, deque ipsis trunculis est dicendum. Sint illi quamlibet exiles, & quo deinceps magis, magisque dividuntur, non modo extreme graciles, verum etiam prorsus obscuri. Trunculi certe, & rami præcipui non ita demum sunt tenues, quin facile conspiciantur, simulque appareat, unde, & quot exeant, & quam longe lateque, & ad omnes quidem plagas, per Retinam se extendant. Hæc satis ex iis quæ protinus subijciam, intelliges.

44. Vesalius ipse (t) unde in Retinam existant sanguiferi trunculi, præclare vidit, nimirum a tunice hujus radice, ac sede, qua nervus primum expanditur. Hæc sedes foveola illa est, quam supra (u) in homine, ac tot aliis animantibus descripsi. In iis omnibus nunquam, nisi ex ipsa, prodire trunculos conspexi; sæpius quidem ex medio, sive ex nervi axe, aut fere ex eo; non raro tamen & extra axem manifestius, aut propius ambitum. Ad primum illum modum in vulpe vidi, & ante hanc olim in capella; in multis præterea hominibus: quod Eustachius quoque (x) pictura videtur significare. Ad alterum autem in cane, & lepore: quanquam alias rem se habere puto ad utrumque modum. Certe cum leporem sectioni iterum subjecissem; trunculos existere, deprehendi, alterum ex centro, alterum prope ipsum foveolæ marginem. Sed nusquam hæc magis quam in bobus, manifesta: quod cum propter magnitudinem accidat; credibile est, haud multo aliter in minoribus quoque animantibus, si pariter videre possemus, sæpenumero fortasse inventuros. Duos nuper bovillos oculos dissecabam. Perspicuum in utroque erat, trunculos egredi alium ab ipso foveolæ medio, alium propius medium, alium denique propius oram, credo quia sic quisque, cum oculum versus descenderet, intra nervum Opticum dispositus fuerat. Atqui in hominibus etiam, vidisse memini non modo per intimam ejusdem nervi tunicam sanguifera vascula deduci; sed cum transversum dissectissem, leniterque compressissem, sanguineam guttulam perminutam, dissecti indicium vasculi, ex ea prodiisse nervi parte quæ lateribus proxima esset: binas etiam aliquando ex duabus partibus diversis, ambabustamen propius ambitum, quas guttulas aliæ, si rursus premerem, indidem semper consequebantur; nulla e nervi axe erumpebat. Veruntamen hoc rarius contigit; illud plerumque, atque adeo tantum non semper, ut ab ipso axe prodirent guttulæ; nonnunquam etiam, nulla adhibita pressione, se ostenderent. Itaque cum in altero, ut descripsi, prope ambitum exirent; in altero hominis ejusdem nervo in axe conspiciabantur. Et quamvis ut plurimum non longe ab oculo nervum secuissem, cum hæc spectavi; aliquando tamen paulo etiam longius animadverti. Sic nervos quinque cum transversis digiti intervallo ab oculo, incidissem, indeque per axem in oculum usque sectionem produxissem; nullus fuit qui in axe ipso subrubentem lineam toto illo tractu non ostenderet, cavam, ut videbatur, unde quædam aliæ, in uno, lineolæ ejusdem coloris discedebant, & per nervum in transversum tendebant. Exile id cavum vel altius recta ascendere, interdum vidi: memini tamen, cum aliquando nervum dissectissem qua orbitam ingrediebatur; frustra ibi foramen in ejus axe quævisisse. Ut mihi in hominibus hæc quæ scripsi, omnia con-

(s) n. 46. (t) De Aure Hum. c. 3. n. 15. (u) Ibid. n. 17. (x) Can. Garchar. dissect. cap.

(y) Vid. Resp. ad Epist. Anat. 13. & Theaur. Anat. 2. Aff. 1. n. 10. (z) De corp. hum. struct. l. 2.

(a) Animadv. in Theatr. Bauhin. pag. 402. (b) De usu part. l. 10. c. 2. (c) Resp. ad cit. Epist. (d) Ibid. Tab. 16. Fig. 16.

(e) Tab. Anat. 40. Fig. 3. & 10. (f) Theor. l. 3. c. 13. (g) De corp. hum. part. appell. l. 2. c. 3. (h) Vid. ibid. l. 1. c. 23.

(i) De Hippocr. & Platon. Decr. l. 7. c. 5. (k) De hum. corp. fabr. l. 7. c. 14. (l) Institut. Anat. (m) Tab. human. ocul.

(n) De Oculo P. 1. c. 5. (o) Pentæth. l. 5. S. 1. c. 27. (p) Theatr. Anat. l. 3. c. 40.

(q) Ophthalmogr. cap. 3. (r) (s) (t) citatis cap. (u) n. 36. (x) Fig. cit. 10.



specta sunt, sic alia in aliis animantibus; ac nominatim in lepore, in quo perforatum nervi axem vidi, præsertim autem in bobus. In his sæpe, ut in hominibus, cum transversum nervum secuissem, & leviter premendo, creberrimas ex universa sectione albas medullaris substantiæ quasi guttulas proflare, conspicerem, *virgularum*, ut loqui Malpighium vidimus (*γ*), dissectum fasciculum repræsentantes; simul ex axe sanguineas prodeuntes guttulas aspiciebam. Alias secundum nervi longitudinem ducta per axem sectione, in hoc tenuem quasi meatum videbam alte pergentem, eundemque in nonnullis, quo magis ad oculum, Retinamque accedebat, eo minus angustum.

45. Quod cum attenderem, nec cruenti quidquam, in tribus præsertim quos non ita pridem consecui, in eodem cernerem; non dubitavi, ipsum esse meatum de quo sæpe adeo inter Anatomicos sæculo XVI. & XVII. controversia agitata est; agnoscentibus aliis, aliis vicissim inficiantibus. Scilicet Herophilus in majoribus primum, ut opinor, bestiis hunc conspiciens, post vero in humanis etiam corporibus ejus, quæ descripsimus (*z*), vestigia spectans, illud docuit quo M. Tullius (*a*) respexit, cum *duo lumina ab animo ad oculos perforata habere nos*, scripsit, ibique etiam magis diferte, ubi illa prodidit, quæ & alia occasione memoravimus (*b*); *ut non solum physici docent, verum etiam medici, qui ista aperta, & patefacta viderunt, viæ quasi quadam sunt ad oculos, ad aures, ad nares a sede animi perforata*: nam in Mamillaribus, ut vocant, processibus vel multo evidentius cernere in bestiis potuerant, & quod in nervis ad oculos, naresque pertinentibus spectabant, id ipsum in Auditoriis conjicere. Ut ut est; nervos certe Opticos ob eam causam *πῶς*, id est *meatus* Herophilum, & plerosque Anatomicos appellavisse, non modo Galenus testatus est, verum etiam sensibiles in illis meatus esse, confirmavit. Locos videbis apud Rolsincium (*c*), simul qui ante Vesalium, & post Vesalium, ipsos negaverint, commemorantem, cum iisdemque facientem. Quibus addas licet ex præcipuis aliis Professoribus Gabrielem quidem Falloppium (*d*), & Joannem Bapt. Carcanum (*e*); sed non Bartholomæum Eustachium, quamvis a Thoma Bartholino (*f*) hic quoque dicatur *omnem talem cavitationem contra Galenum Opticis nervis denegavisse*. Tantum enim abest, ut in hoc cum Vesalio consenserit; inter cætera quæ Amicio suo demonstraverat (*g*), *foramen* recensere *nervi visorii*, quod *vel multis reclamantibus, ante oculos sexcenties exposuerat*: itaque in Tabula XL. (*h*) nusquam ejus nervi sectionem, aut finem delineavit, quin illud etiam foramen ostenderit. Idem tamen Bartholinus iis attipulatur qui inter & priscos, & recentiores id foramen agnoverunt: quorum plerique sunt a Malpighio (*i*) enumerati. Sed monet, *vidisse se cavitationem & publice demonstravisse in cadavere, postquam nervi coiere ante oculi ingressum*. Nam Spigelius (*k*) contra docuerat, se *ostendisse meatus quosdam a principio nervorum usque ad illum locum ubi coeunt invicem, productos; mox inde versus oculum evanescentes*: & Riolanus (*l*) confirmaverat, vel ante coitionem foramen apparere. Quod si Spigelius tenui ad id specillo, ut plerunque eos quos Malpighius nominat, fecisse video, minime utebatur, sed sine ullo erroris periculo id ostendit; fane ipsi contra ac plerisque, accidisse, fatendum est. Nam & Galenus olim (*m*) qui utrinque ponebat, *foramen* quidem scripsit, *quod est in inferiori nervorum parte, ubi oculos attingunt, plerosque dissectionis artifices perspectum habere*: quod vero in suprema origine latet, --- omnibus fere ignotum esse: & post Spigeliurn non facile memini qui idem scripserint, & mihi certe, ut supra indicatum est (*n*), meatus nonnullis in bobus minus apparuit angustus, quo magis ad oculum accedebat. Ibi vero, quod nemo, quantum memini, adnotavit, simul impeditum vidi membranæ quadam structura, quasi cellulosa, instar ejus quæ in axe est stirpium quarundam rarioris medullæ; ut quamvis alia deessent, & quidem graviora, hoc unum opinioni Veterum de hujus cavi utilitate videretur adversari. Sed ad sanguife-

ra vascula quæ hac sapius via in Retinam traducuntur, eorumque numerum, & distributionem redeamus.

46. Ex iis quæ supra exposita sunt (*o*), intelligere potuisti, in locis per quæ trunculi vasorum aut intra nervum additi perducuntur, aut ex eo in Retinam emittuntur, usque adeo variare naturam, ut in uno eodemque capite aliter interdum a dextris res se habeat; atque a sinistris. Quo minus te mirari conveniet, si trunculos dixero non eodem semper numero, neque eadem distributione in Retina deprehendi. Sic in altero canis oculo tres vidi, in altero unum, haud plures; cum tamen alio in cane, in vulpe, in lepore, in capella duos saltem conspexerim, singulos in singulas, inter se oppositas, Retinæ partes deductos. Sic de oculis duobus bubulis, quos forte ex multis ad accuratius dissecandum selegeram, ternos hic habuit, ille autem quaternos. In singulis oculis unus trunculus erat maximus cæterorum, pluresque in ramos divisus. Nec tamen cæteri carebant ramis, aut ad Retinæ anteriores fines non accedebant: quod quidem eo facilius erat perspicere, quia progrediendo, vix ac ne vix quidem gracilescere videbantur sive quod ex instituto naturæ ita res se habeat, sive quod sanguis tunc ultiores eorum partes magis forte quam primas, impleteret. Quosdam etiam in duos se dividere conspexi, moxque, brevissimo tractu emenso, in unum redire. Nulla visa est pars Retinæ quæ præ cæteris expers esset trunculorum, aut ramorum, a trunculis proficiscentium. Nam primum trunculi ut quaterni erant, aut terni, sic Retinam decursu suo in quatuor, aut in tres, fere æquales inter se, partes dividebant. Deinde in unamquamque harum sui ferebantur non solum rami, sed alii insuper minores trunculi, qui ex eadem unde cæteri, foveola exorti, ad non exiguum ab hac tractum inter majores illos pergebant. Ad summam; in toto posteriore oculi spatio nec ipse potui certam ullam Retinæ partem deprehendere quæ potissimum vacaret sanguiferis vasis paulo majusculis; nec facile credere, in ea præsertim quam supra indicavi, rerum varietate, id a natura servari. Quæ cum attenderis, simulque Professoris diligentissimi, Eustachii Figuras (*p*) inspexeris, in quibus trunculos quatuor, eorumque ramos humana in Retina sic repræsentat, ut nulla hujus plaga sit in quam illos non deducat; facile intelliges, quam caute accipiendâ sit illa Mariotti Figura (*q*), ab his Eustachianis plurimum discrepans tum numero, tum sede & trunculorum, & ramorum; qua Figura axem, ut appellant, visorium in partem Retinæ cadere, ostendat, quæ non a trunculis modo, sed ab ramis quoque paulo majoribus sit remota. Scilicet horum illi objecta fuerat opacitas, quæ ut Retinæ, lucis radios excepturæ, haud noceat, quippe cui intertexti sint; ita vehementer obsit Choroidi; cui nimirum impositi sint, & tam prope impositi, ut extrema visiorum, quemadmodum vocant, conorum intercipient. Multa quidem Vir Ingeniosissimus conatus est respondere, quæ examine etiam anatomico expendi possent, ubi nulla de iis quæ in Figura indicata ponit, superesset dubitatio. Interea dum hæc penitus discutitur, satis rationum esse, credidero, cur ad Choroidem ab Retina munus id nobilissimum non transferatur, quod haud longissimo quidem ex tempore ad hanc est a Crystallino humore translatum; sed ex paulo tamen longiore quam complures putant, videtur esse, ut transferretur, agitaturn: quod planius liceret intelligere, si Vesalius (*r*) quæ pollicitus erat, præstitisset, videlicet quod Retina præcipuum visus organum a multis haberetur, se in oculi constructionis enarratione persecuturum. Sane inter eos multos neque Scheinerus, neque Keplerus censerî possunt, ut qui postea, atque adeo plurimis exactis annis, id docuere: quod ante tria sæcula nonnulli, & in his Vitellio, subindicaverant. Sic enim legisse memini apud Gassendum (*s*): *nuper illos diferte tradidisse, Retinam esse organum in quo visio fiat; cum Vitellio, alique hanc, dixissent, in Crystallino incipere, in Retina perfici*.

47. Verum si Retina visus organum est præcipuum; cur,

(*γ*) n. 38. (*z*) n. prox. super. (*a*) De natura Deor. l. 3. (*b*) Epist. XV. n. 63. (*c*) Dissert. Anat. l. 4. c. 32.  
 (*d*) Obs. Anat. (*e*) Anatomic. l. 2. (*f*) Anat. quart. renov. libel. 3. c. 1. (*g*) Off. Exam.  
 (*h*) Fig. 1. 2. 3. 4. 5. 11. 12. (*i*) Exercit. de Cerebro. (*k*) De hum. corp. fabr. l. 7. c. 2. (*l*) Anthropogr. l. 4. c. 3.  
 (*m*) De Hippocr. & Plat. Deor. l. 7. c. 4. (*n*) n. prox. super. (*o*) n. 44. (*p*) Tab. 49. Fig. 3. & 10.  
 (*q*) Vid. in Act. Lips. A. 1683. M. Febr. Tab. 3. Fig. 1. (*r*) De corp. hum. fabr. l. 4. c. 4. (*s*) Operum Tom. 2. pag. 371.



cur, inquires, usque ad unionem perducitur Lentis Crystallinae cum Vitreo humore, hisque duobus, ut Valsalva (t) testatur, una cum Ciliari Processu firmiter adheret? Num forte ad latera Crystallini humoris, non in fundo oculi dumtaxat, imagines objectorum pinguntur? Negare profecto non possum quod supra (u), cum de Crystallina membrana verba facerem, commemoravi: Ruffum non modo ad humorem usque Crystallinum, sed & pone ejusdem posticam faciem, alios per anteriorem quoque, tunicam Retinam produxisse. Neque diffiteor, & Vidium (x) ad Ruffi sententiam accessisse, cum Retina involvi, scripserit, humorem vitreum a posteriori parte, & a priori etiam in cavo ubi crystalloides humor continetur. Quid? quod Galenus videtur antrorsum etiam magis quam ceteri, hanc tunicam protraxisse. Neque enim id solum docuit (y), hanc vitreum humorem complecti, capite nimirum in maximum glacialis (hoc est Crystallini) orbem inserto, sive, ut alibi loquitur (z), produci ---- ad humorem crystallinum; verum etiam (a) ad pupillam coalescere; itemque (b) applicatam esse ---- vitreo ac crystallino humoribus: illi quidem per totum ipsum, huic autem per solam iridem. Sed quoniam nonnullæ hujusmodi voces tum apud Galenum, tum apud alios, ipsum secutos, non idem prorsus quod hoc tempore apud plerosque solent, significant; saltem illud certum est, a Galeno Retinam ad Crystallinum usque humorem esse productam: quod & Haly (c) placuit, aliisque compluribus, in quibus nostri fuere Fabricius ab Aquapendente (d), qui sic etiam rem delineavit (e), Julius Casserius (f), & Antonius Molinettus (g). Non omnes tamen Anatomici in eadem sententia fuerunt: imo Andreas Vesalius (h) Retinam, scripsit, posteriorem humoris Vitrei sedem tantum amplecti; supra autem scripserat, non multum ultra mediam oculi sedem in anteriora pertinere, eoque minus spatii tribuit Gabriel Fallopius (i), qui non ultra ipsius Uvae, hoc est Choroidis, dimidium extendi, docuit. Denique alii minus quam hi, contraxerunt, itemque minus quam illi, extenderunt, ut Coiterus (k), qui finire ad ciliare septum, vel ad iridem, & Briggsius (l), qui a fundo oculi ad ligamen-

tum usque ciliare protendi, voluit. Quod si meas quoque observationes requiris; in hominibus aliquoties, sæpius autem, ob magnitudinem, in suillis, ovillis, bubulis oculis Retinam diligenter persecutus, nulla arte videre potui ultra convexum ambitum Ciliaris Corporis extensam. Semel quidem accidit, ut intra hujus crassitudinem subire visa sit; sed unde illa mihi species extitisset, facile postea intellexi. Alias, nec semel, id etiam acciderat, quod & Præstantissimo Winslowio (m), ut ad humorem usque Crystallinum pergere videretur per faciem Corporis Ciliaris posteriorem, huicque faciei nescio quid albidioris inducere: verum quanto accuratius examen iterabam; tanto minus inveniebam unde certior fierem, revera eos quos dixi, limites superare. Itaque intelligis, me Retinam non ulterius producere, quam Choroidem pressius acceptam; ut hanc quoque debeas a præcipuo in oculo officio excludere, si propterea credas Retinam excludendam, quod antrorsum magis, quam ubi objectorum pingi unquam possint imagines, extendatur.

48. Cæterum ego, si quæris, sic existimo, ibi potissimum fungi Retinam officio suo, ubi fibris magis instructa est; fert autem harum expansionis natura, ut quo nervo adhuc sunt propiores, eo crassiores sint, & si in radiorum modum feruntur, ut quo longius a centro recedunt, eo rariores. Neque tamen Retinæ ulteriorem progressum inutilem censeo: imo, nisi me conjectura fallit; inde fortasse repetenda causa est, cur pro varia Retinæ ab immisso lumine agitatione, continuo Ciliare Corpus, & annexa Iris varia ratione se disponant, videlicet ut conjunctæ Retinæ tensiones, aut ejus spirituum motus alio alias modo, graduve cum Ciliari Corpore communicantur. Quam si conjecturam non improbes; etiam si non ponas cum Mariotto, Choroidem esse præcipuum visus instrumentum; habebis tamen unde intelligas, cur ultro pupilla in obscuriori loco dilatetur, in lumine contrahatur: quod ille (n) explicatu difficillimum, si Retina visus statueretur organum, censebat. Vale.

## EPISTOLA ANATOMICA XVIII.

*Ad Alteram Valsalvæ Dissertationem attinet. Agitur de utilitatibus, & noxis Annuli Moderatoris Optici nervi, tum de Cataracta, & Glaucomate.*

**A**ltera Valsalvæ Dissertatio; si ea dempseris quæ ad structuram attinent Oculorum, satis superque proximis a me litteris unis, & alteristrata; ad hæc tria summa quasi capita revocari potest, ad Annuli Nervi Optici Moderatoris utilitates secundum naturam; ad ejusdem noxas præter naturam; & ad Suffusionem quam vulgo Cataractam vocant. De his tribus ex ordine ita scribeamus, ut superiorum Epistolarum prolixitudinem non inutilem fuisse, intelligas. Thomas Willisius (a) sic cogitaverat: quia forsitan opus est, ut Optici nervi truncus pro diversimoda objectorum quædam ac incursum, modo dilatari, modo constringi debeat; ideo fibras quamplurimas e nervis oculi Motoriis emissas, eum ubique ambire & circumligare. Sed quanto facilius est intelligere musculorum, quam nervearum, fibrarum contractionem pro re nata, aut vicissim remissionem; tanto præstat Valsalvæ nostri cogitatum, qui musculoso Annulo id tribuit, quod Willisius fibris illis nerveis tribuebat. Idem quod Valsalva, & nos alia in re spectavimus, cum attentione dignum esse, scripsimus (b), transitum nervorum tum Intercoastalium, tum Paris Octavi inter fibras Septi Transversi musculosas: nec longe fortasse alio pertinet

Gangliorum quibus nervi obvolvuntur, structura; si hæc secundum conjecturam quandam nostram, & Ingeniosissimi Lancisii (c) ad nos scriptas observationes, ad musculos, saltem quadantenus, referatur, qui circum trajectos per se nervos opportune contrahi, laxarive non multo secus possint, quam circum Opticum Annulus ipsius Moderator. Illud non negavero quod ex missis ad te litteris (d) apparet, in ejus Annuli perquisitione me minus mihi quam speraveram, satisfacere potuisse. Hoc addam insuper, animalia esse in quibus aut levem, aut nullam omnino liceat ejusdem Annuli utilitatem agnoscere. Sic in quibusdam piscium generibus, & nominatim in carpionibus ex Benaco, nervum Opticum, e cranio egredientem, musculis ab inferiori quidem parte usque adeo stipatum conspexi, ut in superiori nullus esse Annulus posset, aut fere nullus. In cane autem carcharia, in alio pisce ex canum genere, in galeo lævi adnotavit Stenonius (e) id quod forsitan aliis piscibus etiam commune esse, cogitabat, Rectorum musculorum originem (Obliquus enim Superior similem cum Inferiori ortum ---- habebat) non circa nervi Optici e cranio exitum, ut solet, fuisse; imo illos, ut nervum Opticum in aliis animalibus ambiunt, sic in iis piscibus Cylindrum

(t) Dissert. 2. n. 6. (u) n. 21. (x) De Anat. corp. hum. l. 7. c. 4. (y) De Hipp. & Plat. Decr. l. 7. c. 4. (z) De usu part. l. 8. c. 6. (a) Ibid. (b) & l. 10. c. 2. (c) Theor. l. 3. c. 13. (d) De Oculo P. 1. c. 5. (e) Ibid. Fig. 34. (f) Pentasth. l. 5. S. 1. c. 27. (g) Dissert. Anat. l. 4. c. 3. in Fig. (h) Oper. cit. l. 7. c. 14. (i) Instit. Anat. (k) Tabul. human. ocul. (l) Ophthalmogr. c. 3. (m) Exposit. Anatom. tr. de la Teste n. 237. (n) Vid. du Hamel Reg. Sc. Acad. Hist. l. 1. S. 5. c. 4. (a) Cerebri Anat. c. 21. (b) Advers. Anat. V. Animad. 12. (c) Dissert. de Gangl. nervor. (d) Epist. XVI. n. 23. (e) Canis carchar. dissect. cap. & Dissert. pisc. ex canum genere Vid. & Tab. 5. Fig. 1.



drum quendam cartilagineum circumdedisse, quem propterea decepti pro nervo Optico habuerint Zoographi. Verum in hisce animantibus ut is Annulus esse nequeat; tamen fortasse aut aliâ aliquâ structurâ suppletur, aut ejus auxilium non requiritur. Quæ a me dicta etiam intellige de iis animalibus in quibus Recti musculi nervum quidem Opticum cingant, sed Annulum prorsus nullum componant, præsertim cum in illorum quibusdam ita se habere queat musculus Suspensorius, ut a Vesalio (f) descriptus est, videlicet ut a dura membrana, nervum visorium involvente, principium assumat carneum, quod nervum illum orbiculatim ambiat. Certe & Schegkii (si apud Sennertum (g) ejus sententiam recte assequor) ab ejusdem musculi, circumdantis nervum opticum, contractione, aut relaxatione varias intra oculum mutationes repetebat. Quin imo ipsa Rectorum musculorum initia, vicinæve initiis eorum partes, tametsi ad Annulum conficiendum non conveniant; per se tamen, simul aut laxatæ, aut contentæ, nervo inter se, quasi inter quosdam digitulos, interjecto, fortasse idem prope modum præstare possunt quod Annulus præstitisset.

2. Habes, qua ratione cogites, an Opticus nervus, si non ab Annulo undique perfectus, at a circumjectis saltem musculorum extremis magis pro re nata, minusve pressus; suam possit crassitudinem nonnihil mutare. Longitudinem autem quomodo mutet, iisdem Rectis musculis se contendentibus, aut vicissim remittentibus, multo facilius est intelligere, quoniam his secundum eandem longitudinem stipatur. Illud non facile, (b) nervum modo magis, modo minus tendi juxta majorem, aut minorem musculorum tensionem. Nam ut ponamus (i), eorum fibras altero extremo in Annulum (perinde enim est, quantum ad hanc rem attinet, siue in Annulum, siue in proximum orbitæ fundum) altero in bulbum oculi desinere; profecto tensis musculis, non tendetur nervus; imo etiam magis laxabitur, ut qui inter fundum orbitæ est, bulbumque porrectus, quorum hic ad illud accedat tensione musculorum adductus, necesse est. Duo tamen sunt musculi a quorum tensione, nervi tensio aliquanto melius repeti posse videatur (k), non Recti videlicet, sed Obliqui, ut qui contra ac Rectos facere diximus, non retrorsum oculum, sed antrorsum ducunt. Et fuit quidem cum hunc oculis motum Viri Doctissimi pernegarent, ut Fabricius ab Aquapendente (l), & hunc secutus Bauhinus (m), qui partim non necessarium, partim non factum possibilem esse, contendebant. Verum ut motum retrorsum tunc maxime fieri, non dubitamus, cum, docente natura, intentata oculis refugientes, hos non Rectis solum universis repente retrahimus, sed Occludente etiam palpebras musculo valentius contracto introrsum compellimus; ita motum antrorsum in homine præsertim ira accenso, aut metu correpto nobis indicat Cantius (n); magistra pariter natura, ut tunc extuberantes oculi plures radios accipiant, & sic melius observare possint, quæ obsunt: quanquam hujus utilitas, motus etiam alias manifesta est, ut puta cum minutissima perlustrantes, conamur oculos quam proxime possumus, admove-re. Itaque Cowperus (o) cum assignaret Obliquis musculis usum illum, quem & a Vesalio (p) in parte assignatum video, ut sursum deorsumque oculum quodammodo agant, sed contra ac Molinettus (q), qui id pariter attigerat, partiretur officia; ambobus hunc oculi antrorsum ducendi usum primus, quod sciam, attribuit. Nam cæteri munus fere adscripserant huc illuc circumagendi, nisi quod Riolanus (r) censuit, tonicum motum --- necessarium in assidua contemplatione, vel lectione fixis oculis, prestari ab his musculis Obliquis duobus in unoquoque oculo cum Recto lectorio, qui trahunt pupillam, siue oculum versus naves, & aliquandiu sistunt. Non succurrit in præsentia Hirii locus, in quo, ut Cantius (s) testatur, pulcherrime observavit, quod Obliqui retinent oculum in æquilibrio suspensum, ut in omne punctum mobilissimus sit. Sed in promptu est Cel. Winslowii (t) Commentarium, in quo, peculiare suas inquisitiones,

& animadversiones secutus, statuit, ab his musculis nasum quoque versus, oculum trahi, ut hinc ab leviter convexo orbitæ pariete, inde ab iisdem musculis, magnam ipsius oculi partem nonnihil transverse complectentibus, suffultus, satis undique fulcrorum habeat, ut sine vacillatione circa suum centrum moveri queat. Cæterum Vir Solertissimus, dum hæc constituit, dumque cæteros illos quos Cowperus exposuerat, usus musculorum horum minus probat; eum tamen usum, ut Rectorum sint antagonistæ, siue oculum ducant ad anteriora, non modo agnoscit, verum etiam cur, id cum faciant, obliquos, atque adeo sic obliquos esse oportuerit, demonstrat. Cantius quoque (u) ducere oculum antrorsum, confirmat; ut me non pœniteat quod Cowperum, imo Obliquorum, se insertum euntium retroversum, eoque Rectis oppositam directionem secutus, hunc ipsum potissimum eorum usum in Adversariis (x) attenderim, cæteris quorum examen ad susceptum sermonem minus attinebant, omisissis. Id ipsum & in præsentia facere certum est: neque enim alias occasio deerit meam super aliis Obliquorum usibus opinionem proponendi; hic vero satis est illum saltem quod oculum antrorsum ducant, aliorum auctoritate Anatomicorum confirmavisse.

3. Quo posito, nimirum facile est intelligere quod ajebam, multo ab his aptius, quam ab Rectis musculis nervi Optici tensionem repeti posse, ni tamen aliquid forte sit quod nervum plane tendi, nisi a multo majori, quam ordinaria, Obliquorum contractione, prohibeat. Est autem, ut opinor; incurvus videlicet nervi incessus. Hunc enim in bove a Valsalva conspectum esse, ex quadam ipsius scheda compertum habeo, tum etiam ab Ruyschio ex ejus Thesauris (y), in quibus scriptum est: Nervum Opticum, non lineam rectam, sed incurvo tramite incedere ad oculum vitulinum. Quin ipso in homine quandam curvaturam habere nervum prope insertionem, laudatus Winslowius (z), & pictura, & verbis demonstravit. Quid ergo dicendum est? Hoc videlicet, ni plurimum fallor: si quid a musculorum contractione mutari in nervo Optico secundum longitudinem potest; huc fere tandem redire, ut Rectis agentibus, magis; Obliquis autem, minus curvus fieri videatur. Quod quidem & aliud, & minus est, quam quod Valsalva existimabat. Aliquid est tamen, & quod ejus cogitatis hic quoque nonnulla ex parte respondeat. Summa enim, ut vides, hæc a me scriptorum hæc est: Si nervus Opticus, non ab Annulo undique absoluto; at facile ab Rectorum musculorum initiis, vicinive eorundem partibus magis comprimi, aut minus potest. Itemque, si ab iisdem musculis tendi nequit, imo si contra, magis laxari debet ac curvus reddi; at certe Obliquorum ope ex curvo fieri potest, si non rectus, at minus curvus. Hæc ad illa accommodes licet quæ ipsæ ex variata nervi aut ab Annulo crassitudine, aut a musculis longitudine, ac tensione cum secundum, tum præternaturam repetebat. Hoc enim erat alterum de iis tribus quæ initio commemoravimus.

4. Vieussenius quidem docuerat (a), in convulsivis ipsorum oculorum motibus, visum debilem fieri, ac perturbari, imo & in forti convulsione penitus aboleri, prout nervi quamplurimi funiculi partim e Tertio, & partim e Quinto nervorum pari emissi, nervorum Opticorum truncos ambientes, & circumligantes, in prædictis affectibus, pro diversa ratione, qua nervos Opticos stringunt, excurrenti intra medullares ipsorum fibrillas spiritui animali, modo ex parte tantum, & repetita per intervalla, modo penitus, & sine aliqua temporis intercapedine aditum intercludunt. Mihi quoque istiusmodi explicationes adeo & placere, & placuisse, non ignoras (b), ut vel ad eas quæ post convulsiones persistunt, transferre paralyse non dubitaverim, ut cum in Adversariis (c) ex isto eodem quod Valsalva in Dissertatione (d) commemorat, Experimento viam rationemque indicavi, eas resolutiones explicandi, quæ convulsivos, quos vocant, Affectus consequuntur, eas-

(f) De hum. corp. fabr. l. 2. c. 11.

(g) Instit. Medic. l. 1. c. 12.

(h) Dissert. t. n. 28.

(i) Dissert. 2. n. 4.

(k) Vid. tamen n. prox. seq.

(l) De Oculo P. 3. c. 12.

(m) Theatr. Anat. l. 3. c. 35.

(n) Imper. Anat. Tab. 2. Fig. 3.

(o) Myot. Ref. ch. 8.

(p) cap. cit.

(q) Dissert. Anat. l. 4. c. 4.

(r) Animadv. in Spigel. l. 4. c. 5.

(s) loc. cit.

(t) Memoir. de l'Acad. R. des Sc. A. 1731.

(u) loc. cit.

(x) VI. Animad. 78.

(y) Il. Aff. 1.

(z) loc. cit.

(a) Neurogr. l. 3. c. 2.

(b) Vid. Epist. XIII. n. 27.

(c) VI. Animad. 84.

(d) n. 10.



„ easque nominatim quæ post gravissimos intestini Coli  
 „ cruciatus interdum contingunt, videlicet per nervea,  
 „ membraneave filamenta quæ distenta unum aliquem  
 „ nervum arte circumprimant. „ Itaque si quis forte  
 mihi exponendas proponeret Plateri (e), exempli  
 causa, observationes foeminarum duarum, quæ ex co-  
 lico dolore & convulsionibus cæcæ sunt factæ sic ut  
 altera nunquam, altera post triduum, iterumque ean-  
 dem ob causam cæca facta, iterum videndi faculta-  
 tem receperit; me possem utique ad minus in hac,  
 in illa autem magis constricta filamenta referre aut  
 ista nervea, a Vieussenio memorata, aut alia, nervi  
 Optici tunicas, extimamque præsertim, quæ ab Du-  
 ra meninge est, conficiencia. Nam & ex tunica  
 instar continuati annuli nervum cingunt, & vel ipsas  
 membranas, *vehementer irritatas, contrahi, atque con-*  
*velli* suo modo posse, ne Fantonus quidem Vir Cla-  
 rissimus (f), cum docte alia, ut solet, ingenioseque  
 vocaret in dubium, est inficiatus. Attamen si per  
 musculos aut quemadmodum Valsalva cogitat, aut  
 alia ratione aliqua, ut supra (g) indicatum est, rem  
 exponere nobis liceat; id mihi fateor longe magis ef-  
 fe placiturum. Sæpius autem ea Medicis occurrunt  
 quibus ejusmodi quædam possit expositio conveni-  
 re. Nam ut tertiam omittam mulierem, de qua  
 apud Schenckium (h), a gravi pariter colica passio-  
 ne visu per triduum privatam, & Centurionem quem  
 ex eadem causa idem, sed aliquot dumtaxat horas,  
 passum esse, scribit Daniel Nebelius (i); hic ipse *fug-*  
*acis hujusmodi cæcitatibus etiam in aliis doloribus paulo*  
*vehementioribus, convulsivisque membrorum motibus exem-*  
*pla indicat: idemque Schenckius (k) ex Camerario*  
*exemplum profert viri, cui ex ingentissimis capitis cru-*  
*ciatibus ---- derepente occieato, & deinde opii, & somni*  
*auxilio a dolore liberato, subito quoque uno momento vi-*  
*sus rediit: sed & Nobilis in nostra Patria Matrona vivit,*  
*Medici olim spectati, nostrumque Amici, Andreæ*  
*Carrarii filia, iisdem sæpe & capitis doloribus, & inde*  
*exortis cæcitatibus obnoxia sic ut triduum nihil vi-*  
*deat, mox autem, ut se dolores remittunt, sensim*  
*recuperet videndi facultatem. Neque alio pertinent*  
*repentinæ quædam ejusdem facultatis interceptiones,*  
*ex terrore ingruentes, ut præsertim quæ ab Jo. P.*  
*Albrechto (l) descripta est, mox gravissimâ excepta*  
*epilepsiâ, & postea medica ope simul cum divinis illis*  
*convulsionibus evanescens. Verum alias antecedit epi-*  
*lepsiâ: quo illum esse referendum, crediderim, quem*  
*Franciscus de le Boe Sylvius (m) habuisse sub cu-*  
*ra scribitur, Epilepticum, qui per 10. dies cæcus fuit.*  
 Alias ejusmodi amauroses ne longo quidem tempore,  
 innumerisque auxiliis tolluntur, ut quæ a Cl. Chri-  
 stiano Michaelæ Adolpho (n) memoratur *ex perpeffis*  
*renalibus calculi doloribus sævissimis contracta,* aut quæ  
 paulo ante ex Platero primo loco proposita est. Nec  
 mirum, illud quod supra indicavimus, Experimentum  
 Valsalvæ attendentibus, si nervus, omnium præsertim  
 extra cranium egressorum mollissimus, a circumjectis  
 musculis aliquando præter modum constrictus, aut  
 ferius, aut nunquam restituatur. Nempe hoc illud  
 erat, quod, si musculi ab ejusdem nervi exteriori  
 tunica nascerentur, ut in parte nasci, vidimus (o);  
 olim verebatur Arantius (p), ne *nervum ipsum agen-*  
*do comprimerent, visoriaque facultati adversarentur.*  
 Quod quidem ut frustra timebat secundum naturam;  
 sic ipsis præter naturam aut majorem in modum, aut  
 vehementissime se contrahentibus, usque adeo timen-  
 dum existimamus, ut inde causam posse repeti, in-  
 dicaverimus, tot amaurosum quas ex spasmodicis af-  
 fectionibus exortas, sive temporarias, sive perpetuas me-  
 moravimus, exempla alia non dissimilia prætereun-  
 tes, quippe in re, exercitatis, eruditisque Medicis  
 satis cognita; quamvis Rolfincius (q), qui inter  
 utrosque excellebat, cum cæteras quidem amaurosis  
 causas præternaturales in unum caput diligenter colli-  
 geret, hanc omiserit, nervorum videlicet distentio-  
 nem, & morbos quos cum eadem conjunctos exempli  
 causa proposuimus.

5. Valsalva autem non amaurosim modo, aut tene-

bricosam vertiginem, quæ brevis quasi amaurosis est,  
 sed & primum ipsum vertiginis gradum a paulo gra-  
 viore, aut leviori, aut certo modo contingente sui  
 Annuli convulsione repetebat, sicuti etiam falsa alia  
 quædam oculis obversantia: quo, opinor, consilio  
 observationem adnotaverat hominis, altero in latere  
 convulsivis motibus obnoxii, cui lateri respondens  
 oculus id sæpe incommodi patiebatur, ut inter le-  
 gendum, litteræ idem verbum componentes, etsi  
 erant, ut solent, inter se æquales, aliæ aliis ma-  
 jores apparerent. Fulgores autem, & colores ejusce-  
 modi, pro certo propemodum habebat, indidem esse  
 repetendos, eos videlicet quos Ettmullerus (r) *subin-*  
*de, ait, ingruente caducæ vertiginis paroxysmo, --- item*  
*epilepticis, nec non mulieribus hystericis,* aliisque ante  
 oculos versari *flavos, ceruleos, virides,* qui nusquam  
 sunt. Et certe Gravissimus de quo Valsalva mentio-  
 nem facit, Senator, cujus ego & novissimæ ægrota-  
 tionis, & cadaveris etiam sectionis præclare memini,  
 varios potissimum, & miro opere dispositos colores,  
 alias Zonas quasi aureas singulari ordine circumductas  
 usque adeo sibi videre videbatur, ut nonnunquam,  
 sicut ad veras, propius contemplandas accesserit, do-  
 nec repente species illæ omnes evanescerent. Itaque  
 etsi ad cætera ejus incommoda thoracis hydrops se  
 adjunxerat; extremo tamen in morbo & balbutiebat,  
 & aliis etiam tum convulsionibus laborabat, & his  
 acrius ingruentibus, non sine oris tortione decessit:  
 ejusque sublata calvaria, multum aquæ, præsertim  
 inter meninges, conspeximus. Fulgores autem inter-  
 dum convulsivi aliquid significare, proclive est intel-  
 ligere ex iis quæ Phœnici, & Mnesianæti contigisse,  
 ostendunt libri *de Morbis Popularibus* (s), Illi enim,  
 cum ex oculo dextero ---- *plerumque velut fulgur elu-*  
*cere putaret, ---- distentio accidit, & durities circum-*  
*tendines: & ubi caput commovere, aut dentes diducere*  
*conabatur, non poterat, ut qui valde distendebatur.* Huic  
 verò *deambulanti in foro, cum splendores præ oculis ob-*  
*versati essent, mox collum convulsus est.* Huc adde in-  
 ter notas futuræ epilepsiæ positas a Cælio Aureliano  
 (t) *velut scintillarum micas, aut circulos igneos, quos*  
*circunferri præ oculis sentiunt ægrotantes, & exempla,*  
 has notas comprobantia, a Thoma Bartholino (u), &  
 Phil. Jac. Sachsio (x) proposita, quorum hinc eo jam  
 assiduo signo fretus, *instantes motus convulsivos* non men-  
 dax vates prædixit.

6. Noli tamen existimare, me hæc, atque alia ejus-  
 modi, quæ aut supra attigi, aut hic sciens omitto,  
 haud alia ratione exponenda credere; sed hoc dumta-  
 xat, quam Valsalva excogitavit, aut ejus non ita  
 dissimilem sæpenumero posse convenire. Est vicissim,  
 cum quodpiam in videndo vitium a musculorum oculi,  
 non distensione, sed resolutione potius repeti pos-  
 se videatur. Consuluit me annis superioribus Eques  
 nobilissimus, cui post gravem capitis ictum, nihil  
 mali amplius expectanti, repente amaurosis utrum-  
 que oculum sic invaserat, ut dexter extrorsum pro-  
 mineret, sinister contra ad interiora esset retractus.  
 Hujus in singulis oculis contrarii effectus eandem ef-  
 fe causam, existimavi, resolutionem, sed in altero  
 alibi agnoscendam, in Rectis videlicet dextri oculi  
 musculis; in Obliquis autem sinistri: ut alteris in al-  
 tero oculo antagonistis cedentibus, in illo Obliqui  
 Rectis; in hoc Recti Obliquis præpollerent. Nihil  
 autem erat causæ cur de convulsione suspicaretur, non  
 omni tantum absente dolore, sed & omni utrinque  
 Conjunctivæ tunica sensu, & concidente præterea  
 palpebra superiore sinistra: quæ videlicet resolutionem  
 significabant. Remissiora hæc erant mala omnia,  
 cum ipse vidi: sed amaurosis quoque remissior erat;  
 ut nisi ab eadem causa ob quam paralytis tot alios  
 nerveos ramulos, quot inserviunt memoratis parti-  
 bus, corripuerat, ipsos quoque Opticos nervos corri-  
 pere potuisset; facile fuisset cogitaturus, an horum  
 vitium eo referrem quod cum antagonistæ musculi  
 summa illa affecti resolutione, primum cesserunt; il-  
 lico inusitata, & prorsus libera contractione suos ver-  
 sus immobiles terminos resiliendo, hinc quidem præ-  
 pol-

(e) Observ. 1. 1. de Vis. læf. (f) Dissert. 1. ad Pacchionum.

(h) Obser. Medic. 1. 1. ubi de Curat. Cæcit. Obs. 5. (i) Ephem. N. C. Dec. 3. A. 3. Obs. 81.

(l) Ephem. cit. Dec. cit. A. 5. Obs. 28. (m) Cas. Medic. 52.

(p) Anat. Observ. c. 29. (q) Disput. de Gutta Serena c. 7.

(r) Morb. Chron. 1. 1. c. 4. (u) Hist. Anat. Cent. 3. hist. 45.

(g) n. prox. super.

(k) l. cit. Obs. 4.

(n) Act. Nat. Cur. Vol. 2. Obs. 87. (o) Epist. XVI. n. 22.

(r) Prax. 1. 2. S. 3. c. 1. (s) V. prope fin. & VII. S. 2. prope init.

(x) Ephem. N. C. Dec. 1. A. 2. Obs. 96.



pollentes Obliqui sinistram Opticum propemodum distinxerant, inde autem Recti dexterum nimis incurvassent, & quodammodo contorsissent: ab eorum enim contortione amaurosium tum fieri posse, liquet, tum reapse aliquando factam esse, a Medicis est adnotatum (y).

7. Quod reliquum est; felix illa rami e Quinto nervorum pari ex orbita ad frontem se reflectentis agitatio, per quam mulieri videndi facultas est a Valsalva (z) restituta, ab ipso postea tanti fiebat, ut in Consilio pro Nobili Viro, qui inter venandum ex resiliante in oculum plumbeo globulo quam exiguo leve vulnusculum, & vix Conjunctivam lacerans tunicam retulerat, & visum tamen, interiore nulla apparente læsione, fere statim amiserat; præ cæteris quæ indicabat, remediis hoc ipsum commendaverit. Ejus quidem rami aptum motum & convenientem posse in ejuscemodi casibus aliquando opitulari, inde, opinor, licet intelligi, quod idem ramus, contra læsus, atque compunctus, effectum videtur contrarium edere, ut in primaria quadam Matrona, pro qua, in eunte anno 1730. a me consilium per litteras petiitum est. Rheda qua hæc vehebatur, inversa, diffractisque specularibus, fragmentis crystallinis mulier fuerat duobus circa oculum sinistram locis, utroque tamen extra orbitam, vulnerata, altero, quem minus attendendum censui, brevi ab angulo minore, intervallo; altero autem supra supercilium, versus angulum majorem, quem nimirum ipsum esse locum animadverti, quæ reflexæ ex orbita ad frontem, repunt ejus propagines rami quo de ramo sermo est. Quid ergo acciderat? Cum reliquo toto capite, atque adeo corpore nullo præterea vulnus esset, læsiō nulla, cumque nihil in Cornea tunica, nihil intra oculum vitii appareret, hic nihilominus continuo videndi vim usque adeo amiserat, vix ut Matrona incertam aliquam & confusam lucem, si fax oculo objiceretur, vel post quadragesimum perciperet diem. Hæc autem noxa, rami ejus nervei læsionem consecuta, ad cætera pericula addenda est quæ generatim indicavit excellens Medicus Lancisius, cum illum utrinque sua in sede ab Eustachio (a) pictum demonstrans, ejus causa vulnera iis locis periculosiora solere accidere, admonuit.

8. Tertium restat de Suffusione: quo de uno capite multo plura quam de duobus prioribus Valsalva scripsit; quanquam si omnia quæ non multis ante, aut post annis in eandem, aut aliam sententiam edita sunt, videre, & expendere, plures autem ejuscemodi vitii affectos oculos fecare, & conferre potuisset; pro certo habemus, nonnulla aliquanto aliter fuisse scripturum. Hæc quænam sint, ex iis intelliges quæ de plerisque aut interpretantes, aut confirmantes, aut etiam, ubi res poposcerit, ingenue dissentientes, adnotabimus. Principio quod nonnullos ex Antiquis suspicatos esse, ait, suffusionem in humoris Crystallini vitio consistere; fortasse ad illos respexit, ab Oribasio (b), a Paulo (c), ab Actuaria (d) commemoratos, qui glaucoma, & suffusionem unum eundemque morbum esse, existimabant. Hi non tum modo cum Oribasio scripsit, jam Veteres dicebantur, sed & olim cum Ruffus, ex quo ille, & Paulus diserte fatentur id accepisse: atque adeo visum est Eruditissimis Viris, ipsum Medicinæ Parentem Hippocratem in eadem fuisse sententia, propterea quod in eo Aphorismo (e) in quo senum familiares morbos enumeravit; inveniuntur quidem γλαυκώσις; ὑπόχνημα autem, tanto eorum frequentius malum, neque ibi neque unquam apud Hippocratem invenitur. Verum etsi de utraque hac re dubitari fortasse posset (neque enim desunt qui doceant, Hippocratem, suffusionem vocare ὑπόχνημα, ut Mercurialis (f), & vocem illam γλαυκώσις Celsus in suo codice) & Theodorum non habuisse, ut Brasavolus (g), tamen, vel omni dubitatione sublata, non propterea, ut multi opinari videntur, constat, Hippocratem, Antiquosque alios, cum glaucoma & suffusionem eundem morbum esse, crederent, utriusque sedem in Crystallino potius humore, quam in Aquei Cameris, posuisse, ut Celsus videlicet, qui, cum

glaucoma nunquam, suffusionem semper nōminat, huic utique sedem, non in Crystallino, sed ante hunc, quæ locum vacuum esse, censebat (h), assignavit, ibique concrefcere humorem, docuit. Certe eruditus, & gravis Auctor Gorræus (i) censuit, Veteres illos, suffusionem, & glaucoma confundentes, glaucomatis vocem accepisse pro vitio orto ab humore circa pupilam valde concreto resiccatoque, hoc est pro inveterata, nimiumque exsiccata suffusione. Ex quo vero posteriores; ut Oribasius (k), sive apud Oribasium Ruffus loquitur; glaucomata, humoris glacialis, id est Crystallini, qui ex proprio colore in glaucum convertatur, & mutetur, morbum esse putaverunt, suffusionem vero esse effusionem humorum inter urveam & crystalloidem tunicam concretientium, quam sane divisionem sequi videtur Plinius (l), qui lustris aliquot priusquam Ruffus floreret, scripsit, cum sæpius videlicet sua seorsum glaucomatibus, & sua suffusionibus remedia proposuit; ex eo, inquam, tempore invenias quidem longo sæculorum spatio qui glaucomata, dixerint, speciem habere suffusionis, ut Galenum (m), aut etiam esse speciem suffusionis, ut Philotheum (n); sed non facile reperias qui vicissim suffusiones esse speciem glaucomatis, aut qui eas nil aliud, quam Crystallini humoris vitia, esse, docuerint. Nam Galenus utique cum illud scripsit quod modo indicabamus; hoc unum voluit, iudicio Gorræi (o), qui sic illa ejus verba latine reddidit: glaucomata suffusionibus similia videri, & eandem referre speciem. Ex quo tamen, inquit Gorræus, non sequitur, illa eadem esse.

Ipsam vero Galenum pro suffusione incrassationem crystallini invexisse lib. 1. Sympt. Caus. cap. 2. etsi Thomas Bartholinus (p) affirmavit, alii autem, l. ejusdem Operis 11. c. 1. humorem illum pro sede suffusionis agnovisse; tamen, ut apparet, hos idem quod Bartholinus caput significare voluisse, ita velim hoc totum, quamvis longius, perlegas, mecumque videas, ne forte quod de tenui, hoc est Aqueo, humore Galenus scripsit, id illi acceperint de Crystallino. Non sum nescius, fuisse tamen quosdam, qui in hoc ipso interdum esse cataractam posse, docuerint. Sed de his cum opportunus in extrema fere hujus Epistolæ parte (q) mentio incidet; tunc, id quidem non nisi rarissime fieri credidisse, & suffusionem proprie acceptam in Aqueo humore posuisse, intelligetur.

9. Itaque nemo, quantum ad hoc tempus cognovi, tradidit; Suffusionis causam non esse concretionem humoris albuginei, sed ipsius crystallini humoris incrassationem, ante Fr. Quarreum Med. Doctorem, & Chirurgum eminentissimum, ut Rolincii (r) verbis utar, qui id illum, ait, Parisiis in publicum propalavisse, asseruisse autem Quarrei admiratorem summum Christophorum Schelhammerum, Guntheri Christophori qui nostra memoria floruit, parentem, & Professore ipsum quoque celeberrimum, quem scire juvat (s), A. 1651. d. 20. Jun. a. æt. 32. Melancholia Hypochondriaca, calculique doloribus præmature confectum decessisse, cum ab A. 1643. publice docere cœpisset; ut videlicet quo jam tempore Quarrei dogma vulgatum esset, conjiciamus. Ab hoc, ejusve Affeclis, an ab Rem. Lasniero, qui mortuus est A. 1690. (t) Gassendus, Rohaultius, Mariottus acceperint, nunc ipse poteris existimare. Nec vero Lasnierum negaverim aut egregium Chirurgum fuisse, aut idem suis observationibus agnovisse. Sed enim cum Celeberrimi Viri qui Lipsiæ Acta Eruditorum conscribunt, in Brissæi Tractatu recensendo (u), fateri hunc, ajant, id undecim circiter ab hinc lustris a Dn. Lasnier fuisse detectum; sive ab anno numerem quo hoc scripsere, 1713, sive ab eo quo is Tractatus prodit, 1709; nimirum semper in tempus incurro quod consecutum est illum annum 1651. quo saltem anno demonstravi Quarrei dogma non modo jam Parisiis vulgatum, sed & alibi assertum fuisse. Quæ cum ita sint; veri similis videtur, nonnullis fortasse illorum qui tum inter eos vivebant, eruditissimorum Virorum id ab Lasnier confirmari; nemini facile, ut primum ab se inventum, proponi potuisse, præsertim ex quo jam apud alios sub Quarrei nomine editum, extare cœpit,

(y) Sepulchret. Anat. Tom. 1. l. 1. S. 18. Obs. 8. (z) n. xi. (a) Tabul. Anat. 19. (b) Synops. l. 8. c. 47.

(c) De Re Med. l. 3. c. 22. (d) Meth. Med. l. 2. c. 7. (e) 31. S. 3. (f) Prælect. Patav. l. 1. c. 34.

(g) Comment. in Aph. cit. (h) De Medicina l. 7. c. 7. n. 14. (i) Defin. Medic. τὸ 1. (k) loc. cit.

(l) Natur. Hist. l. 28. c. 8. l. 29. c. 6. l. 32. c. 4. (m) Comment. 3. in Aphor. cit. (n) Comment. in eund. Aphor.

(o) loc. cit. (p) Epist. de Oculor. Suffus. ad Burh. (q) n. 37. (r) Dissert. Anat. l. 1. c. 13.

(s) Vid. Vitam Schelhammeri filii, præfixam Epistolæ ad ipsum Cl. Viror. (t) Vid. Falsin. Anal. Part. 2. tr. 4. c. 13.

(u) Supplem. Tom. 5. Sect. xi.



cœpit, ut A. 1656. apud laudatum Rolincium, qui (x) & se idem confirmavisse, addidit, *binis vicibus, sua in oculis defunctorum apertis autopsia*; ut A. 1669. apud Thomam Bartholinum (y), *incrassationem crystallini pro suffusione a Quarreo Parisiensi invecam scribentem*; ut A. insequenti apud Henricum Meibomium (z), qui hanc Quarrei, Schelhamerique sententiam a Rolincio confirmatam memoravit. Cæterum sive Lasnierum, sive Quarreum malis rem primum animadvertisse; ipsa quidem deinceps, non solum apud eos omnes quos nominavimus, summos sive Philosophos, sive Medicos legi poterat, sed & apud alios qui aut iisdem, aut insequentibus temporibus ad finem usque superioris sæculi inclauerunt, ut Petrum Borellum (a), a quibus acceperit, silentem, quem ex iis quæ subicit, apparet, non id suis *Observationibus* addidisse ante A. 1656; ut Theophilum Bonetum, qui A. 1679. Rolincii locum, observationesque in *Sepulchreto* (b) proposuit; ut Auctorem Anni Quarti, hoc est 1682., *Zodiaci Medico-gallici* (c), qui præterea se scire, addidit, *hominis cujusdam apertos fuisse oculos, in quibus desiderabatur crystallinus humor post cataractæ depressionem*; ut Lucam Tozzium (d), qui A. 1686; Gothofredum Samuelem Polisium (e), qui A. 1688; Bernhardum Albinum (f), qui A. 1695. Rolincii sententiam commemorarunt, Polisium autem in primis, ut qui non modo alios ex aliis Rolincii libris indicavit locos, atque produxit, ubi *Cataracta oriri* scribitur, *quatenus crystallinus humor transmissionem specierum, quæ in retina terminantur & reflectuntur, impediatur*, verum insuper eidem est diserte astipulatus; Galeno, Sylvio, Riverio, quorum enumerat sententias, relictis: nos, inquit, cum D. Rolincio *veram Suffusionis confirmatæ causam dicimus esse obtenebrationem crystallini humoris*. Idque fecit in elaborato Opere quod inscribitur *Myrrhologia*, quodque oculos effugere Medicorum non potuit, quippe additum *Ephemeridibus Cæsareæ N. C. Academiæ* (g), & cum ipsis una vulgatum. Sed etsi res non ad hunc modum se haberet, etsi cæterorum quos nominavimus, libri non æque omnes ab omnibus versarentur, at certe Boneti *Sepulchretum*, A. 1700. iterata editione multiplicatum, magis, magisque in manibus erat Medicorum, & Chirurgorum; ut non omnino oblivioni mandata dici tunc possent quæ de natura suffusionis in humoris Crystallini incrassatione reponenda ante quinquaginta annos tradi cœperant.

10. Et quanquam ab illo usque tempore ad eum annum non pauciorum fortasse Auctorum monstrari series possit, qui diserte eam sententiam aut non undique probaverint, aut etiam prorsus improbaverint; tantum tamen abest, ut propterea e memoria penitus sublata censenda esset, ut contra vel ideo magis vulgata, & quasi inculcata agnoscenda esse videatur. Itaque ultro confiteor, ex illis ipsis qui eandem memoraverant, Rolincium (h), *perpetuo ita evenire, pronunciare non esse ausum*; Bartholinum (i), censuisse, suffusionem tamen non vitare crystallinum, nisi alius affectus conjungatur; Meibomium (k) aliquando ibi esse, non negavisse, sed tum manus opera non sanabilem esse cataractam, addidisse; Bonetum (l) mox infra observationes Rolincii, locum Plempii subjecisse non dubitantis asserere, in crystallino quoque & post crystallinum in vitreo humore posse consistere materiam suffusam; hanc tamen rarius in vitreo, rarissime in crystallino hæere; ac fere semper in aqueo observari; Zodiaci illius anni Auctorem (m) & ipsum dissensisse, & minime reticuisse, non omnes assentiri, suffusionem vitium esse humoris crystallini; Tozzium (n) illud tantummodo collegisse, non uniusmodi Suffusionem semper esse, --- neque in omnibus eodem modo, eodemque loco fieri; Polisium (o) nihil amplius quam Rolincium, docuisse; Albinum denique (p) statuisse, illo in casu non cataractam, sed crystallini humoris immedicabile vitium esse. Hæc tamen omnia, & quæ præterea ex aliis adjici possent, & nominatim ex Nuckio (q), A. 1692. contendente, humoris Crystallini opacitatem, pro cataracta ab impe-

Morgagni Epistolæ Anatomicæ.

ritis habitam, cataractam non proprie esse; hæc, inquam, non deletam adhuc ex hominum memoria, imo ob controversias magis magisque inculcatam, olim propositam a Gallis sententiam ostendunt. Illud tamen simul ostendunt, quod ultro libenterque fateor, si Gassendum qui jam tum demonstratam agnoverat, si Rohaultium, Mariottum, Schelhammerum patrem, Rolincium, Polisium demas; perpauca omnino affectas habuisse: itaque operæ pretium fecisse recentiores Gallos; quorum Inclytæ, & de optimis Artibus egregie meritæ Nationi cum multa alia, tum hujus præsertim Inventi ut originem, sic confirmationem debemus; quod iteratis luculentissimis experimentis tot huic dogmati astipulatores invenere, ut antiquum dogma quod antea in Scholis dominabatur, nunc pauciores fere affectas habeat, quam novum diximus ante ipsorum edita experimenta habuisse. Hæc proferre cœpit Brissæus A. 1705. quem duobus post annis excepit Antonius (r).

11. Dum hæc Viri Experientissimi agitent; Illustres ex Regia Scientiarum Academia Parisiensi Sodales (s) multa in utramque partem, ut veri inveniendi cupidos decet, versare atque expendere cœperunt, suoque exemplo ostenderunt, neque nimis facile a communibus vetustissimisque placitis esse discedendum, neque tamen, si inquirendo, verum se prodatur, hoc iis ullo modo esse posthabendum. Itaque cum illa primum quæ recentiori dogmati adversari videbantur, animadvertissent, deinde vero quid reponi vicissim posset, vidissent, denique læto animo verum, se se ipsis ostendere incipiens, complexi, Brissæo, & Antonio, quantum se tunc posse censuerunt, assensi sunt, diserte fatentes (t), sæpe humorem deprimi „ Crystallinum, cum deprimi creditur suffusio: posse „ quoque fieri, ut illud insuper fateri debeant, e „ jusdem humoris opacitatem morbum esse multo „ communiorem, quam Suffusionem: saltem ex quo „ ea controversia in Academia agitari cœpta erat, „ quod Suffusio creditum fuerat, id semper inventum „ esse Crystallini humoris opacitatem, neque ullam „ Suffusionem conspectam esse præter illam unam, „ quæ ab Littrio fuerat monstrata (u). „ Quid poterat eo tempore in ejusmodi sententia desiderari? Num illud forte, ut quod fieri etiam posse dicebatur, id ipsum tunc fieret, ac perraras Suffusiones, creberrima autem esse vitia Crystallini, pronunciaretur? Sane si jam tum cognita, ac perspecta fuissent tot alia, quæ postea fuerunt, experimenta; non est dubium, quin tunc libenter factura fuisset Academia quod tutius, si ad eundem modum alia deinceps atque alia experimenta respondissent; se postea facturam, indicabat. Nam quod nullam prorsus esse suffusionem diceret, non erat ab eo Cœtu desiderandum, qui suffusionem, hoc est membraneum velum pupillæ obductum, conspexisset (x).

12. Hactenus hujus controversiæ historiam nobis attingisse satis est, de Valsalvæ nostri Dissertatione scripturis. Nam quæ postea in utramvis partem disputata fuerant; cum illam habuit Dissertationem, usque adeo ignorabat, ut ne elaboratissimam quidem legisset de Cataracta Tractationem in quam Cel. Heisterus & suas, & aliorum observationes, rationes, adnotationes tam diligenter, eruditeque contulerat, ut (quod ingenue a nobis fatendum est) vix aliquid de hoc argumento proferri possit quod ipse non occupaverit. Sed erat is liber, ut nosti, in Italia rarus, nec mihi ipsi cum ejus *Apologiam* legi, tum etiam notus, nisi ex *Actis Eruditorum Lipsiensibus* (y), atque adeo ne tunc quidem cum de Suffusione quædam attingi sive in *Adversariis* VI. (z), sive in familiari quadam Epistola, non ut ederetur, quod satis ipsa per se ostendit, scripta A. 1720. nec multo post edita. Valsalva autem cum Dissertationem habuisset mense Decembri A. 1717. neque illam, ut a primo habebat in animo, insequentem anno edidisset, propterea quod speraret, Academiæ Bononiensis Commentarios quamprimum esse prodituros, quibuscum libentius &

K k ipsam,

(x) loc. cit. (y) Epist. cit. (z) Disput. Med. de Suffus. n. 16. (a) Append. ad Obs. Cent. 1. (b) l. 1. S. 18. Obs. 18.  
 (c) M. April. Obs. 12. (d) Medicinæ Part. 2. ubi de Affectib. Oculor. (e) Myrrhologiæ Sect. 4. c. 2. art. 2.  
 (f) Dissert. de Cataracta th. 3. (g) Dec. 7. A. 6. (h) (i) locis cit. (k) Disp. cit. n. 18. (l) Sect. cit. ad Obs. 20.  
 (m) (n) (o) (p) locis cit. (q) Operat. & Exper. Chirurg. Exp. 7. (r) Vid. Act. Lip. Suppl. Tom. V. Sect. xi.  
 (s) Hist. de l'Acad. R. des Sc. A. 1706. 1707. 1708. (t) Hist. 1708. (u) Hist. 1707.  
 (x) Ibid. (y) A. 1716. M. Novemb. (z) Animad. 74.



ipsam, & cæteras emisisset; accidit interea, ut Cl. Heisteri Epistolam legeret ad Viros Doctissimos *Astorum Eruditorum Lipsiensium Scriptores* (a), in qua cum observationes quasdam pro veteri sententia, & in iis nonnullas Amplissimi Lancisii invenisset; ad hunc scripsit mense Septembri A. 1719. se quidem in Dissertatione sua validissimis rationibus, & observationibus usum esse; tamen non eandem editurum, nisi mature omnino ejus vicissim observationes, sententiamque considerasset. Sperari igitur poterat, ut de sua illa stricta sententia laxaret aliquid ac remitteret, sic tamen ut recentius dogma satis tueretur. Satis namque ipsum, ut opinor, tuetur qui plerumque in humore Crystallino vitium ponit; neque enim in Re Medica tot habemus quot aliqui credere videntur, quæ perpetua sint: est satis si plerumque conjecturis respondeant. Et quanquam ita Valsalva rem contraxerat, quemadmodum fere solent qui membraneam cataractam negant, ut Cataractæ nomine nullam se, ajant, intelligere, nisi quæ acu sit curabilis; tamen & membranearum, acu revera curatarum, exempla sunt postea producta, neque inter Medicos in consuetudine positum video, ut si quis morbus, puta, si qua apoplexia insanabilis sit, propterea apoplexiam ne appellent: imo eam quoque apoplexiam vocant; nec quod alia a sanguine oriatur, alia a sero, alia ab alia causa, aut aliam cerebri partem occupante, ideo apoplexiæ vocabulo appellare non consueverunt.

13. Nec vero hæc dico quod a gravissimo Regiæ Academiæ Parisiensis judicio certe ipse nunquam discessi sive cum primus, ut opinor, Itolorum quid mihi de recentiore hoc dogmate videretur, in iis quæ edita sunt, scriptis ostendi, sive etiam antea quam hæc ederentur, in medicis consiliis, & nominatim in eo de quo etiam infra (b) commemorabitur, quod Vere anni 1716. Nobilissimæ Matronæ dedi. Sed eo dico quod postea vidi, & anno superiore Virum Cl. Christianum Vaterum (c), & A. 1722. Chirurgum Experientissimum, meique, & Valsalvæ nostri amicissimum Antonium Benevolum (d), atque ut unum pro aliis pluribus quos jure laudare possem, hic nominem, ipsum ante omnes Cel. Heisterum ita pro novo dogmate propugnasse, ut tamen membraneis etiam cataractis alii magis, alii minus, omnes autem (quod ego feci) aliquem interdum locum, propter illos qui aut observassent, aut observare possent in posterum, esse relinquendum, existimaverint. Re autem vera esse observatas, is qui ad annum usque 1726. recentiores cunctas enumeravit, Cl. Palfinius (e) ostendit: quo ex numero ut omnes ab omnibus non æque agnoscantur; at plures, at certe aliquas (ea sunt Observatorum nomina!) oportet agnoscere. Quod cum facimus; simul dubitationem illam de medio tollimus, qua etiam permoti Doctissimi Viri nullas credebant de non paucis, quæ proferuntur, ejusmodi observationibus, apud Majores occurrentibus; nimirum quia nostra ætate nemo amplius diligentium Anatomicorum in earum similes incideret. Satis autem est mihi, sive ex veteribus, sive ex recentibus quasdam rejici non posse, cæterum iis astipulanti, qui perraras esse, contendunt, neque facile, imo difficillime intelligi quæ ad earum attinent generationem, & multo magis depressionem, quando contra humor Crystallinus & creberrime opacus invenitur, & facile fit opacus, neque difficile deprimitur. Quæ prope modum omnia cum Valsalvæ Dissertatio confirmet; me sane juvat ad pleraque ipsius capita, nonnulla adnotare.

14. Et primum cum infra Valsalva ajat, se qui centenos secuerit oculos, neque unquam membranam ullam invenerit, qua pupilla obtegeretur, eundem *Lentem Crystallinam sæpissime vitiatam* offendisse; miraberis fortasse, cur non plura quatuor istius vitii exempla producat. Facile autem mirari defines, ubi animadverteris, semper illum in antiqua fuisse sententia usque ad annum saltem 1715. quod Consilium ipsius ostendit, Julio mense ejus anni scriptum; ut cum multo plures neglexisset, nonnullarum, ut infra

apparebit, oblitus esset, eas dumtaxat suffusiones attenderit, & diligentius adnotaverit, quas intra biennium circiter ei licuit per anatomen recognoscere. Eæ fuerunt omnes pro novo dogmate; nulla pro antiquo. Sed quoniam in novo ipso dogmate quasdam sunt quæ ex iteratis diligenter attenteque observationibus magis possunt illustrari; operæ pretium est attendere quod Valsalva in sinistro mulieris oculo a se animadversum proponit (f). Ante dissectionem suffusio, quamvis altera minor, esse videbatur; tamen inventa est opacitas, non in Crystallino humore, qui nusquam amplius inerat, sed in ejus membrana, densa reddita & duriore, quæ a centro ad latera quasi radiatas expansiones mittebat. Hinc igitur licet intelligere, cum dicimus, Suffusionem in ejus humoris opacitate ut plurimum esse positam; non ita rem esse accipiendam, quasi non alibi quam in ejus substantia, esse diceremus; cum alias in hac sit, alias in tunica, alias in utraque. Singula hæc opacitatis Crystallini, & quod consequitur, suffusionum tria quasi genera explicemus.

15. Fabricium ab Aquapendente (g) hæc olim de opacitate in ipsa substantia scripsisse, animadverto: *diaphano ejus pereunte, quod contingit, cum decoquitur, albissimus redditur omnis Crystallinus: --- sic etiam dum impensius condensatur & crassescit, albus similiter efficitur, quod in senescentibus bobus sæpe observavimus.* Stenonius autem (h) primum adnotavit in cane carcharia, intimam ejusdem humoris substantiam ex lamellis compositam esse, quæ integræ, crystalli instar, diaphanæ appareant, sectæ vero albæ simul, & opacæ evadant. Deinde Mariottus (i) animadvertit, in multis animantibus in medio crystallini humoris nucleum quendam esse pellucidum, qui intra paucos dies albus fit & opacus, etiam intra oculum conclusus, cum tamen exterior crystallinus adhuc pelluceat: --- tum crystallinum in aqua opacitatem quandam contrahere, & congelatum instar nivis candicare. Quorsum hæc? inquit. Eo nimirum ut intelligamus, si quod decoctio, sectio, congelatio in Crystallini substantia potest, idem internæ aliquæ causæ possint, non esse mirandum, quod illa ex pellucida opacæ fiat. Fac enim, acrimonia succorum irritata vascula (sive hæc intus, sive extra ponas) quæ Crystallini fibrillis, seu majoribus tubulis humorem sufficiunt, crispari, corrugari, intorqueri, constringi; scilicet multo minor hujus copia in eos meabit, quam satis sit ad reparandas aqueas particulas jugiter avolantes. Tubuli igitur, antea pellucidi, sensim in se collabentur, connivebunt, & tandem in solidas fibras concrecent, & quæ opacitas a coctione cito, eadem lente tardeque ab hac causa Crystallino accidet. Fac etiam, aut eadem succorum acrimonia erosos, aut lentore alicubi obstructos, aut copia ubique distentos, eos tubulos hic illic dirumpi, humoremque inter strata effundere, & hæc temere dimovere, ut certas certoque ordine sibi respondentes luminis vias turbari contingat; nempe illa intimæ structuræ dispositio quæ pelluciditatem servabat, haud multo aliter invertetur, quam si sectione, aut gelu opacitatem induxisses. Quid; si cum sanguine (tu humorem; ut libet, tenuiorem putato) ad Crystallini conservationem advecto, in hunc se quædam non satis attenuatæ particula conjiciant, ibique ob tubulorum, atque pororum ex quibus constat; angustias remoratae, aliisque atque aliis a tergo accedentibus sensim auctæ, foraminula obstruant, transmittendo luminis destinata? quæ conjectura Valsalvæ erat in Consilio, A. 1720. secundum novum dogma per scripto. Quid; si ab dilatatis vasculis ultro additus illiusmodi particulis aperiat? Quid; si ab obstructis humoris nihil importetur? Quid; si ab disruptis? Hæc enim, opinor, inter præcipuas causas est, quare Crystallinus e sua sede idu aliquo dejectus, non longo post tempore, observante Medico Clarissimo, Petito (k), opacus fiat. Inde certe opacitates ipse (l), ut nuper vidi, repetendas censuit ortas post inflammationem, suppurationemque

Cl-

(a) A. 1719. M. Januar. (b) n. 32. (c) Dissert. de Suffus. Ocul. th. 7. & 9. (d) Lettera al Valsalva.

(e) Anat. 2. Part. tr. 4. ch. 13. (f) n. 17. (g) De Oculo P. 1. c. 7. (h) Can. Carchar. dissect. cap.

(i) apud du Hamel R. Sc. Acad. Hist. 1. 1. S. 5. c. 4. (k) Memoir. de l' Acad. R. des Sc. A. 1728. (l) Mem. de l' A. 1730.



Ciliaris Corporis, & quod consequitur, vasculorum CrySTALLINO inservientium. Quorum sublato usui illud quoque in parte imputandum est, quod CrySTALLINUS, admonente Experientissimo Heistero (m), quo diutius post mortem, vel intra ipsos oculos, suaeque in sede, asservatur, eo plus suae perspicuitatis amittat. Hoc tamen aut post multo longius tempus, aut si citius, in frigidis & tempestatibus, & regionibus, ut puto, spectari incipit. Nam quid frigus hac in re possit, brevi opacitatem reddendo quam calor momento abstulerit, praeclare ostendunt experimenta, ab laudato Petito (n) in CrySTALLINIS recens natorum instituta. Cæterum ipse jam medio Decembri, cum molossi prægrandis, ante triduum anatomes causa interfecti, caput diffecarem, extimas dumtaxat Corneæ laminas opacas vidi; certe CrySTALLINUS uterque tam pellucidus erat, quam qui maxime.

16. Habes jam, magnam partem ex Ingeniosissimo Heistero, qua ratione opacitatem intelligas, CrySTALLINI substantiæ advenientem ab aliis etiam externis causis sive quæ supra indicatæ sunt, sive quas idem commemoravit. Potes ipse rationes alias tum ab eo petere, tum per te invenire, illasque ad suffusionum hujus generis internas causas accommodare, ut puta, ad eam propter quam sæpe hoc morbo vetuli afficiuntur, non homines tantum, sed & canes, & boves. Quibus & aliasimiles animantes si quis adjungat, non ideo errabit, quod secundum Mercurialis (o) animadversionem, *inter bruta animantia dictum sit de solis capris, quod suffusionem patiantur, siquidem & equos cataracta laborantes non raro vidit Heisterus (p), & de ove meminit Casp. Hoffmannus (q), & nos infra (r) suam memorabimus: nam quod de canibus, & bobus diximus, de illis quidem etiam ex ejus, nostrisque sectionibus, de his vero, ex crebra, ut indicavimus (s), Fabricii observatione manifestum est. Senescentibus ergo sive bobus, aliisque bestiis, sive ipsis hominibus, vasa, ut inquit Heisterus (t), rigidiora fiunt, collabuntur, & concresecunt. Facile ergo CrySTALLINI tubuli in se collapsi, & concresecientes, tum rigidi, tum opaci fient, eoque magis quod ob eam causam minus humoris admittent, qui humectos, & sine rugis extensos servat. Sed ob illas easdem causas, tenuissimi quoque meatus qui ad tunicam pertinent CrySTALLINAM, intra hanc minus aut fecernunt, aut inferunt ejus humoris quem cum primum animadverti, continuo credidi (u), ejus secretionem prohibita, CrySTALLINUM siccum, & opacum fieri fere, ut in extracto, exsiccatoque CrySTALLINO contingit: quæ mihi nunc minus opinio displicet, postquam a Cel. Petito (x) probata est. Quibus igitur major ad hæc fuerit corporis, & oculorum dispositio, iis facile intelligis ut magis magisque increpescens ætas tum hunc humorem minuendo, tum illum vasculorum, tubulorumque rigorem augendo, CrySTALLINI afferat opacitatem. Huc spectat quod ab Aristotele (y) scriptum fuerat: *est glaucoma siccitas potius oculorum. Itaque senescentibus magis evenit. Nam oculi quoque, ut reliquum corpus, senectute siccescunt. Sed & Galenus (z) glaucosim siccitatem quidem esse ac concretionem immodicam humoris crySTALLINI, confirmavit, plerisque antiquorum, & affectarum astipulantibus, in quibus Casp. Hoffmannus (a) hinc esse, ait, intelligendum, cæcitatem illam, quæ fit objectu corporis calidi & sicci (ut clypei in adverso sole positi, aut laminæ candentis, cujus supplicii multa erudite profert exempla) nihil aliud esse, quam glaucoma industria questum.**

17. Non sum nescius, posse alios, ab eo supplicio Retinam potius, quam CrySTALLINUM, aut utrumque oblæsum existimare: alios a glaucosi glaucoma distinguere: Paulum denique (b) ex Ruffi auctoritate scripsisse, *posteriores glaucomata, humoris crySTALLINI affectiones esse putavisse, qui præ humiditate ad glaucedinem transmutaretur.* Sed præterquam quod in his ego omnibus explicationibus nihil affirmo; sed aliquid dumtaxat conjicio; certe superius (c) est aliqua indicata, Morgagni Epistolæ Anatomicae.

secundum quam posse intelligatur, CrySTALLINI opacitatem interdum repeti ab humoris copia inejustubulis redundante. Itaque secundum facilem, quam memoravimus (d), Mariotti observationem, a Petito (e) confirmatam, CrySTALLINUM, in aqua si maceres, opacum fieri videbis, præterea (quod hic addidit, nosque etiam conspexeramus (f)) & ampliorem, & permollem. Diutius tamen producta maceratione, dissolvi eundem, sive diffluere, adeo non vidimus, ut peristare potius viderimus quamdiu libuit in aqua pura, quotidie mutata atque agitata, quidquid supererat ex iis CrySTALLINIS, quorum longæ macerationes tibi litteris superioribus (g) descriptæ sunt. Protractæ illæ fuerant ad quatuor & triginta dies; nec brevius tempus datum est novæ. Sed cum mutatio nulla accideret magnopere digna quæ adnotaretur, nisi quod jam pridem singulis frustis singulæ circumaccreverant quasi tunicae, tomenti instar subfusi; inspestandi finem fecimus. Igitur non quocunque invadente humore CrySTALLINUM solvi, credendum est: quod in Suffusione accidere, non defuerunt olim qui cogitarent. CrySTALLINUM, inquit Thomas Bartholinus (h), *in Cataracta colliquescere, humorisque membranulam dissolutam pupille adherere, nuper Parisienses Ocularii suspicati sunt, quod in quodam cataracta defuncto id viderint.* Vidi & ego in vacca, ut infra (i) dicam; sed an unquam suffusione laborasset, ignoro, neque, si scirem, propterea Suffusionem, ut illi quibus alio in loco (k) Bartholinus adversatur, *in humoris CrySTALLINI fluiditate constituerem*; sed in opacitate, etiam ex solida fluidæ factæ substantiæ. Talis certe in altero genere earum est quas Cataractas Lactæas vocant, a Paræo (l) olim in hunc modum descripto: „Nonnullæ etiam occurrunt cataractæ, quæ ad „primum acus contactum, in lacteam quandam aut „aquæ turbidæ persimilem substantiam diffunduntur „& abeunt, quod nondum plena concretionem maturerint; hæ tamen vel eo nomine sperabilem sanitatem promittunt, quod nunquam postea in unum, „ut antea, corpus coire possunt. „Cujus Suffusionum generis anatomicam observationem, in altero canis oculo ab se habitam, & A. 1715. editam (m) cum Eruditissimus Heisterus adeo & raram, & illi ejus falsæ apud Chirurgos ideæ in veram mutandæ utilem in Apologia (n) censuerit; alteram mihi prætermittendam non puto consimillimam, sed in utroque oculo, eoque humano, Parmæ habitam observationem A. 1717, quam inter Valsalvæ schedas inveni. Sutoris filius a suffusionibus cæcus, quæ veterum signa habebant omnia, cum esset mortuus, Felix autem Cizzardus, Chirurgus sane diligens, & peritus, frustra utroque in oculo membraneam cataractam quævisisset; nullum nisi utriusque CrySTALLINI vitium deprehendit, cujus tunicæ phlebotomo incisa, tantum lactescentis lymphæ prodiit, quantum omne poterat cavum ejus tunicæ continere, cuncta CrySTALLINI substantia in lactescentem illum laticem vi, ut putabat, acris cujusdam succi colliquata. Esse tamen & alterum genus Cataractæ Lactææ, vel novissimum confirmat exemplum, quod, cum hæc describerem, legebam. Lipsiæ enim Doctissimus Professor Platnerus (o) in dextro mulieris oculo, intra CrySTALLINI tunicam simul humorem lacteum; simul opacum, sed longe minus jam factum, CrySTALLINI ipsius corpus invenit: quod etsi aliqui suspicari fortasse possunt, si mulier diutius vixisset, totum denique in humorem lacteum fuisse abiturum, ideoque ad primum illud genus hoc quoque alterum esse referendum; mihi tamen, ea potius quæ inveniuntur, quam quæ inveniri possent, spectanti, præter simplex Cataractæ Lactææ genus, mixtum etiam, hic placet agnoscere.

18. Verum sive ab redundante, sive ab deficiente in tubulis humore, sive (ut aliter in aliis res se habent) ab alia qualibet causa, substantiæ CrySTALLINI opacitatem esse censeas repetendam; ut eam causam aut in tubulis omnibus, aut in horum aliqua

K k 2

(m) De Cataracta n. 40. (n) Mem. de l'A. 1727. (o) Prælect. Patav. l. 1. c. 34. (p) n. 8.  
 (q) Comment. in Galen. de Ufu part. 1. 10. c. 1. (r) n. 28. (s) n. prox. super. (t) n. 40.  
 (u) Advers. Anat. VI. Animad. 61. (x) Mem. de l'Acad. R. des Sc. A. 1730. (y) De Generat. Animal. l. 5. c. 1.  
 (z) De Ufu part. 1. 10. c. 6. (a) Comment. in cit. Galen. cap. (b) De Re Med. l. 3. c. 22. (c) n. 15. (d) Ibid.  
 (e) loc. noviss. indicato. (f) Vi3. Epist. prox. super. n. 30. & 32. (g) Ibid. n. 31. (h) Anat. quart. renov. l. 3. c. 8.  
 (i) n. 38. (k) Epist. de Ocul. suffus. ad Burrhum. (l) Oper. l. 16. c. 22. (m) Ephem. N. C. Cent. 4. Obf. 198.  
 (n) n. 39. (o) Progr. quo Anat. Exercit. indixit A. 1736.



dumtaxat parte constitues, ita Suffusionem aut univ-  
ersum Crystallinum, aut certam quandam ejus par-  
tem occupantem intelliges. Neque enim totus sem-  
per opacus est, non in recentibus modo, sed & sæpe  
in iis suffusionibus quæ longum jam tempus perdura-  
verint. Quin laudatus Petitus (p) plerasque invenit  
exteriolem Crystallini partem adhuc pellucidam con-  
servare. Quod ego Viro Experientissimo facile  
credo, & ipse memini primum, in Crystallino vitu-  
lino, ex oculo extracto, atque ut exsiccaretur, seposi-  
to, supervenientem opacitatem a nucleo incepisse,  
indeque per totum perrexisse: tum in oculi fuilli dis-  
sectione, cum reliquis Crystallinus esset pellucidus,  
ad centrum ipsum opacitatem invenisse, quæ marga-  
ritam colore, & forma referebat, ea magnitudine, ut  
totius Crystallini tertiam partem facile occuparet.  
Non raro tamen in dissectionibus mihi accidit, ut  
vicissim opacitates conspicerem ad Crystallini exte-  
riora pertinentes, ut in grandævo Scriba quasi nube-  
culæ huc illuc disjectæ vestigia; ut in alio homine  
septuagenario magis albicantem nubeculam, unumque  
in locum collectam; ut in agricola paris ferme æ-  
tatis, maculas albas, crassiusculas, oblongasque, &  
in radiorum quasi modum dispositas; ut præsertim  
in decrepita anicula subalbas lineas, quæ omnes fere  
a circulari Crystallini ambitu medium versus contende-  
bant, pellucidis modicis inter se intervallis sejunctæ.  
Hæ omnes opacitates, in hujus quidem utroque oculo,  
in cæterorum altero occurrentes, vix infra Cry-  
stallini superficiem incipiebant; ad nucleum autem  
non modo non perveniebant, sed fere cum exteriori  
illa molliore, & quasi gelatinosa substantia penitus au-  
ferebantur.

19. Hæc de ipsius substantiæ Crystallini opacitate.  
Quam, & seorsum, pellucidæ ipsius tunicæ ex consi-  
milibus fere causis nonnunquam saltem accidere, non  
videtur dubitandum. Ad utram tamen attineat Nuckii,  
ut verisimile Heistero (q) videtur, observatio anticæ  
superficiæ Crystallini opacæ redditæ, dubitari fortasse  
potest. Illud est certum, si Charrierius Suffusionem  
in anteriore aliqua, non Crystallini, sed hujus tunicæ  
lamella opaca facta ponendam aliquando esse, conje-  
cisset; ejus conjecturam non ita facile ab Albino (r);  
adeodemque Heistero (s) omni ex parte refutari po-  
tuisse. Cæterum ante Mercurialem (t), nedum ante  
Rolfincium (u), fuisse qui existimarent, Suffusiones,  
seu Cataractas fieri in hac tunica, sive earum causam esse  
membrane arachnoidis --- incrassationem, ex utriusque  
Scriptis est manifestum. A quibus Auctoribus etsi  
Mercurialis longe dissensit; non potuit tamen negare  
quod Majores, & nominatim Arculanus (x), turbi-  
dationem commemorans tele araneæ, indicaverant, in-  
terdum fieri crassiorē hanc tunicam, ita ut radiis non  
sit pervia, indeque visionem maxime hebetari, --- &  
quasi omnia velata conspici. Quin & alia hujus crassi-  
tudinis signa qualiacunque proposuit, quorum aliquod  
postea (y), quid sit Glaucoma, inquirentes, comme-  
morabimus. Deinceps alii, & in his Molinettus (z),  
fassi sunt quidem, aliquando contingere, eam tunicam  
crassiorē fieri, imbibita copia humoris, hinc minus dia-  
phanam esse, & lumen ægrius transmittere; itemque ex  
ulcusculo cicatrices in ipsa occallescente relinqui ad  
instar pili, vel lineæ, aut etiam linearum plurium, qui-  
bus in partes veluti ejus superficies dividatur; abscedere  
etiam aliquando a Crystallino, & in papulam, seu vesi-  
culam attolli. Sed quanquam Blancardus, non impro-  
bante Cl. Schachero (a), afferuerit, fieri interdum  
,, posse, ut casu, ictu, aliaque injuria, humori cry-  
,, stallino illata, ejus pellicula exiguo vulnuscule hiet,  
,, atque ex eo materia glutinosa stillet, quæ deinceps  
,, cataractæ materiam subministret, præprimis cum  
,, huic insignis aptitudo concresecendi in pelliculam in-  
,, sit; ,, aut saltem, quod addere aliquis posset, mate-  
riam sufficiat Cataractæ Appendiculis, ut ulcerosa ipsa  
tunica Excrescentiis (qualia vero non ita facile aliis  
obvia, ut Antonio, fuisse, video) tamen illam, a  
Mercuriale abjectam, sententiam nemo, quod sciam,  
ante illos iterum suscepit, qui in Historia Regiæ

Scientiarum Academiæ Parisiensis (b) memoran-  
tur, credentes, Cataractam esse, non Crystallinum,  
,, sed hujus membranæ exteriorē crassē factam vitio  
,, sui succi nutritii, & nimis opacam redditam. Quod  
hi, & Veteres illi putabant, probare suis, alienisque  
observationibus aggressus est Vir Clariss. idemque hu-  
manissimus, Morandus, secundum quas in eadem post-  
ea Historia (c) diserte indicatum est, suffusiones  
membraneas, ab Exercitatissimo Viro conspectas,  
quasdam oculi membranas fuisse, secundum naturam  
pellucas, vi autem morbi opacas redditas, in his  
Crystallini ipsius tunicam, quæ post contractam opa-  
citatem, nunc Crystallino, ut antea adhærens, nunc  
sejuncta ab anteriore ejus facie reperta sit. Huc for-  
tasse attinere, credes, membranam quam infra (d) de-  
scribam, a me in vaccino oculo, loco dissoluti Cry-  
stallini olim repertam; idemque suspicaberis de mor-  
bida illa membrana, quam, Crystallino pariter reso-  
luto, deprehendit Lancisius (e). Sed huc certe refe-  
renda est observatio Præstantissimi Santorini (f), qui  
diaphanam adhuc Crystallini interiorem substantiam,  
at eam qua circumvallabatur membranam sic invenit in  
candidas strias conformatam, ut Crystallini centrum vix  
puncto majus ejusdem vacuum foret. Quæ striæ cum ra-  
diorum in modum compositæ, eademque ex firmæ essent,  
ac velut tendinea substantia, conjecturam quandam  
veri similiorem reddiderunt, quam, cum ipse quoque  
aliquid in oculi anatomen conferrem, in VI. Adver-  
sariis (g) attigeram, & superiore etiam Epistola  
(h) commemoravi, videlicet musculosas Ciliaris Cor-  
poris fibras non tam in Crystallini tunicam inferi,  
quam in ipsam, ut in suam tendineam expansionem,  
produci, quo facilius is, & æqualiter pro re nata  
complanari, juvante illa exteriori ejus aquosiori, mol-  
lioriq; substantia posset. Hanc si tu quoque conje-  
cturam probaveris; nihil aptius, aut naturæ tendinum  
convenientius ab Ingeniosissimo Viro cogitari potuif-  
se, fateberis, quam observatas ab se strias, earum fi-  
brarum productiones fuisse, quæ arescendo nimium,  
& concresecendo, opacitatem ejus membranulæ invexif-  
sent. Cæterum etsi aliquando, & potissimum in  
Fœminæ Primariæ oculis ejusdemmodi strias conspe-  
xerim; tamen quod aliorum periculo didici quam sæpe  
fallax in viventibus de ipsa sede istiusmodi morbo-  
rum judicium sit, ne forte quod in proxima Cry-  
stallini substantia est, id a me ad tunicam in qua alio-  
quin videtur esse, transferatur, ideo meam hanc in-  
ter certas atque exploratas observationes mihi non-  
dum censui esse ponendam. Illud potius quod me-  
cum non ita pridem communicabat Vir. Cl. Soler-  
tissimusque Jo. Bapt. Vulpus, in hoc loco non reti-  
cerem, ipsum in chirurgica suffusionum curatione in-  
terdum animadvertisse, vitium omne videri esse in  
tunica Crystallini, non in hujus substantia, propterea  
quod hanc immissa acu invenit non magis quam se-  
cundum naturam resistere, cum alioqui tunicam quasi  
cartilagineam sensisset: nisi hic quoque aliquis duri-  
tiem posset, non in tunica, sed in extrema fuisse sub-  
stantia Crystallini, existimare.

20. In utraque autem; quod erat tertium; simul  
esse opacitatem; hanc vero, cum in tunica est, cre-  
dit Experientissimus Morandus (i), Crystallini quo-  
que substantiæ sæpissime accidere, etsi plerunque ne-  
gligatur. Quod ad me attinet; huc duas saltem ex  
mihi notis referendas esse observationes, conjicio, Præcl.  
Virorum, Santorini, & Petiti (k). Crystallinum hic  
durum invenit lapidis instar, eundemque involutum a  
membrana dimidiam lineam crassa, & robusta, cui fir-  
miter adhærebat, hæc autem Uvæ, & per pupillam  
etiam Corneæ; ut hanc, quæ pellucida alioquin erat,  
sic afficeret, ut alba esse crederetur. Santorinus au-  
tem (l) cum opacum, & pupillæ propius admotum  
Crystallinum retrorsum traheret; quandam velut mem-  
branulam pupillæ apponi, vidit, arcte adhærentem, va-  
lidiorē, tenuem, & albam, cum Crystallinus qui-  
dem obscurioris esset coloris, & fere auro similis. Quæ  
hactenus scripsi, relegam; cum ex recens importa-  
tis libris cognovi, egregio, quem sæpe laudavi, &  
lau-

(p) Memoir. de l'Acad. R. des Sc. A. 1728. (q) De Cataracta n. 74. (r) Dissert. de Cataracta th. 5. (s) num. 82.  
(t) Prælect. Patav. l. i. c. 31. (u) Dissert. Anat. l. i. c. 13. (x) Pract. c. 27. (y) n. 34.  
(z) Dissert. Anat. l. 4. c. 6. (a) Disput. de Cataracta n. 19. (b) A. 1706. (c) A. 1722. (d) n. 38.  
(e) Vid. Heister. Vindic. n. 97. (f) Observ. Anat. c. 4. n. 4. (g) Animad. 70. & 71. (h) n. 16. (i) loc. cit.  
(k) Apud Heister. de Cataracta n. 27. (l) cap. cit. n. 5.



laudaturus sum, Viro, in Oculi, & Suffusionis examine, si quis alius, Exercitatissimo, visum esse, Cataractas omnes, quæcunque inventæ dicuntur, membraniformes CrySTALLINAM tunicam fuisse quæ se tergo Iridis agglutinauerit; nec tamen eandem tunicam ita, ut videbatur, revera opacam fuisse, & crassam, sed opacitatem illam omnem, & crassitudinem ex reliquiis ortam esse sicci atque opaci CrySTALLINI, interiori ejus tunicae faciei adhærentibus: quæ nimirum si aqua emolliantur, absterganturque; tenuem, ut est, tunicam, & pellucidam relinquant. Hæc ego ut vera aliquando, atque adeo plerumque esse, fatear; tamen non continuo omnes aut membraniformes suffusiones, aut CrySTALLINÆ tunicae opacitates eodem esse referendas, agnoscam. Quid enim, si quis illam mihi observationem proponeret, quam paulo etiam fusius descriptam, quam vulgata est (m), A. 1727. mense Majo ad me misit Vir Cl. Balthasar Walthierius, qui studii, industriæ, humanitatis egregium apud nos specimen non multo antea reliquerat? Nam *cuticula*, sive membranula in secunda humoris Aquei camera, libera existens, & non nisi duabus subtilissimis fibrillis Uvae adherens, non videtur fuisse CrySTALLINA tunica quæ huic se agglutinasset, præsertim cum magnitudine non totam pupillam, sed *dimidiam* tantum hujus partem nonnihil superaret. Multo autem minus videtur ab adhærentibus opacis CrySTALLINI particulis suam traxisse opacitatem; cum is *esset pellucidus, quibusvis institutis experimentis, nec ulla macula, aut minima obfuscatione imbutus, & esset, quidem ubique & æqualiter, levissime citrino colore perfusus*, sed ipsa membranula longe alio colore esset, hoc est *perlaceo*. Sic & membranula illa altera, quam paulo ante ex Cel. Santorino commemoravimus, *alba* erat; CrySTALLINUS autem *obscurioris coloris, & fere auro similis*: ut quamvis hæc quidem fuerit, ut conjecimus, CrySTALLINI tunica opaca facta; non illam tamen albedinem retulisse ab annexis reliquiis CrySTALLINI videatur. Quid vero dicemus de eadem tunica, ab eodem Solertissimo profectore alias, ut supra (n) diximus, sic inventa, ut *in candidas strias esset conformata firmæ ac velut tendineæ substantiæ*? Num has quoque opaci CrySTALLINI fuisse reliquias? At is erat *diaphanus*. Præterea qui fieri potuisset, ut certo illo ac pereleganti ordine adhærent? „ Striæ, „ inquit, radiorum in modum compositæ, aliæ breviores, longiores aliæ erant, illo tamen ordine, & „ lege, ut longiorum singulæ pari inter se spatio distarent, breviores autem inter eas mediæ, sic sensim „ decrescebant, ut brevissima omnium esset, quæ inter utramque longiorem media erat, cæteræque eo „ plus producebantur, quo propius ad longissimam „ accedebant. „

21. Non me quidem fugit quod tibi superioribus descripsi litteris (o), CrySTALLINUM, in acidam aquam conjectum, aut extra hanc siccatum, summas facies in triangula sic dividere, ut angusta horum interstitia radios possint, a centro ad ambitum perductos, repræsentare. Sed mirum quantum hæc distent a certo illo ordine, & singulari dispositione quam vidit Santorinus. Et quanquam minus elegans est quod Valsalva noster (p) conspexerat in eadem tunica, quæ densa nimirum ac durior facta, *quasi radiatas expansiones* a centro ad latera mittebat; malo tamen hanc quoque, & æque experientium Anatomicorum observationes excipere, & ab iis secernere in quibus opacitatem tunicae mentiantur reliquiae CrySTALLINI huic adhærentes, quam oculatissimos Viros in re tam facili deceptos pro certo pronunciare. Quæ omnia cum dico; ultro vicissim, & sine ulla dubitatione credo, nunquam meminisse Exercitatissimum, de quo me hic loqui, intelligis, Virum, accidisse sibi, ut in cataractam incideret, quæ conjunctam CrySTALLINÆ tunicae opacitatem haberet; aut si quando incidit, hanc, abstergendo, nullo negotio sustulisse; nullo item in oculo unquam eam tunicam opacam invenisse; nullo fere acido liquore opacam reddere potuisse: hinc autem consequi, fateor, ejus opacitatem tunicae sane quam raram esse oportere. Cum tamen hoc ipse, quod satis est nobis, ingenue concedit, cum ab spiritu saltem, quem vocant, nitri opacam fieri nonnihil, agnoscit, cum in

ea rubedinem atque inflammationem, ab se in fœtu visam, describit; apparet utique, succos esse posse qui aut erodendo, aut intra vascula subsistendo, aut se inter lamellas, fibrillasve effundendo, opacam faciant aliquando. Itaque, cum observationes quasdam excipio; non ei repugno, sed illis utor quæ dat ipse, atque concedit, assensurus penitus, ac perlibenter in aliis etiam controversiis, in illaque præsertim graviore altera in qua idem quod Valsalva sentiebat, sentit, cum adversus quamlibet suffusionem membraniformem satis explicata & illustrata omnia videbo, quod quidem, si fieri potest, nemo est qui ipso possit melius facere. Mei que hujus animi, nihil æque ac verum, & qui hoc strenue inquirunt, sequentis, ut interea tibi in ea ipsa re de qua plura a me scripta sunt modo, specimen præbeam non obscurum; protinus observationem subijciam meam, quæ quantum a primo videbitur huc attinere, & cum observatis a Valsalva in membrana CrySTALLINI, convenire; tantum re ipsa ab his discrepat, alioque spectat: neque ob aliam magis causam a me adscribetur, quam ut intelligas, a me quoque hic agnoscere similitudines, quæ aliquando possint imponere, nisi tempestiva dubitatione caveantur.

22. Antonius Alpagus, spectata Medicus doctrina, exercitatione, & diligentia, extremo jam fere Decembri A. 1723, a me, laudatoque antea Vulpio (q) petiit, ut Nobilissimæ Virginis oculos qui cataractis laboraverant, consecrarem. Eas narrabat ante duos circiter annos inchoatas, proximo Septembri, jam maturas, cum amplius nullus, nisi diei, noctisve, sensus superesset, ab exercitato in ejusmodi curationibus Chirurgus fuisse depressas, eo exitu, ut quamvis nihil albidæ opacitatis quæ antea pone pupillam spectabatur, in utrovis oculo restaret; dexter quidem oculus statim, sinister autem vidisset nunquam. Jam vero post octavum diem cum oculi retegerentur, ne dexterum quidem amplius vidisse. Interjectis autem diebus aliquot cum iterum opacitas, quæ nono die nulla prorsus fuerat, utrobique appareret; hanc iterum ab Oculario sublata ad eundem modum fuisse, nisi quod tantum temporis in sinistro dumtaxat oculo insumpsit, quantum primo insumperat in utroque; nec diutius solum, sed etiam vehementius sursum deorsumque agitata acu ita eum oculum vexavit, ut ægra præ acerbissimis doloribus sibi tunc ipsum evelli, crederet, cum alterius tunc iterata curatio, & prima utriusque nihilo plus molestiæ, quam plerumque soleat, intulisset. Verum ne tunc quidem, nisi oculo dextero, videndi facultatem esse restitutam. Quin etiam viginti, an quindecim post diebus redeunte in utramque pupillam opacitate, male rursus oculo ipso dextero videre cœpisse: quo tempore cum forte gravissimo ex thorace paroxysmo correpta esset, ita ab hoc evasisse, ut nihil viderit postea, donec eodem thoracis vitio eo facilius quod duodeseptuagesimum agebat annum, confecta, proxima nocte vivendi finem fecit. Cum hæc omnia quorum infra meminisse juvabit, a Viro summa fide prædito, & qui curationi utrique affuerat, accepissemus; eo diligentius fumus dissectionem aggressi, quod & Alpagus testabatur, sibi non humorem CrySTALLINUM, sed membranulam quæ acu deprimeretur, apparuisse, & ipse Ocularius, quocum forte de suffusionibus Patricii Veneti curandis Octobri mense locuti eramus, diserte negaverat, persuaderi sibi posse, se unquam aliud quam pelliculam pone pupillam dejecisse. Alpagus igitur inspectante, Nicolao autem Mediavia, Profectore a nobis jam tunc magnopere exercitato, etiam adjuvante, cum oculi e suis sedibus dextre eruti, & a circumjectis particulis levi manu essent expediti; magni, & turgidi, ut erant a natura, apparuerunt: præbueruntque ante ulteriorem sectionem hæc iterum commodius inspicienda, quæ jam priusquam erueremus, diligenter inspexeramus, scilicet utramque pupillam, ut in vivente fuerat, dilatata, dexteram magis, sinistram minus, hanc præterea non uno in loco a forma circuli discrepantem, in imo præsertim, ubi non a curva, sed ab recta linea continebatur, qua sub linea Iris introrsum retracta quendam quasi sulcum efficiebat: Tum pone pupillas opacitatem ex albo cœru-

(m) Saggio delle Transaz. Filos. Tom. 4.

(n) n. prox. super.

(o) n. 30. &amp; 31.

(p) Vid. supra n. 14.

(q) n. 19.



cœruleam, inæqualem, pupilla minorem in oculo dextero; ampliorem, & aliquanto intensiorem in sinistro. His ita extrinsecus observatis, qua summa potuimus diligentia ad interiora perreximus. Utroque in oculo humor Crystallinus inventus est de sua sede turbatus, magis deorsum in sinistro, in dextero tamen hæcenus ut ablata Iride, non totus, sed vix ad mediam usque faciem appareret. Iridem cum attollerem; Ciliaris Corporis radii suo subesse in loco videbantur: nihil certe ex ipsis dilaceratum Crystallino adhærebat; ut neque in sinistro oculo, in quo tamen, adeo, ut diximus, vexato minus sum miratus, aut quod eos radios non pariter conspexerimus, aut quod Iridem qua in fulcum illum contrahebatur, firmiter interioribus adhærentem invenerimus, aut quod Retina sit visa crassior, &, quasi a sua sede nonnihil divulsa esset, in rugas sese attollens. Cæterum utriusque Crystallini facies utraque erat minus turgida quam esse debuisset; color ex albo flavus, cum opacitate conjunctus. Sinistri ora alicubi leviter, ab acu videlicet, incisa. Eundem summis utrinque digitis arreptum, inflexumque potui in duas partes dividere, lamellasque, ut in semisiccato, facile agnoscere: quorum neutrum potui in dextero, satis quidem duriore quam ferat natura, sed tamen etiam tum magis, quam sinister, glutinoso.

23. Hic me fortasse interpellabis, quærendo, quæ ergo illa membrana fuerit, quam acu deprimi in utroque oculo sane conspexerant? Ego vero ejusmodi speciem, quæ diu recentiori obstitit dogmati, nonnunquam membraniformi concretioni, alias opacæ, ut supra (r) indicavimus, Crystallini tunicæ, ab hoc forte secedenti, non invitus assentiar deberi potuisse: at sapius tamen fuisse fallacem, crediderim, & quæ aut in rugas quasdam, ut Cl. Heisterus (s) existimat, in compressi Crystallini superficie excitatas, aut in aliud, si mavis, ejusdemmodi sit rejicienda. In his certe oculis nihil, nisi humorem Crystallinum, dejectum invenimus. Quod si quæras, quid ea fuerit opacitas, quæ, sic depresso Crystallino, suffusionis tamen specie in vivente, & mortua Virgine pone pupillas se ostendebat; hæc ea nimirum res fuit, cujus potissimum rei causa hanc tibi omnem institui observationem perscribere. Pars illa anterior humoris Vitrei, quæ olim Crystallinum secundum naturæ institutum exceperat, jam autem cava amplius non erat; sed erat, si non convexa, saltem plana; adhærentem ubique membranam habebat, in dextero quidem oculo sic corrugatam, ut quasi lineæ ab ambitu in centrum convenirent; in sinistro vero sine rugis; in utroque autem ita opacam, quemadmodum, extrinsecus inspiciendo, observatum erat. Cum attente inquirerem, essetne opacitas a crassitudine, & densitate membranæ, animadverti in hujus anteriore facie extare ad modicam altitudinem materiam quandam non solum non duram, sed quæ specillo per eandem membranæ faciem leviter huc illuc ducto, in mucosas particulas facile abiret, ac omnino dissiparetur, membrana, sicut a natura est, pellucida remanente; ut esset longe evidentissimum, omnem illam opacitatem in ea dumtaxat fuisse materia. Vides igitur in tanta externa similitudine suffusionum, amoto Crystallino adhuc apparentium, quam mea, & Valsalvæ (t) reipsa discrepent observationes. Hic enim in illius membranæ densitate, ego in materia, membranæ extrinsecus adhærente, opacitatis causam inveni.

24. Cæterum unde hanc, aut qualem fuisse materiam, dicemus? A Crystallino, cum is acu dimoveretur, relictam fuisse, crederem, partem videlicet substantiæ exterioris illius suæ, glutinosæ adhuc, & molli, nec facilem reliquam, opaciorem jam, & duriorē factam, sequentis; nisi statim a depresso Crystallino ægra vidisset, nullamque tum oculi, ut neque post secundam curationem, opacitatem, sed pluribus demum transactis diebus, ostendisset. Illud quoque esse fortasse suspicatus, quidquid ejus materiæ relictum esset, non apparuisse antea quam mora opacitatem contraxisset; nisi postquam secunda curatione fuisset abrasum, idem iterum ad eundem modum apparuisset; ut quemadmodum post secundam, ita & post

primam alicunde exitisse, non eo in loco restitisse, videretur. Num igitur mavis existimemus, inesse membranæ, humorem Crystallinum involventi, minima organa per quæ ut glutinosam illam materiam secernat, Crystallino circumfusam, ita hoc etiam detracto, superstes ipsa materiam separare eandem perrexerit haud aliter atque in cysticis tumoribus relictæ tunica idem iterum secernit quod ex ejus cavo ejectum fuerat. Quin ipsa tunica Crystallina visa est interdum, effusum lactescentem humorem rursus secrevisse, ut in alba illa cataracta quæ apud Cl. Freytagium (u) narratur, acu infixæ, effuso statim latice omni, opaca albedine humorem Aqueum infecisse; tempore autem interjecto, eadem qua antea, forma rediisse. Neque enim Paræo (x), imo ipsi veri similitudini usque adeo repugnandum est, ut credamus, quæ prius exierat materia, eam ipsam in pristinum faccum iterum collectam congestamque fuisse. Si ergo eorum quæ præter naturam, cur non & eorum quæ secundum naturam sunt, Crystallina tunica separationem conservet? Sed inutilis fere suffusionum esset curatio, nisi cum Crystallino semper ea tunica deiceretur, quæ structura sua aut adhuc sana novam materiam separando, aut jam vitiatæ, ratione aliâ aliqua facile opacitatem renovaret. An potius censuimus, divulsas in curatione exiguas illius ejusdem materiæ partes, & per Aqueum humorem dispersas, tunc iterum se prodidisse, cum ad membranam aliquæ, & ad has aliæ atque aliæ adhæserunt? quanquam aut ad inferiora per se descendere, aut si Aqueo humori innatabant, motu præsertim ipsius oculi, atque Iridis agitata, huic, & Corneæ quoque agglutinare se debebant: præterea si res se ad eum modum haberet; in curationibus esset, quoad ejus fieri posset; videndum, ne quæ Crystallini particulae divellerentur, multoque minus (id quod est feliciter interdum factum, & a Valsalva commendatum) de industria esset Crystallinus plures in partes concidendus. Sed hæc atque alia ejusmodi satis illustrari nequeunt, ut opinor, nisi felicibus iterandarum observationum opportunitatibus, unde & alia constent, & illud quoque, an plerumque in vulgaribus etiam curationibus, contingat quod sibi aliquando accidisse animadvertit Cel. Morandus (y), ut Crystallini tunica tantum acu incisa, quantum ejiciendo opaco Crystallini corpori satis sit, tota ipsa in sua sede superstes maneat, an contra; si non tota, at ex parte aliqua cum Crystallino deprimatur. Certe si in nostra observatione illud accidisset quod Vir Cl. adnotavit, ut inanis tunicæ quasi faccus relictus esset; id ego specillo in omnes partes ducto animadvertissem, aut si ob parietum sacci coalitum, vel potius ob posteriorem vulneris locum id animadvertere non licuisset; at illa tamen materia si fuisset aut ex Crystallino adhærens relictæ, aut secreta postea, aut demum agglutinata; non ea mihi in sacci exteriori facie, præsertim omnis, & utroque in oculo, inventa esset.

25. Igitur aliunde tum foret repetenda, & hinc etiam Suffusionis aliqua species extra Crystallinum, ejusque tunicam agnoscenda, neque illa adeo raro, ut ipsius ratio habenda non esset; quando & in cane Wepferus (z), & in capris, atque adeo etiam in muliere Baillyus (a) cataractas ex mucosa materia, salva Crystallini pelluciditate, conspexerunt. Eodemque esset forsitan referenda Cl. Brissæi observatio, quam, nostræ magna ex parte similem, Cel. Heisterus (b), ut superiores quoque illas, recensuit. Militi Brissæus suffusionem deprefferat. In ipsa curatione æger viderat. Mox, ut κακοθυμῶς, & catarrhis valde obnoxius, inde quoque oculum habuit affectum sic ut diu fasciis clausum servare debuerit. Tandem per ulcusculum cauterio factum, & alia remedia catarrhus hic sublatus est, egerque postea satis vidit, donec novo catarrho in thoracem irruente, quinto post depressam suffusionem mense, e vivis excessit. Antequam oculum inciderent, speciem nubeculæ albicantis, dimidiam fere pupillæ partem occupantis conspexerunt. Inciso oculo, portiunculas nonnullas a se invicem separatas, repræsentantes

(r) n. 19. & seqq. (s) De Cataracta n. 64.

(t) n. 17.

(u) Dissert. de Cataracta n. 19.

(x) Vid. supra, n. 17.

(y) Hist. de l'Acad. R. des Sc. A. 1722.

(z) Ephemer. N. C. Dec. 2. A. 7. Obs. 16.

(a) Sepulchret. Anat. l. 1. S. 18. Obs. 22.

(b) De Cataracta n. 22. & 23.



*tantes nubeculas illas supra indicatas, invenerunt, quas portiunculas ex crassitie & situ in loco sinus humoris vitrei, particulas lentis crystallinae esse, existimarunt. Quæ res eo quoque credibilior videri poterat, quod cum depressum Crystallinum humorem nusquam invenirent; Brissæus ajebat, cum eum dejecit, nondum tam durum factum fuisse, uti in diuturnis cataractis plerumque fieri solet, sed molliorem adhuc, & propterea ab acu facile in multas particulas esse divisum, dum ejus submersionem moliebatur. Sed quoniam neque ex Brissæi observatione referri video, quo primum tempore illa nubecula apparuisset, aut quæ sedes fuerit particularum, ipsam efficientium, sub membrana quadam, an extra membranam; neque ex nostra observatione liquere potest, num in secunda saltem curatione anterior tunica Crystallina portio abrupta fuerit, atque dejecta; idcirco rem tibi totam interea, ut vis, conjiciendam permitto; mihi post alias live meas, live aliorum observationes fortasse olim certius intelligendam relinquo.*

26. Nunc vero ad alteram Valsalvæ (c) transeo. De qua in ejus schedis cum quærerem, inveni quidem alicubi adnotatum, mulierem cujus oculos in superiore observatione descriperat, post quinque menses a tentata curatione decessisse; virum autem cujus oculos in observatione hac describit, violenta morte esse sublatum: sed qua ætate illa, aut hic esset, nusquam potui invenire. Quod ideo quærebam, quia cum hujus humor uterque Crystallinus esset flavus; poterat fortassis ea flavedo, ut ex parte ad morbum, ita ex parte ad ætatem quoque attinere. Id ut suspicarer, moverunt me primum Valsalvæ observationes, deinde meæ, novissime aliorum quoque. Ille enim non multo postquam Dissertationem habuerat, hæc diserte adnotavit: „Pluries inveni in Senibus „Lentem Crystallinam coloris subflavi, & cujus diameter erat major, quam in Lente Juvenis. Sed „an hoc sit perpetuum, repetita eget indagine. „Quæ cum legissem; videbar ipse recordari, me quoque alias hæc conspexisse; sed eo neglexisse quod partim fortuita, partim morbosa existimarem, præsertim Molinetto (d) testante, etsi videamus, senum pupillas glaucum plerumque colorem exhibere; hujus tamen Lentem extractam, minime participem esse, & quacunque ætate integram perspicuitatem servare; itaque eum ipse colorem fieri ex mutatione --- Aquei humoris, valde suspicabatur. Verum ego, Valsalvæ observationibus permotus, rem diligentius spectare institui: cumque oculos virorum trium, scemine unius, quorum aliquis septuagesimum ferme annum attingebat, ceteri superabant, dissecuissem; in omnibus aut flavum, aut certe subflavum utrumque Crystallinum deprehendi. Sed quoniam in singulis iis senibus singulos, in anu autem ambos Crystallinos quibusdam præterea albis maculis atque nubeculis affectos inveni, ut supra (e), cum de eorum substantiæ opacitate verba facerem, commemoravi, & illorum sane aliquis male vidisse dicebatur; quanquam hoc de cæteris ignorarem, imo aliquem, dum viveret, nihil in videndo ostendisse vitii, certior fierem, & in tribus certe, ut dixi, Crystallinis flavedinem tantum invenissem; tamen aliâ in anu quærere etiam volui, quo colore essent, & num aliquid opacitatis haberent. Nihil hujus habuerunt; sed manifestissime fuerunt subflavi. Hunc autem colorem etsi a primo in universo Crystallino esse, credideram; re tamen vera interdum quidem in universo, alias in nucleo dumtaxat esse, deprehendi; ut in duobus certe Senum illorum circumfusa firmiori nucleo mollis substantia nullâ flavedine esset infecta. Atque hæc primis illis annis a Valsalvæ obitu observata jam habebam. Nunc autem ex Cel. Winslowio (f) primum, deinde ex ipsis intellexi Regiæ Scientiarum Academiæ Commentariis A. 1726, huc allatis postquam Commentaria videram A. 1728, Præstantissimum Petitum animadvertisse, ab ætatis anno circiter tricesimo humorem Crystallinum levissimam flavedinem contrahere incipere, quæ deinceps magis, magisque crescat, ut septuagesimo, aut octogesimo an-

no ille jam possit cum flavo succino comparari: iidemque fere gradibus ejus firmitudinem augeri; hujus autem pariter initium fieri post annum quintum & vicesimum; in centro primum, deinde ambitum versus produci, sed eo minus, quo magis receditur a centro. In Commentariis autem A. 1730. in quibus aliquanto citius initium utrumque ponit, & ipse hoc addit, primam quoque flavedinem in centro incipere; hinc, crescente ætate, ad ambitum versus extendi, eoque intendi magis, quo magis Crystallinus firmus est. In utrisque tamen Commentariis admonet, se aliquando in uno eodemque homine, non modo in pluribus ejusdem ætatis hominibus, non parem unius atque alterius Crystallini flavedinem, sed nec firmitudinem reperisse: neque ullum unquam, nisi in humanis Crystallinis, colorem; tametsi firmitudinem majorem invenerit. Major mihi varietas se obtulit A. 1733. Cum enim plures in publico humanos oculos demonstrarem, & in his, ut juniorum nullos, sic quosdam etiam senis; non solum nihil in colore discriminis inter hos, illosve Crystallinos potuit animadverti; sed æque omnes omnis flavedinis expertes sunt visi. Quod autem Valsalva Crystallini humoris diametrum in senibus, quam in juvenibus, majorem adnotavit; affirmare possum, in nemine illorum de quibus paulo supra dictum est, parvam, in nonnullis, ut in ultima anu, itemque in senes, qui omnes, opinor, ætate vincebat, majorem mihi, & iis qui aderant, visam quam plerumque soleat inveniri: num quod additæ particulæ quæ humorem, per tubulos meantem, ex pellucido flavum faciant, illos, & quod consequitur, Crystallinum universum extendant, an ex alia potius aliqua causa, tunc erit videndum, cum multiplicatis observationibus rem sæpius ad hunc modum se habere, constiterit. Variare autem video apud Cel. Petitum (g); neque præterea diametrum, pondus, crassitudinem, convexitates inter se magnopere respondere; has tamen ultimas, ait, crescente ætate plerumque imminui: quod quidem congruit cum eo videndi vitio, quod in senibus adeo sæpe est, ut ab ipsis denominetur, videturque mihi inter cæteras illam quoque causam habere, quam per conjecturam in senescentibus supra (h) agnovimus, quod aqueus is latex decrescat, qui inter Crystallinum solet, ejusque tunicam inveniri.

27. Cæterum quod Valsalva ex duabus (haud amplius) quas protulit, observationibus, in Dissertatione (i) constituit, in Cataracta Crystallinum servare naturalem consistentiam; ex nulla autem, quam quidem protulerit, observatione, eundem Crystallinum in Glaucomate consistentia fieri duriores; utrumque mihi, nisi plane fallor, videtur ejusmodi, ut credam, ne ipsi quidem, si diutius vixisset, satis fuisset placitum. Neque hæc eo dico, quod nesciam, Glaucoma, proprie acceptum, Veteribus fuisse humoris Crystallini siccitatem, ac concretionem, auctore non modo Aetio (k), sed & aliis quorum loci sunt a me superius (l) commemorati. Quin etsi Paulus (m), ut ibidem ostensum est, id vitii ab humiditate repeti, scripsit; non me fugit, eam vocem mendosam visam esse Gorræo (n), quod neminem Veterum sciret causam glaucomatis in humiditate posuisse: cujus eruditissimi Viri judicium non facile a te improbabitur, si mecum animadverteris, Paulum ibi eundem Ruffi locum describere, quem antea descriperat Oribasius (o), ut capitum inscriptiones, & sententiam conferentibus manifestum est; Oribasium autem, cujus descriptionem esse Ruffo digniorem, alias (p) indicabitur, de humiditate ne verbum quidem habuisse; quanquam (ne quid dissimulem) Actuarius (q), cujus Gorræus locum aut neglexit, aut ex depravato Pauli codice descriptum credidit, causam glaucomatis humiditatem semel, atque iterum memoravit. Nec vero; ut a Veteribus discedam; me magis præterit, Antonium ipsum, quod Cl. Heisteri (r) verbis dicam, lentis crystallinae opacitatem & exsiccationem glaucoma appellasse, atque cataractam & glaucoma

(c) n. 18. (d) Dissert. Anat. l. 4. c. 6. (e) n. 18. (f) Expos. Anat. tr. de la Teste n. 234.  
(g) Memoir. de l'Acad. R. des Sc. A. 1730. (h) n. 16. (i) n. 19. (k) Tetrabibl. 2. Serm. 3. c. 50. (l) n. 2.  
(m) De Re Med. l. 3. c. 22. (n) Defin. Med. 7 d. 1. (o) Synops. l. 8. c. 47. (p) Epist. prox. seq. n. 4.  
(q) Meth. Med. l. 2. c. 7. (r) De Cataracta n. 61.



coma siccitatis tantum, non essentiae diversitate a se invicem differre voluisse. Ex siccitate autem Crystallinum fieri duriores, quis neget? Quæ ergo præcipua causa est, quamobrem Valsalvam vellem de Suffusione, & Glaucomate neutrum eorum quæ supra dicta sunt, tradidisse? Hæc nimirum, quod cum ea tradidit, simul docuit (s), colorem in Glaucomate glaucum esse; in Suffusione autem diversis in hominibus diversum esse posse. Quid enim morbi esse dixisset in Crystallino duriore, & quocunque tamen alio colore infecto, quam glauco? Neque enim ipse dicere glaucoma poterat, cum Crystallinus glaucus non esset; neque suffusionem, cum esset durior. Quod si perraro id eveniret, ut durities non glauca in Crystallino deprehenderetur; fuisset tamen istius rei habenda ratio: quanto igitur magis, cum sæpissime contingat? Sæpissime autem contingere, primum intelligi ex Majoribus licet, qui non glaucas modo, sed & cuiusvis coloris suffusiones attingendas, negarunt, quæ vetustæ essent, hoc est nimis indurata: imo nimis induratas, sive, ut ait Paulus (t), quæ supra modum concreverint, eas non glaucum quidpiam, sed gypsum aut grandinem colore referre, indicarunt: sed & quæcunque deprimi possent, expectandum esse, ut Celsus loquitur (u), donec duritie quadam concrevisse videantur.

28. Quod si tam illi sæpe, quam hac tempestate, oculos ejusmodi morbis laborantes incidere consueverint; idem procul dubio Veterum quoque dissectionibus posset confirmari. Verum ut non facile credo, ante Stenonium (x) inveniri qui Crystallinum manifesto ex lamellis compositum, & quod consequitur, durum intra ipsos cæcorum oculos reperisse se, scripserint: ita in Recentiorum observationibus subsistens, Cl. Heisterum (y) video affirmantem, experimenta horum in perfectis cataractis a se supra recensita docuisse, perfecte opacos Crystallinos fieri duos. Supra autem recensuerat passim; non glaucos, sed albicantes, aut flavescences Crystallinos, eosque duos, aut æquo solidiores inventos, neque eos dumtaxat qui acu e sede sua multo antea dejecti fuissent, quos nimirum ob nutrimenti inopiam ut minores, sic & duriores factos esse, suspiceris; sed multo plures in sua adhuc sede collocatos: in qua ipsa si suo sæpe nutrimento caruisse, contendas, unde & minores ibi quoque sint animadversi; hoc ipso magis in se contractos, induratosque confiteberis. Huc spectat Avicennæ (z) locus scribentis, propter siccitatem vincentem super Crystallinum, hunc colligi in se ipsum, & corrugari. Illa addit quidem: & nominatur hæc ægritudo glauconia, & fit oculus propter eam ---- glaucus. Sed neque in hominibus, neque in bestiis aut mihi memini, aut Valsalvæ ex ejus schedis accidisse video, ut conjunctum cum duritie Crystallini glaucum colorem invenerimus; non quod conjungi non possit (& posse enim, & aliquando conjungi, credo) sed quod certe rarius jungatur. Sic mihi in cane cæco humor uterque Crystallinus opacus, durus, & quem si premeres, nullo negotio in lamellas comminueres, inventus est. Colore tamen erat albido obsoleto, non secus atque alter, a me in lepore compertus, multo naturali minor, quem cum totum continuo & facile in lamellas dissolverem; has singulas præclare vidi, posse in tot exsuccos quasi pilos, concinno ordine juxta se positos, resolvi, quorum plures, cum lamina ab lamina divelleretur; ultro in oculos incurrebant; a cæteris semisoluti: hos omnes, tubulos fuisse per quos olim pellucidus succus, sive Crystallini nutrimentum ferretur, veri quidem simile est; hic vero sine artificio exsiccationis, aut vitrorum exquisitissimum adjumento, per se exsiccatos, & conspicuos fuisset, certum est, non minus quam apud Leeuwenhoekium (a), qui singulas leporini etiam Crystallini squamulas ex filamentis constare, deprehenderat.

29. Valsalvam autem invenio, olim in vetula cane, & diu jam cæca, cum in altero oculo vix ullum Retinæ vestigium superesset, pupilla vero quasi ad

ipsius Corneæ amplitudinem esset dilatata, nullique circa Crystallinum radii occurrerent Ciliaris Corporis; in utroque oculo pro Vitreo universo tantundem humoris Aquei deprehendisse sic ut oculorum globi suam plane figuram, & magnitudinem servarent; Crystallinum autem induratum reperisse, oculis vel extrinsecus subalbidis apparentibus. Sic olim quoque, in viro septuagenario qui viginti circiter jam annos visu caruerat, utrumque Crystallinum compertisse mole valde diminutum, atque induratum, colorem flammeum ex una parte referentem, ex alia rubrum. Hic, dum vivebat, inquit, primo intuitu cataractis affectus videbatur; ex oculorum autem sectione ea quæ diximus, innotuere. Has enim observationes, cum aliud ageret, adnotaverat jam ante annum 1690, ut mirum non sit quod ad eum modum loqueretur, nec quod, cum Dissertationem habuit, earum jam videretur oblitus. Ipsa autem habita, hanc alia in scheda observationem conscripsit: Vir septuagenario minor, cum primo quasi capillos, & muscas, sibi ante oculos volitantes, conspexisset, paucis deinde ante mortem annis ita oculo dextero captus fuisset, ut omnia, tanquam caligine obducta, cerneret, neque objecta internoscere valeret; eundem tamen oculum, cum primum aspiceres, nihil in se vitii ostendentem habebat: at si diligentius inspectares; quasdam maculas ex albo obscuras pone pupillam agnoscebas. Multi illum viderunt Medici, qui suffusione affectum negarunt; affirmavit unus, Chirurgique Ocularii duo idem ambo pro certo confirmarunt. Secto oculo, inveni inquit solum Lentem Crystallinam colore flavo subobscuro refertam, & quæ opaca erat, & quæ difficulter ac potuisset dirumpi. Facili negotio hæc a Vitreo cessit; nam simplici motu specilli ab eodem libera remansit. Igitur quinque hos Crystallinos quos ipse duos invenerat, nec tamen glaucos, ut ad Glaucoma posset referre; sed hunc flavo, alios albido, alios denique perraro sane, quamvis Veteribus fortasse non penitus ignoto (b), flammeo, rubro colore infectos; si non ad suffusionem in qua varios esse posse colores, fatebatur; quem alium ad morbum retulisset? Profecto si ultimam observationem paulo antea, priores autem aliquanto serius habuisset; non dubito, quin eos Dissertationis locos per se mutasset. Quod ego facere non potui, qui de Glaucomate quod substituerem, neque de illius, neque, ut me tibi indicem, de mea sententia, certi aliquid habebam: quanquam non tantum mihi licere existimarem, ut pro illius sententia meam supponerem, aut in re incerta adeo & controversa celatos prorsus Lectores vellem quo Valsalvæ animus inclinasset, præferim cum de sede, & natura Glaucomatis non idem solum quod Antonius, sed & quod Veteres Magistri, ut supra (c) ostensum est, censuisset.

30. Non ignoro, videri illos posse inconstantes, & qui nobis liberum reliquerint exemplo suo aliter ac supra diximus, de natura, & sede Glaucomatis constituere. Neque enim me fugit, Auctorem Finitionum Medicarum, quæ Galeno adscribuntur, semel, atque iterum docuisse, Glaucoma esse naturalium humorum in glaucum seu casium colorem mutationem, & sic a Suffusione distinxisse, ut quæ ipsa quidem sit concretio aquosi humoris. Multoque minus oblitus sum, tradidisse Aetium (d), Glaucoma etiam ex prægressa suffusione fieri, humore juxta pupillam vehementissime congelato ac resiccato, hoc est, ut superius (e) a nobis cum Gorræo dictum est, inveteratam esse, nimiumque exsiccata in humore Aqueo suffusionem. Huc addo insuper, eodem quo Aetius, respexisse Auctorem libri qui inter Galenicos circumfertur, de Oculis inscriptus, his verbis (f): Venetici, id est glauci, oculi duobus modis fiunt, vel propter aquam, si nimium fuerit coagulata, vel propter siccitatem, quam patitur crystallinus. Sed facilis responsio est, illam Glaucomatis speciem quæ in Aqueo Suffusionem significat, diserte ab ipso Aetio opponi Glaucomati, de quo hic loquimur, proprie dicto: quemadmodum locos illos Finitionum Medicarum esse procul dubio ad eam Glaucomatis significationem referendos, secundum quam Lexici Medici Scriptores (g) ipsum late accipi,

(s) n. 19. & 20. (t) l. 6. c. 21. (u) De Medicina l. 7. c. 7. n. 14. (x) Canis carchar. dissect. cap. (y) Tract. cit. n. 42.  
(z) Canon. l. 3. Fen. 3. tr. 4. c. 21. (a) Arcan. Natur. (b) Vid. Savonarol. Pract. Mai. tr. 6. c. 3. rubr. 35. & Argelat. Chirurg. l. 3. tr. 7. part. 3. c. 2. Vid. tamen & Arculan. Pract. c. 30. (c) n. 27. (d) Tetrabibl. 2. Serin. 3. c. 50 (e) num. 8.  
(f) Part. 4. c. 12. (g) in voce Glaucofii.



admonuerunt, pro omni coloris naturalis in oculo mutatione in præternaturalem, & glaucum. Igitur Valsalva, qui proprie, stricteque acciperet, ab eorum qui olim, ut proprie hunc morbum observarunt, sic Glaucoma dicere consueverunt, auctoritate, institutoque non recessit.

31. At enim in prognosi saltem, & curatione recessit. Ipse enim in Dissertatione (b) agnovit, quæ de Cataracta dixerat, applicari posse, dummodo cætera id non prohibeant, etiam Glaucomati: quod morbi genus, inquit, inter incurabiles passim censebatur. Ad Oribasium (i), opinor, respexit, qui certe docuit, glaucomata omnia curationem non recipere: suffusiones vero recipere, sed non omnes, ex Ruffi videlicet auctoritate, quam Paulus quoque (k), & Actuarius (l) secuti sunt; ne de Avicenna (m), aliisque plurimis posterioribus Medicis, & Chirurgis quidquam dicam; non tamen omnibus. Neque enim omnes, neque semper glaucomata omnia pro insanabilibus habuere.

Omitto, Hippocratem, aut certe Auctorem libri IV. de Morbis Popularibus in Anicula apud Sosileum id non videri censuisse, cum scripserit: *Erat autem desinentibus plurimis, etiam alia cura ubi glauci facti erant oculi.* Atque oculorum quidem cura paulo moderatior erat.

Si enim mavis, hic glaucosim late accipi quemadmodum paulo ante dictum est, aut quemadmodum apud Plautum (n) quadantenus res describitur:

qui hic est homo

Cum collativo ventre, atque oculis herbeis?

De forma novi, de colore non queo

Novisse;

itemque alibi (o): *Viden' tu illi oculos virere? ut viridis exoritur colos*

Ex temporibus atque fronte!

aut potius quemadmodum extrema hictoriae ejus Aniculæ verba indicant; facile assentior. Plinii quoque (p) illum omitto locum, quippe ex mendacibus descriptum: *Glaucomata dicunt Magi cerebro catuli VII. dierum emendari, specillo demisso in dextram partem, si dexter oculus curetur; in sinistram, si sinister: qui locus tametsi a primo revocare alicui ad memoriam potest verba Pauli (q) de suffusionibus manu curandis, specilli cuspide locum perpungendum notamus, ita ut in sinistro oculo dextra manu operemur, in dextro vero sinistra. Et conversa specilli acie &c;* tamen hic quoque tam apertum est perlegendibus, non punctiorum specillum, sed inunctorium a Plinio indicari, quam ubi (r) C. Julii medici repentinam mortem memoravit, *dum inungeret, specillum per oculos trahentis*, ut a me alias (s) demonstratum est. Illos etiam Plinii ejusdem locos (t): *sanari --- Glaucomata --- iocineris (hyæna) recentis infati sanie: & Felle (chamaeleontis) glaucomata & suffusiones corrigi prope creditur tridui inunctione*, & illos, inquam, ipso annuente, prætermittamus. Verum ubi serio magis, ut videtur, hæc scribit (u): *Fel caprinum --- assumunt --- cum veratri candidi tertia parte contra glaucomata: & (x) Felle testudinum cum Attico melle glaucomata inungi prodest; aut cum Serenus Samonicus (y):*

*Si vero horrendum ducunt glaucomata peplum,*

*Spiritus alterius prodest qui grana cumini*

*Pallentis mandens, visus exhalat in ipsos;*

aut cum Marcellus (z) remedium quæ proponit, *inunctione adversum glaucomata*, inquit, *mire uteris*; Medicos certe ex quibus sumpserunt, ita saltem credidisse, fatendum est. Neque vero dicendum, oportere hæc omnia intelligere de glaucomate late, aut improprie accepto; quando Aetius ipse (a), qui primus, quod sciam, Glaucomatum discrimen proposuit, diserte monuit, improprie ita acceptam, ut ipse accipit, glaucedinem incurabilem esse: *at proprie dictam glaucedinem incipientem aliquando sanari.* Quin Mercurialis (b), discrimine hoc, & sententia Aetii commemoratis, raro videbitis, inquit, *glaucomata perfecte curari; licet incipientia, dum bene noscuntur a medico, possint curari*; ut nonnunquam perfecte curari, ipse quidem non dubitaverit. Sed & Sennertus (c) de Glaucomate proprie accepto, non insanabile, inquit, *sed curatu difficile hoc malum est.*

32. Credo igitur, Valsalvam, cum id pro incurabili passim habitum esse, dixit, quid plerique omnes, præsertim de confirmato sentirent, attendisse. Et ea sane tempestate in his Italiae regionibus ejusmodi sententia adeo inter Medicos erat communis, ut anno ante quam ipse suam habuit Dissertationem, id est A. 1716. mihi acciderit, ut unus ex omnibus visus recuperandi spem facerem Matro-

Morgagni Epistolæ Anatomicae.

næ Primariæ, quam Præstantissimi, quotquot consuluerat, Viri ut glaucomate utroque in oculo laborantem agnoscebant, ita cæcam semper fore, judicio unanimi pronunciabant. Ego vero cum vitium omne in humore Crystallino esse, confiterer; non desperandum esse, ajebam, si ille acu deprimeretur, quin idem apud nos accideret quod, illo apud Gallos depresso, accidisse constabat, ut opaco obstaculo sublato, intercepta videndi facultas restitueretur: Non omnes suffusiones esse membraneas; imo plerasque in Crystallini opacitate non ita pridem esse iterum deprehensas. Principio multis meos lapides loqui videbar, sine illius humoris auxilio cerni posse, pernegantibus. Verum ubi (d) ex Historia, & Commentariis Regiæ Scientiarum Academiae Parisiensis, itemque ex Actis Eruditorum Lipsiensibus qua Scripta recensentur Brissæi, & Antonii, luculentas Clarissimorum Virorum observationes proferre cœpi; primum doctiores quosque ex iis qui ante desperaverant, & in his Vallisnerium nostrum, & Venetos Matronæ Medicos, quorum alii eos librorum locos non viderant, alii se vidisse antea, non meminerant, in meam facile sententiam traduxi, neque ita multo post, cæteros, cum, proposita a me eadem quæ in suffusionibus ex usu est, chirurgica curatione intra eundem annum Matronæ adhibita, visus est ipsi restitutus. Si ergo Valsalvæ; nobis quoque vitio vertendum est, quod ante ipsum in hac prognosi, & curatione a Veterum auctoritate longe abierimus. Verum utinam sic nobis daretur sapius in ejusmodi reprehensionem incurrere. Hoc enim summum est Artis votum, ut quos Majores pro insanabilibus reliquere; eorum curatione morborum tandem aliquando reperiat.

33. Et certe a Majoribus ii pariter desciscunt, qui nunc eas quoque suffusionum species curari posse, statuunt, quas illi inter insanabiles reponebant, exempli gratia inveteratas illas, nimiumque exsiccatas, de quibus Aetii prognosim retulimus (e), ab aliorum prognosi non abhorrentem, nominatim Pauli (f), qui suffusionibus quæ moderate concretæ sunt, & commode deduci possunt, opponit illas quæ gypsum aut grandinem colore referunt, quippe quæ supra modum concreverunt. Nam & ex coloribus pronunciabant, ut Celsus (g): *si suffusioni color cæruleus est, aut auro similis; --- vix unquam succurritur.* Quo in Celsi loco mendum latere, & cævus pro cæruleus legendum esse, existimabat Mercurialis (h) cum aliis de causis, tum in primis quia Paulus, imo omnes, ut ait, *scriptores medici cæruleas suffusiones curabiles faciunt*: in quo libens Civem meum eruditissimum excusarem, quali aut memoria labentem, aut forte aliter sententiam interpretantem, quæ inter Hippocraticas (i) circumfertur, a Celso præ cæteris probatas: *Pupillæ vero glaucescentes, aut argenti speciem referentes, aut cæruleæ non bonæ sunt.* Verum cum paucissimis ante verbis hæc habeat Mercurialis: *Suffusiones non possunt curari, ut ait Aetius, quarum color glaucus est, vel, ut ait Paulus, gypseus, aut grandini similis, unde dicit Hipp. 2. prorrh. eas pupillas esse malas, quæ colorem habent vel glaucum, vel argenteum, vel cæruleum*; minus facile invenio ego quemadmodum sibi ipsum conciliem, quam ipse quomodo Celso Paulum, aut Celsum Celso conciliaret. Nam id quoque in eo Celsi loco negotium ipsi facebat, quod cum sanabilem suffusionem dixisset, quæ colorem habet marinæ aquæ, vel ferri nitentis; --- color autem cæruleus, & aquæ marinæ idem sit; si cæruleam poneret inter incurabiles, sibi contradiceret. Hoc etiam addit: *si phrasim Celsi animadvertamus (si color cæruleus est, aut auro similis) cæruleum non debere esse ab auro valde dissentaneum apud ipsum.* Verum si hoc statuit; supra quoque ob phrasim similitudinem statuatur, necesse est, colorem marinæ aquæ non debere esse a colore ferri nitentis valde dissentaneum: inde autem sequetur, colorem aquæ marinæ, & cæruleum eundem non esse; nimis enim cæruleus color distat a colore ferri nitentis. Si vero non statuit; tum ista concidit animadversio: inter cæruleum autem, & marinæ aquæ colorem quid discriminis posuerit Celsus, ii facile intelligunt, qui in hac subviride quidpiam agnoscunt. Igitur in eo Celsi loco ego quidem nihil muto, præsertim cum variæ sint colorum acceptiones, & varii gradus, nec raro quem omnino Veteres colorem designaverint, ex eorum verbis ignoremus.

L I

34. Vi-

(b) num. 30. (i) Synops. l. 8. c. 47. (k) De Re Med. l. 3. c. 21. (l) Meth. Med. l. 2. c. 7. (m) Canon. l. 3. Fen 3. tr. 4. c. 21.  
(n) Curcul. A. 2. Sc. 1. (o) Menæchm. A. 5. Sc. 2. (p) Natur. Hist. l. 29. c. 6. (q) l. 6. c. 21. (r) l. 7. c. 53.  
(s) Advers. Anat. VI. Animad. 64. (t) l. 28. c. 8. (u) Eod. l. c. xi. (x) l. 32. c. 4. (y) De Medicina. (z) De Medicam.  
(a) cap. cit. 50. (b) Prælect. Patav. l. 1. c. 29. (c) Medic. Pract. l. 1. P. 3. S. 2. c. 35. (d) Vid. supra, n. 10. & 11. (e) n. 31.  
(f) De Re Med. l. 6. c. 21. (g) De Medicina l. 7. c. 7. n. 14. (h) l. cit. c. 34. (i) Prædict. l. 2.



34. Vide enim, exempli causa, *glaucus* quam varios & inter se discrepantes colores; ne longe ab nostris Medicis, nostroque instituto abeamus; apud Brasavolum (k) significet, *glaucedines* in Aphorismo explicantem; ut si quis ex colore glauco, unde glaucoma dictum constat, hoc a suffusionibus discernere aggrediatur, nec facile signum, & fallax sectetur. Quid enim difficilius, quam in colore tam late patente, tamque ambiguo illum ipsum ejus modum quem Majores spectaverint, definire, aut si non unum modum spectasse, intelligas; ceteros quos non spectaverint, pro certo rejicere? Nam in adscripta Galeno *Introduktione*, quæ etiam inscribitur *Medicus* (l), dicitur Glaucolis esse humoris Crystallini in album atque aqueum colorem mutatio. Serenus autem Samonicus in Glaucomate horrendum quendam colorem plumbeum indicavit, si primus quidem eorum quos supra (m) ex ipso protulimus, versuum ita est legendus, ut in libris olim *constanter* scribebatur, confitente Roberto Keuchenio (n), & ejus *avito chirographo* idem non prorsus obscure confirmante,

*Si vero horrendum ducunt glaucomata plumbeum.*

Sed colorem hunc plumbeum, lividumne intelligemus? album vero illum num haud aliter ac Mercurialis (o), Sennertus (p), Riverius (q), sic accipiemus, ut nihil de *aqueo*, qui additur, cogitantes, circa pupillam dicamus insignem, & profundam apparere albedinem? Fac, ita posse accipi.

At quonam modo hoc utemur fallaci signo ad Suffusiones a Glaucomatibus discernendas; si suffusionum quoque *aliæ*, ut ex Demosthene Aetius docet (r), *albicantes sunt*; --- *aliæ glaucescunt, quæ etiam incurabiles sunt*; quædam vero, ut tradidit Paulus (s), colorem plumbeum referunt ex iis quæ commode deduci possunt? Sed plumbeas univèrse, curabilibus accenset Haly (t); contra, incurabilibus Valefcus de Taranta (u), & Jo. Mich. Savonarola (x). Credo equidem, rectius fecisse Avicennam (y), qui suffusionum genus nigrum plumbeum vehementer vehementis nigredinis insanabilem pronunciavit; sic enim quasdam plumbeas, ut Paulus docuerat, sanari posse, non negavit, cujusmodi esse *cineritias*, tradidit Arculanus (z), qui cum *plumbeas vehementis nigredinis non curari*, agnosceret, idem *cineritiae sive plumbeæ*, inquit, *sunt curabiles*; non contemnendi autem Scriptores, quos indicat Ludovicus Mercatus (a) eas esse, censuerunt, quæ colore insigniuntur albo, lacteo, pellucido vel albo plumbeo. Veruntamen si sanabiles sint, si insanabiles; hoc semper constat, plumbeum colorem sive nigricantem, sive livescentem, sive albicantem ad Suffusiones attinere: quemadmodum & album vel multifariam acceptum, quando Avicenna (b) de Suffusionibus diserte scripsit: *Et alia ejus alba est gypsei coloris: Et alia ejus alba est margaritalis: Et alia ejus alba declinat ad blavedinem seu glaucedinem parvam* &c. Itaque Riverius ipse (c) propositæ albedinis ad dignoscendum Glaucoma fallaciam sensit, continuo fassus, *difficile tamen Glaucoma a Suffusione distinguere, quæ talem albedinem in pupilla representat*. Quam fallaciam mox tollere conatus, non albedinem solum, sed & ejus profunditatem, a Mercuriali propositam, inculcando, *ex eo distinguere posse*, ait, *illos duos affectus, quod in suffusione albedo in ipsa pupilla, & fere juxta corneam, in glaucomate vero profundior appareat*. Sed quid, cum suffusio inter crystallinum & uvæam continetur, quod interdum fieri, ipse agnoscit (d), & certe ut plurimum, atque adeo fere semper vel paulo interius contingit? quid, cum alba opacitas, non Crystallini substantiam, sed anteriorem partem membranæ occupat, Crystallinum convestientis? Nonne id genus vitii idem Mercurialis (e) cognosci pariter, scribit, *quia in profundo oculi veluti tela apparet*? Addit quidem ante humorem crystallinum. Sed quis, extrinsecus inspiciendo, talem opacitatem esse ante humorem illum, non in ipso, aut vicissim, tam tenui intervallo, pro certo poterit affirmare? Si, ut par est, Peritissimo Viro, Petito (f) credimus; nemo. Vitia nunc taceo de quibus paulo inferius dicetur, mox ponè Crystallini substantiam sita; quæ sic translucere per hanc possunt, ut in ipsa esse videantur.

35. Quoniam autem signa cætera, & proprietates Glaucomatis usque adeo posse fallere, ostensum est; jam de alio quoque ejus signo videamus, olim quidem inculcato, nunc autem, ut videtur, neglecto. Vetus Finitionum Medicarum Auctor; quas Galeno diximus adscribi, hoc differre, docuit, a Glaucomate Suffusionem, quod in Glaucomate haud prorsus, in Suffusione aliquantulum

cernant. Consentit Paulus (g). Omnes suffusi, inquit, splendorem aut multum, aut modicum vident, atque hac ratione etiam suffusiones ab obscuracione ac glaucedine separamus, quum obscuracione ac glaucedine affecti, splendorem omnino non videant. Confirmant Donatus Ant. ab Altomari (h), Gorræus (i), & Mercurialis (k), qui & Aetium laudat, idem, ut ipse ait, tradentem, additque, incipiente tamen glaucomate, omnia tanquam per fumum conspici. Quod & rationi consonum est, & nisi aliquis luminis sensus, imperfecto etiam tum glaucomate, superesset; nec satis intelligi, nec pene credi illud posset quod narrat Brasavolus (l): *vidisse se ocularium medicum, qui glaucedines, suffusiones esse arbitratus, deponere volens, hominem exoculavit*. Scilicet oculos non eruisse, sed qui adhuc restabat, sensum aliquem luminis ademisse, intelligo, neque adeo credo suæ facultatis ignarum fuisse, ut nesciret, tunc in suffusionibus (nam suffusiones putabat) spem superesse, cum, ut Celsus (m) loquitur, *sensum aliquem fulgoris relinquunt*: quod si secus sit? ægrum, vel depreffis suffusionibus, visum non recuperaturum, ut Sennerti (n) verbis utar: quam rarissimum enim censeo, cum visa a me, atque lecta memoria repeto quod contra opinionem, observationemque communem, in Patricio Patavino aliquot ante annis contigisse scio, ut cum lucem a tenebris altero quidem oculo amplius non discerneret; dejectis acu suffusionibus, receperit quam adhuc servat, utrovis oculo videndi facultatem. Illum igitur Brasavoli Ocularium signo deceptum existimaverim tum nondum absolutæ glaucedinis, tum suffusionis communi, ut sensus adhuc aliquis fulgoris restet; cum in illa jam absoluta, æque ac interdum, ut modo dictum est, in ipsis suffusionibus, supersit nullus.

Quæ cum ita sint; plane vides, glaucomata ne hoc quidem signo ab omni suffusione distinguere posse.

36. Hoc loco ex me quæres; ut opinor, quonam igitur signo glaucomata in illa de qua supra (o) dictum est, Matrona sint deprehensa? itemque cur si in ea depressio humoris Crystallini perutilis fuit, eadem contra in illo ægro tam noxia fuerit, de quo a Brasavolo relatum est? Utinam ita de eo mihi nota essent omnia, ut de illa fuerunt; æque fortasse tunc possem de utroque tibi satisfacere. Nunc autem si aut Ocularium illum aliquid in curatione peccasse, dixero, aut ægrum fuisse majori oculorum morbo jam antea paratum; in alterutro verum conjecero, fortasse in utroque; nihil tamen potero pro certo affirmare. Sed Matronam illam scio ejusmodi opacitatem pone pupillam habuisse, ut quicumque Medicus intueretur, in ipsa Crystallini substantia esse, pronunciaret. Erant enim, re præsertim curationi nondum matura, albidæ quædam lineæ, & quasi stellulæ sic aliæ post alias intra substantiam aliquanto minus albam, eamque subnitentem dispositæ, ut vel ipso primo aspectu eam substantiam, Crystallini corpore esse, appareret. Itaque aptius quo appellarent, nomen quam glaucomatis, non reperiabant. Nam suffusiones vocare neque ipsi poterant, qui has membranas existimarent, neque ego satis audebam, qui etsi jam sæpius pro his opacos Crystallinos inventos esse, non ignorabam; tamen qui possem nomen suffusionum opacis Crystallinis attribuere, cum & illas oculis aliquando inesse, & quod consequitur, a vitio Crystallini ut sede, ac natura essent, ita & vocabulo secernendas esse, non dubitarem? Quod si, ut Viri aliquot Clarissimi, & de horum morborum illustratione præclare meriti sperare visi sunt, nullas revera, aut fere nullas postea inventas esse, novissem; fortasse cum ipsis, nomen Suffusionis ad nullum aliud, quam Crystallini opaci vitium significandum transferrem. Nunc autem ne cuiquam omnino adverfer, & ab omnibus æque intelligar; siquando ipse orationis locus quid mihi velim, quacunque utar appellatione, satis non indicet (quod in his meis ad te Epistolis non sæpius, ut puto, accidet) præstare crediderim, si Aquei humoris concretionem pro Cataracta, aut Suffusione; Crystallini vero, aut Vitrei opacitatem pro Glaucomate dixero, paulo quidem prolixius, sed certe clarius. Nam Glaucomatis quidem nomen Crystallini, an Vitrei opacitati assignem, in ea quam vidimus, illius signorum fallacia, & alia aliorum consuetudine non possum facile decernere.

37. Neque enim te fugit, eosdem quos modo laudabam, Præstantissimos Viros multis in medium allatis rationibus Glaucomatis nomen ad Vitreis humoris opacitatem signi-

(k) Comment. in Aph. 31. l. 3.

(l) a. 15.

(m) n. 31.

(n) Not. ad Samonic.

(o) Prælect. Patav. l. 1. c. 29.

(p) Medic. Pract. l. 1. P. 3. S. 2. c. 35.

(q) Prax. Medic. l. 2. c. 4.

(r) Tetrabibl. 2. Serm. 3. c. 51.

(s) loc. cit.

(t) Pract. l. 9. c. 28.

(u) Philon. Pharm. l. 2. c. 25.

(x) Pract. Maj. tr. 6. c. 3. rubr. 35.

(y) Canon. l. 3. Fen. 2. tr. 4. c. 18.

(z) loc. cit.

(a) cap. seq.

(b) l. cit. c. 31.

(c) Pract. c. 30.

(d) De intern. morb. curat. l. 1. c. 21.

(e) loc. cit.

(f) De Re Med. l. 6. c. 21.

(g) De medend. hum. corp. mal. c. 19.

(h) Defin. Medic. τὸ γινώσκον.

(i) l. cit. c. 29. & 34.

(j) loc. cit.

(k) De Medicina l. 7. c. 7. n. 14.

(l) Sect. cit. c. 28.

(m) n. 32.



significandam traduxisse. Non est dubium, imo & Valsalva in Differtatione (p) confitetur, hunc humorem aliquando obscurari. Jam autem olim Mercurialis (q) inter ejus vitia, turbiditatis ipsius mentionem fecerat: & Sennertus (r) agnovit, humorem Vitreum tale quid pati, quale crystallinus in glaucomate: & Riverius (s) confirmavit, humori quoque Vitreo opacitatem induci, pro cuius majori vel minori gradu, visum imminui aut aboleri necesse sit. Omitto alios de quibus infra commemorabitur, qui ante Sennertum, ut Casalpini, atque adeo etiam ante Mercurialem florere, ut Fernellius, atque Forestus. Sed ex multo antiquioribus duos hic omittere non possum, Petrum de Argelata (t), & Joannem Arculanum (u), quorum ille inter causas debilitatis visus non modo humorem Crystallinum posuit nimis grossum aut subtilem in substantia, aut alteratum, sed & Vitreum propter easdem etiam dispositiones; hic autem diserte statuit, non solum ante crystalloidem, sed in crystalloidem, & post crystalloidem, scilicet in vitreo -- posse esse oppilationem aquosam, sive cataractam communiter sumptam, idest prohibentem visum, ubicunque sit, non proprie acceptam quam in Aqueo dumtaxat agnoscebat. Hunc autem locum eo quoque protuli, ut praeluxisse intelligas multis, & Plempio (x) nominatim, qui in loco, a Boneto, & Heistero, & supra a nobis etiam producto, litigant Medici, inquit, quo consistat suffusus humor. --- Nos non dubitamus asserere, in crystallino quoque, & post crystallinum in vitreo humore posse consistere materiam suffusam. Sed & illud quod subjicit, rarius suffusam materiam in vitreo; rarissime in crystallino habere, ac fere semper in aqueo observari, pariter ex Arculano ferme sumptum est, docente (y), aliquando hoc nocumentum esse in humoribus, scilicet albugineo aut crystalloidem: frequentius tamen in albugineo. Sic autem olim rationibus, aut specie ducti, judicabant. At ex morbosorum oculorum dissectionibus perspectum est, ut ait Cl. Heisterus (z), inter oculi humores crystallinum omnium facillime mutationibus, nimirum opacitati & indurationi, obnoxium esse.

38. Atque utinam & multo antea, & saepius dissectiones ejusmodi institui, aut certe adnotari coeptæ essent; tot fortasse de Vitrei humoris vitiis observationes haberemus, quot ad ea de quibus sermo incidit, determinanda requiruntur. Mihi autem illas sedulo perquirenti Rolincius (a) facile primus visus est, qui de iis vitiis, ex anatome aliquid litterarum memoriae mandaverit, cum in aliquibus cadaveribus eorum qui amaurosim passi fuerant, nullam in nervo Optico noxam, sed totum vitreum in aquam resolutum & crystallini nulla vestigia deprehendisse se, scripsit. Hoc Casparus Hofmannus (b) negaverat posse fieri per rerum naturam. Spissari quidem amplius humores oculorum posse, alienum, inquit, a vero non est: at liquefieri ita, ut inter se misceantur, quis ausit affirmare? Longo post Rolincium intervallo eandem Vitrei dissolutionem Clarissimi Viri Brissæus, Petrus, Heisterus singuli semel observarunt (c), hic post amaurosim, & cum Crystallino valde exiguo, justoque molliore, Petrus cum Crystallino duas tertias justo minore, duroque lapidis instar ---, & opaco, Brissæus non solum cum Crystallino opaco, & duro, sed & toto oculo atrophica ita imminuto, ut tertia circiter parte minor esset. Huc addas quam ante hos, ut supra (d) indicatum est, in utroque canis oculo cum duritie Crystallini; ne de aliis, & nominatim Retinæ vitiis quidquam dicamus; olim Valsalva deprehenderat. Ego quoque bis, nec sine aliis oculorum morbis, animadverti, scilicet non in eo tantum leporino oculo, cuius Crystallinum & multo minorem, & exsuccum supra (e) descripsi; verum etiam in vaccino, multo antea dissecto, Bononiæ videlicet priusquam Prima Adversaria emitterem, in quo accipe quæ adnotaverim. Extrinsecus aspectus, ut leporinus quoque, vix ab sano altero, quem prius incideram, differebat, nisi quod, ut leporinus turbidior, ita hic albidior, si Iridem spectares, apparebat; certe in neutro ullum cicatricis alicujus vestigium potui invenire. Fluida, pura, limpida aqua loco Vitrei, & prope dixerim, etiam Crystallini humoris, inerat. Nam pro hoc inter strigosos Ciliaris Corporis radios membrana erat crassa, quasi altera Cornea, sed opaca, quam ad Vitreum potius, & posteriorem Crystallini faciem olim attinuisse, quam ad priorem, duabus de causis existimavi: nam & anteriori crassæ illius membranæ faciei adhærebant fru-

Morgagni Epistolæ Anatomicae.

stula, multum ipsius dissimilia, quæ quo magis examinabam, eo magis Crystallini tunicæ fuisse videbantur, & pone crassam illam membranam in aquæ medio Retina tunica in cylindri formam contracta occurrebat; ut hic Joannes Bapt. Verle, qui humorem Aqueum, sicut in superiore Epistola scripsi (f), etiam inter Choroidem, & Retinam ponebat, contendere potuisset, eundem ibi præter naturam valde auctum, Retinam undique e sua sede in medium compulisse, Vitrei humoris cellulis, sensim premendo, exinanitis, & in crassam illam membranam compactis. Verum sive aliquid ejusmodi effecerat, ut pro Vitreo humorem Aqueum invenirem, sive potius intima causa aliqua, ut Crystallinum, sic etiam Vitreum dissolverat, ut bullulæ aeræ intra hunc in emphysemate a Littorio (g) deprehensæ; plurimas cellulas distendendo, disrumpendoque, ipsum semisusum reddiderant; certe reliqua in eo oculo, ut nervus quoque Opticus, secundum naturam se habebant, iis exceptis vitiis de quibus dictum est, & Scleroticæ in fundo oculi ad magnum tractum crassitudine triplo quam par esset, majore, quod mihi eo minus reticendum putavi, quia in memorata Petiti observatione eadem tunica duplo crassior, quam in oculo sano comperta est.

39. Nunc ex te quæro, quodnam hujus Vitrei dissolutionis habere signum queamus? Non amaurosim: nam; ut cætera prætermittam; Rolincius ipse, qui illam princeps animadvertit, alio in Scripto (h) fassus est, uti ejusmodi sedis amaurosis exempla rarissima, ita in legem non ponenda, cum monstrâ interdum in medicina fiant, & præterea nullum simul, ut nos quoque in vacca, humorem Crystallinum deprehendit. Quo addas, licet, quæ adversus Brissæum docte ab Heistero (i) in hanc sententiam disputantur, & iis confirmes, quæ de magno simul Retinæ vitio a Valsalva, & nobis sunt adnotata. Num potius fluctuans, seu vacillans Cataracta nobis indicabit humoris Vitrei dissolutionem sic, ut lentem crystallinam non amplius fixam sustinere queat? Recte admonet idem Cel. Heisterus (k), similem tamen fluctuationem subinde contingere humore Vitreo salvo, sed ubi per operationem prægressam lens a cohesione fuit soluta: imo, hac salva cohesione, quomodo usque adeo fluctuare Crystallinus possit, Vitreo quantumvis dissoluto, ego quidem haud satis intelligo. Quod si, duobus hisce sepositis, signa alia quæras; multum vereor, ne in fallacia, & ambigua magis incidas, præsertim cum ex his paucis quæ ad hoc tempus habemus, Vitrei dissolutionis exemplis ne unum quidem inveniat in quo aliud vitium, & maxime Crystallini aut dissoluti, aut imminuti, aut duri, & opaci, non sit conjunctum. Cum autem multo his pauciora anatomica exempla inveniam Vitrei opaci; multo magis vereor, ut satis sint ad hujus diagnosim, prout oporteret, constituendam, eoque magis id vereor quod exempla opaci ex iis fere esse video quæ producta sunt, dissoluti. Sic ea dissolutio Vitrei quam Brissæus, itemque illa quam Petrus adnotavit, erant illa quidem cum gryseo colore, hæc cum flavescente conjunctæ, ut quam ego in lepore, cum subrubro obsoleto. Non ignoro, Vitrei opacitatem etiam sine dissolutione, imo interdum cum induratione animadvertam fuisse. Illo modo (l); in oculo Bourdelotii dextero Vitrei pars, Crystallino proxima, opaca erat, & flavo colore tincta. Contra, Lancisius (m) Vitreum invenit, qui opacus erat, duritiemque fere ossæ induerat; Morandus autem (n) Vitrei reliquias instar, substantiæ gelatinosæ, coloris cinerei, consistentiæ satis firmæ. Sed & hic, ut alia, eaque gravissima, omittam vitia; Crystallinus, erat colore albo ad flavum vergente, consistentia autem durissimi lapidis; in oculo quem Lancisius proposuit, erat resolutus: denique in primo illo totus erat factus opacus; ut constet, in exemplis quoque, mihi notis, opacitatis Vitrei non dissoluti, similes earum quæ in dissoluti, vitiorum complicationes ad hoc usque tempus occurrisse.

40. Antequam ad ulteriora progrediamur, juvat hoc loco illud primum animadvertere, si humoris Vitrei opacitas Glaucoma appellanda sit; non id amplius vitari posse quod Glaucoma in Crystallini opacitate ponentibus objiciebatur, ut Glaucoma aliud solidum, aliud fluidum contra Veterum consuetudinem agnoscere cogamur. Deinde quod Rhodius (o) tradidit, ab Adriano, Spigelio repertum in vitreo humore oculi equini vermiculum, qui Cunrado Gesnero vitulus aquaticus appellatur; si forte, ut sæpe alibi, concretio vermiformis fuit,

L 1 2

ad

(p) n. 25. (q) l. cit. 1. c. 30. (r) Sect. cit. c. 36. (s) Prax. Med. l. 2. c. 1. (t) Chirurg. l. 5. tr. 7. part. 5. c. 4.  
(u) Prax. c. 30. (x) Ophthalmopr. l. 5. c. 9. (y) c. cit. (z) De Cataracta n. 42.  
(a) D. fert. Anat. l. 1. c. 13. (b) Apolog. pro Galeno l. 3. c. 230. (c) Vid. apud Heister. Tract. cit. n. 21. 27. 28. & Act. N. C. l. Obf. 171. (d) n. 29. (e) n. 28. (f) n. 17. (g) Memoir. de l'Acad. R. des Sc. 1713. (h) Dissert. de Gutta Serena c. 3.  
(i) D. fert. de Amaurosi n. 9. (k) De Cataracta n. 86. (l) Ibid. n. 25. (m) Vid. Heister. Vindic. n. 97.  
(n) Memoir. de l'Acad. R. des Sc. A. 1730. (o) Cent. 1. Obf. 14. Medic. 83.



ad inchoatam Vitrei opacitatem esse referendum. Denique indicatae Lancisii, & Morandi observationes meam mihi quandam ad memoriam reducunt: quam hic narrare, & cum recenti altera conjungere non omnino fortasse inutile fuerit, ut cum iis quæ alias, & nunc ad te scripsimus, conferantur. Jufferam A. 1715. calvariam, & cerebrum nonnullorum cadaverum adimi, ut oculorum musculos facilius possem in sua sede consecrare. In iis accidit, ut oculus esset qui jam diu, nescio quam ob causam, mirum in modum emacruerat, atque adeo videndi facultatem amiserat. Itaque intra Scleroticam, & Choroidem in se contractas, reliquias inveni Crystallini humoris, & Vitrei non modo exsiccatas, sed ad duritiem quasi cartilagineam redactas. Circumjecti muscoli, & pinguedo, & Innominata glandula utcumque recte se habere, nervi autem & Motorii, & Sexti paris in utraque pariter orbita vel pulchriores crassioresque quam soleant, esse videbantur. Non sic Opticus uterque. Nam cum is qui sano oculo inserviebat, & ipse vel iusto crassior videretur, essetque omni ex parte sanissimus, & nitidissimus; erat alter ex subrubro pallidus, & sano paulo quidem longior, sed multo tenuior: imo vel sic extenuati magna pars ad tunicas suas, in se se, ut opinor, collapsas corrugatasque, certe æquo multo crassiores, spectabat; nervi enim ipsa substantia, usque adeo compacta ut ganglii firmitudinem æquaret, crassiusculum filum non superabat. Cum autem animadvertissem, prope oculum tamen paulo minus esse tenuem, quam in toto reliquo per orbitam tractu; tunc enim vero nimiam eorum diligentiam magis incusabam, qui pridie cerebrum eximenes, cum reliquis cadaverum partibus, inobservatum, conspeliendum curaverant. Id enim quærere avebam quod alii quondam, ut in alia Epistola (p) memoratum est, in ejusmodi rerum statu præclare invenerant, si vitium nervi supra ejus cum compari conjunctionem produceretur, an idem porro latus servaret; non ad oppositum transiret. Ut enim Cl. Abr. Vatero (q) concedas, nervos Opticos ad oculorum nutritionem non facere; at certe ad visionem facere, non dubitabis, ut neque, quodcumque ipsorum officium sit, videri eos in conjunctione non decussari, quando illud alterutrum vitium quod infra conjunctionem, exempli causa, a dextris est, nunquam supra conjunctionem inventum sit a sinistris. Semper autem ab eodem latere, quantum in præsentia memini, & olim a pluribus, & nuper ab Solertissimo Santorino (r) inventum est: & tunc a me quoque, ut opinor, nisi importune, ut sæpe alibi, fors obstitisset, inventum esset. Longo enim, ut dictum est, tempore is oculus cæcus fuerat; aut certe non ita brevi, ut quodam in cane quem nuper dissecui, fuisse videbatur. In hoc enim Opticus nervus a cæco oculo ad conjunctionem usque, paulo quidem gracilior, & durior altero factus erat, eoque colore, ut intus extraque, corticalem cerebri referret substantiam, quæ res fortasse ex parte efficiebat, ut nulla in transversa ejus dissectione sanguifera vascula apparerent, cum in alterius nitida albedine illico, ut solent, in conspectum venirent. Sed ubi ad conjunctionem ventum erat; nullum inde amplius internoscere discrimen licebat: quin etiam in connectione ipsa tota, non modo utrinque supra illam, sive extrinsecus aspiceres, sive interiora attente inspectares, idem prorsus color, idemque habitus qui in nervo ad sanum oculum tendente, conspiciebantur. Nihil pariter Opticorum nervorum Thalamus, nihil Motorius oculi nervus (nam hunc quoque intra cranium diligenter inspexi) dexter a sinistro discrepabat. Cæcus autem fuerat oculus dexter, idque a vulnere, ut opaca ad Corneæ ambitum cicatrix ostendebat. Exterius inspectus nullam usquam Iridem, sed libera & pellucida omnia usque ad fundum exhibebat, naturali magnitudine, & plenitudine præditus. Nam etsi intus nec Crystallini, nec Vitrei humoris, neque Iridis, neque Ciliaris Corporis, neque Retinæ ullum supererat vestigium, nec Choroides ipsa tunica erat integra, ut cujus pars aliqua in fundo oculi deerat; tamen cavum omne aqueus humor adeo implebat, ut parietibus vix leviter apertis, profiliret, ostenderetque nobis, quemadmodum effusi, expressive oculi humores interdum reparati esse videantur. Hæc autem de ipsius oculi constitutione adscripsi, ut cum iis quæ supra de cæcis alias ob causas oculis descripta sunt, possis comparare.

41. Sed ad Vitrei humoris opacitatem ut redeam; factis igitur ex iis quæ ante dicta sunt, constat, nondum

tot haberi morbosorum oculorum sectiones, ut ex iis signa confirmari possint, quæ ad illam dignoscendam propolita sunt. Quæ inter quoniam a Viris Doctissimis illud denique relatum esse, animadverto, ut quotiescunque Cataractæ occurrunt, a Veteribus *splendentes*, vel *lucentes* appellatæ, eæ pro Vitrei opacitatibus habeantur; ne de hoc uno signo nihil videar attigisse; illud primum constituendum esse, ducio, non de quovis splendore ejusmodi indicium esse capiendum. Nam suffusiones quæ colorem habent, ut Celsus loquitur (s), *ferritentes*, vel, ut Haly (t), *ferritelimati*, aliquid certe habent splendoris; eæ tamen, Auctoribus iisdem gravissimis testantibus, ex iis sunt quæ acu immissa curari possunt. Quin Medicus nobilis Hollerius (u) in universum pronunciavit, Suffusionem *quæ sine splendore cernitur, incurabilem esse*. Oportet igitur sic rem intelligere, ut exponit Præstantissimus Heisterus (x), opacitatem humoris Vitrei *translucere per lentem crystallinam eodem ac si corpus quoddam coloratum adamanti, crystallo, vel vitro pellucido supponitur; unde apparet ac si pellucida hæc corpora essent colorata, cum tamen ille color tantum a subjecto corpore colorato oriatur, & (quod ingenue idem Vir Doctissimus continuo subicit) spectatores facile fallantur*. Sed faciamus, cautiores, & ab ipso admonitos (y) non falli, animadvertendo, quoad ejus fieri potest, *opacitatem profundius post pupillam quam alias, hæere, & colorem opacum splendere magis quam in cataracta vera*; non tamen propterea certo scient, opacitatem illam esse in humore Vitreo, nec potius in Crystallini lamellis posterioribus, aut si tota etiam substantia Crystallini pellucida sit, in postica tunica ipsius parte. Constat enim, & portionem aliquam Crystallini interdum opacam esse, reliquis tunc etiam pellucidis; posterioris autem ejus tunica, sive, ut plerique appellant, ejus partitis Vitreæ quæ paratum pro illo cavum succingit, opacitatem non solum animi, sed fortasse & corporis oculis aliquando Medici invenerunt. Animo prospexerat Molinettus (z), cum Vitrei humoris vitiis enumeratis, tunica quoque ipsius, hyaloidem appellamus, crassior fieri potest, inquit, & minus diaphana; hinc læsiones multæ in visu quibus indita nomina non sunt, cum tamen difficile non sit, cognitis affectibus, propria invenire nomina. Re autem vera ipsam opacam inventam esse, videtur locus aliquis Historiæ Regiæ Scientiarum Academiæ Parisiensis (a) subindicare. Postremo Jo. Jacobi Wepferi Medici experientissimi verba (b) cautiores facere nos debent in signis ejusmodi accipiendis. *Glaucoma oculi*, inquit, in cane, dum viveret, animadversum, tantummodo apparens fuisse, manifestum fecit sectio, nam cornea, humores crystallini, & vitreus transparentes erant, nihilque turbidi in aqueo visum: observavi in optime videntibus (id quod nihil prohibet, quo minus in aliquo etiam, ex nervi Optici vitio, oculis capto observemus) aliquando glauci quid apparere, quod nihil nisi retina erat, clarius visui occurrens, pupilla ampliore & humoribus perspicuis existentibus.

42. Nec vero antiquis Medicis minus difficile visum est humoris Vitrei læsiones dignoscere. Nam & Alzaravius apud Mercurialem (c), signa earum, dixit, esse eadem quæ sunt humoris albuginei, & Jo. Matthæus de Gradi (d), ubi docuit, cataractam albam ad viriditatem declinantem aliquando significare --- quod materia profundatur multum in Vitreo: & ita ad viriditatem declinare apparere: sic etiam videre nos in profunditatibus aquarum quod apparent virides; simul docuit, hoc idem signum aliquando significare mixtionem colera. Alii vero in quibus Arculanus (e), & Cæsalpinus (f), aperte negarunt, cataractam in Vitreo --- ab oculis aspicientibus videri. Utinam ne illud simul negassent, exterius intuenti apparere, quæ intra Crystallinum colliguntur. Melius Sennertus (g), qui scripsit, utrum obscuritas sit in Crystallino, an vero in Vitreo, non facile dignosci posse. Sed Riverius (h), Vitrei opacitas, inquit, nullis signis cognoscitur, sed sola ratione fieri posse judicatur. Igitur cum hoc Vitrei humoris vitium aut nullam, aut perdifficilem diagnosis haberet; gratos nobis esse decet eorum conatus, qui dederunt operam, ut minus difficilem redderent, eoque posteros excitarunt, ut aliis atque aliis subinde additis observationibus tandem aliquando rem, quoad ejus fieri potest, perficiant. Sed interea vicissim Valsalvæ, & nobis veniam datum iri, speramus, si minus adhuc cognito morbo necdum Glaucomatis nomen adjudicemus. Nos quidem non

(p) XVI. n. 14. (q) Dissert. quæ Visus vitia duo & cæt. thes. 9. (r) Observ. Anat. c. 3. n. 14. (s) De Medicina l. 7. c. 7. n. 14. (t) Pract. l. 9. c. 28. (u) De Morb. Intern. l. 1. c. 21. (x) De cataracta n. 61. (y) Ibid. & n. 86. (z) Dissert. Anat. l. 4. c. 6. (a) A. 1722. (b) Ephem. N. C. Dec. 2. A. 7. Obs. 16. (c) Prælect. Patav. l. 1. c. 30. (d) Pract. P. 1. tr. 1. c. 27. (e) Pract. c. 30. (f) Art. Med. P. 2. l. 5. c. 45. (g) Medis. Pract. l. 1. P. 3. Sect. 2. c. 36. (h) Prax. Med. l. 1. c. 3.



non fugit, nobilem in primis Medicinæ Scriptorem Fernellium (i) docuisse, *Glaucoma esse crystalloides aut vitrei humoris in glaucum aut fuscum colorem mutationem*, & Petrum Forestum (k), Fernellii, vel, ut ipse putabat, Aetii, & Pauli doctrinam secutum, idem tradidisse. Multoque minus ignoramus, multiplicatas esse a Thoma Burneto (l) Glaucomatis sedes, cum hoc esse, ait, *crystallini, aut vitrei, aut etiam aquei humoris in glaucum, seu castium colorem mutationem*, postquam Molinettus (m) Glaucedinem suspicatus erat in Aqueo humore esse collocandam. Hi tamen Glaucomatis vocem *strictè*

acceptam tantum abest ut humori Crystallino abjudicaverint; eandem potius late sumptam, ut *Finitio-num Medicarum* Auctorem fecisse, diximus (n), & illi, & aliis oculi humoribus communem esse, voluerunt. Sed nos de Glaucomate, *strictè proprieque* accepto, hæc habuimus quæ pro veri studio disputaremus. Quæ quoniam res longius aliquanto nos pro-vexit, quam a primo existimabamus; satius erit quid-quid de Suffusione nobis superest, quale id cunque est, in aliam Epistolam, sed breviorē, differre. Quam propediem expecta, & vale.

## EPISTOLA ANATOMICA XIX.

*Hæc quoque ad Alteram spectat Valsalvæ Dissertationem. Absolvitur sermo de Cataracta.*

**N**unc ad reliqua ejusdem Alterius Dissertationis Valsalvæ capita progrediamur. Hæc eo spectant ut Cataractam, non membranam, nec membraniformem Aquei humoris concretionem; sed Crystallini opacitatem esse, confirmant: quod ut plurimum esse verum, a nobis superiore Epistola agnitum est. Illa prima rationum producit momenta (a), quod, si membrana esset, non posset propter adhæSIONem deprimi sine Iridis, aliarumque proximarum particularum læsione, præsertim cum locata, ut *comunitè ponunt, in parte magis interna*, eo faciliorem læsionem redderet: quod periculum in schedis postea ex eo majus esse, ostendit, quod propter exiguam intercapedinem quæ in oculis gelu concretis inter humorem Crystallinum, & tergum Iridis conspicitur, satis ibi spatii ad motum acus non relinquatur. Et olim quidem magna de Suffusionis sede inter Medicos fuisse dissidia, constat, quæ, sicuti & dissidentium nomina, ab Savonarola (b), ab Arculano (c), a Mercuriali (d), ab Sennerto (e) commemorantur. Ex iis pars Arabum haud alibi quam inter Iridem, & Corneam, sive in anteriore, ut nunc loquuntur, Aquei humoris Camera, statuebant. Nec rationes, a sensu ipso petitæ, objectæque ab iis qui in posteriore collocabant, illos satis poterant a sententia dimovere, cujusmodi ea ratio est quam inter Recentiores iterum produxit Wepferus (f). *Omnem cataractam hanc posteriorem sedem occupare inde, inquit, constat, quod omnes rotundæ sint: si in parte anteriore sitæ essent, non exacte rotundæ per corneam pellucidam viderentur.* Hanc enim ipsam rationem, quæ cæteris quin undique firmissima non est, aliasque præterea quemadmodum eludere conarentur, apud Savonarolam (g), & Arculanum (h) satis apparet. Sed & apud hunc (i) rationes videbis, quibus ipsi nitebantur, eamque in primis quod alioqui *cataracta non posset extrahi per sectionem corneæ in parte inferiori*: quod quidem negari non posse, aiebant, contra experientiam, & Avic. in cap. proprio, & contra Græcos sic operantes, & sane Avicenna (k) diserte tradiderat, quosdam esse, qui *disrumpunt inferiorem partem corneæ, & extrahunt aquam* (sic Cataractam vocabat) per eam.

2. Quibus ex locis intelligi licet, rem non prorsus novam, sed pluribus ante sæculis usitatam, fuisse a Meryo (l) propositam A. 1707. Quin & a Wepfero (m) duodeviginti annis ante indicatum fuerat, acu ad Corneæ fines immissa in Camera anteriorem, illius cuspide cataractam eliciendam esse per pupillam ex Camera posteriore. Illud fatendum est, Meryum Corneæ incisionem; non perforationem dumtaxat, ut Wepferum, & Veteres illos; proposuisse. Nam per sectionem, & disruptionem illam Corneæ, vix aliud eos, quam perforationem, significasse, Arculanus (n) his verbis commonstrat: *incisionem quam faciunt quidam perforando corneam in parte inferiori, & extrahendo cataractam: & aliqui tamen ex Græcis antiquis ut recitat Albucasis, & Avic. faciebant foramen subtus, scilicet corneam, quod forte melius est facere in conjunctiva cum acu cannulata, ut sugendo extrahant cataractam.* Confirmant verba Savonarolæ (o): *extractio autem aquæ ab illis græcis illo modo fiebat; nam in foramine ponebant acum, cannulam, & sugendo extrahebant.* Cæterum quod Meryus indicavit: posse opacum Crystallinum per incisionem, ab se descriptam, e Camera posteriore educi, vel cum illius diameter pupillæ diametrum superaret, propterea quia pupilla facile dilatatur, idem quidem Arabes quoque docuerant. Sic apud Arculanum (p)

Jesús Halij dicit, quod per foramen uvæ contorquendo acum, intromittitur cuspis acus & cataracta existens intra uvæam potest trahi extra uvæam, & poni sub corneam. Et dicit, quod in extractione dilatabitur foramen uvæ, deinde ex se claudetur sicut in exitu foetus aperitur collum matricis, deinde post exitum clauditur. Sed (ita judicat Arculanus) facilius est dicere, quam facere, opponitque operationem omnium modernorum, qui deponendo cataractas, perforant (ut nunc) oculum ultra corneam, & eligunt hunc modum tanquam aptiorem & faciliorem, ad quem minor dolor, & remissiora sequuntur accidentia; secuti enim fuissent primam operationem, inquit, si fuisset conveniens. Artes enim factæ sunt per additamenta. Et supra scripserat, posse etiam cum hac modernorum operatione facile deponi cataractam, quæ sit in Camera anteriore, penetrando acu per foramen uvæ usque ad corneam: quod in parte, ut feliciter præstitum sit nostris temporibus a Brissæo, apud Heisterum (q) video. Sed vicissim quanquam Arculanus illa prima operatione contendit solum illam cataractam curari, quæ est immediata ipsi corneæ & quæ est fluida; Meryus tamen ostendit, per Corneæ sectionem feliciter ipsum Crystallinum extractum fuisse: neque est negandum, quotiescunque nexu omni exsolutus Crystallinus simul ad eam parvitatem reductus sit, ut facile per pupillam in anteriorem Camera illabi possit, locum esse illi chirurgiæ quæ a Meryo proposita est. Verum cum illapsus in eam Crystallinus perraro observatus sit, per anatomen autem semel, quod sciam (r), idque in Anatomico hoc Theatro, suffusio ibidem squamæ corneæ in modum sit inventa, quorum neutrum per illam Corneæ perforationem Arabes educere potuissent: non cataractas ejus generis cujus hic intelligimus, ibi ab ipsis constitutas fuisse, credo, sed purulentas potius, aut puriformes, aut alias ejusdemmodi, opacitates, quæ propediem, ut Arculanus ait, essent *fluidæ*.

3. Sed tamen quomodo eorum nonnulli has tantum, in posteriore autem Camera nullas suffusiones agnoscerent, equidem satis mirari nequeo. Longe aliud vetustiores Græci docuerant, Ruffus, & Galenus. Hic libro primo de Usu Partium (s) suffusiones interjacere, scripsit, inter humorem crystallinum, & corneam tunicam. Quod Galeni dictum neutram certe Camera excludit; quanquam si de proprio, ut hic, Suffusionum loco quæramus, adeo, quod vere ait Fabricius ab Aquapendente (t), generale est, ut hunc locum, veluti prius, ignoremus. Quamobrem mihi semper visus est perobscurus Casp. Hofmannus (u), ubi id Galeni dictum satis ab se illustratum credidit, narrando, in oculo ovillo suffusione laborante apparuisse post operationem Chirurgicam, suffusionem prorsus fuisse eo loci, ubi Galenus dixit. Neque enim illa cujus occasione id experimentum est habitum, de sede Suffusionis controversia inter Medicos Patavinos, præcipue D. D. Joa. Thom. Minadom, & D. D. Franciscum Campanam Hofmanni Præceptores tunc alia videtur esse potuisse, quam utra in Camera Suffusio esset collocanda. Aut si alia erat; non ea certe erat, quæ ætate hac nostra agitata est. Nam suffusionem esse membraniformem, seu tunicam quandam, ut Hofmannus ipse loquitur, iis temporibus non dubitabant. Fuit enim is Hofmannus Patavii ab initio fere Septembris A. 1602. usque ad medium Aprilem A. 1605. ut ex Albo Inclytæ hujus Nationis Germanicæ, ejusdemque Aëtis, manu ipsius Caspari, cum illi præesset, scriptis, comperio: quemadmodum ex iisdem, & insequentibus Aëtis video, Campanam illum, hujus Nosodochii Chirurgum ac Me-

(i) Patholog. l. 5. c. 5. (k) Observ. & Curat. Med. l. XI. Obs. 23. in Schol. (l) Thesaur. Medic. Pract. l. 7. Sect. 6. (m) Dissert. Anat. Edit. I. c. 6. (n) n. 30. (o) n. 21. (p) Pract. Maj. tr. 6. c. 3. post rubr. 36. (q) Pract. c. 30. (r) Prælect. Patav. l. 1. c. 34. (s) Medic. Pract. l. 1. P. 3. Sect. 3. c. 38. (t) Vid. Sepulchret. Anat. l. 1. Sect. 18. Addit. Obs. 4. (u) (h) locis cit. (i) Ibid. (k) Canon. l. 3. Fen. 3. tr. 4. c. 20. (l) Memoir. de l'Acad. R. des Sc. (m) Vid. Sepulchret. loc. cit. (n) cap. cit. (o) cap. cit. rubr. 35. (p) cap. cit. (q) De Cataracta n. 17. (r) Vid. Rhodii Cent. 1. Observ. Med. 81. (s) cap. 1. (t) De Chirurg. Operat. cap. de Suffus. (u) Comment. in cit. Galeni caput,



Medicum Ordinarium, & Cafferii, necdum Professoris Publici, in Anatomicis laboribus emulum, A. 1607. etate, ac viribus integris ex ardenti febre decessisse; ut intelligi liceat, tunc de novo Quarei dogmate quæsitum non esse, quippe quod aliquot demum post lustris prolatum est.

4. Verum ad Galeni dictum ut redeam; æque generalia dixerat Rufus apud Paulum (x), videlicet *suffusiones esse præterfusionem inter tunicam corniformem & crystallinum humorem*. Ego tamen suspicor, ibi aliquid a librariis esse peccatum. Eundem enim, ut superioribus litteris (y) ostendi, Rufi locum Oribasius (z) antea sic descripserat; *suffusionem esse effusionem humorum inter uveam & crystallinam tunicam conrescentium*: quam lectionem; si rem ipsam, & quod Galenus alibi indicavit, spectemus; Rufi digniorem arbitramur. Nam Galenus; ut locum mittam libri *de Oculis* (a); *inter uveam & crystallinum humorem aqua nascitur coagulata* (eum enim librum ipsius esse, non constat) libro primo *de Symptomatum Causis* (b); cum de Suffusionibus verba faciat, neque ante, neque post aliam earum sedem indicat; quam *foramen rhagoidis, vel etiam eum qui inter hoc & crystallinum est, locum*; nec mirum, quando humorem Aqueum, in cuius crassitudine Suffusiones agnoscit, videtur credere coercitum inter Crystalloidem, & Rhagoidem, nec nisi posita ex vulnere, aut ulcere magna hujus divisione, profundi extra eam humorem illum in Camera anteriore. Sed quæcunque Galeni, & Rufi sententia fuerit; certe Fernellius (c), & Riolanus (d) Suffusionum sedem *vel in pupilla, vel inter rhagoidem tunicam, & crystallinum humorem* statuerunt: quod & Fabricio nostro (e) post aliquoties a se institutam, sæpiusque visam Cataractæ depressionem placuit, sic tamen, ut fere *probabilius esse, existimaret, statim post uveæ foramen consistere*. Actuarius tamen (f), Savonarola (g), Sennertus (h), & plerique, generalia illa Galeni, & Rufi apud Paulum dicta sequentes, in utraque Camera posuerunt: quos inter, eos magis laudandos crediderim, qui rem ipsam spectantes, ut plurimum in posteriore collocarunt, ad quos accessit Arculanus (i), & præsertim Mercurialis (k), qui negabat, *se posse satis mirari Arabes, qui dixerunt, fieri suffusionem inter tunicam uveam & corneam, quia licet fiat, fit tamen rarissime*. Quod & supra (l) a nobis est confirmatum, & ex eo quoque intelligi potest, quod non Rufus modo apud Oribasium, ut paulo ante ostensum est, sed & gravissimus inter Arabes Auctor Haly (m) Suffusionem haud alibi constituit, quam *inter humorem cristalleidon & foramen uveæ*.

5. Sed quod hi, aliquæ Exercitissimi Viri propter raritatem nunquam viderunt, id quomodo alii tam crebro accidere, censuerunt, ut semper in Camera anteriore, plerique autem non tam raro, ut promiscue in utraque Camera Suffusionem esse, scriberent? Sane præter id quod supra (n) diximus, vix aliud est quod addamus, nisi forte fallacibus quibusdam speciebus, re non satis diligenter inspecta, deceptos fuisse. Vidimus ex Sacris Oratoribus non ignobilem, cui post sævissimos capitis, alteriusque oculi dolores suffusio accidisse ferebatur, quæ ejusdem oculi non pupillam modo, sed & plures Iridis partes suis productis adhæSIONIBUS operiret. Ac primo quidem aspectu illam Sennerti (o), & Riverii (p) descriptionem ad memoriam revocavit: *si materia suffusionis loco minus profundo, sive inter uveam & corneam sita est; amplior, sive dilatata pupilla apparet: & in affectu confirmato albæ & virides fibræ, aut striæ supra iridem protensæ conspiciuntur*. Verum in eo quidem Viro istiusmodi fibræ, & striæ, specie, non re, erant. Cum enim paulo accuratius ejus oculum inspexissem; deprehendi, cataractam, seu mavis opacum Crystallinum, ex viridi albicantem, sic tergo Iridis incubuisse, eique pluribus in partibus laceratæ adhæsisse, ut non per pupillam tantum, quæ ob lacerationem abnormis, & amplissima erat, sed per hiatus quoque illos laceratæ Iridis se ostenderet, in iisque fibræ, & strias, quæ nusquam erant, ex viridi albas repræsentaret. Num hoc voluit Gorræus (q), cum in Suffusione pupillam, scripsit, *evadere tenebrosam & impuram, vel sub rhagoide, si pupillæ figura retinetur, vel supra rhagoidem, si vitata est*? Id certe quod tunc vidi, in suffusionibus quæ aut diuturnis, acerbissimisque oculorum doloribus, aut vi extrinsecus illatæ succedunt, non perraro suspicor evenire.

6. Ex his quæ hæcenus scripsi, præclare intelligis, me Valsalvæ nostro concedere, aut nullas, aut omnino rarissi-

mas esse cataractas quæ in anteriore Aquei humoris Camera gignantur. Non tamen hinc sequitur, nullas usquam esse posse membraniformes. Nam quod multi quærent, cur igitur non plures in Camera anteriore concreverent, quæ & plus continet humoris, & major est? nimirum illæ ipsæ posterioris angustia faciunt, ut in ea viscidæ particulae inter se coeant, atque adhæreant. Quod autem Valsalva, membranæ a Littrio inventæ exemplo, & hujus confessione subnixus, ut illam, ob nimiam in Iride adhæSIONem, acu incurabilem, ita & cæteras fore, cogitabat, addebatque etiam angustias loci, satis spatii ad acus motum non relinquentes; nempe hæc omnia non obtinuisse quominus aliqua membraniformes deprimerentur, editis post hanc controversiam natam observationibus alii re ipsa, & dissectione in medium allata, contendunt. Præterea, quod ad adhæSIONem attinet, certe minime necesse est, ut omnes eque, aut æque firmiter adhæreant. Quanquam a Cl. Christiano Vattero (r) memorari video inter recentiores Exc. Purmannum, qui *membranam albam, uveæ licet firmiter coherentem, tamen acu sua non rotunda, sed lanceolata separavit, & acui circumvolutam, intra uveæ marginem deposuit, ut ab eo tempore æger omnia accurate videre potuerit*. Quam si membranam, quoniam dissectione post mortem non fuit, quod sciam, confirmata, opacum potius Crystallinum, fuisse, dicas; fatearis tamen necesse est, Crystallinum quamvis firmiter Uveæ adhærentem, fuisse depressum. Porro autem, poteratne arctius, obsecro te, cum Iridis tergo Crystallinus ille cohærere, quem Præcl. Heisterus (s) in milite; per Brissæum curato, descripsit? Eum tamen militem Brissæus probe sanatum dimisit (t), etiam si *vasculum sanguiferum ligamenti ciliaris ruptum* (nec tamen in Crystallini separatione) & *sanguinem fundens humoremque aqueum turbans, operationem insuper difficiliorē effecisset*. Præterea idem Heisterus (u) fatetur, *quando cataracta cum uvea est coalita, ut inde per acum separari debeat, facile lacerari vasa sanguinea*. Neque propterea negat, imo affirmat (x), *concretas cum uvea cataractas quas antea aggredi ausi non sunt, sed pro desperatis habuerunt, nunc Brissæi methodo sæpe sanari, & sic multis visum restitui posse qui a veteribus & hodiernis cæci relictī sunt*.

7. Cave tamen hic, aut alibi credas, a me contendī, eandem prorsus rationem esse in curandis tum istis crystallinis de quibus Heisterus loquitur, tum membraniformibus cataractis, aut pariem ferme harum, atque illarum numerum promiscue esse agnoscendum. Satis mihi est, si quæ interdum membraniformes sunt, & si quæ ex his vel maxime adhærent; non continuo sequi, ut omnes ejusdem generis ad eundem modum adhæreant, nec propterea quod utcunque adhæreant, necesse esse, ut sine maximis detrimentis non possint curari. Cæterum non me fugit, Hildanum (y), cum in quadam suffusione, altero oculo clauso, fricando oculum male affectum, Uvea immobilis perstitisset, ita etiam ut nulla ipsius dilatatio, aut contractio observari posse, scripsisset, hujusmodi Suffusiones ut plurimum curationem non recipere; quandoquidem Uveæ tunice ita adhærent, ut absque ipsius dilaceratione deponi non possint: ab Henrico autem Meibomio (z) laudatum propterea esse Hildanum, quod „ prudenter dixerit *ut plurimum*. „ Nam ipse quidem Meibomius contrarium bis observaverat; & secum facere Guarinonium, ajebat, ad experientiam provocantem, illudque in primis memorabile exemplum producebat de Imperatricis Leonoræ Gonzagæ suffusione, non secus; ac descripta ab Hildano, immobili, quam propterea Bened. Sylvaticus manus operatione deponi nunquam posse, si Græcis & Arabibus scriptoribus fides adhibenda, censuerat, & quæ tamen postea a perito Chirurgo adeo feliciter depressa est, ut, fatente ipso Sylvatico, visum Augusta recuperaverit. Quod autem insuper contendebat Meibomius, in contraria plane Sylvatico & Recentiorum plerisque fuisse sententia ex Veteribus Celsum, & Paulum Aeginetam; vereor ut de utroque pariter verum dixerit. Celsus enim (a), cum immobilem suffusionem inter sanabiles recepit, intellexit non vacillantem; ei namque manifesto opposuit illam quæ labat, & hac atque illac movetur: hoc autem quid contra plerorumque Recentiorum, imo Galeni ipsius sententiam? Ab hoc enim didicerunt, non suffusionis, sed pupillæ motum attendere. „ Hoc, inquit (b), maxime signo intelligitur, an suffusi compuncta suffusione visum receperint, an non. Quippe quibus altero oculo conniventibus, alterius pupillam dilatari contingit, iis si „ com-

(x) De Re Med. l. 3. c. 22. (y) n. 27. (z) Synops. l. 8. c. 47. (a) Part. 3. c. 12. (b) c. 2. (c) Patholog. l. 1. c. 5. (d) Animad. in Theatr. Bauhin. pag. 403. (e) loc. cit. (f) Meth. Med. l. 2. c. 7. (g) Pract. Maj. tr. 6. c. 3. post rubr. 36. (h) Medic. Pract. l. 1. P. 3. Sect. 2. c. 28. (i) Pract. c. 30. (k) Prælect. Patav. l. 1. c. 34. (l) n. 2. (m) Theoric. l. 9. c. 13. (n) n. 2. (o) cap. tit. (p) Prax. Medic. l. 2. c. 2. (q) Defin. Medic. τὸ γ' in ὑπόχρυμα. (r) Dissert. de Suffus. thes. 38. (s) De Cataracta n. 16. (t) n. 17. & 18. (u) n. 68. (x) n. 103. (y) Cent. 5. Obs. Chirurg. 14. (z) Disput. de Suffus. n. 41. (a) De Medicina. l. 7. c. 7. n. 14. (b) de Sympt. caus. l. 1. c. 2.



„compunctio administratur, recipiendi visus fiducia est.  
„Quibus non dilatatur, horum nemo unquam revit.  
„dit. „Idemque in aliis quoque, præter hunc, locis ex Galenicis (c), & Galeno a quibusdam adscriptis (d) voluminibus habetur.

8. In libro autem Galeni aliquo, ex iis fortasse qui interciderunt, Pauli autem ætate adhuc extabant, signum aliud fuerit necesse est, ex quo Suffusionem nondum concrevisse, aut jam concrevisse, dignoscatur. Ipsum enim ex Galeno Paulus (e) protulit sic ut, nulla alterius oculi mentione facta, suffusum dumtaxat pollice comprimi, & agitari, deinde apertum inspicere juberet. Nam si suffusioni *suffusio quædam ex digiti compressione accederet, & primum quidem latior appareret, verum rursus ad propriam figuram & magnitudinem rediret*; nondum concretam: si vero nulla mutatio neque secundum latitudinem, neque secundum figuram ex compressione occurreret; concretam significari: moderate autem, an supra modum concreta esset, non ex hoc signo; sed ex coloribus esse intelligendum. Jam vero etsi latitudinis, sive diametri mutatio ita accipi possit, ut ad pupillæ amplificationem, constrictionemve referatur, plus, minusve finentem apparere suffusionem; tamen figuræ mutationem ad suffusionem ipsam attinere, manifestum est. Atque eo etiam manifestius, quod ii qui postea hoc, recensitum a Paulo, signum proposuerunt, seu vetustiores illi, ut Haly (f), & Avicenna (g), seu minus veteres, ut Savonarola (h), & Arculanus (i), seu recentiores, ut Albinus (k), Dionisius (l), certe ita proposuerunt, ut his verbis uterentur: si tunc cataracta *ab invicem separatur, & dispergatur: si sit divulsa, & dividat se in partes, & rumpi videatur in frusta, & una pars appareat ab altera dividi & separari: si pellicula in partes solvatur, dividatur, & separetur*; si hæc, inquam, ab oculi suffusi compressione, & frictione contingant; nondum suffusionem, ut plerique ipsorum ajunt, esse maturam: & vicissim.

Quæ omnia non modo attinent ad suffusionem ipsam, non ad pupillam; sed insuper videntur significare, in concretionibus aliquas membraniformes eos incidisse qui talia conspexerunt; ut ipse Cl. Heisterus (m) ingenue confiteatur, *valde esse probabilia pro suspitione excitanda, dari etiam cataractas membranaceas*; præsertim cum Avicenna (n) monuerit, *hujus experientie assiduationem esse ex eis quæ conturbant Cataractam, & facere curam cum instrumento difficilem*. Idem Avicenna illud signum alio etiam modo inquiri, docuit, videlicet si non compressio adhibeatur, sed *ponatur super oculum cottum, & suffletur in ipsum vehementer*. Hæc omnia vides eo spectare, ut dignoscatur, suffusionem jam non fluere, ut Celsus (o) loquitur, *sed duritie quadam concrevisse*: quod & Meibomius ipse (p) agnoverat, cum supra scripserat, *judicari id posse, si oculus fricetur manu, maneatque illa unita, nec diffuat*.

9. Hoc ergo signo, partium suffusionis mobilitas, aut immobilitas quæritur; illo autem altero quod Galeni ipsius verbis proposuimus (q), mobilitas, aut immobilitas pupillæ. Sed eo Galenus utebatur; quod ex iisdem locis (r) ubi ipsum edidit, satis constat; ad dignoscendum, nervusne Opticus, ad suffusum oculum pertinens, sanus adhuc esset, an obstructus, sive an salva adhuc ei oculo esset, an non esset facultas videndi, unde spem, aut desperationem restituendi visus per suffusionis depressionem colligeret. Eandem spem, aut desperationem indidem quærendam, inter ceteros, Haly (s) docebat, nulla tamen rei causa addita. Verum Arculanus (t), qui multa ideo se dixisse in capite de Cataracta, professus est, *quia id vitii communiter esset male cognitum*; de Galenica hujus signi causa dubitabat. Hoc signum fallit, inquit, *si cataractæ crassæ essent in ambobus oculis, tunc enim pupilla propter inviscationem a cataracta non poterit moveri*; --- fallit secundo, *quando quis pateretur alintisar*, hoc est dilatationem, aut constrictionem præternaturalem pupillæ in ambobus oculis. Huc addo nimiam suffusionum opacitatem, propter quam res eodem redeat ac si oculi jugiter occulsi servarentur. Quæ me causarum varietas eo compulit, ut aliquando mihi aliud signum constitutionis Retinæ, ac nervi Optici quærendum existimarem (u): quod etsi, cum suffusioni adjungitur magna humoris Vitrei opacitas, inutile fore animadverto; me tamen non pœnitet aliquid in re difficillima esse conatum.

Hæc cum ita sint, constetque, immobilitatis pupillæ, non Galenicam solum, sed & alias esse causas; non est mirandum, quod iis de quibus a Meibomio relatum est, tamen immobilis pupilla esset, depressa tamen suffusione visus redierit contra ac Galenus, ejusque Affectione autumaverant. Relata autem ab Arculano inter eas causas pupillæ *inviscatio*, sive cum suffusione cohesio, ab nonnullis quidem, ut ab Dionisio (x), ita memorata est, ut idem tamen & ab nervi Optici obstructione contingere posse, admonuerint; ab aliis autem, ut ab Hildano, de quo supra (y) diximus, & Meryo (z) una ipsa est nominata, ab hoc quidem ut signum insanabilis suffusionis; ab illo autem *ut plurimum* (quod satis est nobis) insanabilis.

10. Nec magis altera (ad quam transeundum jam est) Valsalvæ ratio (a) nos cogit, ut omnem prorsus membraniformem cataractam negemus, quod videlicet ejusmodi cataractæ, etiam si ope acus ab Iride separarentur, cum id satis, penitusque absolvi non posset; brevi, ut *aliæ membranaceæ excrescentiæ* non radicitus omnino evulsæ, repullularent. Non me quidem præterit, quod Viri inter Recentiores Exercitissimi inculcant, idem a Veteribus quoque animadversum fuisse, hoc est *semel deposita cataracta in uno oculo, nunquam aliam generari in eodem*; hujus enim rei causam, quantumvis falsam, video a quibusdam olim quæsitam apud Arculanum (b). Verum hoc ajo: longe aliud esse membranaceam excrescentiam, & cataractam membraniformem. Illius perrara quædam exempla in humanis oculis, nonnulla etiam in beluinis proferri. Sed de illa tamen hic a nobis verba non fieri. Neque enim vetustissimi Auctores, & hujus Medicinæ partis quasi parentes cum Suffusionis generationem exposuerunt, veram membranam ex erosis, aut punctis Iridis, aut proximarum particularum fibris propullulantem, sed humoris affusionem, & concretionem significarunt, humoris, inquam, ut hinc denique apud Arabes, quemadmodum supra (c) indicatum est, Suffusio *Aqua* nominaretur. Itaque Eruditissimus Vir Heisterus (d) invenire nequaquam potuit qui ante sæculum XIII. Suffusionem *Pannum*, seu membranam, aut pelliculam vocaverit: & qui hoc deinceps fecerunt, plerique satis indicarunt, se non veram membranam, sed membranæ similitudinem, sive, ut nos hoc in loco, concretionem membraniformem intelligere. Cujus productionem, ut sæpe in thorace post ejus inflammationes invenimus (e); ita in oculis post eorum inflammationes nunquam contingere, quis jure tandem negare possit, præsertim cum hæc inter suffusionum causas in primis recensentur a Doctissimis Viris? Ejusmodi autem pelliculas & quasi telas quicumque Anatomicus ab iis quibus in thorace adhærent, partibus facili manuum opera semel detraxerit, is probe intelliget, etiam in oculis acus ope non difficile posse deprimi. Et quemadmodum causa, hoc est inflammatione jam penitus sublata, non est cur novi inflammationis effectus, hoc est novæ membraniformes concretiones existant; ita necesse non est, ut hæc in oculis repullulent, sicuti ex relictis membranaceæ excrescentiæ radiculis novæ soleant excrescentiæ repullulare.

11. Quod si etiam iterum gigni aliquando possent; tamen si has membraniformes concretiones non nisi perraro in suffusorum oculis mecum agnosces; multo etiam rarius accidere, intelliges, ut novam ipsarum liceat generationem animadvertere, & cum id liceat, facile tamen posse fieri, ut non concretio nova, tamen nova revera sit, sed illa ipsa quæ depressa fuerat, suffusio in pristinam restituta sedem existimetur. Nam hoc certe passim credunt, & docent ex quo olim, post Corn. Celsum (f) vere admonuit Galenus (g), *hypochymata nequaquam (in imo) manere, nisi admodum ea quis diligenter impingi cogat*. Idem tamen & illud subjecerat quod apud Lacunam (h) in hunc modum conversum invenio: *Cæterum quod hypochyma serosioris naturæ est, id punctione ad præsens discutitur: interposito tamen haud longo spacio, ceu vini sex quædam revertitur*; particulis scilicet quæ sejunctæ fuerant, inter se iterum coherentibus, & in novam concretionem membraniformem coalescentibus. Quæ si tualiter intelligis; at illam saltem quam Epistola descriptus superiore (i), ad memoriam revoca observatio-

(c) De Hippocr. & Plat. Decr. l. 7. c. 4. (d) De Oculis P. 3. c. 12. (e) De Re Med. l. 6. c. 21. (f) Theoric. l. 9. c. 13. & Pract. l. 9. c. 28. (g) Canon. l. 3. Fen. 3. tr. 4. c. 18. (h) Pract. Maj. tr. 6. c. 3. rubr. 35. & post rubr. 36. (i) Pract. c. 30.  
(k) Dissert. de Cataracta th. 10. (l) Cours d'Operat. de Chirurg. Demonstr. 6. n. 35. (m) Apolog. n. 34. (n) (o) locis cit.  
(p) Disp. c. 1. n. 39. (q) n. 8. (r) locis cit. (s) Theoric. cap. cit. (t) cap. cit. (u) Advers. VI. Animad. 74.  
(x) loc. cit. (y) n. 7. (z) Memoir. de l'Acad. R. des Sc. A. 1707. (a) n. 21. (b) cap. cit. (c) n. 1.  
(d) Vindic. n. 64. & 65. (e) Vid. Advers. VI. loc. cit. (f) De Medicina l. 7. c. 7. n. 14.  
(g) Meth. Med. l. 14. c. 19. (h) Epitom. cap. citati. (i) n. 22. & 23.



nem, in oculis habitam Nobilissimæ Virginis. Nonne opacitas post suffusionum depressionem redierat? Attamen depressum utriusque CrySTALLINI opacum corpus non id certe erat, quod redierat; nam uterque inferiorem sedem in quam deturbatus fuerat, adhuc servabat. Eam quoque cujus occasione hanc descripsimus, Valsalvæ observationem (k) relege. Nullus jam post chirurgicam operationem erat CrySTALLINUS; attamen eadem Cataracta, ante oculi dissectionem inspicendo, esse videbatur. Vides igitur, quam proclive esse aliquando possit, ut quispiam aliquam opacitatem, aut opacam concretionem, etsi revera nova sit, perperam tamen nihil aliud esse, existimet, quam suffusionem antea depressam, nunc vero in priorem locum restitutam, & quod consequitur, perperam illo quasi axiomate nitatur: *semel deposita cataracta in uno oculo, nunquam aliam generari in eodem.*

12. Cætera quæ Valsalva subjicit, rationum momenta, ipsa quoque ostendunt quidem, multo verisimilius plerasque suffusiones in CrySTALLINO humore collocari; nullam vero in Aqueo esse posse, non ostendunt. Nam quod primum ait (l), in hac chirurgica curatione aliquando esse Cataractas quæ minimè negotio, & modica arte secedant; agnoscebat igitur, & alias esse quæ difficulter, nec sine arte singulari deprimerentur. Quanquam nobis qui paulo superius (m) indicavimus, vel membraniformes telas non ita difficile avelli posse, minime necesse est hac responsione uti. Sed ipsi potius videndum erat, quæ ratione persuaderet, humorem CrySTALLINUM, Ciliaris Corporis radiis, & Vitreo humori usque adeo alligatum, non modo sine effusione sanguinis, acerrimo dolore, aliisque noxis quæ lacerationem consequuntur, verum etiam minimo interdum negotio, & modica arte posse disjungi. Hæc enim homines vulgo objiciebant, sive obliti, eundem Chirurgum Gallum (n) a quo novum dogma Gassendus acceperat, huic declaravisse, suffusum CrySTALLINUM temporis tractu flaccescere, & ab ipsis processibus ciliaribus sic secerui, ut sicuti matura glans a suo calyce sponte dimovetur, sic ipse nullo pene negotio emoveatur, deprimaturque; sive, ut hoc scirent, non tamen satis aut credentes, aut probantes, præsertim cum apud Petrum Borellum (o), qui inter primos illud dogma commemoraverat, legissent, CrySTALLINUM a loco depelli acu ruptis ejus nervulis suspensoriis. Igitur Valsalva dedit operam, ut ejusmodi dubitationibus occurreret. Ac primum testatus est, sibi sæpius contigisse in oculorum dissectionibus, ut Lentem CrySTALLINAM vitiatam aliæ quidem majori, aliæ minori facilitate secederent a Vitreo humore, imò aliquando per levem solum oculi contræctionem, uti in secunda Historia (p) exposuerat, ita nimirum, ut nulla portio Ciliaris Processus adhæserit eidem Lenti. Rationem deinde (q) subjecit, cur id contingeret, Naturæ videlicet consuetudinem morbosum a sano segregantis: hinc autem esse, quod suffusionis sit expectanda maturitas; cum vitiatam Lentem CrySTALLINAM, temporis tractu, tamquam inutile corpus, Natura separet a Processibus Ciliaribus, & a Membrana qua cum Vitreo humore unitur. Hæc singula est operæ pretium considerare.

13. Et primum negari non potest, vitiatos CrySTALLINOS interdum facile adeo secedere, ut in viro Sedanensi viderit Meryus (r), CrySTALLINUM, opacum albumque factum, ultro ex sua sede decidisse, & per pupillam in anteriorem Aquei humoris Cameram transiisse. Verum num accidisse id, dicemus, propterea quod, emortuo, ut sic loquamur, CrySTALLINO, soluti sint nexus radiorum Corporis Ciliaris, in ejus tunicam se inferentium? Heistero quidem (s) non sic videtur, contendenti, solutionem lentis crystallinæ e naturali sua sede, & a cohesione cum humore vitreo, sine ruptura membranæ lentem crystallinam involventis fieri non posse. Itaque necessariam hujus solutionis difficultatem objicientibus ipse satisfacit, affirmando (t), ea membranæ acu leviter solum perforata vel lacerata, lentem sponte quasi ex illo sacculo proflire, liberam prorsus ab omni cohesione cum aliis partibus: idque in quovis oculo demonstratu sibi facile esse. Quæ Viri Cl. responsio adeo cum iis convenit quæ in oculorum dissectionibus non modo ego, sed alii quoque observant, & observant, ut Valsalva ipse post scriptam Dis-

fertationem, in schedis adnotaverit, non solum in senibus facilius CrySTALLINUM separari a Vitreo humore, sed & in cujusdam viri oculis facili negotio ab hoc humore secessisse, nulla Ciliari fibra adhærente: quod si in aliis porro atque aliis animadvertere perrexisset; nihil esse ipsi proclivius poterat, quam in Heisteri sententiam ire, præsertim cum in Dissertatione (u) agnovisset, quantumvis acu disrupto CrySTALLINO, tamen hujus membranam Vitreo humori adhærentem remansisse.

14. Hic te quæsiturum esse, puto, si satis est CrySTALLINO exitum per apertam acu ipsius membranulam parare, quid ergo attineat suffusiones, tergo Iridis nonnunquam adhærentes, tanto periculo dissolvere, cum eo supersederi labore possit, membrana ea facie qua non adhæret, incisa? num forte adhærentes suffusiones ex genere sint dumtaxat membraniformium? aut si CrySTALLINI etiam sunt opaci, ut certe sunt, num ideo interdum (quod supra (x) vidimus) feliciter sint depressi, quod eorum membrana, adhærente, ut erat, ab anteriori facie relicta, ipsis tantummodo exitus a posteriori sit datus? Ego vero ut Petiti, Viri, siquis alius, in oculi tum anatome, tum hac chirurgica administratione Exercitatissimum (y) illud sciam, contra ac plerique videntur facere, summa & ratione, & diligentia cavere, ne in CrySTALLINO deprimendo, anteriorem ejus tunicæ faciem lædat; tamen ubi hæc ipsa cum tergo Iridis cohæserit, si dempto CrySTALLINO, intacta relinquatur, minime intelligo, quæ possit Iridi pristina illa se movendi libertas satis restitui. Huc illud accedit, nihil prohibere quin substantia ipsa vitiatæ CrySTALLINI suæ interdum tunicæ præter naturam coalescat, præsertim cum ictum, aut inflammationem, aut aliam aliquam ejusmodi causam suffusio sequitur, aut longum tempus in oculo relinquatur. Præterea cum opacitas non substantiam solum CrySTALLINI, sed & ejus membranam, aut etiam cum hanc unam occupat, certe in his omnibus constitutionibus, membranâ illâ intactâ, tolli opacitas non poterit; sed illa erit aut qua pupillæ opponitur, pertundenda, atque demenda, aut cum CrySTALLINO una opera deprimenda. Hoc autem fieri non poterit, nisi cohæsiones, siquæ tum sint cum Iridis tergo, acu dissolvantur: & præterea illa eadem difficultas redibit intelligendi, quomodo Ciliaris Corporis nexus qui in illa ipsa membrana sunt, sine magna noxa in ea operatione disjungan- tur, nisi jam antea disjunctos ea quam Valsalva indicavit (z), aut alia quapiam ejusmodi ratione posuerimus. Et quoniam in ejusmodi, ab Natura factis, sani a morbo separationibus, ut vitium magis, minusve processit, sic plus, aut minus ex proximis quoque particulis una separatur; non erit difficile intelligere, quomodo interdum aliquæ Ciliaris Corporis particulæ depressum CrySTALLINUM sint secutæ: quanquam si paucas aliquas ejusdem Corporis particulas vel in depressionibus felicem exitum habentibus disrupti, agnoscunt Doctissimi Viri; hac quoque ratione idem intelligi nonnunquam licet.

Cæterum raro omnino, quod meminerim, legi inventum CrySTALLINUM cum adhærentibus quibusdam Ciliaribus particulis dejectum: certe a me inventi, si ne ullis ejusmodi particulis dejecti fuerant. Nec mirum; si membrana in quam Ciliare Corpus inferitur, plerumque ipsa, ut indicatum est, restat; sola autem CrySTALLINI substantia deprimatur, ex ea membrana aut incisa, aut disrupta, nullo negotio, ut in dissectionibus videmus, exiliens. Nam etsi, apud quosdam præsertim, a veri similitudine non abhorret, ipsam cum interiore membranæ facie esse per vascula connexam; hæc tamen ea esse tenuitate necesse est, ut nihil jam nisi pellucidum humorem admittere, neque evolutioni substantiæ crystallinæ ullo reluctari modo possint: quocirca non solum adhuc, quod satis sciam, in conspectum non venire, sed & Anatomici diligentissimi, ut alias (a) ad te scripsi, nulla esse, censuerunt, nulloque vinculo ad suam membranam humorem CrySTALLINUM alligari.

15. Si igitur vel in sanis hic e sua membrana sine ulla prorsus difficultate evolvi potest, membrana autem, quæ difficile, nec sine periculo a Ciliari Corpore disjungeretur, cum hoc conjuncta relinqui solet;

(k) n. 17. (l) n. 23. (m) n. 10. (n) Apud Heister. Tract. de Cataracta n. 37. (o) Append. ad Hist. & Observ. Medic. Cent. 3. (p) n. 18. (q) n. 24. (r) Memoir. de l'Acad. R. des Sc. An. 1707. (s) Tract. cit. n. 59. (t) n. 67. (u) n. 17. (x) n. 6. (y) Memoir. de l'Acad. R. des Sc. An. 1725. (z) n. 11. (a) Epist. XVI. n. 29.



folet; quid esse dicemus causæ cur ab Oculariis debeat Suffusionis maturitas expectari? Esse enim expectandam, edocti experientia Veteres ipsi tradiderunt, in primisque Corn. Celsus (b). Mercurialis (c) huc attinere Galeni locum, scripsit, ex primo libro Commentar. in Officin. Med. t. 6. quasi docuisset, ex operationibus chirurgicis alias debere fieri statim, alias multo post tempore, ut in suffusione. Sed memoria lapsum esse, oportet; cum ibi Galenus hæc habeat: *Alia longioris temporis chirurgiam requirunt, ut suffusiones: in quibus opus est, posteaquam fuerunt deductæ, aliquandiu eo loci interpunctoriæ aciem detinere, ubi manere eas compressas firmiter volumus.* Cæterum qui post Veteres illos scripsere, satis constat, necessitatem expectandæ maturitatis Suffusionum passim inculcasse. Nam etsi monuit Arculanus (d), aliquando cataractas accidere nullis præcedentibus imaginationibus, nullis videlicet punctis, muscis, filamentis, aliisque ejusmodi quasi ob oculos versantibus, humiditate ad albugineum delata fere subito per nervos opticos; aliquando ea die, vel secunda, qua apparent imaginationes, apparere aquam, hoc est cataractam, ex eadem causa; attamen neque id accidit, ut mox confitetur, secundum plurimum, & cum accidit, rarum est, ab interna præsertim causa, quod interdum se vidisse, testatur Fernellius (e), omnino crassam atque consummatam suffusionem uno die congeri, sive, ut mox loquitur, perfectam. Et Fabricius quidem Hildanus (f) suffusionem in momento factam descripsit. Verum etsi paulo post ictum, esse amissum visum cognitum est; tamen non nisi post octiduum suffusio est animadversa, eaque nondum satis confirmata, sive ita dura, ut commode deponi posset. Nam quod aliam suffusionem una nocte subortam vidisse dicitur; ipse certe non id dicit; sed hoc tantum (g): Basileensem mulierem post assiduam dierum aliquot lacrymationem tandem subito, & quidem una nocte visu dexteri oculi plane privatam fuisse, se autem cum Basileam (longo fortasse post tempore) transfret, in consilium vocatum, --- cataractam fusci coloris, nondum tamen maturam invenisse. Sane quæ causæ subito visum adimere potuerunt, minime necesse est, ut per suffusionem quæ sensim postea ab iisdem inferri potuit, non per majorem aliquam læsionem ademerint. Itaque huc potius Riverius (h) spectat, affirmans, consummatam suffusionem uno die subortam sibi etiam non semel videre contigisse. Idem tamen, plerumque intra sex menses confirmatam evadere, confitetur, & suffusionum maturitatem expectari oportere, non dubitat.

16. Causam autem cur oporteat; non absejunctione aliqua, sed ab induratione, quæ interea fiat, substantiæ Crystallini repetunt hac tempestate Doctissimi Viri. Principio enim quo minus opacam, eo minus duram esse, ajunt, ideoque nondum acui totam simul prompte obsequi, sed diffindi facilius posse, quam supprimi. Itaque si quando acu immissa, adhuc contra atque speratum fuerat, mollior suffusio percipitur; tunc, monent, ut illico retracta acu, diutius illius differatur suppressio: itemque monent, si aliis in locis opaca, in aliis pellucida suffusio sit; periculum esse ne ob inæqualem resistantiam laceretur, ibique ubi adhuc substantia sana mollisque est, findatur. Id si accadat; non solum Chirurgus laborem augeri, sed & metum esse, ne suffusio tota non tollatur, aut si tollatur, ne tam longa acus agitatione majus aliquod ægrotanti malum, quam quo antea laborabat, comparatur. Cujus rei exemplum & in Nobilissima illa Virgine (i) conspexi: & alias tum in Veneto Patrio, cujus satis maturas esse suffusiones, ego, & Cel. Medicus P. A. Michelottus negaveramus, tum in alio, cui pone pupillam alba opacitas non æqualiter ubique, sed in medio potissimum, trianguli instar, apparebat, festinatam sive Chirurgorum temeritate, sive ægrorum impatientia, curationem minime feliciter cessisse, memini. A mollitie quoque Crystallini propria, non modo ab hujus multo ampliore, si cum humano conferatur, magnitudine, quæ propterea magis obstat ne facillime dimoveatur, neve sine Morgagni Epistolæ Anatomicæ.

majori humoris Vitrei resistantia, & laceratione sub hunc urgeatur, illud esse concesserim, quod in Valsalvæ etiam schedis adnotatum video, ut in vitulinis, aliisque ejusmodi oculis hujus chirurgiæ instar & specimen haud ita feliciter ostendi contingat.

17. Sed cum hæc omnia concedam; non continuo tamen illud sequitur, ut expectandæ maturitatis præceptum, si Cataracta, membranacea concretio esset, minus aptum, minusque tutum videretur, propterea quod hæc tempore durior, & compactior facta, difficilius operi cederet. Nam si hæc concretio, non proprie membrana, sed membraniformis ponatur, quemadmodum poni posse, supra (k) diximus; sane hujus quoque suffusionis quædam maturitas est ut Celsi (l) verbis utar, expectandumque est, donec jam non fluere, sed duritie quadam concrevisse videatur. Nam aliter, ut agebat Petrus de Argelata (m), acus transfret per eam sicut per aquam non bene congelatam, & propterea, quæ Mercurialis (n) verba sunt, non posset obvolvī acui, & ideo magno labore deponeretur, aut nunquam. Igitur si qua hujus generis suffusio est; in hac quoque expectandum est ut maturitatem attingat suam, ad quam pro varia particularum ex quibus concreseat, copia, & natura, citius, aut ferius perveniet: nec fortasse ratio omnino deerit, cur ubi illam jam longo tempore excefferit, minus feliciter deprimatur. Nisi enim prorsus Majores decepti sunt, cum vetustiores suffusiones attingendas esse, negarunt, ut Experientissimi Viri contendunt qui contra, eas suppressioni æque aptas, imo sæpe aptiores esse, quam recentiores, confirmant propterea quia quo duriores firmioresque sunt, eo facilius, promptiusque totæ simul acui obsequuntur; aut si minus illi felicem exitum saltem ob eam causam aliquando animadvertisse existimantur, quod longo temporis spatio alius præterea morbus ad suffusionem accessisset, ut puta arctæ hujus cum Iridistergo cohesio; certe nihil prohibet quo minus & nos suspicemur, si non ab ipsa concretionem, quomodo Valsalva indicat, præter omnem modum durior & compactior facta; at ab alia quavis causa, tam longinquo tempore adjuncta, nonnunquam operis majorem difficultatem expertos esse.

18. Quod si quæ Valsalva objicit, non satis demonstrant, nullam unquam membraniformem suffusionem esse agnoscendam; multo minus quæ præterire se, dicit (o), id demonstrant; ut necessitas utendi convexis vitris ad probe videndum post depressam suffusionem, quæ videlicet ut ad supplendum qui ab natura oculo inditus fuerat, humorem Crystallinum, requiruntur; ita, si non hic, sed membraniformis præter naturam concretio detrahi dicatur, cui bono sint non apparet. Nam; ut cætera omittam; mihi certe plerasque suffusiones in humore Crystallino, nonnullas dumtaxat in Aqueo agnoscenti, illud satis est, non deesse quorundam exempla (p) qui, suffusione depressa, nullius vitri adhibito auxilio, optime viderint. At enim hujusmodi exempla, inquires cum Cel. Scriptore, sunt admodum rara: Fateor. Sed & raræ sunt membraniformes suffusiones: nec nisi has nunquam deprimi posse, demonstratur; necessario erunt illa exempla ad peculiarem potius, & inusitatam oculi structuram, quam ad concretionum hujusmodi depressionem referenda. Quod si inter ea exempla hoc etiam, ut quidam innuunt, constaret, optime illos sive eminus, sive cominus, prout res ferebat, vidisse; tum vero membraniformem suffusionem potius, quam humorem Crystallinum depressum esse, nemo eorum dubitaret, qui Ciliare Corpus ad probe videndum sive diffita, sive proxima plurimum præstare, non dubitant. Utcunque enim integrum id Corpus relictum esse, ponerent, & Crystallinæ membranæ affixum; utcunque intra hanc humorem Vitreum se conjecisset, existimarent, ad Crystallini locum, minusque implendum, ut apud Gassendum indicatum (q), & revera in pluribus, non in omnibus, inventum est; tamen incisa, & aperta membrana quantum educendo universo Crystallino satis fuit, qui posset non plus, minusve, quam cum erat integra, & Crystallino facta, sed eadem ratione atque effectu,

M m

mo-

(b) De Medicina l. 7. c. 7. n. 14. (c) Prælect. Patav. l. 1. c. 34. (d) Practic. c. 30. (e) Patholog. l. 5. c. 5.  
 (f) Cent. 5. Obs. Chir. 14. (g) Cent. 4. Obs. 15. (h) Prax. Med. l. 2. c. 4. (i) Epist. super. n. 22.  
 (k) num. 10. (l) loc. cit. (m) Chirurg. c. 5. tr. 7. part. 5. c. 2. (n) cap. cit.  
 (o) n. 25. (p) Hist. de l'Acad. R. des Sc. A. 1706. (q) Vid. Heister. de Cataracta num. 37.



motibus Ciliaris Corporis obsequi, non intelligerent. 19. Sed quoniam Valsalva multa alia prætermittere se, dicit; quæ autem ea sint, non dicit; nostrarum partium est, quæ in eandem sententiam afferri potissimum soleant, animadvertere. Nonnulla igitur afferri, video; quæ ad superius discussa referri possunt, ut cataractam aliquando, & si mavis, sæpe, unico acus ictu descendisse ad fundum oculi, quod ratio comprehendere vix potest de pellicula hinc inde adhærente; Alia, quæ aut nondum, aut non satis perpendimus, ut cataractam semel suppressam, quandoque imo sæpe, qualis antea erat, in eandemque sedem resurgere; ut interdum observatas esse cataractas, quæ vel sponte, vel remediis, sine operatione curatæ sunt, quarum curationum ratio in concretionibus extra circumcissionis sanguinis vias collocatis non percipitur. Quorum nos omnium, aliorumque præterea ejuscemodi, quæ non semper contingunt, nullam necesse est solutionem quærere; cum minime adversus nos faciant, qui suffusiones ut plurimum in Crystallino esse, confitentes, solum nonnunquam in Aqueo humore esse posse, suspicamur. Igitur alia præstabit attendere, quæ semper accidere dicuntur, velut hoc: *colorem vel aspectum pupillæ in oculis, operationem perpeffis, etiamsi videant, tamen nunquam esse adeo viridum quam in oculis sanis; sed languidum quasi & instar morientium; quod si tantum præternaturalis quedam pellicula removeretur, & crystallinus humor, ceteraque omnia in oculo manerent, ut antea, profecto tanta non apparet mutatio.* Equidem in eo, Clarissimo, Amicissimoque Viro assentior, ut haud ita facilem esse existimem responsionem. Num vero nullus ex Veteri hypotefi hoc explicare possit, nonnihil dubito. Nam ut tantam in omnibus mutationem apparere, fateantur, quod ipsum est difficile confiteri, cum & quibusdam a natura languidæ, ac quasi emortuæ pupillæ contigerint, & plurimum pupillæ quales ante morbum essent, neque attendere, neque adeo unquam videre Medico æstimanti post curationem acciderit; illud tamen negari non potest; vias per quas in humorem Aqueum primo crassiora corpuscula se se intruserunt, esse in organo delicatissimo, & cui si semel interius vis sit allata, pertinax debilitas inhærescat; ut propterea a verisimilitudine non abhorreat, illas, ubi semel dilatatæ, & præterea acu plus minus vexatæ fuerint, non ita limpidum convehere humorem, ut quamvis turbidus manifestissime non appareat, æque tamen ac antea, omnino pelluceat, nihilque mutet eorum aspectum quæ ultra totam ejus profunditatem transpiciuntur. Sed tu fortasse meliora.

20. Illud quoque Experientissimus Chirurgus semper se in deprimendis suffusionibus animadvertisse, testatur, subjectum operationis corpus esse durum & resistens, & quod si forte acus, non medium, sed ab latere deorsum urgeret, circumagebat se, & in alterum latus se convertebat, & nonnumquam acum impetu aliquo repercutiebat; ut simplex pellicula esse non posset. Est & hujus mihi Amici Solertissimi fides spectata. Itaque fateor, si nulla me alia argumenta cogerent, vel hæc sola ejus tam crebra, tamque constantia experimenta fuisse permotura, ut suffusiones fere semper in humoris Crystallini duritie agnoscerem. Verum cum omnia ipsi libenter credam; non æquum est tamen, ut omnem prorsus fidem denegem peritissimo ut Bonetus appellavit (r), Chirurgo Genevensi Baillyo, vicissim testanti, a quo tempore eidem operationi incumberebat (quam pluries & feliciter semper cum successu exercuerat) se nunquam illam duritiem & soliditatem materiæ obstruentis animadvertisse, quandoquidem acus intrusa nullam resistantiam inveniret. Scilicet hos ambos Chirurgos credam ea quæ scripserunt, observavisse; hunc tamen fortasse aut in multo paucioribus se exercuisse, aut si in plurimis, minus diligenter in multis rem attendisse; nam in omnibus, esse prorsus deceptum, equidem non ausim affirmare.

21. Postremo; ut cætera non paris momenti prætermittam; illud adhuc quod mihi semper validissimum est visum contra suffusiones, in humore Aqueo curandas, argumentum eo diligentius expendam, quod ex Valsalvæ schedis conjicio, illud ipsum fuisse ad

producta antea argumenta additurum. Ex quo Cornelius Celsus (s) præcepit, in Suffusionis curatione demittendam esse acum medio loco inter nigrum oculi, & angulum tempore propiorem; plerique Chirurgi, etiam alii paulo aliter intellexerunt, medium tamen quadrantenus locum ad nostram usque ætatem servarunt. Quod cum Fabricius ab Aquapendente (t) consideraret; facile animadvertit, ut alias (u) a me adnotatum est, hanc operationem ab istis fieri non posse absque crystallini perforatione; & rationem primum hoc persuasisse, deinde experientiam, siquidem facta punctione in oculi albo, distante notabili spatio a cornea tunica, & ab iride, versus angulum externum, necessario crystallinus læditur: & paulo inferius: ibi fieri non posse punctiorem, nisi per crystallinum transeat: denique non raro etiam inde sequi ipsius crystallini in duas partes divisionem ab acu factam, propter motum sursum, deorsumque sæpe repetitum. Ne vero plurimum mire ris, neminem ex iis qui Fabricium præcesserant, Chirurgiæ simul, & Anatomes Doctoribus idem animadvertisse; fac tibi eorum veniat in mentem quæ alia ad te Epistola (x) de interni oculi Iconismis, a Vesalio (y), Clarisque aliis Anatomicis in medium productis, commemoravi, nimirum quantum illi cum Ciliari Corpore Crystallinum ad posteriora retraherent, & quod consequitur, quantum inde ad Iridis usque tergum & pupillam intercapedinis relinquerent. Cum Figura igitur, ideavé ejuscemodi aliqua facile eam chirurgicam administrationem componebant. Sic enim hanc olim, exempli causa, Mundinus (z) descripsit: „acum imponunt perforando conjunctivam longe a pupilla, & profundant oblique versus sclerotum, cam donec sit in directo pupillæ, postea ducunt acum ad locum cataractæ vel aquæ condensatæ, & tunc ipsam impellunt infra ad locum infimum. Nihil in his omnibus difficultatis, si ita se oculus haberet, ut Vesalius delineavit; imo facillimum neque Crystallinum, neque ejus tunicam lædere; satis enim fuisset acum non retrorsum, sed antrorsum, ut magis diserte Arculanus (a) docet, convertere. „Inmittat, inquit, acum per medium conjunctivæ distanter a cornea per medium digitum, aut plus, aut minus secundum oculi magnitudinem, & immediate cum senserit acum esse in loco vacuo, vertat acum versus foramen pupillæ, ne aliquo modo tangat crystallinam. „Confirmari homines videbantur in hac securitate a quibusdam Veterum locis, ab illo præsertim Galeni (b), a quo etiam, ut opinor, Vesalius est adductus ut tanta amplitudine posticam Aquei humoris Camera delinearet: „cum suffusiones omnes loco inter corneam tunicam & humorem crystallinum medio consistant; instrumentum, quod ut eas educat, immittitur, per amplissimum spatium sursum ac deorsum, huc atque illuc, & ut in summa dicam, in orbem, & quoquoque circumactum, neutrum prædictorum corporum attingit, tanquam magna a se se distent, intercapedine. „De quo tamen Galeni loco, quem Paræus (c), ut tot alios, suum fecit, cum alia atque alia dici possent; satis erit in præsentia animadvertisse, non ab omnibus ad eundem prorsus modum acceptum esse, quando Vir græce doctissimus, & in Galeni lectione, siquis alius, exercitatus Brasavolus, quotiescunque illum, in suo Galeni Operum Indice (d), quo meliorem nec habemus, nec fere optamus, indicavit, profecto semper ad hunc modum exposuit, ut scriberet: *in Suffusionibus ex acu imposita apparere, corneam distare multum a pupilla.*

22. Utcunque id est; postquam pro Iconibus illis oculi, a vero alienissimis, alia est ab laudato Fabricio (e) multo veracior substituta, humorque Crystallinus, & quod consequitur, Ciliare Corpus non posterius quam natura locavit, reposita sunt; non verendum esse videbatur, ne Doctissimi quique Viri idem quod Fabricius, animadvertenter, aut certe, ne, ab ipso præsertim admoniti, difficiles se præberent ad agnoscendum, in communi ista Suffusionis chirurgia acum, post humorem Crystallinum immissam, non posse

(r) Sepulchreæ. Anat. l. 1. Sect. 18. ad Obs. 21.

(s) De Medicina l. 7. c. 7. numer. 14.

(t) De Chirurg. Operat. cap. de Suffus.

(u) Advers. Anat. VI. Animad. 74.

(x) XVII. n. 17.

(y) De corp. hum. fabr. l. 7. c. 14. Fig. 1.

(z) Anat. cap. de anat. oss. basill. & oculi.

(a) Pract. c. 30.

(b) De Uti part. l. 10. c. 4.

(c) Oper. l. 5. c. 6.

(d) Vid. Suffusiones, Pupilla, Cornea.

(e) De Oculo P. 3. c. 8.



posse ad proxime antepositam pupillam accedere, quin eum perforet, neque sursum, deorsumve moveri, quin eum diffundat humorem. Et fortasse Quarreus a Fabricii monito excitatus primum fuit ad inquirendum, & dum inquireret, ad inveniendum quod ab ipso in novo Dogmate propositum est. Sed certe plerique alii, & in his Vir alioquin Eruditissimus Henricus Meibomius (f), qui ante hos septuaginta prope annos idem Fabricii monitum perpendit, non tanti videntur, quanti oportebat, fecisse. Recentiores contra qui novum Dogma sibi defendendum suscepere, & sæpe, & præclare eadem Fabricii, interdum nominati, nonnunquam omisi, animadversione, suis additis experimentis, sunt usi. Quod cum Lancisius non ignoraret, ut suis quoque observationibus aliorum experimenta aut comprobarentur, aut, si secus accideret, infirmarentur (neque enim novo Dogmati ipse favebat) ex Oculariis Chirurgis qui tunc Romæ degebant, optimum in duos sanissimos oculos, ex humano cadavere extractos, acum, se inspectante, immittere iussit, haud aliter quam ad deprimentas suffusiones soleret, immittamque ad eundem modum convertere, atque agitare. Id cum ille fecisset, tunc dissectis oculis, Vir amplissimus etsi humorem CrySTALLINUM sua tum etiam in sede invenit, tamen, perforatum, imo etiam in minori suo lateris ambitu segmento dedolatum esse, deprehendit. Hæc litteris, quas, cum hæc scriberem, in manibus habebam, datis XIV. Kal. Octobr. A. 1718. ad Valsalvam scripsit. Unde hic, opinor, excitatus, petiit ab Antonio Benevolo Chirurgo Clarissimo, & cum in aliis persæpe, tum in suffusionum curationibus sæpissime, & magna cum laude versato, ut in totidem humanis oculis idem, se præsentem, faceret quod coram Lancisio Chirurgo ille Romanus fecisset. Re peracta, factisque oculis, conspectum est, *Lentem crystallinam, illam fuisse circa quam acus se exercuerat.* Quibus de experimentis ut presse Valsalva in schedis, sic paulo fusius de iisdem, aliisve cum Valsalva habitis, ipse Benevolus postea scripsit in Epistola ad eum missa (g), cujus editione illam sibi apud cæteros laudem *Ocularii admodum perspicacis, & docti*, qua ipsum in schedis Valsalva ornat, confirmavit. In ea tam evidenter ostendit, quam quod evidentissime, acum ad eum ad quem solent, modum adaptam, non posse ad suffusionem quæ in Aqueo sit humore, deturbandam pervenire, quin per CrySTALLINUM transeat, & quod consequitur, hunc, ejusque tunicam oblædat.

23. Quæ cum ita sint; profecto confiteamur oportet, tamen nonnunquam membraniformis suffusio esset agnoscenda; hanc tamen nunquam istiusmodi chirurgia deprimi posse, quin simul novum malum ista ipsa depressione afferatur. Quod si dicas, hinc esse fortassis quod eam interdum chirurgiam, pellicula quantumvis probe ac diligenter deposita, minus felix, præter opinionem omnium, exitus consequatur; ex eoque argumentum trahas ad pelliculam potius comprobendam, quam refutandam; vides ipse, non satis sic profici, quando Valsalva non suffusiones quasunque, sed illas quæ acu deprimi feliciter solent, esse membranaceas, negavit. Igitur necesse est ut aut simul cum membranaceis deprimi CrySTALLINUM, contendamus, ne læsus in sua sede relictus, mox ipse novum visioni præbeat impedimentum, aut acum aliquanto aliter ac supra memoratum est, immittendam esse, atque agendam, ut illæso CrySTALLINO, membraniformes suffusiones deprimantur. Quorum primum in sano adhuc molliquo CrySTALLINO cum supra (h) indicatum sit, non facile esse, nec Romano illi Chirurgo (i), quantumvis omnia quæ solent, agenti, successisse; relinquitur, ut alterum an feliciter præstari possit, videamus. Illud in primis statuendum est, si quis acum ex eo loco, & ad eum modum, unde, & ad quem solent, immittat, cum mox ad pupillam convertet, in humorem CrySTALLINUM, ut memorata confirmant experimenta, procul dubio esse adapturum. Si vero statim atque oculi parietes in illo eodem loco perforaverit, acum in externum latus inclinet,

Morgagni Epistolæ Anatomicae.

& sic inclinatam porro intrudat; vitaturum quidem esse CrySTALLINUM, sed Ciliaris Corporis radios, qui ab eo latere sunt, transversos disrupturum, nec omnino perpaucos, si acum cujus centrum motus immobile in perforationis loco est, sursum, deorsumque ita egerit, ut disjunctio, ac depressio pelliculæ postulat, ultra eos radios collocata. Huc illud accedit, ut quantum a CrySTALLINO perstringendo cavebit, tantum absit ab interno latere ejusdem pelliculæ attingendo. In non dissimilem, atque adeo in multo majorem in operando difficultatem incidissent qui olim, cum multi sedem Suffusionis ante Iridem esse, contenderent (k); in eam sedem, sive in anteriorem humoris Aquei Camera acum adigere conabantur ex eodem de quo hic intelligimus, perforationis loco sic, ut Uveam illæsam relinquerent. Juvat ex Arculano (l) experimenta, in mortuorum oculis jam tum capta, memorare; ut intelligatur, etsi apud Majores, ut Jo. Michael Savonarola (m), & Petrus de Argelata (n) testantur, omnes valentes Viri has operationes cum ferro cursoribus dimittebant; non defuisse tamen quibus ei generi experimentorum præluderent, quo nostra præsertim ætas, ut diximus, & sæpius, & accuratius est usa. Est difficillimum, inquit, perforare conjunctivam, & non uveam sibi immediatam in ea parte in qua fit perforatio, cujus maxima apparet difficultas ex eo quod aliqui sunt experti in oculis mortuis, & nunquam possunt perforare solum conjunctivam, ita ut penetrent cum acu inter conjunctivam & uveam ad vacuum coram pupilla. Et quamquam Arculanus qui hanc difficultatem, dixerat, fere æquari impossibilitati, rem tamen non esse impossibilem, censuit, quia in vivo hæc tunica magis distant calore spirituum dilatata, & quodammodo replente inter tunicam & tunicam, quo consumpto corrugantur, & magis sibi invicem appropinquant; tamen nec figura oculi fert, ut rigida ac recta acus ex perforationis loco ad Camera usque anteriorem, illæsa Uvea, perveniat, nec, si perveniret, ab latere, quod teneret, externo ad medium, nedum ad latus internum posset, sine maximis detrimentis, inclinari.

24. Quæ noxæ ut in posteriore Camera, propiore illa quidem, sed eadem, quod etiam Valsalva agnovit, multo angustiore, quoad ejus fieri potest, declinentur; locus immittendæ acus videtur esse omnino mutandus, & ad anteriora transferendus. Quod Fabricio nostro (o) sua illa animadversio (p) indicavit, propterea statuenti, si aliqua datur in suffusione operatio tuta, eam forte futuram, ut vel acus prope corneam immittatur; vel si aliquanto longius ab illa, non tamen tantum, quantum vulgo faciunt. Sed & ante ipsum Paulus, & Albucasis, ab eodem producti, docuerant, tantum dumtaxat recedendum a Cornea, quantum specilli cuspis spatii continet; malo enim Pauli verba, ut idem Fabricius interpretatur, describere: quanquam & Mercurialis (q) sic exponit, quanta est magnitudo cuspidis acus, quod & ipse interdum probabat, etsi viderat semper Chirurgos eligere modum descriptum a Celso. Nos autem ut in loco illo medio quem Celsus indicavit, definitum ab Diligentissimo Perito (r) intervallum semper alias, quoad ejus fieri potest, servandum credimus; ita si membraniformis suffusio deprimenda est, cur non ad Paulum potius accedendum sit, non videmus. Certe Heisterus Anatomicus, & Chirurgus Præstantissimus (s) ipse quoque præcipit, ut acus tunc non medio illo Celso loco; --- sed magis prope iridem aut corneam, in oculum demittatur. Nec vero obstare possunt quæ oculis, ad hunc modum a Fabricio nostro curatis, dicuntur supervenisse; quasi infelici exitu offensus, probatam præ cæteris a se rationem ipse deferere coactus sit. Nam si verba ejus omnia (t) attentius perpendamus; nusquam, hac ipsum curandi ratione usum esse, reperiemus, sed pervulgata dumtaxat, qua bis, terve adhibita, ab eadem postea destituisse ob tres quas enumerat, causas, in quibus tristes adversosque eventus qui sibi contigerint, certe non ponit: imo diserte, quos ego curavi, inquit, vel adjuti fuerunt, vel saltem non læsi, ita ut melius quam prius, postea viderint. Quod si ea quam, senior factus, demum præferebat, curandi ratione usus,

M m 2

ægros

(f) Disputat. de Suffus. n. 37. (g) Lettera intorno alla Cateratta. (h) n. 16. (i) n. prox. super.  
(k) Vid. n. 1. & seqq. (l) Pract. c. 30. (m) Pract. Maj. tr. 6. c. 3. rubr. 35. (n) Chirurg. l. 5. tr. 7. part. 5. c. 2.  
(o) De Chirurg. Operat. cap. de Suffus. (p) Vid. supra, n. 21. (q) Prælect. Patav. l. 1. c. 34.  
(r) Memoir. de l'Acad. R. des Sc. A. 1725. & 1726. (s) Apolog. in Epilogo. (t) cap. cit.



ægros aut non adjuviffet, aut etiam laffiffet, quod quidem, ut diximus, nusquam apparet; non tamen continuo ea a nobis ratio abjicienda effiet. Ille enim facile ad opacos Cryftallinos, qui, ut plerumque occurrunt, fic altero illo modo curandi funt, deprimendos ea ratione abufus effiet, quam nos in membraniformi dumtaxat fuffufione longe alteri anteponendam effie, cenfemus. Nam huiusmodi fuffufio aut fine multo maioribus læfionibus non fupprimetur in Camera, ut hic intelligimus, posteriore, aut acu fupprimetur, quanto propius, feu quanto minus oblique poterit, in eam Cameram immiffa. Immitti autem poffe, ne ipfe quidem Benevolus (u) negat, qui id fe in cadaveribus expertum effie, confirmat. Sed in iis anguftiis ita acum moveri, atque agitari poffe, ut pellicula, illæfa Iride, & Cryftallino, avellatur, deprimaturque, in vivis præfertim; id vero difficillimum effie, arbitratur. Sane vel laudatus Fabricius (x) cum anteriori loco acum adigi contra pervulgatam confuetudinem maluit, quam dubius effiet, quam aliquod tamen periculum, & non unam difficultatem metueret, fuis ipfe, fiquis omnia attente perlegat, verbis indicavit. Nec vero credas, mihi rem facilem videri, qui hoc potiffimum argumento impellor, ne id fieri poffe, negem, quod jam factum effie, oportet; nifi aut doctos, honeftosque Viros aliter ac invenerint, effie testificatos, aut membraniformes fuffufiones, falva hinc Iride, inde Cryftallino, acu pervulgato loco intrufa, feliciter depreffas, effie velimus; quorum alterum ne fufpicari quidem licet; alterum, ut fupra oftentum effie, intelligere non poffumus.

25. Quod fi igitur ftatuendum effie, aliquam interdum huius generis fuffufionem contingere; illud primum confequetur, ut figna inquirenda fint, quæ diftinguant a cæteris, in Cryftallini opacitate agnofcendis. Hæc enim figna, vel fiquis deprimi poffe, neget, eam ipfam ob caufam neceffaria funt, ne ad deprimendum aggrediatur. Itaque cum alia quærenda funt; tum illud præfertim expendendum effie, cenfuerim, quod fupra (y) dictum effie in ufu fuiffe ad concretionis immaturitatem, aut maturitatem agnofcendam. Si enim in fuffufiones incideres, quæ compreffæ, revera figuram mutarent, & fe fe in partes dividerent, aut antea diviffent; indicium id effiet, ut opinor, non opaci denfatique Cryftallini, fed concretionis potius membraniformis. Ubi autem figna conflarent; tum vero de perficiendo curationis modo etiam atque etiam videndum effiet. Quod cum poffit aut ad instrumenta, aut ad locum per quem immitantur, attinere; haud erit inutile quæ ad hoc tempus excogitata funt, & ad quem locum, & quo fuccelfu, confiderare.

26. Et Burrhus quidem (z) tanquam inventam a Roccho Mattiolo, memoravit arundineam acum definentem in vacuum mucronem, qua penetrare oculos & per eam oris fuctu extrahere poffet cataractas. Verum Henricus Meibomius (a) illiusmodi instrumentum dudum notum fuiffe ex Albucasi, admonuit: quem fane video de ipfo, ut facile novo, in hunc modum fcripiffie (b): *pervenit ad nos de quodam ex illis qui funt de alayrach: qui dixit quod factum fuit in alayrach magdaan perforatum quo fugitur aqua* (hoc effie cataracta) *Verum ego non vidi aliquem in terra noftra qui fecerit illud: neque legi illud in aliquo ex libris antiquorum: & effie poffibile ut fit illud novum.* Quem autem exitum habuerit, inde intelligitur, quod Guido, ut Sennertus (c) monuit, hunc curationis modum non probavit, nec ante Guidonem, atque adeo Albucasi Avicenna; fi modo intelligere idem potuit quod Albucasi. Longe enim credibilis effie (d), multo Albucasi vetuftiorem Avicennam fuiffe (quippe mortuum, non 200. fed 500. ferme annis ante natum Fabricium ab Aquapendente) quam extremo illo capite (e), in quo fuam primum acum, five communem propofuerat, tum duas cujufdam memoraverat, eundem illum quem Albucasi, modum intellexiffe, ut Savonarola (f), & Arculanus (g) exi-

ftimant: quorum neuter videtur illius novitatem modi attendiffe, ab Albucasi indicatam; præfertim cum Græcis, imo Græcis antiquis ufitatum dicant. Attamen Savonarola idem quod veritus effiet Avicenna, id effie ne humor Aqueus fimul egrederetur, timebat; alter ejusmodi operationem effie inconvenientem, nifi aliquibus obfervatis conditionibus, cenfebant, quæ hic non attinet perpendere, quando apparet, neutrum illam expertum effie, aut qui experiretur, vidiffe. Joannes autem Jelfenius (h), qui, ut Meibomius (i) animadvertit, *hujus rei periculum in animalium oculis fecit*, revera comparit, *albugineum humorem elici*. Sed præter hos, alioque, a Burrho ignoratos, etiam qui post illum fcripfere, idem accidere, confirmarunt, in quibus Stalpartius (k), Ocularium memorans, qui *non membranam tubulo, fed humorem aqueum attraxit*. Cum Stalpartio idem qui ante me produxit, porro fecit Vir Doctiffimus; & Celeberrimis, quos reliquit, Filiis digniffimus, Bernh. Albinus (l); nec alia fuerat Meibomii (m) fententia: quin uterque metuit, ne fuctio, præter humorem Aqueum, alia etiam loco dimoveret, ut reliquos humores, aut Uveam. Quid? quod Burrhus ipfe (n) faffus effie, *exilem orificii anguftiam, & crassitiem membranae fugende* Mattiolo fuo impedimentum attuliffe in perficienda operatione. Itaque fe illi, auctorem fuiffe includendi fuo, tubulo æneo acuminato in modum tenuis penicilli, subtiliffima auri textilis filamenta, quæ in girum, acta a contorquentibus digitis, dum acus tenebat, medium orbitæ, educerentur quasi ex ænea vagina, & humorum (an hamorum) inftar membranam, vel interciperent, vel omnino in fruftilla difcerperent, atque iterum post hoc officium retrahi poffent ad anguftias fui ænei integumenti. Sed quam addit: *votum eventum feliciffimum beaviffe*; tum multis de caufis a Meibomio (o) redarguitur, tum qui Burrhum norit, ne temere habeat fidem, cavebit. Jelfenius (p) alios quoque commemoraverat, qui *subtilem cithearæ cordulam uncatocuspide immiferunt, ut, postquam ad cataractam perventum effiet, illam apprehensam foras protraherent*; fed & continuo illud subjecerat, *se hujus rei periculum in animalium oculis feciffe, comperiffieque, tunicas violari*. Alii, quos laudatus confutavit Albinus (q), exiguas forcipes excogitarunt, quæ aut per vulnusculum fuperiori oculi parti fupra pupillam infictum, ut Blancardo placebat, aut ut vulgaris acus folet, quam claufæ referunt, immiffæ, apprehendere, & eximere cataractam poffent. Verum etfi per illud vulnusculum non fecus ac per tubulum de quo ante dictum effie, impellente oculi vi elastica, Aqueus humor non efflueret, unde collapsus, & corrugatio Corneæ, magno ejusmodi administrationi obftaculo futura: etfi junctura crurum forcipis in ipfo parietum oculi foramine fervaretur, ne aliter hi diductioni forcipis poffent impedimentum afferre; quis præftaret tamen, ne ipfa diductio quidquam in oculo læderet, aut ne constrictio aliud, nifi cataractam, apprehenderet, præfertim cum hæc non ante Iridem, fed post Iridem ponatur, hoc effie in angufto loco, nec toto sub oculos Operatoris fubjecto?

27. Cætera omitto: & quamvis eorum votum qui pelliculam potius eximere, quam deprimere, optaverunt, eo magis laudo, quo majus periculum video, ne illa ex proximo pupillæ loco, inter Iridis tergum, & anteriorem Cryftallini & Ciliarium extremorum radiorum faciem depreffa, quam Cryftallinus ex remotiore, fub urgentem humorem Vitreum adactus, refurgat, feque iterum pupillæ opponat; tamen utrum aliquis, tot sæculorum fpatio, revera, & fine ulla ambiguitate, voti compos fuerit faffus, vehementer dubito. Cum enim Rhafes, teffe Mercuriale (r), fcripferit, *fuiffe aliquos, & præfertim Antyllum, qui putarunt huiusmodi fuffufiones ab oculis trahi*, Antyllus autem ante Oribasium, qui partem aliquam fuorum *Collectorum* (s) ex eo nominatim fumpfit, certe floruerit; jam conftat, quicunque modus Antylli fuerit, per fex faltem sæcula, quæ inter ipfum, & Rhafem interceffere, in

eo

(u) Lettera cit. (x) cap. cit. (y) n. 8. (z) Epist. ad Bartholin. de artif. oculor. humor. reffit. (a) Difput. de Sufful. n. 35.  
(b) Chirurg. l. 2. c. 23. (c) Medic. Pract. l. 1. P. 3. Sect. 2. c. 28. (d) Vid. Freind. Hist. de la Medec. P. 2.  
(e) Canon. l. 3. Fen. 3. tr. 4. c. 20. (f) Pract. Maj. tr. 6. c. 3. rubr. 35. (g) Pract. c. 30. (h) Instit. Chirurg. Sect. 3. c. 5.  
(i) n. cit. (k) Observ. rar. Cent. 2. P. 1. Obs. 8. in Schol. (l) Dissert. de Cataracta th. 14. (m) n. cit. (n) Epist. cit.  
(o) n. cit. (p) cap. cit. (q) Dissert. cit. th. 14. & 15. (r) Præflect. Parav. l. 1. c. 34. (s) l. 6. c. 21.



eo nihil esse profectum; cum huic impossibilem esse, dixerit, & perniciosissimum, si fiat. A Rhafi autem ad Mundini ætatem cum quatuor pene sæcula intercurrissent; hic pariter (t) confirmare pergebat, manuales curationis cataractæ operationem non fieri ut ista cataracta penitus extrahatur, quia antequam posset extrahi, egrederetur humor albugineus, sed hoc fieri ---- deprimendo cataractam. Denique a Mundino ad hoc tempus etsi aliæ atque aliæ excogitatae sint ejus extrahendæ rationes; tamen quæ Clarorum Virorum sententia fuerit, supra satis expositum est; ut Doctissimus Heisterus (u) & Fieni judicium non dissimile protulerit, & ejusmodi inventis in praxi nullum adhuc, quantum ipse norit, cum successu uti potuisse; pronunciaverit, nec aliter senserit. Experientissimus Petitus (x), cujus ego præclara de hac chirurgia Commentaria in allem cum has ad te litteras scriberem, quam cum relegerem, in manibus habuisse.

28. Quæ cum ita sint; optandum est, ut modus per vulgatum saltem instrumentum curandæ suffusionis membraniformis perficiatur, quando is dumtaxat quo CrySTALLINUS opacus deprimitur, jam prope ad perfectionem adductus est ab laudato præsertim Viro (y), qui nullas, nisi quas Valsalva, Suffusiones agnoscit. Ad eundemque hunc modum attinent fere omnia quæ in Valsalvæ Dissertatione reliqua sunt: quanquam & nonnulla eorum possunt ad pelliculæ depressionem accommodari. De singulis quid censeam, in hac quæ ad finem jam spectat, Epistola non est ut scribam, nec opus fortasse est; cum de plerisque, ex iis quæ scripta sunt, proclive sit conjecturam facere. Unum est quod minus mihi omittendum putem, consilium videlicet (z) Lentis CrySTALLINÆ disrumpendæ, ne Cataracta iterum elevetur. Nam si tunc dumtaxat id faciendum proposuit, cum hæc aliter nequit depressa servari; certe diu antequam novum Dogma exoriretur, aut plerisque placeret, idem fieri consueverat, ipso olim Celso docente (a), si subinde redit suffusio, eandem acu magis concidendam, & in plures partes dissipandam esse: quæ singulæ & facilius conduntur, & minus late officiunt. Sic Jessenius (b), Celsum secutus, si cataracta assurgat rursus; reprimenda est, inquit. ---- Sin adhuc obstinate recurrerit; in plures partes dissipanda. Sic; ne alios memorem; Paulus Barbette (c): si autem, te invito, continuo resiliat; eam in diversas particulas dividito. Quod si id Valsalvæ non tunc modo, sed aut semper, aut plerunque fieri, placuisse, dicamus; peculiare quidem ipsi consilium, sed haud scio quam probandum, attribuemus. Certe observationis quam ipse describit (d), & ad quam provocat; exitus non felicissimus fuit; & Paræus (e), quocum Heisterus (f) facit, inter illa quæ in ipsa curatione de insperato superveniunt, symptomata istud recensuit, quod acus occurso, non decutiatur integra suffusio, sed concidatur, & in plures partes dissipetur: tum autem seorsim singulas persequendas & decutiendas. Quod ipsum quam interdum difficile sit, & periculosum,

Cl. Brissæi observatio ostendit, fuscæ ab Diligentissimo Heistero (g) commemorata. De quatuor enim fructis in quæ opacus CrySTALLINUS diffractus fuerat, duo continuo per pupillam in anteriorem humoris Aquei Camera exciderunt, quorum majus dum acu in posticam retraheretur, duo autem reliqua, etiam tum Uveæ adhærentia, deprimerentur, quantum difficultatis, periculi, & ut levissime dicam, molestiæ attulerint, quicumque illam observationem perlegerit, præclare cognoscet. At enim diffractæ suffusionis frustra raro in Camera anteriorem transeunt, nec vero Uveæ semper adhærent. Ipsa tamen complurium particularum depressio & tempus, & laborem, & periculum auget; ut non nisi quadam necessitate compulsus possit Ocularius malle tot corpuscula minora, eoque difficilius apprehendenda sigillatim sectari, quam unum uno, ut haud raro solet, facillique impulsu deprimere. Itaque ut citius se expediant, tum solent nonnulli, ut Bailyus (h); alias particulas ad inferiora, alias ad superiora, alias ad hoc, aut illud latus, ut quamque est commodius, impellere, si non commune, at certe Avicennæ (i) præceptum sequentes, qui vel totam suffusionem docuit, si non obedit, ut currat ad partem ad quam acus fecit eam descendere, declinandam esse ad partem alteram, & expellendam ad partem ad quam declinat: in quo affectas habuit, & nominatim Arculanum (k), atque Iessenium (l). Denique non sunt mihi quidem incognita exempla, haud ita eorum dissimilia quæ Paulus Barbette (m), & Fridericus etiam Ruyschius ex Cl. Heisteri testimonio (n) aliquoties viderunt, etsi nullo fructu peracta crederetur operatio, propterea quod cataracta non satis infra pupillæ regionem fuerat depressa; tamen, dummodo hæc in particulas fuisset divisa, perfectam visionem intra sex aut octo septimanas rediisse. Credam insuper, sæpissime sic redire visionem; quanquam Barbette, qui hoc scribit, non nisi aliquoties, ut dictum est, se id experientia edoctum testetur. Non tamen propterea aut non ea accidere interdum possunt quæ alias accidisse, dicebamus, aut non aliquanto major, ne particula non penitus descendere pergant, metus & cura consequitur, quam ne totus simul humor CrySTALLINUS resurgat. Si operatores, inquit laudatus Heisterus (o), difficilem habuerint operationem, & in frustula fuerit divisa cataracta ita, ut horum elevationem metuant; jubent ægros caput per aliquot dies erectum atque immotum servare. Quod autem mox quærit: si frustula illa cataractæ post operationem fundum petere possunt, cur non etiam frustula illa in principio cataractæ membraniformis fundum petunt? facile per se Vir Ingeniosissimus videre poterat, si in principio tam gravia, simulque tam ab Uvea soluta essent, sique tum caput tandiu erectum servaretur, atque immotum; eo quoque tempore fundum esse petitura. Sed de Suffusione jam satis. Proximis litteris de Valsalvæ Tertia Dissertatione scribemus. Vale.

## EPISTOLA ANATOMICA XX.

Ad Tertiam pertinet Valsalvæ Dissertationem, siue ad Renes Succenturiatos, horumque Usus.

AD Tertiam denique Dissertationem ventum est, quam postremam omnium Valsalva scripsit, cum Excretorium Ductum, & quod consequitur, Usus tandiu ab omnibus quæsitum, retegere conaretur earum Glandularum, quas cum plerisque Renes Succenturiatos appellitare consueverat. Quod & nos vocabulum hic retinebimus, ne a Valsalva in nomine maxime usitato, & certe ab omnibus intellecto, recedamus. Dicitur princeps imposuisse Casserius noster: quod non tam Posthumarum hujus Tabularum Explicationibus, quippe a Bucretio scriptis, quam Casparo Bartholino (a) credo, Casserii familiari, & discipulo (b), qui antea id diserte retulerat, factum-

que propterea, suspicabatur, quod figura & substantia ex Glandulæ sæpe renibus respondeant, ut videantur quasi parvi renes magnis incumbentes. Sed ut substantiam nunc seponamus; profecto quod ad figuram attinet, non modo Eustachius in editis ab ipso Tabulis (c) plerunque alia ab renis figura, sed Casserius ipse in omnibus in quibus propositas reliquit (reliquit autem in multis (d)) ea semper forma delineaverat, ut præclare Eustachii (e) monitum confirmaret: ut plurimum tales, hoc est depressas ac latas, occurrere; renibus forma esse variis similes. Nec fane locum memini ubi alterutra earum glandularum parvus ren ab Eustachio, quod Riolanus (f) ait, nuncupetur; nisi forte in Explicatione

(a) Anat. ubi de anat. off. basil. & ocul. (u) Tract. de Cataracta n. 102. & 105. (x) Memoir. de l'Acad. R. des Sc. A. 1725. (y) Ibid. & A. 1726. (z) n. 29. (a) De Medicina l. 7. c. 7. n. 12. (b) cap. cit. (c) Chirurg. P. 1. c. 16. (d) n. 15. (e) Oper. l. 16. c. 22. (f) Tract. cit. n. 102. (g) Ibid. n. 17. (h) Vid. apud Bonet. Sepulchret. Anat. l. 1. Sect. 18. Obs. 22. in Schol. (i) Canon. l. 3. Fen. 3. tr. 4. c. 10. (k) Pract. c. 30. (l) cap. cit. (m) cap. cit. (n) Tract. cit. n. 88. (o) Ibid. n. 43. (a) Instit. Anat. l. 1. c. 18. (b) Vid. Epigr. subiect. Casserii Præfationi ad Pentæthef. (c) cum Opusc. Anat. (d) Vid. ad Spigel. l. 8. Tab. 11. 12. 13. 14. 18. 19. 20. (e) Explic. Fig. 2. Tab. 1. Opusc. (f) Animadv. in Bartholin. loc. cit.



ne Figuræ V. Tabulæ IV. qua in Figura suspicari quis posset, quem *alterum sinistram renem præter naturam, admodum parvum* appellat, renem potius succenturiatum fuisse, præsertim cum *figuræ triangulæ, & satis depressæ, & vase urinario fuisse destitutum*, fateatur: quanquam palam est, eum pro rene vero habuisse. Igitur si tibi Renis Succenturiati nomen displicet; nec mihi placere admodum, credito; quin etiam risum movere, si quis, non ut Casserius, qui quid Latinis id significaret *ἐπιστόν*, non ignorabat, sed ut Petruccius (g) accipiat, qui eas glandulas *eo quod loco illi subsistent quo nos cingimur, subcenturiatos appellari etiam posse*, non dubitabat. Itaque ob eas dumtaxat quæ dictæ sunt, causas hoc nomen retineo, præsertim non ab recentioribus, ut quidam putant, impositum; est enim vetustius quam nomen *Capsularum Atrabiliarum* a Casparo Bartholino (h) inventum. Vocabula autem *Capsularum Renalium, Glandularum Renalium, aut Glandularum adplexum*, quibus Petruccius (i), & Whartonus (k) libentius sunt usi, ambigua sunt, ob renem & Capsulas, & Glandulas Malpighianas; itemque ob Glandulas Lumbares ad eundem nerveum plexum sitas. Aliquanto minus nomen displicet omnium vetustissimum, id videlicet quo Inventor earum Eustachius designare in Tabularum (l) Explicationibus consuevit, *Glandularum Renibus incumbentium*. Si tibi forte longius videtur; contraxit nuper sic tamen ut idem significaret, Cel. Winslowius (m), *Glandulas Suprarenales* appellans. Si aliud desideras; cave expectes aliquod a me brevius, qui, nisi *Majores Glandulas ad Renes* vocemus, non facile video, qui a minoribus in vicinia Lymphaticis glandulis distinguamus, nec qui in iis etiam designemus animantibus in quibus renibus neque imminet, neque incumbunt.

2. Noli mirari quod Eustachianam appellationem vetustissimam dixerim; quamvis Marchettus noster (n) de renibus succenturiatis scripserit: *magnæ glandulæ a Veteribus dicebantur*. Nam si forte ad locum (o) respexit libri, qui de *Glandulis* inscriptus, inter Hippocraticos circumfertur: *habent præterea etiam renes glandulas, nam & hi multa humiditate exsatiantur. Majores vero etiam hac parte quam alia, glandulæ existunt*; nempe hunc ipsum locum perspectum habuit Eustachius, qui ad caput II. libri de *Renibus* sui adnotaverat, unde etiam Pinus (p) descripsit: sed Vir in Majorum interpretatione, si quis alius, sagacissimus, ad renes ipsos, eorumque officium, & usum attinere, præclare vidit, non ad Glandulas ipsis incumbentes, quas alioquin, ut veri erat, & Majorum amantissimus, a prioribus Anatomicis non dixisset (q) fuisse prætermisissas. Renuncolorum etiam nomine, si Petruccio (r) credimus, a multo vetustissimo, eodemque sanctissimo Scriptore Moyse hæ fuerant glandulæ indicatæ. Profert enim ex III. capite libri Levitici hæc verba: „ Et offerent de „ pacificorum hostia sacrificium Domino: adipem, & „ caudam totam cum renibus, & pinguedinem quæ operit „ ventrem, atque universa vitalia. Et utrumque renunculum cum adipe qui est juxta ilia, reticulumque „ jecoris cum renunculis. „ Nec dubitat, cum in unico „ simus sacrificio, renesque primum exigat Deus, deinde renunculos, quin renuncolorum nomine sint renes intelligendi succenturiati, qui *parvorum renum ut plurimum exactam figuram referant*. Ego vero nolo quidquam ex anatome petiitum, ne de parvitate quidem eorum renem in agno, quem proxime Moyse nominaverat, respondere. Hæc tantum dicam, Primum, cum Petruccius alios alia pro *renunculis* intellexisse, non nesciret; decuisse ipsum facere quod postea fecit Christianus Ludovicus Welschius (s), ut in re dubia nihil præpropere ipse pronunciaret. Deinde, si renuncolorum nomine haud posse iterum intelligi renes, censuit, qui antea fuerant memorati; quid tandem censibat accipi oportere pro *renunculis* qui extremis verbis commemorantur, cum modo in eodem versiculo *utrumque renunculum* jam fuisse positum, videret? Num forte quaterni in singulis hostiis sunt renes succenturiati? Quod si bini sunt; certe ut necesse est,

Petruccium qui *renuncolorum* nomine eos intelligit, confiteri, in eo versiculo, in aliisque (t) ejusdem libri, atque adeo capitis in quibus singulis renunculi bis ponuntur, easdem hostiæ partes semel, atque iterum aut majoris perspicuitatis, aut alia causa aliqua commemorari; sic Petruccii ratio non prohibet quin eandem ob causam, memoratos superiore versiculo renes, in proximo iterum commemorari, quis intelligat, præsertim si quæ vox in illo renes significat, ea ipsa, quemadmodum qui hebraice sciunt, mihi sacros illos fontes adeunti ostenderunt, in hoc quoque ad renunculos significandos adhibeatur. Sed hæc Viri Sacris Litteris doctissimi viderint; nobis autem Anatomicis haud ante liceat ex Divinis Voluminibus quidquam arreptum objicere, quam inter illos de eo constare, manifestum sit.

3. Ex hac quæ de nominibus visa est esse, disputatione cum alia intelligis, tum illud certe, qui ante Eustachium hæc corpuscula revera cognoverit, neminem, quod sciamus, produci. Sed postquam ille non descripserat tantum, aut pinxerat, verum etiam obnexum adiposæ renum membranæ, diserte monuerat (u), *non raro, nisi quis animum diligenter advertat, evulsis renibus ipsa septo transverso strenue adhaerentia, quæ nulla sint, præteriri*; quæ fortasse causa præcipua fuerat, ne ante Eustachium, diligentissimum sane Professorum, animadverterentur; plures tamen Anatomici, in quibus Platerus, & Vidius, cum universi corporis structuram exponerent, omnino prætermiserunt: alii vero in omnibus non comperiri, sed sæpe deesse, aut sæpius unum, sæpius nullum esse, scripserunt, ut Piccolhomini (x), Laurentius (y), & Laurembergius (z), quorum primus ausus etiam est cum sexto digito comparare. Sed Verum pervicit nihilominus. Cum enim alii vicissim Anatomici, in his Coiterus (a), melius quævisissent, atque agnovissent; horum diligentiam plerique imitati, eo rem denique perduxerunt, ut post Laurembergium, qui ab Eustachio discefferat, neminem meminerim invenisse. Alii potius alia addiderunt; neque tot tamen, quot cupiam videntur, nec tanta certe, ut quod summa voti erat, peculiarum harum glandularum usum demonstrarent.

4. Nam quod ad ipsarum venas attinet; quantum est tandem ex omni illa varietate quam Casp. Bartolinus (b), aut ante & post hunc Bauhinus (c) commemoravit, quod Eustachius non Iconibus tantum, sed & verbis non docuisset? Errat enim Petruccius (d) cum duobus qui secuti sunt ipsum, Clarissimis Viris, cum Eustachium inter eos ponit qui *nullam horum vasorum mentionem fecerunt*, & quamvis infra, summam hac in parte diligentiam ejus in Tabulis agnoscat; ipsum tamen negat de his *insertionibus in tractatione verba fecisse*; ut hujus (de Renibus) tractationis capita XV. & XVI. nunquam legisse videatur; nisi forte de arteriis intelligit, quarum tamen explicationem Eustachius (e) ideo se omittere, indicavit, quod *magna ex parte, venarum illarum distributionem imitentur*. Num forte igitur omisit Eustachius, *interdum ex rene simul ad venam mitti*? quod Casserius (f), si Bucretio credimus, delineavit. Mihi vero etsi constaret, venam esse quam sic pictam cerno, (g) ut cum arteriis communicet; res tamen non videretur ab Eustachio omnino ignorata, qui (h), non raro a vena Cava emissam propaginem descripsit, quæ & in superiorem partem substantiæ renis dexteri, & in glandulam ipsi incumbentem furculos spargit, quam propaginem Tabula I. Fig. I. proposuit, quemadmodum ei respondentem ex Emulgente sinistra, Tabula III. Fig. III. Cæterum si alias in aliis venarum varietates in dissectionibus conspiciat, nec Spigelium (i) probas, qui has, ut arterias, ex mediis emulgentibus, nec Molinettum (k), qui *venarum dextram a trunco, sinistram ab emulgente ortum ducere*, pronunciavit; sed Veslingio potius (l), cujus observationes Marchettus (m), Petruccius (n), alique suis confirmant, ad stipularis, docenti, *dextram glandularum sæpius ex trunco ipso venæ cavæ productam venam habere*; --- nonnunquam cum glandula sinistra ex proximis venis emulgentibus; si

te

(g) Spicilleg. Anat. c. 4. Probl. 5. (h) cap. cit. (i) loc. cit. (k) Adenograph. c. 13. (l) Tab. cit. (m) Expos. Anat. ta du bas-ventre. n. 431. (n) Anat. c. 5. (o) num. 4. (p) Annot. at ejusd. l. pag. 28. lin. 17. (q) De Renib. c. 6. (r) Spicilleg. cit. c. 1. (s) Exam. Ren. Succent. n. 3. (t) c. 3. 15., c. 4. 9., c. 7. 4. (u) cap. cit. 6. (x) Anatom. Prælect. l. 2. Lect. 23. (y) Hist. Anat. hum. corp. l. 6. c. 23. (z) Anat. corp. hum. Exerc. 6. n. 5. (a) Intern. hum. corp. Part. Tab. (b) Instit. Anat. l. 1. c. 18. (c) Theatr. Anat. prim. & ultim. edit. l. 1. c. 22. (d) Spicilleg. cit. c. 1. (e) c. 16. (f) Ad Spigel. l. 8. Tab. 13. Fig. 1. litt. K. (g) Vid. & Tab. seq. ad litt. F. hoiistram. (h) c. 15. (i) De hum. corp. fabr. l. 8. c. 15. (k) Differt. Anat. l. 6. c. 7. (l) Syntagm. Anat. c. 5. (m) Anat. c. 5. (n) cap. cit.



te igitur dissectiones tuæ, ut me meæ, illuc adducunt, ut Veslingio potius, quam Spigelio, & Molinetto, standum credas; tunc Eustachii Tabulas, harumque Explicationes inspice; & quod tum plerunque (o), tum nonnunquam (p) verum est, idem jam olim Eustachium non latuisse, præclare intelliges. Simul intelliges (q), neque ipsum fugisse id quod nobis quoque conspectum est, ex venis quæ his glandulis subserviunt, quasdam ad renum Adiposas, quasdam interdum ad Phrænicas manifestissime pertinere: quod & in Tractatione (r) indicavit, cum ramum ex sinistra vena Emulgente, scripsit „ in superiorem partem membranae pinguis usque ad renis „ longitudinis medium, & in ipsam glandulam reni incumbentem, ac denique in ipsum septum transversum „ furculos spargere: qui interdum insignes occurrunt, „ & cum ejusdem septi venis mira naturæ solertia, „ coeunt atque uniuntur. „

5. Quod si arterias quoque aut pariter describere, aut toties pingere voluisset; non dubito, quin talia de ipsis ante Cel. Ruyschii (s) observationem, atque alia fuisset propositurus, unde constaret, minus probandum esse Molinettum (t); sine ulla hæsitacione affirmantem, arterias quidem harum glandularum *ab emulgentibus ramis semper desumi*. Veslingium saltém vidisse hic poterat, arteriam sinistra ex ipso arteriæ Magnæ trunco in quadam Icone (u) deducentem. Thomas autem Bartholinus (x), & Diemerbroeckius (y) confirmarunt, nonnunquam ex aortæ trunco modo unum ramulum, modo tres ad has particulas contendere. Quin et si rarissime Petruccio (z) contigit animadvertere, quod ramus aliquis ab eo trunco oriretur; nunc Solertissimus Winslowius (a) affirmat, arteriam „ sinistra venire „ plerunque ex ipsa Aorta: „ nos utriusque non semel indidem profectas demonstravimus, alteram proximè Celiacam, alteram hac procul, sed eodem ex trunco pariter. Huc arteriæ accedunt Spermaticæ duæ, quas supra totidem omnibus cognitæ, nasci, dexteram quidem ex Aorta, sinistram alias ex hac, alias ex Emulgente, proposuit Cl. Ranbyus (b). Etsi enim utraque ipsarum, eadem communi capsula membranea cum cæteris Spermaticis vasis conclusa, pergat ad testes; antea tamen non tenuem ramum in succenturiatum sui lateris renem immittit. Quæ mihi observatio simul lecta, simul valde probabilis visa est. Neque enim idem mihi acciderat quod Leali (c) ut nunquam, sed contra, ut sæpe geminas utrinque Spermaticas arterias conspicerem: has autem, & socias venas passim cum vicinia per ramulos communicare, cum Eustachius (d), alique multo vetustiores Anatomici indicaverant, tum nostra nobis confirmabat inspectio. Illud unum cavendum credidi, ne forte, Molinettum imitantes, de ejusmodi vasculis quæ facile aliunde suppleri possunt, aliquid perpetuum statueremus. Nec me poenituit sic credidisse, cum loco superioris Spermaticæ arteriæ, vix vasculum interdum viderim, exilis filamentum simillimum, nonnunquam nullum; aut si crassiusculum; certe fuit aliquando cum ex eo nihil potuit ad renem usque succenturiatum perducere. Quæ si quis perraro accidere, ostendat; non propterea quidquam mihi adversum ostendet. Sane in harum particularum vasis quam varia Natura sit, nemo dicere satis possit. Nam præter eas omnes sive venarum, sive arteriarum varietates, de quibus hætenus feci mentionem, interdum accidit ut ex uno rene succenturiato binas; nonnunquam ut ex singulis singulas ad ipsum Cavæ truncum redeunt venas conspicerem. Quod quo in cadavere deprehendi A. 1736. IX. Kal. Martii, cum re sane conjunctum erat multo digniori quæ minime sileatur. Nam & venæ Iliacæ arteriis Iliacis, & Cavæ truncus Aortæ trunco non a dextris suberant, sed a sinistris, donec per hujus anteriorem faciem sub ipso Mesentericæ Superioris initio, se oblique sursum & dextrorsum inflectens Cava sibi debitam repeteret sedem; ut ego, & qui adjutrices mihi manus præbebat, diu multumque, ut nosti, in dissectionibus exercitatus, Nicolaus Mediavia

fatis mirari non possemus, in viro præsertim qui duram agricolæ vitam agens ad senectutem pervenerat, multoque diutius, nisi tunc forte crus fregisset, victurus fuisse videbatur, tam alienum positum vasorum Magnorum. Illa autem Cavæ ab sinistris ad dexteram oblique scandentis inflexio efficiebat, ut tametsi ren sinister non multo inferiorem quam dexter, sedem obtineret; hujus tamen vena, si Cavam in directum extenderes, ad duos tresve digitos in hanc influeret altius, quam sinistri. Sed ad propositum ut redeam; cum circa id tempus sex, minimum, corpora ante hoc continenter incidissem, in iisque omnibus venam ab succenturiato rene dextero in Cavam, ab sinistro in proximam Emulgentem pertinere, invenissem; in hoc septimo utramque in Cava, ut paulo ante indicabam, desinentem conspexi, dexteram quidem, sicut in plerisque illorum animadverteram, non modo brevior, sed & tenuior, sinistram vero & longior, & crassior. Nec secus, quod ad arterias attinet, fuit aliquando cum in alterum eorum Corpusculorum, aliquando cum in utrumque immittas demonstrarem ex ipso Celiacæ initio profectas, unam præsertim non parvam, eamque dexteram in viro cujus cadavere ad publicam dissectionem utebar A. 1728: qualia & Cel. Winslowio (e) occurrisset, ex laudatissimis ejus Scriptis cognovi. In iisdem quoque, pondus additur Marchetti (f) observationi, qui cum Glandulæ sinistra, ut nos pariter modo indicabamus, venosum ramum *satis conspicuum* (dexteræ Veslingius (g) *amplum* dixerat) commemorasset; arterias contra adeo *exiles* esse utriusque, scripserat, ut ipsas *propter earum exiguitatem Riolanus vel flect fecerit, vel non viderit*. Nam & Winslowius (h) hic venas valde crassas, si cum arteriis tenuissimis comparentur, esse, confirmat: quod fere nos quoque animadvertere soliti sumus.

6. Jam vero de nervis ad has Glandulas pertinentibus an plura addita sint ad ea quæ Eustachius attigerat, videamus. Ipsum enim, cum de nervis renum scriberet (i), hæc litteris mandasse, animadvertimus: *a varia complicatione nervorum, quæ fit circa principia arteriarum mesenterii, non paucos nervorum surculos vario modo invicem mixtos oriri, quorum pars --- renes & incumbentes eis glandulas adit*. Qui secuti sunt Anatomici alii quidem hos nervos extenuasse videntur, ut Veslingius (k), qui *nervulos* appellavit, alii contra auxisse, in primisque Whartonius (l), qui quendam *quasi funiculum* describit *decuplo crassior, quam videatur postulare magnitudo harum glandularum; in quas tamen totus ita inferatur, ut citra lacerationem nullo modo separari queat*. Huic et si Glissonius (m) adstipuletur, confirmans, *nervos adeo conspicuos tam alte in glandulas hasce defigi*; tamen qui post utrumque scripserunt, Antonius Molinettus (n), Isbrandus Diemerbroeckius (o), & Thomas Bartholinus (p) haud obscure discreparunt, cum hi *nervos exiles, ille plures quidem, sed tenuissimos* agnoverit. Sed qui medio inter hos, illosque tempore de Nervis suas vulgavit observationes, Willisius (q) & multas ipse propagines memoraverat: & multas denique, nec sane exiles, delineavit Lancisius (r). Verum de nervis, & multo magis de additis certe post Eustachium vasis harum Glandularum Lymphaticis erit etiam infra (s) scribendi locus.

7. Itaque hisce interea missis, ad alia pergamus. Inter quæ leviora fortasse videbuntur quæ primum a Veslingio (t), & Marchetto (u) proposita sunt, quod *tunica*, ut ille docuit, hæ Particulæ *succingantur tenui*, & quod præter eam, ut hic admonuit, addenda sit *exterior a Peritonæo, --- quæ est portio Adiposæ renum membranae*; addendique pariter nexus dextræ quidem Glandulæ cum jecinore, sinistra cum splene: quos tamen haud esse perpetuos, intelligi potest ex Thoma Bartholino (x), qui postea scripsit, se *hepatis dextram adhaerentem semel vidisse*: quanquam ego & olim uno certe in fœtu vidisse memini, & nuper in duobus adultis cum quærerem, in altero sic satis, in altero autem usque adeo affixam inveni, ut cohærentibus inter se tunicis,

non

(o) Opusc. Tab. 1. Fig. 1. & 2. & Tab. 2. Fig. 3. (p) Tab. 2. Fig. 1. & 2. (q) Ibid. & Tab. 1. Fig. 1. (r) c. 16.  
 (s) Thesaur. Anat. VII. n. 8. (t) cap. cit. (u) Syntagm. c. 8. Tab. 2. Fig. 2. litt. g. (x) Anat. quart. renov. l. 1. c. 18.  
 (y) Anat. l. 1. c. 19. (z) cap. cit. (a) Expos. Anat. tr. des Arter. n. 218. (b) Vid. apud Ratty Treat. of the urin. passag. Sect. 1.  
 (c) De Partib. semen confic. (d) Tab. Anat. XII. Fig. 1. & 3. & Tab. XIII. (e) n. cit. (f) Anat. c. 7. (g) Syntagm. c. 5.  
 (h) tr. du bas-ventre. n. 439. (i) De Renib. c. 21. (k) cap. cit. (l) Adenogr. c. 13. (m) Anat. Hepat. c. 45.  
 (n) Dissert. Anat. l. 6. c. 7. (o) Anat. l. 1. c. 19. (p) Anat. quart. renov. l. 1. c. 18. (q) Cerebr. Anat. c. 25.  
 (r) De Mot. Cord. Tab. 7. litt. q. q. (s) n. 23. 46. & 35. (t) (u) (x) capit. cit.



non potuerim sine laceratione disjungere: in hoc ipso Glandulam quoque sinistram ad splenem quadantenus annexam per Adiposam membranam deprehendi.

8. Sed hæc, ut dixi, levioris momenti videri possunt: ad graviora veniamus. Bartholinus, Thomæ pater, (y) tradidit, *Cavitatem habere intrinsecus, in qua humorem quandam continere deprehenduntur sæculentum & nigrum: quamobrem Capsulas Atrabilarias vocavit.* Observationem probarunt Bauhinus (z), & Veslingius (a). Hic etiam, primus (b) eam cavitatem, quam levem dicit, sive eum sinum nonnihil diductum delineavit: addiditque, venam amplam, & orificio pariter patulo sinum illum subire. Riolanus contra (c) falsum esse, pronunciavit, istas Glandulas carvas esse. Mox tamen, si cavitatem habent, adeo exigua est, inquit, ut vix tenue pisum admittat. Lindanus autem apud Blasium (d), conatus est eam litem componere, illos verum in fœtu scripsisse, affirmans; Riolanum in adultis. Et Lindano quidem Diemerbroeckius (e) assensus est. Ipse vero Blasius (f), vel in adultis non semel cavitatem a se observatam esse, testabatur, & Thomas Bartholinus (g) se demonstrasse in fure satis adulto cavitatem quæ 12. pisa capiebat, & hanc semper adeo esse diffusam, ut multa pisa compressa capiat, & stilum hinc inde adactum sine violentia. Interea autem Whartonus (h) tum confirmaverat, in majore hujus Glandulæ extremitate cavitatem quandam conspicuam deprehendi, tum addiderat, in hanc cavitatem plurima e. glandulæ substantia prodeuntia foramina hiantibus osculis terminari: cavitatem vero ipsam in venam sibi proximam debiscentem, ibidem valvula muniri, venam versus aperta, retrorsum clausa. Quæ si, ut Glissonius (i), ita cæteri probassent; videri jam potuisset satis quæsitum, quo secretus in Glandula humor asportaretur. Verum Petruccius (k) contendebat, venas, & arterias esse quæ in cavitatem apertis, manifestisque orificiis desinerent: deinde (l) valvulas quidem satis insignes omnibus venarum ramusculis capsulas hæc petentibus esse insitas; sed contra ac Whartonus docuerat, positas sic ut a vena ad capsulam facillimus esset aditus, illeque expeditus; a capsula vero ad venam plane nullus, quamobrem se, etsi id esset pluries conatus, tamen (m) neque per specillum, neque per clysterem, neque per insufflatorium aliquid a cavitatem capsulæ in venam immittere potuisse. Cæterum hæc altera Petruccii observatio non modo sanguinis circumitioni manifestissime adversabatur; sed neque cum aliorum mox institutis observationibus conveniebat. Sic Viri Cl. qui Bibliothecam Anatomicam adornarunt (n), cum variorum animalium exta in eum finem sedulo inspexissent; valvulas non ita dispositas, ut ille scripserat, offenderunt, quin illas venam cavam, vel emulgentem versus, quales a Whartono, & Glissonio observatæ fuerant, apertas constanter viderunt. Sic quoque Christianus Ludovicus Welschius (o) valvulam contra ac Petruccius contenderat, & stylum, & flatum admittere facile, confirmavit. Sic etiam commemoratam video observationem Tysonis (p), quæ cavitatem harum glandularum inflando, has compertit se in suam quamque venam exonerare. Et quanquam Verheyenius (q) nihilominus affirmet, errare profecto qui scribunt, humorem illum, quem continent, nigricantem, absumi a venis & sanguini misceri, --- cum venæ non hiant in illarum cavitatem; tamen; ut meas quas postea (r) proferam, hoc loco observationes omittam; novissime, secundum Viri Summi Boerhaavii (s) comparisonem, & sententiam, reapse confirmatum est a Præstantissimo Winslowio (t), „comunicare venas ipsas cum interiore Capsularum parte, fere ut Venam Splenicam cum cellulis Lienis; nam, flatum impellendo ad quemvis locum Cavitatis Capsularis, inflari pariter Capsulæ venam. „

9. Quæ cum ita sint; num propterea satis constare, censebimus, secretum his Glandulis succum ea via in sanguinem referri? De hoc vero infra (u) videbimus: ut infra quoque quid sit ea cavitas (x), quem succum contineat (y), quam Malpighius, aliive intimam

harum glandularum structuram invenerint (z), & quid ex his consequatur (a), quæremus. Nam de intima quidem structura nihil tradiderat Eustachius (b), nisi quod substantia --- renibus fere respondeant; quod tantum abest ut Piccolhominus (c) magis ad verum traduxerit; non gerunt, inquit, parenchyma & carnem, dissimilem carni ipsorum renum, sed eandem penitus, ut renum portione extumescens judicentur. Vix ante Recentiores, nonnulli, in quibus Bauhinus (d), substantiam habere renibus laxiorem, scripserunt.

10. Sed contra vel ante Recentiores, omissa ab Eustachio harum Particularum in fœtu, atque adultis discrimina addiderunt, paulo tamen serius; siquidem Jo. Riolanus in accurata Fœtus humani Historia, quam A. 1608. in calce Scholæ suæ Anatomicæ edidit, adhuc ignorabat (e) quod annis insequentibus, ut puta Anno certe 1626. cum Historiam illam in Anthropographia (f) reponeret, jam ex parte cœpit attingere, videlicet has Glandulas evidenter in Fœtu perfectio, & maturo esse, quam in adultis. Tandem Veslingius noster (g) eam ita observationem perfecit, nihil ut desiderandum videretur. Nam & docuit, illas magnitudine in fœtu mirabiles esse: non accumbentes renibus, ut fit in adultis, sed iisdem incumbentes, partemque superiorem lato veluti sinu completentes, & hæc quæ docuit, Iconismo quoque (h), primo quidem, sed eodem egregio, præclaroque commonstravit. Sedem hanc, & complexionem alii deinceps Anatomici indicarunt, ut Marchettus (i), & Molinettus (k), nonnulli autem iisdem fere, haud nominati, Veslingii verbis, ut Diemerbroeckius (l), quidam additis etiam similitudinibus confirmarunt, ut laudatus Molinettus (m), atque Ruyschius (n), quorum ille has glandulas magna parte excipere, ait, fœtus renes instar Tiaræ; hic supremam partem renum pueri tanquam in acetabulum admittere, alibi (o) instar cupulæ glandis, renibus incumbere. Qua similitudine ut sæpe Vir immortalis nominis egregie est usus; sic erat optandum, ut siquando vellet addere (Thomam Bartholinum (p), opinor, Bidloum (q), aliosque ejusmodi designaturus) (r) secus ab Auctoribus factum esse in illarum Figuris; Veslingium tamen, & denique Verheyenium quoque (s) exciperet. Sed magis etiam erat optandum, ne cum ab annis jam amplius sexaginta omnium manibus Veslingii Syntagma versaretur, totque ab eo tempore Anatomici, & in his haud ita longinque degens Ruyschius, non uno in loco, eandem rem confirmassent; optandum, inquam, erat, ne Verheyenius (t), qui in ultimo tandem quod dissecuit, humani fœtus cadavere illam animadvertit, aut certe animadvertisse se, meminit, ceu novo quodam & inexpectato objecto percussus, utrum illud esset perpetuum, dubitaret. Quæ Verheyenii dubitatio, ut opinor, aliquem deinde Scriptorum adduxit, ut rem hanc, quasi nonnunquam solum, non semper, in recens natis infantibus reperiendam commemoraret, quam ego quidem in iis omnibus in quibus quæsi fœtibus, & recens natis; quæsi autem, minimum, in undeviginti; si duos excipias, manifesto præter naturam se habentes; constanter inveni.

11. Qua autem ratione in natis deinde hæc glandulæ a renibus disjungi incipiant, utque in iis, crescente ætate, quodammodo soleant contabescere, infra (u) disquiretur. Non me fugit, Diemerbroeckium (x), veram quadantenus Whartoni sententiam (y) secutum, negasse, in adultis decrescere, sed hoc tantum credidisse, post semestre fere a partu spatium secundum proportionem reliquarum partium non increscere, & circa pubertatem ab ulteriore incremento plane cessare, unde in adultis minores conspiciantur, videlicet, ut Whartonus loquitur (z), ad sua corpora collatæ, cum tamen simpliciter grandiores sint, quam in embryone, aut nuper natis. Scioque præterea, scripsisse Petruccium (a), se sæpius hæc capsulas in adultis respectivè etiam satis insignes reperisse, atque adeo in viro octogenario. Verum ut in hoc fuisset, dixit (b), atrabilarium humorem refertas; sic proclive est arbitra-

(y) Instit. Anat. l. 1. c. 18. (z) Theatr. Anat. l. 1. c. 22. (a) cap. cit. 5. (b) Tab. ejusd. cap. Fig. 4.  
(c) Animadvers. in Bartholin. cap. cit. (d) Comment. ad Vesling. loc. cit. (e) (f) (g) (h) (i) locis cit.  
(k) Spicileg. c. 3. (l) c. 1. (m) c. 3. (n) Tom. I. Part. 1. (o) Exam. Ren. Succent. n. 18.  
(p) Vid. apud Ruty Treat. of the urin. passag. Sect. 1. (q) Anat. corp. hum. l. 1. tr. 2. c. 19. (r) n. 40. & 41.  
(s) Instit. Medic. n. 364. (t) n. cit. (u) n. 63. (x) n. 42. (y) n. 61. (z) n. 63. (a) num. citatus.  
(b) De Renib. c. 6. (c) Anat. Prælect. l. 2. Lect. 23. (d) cap. cit. (e) Vid. cap. ultim. (f) Vid. l. 6. c. ultim. Edit. 2.  
(g) Syntagm. c. 8. (h) Ibid. Tab. 2. Fig. 2. (i) Anat. c. 5. & 8. (k) Dissert. Anat. l. 6. c. 7. (l) Anat. l. 1. c. 33.  
(m) l. cit. c. 13. (n) Thesaur. Anat. l. Repos. l. n. 5. (o) Thes. 4. n. 84; Th. 7. n. 8; & Th. 10. n. 84. & alibi.  
(p) Anat. quart. renov. l. 1. Tab. 51. (q) Anat. hum. corp. Tab. 63. (r) Thes. 9. n. 60. (s) Anat. cit. l. 2. Tab. 6. Fig. 3.  
(t) Ibid. tr. 5. c. 21. (u) n. 50. & 52. (x) cap. cit. (y) Adenogr. c. 13.  
(z) Ibid. (a) Spicileg. c. 3. (b) Ibid. c. 1.



bitrari, eodem ejus esse observationes referendas, quo & illam Thomæ Bartholini (c), qui se illas in adulto ob atræ bilis copiosum proventum dupla magnitudine semel observavisse, testatur. Scilicet hæc aut morboſa, aut ra-  
ra sunt magis quam autumabat Petruccius: ut certe e contrario rarissimum illud fuit, quod ab nemine, quod sciam, ad hoc tempus descriptum, se se mihi bis dumtaxat, ut paulo ante (d) indicabam, spectandum obtulit semel in fœtu novimestri, iterum in semestri, aut eo majori. Cum enim hos fœtus ob alia quæ vel ante dissectionem, præter naturam ostenderant, diligenter perscrutarem; renes succenturiatos non sine magna admiratione deprehendi parvos, contractos, & si cum renibus quibus infidebant, non majoribus certe quam sint in paribus fœtibus, conferrem, eadem omnino proportionem minores quam in adultis invenire soliti sumus. Sed de his infra (e). Hic quæ plerunque conspici solent, attendimus. Quæ utinam omnia Whartonus, & Diemerbroeckius attendissent. Adnotaverat Riolanus (f), *Glandulas istas post partum, tanquam vietas & marcidas flaccescere, instar vasorum umbilicalium: --- in adultis decrescere, mutareque figuram, & arctiores evadere, sive ut alibi etiam (g) postea, sensim in pueris exarescere, planasque evadere.* Fateor, rem nimis extenuasse illa cum vasis umbilicalibus comparatione. Sed strigosas, sed arctiores, planioresve, hoc est proportionem ad suam ipsam longitudinem, minus altas, minusque crassas evadere, quis eorum negare possit, qui alias in fœtibus, alias in adultis spectare consueverint? Non ego certe, qui illarum in fœtibus, tum nitidam faciem, tum aliam rationem altitudinis, tum præsertim amplissimam basim, atque adeo renum subjectorum crassitudine aliquando ampliorem conspexi. Quin etiam non antea modo (quod Whartonus (h) vidit) Thomas Bartholinus (i), cujus id negare interfuisset; non, opinor, ex Baubino, quem nusquam de re hac scripsisse, reperio; sed ex propriis inspectionibus confessus est, has particulas in adultis arctari, minoresque fieri: sed & alii postea, in quorum numero Verheyenius (k), & Winslowius (l), *potius diminui, & quodammodo contabescere, & extenuari, sive „ cum sint „ in fœtu extreme crassæ, ætate, earum volumen im- „ minui „ confirmarunt.*

12. Hic etiam Vir Diligentissimus, & in ipsis intus, extraque observandis, siquis alius, exercitatus addidit (m), earum exteriorum conformationem ut plurimum magis esse regularem in fœtu, & infantibus, quam in adultis, & senibus: itemque ipsarum consistentiam videri in illis plus firmitudinis, quam in his proportionem habere, imo aliquando in his inveniri laxissimas, & veluti flaccidas. Hæc, atque alia, a me pariter observata, quæ postea (n) scribentur, non tantum mutationem illam figuræ, sed illam quoque adnotatam ab Riolo (o) *tanquam vietarum flacciditatem* confirmant. Quæ si animadvertisset Petruccius; alia intellexisset adversari sibi præter majorem in fœtibus, quam in adultis, harum glandularum crassitudinem, cum ad illos qui ex hac præcipuum ipsarum usum in fœtu querendum esse, indicarunt, respondit (p): *Sic quispiam ex hoc arguere pari passu posset, animales operationes, perfectiores in pueris quam in adultis celebrari eo, quod pueri majus respectu ad alias partes corporis caput obtinuerint.* Neque enim in adultis ut minus proportionem caput, sic vietum quoque & flaccidum; sed contra, absolutius & firmitus factum videmus. Idem negavit (q), *sibi reperiri unquam contigisse, ubi, quove in loco Riolanus assignet harum capsularum usum tantummodo in fœtu.* Nec mirum, quando etiam, in *Antropographiæ* lib. 6. cap. ult. eundem, ait, postquam de renibus fœtus verba fecit, *de his Glandulis nunquam loqui*; de quibus tamen ibidem statim post renes loquitur. Riolanus autem extremam Animadversionem in Bartholini *Anatomicarum Institutionum* caput 18. in qua Animadversione ea quæ supra dicta sunt de discriminibus inter adultos, fœtusque proposuit, ad hunc modum concluderat: *Ego vero usum ejusmodi glandularum perquirendum esse reor in Fœtu, &c.* Ex eo tempore quicumque fuit illarum usus excogitatus, eo minus a veri similitudine alienus visus est, quo magis in ipso Morgagni *Epistolæ Anatomicæ*.

habita est ratio eorum discriminum. Et certe ætate hac nostra sic plerique nobiles Anatomici diserte judicarunt, ut Verheyenius (r) inde patere censeret, præcipuum illarum usum in fœtu esse querendum, ut Heisterus (s), *usum majorem in fœtu, quam in adulto esse videri*, ut Winslowius (t), *ad assequendam notitiam „ usus harum Capsularum oportere „ discrimina omnia memorata attendere.*

13. Sed etsi hoc verum sit, neque ipse in usus earum exemplo quodam indicando, id prorsus in *Adversariis* (u) neglexerim; tamen illud etiam verum esse, intelliges, nisi alterum quoque earum discrimen attendatur, ab nemine adhuc, quod sciam, editum, quod inter hominis, & aliorum animalium fœtus intercedit (x), non posse ad genuinum usum assequendum perveniri. Hunc, post inutiles tot aliorum qui ante ipsum fuerant, Anatomicorum labores, Valsalva assequi conatus est ea ratione, quam ejusdem ostendit *Dissertatio*. Ad quam unam cum multo plura attinentia, quam ad cætera ejus singula Scripta, in ipsius Schedis invenerim; idcirco ad hanc faciam quod ad cæteras facere non licuit, ut primum seorsum omnia quæ Valsalvæ sunt, secundum ejusdem *Dissertationis* ordinem a me disposita, hic tibi exponam; deinde vero ut quæ ipse animadverti, atque observavi, eodem ordine subjiciam.

14. Igitur ad ea quæ in *Dissertatione* proposita fuerant, illustranda, atque augenda, hæc ex Valsalvæ schedis habeto. Principio quod ad sententiam illam attinet Doctorum Virorum qui inter generationis organa renes ponebant; hanc insuper ad ipsam confirmandam addere se posse peculiarem observationem, olim crediderat. Duarum enim viperarum, fœminæ, & maris ejusdem longitudinis, & fere ejusdem crassitudinis cum renes inter se compareret; in mare quidem non modo longiores crassioresque invenit, quam in fœmina, sed præterea, cum in hac ex una rubicunda constarent substantia, in mare ex duplici componebantur, rubicunda pauca, & in renum medio ferme sita, reliqua autem albicante, ex vasisque facta serpentino modo inflexis, omninoque testium substantiæ similibus, nisi quod hæc mollior, illa firmior videbatur. Cum autem pariter cum uretere vas semen deferens secundum renis longitudinem descenderet; non modo huic tenaciter adhærebat, verum etiam dum separabatur, filamenta sæpe quædam se se prodebant, quæ vasorum seminiferorum productiones esse videbantur. Quæ omnia cum ita essent; rubicunda quidem substantia lotium secerni albicans, lotiique avium non dissimile, alteram autem, testium vascula representantem, ad seminis elaborationem quidpiam conferre, veri simile existimabat. Et quanquam postea animadvertit, iis compressis vasculis, albicantem, quem continebant, humorem in ureterem influxisse, ideoque ipsa etiam vascula secernendo lotio, aut secreto in rubicunda substantia, excipiendo, transmittendoque inservire; attamen cum ejusmodi vascula in aliis quidem maribus, non in fœminis, viperis observaret; dignum hoc discrimen peculiari consideratione judicabat: quæ videlicet causa fuit, cur minime a nobis, hæc tota observatio omitteretur. De peculiaribus autem vasculis, per quæ e gallinæ renibus ad oviductum humorem ferri, existimabat, unde ovorum cortex efficeretur, quid ipse, & quid vicissim ego observaverim, alias scribam.

15. Nunc ut *Dissertationis* ordo postulat, ad ea quæ in succenturiatis Marium renibus adnotavit, transeamus. Et primum, quod ad aves attinet, in gallis nostratibus figuram, inquit, solent habere ad triangularem accedentem, colorem flavum. Ex substantia constant glandulosa: cui ut intermixtum mucosum quoddam corpus aliquando animadvertit; sic nunquam interjectam veram caveam invenit, etsi aliqua fieri, vi divulsionis videbatur. Renibus firme adhærent: ex quo suspicari licet, aliquid cum his habere commune. Hæc omnia non solum in gallis, vario inter se pennarum colore discrepantibus, sed in capone

N n

quo-

(c) l. cit. c. 18. (d) n. prox. super. (e) n. 56. 58. (f) Animadvers. in Bartholini Instit. Anat. c. 18.  
(g) Encheirid. Anat. l. 2. c. 28. (h) cap. cit. (i) cap. cit. (k) cap. cit. & l. 1. tr. 2. c. 19. (l) Expos. Anat. tr. du bas-  
ventre. n. 441. (m) Ibid. n. 447. (n) n. 38. & 40. (o) Vid. n. prox. super. (p) cit. c. 3. (q) c. 2.  
(r) l. cit. 2. tr. 5. c. 21. (s) Compend. Anat. n. 220. (t) tr. cit. n. 417. (u) Ill. Animadv. 31. (x) Vid. infra, n. 48. & seq.



quoque, & gallo Indico ad eundem modum observavit. Nam etsi in capone eorum colorem vidit subflavum; vidit tamen & in gallo aliquo non flavum, sed subpallidum. Unum inter gallos nostrates, & Indicos discrimen est, magnitudinis. Quamvis enim horum testiculi, cum illorum testiculis comparati, exigui sint; renes tamen succenturiati majores sunt: quare vas quoque semen deferens, crassius ex his oritur; quamquam intus nullæ ejusdem vasis radicula dignoscuntur. In gallo autem nostrate id vas tenui atque acuminato principio vidit a superiore succenturiati renis parte originem ducere, inde autem recta descendere donec circa ejusdem renis medium, crassius jam factum, serpentinis intorqueri flexibus incipit, qui eo crebriores majoresque, ut & vas crassius efficiuntur, ubi hoc, relicto jam rene succenturiato, quamplurimos furculos, a parte testis concava prodeuntes, & ad se in transversum contententes, admittit; quamquam non omnibus in gallis ita conspicui sunt hi furculi; in quibusdam enim vas testiculo quasi adhæret: neque ipsius vasis origo ita semper alta est; cum vel in uno eodemque gallo alterum a superiore parte renis succenturiati oriri viderit, alterum autem ab inferiore. Verum in gallo, quem semel dissectuit, Africano testiculis non oblongis, sed sphaericis, ita renes succenturiatos adherentes invenit, ut sine laceratione seungere non potuerit. Animadvertit tamen, tribus quatuorve locis ipsos cum testibus longe sensibilius communicationem habere, quam epididymidis corpus cum testiculo humano. Sed vasa feminis in iis testibus vix conspiciantur; contra, sanguifera vasa plurima, quorum aliqua a renibus ad testes mitti videbantur, quæ tamen cæteris ibidem sanguiferis crassiora erant & albidiora. In mare autem anatis mutæ testiculi substantia se ipsam in appendiculam quandam tenuem producebat, quæ cum succenturiati renis substantia conjungebatur: in hac appendicula pertenuis vasis semen deferentis initium, minus tamen perspicue quam in gallo nostrate, conspici poterat. In falcone a testibus ad succenturiatos renes productionem ferri vidit, quæ cum his per multa filamenta committebatur. In noctuæ mare, qui a femina per quædam in capite quasi cornua, ex pilis facta, distinguitur, testes quos iisdem renibus minores in schedis delineavit, ac subrotundos, cum ipsorum superposita inferiore parte junctos conspexit. Denique in turture mare ab renibus succenturiatis, qui subflavi erant, vasa semen deferentia profecta, ad medios se testiculos, qui oblongi erant, applicabant, indeque cloacam versus pergebant.

16. Quod vero ad marem & testudinem, & viperam attinet, hæc iis quæ in Dissertatione leguntur, illustrandis inservient. Testudinis aquaticæ renes, in quorum medio ab eo latere quo vasa sanguifera excipiunt, succenturiati renes sunt positi, majore ex parte obrecti sunt tum flavis & quasi sphaericis testibus, tum epididymidibus nigricantibus. Hæc autem membranis vinculis non modo cum testibus, sed cum renibus quoque omnibus, id est etiam succenturiatis, junguntur. Porro vinculum illud membraneum per quod cum testibus epididymides committuntur, latum est, multisque & filamentis, & vasis instruitur sic tamen, ut quæ sint excretoria, non satis pateat. In vipera autem renes succenturiati inæquales sunt; sinister enim longior est dextero, etsi testis dexter aliquanto est major sinistro. Circa testiculorum medium incipiunt quæ vasa deferentia semen decurrunt: hisque semper associati, firmeque juncti, aliquando infra testes, alias usque ad imam tantum horum partem extenduntur; canaliculum suum excretorium, quem tamen Valsalva semper videre non potuit; una cum illis semen deferentibus vasis, renes versus demittentes. Imo in serpente quem Bononienses, & ipsi quoque, opinor, Etrusci appellant *scorzone*, in singula ista semen deferentia vasa vidit singulos peculiare renum succenturiatorum ductus paulo infra testes immittere: quorum quidem ductuum, ut & plerumque earum quæ ad sæpius memoratos renes attinent, observationum rudem quoque sua manu delineationem adumbravit.

17. In feminis autem avibus etsi filamenta illa vasiformia quæ in una aut altera gallina viderat, inter ovarium, & succenturiatos renes videre amplius non potuit; firmum tamen illum nexum quem inter hos, illudque in gallina etiam Indica, & anate muta perspexerat, in anse quoque, rusticula, picaque glandaria perspexit. Nimirum ovarium, medium inter renes positum, superiore parte cum succenturiatis renibus valenter connectebatur, qui subflavi in his omnibus erant, longuli in pica; exigui, & ferme sphaerici in rusticula; magni, subrotundi, ac inter se nexi in anse. Huic erat sinister dextero major: amborum anterior substantia membranea; interior, quæ ex subluteis fiebat corpusculis, glandulosa videbatur. Nulla intus cavea potuit inveniri.

18. De femina vero testudine, & vipera hæc iis quæ in Dissertatione proposita sunt, addi possunt. Testudinis aquaticæ succenturiati renes sunt flavi, & mediis renibus affixi. Ab iis, quasi a centro quodam, vasa sanguifera una cum multis aliis filamentis, vasorum figuram representantibus, per totam ovariorum longitudinem feruntur. In vipera autem renes succenturiati circa initium ovariorum incipiunt, hisque firme adherentes, modo ad tertiam, alias ad dimidiam longitudinis horum partem, interdum etiam magis, minusve producantur.

19. Ex animalibus autem, ut vocant, perfectis, maris quidem suis, porcelli Indici, leporis, muris, & canis renes succenturiatos Valsalva inspexit. Sed de primis quatuor hæc tantum adnotavit. In sua renes illi colore erant similes renibus, firma, ut in vitula, compage, forma inter prisma; & cylindrum media. Intus secundum totam longitudinem substantia latebat dilute subflava, ad prismatis figuram accedens: eam multa carnei coloris substantia complectebatur. Nulla intus cavea; si unam excipias in medio subflavæ substantiæ insculptam, quæ tamen vena erat, & sanguinem, compressa, emittebat. Oblongi erant ambo; sed alter magis, qui cum trium linearum crassitudine haberet, longitudine erat duarum unciarum: nam alterius longitudo fuscunciam non excedebat; quamquam in uno extremorum, tanto erat crassior, ut hic crassitudinis excessus longitudinis defectum pensaret. In porcello autem Indico ita renum superiori parti adherent, ut in homine: habentque formam, ac magnitudinem phaseoli non mediocris, sic tamen, ut sinister dextero major esse videatur. Exterior substantia flava est, a qua non modo omnia, ad crassitudinem vitulinæ pellis, cinguntur, sed & exiguae ejusdem coloris, & naturæ productiones, ut radii ab ambitu centrum versus mitti videntur. Flava substantia nigricantem substantiam, hæc autem fere cineream mollemque complectitur *prismatis semilunaris* figura: hæc autem ambæ videntur esse glandulosæ. In medio cinereæ, ovalis cavea interdum apparet, quæ tamen, oculis microscopio instructis, sanguiferi vasis esse deprehenditur. Sed in lepore renibus non adherent: neque situm, neque figuram eandem habent. Nam dexter minor quidem est, sed altior sinistro: & cum hic ovalis esset; ille tenuior erat, & oblongus: ambo tamen depressi. Exteriores substantia albicant; interiore modo ad carneum, modo ad subflavum colorem accedunt. In medio cavi esse videntur; re tamen ipsa non sunt. Domesticus autem mus factos exterius habebat ex pallida substantia, inter flavum & rubrum media, quæ cineream alteram, & quasi mucosam complectebatur. Nullum vero excretorii ductus ab ipsis proficiscentis indicium, quod quidem in femina fuerat, oblatum est. Sed in cane quodam, aliquod ejusmodi canalis occurrit indicium, qui ab sinistro rene succenturiato, super Emulgentia vasa, ad testiculi substantiam recta descenderet.

20. Ex feminis autem perfectorum animalium, ovis habet succenturiatos renes, non, ut homo, atque aves, renibus adherentes, eisdem vero figura, colore, firmitudine renibus persimiles, ut interiore etiam, quod Malpighius quoque vidit (y), substantia. Hæc cinereo colore est; exterior carneo. Nulla intus cavea. Nullum inter ovis, & vervecis renes succen-



succenturiatos discrimen potuit inveniri. Sed & in porcella Indica tales fuere, quales supra (x) in mare esse, diximus: illius autem ovaria renibus, & costis alligabantur. Quod pariter in vulpe observatum est, cujus ovaria, & uterus per duplicaturam peritonæi renibus, per alterum autem vinculum peritonæo circa costas annexa erant. Renes vero succenturiati & ipsi peritonæi ope superiori renum parti firmiter neclebantur. Figura erant inversæ pyramidis: & maximam partem ex substantia constabant, quæ pallide subrubra esse videbatur. Hæc erat exterior; interior autem, in medio secundum longitudinem sita, apparebat subrubra, & mucosa, ac caveam mentiebatur, cum tamen solida esset. In cane quadam, altera ex parte bini esse videbantur; neque tamen omnino erant, cum inter se per internam unirentur substantiam, quæ erat subrubra; exterior autem albidula. In mure domestica, eadem quæ in mare (\*) substantia observata est, eademque figura, videlicet ad sphericam accedens, necnon idem situs, hoc est ut renum parti superiori ad latus internum, quemadmodum in homine, adhererent. Caveam habebant nullam, ne in mure quidem majori; in qua exterius albidum, intus vero erant ex flavo obscuri. In hac, etsi neque prægnans erat, nec nuper pepererat, idem tamen tenue corpus ab renibus singulis succenturiatis per renis dorsum ad singula ovaria demissum conspiciebatur, de quo in Dissertatione dictum est. Denique in vitula plures jam menses nata, duplex est succenturiati renis inventa substantia. Nam quæ in ambitu sita erat, subflava primum, mox quo magis ad interiora accedebat, subrubra fieri videbatur: quæ vero medium occupabat, pallidula, & quodam modo substantiæ testium similis erat. Intus nulla cavea, nisi quod vena majuscula per medium substantiæ excurreret, & in Emulgentem ejusdem in quo observavit, lateris, sinistram videlicet, infuebat. Præterea alia erant quamplurima vasa minora, & quidem sanguifera; nam sanguinem continebant: quæ tamen arteriæ essent, an venæ, ob eorum tenuitatem dignoscere non licebat. Sed præter hæc omnia, quadam alia conspecta sunt vasa, quæ in pinguedine, infra Emulgentia vasa appositâ, desinebant. An vero ultra illam, eorum aliquod progrediretur, cum vix aliud quam ren suo cum succenturiato ex ea vitula allatum esset, a Valsalva quæri non potuit.

21. Postremo de ipso homine præter id quod in Dissertatione proposuit, hoc unum in ejus schedis inveni, adnotasse illum in rene succenturiato corpus quoddam valde simile initio ductus semen deferentis, quale ex Succenturiato galli Indici observaverat, quod quidem corpus, principium est, inquit, cujusdam vasis pinguedine obducti: id vero an ad testes usque producat, diligenter esse quærendum. Longe autem alio pertinet quædam ejus antiquior, & quam postea neglexisse videtur, observatio. Viderat enim, ex succenturiato hominis rene sinistro, præter venam reducem ad proximam Emulgentem, peculiare excretorium vas proficisci, quod haud procul ab illa in hanc ipsam Emulgentem venam infuebat. Id vas & substantiæ similitudine, & valvularum positu lymphæ ductum imitabatur. Immissus enim aer in venam Emulgentem, postquam huic proximam vasis brevem partem subierat, nullo pacto renem versus succenturiatum pergebat; sed ibi subsistendo, valvularum obicem demonstrabat.

22. Quod vero ad illud attinet experimentum, in cane habitum, qui ex secto videlicet testiculo dextero, & rene sinistro, factus est sterilis, etsi eo ad confirmandam sententiam suam sic utebatur. Valsalva, quasi ea sterilitas a sinistris quidem, læsis succenturiati renis vasis imputanda esset; tamen posse alios, meque ipsum certe, aliter existimare, non ignorabat. Viderat enim, quid in extrema Animadversione XXXIII. *Adversariorum* III. in istiusmodi experimentis desiderasset; ut videlicet (quod interdum facile, & præsertim in sinistro rene eximendo, posset contingere) nullum de vasis Spermaticis læsum esse, constaret. Itaque ergo si quis forte suspicaretur, eam sterilitatem, non læso reni succenturiato, sed potius læso subjecto testiculo esse

Morgagni Epistolæ Anatomicæ.

adscribendam ob venæ Spermaticæ in sinistram Emulgentem euntis vel lacerationem, vel ligaturam; ipse hanc responsionem paraverat: non deesse alias proximas venas, quæ, ruptæ, vel ligatæ Spermaticæ vicem pensent, quod passim post chirurgicas operationes in venis aliis videmus; ut vel lacerata, ruptæ Spermatica, testis læsionem suspicari non oporteat.

23. Qua autem ratione ad alia quæ possent objici sententiæ suæ, responderet, mox indicabitur: nunc enim illa prius tibi exponenda sunt, quibus videtur credidisse, eandem posse confirmari. In homine triginta annos nato ut omnes generationi dicatas partes majores vidit, sic renes quoque succenturiatos magnos invenit: quo & illud attinet quod alicubi videtur significare, hos ipsos renes in juvenibus, & viris majores sibi videri, quam in senibus: tum hæc quoque in viperis longiorem succenturiatum renem longiori ovario; brevioris breviori adherere: & cuniculo cui forte renem alterum deesse vidit, ejusdem lateris succenturiatum renem non defuisse; & denique etsi muri cum testiculus dexter non esset, ren succenturiatus uterque fuit; dextram tamen epididymidem, & continuatum vas semen deferens, dextraque vesiculas fuisse. Sed præter hæc omnia, illud insuper adnotavit, a nervorum plexu, sub ipsis renibus succenturiatis posito, in hos eam nervorum copiam ferri, ut nulla pars humani corporis, in quo speciatim hanc perquisitionem instituit; si modo magnitudinis illius, horumque renum rationem habeas; nervis magis abundare videatur. Ex illa autem nervorum copia posse aliquos inferre, existimabat, tum valde subtilem activumque humorem, atque ideo semini magna cum utilitate admiscendum, in his renibus elaborari, tum horum sensum esse maximum, indeque languorem in lumbis percipi post nimiam genitalium laticum effusionem: in summa, ex hoc, aliisque in Dissertatione propositis, multo potiori jure licere, quod ad generationis opus attinet, succenturiatis renibus plurima adscribere, quæ olim a Doctissimis Philosophis, Medicis, & Sacrarum Litterarum Enarratoribus ipsis renibus adscribebantur.

24. Verum ut hæc sibi favere, sic alia vicissim adversari, sentiebat: Illud primum, ut in avibus, viperis, testudinibus facile sit a succenturiatis renibus in proxima vasa semen deferentia tenuissimos ductus immittere; in perfectioribus tamen animantibus, atque adeo in ipso homine, ob longissimum intervallum, idem neque commodum, neque tutum, neque ideo ex instituto Naturæ satis videri. Ad quod hanc in promptu responsionem habebat: ab iis renibus ad testes usque perducitur corpus quoddam carneo-membranoso instar hepaticæ Glissonii, ut appellant, Capsulæ, cujus ope vasa non modo Spermatica, sed etiam hæc nova toto illo longo tractu firmari, muniri queant. Quo posito, multo facilius seu per vasa nova, seu per id corpus rationem posse reddi tanti illius in nephritico dolore testes inter, renesque consensus, quibus nimirum in homine succenturiati renes incumbunt. Multo autem magis ipse viderat id quod omnes: si renes succenturiati inter generationis organa sint referendi; non intelligi, cur in foetu, qui tanto intervallo abest a generando, ii renes, si proportionem attendas, tanto majores sint, quam in his qui generant, adultis. Ipse vero hanc rem in dubium coeperat vocare. Viderat enim in lepisculo, ante paucos menses nato, eos renes mediocri magnitudine. In ipso etiam gliris foetu non ita magnos invenerat. Denique in muris foetu, ut colore vidit similes renibus, ita his quadruplo minores deprehendit. Restabat structura, quam a multis Anatomicis sic descriptam esse, non ignorabat, ut sibi non leviter adversaretur; quid enim ad testes cavea illa, per venam cum Emulgente communicans? Verum ipse, ut ex iis quas supra (a) descripsimus, observationibus intelligitur, istiusmodi veram caveam aut non inveniri, aut si inveniretur, nihil aliud quam venam esse, contendebat: quanquam, præsertim in homine, fatebatur, haud raro invenisse se internam substantiam disjunctam sic ut cavum efformaret; sed ejusmodi cava ex accidenti, ut puta ex morbo, facta esse,

N n 2



esse, suspicabatur. Sic in viro qui ex hydrope interierat, in rene succenturiato caveam vidit; hujus magnitudinem ferme æquantem. Ea tetro sanguine repleta erat: interni autem ejus parietes non secundum naturam constituti videbantur; sed *inveterati vulneris* similitudinem quodammodo referebant.

25. Quæres hic fortasse, cum Valsalva inter generationis instrumenta renes succenturiatos referret, quodnam peculiare in ea re munus ipsis assignandum existimaret? Ille vero cum animadverteret, eorum rem substantiam, ut non omni in specie animalium similem, sic in utroque singularum specierum sexu persimilem esse; arbitratur, ejusdem rationis tam in mare, quam in foemina, humorem fecernere, qui eandem utrique in generando utilitatem præstaret. Quæ autem hæc utilitas esset, conatus est quidem excogitare: verum eorum quæ excogitaverat, rationem modumque cum ne ipse quidem satis clare ac distincte percipisse videatur; neque ea ad anatomica experimenta; observationesve pertineant; nihil est causæ cur ipsa a nobis proponantur. Illud vero est intellectu facilius quod a quodam alio Docto Viro, cujus schedam inter Valsalvæ scripta invenio, nomen non invenio, de eadem communi utrique sexui utilitate cogitatum est. Esse nimirum eum humorem non semen aliquod, aut tale quidpiam quod ad gignendi corporis constitutionem requiratur; sed esse dumtaxat mari, foeminaeque commune veneris irritamentum, ac stimulum summum quo ad propagandum genus excitentur: atque ideo succenturiatos renes præcipuam esse delectationis veneræ, & concupiscentiæ officinam. Huc autem sacra illa verba spectare: *scrutans corda, & renes Deus*, huc pias Ecclesiæ preces: *ure renes nostros: & extingue in lumbis meis humorem libidinis*, & solemnem illam in primis: *indulgeat tibi Dominus quidquid per lumborum delectationem deliquisti*. Quod si in variis animantium generibus, statis illis temporibus quibus in venerem magis feruntur, renes eorum succenturiati inspicerentur; magis fortasse & hic usus, & natura id præstantis humoris, & nova hunc vehentia vascula confirmari, inveniri, & perspicui possent. Hæc ille.

26. Nunc illud sequitur, ut eodem quo hæc recensuimus, ordine quid a nobis animadversum, observatumque sit, subjiciamus. Principio viperinos renes quasi tot contortis intestinulis nos vidisse compactos, vel olim in III. *Adversariis* (b) preesse indicavimus. Hic autem fusius observationes a nobis habitas proponeremus; nisi cum iis quæ supra (\*) ex Valsalva descripsimus, convenirent. His tantum discrepant, quod rubicundæ illius substantiæ ex qua una, foeminarum constant renes, vix aliquid, atque adeo potius eundem colorem, quam eandem substantiam, in marium renibus vidisse meminimus, eumque in summa fere unius renum faciei superficie, neque in hac tota, sed hic illic certis in locis dispositum; reliqua autem renum extra, intusque ex albicantibus illis inflexisque canaliculis facta, quos in renibus foeminarum perspicere ne oculis quidem modica adjutus vitrorum ope, potuimus. Sed neque ex iis canaliculis aliquos ad vas semen deferens, aut vicissim ab hoc ad renes pertinere vidimus, cum illud vas ab his visceribus lenta manu sejungeremus. Verum ad renes succenturiatos transeamus.

27. Ex avium maribus eos potissimum selegi, in quibus rem clarius, quam in cæteris perspicui, Valsalva docuit, gallos Indicum, & nostratem. In illo quidem utrinque vidi corpusculum flavum glandulosum, summæ testis parti proximum, quod initium præbere vasi semen deferenti videbatur. Attamen cum in æque juniore, quem eodem tempore inspexi, gallo nostrate res mihi quidem multo quam in illo, clariores se obtulerint; gallis deinde nostratibus fere junioribus sum usus. Solent enim gallis hisce junioribus testes ampliores multo esse, quam adultioribus (quod in juniore gallo Indico non vidi) sic ut aliquando testem alterum longum invenerim quantum auricularis mei digiti internodia bina, secundum videlicet atque ultimum simul, pollicem autem crassum; alterum vero testem paulo quidem brevior, sed crassior. Sperabam igitur fore ut renes quoque succentu-

riatos multo ampliores invenirem; id quod minime accidit; & vasorum semen deferentium initium, de quo potissimum quæritur, satis conspicuum deprehenderem; in quo minime deceptus sum. Renes succenturiati corpuscula sunt figura ad subrotundam accedente, sed depresso, colore extra, intusque flavo, substantia glandulosa, & quæ facile, premendo, conteritur, & distrahendo, disjungitur; ut mirum non sit, quasdam exiguas quasi foveas quæ ante non essent, in illis, diffecando, diducendoque efformari. Hoc antequam facerem, ablato diligenter cum intestinis ventriculo, imo omnibus universi corporis amputatis partibus præter eas quæ sedem renibus, ac testibus præbent, quo propius, faciliusque inspicere hæc possem, & perillustrare; testem leniter a latere externo attollens, & versus alterum testem reclinans, tum renem totum succenturiatum, tum supremam vasis semen deferentis partem retegebam. Cujus initium vasis, quale supra (c) ex Valsalva descripsi, revera ex ea succenturiati renis facie quam testiculus ante obducebat, contra hujus superiorem partem primum existeri videbatur: inde secundum testem descendens, quo magis pergebat, eo & amplius, & tortuosius fiebat; quanquam hæc amplitudo, & inflexio cum ea quam infra testiculum habebat, non erat comparanda. Surculos autem manifestos e teste in illud vas contententes perspicere nondum potui; siue in transversum ferantur, ut Valsalva docuit (d), siue oblique descendant, ut delineavit Graafius (e), qui supremam certe ejusdem vasis partem omisit. Contra ego quod ambo prætermiserunt, vidi, parallelam, annexamque testi epididymidem, quam in IV. etiam *Adversariis* (f) indicavi, quanquam globos in pluribus quos postea continenter secui, gallis satis quidem videre non potui, sed eorum loco extrema dumtaxat epididymidis ambo, a testiculo sejuncta sic ut imum sæpe, infra testiculum aliquanto producat, summum vero per eam de qua supra dictum est, renis succenturiati faciem se extendat, eique arte adhæreat, majorem modo, alias minorem ejusdem partem obducens. Est autem hæc epididymis oblongum corpusculum, atque depresso, subpellucidum, molle, & nisi quod colore aliquanto magis ad flavum vergit, cætera substantiæ testis persimile, si utrumque, secundo, inter se conferatur. Quod quidem corpusculum, ubi testem, sicut ante diximus, versus testem alterum reclinaveris, non modo videbis, sed per istam ipsam quam sic retexeris, corpusculi ejusdem faciem a summo illo extremo ad imum cernes decurrere vas semen deferens sic ut primum hujus vasis initium in ea quidem de qua dictum est, succenturiati renis facie, sed in illo tamen summo epididymidis extremo conspicias. Hæc Valsalvam ipsum vidisse, maxime vellem (quanquam apparet, in anate muta, ut supra (g) descripsimus, aliquid ejusmodi conspexisse) sic enim dubitationes quoque vidisset, quæ inde consequuntur, & qua erat in anatomicis perquisitionibus sagacitate, rem penitus retegendo, illas vel tollere, vel confirmare potuisset. Cum enim succenturiato reni non solum vasis illius initium, sed & summum in quo id est, extremum epididymidis firme adhæreat; quæri potest, illud vas ex eo ipso rene, an potius, ut in aliis animantibus, ex epididymide originem ducat; nam in ipso etiam homine, secundum Vesalii (h) observationem, minus a posteris commemoratam, epididymidis finis, seu vasis semen deferentis initium Vaginali tunica *valide applantatur*, hoc est arctissime innestitur; neque tamen hujus vasis ex Vaginali tunica origo est. Hoc igitur est quærendum, itane in gallo summa epididymis, & illius vasis initium succenturiato reni adhæreant, ut cuique alii, quæ locata ibidem fuisset, parti adhærere potuissent, quo videlicet sua in sede firmentur, & extensa, atque explicata servantur, ne forte viam semini, concidendo, intercluderent; an vero non modo superficie tenus, sed intime penitusque cohæreant sic ut ejus vasis radicula intra eum renem diducta, secretum ab ipso humorem excipiant, in idemque vas convehant.

28. Quæ ego ut inquirerem, illud primum aggressum, ut vas, & epididymidem ab illo rene lenta, susp-

(b) Animadv. 34.

(\*) n. 14.

(c) n. 15.

(d) Vid. ibid.

(e) De Mulier. Organ. Tab. 17.

(f) Animadv. 29.

(g) n. 15.

(h) De corp. hum. fabr. l. 5. c. 13.



penſaque manu, nonnunquam ſecando, alias divellendo, ſepararem, ſi forte aliquod aut foraminulum, aut tenue peculiare vasculum, communicationis indicium, appareret. Quorum cum nihil vidiffem; non propterea ſatis quaſitum eſſe, arbitrabar; neque enim me fugiebat, fruſtra plerumque in permultis animantium generibus ejuſmodi indicia quaeri teſtem inter, & epididymidem, quorum tamen communicatio certiffima ſit. Igitur alio in gallo cum totum ferme vas ſemen deferens albo, & fluxili ſemine diſtensum maxime viderem; experiri volui, num hoc ab inferioribus ſuperiora verſus premendo, ejus albedinis indicio ( non ſecus atque in viperinis ureterum radiculis per renes manifeſtandis, alias eodem albido quo illi ſcatebant, lotio non infeliciter uſus fueram ) radículas vaſis in ſuccenturiato rene detegerem. Nullas cum videre ſic poſſem; illud occurrebat, ne epididymidis quidem vaſcula, aut ſurculos a galli teſticulo ad vas pertinentes, ſic mihi in conſpectum dari, quos tamen in iſto ipſo animalium genere Graafius, & Valfalva aliquando vidiffent. Itaque maxime amplæ inferiorique vaſis parti vulnuſculo inſiſto, primum quidquid potui ſeminis e vaſe univerſo expreſſi, tum hydrargyrum immiſi, omnique ratione dedi operam, ut quæcunque in vas eſſent viæ, eas hydrargyro ſe inſinuante retegerem. Cum in dextro, ſiniſtroque vaſe idem peregiſſem; exitus hic tandem fuit, ut per utriuſque teſtis epididymidem diductum huc illuc in tenuiſſimas particulas viderem hydrargyrum; quas intra alterius quoque teſticuli, qui minor erat, interiorem ſubſtantiam magna copia deprehendi; intra autem utrumlibet renem ſuccenturiatum ne unam quidem hydrargyri particulam invenirem, eſſi diu multumque vel ad initium vaſis premendo, nihil intentatum reliqueram, ut ſe ſe hydrargyruſ, ſiqua via eſſet, in eos renes inſinuaret. Attamen cum illi meatus ſint fortaffe longe anguſtiſſimi, aut valvulis ſic inſtructi, nihil ut retrorſum adigi queat; erit mihi quam gratiſſimum, ſi tu, alique aciore ſolertia præditi rationem aliquam adinvenieris qua iſta communicatio ſine ulla tandem dubitatione pateſcat, & ſic eleganti Valfalvæ invento ſumma manus imponatur.

29. Cæterum cum ne ipſe quidem in gallo Indico, in quo renes illos majores, vas autem ſemen deferens eſſe craſſius, agnoſcebat, ullas hujus intra ipſos radículas, quemadmodum ſupra (i) traditum eſt, dignoſcere, valuerit, cumque mihi in gallo noſtrate iſ qui modo demonſtratus eſt, inquiſitionum exitus fuerit; non exiſtimaturum te puto, ſelicioſam me aliis in avibus fuiſſe, in quibus minus clare hæc conſpici, Valfalva quoque fatebatur. Itaque ſolummodo quales in ſex quæ ille non memorat, generibus ſuccenturiatos renes viderim, indicabo. In corvo oblonguli erant, ac compreſſi, colore exterius magis fuſco, quam renes; intus flavo cum viridi miſto. Prope ſuberant teſticuli ovales, & puſilli; erat enim, ut opinor, hic corvus junior, neque parvam gallinam magnitudine ſuperabat. Particulæ hæ quatuor annexæ erant ſupremæ renum parti, quæ convexior quidem, primoque aſpectu ab inferioribus diſtincta videbatur; cum hiſ tamen continens erat: quod ideo dico, ne forte aliter ea Severini (k) verba eſſe interpretanda, ſuſpiceris: in corvo renes evidetiores quam in aliis, & rotundi, quamvis ipſis ſubſtent corpora illa rubra, renum vicem in aliis habentia. In hirundinibus tribus ſuccenturiati renes erant perquam exiles, & flavi: neque ita ut in gallis, viſi teſtibus vicini, qui ſphærica erant figura, pro mole autem corporis etiam grandes; unius præſertim; & ſemine turgidi. In nobili ave quæ hic vocatur *coturno*, haud procul a ſuperiore teſtium parte, qui ætatis, opinor, cauſa erant valde exiles, renes aberant ſuccenturiati. Hi quadantenus ſubrubescentes, ad circuli formam accedebant. In aluco oblongos, flavosque: in caprimulgo non flavos, ſed albos ad ſummam renum partem conſpexi. Denique in veſpertione; ſi tamen huc ſpectat qui plerique partibus, & nominatim renum figura, quadrupedum ſimilis ſit; ad eorundem renum internum latus ſiti erant ſuccenturiati ſic ut dexter ſatis al-

tior eſſet ſiniſtro, ambo exigui, ſubrotundi, & colore ex ſubrubro albi. In alio albos, & oblongulos vidi.

30. In mare autem & teſtudine, & vipera dicendum nunc eſſet, quales eoſdem obſervaverim. Sed in teſtudine quidem non ſolum fluviali, aut marina, verum etiam terreſtri eſſi plures olim habui renum, & teſticulorum obſervationes; quoniam tamen quid commercii ſit inter hos, & ſuccenturiatos renes, & quales hi ſint, diligenter eo tempore non quaſivi; idcirco aliorum potius, ſed huc maxime pertinentem, quam meam aliquam obſervationem memorabo. In terreſtri magna, ex India advecta, teſtudine vas, ſeu ductus ex quo epididymis conſtabat, ex Pariſienſium obſervatione (l), erat in tot circumvolutiones complicatus, ut explicatus quatuordecim contineret pollices: Uti primo intuitu adparebat, Ductus hic à Teſticulo non oriebatur, ſed ſolum ex rene, cui alligatus erat. Liquore quodam colorato injecto in hunc Ductum, permulti alii ductus minuti exſurgebant, qui antea non adparebant, quique a Teſticulo ad Epididymidem veniebant. Sane ipſa quoque delineatio (m), primum ejus Ductus initium eſſe ex rene, cui annexus eſt, videtur commonſtrare: neque aliter fere in gallo res eſt, atque ibi pingitur, niſi quod in gallo id initium reni eſt annexum ſuccenturiato; illic autem, ut dictum eſt, reni; ſuccenturiatus enim; quod deſcriptio, cum delineatione conjuncta, oſtendit; infra illud initium eſt. Ex hac autem obſervatione dubitatio quam ſupra (n) expoſuimus, confirmatur potius, quam infirmatur. Nam ut in ea teſtudine eſſi initium ductus eſſe videtur ex rene, non eſt tamen, neque eſſe poteſt ( quid enim reni aliud, quam urinam ſecernat? ) ſed cum rene tantum connexus eſt; ſic in gallo tametiſ ductus initium exiſtere videtur ex rene ſuccenturiato; fortaffe tamen non ex hoc oritur; ſed cum hoc dumtaxat cohæret. Viperae autem renes ſuccenturiati particulæ duæ ſunt exiles, oblongæ, depreſſæ, habitu, ut videntur, glanduloſo, ex ſubflavo & ſubrubro albidæ. Longior longiori, qui & altior eſt, cum reni, tum præſertim teſticulo eſt proxima. Teſtes enim cum ſint prælongi, alter altero brevior eſt: at brevior, interdum ſaltem, mihi viſus eſt craſſior longiore. Renes igitur ſuccenturiati lateri interno teſticulorum a media fere horum longitudine adhærent, eoque emenſo, renes verſus deſcendunt: nec tamen ſæpe totum id quod teſtes inter, & renes non omnino exiguum eſt, intervallum occupant; verum ſæpius ante deſinunt, quam renes attingant, eſſi interdum vidi eo uſque productos, ut ſummo renum interno lateri imum ſuum in quod valde extenuabantur, extremum alligarent. Cæterum tametiſ vaſis ſemen deferentibus proximos vidi, imo hiſ aliquando fere annexos, alias etiam arte adhærentes; canaliculum tamen quem in hæc demitterent, videre nunquam potui.

31. Ut ex avium maribus gallos, ita ex ſcæminis gallinas ſelegi; in hiſ enim Valfalva & plura, & ad rem magis attinentia obſervaverat. Igitur in noſtrate juniore gallina ſuccenturiatos renes conſpexi Spinam inter, & ovarium ſitos. Hoc erat etiam tum parvum, quamvis plurimis ovibus inſtructum, & in hiſ nonnullis paulo majoribus. Summa ejus pars reni quidem ſuccenturiato dextero laxius erat, & per membranas alligata; at ſiniſtro firmitus ipſa per ſe adnaſcebatur. In gallina autem quæ non ita multum ab eo aberat, ut ova ponere inciperet, quæ & alias poſuerat, ovarium ſummis renibus ita laxè junctum inveni, nullo ut negotio diſjungi poſſet; renibus vero ſuccenturiatis ſuprema ſui parte valenter annexum; dextro tamen minus, quam ſiniſtro, cujus facies minimis ovulis erat obducta: quam æque parva tum alibi hic illic per ovarium, tum in hujus remotiſſima ab iſ renibus parte conſpiciebantur. Reliqua erant majora; in hiſ plura jam magna, unumque in primis quod ovi jam jam deſcenſuri dimidium ferme æquaffet. In hac gallina, ut



ut alibi scribam, non sine admiratione, binos oviductus deprehendi. In tertia demum, quæ quotidie pariebat ova, vix renes succenturiatos inveni; usque adeo summis erant ovis, & ovarii partibus obrecti. Summa illa ova erant minima: inter ipsa tamen, eosque renes membranæ quædam, neque eæ tenues, intercedebant; quæ, ut illi prorsus retergerentur, erant prius auferendæ. Ovum autem maximum, & reliqua omnia majora ab iisdem aberant renibus. Cæterum in nulla harum gallinarum filamenta illa vasiformia invenire potui, quæ ab iis renibus ad ovarium, aut ova, vel maxima quidem, pertinerent. Hoc unum animadverti, cum renes illi forma, loco, substantia cum iis quos descripsi (o), gallorum convenirent; molliores tamen, humidioresque, præsertim in prima, atque altera gallina esse visos; in altera autem, & tertia colore quidem flavo, sed longe pallidiore. Cum autem in gallinis haud viderim quod præcipue Valsalvæ observationi responderet; noli putare, id me in aliis avium generibus, ab ipso memoratis, aut omisissis, vidisse. Nam neque in anseris quidquam, nisi ovarium, quod minimis erat ovis instructum, succenturiatis renibus, horumque alteri præsertim, annexum inveni: & in aluco etsi multa pariter in ovario ova, & prope ipsum ad summam renum partem succenturiatos eo colore, eaque forma qua in mare videram (p), deprehendi; non tamen licuit ab his profecta certa illa filamenta conspiciere, quæ ad ova scilicet, aut ad ovarium ferrentur.

32. De fœmina testudine non est quod scribam.

De vipera autem fœmina affirmare hoc possum; renes succenturiatos esse quidem quales in mare descripsi (q), pariterque longiorem ad longius ovarium, longioremque renem spectare (quanquam singuli singulis ovarii breviores sunt, neuterque pertingit ad renes) attamen in duabus certe viperis quas continenter dissecai, prope ovaria potius, quam his affixos, fuisse. Neque enim, si exiguam unius partem excipias, quæ ovario per se adhærebat, ovarii ipsi erant impositi, sed in membranula locati, quæ vinculi instar, inter ovarium quodque, & oviductum ducebatur. Et per hanc quidem albican-  
tia peculiaris quædam vascula promittere videbantur; hæc tamen non ad ovaria, sed ad oviductus tendebant: imò accuratius examinando, censui, furculos esse sanguiferos, in proximo ortos, qui expresso jam sanguine, fallacissime albicarent.

33. Jam vero quod ad mares attinet ex iis generibus animalium quæ perfecta dicuntur; in quatuor castratis porcis succenturiatos renes conspexi prope renes secundum horum latus internum sitos, prælongos sic ut minimi digiti longitudinem ferme æquarent, cum ejusdem apicis crassitudinem non excederent, non omnino teretes, neque tamen omnino depresso, colore extrinsecus pallido illo, sive ad cinereum vergente; qui in plerisque spectari glandulis solet. Hunc eundem colorem in plerisque eorum per universam substantiam vidi, tenui nucleo excepto, qui albidus erat, atque ita compactus, ut ipse, quemadmodum & ren totus, fere comparandus videretur cum quibusdam glandulis, quas in majalibus iisdem consecui, de genere lymphaticarum. In eo nucleo, aliquando saltem, vas secundum longitudinem ductum, venæ simile videre visum. In alio autem, quem transversum secui, illorum renum, in ipso sectionis centro vas conspexi, non manifestum modo, verum etiam pro ejus renis crassitudine magnum. Hoc tres quasi annuli, ut in ea sectione, complectebantur, intimus ex albida substantia, medius ex obscure rubente, extimus ex albida, sed minus quam illa intima. In utraque autem albida substantia aliquid erat admistum coloris levissime subflavi. Nulla præterquam illius vasis, cavea inerat: quod sanguinem, cum premerem, dabat, & secundum longitudinem, cum rene sectum; hujus enim, ut indicavi, axem tenebat; plura in parietibus foraminula ostendebat, indicia radicularum sanguinem invehentium; ut his aliisque rebus permotus, venam esse, non dubita-

rem. In porcellis duobus Indicis renes succenturiati ea erant forma, structuraque, ut cum transversos secares, triangulares tum corticis subflavi, tum nuclei ex fusco rubri sectiones conspiceres. Nuclei axis, cinerei aliquid, sed non in omnibus, habebat. Cavea, cum discerperes; effingi videbatur. Renum summo interno lateri non solum incumbebant, sed hujus partem sinuata ea qua incumbant, facie excipiebant. Si cum renibus conferrentur, magnitudine in utroque pariter insigni præditi erant: & ne forte putes, eos porcellos recens in lucem fuisse editos, alterius saltem in quo hunc quæsi, parvum jam thymum deprehendi. In lepore ab suo rene succenturiati distabant singuli, sed præsertim sinister. Figura ad ovalem, sed depressam, accedebant. Exteriore substantia ex albo subflava; interiore præfusca erant. Domesticis muribus summis renibus, sed ab latere interno, adhærebant, subrotundi, at depressi tamen, exterius modo ex albo flavi, alias ex albo subrubentes, interius autem ex rubro nigri, quo in loco fovea, quæ ante esse non videbatur, facile poterat efformari. In cane potissimum, hoc apparebat, dum cortex attollebatur ex albo subflavus, qui nucleum mollem, & coloris fusci, mediique inter viridem & flavum cingebat. In aliis nucleum ex subrubro fuscum, in aliis quasi cinereum; album autem corticem deprehendi. Hic vero non tenuis est, & corpusculis videtur compingi ejusdem ac ipse, coloris, quæ conferta per tunicam translucent. Ac re quidem vera, cum in uno diligentius inspicerem, ita factum vidi, ut quæcunque ab ambitu ad centrum secarem, particulae apparerent, quasi lineæ parallelæ a superficie ad nucleum ductæ. Cum vero totum renem succenturiatum bisariam secundum longitudinem secuissem; erat enim oblongus; nullam per se quidem inesse caveam, sed distrahendo tamen, facile fieri, animadverti. Tum forte illud subiit, ut cum glandula aliqua ejusdem canis compararem. Itaque bronchiale, quæ sub ipsa prima Asperæ arteriæ divisione occurrebat, non parvam glandulam, & Thyroidæ instar, ex duobus quasi lobis brevissimo isthmo junctis constantem, cinerei, sive albi obsoleti exterius coloris, dissecai. Corticis eandem structuram, ac eundem fere ex subrubro fuscum nuclei colorem quem in succenturiato rene, vidisses; ut ejusdem generis esse, crederes. Mollior tamen erat: & ne distrahendo quidem ulla fovea conspiciebatur. Animadvertit Blasius (r), *venam, arteriamque musculam superiorem, in cane supergredi Renes hosce, & sinum aliquem in iis ad commodiorem situm habere*. Ego vero non id modo, & quidem plerumque; sed etiam haud semel vidisse memini, sinistram præsertim a traducta in transversum vena, inferiori ejus faciei valide adhærente; altiusque appressa quasi divisum in duos, per exiguam communis substantiæ portionem continuatos: & hoc ipsum fuisse, credo, quod Valsalva in cane illa (f) conspexit. Cæterum hi renes solent esse oblonguli, & depressi, nec semper tamen una ambo figura: denique ita locari, ut interno renum lateri a superiore parte respondeant. Sic quoque in vulpe erant positi, & per sanguifera vasa pariter quasi in duos divisi, præsertim sinister. Renibus quidem non erant contigui; sed per membranas tamen pingues connexi. Figura inversam pyramidem, sed truncatam vertice, imitabantur. Exterior substantia ex cinereo albido colore flavescebat; interior ex atro rubebat. Ubi hanc ab illa substantia divelleres; quæ se contingebant, molle quiddam & quasi mucosum, nulla tamen cavea apparebat. Secti in transversum, lymphaticam quandam glandulam referre videbantur. In agno pariter ab ejusmodi glandula non multum sane abludebant, forma quasi ovali, colore intus quoque subrubro. In erinaceis, sive in echinis terrestribus, summo interno renum lateri per membranam adnexi, non ejusdem, ut Segero (t), mihi visi sunt cum Renibus substantiæ, sed cortice ex subflavo albicante obscurior-

(o) Ibid. (p) Vid. n. 29. (q) n. 30. (r) Anat. Animal, P. 1. c. 6.  
(f) Vid. supra, n. 20. (t) apud Blas. Part. cit., c. 15.



rem nucleum includente. Hunc nucleum in majore quodam echino, altero interiore cortice inclusum vidi fusco, cum minus ipse nucleus fuscus esset, talis autem, ut in eo facile cavea videretur posse efformari. Cortex vero ille fuscus, ubi renem transversum secares, subobscurè videbatur compingi particulis, quæ radorum instar, ab ambitu centrum versus contenderent. Hoc unum si excipias; non vidi quid sibi voluerit Blasius (u), cum hos echinorum renes *quasi ex particulis constare pluribus*, scripsit. In alio echino dissecti, primum albi, mox fusci, deinde iterum albi, qui tertius quasi cortex minus multo quam priores, tenuis erat; in nucleis denique, quorum alter visus est excavatus, fusci iterum apparuerunt. Sed in alio, cui oblongos, & teretes fuisse, memini, duos tantum colores, ex flavo albidum in cortice, ex atro sanguineum in nucleo deprehendi. Porro felibus (quantum in pluribus recens natis perspexi) aut subrotundi, aut oblonguli sunt, sed depressi utraque facie, exterius ex albo subflavi, intus ex fusco rubentes, sine ulla, quod videre potuerim, cavea. In glire nostrate, interno & supremo sui quisque renis lateri vicini, cortice dilute carneo aliquid ex atro purpureum contegebant. Postremo in mustela eundem locum obtinentes, & subrotundi, albicante crasso cortice nucleum ex rubro subatrum complectebantur.

34. In fœminis vero echinis, felibus, & cæteris fere, quarum de maribus modo facta mentio est, nihil ferme aliter animadverti, quam in illorum succenturiatis renibus vidisse me, scripsi. Quædam tamen aut fœminarum, aut quorundam corporum peculiaria, aliqua etiam fortasse ob accuratiorem inquisitionem conspecta, in nonnullis adnotavi, quæ continuo subijciam. Indicæ porcellæ a non multo tempore gravidæ ovaria, quæ cum extremis uteri cornibus a dextris quidem ad ultimum intercostale spatium, & huic superpositam costam, a sinistris autem ad costam ultimam per membranea vincula alligabantur, multo succenturiatis renibus minora erant. In lepore iidem contra medium renum internum latus positi, Spinæ, quam huic propiores, forma nucleum pinæ brevioræ æmulantes, cortice crasso ex albo leviter flavente substantiam continebant ex purpureo pallidam. Mures domesticæ sitos supra renes habebant sic ut hos digito deorsum tractos minime sequerentur. In una tamen earum prægnante supremæ, fere mediæ, renum parti annexi erant. In nulla intra ipsos caveam vidi. In omnibus autem latum illud membraneum vinculum, quod ovaria, & extrema uteri cornua alte supra renes eamque viciniam alligabat, primum omnium quæsi, simulque quanta maxima potui diligentia dedi operam ut viderem, an corpus quodpiam subalbicans, quod excretorium ductum referret, ab renibus succenturiatis ad ovaria mitteretur. Verum etsi illud interjectum vinculum ex tenuissima esset membrana, ut si vel fibra aliqua singularis per hanc ferretur, eam in conspectum venire oporteret, præsertim cum explicatam membranam luci objicerem; attamen ne unam quidem fibrillam, aut aliud ejuscemodi neque in prægnante, neque in cæteris unquam perspicere mihi licuit. Eadem tibi ingenuitate fateor, neque in cane contigisse adhuc ut elegans ac peculiare vas viderem, quod in ipsa tamen, nec procul ab renibus succenturiatis, Stenonius (x) viderat. „A testibus uteri usque ad infimam costam, „inquit, videbatur ascendere quasi musculus longus „& rectus, cujus separationem a subjectis partibus „cum molirer, diaphragmæ simul separavi: elegantissimum vas nescio ejus generis a diaphragmate, re- „sta eo descendebat, & in ramulos dividebatur. „At structuram corticis quam in uno cane masculo supra (y) descripsi, in fœmina quoque conspexi: non ita accidit, ut illam quasi divisionem, altius per vasa factam, viderem. In vulpe eorum renum figuram comperi ad cylindrum potius, quam ad

pyramidem, accedentem, coloremque exterius sublividum (nisi forte id erat corruptionis initium) intus ex flavo, viridi, albo mistum in substantia ibi mollißima, valdeque humida, ut facile digitis cederet, & in foveæ cavum conformari posse videretur. Cæterum etsi diligenter inspexi validas & continuas, non inter se distinctas, membranas per quas ovaria, & proxima uteri cornua tum renibus, tum his vicinis imi dorsi lateribus annectebantur; tamen nihil hic magis peculiare, quam in cane, potui reperire. De vaccis autem, & ovibus minus ipse quidem sollicitus fui; cum postquam in utroque genere succenturiatos renes vidisset, eorumque exteriorem formam ex parte indicasset Riolanus (z), in bubulo certe exteriora, atque interiora late descripserit Whartonus (a). Attamen in vitula (quantum in fœtu videre potui) intimam partem cavam; nisi id cavum vasis erat alicujus; crassa ex albo pallida substantia, hanc autem rubra, quæ ad ambitum erat, cinctam memini conspexisse. In glire fœmina, non, ut in mare, vicini renibus, sed ab his erant superiora versus satis remoti sic tamen ut renum lateri interno responderent, intra adipem ferme conditi, pene subrotundi; exterius, ut renes, subrubri. Cum in transversum dissecuissem; sectiones sub cortice albedo annulum ostenderunt ex atro rubrum quo nucleus albus continebatur, sine ulla cavea quæ obvia esset, aut posse facile efformari videretur. In alia eandem pariter structuram vidi. Denique in talpa sui quisque renis superiori internoque lateri adjacebant, forma ad ovalem accedentes, albicantes, ut Borrichius ait (b), & minuti: quæ causa fuit, ne interiora scrutaremur.

35. In ipso autem homine si forte quæreres, quid de antiquiore illa observatione censeam quam neglexisse postea videtur Valsalva (c); respondere, vas illud quod vidit influens in venam emulgentem, aut aliam venulam, aut lymphæ aliquem ductum fuisse. Docuit enim Joannes de Muralto (d), *lymphatica vasa, a glandulis renalibus sive succenturiatis orta, per renum pinguedinem disseminata, quandoque emulgentem venam attingere*. Quanquam non me præterit quod subjecit, *eorum liquorem versus sacculum & ductum chyli ferum facile urgeri*: esse autem lymphatica hæc vasa, a renum glandula orta, *admodum numerosa & diversis in locis confita: eaque sæpe cum Discipulis suis se observavisse*. Nec me fugit, tum Cel. Heisterum (e), aliosque confirmavisse, *renum succenturiatorum vasa lymphatica esse multa*, tum Cl. Theichmeyerum (f) esse testatum, *vasa lymphatica duplici generis (id est alia quæ invehunt lympham ex diversis partibus inferioribus ad hos renes adscendentem, alia illam iterum evehant, & ad chyli receptaculum devehant) se plus vice simplici in fœtu observavisse, aliisque insimul demonstravisse*. Quin huc referri posse, arbitror, ductus quosdam, sive quos olim inter hos renes, & Lumbares glandulas Billius (g) agnoscebat, sive quem ætate hac nostra, ab iisdem renibus succenturiatis ad receptaculum chyli tendentem memoravit Cl. Kulmus (h). Sed huc certe attinet tum vas lymphaticum, ut Swammerdamii diligentia in conspectum tibi dederat, sic a Blasio (i) delineatum, quod ab iis renibus ad idem receptaculum contendit, tum duo lactei rami insignes, ab Hornio (k) picti, ita alterum eorum renum adeuntes, ut cum ipso communicare, suspicaretur, ob arcum cum illis nexum, qui citra ruptionis certissimæ metum disjungi nequit. Quod si addas, eidem reni subijci in cane Cisternam chyli; si cum Præcl. Fantono (l) adjungas, eundem aqueum humorem qui e bovis glandulis conglobatis, e compressa pariter ejus renum succenturiatorum substantia exprimi; si demum adjicias quod supra (m) in bestiis quibusdam, & nominatim in sue, vulpe, agno (ut canis prætermittatur) jam scripsimus, infra autem (n) in muliere, viroque scribemus, hos renes dissectos lymphaticas glandulas repræsentasse; facile credes, his omnibus satis instructum fore quicumque vellent opinionem confirmare Christiani Ludovici Welschii (o), qui cum succenturiatos renes censuit a sanguine

(u) Ibid. (x) Apud Bartholin. in Act. Hafn. Volum. 2. Obs. 88.

(z) Animadv. in Bartholin. l. 1. c. 18. & Anthropog. l. 2. c. 26.

(b) Apud Blas. Anat. Animal. P. 1. c. 35. (c) Vid. supra, n. 21.

(e) Compend. Anat. n. 220. (f) Elem. Anthropol. c. 27.

(h) Descript. Anat. fœt. monstr. Sect. 1. n. 15. (i) Append. ad Vesling. Part. 25. Tab. 24. Fig. 8. litt. O.

(k) Nov. Duct. Chylifer. (l) Anat. corp. hum. Dissert. 7.

(m) n. 33. (n) n. 39. & 38. (o) Exam. Ren. Succent. n. 19.

(y) n. prox. super.

(a) Adenogr. c. 13.

(d) Ephem. N. C. Dec. 2. A. 1. Obs. 162.

(g) Vid. apud Ruyfch. Dilucid. Valvular. in vaf. lymph. c. 1.

(j) Append. ad Vesling. Part. 25. Tab. 24. Fig. 8. litt. O.

(m) n. 33. (n) n. 39. & 38.

(o) Exam. Ren. Succent. n. 19.



serum secernere per aqueductus jam olim a Cl. Bilfo observatos --- in communem horum vasorum terminum, chyli nimirum receptaculum, deveniendum; hos renes lymphaticis glandulis accensendos esse, indicavit. Neque huic opinioni, si cætera sinerent, plurimum fortasse obstarent quæ aut de tot renum eorum nervis Valsalva etiam noster (\*), aut de eorum cavea alii adnotavere. Namque, ut animadvertit Joannes Zellerus (p), glandulæ conglobatæ copiosissimæ sunt nervis instructæ: & in medio quarundam glandularum conglobatarum est cavitas, in aliis sunt interstitia solum notabilia, ut --- in pituitaria --- observatur, & eadem Steno, Græsius, ac Loffius notarunt.

36. Nolim existimes, hæc a me eo scripta, & commemorata esse, ut ex parte aliqua id confirmem quod in *Adversariis* III. (q) attigi, cum ex admirabili renum succenturiatorum in fœtu magnitudine, eorumque sede prope chyli Receptaculum, ductusque Thoracici initium alicui in mentem venire posse, credidi, illos, non tantum per lymphæ ductus continenter lympham in hæc mittere, sed ob ejusmodi utilitates mittere, quæ, ut ibi ostendi, fœtui præcipue opportuna esse videantur. Nam etsi id cogitatum, longe illius dissimile quod fuisse postea vidi Io. Christiani Wolfen (r), quantumvis idem fere quod ego & ponentis, & spectantis; etsi, inquam, id cogitatum apud Doctos Viros, & nominatim apud Gulielmum Rutty (s), qui cum viveret, merito a secretis erat Regiæ Societati Londinensi, multo mea spe, atque adeo expectatione felicius fuit; cave tamen credas, me propterea oblitum esse, id a me qualiscunque exempli potius, quam conjecturæ proponendæ gratia, fuisse indicatum. Imo sic habeas, velim, cum antea satis veri simile, nunc autem illis insuper additis quæ paulo ante (t) memoravimus, multo alicui veri similis videri posset; me tamen studio veri permotum, non secus de illo, quam de propositis ab aliis renum succenturiatorum usibus existimare propterea quia ne in eo quidem illud invenio quod in his jure a me desiderari, cum supra (u) indicatum est, tum infra (x) planius demonstrabitur.

37. Nunc enim eo redeundum mihi est, quo instituti hujus ordo revocat, ut meas eorundem renum in hominibus observationes exponam. Et primum de fœtibus duobus, quos olim dissecui, sexus virilis, quadrimestribus vel quinquemestribus, unus manifestam caveam in iis renibus ostendit, cujus parietes erant ex violaceo coccinei, ex hisque per paucos humor exprimi poterat ejusdem coloris. Alter vero intra eorundem renes ex atro rubentes caveam quidem habere visus est sic tamen ut ob eorum molliorem dubitarem. Sed nullam postea veram caveam videre potui in tertio fœtu sequioris sexus, & ejusdem fere temporis: nullamque pariter in duabus gemellis, post sextum mensem per abortum ejectis: nullam in fœtu masculo septimestri, vel potius majori: nullam in fœmineo octimestri, duobusque aliis ejusdem sexus, novimestri altero, altero ejusdem temporis credito, in quibus id minus miratus sum, cum hic eos renes teneriores & facile disrumpendos, alter proportionem non majores haberet, ut supra (y) etiam dixi, quam si fœtus non fuisset. Huic, quamvis contracti, non ex fuscis tamen erant, sed humidi, & cortice ex albo subflavo nucleum ex atro coccineum ambientes. Eundem intus in mollissima substantia colorem, sed variegatum, & sub cortice albido, in octimestri illo conspexeram, in quo & illud fere quod in quibusdam canibus descriptum est (z), & in nonnullis quoque hominibus adnotatum video a Præstantissimo Winslowio (a), meminî animadvertisse, faciem anteriorem utriusque renis succenturiati altiusculo obliquoque sulco quasi in duas partes divisam per quem sulcum vas sanguiferum ducebatur. Multo arctior in gemellis fuscus & oblongus nucleus substantia cingebatur albida, quæ in ipsa superficie sanguineis punctis distincta erat. Et in his quidem, ut dixi, fœtibus nullam potui caveam quæ vera esset, offendere. Sed aliter in duobus aliis, septimestri videlicet, ac novimestri res olim se obtulerat. Siquidem in hoc cavum erat amplissimum, ut hos totos renes

occuparet, quod in uno præsertim, non fuscis, sed coccineis intus parietibus continebatur: eademque fere amplitudine cavum deprehendi in altero saltem quem dissecui, rene fœtus septimestris. Postremo de novimestribus duobus alter intra horum renum substantiam rubentem ex albo, aliam exhibuit ex atro rubentem, adeo autem mollem, ut parietes, vel si disjuncti non essent, facile disjungi posse viderentur: alter vero, quem & masculum, & in partu mortuum fuisse, meminî, cum eisdem renes haberet ambos pariter succosos, omni autem superficie, quod & in aliis, certe in quibusdam potissimum, animadverti, fere instar cerebri, anfractibus inæquales, in altero quidem eorum ostendit solidum ex atro rubentem nucleum sic ut nulla ratione inveniri cavea, secando, posset; in altero autem magnam intus caveam, cujus interni parietes osculis hic illic nonnullis quæ venosa videri poterant, pertundebantur. Attamen in hoc ipso, aliisque fœtibus quos commemorare prætermitto, subinde dubius hæsi, cavum invenissem, an ex parte saltem aliqua fecissem.

38. Qua in dubitatione quam sæpe fuerim in adultorum quoque succenturiatis renibus persecandis, ex iis quæ in viris quatuordecim, mulieribus undecim observavi, cognosces. Simul intelliges, cum rara in fœtibus eorum formæ, & amplioris magnitudinis varietas sit, quàm crebro hæc in adultis hominibus occurrat. Sexaginta ferme annos natus magnitudine habuit mediocri, figura folii cujusdam oblongi, cortice, si in sectionibus inspiceres, ita flexuoso, ut corrugati & in se contracti, ob longam videlicet hominis ætatem esse viderentur: quanquam; ut verum fatear, in aliis senioribus non sic meminerim conspexisse. Is cortex erat subflavus, nucleus obscuri coloris; solidus uterque, nisi qua vena non tenuis magnam interioris substantiæ partem, in qua penitus erat condita, percurrerat. In altero fene oblongi & parvi; sic factis tamen succosi. Nulla intus cavea, nisi quod in uno parva erat quædam, lævis, & quæ venæ esse videretur. Cum sectiones spectrales; subatram ad centrum substantiam, in ambitu albida corpuscula, & quasi granula alia sphærica, alia ovalis formæ te crederes intueri. Sic etiam in septem, aut octo viris, quorum uni hi renes mediocri fere magnitudine, ad circuli figuram magis, quam ad aliam quamvis accedebant; plerisque autem cæterorum, oblongi erant, sed forma tamen haud rarissime dexter, sinisterque inter se dissimili, cum in quodam unus dumtaxat esset fere quadrangulus; in alio vero alter angustus & prælongus; alter latior & brevior, magnitudine uterque propemodum pari: sic, inquam, in hisce, uno excepto, omnibus cortex, quacunque secarem, ex particulis apparebat factus in alio candidis, & confertissimis, substantiam coloris obsolete subflavi distinguentibus, in alio albidis, in alio ex albo subrubentibus, in aliis ex albo subflavis: hæc, in nonnullis præsertim, magis disjectæ, & substantiæ fusci coloris interjectæ, vel extrinsecus inspicendo, se prodebant, per tenuem renis peculiarem tunicam translucens. In horum aliquo etiam interius utramque substantiam per oblonga strata alterne dispositam inveni, fuscam videlicet, quæ mollis, & albam, quæ firmior ac densa erat. Hæc in quibusdam, & præsertim in duobus, cum sani essent, intersectis, non alba, sed flava, neque in strata, collecta, sed huc illuc dispersa conspiciebatur. His omnibus certa in iis renibus cavea nusquam erat; nisi quod uni tamen, aut alteri quidpiam cavi inerat, venæ instar latiusculæ; sed vena esse non videbatur. Tota parte reliqua nucleis, sive stratum cortice inclusum, fuscum, atrum, aut subatrum ex flavo, ubi transversum discinderes, solidum omnino apparebat; sed ita erat molle, ut corticem hinc & hinc distrahendo, ipse quoque nucleis nullo negotio in duo strata divulsus, caveam ante comprehendisse videri posset. Idem fere & in reliquis eorum, & in aliis accidebat, præsertim in quodam cujus renes succenturiatos forma dissimili, sed utrumque tamen oblongum, cum secundum longitudinem incidissem, & ob nucleum certa ratione ex fusco rubentem, lymphaticas glandulas

(\*) supra, n. 23.

(p) Dissert. de vas. Lymph. administr. c. 1. n. 6. &amp; 7.

(q) Animadv. 31.

(r) Epist. Anat. Probl. II. de Glandulis.

(s) Treat. of the urin. passag. Sect. 1.

(t) n. prox. super.

(u) n. 13.

(x) n. 48. &amp; 50.

(y) n. 11.

(z) n. 33.

(a) Expos. Anatom. tr. du bas ventre. n. 443.



dulas æmulari conspexissem; in altero quidem nullam, sed in altero magnam caveam vidi, quæ, interdistrahendum, se se prodebat, cujus parietes minime atri, nec valde fusci, ut in aliis quibusdam inveneram, illum potius quem a castanea appellant, colorem notissimum referebant. Non parvi erant hi renes: ut neque illi quos in alio, abnormi figura, sed ad oblongum tamen trapezium accedentes conspexi. Quorum unum cum leviter secuissem; cavea per se inesse visa est.

39. Ut alia in aliis viris; sic alia, & iis tamen respondentia, in aliis mulieribus deprehendi. In sexagenaria flexus quasi contracti in se corticis apparebant: isque particulas ex albo flavas extrinsecus aspicientibus ostendebat; quales, sed nonnihil etiam rubentes, per substantiam ex rubro fuscam exterius, interiusque huc illuc disjectas in altera fœmina conspexi, quæ minimos renes succenturiatos habebat. In illa utrumque cavum vel ante sectionem habuisse videri poterat. Non sic in vetula, in qua laxissimi cum essent, etsi in transversum dissecti, continuo cavi apparuerunt; tamen ne fallerent, veritus sum: quod magis sum veritus in muliercula, oblongos & triangulares habente, propterea quod vix tacti, ubique caveam ostenderunt parietibus quasi castaneæ colore infectis. Neque nimia solum mollities & laxitas, sed & subinde in aliis mulieribus instituta alterius cum altero comparatio in ea medubitatione confirmavit; ut in quadam percusso capite mortua. Erat huic sinister longior, quam latus; dexter ad quadrati formam magis accedebat. Quos cum secuissem; ille sub cortice subrubro fuscam substantiam, atque intra hanc album nucleum ostendit sic quidem ut tota sectio dissectam aliquam lymphaticam glandulam referret. Huic similis fuit sectio dexteri; nisi quod albi nihil erat. Sed in illo, ni divelleres, nulla cavea apparebat: si divelleres; facile in substantia præsertim fusca, quæ mollior erat, efformabatur. Contra in dextero magna ultro cavea se ostendebat, humecta adeo, ut ante fuisse videretur. In altera quoque cum succosi ambo oblongique essent, neque usquam alter quidquam cavi obtulisset; alter mihi cavum obtulit, quo non paucus nigricans humor continebatur: qualem in hoc dumtaxat rene, & fortasse in utroque unius fœtus perspicue videre mihi contigit; cum Petruccius (b) in omnibus omnino corporibus aliquam ipsius portionem aut magnam, aut parvam ab se repertam esse, scripserit. Denique in anicula quæ in utriusque renis succenturiati altera facie oblongam quandam & singularem prominentiam habebat, intra alterum eorum non magnam quidem, sed certissimam caveam deprehendi, quippe quæ lævi intus & subalba membrana cingebatur; in altero autem ejusmodi caveam non vidi; imo animadverti quod etsi facile in utroque, internam fuscam, quasi granosam, & valde sequacem diducendo substantiam, quantavis cavea effici poterat; hæc tamen lævi illa membrana cincta non erat. Cæterum in una, itemque in altera ante a me cavea reperta est, non in uno tantum, sed in ambobus, atque illa ejusmodi ut fuisse antea videretur. Namque in prima, erat superficie humida, intra corticem neque flexibus quasi contractum, neque corpusculis distinctum: forma hi renes accedebant, ut in aliis interdum vidi, ad circuli segmentum. In altera autem vetula ut figuram oblongiorem, sic intus cavum secundum longitudinem ductum habebant oblongum, arcum, venæ simile, eoque magis, quod lævis qua succingebatur, membrana alicubi, ut venarum parietes, foraminulis pertusa erat. Num autem præter venæ cavitatem, aliæ in renibus succenturiatis agnosci debeant, interea poteris, ut ex nonnullis paulo ante expositis observationibus, ita etiam ex his quæ sequuntur, conjicere. In muliere annos quadraginta nata, post longas capitis affectiones mortua, figura erant hi renes naud facile definienda, oblongi quidem; ejusmodi autem substantia, nullo ut negotio ita paries a pariete diduci posset, ut cavum interfuisse videretur; quod tamen alicubi reapse erat: ibique, & alibi passim in sic resecta interiore superficie inæqualitas erat a minutis tuberculis quæ secundum naturam esse videban-

Morgagni Epistolæ Anatomicae.

tur, color autem ex subflavo & subatro mistus: nihil intus atri humoris. In virgine autem, non multo plures annos nata, & a gravissimo ictu capitis intra dies ferme viginti demortua, magnam in his renibus caveam vidi, quæ parietibus continebatur fere atri coloris, extantibus tamen hic illic humilibus quasi tuberculis subrotundis ex albo rubentibus. Quos parietes cum aqua macerasssem; discindendo postea, visus sum perspicere factos ex particulis, seu mavis lobulis ferme subrotundis. Cæterum ut non semper in exteriore superficie corpuscula, seu granula illa conspexi; sic neque semper ea minuta tubercula in hac interiore, quam; nec ita raro; non modo non granosam, sed æqualem, atque adeo lævissimam offendi: ut ex his etiam quæ protinus subjiciam, intelliges.

40. Hactenus quidquid in succenturiatis renibus perspicere dissecando potui, candide ac simpliciter expositum est. Nunc quid, aerem quoque injiciendo, & destruenda, & de cavea animadverterim, adjicietur. Nam vel propter eas quas supra (c) attigi, Petruccii, atque aliorum de valvularum obice in venis huc pertinentibus longe discrepantes observationes, quid & mihi idem tentanti accideret, in duobus volui cadaveribus experiri. Virilis sexus utrumque fuit; neutrum juvenile, neutrum longo morbo consumptum. Primi igitur sinistro reni succenturiato vulnusculum infixi eo usque ut pervenire ad caveam potuisssem, intelligerem. Tum aerem per illud immittens, vidi continuo & venam quæ ad eum renem pertinebat, & Emulgentem in quam hæc, & Cavam in quam Emulgens tendebat, ab aere attolli. Qui mox vicissim, cum per ejusdem renis venam injiceretur, per vulnusculum illud prodibat. Dexterum autem prorsus intactum, per suam dumtaxat venam immisso aere distendere aggressus sum: quod illico tam feliciter successit, ut secundum omnes dimensiones, præsertim vero secundum altitudinem, & crassitudinem, turgens, simulque anfractibus inæqualem superficiem ostendens, non senis amplius, sed fœtus alicujus ren succenturiatus esse videretur. Si distentum comprimeres; aer per eandem per quam subierat, venam redibat.

Quæ in hoc dextero spectavi, eadem (ne multis te morer) in utroque alterius cadaveris conspexi; nisi quod dexterum, ut aliqua ex parte fortuito antea laceratum, non æque potui distendere; neque ex his, comprimendo, tam prompte per venam egressus est aer, quam introiverat: egressus est tamen; ut nulla fuerit dubitatio quin venæ semita non modo ad fubeundum, verum etiam ad redeundum satis pateret. Tunc placuit intra hos renes venam persequi, per quam aer ultro citroque meaverat, si forte ipsum ejus truncum deprehenderem, cum inclusa cavea, ut quidam innuunt (d), communicantem. Is propius alterum eorum extremum se infigebat, vixque ipsum attigerat, cum minores in ramos divisus, quorum pars per superficiem ipsam replebat, ita se extenuabat, ut facile non esset perspicere, quæ ratione intra caveam pateret. Itaque conjeci, per ramulos potius id fieri complures quidem, sed tenues. Cum enim turgentem incluso aere succenturiatum renem suspensa manu inciderem, etsi tunicam, corticemque jam pene totum scalpelli acies pervaserat; nihil tamen ille visus est ob id vulnus detumescere. Statim vero atque ad caveam ventum est, illico universus detumuit.

41. Hic quæres facile, quomodo caveam, postquam sic aere expansa fuerat, constitutam invenerim. Dicam, si prius quemadmodum se habent exteriora, indicavero. Nullius horum quatuor renum superficies ante aeris injectionem apparuerat inæqualis; vix in uno, quidam quasi fulcus esse visus, quem frustra, non secus ac oblongam protuberantiam quandam interdum animadversam, in aliquot aliis vel nuper quæviseram; hæcque alias si in dextro videram, haud raro in sinistro memini ejusdem corporis defuisse. Per tenuem lævemque tunicam alicubi translucebant, in duobus horum, quasi corpuscula albida & subrotunda: quæ in duobus alterius cadaveris, quod pinguius erat, nusquam se obtulerunt; sed erat perpetuus (vel intra corticis substantiam) ubi-

O o

ubi-



ubique color ex albo levissime subflavus, qui in altero dilute carneus inter ea corpuscula occurrebat. Nullius cortex cæteroquin, minutis particulis compactus, secando, videbatur. Intra corticem nucleus fuscus, neque ulla usquam cavea apparebat, nisi qua parte aer aut novam fecerat, aut hanc quæ erat, magis diduxerat in eo quidem rene quem, ob inflatum a me vulnus, totum distendere non potuerat. Illum vero quem nonnihil laceratum fuisse, dixi, ut aliquanto magis distenderat, sic nucleum duas in lamineas secundum longitudinem divisisse videbatur, non æquales tamen, sed alteram altera crassiore. In reliquis autem duobus quantum intus loci inerat, tantundem ferme in caveam explicaverat. Hujus superficies cavæ in cadavere quidem utroque humidula, sed in primo non granosa, quamvis fusco, & subalbicante colore variegata; imo passim perquam lævis. In altero fuit ex fusco sanguinea; hæc autem, vix horam in aqua macerando, & deinde leniter abradendo, manifestius ostendit albida quasi corpuscula, aut granula. Quod si eas nuclei partes quas aer non diduxerat, levi digitorum motu ipse diducerem tum in his duobus renibus, tum in iis quos minus aere inflatos fuisse, dictum est; cavæ etiam sic a me factæ, aut potius amplificatæ, non alia erat superficies, quam illius quæ ab aere ipso in cæteris unius ejusdemque renis partibus facta jam fuerat, ut comparando internoscere non liceret. Cum hæc attentius inspicerem in eo quidem rene alterius cadaveris quem aer magis distenderat, inexpectata res se obtulit, unde fortasse, modo alias respondeat, quid nucleus sit, & quam facile in caveas multiplices diduci possit, & quod consequitur, quam sit, aut fieri queat ampla interior Partium harum superficies, elucescat. Scilicet internam cavæ faciem compositam vidi ex compluribus oblongis lamellis, seu mavis altiusculis rugis, secundum renis longitudinem fere ut in Ruminantium omaso cernimus, collocatis, quarum aliæ aliis impositæ, facillime attolli, ac diduci poterant, quippe nullo, quod tunc animadvertere licuerit, vinculo inter se colligatæ. Quæ cum vidissem, iterum in manus sumpsi alterum ejusdem cadaveris succenturiatum renem; eamque nuclei laminam quam crassiore fuisse dixi, in lamellas dissolvere aggressus, non difficile in nonnullas dissolvi: quod cum facerem, filamenta quæ aliam alii annectebant, conspexi. Ea fuisse in altero disrupta, credibile est, ut quem multo magis, penitusque aer distenderat. Certe olim quoque cum horum parietes renum diducendo, ibi caveam ubi per se esse non videbatur, efficerem; nonnunquam ejusmodi fibras aliquas subobscurè vidisse memini, quin etiam in uno quodam interjectas, quæ, diducendo, abrumperentur, membranas. In priori tamen cadavere, cum idem facerem, cumque ab nucleo corticem sensim dimoverem; nihil ejusmodi videre potui: foliacea autem quam descripsi, interior structura esset, an non, ne quævisi quidem, cum videlicet nondum mihi quidquam de illa se obtulisset.

42. Ex quo autem primum se obtulit; semel, iterum, tertio dedi eadem ratione operam, ut eadem mihi in conspectum veniret; sed frustra dedi. Et minus quidem in primis quorum tunc copia facta est, succenturiatis renibus non successisse, miratus sum: nam qui ex cadavere sumpserat, nonnihil forte laceraverat; ut tametsi aere pluries immisso, confestim pluries distenderentur, mox tamen, ipso evadente, detumescerent. Multoque etiam minus in alteris, qui alioquin erant undique, cum proximis Partibus, plane integri, mirandum credidi quod res minime respondisset; sed illud potius mirandum, quod eos vel sæpius adactus aer, quantumvis secundum naturam se habentes, ut videbantur, & certe molles, nullo tamen modo tumefaceret: erant ii ex viro quem ebrietati superveniens aphonia intra quatrimum confecerat. Verum neque in tertiis, quamvis & integris, & sanis, & confestim, ac facile ab injecto aere omnino, bis terque distentis, plus tamen de cavea, nedum de foliacea illa structura compèri, quam in alteris qui nunquam, ut dictum est, distendi potuerant.

Scilicet in utrisque exterior corticis superficies flava per tenuem qua obtegebatur, membranam sic translucebat, ut per se in multiformes areolas, seu mavis exiguos lobulos videretur distincta: quos etiam per corticis crassitudinem, quæ erat mediocris, disrumpendo melius quam secando internoscere te crederes; tota enim minutis frustulis compacta apparebat, singulis ab exteriori corticis facie ad interiorum pertinentibus. Inclusus cortice erat nucleus, quem in hisce ultimis dissectionibus, ita uti Cel. Winslowius (e) solet, a cortice sejunxi. Figuram sic referebat totius renis succenturiati, ut quæ hic forte erat prope superiora inflexus, nucleus quoque ibidem ad eundem modum se inflecteret: tamen secundum omnes dimensiones ipso erat multo minor, & ad convexam oram pertenuis, crebrisque ibidem in locis quasi deficiens, & inæqualis. Totus ex substantia albi obsoleti coloris, eaque subdura, densa, uniformi, nihil mihi quidem usquam ostendente non modo lamellarum, sed neque folliculorum, neque granorum. Ut plurimis in locis, quemadmodum ex dimensionum indicata imparilitate facile intelligis, ejus oræ ab oris distabant renis succenturiati; sic iis in locis non difficilius erat dividere eam partem corticis quæ anteriorem faciem tenebat, ab ea quæ posteriorem, quam in reliquis fere omnibus locis partes corticis reliquas ab ipso nucleo, intercedente ubique pariter levi fuscoque quasi madore. Quæ divisio dum sensim fieret; neque manifesta filamenta apparebant, neque cavum ibi per se antea fuisset, an non fuisset, intelligi pro certo poterat. Præter hanc quam descripsi modo, nullam aliam videre structuram licuit, etiam in puram aquam has Particulas conjiciendo, per eamque transpiciendo; ut qui foliaceam illam facile adeo & præclare videram, satis mirari non possem, neque minus quam ego, Nicolaus Mediavia, qui ut illis prioribus, ita his quoque posterioribus interfuit perquisitionibus, promptus mecum & paratus, si forte in altera Particularum harum eadem illa structura paruisset, continuo ad omnes quæcunque cum altera communicassent, venas obligandas, ut distentam aere, postquam siccata esset, incideremus, eaque etiam ratione perlustraremus. Sed hæc alias fortasse. Nunc de venæ trunco quæ aliter in his postremis quam in illis prioribus conspecta sint, non feticabo. Neque enim confestim, ut in illis (f), in ramos gracilescebat minores; sed antequam id faceret, secundum renis longitudinem, & per hujus ferme superficiem, nec brevem, in sinistro præsertim, ad tractum pergebat: ubi si truncum aperires; foraminula quidem hic illic, tenuissimorum furculorum indicia ad interiora pertinentium; nullum tamen crassiusculum ramum perspiceres. In dextero multo citius; quod & alias vidi; truncus ipse ad nucleum pergebat, in eumque se inferebat; certe eidem arctissime hætebatur. Ex his, aliisque omnibus quæ ut vidi, sic tecum hæcenus communicavi, etsi ipse quoque intelligis, neque me satis mihi fecisse, neque ideo absoluta, & certâ ad hoc tempus proferre posse; tamen, si quid mihi interea sit colligendum, eo potius inclinatur animus, ut plerumque saltem, plures & minores caveas, tenuium membrularum, laxæque substantiæ nexibus disclusas, quam ut unam perpetuam, eamque amplissimam, hisce includi Partibus censeam: illas autem caveas credam inter se fortassis, certe cum venarum radicibus communicationem habere.

43. Placet extremo loco observationem subicere, ex qua aliquid singulare, si non de interiore structura, at de numero certe renum succenturiatorum intelligas. Et olim quidem res minime rara videri poterat, ipsos numerum binarium excedere, cum Piccolhominus (g) eos, scripsisset, *glandulas duas esse, vel plures, supremis renibus incumbentes*, Veslingius autem (h) confirmasset, *plures, minoresque glandulas, venis & arteriis suis instructas, Renalium æmulas, circa renum vasa quandoque Naturam disponere*. Verum ex quo admoneri cœpti sunt Anatomici, ne glandulas conglobatas, quales omnino in aliis quoque corporis regio-

ni-

(e) Exposit. Anatom. tr. du bas-ventre, n. 437.

(f) n. 40.

(g) Anatom. Prælect. l. 2. Lect. 23.

(h) Syntagm. Anat. c. 5.



nibus visuntur, cum his confunderent, neve easdem prorsus crederent; non modo probatus est Diemberbroeckius (i), qui has *numerum binarium rarissime excedere*, non immerito pronunciavit; sed illa peryulgata Thomæ Bartholini (k) observatio, in qua pinguntur quatuor, & describuntur, ipsa in dubium vocata est ab Jo. Philippo Eyselio (l): quo gratiorem tibi sperare possum hanc nostram fore, in quam, ne ulla ejusmodi dubitatio caderet, diligenti inspectione atque examine cautum est. Anno 1733. in muliere quinquagenaria, cujus cadavere, ex hoc Nosocomio accepto, ad Publicam Anatomen utebamur, cum ren uterque succenturiatus, si cum mulierculæ præsertim statura conferretur, grandior esset; dexter tamen sinistro erat aliquanto minor. Ad dexterum arteria, a Magnæ trunco supra Emulgentes profecta, tres fere transversos digitos, si extenderetur, longa, ferebatur. In medio hoc spatium eidem adhærebat arteriæ ren tertius succenturiatus, a dextero omnino sejunctus. Parvulus erat, vix ut quartam dexteri partem æquaret. Forma ab hoc, itemque ab sinistro, non substantia naturaque discrepabat. Cum enim dexter ferme quadratus, sinister abnormis, oblongusque esset; hic tertius ad trianguli figuram proxime accedebat. Sed dissecti, eundem omnes substantiæ modum ostenderunt, structuramque, & colores ut externos, sic internos, quales supra, in plerisque succenturiatis renibus descripsi: nec denique in sanguiferis vasis quidquam præterea fuit quod peculiari commemoratione dignum sit. Tres hosce renes in Gymnasii Theatro, raritatem observationis præfati, IV. Kal. Februarii demonstravimus. Nec certe in tot hominum, bestiarumque cadaveribus id alias vidisse, imo ne legisse quidem meminimus ab aliis visum; si Bartholinum, de quo paulo ante indicatum est, & Molinettum (m) excipias, quorum uterque (id quod magis mirandum est) & Patavii pariter, & in muliere conspexit. Ille præter duos qui passim inveniri solent, totidem minores, infra omnes ferme ramos (nam plures a dextris erant) Emulgentes invenit. Hic eosdem renes a parte dumtaxat sinistra ostendit duplices; supra, & infra.

44. Sed rem præterea animadvertit quæ, qualiscunque reapse fuerit, non est a nobis, hæc ad Valsalvæ Dissertationem addentibus, dissimulanda. Quæ utinam tum diligentius examinata, ac descripta esset. Verum cum Molinettus nihil usquam ipse, quod sciamus, de tota illa observatione scriptum reliquerit; nos verba ex *Mantissa Anatomica* (n) Joannis Rhodii, qui quæcunque in hac tradidit, ea a *se summorum virorum ductu* --- oculis observata fidelibus testatus est, describere pergemus. *E fundo succenturiati inferioris*, inquit, *ductus in testiculum ferebatur*. Hunc qui in ovarium tendebat, ductum non dubito fore qui censeant, aut arteriolam quampiam, aut nervum fuisse. Nam ipsum quoque Valsalvæ ductum Cl. Ranbyus (o) credidit ad illas quas supra (p) commemoravimus, ab se descriptas arterias Spermaticas; Cl. autem Herm. Frid. Teichmeyerus (q) ad *ramum pertinere quendam nervosum*, a se observatum, a *plexu nervoso abdominis ad epididymides tendentem*. Quorum uterque si Valsalvæ Dissertationem antea perlegere potuissent; ut ex hac intellexissent, ea quæ in gallis viderat, ipsum potissimum attendisse; ita non dubito, quin etiam si in iis deceptum existimare voluissent; tamen qua sunt ambo diligentia, solertiaque, judicassent, si forte aliquid humani Summus Anatomicus passus esset, neque illi nervum, neque arteriam, sed longe aliud canalis genus quod revera in gallis semen veheret, imposuisse. Cujus autem generis fuerint quas olim in homine propagines, & quæ in vitula vasa (r), & quod in cane indicium canalis (s) vidit, aliæque ejusdemmodi, quemadmodum & ductus ille a Molinetto, & Rhodio observatus, neque pro certo dixerim, cum multa omnes in Naturæ arcanis ab-

Morgagni Epistole Anatomice.

dita latere, fateamur, neque dicere, quod ad Valsalvæ attinet, necesse est, qui nimirum alia eorum quid essent, quantum memoria ferebat, conjectit, alia amplius quærenda, & definienda seposuit, nulla argumenti præcipui loco habuit ad eum ductum proponendum, de quo hanc nobis Dissertationem reliquit.

45. Cæterum, quod ad responsum attinet a Valsalva eodem excogitatum (t), ut quod ipse ex suo exsecti renis experimento inferebat, adversus nostram tueretur dubitationem; non modo illud laudo; sed eo etiam magis confirmo, quod supra (u) cum Veteribus Eustachioque posui, ut arteriæ, sic venæ Spermaticæ ramusculos esse plures, passim ad viciniam pertinentes, quos quidem facile cum proximis aliis venis communicare posse reor. Me tamen duo omnino acquiescere non sinunt. Alterum, id responsum si pro teste valet, pro rene etiam succenturiato valere; ut minime oporteat, qui illo utitur, eundem sanguiferorum hujus renis vasorum ligaturam memorare, ut ab ea quoque hujus ipsius renis læsionem deducat. Alterum, priusquam ramusculi illi, cum proximis venis communicantes, ita dilatentur, ut omni qui a teste redit, sanguini reducendo sint pares, difficile esse, magnam hujus partem in testiculo non subsistere, præsertim cum, obligata arteria Emulgente, multo majorem sanguinis copiam in vicinam Spermaticam influere, oporteat, eoque magis, si propter alterum mox ademptum testiculum, paucior sanguis a compari Spermatica excipi jam possit: atque ideo difficile esse, subtilissimam, eandemque mollissimam, in tennello præsertim catulo, testis structuram detrimenti aliquid non capere; neque enim est hæc cum musculosa artuum decurtatorum structura comparanda, aut usus cum usu conferendus; cum per exigua seminis particularum mutatio hoc reddere possit infœcundum. Quæ cum ita sint; neminem fore arbitror, qui non agnoscat, longe aliud pondus habiturum fuisse experimentum in quo pro rene, succenturiatus ren exsectus fuisset sic quidem ut cane post annos aliquot occiso, inspectoque, nihil in ea exsectione læsum esse, constaret, unde vocari in dubium experimenti vis posset.

46. Nunc ad ea quæ pro Valsalvæ sententia sunt (x), transeamus. Si quod Eustachius docuit (y), *evenit frequentius, ut dexter ren succenturiatus, sicut etiam renis, sinistrum superet*, sique, ut Graavius testatur (z), *notant plerique Anatomici, perpetua quasi Nature lege testem dextrum sinistro majorem esse*; favent hæc Valsalvæ, ut illa pariter, quod ego in viro, itemque in muliere quibus generationis organa parva erant, parvos quoque succenturiatos renes, & vicissim in duobus aut tribus quibus illa grandia, hos etiam grandes conspexi: quod in viperis, ut supra (a) dictum est non foeminis tantum, sed & maribus eorundem renum longiorem longiori tum ovario, tum etiam testiculo proximum vidi: postremo quod catella illa quam rene dextro carere observavi (b), succenturiato rene dextro, contra atque in puella Harderus (c) viderat, non carebat. Quanquam eodem veri studio alia ex parte fatear, necesse est, primum in quodam viro cui ren dexter sphericus, & æquo minor fuit, succenturiatum quoque dextrum valde strigosum fuisse: deinde in gallo Indico (id quod Valsalva (d) confitetur) cum renes succenturiati, annexique his ductus majores sint, quam in nostrate; testiculos tamen esse minores: eosdemque renes, secundum illius observationes (e), in gallo, & capro ad eundem modum se habere: neque ullum inter ovinos, & vervecinos discrimen agnosci (f): præterea cum erinaceos marem, & foeminam eodem tempore dissecarem; eos renes pro mole corporis minores in illo, quam in hac fuisse, etsi in hac quam exigua ovaria, in illo satis magna erant omnia generationis instrumenta: in sex autem viris cum hæc ipsa instrumenta permagna essent, horum magnitudini memoratos renes haud magnopere respondisse; in aliquo etiam

O o 2

il-

(i) Anat. l. 1. c. 19. (k) Hist. Anat. Cent. 2. hist. 77. (l) Disp. de Glandul. natura th. 24. (m) apud Rhod. Vid. n. seq.  
(n) n. 36. (o) Bibliot. Angl. Tom. 14. & 15. (p) n. 5. (q) Dissert. sist. Vindic. & ext. in fin.  
(r) Vid. supra, n. 20. (s) n. 19. (t) Vid. supra, n. 22. (u) num. 5.  
(x) Vid. supra, n. 23. (y) De Renib. c. 6. (z) De Viror. Organ. (a) n. 30. & 32.  
(b) Advers. Anat. III. Animad. 32. (c) Apian. Obs. 77. (d) supra, n. 15. (e) Ibid. (f) n. 20.



illorum omnino pusillos apparuisse. & vicissim in alio, itemque in duabus ex iis de quibus supra dictum est, mulieribus, cum peculiaria sexus organa parva essent; illos tamen renes majores, & in ancilla præsertim, maximos fuisse; postremo duos cum Molinettum in uno, tum Bartholinum in utroque latere, ut ante (g) memoratum est, invenisse; neque tamen nos legere, ab iisdem organa quoque genitalia, & nominatim ovaria, aut pariter multiplicata, aut saltem majora comperta illis in mulieribus fuisse; imo Bartholinum diserte scribere (\*) *arterias spermaticas nullas* extitisse. Et quamvis illud vere subjici a me posset, in qua ego (b) tres vidi renes succenturiatos, in ea quatuor Spermaticas fuisse arterias, binas videlicet ab singulis lateribus arteriæ Magnæ; hoc tamen, post vulgatas a Cl. Ranbyo (i) observationes, nihil sane peculiaris admirationis haberet. De nervis autem istorum renum quam varia a variis Anatomicis tradita sint, satis est supra (k) demonstratum. Quod ad me attinet; has Particulas nerveis quam creberrimis furculis, & filamentis, cum id aliquando accuratius quærerem, a vicinis Plexibus ornatas vidisse, fateri possum; multo autem pluribus quam earum magnitudo postulare, non possum, præsertim cum illorum venit in mentem quæ antea (l), cum de ipsarum lymphæ ductibus sermo incidisset, ex Joanne Zellero de *copiosissimis* lymphaticarum glandularum nervis descripta sunt. Cæterum si quis illa cognoscere atque expendere aveat quæ olim renibus, lumbisque, quod ad res venereas attinet, ab eruditissimis Philosophis, Medicis, Sacrorumque Librorum Interpretibus adscribebantur; is legat Olai Wormii Controversiam de *Uso Renum*, tum utriusque Meibomii & Thomæ Bartholini Epistolas de *Uso Flagrorum in Re Medica*, & *Veneria* inscriptas, vel (ut cæteros prætermittam) unum saltem inspiciat Matthiam Tilingium, qui ab his, aliisque in eam rem scripta in suam de *admiranda Renum Structura*; eorumque *Uso nobili* Exercitationem congeffit.

47. Nos vero ad tres Valsalvæ responsiones (m) adversus tria quæ suæ sententiæ intelligebat objici posse, veniamus. Prima erat a Capsula quadam petita, qua tenuissimi ductus, in longissimo illo a succenturiatis renibus ad testes itinere, una cum Spermaticis vasis excepti, satis munirentur. Equidem non ignoro, Spermatica vasa membranulis quæ peritonæi pars sunt, involvi, & in unum quasi fasciculum jungi; commune autem, quale ab ipso describitur, involutum, si usquam est, certe primo illo quo seorsum incedunt, spatio, neque video, nec qui esse possit, intelligo, multoque minus video in reliquo superiore intervallo ad renes usque succenturiatos. Quæ tamen nolim ita accipias, quasi propterea nova ista eorum renum vasa negarem (scio enim, superiore illo, fane haud ita longo, spatio vel sine peculiari Capsula ferri posse, cum passim alia tenuissima, ut lymphæ, vasa vel longiores tractus sine ejuscemodi Capsula percurrant) sed hoc intelligi dumtaxat, volo, si luculentius aliis, quam mihi, istiusmodi Capsula non appareat; præstare testis, & renis in nephritico dolore consensum alia quadam ratione exponere, ut puta, ob tantam illam ureterum vasorumque semen deferentium a tergo vesicæ proximitatem, ut aliqua membranarum, nervorumque communio non esse inter utraque non possit, aut etiam ob illam eorundem vasorum, & ureterum, quos supercandunt, decussationem, unde Guillemus Ruty (n), his contractis, illa cum testibus sursum trahi, colligebat.

48. In altera autem responsione qua Valsalva maxime obviæ dubitationi occurrebat, ortæ ex tanta illa renum succenturiatorum in foetibus magnitudine; hanc ipsam adeo vulgatam, inculcatamque observationem in dubium vocare incipiebat propterea quia in juniore certe lepusculo, itemque in gliris, murisque foetibus ipse rem aliter se habere, deprehenderat. Quod mihi quidem vel magis contigit ut in aliis quibusdam bestiarum generibus observarem. Nam primum in foetu vaccino sequioris sexus palium longo, cum renes, & ureteres sat magni essent, renes succentu-

riatos exiguos vidi. Deinde variis temporibus persecans feles duodecim, paucos ante biduum, plerisque ante aliquot horas natos, quorum duo, tresve mascululi; reliqui foeminae fuerunt, in omnibus miratum sum renum horum parvitatem; neque enim proportionem majores erant, quam cætera pleræque Partes, si cum renibus conferrentur. In agno quoque dierum circiter quadraginta haud majores proportionem inveni, quam in memoratis animantibus. Et, quod æque miratum sum tum in agno, tum in iis omnibus, non modo summis renibus non insidentes, neque cum his in unum quasi corpus connexos vidi; sed interno ipforum lateri superius adstantes sic ut in agno saltem, felibusque omnibus ne renes quidem contingerent.

Quod si ut in hisce quæ Valsalva, & ego inspeximus, ita in cæteris animalibus, & nominatim in homine res se haberet; nihil profecto de communi ista adversus illius sententiam dubitatione esset laborandum. Et fieri quidem potest, ut in cæterarum animantium foetibus, quos aut ipse non dissecai, aut cum dissecais, ad id animum non adverti, si quis hanc inquisitionem persequatur, haud aliter fortasse inveniat. Certe in foetu leporino cum Georgius Segerus (o) scripsit, renes fuisse *pisi majoris quantitate conspicuos*, & *Vesiculas atrabilarias inaequales, depressas ac flavas, seminis lini magnitudinem non superasse*, haud secus videretur quam Valsalva, rem deprehendisse. Atque ut genus memorem neque a me, neque a Valsalva hac in parte examinatum; in tursionis foetu (ea delphini species est) *renes succenturiatos exiles* conspectos a Thoma Bartholino (p) fuisse, animadverto.

49. Verum in foetibus humanis sicut peculiaris nexus, & sedes, ita singularis magnitudo renibus obtingit succenturiatis; nullo ut pacto dissimulari possit; quin imo ut in horum usu & perquirendo, & tuendo, nobis sit omnino spectanda. Et mihi quidem per raro accidit quod Viris Præstantissimis, & in his Cel. Heistero (q), ut ipsos *aequales renibus*, imo *subinde majores* conspicerem. Vix enim in foetu, quem nisi nobilissimæ Parens majorem semestri esse, asseverasset, omnes quadrimestri minorem credidissent, mihi visi sunt renibus fortasse majores. In cæteris autem omnibus non modo renibus majores non erant; non modo *renibus*, ut Thomas Cornelius (r) posuerat, *plane non exaequabantur*; sed vel manifesto ipsis renibus minores fuere. Atque in tribus quidem paulo tantum; ut his conveniret quod Thomas Bartholinus (s), & Gerardus Blasius (t) scripserunt, Ruyschius autem (u) in uno ostendit, hoc est *renes fere adaequare*.

Eorum duo erant quadrimestres, unus pene quinque-mestris, in quo tamen cum reliquis dimensionibus non valde cederent, multo minorem quam renes, crassitudinem habebant. In duobus autem, altero videlicet fere octimestri, altero novimestri manifestius infra renum magnitudinem erant, ea videlicet proportionem qua Verheyenius (x), & qua Veslingius (y) delinearunt. Tandem in reliquis duodecim qui inter quinti, & noni mensis finem alii videlicet immaturores, alii maturiores intercedebant, non majores unquam his quas modo indicavi, magnitudinis proportionem, sed minores potius vidisse memini, ut in fere semestri, & multo magis in octimestri, in quo vix tertiam renum partem æquabant; ne quidquam de novimestri illo dicam, aut de semestri, in quibus (z), rarissimo fane exemplo, minimam illam proportionem quam in adultis habere solent, non excedebant. Si tamen hos duos, quippe etiam capite præter naturam conformatos, in undeviginti foetibus excipias; cæteri fane, sive nostri sexus, sive fequioris, illam suam omnes, si cum adultis conferres, longe majorem magnitudinis proportionem inter hos, majoresque renes servarunt. Et quamvis alii magis, alii minus servarunt; tamen, nisi casu quodam factum est, ut eo majores mihi succenturiati renes, quo minus maturi erant foetus, eoque deinceps fere minores, quo foetus magis maturi erant, se obtulerint; hic ipse decrescendi ordo non modo non imminuit, sed insuper adauget vim illius dubitationis quam secunda hac responsione sua Valsalva tollere nite-

(g) n. 43. (\*) loco ibid. cit. (b) n. eod. (i) supra, n. 5. (k) num. 6. (l) c. 35. (m) Vid. supra, n. 24.  
(n) Treat. of the urin. passag. Sect. 3. P. 1. (o) Ephem. N. C. A. 3. Obs. 94. (p) Hist. Anat. Cent. 2. Hist. 25.  
(q) Compend. Anat. n. 120. (r) Prolegom. Phys. 6. (s) Anat. quart. renov. l. 1. c. 18. (t) Comment. in Vesl. c. 5.  
(u) Theaur. Anat. X. n. 152. (x) Anat. corp. hum. l. 2. Tab. 6. Fig. 3. (y) Syntagm. Anat. 6. 8. Tab. 2. Fig. 2.  
(z) Vid. supra, n. 11; & infra, n. 56. 58.



nitebatur. Verum ne quæ nondum ab aliis, quod sciam, nec a me fortasse quandiu opus erat, observata sunt, urgeam, sed in ea quam agnoscunt cæteri, & quam ipse confirmavi, renum eorum majori in fœtu magnitudine subsistam; profecto non intelligitur, quomodo ii generationis officio, a quo usque adeo abest humanus fœtus, sint potissimum destinati, præsertim cum iidem tantilli sint in falacissimis, & maximis testibus ad generandum jam utentibus gallis, & ne a fœtibus recedamus, cum iidem exigui sint in fœtibus eorum generum quæ multo citius gignunt, quam nostrum. Equidem animadverti, Veslingium in illa ipsa quam paulo ante indicavi, Figura (a) ovaria quoque fœtus humani, magnitudine, sicut esse ait, admodum spectabilia delineasse, quæ ego pariter proportionem majora, & certe oblongiora deprehendi, in iisque Vir, dum viveret, Experientissimus Vallisnerius noster (b) ipsas vesiculas vidisse se, scripsit, spectabili magnitudine, & quæ fœtum corpusculo fere proportionem non responderet; ut aliquando cogitare cœperim, hanc ipsam tum ovariorum, tum succenturiatorum renum in humanis fœtibus amplitudinem argumento mihi esse posse ad Valsalvæ confirmandam sententiam. Verum, ut omittam, in iis quoque bestiarum fœtibus, in quibus, ut supra dictum est (c), illos renes exiguos vidi, magna nihilominus fuisse ovaria; in masculis certe humanis fœtibus non magnos testiculos comperi; imo in fœtu illo pene quinquemestri, cujus renes succenturiati, nisi quod satis minori erant crassitudine, renes ipsos reliquis dimensionibus ferme æquassent, testes memini haud majorem proportionem, quam pleræque aliæ Partes, molem habuisse.

50. Cæterum ea quæ supra (d) a nobis sunt proposita de renum succenturiatorum longe alia in humanis, atque in iis in quibus ad hoc tempus quæsimus, bestiarum fœtibus magnitudine, ut pro assignato a Valsalva Ufu non sunt; sic neque sunt pro tot aliis Usibus, quos videlicet qui excogitarunt, aut nullam fœtum rationem habuere, aut ita habuere, ut in omnibus tum bestiarum, tum hominum fœtibus esse illos renes majores ponerent, quam in adultis; cum is nimirum Usus multo nunc majore, nescio facilitate, dicam, an difficultate proposita quærendus sit, qui magis hominum, quam bestiarum, fœtibus necessarius esse videatur. Idem confirmant discrimina cætera quæ inter renes succenturiatos fœtus, & adulti in hominibus pariter, non in bestiis, observamus; illud in primis (omitemus enim quod in his, quantumvis provecta ætate, rugosos strigososque, ut in nobis, redditos necdum vidisse meminerimus) illud igitur in primis discrimen, quod summis humanorum quidem fœtum renibus ita sint succenturiati renes impositi, ut ipsos amplo sinu excipientes, cumque iis arctius connexi, unum atque idem cum ipsis corpus primo aspectu efficere videantur: unde etiam accidisse, crediderim, ut serius id de quo dictum est, horum magnitudinis discrimen Profectores animadvertent; neque enim alioquin Fabricius ab Aquapendente, aut, si hic fortassis, certe non Adrianus Spiegelius prætermisisset, qui post Fabricium, formati fœtus structuram exponens, inter cætera quæ ex instituto persequeretur, discrimina, renum quoque peculiarem figuram --- instar pineæ nucis commemoravit (e). Arctiorem autem illam renum, & succenturiatarum Glandularum conjunctionem membrana efficit, quæ in adultis & est, & vocatur Adiposa renum tunica; in fœtibus autem, ut cætera fere tum solent adiposæ membranæ, disjectis adipis rudimentis hic illic dumtaxat ornari incipit. Hæc autem ita eas Glandulas, renesque complectitur, ut aliquam sui partem inter hos, illasque traducat, quod eadem adipis rudimenta utriusque interjecta in grandescente præsertim fœtu præclare commonstrant. Itaque ubi in lucem editi infantis reliquæ adiposæ cellulæ pinguedine compleri incipiunt; hæ quoque renibus, & succenturiatis Glandulis interjectæ incipiunt, ut pinguedine magis farciri, ita has, minus, quam renes ipsos, resistentes impellere, ab renibusque dimovere, adjuvante insuper alterna, quæ in utero deerat, coagitatione septi

Morgagni Epistolæ Anatomica.

transversi, cui videlicet etiam per vascula, non modo per membranam annexæ sunt. Impelluntur autem eam partem versus, ad quam magis in fœtu ipso vergebant; sic enim summis renibus erant impositæ, ut oblique ad Spinam, sive ad magnos Vasorum truncos inclinarentur: nec vero in contrariam partem compelli sinunt sanguifera earum vasa, ad eosdem truncos, aut ad Emulgentes ramos pertinentia.

51. Habes quemadmodum putem suum illas arctiorem nexum, & ex parte aliqua sedem mutare, postquam homo ex utero egressus est, paulatim tamen, ut paulatim interjectus adeps increfcit; ut non omnibus pari temporis intervallo censeam idem pariter accidere, sed feris aliis, aliis citius, præsertim cum strictior interdum connexio, nonnunquam laxior in ipsis fœtibus inveniatur. Sic ego in fere semestri, itemque in novimestri tanto laxius membranæ vinculum deprehendi, ut quamvis renes succenturiati subjectos renes exciperent, minori tamen ex parte exciperent, quam soleant, neque ita cum his unum quasi corpus efficere viderentur. Sed vicissim arctiorem nexum a primordiis in eo juvene fuisse, existimaverim, cujus Ren Succenturiatus adhuc, ut in Thesauro X. (f) Ruyschius loquitur, tanquam glans cupule (arbitror, hic, itemque in Thesauro IX. (g) glandi cupula esse legendum) superiori parti Renis insidebat. Non illiusmodi certe, sed multo laxissima connexio vel inter initia obtigerat, ut opinor, cuidam aniculæ in qua renes succenturiatos inter supremam renum partem, & Magnorum vasorum truncos inveni. Quæ sedes multo reapse rarior est, quam aliquis credat qui eandem passim in plerorumque Anatomicorum Figuris conspiciat, quippe quæ non ex Partibus descriptæ sunt ita in cadavere, ut Natura locaverat, studiis relictis, sed inter retegendum, purgandumque sejunctis, sæpe etiam exemptis, ac in tabula, ut sit, ad ostendendum, utcunque dispositis. Non sic Eustachius (h) has suas Glandulas præmonstraverat; neque ego sic invenire solitus sum. Nam ad internum quidem latum cujusque renis comperio sic ut ab externo absint, ad quod in fœtu perveniebant; non sic tamen, ut non simul renis summæ parti immineant plus, minusve, ac plus, minusve propinqui sint reni, non æque tamen atque in fœtu, nec tanto, quanto olim in fœtu, ab antica parte in posticam sinu. Scilicet vel in virorum etiam non pinguium cadaveribus, quæ ad ejusmodi perquisitiones mulieribus, atque præpinguibus consulto præferebam, cum quærerem; sic inveni, renes inter, & has Glandulas Adiposæ tunicae portionem haud fane tenuissimam intercedere: quin potius, a sinistris præsertim, ut nuper etiam in duobus adnotavi, pinguedinis tantum interjici, ut permodicum non fuerit intervallum quo Glandulam ab rene disternabat. Etsi autem Glandulæ basis interdum, & maxime in uno, quasi in arcus modum sinuata, renem proximum, tanquam exceptura, spectaret; in eodem tamen, & plerisque aliis in quibus id quæsitum est, cadaveribus, non ut hæc in transversum, ita par occurrebat excavatio quæ ab antica basis ora ad posteriorem pertineret, sed aut nulla, aut minus certa; nisi forte, quod in aliquo animadverti, injectus a me aer, ut basis crassitudinem, ita hanc quoque excavationem, contra atque expectabam, auxisset, renesque succenturiatos, in adultis adeo contractos, in eam quam olim in utero habuerant, formam restituisset.

52. Qui vero fiat ut quo magis a renum conjunctione, succrescente adipe, distrahuntur, eo minus augentur, & sic denum contrahantur, ac quodammodo contabescant, si forte ex me quæris; non ultimam esse causam, credo, ipsum adipis circum renes incrementum. Scilicet cum arteriæ quas vocitant Adiposas, aut communem cum Atrabiliariis, aut his vicinam, aut certe non ita longe distitam originem habeant; facile apparet, quo plus illæ sanguinis unde adeps fecernatur, in Adiposam membranam inferunt, eo minus sanguinis ab his in succenturiatos renes importari. Hinc, opinor, eorum extenuatio, illique interdum, quasi ex corticis contractione majores flexus, & pro alio in aliis extenuationis, contractionisque ordine, & mo-

O o 2

(a) 2. in Tab. 2. c. 8. (b) Istoria della Generaz. P. 2. c. 5. n. 22. (c) num. 48. (d) n. 48. 49.  
(e) De formato fœtu c. 18. (f) n. 84. (g) n. 60. (h) De Renib. Tab. 1. 2. & 3. & Tab. Anat. 12.



do, ut in flaccescentibus foliis, tot illæ, ac tam variæ in adultis figuræ, ut Ruyschius (i) ceu *consideratione dignum* proposuerit, *Renes Succenturiatos rarissime, si unquam, figuram certam in corpore humano referre*, imo in uno eodemque corpore nonnunquam ostenderit (k), *figuram utriusque Renis Succenturiati neutiquam convenire*. Sed & nostræ quas supra (l) tibi recensuimus, observationes hanc formarum varietatem in variis, atque adeo in iisdem corporibus satis confirmant: quæ nimirum tanta, ac tam crebra est, ut semper divulsioni solum distractionive, dum hæ Particulæ ex circumjecto adipe abstrahuntur, non posse tribui videatur, mihi præsertim, qui, ne id accideret, sedula lentæque manu non semel memini curavisse. Nec vero alios omnes id semper neglexisse prorsus, crediderim, siue qui *figura* --- *sæpe renibus respondere*; --- *sæpius vero depressa esse substantia instar placentæ*, & *figura quadrata oblonga*, scripserunt; ut Casp. Bartholinus (m), & quod Thomas filius (n) addidit, *subinde triangulares, rarius orbiculares*; siue qui *renibus plane dissimiles esse*; *oblongasque in homine & compressas sæpissime, quadrangulares raro, triangulares autem ut plurimum se observasse*, testati sunt; ut Whartonus (o) (qui tamen & *extremitates* jam tum peculiariter distinguebat, duas, *majorem internam, siue quæ versus spinam inclinat*; *minorem alteram vocitans*) quocum ut in parte faciunt Molinettus (p), & Petruccius (q), quorum ille *forma triangulari præditas* scribit; hic non valde ab simili in plerisque Iconismis ostendit: sic contra ab ipso dissentiant, & ab Joanne Riolano (r) scribente, *se in ovis quidem reni exiguo consimiles deprehendisse*; *in homine vero depressas & planas, quæ nullam renis formam præ se ferebant*; ab utroque, inquam, dissentiant ii qui cum Bartholinis, atque adeo cum Eustachio (s), non semel tamen esse reniformes, agnoscunt, ut Diemerbroeckius (t), qui *semel, atque iterum figuram renum exacte retulisse*, vidit, & Christ. Lud. Welschius (u), qui *figura semilunari sæpenumero cum renibus convenire*, affirmat, quibus ad stipulari Lancisium (x), censeas, forma haud ita ab simili delineantem. Ab his Casserius longe abierat, qui cum oblongas fere semper (y), interdum autem ad trapezii (z), nonnunquam ad sphaeræ, vel potius, si attente inspiciamus, ad conoidis (a), aliquando, & ex uno quidem cadavere, hinc ad quadrati, inde ad trianguli figuram accedentes (b) repræsentaverit, ea sedulitate, ut nec sanguifera vasa omiserit (c) per superficiem pergentia, in ramosque, & ramulos se diducantia; nunquam tamen, ut initio animadvertimus (d), renis forma delineavit.

53. Quod si ex me quæras, quam tamen esse crebriorem figuram, putem; ingenue respondebo, me, si crassitudinem simul spectemus, nunquam renum similes comperisse, nisi forte in quibusdam bestiis; namque in hominibus multo depressiores occurrunt: sin autem, neglecta crassitudine, reliqua attendamus; nonnunquam invenisse quæ reniformes quadantenus videri cuipiam possent. Semilunares; hoc est falcatæ lunulæ figura, non sæpius deprehendi; imo in nonnullis in quibus pari diligentia caveram, ne in detrahenda pinguedine, vim ullam hisce Particulis afferrem, non alia inveni forma, quam olim quoque, ut supra (e) indicavi, a me interdum in aliis, nec, quantum memini, perpauca inventa; ea ad circuli segmentum accedebat. Scilicet omnem quidem tenuiorem ambitum qui convexus basi opponitur, curva linea definiebat; sed basis ipsa lineis definita erat ad rectas magis quam ad curvas, aut si ad curvam aliquam, ad curvam certe, magna ex parte, ambitus amplissimi circuli referendis; ut succenturiati renis facies siue posterior, siue anterior quandam complanatam quasi palpebram superiorem, oclusam potius, quam apertam referret: qua ab imagine minus inter Eustachianas omnes illa abest quam Tab. II. Fig. III. vides a finistris delineatam. Sæpius tamen oblongiorem cernere solitus sum; verum hoc ipsum, ut cætera, non in omnibus; interdum ne in uno quidem corpore utrinque ad

eundem modum. Sic in superficie siqua erat inæqualitas, variabat. Sic aliquando in ipsa ora convexi ambitus, utriusque Glandulæ corpus Natura extrorsum produxerat, ut in quandam quasi cristam inflecteretur fere ut Ruyschius (f) extremum sinistræ cordis auriculæ repræsentavit: sed neque eodem in loco, neque eundem ad modum in Glandula utraque. Quid multis opus est? Ne ipse quidem Winslowius Professor, & Scriptor Diligentissimus (g), qui observationibus suis, & monitis cæteros reddidit cautiores, ne forte æquo facilius abnormes figuras, adeoque ab illa quam statuit, discrepantes, in his Glandulis sibi videantur invenire; ne ipse quidem, inquam, negavit, imo diserte admonuit, ut supra etiam memoratum est (h), „esse attendendam earum exteriorem conformationem ut plurimum magis regularem in fœtu, atque in infantibus, quam in adultis, & senibus. „Ac profecto quanto in his major, & crebrior ejus conformationis est discrepantia; tanto in illis aut levior, aut rarior est. Perrarum mihi videtur quod Ruyschius (i) in quodam humano fœtu ostendebat, *Capsulam (atrabilariam) esse ceu bifurcatam*; non quin ipse quoque hoc viderim (vidi enim in muliere quam ruptum intra pericardium arteriæ Magnæ aneurysma repente sustulerat A. 1738., Capsulam dexteram figura trianguli cujus basis, exteriora respiciens, per se adeo bifurca erat, ut nihil magis quam extremum aliquod ejus Crucis referret, qua Hierosolymitani Equites pectus exornant) sed quod idem in fœtu Ruyschius conspexerit, idcirco mihi, ut dixi, id perrarum videtur: leve autem quod, Veslingii (k), & Verheyenii (l) Icones ex humanis fœtibus descriptas, inter se comparando, animadvertitur. Capsula enim utrobique, subjecti renis dimensionibus, flexuque respondens, ejusdem in superiora figuram producit; quamvis superficies apud illum minus, apud hunc magis tuberosa tum Capsulæ, tum renis spectetur. Quam varietatem ego quoque interdum vidi; sed nunquam majoris momenti sic solam existimavi: neque præstarem, neutrubi Pictores aliquanto magis rem minuisse, aut auxisse, præsertim cum apud Verheyenium ren, & Capsula in naturali dumtaxat magnitudine expressa dicantur, quod num satis veri simile sit, ipse iudicabis.

54. Si commemorata omnia, quæ in nostro quidem; non bestiarum; genere inter fœtus, & dudum, natos intercedunt, renum succenturiatorum discrimina, attenderis; nullus dubito, quin magis, magisque intelligas, ejusmodi esse horum usum inquirendum, qui magis fœtui, quam in lucem edito, magisque homini, quam bruto animanti, sit necessarius. Et noster quidem Molinettus (m) hos renes putabat tanta in fœtu esse magnitudine, ut cum plus sanguinis in eos diverteret, minus in renes proximos inferretur, minusque ideo urinæ, fœtui sic obfuturæ, secerneretur: Multo autem majorem a fœtus sanguine secernendæ urinæ partem, per Umbilicales arterias una cum sanguine ad matrem relatam, per hujus denique renes excerni; quamobrem prægnantes sæpius non solum, sed multo etiam copiosius mingerent. Cujus sententiæ priorem partem Doctissimus Vir Joannes Fantonus (n) & sibi mirifice placere, scripsit, & observatione Harveii (o), in fœtu humano adnotantis, succenturiatos renes *plurimo sanguine scatere, eorumque venam* --- *non multo minorem ipsa emulgente apparere*, confirmavit. Alteram autem partem Verheyenio (p) placuisse, video, propterea quia ut intra prægnantis mulieris uterum membranam Allantoidem nullam inveniebat; sic ob muliebri corporis positum, multo difficiliorem fœtus gestationem censebat, si tantum huic, quantum bestiarum fœtibus urinæ pondus fuisset additum. Esse tamen poterat de utraque hujus sententiæ parte non levis sane dubitatio. Nam cum renes succenturiati magni pariter ponerentur tum in hominum fœtibus, tum in bestiarum; cur ipsi quoque bestiarum fœtus exiguam non fecernerent urinæ copiam, sed tantam quanta capacissimam

(i) Thesaur. Anat. X. n. 84. (k) Catalog. Rarior. Theca K. Repert. 5. theca B. (l) n. 38. 39. 43. (m) Instit. Anat. I. 1. c. 18.  
(n) Anat. quart. renov. I. 1. c. 18. (o) Adenogr. c. 13. (p) Dissert. Anat. I. 6. c. 7. (q) Spicileg. Tab. 1. & 2.  
(r) Anthropogr. I. 2. c. 26. (s) Explic. Fig. 2. Tab. 1. de Renib. (t) Anatomi. I. 1. c. 19. (u) Exam. Ren. Succent. n. 8.  
(x) De Mor. Cord. Tab. 7. litt. L. L. (y) Ad Spigel. I. 8. Tab. 11. 12. 19. & aliis mox citand. (z) Tab. 13. Fig. 1. & Tab. 14.  
(a) Tab. 18. (b) Tab. 20. (c) Ibid. & Tab. 14. & Tab. 13. Fig. 1. (d) n. 1. (e) n. 39.  
(f) Epit. Problem. X. Tab. 11. Fig. 1. (g) Expos. Anat. tr. du bas ventre n. 447. (h) n. 12. (i) Thesaur. Anat. X. n. 152.  
(k) Syntagm. Anat. c. 8. Tab. 2. Fig. 2. (l) Anat. corp. hum. I. 2. Tab. 6. Fig. 3. (m) Dissert. Anat. I. 6. c. 7.  
(n) Anat. corp. hum. Dissert. 7. (o) De Generat. animal. Exerc. 37. (p) l. cit. tr. 5. c. 17.



mam allantoidem membranam distenderet, non appareret. Et cum renes in utrisque nihil discriminis, quod quidem proferretur, ostenderent; qui fieri posset, ut in humanis dumtaxat foetibus ii ferme otiantur, nullo modo intelligebatur. Nunc vero cum renum succenturiatorum diverticulum multo majus apponi constet humanorum foetuum renibus, quam bestiarum; non modo est unde illa dubitatio tollatur, verum etiam est unde utraque sententiae pars apte confirmetur.

Eodemque alterum discrimen attinet, ut opinor, quod inter adultorum hominum, & ceterorum animalium succenturiatos renes mihi videor animadvertisse. Nunquam enim tantas proportionem caveas in his (si veras in his ulla vidi) quantas in illis, vidisse memini. Quin etiam cum, injecto per venam aere, humanos prope omnes tam facile, tantumque distenderim, quantum supra (g) expositum est; in caninis frustra operam consumpsi. Est in cane, ut superius (r) indicavimus, vena quae per eorundem renum inferiorem faciem in transversum ducta, ad hanc ita adstringitur, ut saepius in sulcum eidem faciei impressum excipiat, per quem sulcum transiens, redeuntem e renibus succenturiatis sanguinem, manifestis, ut persecando interdum, exprimendoque cognovi; ramorum osculis admittit. In eam venam tum quod satis crassa erat, tum quod alia occurrebat nulla quae ad renes illos pertineret, aerem immisi quae supra Emulgentem hiabat in Cava. Et si vero eam venam non solum inter hanc, & saepius memoratum renem, verum etiam longe ultra ipsum (nam infra majorem renem ex musculis, Spinæ adjacentibus, oriebatur) aere plurimum dilatatum conspexi; nulla tamen arte efficere potui ut ren succenturiatus vel minimum inflaretur. Quem res in uno, eundem in altero, itemque intertio exitum habuit. Quod si aliis in canibus, aliisque in bestiis, atque in ipsis earum foetibus facto diligentius periculo, non aliter eveniret; profecto intelligis, quantum hinc accederet momenti ad sententiam Molinetti ita uti exposui, confirmandam.

55. Hic dices: tu ergo sententiam hanc probas? neque alia vides, quae vicissim possint ipsi adversari? Ego vero sicuti non omnia quae huic sententiae obijciuntur, tam firma quam obijcientibus videntur, existimo; sic ultro fateor, quaedam esse quae aut minus cum ea convenire, aut longiori priusquam illa probetur, examine & inquisitione digna videantur. Nam quod saepe & praecipue obijcitur a Doctissimis Viris, nihil a foetu ad matrem revehi posse, id vero in nostro saltem genere non esse facile credendum, luculenta observatio evicit Jo. Meryi (f), quam in *Adversariis* (t) memoravimus. Quod si in brutis animantibus non modo nulla ejusmodi observatio adhuc, quod sciamus, habita est; sed ne ullum quidem, cum rite sejunguntur conceptus, atque uteri nexus, com meatibus inter foetus & matres sanguinis indicium est in iis qui maxima allantoides membrana instructi sunt; id ipsum Molinetti sententiae nunc profecto magis favet, quam obest. Sed obstare alia vicissim fateor, & in his illud, quod succenturiatis renibus non semper, ut Molinettus (u) ponebat, arteriae obveniunt ab Emulgentibus: quamquam fortasse satis est, si non ita procul nascentur, praesertim si in bestiis minus prope nascerentur: praetereaque potest aliquis suspicari, praestare eos renes quod Molinettus credebatur, ut minus urinae separaretur, non tantum portionem sanguinis in se divertendo, verum etiam subiectos, & ex parte, ut in humanis foetibus, comprehensos renes premiendo, & quadantenus arctando. Illud quoque videtur obstare quod mihi se obtulit (x), quo magis humanus foetus grandescit, eoque plus urinae posse secernere credendus est, eo majus, proportionem, renum succenturiatorum decrementum: quanquam fieri potest, ut fortuitum id fuerit, neque, multo pluribus inspectis foetibus, perpetuum inveniatur. Et sane illos in novimestri quem, his litteris jam descriptis, persequi, non modo intus plurimo sanguine, ut Harveianis (\*) verbis utar, *scattentes*, sed reapse non minores ipsis renibus conspexi. Quamobrem & hoc censeo amplius quaerendum, & illud quoque, an humani foetus Umbilicales arteriae aliquanto ampliores sint pro rata portione, quam foetuum brutorum, ut sanguinem, multo cum urinario fero commi-

stum, placentam versus referre possint; praecipue autem, ut alia praetermittam; an forte sint aliqua bestiarum genera quorum foetus majoribus, ut nostri, succenturiatis renibus praediti sint, sique foetus nullam, an aliquam membranam habeant urinariam. Ita, si Fabricio credimus ab Aquapendente (y), *allantoide caret* porcellus Indicus; qua in bestiola cum renes hosce non modo renum partem excipere, sed insigni esse magnitudine, observaverimus (z); credibile est, in ejus foetibus esse, ut in nostris, fortasse majores, aut certe ex attenta ejus animantis consideratione luminis aliquid posse existere ad harum Particularum utilitatem conjiciendam.

56. Ad id conducere etiam poterit diligens rerum omnium animadversio, si quando e contrario, ut nobis accidisse, supra meminimus (a), vel in foetu humano contingat renum succenturiatorum eam proportionem parvitatem offendere, quam in adulto homine solemus invenire. Et nos quidem cum semel hanc, iterumque viderimus; multa utroque in foetu peculiaribus adnotavimus, quae inter, quaedam fuerunt vel per se utique non indigna quae tecum communicentur, in foetu praesertim quem, cum forte essemus Forolivii, ad nos persecandum misit Civis noster officiosissimus, & singulari modestia, ingenio, & in Re Medica studio, atque usu nobis charissimus Franciscus Ant. Mazzanti Philos. & Medicinae Doctor, & superioribus annis etiam in Bononiensi Gymnasio Honorarius Professor. Mittendi causa fuerat, quod nullum ferme collum, nullum occiput, nullum syn-ciput, frons nulla; pro his omnibus membrana erat, laxa, rubicunda, mediocri tenuitate, nisi quae in hydatidem unam aut alteram majusculam haud procul ab anterioribus finibus non nihil crassescerebat. Sub his oculi, cum anterior pars maxima deesset orbitalium, antrorsum prominebant. Ab lateribus pariter, utriusque auriculæ pinna deorsum concidens, & convoluta speciem insolitam exhibebat. Hæc tamen si exciperes, & dexterum pedem introrsum contortum; reliquum faciei, atque adeo corporis, ubique ferme, secundum naturam constitutum, & probe nutritum apparebat, magnitudine quae foetui semestri, aut paulo majori convenire videretur. Qui aliam olim sine cerebro editam infantem fecuissim (b), facile in hac quoque deesse cerebrum, nec falso, conjeci. Sublata enim rubicunda illa de qua dictum est, membrana quae integumentorum, ossisque fornicis cranii loco erat, nihil illi, nisi cranii ejusdem basim subesse, inveni, & hanc informem, atque imperfectam: quippe cujus maximam partem efficiebant ossa Petrosa, prædura, & secundum naturam se habentia. Nihil usquam cerebri, nihil cerebelli, nihil Oblongatæ medullæ, nihil incipientium nervorum. Quæ cum frustra vel intra cranii basis crassitudinem, infraque hanc quævissem; placuit inquirere, unde nervi Optici initium ducerent. Nam, ut palpebras, sic oculos ipsos, quos consecui, recte constitutos videbam, nec Opticis nervis carentes. Hos igitur cum ab oculis introrsum persequer, intra crassitudinem basis cranii repente finitos perspexi. Tunc ad vertebrae me converti: & quæ Cervicales esse debuissent, foramen ad summam dorli spinam intuitus non parvum, & secundum ejus longitudinem illic apertum, per hoc introspectans, Spinalis medullæ initium vidi. Hæc quoque repente ibi, & per se incipiebat: inde autem; quod, dorli, & lumborum vertebrae, Sacrumque os a tergo aperiendo, conspicuum fuit; per universum Spinæ tubum producebatur. Sed quamvis nervos hinc & hinc ex ordine emitteret, & in Equinam, ut vocant, Caudam defineret; hi tamen erant omnes tenues; medulla autem ipsa ab summo ad imum prætenuis, vel potius rudimentum erat quasi quoddam medullæ, quod ex rubente quidem tunica, sed non ex medullari constabat substantia: ubicunque enim incideres, nihil exprimere albi poteris, & vix alicubi, aliquid substantiæ cinereæ molliissimæ & quasi mucosæ. Itaque Spinæ tubus erat propemodum inanis, cujus parietes rubicunda membrana vestiebat, ejus simillima quam pro cranii fornice fuisse, scripsi; ut pro Dura Meninge utrobique agnoscere & habere non dubitaverim. Quod ad reliquas interiores attinet Partes; nullam omnino vidi quæ præter naturam se haberet, si pulmonem excipias dexterum, & renes succenturiatos.

(g) n. 40. & 41. (r) n. 33. (f) *Memoir. de l'Acad. R. des Sc. A. 1708.* (t) *IV. Animad. 47.* (u) *Vid. supra, n. 5.*  
 (\*) n. 49. (x) n. prox. super. (y) *De formato foetu Explic. Tab. 30. Fig. 66.* (z) n. 33. (a) n. 11.  
 (b) *Vid. Advers. Anat. II. Animadv. 35.*



tos. Ille enim non, sicuti aliis in foetibus invenire soliti sumus, undique solutus & liber; sed pleuræ, quamvis laxæ, & in summa anteriore dumtaxat parte, erat per membranam adnexus. Hi vero si cum optimè constitutis hujus fetus renibus conferrentur; adeo erant parvi, ut proportionem minime essent majores quam esse consueverint in adultis: & quamvis laxam habebant structuram; neque cavum tamen usquam manifestum ostenderunt, nedum indicium ullum quod in id cavum sanguis divertisset, neque cum aerem per fistulam intra corticem immittere conarer, ullo modo distendebantur. Cæterum urinaria vesica nonnihil lotii continebat, papillamque intus illam quæ uracho respondet (c), facili compressione præbuit observandam. In fellea, bilis erat aquea, levissimeque subflava: ex utroque thymi lobo plurimum licuit albidæ & crassiusculi succi exprimere: nihil humoris in cavo thoracis; sed in pericardio non parum fuit, qui ad flavedinem vergebat. Atque huc ferme redeunt quæcunque eo in foetu observavi Kalendaris Octobris A. 1737. spectantibus Medicis duobus, mei studiosissimis, illo quem supra laudavi, & Joanne Bapt. Giorgino, quem etsi ob assidua erga me officia admodum diligo; non minoris tamen facio propter ingenii sagacitatem, & spectatam in medicina faciendâ exercitationem.

57. Quod autem mirabilius, ut semper in ejusmodi observationibus solet, visum est, cerebrum defuisse, id vero aliquanto minus homines fortasse mirarentur, si cogitarent, minime necesse esse, ut a primordiis defuerit; sed cum primum esset, postea vi morbi ingruente, sensim extenuari, & demum abscedere potuisse. Fac, quæso, eorum tibi veniat in mentem quæ de vitulo hydrocephalo, & de vi intus urgentis aquæ in cerebri substantia attenuanda, & in cranii fornice & basi deformandis (ut vel magis apud nos apparet in hydrocephali infantis sceletto) olim adnotavit Stenonius (d), itemque eorum quæ Ruyschius præ cæteris, litterarum memoriæ mandavit de hydrope Spinalis medullæ unde foetuum, & infantium vertebræ, Lumbares plerunque, a tergo in tumorem dehiscunt (e), deque ejusdemmodi tumore aquoso tum ad os Sacrum (f), tum, quod ad rem nostram præsertim facit, & nos quoque secundum ipsam Cæl. Viri delineationem (g) Patavii conspeximus, ad capitis posteriora (h), caput superante, & cum cranii cavo communicante. Quid igitur, si hydrocephalum aut solum, aut cum ejusmodi ad Cervicales vertebrae tumore conjunctum foetui accidat? quid, si postquam tenera adhuc cranii ossa premendo, urgendoque alia ab incremento ulteriore prohibuit, alia pervertit; si postquam cerebrum multo tenerriimum incredibilem in modum attenuavit, demum crescente usque & usque aqua, tumoris integumenta perrumpat, indeque & aqua, & cerebrum, magna ex parte, ut Ruyschius (i) loquitur, in aquam resolutum, effluant? Nonne intelligis, sic fieri facile potuisse, ut quod ante fuerat, cerebrum postea deesse cœperit? Non hic vacat, præsertim hæc sic in transitu attingenti, plerasque aliorum hujus generis observationes expendere, & cum hoc nostro cogitato conferre. Sed ea certe quam modo proposuimus, quædam habet quæ huc maxime convenient, ut hydatides in Dura meninge, & foramen illud præsertim ad initium medullæ Spinalis, indicio non adeo obscuro ubi ruptus, & quæ evacuatus fuerit tumor, communicans cum vertebrarum, sed præcipue cum cranii cavo: ut aqua cerebrum resolvit; medullam, non ut in Littrii observatione (k) in qua totus erat spinalis tubus a tergo apertus, & ipsam deleri, sed premi tantummodo, & extenuari potuisse, intelligas. At enim istiusmodi apertis tumoribus, Ruyschio testante (l), mors acceleratur, --- omnes fere paucis post diebus expirant, --- cito moriuntur. Fateor. Sed & is quem descripsi, fetus sic in lucem editus est, ut vix ad breve tempus leve aliquod vitæ signum dederit, crura contrahendo. Quam vero vel intra uterum infirmus fuerit sane ut ejusmodi hydrocephalo laborantem decebat, mater docuit. Quæ cum duos antea filios, eosque sanos, felicissime & gestasset, & enixa esset, ut agresti mulieri triginta circiter annos natæ, & egregie valenti conveniebat; in hujus gestatione insolitum & prægrave pondus, crassio-

ris saxi instar, jugiter in ima ventris parte sibi habere visa est. Cæterum & hoc puerperium prioribus simile fuit.

58. Alterum autem fetum, in quo renibus se ita, ut solent, habentibus impositos succenturiatos inveni eadem quæ supra (m) indicata est, parvitate, & constitutione, & magno, ipsum quoque (id quod admiratione aliqua non indignum videri potest) magno, inquam, cerebri, & capitis vitio confectum, Patavii antea fecueram pridie Idus Maji A. 1731. adjuvante eodem qui ad me perferendum curaverat, & qui vere ac jure a me tibi sæpenu-mero laudatus est, Nicolao Mediavia hujus Nosocomii Medico Chirurgo meritissimo, æque in Anatome administranda, ac in utraque faciendâ Medicinæ parte cauto ac diligenti. Ejus fetus mater & quod tunc primum uterum ferebat, & quod hic non multum timebat, & quod nullus intra eum motus animadvertebatur, etsi novem jam menses muliebribus purgationibus caruisset, tamen se prægnantem esse, non crediderat; eoque minus quod ob morbos quibus innupta obnoxia fuerat, se posse concipere, propemodum desperabat. Itaque cum sibi totò gestationis tempore ab arctis & fere assiduis ventris compressionibus nequaquam cavisset; repente, prævio sensu quodam contorsionis in altero matricis latere, & mox ruptionis intus factæ, aqua primum limpida, tum deinde cruenta, hæcque semel, atque iterum e naturalibus, sine ullo gravi odore, profluxit. Octo post diebus, partus doloribus obortis, fatis facile edidit filiam, quamvis mortuam, & satis felix habuit puerperium: nam, etsi multo minus quam par fuisset, lochia respondissent; id tamen lactis, sudoris, urinæ copia pensatum est. Secundæ in partu prodierant recte constitutæ: funiculus quidem umbilicalis excolor, extenuatus, ac subsidens erat; sed infans jam ante partum mortem obierat. Foetebat enim caput, & per foramen quod ferme digitum pollicem admisisset, corruptum cerebrum effluebat. Erat id foramen in communibus tegumentis, subjectisque meningibus eo in loco ubi Sagittalis sutura cum summa Lambdoide solet conjungi. Hic enim non futura modo, sed tota deerat ossa Syncipitis, præterea totum os Frontis sic ut orbitæ lacuari osseo carerent, & denique de osse Occipitis fere quantum supra Transversum Duræ Matris processum exitare consuevit. Cæterum cerebellum, & nervorum quos perquisivimus, ac Spinalis medullæ initia satis sana. Dum hæc quæreremus; intra memorati processus crassitudinem, antequam ad Equinam Sellam accederet, hinc & hinc materiam quasi pinguem, & in hac thecam invenimus duram, ligamenti instar, ac renitentem, in qua pilorum fasciculus continebatur, quos si cum capillis foetus ejusdem conferres; neque color qui in utrisque nigricabat, neque longitudine quæ in utrisque pariter transversum digitum superabat, neque re alia prorsus ulla internosceres, nisi hac una quod utroque extremo hi pili ad eundem modum se habebant, cum extremum alterum capillorum in bulbum defineret. Singuli igitur istiusmodi rectorum pilorum fasciculi in singulis illius processus lateribus sub cerebro concludebantur. Porro superius labrum, & huic respondens os Maxillare discissum erat ita uti altera nasi cavea cum oris cavea ad tractum non minimum communicaret. Præter hæc, nihil in reliquo capite, atque adeo corpore morbofi fuit. Quin hoc iusta magnitudine, & membrorum conformatione pulcherrimum, atque ita nutritum, ut non facile in alio unquam foetu meminerim tantum pinguedinis sub cute invenisse. Viscera omnia egregie se habebant: consecui autem omnia quanta maxima potui diligentia; ut nonnulla, aliis in foetibus nondum mihi animadversa, conspexerim, velut in thymo qui amplissimus erat, & quæcunque secarem, albidum & ferme lactescens serum fundebat, dexteri finistrique lobi veram in parte postica, & fere ima continuationem, ad modum; nisi quod hic isthmus tenuis erat; glandulæ Thyroidæ: itemque in Tubulo hepatis Venoso oscula tria, mediocre unum, mini-

(c) Vid. Aët. Erud. Lips. A. 1705. M. Mart. ex Ridleyo. (d) in Aët. Havn. Bartholin. Vol. 1. Obs. 131.

(e) Observ. Anat. Chirurg. Obser. 34. & 36. (f) Obs. 35. (g) Fig. 45. (h) Obs. 52.

(i) Obs. cit. 34. (k) Mémoires de l'Acad. R. des Sc. A. 1701. (l) Obs. cit. 34. & 52. (m) n. 56.



minima cætera, quæ inter se proxima, paulo supra longitudinis medium, hoc est aliquanto propius venam Cavam, in Tubulo hiabant; ut Spigelii Lobulum (ab hujus enim parte erant) premendo, sanguinem in Tubulum exprimerem. Sed alia hujusmodi in aliud tempus differamus. Hæc satis sit attigisse, ut accurate hunc a me fœtum perlustratum fuisse, intelligas. Cum ergo cætera, sicut dixi, egregie essent constituta; succenturiatos renes ea parvitate invenimus, quæ supra fuit exposita. Quæres fortasse de vesica urinaria. In hac vero nihil fere exprimi papillæ poterat (n): nihil fere lotii repertum fuerat. Si de cæteris quæris humoribus; hæc quæ adnotavimus, habeto. In vesica fellea, non pauca bilis, eaque crassa, & si chartam inficeres, ad vulgati pulveris Nicotianæ herbæ colorem inclinans. Nulla in ventre animadversa aqua, ut neque in thorace; sed in pericardio non plane pauca, & hæc subflavi obsoleti coloris. Sanguini in venis, & corde aeræ bullæ interjectæ erant.

59. Etsi vero ex his omnibus nihil forte appareat luminis ad renum succenturiatorum usum aliqua ex parte internoscendum; non tamen cessandum est; sed quodcumque in fœtu singulare aliquid in his Particulis animadvertatur; quid in gestatione, quid in partu acciderit, quid in Secundis, quid in fœtus corpore adnotatione dignum sit, quærendum, & in medium est conferendum. Fieri enim potest, ut pluribus conjunctis observationibus, aliquid tandem existat, unde aut novæ conjecturæ ducantur, aut veteres, & ea nominatim quæ Molinettum auctorem habet, confirmantur, aut omnino rejiciantur. Sic igitur satis superque intelligis, sententiam hanc Molinetti non ideo a me esse propositam, quod certam exploratamque censerem, sed potius ut novâ nostrâ eorum discriminum quæ inter hominis, ac bestiarum fœtus intercedunt, animadversione aucta atque illustrata, exempli loco esse possit ad indicandum, non quem, sed cujusmodi usum renum succenturiatorum quærendum putarem.

60. Reliquum est, ut super tertia Valsalvæ responsione (o) nonnulla addantur. In hac occurrebat iis quæ ex sæpius memoratorum renum structura sumi, & adversus sententiam suam objici poterant. Itaque veram in iis renibus caveam vel secundum naturam non inveniri, vel, si inveniretur, nihil aliud quam venam esse, affirmabat. Equidem cum meas quoque, propositas supra, observationes attendo; plerisque earum illud confirmari, video: neque hoc esse ab iis quæ Eustachius (p) tradidit, alienum censeo, qui ut primus has Particulas novit, sic primus & verbis, & Iconismis docuit, easdem interdum, atque adeo sæpenumero a trajectis pulchro naturæ artificio per ipsas venis perforari. Ipsa quoque foraminula quæ alii, nosque ipsi aliquando in illius, qualis ea cunque esset, cavæ parietibus spectavimus (q), sicut a multis pro excretoriorum canaliculorum in eam caveam influentium osculis habita sunt, ita fortasse pro venularum eo confluentium orificiis haberi debent, ut in sue certe habenda esse, non dubitavimus (r). Nam illum quidem atrum humorem unde his Particulis nomen fecerant Capsulis Atrabiliariis, neque semper ei cavæ inesse, ejusve parietes ne in ætate quidem provectoribus semper eodem illo colore inficere, vel nostræ observationes (s) satis ostendunt: cum autem inest; venosum sanguinem ab aliquo posse credi, his videtur subindicari, quod vel Bartholinus (t) fateatur, eum in infantibus subinde sanguinem serosum sibi apparuisse; quod Petruccius (u) scribat, oleaceas etiam quasi guttaseidem humori admixtas se in quodam vidisse; sæpe enim, ut in *Adversariis* II. (x) tradidi, in ipso sanguine ex dissectis valis effluente micantes plurimas quasi olei guttulas observavi; quod Præstantissimus Heisterus (y) eundem liquorem fuscum subdulcem esse, ajat; quod denique Cel. Winslowius (z) ipsum ex flavo aut rubrum, aut purpureum, aut obscurum, aut nigrum pro vario scilicet ætatis gradu, imo & verum sanguinem admixtum habentem invenerit: cujus rei illi quoque colores indicium præbent, quasi

sanguinem suo, sæpe flavo, fero plus, minusve dilutum significantes.

61. Neque tamen nos præterit, hæc indicia acriorem considerationem requirere, ut quid prævaleat, quidve perpetuum sit, dignoscamus. Et diu quidem est cum placuit Kerckringio (a), in hisce capsis elaborari succum quendam biliosum: quod ex colore est verosimile visum etiam Joanni Mauricio Hoffmanno (b).

Nunc illud insuper laudatus Winslowius (c) addidit, hunc succum, quamvis, interdum omnino nigricantem repertum, atque adeo nigrum, tamen si super, magnam superficiem extendatur, simpliciter flavum apparere. Itaque in eo semper quendam bilis characterem agnoscit. Sed cum Joanni Jacobo Hardero (d), in cane, gustui se præbuerit subacidum; eo magis hæc omnia ut dixi, expendenda sunt, & quid in ægris corporibus, quid in sanis reperiatur, accuratissime est attendendum. Quod si forte quæris, ipse quid sentiam; profecto vereor ne illo in cane omnino fuerit secundum naturam, cum satis copiosus inventus sit, cumque ante Harderum, testatus fuerit Molinettus (e), se his in capsulis succum nunquam offendisse, aut ab alio quopiam inventum legisse, qualem describebant alii, hoc est acidum; & post Harderum, ejusmodi in eo succo saporem, non nisi in statu præternaturali, Christianus Ludovicus Welschius (f) agnoverit. Quod si quæris insuper, quid observaverim; ego vero primum, quod ad hunc saporem in cane attinet, in duobus tribusve, cum bene valerent, suffocatis neque acidum, neque alium qui quidem notabilis esset, potui reperire; & tamen non una in parte singularum, quas diffecabam, harum Glandularum, id periculum admoto linguæ apice faciendum curavi, ac præsertim quæ nucleus erat humidior; nam per se ne cavea quidem, nedum succus qui seorsum colligi posset, apparuit. De colore autem, quantum in humanis corporibus licuit experiri, sic habeto, in sex, virilis plerisque ætatis, nonnullis senilis, quorum alios alius morbus sustulerat, quosdam etiam egregie sanos præceps apoplexia, aut casus ab alto interfecerat, cum interiori harum Glandularum faciei, quæ fuisse cavea videbatur, longam albamque chartam, ab uno ad alterum extremum ducendo, affricuissem, ut quidquid illa habebat madoris, per hanc late extendere-tur; cruentam quidem chartam, nullo autem modo flavam, aut subflavam ab duobus retulisse corporibus, quæ maxime sana videbantur. Nec tinctam aliter ex alio retuli, in quo affricta argentea specilla subflavi aliquid ostenderant. In reliquis tribus infecta quidem colore est obsolete subflavo; subflavo tamen ex sanguineo. Quin etiam cum hæc sanguinei coloris mixtura obscurius in uno horum, quod muliebri erat, se proderet; placuit ut ipsius uteri fundo, quod forte non multo antea apertum fuerat, & subcruentum aliquid madoris ostenderat, charta pura ad eundem modum affricaretur: hæc autem eundem retulit colorem; ut collatis inter se chartis, quæ utero, & quæ renibus succenturiatis unius corporis admota fuisset, internoscere haud liceret. Nunc si animum revoces ad eorum osculorum memoriam per quæ, Experientissimo indicante Fantono (g), aer ex venis in cavum uteri, & vicissim ex hoc in venas fertur non secus, atque ex venis in renum horum cava, & ex his in venas, ut est supra ostensum (b), traducitur; sicuti per illa oscula scis in uterum effundi nihil, nisi sanguinem, aut sanguinis serum aut nullo, aut vario, sæpius autem flavescere, colore infectum; sic idem per horum oscula renum fieri, intelliges. Quod si, ut aliis accidisse, lego, item accidisset mihi, ut multum in iisdem renibus sæpe humorem offenderem (offendi autem vix semel, atque iterum, idque olim, colore quidem a sanguine non alienum, hoc est nigricantem, aut ex violaceo coccineum) nunc mihi facultas non defuisset colligendi, & accuratius cum sanguine conferendi. Attamen in cavæ parietibus, ut plerumque inveni, dumtaxat humidulis, inter fuscum illum succi colorem vidi nonnunquam, cum oculos attentius defigerem, & in Apoplectico præsertim, ali-quid

(n) Vid. supra, n. 56. ad (c). (o) Vid. supra, n. 24. (p) De Renib. c. 15. & Tab. 1. Fig. 2; Tab. 2. Fig. 3; Tab. 3. Fig. 3. (q) n. 37. & 39. (r) n. 33. (s) n. 37. 39. 61. (t) Anat. quart. renov. l. 1. c. 18. (u) Spicileg. c. 1. (x) Animad. 6. (y) Compend. Anat. n. 220. (z) Expos. Anatom. tr. du bas-ventre. n. 440. (a) Spicileg. Anat. in Proœm. (b) Idea Machinæ hum. Sect. 10. n. 5. (c) n. cit. (d) Pæon. & Pythag. Exerc. Anat. Exerc. 1. (e) Dissertat. Anatomic. l. 6. c. 7. (f) Exam. Ren. Succent. num. 20. (g) Anat. corp. hum. Diff. 9. (h) n. 40.



quid sanguinis passim rubere, idque tam certe, quam quod certissime.

62. Etsi vero hæc omnia videntur significare, aut sanguinem, aut sanguineum serum in id cavum influere quod inest renibus succenturiatis, & quod consequitur, probari Valsalvæ opinionem posse, illud cavum cum est, nihil nisi venam esse, existimantis; sunt tamen inter nostras observationes nonnullæ (i) ex quibus intelligatur, id cavum, in foetibus præsertim, tantum fuisse ut totos, aut fere totos eos renes occuparet. Quæ res etsi plurimum favet Molinetti sententiæ (k), quæ vel magis confirmaretur, si quod Petruccius tradidit (l), verum esset, *venas, & arterias principales non ramificari per ipsam capsularum substantiam, sed in cavitatem apertis, manifestisque orificiis desinere*; attamen cum venæ figura & dimensionibus minime videtur congruere, ut neque illud quod Reditus (m) in succenturiatis delphini renibus adnotavit, in his videlicet manifestam inesse caveam, in quasdam cellulas divisam. Verum quid verat, Molinetti præsertim Usus probantes, respondere, venam intra hos renes se se in amplum sinum, aut in cellulas quasi quasdam expandere, confirmante laudato Anatomico Joanne Fantono (n), se *bovis renunculos aliquoties examinantem, ramosam cavitatem tanquam venæ varicem, atque propaginem notavisse: imo venam in unius cavo ampliata ventriculi speciem retulisse productis hinc inde ramosis propaginibus, & transversa passim in hac cavitate frenata, ut in sinu falcis cerebri superiore, occurrisset, quibus firmari concameratio videbatur*. Cum his congruunt quæ nuper edidit Cl. Winslowius (o), qui non solum anteriorem partem renum succenturiatorum, ut supra memoratum est (p), fere cum lienis cellulis comparavit; sed & illud diserte docuit (q), eorum cavitatis parietes inter, se committi per magnum exilium filamentorum numerum, quæ res, a me quoque interdum spectata (r), id efficit, ut opinor, quod mihi tam crebro observatum est, cum, iis parietibus comprehensa, nulla cavea persæpe appareat, eandem tamen inter diducendum parietem a pariete, adeo facile efformari, ut antea fuisse videatur. Non sum nescius, esse qui negent, venas cum ista cavea communicare: horum autem partim ductum ipsius excretorium adhuc incognitum esse, credere, a quibus non discrepat Verheyenius (s); partim jam inventum esse, arbitrari, quibuscum in primis facit Glissonius (t), qui, vas hoc separatorium peculiare in meditullio situm, sinum quandam, ait, præ se ferre; non latum quidem illum, sed longiusculum; in quem ab omnibus glandulæ partibus transitus patefcunt: Sinum autem istum in venam aliquam vicinam aperiri, Attamen ut hæc ipsa, & quæ præterea sigillatim a nobis productæ sunt (u) nostræ, aliorumque, & nominatim Tysonis, & Winslowii observationes satis ostendunt, caveam renum succenturiatorum cum venis communicationem habere; ita si ea quæ paulo ante exposuimus, a veri similitudine non sunt aliena; profecto nec ista ipsa Glissonii, Whartoni (x), aliorumque observatio prohibet, quo minus totum illud vas & qua in sinum expansum est, & qua in venam proximam se inserit, pro vena habeamus.

63. Hactenus a nobis ostensum est, quæ defendere id liceret quod Valsalva tertio loco pro sua sententia respondit; postulare enim posset secernendi hic succi natura, ut glandula intus multi sanguinis calore foveretur. Sed Malpighii restat auctoritas, qui in ipsa de *Structura Glandularum* Epistola quam Valsalva merito mole quidem parvam, sed inventis maximam esse, dicebat, non modo ductum latum, & amplum, qui per longum exporrectus foras aperitur, & in emulgentes venas exoneratur, in his renibus esse, docuit; verum etiam hunc ipsum ductum, seu sinum ramos per eosdem renes copiosos promere, a quibus separatim a glandulis, & fistulis humorem recipit. Etsi autem hunc ductum, ut modo dictum est, habere possumus pro vena; in hanc tamen venam si confluere humorem ab his renibus secretum agnoscimus; non est amplius cur eundem humorem per novos ductus ferri ad testiculos, credamus; imo illud unum reliquum est, ut quid is

humor agat in sanguine quocum miscetur, quæramus, præsertim cum Kerckringius (y) testetur, se *animadvertisse sanguinem qui egreditur ab his renibus per venam, notabiliter immutatum ab eo, qui per arteriam in illos ingreditur*. Veruntamen ut hæc Kerckringii, quæ Malpighio videtur favere, observatio a quibusdam facile potest referri non ad humorem sanguini admixtum, sed ad hujus dumtaxat in eorundem renum cavea vel moram, vel motum tardiolem; sic fortasse Valsalva censebat, ista Malpighii observatione haud satis perspicue ostensum esse, humorem, in circumfusa glandulosa substantia secretum, in caveam corrivari. Neque enim diserte Malpighius excretoria illius vasa vidisse se, dixit, sed corpora, quæ fistulosa sunt probabiliter, & excretoria vasa; neque hæc in cavea, seu sinu, aut in illis sinus ramis, qui fortasse venosi sunt, aperiri, sed continua esse cum substantia, quadam cinerea mucosa, hanc autem verisimile videri esse appendicem excretoriorum vasorum, eorumque extremitatum, cum immediate nectatur ductui, in cujus concavitate denique statuit, non certum quidem, sed dumtaxat probabile esse, multiplicia excretoria biare.

64. Postremo, quod ad illam Valsalvæ animadvertionem attinet (z) de renum horum in variis animalium generibus varietate; hæc sane quam crebra & quanta sit, ejus (a), ac nostræ (b) observationes ostendunt. Quin etiam Harderus (c), qui in harum Particularum structuram olim sedulo inquisivit, admonere non dubitaverat, quoad externam substantiam, figuram, & colorem illas in variis animalibus varie habere.

65. De Usu autem illo quem Vir Doctus (d) renibus succenturiatis, secundum Sacrorum Librorum, & Ecclesiæ verba sibi videbatur adscribere, hoc dumtaxat animadverto, in Sacris quoque Libris legi (e): *filius tuus, qui egredietur de renibus tuis*; unde intelligitur, aut semen ipsum a renibus esse deducendum (non modo humorem qui ad venerem incitet, quæ olim (f) Nemesii, Jo. Matthæi, & Laurenbergii sententia fuerat) aut potius renum vocabulo aliud significari, ut certe in Proverbiis (g): *Fili mi, si sapiens fuerit animus tuus, gaudebit tecum cor meum: & exultabunt renes mei, cum locuta fuerint recta labia tua*, sapius autem fortasse lumborum regionem, cum & in Genesi (h) legamus: *reges de lumbis tuis egredientur*, & in Epistola ad Hebræos (i): *quantquam & ipsi exierint de lumbis Abrahæ*. In lumborum autem regione, arteriæ sunt Spermaticæ, ad quas facile pleraque omnia, etiam quæ a Medicis renibus, lumbisve, adscribebantur, videntur esse referenda.

66. Supervacuum esse, puto, ut alios præterea succenturiatorum renum Usus expendam, in his quem olim ex Ingeniosissimo, dum viveret, ac Celeberrimo Viro audiavi, ut simul cum thymo, respirationis in foetu defectum compensent, videlicet succum secernendo, subtilissimis ac maxime activis refertum particulis, quales ex aere per respirantium pulmones induci in sanguinem, non dubitabat. Nam; ut minime quæramus, unde illi in foetu istiusmodi particulas acciperent, quas secernerent; certe ii bestiarum foetus magna ex parte tam necessario supplemento carent, in quibus exiguos illos renes deprehendimus.

67. Præstat igitur, ut proprium renum succenturiatorum usum, quem eorum Inventor Eustachius (k) se quidem fassus est exploratum etiam tunc non habere, nos quoque; transierint licet plus centum & septuaginta anni; iis relinquamus, qui anatonem accuratius exercent, inquirendum. Communem quidem illorum usum in secernendo positum omnes agnoscant, necesse est, quicunque glandulas ad secernendum factas esse, non negant; glandulosa enim substantia tam manifesto compacti sunt, ut Eustachius ipse (l), & qui post illum primi, eorum mentionem fecere, Coiterus (m), Piccolhominus (n), Laurentius (o); non modo recentiorum complures; glandulas vocare non dubitaverint. Itaque etsi diverticuli sanguinis, secundum Molinetti opinionem (p), usum in foetibus præstarent; tamen glandularum quoque utilitatem præstent, necesse est, non solum iis bestiarum foetibus, in quibus diverticuli esse loco non videntur, sed in nostris pari-

(i) num. 37. (k) Vid. supra, num. 54. (l) Spicileg. c. 3. (m) Degli animali viveati, &c.  
(n) Anat. c. t. Dissert. 7. (o) tr. cit. n. 439. (p) numer. 8. (q) tr. cit. nu. 436. (r) n. 41.  
(s) Anat. corpor. hum. l. 1. tr. 2. c. 10. (t) Anat. hepat. cap. 45. (u) n. 8. 40. & 42. (x) Adenogr. c. 13.  
(y) in Proem. Spicil. Anat. (z) Vid. supra, n. 25. (a) n. 15. & seqq. (b) n. 27. & seqq.  
(c) Apian. Obs. 77. in Schol. (d) Vid. supra, n. 25. (e) Reg. III. c. 8. v. 19. (f) Vid. apud Meibom. de Flagr. in re vener.  
(g) c. 23. v. 15. & 16. (h) c. 35. v. 11. (i) c. 7. v. 6. (k) De Renib. c. 39. (l) Ibid. c. 6. (m) Intern. hum. corp.  
Part. Tab. (n) Anat. Prælect. l. 2. Lect. 23. (o) Hist. Anat. hum. corp. l. 6. c. 23. (p) Vid. supra, n. 54.



pariter; imo in adultis etiam hominibus, cæterisque in quibus insunt, animantibus. Cur enim post ortum his crescerent; nobisque non tam contabescerent, quam Umbilicalia vasa, alique ductus in utero solum inservientes? Scilicet aut Natura illis tribuisset, nobisque servasset quæ plane essent inutilia; aut aliquo in utrisque officio hos renes fungi, fatendum est. Quod utinam proprie quale sit, intelligeremus, ut communiter quale sit, intelligimus. Nam quidpiam secernere, eorum, ut diximus, natura monstrat.

Quem autem succum, quod importandum, & cui demum bono secernant, id vero ita incertum est, ut eorum magnitudo, figura, cavea, color, vasorumque tum numerus, tum ortus, ac finis incerta, aut parum constantia sunt. Cum hæc, atque alia difficultatem quærenti afferant; tum illud omnem prope spem adimit, quodd excretorii ductus investigatio ne in iis quidem successit animantibus in quibus alioquin *vasa omnis generis luculentiora sistuntur*. Sic enim in phoca Cl. Kulmus (q) cum ob hanc causam sperasset, se fortassis etiam ductum harum Glandularum excretorium, hactenus desideratum; feliciter exploraturum; nihilominus spe & labore semper frustratus est, et si omnem operam in id navavit aliquoties, & phocam etiam vivam dissecuit. Nec vero in majorum bestiarum corporibus major spes superest illum inveniendi, si, quantum ex supra expositis observationibus (r) conjiciendum videtur, non, ut nostris, sic illarum fœtibus hæ Glandulæ obtigere proportionem grandiores. Posset tamen in equis adultis, & bobus, statim a morte, diligenter inquiri; cum Valsalvam ipsum sciamus novissime occasionem expectasse in equo indagandi, hancque expectationem, & Figurarum quas, secundum jam habitas observationes, proponere in animo habebat, operosam curam suscipiendam ad cæteras causas accessisse, cur suam ipse Dissertationem non emisit.

68. Illud postremo quod ad Partium usum feliciter vestigandum, merito utilissimum existimatur, earum morborum atque symptomatum observatio, hic nihil adhuc juvare nos potuit. Ut enim hæ Particulæ fero cognosci, sic earum vitia multo serius cœpta sunt observari. Itaque ad Whartonum usque (s); qui conjecturam tamen qualemcumque proposuit; quoad earum morbos nihil omnino, ut ipse ait, apud authores reperitur. Et quanquam postea Diemerbroeckius (t) speraverit, Medicos practicos, & Anatomicos has partes diligentius observaturos, & quales morbi ex iis oriantur, per multiplices cadaverum apertiones ac inspectiones indagaturos, ac annotaturos; nihil tamen adhuc adnotatum videmus, quod ex iis quæ in morborum constitutionibus his renibus accidunt, satis clare firmèquē doceat, quamnam actio proprie & peculiariter lædatur; unde ad eorum utilitatem internoscendam liceret facile pervenire. Quod ego etsi cum Cl. Fantono (u) quadam etiam incuria factum puto; tamen aliis quoque causis tribuendum esse, existimo. Siquidem primum in his Partibus raro insigne vitium aliquod occurrit; cum testari ipse possim, ex quo ab ineunte ætate spectandæ, instituendæ, tradendæ dissectioni humani corporis me dedi, nihil in iisdem ad hunc usque annum duodevigintiagesimum, præter ea quæ in his litteris legisti, animadvertere potuisse, tametsi fere quotannis cum genitalibus utriusque sexus membris eas non semel, imo etiam interdum tum in publico, tum intra privatos parietes quater, aut quinquies, & nonnunquam sæpius apparavi, aut non sine earum confectione demonstravi. Illud deinde satis infeliciter accessit, ut quotiescunque aliquid in ipsis est præter naturam observatum, aut tot in ægrotis incommoda, totque alia in eorum cadaveribus vitia sint animadversa, ut cujus horum quod incommodum effectus esset, proprie & peculiariter definire non liceret; aut si quando alterutra pauciora essent, ejus essent generis, ut nihil possent, nisi aut commune, aut incertum significare. Spectat ad hoc alterum caput prima, quod sciam, morborum renis succenturiati litteris tradita observatio, eaque ab Jo. Georgio Greiselio (x): Cum enim post diuturnam ac contumacissimam Colicam, Vir Nobilis mortuus, intestini Coli internam tunicam absumentam,

& quasi sphacelatam ostendisset quæ Reni sinistro adiacebat, in Rene autem proximo Succenturiato, incredibilem in modum aucto, ulcus ejus magnitudinis, ut aqua rubra emissâ ad libras XII, per ipsum integro pugno etiam tum transitus pateret; quid poterat esse manifestius, quam ex illo ulcere dolorem coli natum esse? Verum quid hoc communius? nam quacunque alia in Parte colo proxima, hoc lædens ad eundem modum ulcus fuisset; ex ea pariter coli dolor obortus esset. Quod si forte præter eum dolorem, aliis quoque incommodis; de quibus Greiselius silet; is æger fuisset, ut certe fuerit, conflictatus; non facile tamen pro certo scire potuisses, num cessanti succenturiati renis officio, an vicino reni, qui & ipse prægrandis, an lienii usque adeo compresso, ut ejus esset figura destructa, an diaphragmati, quod tumor subjectus una cum liene ex illa parte elevarerat altius, an malo ichori, ex tanto ulcere per venosa, & lymphatica vasa in sanguinem transmeanti, accepta essent referenda. Huc quoque attinet Præstantissimi Fantoni (y) observatio, qui in fialiola, quæ calculis renum laboraverat, insignem cavitatem Succenturiatorum vidit: erant enim non solidiuscula corpora, sed puri sacculi membranosi. Quid simplicius? At quid simul, si conjicere hinc velis; aut communius, aut incertius? Calculi enim renum, sive premendo, & distendendo, sive acerrimos dolores, & proximarum membranarum contractiones afferendo, potuerunt facile, revehentia a vicinis iis Glandulis vascula, quippe minus quam importantes arteriæ, renitentia sic arctare, & vinculo quasi injecto constringere, ut sæpius in illarum cavo subsistens sanguis, aut alius quicunque humor, id cavum ad eam magnitudinem, parietes autem ad eam tenuitatem in tenello præsertim corpusculo olim deduxerit. Quod si verum; quid communius? si veri simile; quid ob alias, ex eadem re facile ducendas, conjecturas, incertius? Neque enim me fugit, posse quempiam vel majorem veri similitudinem sequi, si indidem censeat, conjecturam potius esse capiendam quæ Molinetti opinionem (z) dumtaxat confirmet. Veri enim similis est, calculos ratione aliqua ex iis quæ modo commemorabantur, renum in quibus erant, vasa constrinxisse, quam Capsularum in quibus non erant. Itaque cum in illos minus sanguinis inferretur, plus in harum proxima diverticula, ut paulo ante consueverat, deflexisse, eamque & amplitudinem caveæ, & tenuitatem parietum attulisse. Nec mirum; his ab ortu flaccescentibus, nec certe proportionem ita, uti reliquum corpus, & sanguis jam creverant, adauctis, ut irruenti hujus copiarum; renitendo atque excipiendo; quemadmodum antea, essent pares. Quod si in eorum infantium præsertim & puerorum corporibus in quibus imminuti, aut fere consumpti renes non æquam admittebant sanguinis copiam, renes succenturiati diligenter inspicerentur; aliquid fortasse inveniretur, unde super conjectura hac, atque adeo Molinetti sententia maturius ferri judicium posset. Verum ut, hac seposita, ad illum redeamus harum glandularum usum quem ex ipsarum constitutione in adultorum præsertim morborum cadaveribus quærebamus; Whartoni (a) pariter animadversio de his Glandulis in tabe, & in febre hectica non vitiosis, sed fere intactis & sanis & solitam magnitudinem retinentibus, etsi constans esset, nec mox indicandas Peyerii, & Wepferi, in tabidis habitas, observationes adversantes haberet; nos tamen ad communia perduceret: in iis enim morbis, non omnes, sed plurimas tantum alias partes emaciari, ipse confitetur Whartonus.

69. Cæteras autem quas legisse memini, morbosarum harum Particularum observationes, ut Peyerii (b), qui in scirrhus omnino versas offendit, nec cavitatem amplius, nec poros, aut vasa conspicua obtinentes; ut Harderi (c), qui in magnitudinem insolitam auctas vidit, sic ut longitudine uncias III. in puero 14. circiter annorum, superarent; ut Wepferi (d), qui invenit majorem solito cavitate habentes, & substantiam fracidam attritu facile solubilem; ut Fantoni

(q) Aët. Nat. Curios. Vol. 1. Obs. 5. (r) n. 48. (s) Adenogr. c. 13. (t) Anatom. I. 1. c. 19.

(u) in Schol. ad Patris Observ. Anat. Med. 8. (x) Ephemer. N. Cur. Dec. 1. A. 1. Obs. 56. (y) Anatom. corp. hum. Diss. 7.

(z) Vid. supra, n. 54. (a) cap. cit. (b) Apud Bonet. Sepulchret. 1. 2. S. 1. Obs. 63.

(c) Apian. Observ. 61. Vid. & Indic. (d) Ephemer. N. C. Dec. 1. A. 9. Obs. 229.



toni Patris (e), qui earum *spectabilem molem, interiorum alterationem, friabilitatem* pariter deprehendit; has, inquam, omnes observationes propter multiplicia tum in agrotantibus incommoda, tum in cadaveribus vitia, animadversa, ad primum illud caput (f) rejicio. Satis est enim ipfas perlegere, ut (ne plura dicam) peccasse humores per universum corpus circumeuntes, intelligas; quæ una res quot incommoda ipsa per se afferre, & quot in aliis, atque aliis subinde visceribus procreare labes in dies possit, tam notum est, quam quod notissimum.

Quo fit ut supra memoratam (g) Valsalvæ nostri, & siquam aliam præterea legimus vitiatarum in hydropicis harum Glandularum observationem eodem pariter, quo modò indicatas, rejicere cogamur. Nam sive multo maximum in iis cavum, & parietibus quasi exulceratis comprehensum, sive teter in hoc sanguis, seu multum distendens ejusdem generis latex, cujus sæpe generis in quasvis hydropicorum caveas congestum videmus, in illis fuerit deprehensus; perdifficile fane est in ejusmodi corporibus statuere quo primum tempore exiguæ hæ Particulæ vitium contraxerint, aut quod inter plura peculiare incommodum huic potissimum vitio in viventibus responderet. Quæ etsi ita se habeant; nullæ tamen sunt observationes prorsus abjiciendæ, eæque minus, quæ accuratius, & a viris non incertæ fidei conscriptæ sint. Nam ex plurimarum conjunctione, &

comparatione aliquod interdum insperatum lumen existit, quod, si minus nobis, at saltem ut posteris aliquando illucescat, nullo nos decet labore ab aliis deinceps, atque aliis habendis, colligendisque observationibus absterri. Credibile est enim; ut Præcl. Fantonis verbis (h) rem confirmem; *quæ præter naturam in his observari Partibus ulterius possunt, multam fortasse lucem ad investigandos usus tandem aliquando esse allatura.*

70. Interea multum fane est quod Valsalvæ industriæ ac diligentiae debemus. Sive enim quod ipse proposuit, felicius alii, quam nos, agnoscent, atque perficient; non erit quod amplius requiramus. Sive eadem, quæ nobis, difficultates, ac dubitationes aliis obstabunt; ipse tamen conatus, & quæ ejus causa inchoata, agitata, & collecta sunt, excitabunt, juvabuntque cæteros non modo ad præmia (i), verum etiam ad gloriam, quæ Usus hujus Inventoribus publice proposita sunt, tandem aliquando consequenda. Hunc autem invenire tanto erit jucundius, quanto gravius est ignorare. Nam pleræque aliæ Partes etsi quemadmodum agant, ignoramus; quid tamen agant, non ignoramus; de his autem ignoramus utrumque: & si grave nobis est, quod effectus nostro in corpore sæpe videmus, quorum causas non cognoscimus; multo etiam gravius esse debet, quod cum has causas videamus; ipsarum effectum ignoremus. Vale.

(e) cit. Obs. 8.

(f) Vid. num. prox. super.

(g) n. 24.

(h) in Schol. ad Patris Obs. citatam.

(i) Vid. Heister. Compend. Anat. Not. 23.

## EPISTOLARUM ANATOMICARUM FINIS.



# I N D E X

## RERUM, ET NOMINUM

MAGIS IN HIS OMNIBUS EPISTOLIS  
NOTABILIMUM.

*Romani numeri Epistolas; barbari autem articulos denotant.*

### A

**A**bdominis amplissimi musculi dexteri fibras suas producant in sinistros, &c. XI. 29.  
 Achillinus Alexand. De ejus ætate, & vita quædam. VI. 1. 2.  
 Acipenseris piscis quædam Partes observatæ. Vid. Pisces. Vid. Aortæ initium, & Valvulæ. Cordis glandulæ.  
 Actorum Lipsien. Scriptores laudati. XI. 35. 48. XVIII. 12.  
 Agni Partes quædam observatæ. XIV. 20. Vid. etiam Stapedis Crura, & basis. Cochleæ Scalæ, & Lamina Spiralis. Ileum. Aortæ Sinus. Pulmonaris arteriæ Sinus. Renes Succentur.  
 Alberti Salomonis quædam non probata. VI. 33. XV. 65. XVII. 18.  
 Albertinus Hippol. Franc. Prof. Bonon. laudatus. XIII. 36.  
 Albinus Bern. Siegr. Prof. Lugd. Bat. laudatus. XVI. 32.  
 Aluci avis quædam Partes observatæ. IV. 7. Vid. & Renes Succent.  
 Quædam non inventæ. Vid. Jugulares glandulæ Ingluvies.  
 Alvi exonerandæ mira in quodam difficultas. XIV. 1.  
 Anatis Partes quædam observatæ. Vid. Jugulares gland. Oesophagus. Thrachea. Bronchia. Intestina Crassa. Intestinos. glandulæ. Appendices intestinos. Cordis ventriculus dexter, & Carnea hujus valvula. Cordis mucro, & parietes. Oculi. Sclerotica tunica. Nervi Ciliares. Semen deferens vas.  
 Quædam non inventæ. Vid. Ingluvies.  
 Anatomix Scriptor quid potissimum præstare debeat. X. 28.  
 Anatomica in Re quid cavendum. Præf. n. 10. Quam parum sit cogitatis, & rationibus fidendum. VI. 47.  
 Quantum interfit non solum nova invenire, sed & inventorum quæ vera, constituere, & quæ minus recte descripta, accuratius proponere. Præfat. n. 10. & seqq. & Epist. XVI. 35.  
 Ancurysmatis verminosi in bestiis exempla. IX. 46. Ejusdem pericula, & generationis modus. ibid. 45. 46.  
 Anseris Partes quædam observatæ. Vid. Renes Succent. Pulmonaris arteriæ Sinus. Aortæ Sinus, & Valvularum anguli. Intestina. Appendic. intestin. Trachea. Bronchia. Oesophagus. Jugulares gland.  
 Quædam non inventæ. Vid. Ingluvies.  
 Antitragus. Vid. Auricula.  
 ad Anum quorund. brutorum folliculi sunt glandulosi. III. 23. 37.  
 A quibus sint primum in quadrupedibus observati. ibid. 23.  
 Aortæ arteriæ initium quale in cyprino, tinca, lucio, acipensere, variolo, carpine, corbello, cephalo, aurata. XV. 1. 15. 16.  
 Respondet quadantenus Sinui Maximo Aortæ humanæ. ibid. 15.  
 A. quibusnam olim, & nuper descriptum. ibid.  
 Ejus structuræ utilitates. ibid.  
 Morgagni Epistola Anatomica.

Hæc deest in quibusd. ut in canicula. ibid.  
 Aortæ Sinus Maximi usus. XV. 1. 15.  
 Varietates. ibid. 1. 5.  
 A natura ipsum esse, ostenditur. ibid. 5. 6.  
 Quis, saltem in bestiis, primus viderit. ibid. 5.  
 Aortæ Sinus reliqui a quo olim delineati. XV. 3.  
 Utilitates eorum. ibid. 6. 8. 9. 18.  
 Varietates. ibid. 3. 5.  
 Sunt in parte excavati in ipsa cordis substantia. ibid. 6.  
 A natura esse ostenduntur. ibid. 5. 6.  
 Observati in bove, sue, lepore, capra, agno, canine, vulpe, anseri. ibid. 3. 6.  
 Sintne in erinaceo, cyprino, tinca. ibid. 1. 3.  
 Aggeres eorum a quibus olim indicati, & delineati. ibid. 4.  
 Horum structura, & utilitates. ibid. 4. 18.  
 Sunt in senibus duriores. ibid. 6.  
 Aortæ Valvulæ sæpe a natura sunt perforatæ. XV. 19.  
 De Corpusculo, ipsis insidente, & ejus varietatibus, & natura. ibid. 2. 17. 19.  
 Angulus ad ipsum, & fibræ carneæ, hunc angulum facientes. ibid. 17.  
 Harum fibrarum usus tam in systole, quam in diastole Aortæ. ibid. 18.  
 Anguli alii in mediis Valvularum limbis, & a quo olim delineati. ibid. 17.  
 Observati etiam in bove, ove, cane, anseri. ibid.  
 Aortæ Valvulæ ut in accipensere. XV. 1.  
 Apoplexia ex convulsione, experimento explicata. XIII. 27.  
 Apoplectici anatome. VII. 6.  
 Vid. etiam Hemiplexiæ.  
 Appendicula Intestinos. Vermiformis, multorum errore, cum Veterum Cæco confusa est. XIV. 23. 24.  
 Ex eo errore quid sequatur. ibid. 25. 35.  
 Quis primus Appendicul. nomen indicaverit. ibid. 24.  
 Qui primi descripserint, & delineaverint. ibid. 23. 24.  
 Quantum differat a Cæcis intestinis non modo Quadrupedum, sed etiam Avium, ac Piscium, quæ & Appendices intestinos. vocantur. ibid. 26. 34.  
 Qualis, & quanta in fœtu, & infante. ibid. 39. 40.  
 Quomodo postea mutetur. ibid. 64.  
 An augeatur post partum, & quatenus videri possit non augeri. ibid. 40.  
 Nonnunquam deest, vel parva, aut solida est. XIV. 62.  
 Unde sint externæ ejusdem fibræ. ibid. 64.  
 Quibus intus glandulis, sed non semper conspicuis, instruitur. ibid. 59.  
 Quænam intra ipsam deprehendantur. ibid. 37. 38. 39.  
 Vermes, ac vermiculi, & quales, intra ipsam, secundum naturam, reperti. ibid. 37. 40. & seqq.  
 Num inserviat pro nido vermibus, in quo vermiculi edantur, & foveantur. XIV. 40. & seqq. & 55. & seqq.  
 Qui olim ejusmodi sententiæ auctores. ib. 41.  
 Appendiculæ situs, & sedes. XIV. 3. 35. 36.  
 Usus falsi rejecti. ibid. 34. & seqq. & 62.  
 Probabiliores quæsi. ibid. 61. & seqq.  
 Appendiculæ quales in lepore, & quibus cum  
 P p glan-



- glandulis. XIV. 22.  
Qualis in cane, & vulpe. ibid. 25.  
Et quibus cum glandulis in cane, ibid. 60.  
Nulla est in ove, bove, glire, talpa, porcello Indico, marte, erinaceo, mure mai., lue, vipera. ibid. 3. 25. 57.  
Appendices Intestin. quæ in Avibus Cæca intestina dicta, exigua in noctua, falcone, caprimulgo, hirundine, columbo, corvo, beccanoto. XIV. 3. 26.  
Nullæ in plittaco, pico, vespertilione. ibid. 3. 26.  
Quales in anate, anser, gallonoftrate, Indico, & montano; ibid. 28. 29. 31. 60.  
Plexus glandulosus in certa earum parte constanter inventus. ibid. 60.  
Vermiculi in ipsis reperti. ibid. 40. 44.  
Earum falsi ulus refutati. ibid. 26. 30.  
Probabiliores confirmati. ibid. 27. 29. 30. 34.  
Appendic. Piscium, & Avium quisolim discrimen, & in Avibus plures varietates animadverterit. XIV. 26. 32.  
Appendic. in Piscibus descriptæ. XIV. 32. & seqq.  
Quales in rhombo, lupo, carpione, fabro. ibid. 33.  
Nullæ in canicula, seu sele marino, anguilla, cyprino. ibid. 33. 57.  
Vermes in his Appendicib. reperti. ibid. 45.  
Ulus earum falsus rejectus. ibid. 32. 33.  
Probabilior confirmatus. ibid. 33.  
Aquaductus Fallopp. Vid. Nervi Paris VII. Canalis.  
Aquosi Ductus Nuckii. Vid. Oculi Aquosi Ductus.  
Arantius novit ossiculum Tympani Orbiculare. VI. 8.  
Quædam in eo minus probanda. VI. 22. 23. 48. VII. 30. 32. XV. 22. XVI. 12. 21.  
Arculani error. XIX. 26.  
Afciticæ anatome. III. 8.  
Arteria Aspera. Vid. Trachea.  
Arteriæ. Vid. Aorta. Coronariæ. Carotides.  
Atrabiliaræ. Spermaticæ. Cruralis. Pulmonaris.  
Arteriis canum adnata sæpius tubercula glanduliformia, vermiculos continentia. IX. 45.  
Atrabiliaræ arteriæ, & venæ. Vid. Renum Succentur. Vasa Sanguifera.  
Avium Officula Tympani. VI. 29.  
Aliæ Partes observatæ. Vid. Uvula. Palatum. Jugulares glandulæ. Thymus. Thoracicus ductus. Oesophagus. Appendic. intestinor.  
Auditorii nervi. Vid. Nervi Paris VII.  
Auditorius meatus. vid. Meatus.  
Auditus natura præstantis, aut secus, quædam causæ. XII. 48. XIII. 10. 49.  
Unde sit quod internoscatur, quamam a plaga soni veniant. XIII. 14.  
Læsiõ ob quam id amplius non licere videbatur. ibid.  
Auditus gravis quædam causæ. VII. 6. 20. IX. 10.  
In senibus. V. 25.  
Amissus. Vid. Surditas.  
Auratæ pifeis Partes quædam observatæ. XV. 16.  
Auris Anatomem Artificialem quoties, per quos; & quomodo Valsalva tentaverit. XIII. 51.  
Ea præstat Artificiali oculi Anatomiz. ibid.  
Aure de tota qui primi librum scripserint. IV. 5.  
Auris totius situs naturalis. V. 22.  
Particulæ Minutæ quomodo observandæ. VI. 30.  
Partium usus inquirendi rationes. XIII. 1.  
Tympanum. Vid. Tympanum.  
Labyrinthus. Vid. Labyrinthus.  
n Aures infusorum utilitas, & detrimenta explicantur. V. 19.  
Auribus, exsuctum tabacci fumum emittentium, & recte tamen audientium, quam raræ sint certæ observationes. V. 14. 15.  
ex Auribus fluentes humores unde sint. V. 17. 19.  
Materia quomodo expurganda. VII. 14.  
Vermes quomodo abigendi. ibid.  
Auriculæ in quibus sint Avibus. IV. 7.  
Auriculæ vasa pinguedinota Vicussenii num admittenda. IV. 1.  
Antitrangi usus. IV. 7.  
Antitrangi musculus. Vid. Auriculæ Musculi.  
De Operationibus chirurgicis in Antitrango ad Odontalgiam. Vid. Dentium.  
Trangi usus. IV. 7.  
Trangi musculus. Vid. Auriculæ Musculi.  
Trangi glandulæ varietates. IV. 6. 13.  
Trangi longitudo in vespertilionibus. ibid. 7.  
Auriculæ Lobus non est corpus glandulosum. ibid. 1.  
Cartilaginis Processus Acutus a quo primum delineatus. IV. 9.  
Processus ejusd. utilitas. ibid.  
Ligamentum in eum Processum infigi, confirmatur. ibid.  
Auriculæ Musculi a quibus primum memorati, & delineati. IV. 5. 6.  
Superioris musculi varietates. ibid. 2. 5.  
Posteriorum varietates. ibid. 4. 5.  
Anterioris varietates. ibid. 6.  
Anterioris alterius qui Inventores. ibid.  
Musculorum Trangi, & Antitrangi varietates. ibid. 7.  
Musculi Helicis varietates. ibid. 8.  
Fibrarum Helicis carnearum varietates. ibid.  
Fibrarum carnearum Conchæ varietates. ibid.  
Auriculæ motus manifestus in Viris duob. Illustribus IV. 7.  
Obscurus negari non debet. ibid.  
Quotuplex, & cui bono esse queat. ibid.  
Qui primi hunc esse, docuerint. ibid.  
Auriculæ Cordis. Vid. Cordis.  
Axillares glandulæ cur, ingravescente manuum scæda scabie, intumescant. IX. 26.  
Azygos musculus. Vid. Uvulæ Musculi.  
Azygos vena an orificium habeat aut crepidine quadam, aut hemisphinctere munitum. XV. 32. 34. 35.  
De ejus Valvulis, Anatomicorum dissensiones. ibid. 31. 32.  
Quid de iis observatum. ibid. 35.

## B

- B Aglivi quædam non probata. XIII. 30. 39.  
Bartholinus Casp., Thomæ pater, Casserii fuit discipulus. XX. 1.  
Bartholinus Casp., Thomæ filius, laudatus. VII. 14. XVI. 58. XVII. 1.  
Bartholini Th. quædam minus probata. IV. 11. VI. 4. 5. 18. 20. 23. VII. 10. XI. 20. 33. XIV. 35. XV. 59. XVII. 17. 45. XVIII. 8. XX. 10.  
Baruffaldus Hieronym. laudatus. XV. 67.  
Bauhinus Casp. quibus annis Patavii Fabricium ab Aquapendente audiverit. XV. 69.  
An ad suum Theatrum Anatomicum Eustachianas Figuras ipse adjunxerit. ibid. 23.  
In eo quædam minus probata. V. 23. VI. 23. 47. 48. VII. 14. 21. 22. 32. IX. 3. 15. 17. 25. 42. XII. 36. 38. XV. 7. 23. 23. XVI. 6. XVII. 18.  
Beccanotti avis Partes quædam observatæ. Vid. Oesophagus. Appendic. intestinor.  
Benedictus Alexand. est qui sub nomine Patroni Plinii perstringitur a Leonicensi. XI. 2.  
Benevolus Ant. in Florent. D. M. N. Nosocom. Chirurgus, & Magister, laudatus. XVIII. 13. XIX. 22. 24.  
Berengarius Jac. Carpens. De ejus ætate, & vita quædam. VI. 1. 2.  
Pri.



Primus Appendiculam Vermiformem intestinor. descripsit. XIV. 23. 24.  
 Num. ante Achillini tempora Malleum, & Incudem auris descriperit. VI. 2. 3.  
 Nonnulla in eo minus probata. IX. 2. X. 9. 10. 11. XII. 37. XIV. 23.  
 Bergen Car. Aug. laudatus. XVI. 50.  
 Bibliothecæ Anatomicæ Collectores laudati. III. 17. VI. 47. XX. 8.  
 Bidloï lapsus. VI. 23. XI. 23. 29. 47. XX. 10.  
 Bilis. Vid. Hepar.  
 Bilsi lapsus. VI. 5.  
 Blasii Ger. locus cum Severino conciliatus. XIV. 25.  
 Locus explicatus. XX. 33.  
 Loci non probati. VI. 3. 4. 33. VII. 9. XIV. 21.  
 Boerhaavius Herm. Prof. Lugd. Bat. laudatus. III. 3. 5. 6. 13. 14. 19. 20. 21. 22. 26. IV. 7. VI. 24. VII. 25. XIV. 11. XX. 8.  
 Bohlius Jo. Christ. R. B. Med. laudatus. III. 20.  
 Bononiensis Instituti Scientiar. Academia laudata. XIV. 12.  
 Bovis Partes quædam observatæ. Vid. Tympani Chorda. Incudis Ligamentum. Uvula. Uvulæ Musculus Azygos, Glossostaphylinus, & Pharyngostaphylinus. Pharyngis Linea, Alligatio ad Laryngem, Glandulæ, & Musculi Staphylopharyngæus, & Stylopharyngæus. Tonillæ. Jugulares glandulæ, Thyroidæa, & Dorsales. Rectum, & Cæcum intestina. Aortæ Sinus. Pulmonaris arteriæ Sinus. Aortæ Valvularum Anguli. Cordis situs, & sedes. Cordis anterioris faciei Prominentia. Nervi Paris II. & Accessorii. Oculi Musculi, & Tunica Sclerotica, Cornea, Choroides, Vitrea, Retina, & Nervi Ciliares, ac Ductus Aquosi. Vid. & Viruli.  
 Partes quædam non inventæ. Vid. Appendiculæ intestinor.  
 Brasavoli locus explicatus. XVIII. 34. 35.  
 Briggii quædam non probata. XVII. 17. 21. 25.  
 Bronchia prima in quibusd. animantib. ut anate, & anser, ex imperfectis, etsi secus videatur, cartilaginibus constant. XI. 49.  
 Bronchiales glandulæ a quibus primum memoratæ. IX. 32.  
 Qua sint in hominibus magnitudine. IX. 41.  
 Earum ductus quâ ratione, etsi frustra, quæsit. IX. 36. 41.  
 Videntur esse Lymphaticæ. ibid. 41.  
 Sunt etiam in canibus, & quales, & cum albo interdum succo. IX. 41. XX. 33.  
 Unde ea succi albedo. IX. 41.  
 Bronchotomia. In hac quædam omissa attendenda. IX. 33.  
 Brovniï lapsus. VII. 21. IX. 33. XI. 14. XVI. 20.  
 Buccinatoris musculi origines plures, & commercium cum Pharyngis quibusdam musculis. XI. 39. 40. 41.  
 Bucretii errores. IX. 32. XI. 46. XX. 4.  
 Burrhi Franc. Jos. lapsus. XIX. 26.

## C

Cæcitas. Vid. Visus.  
 Cæcum intestinum, perperam dictum. Vid. Appendiculæ.  
 Cæcum intestinum verum, id est Veterum, quid non fuerit, & quid fuerit. XIV. 23.  
 Quis olim ejus in homine varietates descriperit. ibid. 24.  
 Quale in foetu, & infante. ibid. 39. 40.  
 Quomodo postea amplificetur. ibid. 64.  
 Cæci usus. ibid. 63.  
 Cæcum intestinum quale in porco, & quot Ligamentis. XIV. 17.  
 Quale in porcello Indico, & quot Ligamentis. ibid. 18.  
 In bove fibris carneis non obductum. ibid. 1.  
 Morgagni Epistolæ Anatomicæ.

Quale in bove, & mure mai. ibid. 3.  
 Multo amplius in ove, bove, mure mai. ibid.  
 Quantum in ove. XIV. 25.  
 Quantum, quale, & ubi in muribus. ibid.  
 Non est in erinaceo, glire nostrate, & talpa. XIV. 1. 19. 25.  
 Circa Cæcum intestinum glandulæ. ibid. 2.  
 In ove etiam, & bove. ibid.  
 Cæca Avium, & Piscium intestina. Vid. Appendices intestinor.  
 Camerarius Elias Prof. Tubing. laudatus. XII. 35.  
 Canales Semicirculares. Vid. Semicirculares.  
 Cananus Jo. Bapt. quis fuerit, quantumque in Anatomie, & Medicina excelluerit. XV. 65. 66. 67.  
 Defensus. ibid.  
 Quasdam venarum valvulas ante Fabricium ab Aquapendente perpexit. ibid. 65.  
 Caniculæ, seu felis marini Partes quædam observatæ. Vid. Pisces.  
 Quædam non inventæ. XIV. 33. XV. 16.  
 in Canibus frequentissimus morbus per dissectiones deprehensus. Vid. Dorsales falsæ glandulæ.  
 Canis Partes quædam observatæ. V. 3. Vid. etiam Tympani Officula. Mallei Musculi Processus Minoris, & Minimi. Tuba Eustach. Cochleæ Scalæ, & Lamina Spiralis. Palati pars exos. Uvulæ Musculus Azygos. Pharyngis Linea, & glandulosus Annulus. Tonillæ. Jugulares glandulæ. Thyroidæa. Bronchiales, & Dorsales. Œsophagus. Intestina Crassa. Colon. Rectum. Appendicula intestinor. Pulmonaris arteriæ Sinus. Aortæ Sinus, & Valvularum Anguli. Cava vena Inferior. Cordis Situs, Sedesque, Facies posterior, Anterioris faciei Prominentia, Ventriculi, & Auriculæ. Renes. Succent. Cerebri Nates, & Testes. Nervi II. Paris, & VIII., & Intercostales. Oculi Musculi, & Tunica Sclerotica, Cornea, Choroides, & Retina, Nervi Ciliares, & Aquosi Ductus.  
 Partes quædam non inventæ. Vid. Eustachii Valvula. Coronariæ cordis venæ Valvulæ.  
 Cantius Arent laudatus. VII. 23. X. 29. XI. 1. 9. 10. 17. 42. 45. 48.  
 In eo quædam minus probata. VI. 11. 17. VII. 21. 22. X. 2. 9. 29. XI. 1. 34. 43. 48. XV. 37. 38. 56. XVI. 5. 45.  
 Capræ num solæ inter bruta animalia Suffusionem patiuntur. XVIII. 16.  
 Capræ Partes quædam observatæ. Vid. Uvulæ Azygos. Œsophagus. Aortæ Sinus. Pulmonaris arteriæ Sinus. Cavis venis interjectum Tuberculum. Cordis Situs, Sedesque, Faciei anterioris Prominentia, & Ventriculus dexter. Oculi Tunica Retina, & Choroides, Iris, & Processus Ciliares.  
 Caprimulgi avis Partes quædam observatæ. Vid. Œsophagus. Append. intestin. Renes Succent.  
 Carcani laudabile institutum. XVI. 35.  
 Nonnulla minus probata. ibid. 34. 37.  
 Carotidibus arteriis ligatis, canes quamdiu vixerint, & quibus cum læsionibus. XIII. 30. 31.  
 Carpionum ex Benaco Partes quædam observatæ. Vid. Appendic. intestin. Aortæ initium. Oculi Tunica Sclerotica, & Musculi.  
 Cassebohmius Jo. Frid. Prof. Halens. laudatus. V. 9. 10. 11. 17. 18. 24. 25. VI. 4. 6. 14. 15. 17. 18. 19. 21. 23. 25. 26. 27. 37. 40. 47. 49. VII. 1. 4. 12. 29. 30. 32. XII. 5. 26. 32. 52. 56. 59. 60.  
 Casserius primus elegantem Ciliarium Processuum structuram delineavit. XVII. 11.  
 Plures auris Figuras edidit, quam quisquam antea, aut postea. VII. 10.  
 Videtur Incisuras Meatus Auditorii non omnino ignorasse. IV. 10.  
 Imo in bestiis illas ostendit. ibid.  
 In iisdem docuit Meatum Audit. breviorē lon-



- longioremve fieri pro se nata. ibid.
- Casseri ipsius Explicationes ineditæ quarundam suarum Posthumarum Tabularum, nuper inventæ. IX. 32.
- Figuram explicandi conatus. XI. 46.
- De alia, dubitatio. XX. 4.
- Locus explicatus. VII. 32.
- Loci defensi. VII. 32. XII. 59.
- Alii minus probati. V. 11. VI. 3. 22. 23. 33. 34. 43. 44. 47. 48. 49. VII. 10. XI. 46. 49. XII. 2. 10. 30. 32. 33. 39. XIII. 10. XVI. 31. 36. 37. XVII. 17. 20. 41.
- Cataracta. Vid. Suffusio.
- Cavæ Venæ Inferioris fini præfixa Valvula. Vid. Eustachii.
- Cur illa intra thoracem multo brevior hominibus quam quadrupedibus. XV. 50. 51.
- Ejusne truncus inferius descendat, quam proximæ Aortæ, ibid. 33.
- Idque an etiam in canibus. ibid.
- Ejus obliquitas quibus olim nota. XV. 40.
- Hæc in nonnullis major. ibid.
- Multiplex: & ejus usus. ibid.
- Cavæ ejusd. sedes magna ex parte mutata, idque a natura, in quodam sene. XX. 5.
- Cavæ Superiori, & Inferiori interjectum Tuberculum quid sit in vervece, & capra. XV. 43.
- Num sit in homine. ibid.
- Non est idem quod Striga Highmori, sive Isthmus Vieussenii: & quid hæc sint. XV. 44.
- Celli Corn. locum aut restituendi, aut explicandi conatus. XVII. 23.
- Locus explicatus. XIV. 7.
- Locus defensus. XVIII. 33.
- Cephalo piscis quædam Partes observatæ. Vid. Aortæ initium.
- Cephalopharyngæus musculus. Vid. Pharyngis Musculi.
- Ceratopharyngæus musculus. Vid. Uvulæ Musculi.
- Cerebri Inferiorum Recessuum Lateralium Ventriculorum descriptio. XVI. 12.
- A quibus olim fuerint illi propositi, & picti. ibid.
- Thalamorum Nervor. Optic. posterior pars subtus excavata est ad Nates excipiendas. ibid.
- Nates Testium, & Testes Natium appellatione non primi Recentiores designavere. XVI. 44.
- Harum Prominentiar. in homine, fele, ove, glire, lepore, vulpe, cane observatio, & comparatio. ibid.
- Num inde appareat, a Veteribus bestiarum dumtaxat cerebrum dissectum fuisse, ibid.
- Cerebri Meninx, Vide Meninx.
- Medulla Oblongata. Vid. Medulla.
- Choroides Plexus. Vid. Choroides.
- Nervi. Vid. Nervi Cerebri.
- Cerebri erosi observatio. XIII. 19.
- Alterius hemisphærii læsio. Vid. Hemiplexia.
- Intra, aut circa cerebrum effusi sanguinis observationes. XIII. 19. 25.
- Et circa cerebellum. XIII. 23.
- sine Cerebro editæ infantis observatio. XX. 56.
- 57.
- Quod tamen a primordiis non defuisse, sed vi morbi sensim absumi potuisse in hac, & similib. observationibus conjicitur. XX. 57.
- Chefelden Gul. ex Reg. Soc. Londin. laudatus. V. 6. 14. 21. VII. 20. XVI. 14.
- Chondropharyngæus musculus. Vid. Pharyngis Musculi.
- Chorion utramque Placentæ faciem convellit. XVI. 17.
- Choroides in Plexu qui Veterum, glandulas agnoverint. III. 31. 37.
- Choroides oculi tunica. Vid. Oculi Tunicæ.
- Clericus Dan. Med. Genev. laudatus. IX. 38. XIV. 46. 53.
- Clysmi cur siphone, os versus Sacrum directo, injiciantur. XIV. 21.
- Cochleæ auris sedes in adultis num intra os pumicosum. XII. 40.
- Cochleæ descriptio. XII. 10. & seqq.
- Quot in ea Falloppius, & Eustachius invenerint. XII. 13.
- Qui primi Cochleam delineaverint. ibid.
- Cochleæ descriptio Vieussenii, explicata, & examinata. XII. 15. & seqq.
- Cochleæ totius, & ejus Partium situs. XII. 15. 19.
- Qua ratione dextera, & sinistra sit, internoscenda. XII. 10.
- De numero gyrorum Cochleæ quot erraverint, & quis primus verum docuerit. XII. 13. 14.
- Fornices interjecti primo, & secundo gyro ex lamellis duabus ossibus constant. ibid. 18.
- Interjecti secundo gyro, & semigyro, an sint ossi. XII. 19. 22. 23.
- Membranula intus Cochleam universam convellens, qualis tum sicca, tum recens. ibid. 58.
- Sanguifera vascula qualia, & unde. XII. 58. 60. 62.
- Cochleæ Modiolus qua figura sit, & quo pertingat. XII. 11. 19. 20.
- Quis illum primus, meatumque per ejus axem perductum indicaverit. XII. 13.
- Qui hunc meatum agnoverint olim, & qui negaverint, & cur. ibid. 20.
- Qualis ea via sit. XII. 20. 43. 45.
- Num per eam subeat quidquid ex Molli nervi Portione in Cochleam intrat. ibid. 44. 45.
- Modioli extrema pars num truncus nerveus sit. XII. 20. & seqq.
- Modioli superficiei pars unde sæpe fusca. XII. 62.
- Modioli usus. ibid. 19.
- Cochleæ Scalas qui primi cognoverint, & delineaverint. XII. 14.
- Scalæ, earumque parietes, & dimensiones quibus nominibus sint distinguenda. XII. 12.
- Scalæ incipientium discrimen: idque in canibus, agnis, & præsertim vitulis multo manifestius. XII. 11.
- Qui primi Scalas inter se communicare, docuerint. ibid. 25.
- Ea communicatio qualis non sit. ibid.
- Qualis esse videatur. XII. 26.
- De Scalæ Tympani usu conjectura quædam. XIII. 48.
- Cochleæ Lamina Spiralis ab Eustachio inventa. XII. 13.
- Sitne ex vero osse, & quatenus. ibid. 19. 22. 23.
- Qualis in recentibus, & siccis auribus vel post coctionem inveniatur. XII. 21. 23.
- Qualis in cane, vitulo, & ovino genere. ibid. 23. 24.
- In homine, facie anteriore est æquali; posteriore extantibus lineis pulchre distincta. XII. 16.
- Cochleæ Zona a quibus primum cognita. XII. 14.
- Quam tenuis, & qualis initio. ibid. 24.
- Continuatur membranæ, Vestibulum, & Cochleam convellenti. XII. 54. 58.
- Quid, & quatenus habeat peculiare. ibid. 58. 59.
- Cochleæ Tuber, in Tympano prominens, qui primi animadverterint, & delineaverint. XII. 10.
- Ejus prominentiæ utilitas. VI. 39. XII. 10.
- Coiterus fuit Falloppii discipulus. IV. 5.
- Nervum Accessorium diligentius quam cæteri inter Veteres, descripsit. XVI. 1.
- Spinalis Medullæ duplicem substantiam, ejusque nervorum gemina utrinque initia, conformationem, & ganglia ad exitum, primus indicavit. XVI. 7.
- Quædam in eo minus probata. V. 22. 23. VI. 33. 48. 49. VII. 14. 30. 32. XII. 13. 38.
- Colladus Ludov. sibi Stapedis ossiculi inventionem frustra arrogabat. VI. 3.
- Colon intestinum num, & quatenus angustia qua-



- quadam a Recto jam proximo distinguatur .  
 XIV. 17.  
 Ea est in ovibus, & porcis . XIV. 17. 20.  
 De ejusdem angustiae usu suspicio quædam . XIV. 20.  
 Coli fibræ longitudinales qua ratione aliter ac in cæteris intestinis, fere ubique disponantur, & cur . XIV. 8. 13.  
 Qui id olim indicaverint . ibid. 8.  
 Coli Ligamenta dicta quid sint : XIV. 1. 8. 11. 12. 64.  
 Quibus olim cognita : ibid. 4. 5.  
 A quibus primum delineata : ibid. 4.  
 Qui tria posuisse videantur, & qui revera posuerint . XIV. 4. 5. 6. 7.  
 Quis tria primus delineaverit . ibid. 10.  
 Singulorum sedes, & intervalla : ibid. 9. 14.  
 Ubi latiora sint, ac firmiora : & cur . XIV. 13. 64.  
 Unde oriantur . ibid. 8.  
 Quo definant, & cur ; XIV. 10. 13. 64.  
 Eorum usus . ibid. 13. 14. 63. 64.  
 Quomodo universa, itemque singula possint appellari . XIV. 1. 9.  
 Lateralis, five Interioris observationes petuliares . ibid. 10.  
 Cur sint in quibus sunt Cellulæ Coli, nec sint in quibus hæ non sunt . ibid. 13.  
 Non sunt in cane, vulpe, ove, XIV. 20.  
 Num sint in erinaceo . ibid. 1. 18. 19.  
 Num in lepore . XIV. 1.  
 Num in porcello Indico . ibid. 18.  
 Quibus in bestiis sint . ibid. 17.  
 Quot, & quomodo in porco . ibid.  
 Coli num sint alia Ligamenta transversa . XIV. 14.  
 Coli Cellulæ a quibus primum adnotatæ, & descriptæ . XIV. 16.  
 Earum sedes : ibid. 14. 15.  
 Quæ causæ ipsas efficiant, aut servant . Ibid. 5. 6. 14. 15.  
 Hæ causæ a quibus primum animadvertæ . XIV. 5. 6. 15.  
 Coli Cellulæ ubi sint plures : XIV. 15.  
 Ubi majores, aut minores . ibid. 13. 17.  
 An sint in humanis fœtibus . ibid. 15.  
 Num sint in porcello Indico . ibid. 18.  
 Non sunt in ove . XIV. 1. 20.  
 Non sunt in cane, neq. in vulpe . ibid. 20.  
 Quibus in bestiis esse videantur, nec sint ; ibid. 18. 19.  
 Quibus in bestiis sint . XIV. 17.  
 Ubi sint, aut non sint in porcis : ibid.  
 Coli Valvulæ Conniventes ubi, & quomodo distributæ sint . XIV. 14. 15.  
 Etiam in porcis . ibid. 17.  
 Num, & quatenus Cellulas faciant . ibid. 14. 15.  
 Columbæ Partes quædam observatæ . Vid. Oesophagus . Appendic. intestin.  
 Quædam non inventæ . Vid. Iugulares glandulæ . Intestinatorum Valvula .  
 Columbi Realdi quædam non probata : VI. 3. 49. IX. 31. 42. XI. 19. 31. XV. 7. XVI. 19. 25. 43. XVII. 17.  
 Corbelli piscis Partes quædam observatæ . Vid. Pisces . Vid. Aortæ initium . Oculus . Oculi Tunica Sclerotica, & Cornea . Nervi II. Paris.  
 Cordis verus in homine situs, & sedes a quibus præmonstrata sint . XV. 55. 56.  
 Qualia revera sint . ibid. 50. 51.  
 Eorum utilitas secundum naturam . ibid. 54.  
 Eorum noxæ in statu præter naturam . ibid.  
 Cur plerique in illis erraverint . XV. 50. 53.  
 Qualia in muribus, gliribus, erinaceis, porcellis Indicis, leporibus, felibus, canibus, vulpibus, capris, bobus, & cur . XV. 51. 52. 54.  
 Cordis Prolapsus quis commentitius . XV. 53.  
 Quis verus . ibid.  
 Aliæ situs, & sedis cordis mutationes a morbo . ibid.  
 Aliæ a natura . ibid.  
 Cordis Involucrum . Vid. Pericardium .  
 Cordis posterior facies cur magis sima homini, quam quadrupedib. XV. 51. 52.  
 Num in porcis, canibus, gallinis, hirundinib. æque convexa, ac anterior . ibid. 52.  
 Cordis anterior facies est longior posteriore . XV. 57.  
 Habet in summo Prominentiam Semicircularem, & cur . ibid.  
 A quo delineatam . ibid.  
 Eamque etiam in bobus, porcis, felibus, porcellis Indicis, leporibus, capris, vulpibus, canibus . ibid.  
 Cordis Basis, cum Auriculis, declivis est in posteriora . XV. 57.  
 Cordis Mucronem subinde esse duplicem, quinam olim verbis, & delineatione docuerint . ibid. 59.  
 Quid de hac re in homine, & erinaceis observatum : & mucronum uter longior, ibid.  
 Mucro in anate, & gallina cur subalbicet . XV. 60.  
 Cordi, & Aortæ initio in acipensere adhærentes glandulæ, & hæ an cum illius cavo communicantes . XV. 2. 16.  
 A quo delineatæ . ibid. 16.  
 Cordis fibræ secundum longitudinem rectæ in superficie humani cordis nusquam inventæ . XV. 58.  
 Cordis parietes in gallina, & anate multo proportionem crassiores, quam in homine, & quadrupedib. XV. 60.  
 Cordis membrana interna quomodo separari possit . ibid. 61.  
 Cordis Septum an perforatum . XV. 2.  
 De hac re quid observatum sit : ibid. 62.  
 Cur olim alii aliud tradebant . ibid.  
 Cordis Ventriculi, & Auriculæ an adhuc possint dextera, & sinistra vocitari . XV. 49. 55.  
 Hæ appellationes quam sint antiquæ . ibid. 49.  
 Ventriculorum finis supra imam arteriosam . Valvular. partem est statuendus, & cur . XV. 6.  
 Ventriculos intus asperos esse, vel antiquis temporibus traditum . ibid. 60.  
 Qua ratione, & quo discrimine asperi sint etiam in gallinaceo genere, canibus, porcis . XV. 60. 61. 62.  
 Ventriculus dexter an & ipse ad mucronem perveniat . ibid. 2. 60.  
 Quid ea de re in hominibus, & quid in capra, sue, anate, gallina observatum . ibid. 60.  
 Ad summam anteriorem partem supra basim excrescit, & cur . XV. 57.  
 Ejusdem Ventriculi carnea Valvula in Avibus, ut anate, & gallina : & cur facta . ibid. 60.  
 Cordis Auricularum verum usum, & hujus causam quis indicaverit . XV. 14.  
 Auriculæ tenuioribus lacertulis intus carent in sue . ibid. 61.  
 Non multum inter se amplitudine ambæ discrepant in sue, cane, erinaceo . ibid.  
 Cordis, etiam extracti, motus quam facile in quibusd. animantib. restituatur . XV. 54.  
 Motus a diaphragmatis motibus secundum naturam, adjuvari ; præter. nat. turbari possunt . ibid.  
 Cordis Ventriculorum, & Auricular. contractiones, aut dilatationes non esse synchronas, quis olim observaverit . XV. 9.  
 Num hoc jam negandum nunc sit . ibid. 13. 14.  
 Cordis Valvulæ . Vid. Aortæ . Pulmonar. arteriæ .  
 Cordis Vasa Coronaria : Vid. Coronaria .  
 De tempore quo sanguis per hæc circumducitur, novæ dubitationes . XV. 9. & seqq.  
 Vasa Magna . Vid. Aortæ . Pulmonar. arteriæ . Cavæ Venæ .  
 Nervi . Vid. Nervi VIII. Paris.  
 Cordis vulnus penetrans, non nisi amotis internis reticulis, detectum . XV. 61.  
 Coro-



Coronariæ Cordis Arteriæ. De harum sede, inæqualitate, numero Galenus quidem verâ; sed plures alii non vera docuere. XV. 7.  
Tertia a quib. posita, & indicata. ibid.  
In multis deest. XV. 8.  
Cum est, ubi sit. ibid.  
In quibusd. eorum in quib. deest, quomodo suppleatur. ibid.  
In cane quoque aliquando observata. ibid.  
Illarum in quodam vitulo una tantum. ibid.  
De duabus sinistra solet esse major. ibid.  
Singulæ in singulis incipiunt. Sinib. Anterioribus Aortæ. XV. 8.  
Nullius adhuc, ne in bestiis quidem, inventum initium in Sinu Posteriore. ibid.  
Earum initia, sive oscula non semper sub Valvulis. XV. 11.  
Interdum alterum sub Valvulis, alterum supra, etiam in bestiis. ibid.  
Longa observatarum ejusmodi varietatum series. ibid.  
Num ex his varietatibus tantum, varietas pulsuum, & morum. ibid.  
De tempore circumcisionis sanguinis per has arterias, novæ dubitationes. XV. 9. 10. 11. 12. & seqq.  
Coronariæ Cordis Venæ Valvulis sæpe & ad ramorum officia, & in truncis ipsis instructæ, & qualibus. XV. 21.  
Hæ Valvulæ in canib. non inventæ. ibid.  
Majus illarum Venarum ostium alia in aliis magnitudine. XV. 20.  
Hujus ostii Valvulæ naturales perforationes, sectiones, aliæque varietates. XV. 20. 22. 40.  
Defectus, & præsertim in bestiis. XV. 20.  
Cortelii Jo. Bapt. quædam non probata. VI. 36. 33. 43. XVI. 43. 46.  
Corvi Partes nonnullæ observatæ. Vid. Oesophagus. Appendic. intestin. Renes. Renes Succent. Nonnullæ non inventæ. Vid. Jugulares gland. In gluvies. Intestinor. Valvulæ.  
Coronariæ Partes quædam observatæ. Vid. Oesophagus. Renes Succent.  
Quædam non inventæ. Vid. Jugulares glandulæ.  
Courtenius laudatus. IX. 46. XIII. 46.  
Cowperi Gulielmi laus. XI. 36. XVI. 33.  
Figura explicata. XI. 42.  
Nonnulla minus probata. VI. 5. 20. 21. VII. 10. 22. 23. 25. 27. IX. 4. X. 15. XI. 9. 14. 36. XVI. 24. 25. 32. 33. 34.  
Cranii Foraminum pro venis Occipitalib. primi Inventores. & Delineatores. IV. 11.  
Ossa pleræque duob. in scotib. deficientia. XX. 56. 58.  
Cricopharyngæus musculus. Vid. Pharyngis Musculus.  
Cruralis Arteriæ ossificationes. XV. 70.  
Venæ ad poplitem naturalis dilatatio in quibusdam, & peculiaris, præter valvulas, structura. XV. 70.  
Quinam hæc olim partim indicaverint, partim indicasse videri possint. ibid.  
Crurum diuturna debilitas num ab arteriæ Cruralis ad poplitem dilatatione, & ossificationibus. ibid.  
Cuculi avis Partes nonnullæ observatæ. Vid. Oesophagus.  
Cyprini piscis Partes quædam observatæ. Vid. Aortæ initium, & Sinus.

## D

De glutationis juvenandæ causa, quotuplici motu Larynx agatur. Vid. Larynx.  
Impeditæ a tumentib. Dorsalib. glandulis exempla. IX. 46.  
Dejectiones sanguinis, & vesicularum unde. III. 10.  
Dejiciendi mira in quodam difficultas. Vid. Alvi,

Delphinus Daniel IV. Senator Venet. & Patavii olim Prætor. & Propræfect. laudatus. XII. 46.  
Dentium duor. sanor. evulsione ex super. maxilla, immanis dolor, quotidie recurrens ad ejusd. lateris tempus, sublatus. XIII. 7.  
de Dentium dolore, per incisionem, ulationem, compressionem certæ partis auriculæ, sublato. XIII. 6. 7.  
Derehamius Thom. Eques laudatus. ibid. 46.  
Diaphragma cordi, ut fulcrum, datum est. XV. 54.  
Ejus motus adjuvare potest motum cordis, & contra. ibid.  
An ejus medium sit immobile, & quatenus. ibid.  
Partes laterales quantum moveri possint. ibid.  
Diemberbroeckii hallucinationes quædam. VI. 20. 23. VII. 14. 21. XII. 63. XIV. 6.  
Dorsales glandulæ sic primum sunt a Recentiorib. nominatæ. IX. 42.  
A Vesalio primum memoratæ. ibid.  
Non esse in omnibus, qui olim, & recte, docuerint. ibid.  
Nec sunt in omnib. canib. IX. 42. 45.  
Num in his ductus habeant secundum naturam, in œsophago patentes. ibid. 44.  
Vario in variis hominib. sunt numero. IX. 42.  
Num succum immittant in œsophagum, & quæ hujus rei videri possit esse ratio. ibid. 43.  
Videntur potius esse Lymphaticæ. ibid.  
In vacca observatæ. ibid.  
Num sint vermium naturale ovarium. IX. 44. 45.  
Tumefactæ impediunt deglutationem. ibid. 46.  
Dorsales falsæ glandulæ, live tubercula vermiculis plena, sæpius in tunicis œsophagi, & aortæ, & nonnunquam alibi, in canib. observata. IX. 44. 45. 46.  
His similia in aliis animantibus alibi tubercula verminosa. IX. 44. 46.  
Drakii quædam non probata. IV. 6. 7. V. 11. VI. 32. 40. VII. 5. 21. 22. 27. IX. 4. X. 15. 29. XII. 39. XIII. 13. 53. XIV. 23.

## E

E Brietati superveniens Aponia, intra quadriduum lethalis. XV. 42.  
Equi nonnullæ Partes observatæ. Vid. Staphylopharyngæus musculus.  
Quædam non inventæ. Vid. Eustachii Valvula.  
Erinacei Partes quædam observatæ. Vid. Thyroidæa Oesophagus. Rectum, & Ileum intestin. Renes Succent. Aortæ Sinus. Cordis situs & sedes, Mucro, & Auriculæ.  
Quædam non inventæ. Vid. Cæcum intest. Appendicula Vermiformis.  
Eustachii Tuba. Vid. Tuba.  
Valvula ad finem venæ Cavæ Inferioris num aliis ante ipsum nota. XV. 25.  
Cur Eustachianæ potius nomine, quam aliis, appellanda. XV. 40.  
A quibus post Eustachium memorata. XV. 23. 24. 25.  
In pluribus adultis, & scotibus qualis inventa. XV. 28. 29. 30. 40. 45.  
Frustra quæsitæ in porcis, equo, & fere in canibus, & qua re in ejusmodi bestiis suppleri queat. XV. 41.  
De ipsius usibus. XV. 24. 25. 26. 40. 45.  
Eustachii locus restitutus. XII. 13.  
Explicatus. VII. 21.  
Consideratus. XV. 66.  
Tabulæ num omnes inventæ. VII. 10.  
Figuræ quædam explicatæ, aut illustratæ, aut consideratæ. VII. 21. IX. 34. X. 4. 5. 14. 18. XI. 5. 11. 15. XII. 28. 29. XV. 23. 70. XVI. 10. 11. 12. 15. 19. 21. 24. 31. 33. 34. 35. 36. 43. 46. 47. 52. 56. 57. XVII. 2. 11. 36. 40. 43. 44. 45. 46. XX. 1. 4. 6. 51.  
Eustachius quæ in Cochlea invenerit. XII. 13.  
Renes Succenturiatos revera primus invenit. XX. 2. 3.  
Figuris suis ostendit in Pharyngis musculis collocandis,



candis; Naturæ; in separandis, & distinguendis, Anatomæ artificium. XI. 15.  
 Nonnulla in eo non æque probata. VI. 33. VII. 9. 33. XI. 15. XII. 28. XV. 7. 22. XVI. 35.

## F

**F**abri piscis Partes quædam observatæ, Vid. Appendic. intestin.  
 Fabricii Hildani nonnulla haud probata. XII. 36. XVI. 3.  
 Fabricius ab Aquapendente primus animadvertit, in communi Suffusiones deprimendi ratione, CrySTALLINUM necessario perforari. XIX. 21.  
 Oculi interni fere optimam Figuram proposuit. XVII. 17.  
 Vaginam tendinis musculi oculi Obliqui Majoris perspexit. XVI. 36.  
 Plures auris Partes, quam quisquam antea, delineavit. VII. 10. 30. 32.  
 Num agnoverit integumentum, Membrana Tympani in fœtibus additum secundum naturam, V. 2.  
 Non omnes venarum Valvulas invenit. XV. 64. 65. Quasnam invenerit. XV. 67.  
 Harum ipsi inventio vindicatur, XV. 67. & seqq.  
 Non una has omnes esse figura, cognovit. XV. 39.  
 Ejus defensio. IX. 18.  
 Loci explicati. XI. 49. XIV. 32. XV. 65.  
 Alii non perinde probati. VI. 18. 33. 43. 47. 48. XII. 1. 13. 14. 39. XIV. 6. 14. 16. 26. 31. XV. 64. 65. 68. 70. XVI. 42. XVII. 12. 17.  
 Falconis quædam Partes observatæ. IX. 6. XIV. 2. 3.  
 Falloppius primus auris Labyrinthum perlustravit, XII. 2.  
 Locus ejusdem restitutus. XVI. 57.  
 Alii explicati. XI. 9. 12. XVI. 31. 48.  
 Alii defensi. XI. 51. XVI. 31. 35. XVII. 22.  
 Alii non æque probati. VI. 33. 48. VII. 22. 30. 32. IX. 31. XI. 3. XII. 9. XVI. 31. 33. 34. 36.  
 Fantonus Jo. Med. Reg. & Prof. Taurin. emer. laudatus. III. 17. XV. 49. XVIII. 4. XX. 35. 54. 61. 62. 68. 69.  
 Felicius Jo. Bapt. Com. & Doct. laudatus. XV. 53.  
 Felis Partes quædam observatæ. V. 3. Vid. præterea Thyroidæa. Oesophagus. Renes Succent. Cordis Situs, ac Sedes, & Anterioris faciei Prominentia. Oculi musculi, & Tunica Choroidis corpuscula sphaerica. Cerebri Nates, & Testes.  
 Felis Marina. Vid. Canicula.  
 Fernelii locus, minus probatus. XIV. 17.  
 Fenestras auris qui primi memoraverint, & pinxerint. VII. 1. 2.  
 Earum situs. V. 22. VI. 44. VII. 4. XII. 5. 24.  
 Fenestra Ovalis non confundenda cum Sinu ipsi præposito. VII. 3.  
 Hic qualis, & cui Veterum notus. VII. 3. 4.  
 Ejus Fenestræ vera figura quibus Veterum cognita. VII. 2. 4.  
 Limbus, & Sulci. ibid. 4.  
 Membrana quibus Veterum nota. VI. 41. VII. 1.  
 Ea Membrana unde sit. VII. 1.  
 Quomodo, & cur tendatur. VI. 45.  
 Fenestra Rotunda interius ad circuli formam accedit. XII. 63.  
 Exterius ad trianguli formam accedit. VII. 2.  
 Ejus Fenestræ Limbus, & Sulci. XII. 63.  
 Ejusd. in fœtibus, & adultis discrimina observata. ibid.  
 Ejus Membrana quibus Veterum cognita. VII. 1.  
 Unde ea sit. ibid.  
 Qualis, & quot ex laminis sit. XII. 63.  
 Fenestræ Rotundæ usus apud alios alii. VII. 4.  
 Antrum, ei Fenestræ appositum, quale, & ubi sit, & a quo primum indicatum. ibid.  
 Fœtus cutem oblinientis unctuosæ materiæ fontes. III. 3.  
 Thymus albo crassiusculo succo refertus. XX. 56. 58.  
 Idemque duos in lobos divisus. ibid.  
 Qui per isthmum inter se junguntur interdum. XX. 58.

Urinariæ Vesicæ papilla, Uracho intus respondens. XX. 56. 58.  
 Tubulus Venosus nonnunquam habens ramulos. ibid. 58.  
 Ovaria proportionem majora sunt. XX. 49.  
 Quis olim id animadverterit, & delineaverit. ibid.

Fœtus. Vid. Cæcum intestinum. Appendicula Vermiformis, & Coli Cellulæ. Renes Succentur. Ovale Foramen. Mastoidea Sinuositas. Meatus Auditorius. Tympani Cavitas, Membrana, & Officula. Mallei Processus Minimus. Stapes. Orbiculare ossiculum, Fenestra Rotunda. Labyrinthus.

Fœtus maximæ læsiones a materni ventris arctis compressionibus observatæ. XX. 58.

Fœtus hydrocephalus. Vid. Hydrocephalus. Sine plerisq. cranii ossib. Vid. Cranium. Sine cerebro. Vid. Cerebrum.

Folius Cæcilius. De ejus vitæ, & scriptis plura. VI. 12. 13. 14.

Ante Veslingium, sed non ante omnes, Minimi Processus Mallei longitudinem adnotavit. VI. 11.

Ejusd. Processus Musculum primus certe delineavit. VI. 20.

Quædam Folii non probata. VI. 10. 20. 23. XII. 3.  
 Fontenellius Bernard. a secret. Reg. Sc. Acad. Paris. laudatus. II. 21. 65. VII. 6.

Foramen Ovale. Vid. Ovale.

Frischius I. L. laudatus. XIV. 50.

## G

**G**Aleni defensio. XI. 19. 31.  
 Versionis locus emendatus. XVI. 19.

Locum anatomicum explicandi conatus. XI. 2.

Galli Africani Partes quædam observatæ. Vid. Renes Succent. Testiculi.

Galli Indici quædam Partes observatæ. Vid. Oesophagus. Inguvici glandulæ, & Jugulares. Pancreas. Renes Succent. Appendic. intestin. Intestinator. Valvula. Semen deferens vas. Oculus. Semicirculares Canales.

Galli Montani nonnullæ Partes observatæ. Vid. Intestina. Appendic. intestinor.

Quædam non inventæ. Vid. Intestinator. Valvula.

Galli nostratis Partes quædam observatæ. Vid. Oesophagus. Intestina. Intestinator. Valvula. Appendic. intestin. Renes Succentur. Semen deferens vas. Jugulares glandulæ. Oculi Musculi. Cordis posterior facies, parietes, Mucro, Ventrliculi, Ventriculus dexter, & Carnea hujus Valvula.

Gallinæ. De materia unde ovi cortex efficitur, quidam. XX. 14.

In una quadam bini Oviductus deprehenfi. XX. 31.

Gaubius Hieron. Dav. Prof. Lugd. Bat. laudatus. XV. 45.

Geniopharyngæus musculus. Vid. Pharyngis Musculi.

Glandularum nomen quibus conveniat, aut non conveniat Partibus, & quibus ex signis. III. 29. & seqq.

Structura qualis sit. III. 4. & seqq.

Ejus structuræ utilitas. III. 17.

Alternæ de ea opinionum vicissitudines. ibid. 40.

Quis primus docuerit: ubi secretio; ibi glandulam; & quis: ubi glandula, ibi secretionem esse. III. 28.

Glandulæ in sue quid significant apud Veteres. IX. 16.

Glandulæ Conglobatæ quomodo lymphæ adjuvent motum. ibid. 26.

Glandulæ. Vid. Ani. Axillares. Bronchiales. Choroidis Plexus. Dorsales. Inguvici. Inguinales. Intestinatorum. Jugulares. Lacrymales. Laryngis. Linguae. Meatus Auditor. Mesaraicæ. Oesophagi. Ovar. Parotides. Palpebrarum, Pharyngis, ejusque Fornicis, Pulmon, Ren. Sebaceæ. Subclaviæ. Seminal. Velicul.



- Vesicul. Testicul. Thyroidæa. Tonsillæ. Tragi in Auricula.
- Glaucoma, & Suffusio olim idem credita, deinde distincta jam Plinii tempore. XVIII. 8.
- An, & quatenus sint nunc distinguenda, dubium. ibid. 36.
- Glaucoma in Crystallini, an in Vitrei opacitate sit statuendum, dubium. XVIII. 36. & seqq.
- Glaucoma late acceptum quæ significaverit. XVIII. 30. 42.
- Proprie acceptum Veteribus fuit Crystallini ficitas ac concretio. ibid. 27.
- In eo dogmate num. Paulus, & Actuarius a cæteris, ut videntur, revera dissenserint. ibid.
- Idem Recentiorum non uni placuit. XVIII. 27. 29.
- Glaucoma num ex colore possit dignosci. ibid. 34. 41.
- Num ex profundiore sede. ibid.
- Num ex nulla, vel splendidæ, lucis visione. ibid. 35.
- Num aliunde. Vid. Oculi humoris Vitrei Opacitas.
- Glaucoma proprie acceptum num omnes semper insanabile existimaverint. XVIII. 31. 32.
- Gliris nostratis Partes quædam observatæ. Vid. Cerebri Nates, & Testes: Lacrymalis gland. Oesophagus, Cordis situs, & sedes. Renes Succent.
- Quædam non inventæ. Vid. Appendicula Vermiformis. Cæcum intestinum.
- Glissonius Franc. In eo nonnulla minus probata. XIV. 6. 39.
- Glossopharyngæus musculus. Vid. Pharyngis Musculi.
- Glossostaphylinus musculus. Vid. Uvulæ Musculi.
- Goelickius Andr. Ottom. Prof. Francof. laudatus. XVI. 50.
- de Gorraei loco conjectura. XIX. 5.
- Graafius. In quadam ejus Figura quid desit. XX. 27.
- Gravida in muliere arctæ ventris compressiones quas noxas foetui attulerint. XX. 48.
- Græzius Jo. Henr. laudatus. VI. 47.

## H

- H** Agerus Jo. Phi. & Med. Doct. Vitemb. laudatus. IX. 30. 38.
- Hallerus Alb. Prof. Gotting. laudatus. Præfat. n. 9.
- Halv Arabis loci anatomici explicati. X. 11.
- Heisterus Laur. Prof. Helmstad. laudatus. Præfat. n. 9. & Epist. IV. 3. 10. V. 13. 14. 17. VI. 4. 6. 14. VII. 22. 23. 24. IX. 12. 16. 18. 21. 27. 38. 42. 45. 46. X. 2. 15. 19. 29. XI. 28. 48. 49. 52. XIV. 36. 39. XV. 24. 43. XVII. 4. 17. 18. 19. XVIII. 12. 13. 15. 17. 25. 27. 29. 37. 38. 39. 41. XIX. 7. 8. 10. 13. 24. 27. 28. XX. 12. 35. 49. 60.
- Hemiplexiæ prægressæ diagnosi. VII. 6. XIII. 16.
- Hemiplexiam fieri, vel paralyfim in latere opposito capitis vulnere, qui olim docuerint, & qui contra. XIII. 14.
- Illius rei causæ plures cum conjiciantur; quæ probabilior videatur. ibid. 15. 16.
- Hemiplexiam fieri a causa interna, lædente oppositum cerebri hemisphærium, qui olim docuerint. XIII. 17. 22.
- Quis certis observationibus adversus dissidentes confirmaverit. XIII. 22.
- Observatio, primo aspectu adversa, revera favens huic dogmati. ibid. 16.
- Aliæ confirmantes. ibid. 22. 23.
- Nonnullæ tamen adversantes. ibid. 25.
- Hæ quomodo aut explicandæ, aut conciliandæ cum eo dogmate. XIII. 26.
- Dogmatis ejusd. explicationes, olim & nuper propositæ, examinantur. ibid. 17. & seqq.
- An idem dogma ad læsionem oppositi lateris Cerebelli quoque, & Medullæ Oblongatæ possit extendi. XIII. 23.
- in Hemiplexia num resoluta ex latere, an potius ex sano sanguis mittendus. XIII. 23. 24.
- Quænam spectanda in aliis auxiliis, & decubitu ipso in hoc, aut illud latus. ibid. 24.

- Unde acciderit, ut in decubitus mutatione ex hemiplecticis apoplectici sint facti. ibid.
- Henninger Jo. Sigism. Prof. Argentor. laudatus. XV. 39.
- Hepar ex vesiculis peculiaris structuræ constans. III. 7. 8. 9. 10. 40.
- Bilem non ex sanguine per arteriam suam illato fecernit. III. 8.
- Hepatis Choledochus ductus dilatatus. ibid. 10.
- Hepaticæ venæ qua Cavam subeunt, num valvulas habeant. XV. 65.
- Heucher Jo. Henr. Prof. Vitemberg. laudatus. XIII. 51.
- Highmori Striga. Vid. Cavæ Venæ.
- Locus non probatus. XV. 60.
- de Hippocratis locorum quorundam anatomicorum interpretatione conjecturæ. XV. 70. XVII. 33.
- Hirius Gabr. Phil. ex R. Sc. Acad. Paris. laudatus. IX. 10.
- Hirundinis Partes quædam observatæ. Vid. Oesophagus. Appendic. intestin. Renes Succent. Testiculi. Cordis posterior facies.
- Hofmannus Casp. De eo quædam. XIX. 3.
- Ejusd. locus obscurus. ibid. 4.
- Hunauldus Franc. Jos. Prof. Paris. ex R. Sc. Acad. laudatus. Præfat. n. 9.
- Hydrocephali foetus non modo cranii fornix, sed & basis deformata. XX. 57.
- Hydrops. Vid. Ascitic.
- Hyoides os. Sub eo cavea, & quæ in hac continentur, descripta. IX. 35. 36.
- Ejus Appendices cartilagineæ, quæ inter cornua, & basim. XI. 17.
- Ejus Ligamenta quædam. ibid. 41.
- Ejus musculus Stylohyoidæus oritur infra Stylopharyngæum. XI. 8.
- Qui musculi, præter vulgatos, attollere queant os Hyoides. VIII. 5. XI. 31.
- Hyopharyngæus musculus. Vid. Pharyngis Musculi.
- Hyothyroidæus musculus. Vid. Laryngis Musculi.
- Hyperopharyngæus musculus. Vid. Pharyngis Musculi.

## I

- I** Cterici dissectio. III. 10.
- Jessenii locus restitutus. XVII. 2.
- Ileum intestinum qua directione in Crassa immissum se eat. XIV. 10.
- Ad Ilei finem exterius glandula in lepore. Ibid. 2.
- Glandula ibi, etiam in erinaceo, agno, vulpe. ibid. 22.
- Ilei finis qualis, & quantum promineat intra Crassa porcorum intestina. XIV. 17.
- Plexus ibi glandularum lenticularium intra plexus aliarum minimarum. ibid. 22.
- Incus, auris ossiculum, a quo inventum, ignoratur. VI. 3.
- Ejus minimorum quorundam Processuum Inventores. VI. 7.
- Cruris longioris in fine inflexionem Vesalius novit. ibid.
- Ea est introrsum versus. VI. 9.
- Incudis varietates. ibid. 31.
- Hypomochlium ubi sit: & quid Incudis motum definiat. VI. 30.
- Ligamentum ad hypomochlium, quale. ibid.
- Notum Platero. ibid.
- Quale in bove. ibid.
- Ingluvies deest corvo; & aluco. IX. 28.
- Et anseri, atque anat. XI. 49.
- Ingluviei glandulæ. III. 2.
- de Ingrassiæ ætate ac vita quædam. VI. 3.
- Nonnulla ex eo, minus probata. VI. 3. 33.
- VII. 10.
- Inguinales glandulæ cur ingravescente pedum fœda scabie intumescant. IX. 26.
- Injectionum anatomicarum prima apud Veteres rudimenta. III. 18.
- Laus;



Laus & inutilitas aliquando . III. 18. & seqq.

IX. 37.

Quid in glandulis ostenderint , & quid non . III.

21.

Intestina singula .

Vid. suis locis .

Intestinorum Appendicula : Vid. Appendicu-  
la .

Fibræ longitudinales num ad carneam tunicam non  
attineant . XIV. 8.

Qui olim ipsas descripserint : ibid.

Quomodo in Tenuibus aliter , ac in magna Cras-  
sorum parte , se habeant , & cur . XIV. 8.

13.

Intestinorum glandulæ gregales , Peyeri dictæ ,  
in erinaceis , anate , anseri observatæ . ibid.

19.

Retis areolis in quibusd. animantibus excipiuntur ,  
nonnunquam & in homine . III. 10. XIV.

59.

Intestina in ove qua longitudine , & structura . XIV.

1. 20.

Qua longitudine in gallo nostrate , & qua in mon-  
tano . ibid. 28.

Intestina in talpa qualia . XIV. 25.

Intestina Crassa , ut ab Aristotele describun-  
tur , quibus animalib. convenient . ibidem.

17.

Crassa in porcis qualia . ibid.

In erinaceis qualia . XIV. 19. 25.

Quomodo in his a Tenuibus distingui possint .  
ibid. 19.

Crassa , ut in cane . ibid. 20.

Intestina Crassa in gallinaceo genere a Tenuibus Val-  
vula distinguit . XIV. 27.

Ejus Valvulæ descriptio , & usus . ibidem. 27.

28.

Nulla est in columbo , & corvo , & cur . XIV.

27.

Nulla in gallo Montano . ibid. 28.

Vix ulla in anate . ibid.

Intestinorum Tenuium Valvulæ Conniventes in quib.  
animantib. desunt , quomodo suppleantur . XIV.

20.

Inventa antiqua ; vera , sed diu pro falsis habita , si  
quis restituat , quare ipsis Inventoribus sit præfe-  
rendus . XIII. 22.

Jugularium glandularum nomen quis primus invene-  
rit . IX. 25.

Eæ num Hippocrati notæ . ibid.

A quib. primum memoratæ . ibid.

Earum observationes . IX. 25. 26. 28.

Cur inter Lymphaticas referendæ videantur . ibid.

26.

Cur crescente , aut imminente in pueris capitis exul-  
ceratione intumescant . ibid.

Cur indurescant , induratis Mesaraicis glandulis .  
ibid.

Num albidum succum , non lympham , secernant ;  
sintque , ideo ad Conglomeratas referendæ , plu-  
ribus productis observationibus , quæritur . IX.

27. 28. 29. 41.

Hisque etiam in bovino genere . ibid. 27.

In cane . ibid. 28.

In porcellis Indicis . IX. 27.

In anate , & anseri . ibid.

In gallinaceo genere . ibid.

Num Thyroidæ officium suppleant : IX.

37.

Non sunt in columba , aluco , cotorno , corvo .  
IX. 28.

de Jugularium Internar. Venarum Valvulis Anatomi-  
corum dissensiones . XV. 36.

De his Valvulis quid observatum . XV. 39.

40.

## K

K Erckringii Figura non probata : XV. 33.

Kulmus Jo. Adam. Prof. Gedan. laudatus . XX.  
35. 67.

Krylingius Balth. laudatus : XIII. 6.

## L

L Aabyrinthus auris a Falloppio primum est perlu-  
stratus . XII. 2.

Quid ipsi , & proximis Anatomicis significet .  
ibid.

Num in foetibus perfectis sit qualis , quantusque in  
adultis . XII. 63.

Nova ejus in ipsa basi cranii præparatio quam uti-  
lis . XII. 4. 5.

Quomodo ea minus difficilis reddatur . ibid. 7.

Labyrinthi viæ cur adeo tortuosæ . XII. 1. 11.

Qualis totius , & singularum ejus partium situs .  
ibid. 5.

Quadrivium Labyrinthi quid sit Vieussenio . ibid.

Labyrinthum totum membranula intus vestiri , qui  
primi docuerint , & qui negaverint . XII. 49.

Eadem membranula confirmatur . ibid. 54. & seqq.

Ejusd. recentis , & Retinæ similitudo . XII. 55.

Eadem ut siccata conspici certius possit , quomodo  
asservandus Labyrinthus . ibid. 57.

Labyrinthi vasa sanguifera qui primi adnotaverint ,  
aut pinxerint . XII. 60.

Ea qualia sint , & per quas vias transmittantur .  
XII. 60 & seqq.

Labyrinthi humor num uno fere temporis momento  
in auras abeat . XII. 64.

Quib. viis revehatur . XVII. 42.

Labyrinthus num ex tot canalibus constet , ut si quis  
horum , pluresve vitientur , aliquis tamen superesse  
integer possit . XIII. 50.

Labyrinthi Partes , scil. Vestibulum , Cochleam , &  
Semicirculares Canales , singulas . Vid. suis locis .

Lacrymalis interna glandula qualis in lepore , & gli-  
re . III. 32.

Lancisus Archiat. olim Pontif. laudatus . XV. 7. 11.

12. 13. 25. 32. 37. 41. XVI. 50. XVIII. 1. 7.

12. XIX. 22. 52.

in Laryngis interna anteriore parte num sæpe foramen  
quoddam . IX. 35.

Num in sue . ibid.

Laryngis glandula quædam , Verheyenio Innominata  
dicta , num admittenda . IX. 23.

Larynx cur in deglutitione ascendat . VIII. 5. XI. 30.

Cur in acutis vociferationib. & excreatione . XI. 30.

Quot musculis attollatur . VIII. 5. XI. 30.

Cur , & quomodo tunc simul Pharynx constringa-  
tur . XI. 30.

Larynx in deglutitione introrsum etiam trahitur ;  
hujusque motus utilitas . ibid. 32.

Laryngis musculis Hyothyroidæis substantia quædam  
a tergo adhærens . IX. 36.

Musculis , Communibus dictis , qui possint insuper  
adjungi . VIII. 4. X. 18. XI. 30.

Laryngotomia . Vid. Bronchotomia .

Laurembergii lapsus . XX. 3.

Laurentius Andr. primus Spinalem medullam suis  
sanguiferis vasis ornatam , & in filamenta disso-  
lutam proposuit . XVI. 7.

Ejus locus defensio . XVII. 24.

Alii non probati . VI. 33. 48. VII. 14. IX. 42. XI.

20. 31. XIV. 26. XVI. 37. XX. 3.

Leporis quædam Partes observatæ . Vid. Ileum inte-  
stinum , Coli Ligamenta , Appendicula . Renes

Succent. Cordis Situs , ac Sedes , & Anterioris  
faciei Prominentia . Aortæ Sinus : Pulmo-  
nar. arteriæ Sinus . Cerebri Nates , & Te-  
stes . Nervus II. Paris. Oculi Aquosi Ductus , &

Q q

Tu-



Tunicæ Retina, & Choroides, Processus Ciliares, Iris.  
 Leprotus Ant. Archiater Pontif. laudatus. V. 18.  
 Linguae glandularum structura sæpe observata. III. 23.  
 Ad ejus radicem ad latera medii Ligamenti Epiglottidis, hiatus quidam num perperui. IX. 36.  
 Linguae posterius Ligamentum quid a Riolo credetur. X. 12.  
 Linguae musculus Styloglossus oritur infra Stylopharyngæum. XI. 4. 8.  
 Loweri Tuberculum. Vid. Cavæ Venæ.  
 Quædam non probata. XIII. 38. XV. 7. 43.  
 Lucii piscis Partes nonnullæ observatæ. Vid. Aortæ initium.  
 Lupi piscis Partes quædam observatæ. Vid. Appendicæ intestin.  
 Lusitanus Amatus. De eo quædam. XV. 66.  
 Lymphæductus. De his nonnulla. XVII. 42.  
 Lysteri locus restitutus. IV. 11.  
 Lysteri opinio non probata. XIV. 62.

## M

**M**alleus, auris ossiculum, a quo inventum, ignotatur. VI. 3.  
 Cervix in ipso vel olim agnita. VI. 11. 23.  
 Mallei Processus tres, olim cogniti. VI. 9. 10.  
 Majoris curvitas quibus Veterum nota, & delineata. VI. 9.  
 Quibus nota hujus etiam causa finalis. ibid.  
 Causa efficiens, nuper excogitata, num admittenda. ibid. 48.  
 Ea curvitas quorsum conversa. VI. 9.  
 Ejusd. Processus sedes ibi, ut Membranam Tympani dividat in duo segmenta, quorum anterius, non latius, sed angustius. ibid.  
 Ejusd. Processus Musculo quæ addita sint post Eustachium. VI. 21. 22.  
 Ejus Musculi origo etiam a cartilagine Tubæ Eustach. ibid. 21.  
 Ejus tendo simplex, cur quibusd. creditus multiplex. VI. 23. VII. 31.  
 Quo inferatur. VI. 23.  
 Ejusd. Musculi Vagina a quib. primum agnita, & delineata. VI. 21.  
 Ad Trochleam est immobiliter alligata. VI. 23.  
 A quibus hæc indicata fuerit. ibid. 21.  
 Quid sit, & præstet. ibid.  
 Interdum est tubus osseus. ibid.  
 Ejusd. Musculi non Semicanalis, sed Canalis. ibid.  
 A Platero delineatus. VII. 10.  
 Ejus Canalis situs. VI. 21.  
 Ejusd. Musculi usus, non extrorsum, sed introrsum trahendi Malleum, & Membranam Tympani. VI. 21. 22. 23.  
 Idem Musculus in quodam morbo strigosus, & cum Trochlea immobiliter connexus. VI. 23.  
 Mallei Processus Minor nec est, nec vocari potest Superior. VI. 10.  
 Musculus ejusd. Processus aliter ab aliis descriptus. VI. 25. 26.  
 Non est aggeries glandularum. VI. 24.  
 Visus potius esse vasa sanguifera. ibid. 25.  
 Qualis sit in cane. VI. 29.  
 Quænam ejus Musculi officium supplere possint. VI. 26.  
 Mallei Processus Minimus nec est, nec vocari potest Inferior. VI. 10.  
 Quibus Veterum notus. ibid. 11.  
 Quibus ante Folium nota ejus longitudo. ibid.  
 Quibus post Folium ad Ravium usque. ibid.  
 Sitne totus ex osse, & in omnibus adeo longus. VI. 14. 15. 16. 17.  
 Ejus figura in fœtu observata. VI. 16.  
 Ejus delineationum omnium comparatio. ibid. 18.  
 Musculus ejusd. Processus an visus a Vesalio. VI. 10.

A Folio primum delineatus. ibid. 20.  
 Ejus Musculi varietates. ibid. 27.  
 Hic in cane videtur deesse. ibid. 29.  
 Ejusdem usus quidam caute accipiendus. VI. 17.  
 Num ex hoc, & Majoris Processus Musculo fiat Monogastricus Vieussenii. VI. 27. 28.  
 Substantia quædam quasi carnea, utrique illi Musculo interjecta. ibid. 28.  
 Hujus substantiæ usus conjicitur. ibid.  
 Mallei Musculi a quibus primum indicati, & delineati. VI. 10. 19. 26.  
 Quomodo possint non ambiguis nominibus distinguui. ibid. 19. 20.  
 Quot, & quales sint in pico. VI. 29.  
 Quibus morbis obnoxii, & qua via curandi. VII. 15.  
 Singuli Musculi. Vid. ad singulos suos Mallei Processus.  
 Malpighius Auris anatonem tentavit. III. 1.  
 Ejus de quadam Valsalvæ observatione judicium. ibid. 10.  
 Ejus quæ esset de Secretione sententia. ibid. 33.  
 Ejusd. Vesicularis Glandularum structura num rejicienda. III. 4. 6. & seqq.  
 Ejusd. in hac inquirenda varii, & multiplices modi. III. 21.  
 Ejusd. hallucinatio quædam. IV. 9.  
 Manfredii Pauli hallucinationes. VI. 30. 36. 38. 39.  
 Mannius Dominic. M. laudatus. XIII. 51.  
 Marefcotius Michael, Jac. Sylvii auditor, multorum Musculorum nomina excogitavit. XI. 26.  
 Mariotti Icon vasorum Retinæ caute accipienda. XVII. 46.  
 Marsilius Lud. Ferd. Comes laudatus. XIV. 45. XV. 16.  
 Martiani Prosperi hallucinatio. XIII. 18.  
 Martis quadrupedis Partes quædam non inventæ. Vid. Appendicula Vermiform.  
 Massæ Nicol. libri Introduct. Anat. una editio est, etsi duplex videtur esse. VI. 1.  
 Nonnulla ex eo non probata. XIV. 23. XV. 16.  
 Mastoidea Sinuositas varie accipitur. V. 24.  
 Quo sensu sit, & quo non sit in fœtu. ibid.  
 De membrana, illius intra Tympanum orificio præfixa, quid habendum. V. 20. 21. 26.  
 Quis Veterum hanc membranam videri possit indicavisse. ibid. 21. 26.  
 Mastoideam Sinuositatem inservire Tympano, quis Veterum docuerit. V. 23.  
 Contrariæ sententiæ rationes tolluntur. ibid.  
 Quatenus cum Tympano communicet, eique interserviat. V. 25. 26.  
 Ejusd. & cellulæ, & amplæ Cellæ, harumque membrana, & vasa sanguifera, & situs observata. V. 24. 27. VII. 5.  
 Illæ num sint purulenta materia plenæ. VII. 16.  
 Earund. Cellarum, & Sinuum Pituitariorum similitudo, & dissimilitudo. V. 24. 25.  
 Usus ipsarum qui agnoscendi, & qui non. ibid. 25.  
 Mastoideæ Sinuositatis Perforatio, certis in casibus a Riolo proposita, consideratur. V. 25. VII. 20.  
 Maxilla Inferior. Quædam, ad Processuum ejus basim attinentia, adnotantur. XI. 41.  
 Meatus Auditorii varietates. VI. 15.  
 Contractio certo in loco a quibus primum adnotata. V. 9.  
 Angustia ejus initii in fœtibus humanis, & beluinis observationes. V. 2. 3.  
 Ejusd. angustia utilitas. ibid. 6.  
 Longitudo, & leviores flexus in fœtibus. V. 4.  
 In ejus osse certus quasi sulcus. V. 9.  
 Meatus Auditorii tortuositas cur facta. XII. 1.  
 Incisurarum Inventores. IV. 9. 10.  
 Harum varietates. ibid. 10.  
 Inanitas num vera. ibid.  
 Earund. Musculi, hisque adscripti usus num agnoscendi. ibid.  
 Meatus Auditorii Integumentum quotuplex. V. 9.  
 A quo



A quo Veterum observatum, . . . . . ibid.  
 Glandulas quis invenerit, . . . . . IV. 9.  
 Hæ ubi, & quales, . . . . . VI. 24.  
 Materia, per ipsas secreta, qualis, . . . . . ibid.  
 Hujus, & pilorum ibidem, usus, . . . . . ibid.  
 Obstructio a resistente materia, & ejus curatio.  
 Vid. Surditas.

Mediavia Nicol. Pub. Incis. in Theatro Anat. Patav.  
 laudatus. III. 4. X. 20. XI. 10. XII. 42. XV.  
 20. 41. XVIII. 22. XX. 5. 42. 58.

Medullæ Oblongatæ Protuberantiam Annularem, &  
 Corpora Pyramidalia, atque Olivaria quis primus  
 distinxerit. . . . . XVI. 46.

Hujus distinctionis utilitas. . . . . ibid.

Protuberantia Annularis num revera fibras habeat  
 decussatas. . . . . XIII. 20. 21.

Eadem in suo medio sulco fibras incurvatas habet;  
 non interruptas. . . . . XIII. 21.

Fibras nerveas, ad nervorum Paria non attinentes,  
 circa fines Oblongatæ, & Spinalis Medullæ ortas,  
 quis olim indicaverit. . . . . XVI. 8.

Medullam Spinalem ex duplici constare substantia,  
 quis primus docuerit. . . . . ibid. 7.

Vasis sanguiferis suis ornatam, & in filamenta dis-  
 solutam quis primus pinxerit. . . . . ibid.

Medullæ Spinalis initium qui primi docuerint fibras  
 habere in anteriore, aut posteriore Rima decussa-  
 tas. . . . . XIII. 20.

Num revera constet, has decussari. . . . . ibid. 20. 21.

Medullæ Spinalis duo Ligamenta diligenter descripta.  
 XVI. 3. 4.

Sunt etiam in quadrupedibus. . . . . ibid. 3.

Eorum utilitas. . . . . ibid.

Meibomii Henr. loci quidam minus probati. . . . . XV.  
 70. XIX. 7. 22.

Meninx Dura, egrediens in Orbitam, quomodo du-  
 plicetur. . . . . XVI. 16. 17.

Mercurialis Hieron. loci quidam minus probati.  
 XVIII. 33. XIX. 15.

Meryus Jo. ex R. Sc. Acad. Paris. auriculas movere  
 poterat. . . . . IV. 7.

Primus Acutum cartilaginis auriculæ processum de-  
 lineavit. . . . . ibid. 9.

Primus Incisuras Meatus Auditorii indicavit, &  
 pinxit. . . . . ibid.

Mesaraicæ glandulæ cur in homine plurimæ, & dis-  
 jectæ, in quadrupedib. paucæ, & in unum fere  
 contractæ. . . . . IX. 26.

Cur simul cum Jugularibus, aliisque Conglobatis,  
 indurentur. . . . . ibid.

Michelottus P. Ant. Med. Venet. laudatus. III. 17.  
 XIII. 4. 52. XIX. 16.

Molinellus Petr. Paul. Prof. Bonon. laudatus. XIII.  
 16.

Molinettus Ant. De eo quædam. . . . . VI. 12. 13.  
 De musculo Trochleæ oculi, ab ipso proposito.

XVI. 32.

Stapedis membranam præclare novit, & quædam  
 de hujus usu indicavit. . . . . VI. 39.

Auricularum Cordis verum usum, hujusq. causam  
 proposuit. . . . . XV. 14.

Renum Succenturiator. usus ab eod. traditus, illu-  
 stratur. . . . . XX. 54. 55.

Ejusd. locus explicatus. . . . . VI. 4.

Alii non probati. . . . . VI. 33. VII. 21. 22. 30.  
 31. 32. IX. 3. XI. 31. XVI. 36. XX. 5.

Morandus Salvator ex Reg. Sc. Acad. Paris. laudatus.  
 XVIII. 19. 20. 24. 39.

Muretus M. A. auriculas movebat. . . . . IV. 7.

Muris Partes quædam observatæ. Vid. Thyroidæa.  
 Cordis Situs, & Sedes. Cæcum intest. Renes Suc-  
 cent. 12.

Quædam non inventæ. Vid. Appendicula Vermi-  
 form.

Musculi cur sæpe inveniuntur per fibras cum proximis  
 connexi. . . . . X. 22.

Musculi. Vid. Tendines.

Musculi singuli. Vid. suis locis.

Mullelæ nonnullæ Partes observatæ. Vid. Oesopha-  
 gus. Renes Succent.

Mylopharyngæi musculi. Vid. Pharyngis Musculi.

## N

NAsi interni basis ossea posterius utrinque brevior  
 est, quam Septum; & cur. . . . . VII. 23.

Nervos ex arteriolis multifariam contortis demum  
 fieri, qui olim docuerint. . . . . XIII. 18.

Nervorum intimam structuram ex medullaribus fibris,  
 Pia Matre vestitis, qui olim indicaverint. XVI.  
 7. XVII. 38.

Nervos ad pleraque Sensuum organa tendentes, quo-  
 modo Veteres vias perforatas vocare possent.  
 XVII. 45.

Nervi an aliis nervis indigeant. . . . . XIII. 5.

Eorum inoculationes quid esse fortasse, & cui rei  
 inservire possint. . . . . XIII. 5.

Nervos qua per ossa transeunt, persequendi utilitas.  
 XVI. 11.

Externos num tutum sit violentius stimulare in  
 nervor. interiorum, & cerebri morbis. XIII. 5.  
 & seqq.

Ad nervorum extremum dolor acerrimus a trunco  
 stimulo. . . . . XIII. 7.

Nervi Cerebri a quo olim in X. Paria distributi.  
 XVI. 5.

Nervi I. Paris, sive Olfactorii, quomodo intra nasum  
 trajiciantur. . . . . XII. 46.

Hos potissimum; non alios qui a V. Pari in nasum  
 mittuntur; ad olfaciendum inservire; conjicitur.  
 XVII. 41.

Nervorum II. Paris, sive Opticorum, altior origo a  
 quibus primum delineata, & descripta. XVI.  
 12.

Hujus originis varietates animadvertæ. . . . . ibid.

Hos nervos non decussari, sed conjungi, Galenus  
 docuit, aliique observationib. confirmarunt.  
 XVI. 13. 14. XVIII. 40.

Corpus per quod ea conjunctio fit, qui indicave-  
 rint, & pinxerint. . . . . XVI. 13.

Ejusd. Corporis varietates observatæ. . . . . ibid.

Horum nervorum uterlibet num per Orbitam non  
 investiatur Dura Meninge. . . . . ibid. 16.

Etiam in cane. . . . . ibid.

Ejus Annulus Moderator. Vid. Oculi Musculi.

Idem nervus num a Ciliaribus nervis, reris instar  
 dispositis, semper vincitur. . . . . XVI. 59.

Vascula ejus sanguifera interna, & externa. XVI.  
 16. XVII. 44.

Etiam ut in lepore, & bove. . . . . XVII. 44.

Meatu quodam pervium esse, qui olim docuerint,  
 & qui negaverint. . . . . ibid. 45.

An sit, & quatenus sit, in homine, lepore, bove  
 quæsitum. . . . . XVII. 44. 45.

Ejusd. nervi structura intima in homine, & sue  
 quæsitæ. . . . . ibid. 39.

Num cellulosa sit, dubitandi rationes. . . . . ibid.

Esse ex membranis, & medulla, antiquis,  
 & recentibus observationibus comprobatur.  
 XVII. 38.

Insertio in oculi internum latus a quo olim animad-  
 versa. . . . . XVI. 15.

In partem potius inferiorem num constans sit.  
 ibid.

In partem multo magis lateralem sit in corbello,  
 & aliis piscibus. . . . . XVI. 40.

Hujus nervi in Choroidem, & Retinam expan-  
 sionem quæ res minus perspicuam reddant. XVII.  
 37.

Extremi nervi substantia contrahitur, & in  
 aliam mutatur; & cum interiore tunica nigricat.  
 ibid.

Harum rerum partem qui primi adnotaverint.  
 ibid.

Earund. in hominibus; bobus, ovibus varietates.  
 ibid.

Quænam ab oculi musculis aut convulsis, aut re-  
 solutis, hujus nervi oriri possint læsiones. XVIII.  
 4. 5. 6.



- Ejusd. constitutio observata, cum oculus jam diu cæcus, & cum minus diu, XVIII. 40.
- Nervorum III. Paris, five Oculor. Motor., ad truncos nervorum VI. Paris variæ observatæ crassitudinis proportionibus. XVI. 46.
- Eorum Annulus Moderator, Vid. Oculi Musculi.
- Hos nervos non omnibus inservire oculi musculis, quis primus animadverterit. XVI. 42.
- Unde videantur decepti qui secus tradiderunt, ibid.
- Horum surculi in ipsum oculum, Vid. Oculi Nervi Ciliares.
- Horum trunci vel nitidiores inventi intra orbitas oculorum diu cæcorum, XVIII. 40.
- Nervi IV. Paris, five Pathetici, quam variis olim nominibus designarentur. XVI. 43.
- Qui primi eorum originem noverint, & pinxerint, ibid.
- Qualis ipsa, & ejus varietates observatæ, ibid.
- Hi nervi toti revera in Obliquos oculor. Majores musculos inferuntur. XVI. 42. 48.
- Quis id primus animadverterit. XVI. 42.
- Causa cur id factum, a Cantio proposita, non probatur. ibid. 45.
- Nervorum V. Paris Ramus Ophthalmicus propago Pathetici olim credebatur. XVI. 43.
- Qui primi descriptione, & delineatione restituerint, ibid. 56.
- Idem Ramus describitur, & qua per Orbitam ducitur, non simplicem, ut videtur, sed revera duplicem esse, confirmatur. ibid.
- Surculi ab hoc Ramo in ipsum oculum, Vid. Oculi Nervi Ciliares.
- Locum per quem, ex orbita egrediens, repit, cum periculo lædi, observatione confirmatur. XVIII. 7.
- Nervi VI. Paris quam variis nominibus olim designati. XVI. 46.
- Quis primus ipsos animadverterit? ibid.
- Alia aliis, eorum originis sedes. ibid.
- Quid de hac, & de illius radicib. observatum. XVI. 47.
- Horum nervorum ad truncos Paris III. variæ observatæ crassitudinis proportionibus. ibid.
- Ab his nervis demissi in Carotidis osseum canalem ramuli non omnes ad Intercostralem attinent nervum. XVI. 49. 50.
- Ad quem angulum, & num constantem, ii demittantur qui attinent ad Intercostralem. ibid. 51.
- Num ab eo loco Orbitam versus, horum nervorum trunci crassiores fiant. XVI. 52.
- Surculi ab his in ipsum oculum, Vid. Oculi Nervi Ciliares.
- Quis primus docuerit, horum nervor. truncos totos ferme inferi in oculorum musculos Indignatorios. XVI. 46.
- Hoc confirmatur. ibid. 48.
- Num sic in bestiis. ibid.
- Horum nervorum trunci vel nitidiores inventi intra orbitam oculorum diu cæcorum. XVIII. 40.
- Nervor. VII. Paris, five Auditor., duas esse utrinque Portiones, vel Antiquissimi cognoverunt. XII. 27.
- Easque crassitudine dispari. ibid. 27. 28.
- Utraque ex fibris evidentibus constat. ibid. 28.
- Nervorum VII. Paris Dura Portio num intra cranium sit durior, quam Mollis. XII. 27.
- Surculum ex Dura intra cranium regredientem quis primus indicaverit. ibid. 31.
- Ejusdem Surculi, & Portionis unde prodit, observationes. XII. 31. 32. 35.
- Is surculus quo tendat. ibid. 35.
- Num ex Dura Portione Ramulus quidam alius committetur Spinalem Medullam: & unde hic error ortus. XII. 36. XVI. 3.
- Duræ Portionis per faciem varietates. IV. 12.
- In vitulo observatio. ibid.
- Nervorum VII. Paris Mollis Portio excipit quadantenus Duram. XII. 28.
- Mollis divisionem in tres partes quis primus docuerit. ibid. 38.
- Num his sit alius ramus addendus. ibid. 40.
- De Mollis Portionis in Tympanum expansione antiquos errores qui primi sustulerint. XII. 37. 38.
- Ejusdem transitum in Labyrinthum qui primi indicaverint. ibid.
- Per quas vias, & quomodo trajici intra Cochleam videatur. XII. 44. 45.
- Per quas intra Vestibulum. XII. 46. & seqq. & 54.
- Utrasque inspiciendi modus. ibid. 47. 48.
- Num Mollis Portio intra Cochleam mentiatur Modioli partem. XII. 20. 21. 25.
- Num intra Vestibulum semper, & quatenus Eminentias quasdam efformet. XII. 53. 54.
- Nervorum VII. Paris utriusque Portionis Canalis Communis: & utriusque in hoc incessus. XII. 28.
- Hujus orificio præductus Semicanalis. XII. 29.
- Hujus Canalis fundum cum duobus Sinibus, hisque interposito Septo, qui olim pinxerint, & descripserint. ibid.
- Et qui in eo fundo foramina. XII. 29. 30. 37. 38.
- Ejusd. fundi descriptio. XII. 29.
- Et foraminum quæ in eo sunt. ibid. 41. 43.
- Et foraminis Singularis fere extra ipsum fundum. XII. 42. 48.
- Nervorum VII. Paris Duræ Portionis Canalis Particularis, five Aquæductus Falloppii, & in eo Dura Portio quibus Veterum nota. XII. 29.
- Primæ illius partis descriptio. ibid. 31.
- Qui primi exitum ex ipsa in cranii anteriora indicaverint. ibid.
- Nervorum VIII. Par, five Vagum. Nervæ quædam fibræ, ad hoc attinentes, nondum satis notæ. XVI. 11.
- Ejus, & nervi Accessorii constitutio intra osseum cranii foramen descripta. ibid.
- Hujus tantum Paris nervos in canibus cor adire, bis observatum. XIII. 36. 37.
- In canum, & plerorumque quadrupedum collo rite separari non possunt ab Intercostralibus, neque sine his, amputari, aut ligari. XIII. 40. 43. & seqq. & 47.
- In canum collo amputatis; quæ in viventibus, & mortuis canibus sint observata, proponuntur. XIII. 36. 37.
- Et cum iis quæ alii observarunt, comparantur, XIII. 38. & seqq. & 46. 47. XVI. 54. 55.
- Cur hi canes tardius quam quibus iidem nervi constricti, mortui sint. XIII. 38. Vid. tamen ibid. etiam 46.
- In canis collo, filo arte constricti, & illico soluti, insensibiliter quidem; sed adeo vitiantur, ut perinde sit ac si amputarentur. XIII. 27.
- Quomodo hoc intelligendum. XIII. 33. & seqq.
- Hujus experimenti pluries habiti, & inde consecutorum in viventibus, & mortuis canibus observatio, & descriptio. XIII. 28.
- Et cum iis quæ alii observarunt, comparatio. XIII. 30. 32. & seqq. & 46.
- Mors quam inde illico nonnulli observarunt, num semper sequatur, & num Carotidibus simul forte ligatis, sit imputanda. XIII. 30. 31.
- Quomodo Galenus, alique olim hujusmodi experimentum tentaverint: & quod inter eos, & Valsavam discrimen sit. XIII. 34. 35.
- Quomodo in ejusdemmodi experimentis plures dies possint canes vivere. ibid. 42. 45.
- Nervi X. Paris num habeant duplex utrinque initium. XVI. 4. 7. 8.
- Non oriuntur intra cranium. ibid. 6.
- Num referendi ad Spinales. ibid. 7. 8.
- De loco per quem egrediuntur, diffensiones. XVI. 5.
- De hoc quid observatum. ibid. 6.
- Nervi Ciliares. Vid. Oculi Nervi Ciliares. Ner-



Nervorum Intercoſtaliū origo a ſolo interdum V. Pari ſecundum quorund. obſervationes. XVI.

49. Ab eo Pari fruſtra quaſita. ibid. 49. 51.  
Quid aliis quaerentibus obſervatum de ea ſit. XVI.

50. A VI. Pari confirmata, & qualis. ibid. 49. 51.

52. Qui in VI. Par inferi; non inde incipere; docuerint. XVI. 50.

Num id certum ſit, ibid. 51. & ſeqq. Vid. etiam Nervi VI. Paris.

Quomodo in canis, & ſuis, & plerorumque quadrupedum collo ſe habeant, & de experimentis circa eoſdem. Vid. Nervi VIII. Par.

Quomodo in cane intra ſummum thoracem ſe habeant. XIII. 43.

Cur tam ſero diſtincti a Pari VIII. in hominis collo oſtenſi fuerint, & a quo primum. ibid. 44.

45. Nervi Spinales num ſint Piae Matris productiones filamentosae. XVI. 9.

Eorum eſſe gemina utrinque initia, qui primi deſcriptione, aut delineatione docuerint. XVI. 7.

Qui id reſtituerint. ibid.

Posteriora initia ſunt anterioribus majora. ibid.

4. Nervi Spinales ſupremi ab ſuis initiis quo ductu ad egreſſus locum ferantur. ibid. 6.

Cur aliis aliter viſum. ibid.

Nervorum Spinalium Ganglia ad egreſſum quis primus indicaverit. ibid. 7.

ad Nervos Spinales num referendum Par X. Cerebri, Vid. Nervi X. Paris.

Nervi a Spinali Medulla ad VIII. Par Accessorii a quibus primum indicati, & a quibus diligentius olim, aut ſecus deſcripti. XII. 36. XVI. 1.

Cur valde attendendi. XVI. 1.

Magnus in eorum deſcriptionibus diſſenſus. ibid.

In bove unde incipiant. XVI. 1. 4.

Eorum originis vel in uno eodemque homine varietates obſervatae. ibid. 2. 8.

Alia de eadem obſervata. ibid. 4. 8. 9.

Eorum ſumma tenuitas in imo ortu. XVI. 2.

Quae poſſint pro ipsis imponere, & videantur quibusdam impoſuiſſe. ibid. 3.

Num ex VIII. Pari ad Medullam recurrant; an ex hac orti ad illud ferantur. XVI. 9.

Num VIII. Pari ſint continui, an contigui. ibid. 10. 11.

Etiam in Bove, & ove. ibid. 10.

Ab VIII. Pari digredientium curſus ad exteriora eſt ab Euiſtachio delineatus. ibid.

Nicolai Henr. Alb. laudatus. XV. 31. 37. XVI. 50.

Noſtrae Partes quaedam obſervatae. Vid. Appendicula Vermiform.

Nomina, & numerationes, prioribus Anatomicis uſitata, cur non facile mutanda. XVI. 6, XVII. 6.

Nuckii Aquoſi Ductus. Vid. Oculi;

O

O Ccipitalium venarum primi Deſcriptores. IV. 11.

Varietates. ibid.

Utilitas earum incisionis quibus Veterum nota. ibid.

Oculi Orbis quomodo Dura Meninge conveſtiatur. XVI. 16.

Oculorum, praeter naturam alter introrſum, alter extrorſum tractus ab una eademq. cauſa. XVIII. 6.

Oculum fictitium pro vero num Veteres, ut nunc, reponerent. XIII. 51.

Qui aptius id inſtituerint. ibid.

Oculi Artificialis Anatomie a quo ruditer olim tentata. XIII. 51.

Oculus in anate, gallo Indico, carpine, vulpino, aliisque pro latitudine brevior eſt. XVI.

41. Varii modi quibus pro re nata fieri brevior queat. ibid.

Oculi interioris figura, & magnitudo non eſt in variolo, corbello, aliisque piſcib. ex Sclerotica aſtimanda, & cur. XVI. 41.

Oculi Tunicae & Membranæ Cryſtallina. Vid. Oculi Humor Cryſtallinus.

Vitrea. Vid. Oculi Humor Vitreus.

Conjunctiva. De ejus originib. XVI. 17. 37.

An per Corneae ſuperficiem producat. XVI. 27. 28.

Oculi Membrana Innominata num primum a Columbo adnotata fuerit. ibid. 25. 26.

Num ſit agnoſcenda. ibid. 25.

Num legitime a Sclerotica ſeparari poſſit. ibid.

Num ſublucidum oculi candorem ipſa faciat. XVI. 25.

Oculi Tunica Sclerotica num ex Dura Meninge non fiat. XVI. 16.

Fit in parte ex tendinib. muſculorum oculi. ibid. 26. 38. 39.

Quis id docuerit primus. ibid. 26.

Fit etiam ex Obliquorum tendinibus, & ex omnium vaginis. XVI. 37.

Qualis, & quam mollis a tergo ſit in corbello, variolo, vulpino, carpine. ibid. 40.

Qualis, & quanta pinguedo in tribus primis, aliisque piſcib. ſit inter Scleroticam, & Choroidem. ibid. 41.

Harum rerum uſus. ibid.

Qua ex dura ſubſtantia a fronte, & a lateribus Sclerotica ſit in tribus illis, aliisque piſcib. & in anate. XVI. 40.

Quae ejus ſubſtantiae ſtructura ſit, qua ratione inquirendum. ibid. 41.

Quinam olim id in piſcib. & avib. quibusdam, & qua in his ſtructura, adnotaverint. XVI. 40.

Sclerotica in aquila habet interna facie ſiphunculos minimos. XVII. 4.

Sclerotica quo magis ad Corneam accedit, eo magis extenuari, olim tradebatur. XVI. 38.

Quid ſecus in hominib. bobus, canibus obſervatum. ibid. 39.

In Ambitu Corneae humanae ab interiori facie, nonnihil introrſum prominet. XVII. 10.

Oculi Tunicae Scleroticae pars, Cornea dicta, ipſa quoque ſit ex muſculorum tendinibus, ut in corbello piſce demonſtratur. XVI. 26.

Num propterea, illis contractis, Cornea poſſit pro re nata complanari. ibid.

Inde Corneae exquisitus ſenſus. ibid.

Cornea an Conjunctiva, an peculiari epidermide obducatur. XVI. 27.

Quid de hac re obſervatum in vulpino piſce. ibid.

Quid in homine. XVI. 28.

Hinc albae quaſi lunulae ob aetatem, aut morbum repetendae, quae Corneam prope ambitum opacam reddunt. ibid.

In plerisque abnorme, nec in omnib. minoris ſphaerae ſegmentum Cornea eſt. ibid.

Ampliore ambitu interius eſt, quam exterius. XVII. 10.

Praeſertim in ove, & bove, in quib. interior ambitus circularis eſt, exterior ellipticus: & hinc quid ſequatur. ibid.

Cornea in maceratis oculis figuram anteriorem, & pelluciditatem mutavit, & vaſcula quaſi fuſca oſtendit. XVI. 28. 29.

In mortuis, a frigidiore tempeſtate opaca facta. XVIII. 15.

Num tenui Choroidis productione internam faciem obductam habeat. XVI. 29.

De hoc quid in canibus, & hominib. obſervatum. ibid.

Cor-



- Corneam ex lamellis componi, qui olim tradiderint. XVI. 30.  
 Sive ex lamellis, sive ex interjecta etiam spongiosa substantia componatur; hinc facile peculiaris ejus vitia intelligere. ibid.  
 Inde etiam guttulæ, quæ ex ipsa revera exprimentur: & has qui primi adnotaverint. ibid.  
 Corneam Sclerotica esse tenuiorem, olim tradebant. XVI. 38.  
 Quid contra in hominibus, bobus, canib, observatum. ibid. 39.  
 Quid alia ratione cognoscatur. ibid.  
 Multo in medio, quam ad ambitum, tenuior visa in corbello pisce. ibid.  
 Oculi Tunica Choroides sitne eo crassior, quo posterior. XVII. 2.  
 Possitne legitime dividi in laminas duas, & singulæ unde repeti. ibid. 3.  
 Id tentatum in bove, & capra. ibid.  
 Qui primi in piscibus, & qui in homine diviserint. ibid.  
 Choroidis fibræ in homine, & vulpe observatæ. XVII. 2.  
 A quib. Veterum pictæ. ibid.  
 In aliis magis, in aliis minus fusca est: & quid hinc sequi possit. XVII. 12.  
 De ejus coloris vera sede, & varia adhesionem in homine, cane, vulpe, lepore, capra, bove, ove. ibid.  
 Cur sæpe appareat sanguinolenta. ibid. 2.  
 Ejus sanguifera plurima vasa Antiquis nota. ibid.  
 Hæc in homine, vulpe, bove observata, & in hoc cum nodulis, & capreolis descripta. ibid.  
 Pellucida etiam ejus vascula, an sanguifera. ibid.  
 Corpuscula spherica in fela. XVII. 4.  
 Oculi Iridis variæ significationes, & quæ commodior. XVII. 6.  
 Iris plana, an secus, & qualis sit, de eo quot differant. ibid. 18.  
 Variæ de ea re in congelatis oculis observationes. ibid. 19.  
 Iridis structura in homine observata. XVII. 9.  
 Etiam in rana, lepore, vulpe, capra, ove, bove. XVII. 4. 9. 10.  
 Longitudinales fibræ unde orientur. ibid. 15.  
 A quo olim delineatæ. ibid. 8.  
 Qua ex substantia sint. XVII. 10. 11.  
 Sunt inæquales in ove, & bove. ibid. 10.  
 Num annulares fibræ in homine. ibid. 8. 9.  
 Num in lepore, vulpe, capra, bove, ove. XVII. 4. 9. 10.  
 Quomodo Iridis ambitus in ove, bove, aliisq. major sit, quam extrinsecus videtur, & circularis; tametsi pupilla sit elliptica. XVII. 10.  
 Iridis Foramen, sive Pupillam pro vario lumine contrahi, & dilatari, vel Rhazes cognovit. XVII. 7.  
 De causis horum motuum variæ opiniones. ibid. 7. 8.  
 Num Meryana vera sit: & exemplum pro ipsa propositum quis item olim proposuerit. ibid. 7.  
 Communiorem modo opinionem quinam antea probaverint. ibid.  
 Oculi Processus Ciliares noti ante Galenum. XVII. 5.  
 Variæ de ipsis opiniones, & variâ nomina. ibid. 5. 6. 13.  
 Quo nomine a Ligamento Ciliari possint distingui. ibid. 6.  
 Quam amplius eorum ambitus, nec tamen a latere interno. XVII. 14.  
 Quis primus olim elegantem eorum structuram delineaverit. ibid. 11.  
 Eadem in bove, & ove describitur. ibid. 11. 13.  
 Qua ex substantia sit. ibid. 11. 14.  
 Etiam in bove, ove, capra, lepore, ibid. & 13. 14. 16.  
 Hæc substantia unde oriatur. XVII. 14.  
 Eorum radii num recta universi pergant in Iridem, an potius in Crystallini tunicam. ibid. 15. 16.  
 Num retrorsum in hanc ferantur. ibid. 16.  
 De hac re multæ dissensiones. XVII. 18.  
 Et variæ in congelatis oculis observationes. ibid. 19.  
 Num inter eos radios, & Iridem illud sit quod plerique pingunt, intervallum. ibid. 16.  
 De Meryi glandulis, ad ipsos adhaerentibus. XVII. 4.  
 Oculi Ligamentum Ciliare quid sit. ibid. 6. 14.  
 Oculi Tunica Retina, Hippocrati facile nota. XVII. 33.  
 Unde nomen habeat potissimum. ibid. 43.  
 De ejus terminis anterioribus dissensiones. ibid. 47.  
 Hi in homine, sue, ove bove quæsit. ibid.  
 Cui bono illuc usque extendantur. XVII. 48.  
 Retina an crassior, quo posterior. ibid. 2.  
 Ad nervi Optici insertionem foveolam, & papillam in Retina esse, qui antea tradiderint. XVII. 36.  
 Ejus foveolæ in homine, bove, vulpe, lepore, cane peculiare observationes. ibid.  
 Quinam olim Retinam ex nervi, non medulla, sed tunica potius a Pia Matre data productam crediderint, quia cerebri substantia est sensus ex pers. XVII. 34. 40.  
 An revera ex membranea, fibrosa que parte constet, inquiritur. ibid. 39. 40.  
 Qui fibras Retinæ, & quibus in animantibus ostenderint. ibid. 40.  
 Eæ in lepore confirmantur. ibid.  
 De Lymphaticis Retinæ vasis quædam. ibid. 42.  
 Vascula sanguifera multa qui olim tradiderint. XVII. 43.  
 Horum trunculi, ramique præcipui satis conspicui sunt. ibid.  
 Unde, & qua varietate existant in homine, vulpe, capra, cane, lepore, bove. ibid. 44. 46.  
 Quales sint, & quemadmodum distributi. ibid. 46.  
 Oculi Tunica Retina, an Choroides sit primum visus organum. XVII. 34. & seqq. & 46. & seqq.  
 Hoc munus a Crystallino ad Retinam non nuper est translatum. XVII. 46.  
 Quibus in Retinæ partibus hoc magis vigeat. ibid. 48.  
 In Retina objectorum imagines pingi, tametsi nihil pelluciditatis ob aeris contactum amiserit, experimento peculiari demonstratur. XVII. 35.  
 Oculi Humor qui prius ab Antiquis, & qui postea propositi. XVII. 17.  
 Omnium in sua sede quis primus Figuram fere optimam proposuerit. ibid.  
 Ad id ostendendum, oculum gelu indurare non est recens institutum. ibid.  
 Humores omnes effusi, & expressi, quomodo interdum reparati esse videri possint. XVIII. 40.  
 Oculi Humor Aqueus a quo primum propositus. XVII. 17.  
 De ejus copia magni multorum errores. ibid.  
 Quinam imminuerint. ibid. 17. 18.  
 Eumne invehant Aquosi Ductus Nuckii. ibid. 1.  
 An secernant glandulæ Meryi, an aliæ. XVII. 4.  
 Quomodo renovetur, & quibus vasis revehatur, conjectura. ibid. 42.  
 Oculi Humoris Aquei Camera Posterior num inter faciem Iridis posteriorem, & anteriorem Ciliarium Processum extendatur. XVII. 16. 18.  
 Longe minor est Anteriore. ibid. 19. XIX. 1.  
 Quanta olim crederetur perperam a plerisque, & cur. XVII. 18. XIX. 21.  
 A quo olim minor picta sit, quam Anterior. XVII. 18.  
 Galeno videtur perangusta credita esse. ibid.  
 Num alibi aliter docuerit. XIX. 21.  
 Quinam Aqueum in Posteriore non videantur posuisse. XVII. 18.  
 Quinam non videantur in Anteriore. XIX. 4.  
 Quinam vel extra Cameras posuerint. XVII. 17.  
 Oculi Humoris Crystallini sedes nimis olim introsum posita. XVII. 17.  
 Figu-



- Figuram qui primi lenticularem tradiderint. *ibid.* 20.  
 Qui primi, anterieus minus convexam. *ibid.*  
 Qualis nonnunquam ea sit, & qualis, plerumque. *ibid.*  
 Oculi Humoris Crystallini Tunicæ nomina quæ, ut ambigua, vitanda, & quod commodius adhibendum. XVII. 22.  
 Tunica hæc num Hippocrati, Aristoteli, Herophilo fuerit nota. *ibid.* 21.  
 A quo primum commemorata inveniatur. *ibid.*  
 De ea variæ, & Veterum, & Recentiorum plurimæ sententiæ. XVII. 21. 24.  
 Quis primus separatam delineaverit. XVII. 21.  
 Quomodo vel in homine ostendenda. *ibid.* 25.  
 Est veluti elastica. *ibid.*  
 Conjectura, quod sit tendinea productio Processuum Ciliarium, confirmatur. XVIII. 19.  
 Oculi Humor Crystallinus qua ratione a Celso potuerit ovi albo similis dici. XVII. 23.  
 Manifesto ex lamellis compositus, a quo primum in cæcis oculis inventus sit. XVIII. 28.  
 Ejus structura qua ratione quæsitæ sit, & quæ inventa in bove. XVII. 30. & seqq.  
 Et in homine. *ibid.* 32.  
 Et quomodo filamenta observata, & quasi membranulæ. *ibid.* 30. 32. 33.  
 Quomodo filamenta in lepore. XVIII. 28.  
 Num Crystallinus per nullum vasculum, fibramve cum sua tunica nectatur; sed liber & solutus prorsus sit. XVII. 29. 32.  
 Quis id docuerit primus. *ibid.* 32.  
 Qua ratione tamen vel sic nutriatur, & augeatur. XVII. 29. 33.  
 Etate an flavescat, & unde incipiat, observatum. XVIII. 26.  
 Senectute an major fiat, observatum. *ibid.*  
 Unde accidere id possit, indicatur. *ibid.*  
 Num longa in aqua maceratione dissolvatur, & diffuat. XVIII. 17.  
 An sit Suffusionis sedes. Vid. Suffusio.  
 An Glaucomatis. Vid. Glaucoma.  
 Oculi Humoris Vitrei copia olim multo infra verum extenuata. XVII. 17.  
 Quinam merito auxerint. *ibid.* 17. 18.  
 Tunicam qui proposuerint primi. *ibid.* 22. 24.  
 Qui Vitreæ dumtaxat nomen, Retinam alii, alii Crystallinam significantes. *ibid.* 24.  
 Qui primi Vitream Tunicam delineaverint. *ibid.*  
 Qui olim ad Crystallinum a tergo, aut a fronte convestiendum perduxerint. *ibid.*  
 Num id verum videatur. XVII. 25. 26.  
 Qui ejus videndæ modos tradiderint. *ibid.* 22.  
 Qui eam negaverint. *ibid.*  
 Horum quædam ratio rejicitur. XVII. 26.  
 Qui venulas ei tunicæ tribuerint, aut negaverint. *ibid.* 24. 28.  
 Sanguifera in ipsa vascula an admittenda. XVII. 28. 29.  
 Qui ejusdem, aut similium membranularum interjectu Vitreum ex fluido concretum fieri, olim docuerint. *ibid.* 24. 27.  
 Has, & tunicam ipsam Vitream conspiciendi ratio, experimentis comprobata, in homine, & bove. *ibid.* 27.  
 Circa hanc rationem dubitationes. *ibid.*  
 Aliæ quædam observationes. XVII. 28.  
 De Vitreæ tunicæ opacitate præter naturam, quædam. XVIII. 41.  
 Oculi Humor Vitreus ex aqueo magna ex parte consistat. XVII. 28.  
 Inter omnes oculi Humores albo ovi simillimus est. *ibid.* 23.  
 Quinam, etiam olim, huic eundem assimilaverint. *ibid.*  
 Oculi Humoris Vitrei loco, aqueus humor inventus in oculo humano. XVIII. 38.  
 In canino. *ibid.* 29. 40.  
 In leporino. *ibid.* 38. 39.  
 In vaccino. *ibid.* 38.  
 De causis hujus mutationis conjecturæ. *ibid.*  
 Num certa ejusdem signa possint haberi. XVIII. 39.  
 Oculi Humoris Vitrei opacitas, & crassitudo a quibus olim memoratæ. XVIII. 37.  
 Ejus opacitatis duplex genus, & utriusque exemplum. *ibid.* 39. 40.  
 Vitia cum utroque conjuncta. *ibid.* 28. 39.  
 Num certa ejus opacitatis signa haberi queant. *ibid.* 39. 41.  
 Veteres quoque difficultatem noverunt dignoscendi vitia Humoris Vitrei. XIX. 42.  
 Oculi Nervi. Opticus. Vid. Nervi II. Paris.  
 Ciliares dicti, a quibus primum propositi, & unde deducti. XVI. 57.  
 Et a quibus restituti. *ibid.* 58.  
 A quo primum additi etiam a VI. Paris. *ibid.*  
 Ad III. facilius, quam ad V. aut VI. Par nervorum perducti. XVI. 59.  
 Quales, & ubi in homine, bove, cane, anate observati. *ibid.*  
 Num semper in retis modum dispositi, nervum Opticum vinciant. *ibid.*  
 Oculi Lymphatica vasa. De his quædam. XVII. 42.  
 Frustra quæsitæ. XVII. 1. 2.  
 Oculi, Aquosi Ductus Nuckii an Veteribus noti. *ibid.* 1.  
 In homine, cane, vulpe, bove, ove, sue, lepore observati. *ibid.*  
 Sanguifera esse vasa videntur; etsi nonnihil ab his differunt. *ibid.*  
 Oculi Musculorum verum numerum qui primi verbis, & pictura proposuerint. XVI. 19.  
 Suspensorium quis primus ab humanis musculi rejecerit. *ibid.*  
 Plerorumque originem quis primus descripserit. XVI. 20.  
 Dissensiones circa ipsam. *ibid.* 20. 21.  
 Quid de ea observatum. *ibid.* 22. 23. 24. 35.  
 Etiam in cane. *ibid.* 22.  
 Oculi Musculi an efficiant Annulum nervi Optici Moderatorum, etiam in bove, ove, felle, pullo gallinaceo. XVI. 18.  
 De hoc Annulo quid observatum. *ibid.* 23.  
 In quibusd. animalib. ne esse quidem potest. XVIII. 1.  
 Quid pro ipso substituendum. *ibid.*  
 Ejus utilitates. *ibid.* 1. 2.  
 Amauroses, & alia vitia ex ejus vitiis explicanda. *ibid.* 4. 5.  
 Oculi Musculi an efficiant Annulum nervi oculi Motoris Moderatorum. XVI. 18.  
 Num Veteres istiusmodi Annulos noverint. XVI. 20. XVIII. 1.  
 Num possint Opticum nervum tendere, an saltem magis, aut minus curvum facere. XVIII. 2. 3.  
 Quam variis modis in variis animantib. breviorum pro re nata facere oculum videri queant. XVI. 41.  
 Eorum situs in carpione. XVIII. 1.  
 Omnium in homine, ante insertionem, membranæ quasi vaginæ. XVI. 37.  
 Oculi Musculi Recti. De proportionibus quæ est inter ipsos, observationes. XVI. 24.  
 De eorum in oculum insertionem observationes. *ibid.* 24. 25. 35.  
 Recti unius duplex semel inventus tendo. *ibid.* 32.  
 Oculi Musculi Obliqui quomodo olim descripti fuerint, & qui primi descripserint melius, & delineaverint. XVI. 31. 33. 34.  
 Eorum insertio nimis olim antrorsum proposita, & qui in ea delineanda melius se gesserint. *ibid.* 36.  
 De eadem quid observatum. *ibid.* 37.  
 Musculis Obliquis qui olim assignaverint usum attollendi quadantenus oculi, aut deprimendi. XVIII. 2.  
 Qui oculum antrorsum ducendi. *ibid.*  
 Qui trahendi, nasum versus, & sistendi. *ibid.*  
 Oculi Musculi Obliqui Majoris originem veram quis primus descripserit. XVI. 19. 31.  
 Ejus Trochleam qui primi invenerint. *ibid.* 19.  
 Hæc qua ratione possit ad Sesamoidea ossicula referri. *ibid.* 31.  
 Num



- Num ea sit mobilis. XVI. 31.  
 Num annexum peculiarem habeat muscolum, an  
 interdum alterius partem, & cujus. ibid.  
 Annexam habet membranam quæ tendinem Obliqui  
 Majoris ad illam comitatur. ibid.  
 Hunc tendinem ad insertionem aliquantulum dilata-  
 ri, qui primi docuerint, & delineaverint. XVI.  
 36.  
 Totus; etsi teres videtur, & passim dicitur; ob-  
 servatus est tamen planus. ibid. 37.  
 Vagina, ipsum a Troclea ad insertionem cingens,  
 a quibus olim proposita. ibid. 36.  
 Ea describitur. ibid. 37.  
 Oculi Musculi Obliqui Minoris initium quale obser-  
 vatum. XVI. 34.  
 Situs inter cæteros musculos qualis inventus,  
 ibid.  
 In hoc errores multorum. ibid.  
 Reliqua ejus musculi descriptio. XVI. 37.  
 Oesophagi, quod ad Asperam arteriam attinet, situs.  
 XI. 48. 9.  
 Hic alius in avibus, alius in terrestrib. animanti-  
 bus. ibid. 59.  
 Qualis in hirundine; corvo, caprimulgo, cuculo,  
 gallo Indico, & nostrate, columbo, beccanotto,  
 cotorno, anseri, anate; & cur. XI. 49.  
 Qualis in glire, mustela, cane, sue, fele, capra,  
 erinaceo. ibid.  
 Oesophagi initium cur in anseri, anate, &c. instar  
 infundibuli. XI. 49.  
 Majores glandulæ. Vid. Dorsales gland.  
 Minores glandulæ quales in homine. IX. 24.  
 Quales in cane. ibid.  
 Structura musculosa quib. Veterum nota. XI.  
 50.  
 Duplex, & qualis fibrarum ordo cui Veterum co-  
 gnitus. ibid.  
 Quæ partes Oesophagi ad eam observationem ido-  
 neæ; quæ non, & cur. XI. 51.  
 In multo maxima parte quomodo res se habeat.  
 XI. 50. 51. 52.  
 Quomodo in suprema parte, & cur. ibid. 51. 52.  
 Quæ ibi varietates. ibid. 52.  
 Num externus fibrarum ordo apud cartilagineas  
 Arytænoides nascatur. XI. 50.  
 Ad musculosam hanc tunicam, tam crebro, & tam  
 valide se contrahentem, perpauca pinguedo. XI.  
 52.  
 Olfactorii Nervi. Vid. Nervi I. Paris.  
 Olfactus Organum in Piscibus observatum. Vid. Pi-  
 sces.  
 Optici Nervi. Vid. Nervi II. Paris.  
 Orbiculare, sive Ovale Tympani ossiculum quo pos-  
 sit nomine minus ambiguo vocari. VI. 32.  
 Quibusnam Veterum conspectum fuisse videatur.  
 ibid. 7. 8.  
 Qua sit figura. ibid. 32.  
 Num excipiat capitulum Stapedis, & unde error  
 in ea re natus. ibid.  
 Non est cartilago. VI. 6.  
 Non est epiphysis proximorum Ossiculorum. ibid.  
 Quod & olim credebatur. VI. 7. 8.  
 Ejusdem in foetu varietates. ibid. 48.  
 Orbita. Vid. Oculi Orbita.  
 Ossa. Vid. Palatina. Sphenoides. Hyoides. Sacrum.  
 Sesamoidea. Cranii.  
 Ossicula Tympani. Vid. Tympani.  
 Ossificationes præter naturam in variis Partibus. Vid.  
 Thyroidæa. Cruralis arteria.  
 Ovale Foramen quantum pateat, quis antea indica-  
 verit. XV. 47.  
 Qua ex parte pateat, & num certo ordine is hia-  
 tus deinceps ascendat. ibid. 48.  
 In pluribus adultis, & senibus patens inventum.  
 ibid. 29.  
 Ejus Valvula jure potest appellari Valvula. XV.  
 46.  
 Quali sit structura. ibid.  
 Chordulæ ipsam, ut Tricuspidem, alligantes, in  
 quibusd. foetibus, etiam humanis, inventæ.  
 ibid.  
 A quibus olim diligenter suo cum officio descripta  
 hæc Valvula fuerit. XVI. 47.  
 Utrunque interdum soluta, & libera est. XV. 20.  
 Interdum perforata. ibid. 20. 46.  
 Ovaria a quibus glandulosæ naturæ credita sint. III.  
 38.  
 Quanta in foetibus. Vid. Foetus.  
 Ovis Partes quædam observatæ. Vid. Cerebri Nates,  
 & Testes. Nervi II. Paris, & Accessorius. O-  
 culi Tunica Cornea, Choroides, Iris, Processus  
 Ciliares, Retina, Musculi, & Aquosi Ductus.  
 Cochleæ Lamina Spiralis. Uvulæ Musculus Azy-  
 gos, & Pharyngostaphylinus. Pharyngis Linea,  
 Glandularum acervus, & Musculus Stylopharyn-  
 gæus. Tonsillæ. Aortæ Valvular: Anguli. Re-  
 ctum intestinum, Colon, Cæcum, & Appendi-  
 cula. Intestina. Renes Succent. Vid. etiam A-  
 gni, & Vervæcis.

## P

- Pavvii Petri lapsus. VI. 15.  
 Palati pars exos. Vid. etiam Uvula:  
 A Falloppio descripta. IX. 5.  
 A Littrio delineata, & considerata. ibid. 7.  
 Quantum attolli retrorsum queat. ibid. 10.  
 Variat vocum, non tonum, sed resonitum. ibid.  
 7.  
 Aliæ ejus motuum utilitates. X. 27.  
 Num ablata auditum hebetem reddat. IX. 10.  
 Num experimentum in eam rem excogitatum capi  
 possit. ibid.  
 In eadem palati parte sæpe alba linea, quasi liga-  
 mentum Uvulæ; nonnunquam ceu alter musculus  
 Azygos. IX. 5.  
 Ad singula ejus latera quoddam interdum foramen.  
 ibid.  
 Eadem palati pars longior est canibus, aliisque,  
 quam hominibus. IX. 6.  
 In canibus ex quot particulis constet. X. 27.  
 Palati fissura in Avibus observata, & descripta, ejus-  
 que usus. IX. 6.  
 Palatina ossa posterius in angulum conveniunt. VII.  
 23.  
 Hujus anguli utilitates. ibid.  
 Palatostaphylinus musculus. Vid. Uvulæ Musculi.  
 Palfinius Jo. Anatomic. Gandavens. laudatus. III. 3.  
 IV. 11. 40. IX. 46. X. 29. XIII. 16. 20. XVI.  
 5. XVIII. 13.  
 Palpebrarum glandulæ Sebaceæ qua sint structura.  
 III. 25.  
 Tumores cystici qua ratione parvuli adhuc, discuti-  
 endi; majores autem facti, sint excidendi.  
 XIII. 2.  
 Orbicularis musculi utilitas, cum oculum repente in-  
 trorsum trahimus. XVIII. 2.  
 Palpebram Superiorem Attollens musculus quibus o-  
 lim notus. XVI. 19. 20.  
 Hujus situs, ad originem, observatus. ibid. 35.  
 Pancreas in gallina Indica subalbum succum conti-  
 nebat. IX. 27.  
 In quibusdam piscibus, non ductu, sed magni fi-  
 nus orificio cum intestinis communicat. III. 35.  
 Pancreatis in piscibus varietates. XIV. 33.  
 Papadopolus Nic. Comn. Prof. Primar. Patav. lau-  
 datus. VI. 2. 12. 13. XV. 68.  
 Paralysis. Vid. Hemiplexia.  
 Paralysis diversa sedes, contrarios effectus edens.  
 XVIII. 6.  
 Paralysis ex convulsione, experimento explicatur.  
 XIII. 27. XVIII. 4.  
 Parisanus, hypercriticus Scriptor. VI. 26.  
 Parisiensis Regia Scientiarum Academia laudata.  
 XVIII. 11. 13.  
 Parotidi additarum Conglobatarum glandular: varie-  
 rates. IV. 13.  
 Pauli Jo. Guil. Prof. Lips. laudatus. IX. 18. 30. 38.  
 XIII. 11.  
 Paulli Simon. hallucinatio. XIV. 34.  
 Pechlini observatio non probata. XV. 6.  
 Peri-



- Pericardium qui primi annecti diaphragmati, & quibus hujus partib. scripserint. XV. 49.
- Quibus, & quatenus annectatur. ibid. 50.
- Cur in quadrupedibus non annectatur. ibid. 52.
- Periosteum qui usus sint perpetui, & qui non. VI. 47.
- Ejus origines. XVI. 16.
- in Peripneumonia quadam pulmones quomodo se habuerint. XIII. 23.
- Peristaphylopharyngæus musculus. Vid. Pharyngis Musculi.
- Petitus Franc. Med. D. ex Reg. Sc. Acad. Paris. laudatus. V. 6. XIII. 16. 20. 46. 47. XVI. 28. 29. 35. 50. 59. XVII. 12. 18. 19. 28. 29. XVIII. 15. 16. 18. 19. 26. 34. 38. XIX. 14. 24. 27. 28.
- Petitus Jo. Ludov. Chirurg. ex Reg. Sc. Acad. Paris. laudatus. IX. 7.
- Petropharyngæus musculus. Vid. Pharyngis Musculi.
- Petrucii lapsus. XX. 1. 2. 4. 8. 11. 12. 39.
- Pharyngis variæ olim acceptiones. IX. 2. 3.
- Fines superiores olim alii aliis. ibid.
- Quales a tergo; & ab lateribus ubi sint. VIII. 5. XI. 38. 44.
- Fines inferiores olim alii aliis. IX. 2. 3.
- Pharyngis Fornix cum ejus membrana foraminulenta, aliisq. in ea vicinia, a Riolo descriptus. IX. 3.
- De ea membrana quid Schneiderus, & Vieussenius tradiderint. ibid. 11.
- Quid Valsalva, aliisq. postea. ibid. 12. 13.
- De ejusd. membranae Ductu, humore, rugis, & cum Tonsillis similitudine variæ observationes. ibid.
- Ejus vitia observata. VIII. 14.
- Sulci quibus pone Tubas Eustach. definitur Pharyngis Fornix. VII. 13. IX. 13.
- Pharyngis alligatio ad illas Tubas, eamve viciniam. XI. 44.
- Alligatio ad imas Alas Sphenoidæas quomodo elevationem laterum Pharyngis non impediat. XI. 38.
- Alligatio ad Laryngem, a Veterib. memorata. ibid. 32.
- Hujus Alligationis præcipuus locus. ibid.
- Idem ubi in bove. ibid.
- Larynge, cum deglutimus, ascendente, Pharyngem descendere, quatenus falsum, & verum sit. XI. 32. 33.
- Alligatio Pharyngis ad vertebrae, qualis; & ejus utilitas. ibid. 31.
- A quibus olim non neglecta. ibid.
- Necessario attendenda, ne plus æquo Pharyngem constringi, attolli, deprime, ita ut multi perperam, credamus. XI. 31. 33. 38.
- Pharyngis Iconum historia. XI. 46. 47.
- Anatomia diu, laceratio potius fuit. ibid.
- Is abusus a quo inchoatus, & a quo sublatus. ibid.
- A quibus antea agnitus. ibid.
- Pharyngis in sua sede observandæ rationem quis olim præmonstraverit. XI. 46.
- Quotuplici a parte observanda sit. ibid. 47.
- Pharyngis cum Uvula continuas. Vid. Uvula.
- Pharyngis Glandulae dissectæ num Galeno notæ. XI. 21.
- A Valsalva primum delineatæ. ibid.
- Earum observationes. ibid.
- Glandularum acervus in homine. IX. 23.
- Glandularum acervus in bove, & vervece. VIII. 4. IX. 23.
- Glandulosus Annulus, cingens imum orificium Pharyngis in cane, ejusque usus. VIII. 4. IX. 22.
- Pharyngis Linea posterior tendinea a quibus olim indicata. XI. 27.
- Num sit perpetua. VIII. 5. XI. 25. 27. 28. 29. 38.
- Vid. etiam Pharyngis Musculus Thyropharyngæus.
- An sit in cane, ove, bove. XI. 29.
- Ea deficiente, qua re suppleatur ipsa, & ejus munus. ibid. 30.
- Qui fibras illas ab uno in alterum latus produci, primus docuerit. XI. 29.
- Pharyngis utraque Tunica a quo diserte primum memorata. ibid. 12.
- Pharyngis Musculorum anatomica administrationis ratio. *Morgagni Epistola Anatomica.*
- tio optima, quibus olim nota. XI. 15.
- Cur illorum alii alios cingant. ibid.
- Quatenus in plures distinguendi, Eustachio etiam auctore. XI. 15. 36.
- Eorum descriptio ab Uvulae musculis est incipienda. X. 1.
- Eorundem duo, Galeno, & Arabibus noti, quinam fuerint, inquiritur. XI. 2.
- Crebrae in quibusdam Pharyngis musculis varietates. ibid. 43.
- Pharyngis Musculus Cephalopharyngæus ad quos musculos sit referendus. XI. 13. 14. 42.
- Chondropharyngæus ad alios videtur referendus. XI. 43.
- Cricopharyngæus a quibus primum indicatus. XI. 22. 23. 27. 34.
- Perraro, si unquam, media linea in duos dividitur. ibid. 27.
- Superiorum ejus fibrarum incessum alium ac inferiorum, quis primus indicaverit. XI. 34.
- In hoc, & originibus varietates. ibid.
- Pharyngis Musculus Geniopharyngæus a quo olim indicatus. XI. 45.
- Quid de eo observatum. ibid.
- Glossopharyngæi originem qui primi noverint. XI. 1.
- Quædam de ipso animadversiones, & observationes. ibid.
- Hyopharyngæus an Galeno, & Arabibus notus. XI. 2. 12.
- Quibus deinde non ignotus. ibid. 12. 13.
- Ejus origo an utrinque duplex, an simplex, & a quo olim hæc agnita. XI. 17.
- Quæ ipsarum constantior, & in his rebus varietates. ibid.
- Hujus musculi termini superiores, & inferiores, & fibrarum inclinatio. XI. 16.
- Fibræ, sub Thyropharyngæo descendentes, & earum origines, & quibus olim notæ. ibid.
- Usus constringendi a quibus olim traditus, & a quo iterum restitutus. XI. 12. 18. 30.
- Ejus constrictionis utilitas multiplex. XXI. 30.
- Cur & quomodo ab hoc musculo tunc simul Larynx attollatur. VIII. 5. XI. 30.
- Et quatenus. XI. 18. 31.
- Pharyngis Musculus Hyperopharyngæus quo referendus. XI. 45.
- Mylopharyngæus Superior quid sit. ibid. 38. 39. 40.
- Mylopharyngæus Inferior a quibus primum adnotatus. XI. 39. 40. 45.
- De usibus, & varietatibus ipsius quædam. ibid. 45.
- Peristaphylopharyngæus. Quid de eo adnotatum, & quo referendus. XI. 45.
- Petropharyngæus quo referendus. ibid.
- Pterygopharyngæus a quibus olim cognitus. XI. 37.
- Ejus origo etiam aliquando a maxilla superiore. VIII. 6. XI. 38.
- Plures origines, incessus, & fines descripti. XI. 38. 44.
- Plures ad hujus tergum varietates. ibid. 42.
- Pharyngis Musculus Salpingopharyngæus a quo olim indicatus, & quid de eo observatum. XI. 43. 44.
- Sphenopharyngæi nomen ambiguum, & quibus erroribus ansam dederit. ibid. 37. 43. 44.
- Staphylopharyngæus quibus Veterum notus. X. 9. 10.
- Quibus Recentiorum in parte notus. ibid. 12. 13.
- De ejus extremo superiore quædam, & a quibus primum observata. X. 15. 16. 17.
- Varietates ibi, etiam in bove. ibid. 17.
- Utilitates nexus cum osseo palato. ibid. 18.
- Aliæ varietates, etiam in bove. VIII. 4.
- Insertio etiam in Thyroidem. VIII. 4. X. 14. 15.
- Etiam in equo; non in ove, & bove. X. 14.
- Hujus insertionis usus. VIII. 4. 5. X. 18.
- Insertio in Pharyngem qualis, & in quam hujus partem, etiam in bove, & ove. X. 14.
- Pharyngis Musculus Stylopharyngæus an Galeno, & Arabib. notus. XI. 2.
- Duplex utriusque, aut ab altero latere in quibusdam. R r



- dam. ibid. 4. 9.  
 Triplex utrinque in quodam. VIII. 5.  
 Qualis ad originem. XI. 8.  
 Hæc altior origine Styloglossi, & Stylohyoidæi. XI. 4. 8.  
 Insertio in Pharyngem quanta, qualis, & quo? ibid. 5. 9.  
 Insertio Falloppiana in os Hyoid. & cartilaginem Thyroidem, restituta. VIII. 5. XI. 3. & seqq. & 10. 11.  
 Insertio Eustachiana in eandem cartilaginem. XI. 5. 6. 7.  
 Insertiones in eandem cartilaginem etiam in ove, & bove. VIII. 5. 7.  
 Earum Insertionum usus. ibid. 5.  
 Num Insertio ulla in Linguam, ibid. & XI. 3. 9.  
 Pharyngis Musculus Syndesmopharyngæus ad alios musculos videtur referendus. XI. 43.  
 Thyropharyngæus Vetustioribus etiam, notissimus. ibid. 19.  
 A quibus primum vocatus Oesophagæus. ibid. 20.  
 A quibus inter Pharyngis dumtaxat, musculos relatus sit. ibid.  
 Num simplex. VIII. 4.  
 Qui simplicem, & qui duplicem esse, olim, & recens docuerint. XI. 19. 21. 23. 28.  
 A quibus primum adnotata ejus origo etiam a Cricoide. ibid. 22. 27.  
 Quis primum ex ascenduntibus utrinque fibris, non transversis instar sphincteris, delineaverit. XI. 22. 27. 46.  
 Tres utrinque angulares Productiones quis primus adnotaverit. ibid. 27.  
 Hujus musculi varietates circa origines, finem, productiones. XI. 25.  
 Circa Lineam in medio interjectam. ibid. 19. 23. & seqq.  
 Ejusdem musculi usus in Larynge attollenda, & quomodo, & quatenus. VIII. 5. XI. 18. 30. 31. 33.  
 Et in ejus Ventriculis, ipsaque coarctandis. VIII. 4. XI. 19. 30.  
 Usus antiquus constringendi Oesophagum, sive Pharyngem. XI. 19. 30.  
 Multiplex utilitas horum universorum usuum. ibid. 30.  
 ad Pharyngis supremum orificium num sphincter quidam sit admittendus. VIII. 6. X. 17. XI. 1.  
 Pharyngostaphylinus Musculus. Vid. Pharyngis Musculus Staphylopharyngæus.  
 Piccolomini Archang. lapsus. XIV. 17. XX. 3. 9. 43.  
 Pici avis Partes quædam observatæ. Vid. Tympani Officula. Mallei Musculi. Renes Succent.  
 Quædam non inventæ. Vid. Appendic. intest.  
 Pilorum fasciculi intra Processum Transversum Duræ Meningis inventi. XX. 58.  
 Piscium Foramina quæ ante eorum oculos sunt, ad cranii cavum perveniunt. XVII. 41.  
 Non auditui, sed olfactui inserviunt. ibid.  
 Eadem suis cum caveis, membranis, fibris, nervis descripta in acipenserum utroque genere. ibid.  
 Alia addita structura in corbello, & canicula. ibid.  
 Pituitaria Membrana. Vid. Tubæ Eustach. pars cartilaginea. Pharyngis Fornicis Membrana.  
 Num semper fibras habeat carneas circum nasi foramina posteriora. X. 23.  
 Placentæ uterinæ facies utraque Chorio investitur. XVI. 17.  
 Plancus Janus Med. Arimin. laudatus. V. 18.  
 Platerus plura in Stapede ossiculo animadvertit. VI. 33. 34. 35.  
 Et quasdam proprietates Canaliculæ Semicircularium. XII. 8. 9.  
 Ejusd. Figura explicata. VII. 10.  
 Locus explicatus. VI. 35.  
 Alia non probata. VI. 33. 35. VII. 10. XI. 3. XII. 4. 13. 30. 32. 37. XVI. 36. XVII. 18. 43. XX. 3.  
 Platnerus Jo. Zachar. Prof. Lips. laudatus. XVIII. 17.  
 Plinius major. De ejus quibusdam locis. IX. 6. 16. XV. 59. XVIII. 31.  
 Porcelli Indici Partes quædam observatæ. Vid. Jugulares gland. Cordis Situs ac Sedes, & Anterioris faciei Prominentia. Cæcum, & Colon intestini. Renes Succent.  
 Porci quædam Partes observatæ. Vid. Nervor. II. Paris structura. Oculi Tunica Retina, & Aquosus Ductus. Larynx. Tonsillæ. Glandulæ. Uvula, & hujus Musculus Azygos. Oesophagus. Intestina. Ileum, Cæcum, Colon, & Rectum. Nervi Intercoastales. Renes Succent. Aortæ Sinus. Pulmonaris arteriæ Sinus. Cordis Ventriculus dexter, Auriculæ, Ventriculi, Posterior facies, & Anterioris faciei Prominentia.  
 Partes quædam non inventæ. Vid. Eustachii Valvula.  
 Psittaci nonnullæ Partes non inventæ. Vid. Appendic. intestini.  
 Pterygopharyngæus musculus. Vid. Pharyngis Musculi.  
 Pterygostaphylinus. Vid. Uvulæ Musculi.  
 Pulmonaris Arteriæ initium magis distat a cordis mucrone, quam initium Aortæ. XV. 57.  
 Sinus minores sunt; nec tamen semper; quam Aortæ. ibid. 3.  
 Observati etiam in capra, cane, bove, suæ, agno, lepore, vulpe, anseri. ibid.  
 Nonnunquam desunt. ibid.  
 Eorum Aggeres a quibus olim indicati, & delineati. XV. 4.  
 Horum structura, & utilitas. ibid.  
 Nonnunquam desunt. ibid.  
 Pulmonaris Arteriæ Valvulæ sæpe a natura sunt perforatæ. XV. 19.  
 A quo hæ Perforationes delineantur. ibid.  
 De Corpusculo, ipsis Valvulis insidente, & ejus varietatibus, & natura. XV. 2. 17. 19.  
 Cur hæ Valvulæ fibras carneas obliquas non habeant. XV. 18.  
 Pulmonaris Vena non sic dividitur, ut plures credunt. XV. 33.  
 Pulmones a quibus pro glandula habiti sint. III. 38.  
 Eorum cum Pleura coalitus num effectus prægressæ inflammationis. IX. 24.  
 Inventus, sed raro, etiam in fetu. XX. 56.

## Q

Quareus Suffusionis sedem in CrySTALLINO primus omnium proposuit. XVIII. 9.

## R

Ranæ Iris observata. XX. 5. 44. 46.  
 Vid. Oculi. Iris.  
 Ravi observatio rara. XVI. 49.  
 Nonnulla non probata. XVI. 17. XIII. 51.  
 Recti intestini nomen qui primi invenerint. XIV. 21.  
 Quatenus Rectum dicatur. ibid.  
 Causæ ob quas incurvum est. ibid.  
 Num saltem in neutrum inclinetur latus. ibid.  
 Longius est, proportionem, in erinaceo. XIV. 19. 22.  
 Ejus fibræ carneæ exteriores. ibid. 1. 8.  
 A quibus olim animadvertæ. ibid. 4. 7.  
 A quibus primum delineatæ. ibid. 4.  
 Unde, & quales ortæ, quo, & quomodo progrediuntur. XIV. 8. 13.  
 Quales in ove. ibid. 1. 20.  
 Quales in porco. ibid. 17.  
 Quales in cane, & vulpe. ibid. 20.  
 Ipsa-



- Ipsarum usus. XIV. 13. 64.  
 Circa Rectum glandulæ; ibid. 2.  
 In ove etiam, bove, Erinaceo. ibid. 2. 22.  
 Ad Recti initium vascula quædam incertæ naturæ.  
 XIV. 2.  
 Redii Franc. locus perperam latine redditus. ibid. 26.  
 Num & alius. ibid. 32.  
 Renes glandulosos esse, qui Veterum docuerint. III.  
 31.  
 Eorum structura vesicularis defenditur. III. 14. 15.  
 Renes in viperis observati. XX. 14. 26. 38.  
 In corvo, & vespertilione. ibid. 29.  
 Renum alter sphericus in quodam viro observatus.  
 XX. 46.  
 Alter in cuniculo quodam deficiens. XX. 23.  
 Renum Succenturiatorum quod primum nomen fue-  
 rit. XX. 1.  
 Quis imposuerit nomen Ren. Succentur. ibid.  
 Capsularum Atrabiliar. nomen quis postea substi-  
 tuerit, & cur. XX. 1. 60.  
 Hæc, & alia nomina cur minus apta. ibid.  
 Quodnam paulo aptius esse posset. XX. 1.  
 Num Rennuncolorum nomine fuerint in Levitico  
 designati. XX. 2.  
 Num Hippocrati, aut aliis ante Eustachium fuerint  
 noti. XX. 2. 3.  
 Cur tam fero inventi sint. ibid. 3.  
 Quinam vel inventos non agnoverint. ibid.  
 Quinam sæpe, aut non raro duobus plures esse,  
 crediderint. XX. 43.  
 Perraro sunt plures: cujus generis peculiaris obli-  
 vatio proponitur. ibid. 43. 46.  
 Renes Succenturiati insident supernæ renum parti  
 ad latus internum. XX. 51.  
 Rarissime sunt inter hæc, & Magna Vasa. ibid.  
 Hac in re fallaces plerorumque Anatomicorum Fi-  
 guræ. ibid.  
 In bestiis inspectis, non insident renibus. XX.  
 48.  
 Exceptis, quibusdam, ut porcello Indico, mure.  
 ibid. 19. 20. 33. 34.  
 Nexus cum hepate, & splene a quo primum me-  
 morati. XX. 7.  
 Num sint perpetui. ibid.  
 Renes Succenturiati quam variam habeant figuram,  
 & superficiem. XX. 38. 39. 41. 42. 43. 52. 53.  
 Harum varietatum causæ. ibid. 52.  
 Quis primus duas in ipsis extremitates distinxit.  
 ibid.  
 Num magnitudine, aut parvitate respondeant  
 Partibus generationi inservientibus. ibid. 23.  
 27. 46.  
 Renes Succenturiatos majores in foetu esse, quis pri-  
 mus, & quando indicaverit. XX. 10.  
 Quis primus hoc, aliaque discrimina Figura osten-  
 derit. ibid.  
 Quanto majores sint observati. ibid. 49. 55.  
 Num majores, solum nonnunquam, in foetu sint.  
 XX. 10.  
 Perraro sunt non majores, hoc est ita strigosi, &  
 pro longitudine ita humiles tennesque, ut in  
 adultis. XX. 11. 12. 51. 56. 58.  
 Sed in bestiarum foetibus inventi sunt non ma-  
 jores, proportionem, quam in adultis. ibid. 24.  
 48.  
 Neque in adultis bestiis strigosi, ut in adultis ho-  
 minibus. XX. 50.  
 Quæ causæ faciant, ut in his minus augeantur, &  
 quodammodo contabescant. ibid. 51.  
 Quis primus, in foetu, lato sinu excipere partem  
 renum superiorem, docuerit. XX. 10.  
 Cur id serius animadversum sit. ibid. 50.  
 Id in bestiarum inspectis foetibus non invenitur.  
 XX. 48.  
 Num id in omnibus humanis foetibus ad eundem  
 modum. ibid. 51.  
 Quæ causæ faciant, ut post ortum hominis, is  
 nexus cum renibus sensim laxetur, sinusque, ac  
 sedes ex parte mutantur. XX. 50. 51.  
 Renum Succenturiatorum tunicas qui primi memora-  
 verint. XX. 7.  
 Tunica propria pellucida est. ibidem 38. 41. 42.  
 Morgagni Epistola Anatomica.
- De intima substantia quid Veteres scripserint. XX. 9.  
 Qui Recentiorum id in ovibus confirmarint. XX. 20.  
 Renes Succenturiati quales intus extraque in gal-  
 lo nostrate, & Indico, & in capone. XX. 15. 27.  
 Quales in gallina nostrate. ibid. 31.  
 Quales in gallo Africano. ibid. 15.  
 Quales in anseri, pica, rusticula. ibid. 17.  
 Quales in corvo, hirundine, cotorno, aluco, ca-  
 primulgo, vespertilione. XX. 29. 31.  
 Quales in vipera. ibid. 16. 18. 30. 32.  
 Quales in testudine aquatica. XX. 16. 18.  
 Quales in fele. ibid. 33.  
 Quales in talpa. ibid. 34.  
 Quales in Erinaceo. ibid. 33. 46.  
 Quales in glire, & mustela. XX. 35.  
 Quales in cane, & vulpe. ibid. 20. 33. 34. 54.  
 Quales in agno. ibid. 33. 48.  
 Quales in ove, & vervece. XX. 20.  
 Quales in porco, porcello Indico, lepore, & mu-  
 re. XX. 19. 20. 33. 34.  
 Quales in vitula. XX. 20. 34.  
 Quales in pluribus foetibus humanis. ibid. 37. 56.  
 58.  
 Quales in pluribus adultis hominibus. XX. 38. 39.  
 41. 42.  
 Etiam post aeris injectionem. ibidem 41. 42. 51.  
 Qui non semper distendit. ibid. 42. 56.  
 Ut nunquam in canibus. XX. 54.  
 Renibus Succenturiatis intus inesse Cavitatem, qui  
 primi animadverterint, & pinxerint. XX. 8.  
 Qui aut negaverint, aut confirmaverint. ibid.  
 Quid observatum utramque in partem in pluribus  
 foetibus humanis. XX. 37. 56.  
 Quid in pluribus adultis hominibus. ibid. 38. 39.  
 62.  
 Etiam per aeris injectionem. ibid. 41. 42.  
 Ejus Cavitatis parietes pluribus foraminulis pertun-  
 di, quis primus scripserit. XX. 8.  
 Hoc aliquando observatum. ibid. 37. 39.  
 Quid ea foraminula possint credi. ibid. 60.  
 Eam Cavitatem dehiscere in venam, qui docuerint,  
 aut negaverint. XX. 8.  
 Quatenus id verum inventum sit. ibid. 40. 42.  
 Qui docuerint, per venam Cavitatem exonerari  
 posse, & qui ob contrarium valvularum situm  
 negaverint. XX. 8.  
 Quid revera observatum sit. ibid. 40.  
 An ipsa Cavitas vena sit dilatata. ibidem 60. 62.  
 63.  
 Quis primus docuerit, ea Cavitate humorem nigrum  
 contineri. XX. 8.  
 Qualis humor inventus sit in duobus foetibus hu-  
 manis. ibid. 37. 55.  
 Qualis in muliere. ibid. 39.  
 Num sit in cunctis hominibus. ibidem 39. 60. 61.  
 Num sit in canibus. XX. 61.  
 Qui in cane subacidum agnoverint, & qui acidum  
 secundam naturam esse, negaverint. ibid.  
 Quid observatum. ibid.  
 Qui docuerint, esse biliosum. ibid.  
 Quid observatum. ibid.  
 An pro venoso sanguine haberi debeat. XX. 60. 61.  
 Renum Succenturiatorum Cavitas non est in gallis,  
 & ejusmodi animalibus. XX. 15. 17. 27.  
 Neque in lepore. ibid. 19.  
 Neque in ove, vulpe, mure, cane, fele, glire.  
 XX. 20. 33. 34. 61.  
 In porco, & porcello Indico, & vitula est quidem,  
 sed pro vena. XX. 19. 20. 33. 34.  
 Renum Succenturiatorum vasa sanguifera qui olim di-  
 ligentius delineaverint. XX. 4. 52.  
 Num horum Eustachius nullam mentionem fecerit.  
 ibid. 4.  
 Eorum varietates, & quid tamen frequentius sit.  
 ibid. 4. 5. 40. 42. 43.  
 Num semper ramus accedat a Spermaticis Arteriis  
 Superioribus. XX. 5.  
 Venas per hos Renes trajici, quis primus adnota-  
 verit. ibid. 60.  
 Venæ an communicent cum horum Cavitate. Vid.  
 Renibus Succenturiatis &c.  
 Lymphæductus. XX. 21. 35.  
 R r 2 De



- De nervorum, huc attinentium, crassitie, & numero dissensus Anatomicorum. *ibid.* 6. 23.  
 Quid observatum. *ibid.* 46.  
 ex Renibus Succenturiatis an oriatur in gallis vas semen deferens. *XX.* 15.  
 Quid de hoc observatum. *ibid.* 27. 28. *Vid.* & 30.  
 An in anate mûta, & turture. *XX.* 15.  
 An in vipera, alioque serpente. *ibid.* 16. 30.  
 Quid Valsalva potissimum attenderit in Ductibus a Succenturiatis Renibus ad testes, & ovaria, ponendis. *XX.* 44.  
 Num ab arteriola Spermatice, aut a nervo aliquo deceptus fuerit. *ibid.*  
 Quis Ductum olim a Rene Succentur. ad ovarium mulieris viderit, & an Ductus peculiaris fuerit. *ibid.*  
 Quid de Ductibus ab aliis descriptis habendum esse videatur. *XX.* 62. 63.  
 An Ductus peculiaris fuerit, inde ad testiculum tendens, in cane, & homine. *ibid.* 19. 21. 44.  
 Quædam quibus id confirmari videtur, exposita. *XX.* 23. 25. 46.  
 Et considerata. *ibid.* 27. 46. 49. 65.  
 Quædam quæ obijci possunt, in utramque partem examinata. *XX.* 22. 24. 45. 47. 48. 49. 60. 61. 62. 63.  
 Renes Succenturiatos Eustachius inventor, compluresque tum Veterum, tum Recentiorum glandulas esse, non dubitarunt. *XX.* 67.  
 Substantia sunt glandulosa in gallis, anseribus, aliisque avibus. *ibid.* 15. 17. 27.  
 In porcello Indico. *ibid.* 19.  
 In vipera. *ibid.* 30.  
 In porco, cane, vulpe, agno sunt substantia simili ac eorum glandulæ Lymphaticæ. *XX.* 33.  
 Nonnunquam & in homine. *ibid.* 38. 39.  
 Num sint glandulæ, lymphæ secretioni addictæ. *XX.* 36. 37.  
 Eam horum Renum structuræ partem, quæ ad excretorii ductus radices attinet, Malpighius non ut certam proposuit. *XX.* 63.  
 Renum Succenturiatorum Usus Communis est, qui & cæterarum glandularum, aliquid fecernere etiam in adultis. *XX.* 67.  
 Sed quid fecernant, nondum constat; & cur. *ibid.* 67. 68.  
 Usus verus, & plane Proprius Renum hominis Succentur. esse non potest in quo ratio non habeatur discriminum non solum inter adultum, & fœtum, sed inter fœtum hominis, & fœtum bestiarum. *XX.* 12. 13. 49. 50. 54. 66.  
 Ejusmodi, qui quærendus est; Ulus exemplum quasi quoddam proponitur in Usu quem Molinettus excogitaverat. *XX.* 54. 59.  
 Hic enim Usus non solum cum illis discriminibus congruit, sed eorundem, aliisque observationibus illustratur. *XX.* 54. 62.  
 Quæ eidem ob stare videntur, quomodo possint infirmari. *ibid.* 55.  
 Ad ipsum penitus examinandum, quæ præterea possint conducere. *XX.* 54. 55. 56. 68.  
 Renum Succenturiatorum Vicia cur serius ceperint animadverti. *XX.* 68.  
 Quam rara sint. *ibid.*  
 Quis primum ediderit. *ibid.*  
 Quæ hætenus in cadaveribus sint observata. *XX.* 24. 68. 69.  
 de Rhodii loco conjectura. *XVIII.* 40.  
 Rhombi piscis nonnullæ Partes observatæ. *Vid.* Appendix. intestin.  
 Riolani Jo. fil. loci explicati. *XVI.* 37. *XVII.* 17.  
 Alii non probati. *V.* 2. 3. *VI.* 33. 47. 48. 49. *VII.* 10. 21. 33. *IX.* 17. 18. 32. 42. 46. *XI.* 13. 50. *XII.* 4. 36. 49. 63. *XIII.* 10. *XIV.* 16. 23. *XV.* 7. 24. 52. 67. 70. *XVI.* 12. 13. 19. 31. 37. *XVII.* 21. 24. 43.  
 Riverii Laz. error. *XIII.* 11. & seqq.  
 Rivini Foramen. *Vid.* Tympani Membrana.  
 Rivinus Jo. Aug. fil. Aug. Quir. Prof. Lips. laudatus. *V.* 13. *VII.* 14. 15.  
 Rolfincii locus explicatus. *XVI.* 14.  
 Alii non probati. *VI.* 1. 3. 23. 33. *VII.* 21. *XII.* 2. 14. 36. *XV.* 22. *XVI.* 13. *XVIII.* 4.  
 Rondeletius. De eo quædam. *XVI.* 19.  
 Ejusdem hallucinatio. *XVII.* 41.  
 Rotarius Sebast. Med. Veron. laudatus. *XIII.* 35.  
 Rustius Ephesus: De ejus loci unius, atque alterius obscuri interpretationibus. *IX.* 15. 16. *XV.* 70.  
 Locus in parte confirmatus. *XVII.* 22.  
 Alter quomodo restitui possit, indicatur. *XIX.* 4.  
 Rusticulæ avis Renes Succentur. *Vid.* Renes Succent.  
 Rutty Guil. a secretis Reg. Societ. Londinens. laudatus. *III.* 17. *XX.* 36. 48.  
 Ruyschius Frid. Prof. Amstel. laudatus. *III.* 3. *V.* 1. 2. 6. 13. 46. 47. 48. *VII.* 29. *IX.* 32. 46. *X.* 24. *XII.* 59. *XIII.* 20. *XIV.* 6. 17. 24. 39. 40. 45. 59. *XV.* 15. 43. 52. 55. 57. 59. *XVI.* 4. 9. 26. 38. *XVII.* 1. 2. 3. 5. 8. 14. 24. 28. 38. 39. 42. 43. *XVIII.* 3. *XIX.* 28. *XX.* 5. 10. 49. 51. 52. 53. 57.  
 Primus adnotavit Periosteum Officulor. Tympani. *VI.* 47.  
 Et arteriolas tunicæ Crystallinæ. *XVII.* 28.  
 Ejusd. locus explicatus. *ibid.* 2.  
 Alii restituti. *XX.* 51.  
 Figura explicata. *XVII.* 14.

## S

- Sacrum os cur facie interiore curva. *XIV.* 21.  
 Salomonii Jacobi omisso. *VI.* 12.  
 Salpingopharyngæus musculus. *Vid.* Pharyngis Musculi.  
 Salpingostaphylinus. *Vid.* Uvulæ Musculi.  
 Saltsmanni Jo. Rodolphi hallucinatio. *XIV.* 35.  
 Sanguiferorum vasorum rupturas quam accelerent. *XIII.* 19.  
 Sanguinei vulgo dicti Tumores qua ex materia fiant. *ibid.* 4.  
 Sanguinei merito appellandi Tumores quotuplices sint. *ibid.*  
 de Sanguinis circuitus inventionem quædam. *XV.* 68. 69.  
 Sanguinis sputum diuturnum ex Pharyngis ulceribus. *IX.* 14.  
 Sanguinis ex cadaverum ore effluxus, non continuo ex Pulmonib. aut Ventriculo credendus. *VII.* 68.  
 Variæ in variis ejusd. aliorumque humorum effluxus ad os, aures, nares viæ. *ibid.* 8.  
 Santorinus Jo. Domin. Protomed. Venet. laudatus. *III.* 17. *IV.* 2. 7. *VII.* 23. *IX.* 7. 12. 14. 32. 34. 35. *XI.* 1. 11. 16. 17. 34. 42. 43. 45. 51. *XIII.* 20. *XIV.* 11. 41. 62. *XV.* 9. 11. *XVI.* 9. 11. *XVIII.* 19. 20.  
 Sarpis Paul. num venarum valvulas invenerit, & Fabricio ab Aquapend. indicaverit. *XV.* 68. 69.  
 Savonarolæ Jo. Mich. lapsus. *XIX.* 26.  
 Schacherus Polyc. Gottl. Prof. Lips. laudatus. *XVIII.* 19.  
 Schelhammeri quædam minus probata. *V.* 14. 23. *VI.* 11. 12. 13. 14. 20. 26. 33. 42. 43. 47. *VII.* 10. 16. 31. 32. *XII.* 2. 14. 32. 34. 49. 57. 59. *XIII.* 8.  
 Schenckii Jo. Theod. hallucinatio. *VI.* 7.  
 Schmidius Jo. Andr. laudatus. *VI.* 47.  
 Schneideri lapsus. *VII.* 10.  
 Schulzius Jo. Henr. Prof. Halens. laudatus. *IX.* 30. 46. *XV.* 41.  
 Sculteti Jo. locus restitutus. *XIII.* 6.  
 Sebaceæ glandulæ probatæ a Stahl. *III.* 2.  
 Et a VVinslowio, ac Boerhaavio. *ibid.* 3.  
 Confirmantur, & defenduntur. *III.* 2. & seqq. & 38.  
 Secernunt unctuosam materiam illam, qua cutis fœtus oblitur. *III.* 3.  
 Et ex qua in fœtu externum integumentum additur Membrana Tympani. *V.* 5.  
 Secretionem diversam num diversus vasculorum sanguiferorum reptatus necessario significet. *III.* 34.  
 Semen deferens Vas in gallis observatum. *XX.* 15. 27. 28.  
 In anate, & turture. *ibid.* 15.  
 In viperis. *XX.* 14. 16. 26.  
 In alio serpente. *ibid.* 16.  
 Ejus initium in homine Vaginali tunicæ innectitur. *XX.* 27.  
 Semi-



- Semicirculares Labyrinthi Canales a quibus primum delineati. XII. 3.  
 Quomodo fuissent appellandi. ibid. 9.  
 Qualis singulorum ambitus. ibid.  
 Singulorum situs. XII. 7. 8.  
 De eodem quinam Veterum aliquid indicaverint. ibid.  
 Quomodo se habeant in gallinaceo genere. ibid. 3.  
 Unde singulorum nomina magis, aut minus recte peti possint. XII. 7. 8.  
 Quis Veterum constanter majorem, minorem, minimum delineaverit. ibid. 8.  
 Intra Majorem observata Macula foraminulenta. XII. 48.  
 Hujus, cum est, & Orbicularis ad eam Caviratis usus inquiritur. XIII. 49.  
 Communem Canalem qui primi indicaverint, & delineaverint. XII. 3.  
 Semicirculares Canales. De eorum orificiorum numero varii, & diuturni errores. ibid. 2.  
 Hæc qualia, & quomodo sita sint. XII. 6. 9.  
 Uno Iconismo non possunt universa probe demonstrari. ibid. 6.  
 Quis primus animadverterit, suis Canalibus esse ampliora; & quis hujus rei usum. XII. 9.  
 Quæ, & quatenus sint excipienda. ibid.  
 Semicirculares Canales num singuli singulas contineant Zonas. XII. 55. & seqq.  
 Quid verisimiliter sint quidam quasi nervi, sæpe in ipsis observati. XII. 55.  
 Quali membranula convestiantur. ibid. 55. 56.  
 Qualia, aut unde habeant sanguifera vascula. ibid. 62.  
 Seminales Vesiculæ a quibus pro glandulis habitæ sint. III. 38.  
 Sennerti error. XIII. 11. & seqq.  
 Sensuum organa ne in recens natis lædantur, quomodo a natura cautum sit. V. 6.  
 ad Sesamoidea ossicula qua ratione referri possit oculi trochlea. XVI. 31.  
 Severini M. Aur. locus cum Blasio conciliatus. XIV. 25.  
 Loci explicati. XVI. 40. XX. 29.  
 Simoncellii lapsus. XII. 36.  
 Slevogius Jo. Hadr. Prof. Jenens. laudatus. X. 12. 21.  
 Spermatica vasa passim per furculos cum vicinis partibus communicant. XX. 5.  
 Spermaticæ arteriæ duæ Superiores num perpetuæ. XX. 5.  
 Sphenoidis ossis alæ internæ Processus quo olim nomine a Molinetto donatus. XI. 38. 39.  
 Sphenopharyngæus musculus. Vid. Pharyngis Musculi.  
 Spigelii quædam non probata. VI. 23. 47. VII. 10. XIII. 6. 15. 39. XX. 4.  
 Stancarius Jo. Ant. Prof. Bonon. laudatus. VII. 34. XIV. 12.  
 Stapes auris ossiculum. De ejus Inventoribus. VI. 3.  
 Ejus situs. VI. 44. VII. 3. 17.  
 Esse reconditum in quodam Sinu, quis Veterum noverit. VII. 3.  
 Stapedis Crura, non in trianguli, sed in arcus formam coeunt; ibique latiuscula sunt. VI. 33. 35.  
 Qui primi id indicaverint, & pinxerint. ibid. 33.  
 Quomodo res se habeat in bestiis, & speciatim in agnis, & vitulis. ibid.  
 Eorund. Crurum inter se discrimen quis Veterum pictura indicaverit. VI. 34.  
 Num causa nuper excogitata ejus discriminis probari queat. ibid. 48.  
 Discrimina alia, eorumque ad dextrum, sinistrumque Stapedem internoscendum utilitates; & quædam varietates. VI. 34.  
 Cervicis, & Capituli Stapedis in anteriora inclinatio. ibid.  
 Eorundem accurata observatio, & descriptio. VI. 35.  
 Stapedem toto ambitu intrinsecus sulcatum esse, quis Veterum noverit. ibid. 36.  
 Basim Stapedis esse sinuatam, qui Veterum cognoverint. ibid.  
 Morgagni Epistola Anatomica.  
 Et qui a lateribus nominere. VI. 37.  
 Prominet magis in agnis, ut agnis. ibid.  
 A qua facie magis promineat: & de ejus figura quædam, a Valsalva eadem delineata. ibid.  
 Basim eandem esse porosam, qui olim docuerint. VI. 38.  
 Quid de hac re habendum. ibid.  
 Stapedis in fœtu varietates. VI. 48.  
 Stapedis Membrana a quo olim peculiarare cognita. VI. 39.  
 Qualis, & quotuplex sit. ibid. 39. 40.  
 Quomodo imposita. ibid. 40.  
 Ejus vasa sanguifera. ibid.  
 De quodam ejus usu quis primus mentionem injecerit; de eoque quid habendum. VI. 40.  
 Membranam alligantem Basim Stapedis ad Fenestram Ovale qui Veterum norint. VI. 41.  
 Stapedis Musculus quibus Veterum in bestiis, & hominibus cognitus. VI. 42. 43.  
 Quo inferatur, & qua directione; & quorsum moveat, & cur. ibid. 43. & seqq.  
 Ubi situs sit. VI. 44.  
 Stapedis motus levissimus: & causæ errandi in utramque partem. VI. 40. 41.  
 Staphylopharyngæus musculus. Vid. Pharyngis Musculi.  
 Stenonius invenit glandulas Meatus Audit. IV. 9.  
 Stephani Car. lapsus. XV. 65. XVII. 17. 20.  
 Sternutatoria in aurium morbis qua via, & quomodo, & quid agant. VII. 14.  
 Quid in incitando cordis motu. XV. 54.  
 Stokausen Frid. V Vilh. laudatus. IV. 7. V. 14.  
 Styloglossus musculus. Vid. Lingua.  
 Stylohyoidæus musculus. Vid. Hyoides.  
 Stylopharyngæus musculus. Vid. Pharyngis Musculi.  
 Subclaviæ glandulæ quibus ante nostra tempora cognita. IX. 25.  
 Observatæ. ibid. 26.  
 Subclaviæ venæ dextera; & sinistra quantum inter se positu, longitudine, & latitudine discrepent. XV. 38.  
 Horum discriminum causa. ibid. 36. 37.  
 Et varietatum. XV. 40.  
 Qui olim recte, aut perperam illa attenderint. ibid. 37. 38.  
 De earum Valvulis. XV. 39.  
 Succenturiati Renes. Vid. Renes Succenturiati.  
 Suffocati instar, mortui dissectio. IX. 10.  
 Suffusioni, præter homines, non solum capræ, sed & equi, oves, sues, canes, boves &c. obnoxii sunt. XVIII. 16. XIX. 3.  
 Suffusionem, consummatam intra brevissimum tempus, qui viderint, & qui secus ac dicuntur, non viderint. XIX. 15.  
 In judicanda extrinsecus sede, & natura Suffusionis imponere facile possunt fallaces similitudines. XVIII. 19. 23. 34. XIX. 5.  
 Quod observatione confirmatur. XVIII. 22.  
 de Suffusionis sede in priore, an in posteriore Camera Aquei humoris statuenda, Veterum dissidia. XIX. 1. 4.  
 Rationes etiam tum usitatæ utrique dissidentium parti. ibid. 1.  
 Qui olim in utralibet Camera ponerent. ib. 2. 3. 4.  
 Qui ut plurimum in posteriore. ibid. 4.  
 Quam raro solidior Suffusio inventa sit in Camera anteriore. XIX. 2.  
 Qui in hac, vel utralibet ponebant, unde potuerint decipi, notabili exemplo ostenditur. ibid. 5.  
 Suffusiones Membranæ. Rationes cur non videantur admittendæ. XIX. 1. 6. 10. 12. 17. & seqq. & 28.  
 Ita iis rationibus fit satis, ut aliquas saltem Membranæ, aut Membraniformes Suffusiones admittendas esse, ostendatur. XIX. 6. 7. 9. 10. & seqq. 17. & seqq. & 23. 24. 28.  
 Et si hæc non sunt negandæ; sunt tamen perraræ habendæ. XVIII. 13. XIX. 8. 10.  
 Membranæ Suffusiones, & insanabiles num Suffusiones non sint vocandæ. XVIII. 12.  
 Num aliud non sint illæ, nisi tunica Crystallini. ibid. 20.  
 Membraniformium Suffusionum signum proponitur. XIX. 25.



- Sitne aliqua ratio ipsas der- nendi sine magnis no-  
xis, inquiritur. *ibid.* 23. 24.  
A quibus olim fuerit ;cata. *ibid.* 24.  
Num ea male cesserit fabricio ab Aquapendente .  
*ibid.*  
Acus cannulata Suffusionem exsugendam a qui-  
bus olim exgitata. *XIX.* 26.  
Inutilis, & ;nnosa, ratione, & experimentis de-  
prehensa . *ibid.*  
Alia ad tractionem Instrumenta, pariter inutilia,  
& ;nnosa. *ibid.*  
Qui simi olim putarint, Suffusionem extrahi pos-  
se. *XIX.* 27.  
Nam unquam reapse extracta fuerit. *ibid.*  
Suffusionis sedem in CrySTALLINO num Veteres collo-  
carent. *XVIII.* 8.  
Quarrens, an Lasnierus primus omnium id docue-  
rit. *ibid.* 9.  
A quo tamen videantur potuisse ad id excitari .  
*XIX.* 22.  
Ab eo tempore ad finem usque sæculi XVII. quam  
multi Auctores, & quam celebres, id memora-  
verint. *XVIII.* 9. 10.  
Qui tandem plenius confirmaverint. *ibid.* 10. 12.  
13.  
Plerumque id verum est. *ibid.* 12. 13. 14. 28. 29.  
Peculiari observatione comprobatur. *ibid.* 22.  
In Suffusione num CrySTALLINUS esse debeat non du-  
rior. *XVIII.* 27. 28. 29.  
Cur durior, & minor. *ibid.* 28.  
Raro glaucus. *ibid.*  
Rarius flammeus. *ibid.* 29.  
Alii colores, unde variæ prognoses. *ibid.* 33. 34.  
41.  
Suffusionum, sive opacitatis CrySTALLINI tria quasi ge-  
nera. *XVIII.* 14.  
Substantiam ipsam CrySTALLINI ætate, coctione, se-  
ctione, congelatione, &c. opacam fieri, qui an-  
tea scripserint. *ibid.* 15.  
Plurimum causarum internarum, externarumque eam  
opacam efficientium, enumeratio, & explicatio .  
*ibid.* 15. & seqq.  
Quatenus verum sit, id accidere CrySTALLINO in ocu-  
lo diutius asservato. *XIX.* 15.  
Opacitas ejus potest cum fluiditate conjungi. *XVIII.*  
17.  
Cataractæ Lactæ duplex genus. *ibid.*  
Primi nova observatio, & secundi. *ibid.*  
Quomodo primum post curationem redire possit .  
*ibid.* 24.  
Opacitas potest partem dumtaxat substantiæ Cry-  
STALLINI occupare. *XVIII.* 18.  
Eamque aut intimam, ut in Suis Suffusione obser-  
vatum. *ibid.*  
Aut exteriorem, ut in aliquot senioribus hominibus  
visum, *ibid.*  
In vitulini CrySTALLINI exsiccatione opacitas incepit  
a centro, indeque perrexit in totum. *ibid.*  
Qui fiat, ut opacus CrySTALLINUS sæpe a suis nexi-  
bus solvi, deprimique facile possit, & sine noxis.  
*XIX.* 12. & seqq.  
Num semper id liceat discissa tantum a tergo ejus  
tunica. *ibid.* 14.  
Cur nemo ante Fabricium ab Aquapend. animad-  
verterit, in communi Operatione qua Suffusio-  
nes deponuntur, necessario acum in CrySTALLINUM  
agere. *ibid.* 21.  
Experimenta in sanis etiam oculis mortuorum,  
idem confirmarunt. *ibid.* 22.  
Eadem vel olim tentata. *ibid.* 23.  
Qualis CrySTALLINUS in Suffusione humanor. oculor.  
inventus. *XVIII.* 22. 29.  
Qualis in oculi canini. *ibid.* 28. 29.  
Qualis in leporini. *ibid.* 28.  
Suffusione tunicam dumtaxat CrySTALLINI opacam fieri,  
qui olim docuerint. *XVIII.* 19.  
Et qui nunc suis observationibus interdum confir-  
marint. *ibid.*  
Num illa opaca non sit revera, sed tantum videat-  
ur ob adhærentes opacas CrySTALLINI particulas .  
*ibid.* 20. 21.  
Videri tamen aliquando opacam, cum per se non  
sit, observatione confirmatur. *ibid.* 23.  
Unde sit materia, quæ tunc adhærendo opacam  
facit, & absterfa, iterum opacam facit, inquiri-  
tur. *ibid.* 24. 25.  
Suffusione & tunicam, & substantiam simul CrySTALLI-  
ni opacas reddi, qui interdum observaverint .  
*XVIII.* 20.  
Suffusionis veræ Appendiculæ & Exerescentiæ unde  
possint repeti. *ibid.* 19.  
Falsæ, instar albarum, aut viridium fibrarum, &  
striarum per Iridem protensarum, quid sint .  
*XIX.* 5.  
Suffusione depressa, quomodo CrySTALLINUS semel ite-  
rumque videatur interdum resurgere; nec tamen  
semper sit ipse revera qui resurgat. *XVIII.* 22.  
23. *XIX.* 11.  
CrySTALLINI intra oculum dissoluti exempla. *XVIII.*  
38. 39.  
An extra CrySTALLINUM agnoscendæ sint Suffusiones  
quædam ex mucosa materia. *ibid.* 25.  
Suffusionis in qua lux a tenebris amplius non discer-  
nebatur, feliciter tamen curatæ, rarum exem-  
plum. *XVIII.* 35.  
Cur Suffusionum maturitas a Chirurgo sit expe-  
ctanda. *XIX.* 12. 15. 16.  
Suffusiones, quibuscum Iridis immobilitas conjun-  
cta est, num omnes sint insanabiles. *ibid.* 7. 9.  
Aliis illa ex causis fieri potest, præter nervi Optici  
obstructionem, quæ cum Suffusione conjuncta sit.  
*ibid.* 9.  
Aliud tunc signum ejus obstructionis, alias propo-  
situm, indicatur, addito monito. *ibid.*  
Suffusione semel curata in uno oculo, nunquam  
aliam gigni in eodem, olim quoque a quibusdam  
animadversum. *XIX.* 10.  
Hoc tamen neque ab omnibus probatum est, &  
potest aliquando verum non esse. *ibid.* 11.  
ad Suffusionis depressionem instituta Operatio cur in  
oculis sanis, vitulorum præsertim, aliisque ejus-  
demmodi, feliciter ostendi non queat. *XIX.* 16.  
Qui olim præceperint, Suffusionem in frustra con-  
cidendam. *ibid.* 28.  
Quando id faciendum: & quæ inde commoda, aut  
incommoda. *ibid.*  
Qui & olim docuerint, si ad imum non possit, in  
quamcumque partem esse impellendam. *ibid.*  
A violentiori acus agitatione quæ oculo noxæ al-  
latæ fuerint, per anatomen observatum. *XVIII.*  
22.  
Suffusiones, via aperta per Corneæ inferiorem partem  
qui olim extraxerint. *XIX.* 1. 2.  
Quid essent eæ Suffusiones, conjicitur. *ibid.* 2.  
Quid ab ea differat Operatio, a Meryo proposita.  
*ibid.*  
Qui eadem via extrahendas Suffusiones olim, &  
postea indicaverint, etiam ex Camera postero-  
re. *ibid.*  
Qui vel olim in illiusmodi operatione dilatari posse  
innoxie pupillam, cognoverint. *ibid.*  
Qui etiam olim docuerint, posse acum, per Scle-  
roticam immisam, per pupillam trajici ad depo-  
nendam Suffusionem quæ sit in Camera antero-  
re. *ibid.*  
Surditas a membrana præter naturam in Meatu Au-  
ditorio. *V.* 2. 6.  
A membranulis innumeris, totam cavitatem Tym-  
pani occupantibus. *V.* 26.  
Non necessario sequitur Membrana Tympani ru-  
pturam. *XIII.* 11. & seqq.  
In Acutis morbis observata ab aqua, in Tympano  
redundante. *VII.* 6. 20.  
Post Acutos morbos a resitante materia in Meatu  
Auditorio, curata. *XIII.* 3.  
A nativitate, soluta a natura per aquæ ex auribus  
eruptionem. explicata. *VII.* 6.  
Surditatis causæ an a Tympano extorsum, an in-  
trorsum positæ diagnosis ex facili experimento, a  
Capivaccio ante Schelhammerum proposita. *VII.* 9.  
Hujus diagnosis utilitas in suscipienda præsertim  
curatione chirurgica Surditatis ab obstructione  
Meatus Auditorii. *ibid.*  
De hac chirurgica curatione quædam. *XIII.* 3.  
Syden-



Sydenhamii lapsus. XV. 53.  
 Sylvius Jac. tria Coli Ligamenta primus indicavit. XIV. 7.  
 Num Eustachianam Valvulam noverit. XV. 25.  
 Ex eo quædam non probata. IX. 31. XIV. 23.  
 XV. 7.  
 Syndesmopharyngæus musculus. Vid. Pharyngis Musculi.

## T

**T** Abidi dissectio. IX. 10.  
 Talpæ Partes quædam observatæ. Vid. Intestina. Renes Succent.  
 Quædam non inventæ. Vid. Appendicula. Cæcum intestin.  
 Sauvryi opinio quædam non probata. XIV. 30.  
 Teichmeyerus Herm. Frid. Prof. Jenens. laudatus. XX. 35. 44.  
 Temporis dolor immanis quomodo sublatus. XIII. 7.  
 Tendinum prope insertionem ossificatio utilis. VI. 43.  
 Testiculi quibus Veterum glandulæ crediti. III. 31.  
 In testudinee aquatica, & vipera observati. XX. 16. 30.  
 In gallo Indico, & nostrate. ibid. 27. 28.  
 In gallo Africano. ibid. 15.  
 In hirundine. ibid. 29.  
 Alter testiculorum in mure quodam deficiens. XX. 23.  
 Testudinis Marinæ Tuba Eustach. observata. Vid. Tuba Eustach.  
 Aquaticæ Testiculi observati. Vid. Testiculi.  
 Thebesius Adam. Christian. Med. Sil. laudatus. XV. 6. 10.  
 Theodoretus Episcopus num venarum Valvulas memoraverit. XV. 63.  
 Ejus loci de Venis interpretatio. ibid.  
 Thoracicus Ductus Avibus deest. IX. 28.  
 Thymus frustra in Avibus quæsitus. ibid. 27. 28.  
 Quid ipsum posset in iis mentiri. ibid. 27.  
 Ejus usus qui probandi, & qui improbandi. ibid. 28.  
 Thymus. Vid. Fœtus.  
 Thyroidæa glandula quibus Veterum primum cognita. IX. 30.  
 Quo primum tempore sic vocata. ibid. 31.  
 Vera ejus sedes. ibid. 32.  
 Errores circa hanc. ibid.  
 Hanc in Bronchotomia scire juvat. ibid. 33.  
 Quibus musculis Thyroidæa subjiciatur. ib.  
 Cui parti arctissime in ove, & bove annectatur. ibid. 34.  
 Thyroidæa perraro duplex in homine. IX. 30.  
 Ejus figuræ varietates. ibid.  
 Quibus illa in bestiis duplex, aut simplex. ibid.  
 Ejus lthmi in hominibus, & quibusdam bestiis varietates. ibid.  
 Lobus alter in duos nonnunquam divisus. ibid.  
 Appendix, etsi haud raro musculosa videtur, glandulosa est. III. 32. IX. 34. 39.  
 Hujus in ortu, sede, numero, magnitudine varietates. IX. 34. & seqq.  
 Defectus nonnunquam. ibid. 34. 36.  
 Thyroidæa qualis in bove. IX. 30. 34. 37.  
 Qualis in cane. ibid. 30. 37.  
 Qualis in vervece, lepore, fele, erinaceo, mure. ibid. 30.  
 Ejus structura intima illustrata. ibid. 38.  
 Thyroidæa num Vermium sit ovarium. ibid.  
 Num secundum naturam cavernosa sit, & crepitet inter disseccandum. ibid.  
 Num secundum naturam exsucca & arida sit, ideoque non glandula. IX. 37.  
 Ejus saccus a Falloppio primum descriptus. ibid.  
 Qualis, quantusque in homine, & bestiis. ibid.  
 Qualis in morbofa Thyroidæa. IX. 38.  
 Ductus multifariam, pluribusque in locis, sed frustra semper, quæsitus. IX. 34. & seqq.

Artetiæ num solum a Bronchiali. ibid. 37.  
 Thyroidæa morbi varii, variæque Bronchoceles causæ per anatomen observatæ. IX. 38. 39.  
 Ex his conjectura de Thyroidæa usu quomodo confirmari posset, aut indubium vocari. ibid. 40.  
 Ossea corpora intra ipsam inventa. ibid. 39.  
 Tumor in mulieribus sæpius, quam in viris, & cur. ibid. 40.  
 Si mulieribus hæc glandula secundum naturam major est; cur sit, inquiritur. ibid.  
 Thyropharyngæus musculus. Vid. Pharyngis Musculi.  
 Tincæ Partes quædam observatæ. Vid. Aortæ Initium, & Sinus.  
 Tomasini Jac. Phil. hallucinatio. VI. 12.  
 Tonsillæ duæ sunt, non una. IX. 15.  
 Num singulæ sint in plures divisæ. ibid. 15. 16.  
 17.  
 Fissuræ, foraminum, sinuum varietates. IX. 16.  
 18.  
 Quales in cane Tonsillæ. ibid. 16. 19.  
 Quales in vervece, sue, bove. ibid. 16.  
 Earum foramina qui primi animadverterint, & delineaverint. IX. 18.  
 Cur tot, & tanta sint. ibid. 20.  
 Horum morbofa oblitteratio. ibid. 18.  
 Humor cur crassior, & mucosus. ibid. 20.  
 Tonsillarum Valvulæ, quæ etiam in cane, harumque usus. IX. 19.  
 Trachæ arteriæ, quod ad œsophagum attinet, situs. Vid. Œsophagus.  
 Caput. Vid. Larynx.  
 Trunci cartilaginee num œsophagi gratia sint imperfectæ. XI. 49.  
 Quales in anate, & anser. ibid.  
 Rami. Vid. Bronchia.  
 Tragus. Vid. Auricula.  
 Trevvius Christoph. Jac. R. P. Norimb. Phys. Ord. laudatus Præfat. n. 9. & Epist. III. 23. V. 8. 9.  
 Tuba Eustachiana, Aristoteli nota. VII. 9.  
 Num Cello nota. ibid.  
 Cur fero fuerit restituta. VII. 19.  
 Cur diu confusa fuerit cum Aquæductu Falloppii. VII. 10.  
 Num omnib. animalib. data. ibid. 19.  
 Totius Tubæ delineationes primæ. ibid. 10.  
 Ejus pars ossea a Vesalio descripta, & delineata. ibid. 9. 10.  
 Ullac aerem ex ore in Tympanum transire, Vesalio notum. VII. 9.  
 Pars cartilaginea, & membranacea: aliaque, addita ab Eustachio. ibid. 11.  
 Tuba cui parti respondeat Tympani. ibid. 17.  
 Procedendo antrorsum descendit. ibid.  
 Quo conversa in marina testudine. VII. 19.  
 Qui male posuerint, & qui recte negaverint Tubæ valvulam. VII. 14.  
 Tubæ latus exterius, aliquanto longius altero. ibid. 19.  
 Tubæ pars ossea nullo modo est in osse Sphenoide. VII. 12.  
 Partis osseæ interna facies qualis. ibid.  
 In extrema externa Parte ossea Processus caute attendendus. VII. 27.  
 Ad hunc lamina ossea ab Styloidis sede producta. ibid.  
 Tubæ pars cartilaginea superiora tenet. VII. 12.  
 Tubæ orificium num delineaverit Fabricius ab Aquapend. ibid. 10.  
 Hoc quale in homine, & cur. VII. 19.  
 Quale in cane. ibid.  
 Quid faciat, ne deglutita se in illud conjiciant. VII. 25.  
 Tubæ orificii prominentia qualis, & ubi. ibid. 13.  
 Tuba an semper pateat. VII. 20.  
 An ejusd. oclusio surditatem illico inducat. ibid. 16. 19.  
 Quomodo id possit non difficili experimento investigari. VII. 20.  
 Tubæ Eustach. usus plures. ibid. 16. & seqq.  
 Horum quibusdam quæ adversari videri possint.



sint. VII. 18. & seqq.  
 Et quæ subservire. ibid. 25.  
 Per Tubam, recrementa ex cerebro evacuari, nova opinio non est. VII. 6.  
 Num per Tubam explicandum experimentum surdi, arreptam dentibus citharam audientis. ibid. 9.  
 Tubæ Eustach. in medicina facienda utilitas multiplex. VII. 14. 15. 20.  
 Tubæ obstructionis noxæ; & quoddam signum. ibid. 20.  
 Operationis cujusd. tunc propositæ consideratio. V. 25. VII. 20.  
 Tubæ Musculus Novus. Vid. Uvulæ Musculi.  
 Tulpii observatio explicata. VII. 18.  
 Ejusd. hallucinatio. ibid. 10.  
 Tumor ad cervicem infantis, caput superans, & cum cranii cavo communicans. XX. 57.  
 Tumores Cystici. Vid. Palpebræ.  
 Sanguinei. Vid. Sanguinei.  
 Turturis vas semen deferens observatum. Vid. Semen deferens vas.  
 Tympani cavitatis situs. V. 22.  
 Ipsa est una ex majoribus cellis ossis Temporum. VI. 5.  
 Ejus usus. ibid.  
 Ejus parietum inæqualitates. V. 19. VII. 5. Vid. & Cochleæ Tuber.  
 Et Sinus. VII. 3. & seqq.  
 Fenestræ. Vid. Fenestræ.  
 Nova Valsalvæ Foramina confirmantur vel in adultis. VII. 5. 6.  
 Non apparent tamen in omnibus; ideoque ad res, secundum naturam omnib. communes, non inserviunt. ibid. 8.  
 Eorum usus in rebus præter naturam explicandis defensus, & confirmatus. VII. 6. 7.  
 Idem coarctatus. ibid. 8.  
 In cavitate Tympani redundantis in recens natis humoris utilitas. V. 6.  
 Num materia purulenta in foetibus plena sit, & unde ea repetenda. VII. 15.  
 Num in adultis. ibid. 16.  
 Cavitationem Tympani convestientis membranæ origo, Veteribus nota. IV. 11.  
 Hujus membranæ crebra vasa. ibid.  
 Hæc vasa unde, & quo. VII. 29.  
 Vel diu post mortem cum ea membrana quomodo observari possint. XII. 57.  
 De membrana intra Tympanum Transversali quid sit habendum. V. 20.  
 Quid de aliis membranulis. XIII. 9. 10.  
 Tympani Membranæ Annulus, hujusque interruptio; sulcus, tubera, lingulæ, & noduli quibus Veterum cognita. V. 20. 21.  
 Annuli ejusque lingularum, & sulci observationes. ibid. 21.  
 Ejus, & Membranæ Tympani situs qualis in foetibus, & qualis in natis, ejusque utilitates. V. 22.  
 Membrana Tympani num sit siccissima. ibid. 19.  
 Quot ex laminis, & unde profectis, constet. V. 1. 6. & seqq.  
 Duas esse, qui olim noverint. V. 12.  
 Harum veras origines qui Veteres cognoverint. ibid. 11.  
 Additum ipsi exterius in foetu integumentum. V. 1. 5. 6. 7. 10.  
 Distinguendum a Cuticulæ expansione. V. 7. 8.  
 Quando illud sit præter naturam. VI. 2.  
 Ejusdem utilitates. V. 4. 6.  
 Causa minus præcipua, ob quam natis excidat. V. 4.  
 Unde, & quomodo fiat, & excidat. V. 5. 8.  
 Quis primus ipsum agnoverit, & delineaverit. V. 2.  
 Membranæ Tympani figuram exterius cavam, & hujus causas efficientem, & finalem qui Veterum noverint. V. 20.  
 Quomodo illa, & cur tendatur. VI. 45. XIII. 10.  
 Foramen Rivini num in ea agnoscendum. V. 13. & seqq.  
 Agniti, quinam usus rejiciendi, & quinam ponendi.

di. V. 19.  
 Fissura, Glaferi dicta, num ad Tympani Membranam sit agnoscenda. V. 16. 17.  
 A quonam ante Glaferum posita. V. 16.  
 Tympani Membrana perrupta, necesse non est, auditum perire. XIII. 12. 13.  
 Quinam id olim adnotaverint. ibid. 11.  
 Perrumpi potest, nulla ferme alia re læsa. ibid. 13.  
 Perrupta sanari perfecte potest. XIII. 12. 13.  
 Errores circa hæc, & unde orti. ibid. 11. 13.  
 Experimenta hos convincentia. ibid. 12.  
 Non esse hanc Membranam immediatum auditus organum, confirmatur. ibid. 13.  
 Tympani Chorda a quibus olim recte, & a quibus perperam agnita, & picta. VII. 30. 33.  
 Ipsam in bestiis deesse, falsum. ibid. 31.  
 Quid sit, & quo tendat. ibid. 30.  
 De ejus origine triplex probabilis sententia. ibid.  
 Qua eat. VII. 31. 32.  
 Num ut in bove, sic in homine ramum det Majoris Processus Mallei Musculo. ibid. 31.  
 Usus quidam, cum plerorumq. refutatione. ibid.  
 Tympani Officulorum situs. V. 22. VI. 47.  
 Periosteum unde. VI. 30. 46.  
 A quibus negatum, & a quo inventum. VI. 47.  
 Quale, & ejus vasa sanguifera. VI. 46.  
 Quinam hic Periosteum usus. ibid. 47.  
 Officula num sint ad juncturas cartilagine incrustata: & qui Veterum id tradiderint. VI. 46.  
 Eorum Ligamenta quibus Veterum nota; & unde. ibid.  
 De Officulorum usibus. VII. 5. XIII. 8. & seqq.  
 Universa, simul esse mobilia, quis primus observaverit. XIII. 9.  
 Eorum motus levissimus; & causæ errandi in utramq. partem. VI. 41.  
 Eorum motus utilitas quæ. VI. 45. XIII. 10.  
 A quo primum is cum motu Ciliarium Processuum comparatus. VI. 45.  
 Officula cur plura, & talia creata esse videantur. XIII. 10.  
 Qui primi ipsis usum tribuerint transferendi sonos. ibid. 8.  
 Quid huic opinioni faveat. ibid. 9.  
 Qui primi cognoverint, necessaria Officula fuisse, ne insertis in Membranam Tympani Musculis, hæc disrumperetur. XIII. 10.  
 Tympani Officula sunt paulo minora in recens natis, quam in adultis, & quæ potissimum. VI. 48.  
 Cava intus inventa in foetu; non in adulto. ibid. 49.  
 In catulo recens nato mollia inventa. VI. 50.  
 Quænam in Pico. ibid. 29.  
 Erosioni sunt obnoxia. VI. 47.  
 An, & unde, & ubi potissimum luxari, & luxata restitui queant. VII. 14.  
 Officula, præter quatuor vulgata, num in homine agnoscenda. VI. 4. 43.  
 Officuli Quarti nomen æquivocum. VI. 4. 5. 32.  
 Tympani Officula singula, suis cum Musculis. Vid. suis locis.

## V

Vallisnerius Ant. Prof. olim Primar. Patav. laudatus. III. 9. XIV. 46. 53. XX. 49.  
 Vallisnerius Ant. fil. Prof. Patav. laudatus. XIV. 53.  
 Valsalva Ant. M. Prof. olim Bonon. De ejus Tractu Cl. Virorum judicia. III. 1.  
 Primus omnium tres Mallei Musculos conjunctim proposuit. VI. 19.  
 Membranam Tympani perruptam sanari posse, primus deprehendit. XIII. 12.  
 Suspensam in Vestibulo Membranam invenit. XII. 52.  
 In dimensionibus, & figura partium Auris proponendis insignis. ibid. 8. 9.  
 In



- In Iconibus perspicuus. IV. 1.  
 Primus qui una in aure hujus omnes præcipuas partes simul præparavit. XIII. 32.  
 Primus qui una, aut altera Icone universas illas partes perspicue ostendit. ibid.  
 Novam observandæ Pharyngis rationem proposuit. XI. 46.  
 Et pingendæ. ibid. 47.  
 In novis Musculis proponendis moderatus. IV. 8.  
 Quænam, a Covvpero in Pharynge omissa addiderit. XI. 36.  
 Plura quæ sibi in Pharynge objecta sunt, ante alios scivit. IX. 1. XI. 46.  
 Hemiplexiæ causam internam in opposito esse hemisphærio cerebri, adversus dissentientes, longa observationum certarum serie primus docuit. XIII. 22.  
 De Aortæ Sinibus primus mentionem fecit. XV. 4. 5.  
 In Chirurgicis Operibus excelluit. XIII. 13.  
 Experimentum ab ipso excogitatum. IX. 10.  
 Experimenta alia. XIII. 12. 27. & seqq. 36. 37.  
 Observationes ab ipso habitæ. III. 6. 7. 8. 9. 10. 11. IV. 12. 13. 29. 30. 50. VII. 6. 19. 29. 31. IX. 6. 12. 18. 23. 25. 28. 35. X. 3. 14. 16. 18. 19. XI. 1. 4. 5. 17. 25. 29. 32. 34. 35. 39. 44. XII. 54. XIII. 2. 3. 4. 19. XIV. 1. 2. 3. XV. 1. 2. XVI. 1. 34. 10. 16. 18. 24. 27. 30. 37. 42. 49. 58. XVII. 1. 4. 25. 36. 42. XVIII. 3. 5. 26. 29. XIX. 13. 16. 22. XX. 14. 15. 16. 17. 18. 19. 20. 21. 23. 24.  
 Animadversiones ab ipso habitæ. IV. 1. 12. V. 19. 21. VI. 4. 26. 32. VII. 6. 21. 31. IX. 35. X. 5. 8. XI. 5. XII. 7. XIII. 1. 5. XV. 1. XVI. 42. XVII. 1. 4. 42. XVIII. 5. 7. 15. XIX. 1. 21. XX. 14. 22. 23. 24. 67.  
 Valsalva defensus in Glandulis Sebaceis. III. 2. & seqq.  
 In Vesiculari Glandularum structura. ibid. 5. & seqq.  
 In Auris Figuris. IV. 1.  
 In Muscul. Auriculæ Inventore. IV. 5.  
 In Anteriore Auriculæ Musculo. ibid. 6.  
 In Musculis Tragi, & Antitrangi. IV. 7. 8.  
 In fibris carneis Conchæ. IV. 8.  
 In Musculis Helicis, & Meatus Auditorii non agnoscendis. ibid. 8. 10.  
 In Ligamento Auriculæ anteriori. ibid. 9.  
 In Meatus Auditorii Incisuris. IV. 10.  
 In Dura Portione nervi Auditorii per faciem &c. ibid. 12.  
 In Membrana Tympani. V. 1. 11.  
 In Rivini Foramine. V. 18.  
 In Tympani, & Officulorum, & Fenestrarum situ. V. 22.  
 In Figuris, quas dicitur omisisse. ibid.  
 In Ufu Sinuositatis Mastoid. V. 23.  
 In Mallei, & Incudis Inventoribus. VI. 1. 3.  
 In Officulorum numero. VI. 4. 6.  
 In Mallei Processibus, & horum nominibus. ibid. 10.  
 In omissa Processus Minimi longitudine. VI. 14. 15. 16.  
 In Mallei Musculorum nominibus. ibid. 19. 20.  
 In origine Musculi Processus Maj. Mallei. VI. 21.  
 In ejusd. trochleæ, & tendinis curvatura. ibid. 22.  
 In ejusd. Musculi usu. VI. 22. 23.  
 In Musculo Processus Minoris. Ibid. 26. 27.  
 In Musculo Processus Minimi. ibid. 27.  
 In Officulo Orbiculari dicto. VI. 32.  
 In Officulorum Tympani infantis magnitudine. ibid. 48.  
 In Novis Tympani Foraminibus, eorumque Ufibus quibuscumque. VII. 5. 6. 7. 8.  
 In delineatione Tubæ Eustach. ibid. 13. 17.  
 In præcipuo ejusd. usu. VII. 16.  
 In Musculo Tubæ Novo. VII. 21. 23. 24. 25. 26. 28.  
 In ejusdem Musculi usibus. ibid. 22. 25. 26.  
 In Chordæ Tympani delineatione. VII. 33.  
 In Tonsillarum delineatione. IX. 18.  
 In Uvulæ nomine exossi etiam palati parti tribuendo. ibid. 7. 8.  
 In illius Musculorum numero, & appellationibus. IX. 8. X. 18.  
 In Musculo Salpingostaphylino. X. 2. 6. 7.  
 In Glossostaphylino. ibid. 9. 12.  
 In Pharyngostaphylino. X. 13. 15. 18.  
 In Pharyngis delineatione. XI. 16.  
 In divisione Musculorum Pharyngis. ibid. 28. 29. 30.  
 In Musculo Hyopharyngæo. XI. 13. 14. 17.  
 In Glossopharyngæo. ibid. 14.  
 In Thyropharyngæo. ibid. 21.  
 In Pterygopharyngæo. ibid. 35.  
 In Mylopharyngæo. ibid. 45.  
 In Vestibuli situ. XII. 5.  
 In Canaliculis Semicircularium nominibus. ibid. 8.  
 In Sclarum Cochleæ situ. ibid. 12.  
 In furculo ex Dura Portione Auditoria intra cranium redeunte. XII. 35.  
 In vasorum sanguiferorum Labyrinthi viis. ibid. 60.  
 In magnitudine Labyrinthi infantum, & adultorum. ibid. 63.  
 Adversus Vieussensii criminationes. XII. 50. 51.  
 In cysticis tumoribus palpebrarum, his inversis, excindendis. XIII. 2.  
 In iis quæ habet de Antitrangi unctione in Odontalgia. ibid. 6.  
 Adversus illos qui ejus sententiæ de usu Officulorum Tympani, Fabricium ab Aquapendentē faciunt auctorem. XIII. 8.  
 Adversus illos qui quod ipse docuit de sede causæ Hemiplexiæ, plerisque aliis commune fuisse, crediderunt. XIII. 14. & seqq. & 22.  
 Adversus illos qui credunt, idem illius, ac Galeni, in ligandis nervis fuisse experimentum. XIII. 35.  
 In vita plures ad dies in iis canibus observata, quibus nervi cordis in collo amputati fuerant. ibid. 47.  
 In præstantia earum Figurarum, quibus præcipuas Auris totius Partes simul omnes ostendit. XIII. 52. 53.  
 Valverdi lapsus. XVI. 15. XVII. 17. 18.  
 Valvulæ. Vid. Venarum. Aortæ. Pulmonaris arteriæ. Ovalis Foraminis. Venarum Azyg. Coronariæ, Cruralis, Hepat. Jugularis internæ. Subclaviæ.  
 Varietates structurarum secundum naturam, adnotandæ, & cur. Præfat. n. 11. & Epist. XV. 22. 23.  
 Varioli piscis Partes, quædam observatæ. Vid. Aortæ initium. Oculi. Oculi Tunica Sclerotica.  
 Varolii nonnulla non probata. VI. 33. 48. XI. 31. XVII. 17.  
 Vasorum Magnorum in Ventre mutata sedes observata. XX. 15.  
 Ad vasorum majorum bifurcationes, corpusculum intus extans. XV. 33.  
 Vaterus Abr. Prof. Vitemberg. laudatus. III. 25. IX. 19. 20. XVIII. 40.  
 Vaterus Christian. Prof. Vitemb. laudatus. XVIII. 13. XIX. 7.  
 Venæ. Vid. Pulmonaris. Cava. Azygos. Subclaviæ. Jugulares Internæ. Occipitales. Coronariæ. Hepaticæ. Atrabiliaræ. Crurales.  
 Venarum Valvulæ num sæculo V. fuerint a Theodoro commemoratæ. XV. 63.  
 An earum quasdam Cananus, aliive viderint ante Fabricium ab Aquapend. XV. 64. 65. 67.  
 Quasnam Fabricius invenerit. ibid. 67.  
 Num eas didicerit a Sarpio. ibid. 68. 69.  
 Earum varietates. XV. 70.  
 Venarum Valvulæ qua vi adjuvent sanguinis motum. XV. 39.  
 Aggeribus, & horum utilitate non carent. ibid.  
 Facilis earum indagandi modus. XV. 40.  
 Quædam ab ortu ipso distortæ observatæ. XV. 39. cum



- cum Vena rupta communicantes Tumores quales . XIII. 4.
- Veneti Anatomici Theatri institutio. VI. 12.
- Vercelloni lapsus. IX. 30.
- Verheyenii defensio. XI. 51. 52.
- Lapsus. VI. 32. IX. 23. 24. XI. 47. XIV. 34. XV. 21. 23. XVI. 15. XX. 10. 53.
- Vermium ovarium non est Thyroidæa glandula. IX. 38.
- Nec Dorsales. ibid. 42. 44. 45.
- Nidus in quo nascantur, & adolescant num sit Appendicula Vermiformis. Vid. Appendicula Vermis.
- In fœtibus non inventi Vermes. XIV. 58.
- Vermes Teretes num initio cauda sunt capillari. XIV. 43. 58.
- Vermes Lati sintne simplices, an multiplices vermes. ibid. 46. & seqq.
- Modi, & cautelæ in ipsiis examinandis. XIV. 48. 49. 51.
- Lati ex piscium intestinis, observati, & examinati. ibid. 45. 51. 52. 57.
- Bilem non fugere videntur, sed sequi. ibid. 45.
- Ex gallinæ intestinis, examinati. ibid. 54.
- Ex canum intestinis, examinati. XIV. 46. & seqq. & 55.
- Ex humanis intestinis, recogniti. ibid. 53.
- Inventi in hepate, qua illuc via pervenisse videantur. ibid. 45.
- Num alterius speciei præterea in canibus observati. XIV. 47. 48. 58.
- Vermiculi intra glanduliformia tubercula sæpissime in canum interioribus observati. IX. 44. 45. 46.
- In lupo pisce. ibid. 44.
- Vermiculi alii in Avium intestinis. Vid. Appendic. intest.
- Quidam intestina perforaverant. XIV. 44.
- Vermiculi in viperarum intestino, & ventriculo quales. IX. 57.
- Verminosum Aneurysma. Vid. Aneurysma.
- Verheyus Gv. Ios. olim Prof. Paris. & ex R. Sc. Academ. primam totius Eustachianæ Tubæ delineationem edidit. VII. 10.
- Primus Canaliculus Semicircularium orificia quinque statuit, & delineavit. XII. 3.
- Vervicis Partes quædam observatæ. XIV. 20. Vid. & Cochleæ Lamina Spiralis. Thyroidæa gland. Cavis venis interjectum tuberculum. Renes Succent.
- Vesalii defensio. XI. 31.
- Quædam minus probata. V. 11. 21. VI. 33. 36. VII. 10. IX. 61. 30. XII. 3. 13. 37. XIV. 23. 24. XV. 7. 33. 65. XVI. 15. 19. 28. 31. 36. 43. XVII. 17. 18. 20. 22.
- Veslingio qui Anatomici Patavii, & quando successerint. VI. 12.
- De ejus vita quædam. ibid.
- Ipse vascula sanguifera in Labyrintho animadvertit. XII. 60.
- Ejus defensio. VII. 33.
- Locus explicatus. IX. 42.
- Alii minus probati. VI. 18. 23. 47. VII. 10. 21. 22. X. 2. XI. 13. 23. XII. 2. 32. XVI. 36. 37. XX. 43.
- Vespertilionis Partes quædam observatæ. IV. 7. Vid. & Renes. Renes Succent.
- Quædam non inventæ. Vid. Appendic. intest.
- Vestibuli, Labyrinthi, nomen quis primus invenit. XII. 2.
- Quem situm habeat Vestibulum ad proximas quasque partes. ibid. 5.
- Ejus parietum, & in his trium Cavitationum, Hemisphæricæ, Semiovalis, & Sulciformis descriptio. ibid. 5. 48.
- Cavitas Hemisphærica non est Vieussenii Quadrivium Labyrinthi. XII. 5.
- Ejusd. Cavitationis usus inquiruntur. XIII. 48. 49.
- Et Semiovalis. ibid. 49.
- Maculæ in utraque observatæ, sunt aggeries foraminulorum. XII. 48.
- de Vestibuli orificiorum numero varii, & diuturni errores. XII. 2.
- Foramen aliud triangulare. ibid. 5. 61.
- Per quas vias filamenta Portionis Mollis nervi Auditorii, Vestibulum subeant. XII. 46. & seqq. 54.
- Num semper, & quatenus Eminentia quædam, & Fila nervea in Vestibulo inveniantur. XII. 53. 54. 61.
- Vestibuli Membrana, hoc est in Vestibulo suspensa confirmatur, & describitur. ibid. 53. 53.
- Hujus Membranæ usus inquiruntur. XIII. 49.
- Membrana, Vestibulum investiens, ejusque originis, & discrimina. XII. 54.
- Zonæ Cochleæ continuatur. ibid.
- Vestibuli sanguifera vascula, eorumque viæ. XII. 61. 62.
- Vidui quædam non probata. IV. 11. 33. VII. 21. 22. 30. 32. IX. 42. XI. 3. 46. XII. 30. 32. XV. 33. XVI. 1. 35. XVII. 18. XX. 3.
- Vieussenii Isthmus. Vid. Cavæ venæ.
- Loci explicatio. XII. 57. XIII. 40.
- Cochleæ descriptio explicata, & examinata. XII. 15. & seqq.
- Quædam minus probata. IV. 1. 3. 7. V. 20. 26. 27. VI. 22. 23. 24. 27. 32. 44. 47. VII. 4. 10. 11. 13. 30. X. 23. 28. XII. 7. 9. 15. 18. & seqq. & 40. 48. 50. 51. 59. 64. XIII. 39.
- Viperæ nonnullæ Partes observatæ. Vid. Renes. Renes Succent. Semen deferens vas. Testiculi.
- Partes quædam non inventæ. Vid. Appendicula.
- Viscerum complurium vesicularis glandulosa structura defenditur. III. 6. & seqq.
- Visus perfectioris, aut secus quædam causæ. XVII. 12.
- Visus qui Presbyt. dicitur, cur sæpius in senibus. XVIII. 26.
- Visus per intervalla amissi, & recuperati, ejusq. causæ observatio. XIII. 19.
- Aliæ ejusd. generis observationes, aliter explicatæ. XVIII. 4. 6. 7.
- Alia his rariora Visus vitia observata. ibid. 5.
- Vituli Partes nonnullæ observatæ. IV. 12. Vid. etiam Stapedis Crura. Cochleæ Scalæ, & Lamina Spiralis.
- Vulpini piscis quædam Partes observatæ. Vid. Oculi. Oculi Tunica Sclerotica, & Cornea.
- Vulpis Partes quædam observatæ. Vid. Cerebri Nates, & Testes. Oculi Tunicæ Choroidis fibræ, & vasa, Iris, Retina, Aquosi Ductus. Aortæ Sinus. Pulmonaris arteriæ Sinus. Cordis Situs ac Sedes, & Anterioris faciei Prominentia. Rectum intestinum, Colon, Appendicula, & Ileum. Renes Succent.
- Vulpus Jo. Bapt. Prof. Patav. Emeritus laudatus. IX. 17. 28. X. 20. 21. XI. 10. XVIII. 19. 22.
- Uvula, accepta pro Columella. IX. 5. 6. 7.
- Quibus, præter hominem, animalibus data. IX. 6.
- Num avibus. ibid.
- Num porcis, ovibus, canibus, bobus. ibid.
- Ex quibus particulis confietur. X. 24.
- Ejus quasi Ligamentum. IX. 5.
- In ejus propriis inquirendis usibus quæ sint attendenda. ibid. 9.
- Num, ea ablata, vox lædatur; & quid fallaciæ interdum subesse queat. ibid.
- Num, ea ablata, acri materia in Asperam arteriam delabente rabidi homines fiant; & quid in eo fallere tamen possit. IX. 10.
- Uvulæ a natura duplicis observationes. VIII. 2. X. 21.
- Arcus ad Uvulam assurgentes, quot, quales, & a quibus memorati. X. 10. 12.
- Uvula, accepta pro exosse palati parte. Vid. Palati, & IX. 7. 8. 9. X. 18.
- Uvulam qui a Pharynge non esse separandam, olim subindicaverint. IX. 2. 3.
- Valsalva id primus diserte, & utiliter docuit. ibid. 4.
- Ab Uvulæ Musculis descriptio Musculorum Pharyngis est incipienda. X. 1.
- Uvulæ Musculus Azygos, ejusque descriptio, & usus. VIII. 2.



Idem simul impugnatus ; & defensus . X. 19. 22.  
 23.  
 Quam rarissime duplex . X. 20. 21. 28. 29.  
 Unde incipiat . ibid. 25.  
 Ejus longitudo , & finis . ibid. 24. 25.  
 Non est potissimum factus ut Columellam moveat ,  
 sed ut exos palatum . X. 27.  
 Qualis in bove . VIII. 2. X. 26.  
 Qualis , & quotuplex in ove , & cane . VIII. 2.  
 X. 26.  
 In capra , & porco . X. 26.  
 Musculus Azygos alter anterior semel observatus .  
 IX. 5.  
 Uvulae Musculus Ceratostaphylinus non in omnib.  
 conspicuus . X. 19.  
 Glossostaphylinus num ante Valsalvam notus . X.  
 9. 12.  
 In bove qualis : ibid. 12.  
 Palatostaphylinus quorundam quid sit . X. 19.  
 Pharyngostaphylinus . Vid. Pharyngis Musculus  
 Staphylopharyngæus .  
 Pterygostaphylinus est idem ac sequens .  
 Uvulae Musculus , Tubæ Novus dictus , a quibus o-  
 lim utcunque indicatus , & delineatus . VII. 21.  
 24.  
 A Valsalva primum , Tubæ etiam Eustachianæ ,  
 & jure attributus . ibid. 21. 25.  
 Ejus extremi posterioris observatio . VII. 24. 26.  
 27. 28.  
 Fallacia in eo vitanda . ibid. 27.  
 Ejus extremi anterioris observatio . VII. 23.  
 Uvulam , ut Valsalva intelligebat , retrorsum , &  
 deorsum potius movet , quam contra . VII. 22.  
 23.  
 In quibus magis : ibid. 26.  
 Usus multiplex hujus motus : VII. 23.  
 Uvulae Musculus Salpingostaphylinus a quibus olim  
 utcunque indicatus . VII. 21. X. 2.  
 A quo primum Uvulae assignatus . X. 2.  
 Non a Sphenoide osse ; sed ab ossea Tubæ parte  
 oritur . VII. 27.  
 In Triangularem Expansionem definit . VIII. 3. X.  
 3. 4. 5.  
 Hujus Expansionis usus . VIII. 3.  
 Varietates quædam hujus musculi : X. 6. 7.  
 Ejusd. usus præcipui . ibid. 8.

Ufus juvandi excretionem muci per Tubam Eusta-  
 chianam . VII. 25.  
 Uvulae Musculus Thyrostaphylinus quorundam . Quid  
 de eo censendum videatur . X. 15. 18.  
 Uvulam musculos in bove non habere , falsum est .  
 X. 26.

W

W Altherus Aug. Frid. Reg. Archiat. & Prof.  
 Lips. laudatus IV. 6. V. 11. 17. VI. 17.  
 26. VII. 17. 23. 24. 30. X. 12. XI. 44. XIII.  
 11. XIV. 62. XVI. 50. 51. 52. 55.  
 Walthierius Balthas. Med. Curienf. laudatus . XVIII.  
 20.  
 Wedelius Ern. Henr. Prof. Ienenf. laudatus . VI.  
 24. XIII. 3.  
 Widmannus Jo. Guil. Med. Norimb. laudatus . IX.  
 18. 19.  
 Willisii observationes quædam , facilius explicatæ .  
 VII. 6. 7.  
 Quædam non probata . VI. 4. 6. VII. 14. 31. XII.  
 25. 45. XIII. 11. & seqq. 41. 43. 44. XVI. 5.  
 Winslowius Jac. Benig. Prof. Paris. ex Regia Scient.  
 Acad. laudatus . III. 3. 40. IV. 11. V. 6. 9. 11.  
 17. VI. 26. 27. 45. VII. 1. 4. 24. IX. 8. 13.  
 36. X. 18. XI. 11. 28. 42. 48. XII. 56. 59.  
 XIII. 20. XIV. 12. XV. 25. 39. 40. 45. 49.  
 53. 55. XVI. 8. 9. 17. 24. 30. 32. 50. 59.  
 XVII. 7. 14. 18. 23. 25. 26. 29. 36. 47. XVIII.  
 2. 3. 26. XX. 1. 5. 8. 11. 12. 37. 42. 53. 60.  
 61. 62.  
 Wium Eduard. Petr. Med. Danus laudatus . XV. 37.  
 Wolffstrigelius Laur. Prof. olim Vienn. laudatus .  
 XIV. 22.

Z

Z Anottus Franc. M. Prof. Bonon. & a secret.  
 Acad. Instit. Scient. laudatus . VII. 34. in Ad-  
 not. & XIII. 16.



V

2 1 0 1 0 7 1 3 1 7 1 7















